



XV.  
C.  
30.



*Fl. 50. 6.*











# GALLIA VINDICATA,

IN QUA

TESTIMONIIS, EXEMPLISQUE

GALLICANÆ PRÆSERTIM ECCLESIAE,  
QUÆ PRO REGALIA,

*AC QUATUOR*

PARISIENSIBUS  
PROPOSITIONIBUS

*A LUDOVICO MAIMBURGO,*

*Alijsque producta sunt,*

REFUTANTUR.

AUCTORE

EMINENTISSIMO DOMINO

COELESTINO SFONDRATI,

PRINCIPE ET ABBATE S. GALLI,

S. R. E. CARDINALE.

*EDITIO ALTERA,*

EX POSTHUMIS AUCTORIS AUTOGRAPHIS

Auctior reddita.



Ex Typographia Principali S. GALLI, per Jacobum Müller,  
Anno M. DCCII







# PRÆFATIO AD LECTOREM.



Nunc me iterum in acie protegendæ veritati accinctum ! Causam repetendi certaminis Ludovicus Maimburgus suggessit , librique recentissimè ab eo conscripti , quibus nemo veritatem pulchrioribus verbis , ac singulis ferè paginis professus est , nemo fœdavit turpioribus factis. Edidit ille ultimis vitæ suæ annis geminos libros ; unum de Privilegijs Ecclesiæ Romanæ , ac Episcoporum ; (a) alterum de Pontificatu S. Gregorij Magni. (b) Primo cùm paucis folijs Primatum Romani Pontificis ostendisset , reliquum librum evertendis ejusdem Pontificij Primatûs præcipuis fundamentis , firmandisque quatuor Conventûs Parisiensis propositionibus studiosè impendit , ut proinde vel in ipso li-

A minc

(a) *Traité historique de l'establissement, & des prærogat: de l'Eglis. de Rome 1685.* (b) *Hist. de Pontificat de S. Gregoire le Grand. An. 1686. Par Mons. Maimburg.*

## P R Æ F A T I O

mine Lectorem deluserit, privilegijs, quæ titulo promiserat, toto libro deletis. In altero, quem de Pontificatu B. Gregorij scripsit, non alium sibi finem præscripsisse videtur, quàm ut Episcopos, ipsosque Pontifices doceret Regnantium imperijs subjacere, hoc est, Pastores ab ovibus duci, & medicos animarum, non ex artis præscripto, sed ægrotantium cupiditatibus remedia parare; magnâ utique Principum gratulatione, sed majori periculo, si imperarent, non obsequerentur mendenti: quodq; in D. Gregorio aut modestia, aut indulgentia fuit, tempori ac cavendis pejoribus accommodata, id Maimburgus necessitatem ac legem fecit, perinde ac si amisso navigio, malis tabulâ Oceanum metiri, quia semel auxilio fuit naufragium passo. Ultimus hic liber fuit, quem Maimburgus in lucem emisit; nam alios paranti mors scribendi juxtâ vivendique finem indixit, & calāum jam intinctum excussit. Vixit Ludovicus Maimburgus quinquaginta ferè & quinque annos in Societate JESU, quorum triginta dicendis sacris concionibus Parisijs impendit, sexdecim verò (postquam aut ætate fessus, aut quietem



## AD LECTOREM.

tem captans, suggestu abstinuit) scribendis libris, ac præsertim Ecclesiasticæ Historiæ, confutandisque hæreticis. Et primas quidem scriptiones quod attinet, sive Gallici sermonis florem, nativâ tantum, nec quæsitâ venustate amœnum, sive copiam rerum spectes, evolvendique res arcanas, ac Lectorem edocendi facilitatem, multorum gratiam, ac etiam summi Pontificis Innocentij XI. approbationem meruere, cui librum de magno Græcorum Schismate obtulerat. Sed hanc laudem corruptit posterioribus libris; in his enim ex industria, quæsitisque minimè necessarijs digressionibus, totus est in defloranda Pontificum auctoritate, eaque aut Regibus, aut Episcopis submittendâ. Incertum adhuc est, quid causæ fuerit, quæ hunc hominem tot titulis Pontifici Romano adstrictum in Vaticanum armaverit; an Regem demerendi studium? an cum Archi-Episcopo Parisiensi amicitia, studiorumque, ut ipse fatetur, communicatio? an Genius Societatis, fortunam, ac potentiam Gallicam amplexæ? sed Pontifici offensæ, à quo tot Theologiæ suæ Moralæ capita, nec sine gemitu, parique æmulorum

## P R Æ F A T I O

gaudio configi viderat? An denique quòd libros contra hæreticos, Græcosque à se conscriptos Roma majori encomio, quàm præmio exceperat? Planè quidquid id fuit, Maimburgi scriptiones commune votum & fama damnavit; nec enim debuit intempestivis, ac minimè necessarijs quæstionibus pax inter Ecclesiam, Regnumque turbari, ac hæreticis ridendi, seque obstinandi occasio præberi, quam ex domesticis jurgijs captârunt, præsertim Pontifice tam miti, Regnumque amante, ac humanis affectibus vacuo. Sed hæc omnia aut ostentandi ingenij, aut Aulam demulcendi impetus vicit. Vetuit Roma aliquos legi Maimburgi libros, qui maximè veritatem offenderant; sed eo tanto magis calamum urgente, oblitoque quid & ipse, & Societas tota Romæ ac Religioni deberent; meruit à Pontifice Societate excludi. Jussus Generalis imperium exequi, in hæc verba decrevit: *Obsequentes jussui & mandato Sanctissimi Domini Nostri INNOCENTII XI. Patrem Ludovicum ex Societate nostra dimittimus, & pro dimisso ab omnibus habendum esse declaramus.* Hæsit tamen adhuc  
annum

## AD LECTOREM.

annum in Societate, protegente Rege: tandem excessit, sed irato ac minanti similis, & ferè qualis Hannibal ex Italia. Sic enim in Præfat. ad Historiam Calvinismi scribit: *Ainsi, n' estant plus Jesuite par l'ordre de N. S. P. & par la permission, que le Roy à donnée de l'executer; je seray de la grace de sa Majestè, tout ce, qu'il luy plaira, pour la servir avec plus d'ardeur, & de Zele, & de liberté, que jamais.*

Quæ latinè ita sonant. *Cùm ergò ex Decreto Sanctitatis Suae, Regisq; permissione executionem admittentis, Societate excesserim, nec amplius ejus institutis obstrictum me sentiam, ero deinceps, quidquid Majestati Suae placuerit, multoq; quàm hactenus, majori zelo, ardore, ac libertate ejus servitio me addicam.* Præstitit Maimburgus promissa; si enim servire Regi est bellum Ecclesiæ ac veritati inferre, nunquam Maimburgus, quàm duobus postremis libris enixius id fecit, quàm quàm majori conatu, quàm eventu. Societate egressum ampla à Rege, Parisiensi Archi-Episcopo, alijsque amicis stipendia excepère, ut mirum non sit, famam vulgâsse, post ejus mortem vices

## PRÆFATIO

millena Francorum superfuisse : ædes apud Canonicos Regulares S. Victoris delectæ. Vixit quatuor ab egressu annos ; scribentem , aliosque libros prælo parantem , inter quos , uti ferunt , unum de Schismate Anglicano , apoplexia momento absolvit. Patres Carthusiani hæredes scripti : libri ac folia inchoata Regi cessere. Tantillum temporis fluxit fruendi Principis gratiâ , quam tantis laboribus , tantaque omnium offensione , ac forsan æternâ luit poenitentiâ : ego requiem , quam vivus non habuit , defuncto precor. Scripsit Maimburgus calamo Catholicis æquè , ac Calvinistis infesto , mediam quandam viam inter utrosque molitus , quo effecit , ut odia ab utrisque mereretur ; constabat enim cum non veritati , sed Regi scribere ; si enim hujus gratiâ Pontificem , quanto magis Calvinum persequeretur ? nec Religionis causa Societates ac transactiones admittit ; impudica est , quæ thalamum dividit : Una uni , aut tota , aut nulla. Meretricis sunt illæ voces : *Nec mihi nec tibi , sed dividatur.* Quærit D. Augustinus , quæ causa Romanis fuerit , ut inter tot examina Deorum , quos

ado-

## AD LECTOREM.

adorabant, unum Deum Christianorum tot prodigijs celebrem templis suis excluſerint ? adeo ut teſte Tertulliano, (a) cùm Tiberius ad Senatum retuliſſet de Chriſto in numerum Deorum recipiendo, Senatus reſpuerit. Heſiodus triginta millia Deorum in terra eſſe cenſuit : (b) Segetes ipſas duodecim Numinibus Romani commendabant, videl: Sejæ, Segetiæ, Tutilenæ, Proſerpinæ, Nodoto, Volutinæ, Patelenæ, Hoſtilinæ, Floræ, Lacturtiæ, Matutæ, Runcinæque : & cùm domui cuſtodiendæ unus homo ſufficiat, Romani tres Deos præponebant, videlicet : Forculum foribus, Cardeam Cardini, Limentium Limini : (c) verbo, ut ſcripſit S. Leo : *Roma cùm penè omnibus dominaretur gentibus, omnium gentium ſerviebat erroribus, & magnam ſibi videbatur aſſumpſiſſe Religionem, ſi nullam reſpueret falſitatem.* (d) Cur igitur inter tot minutosq; Deos non etiam Chriſtum accepit, non minori utique dignum veneratione, quàm Forculus & Limentius, oſtiorum Dij cuſtodesque ? Reſpondet D. Auguſtinus ac-

com-

(a) Tertull. Apologet. cap. 5. & 21. (b) Eufeb. l. 5. Præparat. Evang. cap. 15. (c) S. Auguſtin. l. 4. de Civit. c. 8. (d) S. Leo Serm. 1. de SS. Apoſt. Petro & Paulo.

## P R Æ F A T I O

commodatè proposito nostro. *Socratis sententia est, unumquemque Deum sic coli oportere, quemadmodum se ipse colendum esse praeceperit : proinde ista summa necessitas facta est, non colendi Deum Hebraeorum & Christianorum ; quia si alio modo eum colere vellent, quàm se colendum ipse dixisset, non utique eum colerent, sed quod ipsi finxissent. Si autem illo modo colere vellent, quo ipse diceret, alios sibi colendos non esse cernebant, ac per hoc respuerunt unius veri Dei cultum, ne multos falsos Deos offenderent. (a) Malè ergo Religioni consuluit, qui illam obtentu pacis inter Petrum Calvinumque divisit : nec composuit, sed auxit bellum.*

Sed ferri hoc poterat, si modò Maimburgus bonâ fide scripsisset. Taceo immensas illas, perpetuasque assentationes, quibus nunc Regi suo, nunc Parisiensi Archiepiscopo effusè blanditur ; & hunc alicubi non exæquat tantum B. Gregorio, sed etiam præfert : quis fidat testi partium studia tam apertè professio ? Sed demus hoc amoris & gratitudinis in Galliæ Regem, laudes pretio reddidit ; illud saltem nulla ætas ignoscet, quòd

fin-

(a) Augustin, lib. 1. de consensu Evang.

## AD LECTOREM.

singulis ferè paginis, tantoque compulsu verborum, fidem, veritatem, candoremque professus, nihil minus tamen, quàm hæc omnia cordi habuit, quoties occasio fuit causam suam promovendi, nullâ veritatis curâ; exempla passim occurrunt, puderetq; cum mortuo luctari, nisi protegendæ veritatis necessitas urgeret; admonendique Lectoris; præsertim cum supersint adhuc vivântque libri, & istos ego, non personam confutem. Pauca libabo, ut ex fimbria pannum agnoscas. *Primò*, omnia ferè argumenta, quæ Pontificum auctoritati opponit Maimburgus, sunt illa ipsa, quæ jam dudum à Calvinistis & Lutheranis, ac præsertim Centuriatoribus producta fuerant, ac millies à Catholicis refutata. Legat cui vacat, quæ Illyricus de Translatione Imperij, & quæ Maimburgus scripsere, fatebitur nihil ab isto novi allatum esse, nec alio differre, quàm quòd iste Gallico, ille Latino sermone scripsit. Ubi ergo Maimburgus argumenta ab Illyrico contra Pontifices allata, & apud Bellarminum aut Baronium reperta ac confutata descripsit, miròque verborum triumpho auxit (vix enim alium

## P R Æ F A T I O

scriptorem reperiās, qui sua gloriosius jactet) tacet interim, supprimítque Catholicorum solutiones, ac responsa, quæ apud eosdem Auctores, iisdémque folijs legerat; quod quàm à fide, candoreque historico sit alienum, nemo non videt; quæ enim Religio, & cura veritatis, referre ab hæreticis dicta, tacere à Catholicis responsa? Sic in Historia de Imperij declinatione Baronium confutat, *miseréque à suis Amanuensibus deceptum* dicit, *quòd Collegij Electoralis Innocentium IV.* (is obiit anno 1254.) *auctorem faciat.* Id verò ut probet, duo profert testimonia, Alberti videlicet Stadenfis, & Martini Poloni. Albertus Stadenfis (is Chronicon suum à mundo condito ad annum 1250. aut 1256. perduxit) ita loquitur: *Ex praxatione Principum & consensu eligunt Imperatorem, Trevirensis, Moguntinus, Coloniensis, Palatinus, Dux Saxonie, Marchgravius de Brandenburg, Rex Bohemie non eligit, quia non est Theutonicus.* Ergo, infert Maimburgus: Collegium Electorale consensu, & *praxatione Principum*, non auctoritate Pontificum est institutum. Martini Poloni (qui anno 1278. aut 1279. dum

pos-



## AD LECTOREM.

possessionem Archiepiscopatus Gnesnensis adiret, in itinere extinctus est) sunt hæc verba: *Et licet isti tres Ottones per successionem generis regnaverint, tamen postea fuit institutum, ut per Officiales Imperij Imperator eligeretur, qui sunt septem, videlicet, Moguntinus, Trevirensis, Coloniensis, Brandenburgensis, Palatinus, Dux Saxonie, Rex Bohemia.* Ex verbis illis Poloni: *Postea fuit institutum, ut per Officiales Imperij Imperator eligeretur, &c.* concludit Maimburgus, immediate post Ottonem III. hoc est, anno 1002. vel dum is Romanam profectus esset, hoc est, anno 996. Collegium Septemvirale institutum esse, non ergo sub Innocentio IV. & in primo Lugdunensi Concilio, hoc est, anno 1245.

Utramque objectionem apud Baronium ad annum 996. n. 67. & 69. Maimburgus legerat, (nam Baronium citat, refutatque) ijsq; tanquam argumentis suis utitur impugnandæ Pontificum auctoritati: tacet tamen, dissimulatque solutiones à Baronio solidè adhibitas, videlicet: licet in Concilio Lugdunensi I. sub Innocentio III. Electores designati fuerint Archiepiscopus Salisbur-

## P R Æ F A T I O

gensis & Duces Austriæ, Bavarix, Brabantixque, Principum tamen consensu, & accedente Pontificum, sive Innocentij IV. sive Alexandri IV. auctoritate, successisse Ducem Saxonix, Palatinum, & Brandenburgicum, præsertim cum Austriæ & Bavarix Duces ipsi ad Imperium aspirarent, malentque inter eligendos, quam electores censerit: non ergo negare Stadensem, Collegium Electorale ab Innocentio IV. institutum fuisse, sed solum Principum consensu primis Electoribus alios substitutos esse. Martinum Polonum quod attinet, cum scribit: *Post Ottonem III. institutum esse, ut Imperator ab Officialibus Imperij, & Septemviris eligeretur*; non dicere quidem, à quo hæc institutio manaverit, sed nec negare à Pontifice manasse: nec illud adverbium *postea* innuere eam institutionem immediatè post Imperia Ottonum contigisse; sed absolutè *post Ottones*; quod utique verum est, si dicamus in Concilio Lugdunensi sub Innocentio IV. factum id esse. En solutiones à Baronio datas! sed Maimburgus eas callidè tacuit, cum nihil haberet, quod opponeret. Quis jam non videt, non tam illi curam fuisse

## AD LECTOREM.

fuisse vera scribendi, quàm fallendi Lectorem? Si enim fallere non erat animus, cur dixit, quæ causæ suæ favebant, tacuit, quæ adversabantur? Non hæ Historici, sed Advocati sunt partes, utq; corporum, sic veritatis imagines non magis detrahendo, quàm addendo fœdantur. Aliud hujus artificij paradigma in Hist. Lutheranismi reperies, ubi cum probandum suscepisset: debere Pontifices Imperatorum legibus, quamvis impias credant, acquiescere; Exemplum Gregorij Magni producit, qui Mauritiij legem, ne milites Monasteria, nisi expletâ militiâ, ingrederentur; impiam esse, sacrilegamque censuerat, & scripserat longâ ad Imperatorem epistolâ; & tamen ut Imperatori morem gereret, totâ Italiâ promulgavit; id Maimburgus more suo exaggerat; tacet tamen, quod maximè ad rei summam pertinebat, quodq; causam Maimburgi maximè evertit, videlicet, Gregorium Mauritiij legem correxisse, correctamque ac quibusdam additis conditionibus mitigatam promulgâsse; recitat Baronius hujus correctionis exemplar, quod utique Maimburgum non latuit, qui Baronium ad mar-

B 3 ginem

## PRÆFATIO

ginem citat; sed ne sententiam suam mutare cogeretur, maluit veritatem celare, quàm profiteri. *Secundò.* Usque adeò insectandi Pontifices, eorumq; auctoritatem Principibus submittendi cupidò Maimburgum abripuit, ut non puduerit non solùm argumenta, sed etiam exempla ab hæreticis & Luthero petere, & illa summis laudibus exornare, ac Pontifices admonere, ut Lutherum imitentur, Religionem Principum voluntati substernentem. Nemo mihi facilè id credat, quippe indignissimum facinus narranti: sed legat quicumq; fidem non habet, primam partem Lutheranismi, & inveniet nihil à me additum esse veritati. Narrat illic Carolum V. Imperatorem Augustam venisse, ac Electoribus Lutheri dogmata profitentibus imperasse, ut Cæsari assisterent Missam ritu Catholico audienti, Præconibus verò ut suggestu, ac concionibus abstinerent: Lutherum consultum esse, an Cæsari hæc imperanti obtemperare oporteret! eum verò respondisse, omnino oportere. Hæc cùm Maimburgus recitasset, perinde ac si è sacris libris, vitisque Patrum oraculum deprompsisset, mox subjungit Gal-

## AD LECTOREM.

Gallicâ phrasi: *En, inquit, præclaram lectionem, cui meritò omnes auscultent*, adjungitque exemplum S. Gregorij, sed malâ fide relatum, ut suprà notavimus. Memini celebrem in Germania Principem, litteris ac Religione præcipuum, ubi ad hunc locum devenit, adeò rei indignitate commotum, ut deinceps Maimburgi libros abjecerit, eorumque lectione sibi interdixerit, quæ occasio fuit, ut ad me is liber pervenerit. Videt hîc lector, quàm cæca & inconsulta fuerit in hoc Scriptore, aut Principibus adulandi, aut Pontifices insectandi cupido, ut obvia quæque arriperet, nullo delectu, ac etiam indigna. *Tertiò.* Sed nec Religioni ducit unum pro alio asserere, quippe fraudis securus, inopiâ aut temporis, aut librorum, quæ paucis Lectorum ad manus sunt. Opponebatur Maimburgo exemplum Zachariæ Pontificis, qui Imperium Francicum suâ auctoritate à Merovingica stirpe, ad Carolinam transtulerat. Ut hoc argumento se expediat, respondet, asseverâtque Maimburgus, Zachariam *non imperâsse*, sed tantum *consuluisse*; & qui contrarium dicat, *ignorantiâ laborare rerum Gallicarum* (nam & hoc quo-

## P R A E F A T I O

quoque solemne habet, ut sua magnò fastu extollat, aliena pari neglectu habeat) Atqui Auctores omnes ac antiquissimi, & consuluisse Zachariam, & imperasse dicunt, ejusque auctoritate Translationem hanc factam. Eginhardus Caroli Magni Aulicus, & à secretis : *Hildericus Rex, inquit, jussu Stephani Romani Pontificis depositus ac detonsus, & in Monasterium detrusus est.* Et infra : *Pipinus autem per auctoritatem Romani Pontificis ex Praefecto Palatii Rex constitutus est.* Regino in Chronico : *Jussit Papa per Auctoritatem Apostolicam, Pipinum Regem creari, ne perverteretur Christianitatis ordo.* Annales Francici à Pythæo editi : *Anno DCCLII. Zacharias Papa ex Auctoritate Petri Apostoli mandat Populo Francorum, ut Pipinus, &c. Abbas Urspergensis ad annum DCCXLII. circa finem : Sic ergo Pipinus ex Praefecto Palatii auctoritate Apostolicâ sublimatus & unctus in Sedem Regni, absolutus per eundem Papam Stephanum à juramento, &c.* Hæc omnia & complura alia antiquissimorum testimonia, silentio Maimburgus premit, dissimulatque perinde, ac si nunquam legisset, cum certissimum sit, lecta ab eo esse; & tamen

## AD LECTOREM.

men conatur persuadere Lectoribus, Pontifices in hac translatione consilio tantum, non imperio egisse. Eodem modo in libro, quem pro quatuor propositionibus scripsit, ut ostendat Concilium in rebus fidei decidendis supra Pontificem esse, exemplum allegat quinti Oecumenici Concilij, in quo contra Vigilij Constitutionem Patres tria Capitula damnarunt, quod postea Concilium à tota Ecclesia receptum est; *constat ergo*, infert Maimburgus, *Concilium in rebus fidei decidendis supra Pontificem esse*. Atqui certum est, quæstionem de tribus Capitulis non fidem, sed Personas spectasse, Theodorum videlicet, & Theodoretum, & Ibam, quorum jam vitâ functorum memoriam Chalcedonense Concilium absolverat, sed Quinta Synodus damnandam decreverat; & ipse S. Gregorius testatur eam causam non fidei, sed Personarum fuisse; alioquin si de fide ageretur, errasset contra fidem Synodus Chalcedonensis, quæ pro tribus Capitulis pronuntiaverat: neque id Maimburgus ignoravit, cum in libro de Pontificatu S. Gregorij, ubi latè hoc argumentum prosequitur, agnoscit citra fidem eam litem stetisse; qui ergo


C fieri

## PRÆFATIO AD LECTOREM.

fieri potest, ut ex condemnatione trium Capitulorum concludatur, Concilium in rebus fidei supra Pontificem esse, cùm ipse Maimburgus non ignoraverit, non fidei causam, sed Personarum fuisse? Infinitus sim, si omnia persequar, quæ Maimburgum malæ fidei accusant, nec ignorantia tantum, sed industria peccasse; nec ego ea referrem (nam defuncti cineribus reverentiam habeo) nisi necessaria crederem præmonendo Lectori; quid enim si venenum ostendam jam labris admovendum? & forsitan si vita Maimburgus superfuisset, emendasset, quæ odio aut amore peccaverat? nec dubito, nunc ea improbare, quando his affectibus vacuus, ac rerum vanitatem expertus dolet, respuit-  
que præterita.







# GALLIA VINDICATA. DISSERTATIO I.

S. I.

Quid Regalia, quæ ejus initia, quomodo ex-  
tensa, & quibus titulis, ac rationibus innixa.

## SUMMARIA.

1. Malè Catholicos, sacrosque Doctores domesticis præijs concurrere, cum ex-  
terna abundant; sed adulationi, privatisque cupiditatibus hoc deberi; exemplum  
in Ludovico Maimburgo, cujus artificia notantur.

2. Quid Regalia, & per quos gradus provecta? De Custodia, Infeudatione,  
Spolijs, & Collationibus Beneficiorum. Hæc omnia contra antiquos Canones fieri.

3. Regaliam usque ad tertiam Regum Gallie stirpem aut ignotam, aut pro  
abusu habitam esse clarissimis testimonijs evincitur. Libertas Cleri Gallicani olim  
Reges admonentis.

4. Regaliam sub finem sæculi XI. inductam: Error Maimburgi illam ex Con-  
cilio Lateranensi, & privilegio Calixti II. deducuntis.

5. Ante Concilium Lugdunense solâ consuetudine jus Regaliæ stetit, non idè  
tamen aut licitum, aut concessum, quia toleratum.

6. Concilium Lugdunense Regaliam intra consuetudinem coercet, precibus præ-  
sertim Gallicanæ Ecclesiæ; an eo Concilio ususfructus vacantium bonorum, & Col-  
latio Beneficiorum concessa?

7. Regaliam toto Regno extendere aliquoties à Regijs ministris tentatum est,  
adversante semper, & vincente Clero: Edicta Henrici III. & Henrici IV. &  
Ludovici XIII. & tandem Ludovici XIV. quo ultimo jus Regaliæ ad omnes Gallici  
Imperij Provincias extensum est.

## I.

**S**æpe mihi Catholicorum discordias, ac intestinas lites cogitanti, & quæ licet calamis, non ferro agitentur: non ideo tamen minus Rempublicam turbant, imò tantò magis, quantò sunt graviora animorum, quàm corporum vulnera; lubet exclamare: heu quàm inanibus, imò noxijs bellis occupamur, quando tot alia supersunt, & necessaria, & coronis digna, nulloq; pugnantium damno! quanta ubique terrarum scelera, ac errorum mellis est, quæ falcem, ac calamos Catholicorum exspectat? quanti animarum fasces ideo pereuntium, quia medicis carent: quorum ope sublevandæ; quanta rerum cœlestium & ignorantia, & contemptus? in tribunalibus fraudes? in castris impudentia? in aulis scandala, & exempla vitiorum? his omnibus emendandis, quæ tantò majoris momenti, & curæ sunt, quòd æternitatem, ac cœlum spectant: omnium vigilæ, & ingenia Doctorum sudare oporteret, eorum præsertim, qui rerum temporalium expertes, cœlo tantum militare se profitentur: & tamen adulandi, blandiendique cupido, perpetuum in aulis malum, adeò omnia pervasit, ut animarum, cœlique curâ depositâ, non tantum Regum vitia palpentur, sed etiam ea mederi volentibus bellum indicatur, & cum medicos, ac remedia proscribunt, amare tamen ægrotum se dicunt; nec dicunt tantum, sed etiam creduntur, imò præmia, ac stipendia latrocinij accipiunt, quia videlicet blandè perimunt, & venenum inter mella, rosasque propinant, duplici flagitio felices, & quia nocent, & quia placent. Olim regnantium peccata silentio, quod metus, & reverentiâ indixerant, involvisse, tanti æstimabatur, ut sanctissimum Prophetam in has voces querelæ, & doloris plenas impulerit: *Vae mihi quia taci, quia vir pollutus labijs ego sum.* (a) Nam ut SS. Hieronymus, Cyrillus observant, cum Ozias Rex Sacerdotij partes invaderet, & thus Deo adoleret; Isaias castigare Regem omiserat, metu, turpique conniventia victus, quam culpam prius non agnovit, quàm divino tribunali assistens, & ideo licet sanctus, licet Choris Angelorum immixtus, miserum se tamen, & contaminatum professus est: quid, rogo, diceret, si non tacuisset tantum, sed etiam laudasset, approbasset, & pulcherrimis encomijs sacrilegium adjuvisset? & tamen hi sunt temporum nostrorum mores; & quod olim de Babylone prædictum est,

(a) Isaiæ 6.

est, jam etiam in Ecclesia Dei cum gemitu videas : *Et respondunt ibi Sirenes in delubris voluptatis.* (a) Quod tu delubrum voluptatis hoc tempore reperiās, in quo non adorari simul vitia, & cantare Sirenas audias? nulla ferè jam culpa est sine cantu, & Sirenè, ac patrociniū adulantium : & ut nemo perire non amet, præluditur naufragijs, ac quod planè miserimum est, illa quondam morum censura, & emendatrix Theologia; illa sacris pulpitis dicata eloquentia; illa ingenia sacris studijs, & variâ cognitione rerum instructa; illæ voces profligandis vitijs conductæ; hæc, inquam, omnia in obsequia regnantium translata, non tam cælo, & veritati, quàm aulæ serviunt, delictis in tutelam, sinumque receptis; verbo : *Propheta tui viderunt tibi falsa, & stulta, nec aperiebant iniquitatem tuam, ut te ad penitentiam provocarent.* Inter hos meritò recenseas, qui in nupero Regaliæ negotio, quod Ecclesiam adeò turbavit, Regem sui officij monere non sunt ausi : enimverò nimiam hanc, & remissam conniventiam nec Regi, nec causæ quasi patrociniū immeritæ adscripseris : Rex enim ut indolis, animique excelsi, ita veritatis patientissimus, & æqui amantissimus est; nec unquam in alienam, & sacram messem falcem misisset, nisi consilij eorum permotus, *qui lucem tenebras dicunt*, ac specie honesti cupiditates suas obvelant, quas palàm erubescunt. Causa verò tam æqua fuit, & à veritate tot præsidij munita; ut nemo illam, quamvis provocatus, ausus sit calamo impetere, & ad ea respondere, quæ contra Regaliæ extensionem à nobis dicebantur. Veritatem ergo nemo non agnovit, sed tamen, si duos excipias, nemo palàm tutari est ausus, omnibus auram, quæ ab aula spirabat, captantibus; ita nimirum ea causa apud plerosque vicit, non quæ melior, sed quæ palatij charior.

Sed nemo æquè ut Ludovicus Maimburgus admirationem movit. Is in ea Religione consenuerat, quæ innumeris à sacra Sede beneficijs exornata est, quæ Pontificum Romanorum curâ, & officijs Galliæ, unde cum summo dedecore exulatum ierat, restituta fuit, repugnante quamvis Regio Senatui, nec minus Sorbonâ : (b) quæque se quarto voto defendendæ Romanæ Sedi adstrinxit : (c) audi Patres Societatis ita loquentes. *Tribus votis quartum Societas adjicit, & quidem solemne, quo Professores devovent se obsequio Romani Pontificis, ut quocunque terrarum Evangelij causâ eos jussisset proficisci, ad ejus nutum prompti sint, & expediti: neque detrectare hoc*

C 3

possunt

(a) Isaïæ 13. (b) Vid. Thuan. lib. 136. & Decret. Sorbonæ de anno 1574. (c) Vid. Bullam Jul. III.

possunt imperium, quamvis ad Barbaros mittantur : neque infessa latronibus itinera : neque maria tempestatibus, simul & piratis infessa, neque scopuli, & syrtis, & naufragia, neque Barbarorum, & Hæreticorum secures Jesuitarum sanguine infestæ, ullam huic voto gratiam faciant. (a) Et alibi. Multum interest Societatis Pontificum auctoritatem non vilipendi ; an non est illa tota Bullatica, hoc est pendens à Pontificum Bullis ? illius simplex Castitatis votum dirimere matrimonia, habet à Bulla : Scholares illius veros esse Religiosos, habet à Bulla : Religiosa cum Paupertate stare Religiosorum Dominium, habet à Bulla : inter Ordines mendicantes censeri, habet à Bulla : (b) Et P. Daniele Papebrochium nomine totius Societatis in præfat. ad Tom. 1. Apr. Multo sanè æquius est nos sanctæ Sedis Apostolicæ iudicio, ac decretis obtemperare ; nam Cœlestis omnes, Deumque ipsum attestamus, nos eandem sacrosanctam Sedem ut veritatis Magistrum revereri, neque ab ejus fecit, jussusque vel l. tum unguem declinare velle. Et hæc quidem sunt sensa totius Societatis, quibus omnium ex eadem Societate Theologorum voces, & vota accedunt. Quis unquam crederet in schola, quæ Pontificis auctoritatem tam altè, & ubique terrarum professâ est, Ludovicum Maimburgum potuisse opiniones imbibere tam à vero, & Societatis mente alienas, ac supremæ Pontificis auctoritati adversas ? & tamen hâc tempestate nemo pejùs eo scripsit ; Regio videlicet favori, ac præmijs copiosè propositis veritatem post habuit. Neque enim huic Gallicæ Sireni propositum aliud fuisse, quàm Regiam gratiam captare, vel satis illæ Præfationes ad Regem omnes inscriptæ convincunt, laudibus, encomijsque adedò perfusæ, ac adulationibus infestæ, ut non dubitem etiam Principi molestas esse : sed mihi non tam Maimburgum, quàm causam ipsam prosequi animus est. Primo igitur libro de Regalia dicam, quam Maimburgus varijs locis sed cursim, ego quoque alio opere libavi ; sed nihil, aut pauca de illius extensione, & universitate, quippe ad alia intentus, calamo in quatuor propositiones festinante.

II. Regalia ergo nihil aliud est, quàm jus, & facultas Regibus concessa fructus, & proventus vacantis Episcopatus (cujus electio ad Regem pertineat) percipiendi, & beneficia, ac præbendæ ceteræ animarum expertes, interim conferendi. Quamvis enim jus Regaliæ, si latius sumatur, ex quatuor juribus confletur, videlicet : eligendi, investiendi, beneficia vacantia conferendi, percipiendique fructus, ac proventus temporales (c) hic tamen de duobus tantum ultimis

(a) Vide Imagin. 1. sæculi lib. 1. cap. 9. (b) Vide Prodrum. n. 68. (c) Vide Prælud. Reg. sacerdot. §. 1. n. 13.

agemus, quæ propriè ad Regaliâ spectant, omiſſis Electionibus, & Investituris, de quibus alibi. Quamvis verò sola vacantium Ecclesiarum Custodia ad Principes olim pertineret, postea tamen depositum, & Custodia in Dominium, usumque transijt, vincente leges cupiditate. Imò ne Custodiam quidem sacri Canones Principibus sæcularibus permittebant, sed Oeconomis, quos defuncto Antistite Clerus legebat. (a) Transijt postea, ut dixi, ad Principes Custodia, & post Custodiam usurpatio, quæ tamen priusquam in legitimum jus, & privilegium evaderet, gravissimis Patrum, aliorumque censuris vapulavit. (b) Dicemus ergo quibus incrementis in hanc usque diem jus Regaliæ adoleverit, ad eumque apicem, quem modò obtinet, pervenerit; quippe non eadem horâ invaleſcunt corruptelæ, sed more fluminum, decursu augentur, initijs verecundis, progressu immodico, ac legum omnium experte. Quæ causa fuit, ut plerique Regaliæ originem obſcuriſſimam crediderint, & Nili fontibus ſupparem; eam siquidem, ut modò est, quærebant, cum tamen, ut dixi, non semper eadem fuerit, sed à parvis, & vix observatis initijs, in immensum creverit, anguium modo quanto major, tantò nocentior.

Primò igitur jus Regaliæ nihil aliud, quàm jus Custodiæ fuit, & hoc nomine Custodiæ in Concilio Lugdunensi, alijsque Authoribus appellatum est. (c) Vacante ergo Ecclesiâ Episcopali, ejusdem fructus, ac proventus in Custodiam Principum cedebant, qui etiam ijs custodiendis Oeconomos dabant. Id quidem, ut vidimus, Canonibus vetitum, sed Principes, qui se omnium Ecclesiarum, vacantium præsertim (quo tempore magis injuriæ patebant) Advocatos, Defensoresque ferebant; hanc sibi curam deberi crediderant; obtentu ergo pietatis & Canones laxati, & fores cupiditati apertæ. Enimverò ut primùm in manus Principum sæcularium facultates Ecclesiæ pervenerunt, de modis cogitari cœptum est, quibus adhærent, nec cupientibus desuere. Regnantium liberalitate non solum magnâ vi auri, gemmarumque, ac pretiosæ suppellectilis Ecclesiæ auctæ

(a) Vide Concil. Chalcedon. can. 26. Hispal. II. c. 9. Tolet. IV. c. 47. Nicæn. II. cap. ix. Ilerd. c. 16. Francford. can. 41. Pontigon. c. 14. Trosi can. 14 & can. 22. 25. Cauf. 16. q. 7. & S. Greg. lib. 2. epist. 22. (b) Vide Della Marca lib. 8 & Baron. ann. 996 & R-gale Sacerd. fol. 70. & 71. (c) Vid. c. 13. 14 elect. in 6. Flod. in calce Hist. Rhem. Rigord. ad an. 1190. M. de Pamiers de la Reg. f. 18. Nangis in vit. B. Lud.

antæ fuerunt, sed etiam feudis, dominijs, latifundijs quàm plurimis (a) hæc omnia jure beneficiario à Principibus data. Feudorum origo à Longobardis ducitur gente Germana ad Albim, aut ut alij volunt, ad Visungim sita, quæ causa est, ut totum jus feudale vocibus Germanis abundet. Hi ergo in Italiam profecti, deletis Gothis ducentos annos regnarunt, prædijs, ac latifundijs in milites loco stipendij divisis, eâ videlicet conditione, ut cum opus esset, militiam adirent, & Dominis in bello adessent, qui etiam hodiernâ tempestate Timaritæ Turcarum mos est. Constat jure feudale moribus, & consuetudine potius, quàm jure scripto, & ita variè mutatum est: olim enim feuda, aut per modum ususfructus, & precario concedebantur, & morte fiebantur possessoris; aut non prius ad hæredes transibant, quàm à Domino directo investirentur, (b) hoc interim fructus omnes vacantis feudi recipiente, unde natum credimus *jus Relevij*: mortuo enim vasallo, velut in solatium translatus in alios feudi redit ad Dominum directum, non verò ad hæredes jus omnes fructus sibi vendicandi, donec illi investiantur; id in multis Galliarum provincijs adhuc obtinet, videlicet Picardia, Campania, Neustria, Andegavia, Turonia, Armorica, seu Britannia minori, & Bisturgia. (c) In reliquis Galliæ Provincijs, hæredes, non Dominus in feudum, fructusque succedunt, nulloque jure Relevij, sola intra diem & annum petendæ investituræ necessitas superest. Cum ergo multa feuda liberalitate Principum Ecclesijs Episcopalibus adjuncta essent, hinc sumpta occasio est, vacantium Ecclesiarum fructus, velut aperto feudo, usurpandi, & ita jus Regaliæ à feudis originem duxit, quod etiam ex eo palam fit; quòd nomen Regaliæ, Investituræ, exhibitio juramenti, & homagij, aliæque solemnitates, quæ Regaliæ comitantur, omnino feudum redolect, & hoc ipsum cum celebres historici, tum plerique jurisconsulti docuere, (d) jus videlicet Regaliæ, feudis deberi. Quæ etiam causa

(a) Vid. L. 1. C. de SS. Eccl. Possid. in vit. S. August. cap. 22. Malmesbur. de gest. Reg. Ang. lib. 5. (b) Vide Rambeck in silva Feud. fol. 5. M. de Pamiens de la Regale. fol. 15. (c) Picardie, Campagne, Normandie, Anjou, Touraine, Bretagne, Berri. (d) Vide Marc. lib. 8. cap. 22. Rigord. de Gest. Philippi Aug. ad an. 1209. Innoc. III. lib. 1. epist. 190. & lib. 2. epist. 40. 106. 107. Mart. Paris. ad ann. 1164. Libert. de l'Egl. Gallic. fol. 106. M. de Pamiens fol. 17. & Phil. Pulch. in mandato Archiepisc. Senon. dato, ubi: *Scut feudum vasallo vacans cum suis redditibus interim à Domino licitè occupatur, idq; de jure, & generali consuetudine, sic Nos, & nostri antecessores vacante Eccl. Carnot. temporalia accipimus, & nostros facimus omnes fructus, &c.*

causa est, ut sicut in feudis non ubique Galliarum defuncto Domino jus Relevij locum habuit, ita neque jus Regaliæ ex feudis natum. En alium igitur, & speciosum quidem titulum vacantis Ecclesiæ fructus populandi, jus videlicet feudi. Sed neque hic finis, ut in hydrope, sitim potus accendebat. Supererat Decimæ, oblationes, ac munera fidelium, bona mobilia, suppellex domestica; quo jure hæc occuparentur? nam & ista Regaliæ accesserunt. Repertum est jus spoliij; hoc à Clericis ceptum, qui sublato Antistite ædes diripiebant, legebantque velut ex naufragio spolia; & prædam agentibus Clericis cur Principes cessarent, & potentia, & beneficijs in Ecclesiam collatis multo potiores? Equidem & sacri Canones, & leges Imperatorum in hujusmodi prædones læpe, graviterque armatæ sunt, (a) sed cohiberi abusus non potuit: nam nec Principes metus legum tenebat, & istorum exempla minores sequebantur. Abusus ergo in usum transijt; usus verò, ut sæpe solet in conniventiam, hæc in privilegium (concedi enim solent, quæ vetari non possunt) & indulgentiam necessitas fecit. Hic tertius Regaliæ gradus fuit. Ab hoc ad collationes Beneficiorum, quæ curam Animarum non habent, processum est. Quis crederet hoc à Laicis tentari potuisse? tentatum est, imò & obtentum, ac tandem quod inveteratum usum sæpe consequitur, à Summis Pontificibus toleratum, & tolerantia pro privilegio accepta: ac primò quidem nominabant tantum, aut præsentabant Principes; Capitulum, Metropolitani, aut Pontifex conferebat; postea libertate ex eventu aucta; etiam collationes Beneficiorum secutæ; quo, inquit, hoc jure? quòd collationes inter fructus Episcopatus censerentur, utique familias de Regibus bene meritas remunerari liceret, intacto interim, & illibato ærario; nec Pontifices abnuebant. (b) Philippus Augustus expeditioni in Terram Sanctam accinctus Reginæ Matri, & Rhemeni Archiepiscopo, quando Regalia in manus Regis devenerint, collationes Beneficiorum testamento committit: Idem Philippus uni ex aulicis Capellanis Canonicatum vacantis Ecclesiæ Laudunensis, secundum antiquam, & approbatam Regni sui consuetudinem contulerat, & cum Innocentius III. alium promovisset, querelæ Romam allatæ ad Pontificem sunt, nec verò rejectæ, sed causa, uter ex promotis præhabendus esset, ad Capitulum Laudunense remissa.

D

Idem

(a) V. Concil. Antioch. can. 24. & 25. & Concil. Chalc. can. 22. & const. Joan. ac Eman. Comn. ann. 1120. & 1123. & in Decreto causam 12. quæst. 2. (b) Anno 1190.

Idem quoque jus à Ludovico sancto exercitum : nam primam in Palæstinam expeditionem adornans, Regiæ Matri inter alia concedit, *ut dignitates, ac Beneficia Ecclesiastica vacantia conferre, fidelitates Episcoporum recipere, & Regalia restituere eis debeat.* (a)

Idem repetit in literis ante secundam navigationem datis : & cum Clemens IV. PP. vacante Ecclesia Rhemensis præbendam contulisset, Rege sancto sua privilegia violari conquirente, Pontifex gratiam jam in alium collocatam revocavit. Gregorius X. anno 1271. collationem à Rege Philippo Audaci factam vacante Ecclesiâ Senonensi probat, confirmatque. His ergo gradibus Regalia processit ; sed nec stetit hic quidem. Olim Provincias tantum, & Ecclesias aliquas complectebatur, non verò omnes, quod infra demonstrabitur, nec Principes Sacerdoria omnia conferebant, sed ea tantum, quibus nulla animarum cura. Hâc verò tempestate, anno videlicet MDCLXXIII. Regia declaratio prodijt, quæ jus Regaliæ ad omnes Gallicas, aliasque Provincias Regi subiectas profert. Crediderim illam non tam Regio motu, & voluntate, quàm adulantium artibus expromptam ; quò enim jus Regaliæ amplius patet, tantò eorum, qui Regem circumstant, major est jurisdictio, ac facultas amicos, clientelas, favores, opesque parandi, collatis in eos Beneficijs, pro quibus ipsi supplicant, auresque Principis occupant ; maxime cum eorum arbitrio Sacerdoria plerumque committantur. Privatis ergo studijs Regionum nomen obtenditur. Accessère alia, quæ hanc ipsam collationem supra omnes Canones, regulasque Ecclesiæ in immensum extendunt. Olim sola nominatio, aut Præsentatio, nunc Collatio, & Institutio est. Admittuntur resignationes *in favorem* : onerantur Sacerdota pensionibus : conferuntur Beneficia non solum libera, sed etiam juri Patronatûs tam Laici, quàm Ecclesiastici obnoxia ; Canonicatus, aliæque dignitates, quarum Collatio non ad solum Episcopum, sed etiam alternativè ad Capitulum, seu Collegium spectat, nullo discrimine Regaliæ subduntur ; imò etiam quæ ad Capitula Regularium, & quæ in litrem deducta sunt, quæq; solo facto, quantvis non jure, aut econtrà quæ solo jure etsi non facto vacant, legitimis, innoxijsque possessoribus nullâ causâ submotis ; & quia post Galliæ

con-

(a) V. Testam. Regis Aug. dans le Liv. des libertez de l'Eglis. Gall chap. 16. an. 4. Bull. Innoc. III. ibid. a. 6. litter. Ludov. IX. an. 1248. ibid. n. 15. Nangis in vit. S. Ludov. p. 445.



concordata solis Regibus jus ad Episcopatus nominandi concessum est extrinsecis electionibus ; facile est nominationem diu multumque differri, quod Principis arbitrio sedet ; interim, dum delectus agitur, dum Romæ Confirmatio elaboratur, dumque in actualem possessionem Episcopus intrat (nam & hæc necessaria est) quis non videt per tot rerum, temporumque ambages, & Regaliæ spatia protendi, & temporis beneficio proventus Regios augeri, Ecclesiâ interim viduitari, prædæque relictâ. Denique his omnibus Beneficia Curata, Ecclesiæque Parochiales augendo velut fasci paulatim adjiciuntur, aut saltem voluntas, conatusque Regijs Officialibus non deest ; quod etsi Archiepiscopus Tolosanus in Epistolis ad S. Pontificem datis neget, aut potius Sacerdos ille Societatis, qui Archiepiscopi calamum ducit, apertè tamen convincitur, tum ex varijs, vulgatisque libellis, quibus etiam ad hæc Beneficia Regaliam extendi posse persuadere conatur : tum Episcopi Apamiensis testimonio (a) in libro, quem de Regalia scriptum reliquit, & quem nemo hætenus confutare est ausus, quamvis non deessent in Gallia, qui cuperent, nisi veritatem erubescerent ; tum exemplo Archipresbyteratûs ejusdam (b) in Episcopatu Apamiensi, quem legitimo possessori ademptum, quod Episcopi sui causam Romæ ageret, in alterum contulere Regaliæ obtentu. Videas ex hætenus dictis, per quos gradus paulatim Regalia profecerit, & quibus incrementis ad fastigium provecta sit: in quibus nemo tam leviter tinctus est, qui non videat, quàm multa sint sacris Canonibus adversa, & Canonibus non recentibus tantum, quos Galli neglectui habent, sed Canonibus antiquissimis, & illis ipsis, quos libertatis Gallicæ fundamenta esse dicunt. Mirari ergo satis non possum, eos ipsos, qui singulis ferè lineis observantiam Canonum decantant, qui hanc ipsam Summis Pontificibus contentissimè inculcant, ejusque relaxandi Canones facultatem in litem vocant, quique libertatis Gallicanæ fundamenta in Canonibus ponunt, adeò tamen in Canones offendere, ut ne curare videantur. Quid magis Patrum decretis prohibetur, quàm Electiones liberas turbare, proventus Ecclesiarum diripi, Monasteria Abbatibus titularibus commendari, Beneficia Pensionibus subdi, resignationes *in favorem* recipi, nominationes Patronorum occupare, causas Ecclesiasticas profanis tribunalibus subdere,

D 2

Prin-

(a) M. de Pamiers de la Regale. fol. 44. (b) Archipretura d'Ax pigliata al Sig. Dorat, e data ad un Regalista Moceau.

Principes Ecclesiasticæ libertati graves silentio, applausu, consilijs, turpique adulatione permulcere, imò nolentes Impellere ? eos verò qui officij sui, ac periculi monent, adornatis accusationibus suspectos, reosq; facere, facultatibus, exilijs, supplicijsque punire, nullius criminis compertos, quàm quòd æquum gratiæ præhabuerint, magisque animas Regum, quàm præmia dilexerint ? Et denique, ut mille alia dissimulem, quid magis in Canones pugnat, quàm limites ab Oecumenico Concilio, & sexcentorum Patrum lutragijs, imò divino instinctu, Regionibus assensu fixos, evertere, ac privatis lucris posthabere ? & tamen qui hæc Parisijs non ferunt tantum, sed etiam faciunt, audent tamen Romam inelamare, & Canonum admonere, ac illud Zachariæ Pontificis ingerere : *Dominentur vobis Regule, non vos Reguli.* Parcite, rogo, vocibus, nec eas in longum producite ; vos ipsos, & vicinam aulam monete, hic Regulæ gement, hic Canones suspirant, & ab aliquo Sacerdotum liberam vocem, ac patrociniū expectant, quam si audirent, quies Romæ, & silentium ; vobis enim, vestræque libertati pugnat. Illud verò risum, an indignationem meretur ? tot abusibus excusandis, quæ Regaliā, ut nunc est, consequuntur. Regem negant cum Beneficia confert, Canonibus teneri, quippe apertā semetipso durante Regaliā, multo ei, quàm Episcopis, Romanoque Pontifici amplius esse facultatem : jus Regaliæ jure Canonico, quod Episcopus ligat, multo esse antiquius, nec proinde restringi Canonibus potuisse ; Regem ergo in vacantem Ecclesiam Episcopis quidem succedere, sed auctoritate plusquā Episcopali, Regiā videlicet, nullis Ecclesiæ legibus, nullis regulis finitā. (a) Ita Regiam mentem, ac sententiam Episcopus Apamiensis expressit, testis oculus, & experientia doctus ; & conspirat Maimburgus in libello de Privilegijs Rom. Ecclesiæ, ubi cum dixisset : *Libertatem Ecclesiæ in eo esse, ut sacri Canones observentur, non verò ut pro Romano Pontifice arbitrio solvantur ;* subdit : *Ecclesiæ verò Gallitanæ libertatem eam haberi, ut legibus recens conditis subditi non possit, nisi sponte acceptatis :* quasi verò non eadem sit potestas, quæ novas, & quæ antiquas leges condidit ; si ergo antiquis reverentia, & obsequium debetur, cur non debeat novis quidem, sed necessarijs ? an antiqui Canones non erant aliquando novi, num ergo repelli poterant obtentu novitatis ? & si olim novitas Canonum recusantes non absolvebat, cur modò absolvit ? num olim tantum ligandi potestas, clavesque Regni Cælorum Petro commissæ ? Quid si ab Oecumenico Concilio novi

Cano-

(a) M. de Pamiers de la Reg. fol. 43. n. 1.

Canones prodeant, an impunè rejicient? & denique nemo prudens Medicum ideò repelli ab ægro potuisse dixerit, quia novis morbis nova remedia paravit. Quamquam ne novis quidem Canonibus opus est, sufficiunt antiqui, ac Religioni in Gallia cœvi, quibus si fides, & reverentia sit, satis illi enixeque Regaliam damnant, ut meritò de illis dixeris, quod Christus olim scripturas jactantibus: *Scrutamini antiquos Canones, in quibus putatis vos fiduciam habere, & ipsi sunt, qui testimonium perhibent contra vos.*

III. Enimverò sub Regibus Galliæ primæ, secundæque stirpis certum est Regaliæ locum non fuisse. Recepta est omnium ferè Scriptorum opinio, tres esse Regum Galliæ stirpes, Merovingicam videlicet, Carolinam, & Capeticam. Primus è Merovingica stirpe Christianam Religionem amplexus est Clodovæus Magnus. Hic anno 481. Regnum adeptus est defuncto Patre Childerico. Anno postea 496. (a) Partim Clotildis Reginæ precibus flexus, partim victorijs miraculo datis Christianam Religionem, recepto Baptismate, professus est; exemplum Regis tria militum millia imitati, qui eadem die Baptismo tinèti sunt. Duravit stirps Merovingica in annum 752. Ab hac in stirpem Carolinam migravit Childerico tertio in ordinem redacto, utpote rebus gerendis impari; cui autoritate Zachariæ Pontificis Max. Pipinus successit Caroli Martelli filius. Pipinus, ab eoque progeniti annos ducentos triginta sex rerum positi, familiæ Capetæ icipitum celsère. Quippe Ludovico quinto stirpis Carolinæ ultimo sine filijs extincto, Hugoni Capero Regnum delatum est Statuum Procerumque communi voto, & Carolo Lotharingiæ Duce, ac Ludovici Nepote Regnis excluso. Inijt Capetus Regnum anno post Christum natum 996. (b) Binæ ergo stirpes Merovingica, & Carolina annos duos & nonaginta supra quadringentos duravère, quo tot annorum decursu aut Gallos latuit Regalia, aut si aliquando aliquid Regaliæ simile emerfit, graviter pulsata est. Regebantur Ecclesiæ Gallicanæ ex præscripto tum primorum quatuor Conciliorum, tum aliorum, quæ in Gallijs celebrata fuerunt. Hæc verò omnia gravissimis Decretis Regaliæ obstabant. Concilium Chalcedonense, cujus, teste Hincmaro, (c) maxima apud Gallos reverentia,

(a) Alij ponunt annum 499. (b) Alij initia Capeti referunt ad an. 987. V. Spand. (c) Hincmar. epist. 21. & 45.

rentia, sic loquitur : *Reditus verò vacantis Ecclesie ab Oeconomo Ecclesie integri custodiantur.* (a) Concilium Rhegienſe : *Cum tale aliquid accidit (ut videlicet Episcopus aliquis moriatur) vicinis vicinarum Ecclesiarum inspectio, recensio, descriptioque mandetur.* (b) Concilium II. Aurelianense : *Episcopus, qui ad sepeliendum Episcopum venerit, evocatus Episcopis in unum, domum Ecclesie adeat, descriptamque idoneis personis custodiendam relinquat, ut res Ecclesie ullorum improbitate non pereant.* (c)

Concilium V. Parisiense : *Defuncto Episcopo non per preceptum, neque per qualemcunque personam res Ecclesie contingantur, sed vel ab Archidiacono, vel Clero in omnibus conserventur, vel defensentur; quòd si quis aliquid auſſeret præsumpserit, &c. ut necator pauperum communione privetur.* (d)

Concilium Pontigonense sub Carolo Calvo : *Quoties divinum iudicium Ecclesie Præsulem à seculo vocaverit, nullus ad suimet perditionem facultates ejus invadat, diripiat, & ad suos usus transferat, sed ipsius Ecclesie constituto Oeconomo liberum sit Canonico more, justè, rationaliterque deputata successorì servare, &c.* (e)

Capitularia Caroli Calvi : *Si quis Episcopus interim obierit, Archiepiscopus ipsi Sedi Visitatorem secundum sacros Canones deputet, qui unà cum Comite ipsam Ecclesiam, ne prædetur, custodiat.* (f)

Idem in Concilio Trosleiano apud Sveffiones habito, quod abusu bona vacantis Ecclesie usurpandi graviter damnat. (g)

Hincmarus Archiepiscopus Rhemenſis ad Episcopos, & Proceres Ecclesie Rhem : *Facultates Ecclesie viduata post mortem Episcopi penes Oeconomum integre conservari jubentur futuro successorì ejus Episcopo : quoniam res, & facultates Ecclesie non in Imperatorum, atque Regum potestate sunt ad dispensandum, vel invadendum, vel diripiendum.* (h)

Idem ad Episcopos in Concilio Sveffionensi congregatos : *Lingonensem Ecclesiam Pastore viduatam usurpare præsumpsit Ulfaldus, ejusque facultates, quæ secundum Chalcedonense Concilium penes Oeconomum futuro debebant reservari Episcopo, suis, suorumque usibus arrogavit.* (i) Et alibi : *Res, & facultates Ecclesie viduata nemini Christiano licet præsumere; multò minùs idem*

(a) Concil. Chalced. can. 25. (b) Concil. Rheg. can. 6. anno 439. (c) Concil. II. Aurel. can. 6. anno 533. (d) V. Paris. can. 7. anno 615. (e) Concil. Pontig. can. 14 anno 876. (f) Cap. Caroli Calvi Tit. 53. c. 8. ann. 877. (g) Concil. Troslejan. can. 14. ann. 909. Vide Baron. ad hunc annum. (h) Hincmar. epist. ad Episcopos Rhem. Ecclesie floruit circa ann. 860. (i) Hincmar. epist. 21.

*idem Episcopus (Artardus) sine sui statûs periculo, ac animæ detrimento Ecclesiæ invasæ res, & facultates prævalet usurpare. (a)*

Et ad Ludovicum III. Secundum formam Regularem Electionis Episcopi talem eligant, qui & sanctæ Ecclesiæ utilis, & Regno proficuum, & vobis fidelis existat. Et consentientibus Clero, & plebe eum vobis adducant, ut secundum ministerium vestrum res, & facultates Ecclesiæ, quas ad defendendum, & tuendum vobis Dominus concessit, suæ dispositioni committant. (b)

Carolus Calvus in Diplomate, quo Ecclesiæ Rhemenfi omnes facultates restitui jubet, quas obtentu necessitatis ærario intulerat, ita loquitur: Si illa, quæ quâcunque necessitate corrupta sunt, Regiâ nostrâ Autoritate corrigimus, salutis nostræ consulimus, & Regum ministerium à Domino susceptum exercemus. Proinde noverit fidelium solertia, quia res, ex Episcopatu Rhemenfi, quæ magnâ necessitate, ac per omnia inviti, dum à Pastore Sedes sancta illa vacaret, fidelibus nostris ad tempus commendavimus, electo, & ordinato Hincmaro cum integritate restitimus. (c)

Gerbertus Archiepiscopus Rhemenfis, cui postea in Pontificatum Romanum electo Silvestri II. nomen fuit: Sis vestra pervigil cura, ut secundum divinas, & humanas leges res defuncti Episcopi tam mobiles, quàm immobiles futuro referrentur Episcopo, ne si, quod absit, malè cautum fuerit, cum Regalis censura, tum etiam gravior adhibeatur divina sententia. (d)

Alphonfus Comes Tolosanus: Ego Alphonfus derelinquo, & absolvo coram populo Christiano illam pessimam consuetudinem, quam Antecessores mei in rebus Tolosani Episcopi, defuncto eodem Episcopo per violentiam exigebant, &c. nec ego, nec ullus ex hæredibus meis habeat potestatem rapiendi, vel capiendi res Episcopi post mortem ejus. (e)

Ermengardis Vicecomes Narbonensis: Ego Ermengardis recognoscens injuriam, quam parentes mei, & ego in possidendis honoribus, & bonis diripiendis decedentium Archiepiscoporum Narbonensis Ecclesiæ, hucusque perperam fecimus, pro remedio animæ meæ, & parentum derelinquo. (f)

Raymundus VI. Comes Tolosanus, cum à censuris, quas Albigenfisibus in patrocinium receptis meruerat, absolveretur, ita in conventu Episcoporum, Legatoque Summi Pontificis præsentē, loquitur: Ego Raymundus Dei gratiâ Dux Narbonæ, Comes Tolosæ, Marchio Provinciæ  
pro

(a) Id. epist. 45. (b) Hincm. epist. 12. ad Ludov. III. (c) Flodoar. l. 3. Hist. Rhem. c. 4. Qui etiam similem restitutionem, eandemque ob causam à Ludov. Pio factam recenset. (d) Gerbert. ep. 118. floruit an. 996. (e) Anno 1138. apud Catell. Hist. des Comtes de Toulouse. (f) Anno 1155. apud Marc. l. 8. Concord. c. 18.

*pro remedio animæ meæ, omnibus Ecclesiis, & domibus Religiosis Provinciarum Viennensis, Arelatensis, Narbonensis, Auxitanae, Burdigalensis, & Bituricensis immunitatem secundum statuta Canonum, defunctis earum Episcopis, vel Rectoribus, concedo: ipsas domos nullo modo spoliabo, nec administrationi earum, seu Custodiæ, occasione alicujus consuetudinis, &c. ullatenus immiscebo, &c. (a)*

*Ermengaudus Comes Urgellensis Provinciæ Tarraconensis: Pro remedio animæ meæ, dimitto atque evacuo horribilem illam, & malè consuetam rapinam, quam post decessum Episcopi Sedis Urgelli exercere consueverant Prædecessores mei, &c. (b)*

*Raymundus Comes Barcellonensis: Votum voti Domino Deo, quod quandam nefariam consuetudinem, quæ quondam extiterat in Ecclesiis Cathedralibus nostri regiminis, abolerem, & extinguerem: erat enim quadam consuetudo, ut decedentibus Episcopis, &c. quod quia cognovi alienum esse à divinis legibus, & humanis &c. (c)*

*Fridericus II. Imperator in suis Constitutionibus: Prævum usum vocat, à suis Majoribus inductum. (d)*

Ex hæcenus productis testimonijs, quæ planè clarissima sunt, omnique exceptione majora, multa colligere licet, ad rem nostram apprimè facientia. Primo, pater vacantium bonorum occupationem gravissimè à sacris Canonibus, Concilijsque, & præsertim Gallicanis, prohibitam fuisse: imò & Reges ipsos hunc ipsum abusum, & agnovisse, & execratos esse, atque ut corrigerent adlaborasse, cum videlicet sibi reddebantur, conscientia, & pudore delicti cupiditatem vincentibus: non potuit ergo hoc jus cœvum esse coronæ Gallicæ, quod Canones, quod Episcopi, quod Reges Galliaë tanto tempore, spatio videlicet quingentorum annorum aut ignorarunt, aut execrati sunt: quamvis enim subinde se in lucem proferret, imò aulam penetraret, semper tamen pro abusu, & flagitio proclamatum est, nunquam pro jure; quis verò, nisi temerarius, abusus, & flagitia Gallicæ coronæ connata esse dixerit? *Secundò.* Et quamvis hæc vacantium Ecclesiarum rapina honestius processura, consuetudinem prætexeret; non ideo tamen à Galliaë Episcopis, aut etiam Principibus excusata est; cum enim agnoscerent, non sacris Canonibus tantum adversari, sed etiam divinis legibus; meritò negabant obtentu consuetudinis, aut beneficio

rem-

(a) Anno 1209. apud Marc. l. 8. c. 27. (b) Anno 1162. apud Balluz. Miscell. lib. 2. pag. 225. (c) 1150. apud Marc. lib. 8. cap. 18. (d) Vide Marcam loc. cit. cap. 23. & Baron. ad ann. 1097. n. 74. 77. 78. & ann. 996.

temporis purgari posse; quanto enim diutius, tanto pejus peccabatur: nam ut bene S. Cyprianus advertit: (a) *Consuetudo, quæ apud quosdam obrepfit, impedire non debet, quo minus veritas prævaleat, & vincat: nam consuetudo sine veritate vetustus erroris est.* Tertiò. Emicuit vigilantia, & vigilantia par libertas Cleri Gallicani; quippe ut primum hic abusus in publicum prodibat, mox cædebatur, Canonibus, decretis, liberisq; vocibus in illum armatis; nulla hic adulatio, nulla turpis conniventia, nec servile obsequium, quo Principum delicta plerumque palpan- tur, remedijs omissis; monebantur, rogabantur, terrebantur, ut etiam inviti & morbum agnoscerent, & medicinam admitterent; quâ liber- tate venerationi mixtâ effectum est, ut malè incæptis Principes abfiste- rent, amarentque, qui pronos in præcipitium morabantur. Qua in re Injurioli Episcopi Turonensis exemplum memoratu dignissimum est. Edixerat Clotharius Rex omnibus sui Regni Episcopis, ut tertiam sua- rum facultatum partem Regio fisco inferrent; quàm iniquè id à Sacer- dotibus peteretur, palàm omnibus erat; nemo tamen ausus obfistere, & quod turpius est, subscripsere; solus se Principi opponere Injurio- sus, & libertate Episcopo dignâ, negare tam iniquis imperijs subscri- bere se posse: *Facultates Ecclesie pauperibus, non luxui, & aula deberi: si quæ Dei sunt, Princeps involaret, quid aliud à Deo expectet, quàm ut festinâtâ vin- dictâ Regnum amittat? Indignum Rege facinus esse, si pauperum spolijs ararium, & palatium impleat. Principum esse dare, non adimere pauperibus.* Num ergo Regem Gallie aliter sustentari non posse, quàm sanguine, & lacrymis, prædisque miserorum? Dixit, recessitque indignanti similis, vultuque, quem rei indignitas inflammaverat, succenlo, nec Rege salutato: qui tamen libertate Episcopi, ac facti conscientia permotus, Ediçtum refixit, san- ctumque præfulem muneribus placavit, precesque, ac veniam delicto petijt. (b) Tanti videlicet interest Episcopos loqui, nec ad Principum vitia, quæ silentio invalescunt, connivere: perierat Clotharius Episco- po tacente. Hoc ergo Ecclesiæ Gallicanæ olim solemne fuit, ut vide- licet Regum delicta observarent, monerentque, nec Ecclesiarum suarum libertates, ac privilegia turpi, indignoque obsequio submitterent; nec ideò Regibus suis haud minùs fidi, aut minùs chari; quippe qui illo- rum salutem, animasque gratiæ, ac favori aulico præhaberent, adula- tione submoti; hoc Gallicum fuit. Ubi simul advertere licet, quàm

E

dispar

(a) Epist. ad Pomp. (b) Greg. Turon. l. 4. Hist. n. 2.

dispar antiquorum temporum, nostrorumque sit conditio. Olim enim cum jura, & libertatem Ecclesiæ Magnates invaderent, obstitabant Sacerdotes, rogabant, minabantur, terrebant, ductoque velut vallo Ecclesias muniebant, nullo majoris potentiae, aut periculorum metu: & idè plerumque victores prælio redibant, Regibus bonæ causæ, ac veritati ultro cedentibus; quippe qui errore potius agebantur, quàm voluntate nocendi. Nunc verò libertati adulario successit; & Ecclesijs in servitutem raptis, non tantum quies, & silentium est, sed etiam laudes, & encomia sequuntur; nec quæritur quid leges, quid Canones jubent, sed quid Aulæ placeat; hinc morbus remedij expers, nemine, quid ægro profit, quærente, sed quid sapiat; imò condiuntur venena, ut etiam delectent, cum perimunt: quem tu hic accuses, medicum, an ægrotum?

IV. Cum ergo ex allatis proximè testimonijs constet, in Gallijs usque in tertiam Regum progeniem, imò ne quidem sub hujus initia locum Regaliæ fuisse, proximum est, ut quando cœperit, dicamus. In quo communis ferè eorum, qui de hac re scripserunt, sententia est, post undecimum sæculum cœpisse, magno illo de Investituris certamine, quod tanto tempore Ecclesiam, Imperiumque collisit, feliciter pacato. Id contigit Anno Christi 1122. in Concilio Lateranensi, operâ præsertim, prudentiæque Calixti II. Pont. Max. (a) Ab hoc tempore jus Regaliæ invaluit, usu præsertim, ac Episcoporum, summorumque Pontificum tolerantia, quæ pro tacito privilegio acceptabatur: nec deerant, qui crederent jus Regaliæ, ac vacantium bonorum occupationem necessariò consequi ex Concilij Lateranensis indulgentia, & Calixti Constitutione, sublatâ annuli, atque crucis cæremoniâ Investituras concedentium, quod etiam Maimburgus asserit (b) probatque, semper in Reges, quàm Episcopos prior: *Si enim, inquit, fenda, jura, patrimonialia, æque facultates Ecclesie in manus Principum haud recidunt, sublato Pastore, quæ ergo dari à Principibus possunt recens electi? dare enim non possunt, si non habent; cum ergo Concilium Lateranense Investituras feudorum Principibus concessit, etiam occupationem concessit, vacantium Ecclesiæ bonorum, hæc enim Investituras necessariò consequuntur.* [c]

Hæc

(a) V. M. de Pamiers fol. 12. Maimburg. de la decadenz. fol. 409. de Marca de Conc. lib. 8 cap. 23. Regale Sacerdot fol. 70. (b) Maimburg. de la decadenz. fol. 409. (c) Maimburg. de la decadenz. fol. 314.



Hæc alibi etiam Maimburgus repetit; quæ quàm malè connectantur, nemo non videt, & malim ego malæ causæ potiùs adscribere melioribus argumentis destitutæ, quàm ipsi Maimburgo, historiam magis, quàm Canones, legesque, & feudorum jura callenti: feuda enim familiaribus, non personis addicuntur, nec obitu Vasalli ad Dominum, sed hæredes transeunt: [a] fructus quoque ante Investituram hæredi proveniunt; imò gravissimorum Doctorum sententia est, etiam per annum, & diem non petitâ Investiturâ, feudum proximis agnatis, non Domino deberi; cur enim alterius culpam luant innocentes? [b] Nec obstat *jus Revelij*, quod paucis tantum in locis obtinuit. Quantò hæc certiora sunt, de feudis Ecclesiæ relictis? ut primùm enim Ecclesiæ adscribuntur, mutant qualitatem, evaduntque *bona Ecclesiastica, patrimonia pauperum, peculium Dei*; nec profanis usibus accommodari amplius possunt, quod sæpe non à Sanctis Patribus tantum, sed etiam Ethnicis scriptoribus dictum est. Omisâ Investiturâ, idè feudum amitti Jura decrevere, quia ingratitudo in Dominum commissâ videtur; at hæc causa in Episcopos haud cadit, non enim amplæ Principum donationes in Episcopos, sed in Ecclesias, & Deum conferuntur, [c] qui nunquam ingratus est. Sed demus feuda extincto Episcopo ad Principes redire, maximè in Provinciis, quæ jure consuetudinario reguntur, quid de Decimis, Oblationibus, aliisque suppellestilibus, ac Patrimonij Episcoporum dicemus, quæ majorem proventuum partem efficiunt, & tamen nec feuda sunt, nec Investituris traduntur: quo jure à Principibus hæc vindicantur sublati Pastoribus? aut quæ est consequentia, ut concessis Investituris, etiam hæc concessa credantur, quæ nec Investituris traduntur, nec ullam cum istis connexionem habent? Et planè si occupatio bonorum vacante Ecclesiâ Imperatoribus concessa fuisset? aliquâ utique hujus, tantique momenti concessionis mentio facta esset, cum tamen nulla fiat, nec in toto Lateranenſi Concilio, aut Diplomate Calixti vel verbum de vacantibus Ecclesiæ fructibus legas: & tamen id necessarium erat; cum enim consuetudo eos occupandi Sacris Canonibus tories, & tam enixè prohiberetur, essetque omnium consensu inter abusus, & corruptelas relata,

E 2

non

[a] Cap. Imperialem §. præterea, de prohib. feudi alienat. per Frid. & cap. 1. quæ fuit prima causa. (b) Vide Bald. Zaf. Socin. & alios apud Clar. §. feud. q. 66. n. 6. & faciunt cap. un. §. porro qualiter olim poterat feudum alien. cap. Titius cap. si vasall. de feudo defuncti. (c) V. Engel. ad Tit. 20. de feud. n. 48. Barbos. ad cap. fin. de donat. n. 15.

non poterat pro concessa, licitaque haberi, nisi privilegio Concilij muniretur: imò non tantum concessa non est, ac silentio præterita, sed etiam, ut videtur, à Concilio, & Imperatore damnata. Concilium ita loquitur: *Si quis Principum, aut Laicorum aliorum dispensationem, seu donationem rerum sive possessionum Ecclesiasticarum sibi vendicaverit, ut sacrilegus judicetur. Et infra: Sanctorum Patrum Canonibus consoni statuente oblationes de alijs omnium Ecclesiarum Altaribus, sive crucibus à Laicis auferri omnino prohibemus, & sub anathematis districtione firmamus. [a]*

En Patres Concilij de omnibus bonis Ecclesiasticis loquuntur, ijs præsertim, quæ sacris Canonibus diripi prohibentur: talia verò sunt bona vacantium Ecclesiarum, ut suprà ostensum, quæ si voluissent excepta, utique expressissent, sacris Canonibus eorum occupationem gravissimè prohibentibus. Henrici verò Imperatoris Constitutio sic habet: *Ego Henricus dimitto Deo, & Sanctis ejus Apostolis Petro, & Paula omnem Investituram per anulum, & baculum, & concedo in omnibus Ecclesijs fieri Electionem, & liberam Consecrationem. Possessiones etiam omnium aliarum Ecclesiarum, &c. ut reddantur, fideliter adjurabo. [b]*

Pater ergo ex Concilio Lateranensi nihil juris in vacantes Ecclesias Regibus accessisse; imò triennium ante Concilium Lateranense idem abusus spoliandi Ecclesias viduatas recentissimè, & ab eodem Calixto II. proscripserat in Concilio Tolosano, cujus hæc sunt verba: *Primitiæ quoque & Decimæ, & Oblationes, & bona cætera deficientis Episcopi, & Clericorum à Principibus, vel quibuslibet Laicis diripi, & teneri penitus interdicimus; qui verò pertinaciter ista præsumpserint, ab Ecclesiæ liminibus tanquam Sacrilegi arceantur. [c]* Quod adhuc clariùs evadet ex Principum testimonijs; qui hæc spolia Ecclesiarum abusum, corruptelam, nefariamque consuetudinem appellant, nulloque alio privilegio, quàm inexpletæ cupiditatis nixam; idque paulò post Concilium Lateranense concessasque Investituras: id verò nunquam dixissent, nec dicere poterant, si, quod vult Maimburgus, spolia vacantium Ecclesiarum æquè Principibus, ac ipsæ Investituræ à Concilio permittæ fuissent. Raymundus ergo Comes Tolosanus in suo privilegio ita loquitur: *Ego Raymundus &c. novi, quod quandam nefariam consuetudinem, quæ quondam extiterat in cathedralibus Ecclesijs nostri regiminis*

(a) Concil. Lateran. cap. 4. & 41. anno 1122. (b) Concil. Lateran. post. cap. 22. Wilhelm. Malmesb. lib. 5. (c) Concil. Tolos. can. 4. anno 1119. apud Baluz. T. 6. spicileg. & in Not. ad Marcam. lib. 8. cap. 18.

minis extirparem; erat enim consuetudo, ut decedentibus Episcopis bona Pontificalia, &c. à bajulis & Vicarijs Patris mei diriperentur, & distraherentur, quod quia cognovi à Legibus divinis & humanis supradictam detestabilem consuetudinem, &c. [a] Ermengardis Comitissa Narbonensis: Notum sit omnibus, quod ego Ermengardis recognoscens injuriam, quam parentes mei, & ego in possidendis honoribus, & bonis diripiendis decedentium Archiepiscoporum Narbonensis Ecclesie hucusque perperam fecimus, &c. sive sint fructus percepti, seu percipiendi, &c. [b]

Hanc Ermengardis spontaneam cessionem confirmans Adrianus IV. jubet Episcopalia bona futuro Antistiti præservari, & contrariam consuetudinem dicit contra Deum, & Ecclesiam esse inolitam. [c] Fridericus II. Imperator in Constitutione sua Agræ data vocat *abusum motu propriæ voluntatis à suis Antecessoribus inductum*. [d]

Hanc ipsam suam Constitutionem confirmavit Fridericus Bullâ aureâ ad Honorium III. Papam, quæ asservatur in arce Hadriani. [e] Ipsi Principes, Baronesque Germaniæ Innocentium III. litteris ad eum datis certiores reddunt, Ottonem IV. Imperatorem, prave illi consuetudini, & indebitæ vexationi renuntiâsse occupandi bona tam mobilia, quàm manentia vacantium Ecclesiarum. [f] Si ergo post Concilium Lateranense Principes, ac etiam Imperatores vindicationem bonorum Ecclesiæ *abusum nominarunt, & quidem detestabilem contra jura divina & humana inductum, nefarium, sacrilegum, vexationem injustam nullo jure, sed pro arbitrio, ac cupiditate inventam*; patet omnino, persuasum eis non fuisse à Concilio Oecumenico cum investituris esse concessam; quod enim concessum est, & præsertim à Concilio Oecumenico, non abusus, non vexatio, nec Sacrilegium est, sed facultas, & privilegium, quo licitè utaris integraq; conscientia; fallitur ergo Maimburgus, cum jus spoliandi Ecclesias, earumque proventus, quoties vacarent, recipiendi, Investituris connexit; has Concilium certis quibusdam conditionibus, illud nunquam indulsit.

V. Quamvis tamen nihil juris in Ecclesias vacantes à Concilio Reges accepissent; utebantur tamen in certis quibusdam Provincijs, non privilegio quidem muniti, (hujus enim nullam unquam mentionem reperies) sed solâ consuetudine, quàm semper & solam prætexunt, & ea

E 3 præ-

(a) Anno 1150 apud Baluz. ex Archiv. Ecclesiarum. Barcinon. & Gerund.  
(b) Anno 1155. apud Baluz. (c) Adrian. IV. elect. anno 1154. (d) Anno 1213.  
Innoc. PP. III. vid. Raynald. ad hunc annum. Marca. lib. 8. c. 23. Goldast. &c.  
(e) Bulla aurea Frid. II. Imp. anno 1179. (f) Anno 1200. apud Baron. ad annum 996. & in Regesto Innoc. & Marca. lib. 8. cap. 23.

præsertim sub Regno Ludovici VII. invaluit, estque ad Beneficiorum collationes extensa, ut multis exemplis probari posset, nisi res clara esset, omniumque sententijs recepta. [a] Cæterum vix consuetudo huic abusu cohonestando par erat. Cum enim hanc consuetudinem juri Divino adversari, & idè sacrilegam esse Principes, quorum verba recitavimus, fateantur; imò Emmanuel Comnenus *in contemptum Dei, jurisque naturalis everfionem vergere* pronuntiet: [b] quis dicat sacrilegia, contemptum Dei, legumque Divinæ, ac naturalis injurias consuetudine purgari? & idè omnium juris-Consultorum sententia est, [c] consuetudini contra jus naturale, & Divinum nihil licere. Ipse de Marca Parisiens. Archiepiscopus, rerumque istarum & sacrorum Canonum longè peritior Maimburgo (quippe Theologiæ, juriisque ut ex libris apparet, aut ignaro, aut negligente) fateatur; *usum fructum redditum Episcopatum, (si redditus feudorum excipias) & collationes præbendarum ex consuetudine contra Canones profectas, & idè Concilij Lugdunensis auctoritatem quasitam esse, Principibus haud satis consuetudine tutis.* [d] Quæ licèt jam longo tempore Ecclesias percurreret, durassetque in sæculum undecimum, quando videlicet Concilium Lateranense celebratum est; semper tamen sacris profanieque legibus sive occupationem fructuum, sive etiam collationes Beneficiorum spectes, damnata, [e] quod indicio est eam consuetudinem nunquam pro legitima, & quæ jus aliquod tribuere posset, habitam esse. Id ipsum certamen pro Investituris susceptum, quodque totos quinquaginta annos Ecclesiam Imperiumque concussit, clare ostendit; nolebant enim summi Pontifices feudorum Investituras per crucem, annulumque conferri, quamvis diuturna consuetudo id obtineret, quòd eà solemnitate ipsi Episcopatus, sacræque dignitates conferri à Principibus viderentur: [a] imò

(a) Vid. Tom. 2. Libert. Gall. cap. 16. Tit. 1. 4. 5. & 16. & Marca. lib. 8. cap. 22. M. de Pamiers f. 15. (b) Constitut. Joan. Comn. & Emmanuel Imp. an. 1120. & 1150. apud Marcum lib. 8. cap. 23. (c) V. DD. ad c. fin. de consuet. (d) De Marca l. 8. c. 24. n. 4. M. de Pamiers de la Regal. f. 56. init. Choppin. Ruzée JurisConsultes François. (e) Fructus vacantium Ecclesiarum successoribus reservandos esse habetur in c. 40. Apost. can. 24. Concil. Antioch. can. 22. & 25. Concil. Chalcedon. can. 6. Concil. Aurel. II. can. 6. Concil. Rhegiens. can. 9. Concil. Paris. can. 14. Concil. Pontig. can. 14. Conc. Trosi. V. etiam Hincm. ep. 45. 21. 12. Gerbert. epist. 118. S. Greg. lib. 2. epist. 19. 20. 21. lib. 3. epist. 14. lib. 4. ep. 13. 14. 20. 21. Sc. Flodoard. lib. 3. Hist. Rhem. cap. 4.

[a] imò viri in Gallia sanctitate, ac doctrinâ præstantes, hæresis notabant, qui pertinaciter assererent, oportere à Laicis Principibus Episcopos investiri: erant ij Sancti Godefridus Episcopus Ambianensis, Hugo Episcopus Grarianopolitanus, Bruno Episcopus Sigvinus, Joannes Archiepiscopus Lugdunensis, omnesque Concilij Viennensis Patres. [b] At verò, qui hâc hæresis notâ abstinentium censèbant, inter quos præcipuus Ivo Episcopus Carnotensis, hanc ipsam, consuetudinem alieni juris perversionem, appellabant, & sacrilegam præsumptionem, quæ pro libertate Ecclesiæ, & honestate salvo pacis vinculo, si fieri potest, planè abscondenda esset: quæ omnia sunt verba Ivonis. [c] Si ergo solæ Investituræ, quæ signa tantum erant collatæ dignitatis Ecclesiasticæ, tam severè etiam in Gallijs exceptæ sunt, & Laicis prohibitæ, nec ullo consuetudinis obtentu excusatæ, quantò magis ipsa collatio sacrarum dignitatum? & si signum tam acerbè pulsatum, habitumque, quantò acerbius res significata? Dicit fortasse aliquis, aliud esse spolia, aliud usumfructum bonorum Ecclesiæ vacantis, spolia morientium Antistitum ad istorum hæredes spectâsse, & idèd nullâ consuetudine induci potuisse, ut à Principibus caperentur, alioquin & furta excusari possent, si in morem, usumque transeant. Illas ergo Principum constitutiones de spolijs, non de usufructu intelligendas esse. Cæterum nullo fundamento discrimen hoc inter spolia, & usumfructum nititur. Enimverò sermonem illic esse non de spolijs tantum, sed etiam de usufructu patet ex verbis Emmanuelis Comneni, [d] qui expressè loquitur de administratione bonorum immobilium vacantis Ecclesiæ, in quæ ne pedem quidem immittet aliquis ex ducibus, sed nec quilibet illinc pars auferetur, sed omnia à partibus (Clericis) ejusmodi Ecclesiarum in ipsis administrabuntur, quemadmodum legitime, & Canonice edictum est, donec successores renunciati sint. Et Ermengardis Comitissa in Diplomate Cessionis: Recognoscens injuriam in possidendis honoribus & bonis diripiendis decedentium Archiepiscoporum, &c. sive sint fructus percepti, sive percipiendi, &c. [e]

Et Gregorius IX. in litteris ad Archiepiscopum Narbonensem:

*Sene-*

(a) De collat. Benef. Laicis prohib. can. 6. Concil. Chalced. cap. 29. vel 31. Apost. can. 3. Concil. Nicæ. II. cap. 21. Concil. VIII. can. 8. Concil. Paris. III. Concil. Aurel. I. cap. 368. Capitulare Caroli Mag. vide 16. q. 7. apud Gratian. M. de Pamiens fol. 52 de varia eligendi forma. Reg. Sacerd. f. 43. de Pamiens fol. 128. (b) Concil. Vien. an. 1112. (c) Ivo epist. 236. de Investituris. Vid. Regal. Sacerd. f. 61. (d) Constitutio Emman. Comn. anno 1150. quam reperies corpori inferiam. (e) Anno 1155. apud Baluz.

*Seneschalli, & Ballivi charissimi in Christo Filij illustris Regis Francorum in Narbonensi Provincia constituti decedentibus Ecclesiarum Prælati, castra, villas, & alia bona Ecclesiarum vacantium contra debitum juris usurpare, &c.* [a] Et Fride-ricus II. Imperator: *Illum quoque dimittimus abusum, quem in occupandis bonis decedentium Prælatorum, aut etiam Ecclesiarum vacantium, &c.* [b] Et Principes, Baronesque Germaniæ litteris ad Innocentium III. *Prava illi consuetudini, & indebitæ vexationi occupandi bona decedentium Episcoporum dimisit, & suis successoribus servanda statuit.* [c] Ex his omnibus manifestum est, consuetudinem non solum spolia capiendi, quæ ad hæredes defunctorum pertinebant, pro abusu habitam esse, sed etiam usumfructum bonorum vacantis Ecclesiæ: & verò cur non æquè iste ac illa damna- rentur? nec enim minus delictum est usurpare, quæ ad Deum perti- nent, quàm quæ ad hæredes; & si depilare, quæ ad hæredes spectant, nullâ potest consuetudine excusari, quantò minus excusari potest depi- lare, quæ Dei, & Ecclesiæ sunt, nisi fortè Dei, & Ecclesiæ pejor sit con- ditio, quàm alterius cujusque privati juris: & ideo quamvis etiam In- vestituris consuetudo patrocinaretur, semper tamen à Concilijs summis- que Pontificibus damnatæ sunt, & consuetudo pro abusu habita & sa- crilegio, etiam à Gallis, Ivone videlicet Carnotensi, aliisque. [d] Idque clarissimè ex vita, actisq; S. Thomæ Cantuariensis evincitur: nec enim minus in Angliam, quàm Galliam consuetudo Regaliæ induxerat; & inter capita Regiarum Angliæ consuetudinum duodecimum locum ob- tinebat, ut videre est apud Baronium: [e] hanc Rex Angliæ dignita- tem coronæ suæ vocabat: hanc in Synodo Nationali apud Clarendonam Angliæ Episcopi admiserant, [f] juraverantque metu Regis omnia miscerentis, imò & varijs adornatam rationibus, ut metum excusarent, Alexandro Pontifici obtulere, rogabantque approbari: [g] sed in con- fessu Episcoporum sacrique Collegij improbavit Pontifex, easque con- suetudines Tyrannicas usurpationes, Legis divinæ subversiones abominabiles ap- pellavit. [h] Ipse S. Thomas potius, quàm huic consuetudini subscri- beret, exilium, & mortem subire voluit. Sola ergo consuetudo Regaliæ nunquam excusavit. Quòd si Principes aliquando hoc jure utebantur, non

(a) Apud Baluz. ex Archiv. Archiepisc. Narbon. (b) An. 1213. apud Reynald. (c) Anno 1200 ex Regest. Innoc. (d) Vide Sacerd. Reg. f. 66. (e) Baron. ad annum 1164. n. 37. (f) Ibid. & in vita cap. 21. [g] Vide Epist. 128. inter Epistolæ S. Thomæ Cantuar. [h] Vid. Alan. in Quadripart. & Baron. cit. n. 36.

non consuetudo illos, sed aut bona fides ruebatur, aut fortè tolerantia Pontificum, ea, quæ abolere haud poterant, concedentium. Nec obstat Laicis, qui Ecclesias fundaverant, aut amplis patrimonijs instruxerant, quique propterea Patroni appellabantur, jus nominandi, præsentandiq; sacris Canonibus fuisse indultum; (a) aliud enim hoc erat, aliud quod prætextu Regaliæ, & Investiturarum petebatur; qui enim jus præsentandi habebant, personas tantum designabant, exhibebantq; Episcopo; hujus erat designatos admittere, examini subdere, & denique Sacerdotia, ac Beneficia conferre: quæ jam omnia principi deferuntur, Episcopis præteritis; & hoc Regaliam dicunt, quam, ut vidimus, sive fructuum occupationes, sive collationes Præbendarum spectes, semper Canones, Concilia, Patres, ipsique aliquando Reges persecuti sunt: aut si vacantis Ecclesiæ proventus sibi addicerent, alijs tamen Ecclesijs, pijsque locis reddi volebant, pacatà utcunque conscientia, de quo postea dicemus. Planè S. Ludov. qui in (b) Pragmatica sua sanctione vestigijs Ludovici Pij insistent, jusserat ad præscriptum sacrorum Canonum electiones liberas esse; non alio jure in Beneficijs vacantium Ecclesiarum usus videtur, quàm nominandi, præsentandique, & jus Regale dicebatur, quòd soli fere Regi competeret, duceretque originem ab Ecclesijs Regià liberalitate fundatis auctisque. Verba Ludovici in litteris ante sacram expeditionem datis, sunt: *Personatus, præbendas, Ecclesias, Capellanias, & cætera Beneficia, quæcumque vacare contigerit, ad nostrum Patronatum, collationem, seu præsentationem nostram, seu ratione Regalium, quàm alio quocunque jure pertinentia, conferendi, ac præsentandi*, (c) Ubi vides quidquid jure Regalium in Beneficia vacantia Regibus permittebatur, ad Collationem seu Præsentationem revocari, jure interim instituendi confirmandique, Papæ, Archiepiscopis, Capitulis cathedralibus alijsve relicto. Verum quidem est, ne quidem intra hos terminos coerceri Reges potuisse majorum semper avidos; at nobis animus non est ea persequi, quæ Regibus, sed quæ juribus placuere; non enim factis, sed legibus

F hone-

[a] c. Abbatem 18. q. 2. cap. Laici 17. q. 1. cap. transmissa de I. Patronat. [b] Pragmat. Sanctio S. Ludov. anno 1268. Sunt tamen, qui multis rationibus Pragmaticam S. Ludovico abjudicant. Thomasin. de benef. T. 3 part. 4. l. 2. c. 41. Vide Tract. Gen. de Regalia f. 237. [c] Anno 1269. Preu. des Libert. de l'Egl. Gall. ch. 16. ann. 20.

*honestum metimur.* (a) Multò minus si Concilij Lugdunensis privilegium excludas, potest titulo libertatis Gallicanæ Ecclesiæ Regalia sustineri. *Primo* enim quàm vanum est, rectæque rationi adversum, ut libertatem appelles miserrimam servitutem; non sunt libera vota, non liberæ electiones, non libera decimarum, oblationumque possessio; nec Ecclesiæ, sed alienis Dominis fructus proveniunt; & hæc libertas dicitur? quærimus ergo quid sit servire Ecclesiam, si hoc est liberam esse? *Deinde* libertas Ecclesiæ Gallicanæ antiquis Canonibus, decretisq; Conciliorum præsertim antiquiorum nititur, novis nisi spontè recipiantur, exclusis: at verò jus Regaliæ, sive fructus, sive Collationes Beneficiorum spectes, antiquis Canonibus decretisque Conciliorum, etiam quæ in Gallijs agitata sunt, prohibetur; non ergo ad libertates Ecclesiæ Gallicanæ pertinet, quin potius ejus fundamenta subvertit.

Hæc, quæ hætenus dicta sunt, eò pertinent, ut intelligas ante Concilium Lugdunense jus Regaliæ nullo legitimo titulo fuisse subnixum: non jure feudali, non Consuetudine, non privilegio, & concessione Calixti, non denique libertate Gallicanæ Ecclesiæ: nisi fortè tolerantiam alleges Romanorum Pontificum: sed quæ potest tolerantia dici, quæ tot clamoribus, tot Decretis est interrupta? Testes Gregorius, Urbanus, Pelagius, Calixtus, Honorius, Innocentius, alique tot prælijs, & laboribus defuncti, ut libertatem Ecclesijs redderent. Et siluerint aliquando, id aut pejorum metu, aut desperatione meliorum factum est, quo casu apud omnes receptum, dispensationem silentio non induci. (b) Ergo si verum fateri liceat, soli Concilio Lugdunensi Principes debent, quòd rurò Regaliâ fruuntur; prius usurpatio, non jus fuerat. Quale verò hoc Concilium, & quousque causam Principum juvet, jam dicere aggredimur. (c)

VI. Anno 1274. Secundum Concilium Lugdunense in Gallijs celebratum est. Præfedit Gregorius X. à sacro Senatu post bienij moras ex voto D. Bonaventuræ absens electus, quippe sacræ expeditioni Ptolemaide intentus. Vix aliud Concilium in Ecclesia frequentius, pluribusque infulis ornatum reperias; mille Antistites aderant; Legati ab

utro-

(a) M. de Pamiers fol. 21. de la Regale, fol. 59. Qua etiam distinct. usus est Romanus VIII. in resp. ad 3. Episcopos Gallicanæ Eccles. Legatos, in lit. ad Ph. lipp. Pichrhum, apud Spontan. ad ann. 1302. Prynneus in Libert. Anglic. p. 940. (b) Sanchez lib. 2. de matrim. d. 38. n. 12. (c) Vid. Tract. Gen. de Regaliâ. f. 137.



utroq; Occidentis, & Orientis Imperatore, omniumq; in Europa Principum, Galliar præfertim Regis Philippi Audacis. Multa in hoc Concilio præclare agitata. Bellum sacrum adversus infideles decretum, & hunc in finem Galliarum Regi decimæ additæ: Abagæ Tartarorum, Persarumque Regis Legati auditi, quorum unus sacro fonte ablutus; fœdus cum eodem percussum: Michaëli Palæologo confirmatum Imperium, quod expulso Baldovino inierat, eâ videlicet conditione, ut sociatis cum Latinis viribus bellum Ægypto inferret. Rudolphi Habsburgici electio confirmata, sic tamen, ut in Palestinam duceret, copiisque Christianorum Imperatorio nomine præfesset, quod & juramento, & acceptâ è Pontificis manu cruce pollicitus est. Unio quoq; inter Græcos, Latinosque firmata, terque Pontifice sacris operante, ea formula repetita: *Filiusque procedit.* Et denique Ecclesiasticæ disciplinæ, præsertim Pontificum electioni toties, tantoque cum damno jactitæ, provisum est. Inter alia disciplinæ capita Jus etiam Custodiæ, seu Regaliæ mille abusibus mixtum, quodque Ecclesias absumebat, certis terminis inclusum; nam aboleri non poterat Principibus invitis, nec permissuris: nec eo tempore provocandi erant, cum ad sacrum bellum, expensasque bello pares invitabantur: datum est ergo aliquid temporis, & morbo, qui curari non poterat, moræ saltem, & impedimenta objecta, ne proficeret. Verba Concilij hæc sunt: *Generalis Constitutione sancimus, omnes, & singulos, qui Regaliam, Custodiam, sive Guardiam Advocacionis, seu defensionis titulum in Ecclesijs de novo usurpare conantes, Bonas Ecclesiarum Monasteriorum, aut Locorum ipsorum vacantium occupare præsumunt, quantecunque honore dignitatis præfulgeant; Clericos etiam Ecclesiarum, Monachos Monasteriorum, &c. Qui hoc fieri procurant, eo ipso Excommunicationis sententiæ decernimus subiacere. Illos vero, qui se, ut deberent, talia facientibus non opponunt, de prebentibus Ecclesiarum, seu locorum ipsorum pro tempore, quo præmissa sine debita contradictione permiserint, aliquid percipere districte prohibemus. Qui autem ab ipsarum Ecclesiarum fundatione, vel ex antiqua consuetudine jura ejusmodi sibi vendicant, ab illorum abusu sic prudenter abstineant, & suos ministros sollicitè faciant abstinere, quod ea, quæ non pertinent ad fructus, sive redditus provenientes vacationis tempore, non usurpent, nec bona cetera, quorum se asservant habere custodiam, dilabi permittant, sed in bono statu conservent.* (a)

Circa hanc Constitutionem aliqua notanda veniunt. Primò. Ubi

F 2

hacten-

(a) Concil. Lugdun. can. 22. anno 1374. Vide Reg. Sacerdot. à fol. 79.

hactenus jus Regaliæ usurpatum non fuit, prohibet deinceps usurpari, eosque qui hunc abusum inducunt, nullo dignitatis discrimine anathemate ferit, & ne à quoquam dubitari possit, quid nomine Regalium voluerit Concilium intelligi, multiplicantur aliæ voces æquivalentes, videlicet : *Custodiæ, defensionis, usurpationis, & vindicationis fructuum vacantium Ecclesiarum*; quæ omnia Regaliam, de qua agimus, apertè notant, ut nihil apertius dici possit, & videri possunt Glossa, & Archid. in cap. *Gener. li in 6.* Observat etiam Durandus Speculator Episcopus Mimatensis qui Concilio interfuit, Patrumque jussu Canones contexit, ac commentariis illustravit; Galliæ, Angliæque Episcoporum querelas Concilium Patresque inclamantium evicisse, ut hic Canon ederetur. (a) Marca verò Archiepiscopus Parisiensis preces etiam Philippi Audacis, ejusque Oratorum accessisse dicit, hoc ipsum à Patribus postulantis. Hæc ergo Regaliæ, seu Custodiæ restrictio ab eo Concilio edita est, cui sanctissimus Pontifex præfederalat, cui Episcopi supra quingentos aderant, Prælati mille, omniumque in Europa Principum Oratores, imò & ex Asia, Persiæque : quo nullum in Ecclesia majus florentiusque habitum est : in quo de summo rei Christianæ capite agitur; cui non Galliæ tantum Legati, Episcopi que affidebant, sed quorum etiam precibus querelisque datum, ut Regaliæ omnia pervagantis modus aliquis, limesque figeretur, dicta ijs pœnâ omnium gravissimâ, qui aliquid contra molerentur, aut etiam non obfisterent : quæ omnia mihi volutanti omninò persuadent, hunc Lugdunens. Concilij Canonem Regi Galliarum studiose occultatum esse, aut aliâ facie, quàm est, exhibitum; & facile fuit castris potius, armisque, quàm aris intentum fallere; si enim illum, ut est, perspectum habuisset, numquam credo tam salubre Decretum, tam sanctè, tantoque apparatu in Gallia factum, & à Galliæ Regibus, Episcopisque expetitur violari passus esset, idque parvo, & Rege indigno quaestu; sed, ut dixi, ad Regem veritas non pervenit. *Secundò.* Causa, quæ Concilium permovit, ut Regaliam ijs locis, ubi invaluerat, permitteret, non alia in Canone producitur, quàm *fundatio Ecclesiarum, & consuetudo diuturna* : quo ea confirmantur, quæ supra diximus : Regaliam videlicet non à jure feudali, non à Privilegio Calixti profectam esse, sed à consuetudine, quæ abusu cœpta in usum, tandemque in tolerantiam, ac privilegium desijt; cur enim tam honestos titulos, & qui etiam sufficerent,

(a) Durand. in Commentar. can. 12. quos Majolus edidit I. C. anno. 1369.

rent, consuetudine sepositâ, Concilium præteriret ? imò si illis Regalia nigeretur, non poterat restringi, sed universim admitti, non minùs, quàm feuda, & Investituræ d. bet at. Ergo ante consuetudinem nullus Regaliæ titulus, quo licita redderetur, nisi tolerantiam velis : quamquam nec tolerantia tuit, quam tot à Pontificibus, Concilijsque Decreta interromperant, aut si aliquando connivebant, metu fastidioque tenebantur, re toties, & incassum tentatâ. *Tertio.* Etiam post Concilium Lugdunense dubitatum est, an sola Custodia vacantium proventus (si modò feudales excipias) aut etiam usus-fructus permitteretur ? sanè Bonifacius VIII. Ferdinando Castellæ & Legionis Regi solam Custodiam permisit, & cum fructus etiam vendicaret, nec monitus ablisteret, anathemate percussus est, nec priùs absolurus, quàm omnia redderet. (a) Inter alia legationis capita, quâ Joann. Cardinalis ad Philippum pulchrum functus est, (b) etiam illud erat : *Ne vacantium Ecclesiarum bona depilarentur.* Id verò nunquam Bonifacius tentâsser, si privilegio Concilij Lugdunensis crederet Principes muniri, nec isti privilegium, sed consuetudinem obtendebant. Imò Philippo Audaci Galliæ imperante (qui per Legatos Concilio adfuerat) Regius senatus decrevit, jus Regaliæ ad decimas Ecclesiæ Constantiensis (urbs est Normandiæ) haud extendi. Alij etiam Galliæ Reges quasi dedecori, aut conscientiæ sibi ducerent, spolijs Ecclesiarum augeri, ea plerumque sacris locis donabant. Et quidem Carolus VII. Ludovicus XI. Carolus VIII. Ludovicus XII. & Carolus IX. sacræ Capellæ donârunt, qui ultimus hanc donationem perpetuam fecit ; Ludovicus XIV. tertiam istorum bonorum partem addixit, qui Catholicam Religionem amplectuntur, hæresi abjuratâ. Ludovicus XIII. (c) Regnantis Pater revocatâ donatione sacræ Capellæ factâ, voluit, quæ vacante Ecclesiâ proveniant, successoribus Episcopis reservari, exemplo Christianissimo Rege digno, & in quo pietatem juxta & Religionem veneris. Sed tribus post annis Ludovico XIV. adhuc minore donatio rescissa est, Oeconomi vacanti Ecclesiæ dati, omnesque proventus Regio arbitrio, ad pia tamen opera, subjecti, rebus in eum statum repositis, quem ante donationem à Carolo VII. factam obtinuerant. *Quarto.* Multo minus à Concilio Lugdunensi conceduntur Principibus Laicis Collationes, & Institutiones pleno jure Beneficiorum vacante Ecclesiâ.

\* F 3

De

(a) Anno 1303. apud Raynald. (b) Anno 1303. apud Raynald. n. 34. & Spondan. ad ann. 1302. (c) Anno 1641.

De hoc enim in Concilio altum silentium; nec verò fileri debebat tanti pretij privilegium, Regulisque disciplinæ & libertatis Ecclesiasticæ, ac Concilio Oecumenico Lateranensi sub Calixto II. tam adversum. Nec aliter Concilium Lugdunense intellexit Bonifacius VIII. in responso Legatis Galliæ dato, jus videlicet, nominandi, præsentandique, non verò instituendi ad Regem pertinere: verba Bonifacii sunt: *In Collationibus præbendarum duo sunt consideranda, jus Patronatus, & præsentatio; Collationem verò & usum ad Laicos nullo jure pertinere posse nisi fortè ministerialiter: & alibi: Quantum ad Collationem Beneficiorum se zelantem salutis Regis frequenter ejus nuntius dixisse, cupere se, ut Rex f. ceret licite, quod faciebat illicite, quia omnia jura clamant Collationem Beneficiorum non posse cadere in Laicum; ita quod habeat jus & potestatem spirituales conferendi.* (a) Et Nangis in vita Ludovici: *Sanè in Beneficijs Ecclesiasticis conferendis, quæ ad Patronatum ipsius pertinebant præcipuè in Ecclesijs Cathedralibus, ubi sede vacante ratione Custodiæ Regalium ex consuetudine pertinebat ad eum Collatio, &c.* (b) Ubi vides totam Collationem Beneficiorum revocari ad jus Patronatus, id est, ad jus præsentandi, non verò instituendi. Quo etiam modo sunt intelligendæ Constitutiones Gregorij X. *Exposuit nobis, & divine Gratia premium.* (c) Quibus idem jus in Regibus Galliæ agnoscitur. Caterùm jus conferendi Beneficia, præsertim pleno jure, nunquam fuisse à Concilio Lugdunensi concessum, illud evidenti argumento est, quod motà illis à Pontificibus lite nunquam Concilium prætulerint, sed solam consuetudinem; hæc unà nitebantur, ut videre est in responso Philippi ad articulos Bonifacii, & in Philippina Constitutione ejusdem argumenti. (d) Cur verò tacerent Reges, qui omnia conquirebant, privilegium Concilij universalis, quod solum omnes rationes vincebat? nam consuetudini multa obijci poterant, Concilio nihil.

Nihil ergo adjumenti à Concilio, quod Regaliam, Collationes præsertim Beneficiorum non tam extendi, quàm restringi volebat, & ideo nec universim Principibus permissum, sed tantum pro ijs locis, in quibus Consuetudo prævaluerat, nam ut bene Politicus: *Sapientes quædam tolerare oportet, etiam quæ non probant, ut transitum ad majora faciant: quædam*

(a) Spond. ad ann. 1302. (b) Nanges in vita S. Ludov. p. 445. (c) Gregorij X. Constitut. de an. 1271. (d) *Preuves des libertez de l' Eglise Gall. ch. 16. n. 23. Philipine anno 1334.*

*in tempus rejicienda, nec Principes multis annis molliter habiti ad duriora ver-  
tendi. (a)*

VII. Cæterum nec intra terminos à Concilio præscriptos hæserè Principes ; nam & cupido aliena libandi, & præsertim aulicorum consilia, specie obsequendi suas cupiditates obvelantium, limites perripit. Concilium ut vidimus statuerat, ne jus Regaliæ ubi necdum inoluerat, induceretur, sed intra consuetudinem staret. Id aliquamdiu observatum ; sed post non multum temporis nullâ consuetudinis, nullâ Concilij habita ratione, etiam ijs locis, ubi numquam hætenus, usurpari cœptum ; & quamvis jam à ducentis annis omnium ferè Galliæ Scriptorum una vox fuerit, aliquibus tantum locis, non omnibus, exerceri posse, tentatum tamen & hoc est, ut ubique exerceretur, Ecclesijs sub jugum missis. Præterito sæculo quidam è Regijs ministris Regaliam ubique locorum extendere aggressi sunt, eorumque conatus Canonici sanctæ Capellæ promovebant ; ipsis enim Regum donatione vacantes fructus permittiebantur : sed in Conventu Bleis habito (b) Clerus intercessit, petijque Episcopos, qui olim immunes fuerant, relinqui pristinae libertati. Idem regnante Henrico III. à Clero in Comitij ad sanum S. Germani repetitum, ubi cum Regius Procurator hanc propositionem in medium protulisset : *Juri Regaliæ omnes cum Episcopatus, tum Archiepiscopatus obnoxios esse, responsum est à Cleri Delegatis : Duos esse ordines eorum, qui à Regalia immunes essent, videlicet, qui vel per contractus onerosos se liberassent ; vel qui ab hominum memoria nunquam illi subjacuisent ; nec istos minus quam illos exemptos esse : nolle Clerum vel minima ex parte jus Regium delibari ; quanto minus aliquid Ecclesiarum juri detrahendum esse ? nec Regem hoc velle jussi restitque amantem.* (c) Sicq; Regio Advocato silentium impositum, & sententia pro Ecclesijs data. Galliâ bello civili ardente multa peracta sunt Ecclesijs adversa, quæ prudenter à Clero dissimulata ; quippe inter armorum strepitus audiri Leges non poterant, ubi pax redijt Henrico Magno & virore, & Rege, omniumque votisposito, querelæ iterum à Clero auditæ, jussuque Regis expensæ, ac tandem Edictum in hæc verba pronuntiatum : *Non est voluntatis nostræ Regaliam nobis vindicare, nisi intra eam formam;*  
modum

(a) Dion. lib. 52. Seneca, Arist. Polit. August. epist. 18.

(b) Anno 1577.

(c) Anno 1583. Vide M. de Pamiers fol. 40. Tract. Gen. de Regalia f. 145.

*modumque, quâ nos, & Antecessores nostri Reges eâ gavisi sunt; nec intendimus in præjudicium Ecclesiarum, quæ hæcenus exemptæ fuerunt, eam proferre. (a) Huic Edicto post certamen, morasque duorum annorum accessere vota, (b) & confirmatio Parlamenti Regij; sed paulò post, eodemque Parlamento impugnatum est, quando ad Servini Regij Advocati instantiam pronuntiatum fuit: Regem perinde, ac in totius Regni Ecclesias, ita etiam in Bellicensem recens Coronæ unitam, jus Regaliæ obtinere. (c) Perculit hæc Declaratio Clerum Gallicanum, qui suas immunitates, Regiumque Edictum unâ proculcarî querebatur. Henricus causâ ad se evocatâ unum annum superlevedi hoc negotio, omnique processu jussit. Ludovicus XIII. Henrici Edictum anno 1606. datum confirmavit, (d) jussitq; per Commissarios suos Clero exponi: Nolle Regem fructibus vacantium Ecclesiarum gaudere nisi ijs locis, quibus præteritis retro annis gavisus fuerat, sicque Henrici Patris Edicto standum esse. Idem Ludovicus, ut suprà notavimus, pari liberalitate, & Religione fructus vacantium Ecclesiarum electis Episcopis conservari, donarique voluit. Ipse Ludovicus Decimi tertij filius edixit: Nolle se Regaliâ, & simplicium Beneficiorum collatione uti, nisi ijs in locis, quæ anno 1606. Regaliæ subiciebantur. (e) Tandem post multas dilationes instruendæ suæ causæ Clero datas, ternæ constitutiones ab eodem Ludovico prodire, quibus tria statuebantur. (f) Primò: Omnes Ecclesias, quâ Regis Imperium pertinet, Regaliæ obnoxias esse; ijs tantum exceptis, quæ titulo oneroso libertatem redemissent. Secundò: Omnes cum Episcopos, tum Archiepiscopos, qui deinceps promoverentur, post duos menses à juramento fidelitatis Regi præstato obstrictos fore, ut hoc ipsum juramentum in acta Regiæ Parisiensis Cameræ referri curent, præterque litteras, quibus expirasse, finitamque Regaliæ Oeconomio, qui vacanti Ecclesiæ præfuerat, insinuetur; id si omittant promoti, perinde, ac vacante Ecclesiâ, Regaliâ duraturam. Tertiò: Episcopi verò, & Archiepiscopi jam tum promoti, ac insulis potiti, & quietâ possessione fruentes, quique juramenta sua, ut præfatum est, libris Parisiensis Cameræ Computorum inscribi non fecerant, nec litteras obtinuerant sublata Regaliâ, duobus mensibus post vulgatam hanc Declarationem, utrumque id præstent; aut si negligant, perinde ac vigente Regaliâ, & Sede vacante, omnia Beneficia ab hujusmodi Episcopis conferri solita, & aliâs Regiæ dispositionis futura, ac titulo Regaliæ impe-*

(a) Anno 1606. (b) Anno 1608. die 29. Febr. (c) Bellay dans la Bresse ann. 1608. die 24. April. (d) Lud. XIII. constit. an. 1629. art. 16. (e) Anno 1657. die 12. April. (f) Anno 1673. & 1675. die 2. April.

*impetratum iri.* Hæc sunt tria capita, quæ Regia Declaratio complectebatur, quæque classicum tot in Gallia turbis cecinere, alijs Regiam voluntatem aut spe, aut metu securis, alijs mediam viam ingressis, vanisq; protestationibus eam libertatem tuentibus, quam facto prodebant; alijs verò aperte obnixis: pauci hi quidem, & majori pretio quàm numero, præsertim accessu Romani Pontificis, sed hoc ipsum veritatis indicium fuit, quæ paucis placet, cum amantes mendacio abundant. Et planè tanta, & tam invicta sunt argumenta, quæ Regaliam universum extendi non posse ostendunt; & omnium ferè in Gallia Scriptorum votis firmata, ut post editum Episcopi Apamienfis de hoc argumento Tractatum, nemo ausus fuerit obniti, & quæ ille scripserat, refutare: nec ingenia deerant, nec præmia, audentibus proposita; sed reverentiâ veritatis absterri sunt; cur enim nuditatem suam Soli exponerent, ridendi si prodirent?

## §. II.

Jus Regaliæ, quod hætenus in aliquibus tantum Galliæ Ecclesijs locum habuit, non posse ad omnes extendi.

### S U M M A R I A.

1. Regalia, omnium retrò Conciliorum, ipsiusque Galliæ testimonijs damnata, consuetudine sustineri vix poterat: saltem ubi consuetudo non erat, etiam anno Concilium Lugdunense exerceri non potuisse, duorum Galliæ Regum exemplis, Parliamentorum sententijs evidenter ostenditur.

2. Concilij Lugdunensis Decreto Regaliæ extensio prohibetur, idque Gallis expetentibus.

3. Idem ex varijs Regum, & Parliamentorum Galliæ Constitutionibus, Arrestisque, & omnium ferè Galliarum testimonijs probatur.

4. Non eas solùm Ecclesias eximi, quæ titulo oneroso libertatem redemere, sed omnes, quæ hætenus in possessione suâ libertatis suere, idque Gallos ipsos sateri.

5. Parva Regum Galliæ ex Regalijs emolumenta; maxima ipsorum, & Ecclesiarum damna: Ludovici VII. & IX. egregia in hanc rem exempla.

## I.

**V**ix aliam in tota Ecclesiastica historia causam reperias, tam evidenter, & omnium etiam Gallorum testimonijs probatam, imò documentis ex Regijs Archivij depromptis, ut ista, quam suscipimus defendendam: rationibus-verò tam infirmis, cassisque oppugnatam, ut vel suis Auctoribus rubori, ac ludibrio fuerint, prodiderintque inanitatem causæ tam levibus argumentis fultæ; cum tamen multo maxima esse oportuerit, quæ omnium Canonum, Conciliorum, Regum, Doctorum, & Galliæ ipsius authoritati opponerentur. Hæc an vera sint, ex decursu, reque ipsa intelliges. Primò igitur ea omnia produci possunt testimonia Canonum, Conciliorum, Episcoporum, Imperatorum, Regum, Auctorumque, quæ superiori paragrapho enumerata sunt: quæque, ut vidimus ab anno 499. quo Clodovæus Catholicam Religionem amplexus est, usque ad annum 1122. cum celebratum est Concilium Lateranense sub Calixto II. Papa (imò multo post illud) semper Regaliam damnarunt, vel potius eos abusus, qui postea Regaliæ inducendæ ansam dedere. Ea sunt Concilia Antiochenum, Chalcedonense, Nicænum secundum, Pontigonense, Troslejense, Reghiense, Aurelianense, Parisiense, Tolosanum, &c. Capitularia Caroli Calvi, Constitutiones Imperatorum Joannis, & Emmanuelis Comneni, Friderici, Principumque Germaniæ & Galliæ, Gregorij Magni, Gregorij Turonensis, Hincmari, Flodoardi, Gerberti, & aliorum. Hi omnes locis suprà citatis Regaliam, seu potius primas Regaliæ fibras penitus execrati sunt, tantumque abest, ut eam totâ Galliâ extendi voluerint, ut ne uno quidem loco passi sint, & consuetudinem, quæ obtendebatur, *sacrilègam, detestandam, juri divino, humanoque contrariam* edixerint, quæ omnia ex testimonijs suprà recensitis manifesta sunt; constat etiam, quæ mens Gallicanæ Ecclesiæ tot Concilijs, exemplisque expressa, olim fuerit; quid verò dicerent, egregij, invictique illi Galliarum Antistites, si eam consuetudinem, quam ne uno quidem loco dignati sunt, jam tota Gallia dominantem cernerent? imò & pro Ecclesiæ Gallicanæ legitimo partu semet ferentem? Post Concilium Lateranense jam superiori paragrapho ostendi, jus Regaliæ totâ consuetudine, non privilegio, aliòve justo titulo stetisse, & consuetudinem pacandæ Principum conscientiæ, excusandoque abusui vix suffecisse, quod præter ipsorum Principum testimonia,



## non ad omnes Galliæ Ecclesias extendi posse. 33

stimoniam, quæ produximus, etiam innuit **Marca Archiepiscopus Parisien-**sis, cujus hæc sunt verba : *Cum autem usus-fructus reddituum Episcopatus ( si redditus feudorum excipias ) & Collatio Præbendarum ex Consuetudine adversus Canonos proficiscerentur, optimum factum existimârunt Principes, ut hujus consuetudinis confirmationem peterent decerni in Concilio Generali Lugdunenſi.* Sed quidquid de hoc sit, an videlicet ea consuetudo legitima fuerit, & sufficiens, ut Regalia exerceri tuto posset, illud saltem evidens est, ubi consuetudo non erat, exerceri non potuisse, tunc enim omnis aberat titulus, quo Canonum transgressio Regaliam enixissimè prohibentium excusari posset, & ideo Principes non aliter hoc jure utebantur, quàm ubi, & quando consuetudo illud permittebat : quod duorum Galliæ Regum exemplis evidenter demonstratur. Primum est S. Ludovici, in cujus vita hæc Nangius : *In Beneficijs Ecclesiasticis conferendis Deum semper præ oculis habebat, præsertim in Ecclesijs Cathedralibus, ubi sede vacante ratione Custodiæ Regalium ex consuetudine pertinebat ad eum Collatio Præbendarum.* (a) Sub eodem Rege vacante Ecclesiâ Aniciensi apud Velaunos titulo Regaliæ impetebantur tam in urbe, quàm suburbij, totoque civitatis territorio jurisdictio temporalis, vectigalia, aliqûe proventus ejusdem Ecclesiæ, ac etiam Beneficiorum Collationes : obstitit Capitulum, ostenditq; nunquam id consuetudinis fuisse, ut videlicet vectigalia extra urbem, ac Beneficiorum Collationes ad Regem pertinerent, idque recens tentari cœptum, à decessu videlicet duorum Episcoporum, qui Ecclesiam Aniciensem ultimò gubernaverant ; id verò legitimæ consuetudini inducendæ satis non esse ; quippe consueta dici non posse, quæ bis tantum contigerint ; sic etiam Beneficiorum Collationes nunquam hætenus sibi Reges vendicasse. His à Capitulo allegatis, probatisq; Parliamentum Parisiense decidit : *Ecclesiam Aniciensem libertati suæ relinquendam esse.* (b) Quam Parlamenti sententiam S. Ludovicus suo Diplomate confirmavit, cujus inter alia hæc sunt verba : *Quia per inquestam, quam fieri fecimus, probatum non extitit, quòd vacante Ecclesiâ supradictâ nos, vel nostri Antecessores donum Episcopalem vel fortitericia alia civitatis, castra etiam extra civitatem, seu villas alias, sed nec pedagia ullo unquam tempore habuimus extra civitatem, nisi à duobus ultimis vacationibus, vel aliquando dignitatem aliquam, aut Præbendam contulerimus ; super his ex nunc in perpetuum dictam Ecclesiam nolumus molestari, &c.* (c) Ubi vides

G 2

nec

(a) Nangius in vita S. Ludovici. (b) Parlamenti Parisiens. arrestum Anno 1259. (c) Constitutio S. Ludov. an. 1259 mense Julio. Ex Regestis Parlam. & Cameræ Computor. apud Chopin. Marca lib. 8. Concord. cap. 24. n. 3.

nec Regium Parlamentum, nec ipsum Regem voluisse Regaliæ ultra consuetudinem extendi; imò Regio Procuratori onus probandi incumbere, Regem in antiqua possessione, & consuetudine versari Regaliæ percipiendi, nec prius admittebatur, quàm id probasset, ut ex allata Constitutione palam est, & fatetur Marca, & Ruzeus in privilegio 55. (a) Exemplo, vestigiisque B. Ludovici Philippus Audax Ludovici filius egregie inficit, cujus iussu cùm esset Apamijs, Ecclesiæ Albiensi restituti sunt fructus à Seneschalco Carcasinensi obtentu Regaliæ occupati, Capitulo proclamante, id hætenus numquam esse factum, & idè nec fieri posse: verba Arresti (quod duos ante Concilium Lugdunense annos datum est) sunt hæc: *Sabbatho post Ascensionem Domini restituta fuerunt apud Apamias, & reddita per Dominum Regem procuratoribus Capituli Albiensis Regalia Ecclesiæ Albiensis, quæ mortuo Episcopo Seneschalcus ceperat, & suisinaverat sine causa, cùm Dominus Rex super hoc nunquam usus fuisset, prout ex aliorum, & ipsius relatione fuit inventum.* (b) Constat ergo etiam ante Concilium Lugdunense Regaliæ non alibi admissam, exercitamque fuisse, quàm ubi consuetudo vigeat. Id verò multò magis post Concilium Lugdunense obtinuit, quod tam apertum, & evidens est, ut nihil magis.

II. Nam Concilium ipsum quod attinet, Regaliæ ibi tantum admittit, ubi hætenus inveterata consuetudo inoleverat; alibi verò, & præter morem eam induci sub pœna anathematis ipso facto incurrenda, nullaque dignitatum exceptione, enixissimè prohibet. Eos verò Clericos, qui se, ut deberent talia facientibus non opponunt, proventus omnibus privat. Fuit hoc Concilium in Gallijs habitum, in Gallijs receptum, Regisque Galliæ Oratoribus, ipsoque Clero Gallicano, qui frequens aderat, non solum non contradicentibus, sed potius vehementer approbantibus, & ut id statueretur, commitentibus; sic enim Durandus Speculator Episcopus Mimatenfis, qui Concilio interfuit, testatur: *Præfens constitutio, inquit, fuit ad clamorem Prælatorum Franciæ, & Angliæ promulgata.* Habes hic ergo mentem Ecclesiæ Gallicanæ in generali Concilio expressam, & Regaliæ ad solam consuetudinem restringentis; immeritò igitur Ecclesiæ Gallicanæ doctrinam iactant illi, qui hæc nostrâ tempestate eam ipsam doctrinam impugnant, titulo filios, facto hostes

(a) Mar. lib. cit. n. 2. (b) Arrestum Parlam. Parisiens. anno 1272, Apud Marc. lib. 8. cap. 26. n. 3. M. de Pamiers. fol. 28.

## non ad omnes Galliæ Ecclesijs extendi posse. 35

hostes professi; & planè nihil invenias, quod huic Concilio opponas, nam & generale fuit, & in Gallijs habitum, & à Gallis receptum, approbatumque, & tandem ad mentem, votumque Gallorum pronuntiavit. Hoc ergo Concilium sufficeret, quamvis alia deessent, sed nec alia desunt, imò abundant.

III. Anno 1302. qui fuit vigesimus octavus post Concilium Lugdunenſe, Philippus Pulcher Constitutionem edidit, cujus hæc sunt verba: *Quantum ad Regalia, quæ Nos, & prædecessores nostri percipere assuevimus in aliquibus Ecclesijs Regni nostri, quando eas vacare contingerit. Idem Philippus in litteris ad Bonifacium VIII. datis: Aliquarum Ecclesiarum, & Præbendarum collatio ad Nos jure regio pertinet.*

Anno 1303. Idem Philippus: *Nolumus, inquit, quod gentes nostræ occupent Regalia Ecclesiarum Provinciae Narbonensis.*

Anno 1334. Philippus Valesius in celebri sua Constitutione, quam Philippinam appellant: *Cum ab aliquibus dubitatum sit, an jus Præbendarum, Dignitates, aliæque Beneficia conferendi ad Nos pertineat, vacante videlicet Ecclesiâ, & in ijs locis nostri Regni, in quibus jus Regaliæ obtinemus. Ordinatio, cujus initium: Episcopus: Dum Episcopus alicujus Episcopatus decedit, ubi Dominus Rex habet Regaliæ.*

Anno paulo supra 1300. Celebris quædam Constitutio prodita est, cujus initium: *Dominus Rex.* In ea omnes speciatim Ecclesiæ numerantur, quæ juri Regaliæ aut subditæ, aut exemptæ sunt, ex qua luce clariùs patebit, noluisse Reges universim, totoque Regno, sed certis tantum locis Regaliæ extendi. Ea sic habet: *Dominus Rex, prout constat per antiquæ scriptæ Cameræ, consuevit capere Regaliæ, cum vacaverit in Provinciis, quæ sequuntur: in tota Provincia Senonensi, & suffraganeis, exceptâ Diocesi Amisiodorensi, in qua Decani, & Capitulum dicuntur permutationem fecisse cum Rege: in tota Provincia Rhemenſi, exceptâ Cameracenſi: in tota Provincia Bituricenſi, exceptâ Lemovicenſi, Cathurconſi, Rutenenſi, Albiensî, Mimatenſi, Treconenſi, &c. In tota Normannia habet Regale; in Provincia Auxitanenſi, & Arelatenſi, & per consequens in tota Lingua Occitana nihil habet, in Provincia Burdigalenſi solum. Verumtamen de Piccardienſi fuit computatum anno 1306. sed Rex per litteras suas totum Episcopo restitui jussit. Et in codice manuscripto (qui in Bibliotheca asservatur Regiæ Sueciæ, continetq; quam plurima manuscripta arresta) hæc verba prioribus adjiciuntur: *Tunc conditione habitâ, quod inquirerent diligenter, si Prædecessores Episcopi nunquam fecissent homagium Regi,**

Et si sic quod recuperaretur super ipsum Episcopum, quod ei fuerat restitutum. Ubi clarè expressum vides, Regij Procuratoris officium, ac munus fuisse, ut probaret, stetit penes Regem capiendæ Regaliæ possessionem, quam nisi probasset, pro Ecclesiarum libertate pronuntiabatur.

Anno 1352. Alia, & ferè similis Constitutio condita est, cujus titulus: *Ecclesie cadentes in Regaliâ*: Continetur 30. Diœceses, nullâ tamen factâ mentione Provinciarum Aquitanie, Occitanie, Provincie, & Delphinatus. (a)

Anno 1408. & 1451. Constitutiones Caroli VI. & VII. *In Episcopatibus, in quibus Regaliæ jus habemus.*

Anno 1499. Ludovicus XII. *Omnibus nostris Officialibus sub pœna, quæ sacrilegis debetur, infligenda prohibemus, ne usumfructum Archiepiscopatum, Episcopatum, aliorumque Beneficiorum occupent, in quibus jus Regaliæ non habemus.*

Anno 1606. Henricus Magnus omnes illas Regum Antecessorum Constitutiones confirmat, declaratque: *Nolle se Regaliâ frui, nisi intra limites, modumque à suis Antecessoribus præscriptum, nec velle eam cum præjudicio Ecclesiarum exemptarum extendi.*

Anno 1629. Ludovicus XIII. regnantis Pater ad preces Cleri Gallicani Edictum Henrici Magni ratum vult esse, haberique.

Præsertim verò Provinciam Septimannie fuisse à Regalia exemptam infinita ferè sunt documenta, quæ apud Marcam, & Episcopum Apamiensem videri possunt. Accessit hæc Provincia Coronæ Gallicæ non simul, sed per intervalla, videlicet sub Ludovico VIII. Ludovico IX. & tandem pleneque sub Philippo Audaci Regibus Gallie: accessit verò eâ conditione, ut iuribus ac privilegijs suis, quæ olim acceperat, deinceps potiretur, inter illa non minimum fuit immunitas à Regalijs: hanc quamvis Principum nonnulli turbassent, restituta tamen est, & in antiquum statum reposita à Raymundo, & Alphonso Comitibus Tolosanjs, & Comitissa Ermengarda; præsertim verò à Carolo V. Rege, qui in omnibus Ecclesijs, & Abbatijs Septimannie nullam se Regaliâ affectare profutur. (b) Quibus accessere quàm plurima Pontificum, Regumque Diplomata, Parlamentorum arresta, aliæq; sententiæ, arbitramenta, transactiones, concordata, præsertim verò continua, & nunquam intercisâ possessio.

Accedit omnium ferè Scriptorum, qui hoc argumentum tractarunt,

una

(a) Vide Tractat. Gen. de Regalia fol. 406.

(b) Anno 1138. 1155. & 1209.

## non ad omnes Galliæ Ecclesias extendi posse. 37

una eademque sententia idipsum confirmantium; ij sunt: M. le Maître Primus Parisiensis Parlamenti Præles, in cap. 4. Constitutionis, cui initium: *Dum Episcopus*. Ubi: *Certissimum est, Regem non in omnibus sui Regni Episcopatus Regaliâ potiri: quod aliquoties repetit.*

Choppinus-celebris (a) Parlamenti Advocatus: *Si à Pontificia legum relaxatione hoc Regaliarum genus magis, quàm à Possessione strictis finibus septa, promissus hic fuisset, & indefinitus privilegij usus, in omnes Episcopatus Galliæ, &c. & infra: Quatenus Regaliarum jus in aliquibus Ecclesijs possessum, eatenus præscriptum, quæsitumque intelligitur.* Et alibi. (b) *In multis quidem sacrarum Ecclesiarum finibus Galliæ, ignota sunt, nec usu tria Regaliarum jura.*

Rebuffus in Parisiensi Universitate juris Professor celeberrimus in Tractatu de Regia ad Prælaturas Nominatione: *Reges in aliquibus tantum Ecclesijs sui Regni Beneficia conferunt titulo Regaliæ, idque ex Privilegio, & concessione Ecclesiæ, cum alijs juri communi id repugnet.*

Auctor Glossæ in Pragmaticam sanctionem: *Sicut Rex Franciæ, & Rex Angliæ vendicant sibi (vacantibus Ecclesijs) jus conferendi Beneficia in quibusdam Ecclesijs Cathedralibus.*

Eodem modo loquuntur Durandus Speculator, Joannes Ferault jurisconsultus Gallus, Carolus Grossalis jurisconsultus Tholosanus, Duarenus, Pasquier Regius Advocatus, qui adulatorem aulicos eos vocat, qui jus Regaliæ ad omnes Ecclesias proferre audent. Et denique Petrus Marca Archiepiscopus Parisiensis. Hi omnes, & quotquot de hoc argumento retrò temporibus scripsêre, unâ eâdemque voce profitentur jus Regaliæ in aliquas tantum Ecclesias, non omnes, Regi competere. Ex quibus faciliè colligas, quænam in hac re totius Ecclesiæ Gallicanæ, prout videlicet sacris, prophanisque ordinibus constat, mens, & sententia fuerit. Quæ licet clarissima sint, non desunt tamen tergiversationes vinci nolentibus; frustra enim veritatem istis ostendas, quam non quærunt, imò adverfantur.

IV. Dicunt ergo verum esse, non omnes Ecclesias Regaliâ teneri, illas enim eximi, quæ aut speciali privilegio à Regibus exemptæ sunt, aut titulo oneroso libertatem redemêre; istas immunes esse, nullasque præterea. Cæterum quàm hæc sint inania, & ludificandæ veritatibus quæritæ, quis non videt? Concilium enim Lugdunense non aliquas tantum, paucasque Ecclesias Regaliæ subducit, quæ privilegio, aut contractu aliàs tunc

(a) Choppin. l. 1. de sacra Politia. (b) Lib. 11. Monasticon.

## 38      Dissertatio Prima. §. II. Jus Regaliæ

tutæ sint, sed omnes illas, in quibus Regalia hæstenuſ exercita non ſunt, hæ verò multò plures ſunt, quàm Privilegio affectæ. Concilij verò Lugdunenſis, & Eccleſiæ Gallicanæ, quæ illius Concilij maxima, & præcipua pars erat, eadem mens, & ſententia fuit; imò Gallorum quereliſ ea Conſtitutio debetur, ut ſuprà vidimus. Id ſi Galliæ Antifireſ cùm aulae minùs blandirentur, falſi ſunt, non eaſ tantùm Eccleſiaſ eximendas eſſe, quæ Privilegio, aut contractu aliàs tutæ ſunt, ſed omneſ, quæ retrò temporibùs Canonicæ, & naturali libertate gaudebant: ſic enim in Conventu ad S. Germanum habito Henrico III. imperante Cleruſ loquitur: *Oportet ab onere Regaliæ primò Eccleſiaſ eximere, quæ contractû aliquo, commutatione, aliòve titulo oneroſo hanc exemptionem ſibi à Regibù paravêre. Secundò eaſ Eccleſiaſ, quæ jam à tempore hominum memoriam ſuperante in poſſeſſione, & libertate ſunt, ne huic oneri ſubdantur; illæ præſertim, quæ hâc ipſâ libertate priùs gaudebant, quàm corona unirentur; nec veritatì conſentaneum eſt, acceſſu ad coronam ſuâ libertate aut Privilegijs excidiſſe, quæ in hunc uſque diem ſemper conſervârunt.* Hiſ Cleri rationibùs & ipſe Henricuſ aſſenſuſ eſt, & propoſitio Pybraci Regij Advocati eliminata. Idem fatetur Petruſ de Marca, cujuſ hæc ſunt verba: *Cùm antiqua Parlamenti arreſta juſ Regium conſuetudine nūc docuerint, nullamque aliam ejù aſſerendâ probabilem rationem invenerint Doctoreſ Pariſienſeſ, quàm vetuſtam conſuetudinem ex æquitate proſectam, mirum videri non debet, ſi Reges, qui primi leges in hac materia Regalium condiderunt, ad ſori uſum accommodataſ, juſ illud cœrcuerint ad Eccleſiaſ, in quibù receptum erat, Regem eo jure uti.* Si ergo nullo alio titulo, quàm conſuetudiniſ, Regalia nititur, idque Parlamenta, Doctoreſ Pariſienſeſ, ipſique Reges agnovêre; ſequitur, ubi conſuetudo non eſt, nullum etiam eſſe titulum, rationemque Regaliam exercendi. Denique ex arreſtiſ, Regijſque tabulariijſ, ac omniũ ferè Juris conſultorum, & Advocatorum Galliæ teſtimonijs conſtat, multas Eccleſiaſ à Regalia liberâſ eſſe, immuneſque, videlicet: Cameracenſem, Lemovicenſem, Cathurcenſem, Rhutenenſem, Albiſenſem, Mimacenſem, Maclovienſem, Trecorenſem, Auxitanenſem, Arelatenſem, omneſque inſuper Eccleſiaſ Provinciarum Septimanniæ, Provinciæ, Delphinatùſ, Aquitaniæ, aliasque recentibuſ victorijs Galliæ adjectaſ, de quibù vide Marcam lib. 8. à cap. 26. & Epiſcopũ Apamiſenſem in Tractatu Regaliæ à fol. 86. Haſ inquam omneſ immuneſ fuiſſe conſtat, liberaſque, ſive jam contractui oneroſo, ſive antiquæ poſſeſſioni, ac Concilio Lugdunenſi tribuaſ: ſi ergo, quocun-

tunc tandem titulo, liberæ sunt, quâ, rogo, æquitate gravari possunt, & jugo subdi nunquam accepto? sit contractus, sit quidquid velis, tantum ne serviant; quamquam, ut dixi, nec privilegium, nec contractus sit, sed Ecclesijs innata, & à Canonibus, præsertim verò Concilio Lugdunensi sancita libertas. Enimverò si quis attentè consideret, quid Regaliæ extensio ex una parte lucri, ex alia verò incommodi Regibus afferat, mirabitur tanto illam ardore, conatuque quæsitam esse. Emolumenta, quæ ex ea proveniunt, si magnificentiam, opesq; Regum Galliaë spectes, vix guttam addunt ingenti pelago; præterquam, quòd eorum Majestate indignum credas, si Ecclesiarum spolijs onusti incedant, quas olim augere consueverant. Et quamvis moderni Regis pietate factum sit, ut modestissime illis utatur, tertiâ eorum parte Neophytis adscriptâ; quis nobis tamen pollicetur, foribus semel apertis, eandem semper posteris Regibus & moderationem, & pietatem fore, & non potius in Regium ærarium, communemque alveum, etiam hunc rivulum decursurum, sacrâ pecuniâ in prophanos usus absumptâ? nam & hic semper genius abusus fuit, ut faciem honestate velarent, lenteque procederent, modestissimis initijs, sed lugendo fine. Et quamvis hæc omnia desint, finis saltem sacrarum fundationum, quas esse inviolatas decet, & potestas, ac administratio Episcopis debita, in Reges transfertur: & quis credat oblationes ex alieno Deo placere? maxime in Regibus, qui proprijs abundant? Idem, multoque magis in Collationibus Beneficiorum locum habet. Olim cum Reges Beneficia nulla conferrent, excusari, aut saltem ferri poterant, si etiam hujus juris exercendi aliquâ cupiditate tangebantur: nunc verò post Concordata, quando præter tot inferioris Ordinis Beneficia, quæ varijs ex titulis donant, omnes Prælaturæ, omnesque Episcopatus, & Archiepiscopatus ex Regum voto, & nominatione conferuntur, vix aliud superest, quod optare debeant: enimverò Canonicatus, aliaque minoris numeri Sacerdotia vix punctum efferunt, tot alia, tantiq; momenti possidentibus; cum tamen ex alia parte Principis conscientiam magnopere gravent, nec minori damno Ecclesias afficiant. Si Canonicatum, aliarumque Dignitatum, & Beneficiorum collatio ex solius Principis voto, arbitrioque penderet, extra periculum res esset; illos quippe nec lucri captandi, nec aliæ sordidæque cupiditates tangunt, quas in privatis ministris reperias: istis ergo vacuas dignitates implendi tota cura committitur, Principe in alia, & majora intento; hinc est, dum isti referunt,

H

orant,

prant, supplicantque, illos Principi offerunt, quos non Ecclesijs utiles, sed sibi suisque putant; Sacerdotia interim indignis immeritisque donari; aut potius vendi, quique nil minus cordi habent, quam ut in Ecclesijs suis resideant, ut oculis subditorum virtutum exempla proponant, quos potius vitæ, morumque licentiâ, & perversitate Clericis indignâ offendunt. Tantoque id pejus, si Ecclesiæ procul absunt; tunc enim ijs, qui digni essent, præteritis, succedunt aulæ assueti, mutantque Beneficia recens accepta, aut etiam resignant, pensionibus egregie impositis; quippe non tam illis Ecclesiarum, quam lucri, ac proventuum cura est, animarum interim pretio, ac pauperum patrimonijs contra fundatorum intentiones in delicias consumptis. Oblident aulam Sacerdotum & ambientium greges, non tam meritis, quam pretio, gratiaque Sacerdotia captaturi; ij verò, qui meritis quidem, sed non patrocinijs, aut ære abundant, in obscuro sunt, latentque, nec ulla virtutes consequendi cura est desperatione præmiorum. Illi ipsi, quos Ecclesiastici, Laicique Patroni nominarunt, aut expensarum, aut litium metu, aut etiam tædio itinerum (quippe Parisijs tantum de Regalijs disceptatur) causam etsi iustissimam ijs deserunt, qui plus gratiâ, potentiâque in aula valent, unde Ecclesias indignis tandem repleti necesse est; quippe ex Canonicatu etiam ad Episcopatus, altioresque cathedras iisdem artibus eniti in promptu est. Constat ergo, parum quidem emolumenti ex Regalia Principi provenire, multum tamen periculi, multumque damni, tantoque amplius, quanto illa magis dilatur; ut prudenter à Marca Archiepiscopo Parisiensi dictum sit: *Tanti non esse præbendarum istarum Collationem, ut ejus etiam in loca, in quibus à Christo nato nunquam exercita est, proferenda studio, antiquas Regni leges, Conciliorumque Decreta subverti necesse sit.*

Qua in re sunt etiam æternæ memoriæ digna Ludovici VII. & IX. Regum Galliæ exempla. Cum enim huic instituendi Pastores à Pontifice potestas facta fuisset, ad idque Legatus Romæ rediens Diploma protulisset: *Quod mea, inquit, negotia Romæ strenuè obieris, laudo: quod mihi à Pontifice munus hoc retuleris, non probò: intelligo enim, quanto cum periculo animæ mea, & Regni id susciperem: ac protinus in ignem Diploma projecit. De eodem beato Rege narratur, noluisse Collationibus Sacerdotiorum se immiscere: Sat mihi est, inquit, coram Deo de temporalibus mihi creditis, non etiam spiritualibus, rationem reddere.* De Ludovico VII. hæc habet Thomas Walsinghamus: *Reversus Ludovicus junior de Hierosolymitana contra Saracenos expeditione, cum quidam Clericus Romæ papale privilegium attulisset, quo in omni Ecclesia*



## non ad omnes Galliæ Ecclesias extendi posse. 41

*Ecclesia cathedrali sui Regni, jus conferendi primam vacaturam cum cunctis fructibus medio tempore provenientibus, continebatur, confestim conclusit litteris, dicens: Malo illas hic comburere, quàm si propter illas in inferno comburerer. Hæc Regum Galliæ olim exempla, vocesque fuerunt, à quibus quàm aliena sint sentia, quæ regnanti Ludovico inspirare aliqui conantur, nemo non videt. Rationes verò quibus id agunt, tam sunt exiles, vanæque, ut mirum sit, ijs ipsis, qui eas produciunt, pudori non esse: enimverò cupiditas aulam demerendi, suprà pudorem & veritatem fuit, id postea videbimus; nunc in D. Thoma Cantuariensi, ideam, exemplarque Ecclesiasticæ libertatis proponemus, in quo constantiam, fortitudinem, candoremque animi videre, & imitari liceat, aliasque virtutes sacerdotis dignas, omni quidem adulatione, & furo liberas; reverentiæ tamen in Reges suos, amorisq; plenas; & ex quibus intelligas, quid Episcopi Deo, quid Principi debeant, tantoque aptius præsentis causæ hæc digressio conveniet, quòd D. Thomæ pugnandi, vincendique argumentum Regalia fuit; hæc Martyrem fecit; ut mirari non debeas, si eam causam nos calamo, & atramento tuemur, quas ille tormentis, & sanguine; hæc sunt præmia, & sigilla veritatis: nec alio discrimine verum à falso Pastore distinguas, quàm quòd iste fugâ, ille pugnâ probatur: Mercenarius, inquit Christus, & qui non est Pastor, cujus non sunt oves propriæ, videt lupum venientem, & dimittit oves, & fugit, & lupus rapit, & dispergit oves. In quem locum eleganter S. Gregorius: Mercenarius quidem est, qui locum quidem Pastoris tenet, sed lucra animarum non querit, terrenis honoribus inhiat, temporalibus lucris pascitur, impensâ sibi honoris reverentiâ letatur. Hic videt lupum venientem, quia tranquillitatis tempore plerumque ad gregis custodiam sicut verus Pastor, ita etiam Mercenarius stare videtur, sed lupus veniens indicat, quo quinque animo super gregis custodiam stabat. Lupus enim super oves venit, cum quilibet injustus, & raptor fideles quosque, atque humiles opprimit; sed is, qui Pastor esse videbatur, & non erat, relinquit oves, & fugit, quia dum sibi ab eo periculum metuit, resistere ejus injustitiæ non præsumit; fugit verò non mutando locum, sed subtrahendo solatium: fugit, quia injustitiam vidit, & tacuit: fugit, quia se sub silentio abscondit, quibus bene per Prophetam dicitur: Non ascendisti ex adverso, nec opposuisti murum pro domo Israël, ut staretis in prælio in die Domini. (a)*

§. III.

Certamen contra Regaliam à S. Thoma Cantuariensi Archiepiscopo susceptum, alijsque in simili causa laborantibus propositum.

S U M M A R I A.

1. Regibus suis & reverentiam, & libertatem Pastores debent.
2. S. Thomas Archiepiscopus Regaliæ abusus impugnat, & hæc ei necesse causas ejus in aula mores: electio in Archiepiscopum, & Sanctitas.
3. Regem offendit, & quas ob causas?
4. Subscribit Clarendonæ Regijs consuetudinibus, & quare? penitentieque.
5. Northantonia cum Regijs configit.
6. Fuga, exilium, pericula, & epistola ad Alexandrum Papam.
7. Alexander Henrici Legatos Senonis audit, & paulo post S. Archiepiscopum, qui causam in sacro Consistorio dicit, postea resignat.
8. Pontiniaci Monachum agit, & ab Henrico pellitur: Schisma Henrici, & ab Alexandro Legati.
9. Regem convenit, oraturque, nec tamen placat, & quam ob causam? Cum Gallia Rege in gratiam redit. Et quas ob causas assentiri Regi non potuit?
10. Alij ab Alexandro in Angliam Legati, sed nullo effectu. Sanctus Henricum convenit, nec tamen flectit: tandem Alexandri Legatis Rex cedit.
11. Pax cum Archiepiscopo inita. S. Thomas redit in Angliam omnium aggratulatione. Novæ ab Archiepiscopo Eboracensi turba: Regis querela, & secuta S. Archiepiscopi cedes.
12. Legati ab Alexandro ad inquirendum in cædum auctores. Regis penitentia, ac tandem mors. Laudata D. Thomæ, & Alexandri Pontificis constantia.

I.

**D**uas Episcopi personas sustinent, Pastoris videlicet, subditiq̃ue, ex quibus duæ obligationes æquè proveniunt; altera, quæ Deum, altera, quæ Principem spectat, utrumq̃ debent. Si enim Dei quidem, Ecclesiæque causam agant, ut impetu non ratione

ratione ferantur, Majestate Principis contemptâ, aut etiam neglectâ, indignisque modis provocatâ; non tam ea pietas, aut religio fuerit, quàm potius immoderantia, æstusque animi sibi malè imperantis, ac irâ concitati ratione submotâ: nec enim omnis calor vitalis est; aliquis ex morbo, febrique provenit. Qui verò omnia Principi concedat, ac etiam erranti obsequatur, is planè nec Episcopum se, nec Pastorem meminit; quippe pereuntem videt, siletque, & tamen revocare poterat præcipitio ostenso; cum enim non voluntate, & proposito Principes delinquant, in Ecclesias præsertim; sed aut errore, aut consilij inducti, nullâ re magis curari, pervertique possunt, quàm aut nudatâ, aut suppressâ veritate. Nec alios reperies minoris in Reges suos fidei, quàm qui perpetuis adulationibus eos demulcent; spe enim, & quæstu ducuntur, non eorum obsequio, & reverentiâ; quòd si præmia submoveas, aut aliunde majora ostententur, eadem facilitate, quâ Deum, & conscientiam, etiam Principem exuent, Sirenes in cantum æquè, & naufragium paratæ.

II. Unam ex præcipuis causis, quæ S. Thomæ Cantuariensi exilium, mortemque attulit, Regaliam fuisse, certum est; Henrico II. Angliæ Rege fructus vacantium Ecclesiarum usurpante, novasq; electiones, quò diutius frui posset, in longum trahente, quem abusum cum S. Thomas non ferret, gratiâ, & vitâ excidit. (a)

Anno 1162. ex Regni Cancellario ad Archiepiscopatum Ecclesiæ Cantuariensis provectus est. Florebat tunc temporis eximiâ Regis sui gratiâ; quippe morum venustate, ingenio ferijs æquè, ac jocis prompto; litterarum, juris præsertim, insigni peritiâ; memoriâ omnium, quæ semel legisset, audissetque, tenaci; præcipuâ denique in Principem fide, & industriâ omnium laborum victrice sibi aulam devinxerat; accesserant alia, in Clerico quidem haud commendanda, sed tamen Principi chara, luxus videlicet domesticæ suppellectilis, vestitus apparatior, & prope pompam; convivia magnifice instructa, famulantium copia, mores ad Regis genium compositi, ac idèò grati, & denique quidquid vanitatem redoleret; sed, quod in aulico mireris, præcipuâ intactâque castitate, & amorum rudi: altâ nocte, qui eum observabant, cum crederent formosissimæ cujusdam, ac olim Regi per dilectæ, amplexibus frui (nam istum donis, ac blanditijs captabat) genibus nixum, & inter preces somno, ac

H 3

fatiga-

(a) Vide vitam S. Thom. cap. 15. & epist. 109. & ibid. in libello confuted. cap. 12. Wilhelmus Briton. lib. 8. Philippid.

## 44 Dissertat. I. §. III. S. Thomas Cant. Archiep.

fatigatione oppressum reperere. Hâc ergo vanitatis juxta, & virtutum mixturâ Regem sibi, Clerumque devinxit, omniumque Episcoporum votis, qui Londinum convenerant, Archiepiscopatum meruit, Monachis tantum, qui Ecclesiam Cantuariensem obtinebant, adversantibus; (a) quippe, & hominis luxum, & potentiam Regis favore subnixam, infestamque Ecclesijs metuebant, sed eventus aliorum spes, aliorum merus fefellit; ipse tamen omnium acerrimè hanc dignitatem repulit, & Rege ad omnia, quæ objectabat, immoto, certamini præludens (b) *Scio*, inquit, *quia si Christo disponente sic acciderit, citissimè animum auferes à me, & gratia, quæ inter nos tanta est, in atrocissimum odium convertetur. Novi enim te nonnulla exalturum, & in Ecclesiasticis te jam multa præsumere, quæ ego animo suslinere non possum.* Ubi vides, cum Cancellarium ageret, jam tum prælenfisse tempestatem, & ventis, quos Regia cupiditas excitabat, oblutari solitum, vinci tamen se ferebat, gratiæ, & potentiæ anxius, Regique obsequabatur invitâ conscientia, quæ causa est Joanni Saresberienli, (c) ut eum *ministrem iniquitatis* appellet. Sed animum cum aula mutavit; quamquàm & in aula invium se teneri, honestumque exitum prospicere, sæpe amicis suis inter lacrymas professus est. (d) Sacris positus censorem sibi, observatoremque posuit, à quo, quid Archiepiscopum dedecreret, hominesque offenderet, moneretur: vestis intima cilicium, & post hoc Monachi habitus; (e) (audierat enim, quotquot sine hac veste cathedram Cantuariens. insedissent, infelici morte sublatos) ac demum serica, & quæ Antistitem deceret. Canonum, Legumque ardentius, quàm par esset, studium, dehortante per litteras Saresberienli, cujus hæc verba: (f) *Prosumt quidem leges, & Canones, sed mihi credite, quia nunc non erit his opus: non hoc ista sibi poscit spectacula tempus: mallem vos Psalmos ruminare, & B. Gregorij Morales libros revolvere, quàm Scholastico more Philosophari.* Profecit monitio, adjecitque animum sacræ Scripturæ studijs; has nocti, has mensæ, ac etiam itineri miscebat; plerumque cum iter ageret, ab itinere divertens, ut vel Scripturas legeret, vel cum alio conferreret; mensæ perpetua lectio; nocte intempestâ Psalmos canere; post cantum tredecim pauperibus mensa sternebatur, præcinctus ipse ministrum agere, pedibus advolvi, aquam juxta, lacrymasque affundere: seque-

(a) Vide Heribert. in vita cap. 6. (b) Heribert. in vita cap. 6. (c) Joan. Saresb. ep. 140. (d) Joan. Saresb. in vit. cap. 5. (e) Baroa. ad an. 1162. n. 22. & Spond. ibid. (f) Saresber. epist. 97.

sequebatur largitio quaternis in singulos argenteis : tum brevis, & delibatus somnus, post quem sacri codices, & cœlestium meditatio in tertiam diei horam producta, nullis interim admissis, qui obstreperent, prophanisque negotijs mentem turbarent. A tertia sacris operabatur, nec tamen quotidie, quod se indignum, imparatumque crederet: tanta verò sacra peragendi vis lacrymarum, ut plures gemitus, quàm verba essent. Diei nonâ mensæ assidebat, lauræ quidem, & Regio ministro dignæ, sed quam præ dapibus lectio condiebat, & eruditorum, qui magno numero admittebatur, sermocinatio; reliquam diem negotia occupabant: munerum perpetuus contemptus, nec ei tantum, sed aulæ toti, quam copiosam alebat. Nonnemo cum negotij causâ in Palatio esset, & solemnî, receptoque more nunc hos, nunc illos auro tentaret, omnibus respicientibus: *Curiam*, inquit, *pluquàm auream* inveni, *quæ non solum post aurum non abiit, sed aurum abjicit, spernit, & calcat.* Summa, & profusa liberalitas, in pauperes præsertim, quibus terna in dies convivia, intempestâ videlicet nocte, sub auroram, meridiemque. Hæc necessariò commemoranda duxi, ut & sanctum fuisse memineris, quem pro aris conflictantem videbis, & tamen mundi, aulæque gnarum, nec ex eorum numero, qui sanctitatem quidem colunt, sed rudem, agrestemque, & ideo sæculi nostri moribus haud gratam. Vix annus fluxerat, cum prima odiorum initia prorupere, parvis quidem momentis ducta, sed semper majora, ac tandem implacata.

III. Causæ indignationis istæ. Quod officium Cancellariæ abdicasset, quippe viribus vix sacra Præfecturæ paribus: quod vacantium Ecclesiarum fructus, qui inveterato jam more fisco addicebantur, non Regi sed Ecclesiæ deberi diceret: quod Clericos scelerum compertos Regijs Magistratibus tradi nollet, puniretque quidem, sed mitius, quàm Regi placeret: quod agros, ditionesque Ecclesiæ ab Antecessoribus alienatis, oblati pretijs repeteret, hinc potentiorum odia, clam quidem habita, sed occasione, & vindictæ intentâ: quod Regi, an Regias consuetudines observare vellet? petenti, velle se respondit, sed salvo ordine suo: quam formulam cum captiosam Rex diceret, & illusionibus aptam, nunquam ut ab ea recederet, moveri potuit, idemque omnium Episcoporum sensus, votumque fuit, tanto magis commoto, infensoque Rege, quod conspiratio videretur, nec ferre posset Archiepiscopum tot titulis devinctum sibi adversari.

Acce-

## 46 Dissertat. I. §. III. S. Thomas Cant. Archiep.

Accedebat indoles Regis mari similis, quo pacato placidoq; nihil blandius, nihil immixtus turbato. Audi Petrum Blesensem : (a) *Agnus est, dum pacati est animi ; leo verò, aut leone truculentior, dum vehementius excandescebat : oculi ejus orbiculati sunt, dum pacati est animi, columbini & simplices ; sed in ira, & turbatione cordis quasi scintillantes ignem, & in impetu fulminantes.* Sed nihil æquè ut adulatores pestes Regis animum inflammabant : nam velut Regiæ dignitatis anxij, supercilium, fastum, duriciemque Archiepiscopi inculcabant, à quo nisi sibi que suisque provideret, eum demum futurum esse Regem dicebant, quem Clerus eligeret, & quamdiu Archiepiscopo placeret. (b)

IV. Rex ergo certus Archiepiscopum aut vincere, aut perdere, Clarendunam conventum indicit, quo Episcopi, Regni que Magnates magno numero confluxere. Omnes Archiepiscopo extrema præcinebant, Rege videlicet recenti irâ flagrante, alijs omnibus metu exterritis, paratisque obsequi ; nec ipse alio animo palatium, quàm aream certaminis, & victimæ dicatam ingressus est. Petebat Rex instabarque, ut Episcopi explerent, quæ polliciti essent, Regias videlicet consuetudines observare, easque bonâ fide, nec additâ illâ formulâ, *Salvo Ordine nostro* : hanc enim captionis plenam esse, & ludificandi gratiâ quæsitam : hoc ipsum Oxoniæ ab Episcopis, & Thoma promissum, nec fidem semel obstrictam laxari posse, nisi promittentium, Regisque dedecore : nihil aliud à se posci, quàm quæ majoribus suis præstita, quæ usu invaluerint, quæ Sacerdotum juxta, Regnumque consociant. Hæc à Rege petebantur, sed imperantis potius, quàm postulantis modo ; aderant minæ, flagransque vultus animi index, & denique rationes in speciem adornatæ, ne metuere Episcopos, vinci que puderet. Jam plerique inclinabant, invicto tantum, & oblucente Archiepiscopo : hunc ergo trepidi juxta, indignantesque, & ejus potius periculo, quàm suo anxij circumstant, ostenduntque : Nihil novi à Rege, antiqua tantum posulari : si consuetudines illæ quarum observantia ab Episcopis peteretur, iniquæ dici possent, tunc dici debuisse, cum primùm inducæ sunt ; nunc verò beneficio temporis, & tolerantia Pontificum, vitium si quod habebant, exuisse, in morem usumque receptas : quis nesciat leges ab Ecclesia conditas, usu, & consuetudine obliterari ? quis credat tot in Angliâ Antifistiles, doctrinâ, & pietate eximios, in eas consuetudines fuisse consensuros, si iniquas credidissent ? num ergo oculos eî, ut ab-

usum

(a) Petrus Bles. epist. 66. & 75. (b) Joan. Saresb. in vita cap. 24.

usum viderent, desuisse, aut conscientiam, ut probarent? Eorum igitur exempla merito Cantuariensem imitari posse recens ab aula in Ecclesiam translatum; juveni, rerumque inexperto imitanda senum exempla esse, non corrigenda: tutius per aliena vestigia, tritasque vias incedi, quam per novæ, occultasque; excusari errores posse, veniamque mereri auctoritate majorum nixos. Omnium ab Ecclesia conditarum legum, quietem Reipublicæ, & pacem pro scopo esse: quiete ergo periclitante, merito leges aboleri, veluti fini suo inutilis, noxiasque: nam & remedia cessare, cum incipiunt sanitatem conficere. Instare Regem juventâ, victorijs, Beneficijs in Alexandrum Pontificem, ipsumque Archiepiscopum, & denique omnium penè votis ferocem; ingentem Episcopis, Ecclesijsque, imò Regno toti tempestatem imminere, dandum aliquid temporis esse; nam & Ecclesiæ leges multo ex levioribus causis solvi posse, imò solere: Regem ut impotentis iræ, ita brevis esse, nec obstatæ; hæc ubi resederis, exorari illum posse, & melioribus imbui, quæ modò non admittat obstrepente irâ; sic Petrum Apostolorum Principem mitigandis Judæis eorum sacra, rursusque pratulisse; Paulam verò Timotheo circumciso, voticque ex Nazæarum more conceptis, Judæis Judæum factum esse, ut Judæos lucrifaceret: Deum ipsum, qui tamen artificijs non egeat, libello repudij duritiam Judæorum mederi voluisse; quid ergo dubitaret Archiepiscopus Canonum severitatem laxare, & Apostolorum, Deique exemplis nisi tot urgentibus malis, & indulgentiam inclamantibus? Quid Angliam, quid orbem totum dicturum esse, si unius duritiâ tot malis Angliam inundari, tot lacrymis, exilijs, & cædibus videret? Ipsum Alexandrum Pontificem, si Angliæ adesset, mitiora suasurum, & temporis conducentia, more videlicet prudentis Imperatoris deditionem suadentis hoste jam irrumpente, & incendia, prædâque minante: totam ergo Angliam unius Archiepiscopi arbitrio, nutuque stare, servari obsequio posse, inclementiâ perituram. Hæc omnium ferè Episcoporum voces, precesque erant, quibus & gemitus, & lacrymæ admixtæ, plerisque etiam ad genua provolutis. Diu immotum pulsavere, & flecti nescium: mollior tandem & paulatim cæpit, illud præsertim aliàs impavidum feriebat, quod tot alios Antistites involvi secum videret; ergo sui securus, alienâ calamitate victus est: Richardus Templariorum Magister bis eum aggressus, repulsusque, tandem inflexit, luctu Episcoporum extrema formidantium ante oculos posito. Cessit ergo, Regem adiit, subscripsit, juravitque, ommissa etiam illa verba Regi exosa, *Salvo Ordine nostro*, quorum

loco hæc posita: *Bonâ fide servabo, &c.* (a) Reddita aulæ serenitas, sed brevi gaudio. Beato igitur Thomâ juramento obstricto, cœptæ scribi consuetudines, palamque edi, sed multò à ministris auctæ, alijs videlicet Regis gratiam captantibus, alijs novam litibus materiam quærentibus: prævidebant enim numquam tam iniquis conditionibus sanctum assensurum, lapsurumque Regis gratiâ, quod æmulis gratum, quæsitumque: & facile fuit utrumque fallere, Rege juvene, ignaroque, quænam illæ antiquæ consuetudines essent, & quæ dolo appositæ; beato verò Thomâ nuper infulis admoto, & aulæ magis, quàm Ecclesiæ, istiusque jurium perito: ita Wilhelmus in vita testatur. (b) Capita earum consuetudinum hæc erant: *Causas præsentationum, ac etiam Ecclesiarum, quando inter solos Clericos agitantur, ministri Regij cognoscant, decidantque. Clerici cujuscunque rei accusati, & conventi Regijs tribunalibus se sistunt, illic responderi. Nemo ex Regijs ministris anathemate, aut interdicto, alijsque censuris feriatur, nisi prius ejus causâ apud Regem finitâ. Ab Episcopis ad Archiepiscopam, ab isto ad Regem appellabitur; Rex Archiepiscopo finem causæ remittet, nec præter Regis assensum alia provocatio admittetur. Cum Episcopatus, Archiepiscopatus, Abbatie, vel Prioratus vacaverint, Rex interim proventus omnes recipiet; Electio verò non nisi ex Regis assensu, eorumque consilijs, quos Rex destinaverit, procedet, nec alibi, quàm in Palatio fiet, ibique electus homagium Regi velut Domino ligio de vita, membris, & honore temporali præstabit, salvo tamen Ordine suo. Hæc sunt fatales illæ consuetudines, tot in Anglia malorum faces, & quas postea Alexander Pontifex damnavit. Rex in publico conventu legi illas voluit, muniriq; Episcoporum sigillis; jam enim subscripserant. Ingemuit Archiepiscopus, tam insolentibus postularis: dissimulato tamen utcumque, pressoque dolore, inducias petijt: Rem quippe tanti momenti festinari hand debere, collaturum cum Episcopis, postea responsurum. Nec abnuir Rex. Cantuariensi ex palatio domum regresso, varijs à domesticis sermones, alijs, quòd tempori cessisset, laudantibus, alijs & plerisque conniventiam damnantibus: inter quos, qui Crucem Archiepiscopo præferebat, quid tacitus submurmuraret, secumque volveret, interrogatus: Indignor, inquit, tristiorque, fatalem hunc tibi, & infelicem diem luxisse, quo animam aequè, famamque perdidisti: impio Regis chirographo subscripsisti, & ne testis flagitio deesset, Deum insuper jurasti; duplici delicto reus, & quòd Ecclesiam prodideris, & proditionem quòd juramento firmaveris; time-*

(a) Vide Wilhelm. in vita cap. 21. (b) Wilhelm. in Quadrip. cap. 22.



*has quippe tam egregium facinus æternum baud fore, nisi juramento sanciretur! (a) Multum tibi Ecclesiæ debent, non languide tantum defensa, sed etiam hosti deserta, sic nimirum Anselmus, sic Lanfrancus pugnârunt, quorum tu cathedram, non virtutem occupasti. Mittes ergo in posteros synestum exemplum, & quotquot turpe obsequium, aut metus vincet, te auctorem jactabunt, Thomam, dicent, imitamur, quoties cadent.*

Concusserunt Archiepiscopum hæ voces, aliàs quod fecerat pavidè cogitantem; suspiravit, ingemuit, cathedram, aramque relinquere agitavit, sacrificio abstinuit, solitudinem elegit, & cum nullum morori finem, aut levamentum inveniret, Pontifici Alexandro, qui tunc Senonis agebat, nuntios, & litteras misit, pœnitentiæ, dolorisque plenas. Benignè à Pontifice responsum, qui solatium adhibuit, & culpam excusavit parendi necessitate; nec abstinere Altari voluit: non remedia ægro fugienda, sed paranda, aciem potius repeteret, pugnamque instauraret, nullâ re magis fugæ dedecus compensari, quàm pugnando, vincendoque; si quid verò conscientiam gravaret, confessione deponeret, se quoque Apostolicâ Authoritate indulgentiam delicto dare. (b) Paruit consilio Cantuariensis, & longâ tergiversatione Regem morabatur. Hic tantò gravius indignari, & vindictam palàm moliri, adeò ut Archiepiscopi sanguinem quæri passim jactaretur. Scriptæ ab eodem Rege ad Pontificem litteræ, quibus & consuetudines Clarendunæ editas probari rogabat, & Legationem Angliæ Cantuariensi credi solitam in Eboracensem transferri. Consuetudines negavit Alexander probari ullo modo posse, quippe libertati Ecclesiarum fatales: (c) Legationem Eboracensi concessit, excepto tamen Cantuariensi Archiepiscopo, ejusque Ecclesiâ, quam volebat Eboracensi subjectam; quo & Regem luser, offenditq;, Thomam Eboracensis auxilio perdere volentem: nec minùs ipse S. Thomas se ab Alexandro nullâ sui culpâ deseri, æmuloq; postponi ægerimè ferebat, credebatq; animos hostibus suis addi, Pontifice illis non tantum non obnitente, sed etiam propitio: sed prudenter Alexander Regem molliùs habuerat, à quo plus Ecclesiæ periculi, damniq; nec propterea

I 2

Episco-

(a) V. Alan. in vitâ cap. 22.

(b) Alex. III. PP. lib. 1. epist. 26.

(c) Vide S. Th. epist. 47. ad Gratian. lib. 1. epist. 164. &amp; 178. &amp; 165. &amp; lib. 5. epist. 20. 21. 25. &amp; lib. 2. epist. 46.

Episcopus ab obedientia, quam Cantuariensi debebant, exemptos voluit, ut ex ejus litteris patet. (a) Inter alia, quæ ad Regem scripsit, hæc digna memoratu: Si te in aliquo futurum judicium terret, aut præmiorum in æterna requie corona te delectat, veritatem, quæ Deus est, justitiam colere, jus suum cuique tribuere, negotia Ecclesiastica, & præsertim criminalia, quæ de læsione fidei, vel juramenti emergunt, causas super rebus, & possessionibus personarum Ecclesiasticarum tractanda relinquere; Regnum, & Sacerdotium non confundere, non aded Serenitatem tuam deceret, quàm etiam expediret. Si autem universa, quæ in usus tuos per hujusmodi angarias de bonis Ecclesiasticis convertuntur, in refectorem pauperum, vel alijs bonis operibus expenderes, obsequium non magis Deo gratum efficeres, quàm si Aliari quolibet discooperto aliud cooperires, aut si Petrum crucifigeres, ut Paulum à morte liberares. Recolere siquidem debes, quòd Rex Saul, quia devicto Amalech prædanti contra divinum præceptum servare volebat, cum se ad excusationem sui hæc ad sacrificandum reservare proponeret, à Domino fuerit reprobatus, & alius eo vivo in honorem, & dignitatem Regiam fuerit surrogatus. Quomodo etiam Rex Ozias, dum thurificare voluit, & Sacerdotis sibi officium usurpare, leprâ dignâ Dei ultione percussus fuisset, tuæ saluti congruit ad animum revocare. (b) Hæc in Angliam Alexander, ubi interim semper magis, magisque D. Thomas conflictabatur. Qui cum indies mortem sibi præcini nec ex vano videret, Rege implacabili, consilium fugiendi cepit; & navigium profundâ nocte ascenderat, sed adversis ventis, undisque jactatus, & vix naufragio superstes in littus ejectus est albente vix cælo. Jam fugam fama fulgaverat, aderantque à Rege, qui ejus suppellectilem fisco addicerent, sed domi repertum ad Regium tribunal Northantoniæ postulant causam dicturum.

V. Aduit, & palatium unâ cum alijs ingressu fores à tergo clausæ, ne copia discedendi esset: ibi multis accusationibus pulsatus est. Prima fuit: Archiepiscopum à Rege citatum non adfuisse; respondit: Procuratorem à se missum, qui suo nomine causam ageret, Regis haud interesse ratum, ipse, aut alius suo nomine compareret. Rejecta excusatio, omniumque Procerum, Episcoporumque voto ejus bona mobilia fisco adjecta. Quod cum audisset: Quale sit, inquit, hoc judicium, me etiam tacente sæcula post futura haud tacebunt; nova quippe judicia: forma hæc est fortè secundum Canones Clarendunæ vulgatos: à sæculo non est auditum,

(a) Alex. epist. lib. 1. epist. 39. & 40. (b) Lib. 1. epist. 42.

ditum, quemquam Cantuariensem Archiepiscopum in curia Regum Anglorum pro qualicunque causa judicatum esse, quia ipse Regum omnium, qui in Regno sunt, spiritualis Pater est; nova quoque hæc forma est, & ordo iudiciorum novus, ut Archiepiscopus à suis suffraganeis, aut Pater à filiis iudicetur.

(a) Successit aliud accusationis caput, Rege libras argenti quingentas repetente, quas se illi mutuas dedisse ajebat. Respondit sanctus, donatas esse; sed damnatus est, Rege ipso accusante, & qui jus dicebant, aut metu, aut æmulatione corruptis, & cum reum Episcopi defererent, quinque ex amicis caverunt, singuli centum libras polliciti. Tandem peculatus accusatur, jubereturque tot fructuum, proventuumque, quos cum Cancellarium ageret, vacantibus Episcopatibus, & Abbatibus quam plurimis recepisset, rationem reddere. Ingens ea summa erat, ducentarum videlicet triginta marcarum millia, quæ nostratis monetæ circiter vicies, & trecenta millia Philippearum reddunt, si videlicet ex calculo Du Fresne singulis marcis Anglicanis duas libras Sterlingorum assignes, & singulis libris quinque Philippeos; ubi simul advertis, quantum ex Regalijs Ecclesiasticis pecuniæ constaretur. Cæterum sanctum Archiepiscopum nihil Regi debuisse, ipse Rex palam confessus est, ut habetur *lib. 3. epist. 55. circa finem*. Hujus ergo criminis conventus respondit: se innocentiae quidem suæ certum esse; nec Regem latere, quantâ integritate Regijs thesauris præfuisse: consilio tamen spatium rogare, quod cum præsentibus Episcopis promptum esset. Singulorum ergo vota, & consilium rogat: aderant verò Londoniensis, Wintoniensis, Cice-  
strensis, Lincolnensis, Exoniensis, & Wigorniensis Episcopi. Variæ, discordesque sententiæ, ut singulis affectus erant; nam aut metu, aut æmulatione agebantur, paucis Archiepiscopi, & legum cura. Londoniensis abire illum Archiepiscopatu jubebat, sic Regem pacatum iri, & tempestatem omnibus impendentem extemplo cessaturam; palam erat, Londoniensis consilium eò vergere, ut spem, ambitumque succedendi alieno metu celaret; nec sanctus dissimulavit, ejus tamen sententiæ Lincolnensis accessit. Cicestrensis cedendum tempori dicebat, & Regi aliquid dandum. Eadem Exoniensis sententiæ. Wigorniensis animi pendebat, hærebatque, Dei Regisque offendendi metu. Solus Wintoniensis Regijs postulatis cedendum esse negabat: *Cantuariensem Archiepiscopum Regni Primate[m] esse, in ejus exemplum totius Angliæ, & præsertim Episcopo*

scoporum oculos desigi, quidquid is ageret, pro Lege reliquis fore; si animum fle-  
 lleret, libertatem Ecclesiarum condamnata esse, nec amplius quid Canones  
 statuant, Patrumque exempla, sed quid Regibus libeat, observatum iri. Ergo  
 confuso rerum ordine Ecclesiam servitutam, aulam dominante. Sententijs di-  
 ctis, & Episcopis silentio defixis, Archiepiscopus in proximam diem  
 inducias à Rege petijt, obtinuitque, ita discessum. Palatio egredientem  
 nemo ex aulicis, quos magno numero alebat, comitatus est; Regis enim  
 metu, & meliorum desperatione, & ne Domini casu premerentur, di-  
 lapsi erant. Sanctus ergo fortunæ suæ insultans, pauperum greges uu-  
 dique colligi, epulasque parari jubet, & reliquum diei hilariter agitari;  
 tanta illi nimirum inter adversa animi securitas, & fortunæ contemptus.  
 Sequenti die viscerum dolore vehementer conflictatus est, iterumque in-  
 ducias in crastinum petijt. Nox inter vigilias, & preces ducta; ubi  
 illuxit, Pontificijs vestibus, & pallio præter morem amictus Sacris ad  
 aram operatus est, Missamque, quæ S. Stephano Protomartyri dicata est,  
 legit, cujus initium: *Etenim fuderunt Principes, & adversum me loquebantur.*  
 Ferunt consilio Monachi cujusdam id factum, cum videret Sanctum ab  
 Aula adhuc recentem mortis metu percelli. Sacris perfunctus, pallio,  
 insulæque depositis, reliqua Pontificis insignia, vestesque retinens ad Pa-  
 latium pergit; ferant sacram Eucharistiam secum detulisse in sinum re-  
 conditam. Cum ad Aulam accederet, ubi Rex præstolabatur, crucem  
 à Clerico prælatam in manus ipse accepit, & Herefordensi in obsequi-  
 um accurrenti: *Sine, inquit, me ipsum deferre, sub cujus protectione tutus ma-  
 neo, & ejus viso vexillo non est mihi dubitandum, sub quo Principe militem.*  
 Rex ubi intellexit Archiepiscopum cruce armatum procedere, irritanti-  
 bus Episcopis, Londoniensi præsertim, in cubile interius secessit. Con-  
 clamatum interim in Archiepiscopum est, tanquam in perjurum, & per-  
 duellem, & qui thalamum Regium insultantis modo perrupisset. Epi-  
 scopi ad Regem vocati, Cantuariensi foris relicto: multum temporis  
 consultando tractum, & sententiæ tam ferociter dictæ, ut soluto jam  
 Concilio Eboracensis foras progressus: *Recedamus hinc, inquit, ne infor-  
 tunio, quod Archiepiscopo instat, oculos fustemus.* Cui Robertus Magister:  
 Imò inquit, perscrabo, reque eventum operiar, & unius crudelitatis, & alterius  
 constantiæ testis futurus; neque enim feliciori exitu mortalitatem explebit, quam  
 si pro Deo, justitiæque sanguinem fundat. Paulò post Exoniensis ad pedes  
 Sancti provolutus, & verba singultibus miscens; *Miserere, inquit, tui,*  
 nostri-

*nostrique* : omnes enim odio capitis tui hodie perimus. Cui Sanctus : *Fuge hinc, quia non sapis, quæ Dei sunt.* Tandem Comes Lincestræ è Regio cubili procedens, plerisque Optimatum comitantibus : *Mandat tibi Rex,* inquit, *ut venias redditurus rationem super objectis.* sicut heri promissisti te futurum, alioquin audi iudicium tuum. Quem interpellans Sanctus : *Imò :* inquit, *Fili Comes, audi tu prius iudicium :* non te lætet fili, quàm familiaris, & fidelis secundum statum huius mundi Domino fuerim ; & ideo placuit ei, ut in Archiepiscopum promoverer, quamvis Deo teste invitus : nota enim mihi sui infirmitas mea, & magis pro ejus, quàm Dei amore acquievi, quod hodie satis psalàm est, dum Deus, & se mihi subtrahit, & Regem : veruntamen in mea promotione dum Electio fieret, præsentè Henrico filio, & Regni herede, cui & hoc ipsum mandatum fuit, quæsitum est, qualem me redderent Cantuariensi Ecclesiæ ? Et responsum est, liberum, & absolutum ab omni nexu Curiali. Si ergo liber, & absolutus ; neque teneor, neque volo super his respondere. Ad hæc filii Comes id attende, quanto dignior est anima, quàm corpus, tanto magis Deo, & mihi teneris obedire, quàm terreno Regi : nec lex, nec ratio permittit, ut filij Patrem judicent, aut condemnent ; unde Regis, tuum, & aliorum declinam iudicium, sub Deo solo à Domino Papa iudicandus, cujus presentiam coram vobis omnibus appello. (a) Et vos fratres, & Coepiscopi mei, quia magis homini, quàm Deo obeditis, ad Domini Papæ audientiam, & iudicium vos voco, Catholicæ Ecclesiæ, & Sedis Apostolicæ auctoritate munitus hinc recedo. Hæc sanctus vultu, gestuque modèstè intrepido, & libertatem spirante. Equum postea conscendit, abiitque, lævâ frænum Crucemque tenens, dexterâ populo benedicens ; ingens enim turba, Cleri præsertim, pauperumque accurrerat, quæ velut è triumpho redeuntem excepere, excrevitque gaudium priori luctu, quodd sublatum crederent. Omnes convivio excepti. Sub prandium exilium Liberij, & monitum ex Evangelio lectum : *Si vos persecuti fuerim in una civitate, fugite in aliam.*

VI. Ex hoc tempore consilium cepit excedendi Angliam, rogavitque Regem. Et planè appellato semel Pontifice Romam eundem erat, urgebantque fugam insidiæ in ejus vitam paratæ. (b) Aliquamdiu, ut insequentibus falleret, Angliam alieno habitu, occultusque pererravit : tandem exeunte nocte mari se committit, applicatque haud procul Grave-

cos

(a) Alan. in V. cap. 33. lib. 1. (b) De fuga Div. Thomæ V. Apolog. Sa-  
reberticenf. epist. 43. lib. 1.

cos comitata sunt, quibus exilia, plagæ, confiscationes indictæ, si parere illi pergerent, aut litteras deferrent, tantâ pœnarum sævitiâ, & sacri Ordinis contemptu, ut vel inde appareat, quàm sædè indigneque Ecclesiasticos habuerit, quantoque jure non pollet sanctus Archiepiscopus ferre, jura Ecclesiarum tam impudenter calcari. Lege ea edicta, erubescas. (a) Portus etiam custodiri, ne quæ litteræ in Regnum penetrarent. Ipse quamvis terrâ, marique varijs periculis jactatus (nam hærebant à tergo Regis ad Pontificem Nuntij, ac per insidias eundum erat, Belgis ex Anglia præmonitis) & iter inter pluvias, hyemesque pedibus metiretur, labore hætenus insueto, Alexandrum Pontificem exilium suum causasque litteris docuit; earum hæc summa. Persecutiones, quas in Anglia a Rege ejusque Ministris gravissimas pateretur, causas Regno excedendæ fuisse; eas verò non aliunde in se concitatas, quàm quòd jura, & libertates Ecclesiarum profligari nec æquis oculis videre, nec adulantium more pati amplius posset; hanc totam delicti summam esse, cæcum, mutumque non fuisse, Ecclesiâ pereunte: avaritiam Principis in Ecclesiæ facultates grassari: Clericos sæcularium tribunalibus sisti: nec pecuniâ tantum, exilijs etiam, ac membris puniri: se ut in Palatio causam diceret, vocatum esse, eosdem & hostes, judices, & testes sedisse: & ne illos sceleris puderet, jussu se non tantum sententiam ferre, sed etiam probare; quod cum noller, hoc ipso damnatum esse: quid jubetis, *inquiebam*; spoliari, exulari, mori? volo optoque: ut flagitio vestro subscribam? non possum: sufficiat vobis, dignitatem mihi meam, imò & vitam ademisse; innocentiam relinquite: invadite, & cædite, etiam perimite, vocis tantum libertatem concedite: hoc finite ut dicam, vos impios esse, & Christiani nominis, quod in sacerdote, & Antistite persequimini, extorres: aut si loqui non licet, lacrymis saltem libertatem date; sacrilegia prædasque vestras silebo, sed tamen deplorabo; quid minus ego petere, aut vos Archiepiscopo vestro dare potestis, quàm ut quod dicere non audeat, audeat gemere? Hoc ergo flagitium meum, & causa persecutionis est, dixisse, rogasse, gemuisse: hoc perjurium, & perduellionem vocant. Sed istis ignosci potest, ignorantia aut obsequio peccantibus; quid de Episcopis dicam, quorum ego causam, & libertatem meis periculis tuebar? Illi aulam & favores, & quod dictu sædissimum est, æquitati metum præhabuere; sententias in me dixerunt, imò in

(a) V. lib. I. epist. 14. 15. &amp; 23.

in seipfos; nec enim mea tantum, sed omnium Ecclesiarum est libertas, cui laboro: & ut timori honestatem prætexant, audent Evangelio se tueri, quod turpissimè produnt; dicunt enim danda esse Cæsari, quæ sunt Cæsaris: Regem juventâ, imperio, victorijs ferocem provocandum non fuisse: notantque ingratitudinis, Regi tot beneficijs in me largo ausum obniti. Quibus ego respondi: alias esse Cæsaris, alias Tyranni partes: Cæsaris esse Ecclesias, legesque tueri, & Sacerdotes, quorum precibus, cultuque Imperia floreat, venerari; quos, qui exilijs, prædis, servitute infestat, Cæsaris an Tyranni nomen mereatur, ipsi sententiam ferant; non ergo me Cæsari, sed hosti obluctatum esse, nec hostem fore, nisi eum talem ipsi fecissent: si enim primis conatibus obstitissent, & quàm ille ab æquitate Regumque exemplis abluderet, ostendere auli essent, jam dudum alijs eum moribus fore, naturâ quippe docili, & rationi, cum æstus quieverit, obsequente; nunc verò non, ut dicunt, juventâ & victorijs, sed turpi eorum adulatione, qui monere debebant, ferocem, indomitum esse: nec tam morbo, quàm medentium culpâ corruptum, veneno in plagas profuso. Falli, qui credant me, aut immemorem beneficiorum esse, aut amorem, & reverentiam exuisse Principi debitam: imò ingratus & hostis essem, si quod illi faciunt, alluderem pereunti, nec revocarem in præcipitio pendentem: silerem ergo, & facem ferrumque porrigerem perire volenti? Hoc non possum. Vivat Henricus Princeps, audiatque saniora monentem, si fieri potest; si non potest, pereat saltem me innocente, & ad funus plorante. Hæc Episcopis meis ingerebam, à quibus cum non audirer; nec flagitium jam cœptum abrumperent, quid aliud supererat, quàm ut Romam, Christi que Vicarium appellarem? Appellavi, & hanc ultimam naufragij tabulam amplexus sum: nec possunt ægris animis id accipere, aut vitio mihi vertere: si enim innocens sum, cur damnant? si Reus, cur judicem formidant? (a)

Hæc Archiepiscopus Alexandro Papæ, qui, datis ad eundem litteris, (b) acta, & sententias in illum dictas rescidit. Legati interim Angli Compendium ad Regem Christianissimum venêre, porrectoque libello criminationibus pleno, multa ex suo addidere, quibus innocentiam Cantuariensis onerabant: initium libelli erat: *Thomas quondam Archie-*

K

piscopus.

(a) Vid. Roger. in *Annal. Anglor.* ad ann. 1165. (b) *Lib. I. Epist. 49. in Cod. Vat.*

*piscopus.* (a) Et roganti instantiq; Regi, quis ergo Thomam Archiepiscopatu exuisset? cum ambigüe responderent, in hanc vocem erupit Christianissimo Rege, & immortalitate dignam: *Planè sicut Rex Anglorum, ita & ego Rex sum; veruntamen minimum de Clericis meis deponere ego non valerem.* Paulò post Legati ab Archiepiscopo secuti sunt; sic enim imperaverat, ut Regios unius tantum diei intervallo, & inobservari sequerentur, quod & ab illis tantà simulatione factum, ut & laterent, & omnia ad Archiepiscopum referrent. Cum ergo causam Domini perorassent, aded Regem flexère, ut suspirijs, gemituque dolorem testaretur, & Regnum suum Sancto offerret, adjecitque: *Hoc ex pristino more, exemplisque Regum Gallie esse, ut exules, & præsertim Ecclesiastica persona, in Regno suo à persecutorum injurijs defendantur.* (b)

VII. Senonis Alexander Papa Henrici Legatos accepit: magno hi apparatu incedebant, multoque auro, quo aulam expugnarent, instructi, aded, ut Saresberienfis in quadam ad Sanctum epistola malè ejus causæ omīneretur, timeatque innocentiam donis celluram: ejus verba sunt: *Contra vos faciunt multa, pauca pro vobis; venient enim magni viri, divites in profusione auri, quod nunquam Roma contempsit, eruntque non modò suâ, sed etiam Domini Regis (quem in Curia nemo audebit offendere) auctoritate freti, &c.* (c) Et verò jam inter Purpuratos certamen erat, multis intempestivæ severitatis Sanctum damnantibus. Auditi sunt in publico Senatu. Primus Londoniensis Sancto perpetuus æmulus, eum pertinemem, inquietum, suis consilijs præidentem, aliorum contemptorem dicebat: & cum in fugam declamaret, ausus est illam ex Proverbij sententiam usurpare: *Impius fugit nemine persequente.* Tum Pontifex perulantiâ offensus: *Parce, inquit, frater.* Et Londoniensis: *Domine parcam ei.* Cui Pontifex vultu indignationis, & majestatis pleno: *Non dico, frater, quòd ei parcas, sed tibi.* Quà voce aded percussus est, ut obmutesceret stupido similis. Excepit Hilarius Ciceſtrenſis Episcopus, & ipse aut ignorantia, aut Dei voluntate Sanctum vindicantis ludibrium meritis; cum enim ei insultaret inter alia: *Id parùm attendis Dominus Cantuariensis, relicto maturiori consilio se solum consuluit, & sic sibi, & suu, & Regi, & Regno, Populo & Clero graviores labores procrearet, quod circa virum tantæ auctoritatis non decuit, non oportuit, nec aliquando oportuebat, insuper suos, si saperent, non oportuebat sibi in talibus patrocinari.* Omnes in risum soluti

(a) Heribert. in V. lib. 2. cap. 7. (b) Id. ibid. (c) V. lib. 1. epist. 24.



soluti errore toties in grammaticam reperito, tantoque magis, quod eloquentiam ambiret, sibi que blandiretur; exclamavitque unus: *Male tandem venisti ad portum.* Ille rubore ac ludibrio confusus, orationem abruptit, tacuitque. Eadem Eboracensis, & Exoniensis repetebant. Sed omnium modestissime, parique elegantia (a) Comes Arundelius peroravit, ut mirum sit, plus isti in Archiepiscopum reverentia, quam Episcopis fuisse. Summa petitionis erat: mitteretur à Summo Pontifice in Angliam Legatus, qui appellatione remota causam Archiepiscopum inter, Regemque finiret; addebantur precibus minae intentato schismate Pontifici terrendo. Et verò diu hic hæserat animi, consilijque dubius; magna erant Henrici in Alexandrum, & recentia studia, nec minor ab eo metus, si deficeret, quippe potentia, ac annis florente; hunc ergo tam alieno tempore, & adhuc supplicem offendi, plenum periculi erat, præsertim non paucis Purpuratorum, & plerisque in Anglia Episcopis Regem tuentibus, quod ne metu facere viderentur, tituli, & colores quærebantur fucandis mendacijs. Ex adverso quantum criminis erat, innocentem, profugum, & aras amplexantem repellere, ac Angliæ reddi, insidijs inimicorum certaque morti expositum? hæc præmia esse pro Ecclesijs pugnanti? quos animos Regem sumpturum, si gratia sceleri præstetur, reum simul victoremque? nullam amplius fidem Romano Pontifici fore, si eum, quem tot titulis fovere debebat, sinu excuteret, hostique proderet? nec enim aliud esse in Angliam, Insulam mari clausam mittere causam dicturum, quam carceri, aut catenis innectere. Flexit in hanc partem animum Pontifex, Legatisque respondit, Archiepiscopo absente decerni nihil posse: præstolandum ejus adventum, nec diu futurum. Instabant tamen, urgebantque, Pontifice immoto; ergo discessam maturant, ne salutato quidem Alexandro. Interea Senonas Archiepiscopus pervenerat, humanissime à Rege acceptus; nam & servos illi, & sumptus ex Regio ærario, & supellectilem tantæ dignitati parem adjecit. Sic ad Alexandrum pervenit. Primi in aula congressus haud grati cecidere, aversis videlicet Cardinalium animis, maleque imbutis; eum siquidem tempestatis in Anglia auctorem credebant, nimia in Regem severitate. Alexander benignè accepit, audivitque causas exilij, fugam, naufragia, itinera pedibus acta, pericula, insidias, extremamque paupertatem, tantoque graviores, quod insuetam; quæ & dicenti la-

K 2

crymas,

(a) Vid. Vit. lib. 2. cap. 9.

crymas, & audienti expressere. Proximâ die in Senarum admissus est, iussusque Patribus, qui frequentes aderant, causas itineris, & calamitatum exponere.

Assidebat Alexandro proximus, parabatque surgere causam dicturus, sed prohibente Pontifice refedit, cœpitque summo omnium silentio & attentione dicere : quantâ apud Regem gratiâ floruerit, cum Cancellarium adhuc ageret : quantâ cum Archiepiscopatum iniisset : sibi intimas curas, sibi arcana Regni concredita : imò quo nihil charius, majorisque pretij, etiam Principis filium suæ fidei commissum : potentiam opesque gratiæ pares : nec finem felicitati futurum, si hanc, quàm conscientiam maluisset : potuisse perennari fortunam obsequio Principis, & exilio virtutis : nec se earum artium ignarum, expertemque, quibus Principem parare, & obstringere posset : & fortè, cum aulicum ageret, plus illis indulgisse, quàm modò veller, aut excusari posset. Ubi Insulas induit, sacramque Dignitatem iniisset, alias animo cogitationes, alias curas successisse : observasse se Principem excelsâ quidem, & proclivi in pietatem indole, sed immoderatâ, & alieni appetente, nec throno, aulaque contentum, nisi aris æquè imperaret : jam sponte suâ ardenti eos facem subdidisse, qui gratiam à juvene per flagitia quæerent, meritis inaccessible : se recenti adhuc malo rogasse, monuisse exemplis, legibus certasse : hinc primas ærumnarum fibras, quibus jam premeretur : molestum se primum, dein fastidio habitum, ac tandem odio : procul arcanis esse : rarò in aulam peti : alios in gratiam, curasque Regni admitti, tantò chariores, quòd Principi grata suaderent, nullo iusti, iniusti que discrimine : & hæc ferri potuisse, cum necdum in extrema prorumperent. At verò, ubi expilari Ecclesias vidit, Sacerdoria confundi, profanis tribunalibus Clericos sisti, nec pecuniâ tantum multari, sed cædi etiam, proscribique, & limites omnes, qui palatia ab aris distinguerent, nullâ Canonum, nullâ legum reverentiâ moveri, utque licentiùs, minorique verecundiâ peccaretur, honestum consuetudinis titulum flagitijs imponi.

Hic enimverò simulationem se abrupisse, & cum bellum aut Deo, aut Regi indici oporteret, hunc se hostem, quàm illum maluisse : hinc Regis in se odia, hinc Aulæ Regi blandientis, & quod dici sine gemitu, & pudore non possit, hinc Episcoporum aversos à se animos, adeò plus Aula eis, quàm Ecclesiæ cordi erant. Jussisse Regem, ut ijs flagitijs,

quæ

quæ consuetudines appellabantur, subscriberet : moratū se esse, temporis ac meliorum fiduciā : & tandem apertè negasse ; tunc Regis iram & palam exarsisse, tunc amicorum fugam vicinam tempestatem formidantium : insidias sibi paratas, mortem conditam, & ejus exequendæ modos viasque perquiritas ; quam cum eminus, clarisque indicijs observasset, Regno tandem celsisse : non hoc metui, non rumoribus, ut æmuli jactabant, sed necessitati, imò & amori in Regem datum, quem ab infamia parricidij liberabat, exilio sponte suscepto. Quæ verò in exilio, à naufragijs, ab inopia, ab hostibus toto itinere sparsis, ab hyeme, inediaque pertulerit, malle ab alijs intelligi ; nec enim se Pontificem appellasse, ut ærumnas suas, sed innocentiam probaret. Illud tantum rogare, ne crederent nullas, aut leves ob causas tantam fortunæ mutationem à se patienter susceptam, imò expetitam : imprudentem, imò fatuum esse, qui summam felicitatem ærumnis, & exilijs mutet, aut nullā causā, aut malis impari : nec se palatio nuper egressum : delitijs, gloriæque, ac Principum gratijs assuetum ex ijs esse, quibus gratis miseriarum placeant, nulloque pretio : Ecclesijs, libertati, ac Sacerdotum bono se miserum esse, quæ si aliorum exemplo Regiæ voluntati prodar, cedatque ; paratas sibi opes, dignitates, Principis gratiam, fortunamque pristinā florentiorem : hæc omnia parvo constare, obsequio videlicet, & uno calami tractu ; idem fore, subscribendi, & florendi momentum : arbitrio suo stare, misser esse an felix velit, Ecclesijs tamen aulæ, prædæque relictis ; & quantum hoc mali, si aliorum sententiæ, preces, & exempla spectentur ? sed averteret Deus hanc mentem, non Episcopi hæc vota, sed latronis esse. Vitam se cupere, si honestis conditionibus possit ; si non possit, honestius moriturum, futuro posteris exemplo, quid Episcopos deceat.

Hæc Archiepiscopus dicebat flagrante vultu, & Martyrem ferente, gestu intrepido, ac libertatem spirante, & quem Reges timerent juxta amarentque : jam Patres commiseratione tangi tam indigna, & invictè patientis : sed penitus evicti sunt, cum tabulas, quæ consuetudines Regias continebant, sinu expromens, ostentansque indignanti similis, dolentique, adjecit : *En, Patres, servitutis vestre fatale decretum : hic compedes, hic catenæ, & flagella sunt, & quicquid mancipijs debetur : subite jugum, & cervicibus inflectite, libertate proscriptā : spoliari vos, cadique, & profanis tribunalibus aeterni Lex Anglica jubet : nec vocibus licentia, nec lacry-*

*mi est: ferro, ignique vel gemitu punitur: hujus ego delicti reus, & compertus sum: huic exilium meum, & naufragia, & rapinas debeo, crudelitatem adhuc parcam, & solum pratudente: mox sanguis, & securus micabunt; vos interim sententiam edicite: licuit Episcopo tacere tam indigna, tam atrocitas videntur? Ultimas has voces inter lacrymas dixit, nec ullus ferè in eo confessu fuit, qui fletu temperaret, (a) præsertim ubi lætæ consuetudines; tunc enim ab omnibus conclamatum, & constantiæ Archiepiscopi etiam ab ijs applausum, qui maximè damnaverant. Ipse Alexander primò excandescere, ac nimiam Archiepiscopi conniventiam accusare, quòd suo assensu eas consuetudines juvisset, Ecclesijs fœdissimâ fervitute oppressis, postea placari, summisque laudibus ejusdem constantiam esse, qui solus in acie perstaret, & tanto rerum omnium, ac vitæ contemptu Regios moraretur. Sic eâ die discessum, nec amplius dubitatum, non Archiepiscopi tantum, sed totius Ecclesiæ causam agi, nec ab illo severitate, ut quidam putaverant, sed indulgentiâ peccatum. Sequenti die revocati in Senatum Patres, ac thalamo interiore accepti. Ingressus Cantuariensis dejecto vultu, lacrymisque perfuso, se malorum omnium, quæ Angliam turbabant, auctorem profiteri; quippe tantæ Dignitati, & curis eam comitantibus se imparem esse, & aulæ potiùs, cui assueverat, quàm Ecclesijs natum: nec se id ignorasse, cum caput Insulis submitteret: repulisse eas quidem, sed tandem acceptasse urgente Rege; quòd Regem ergo Deo prætulisset, utrumque jam aversum experiri; placandum ergo dimissâ Dignitate, quam sustinere non posset: hoc dudum sibi animo sedisse, distulisse tamen, ne in profanas manus tiaram deponeret: nunc tempus, & locum esse destinata exequendi. Tum anulum digito extractum Alexandro porrigens: Accipe, inquit, insignia suneſtæ Dignitatis; reddo, à quo accepi: & olim exiissem, nisi illi expeterent, quos indignos credebam. In tuas manus depono; num eris Cantuariensi Ecclesiæ sponſum alium deligere me digniorem, & utinam feliciorum. Hæc Archiepiscopus pari modestiâ, & fortunæ contemptu: repetitæ ab omnibus lacrymæ. Secedere jussu cœptum consultari, quid agi oporteret. Non deerant, qui placandi Regis obtentu alium Ecclesiæ Cantuariensi destinarent, cædendam esse hanc victimam publicæ quieti, & unius jacturâ redimendum commune naufragium: nec alias Insulas defore. Plerique nec decorum id esse, nec honestum dicebant,*

omni

(a) Alan. l. 2. c. 21. Quibus perceptis moti sunt omnes usque ad lacrymas, &c,

omniumque tandem eadem sententia fuit, *Phariseis*, ut inquit Alanus, *exceptis*. (a)

VIII. Revocatum ergo Pontifex Dignitati restituit, indiditque anulum, adjecit speru meliorum, & interim Pontiniacensi Abbati commendavit, qui tunc aderat. Ita Sanctus aulam Monasterio commutavit, & ne quid ab alijs differret, Monachum induit, recepto à Pontifice ex rudi lana amictu, quem ipse benedixerat, addiditque ijs, qui deferebant: *Dicite Domino Cantuariensi, quod habitum ei misimus, qualem habuimus, non qualem vellemus*. Adjecit Sanctus à collo ad poplites vestem cilicinam, rum flagella, & inediam, ac lectionem Scripturarum, tanto studio & oblectatione ductam, ut sacros codices vix manu dimitteret. Secuta gravis infirmitas ærumnis, & afflictatione provocata, corpore ad has pœnas adhuc rudi, nec satis exercito; sed hoc Martyrij tyrocinium erat, affluebantque cœlestes delitiæ, tantâ animi quiete gaudioque, ut corpus perfunderent, crederesque exilij oblitum inter voluptates rosasque versari, præsertim valerudine confirmatâ. Sed brevis hæc quies fuit, quam tristissimi ex Anglia Nuntij turbârunt. Furebat Henricus Rex, & sævissimis edictis in Alexandrum Pontificem, & D. Thomam agebat: prohibita ad utrumque Appellationes, & litteræ: custodita maria portusque, ne aliquæ ab ipsis Angliam penetrarent: & qui illis faverent, bonis omnibus multati, nullo inter sacras, profanasque Personas discrimine: (b) Denarius S. Petri interceptus, & Regio Eisco addictus: omnes quoque proventus Archiepiscopi ærario illati: & quotquot illum aut cognatione, aut amicitia contingebant, Angliâ expulsi, nullo conditionis, sexûs, ætatisque discrimine. Unde Sancto perpetuum dolendi argumentum, lacrymas suorum & exilia quotidie spectanti. Amicis eos comendabat, præsertim Siciliæ Reginæ, cujus charitate plerique adjuti, ut etiam Syracularum Archiepiscopi, quibus litteris gratias egit. Pontiniaci biennium degit, ubi & Legati Apostolici Dignitate per totam Angliam

(a) Alanus in V. l. 2. c. 12. Placuit omnibus sententia, præterquam Phariseis, &c.

(b) Denarius S. Petri erat nummus argenteus ex singulis domibus totâ Angliâ pendî solitus: sublatu est ab Hærico VIII. secuto mox schismate, & hæresi. V. Glossar. du Fresne. De hoc Denario S. Petri non tantum ab Anglia, sed etiam Gallia, Britannia minori, Polonia, & Hibernia dari solito V. Spond. ad ann. 740. 782. 869. 1045. 1159.

## 62 Dissertat. I. §. III. S. Thomas Cant. Archiep.

Angliam auctus est, excepto Eboracensi Episcopatu; quam & tam erecto impavidoque animo exercuit litteris in Angliam ad Episcopos, ipsumque Regem datis, pœnisque etiam adjectis in contumaces, ut non exulem illum, sed adhuc florentem crederes, & præpotentem. Pontiniaco litteris ab Henrico pulsus est, Ordini Cisterciensi extrema minante; quæ cum Sanctus intellexisset, Senonas migravit, Ludovico Rege totum Regnum, ubi hospitaretur, offerente. Senonis magno honore cultus, Regiisque impensis sustentatus est. Henricus interim cum Alexandri Pontificis in Archiepiscopum studia intellexisset, vindictæ præceptis Friderico Imperatori per Legatos se adjungit, jubetque Alexandrum toto Regno ejurari: id enim Wilhelmus Saresberienſis in vita testatur, (a) quamvis Henricus, alijque negaverint, id voluntate, multoque minus imperio Regis à Legatis factum. (b) Alexander interea pacem inter Archiepiscopum, Regemque moliri; mutuis enim dissidijs non Archiepiscopus tantum, sed Ecclesia periclitabatur: missi in Angliam propterea duo Legati, Wilhelmus, & Otto Cardinales, qui litem honestis conditionibus finirent; sed id novum dissidijs fomentum fuit. Credebat Archiepiscopus Legatos à Pontifice missos, qui jus dicerent, non qui componerent, & ad æquas condiciones Regis animum inducerent: præsertim Wilhelmum recusabat, quippe auro corruptum, Archiepiscopo æmulum, Regis gratiæ obsequioque unice adstrictum, & mille alijs titulis gravatus; unde in Alexandrum Papam non solum à Divo Thoma amarissimis querelis, sed etiam à Rege Galliæ, alijsque declamatum, quod illi judicandi potestatem fecisset, qui hostis esset, qui pretio conductus, quique insolenter se jactaret, certus non illi causam adjudicare, qui innocentior, sed qui potentior esset. Et quamvis Alexander Wilhelmo Ottomem adjunxisset æqui amantem; par tamen non erat, altero potentiâ, favoribus, clientelis vincente: ut tandem Legatos revocari oportuerit irritâ Legatione, imò noxiâ. Sanctus interea exulem oblitus, Archiepiscopi, Legatique Apostolici partes egregie implebat, multis, quod bona Ecclesiastica occuparent, nec moniti abisterent, anathemate percussis; inter quos Episcopus Londoniensis, alijque gratiâ apud Regem præcipui: hinc oleum flammæ additum; sed Sanctus innatâ libertate ferebatur, quam Galliæ Regis protectio etiam augebat. Scripserat is Romano Pontifici rogabatque, ne suâ Auctoritate sententias Archiepiscopi sol-

(a) Vita S. Thomæ lib. 2. cap. 20. (b) V. Vitam lib. 2. epist. 41. & l. 1. epist. 102.

**S**olveret, adjunxitque per Legatos : *Si quis Archiepiscopum , vel suos tanget, is pupillam oculi mei tanget.* (a) Nec intra calamum, & nuntios stetit, operi accinctus est tentatâ inter offensos pace. Enimverò jam paraverat Archiepiscopus in Regem Censuras, sed ut fulmen tam excello capiti, sereno non turbato cœlo incideret, nec quidquam cœlesti huic igni prophanum misceretur, triduum inter preces, vigilasq; sumpsit, & inter aras D. Virginis Sueffionensis, Gregorij Magni, & B. Dransij pernoctavit; ut videas, quanto apparatu, delectuque vibrandæ sint diræ, præsertim in Regnantium capita, quorum morbi plerumque remedijs invalescunt: & Deus fulmini jam cadenti moras opposuit, Regemque lecto affixit. Sanitati redditum Rex Galliæ ad colloquium invitavit, adfuitque Archiepiscopus, alijque utriusque Regni Magnates ingenti numero; quippe fama præcurrebat, Archiepiscopum in potestate Regis fore; unde omnium expectatio Colossi hujus casum videre cupientium. Sterit tamen, ut eventus docuit, & aliorum spes elusit, aut etiam implevit; malebant enim ex aula non pauci jurgia durare in turbido piscaturi, timebantque, si in gratiam rediret, aut hujus potentiâ, quem adeo provocaverant, aut fuisset artibus, si proderentur, casuros. Omnes ergo inter spem metumque eventus suspenderat.

**IX.** Ubi in Regis conspectum Archiepiscopus venit, ejus genibus provolutus est; (b) nam reverentiam libertati conjunxerat, ac vultu, ut Sancti solent, imperterrito juxtâ modestoque : *Adsum, inquit, O Rex, Sacerdotis, & exulis habitus: quod pedibus tuis assusum, quod supplicentem videt, exulem decuit; præteritorum memoriam nec ego retineo, & tu velim oblitteſces: si quid peccatum à me est, quod Majestati tuæ animum movit, Sacerdoti, & Antistiti imputa, quem invicem fecisti: secui, at medentis animo. Jam verò causas, quæ Sacerdotium, Regnumque collidere, arbitrio, & voluntati tuæ committo; jube ut voles, obsequentem me habebis, fidumque, ut semper, salvo tantum honore Dei: hunc solum mei, tuique Dominum excipio.* Infremuit Henricus ad has ultimas voces; nam primas parienter audierat: nec probris, convicijsque temperavit, superbum pertinacem, ingratumque appellans. Tum ad Regem Galliæ conversus, illud sibi ab Archiepiscopo querebatur; quippe obtentu Divini honoris omnia recusaturum, quæ ejus animo haud federent: lusum hunc esse, non obsequium. Tum mitigato velut animo, & malaciæ reddito : *Multi, inquit, Regum Angliæ*

L

minori

(a) Lib. 1. epist. 139. (b) Herib. in V. lib. 3. cap. 25.

## 64 Dissertat. I. §. III. S. Thomas Cant. Archiep.

*minori potentia, quam ego suere: multi etiam Cantuarie Archiepiscopi, majori sanctitate, quam iste; id ergo peto, ut quod minimo Regum Angliæ illi præstiterunt, is mihi præstet, qui multis partibus inferior eis est.*

Æquissima videbatur postulatio, & Regi tanquam modeste, ac citra fastum petenti acclamatum est. Silebat Archiepiscopus neganti similis. Cui Galliæ Rex: *Domine Archiepiscopo, vis major esse Sanctus virus? aut major prudentia? quid dubitas? ecce pax præ foribus!* Sed Sanctus sententiæ jam semel, matureque conceptæ inhærebat, nec aliter Regi pareri posse, quam *salvo Dei honore*. Hinc omnium aversi ab illo animi, & in contumelias effusi; quippe ejus pertinaciam obfistere Rege jam parato, & æquissima postulante: ipse Ludovicus consensu equis abitum festinavit, ne compellato quidem, salutatoque Archiepiscopo; aded indignabatur eum cœptis insistere, nec flecti in condiciones posse, ut quidem videbatur, justas, quas tamen eventus detexit, & ipse Ludovicus damnavit. Hic enim verò magnanimitas Sancti ad fastigium pervenit, emicuitque omni fortunæ, adversisq; superior, & solo Deo nixa; nam prius amicis utcumque sustentabatur, præsertim Ludovico Rege: nunc verò omnia subducta, quæcumque animum levare possent ærumnis gravem. Henricus irâ fervens, & vindictæ accinctus, Ludovicum contemni se ratus, ne quidem alloquium, aut conspectum admittebat, clauseratque ærarium: amici disfluxerant: Episcopi à Rege stabant, lacërabantq; innocentem, nec alij magis flammam ventilabant: nulla contra egestatem subsidia, quæ animo verecundo, magnoque, & delicijs assueto tanto erat molestior: sed præsertim domesticorum squalor, & desperatio Sanctum angabant sui negligentem, aliorum anxium. Et tamen tot undis agitato, & ultima expectanti tanta securitas, & tranquillitas fuit, ut jocis fortunæ insultaret, & vultum modestâ hilaritate, ac risu solveret. Et verò qui animum partium studijs, & affectibus exemerant, nunquam magis, quam in hoc fortunæ dissidio Sanctum admirati sunt; nam Senonas eunte itinera populi obsederant, certabantque videre, & digito ostentabant applaudentium more: (a) *En, inquebant, Archiepiscopum illum, qui in be- sermo colloquio Deum propter Reges negare noluit, nec Dei honorem subicere.* Ex Gallijs in Burgundiam cogitabat, sed Deus, cum minimè sperabatur, intercessit, subvenitque. Evocatur ad Ludovicum Regem Archiepiscopus, nec aliud expectabat, quam leges, & tempus novi exilij. Ut

in

(a) Herib. in V. lib. 2. cap. 26.



in conspectum venire, sedentem reperiunt, attonito, aut meditantī similem, vultuque dolorem testante, quod malo omni vertebatur: aliquamdiu perstitit, demissoque in terram capite nec tacendi finem, nec mærendi faciebat; cū subito lacrymis, & singultu obortis, profiliensque genua Archiepiscopi amplexu stringit, nec allevari se passus in hæc verba prorumpit: *Verè Domine mi Pater, tu solus vidisti, nos omnes cecimus, qui contra Deum consilium tibi dedimus, imò ad naturæ hominis bonorem Dei remittentes. Pæniteo Pater, & graviter pæniteo; ignosce ergo, & ab hac culpa me miserum absolve; sed & Deo, & tibi meipsum, & Regnum meum expono, & ab hac hora promitto, quòd tibi, vel suis non deero.*

Hæc inter lacrymas, & singultus dicentem Archiepiscopus absolvit benedixitque, nec prius ille surrexit, pulcherrimo veritatis triumpho; tandem enim veritas erumpit, quidquid illi opponas, vincit cadendo. Ab hoc tempore Sanctus summâ veneratione in Gallijs, & Regiè habitus est. Nec ego magis Ludovicum sacro bello accinctum, & tot triumphus, ac palmis auctum admiror, quàm cū Sancti pedes tenebat. Cæterum quàm magnis rationibus Henrico assentiri Archiepiscopus voluerit, operæ pretium fuerit exponere, exemplo posteris profuturo.

Omne obsequij genus Sanctus pollicebatur, salvo tamen, exceptoque Dei honore: nec Regijs juribus hæc clausula obstabat, semper enim intelligebatur, etsi taceretur; nullum enim contra Dei honorem Regibus jus est; nam ut Regibus populi, ita Reges Deo subduntur; & tamen exprimi ea clausula tunc temporis debebat, Rege Ecclesias invadente: alioquin omnia Archiepiscopus cedere videretur, si post tanti temporis certamen Regi omnia postulanti, omnia permitteret. Quæ ergo Regi injuria, ea exprimi, quæ etiamsi tacerentur, observari oportebat? & præsertim eo tempore, quando silentium, unius victoriæ, alterius cladi adscribebatur publico omnium damno? Accedebat Archiepiscopum, cū insulas induisset, fidelitatem Regi promississe, *Salvo honore Sacerdotali*; quo ritu omnes jurabant Antistites, nullâ Regum querelâ: si ergo Sacerdotalis honor excipi poterat, quantò magis Divinus Rege inoffenso? Nec primus erat, qui pro Ecclesiastica libertate bellum Regibus intulerat; quis enim Ambrosij, Chrysostomi, Basilij agones, & pericula nescit? Et ne Angliâ, & Cantuariâ exeamus, quid Anselmus, quid Lanfrancus non egit?

Et quamvis non Regis solum, sed omnium ferè Episcoporum, Magnarumque votis dirisque pullarentur, vicere tamen veritatis auspicijs, quæ Croci in morem, tunc maximè floret, cum calcatur. Quod si aliqui ante ipsum dissimularunt; aut alia correxerant à prioribus intacta, aut posteris aliqua reliquere, cum omnia non possent; alioquin nullius rei initium fuerit, si exempla semper expectes: & deniq; non omnia imitationem merentur, quæ à Sanctis patrata; alioquin & adulteria, & homicidia, & perjuria exemplis nituntur: nec Petrus laudari tunc meruit, cum timuit, negavitque, & timori perjurium addidit; sed cum Christum professus est, & secures sanguine imbuir, quem poterat silentio redimere; nec Ecclesia connivendo crevit, silendoque; sed claspando, ferendo, & veritatem in plateis, in foro, in templis, aulisque profitendo: nunquam adulatio & silentium Martyres fecit, nec caput Joannis à meretrice sublatum, quia racuit, sed quia dixit; charus Aulæ dum flagitio pepercit: invisus, exosus, dum notavit, correxitque; tum carceres illi, tum ferrum & secures paratæ, nec alio reus, quàm quòd blandiri noluisse. His artibus Ecclesia crevit, his aucta, his conservari debet. Quod si obtentur indulgentiæ, & pejorum metu omnia Regibus permittas, quæ aut cupiditas suggerit, aut adulantium artes, quid tandem intactum erit, & prædæ inexpositum? qui limites sacram, prophanamque auctoritatem distinguunt? quid Patrum statuta, quid Canones proderunt, tot vigilijs elaborati, tantâ curâ defensi, si regnantium arbitrio solvantur? Imperabit ergo Aula serviente Ecclesiâ, & exemplo nullis sæculis audito, illi leges præscribent, qui obsequi debebant: illi obsequentur, quorum munus est imperare. Ipsi Antistites, si tori ex aula pendent, non Ecclesijs, non animabus, quarum curam suscepere, sed palatijs vacabunt, nec tam infulas virtute quærent, meritoque, quàm gratiâ, & favore: hic thura adolebunt, hic aras statuent, & quod olim Patres suspirabant, in palatio Episcopi, non in Ecclesia fingentur, Sacrorum rudes, imò & pertæsi; quis enim nauram in sicco faciat, aut militem in gynæceo? corruptis verò Episcopis, & mundum, non Christum spirantibus, quem odorem in Ecclesia speres? illi fastum, luxum ac vanitatem rerum humanarum suis Ecclesijs proscribent, quæ animo retinent, & exemplis ostentant? quâ dein auctoritate, quo vultu Reges monebunt, & errantes reducent, qui omnia Regibus debent, nec aliam, quàm blandiendi adulandique artem in palatijs didicere? non est hoc Pastorem, sed Musicum agere, cantare non regere,

At,

At, *inquiunt*, irritandi non sunt Principes, & aliquid connivendum, peiorum metu. Cæterum qui hæc dicunt, nec satis intelligunt, quæ sint boni Pastoris partes : nec tam Regibus consulunt, quam propriæ timiditati commodisque, quæ si auferas, nulla ipsis de Regibus cura. Imperat Deus Sacerdoti : *Clama, ne cesses, quasi tuba exalta vocem tuam*. Isti tacere volunt, nec tubâ, sed cytharis ludere. Denuntiat Deus Episcopo : (a) *Fili hominis, speculatorem dedi te Domui Israël ; audiens ergo ex ore meo sermonem, annuntiabis eis ex me. Si me dicente ad impium : Impie morte morieris, non fueris locutus, ipse impius in impietate sua morietur ; sanguinem autem ejus de manu tua requiram*. Si ergo ad Episcopum pertinet, Speculatorem esse, & excubias agere, hostem eminens visum denuntiare, ac buccinâ prodere ; cur isti cæcum, mutumque volunt, & ad omnia Principum scelera conniventem ? Miseram Civitatem tam otiosis, timidisque excubijs ! quæ ne buccinæ strepitu dormientes turbent, hosti interim produnt, perduntque indulgendo.

At Principes irritandi non sunt. Omnino, nisi irritari illos oporteat, alioquin perituros ; tunc enim necessitas loquentem, & amor absolvit ; nec, quod illi irascantur, monentis est culpa, sed indignantis. Et verò quis medicum excusat, ideò remedijs, ferroque abstinentem, quia gemit, dolebitque infirmus ? an præstabat morientem, quàm gementem videre ? quod in animarum Regumque Medicis tanto verius est, quorum morbi, & funera æterna sunt, & exemplis grassantur. Quanti Principes Theodosius, Arcadius, Valentinianus, alijque, quorum imperia non uno tantum angulo continebantur, sed totam ferè Europam, magnamque Africæ Asiæque partem occupabant ? nec tamen istorum potentia, iræque Ambrosium, Chrysostomum, Basilium morabantur, ut flagitia non liberè arguerent ; & quamvis ægrè audirentur recente adhuc plagâ, ubi tamen sanati sunt, & Medicos laudârunt, & posteritas venerata est. Quis non crederet Ambrosij, & Justinæ conflictu casuram Italiam ? sterit tamen, & vicit, proscriptâ hæresi, deletâ Imperatrice ; placato Augusto, & triumphante Episcopo ; hic fructus assertæ veritatis ; nam si metu independentium malorum, quæ Augusta minabatur, dissimulasset Ambrosius, & hæresi Italia paruisset, & ipse momentaneâ pace, ac Principum gratiâ, æterno apud posteros dedecore laborasset : eadem Chrysostomi, & Anselmi fortuna fuit, quibus breve certamen, & exilium, sed æterna gloria

gloria assertæ libertatis. Falluntur ergo, qui Ecclesiæ pacem simulatione, astu, turpique conniventia quærendam putant; non his artibus Ecclesia crevit, nec his artibus servanda est, sed fortitudine, constantia, & adverforum patientia; quæ omnia cessant, si Principibus obsequi velis etiam iniqua imperantibus. Pax ancillæ cum Petro fuit, quando Christum negavit, velatâ perjurijs veritate: at ubi istum professus est, bellum cum Nerone habuit, aulamque irritavit, & vitam in cruce absolvit. Quis jam verò præ isto bello illam pacem elegerit? Ergo præferendum est bellum pro veritate, & justitia susceptum, turpi, ac inhonestæ paci, quæ tandem in servitutem desinit. Enimverò si Sacerdotes, quorum curæ libertas Ecclesiarum commissa est, vires sociarent, & veritatem Principibus edicerent, facile audirentur, innatâ sacrorum reverentiâ; at verò cum ipsi Sacerdotes Principi blandiuntur, & quæsitis obsequijs gratiam mercantur, tacentque veritatem aut spe, aut metu corrupti: imò vera monentes in odium adducunt, id solum est, quod Principes obdurat, redditque inaccessos, imò securos, dum istorum autoritate, & consilijs muniuntur: & planè Athanasio, & Chrysostomo nullum majus certamen, & perniciēs, quàm ab Episcopis fuit, qui aulæ implebant; isti facies incendio, isti bello subdebant, ipsi prædisque intenti. Si verum ergo fateri volumus, tota ferè Principum culpa in Sacerdotes redit.

Hæ sunt ferè rationes, quas varijs in locis (a) Sanctus Archiepiscopus adducit, ut ostendat, se postularis Henrici Regis in ultimo colloquio subscribere nequivisse, easque eventus probavit; nam tandem illum à sicarijs extinctum, & Henricus deflevit, fatalesque consuetudines ejuravit, quas Sanctus ferè non poterat: & omnium Angliæ Galliæque votis absolutus est; damnati verò, qui ei obstiterant. Deus ipse tot miraculis ad ejus tumbam patratis, & publicâ totius Ecclesiæ veneratione verum Pastorem fuisse ostendit, quidque animam suam posuerit pro ovibus suis; alios verò mercenarios, & venientis lupi umbrâ perterritos fugacesque. Illam verò rationem præcipuè Sanctus urgebat, videlicet: *Non simulatione, non ingenio regenda est Ecclesia, sed justitiâ, & veritate, quæ se observantem liberat ab omni periculo.* Et delicta Regis tam multa, & magna erant, nulloque pudore admissa, ut nec excusari, nec ferri possent, nisi omnium offensione, & publicâ Ecclesiæ clade. Toto quinquen-

(a) V. lib. 2. epist. 28. & epist. 30. & lib. 4. epist. 14. & lib. 2. epist. 46.

nio Archiepiscopo exulante, bona Cantuariensis Ecclesiæ, exalumnq; occupaverat : in Sancti amicos tantâ crudelitate sævitum, ut plurimi morte, alij omnes exilio punirentur : nulla venia ætati, aut etiam puerperis data, alij cunis, alij lectis in exilium ferebantur : Lincolnienſis, Herefordienſis, Eliensis Episcopatus Fisco adscripti : Landavenſis Ecclesia militibus prædæ data. Bangorensis decennio vacavit, & fructus Regi celsere : Clerici nullâ sacrorum reverentiâ carceribus addicti, aut membris truncati : alij oculi effossi, ad duellum acti, alij superstitiosis ignis, & aquæ quæstionibus subjecti. Quæ omnia cum palam essent, nec ea Rex corripere, solis pollicitis, & ipse contentus, dissimulari ab Archiepiscopo non poterant, multò minus probari. Et tamen, quod vix posteritas crederet, nec finem mirandi faciet, Episcopi omnes tam iniquis postulatis assensere, imò, ne errasse viderentur, patrocinati sunt.

X. Nihil interim Alexander omittebat, quo Regem entenderet; cum epistolis nihil proficeret, quartâ Legatione Henricum fatigavit: primâ Wilhelmus, & Otto Cardinales functi sunt, sed paulò post revocati, quòd nimia indulgentiâ in Regem uterentur, adeò ut is palam jactaret: *Se Dominum Papam, & omnes Cardinales habere in bursa sua, sequæ consecutum esse privilegium Avi sui, qui erat Rex, Legatus Apostolicus, Patriarcha, Imperator & omnia.* (a) Wilhelmus præsertim palam Regi favebat; hinc frequentes in Alexandrum querelæ, cujus fama laborabat improbitate ministri: alij ergo in Angliam missi primis revocatis; ij erant Gratianus E. R. Diaconus, Eugenij Pontificis Nepos, & Vivianus Archidiaconus Urbis Veteris, pietate & doctrinâ conspicui. Summa mandatorum erat: *Muneribus abstinere imò etiam necessariis sumptibus, nisi pace obtentâ: pax verò æqua esset, Ecclesiæ, & Archiepiscopi iuribus illibatis: dum compositio ageretur, abstinere interim censuris, omniq; severis re, quæ Regem ab alienare, morariq; possent. Idem observaret Archiepiscopus, conder. tque ferrum, dum spes aliqua sanitatis affulgeret: pace verò ad diem S. Mich. è'is non secutâ, liberum ei esset, obstinatum ferre, & Regnum Interdicto subijcere.* Hæc Legatis mandata, Rege interim omnia moliente, ut Sanctus Cantuariensi Ecclesiâ moveretur. Ludovico supplicavit, ut Regno ejiceret; cui regie responsum est: *Si Anglo tanta cura esset suarum consuetudinum, quamvis Deo adversusintum, multo magis Gallie consuetudines sibi cordi esse, quæ miseros afflictosque, & præsertim Sacerdotes justitiæ causâ proscriptos semper sinu receperat.* Mediolanensibus marcarunt tria millia promissa: Cremonensibus duo millia: Bononiensibus, & Parmensibus mille, si Alexandrum permoverent, ut

(a) V. lib. 1. epist. 179. & lib. 2. epist. 38.

Cantuariensem aliò transferret. Ipsi Pontifici pax cum Imperatore, omnium in Anglia vacantium Episcopatum collatio, Romanorum, qui tumultuabantur, subiectio, & tandem marcarum millia decem promissa; sed Pontifice immoto, flectique nescio, minæ successerunt. Morrandini Turcarum Principis societatem, & Religionem se potius amplexurum, quàm ut hunc hominem Cantuariæ, & in Regno videret: adeò Henricus odio flagrabat, ut animum demitteret ad tam indigna, si non potius hæ Legatorum minæ, quàm Regis imperium fuit. Respondit Alexander: *Non idè se impium esse posse, quia Rex perire velit.* (a) Legati humaniter à Rege accepti, quamvis Alexandri litteris offenso. Ubi de pace agi cœptum, varij, multiq̃ue conventus indicti, sed frustra, Rege semper alio, jam pacato, jam offenso, jam pacem offerente, jam revocante, & minas frequenter miscente; quod cùm more suo aliquando faceret, Gratianus Legatus Romanè, impavidèq̃ue respondit: *Domine, noli minari, nos enim nullas minas timemus, quia de tali Curia sumus, quæ Regibus, & Imperatoribus consuevit imperare.* (b) Inter alias pacis conditiones illam præsertim Rex urgebat, ut videlicet Archiepiscopus sponderet, se officio quidem suo functurum, *Salvâ tamen dignitate Regni.* Æquissima videbatur conditio rem non intelligentibus: sed eam Legati rejiciebant: nam per dignitates Regias, consuetudines illas notabant olim damnatas, addebantq̃ue: si nomine Dignitatis Regiæ jura Regum, & Coronæ intelligerentur olim à Regibus Angliæ possessa, nihil litis superesse, ea Archiepiscopum morari, paratumq̃; jurare, imò jam olim jurasse; cæterum eo nomine abusus celari, Ecclesiæ toti, nec tantum Angliæ fatales: mirum esse, Regem, qui nuper hanc formulam ab Archiepiscopo propositam repulerat, videlicet: *Salvo Dei honore*; jam aliam velle minùs necessariam; an ergo Rex præ Deo esset? aut si non esset, cur honori suo parci, non Dei vellet? aut ergo omitti eam formulam velut captiosam debere, aut exprimendum, quænam illæ Regiæ dignitates essent, quarum curâ adeò premeretur? Quòd si neutrum placeret, illud saltem promitteret, aliam, paremq̃ue formulam adjici; quæ Ecclesiam æquè ac Regem protegeret, videlicet: *Salvâ Ecclesiæ libertate.* Hæc enim nihil Regibus adimi, sed ea tantum Ecclesiæ dari, quæ aliàs deberentur.

Justa erat postulatio, ac plena honestatis; quid enim æquius, quàm

(a) Vid. lib. a. epist. 66. (b) Vide lib. 3. epist. 6.

ut Regis juxta Ecclesiæque dignitati caveretur? à Regijs tamen admisa non est, & ided Legati desperatâ pace Regno excelsere, non ided tamen absistebat Pontifex, sive beneficiorum, quæ à Rege acceperat, memoriâ, sive spem omnem necdum consumpserat, sive, quod vero proprius est, verebatur Regem aliàs indomitum, & in extrema promptum ad defectionem urgere, parcebat ergo, sperabatque: tertiam interim Legationem adornat, & litteras, quas Legati ferebant, minis aspergit, ac initium Quadragesimæ ineundæ paci præscribit: alijs tamen secretis datis Regem orat, monetque, & paternâ charitate demulcet, utque magis devinciat, interdicit Archiepiscopo, ne in Regem Regiosq; potestate suâ utatur, nisi pace compositâ; quæ causa illi fuit rem in longum trahendi, ludendique Pontificem ostentatâ semper pace, at nunquam factâ. Parisijs Reges Angliæ, Galliæque convenerunt; adfuit Archiepiscopus, Legatorum, aliorumque Episcoporum, ac Ludovici Regis monitu nihil omisit, quo placari, molliri que Rex posset: flevit, rogavit, procidit, juravitque, nihil se charius, aut antiquius habiturum Regis obsequio: etiam Regni consuetudines servaturum, quantum tamen per conscientiam liceret, & Dei Leges paterentur; verba Archiepiscopi hæc sunt: *Pro pace Ecclesiæ, & gratia Regis promitto, me consuetudines illas, quas Sancti Antecessores mei Regibus suis servaverunt, salvo ordine meo servaturum, quantum secundum Deum possum: & faciam pro amore ejus recuperando, quidquid possum, salvo honore Dei.* (a) Quid amplius posset? At Rex tam æqua indignatus, colloquium abruptit, discessitque: epistolas verò Pontificis, quas secretas volebat, & cum pompa ostentabat, insultabatque Archiepiscopo potestate suâ minuto: hinc in Alexandrum omnium fere calami, & linguæ provocatæ; querebantur enim (b) innocentem Archiepiscopum non deseri tantum, sed etiam ludibrio exponi, obstinari verò Regem indulgentiâ, & beneficijs importunè oblati: quæ omnia Alexander excusavit malitiâ temporum, & pejorum metu: (c) revocavit tamen gratiam Anglo concessam, & abusu corruptam; nec tamen desperavit, quartâ & ultimâ Legatione expugnando Regi adhortâ: eâ perfuncti sunt Episcopi Nivernensis, & Senonensis, & Archiepiscopus Rothomagensis; ijs mandatum, Regem permoverent: *Constitutum, aliosque exules Angliæ redderet: Ecclesijs ablata restitueret: consuetudines Ec-*

M

clesiasticæ

(a) Vide lib. 4. epist. 8. (b) V. l. 4. epist. 14. 1. 22. 23. 25. 28. (c) Vide lib. 4. epist. 16. 17. & 51.

*elestiaſticae libertati adverſas, & ſomitem diſcordiarum aboleret: Episcopos, quæ illi ſubſcripſerant, juramento liberaret: & denique intra dies quadraginta finis litibus eſſet: aut Rege abnuenſe, Provincia Cifmarina, ubi ſi morabatur, Interdicto ſubjaceret: & ſi obſtinari pergeret, eandem ſententiam expectaret, quam Fridericus Imperator. Hoc ultimum Regem fregit, coronæ ſuæ anxium, & exemplo Friderici pavidum; pacem ergo feſtinavit.*

XI. Locus feriendæ paci deſtinatus, pratum fuit, amœniſſimum quidem, ſed malo omine proditorium appellatum. Ubi venientem Archiepiſcopum vidit, caput aperuit, exiliſq; in amplexum, & loqui parantem ne admittit quidem, prævenitq;: poſteà mutuis colloquijs, & gaudijs perfuncti ſoli in partem ſecedunt, & quod olim ſolebant, dum amicitia flagraret, diu multumq; ſermocinantur: & cùm Archiepiſcopus equo deſiliret Regem veneraturus, ejusq; pedibus advolveretur, ipſe ſtapedem tenuit, coegitq; in equum: articulos etiam pacis, quales Alexander præceperat, ſubſcripſit, ſignavitq;: quæ omnia tanto amoris, & humanitatis ſenſu peracta, ut immortalitatem promitterent, pleriſq; qui ſpectabant, gaudio, & admiratione deſixis, ac etiam lacrymantibus. Paulò poſt in Gallias redijt, Ludovico Regi, quo tam benigno, liberaliq; ulus fuerat, grates relaturus: nec navigare in Angliam volebat, niſi quæ Eccleſijs ablata erant, prius redderentur; nam Henrici levitatem verebatur: ſed viſtus amicorum precibus, poſt ſeptimum exilij annum, ſub noctem ſolvit, tenuitq; Angliam: nec deerant, qui manifeſtis indiſijs ei mortem præcinerent, nec ipſe diſſimulabat, (a) litteris ad Alexandrum, & Henricum datis, quæ ultimæ fuerunt.

In litus cum amicis expoſitum globus militaris excepit, à Londonienſi Epifcopo immiſſus, & videbantur vim illaturi, niſi metu accurrentis populi prohiberentur; ut enim navim, quæ Archiepiſcopum ferebat, cruce inſignem, & paulatim littori ſuccedentem videre, continuò affluere, in genua procidere, gaudia, lacrymasq; miſcere, qui benedictionem præſuperent certare, & denique Paſtorem tot victorijs, palmisq; auctum inter feſtas acclamationes excipere: nec ipſe triumpho ſuo impar heroem potiùs, quàm exulem agebat, oculis firmis, ac jam Martyrem ſpirantibus, vultuq; impavido, & fortunam ridente; modeſto tamen, hilariq;: Ut Cantuariam pervenit, repetiti à Clero & populo plau-

(a) Vid. lib. 5. epiſt. 54. & 73.



plausus : crederes Angelum, non hominem adventasse, aded omnia gaudijs, acclamationibus, campanis, organisque strepebant : vexilla, crucisque obviâ progressæ. Ipse ut in Ecclesiam pervenit, toto corpore, & brachijs in crucem explicatis procubuit ; tum singulis Monachorum, qui Ecclesiam impleverant, osculum fixit, ac tandem in Palatio quievit.

XII. Sed brevis serenitas fuit, Eboracensi Archiepiscopo novam tempestatem ciente ; urgebat istum flagitiorum conscientia, timebatque pace cum Rege factâ, bellum sibi, & promeritas pœnas à Cantuariensi imminere, festinabat ergo prævenire ; nec deerat falsis criminationibus color. Querebatur, Episcopos Regniq̃ue Primates censuris à Pontifice percussos esse, idque instinctu Cantuariensis navigationem parantis ; ijs verò non tam Episcopos, quàm Regem peti, cujus illi causam egissent, & lateri perpetuò hærerent : & contemptum augeri, absolutione toties petita, negatâque : addebant, insensum esse Henrico Principi, omnesque vias moliri, cum folio exturbandi. Incendebant Regem hæc voces, alias ardentem, redijtque odium adhuc gliscens, nec satis nuperâ pace extinctum : ac tandem cum celari amplius non posset, palam erupit ; dolebat, suspirabatque, ac toto vultu mœror spectabatur : amicis causam quærentibus, sæpe in has voces prorupit, quæ Sancto mortis causam attulere : *Cum uno, inquiebat, Sacerdote pacem in Regno meo habere non possum, & nemo vestrum me vindicat !* Quæ verba imperantis potius videbantur, quàm dolentis, & pro imperio ab illis accepta, qui mortem Archiepiscopi optabant. Condictum ergo à quatuor è primaria nobilitate aulicis in ejus necem. Ipse invicto semper animo, & timoris experte, die, quâ Natale Christi agebatur, Cathedram conscendit, dixit ad populum, & mortem, quam revelatione didicerat, prænuntiavit, ac millionem à suis petijt ; id tantâ eloquentiâ factum (quam etiam perorantis lacrymæ augebant, & aura quædam æternitatis vultui, verbisque infusa) ut templum lamentis, querelisq̃ audientium personaret. Ubi silentium redijt, non jam lacrymanti & morituro similis, sed judicem induens, gravi, severâq̃ voce in eos, qui nollent ablata restituere, invehens, anathemate, & diris percussit ; erant pleriq̃ Henrico chari, & in aula præpotentes. Tum sacris perfunctus convivio assedit, hilari, solutoque animo, ac vicinæ morti insultans. Quarto post die, cum sicarij nuntiarentur, & omnes fugam suaderent, ipse gravi, lentoque gradu,

& velut per otium in Ecclesiam processit, fores, quas alij metu occluserant, pandi iussit, armatos excepit, blandeq; allocutus est: ac tandem cum vibrari gladios cerneret, oravit, cervicem inflexit, & manibus ante pectus junctis primum vulnus recepit; tum in genua procubuit, ac tandem in faciem, repetitis vulneribus: non gemitum, non querelam emisit, nec aliud dolentis, timentisve argumentum edidit: & quod miraculo videntibus fuit, corpore jam exangui, & tot plagis lacero eadem venustas, idemque color duravit, somno potius, quam morte solutum diceres. Ultima ad sicarios verba fuere: *Ego pro Deo meo paratus sum mori, & pro assertione justitiæ, & Ecclesiæ libertate. Quod si caput meum queritis, prohibeo ex parte omnipotentis DEI, ne in aliquo noceatis, sed sine immunes à pœna, sicut extiterunt à causa.* Et paulò post. *Deo, & Beatæ Mariæ, & sanctis hujus Ecclesiæ Patronis, & Beato Dionysio commendo me ipsum, & Ecclesiæ causam.* Nec ultra locutus est, aptavitque ferro cervicem; crederes sicarium provocasse commoditate ferendi. Calebat adhuc cadaver, & miraculis abundabat, festinante velut Deo ostentare Martyris innocentiam. Inter alia illud quoque notatum, cum funus Choro inferretur, & pompam, precesque funebres explevissent, elevatâ placidè manu, velut gratias obsequio relaturum adstantibus benedixisse, tum resedit, & tumulto illatus est. Vulgatâ ejus morte, dici haud potest, quantum ubique luctûs, & querelarum non Angliam solum, sed universum ferè Occidentem impleverit.

Alexander Papæ repetitis nuntiis ex Angliâ, Galliaque, ubi necem Archiepiscopi audiit, adeò turbatus est, ut toto octiduo publico abstineret, ne suis quidem ad colloquium admissis: Angliæ Legatos, qui purgando Regi advenerant, nec videre sustinuit; tandem Cardinalium hortatu, post dierum quindecim moras, & præsertim quòd Henricum promitterent imperata facturum, duo ex Legatis, Abbas videlicet Walslaciensis, & Archidiaconus Lexoviensis auditi sunt, Episcopis Wigornienfi, & Ebroicensi, alijsque exclusis, quòd suspecti haberentur. Cum Henricum nominassent, adeò Pontifex solo nomine inhorruit, exarsitque, ut velut ex conditio ab omnibus clamaretur: *Sustinete, sustinete.* Quippe detestari Regem videbatur, & ne ferre quidem de illo dicentes, ubi tamen Regem innocentem, & quidquid imperaret, facturum esse intellexit, utcunque placatus est, & diras Regi paratas in eos convertit, qui sancti Archiepiscopi necem quovis modo juvissent. Legati dein in Angliam

**Angliam missi, qui causam examinarent.** Constabat parricidium Rege non solum ignaro, sed etiam dolente peractum esse: enimvero nuntiata ejus caede, stupenti, & attonito similem amici viderunt, cum lacrymis ac squallore sordidum, & Regiam lamentis complentem nullam majestatis curam. Triduum latuit, caruitque cibo, & hominum alloquio, omnis solatii, quod molliendo dolori adhibebatur, impatiens, credebantque voluntariam morte periturum vitae fastidio, & pudore admissi sceleris, quamvis se ignaro, invitoque. Juravit etiam tactis sacris Codicibus, contra animi sui sententiam caedem Archiepiscopi patratam, & ejus morti plusquam parentum suorum illacrymatum se esse: consuetudines recens à se inductas abolevit: antiquas moderari ad praescriptum Romani Pontificis promisit: Sacram militiam ad triennium, nisi Alexandro aliter videretur, professus est: ducentis militibus annum stipendium numeravit trecentis in singulos aureis: adjectae occultae abstinentiae, & largitiones in pauperes, preces, & alia expiando parricidio, cujus ipse non causa quidem, sed occasio fuit, crebris in Archiepiscopum querelis; quae tantam modestiam, & poenitentiam à Rege alioquin feroce, & irae immodico accepta sunt, ut Legatis Cardinalibus haec diceret: *Ecce Domini Legati, corpus meum in manu vestra; scuto pro certo, quod quidquid jusseritis, seu proficiscendi Hierosolymam, sive Romam, sive ad S. Jacobum, vel quidquid sit, paratus sum obtemperare.* (a) Tum Templo ductus, flexisque ad limen genibus absolutus est. Sicarii adeo omnibus exosi, ut in angulo Insulae laterent, nullo omnium consortio; imò ne canum quidem, qui porrectas ab eis escas averfabantur; nec triennio supervixere. Qui primum ictum vibraverat, brachium, totumque corpus rube absumptum est; alij Romam, & Hierosolymas peregre profecti sunt, & silvis, ac speluncis abditi flagitium luxere perpetuis lacrymis, donec, ut dixi, finirentur. Plenique vero amicorum, & Sancto exilij comites ad praecipuas dignitates provesti sunt: Hubertus Lombardus Romano Pontificatu nomine Urbani III. poritus, Heribertus sacra purpuram donatus est, Joannes Saresberienfis Carnotensem, Robertus Filioth Herefordiensem, Reginaldus Lombardus Herefordiensem, Ghirardus Conventriensem, Gilbertus Rosensensem Episcopatus adepti sunt, alij alias dignitates. Sed Divinae justitiae necdum satis litatum erat. Fatale inter Reges Patrem, Filiumque odium exarsit, & odio par bellum; & Patrem quidem plerique deserue-

M 3

rant,

(a) Vid. lib. 5. epist. 88,

rant, ac Filium sequebantur, potentiâ, armisque Gallix Regis, cujus Filiam duxerat, succinctum. Consilium ergo cepit Martyrem placandi, ejusque rumbam adeundi; cui Northmanniam, aliasque Provincias ab hoste infestas liberandas reliquit: ipse mare ingressus est, appulitque; ubi in conspectum Ecclesiæ Cantuariensis venit, abjectis regijs insignibus, nudusque pedes processit: eratque spectaculum retrò sæculis invisum, cernere Regem tot victorijs felicem, & cum exercitus duceret, hostibus suis formidandum, delictijs, annisque florentem, nudatis nunc pedibus, & luto squallidis, oculis solo defixis, ac lacrymas depluentibus, lineoque tantum amiculo seminudum corpus velante, tacitum trementemque plateam metiri; quo spectaculo tota Civitas in lacrymas fluxit. Ubi Ecclesiam subijt, eam diem noctemque inter preces consumpsit, somni cibi que expertem: scapulas etiam plagis subiecit, quas ab Episcopis quinas accepit, à Monachis verò duas super octoginta: consuetudines illas, quæ materiam incendio præbuere, penitus abdicavit: ac tandem Sacris, quæ in memoriam Martyris peracta sunt, adfuit summâ animi pietate, ac demissione; quo ipso momento Scotiæ Regem inter præcipuos Henrici hostes, florentissimis copijs cinctum, pauci ejus milites palantesque ceperunt. Secuta eodem anno pax, & res totâ Angliâ compositæ, non dubio Martyris auxilio. Quis jam non crederet propitium, placatumque Numen tot pœnis aut immissis, aut sponte susceptis? nec tamen vindictæ satis. Duo ejus Filij immaturâ morte sublati, inter quos Henricus primogenitus; cum tertio usque ad mortem bello confligit, cui etiam diras imprecatus est: ipse tandem, si Rogerio credimus, felici, & paratâ morte, ac peccatis confessione, sacroque epulo positus, extinctus est: alij miserè defunctum volunt. Illud certum est, ab eo tempore, quo adulantium artibus corrumpi cepit, & cum Archiepiscopo collidi, vertisse fortunam, & perpetuis malis, domi, forisq; conflictatum esse. Et hic quidem tam longi certaminis conflictus fuit: cui enarrando equidem immoratus sum, quòd Regalia illi exercendo materiam suggererit. Ubi simul Ecclesiasticæ libertatis egregium specimen luxit. Atque ut tunc in Angliâ, ita hâc tempestate in Galliâ pari ferè causâ, & iisdem momentis, simili que acie pugnatum fuit: non Galliæ suus Thomas, non Alexander, non Londoniensis, non Eboracensis Episcopi defuere: paria exilia, paresque ærumnæ, & si sanguis defuit, lacrymæ compensârunt. Quantis in Angliâ rationibus, aut  

potius

potius insidijs pugnatum est, ut Ecclesia Aulæ serviret? quantis mendacijs actum, ut veritatem, & justitiam opprimerent, uno tantum Archiepiscopo nixas? Et hunc arrogantiae, saltus, prodicionis, pertinaciae, imprudentiae, pecularis, ac ut nihil calumniae deesset, laesae Majestatis accusarunt, imò & effecerunt, ut talis crederetur; quippe innocentiam fastidimus, cum misera est, & ideò gravis. Et quid tandem tanto mendaciorum apparatu factum? ut proscriberent, ut exosum Principi redderent, ut occiderent? omnino: sed non ideò victores; cecidit ille, & veritati sanguine litavit, ac tunc primum in palmas effloruit: tunc innocentia erupit, tunc veritas agnita, tunc Deus, & Ecclesia causam decidit, ista cultu, ille miraculis: abolitæ consuetudines, calumniae proditæ, persecutores poenitentes, & puniti, Rex ipse odia veneratione, & amore commutavit, & sic vicit innocentia. Exadverso Londoniensis, & Eboracensis Episcoporum memoria, qui tunc aulam gubernabant, abolita est, nec aliter ipsos posteritas, quàm ut sacrilegos, & impostores notabit. Quòd si sanctus Archiepiscopus aulæ cessisset, turpique obsequio brevem illam, & fallacem pacem omniq[ue] bello pejorem redemisset, & ille Martyris gloriâ, & Ecclesia pulcherrimo exemplo caret. Falluntur ergo, qui ut pacem Ecclesijs suis, aut potius sibi concilient, eas Principum voluntati dedunt, & ne praelio quidem tentato signa submittunt. Non hæc Apostolorum, aut Martyrum militia est, quibus à Deo mandatum: *Ecce constitui te super gentes, & super Regna, ut evellas, & destruas, & disperdas, & dissipes, & plantes.* Tu ergo ne formides à facie eorum. Ego quippe dedi te hodie in civitatem munitionem, & in columnam ferream, & in murum arcum super omnem terram Regibus Juda, & Principibus ejus, & Sacerdotibus, & Populo terræ, & bellabunt adversum te, & non prevalebunt, quia ego tecum sum, ait Dominus, ut liberem te. (a)

Cæterum ut in D. Thoma insigne fortitudinis exemplum, ita in Pontifice Alexandro constantiæ, & prudentiæ habemus: quot ille omnium Principum, imò sancti ipsius querelis pulsatus est, quòd Regem anathemate non feriret? Et cum tamen cunctaretur meliorum spe, ac pejorum metu, quàm acerbè in aulam conclamatum? Romæ nullum innocentibus jus dici, nec asylum veritati, sed potentis dari; vincere, qui plus auro, non justitiâ valeret: Pontificem tot precibus, Legationibus, & lit. teris in Angliam missis quid aliud effecisse, quàm ut ostenderet, contemni se posse.

& p.

(a) Jeremi. 1.

& patrocinia innocentibus data intra verba consistere, obstinato interim Rege, & Alexandrum semper minantis, & nunquam ferientis habitu vidente. Romæ omnes misereri, neminem succurrere, & ideo tot malis à Deo premi, quod oppressis non subveniret. Hæc palam, & ab omnibus dicebantur, qui Angliam fulminari volebant, sed immoto Alexandro; qui cum hæc severitate, & Regem perdi videret, cogique in defectionem, nec tamen Archiepiscopo subveniri, maluit ferro abstinere, & ægrum si non sanare, at saltem nec perdere. Quod quàm prudenter ab Alexandro factum sit, exemplum Henrici VIII. Angliæ Regis postea docuit, tot lacrymis deploratum, & necdum deletum.

## §. IV.

INNOCENTIJ XI. Pontificis Maximi, contra Regaliæ abusus Decreta, & curæ; & quàm immeritò ab aliquibus notata;

## S U M M A R I A.

1. Multæ in Gallijs Ecclesiæ Decreto Concilij Lugdunensis, & quatuor sæculorum beneficio à Regalia liberæ, idque Episcopi Galli agnoscunt, & tamen Edicta Regio subscribunt, & quas ob causas?
2. Soli Episcopi Alethensis, & Apamiensis causam sustentant ab alijs metu desertam, quod ipsorum testimonijs ostenditur. Apamiensis exilium, & mors.
3. Vicarijs ab Apamiensi Capitulo electis alij à Tholosano Archiepiscopo oppositi, sed nullo jure. Nova, & sæva persecutio.
4. Aliæ in Monasterio Carronensi turbæ.
5. Romani Pontificis in tot malis curæ, & remedia malè à quibusdam accepta, & quas ob causas? quæ sigillatim refelluntur.

## I.

**J**Am supra ostendimus, Concilij Lugdunensis Decreto cautum fuisse, ne Jus Regaliæ ad eas Ecclesias proferretur, quæ hætenus ab hac servitute immunes fuerant; gaudebantque Ecclesiæ hæc nativâ, & canonicâ libertate annos fere quadringentos, quos videlicet decur-

decurrerunt ab anno MCCLXXIV. quando Concilium Lugdunense celebratum est, usque in annum MDCLXIII. cùm Regis Edicto omnes totà Galliâ Ecclesiæ huic oneri subjectæ sunt. Neque hoc ipsi Galli diffidentur; cùm enim anno MDCLXXXI. mense Majo Episcopi aliquot convenissent, & futuro generali Conventui ad proximum Octobrem materiam agendorum pararent, unus & præcipuus inter alia hæc Episcoporum nomine locutus fertur: *Ius Regaliæ servitutem esse, quæ, præsertim collationes Episcoporum quod attinet, imponi nisi ab Ecclesia, ejusque consensu non possit, semper nobis persuasum fuit; & ideo cùm Concilium Lugdunense Regaliæ, ubi hætenus invaluerat, tolerandam esse duxerit; ad eam verò Ecclesias, ubi hætenus insueta, extendi omnino, & sub pœna anathematis gravissimè interdixerit; sequitur, ut nec illæ hanc ipsam servitutem recusare debuerint, quæ hætenus eam tulerant; illæ verò, quæ hætenus naturalis, & canonicæ libertate fruebantur, justissimè usque in annum MDCLXXII. ferre venuerint.* (a) Ubi vides, fateri Galliæ Episcopos, quorum nomine loquebatur, Jus Regaliæ servitutem esse, nec eam aliâ, quàm Ecclesiæ auctoritate imponi potuisse: ab hac verò Regalia immunitatem, fructum esse canonicæ, & naturalis libertatis, quâ quadringentis annis Ecclesiæ, ubi hætenus contraria consuetudo non obtinuit, gavisæ sunt: quæ omnia quàm verè à Gallo sint dicta, jam suprà abunde ostendimus, nec animus est repetere. Hanc ergo Libertatem Edictum Ludovici Regis submovit; quod licèt novum, & Galliæ hætenus invisum, non tamen obscurum fuit, quorum consilijs id suggestum, peractumque. Erant in aula, qui Principis gratiam quovis pretio parabant; & quia potentiæ, gloriæque, ac proferendæ dignitatis avidum cernebant, facile captari poterat, ijs propositis, quæ huic cupiditati blandirentur: tantoque magis, si victoria nec armis, nec auro constaret, & bellum indiceretur vinci volentibus. Ecclesiæ ergo Edictis petitiæ, & quòd Majorum exemplis ea res careret, tantò magis Principem invitabat, omnes retrò se Reges vincere festinantem: accedebant in eos, qui maximè videbantur oblectaturi, privata odia, unde criminandi, vindicandique occasio; & denique si hæc omnia abessent, quæstus urgebat; Rege enim ad majora intento, alijs Sacerdotia dispensandi cura dabatur: in istos ergo præmia, favores, & clientelæ redibant, magno potentiæ, opumque incremento: & cùm publica utilitas obtenderetur, privata quærebatur, quod postea

N

eventu

(a) V. la lettera indirizzata ad un Vescovo dell' Assemblée dic 8. Août. 1681. f. 5.

eventu paruit. Cæterum velandæ cupiditatis rationes passim quæsitæ, ac omni colorum genere, ut Principi placerent, ornatæ ; & pronum erat fallere, armorum potius, aulæque, quam Canonum, & Ecclesiæ gnarum. His ergo artibus Edictum illud prodijt, quo omnes totâ Galliâ Ecclesiæ, & in provincijs etiam recenti bello quæsitis, Regaliam admittere jubebantur, adjectumque, ut electi Antistites intra duos menses à præstito fidelitatis Sacramento litteras à Rege obtinerent, quibus claudi Regalia inciperet, & proventus Episcopis cedere : litteræ verò in tabularia Cameræ Computorum referrentur : cæterum Episcopi jam olim electi tenerentur hâc ipsâ solemnitate defungi. Hæc novæ servitutis professio fuit ; nec alibi, quàm Parisijs edi poterat, magno quidem Episcoporum incommodo, sed non minori eorum emolumento, qui Regaliæ præerant. Varijs in Gallia animis, & foris non minori expectatione Regium hoc Edictum acceptum est ; necdum enim memoriâ exciderat, læpe id in aula tentatum, sed nullo eventu, Clero Gallicano semper oblectante, & semper victore ; nec minoribus jam animis pugnaturi credebantur, quippe eadem in causa, & libertatis Gallicanæ, quam Pontificibus toties obiectabant, memores ; ac Rege, si veritatem doceretur, æqui amante. Cæterum vana expectatio fuit. Plerique jugum accepere, querebantur tamen, dolebantque se invitos cogi, & Notarios, ac testes adhibebant, qui, ne libertati suæ id quidquam noceret, in Tabulas referrent, misero inanique solatio perditæ Libertatis ? *Capi, vinciri volumus, & hoc ipsum chi-rographo testamur ; id tantum scribite, liberos nos esse.* Recusarunt alij, sed tamen Capitulis suis permisere, ut Regaliæ subscriberent ; perinde ac si nulla Pastoris culpa esset, si ejus non imperio quidem, sed permissu oves errassent ; (a) si enim Regaliam suis Ecclesijs imponi iustè crediderant, cur ergo ipsi abnuebant ? si injustè, cur, ut Canonici id facerent, pariebantur ? Enimverò non minus in animarum, quàm militum Ductore eadem, parisque momenti culpa est, facere, & non prohibere, cùm possit. Sed Regalistarum importunitas Beneficia, fructusq; raptantium effecit, ut qui istorum grassationibus liberari vellent, jugum subirent, sædâ quidem, sed utili servitute.

II. Duo tantum Episcopi Regijs Edictis obnixi sunt, Alestenis videlicet, & Apamiensis ; & primò quidem omni reverentiâ, & obsequio certatum est, demonstratâ Ecclesiarum immunitate, quàm & Concilij

Lug-

(a) M. de Pamiers fol. 177.



Lugdunensis auctoritas, & annorum supra quadringentos decursus firmaverant : sed cum in aula non rationibus, sed imperio ageretur, & soli ipsi certarent, reliquo agmine aut victo, aut composito, nihil effectum est : nec idèd celsère ; nunquam enim adducti sunt, ut subscriberent, imò vibratis censuris, edictisque propositis procul Regalistas arcebant : Romam etià inelamârunt, commune Episcoporum asyllum, cum periclitantur. Sed quid facerent soli ? imò hoc illis crimini dabatur, quòd causam ab omnibus desertam soli sustinerent. Ergo omni malorum genere exerciti, nullâ ætatis, quæ jam provecta erat, nullâ virtutum, quâ præcipuè florebant, nullâ dignitatis reverentiâ ; nec alterius culpæ postulabantur, quàm quòd Ecclesias suas, ab hominum memoria, & decreto Concilij Lugdunensis, ac ipsorum Galliæ Episcoporum testimonio liberas, nollent in servitutem rapi ; imò nec poterant velle, quippe Concilio Lugdunensi enixè idiplum verante : quid ergo facerent ? Regi potius, an Concilio obedirent ? omnino sic illis visum, quibus delitiæ, & quies, ac Principis gratia præ Libertate fuit : nec quid Ecclesijs, ac cælo, sed quid mundo deberent, cogitantibus : quid ergo facerent, si secures, & flammæ, & alia tyrannorum instrumenta sævirent ? illi sanguinem funderent, qui vocibus pepercère ? & Neronibus, ac Decijs veritatem edicerent, ante Regem Christianissimum muti, pavidique ? agnovisse enim Galliæ Episcopos, nullo jure Ecclesias gravari, soloque offendendi Regis metu, Regaliâ admisisse, ipsorum confessione, & literis Innocentij Summi Pontificis, palàm est, sic enim loquitur : ( a )

*Animadverimus litteras vestras à metu ordiri, quo suasore nunquam Sacerdotes Dei esse solent, & in ardua, & excelsa pro Religione, & Ecclesiastica libertate vel aggrediendo sortes, vel perficiendo constantes : timuistis ergo, ubi non erat timor, &c. Et infra. Nobis excusationem allaturi rerum à vobis allatum exaggeratis periculum, ne Sacerdotium, & Imperium inter se collideremur ; proinde existimasse vos, ad officium vestrum pertinere, utili condescensione Canones temperare ; proinde vos jure vestro decedentes, illud in Regem transulisse. Hic planè agnoscunt Galliæ Antistites, non potuisse Regaliâ universum, & ad omnes Ecclesias extendi, nec istud ad Regni, & coronæ jura, ut aulæ videbatur, pertinere ; alioquin nec dispensare illos, nec jure suo cedere oportebat ; nemo enim jure alieno cedit : nec Reges, ut jure suo utantur, dispensatione egent.*

N 2

Illud

(a) Breve Innoc. XI. ad Galliæ Episcopos Anno 1681. die 11. April.

Illud mirum fuit, nec haftenus auditum, ut Episcopi in causa dispensarent, tot, ut supra vidimus, Concilij, & ultimo Lugdunensi prohibita. An ergo potestas illis est, Decreta Conciliorum universalium solvendi? & qui Pontificem Romanum Concilij subesse volunt, ipsi Concilij se praeferunt? dispensatio enim ad Superiorem pertinet.

Nec alia in re tanti momenti dispensandi causa, quàm vanus offendendi Regis metus, & praeclara illius de Ecclesijs merita. Regem ergo injustum faciunt, impiumque, qui justitiâ, & veritate offendatur, nec Antistites ferat officij sui, ac juramenti memores; supponunt ergo Regem ignaviâ tantum, & adulatione, ac sacrilegio placari, quo nihil indignius de Rege tam justo, tot virtutibus, ac facinoribus claro dici potest. Neque hoc remunerari Principem fuit toties de Ecclesijs, & bene meritum; non enim remuneratur, qui perdit blandiendo; illud potius remunerari erat, si errantem revocassent, ostenso praecipitio, in quod perversis consilij agebatur, tenuissent lapsurum: nisi fortè tanti Regis animam minoris, quàm corpus, & sanitatem ducant, negligentque curare, quia aeternitati perituram. Quanta Davidis in Regnum, & Ecclesiam merita? num idè celari adulterium, & conniveri homicidio debuit? num poenae abscondi, ne quietum, & securum turbarent? imò quia amabat, quia fidus erat, & gratiam bene merenti referre properabat, idè explicatè, impavideque monuit Propheta, terruitque lethargo periturum: *Tu es, inquiens, ille vir: Uriam percussisti gladio, & uxorem illius accepisti in uxorem tibi, & interfecisti cum gladio filiorum Ammon; quamobrem non recedes gladius de domo tua in aeternum, &c.* Idem spiritus, idem amor, & libertas Joannis Baptistae fuit: bene Herodes de illo merebatur, qui libenter dicentem audiebat, & eo audito multa faciebat. Num idè incæstu, & adulterij scædo pepercit? aut non potius rogavit, monuit, ac tandem cum aures flagitio clauderentur, nullo Regis, nullo meretricis metu, amore, ac potentiâ ferocis, quantâ potuit voce inclamavit pereuntem: *Non licet tibi habere uxorem fratris tui.* Non ergo benemeritos remunerantur, qui connivent, praebentque nociturâ, sed qui negant. Sed nec minùs admirari illas voces, aut horrere juvat, cum dicunt: *Iure nostro decedentes illud in Regem contulimus.* Vos ergo Ecclesiarum, quæ vobis creditæ sunt, arbitri, & Domini, non custodes, & tutores estis? earumque jura, ac privilegia, ut metus aut cupiditas fuerit, in alios transfertis? hoc nimirum jurastis, cum insulas acciperetis, & vos mortem potius subituros, quàm,

quàm, ut Ecclesiæ libertatem proderetis, spondidistis? Quo ergo jure transferre potuistis, quæ nec vestra sunt, nec vobis commissa alijs donanda, sed tantum custodienda? Vobis ergo, vestræque voluntati Concilia, & Canones subsunt, imò fides, & juramenta, & Ecclesiarum Libertas, ac disciplina, quam, ut libuerit, Principibus, & Laicis submittitis, ac interim Romanum Pontificem tam indigna respicientem, per Convenus, & Decreta monetis, ut Canones custodiat. Ergo, ut dixi, reliquis omnibus terga, vertentibus soli Alestensis, & Apamienfis Episcopi in æie perstiterunt, & quòd causam Ecclesiæ impigrè suscepissent, omni ærumnarum genere vexati sunt, Rege aut ignaro, aut falsis eorum criminationibus, qui privatis studiis agebantur, prævento; nam Janfenismi, novarumque rerum, & contemptæ Majestatis accusati sunt, cum tamen non aliâ culpâ laborarent, quàm quòd nollent novæ servituti succumbere, nihilque æquè illos angebat, quàm quòd viderent, Beneficia titulo Regaliæ perinde ac si Ecclesia vacasset, indignis conferri; quæ poena nova omnino erat, & nunquam audita: nec tam Episcopos, quàm Ecclesias, Deumque spectabat, ingenti animarum clade. Quippe Episcopus Apamienfis Canonicos suos sub Regula D. Augustini ad illud vitæ genus reducerat, quod in primitiva Ecclesia olim florebat, abdicatis videlicet patrimonijs, & nullâ temporalium curâ. Toti ergo in animarum salutem, & virtutes incumbabant eâ professione dignas; nec major alibi, quàm in ea Ecclesiâ ardor sanctitatis. At verò Antistite rebus suis spoliato, alij ex defectu Regij Confessarij catervatim irruebant, non animarum, sed honoris, quæstusque avidi, quique assumptâ tessera, *hilaris siveletis*, ludis, epulisque, & amatorijs cantibus noctes ducebant, ac illis ipsis, qui eos delegerant, pudori erant. Ergo, ut dixi, nova hæc, nullisque sæculis audita poenâ non tam Episcoporum culpæ, si quæ fuerant, quàm Ecclesiæ plectebantur, & majori animarum, quàm facultatum damno; crevitque malum Episcopi morte. Is æumnis confectus est, cum prius ad Regem litteras dedisset, quibus rogabat, monebatque, pulcherrimo Libertatis & reverentiæ temperamento.

III. Expletis funebribus, & corpore in sepulchrum illato, Capitulum convenit, & Vicarios Generales, dum novus Episcopus optaretur, Daubaredum, & P. Rech elegere. Daubaredus cum Archiepiscopum Tholosanum convenisset, humaniter acceptus est, permissusque officio fungi; datæ etiam ad Regalistas litteræ, quibus monebantur, ut con-

tenti proventus accipere, sacris officijs in Ecclesia Apamienſium abſtinerent, ne materia novis tumultibus præberetur: quod cum illi neglexiſſent, adeſſentque Veſperis, Daubaredus deſuncti Antiftitis veſtigijs, & exemplo inhærens, cenſuris obſtinatos perſtringit, nec multò poſt exilium illi, & carceres decreti, imperio Regis. Eadem fortuna Recho fuit. Is ad Aquas Auguſtas ( vulgò Acqs ) relegatus haud procul Burdigalâ; quò cum perveniſſet, ad carceres raptus eſt à Præſectò Aquitaniæ, tamque inclementer habitus, ut ne panis quidem ſuppeteret, præter buccellas à militibus mendicatas. Cerles Capituli electione Daubaredo ſuſſectus eſt; ſed iſto velut uſurpatæ poteſtatis ab ijs accuſato, qui nuper anathemate percuſſi fuerant, Archiepiſcopus Tholoſanus Fortaſſinum quendam ſuum eleemoſynis præſectum Vicarium Generalem, ac Officialeſ jubet. At Cerles libello palàm propoſito dignitatem ſuam vindicare, Archiepiſcopo iniuſtitiæ notato; quippe nullum Metropolitano in Diœceſin vacantem juſ eſſe, niſi Capitulo aut negligentia, aut malitiâ delinquente. (a) Neutrum verò contigiſſe: aut ſi quæ eſſet, vocandas partes, cauſamque, & factas Vicariorum electiones examinandas fuiſſe, pro quarum valore jura præſumant, niſi contrarium proberur: nunc verò nec vocatis partibus, nec exploratâ cauſâ, electiones ſubverti, electos turbari, & alienos, ignotosque ſubmitti, ſicque Eccleſiam Apamienſem recentibus adhuc lacrymis, viduamque, novo ſchiſmate funeſtari: niti Archiepiſcopum, ejusque ſententiâ vanis rationibus, & ab adverſario ſuggeſtis, videlicet, invalidas fuiſſe Vicariorum electiones; quippe Regaliſta quondam (b) præterito; cæterum hunc nominatim excommunicatum fuiſſe, tanto cenſuræ neglectu, ut ne abſolvi quidem curâſſet: præterea neque ex numero Capitularium eſſe, quippe alterius inſtituti ſocium, & Canonicorum Regularium vitam ne tyrocinio quidem expertum; non ergo ad Conventum Regularium vocari debuiſſe, nec ejus abſentiâ electiones irritas fieri. Hæc à Vicario Apamienſi tantâ ratione dicebantur, ut negari haud poſſent; & planè Archiepiſcopum Tholoſanum movère, ut Fortaſſino ſuo perſonam adimeret, tam malè in rheatro comparentem: quæſiti tamen colores, artesque aulis notæ celando pudori; cum enim exilia, carceres, prædationes, equitum turmæ, & quidquid in hoſtes parari ſolet, nullo ſacrorum Ordinum, &

Canoq.

(a) Cap. Eccleſiæ. de ſuppl. negl. Prælat. in 6. junctâ Gl.

(b) Vulgò M. ſc. Juge.

Canonicorum, ac sexûs discrimine admoverentur, & reos faceret vel sola amicitia defuncti Antistitis; Fortassinus velut cædio ærumnarum, & quod coactum se diceret, Vicariatu abit: ipsæ sacræ Virgines oblata à Fortassino Confessarium recusatunt, *malle se, dicentes, semet in anno ad Ecclesiæ præscriptum expiari, quam ignoto, intrusque subijci*: tanto majori dedecore, quod à fæminis, & idèò procul vindictam. Fortassino solum vertente, novum à Parlamento Parisiensi decretum, quo Canonici Apamienses intra triduum convenire, & viduæ Ecclesiæ Vicarium dare jubebantur, nisi facerent, Metropolitanum suppleturum: nec multo post Tholosanus Archiepiscopus rescribit: *Quia ex Parlamenti præscripto Canonici Apamienses non convenissent, nec Vicarium vacanti Ecclesiæ dedissent; se vices negligentium supplere, & Episcopum Leonensem Vicarium designare*. Recusavit Leonensis, noluitq; implicari tam fœdo operi; cum enim ad Episcopatum Apamiensem multo Leonensi opulentiorum nominatus à Rege esset, jam se itineri Parisios accinxerat, viamque inierat, ignarus videlicet omnium, quæ Apamijs contigerant. Ubi ea intellexit, iter continuo vertit, recusavitque generoso contemptu infulas tam indigne jactatas. Cum ergo Vicarij alij deessent, is, qui crucem Archiepiscopo præferre solebat, Vicarius datur, perinde, ac si ejusdem momenti res esset crucem præferre, & Ecclesiam regere. Cæterum tam inconcinnè hic ludus agebatur, sive is casus, sive imprudentia fuerit, ut nemino risu temperaret, artificio nimis patente. Jubebantur Apamienses Canonici intra triduum convenire, cum tamen constaret aut inclusos, aut proscriptos esse, totamque Galliam exilijs implere; qui ergo convenirent? & tamen velut neglexissent, novis à Tholosano Vicarijs eorum Ecclesia gravabatur, exauctoratis, quos nuper, valideque elegerant; ligati ergo, retentique jubebantur incedere, & quia non poterant, poenas dabant, velut contumaces, inertesque. Quid rogo apud Americos Brasiliâsque fieri poterat inclementius? & tamen factum est aliud, quod nulla Posteritas crederet, & Gallia factum inhorruit. Johannes Cerles Capituli electione Daubaredo, & Recho Vicarius successerat, nec dubitari poterat, quin legitimus esset, Tholosano, ut vidimus, nullo jure obnitente; accessitque Romani Pontificis confirmatio, Tholosanum intentato anathemate prohibentis, ne quietum turbaret; at hoc ipsum, quod remorari tantum Præfulem debebat, multo magis accendit. Scribit Parlamento Tholosano,

ut in Cerlen, ejusque pertinaciam inquirat, eumque eâ poenâ plectat, quæ alios exemplo terreat, & obedientiæ moneat. Nemo dubitabat ijs verbis ultimum supplicium innui; nec tamen aliâ culpâ gravabatur, quàm quòd innocens esset, & juramenti Ecclesiæ suæ, ac Pontifici Romano præstiti memor, retinensque; omnes ergo judicium recusabant, in quo aut damnari innocentia, aut offendi Tholosanus deberet. Adduntur aliæ, & ferociore litteræ, quibus ignaviam, morasque incusabat, urgebaturque judicium festinari. Territi Judices, & dicta sententiæ dies. Adfuit Archiepiscopus, & vultu minaci, ac funesta promittente aulam in-  
 vectus, vehementi oratione in Vicarium Apamiensem declamavit, eo digresso, omnium votis damnatus ad mortem est. Ferunt ex iudiciis unum assurrexisse, & his verbis collegas allocutum: *Nemo deinceps magnam timoris vim, miramque esse negaverit: ecce enim, quem omnes innocentem creditis, omnes damnatis!* Nec clementior executio fuit, cum enim Vicarius aut lateret, aut dilapsus esset, ejus simulacrum paleis, & centonibus suffultum, & ne quid ludibrio abesseret, religioso amiculo testum plaustro imponunt, rotaque Civitate circumducunt, & tandem eo loco, quo puniri solent malefici, aut laqueo, aut gladio finiunt: nihil poterat Londini, aut Genevæ sævius fieri; sed omnia superabat, Religiosum, & Sacerdotem plesti accusante Archiepiscopo: nec facile par exemplum reperiesset; hætenus enim veniam reis impetrare, non urgere supplicium, Episcopis mos erat, nisi fortè plus in hominem innocentem, quàm reum licebat, & quòd Romæ absolutus esset, delictum onerabat. Additum sententiæ fuerat, ut effigies Joannis Cerles magni Vicarij, Apamijs, alijsque præcipuis Ecclesijs eodem supplicio afficeretur, quod etiam factum; illud Apamijs contigit memoratu dignum, ut videlicet Lictor Apamiensis nocte intempestâ cum uxore aufugeret, ne se tanto facinore impiaret; aded ultimæ etiam fortis homines pudebat tam indignæ sententiæ.

IV. Hæc in Gallijs, & præsertim Tholosano Archiepiscopatu agitantur; quibus ab Archiepiscopo Parisiensi non dispar infortunium accesserat. Caronæ Vico agri Parisini Monasterium visitur: illic sacre Virgines degunt, Congregationis B. Virginis Ordinis Canonico Regularium S. Augustini, Auctore Petro quodam Fourier ejusdem instituti viro, & notæ in Lotharingia pietatis. Earum aliquæ bellis Lotharingiam vastantibus in Belgium migrarunt, ubi cum Aurelianensi

Du-

Ducissæ insigni morum innocentia placuissent, eandem extincto Riche-  
lio Cardinali in Galliam comitata, haud procul Parisios confedere;  
illic suis sumptibus Monasterium Ducissa erexerat, (a) & dore instru-  
xerat, impetravitque ab Alexandro Pontifice, (b) ut Magdalena quæ-  
dam eidem Monasterio perpetuo præset; quamvis ex Regulæ insti-  
tuto triennio tantum durarent, & Matris non Antistitæ nomine; sed  
adjecta conditio, ut extinctâ Magdalenâ gratia finiretur, & triennales  
Matres, electæque Virginum suffragijs redirent. Sed quod fieri amat,  
ea gratia alias incendit, ut eadem potiri vellent. Magdalenâ morte  
sublatâ, alia quædam (c) Ordinis D. Benedicti obtentu Regij chirogra-  
phi, & favore Archiepiscopi Parisiensis, Monasterij præfecturam occu-  
pat, prævenitque electionem, & interim Romæ agit, ut Diploma obti-  
neat, quo ad solutiorem ordinem transire possit, & Antistita confirme-  
tur: ambitioni necessitas prætexta, collapsas Monasterij facultates re-  
parandi. Romæ utrumque negatum, nec diu post vivis excessit. Vi-  
debatur Libertas eligendi reddita; cum subito eodem Regis, & Archie-  
piscopi favore nixa alia quædam (d) ex Cistercio irrumpit, servis, epu-  
lis, pompaque insignis: nec Matris nomine contenta, Abbatissam se se-  
rens; hanc quoque instaurandæ Oeconomix, frugalem scilicet, parcam-  
que sumptuum, necessariam dicebant, nec aliam toto ordine reperiri.  
Sed cum Romæ impetrari Bullæ non possent, ingenio certatum est, ut  
Antistita esset, & perpetua quidem, non tamen diceretur. Juber ergo  
Archiepiscopus, officio fungeretur, dum Bullæ Româ venirent; at cer-  
tum erat, nunquam venturas Pontifice invito: sæpe Archiepiscopo,  
Parlamento, Regique à sacris Virginibus supplicatum, sed nunquam au-  
ditæ: diu cum intrusa luctatæ sunt, dum tandem effractis foribus, & vi  
adhibatâ, magna cum sæcularium manu Monasterium irrupit, sacris Vir-  
ginibus aras amplexis, & Amazonem avertantibus. Hæc ubi Romam  
pervenere, non potuit Romanus Pontifex Innocentius XI. se Patrem  
oblivisci, datoque ad afflictas, oppressasque diplomate, libertatem eligendi  
reddidit, (e) omni que obedientia in ferocem illam armatamque Antisti-  
tam solvit.

Hæc ferè sunt, quæ ab Anno MDCLXXIII. usque in annum  
MDCLXXXII. contingere; quæ quanti momenti sint, quamque Eccle-  
siasticam

(a) Anno 1643. (b) Anno 1657. (c) Madama di Quervend. (d) Angeli-  
ca le Maitre. V. Regale Sacerdotium. fol. 13. (e) Anno 1680.

frasticam disciplinam, & immunitatem offendant, vulnerentque, nihil ar-  
riner dicere, se ipsis enim clariora sunt, quàm, ut exponi debeant, & for-  
tè in locis Catholicæ Religionis sacris nihil simile antiquitas vidit, sal-  
tem nihil pejus. Nova, gravisque servitus Ecclesijs imposita; termini,  
quos Universale Concilium posuerat, submoti: anathemata, quæ idem  
Concilium inflixerat, contempta: quatuor sæculorum possessio, quæ  
pessimam etiam causam tueretur, turbata: Canones Sacri, imò totum  
Concilium Lugdunense prophanis tribunalibus adstare iussum, ibique ut  
Parlamento videretur, causam dicere: Episcopi nec clementius, quàm  
si prophani essent, habiti, nullâ ætatis, sacrique ordinis reverentiâ: in  
Clerum verò, Dei que servos velut in plebem, prædâ, exilijs, carceribus  
sævisum: putâsses antiquas persecutiones fervere, nisi quòd in istis plus  
sanguinis funderetur, in illis plus dedecoris. Illud verò quale spe-  
ctaculum fuit, Sacerdotem, & Proepiscopum coram sæculari Magistratu  
ab Archiepiscopo accusatum, & quamvis innocentem omnes agnosce-  
rent, damnatum, percussumque Carnificis manu? nam quòd simulacrum,  
non ipse reus ceciderit, nihil flagitium mitigavit, infamiâ poenam sup-  
plente. Additæ Sacrarum Virginum vexationes, adempta electio, Re-  
gulæ turbatæ, intrusa invitis Antistita, claustra, foresque violatæ, migra-  
tiones ad laxiores ordines permittæ, quæ tamen omnium consensu soli  
Pontifici Romano reservantur: ejusdem Pontificis monita, minæque in-  
super habitæ, & denique in Conventu Parisiensi omni retrò Antiquita-  
ti, Canonibus, Concilijsque etiam Generalibus bellum indictum, perin-  
de, ac si paucis Episcopis jus esset totam Ecclesiam turbandi, everendi-  
que quatuor propositionibus, quæ Concilia Generalia exemplo, & do-  
ctrinâ stabiliverant, nec aliâ ratione id factum, quàm ut Pontificis cu-  
ras, à quo paternè monebantur, aliò averterent, bello domi accenso.

V. Suspirabat ad hæc Romanus Pontifex, & tempus, quod dolori  
supererat, quærendis remedijs aptabatur. Dissimulatum diu, si fortè, ut  
fieri solet, malum dilatione, mora que languesceret; neque hoc ignaviæ,  
aut timoris, sed providentiæ fuit; quædam enim silentio curantur, præ-  
sertim ubi pudet fecisse. Sed cum malum ingravesceret, additæ pater-  
næ monitiones, quæ Regi, & Episcopis rei enormitatem ostenderent, &  
par animæ periculum, nisi absterent: & quamvis eæ litteræ spira-  
rent libertatem Pontifice dignam, & omni fortunâ majorem, tantun-  
dem amoris addebatur, temperatâ Majestate: cum nec istæ proficerent,  
aliæ



aliæ secutæ minis permixtæ, nec tamen nimis : rescissa acta, appellationes receptæ, Rex officij, & exempli Majorum admonitus, Episcopi objurgati, quod Ecclesiæ causam deseruissent, timore, ut ipsi fatebantur, & conniventia victi, & denique, quæ pro Regalia decreverant, obliterata, quippe metu expressa, & supra Episcoporum potestatem. Quid minus fieri poterat, post tam multa, indigneque commissa ? Sed clementia Pontificem morabatur, & spes meliorum, præsertim Rege non suo, sed aliorum consilij errante ; & tamen ausi sunt aliqui tam benignum, parceque severum, nimis severitatis postulare, nec alia causa fuit in ultimo Parisijs Conventu, ejus auctoritatem, si possent, exarmandi, quàm quod nimis minacem crederent, an potius credi vellent, quæsito aut vindictæ, aut impunitati colore ? Cæterum quàm injustæ querelæ fuerint, facile constabit, quæ à nobis dicta sunt, animo reputanti. Conferantur solum, quæ Romæ, quæque in Gallijs agitata sunt, & quanta hic moderatio, illic, ut modè stilimè loquar, imperus fuerit, patebitque, utra pars materiam querendi habuerit, quæ plagam intulit, an quæ accepit ? Regaliam, ejusque substantiam quod attinet, nihil Episcopi opponebant Innocentio Pontifici, imò nec poterant, iisdem enim principijs nitebantur : *Regalis ex tolerantia Ecclesiæ, non jure aliquo Regio provenire : esse servitutem canonicam, & naturali Ecclesiarum libertati oppositam ; & idèd à Concilio Lugdunensi ad loca, ubi h. genus inoleverat, restricta, nec extendi à Regijs posse, sed solo Ecclesiæ consensu.* (a) Hæc, inquam, etiam Galliæ Episcopi fatebantur, ut videre est ex illis, quæ in Conventu paucorum Episcoporum primus Commissarius Parisijs disseruit : & in alio pleniori Conventu, ubi Regaliæ, ejusque extensioni subscriptum est. In epistola ad Romanum Pontificem data, hæc inter alia Episcopi habent : (b) *Existimavimus ad nostrum officium pertinere, aliquam inire rationem tollendi de medio gliscentis dissidij ; nulla verò apparuit commodior utilis condescensione canones temperandi ; propterea nos jure nostro decedentes, illud in Regem transulimus.* Ubi aperte supponunt, Regaliæ extensionem canonicis prohiberi, eaque jura Episcoporum violari, quibus tamen cedere Episcopi velint, pacis inter Ecclesiam, Regemque conciliandi causâ.

O 2

Hæc

(a) Conventus Paris. Maj. Anno 1681. habitus. Breve Innoc. XI. ad Episc. Galliæ circa fin. Regale Sacerdotium. fol. 32. Lettera ad un Vescovo dell' assemblea Generale del Clero di Francia. 10 Aug. 1681. fol. 5. (b) V. Breve Innoc. ad Episcopos Galliæ die 11. April. Anno 1682.

Hæc ipsa fuit, ut supra vidimus, omnium retrò Galliæ Episcoporum sententia, non tantum, qui in Concilio Lugdunensi sedere, quique terminos Regaliæ statuerunt, audiente, nec obluſtante Philippo Audaci, ( qui nunquam id paſſus eſſet, ſi Regaliæ ſui juris credidiſſet ) ſed omnium aliorum, qui ſemper Parlamenti Regijs, cum proferre hoc jus vellent, obſiſtere, viceruntque. ( a ) Ergo, ut diximus, ſubſtantiam Regaliæ quod attinet, Romæ Galliæque una ſententia Episcoporum fuit, niſi quod iſti Parlamento, Regique ceſſerunt, ſive is metus, ſive obſequium fuit. Totum ergo certamen circa modum, formam procedendi ſcribendiq; verrebatur, & quædam alia, quæ Vicarios Apamienſes, & Sanctimoniales Caronenſes ſpectabant; nam Galli, cum acie victoriam deſperarent, manipulos, & impedimenta carpebant.

Querebatur : Romanum Pontificem nec vocato, nec audito Tholoſano, Vicarios à Capitulo Apamienſi electos confirmàſſe, & qui deinceps eligerentur, confirmaturum ſpondendiſſe : eundem diris percuiſſum non obſervatis formis, quæ huiusmodi peniſ præmitti in Gallia ſolent : ejuſdem Tholoſani jura in Eccleſiam Apamienſem aut diminuta, aut impedita, Vicarijs, quos elegerat, in ordinem redactis, alijsque, quæ decreverat, Romæ abolitiſ. In negotio quoque Sanctimonialium Caronæ Papam ſeſtinàſſe ſententiam omiſſo medio, nec Archiepiſcopo præmonito : debuiſſe ex præſcripto Concordatorum Judicem in partibus delegari, non Romæ ſententiam finiſſe : ſic etiam ejuſdem Monafterij Matrem Romæ confirmatam eſſe, non Pariſijs : imò Archiepiſcopum ejus loci Ordinarium præteritum fuiſſe ; ergo non regiâ viâ, ſed per abrupta Romæ procedi. Sed & nimis pronas Pontifici aures eſſe excipendiſ quereliſ : narratum Romæ, creditumque Caronæ fraſſas Monafterij fores, & Antifiſtam armis, ac vi inductam ; ſed id vaniſſimum eſſe ; id potiùs mirandum, Pontificem Romanum rebus maximè debitum mirutijs detineri, ac rixis ſæminarum onerari, tanto ſaſſigio indigniſ ; Confeſſarij hæc curas, non Pontifici eſſe. Hæc Pariſijs, & Tholoſæ dicebantur, non quia vera, ſed quia aulæ grata. Addebant aliqui : aliud eſſe Pontificis Perſonam, aliud Dignitatem ; hanc omniſ culpæ expertem, & ſupra omnem venerationem : illam naturæ humanæ conditionibus, & nebulis affici : ignorantiaſ, affectibus, privatisque ſtudijs tangi, & ideò ſicut errori obnoxiam, ita nec ſemper oraculi loco eſſe. Sed facilis ad hæc omnia reſponſio. Archiepiſcopum Tholoſanum nec vocari, nec audiri oportuit, re aliàs clarâ, & quam

( a ) Clerus Gallicanus Parlamento Regaliæ extendere volenti obſiſtit Anno 1577. & Anno 1583. & 1606. & 1608. & 1655. V. M. de Pamiers à fol. 37.

quam ipse fatebatur. Constabat mortuum Episcopum Apamiensem, Capitulum intra octo dies convenisse, collatisque suffragijs Vicarium Ecclesiæ dedisse: constabat etiam alios Vicarios à Tholosano suffectos: nec minus certum erat, nullo jure id ei permissum, nisi Capitulo aut malitiâ, aut ignaviâ cessante, sed neutrum contigerat: quæ enim ignavia, cum continuò elegerint? aut quæ malitiâ, cum optimos? nec alterius culpæ à Tholosano postulabantur, quàm quòd aulæ, & Patronis Regaliæ displicerent. Cum ergo omnia constarent, & ipse fateretur, quid vocari illum, audiriq; oportebat? & fortè nec vocatus responderet; nam & litteras à Pontifice acceptas nec responso dignatus est; quid ergo interrogares non responsurum? dedecori parum: præsertim cum ejus calamo uteretur, qui objurgando Pontifici eloquentiam suam probabat; tanta illi modestia! Sed & Archiepiscopus Fortissimum, aliosq; Vicarios suffecerat, nec vocato, nec audito Capitulo Apamiensi; quæ ergo verecundia fuit, velle Pontificem ijs legibus obstringere, quas ipse respuebat? Sed & illud fabulæ, & ludo propinquum: querebatur hoc Pontificis Decreto Ecclesiam Apamiensem Vicarijs destitui, qui Viduam gubernarent; & interim Vicarios à Capitulo legitime electos persequeretur, movebatq; officijs, imò morti addicebat, cunctantibus judicibus conscientia præpeditis. Cujus ergo culpa erat, Ecclesiam Vicarijs carere? Tholosani legitime electos persequentis, an Papæ eosdem tutantis? Quòd verò Pontifex rescripserit, *se, quos Capitulum eligeret, deinceps confirmaturum*: parè æquitate nitebatur; cur enim non posset promittere, quod poterat facere, imò quod tenebatur? Tholosano enim non tantum electos non confirmante, sed etiam persequente, quis alius præter Pontificem confirmaret? nam si qui alij erant, Tholosano adhærebant in aula præpotenti: & si jus Ecclesiæ Apamiensi Vicarios statuendi ad Tholosanum devolvebatur, Capitulo negligente; quanto magis jus confirmandi ad Pontificem redibat, Archiepiscopo, alijsq; non solum negligentibus, sed etiam odio iraq; flagrantibus? Nihil ergo æquius fuit, quàm Pontificem Archiepiscopo, si non præferre, at saltem æquare, & jus devolutionis, quod huic, etiam illi præstare, eo solum discrimine, quòd Pontifex summo jure id peteret, Archiepiscopus nullo. Quòd de Archiepiscopo diris percusso dicebatur, somnium erat, aut potius juris malè intellecti ignorantia; Pontifex enim non infligerat censuras, sed tantum intentaverat, nec præterita, sed futura

memorabat : verba Brevis Apostolici sunt : *Districte, & in virtute sanctæ obedientie prohibemus, ne in posterum sub pœna excommunicationis, &c.* Quæ omnia excommunicationem significant comminatoriam, non verò actuale, aut latæ sententiæ : quis verò nescit alias esse cautelas, formasque ad inferendam, & comminandam censuram ? & veniam merentur aulæ potius, quàm Canonum intelligentes, si maluissent ignorata tacere, quàm edicere ; sed festinatio declamandi, demerendique Archiepiscopum attentionem turbabat. Illud æquè vanum : *Diminuta fuisse Archiepiscopi jura, & quæ ipse decreverat, Romæ abolita.* Nul- lum enim in Apamenses Archiepiscopo jus erat, nisi malitia, aut negli- gentia ostenderetur ; sed neutra ostendi poterat ; non ergo minue- bantur, quæ nunquam fuerant : quæ verò contra Canones peracta, prius abolita sunt, quàm Romam devenissent ; quippe suis initijs, & semper irrita : nec Pontifex Romanus abolere se illa dixerat, sed appellaciones admisisse. (a) Et planè si quis animum in ea intendant, quæ Apamij con- tigere, moderationem potius in Romano Pontifice, quàm severitatem mirabitur ; nec verò id novum est, ut ad Romanum Pontificem Galli appellaverint, sic enim S. Leo Papa ad Episcopos Provinciæ Viennensis loquitur : (b) *Nobiscum vestra fraternitas recognoscat. Apostolicam Sedem pro sui reverentia à vestra et in Provinciæ sacerdotibus innumeris vel stioribus esse consultam, & pro diversarum (quemadmodum antiqua consuetudo obtineat) appellacione causarum aut retractatis, aut confirmatis fuisse judicia.*

Quæ de festinata sententia, neglectoque ordine in negotio Carro- nensi dicuntur, eadem facilitate refelli possunt : septem ferè annos ex- pectatum Romæ est, dum illi Monasterio, ab ijs, qui turbaverant, pax redderetur, & hæc festinatio dicitur ? quot ergo annis expectandum erat, ut modesto nec citato gradu incedere Pontifex diceretur ?

Sed turbatus est ordo : enimverò nunquam minùs : factum in aperto erat, & in conspectu Urbis Regiæ patratum : septem annos vexatio duraverat : nec lis inter privatos pendebat, sed ipsi Papæ intentaba- tur ; hujus enim est sacras fundaciones, & Regulas mutare, & Reli- giosos ad Monasteria transferre laxioris disciplinæ : ipsa Monasterij Antistita negotiorum in manus Pontificis deposuerat, à quo Bullas, & confirmationem expectabat premebatque : & denique Archiepiscopus Parisiensis tantum abest, ut Matrem eligi pateretur, electamque confir-

maret,

(a) Breve Apost. Calend. Jan. 1680. (b) S. Leo ad Episcopos Vienn. epist. 89.

pharet, ut potius electiones impediret, & extraneam intruderet. Ex quibus efficaciter concludas, non debuisse Pontificem Parisiensis Archiepiscopi, ejusque affectuum consensum, & sententiam expectare: tum quia frustra expectaret, cum hi maximè obstreperent: tum quia in re tam patente sententiæ, & vota aliorum necessaria haud erant, quæ in dubijs tantum adhibentur: tum quia ipsæ partes negotium jam Pontifici detulerant, à quo Bullas, & confirmationem petebant; cur ergo Pontifex ab aliorum sententijs penderet, causâ suo Tribunali jam oblata? & denique cum negotium ex majoribus esset, nec posset nisi Pontificiâ auctoritate componi, nec partes id negarent, quæ Romam propterea inclamabant; quid opus erat aliena Tribunalia morari huic causæ longè imparia? non ergo Pontifex ordinem turbabat, sed Galliæ Episcopi, qui causas soli Pontifici reservatas, suis, Regijsque Tribunalibus sistebant. Quod verò dicerent: *Parvi momenti has causas esse, & Pontifici indignas*; planè ostendebant, quàm malè animarum pretia aestimarent. Mutuis dissidijs, odijsque Virgines Caronenses desolabant, & ut fieri solet, orationi, disciplinæ, charitati, alijsque virtutibus Christiano, & Religioso dignis nullus locus supererat, sed omnia factionibus, partiumque studijs fervebant, pari scandalo, & animarum clade: & hæc parvi momenti essent, & indigna, ut à Pontifice curarentur? si in Gallijs una urbs, aut castrum periclitaretur, quantus illic armorum strepitus, & turbæ essent, omnibus auxilium festinantibus? Et quòd in litteris nuper à Pontifice ad Regem scriptis duo trêse apices acriores viderentur, quantum in aula, in Senatu, & ab Episcopis declamatum est? Veniam ergo Pontifici dabunt, si quantum illi castrum, & apices, tantum ipse animas curret; nisi fortè inter libertates suas etiam illud reponant, ut videlicet animabus perire volentibus, non liceat Pontifici subvenire. Cæterum si negotium Caronense tam parvi, ut dicunt, momenti fuit, cur ergo tam ardente, & tot annis Archiepiscopus Parisiensis illud persecutus est, Regemque implicuit? an verò puderet Pontificem defendere, quod illos non pudebat invadere?

Quod verò inter Personam Regnantis Pontificis, ejusque Dignitatem distinguere, & huic omnem venerationem, non illi promittere, utpote erroribus, & naturæ defectibus obnoxie; planè responsum haud meretur; omnes enim Regnantes hæc criminatio petit: an simili obtentu non etiam sui Regis imperia eluderent? imò quia Dignitas, & Persona conjunguntur,

guntur, ob reverentiam Dignitatis etiam defectus Personæ ferendi sunt, & huic obsequium debetur illius merito; alioquin nulla amplius obediendi necessitas fuerit, si conditio naturæ Majestati, & Imperiis officiat. Non hæc sensa Carolo Magno, non hic animus fuit, cujus virtutes parcius aliqui imitantur, quam laudant; is enim in Legibus ad omnes Provincias suas missis ita loquitur: (a) *In memoriam B. Petri Apostoli honoremus sanctam Romanam, & Apostolicam Sedem, ut quæ nobis Sacerdotalis Mater est Dignitatis, esse debeat Ecclesiasticæ Magistræ Rationis. Quare servanda est cum mansuetudine humilitas, ut licet vix ferendum ab illa sancta Sede imponatur jugum, tamen seramus, & piâ devotione toleremus. Quæ ita à nobis dicuntur, ut locum habeant etiam, cum vita Pontificis dignitati haud respondet; quid ergo dicendum erit, ubi Sanctitas vitæ dignitati sociatur? quod in moderno Pontifice ne hæretici quidem diffitentur: non est animus mihi virtutes Innocentij in has chartas deponere, quippe impar materiæ, & modestiæ gravis fururus, ac silentio venerari, quam clamore, & pompâ solitus: ipsa tantum Gallia audiat: Hujus Pontificis solida pietas, & fuci expers: ardor dilatandæ fidei conservandæque disciplinæ Ecclesiasticæ: morum integritas: idem sibi quæ gubernandis tenor, procul omni quaestu, & cupiditate, nec in carnem, ac sanguinem pronus, &c.* Et Clerus Gallicanus in Conventu Generali, cui Archiepiscopus Parisiensis Franciscus à Harlay præfedit Anno 1682. in Admonitione pastoralis ad homines Reformatæ Religionis: *Hé puis, y eut-il jamais un tems plus propre pour vous rappeler à la Communion de Rome, que celui au quel cette Eglise Apostolique est gouvernée par le Pape Innocent XI. dont la vie & les mœurs formées sur les plus anciennes & sur les plus sévères Régles de la discipline Chrétienne, font voir de nos jours à tout le monde le modèle le plus parfait d'une sainteté consommée? De manière, que vous ne sçauriez jamais rien faire de plus grand pour vôtre gloire, ni de plus utile pour vôtre salut, que de vous reconcilier avec ce saint Pape, dont la vie toute reformée est une école vivante de toutes les vertus Chrétiennes.* Hæc Galli humanissimo elogio. Si ergo tanta est moderni Pontificis Sanctitas, æquitasque, quantam vel ipsi Galli profitentur, quid opus erat inter dignitatem, & Personam distinguere, quasi ista non illam sustineret? Num ergo sanctus hic Pontifex, & incorruptus tunc solum imper-

(a) Naucler. Generat. 28. Concil. Tribur. cap. 3. &amp; habetur d. 19. cap. 3.

imperfectus esse incipit, cum Gallos perstringit ? Sed Innocentio à Gallis evenit, quod Paulo à Galatis : *Sicut Angelum DEI exceperitis me : testimonium enim perhibeo vobis, quia si fieri posset, oculos vestros eruissem, & dedissem mibi ; sed inimicus salus sum vobis vera dicens.*

## §. V.

Rationes in Regaliæ patrociniū à Gallis productæ, & refutatæ.

### S U M M A R I A.

1. *Jus Regaliæ non est Coronæ Gallicæ ingenitum, ut Politici volunt.*
2. *Falsòq; supponi ad ea jura, quæ nec præscribi, nec alienari possunt, pertinere.*
3. *Nihil Regaliæ suffragari Galliæ Concordata.*
4. *Nihil jura feudi.*
5. *Nec etiam jus Patronatûs.*
6. *Multòque minùs Beneficia à Regibus Galliæ in Episcopos, & Ecclesias collata.*

### L

**M**Emoriâ repetentem, quæ ex una parte contra Regaliā ex Concilijs, & Ecclesiæ Gallicanæ, imò Regum ipsorum sensu, usq; à me suprâ producta sunt ; ex altera verò quanto studio, ac contentione in Gallijs pugnatum pro illa sit, admiratio subibit, quænam tandem rationes illæ fuerint, & quàm validæ, ut Concilijs, Patrum Decretis, antiquis Canonibus ( quos Galli tam impensè venerantur, & suæ libertatis bases affirmant ) & Ecclesiæ Gallicanæ opponi potuerint ? quantæ enim molis erat, ut hunc Colossū à Gallis erectū, ipsi Galli everterent ? Ex tamen, quis crederet ! tanti momenti curæque causam, tantòq; strepitu, ac pœnarum apparatu agitatam leves aded rationes muniebant, ut meritò dubites, fuerintne lis aliquando suscepta acrioribus studijs, & minoribus meritis. Et planè cum ipsi Episcopi Galliæ se Pontifici purgârunt, nullum aliud patrociniū, quàm à metu reppererunt : cessimus, renuntiavimus, subscripsimus, non æquitare, non ratione, sed metu victi ; aded eorum causa omni præsidio carebat, ut metus in auxilium vocaretur. Qualescunq; ergo ratio-

(a) Ad Galat. 4.

P

nes

96 Diff. I. §. V. Rationes in Regaliæ patrociniū

nes illæ, aut prætextus fuerint Politicorum ( nam Episcopī solum merum allegabant ) hic in medium adducemus, ut aspectu vilescant.

Opponitur 1. Jus Regaliæ est jus Regium, hoc est, Regiæ potestati insertum, & coævum, nec tam hominum, aut Pontificum indulgentiæ, quàm cœlesti dono Galliæ datum, adeo ut quemadmodum nec radijs solem, nec coronam gemmis ei insertis, ita nec Reges Galliæ hoc jure exuere possis, Monarchiæ congenito; sicut ergo Regia potestas universas Provinciās, non unam tantum, aut alteram complectitur, ita jus Regaliæ ei potestati annexum.

*Resp.* Hæc est præcipua Regionum Demonstratio, quam Edictum Regium insinuat, (a) & Regij Advocati verbis magnificis, at rebus vacuis exaggerant: & planè nihil dici præstantius poterat, si vera essent; mirumque est, his principijs nixos, Regiam tantum Regibus concessisse; nimis hoc parcè; pari enim jure, iisdemque rationibus dicere poterant, Regem Galliæ, & Episcopum, & Patriarcham esse, privilegio cœlitus dato, & coronæ innexo, quamvis à majoribus nunquam exercito; sed nec minùs mirari subit, ausos esse rebus tam à vero alienis, fidemque superantibus, ac vanè confictis Regem ludificari. Si per jus Regium intelligunt facultatem aliquam, & privilegium Galliæ Regibus ab Ecclesia concessum, verum est, Regiam jus Regium esse: at non sequitur, hoc jus illimitatum esse, & toto Regno diffusum; cùm in Concilio Lugdunensi Ecclesia illud restrinxerit, & ijs solum locis concesserit, ubi longà consuetudine receptum fuerat; quò ergo jure, quod Ecclesia restringit, ipsi extendunt? Si verò per jus Regium, potestatem aliquam intelligas ab Ecclesia independentem, non privilegio, non indulgentiā datam, sed Coronæ, & Imperio ingenuitatem, alijsque Regijs juribus similem, qualia sunt, belli, pacis, militiæ, vestigalium jura; negandum omnino est, Regiam jus Regium esse; jus enim percipiendi vacantium Ecclesiarum fructus ( saltem si feudales excipias, in Provincijs, ubi ex consuetudine post mortem Vassalli Domino debentur ) & præsertim Beneficia; & Canonicatus conferendi, non ad Regiam, sed Ecclesiasticam Dignitatem pertinet, & idè supra Canones, & concessionem Ecclesiæ extendi haud potest; quid enim magis ad Ecclesiam pertinet, quàm Ecclesiæ ministros deligere? ex istorum enim virtute,

& præ-

(a) Edictum Regium de Anno 1673. M. Servin. prevu. des Libertez. cha. 17. n. 59. Guilelm. Bened. in cap. Raynaut. n. 396.



& præstantia non minùs Ecclesiæ disciplina, quàm ex militum delectu victoria pendet : nec minùs absurdum est dicere, Regiæ potestatis officium esse, Sacerdotes, & ministros Ecclesiæ dare, quàm ad Ecclesiasticos pertinere, ut militem conscribant, duces præficiant, tentoria metentur, aciemq; instruant ; quòd si hoc absurdum, illud multò magis. Cùm verò dicunt, hoc privilegium Coronæ Gallicæ cælitus advenisse ; miracula narrant nullibi scripta, & nunquam lecta : lego ampullam sacro balsamo plenam, & clypeum aureis lilijs sparsum, cælo demissa esse, Regaliæ nulla mentio, & si argumentari ita licet, quid non tandem Galli sibi vindicent obtentu cælestis privilegij ? Sed ex ijs, quæ suprà diximus, vanitas hujus rationis evidenter convincitur ; ostendi enim suprà, sub primi, & secundi stemmatis Regibus, nullum Regaliæ vestigium observari, imò neque sub primis Regibus tertij stemmatis, usque in sæculum ferè duodecimum, ut testimonio Gerberti (a) Archiepiscopi Rhemensis monstratum est. Qui ergo fieri potest, Regaliam Monarchiæ Gallicæ coævam, & ingentam esse, quæ tanto post tempore, sexcentis videlicet annis à baptizato Clodovæo exorta est ? Rursus jus istud Regaliæ non à solis Galliæ Regibus, sed etiam à Regibus Angliæ, alijsque inferioris lineæ Principibus usurpatum est, videlicet : (b) Comitibus Britanniae, Flandriæ, Andegaviæ, Campaniæ, Sabaudiae, Tholosæ, Narbonæ, Ducibus etiam Nortmanniæ, Aquitaniæ alijsque. Non potuit ergo solius Monarchiæ Gallicæ privilegium esse, quod ad alios æquè Principes pertinebat ; nec ostendi potest, cur istis minori jure, quàm illi competeret ; nam si Galli cæleste privilegium obtendant, obtendent & alij eodem, parique fundamento ; hoc est, obtendent quidem, sed non ostendent. In Concilio Lugdunensi jus Regaliæ ijs tantùm locis, ubi usu inoleverat, permissum, alijs omnibus sublatum est : nec Galli, qui frequentes aderant, & præsertim Philippi Audacis Legati, quidquam oblitère ; non ergo credebant, jus istud Coronæ Gallicæ proprium, & innexum esse, alioquin non ferrent illud violari, restringique, aut saltem repugnarent, & aliquas rationes, ac privilegia opponerent, præsertim cælo lapsa ; quis enim credat, sexcentos annos,

P 2

&amp; in

(a) Gerbert. epist. 118. (b) V. Matth. Paris. & Guilelm. Pis. ad ann. 1089. Zonar. T. 3. annal. Balsamon in can. 35 sextæ Synodi. Alferram. lib. 3. de ducib. Gonzal. ad cap. 4. de Off. Ord. Marcam lib. 8. cap. 18. & cap. 27. Balluc. ibid. in Annotat. M. de Pamiers de la Regale fol. 22.

98 Dissert. I. §. V. Rationes in Regaliæ patrocinium

& in re tanti momenti, Galliam omnem cæcam, mutamque fuisse, & tot sæculorum decursu, ne unum quidem tantum hoc privilegium scriptis, aut memoriæ commendasse? A quibus ergo moderni illud acceptare, antiquitate silente? Et si jus istud Coronæ adnatum est, cur Gallicæ tantum, non etiam Hispanicæ, Anglicæ, Lusitanæ, aliisque? jura enim Regia non uni tantum Coronæ, sed omnibus communia sunt. Cur denique Jus istud Regium in tot alijs Galliæ Provinciis, quæ Coronæ subjacebant, nunquam exercitum acceptumque? quod supra ostendimus. Ipse Philippus Pulcher, quamvis Regaliam Jus Regium appellaverit, aliquoties testatus est, eam universalem non esse, (a) sed ad aliquas tantum Regni sui Ecclesias pertinere, ut supra vidimus. Ex quibus omnibus nemo non videt, primam illam, præcipuamque Regionum rationem, & cui velut basi ingentem illum Colossus imponunt, planè frivolum esse, vanamque; ut mirum sit, imò indignum, tanto Regi decipiendo adhibitam esse. Quid diceres, si quis annulum à te peteret gemmâ insignem, & à majoribus tuis longo ordine acceptum, eumque deberi sibi vellet, nec alio titulo, quàm cælestis cujusdam privilegij, quod nec probare posset, nec exhibere? Hoc Galli fecerunt.

II. Opponitur 2. Jus Regaliæ nec alienari à Regibus potest, nec ab alijs præscribi; pertinet enim ad jura Coronæ, quibus renuntiare Reges non possunt, adeò ut ne juramenta valeant, quæ hujusmodi alienationibus confirmandis adhibentur, ut Innocentius III. in celebri sua Decretali (b) definivit; nullæ ergo Ecclesiæ aut privilegio, aut præscriptione, quo minùs Regaliæ subjaceant, tueri se possunt.

Resp. In hac argumentatione duæ propositiones assumuntur, quarum utraque falsa; saltem in eo sensu, quem Adversarij intendunt, ut facillè intelligas, quàm vera sit conclusio ex falsis principiis illata. Sunt aliqua jura Regiæ Dignitati adeò intima, & innexa, ut deponi non possint, nisi abdicatâ majestatem; qui enim jure belli, & pacis, indicendi remittendi que tributi, gratias, & supplicia statuendi cederet, non Rex, sed subditus esset, nec suo, sed alieno imperio viveret; & hujusmodi jura non posse alienari ultrò concedimus: sed negamus, Regaliam tale jus esse; quot enim Reges sine hoc jure vivunt, integrâ tamen, & florentem majestatem? An Clodovæus, Pipinus, Carolus Magnus, alijque usque

(a) Philippus Pulcher in Edict. de Anno 1302. & 1303. (b) Innoc. III. in cap. intellecto. de jurejur.

ad Ludovicum VII. Reges non erant, quia Regaliæ expertes? Non ergo Regalia ejus naturæ jus est, sine quo conservari majestas non possit. Sunt alia, quæ ad jus Regium pertinent, quæque in causas prophanas alienari non possunt, sed in sacras, & præsertim Ecclesias: quæ enim in Deum transferuntur, ejusque divinæ Gloriæ propagandæ adhibentur, non alienari, sed ei, cujus aliàs sunt, reddi cœnentur: nec hujusmodi donationibus Regna, & æraria minuuntur, implentur potiùs, Deo nunquam ingrato, & semper beneficijs vincente, quod exempla Constantini, Clodovæi, Caroli Magni, aliorumque satis ostendunt. (a) *Tuum Domine Regnum, inquiebat pijissimus David, tua victoria, & tu es super omnes Principes, tue divitiæ, & tua est gloria, & tua sunt omnia, & quæ de manu tua accepimus, dedimus tibi.*

Hæc ergo, quæ Ecclesijs, alijsque pijs causis à Regibus donata sunt, non posse revocari, certa sententia est, & à Gallis admittenda; hi enim antiquos Canones venerari se profitentur, & illis libertatem suam Gallicanam, velut basibus imponunt: at Canones Concilij VIII. Oecumenici ita loquuntur: (b) *Placuit huic sanctæ, & magnæ Synodo, ut res, vel privilegia, quæ Dei Ecclesijs ex longa consuetudine pertinent, sive ab Imperatoribus, sive ab alijs DEI cultoribus, in scriptis, vel sine scriptis, donata, & ab eis per triginta annos possessa sunt, nequaquam quæcunque Persona secularis per potestatem subtrahat, aut per argumenta quælibet auferat. Quicquid ergo secularium contra præsentem definitionem egerit, tanquam sacrilegus judicetur, & donec se correxerit, & Ecclesiæ propria Privilegia restituerit, anathema sit.*

Idem suis Nepotibus S. Ludovicus in Pragmatica Sanctione accuratè, enixeque commendat, ejus verba sunt: (c) *Item libertatem, franchisias, immunitates, jura, & privilegia per Francorum Reges Prædecessores nostros, Ecclesijs, & Personis Ecclesiasticis Regni nostri concessa, & concessa, innovamus, laudamus, approbamus, & officarijs, ac subditis nostris presentibus, & futuris distictè precipiendo mandamus, quatenus omnia, & singula diligenter, & attentè servent, &c.*

Idem Sanctus Rex Philippo Audaci filio hæc monita reliquit jam moriturus: (d) *Cave, inquit, ne libertates, & Privilegia à Majoribus tuis in subditos collata unquam infringas, &c.* Et planè gloriosus ille Christianissimus,

(a) Paralip. lib. x. cap. ult.

(b) Concil. VIII. Oecum. can. 18.

(c) Pragmat. Sanctio Ludov. IX. de Anno 1268.

(d) Joinville in Vita.

*nissini*, & *Primogeniti Ecclesiæ filij* titulus hoc ipsum convincit, obstrin-  
gitque Reges Galliæ, privilegijs, alijsque juribus Ecclesias ne exuant,  
quin potius augeant, dorentque; idque majorum exemplis, quibus nun-  
quam magis victoriæ, opesque abundabant, quàm cum in Ecclesias  
profusi erant; & verò hostes tanti Regis, non amici sunt, qui omnium,  
quotquot in Gallico diademate fulserunt, pulcherrimam margaritam  
tœdare aggrediuntur, Pietatem videlicet, ac Religionem Regibus Fran-  
ciæ præcipuam: & perinde, ac si cum Indorum, Persarumque, non  
Christianissimo Rege agerent, omnia utilitate metiuntur, nullâ Ecclesiæ,  
& honesti curâ. Ergo, ut dicebam, etiamsi daremus Regaliâ ad jus  
Coronæ pertinere, non ideò sequeretur, non potuisse illam in Ecclesias  
privilegio transferri, & istis præscribi; præsertim cum Reges Galliæ  
eâ die, quâ sacro Oleo inunguntur, incinguntque diadema, solemni Sa-  
cramento se obstringant Episcopis, & Ecclesijs *Canonica Privilegia conser-*  
*vandi*; ac verò, quod Privilegium magis canonicum esse potest, quàm  
quod tot Canonibus, Decretisque Patrum, præsertim ultimo Lugdu-  
nensi Concilio, tam sanctè Ecclesijs assertum, & gravissimis poenis sanc-  
tum est? Regem ergo Sacrilegum faciunt potentiæ obtentu. Cæte-  
rùm & illud in viris eruditis, quales sunt, qui Regaliâ extendunt, mi-  
rum est in re tanti momenti, & Principis animam implicante, tam le-  
vi, vanoque argumento niti, ut quod probare oportebat, supponere co-  
gantur: *Non potest, inquit, Rex jura Gallicæ Coronæ alienare, nec Ecclesiæ ea*  
*præscribere.*

Demus. *Atqui Regalia pertinet ad Jura Coronæ, & Reges eam alienassent,*  
*si Ecclesijs cessissent.* Atqui in hac propositione omnia supponuntur, quæ  
probari debebant. Supponitis dari Jus Regaliæ in eas Ecclesias, quæ  
nunquam hoc onus subierunt; ac hoc probandum erat, nam hîc certa-  
tur. Supponitis hoc Jus Regaliæ quoad eas Ecclesias, quæ hætenus  
exemptæ fuerant, à Regibus alienatum esse; ac hoc quoque proban-  
dum erat, nihil enim magis negamus; qui enim poterat à Regibus  
alienari, quod Reges nunquam possederant? quod ad Reges nunquam  
spectavit? & Ecclesiæ qui poterant Jus illud præscribere, quo nunquam  
caruerant, & quo tanquam proprio, innatoque gaudebant? nemo enim  
rem suam præscribit. Supponunt ergo, quæ probari debebant, & tamen  
velut acie victores, servire Ecclesias jubent, eamque Libertatem Ecclesijs  
adimunt, quam ne vilissimo possent; idque facinus prædicant Christia-  
nissimo

nissimo Rege, Ecclesiæque Primogenito dignum; quod quàm dissensat ab illius pietate, nihil attinet dicere.

III. *Opponitur* 3. Per Concordata, seu Transactionem inter Leonem X. Pontificem Maximum, & Franciscum I. Galliarum Regem, Jus ad omnes Episcopatus, & Abbatias nominandi, præsentandique ad Reges translatum est, sublati electionibus; ergo vi Concordatorum redijt antiqua potestas, quâ Reges primi, secundique stemmatis omnia Beneficia, & pro arbitrio dispensabant, idque non aliquibus tantum locis, sed toto Regno; atque dispensatio Beneficiorum primum Regaliæ caput, præcipuumque constituit.

*Resp.* Hæc Ratio iterum ex falsis principijs contextitur; supponit enim primi secundique stemmatis Reges omnia Beneficia contulisse, electionibus oppressis. At falsum id esse, ex multis constat. Clodovæus Electiones Episcoporum nunquam turbavit. Idem à Constantino Magno observatum est, nisi cum jam electos auctoritate suâ contra æmulatorum insidias muniebat. Et planè cum ex præscripto Concilio, sacrorumque Canonum Gallicanæ Ecclesiæ tunc temporis regerentur, Canones verò eligi Episcopos juberent, dubium non est, non imperio Principum, sed votis, & electione fieri Episcopos debuisse. (a) Ac rarum est intra terminos, legesque magnam Potentiam diu coerceri. Extincto Clodovæo non eadem sacris Canonibus observantia & reverentia stetit, & sæpe ab ejus filijs turbatæ, occupatæque electiones sunt, Episcopis ex castris, aulaque submissis, nec merito, sed aut gratiâ, aut pretio delectis. Cui malo sæpe remedium à Concilij Gallicanis quaesitum est, (b) decretumque, ut liberæ electiones essent, nec tamen præter Regis assensum. Clotharius II. in Conventu Parisiensi edictum proposuit, quo ad normam sacrorum Canonum libertas electionibus dabatur. (c) Sed eas Principum cupiditas, præsertim Palatii Magistrorum, & deniq; Martelli penitus subvertit, adeò, ut publico mercatu, & velut sub hasta Insulæ venderentur, & indignissimis provenirent. Istos,

(a) Cypri. epist. 68. Clem. epist. ad Corinth. 1. Orig. hom. 6. in Lev. Tertull. Apolog. cap. 39. Concil. Nicæn. cap. 4. Conc. Chalced. cap. 13. S. Leo, epist. 84. cap. 5. (b) Conc. Aurel. V. can. 10. Anno 549. Conc. Par. III. can. 8. Anno 557. Conc. Paris. V. can. 1. Anno 715. Conc. Cabill. can. 10. Anno 650. V. de elect. Reg. Sacerd. à fol. 43. (c) Edict. Clotharii de anno 615.

## 102 Diff. I. §. V. Rationes in Regaliæ patrociniū

Istos, quòd exemplo, & moribus Ecclesias corrumpere, Pipinus, & Carolomannus sedibus expulere, alijs ex consilio S. Bonifacij in Ecclesias erectis : quod ut tanto securius agerent, privilegio Zachariæ Pontificis, deligendi, quos malleut, donati sunt : hujus privilegij meminit (a) Lupus Ferrariensis, Florus Magister, Marca Archiepiscopus Parisiensis, Maimburgus alijque, & innuunt etiam Joannes X. & Palschalis II. Carolus Magnus, aut libertatem electionibus reddidit, ut aliqui volunt; aut saltem non nisi Pontificum, seu Hadriani, seu Zachariæ privilegio Infusas dispensavit, quas potentiores certatim rapiebant; idque non jure Regio, sed Pontificum gratiâ, quam temporum calamitas extorquebat. A Carolo sic factum esse, præter citatos auctores, etiam Galli fatentur. (b) Ludovicus Pius Caroli Filius Regio diplomate in antiquam libertatem, & præscriptam à Canonibus formam electiones restituit, ut habetur in ejus Capitularibus, (c) quæ Abbas Anfegisus, Hincmarus, & Jvo Carnotensis Carolo adscribunt; alij verò, & plerique, Ludovico; non ideo tamen, aut Ludovicus, aut alij ab eo Reges penitus ab electionibus exclusi; quippe Regum consensus quærebat, & eorum, qui imperare poterant, preces pro votis, & electione erant, ut quàm plurimis exemplis constat, & litteris etiam à Concilio Parisiensi (d) ad Ludovicum datis. Quia ergo aut precum, aut Regij consensûs obtentu, aut etiam apertâ intrusione electiones canonicæ turbabantur, sæpe illis vindicandis Regum edicta repetita sunt, qualia imprimis Ludovici IX. & Caroli VI. (e) Tandem conventionem Leonis X. & Francisci I. totum jus nominandi, abolitis electionibus, ad Reges translatum est. Ex hætenus dictis facillè intelliges, quantum aut ignorantia peccaverint, aut imposturâ, qui ausi sunt scribere, Reges Francorum primæ, secundæque Stirpis Episcopatus pro arbitrio, & jure Regio contulisse, & huic Juri, quo alij Reges per ignaviam decellerant, post Concordata Leonis redditos esse; quantâ enim injuriâ, contemptuque veritatis ista dicuntur, cum exempla, legesque Clodovæi, Caroli, Ludovici, Clotharii, & Ecclesiæ Gallicanæ, quæ suprà produximus, ignorari haud possint, saltem non debeant;

(a) Lup. Ferrar. epist. 81. Flor. in fragm. de elect. circa ann. 820. Marca lib. 8. cap. 20. Maimburg histor. Iconocl. fol. 259. Joan. X. PP. epist. ad Herimann. anno 921. Palschal. II. apud Malmesb. lib. 5. (b) V. Maimburg. lib. 10. de l' Arianisme fol. 155. Christian Lup. in Canon. Tomo 3. dissert. 3. cap. 9. P. Thomasin. de la discipl. dell' Egl. p. 3. lib. 2. cap. 24. Regal. Sacerd. fol. 49. (c) Lib. 1. cap. 84. (d) Concil. Parisi. V. lib. 3. cap. 22. (e) Pragmat. Sanctio S. Ludovici Anno 1268. & Carol. VI. Anno 1406. & Anno 1418.

debeant; cur enim istarum rerum peritiam profitentur, librisque ostentant, si ignorant? aut quis pudor est, argumentis tam apertè vanis, irritisque Regaliam fulcire, & Principem deludere? Et cur, rogo, Pipinus, & Carolomannus Zachariæ privilegio instruendi erant, si Episcopatus Jure Regio conferebant?

Sed nec altera ejusdem Argumenti pars majori fundamento nititur: dicunt enim concessis nominationibus ad omnes Regni Episcopatus, quod per Concordata factum est, concessas etiam intelligi ad omnia Beneficia, & Canonatus vacantium Ecclesiarum. At verò, quàm fœda hæc consequentia, & viribus cassâ? Constat usque ad Reges tertię Stirpis nullum locum Regaliæ fuisse; quo tamen tempore volunt Reges pro arbitrio, supremoque jure Episcopatus contulisse. Constat etiam eo tempore Regaliam prodixisse, quo electiones reductæ, plenaque libertate, ex ipsorum confessione, qui hæc objectant, donatæ sunt: nulla ergo inter hæc duo jura connexio est, quæ toties separata sunt; quod si nulla connexio, quæ, rogo, simplicitas est, unum ex alio inferre? an nunquam in Juris-prudentiæ, & Dialecticæ scholis audierunt, à separatis non fieri bonam illationem? in odiosis (& quid verò magis, quàm servitus Ecclesijs imposita, & Canonum antiquatio?) restringendas, non ampliandas Leges? In Contractibus non expressa pro omnis haberi? & mille alia, quæ argumentationes istorum elidunt: an verò etiam post Concordata non omnium Galliæ Regum hæc ipsa mens fuit, & ipsius Francisci primi, qui nunquam Regaliam extendi permisere? nisi fortè ignorantia istos accusas, perinde, ac si Concordata, quæ ipsi inierant, malè intellexerint, & ab istis, qui tanto post tempore venerunt, nec aliâ re magis, quàm adulatione claris, imperandi artem didicerint.

IV. *Opponitur* 4. Demus, primis Ecclesiæ temporibus, quando Episcopi spontaneis oblationibus, sine alijs patrimonijs vivebant, nullum Regaliæ locum fuisse; at verò quando ingentibus patrimonijs, feudisq; donati sunt, mutarunt conditionem; feudorum enim fructus, quæ hæreditate non acquiruntur, qualia sunt Sacerdotijs annexa, ad Dominum redeunt, eique, & nulli alteri, proveniunt. Jure ergo feudi vacantium Ecclesiarum fructibus Principes potiuntur. Quamvis verò alij etiam proventus, præter feuda, ad Episcopos pertineant, ut tamen Episcopatus annectuntur, continuò nobiliorem habitum, feudique naturam induunt; & ita extincto Antistite, ad Principes spectant. Collationes

Q

Bene-

Beneficiorum, quia sacrorum Canonum dispositione fructibus æquantur, eandem fortunam cum feudis subeunt, ac Principi cedunt.

*Resp.* Hoc Maimburgi argumentum est, in quo istius Auctoris indolem, & artificia jam passim nota facile observes. Jus Regaliæ universim ad Reges Francorum pertinere docet; id verò ex Canonibus, sacrisque Concilijs, & usu in Ecclesijs recepto probandum erat; quippe Jus illud sacrum, non prophanum est; & ideo sacris, non prophanis legibus metiendum: sed cum nullæ suppetere, quin potius omnes adversarentur, eas altissimo silentio premit, præteritque, & ad argumentum à comparatione vertitur, quo nihil, in foro præsertim, debilius est, & maximè, cum comparatio à valde dissimilibus ducitur, qualia sunt feudum, & Regalia, ut paulò post ostendam. Deinde cum ne hoc quoque sufficeret, protegendæ Regaliæ aliud non minùs extraneum, remotumque principium ex Philosophia eonductum est, videlicet, de elevatione qualitatum; dicit enim: *Decimas, oblationes, aliisque proventus Episcopales, hoc ipso, quod feudis conjunguntur Ecclesiæ donatis, elevari ad statum nobiliores, & in naturam feudi migrare*; eo ferè modo, quo ex sententia Philosophorum qualitas substantiæ conjuncta elevatur ad nobiliores causæ gradum, producendamque substantiam: influentiæ cœlestes, ut conjunguntur Intelligentiæ, elevantur ad producendas formas viventes; quæ quàm sint inania, & longè petita, ac planè indigna, ut in causâ tanti momenti vel audiantur, nemo non videt. Pergit deinde vera falsis miscere, ut etiam istis fidem conciliet, colore veritatis inducto. Verum est, quod scribit: postquam Ecclesiæ ingens divitijs auctæ sunt, Principes sibi jus adscripsisse Episcopatus conferendi; id inquam verum, sed illud falsum, quod paulò post innuit: *Ab omnibus Principibus factum id esse.* Jam enim ostendimus, sub primæ, & tertiæ stirpis Regibus Galliæ liberas electiones fuisse, & quamvis sæpe ab aliquibus Regum turbatæ, & interceptæ sint, aut privilegio, aut Ecclesiarum rogatu, aut usurpatione factum id est; à quibus deduci argumentum non potest; si enim exempla Regnantium pro jure, & legibus sint, quid tandem non liceat? Verum etiam est: *Jus Regaliæ à feudis ortum duxisse.* Sed illud falsum: *Jus infeudandi, seu Investituræ idem esse cum jure Regaliæ.* Jus enim infeudaturæ ad feuda solum extenditur; at verò jus Regaliæ ad omnes omnino fructus, sive isti ex decimis, oblationibus, sive aliunde proveniant: imò Beneficiorum Collationes complectitur, quæ nullo pacto

ad



ad feuda pertinent; & ipsa feuda Sacerdotijs annexa non sunt personalia, nec morte Episcopi vacant, ut falsò imperiteque supponit; nec enim Episcopis, sed Ecclesijs donantur; istæ verò sunt perpetuæ, nec cum Personis defunguntur, & idèd nec vacationi locus est. Cum ergo feuda Ecclesiæ non sunt personalia, sed potius *ex pacto, & providentia*, ut loquuntur Jurisperiti, & assimilentur *feudis familiæ*, certum est, ex jure communi, eorum fructus ad Principes non redire sublati Episcopis, quamvis novâ Investiturâ opus sit: nisi fortè in ipsa feudorum donatione aliter cautum fuerit. Illud verò quàm vanum est? Decimas videlicet, aliasque oblationes fidelium Ecclesijs donatas, ad *nobiliorem statum* elevari, & *feudis naturam induere*, sicque ad Principes devolvi. Egregiam enimverò Philosophiam! elevationis nomen indit servituti, & quæ hætenus totâ retrò antiquitate, & notò Patribus idiomate, *Bona Dei, pretium peccatorum, patrimonia pauperum* vocabantur, Maimburgo *bona nobilia* appellantur: & si quæras, in quo hæc nobilitas consistat? ut impune, *inquit*, in Principum spolia, & peculium cedant; hætenus hæc mancipatûs nota, nunc nobilitatis est. Olim Canonum, legumque sententia fuit: *Quod rei sacræ adheret, sacrum fieri*: & idèd res fluxas, prophanasque Ecclesijs dicatas, in sacras evadere, omniûque profano commercio exemptas; sed Maimburgus hujus jurisprudentiæ aut negligens, aut ignarus, aliam complexus est, aulæ, sibi que accommodatam, & cupiditati blandientem, quamvis tam malè sartam testamque, ut pudor fuerit ostentare. Sed adjungit Maimburgus solemnes modestiæ clausulas: *Hæc à se commemorari, non tam ex sua, quàm aliorum sententia; quid enim ipse opinetur, non tanti esse, ut vulgari sporteat.* (a) Cæterùm, si non hæc Maimburgi sensa, sed aliorum erant, oportuit aut illa reticere, aut etiam, quæ ad illa responderi solent, recitari; cur enim unius partis argumenta, non alterius promit, si in neutram inclinat? An nescit ex Principum legibus, crimen falsi, & prævaricationis etiam tacendo committi? ab historico præsertim, cujus partes sunt, veritati, non studiis, aut factionibus scribere. Ejusdem tincturæ est, quod dicit de Collationibus Beneficiorum: *Eas videlicet ad fructus pertinere.* Id enim in aliquo sensu verum est: in alio, & quem Maimburgus incendit, falsum. Si enim velit, Collationes Beneficiorum fructus esse Episcopalis potestatis, quia ab hæc dependent,

Q 2

&amp; ex

(a) Maymburg. lib. 2. de la decadenze fol. 215.

& ex ista consequuntur, id verissimum est, & in hoc sensu Canones loquuntur, ut videre est apud Glossam (a) & Barbosam, (b) aliosque Doctores. (c) Cæterum ex fructibus hoc sensu acceptis nulla consequentia duci potest, quæ Regaliæ faveat : illi enim fructus à sacra, & Episcopali potestate proveniunt, & sunt in se ipsis jus aliquod sacrum, subjacentque dispositioni sacrorum Canonum, non verò legum profanarum : non ergo ad potestatem Regiam pertinere potest, nec Regijs Edictis induci, extendique, quod eleganti, & plenâ libertatis voce S. Ambrosius Valentinianum Imperatorem monebat : *Noli, inquit, te gravare Imperator, ut putes te in ea, quæ Divina sunt, imperiale aliquod jus habere : noli te extollere, si vis diutius imperare : esto DEI subditus ; scriptum est enim, quæ DEI, DEO, quæ Cesaris, Cesari : ad Imperatorem palatia pertinent, ad Sacerdotes Ecclesiæ : publicorum tibi mœnium jus commissum est, non sacrorum : si ex meis aliquid posceretur, aut fundus, aut domus, aut aurum, aut argentum, id, quod mei juris est, libenter offerrem ; sed templo DEI nihil possum decerpere, nec tradere illud, quod custodiendum, non tradendum accepi.* (d) Hæc est vera sanctorum Patrum, & antiqua jurisprudentia, quorum ego vel unam, liberamque vocem, & tamen charitatis, ac reverentiæ plenam, pluris æstimem omnibus illis blanditijs, & adulationibus, quas Maimburgo aut timor, aut cupiditas dictavit, & animus in omne obsequium devinctus, nullo honesti inhonestique discrimine, ac servo, quam Sacerdote dignior.

V. *Opponitur* 5. Rex Galliæ Patronus est omnium, quæ in Gallia sunt, Ecclesiarum, & Beneficiorum ; atqui Patroni privilegium, & munus est, ut præsentet, nominetque ad Beneficia vacantia, idque præcipuum Regaliæ caput est : quod si Regibus concedas, cur non etiam aliud, quod multo inferius est, jus videlicet percipiendi omnes vacantium Ecclesiarum fructus ?

*Resp.* Duobus modis Patronus dici aliquis potest : primo, quia Ecclesiam aliquam fundavit, dotavitque : secundo, quia unius, aut plurium Ecclesiarum Advocatus, & Defensor est, id enim præcipue ad Reges spectat, ut Ecclesias auctoritate suâ muniant, protegantque ; sed neuter hic titulus fundandæ Regaliæ, multoque minùs totâ Galliâ, devictisque Provincijs proferendæ. Qui fundavit, dotavitque Ecclesias, jus quidem habet

(a) Gloss in cap. cum olim. de Major. & obed. (b) Barb. de Appellat. verb. 107. n. 1. (c) R. 114. Relat. (d) S. Ambros. epist. 33. & in orat. contra Maxentium.

habet nominandi Pastores; sed aliud est nominatio, aliud, quod obrentu Regaliæ usurpatur: nominatio, jus examinandi, instituendi, confirmandique, Episcopis, Metropolitanis, aut Summo Pontifici relinquit, quorum nihil observatur in Beneficijs Regaliæ titulo obtentis; hæc enim pleno jure à Rege conferuntur, omnes Episcoporum, & Pontificis partes peragente. Dein quàm multæ sunt Ecclesiæ, quæ à Regibus nec fundatæ, nec dotatæ sunt; quo ergo jure etiam istæ Regaliæ subduntur? An verò in Gallia solùm Patronos reperire est, & non etiam toto fere orbe Catholico? quis istorum tamen Regaliam ambivit, usurpavitque? & mirum est, toto quatuor sæculorum decursu, omnibus retrò Galliæ Regibus, totique Concilio Lugdunensi, & Gallicanæ Ecclesiæ jus istud ignotum, imò exosum, proscriptumque fuisse: cùm tamen abundant, qui Ecclesias fundabant, dotabantque, & Patroni titulum merebantur. Planè si Regalia titulo Patroni nitatur, non solùm defuncto, sed etiam vivente Episcopo omnes Canonici, & alia Ecclesiæ Beneficia conferri à Patronis possent, quod ne ab ipsis quidem conceditur, qui Regaliam maximè tuerentur. Denique Canones omnes antiqui, recentesque pervolvuntur, (a) & nunquam Patronis concessum fuisse reperies, ut vendicare sibi possent proventus Ecclesiæ, imò id illis enixe prohibitum. Quòd ergo Patroni Ecclesias aut fundaverint, aut dote instruxerint, nihil eos juvat, ut Regaliâ frui possint. Sed nec titulus Protectoris, Advocaticque. Verum est, nihil magis, quàm Ecclesiarum curam, & tutelam Regibus deberi; in illis enim pro eorum salute, & felicitate preces, & vota deponuntur: & magis apud aras, quàm in ipsis castris victoriæ parantur, Deo precibus, non armis placato; quod egregiè Patres Concilij Parisiensis adnotârunt, quorum inter alia hæc sunt verba: (b) *Clementissimus Imperator, (Ludovicum Pium alloquuntur) non ided est vas misericordie preparatum in gloriam, quia apicem terreni Principatus accepit; sed si in Imperiali culmine rectâ fide vivat: si præ omnibus ita se sanctæ Matris Ecclesiæ meminerit filium, ut eius paci, & tranquillitati per totum mundum prodesset, suum faciat Principatum; magis enim Christianum regitur, atque propagatur Imperium, dum Ecclesiæ sicuti statui per omnem terram consulitur, quàm cum in parte quacunque terrarum pro temporalis securitate pugnatur; Principes enim sæculi potestatis adeptæ culmina tenent, ut per eandem potestatem, disciplinam*

Q 3

plinam

- (a) V. Can. filijs. 16 q. 7. & c. 4. de jure Patron. & Trid. Sess. 25. de Reform. c. 9.  
 (b) Conc. Parisiens. sub Ludov. Pio. Imperat. l. 2. c. 1. & 2. Tom. 3. Conc. ann. 829.

plinam Ecclesiasticam muniant. Caterū intra Ecclesiam potestates necessariae non essent, nisi ut quod non praevalet Sacerdos efficere per doctrinā sermonem, potestas sua imperet per disciplinā terrorem. Saep̄ per Regnum terrenum caeleste Regnum proficit, ut qui intra Ecclesiam positi contra fidem, & disciplinā Ecclesiae agunt, rigore Principum conterantur. Cognoscant Principes (scilicet) debere Deo rationem propter Ecclesiam, quam à Christo tuendam suscipiunt; nam sive augeatur pax, & disciplina Ecclesiae per fideles Principes, sive solvatur, ille ab eis rationem exigit, qui eorum potestati Ecclesiam credidit. Reges ergo Ecclesiarum Patroni, & Protectores sunt, ac non idē vendicare sibi Regaliā possunt; hæc enim protectioni potius, & tutelae repugnat; Ecclesias enim suis fructibus, & juribus, quæ in vacantia Beneficia habet, exuere, & Regijs thesauris inferre, non rueri, sed prædari est, nec protegere, sed vastare; quod tamen à Regum pietate, & intentione, si veritatem doceantur, alienissimum est: & idē tot Canonum Regumque Edictis, & omnium ferè Galliae Juris-Consultorum, Regijque Parliamenti votis Regalia damnata est, aut saltem intra certos terminos cohibita, ut suprà ostendimus; quamvis haud ignorarent Protectores, seu Patronos Ecclesiarum Reges esse. Quod si quæras, quō igitur stipendio, aut mercede Reges Galliae Ecclesias tueantur, si expertes Regaliæ sint?

Respondebo, indignum esse de stipendio, & mercede cum Regibus loqui; hæc enim servorum præmia, non Principum sunt; an parū lucri est Deum habere debitorem, & victorias, ac triumphos mercedis loco esse, & fortunam in obsequium accinctam? hoc stipendio Constantini, Theodosij, Clodovæi, alijque Ecclesijs militarunt; quamquam nec ingratas Ecclesias fuisse satis decimæ loquuntur, aliæque Clerici Gallicani ingentes largitiones.

VI. *Opponitur* 6. Qui Ecclesias, aut fundarunt, aut dotarunt, jure præsentandi gaudent; (a) quāto magis Reges hoc ipso jure, totoque Regno gaudebunt, qui Ecclesijs multo majora Beneficia contulerunt? Præsertim quia Rex etiam illarum Ecclesiarum proventu, in quibus longo usu, & Concilij privilegio, omniumque consensu Regalia potitur, in pia opera, augmentumque Ecclesiae profundit, quos tamen æarijs suis inferre posset; ergo hæc ipsa Regum moderatio, & liberalitas privilegium Regaliæ meretur; alioquin etiam Princeps liberalitati suæ modum, finemque imponet, quod majori damno Ecclesijs fuerit, quàm si Regaliā totā Galliā extendas.

Resp.

(a) Russæus 1. p. præfat. n. 7.

*Resp.* Patronis jus præsentandi privilegio Ecclesiæ concessum est: jus verò Regaliæ non solum ab Ecclesia concessum nunquam est, sed semper, graviterque prohibitum, præsertim in ultimo Lugdunensi Concilio, cujus hac in re Decreta, Regaliæ extendere prohibentis, omnium Galliarum Regum, Parlamentorum, & Ecclesiæ Gallicanæ reverentiâ, ac quadringentorum annorum lapsu sancita sunt: quæ ergo Philosophia est, à concessis ad inconcessa, à privilegijs ad prohibita argumentari? Et quia Regibus aliqua concessa sunt, velle etiam, ut ijs liceant, quæ vetita, & negata sunt? Præsertim cum jus præsentandi multum à Jure Regaliæ differat, ut supra observatum est. Quod verò additur, Regem proventus ex Regalia quæsitos in pia opera largiri, laudem quidem meretur, estque Regiæ pietatis argumentum, nec tamen purgandæ Regaliæ satis est; nam *primo* alij etiam Francorum Reges hujusmodi proventus pijs operibus addicere, nec tamen ausi sunt ultra terminos à Concilio præscriptos Regaliæ extendere, quod maximè paruit in Diplomate, & Declaratione (a) Ludovici XIII. Patris Ludovici regnantis; cur ergo prohibent Parentis sui, & Avorum exemplis filium inhærerere? quæ aut damnare oportet, id verò impium sit, aut imitari. *Secundo* facienda non sunt mala, ut eveniant bona; non ergo libertas, immunitas, & disciplina Ecclesiæ tor Canonibus sancita, evertenda fuit, ut Neophytis subveniretur: an verò tam inopes, exhaustiq; Reges Galliarum sunt, ut Beneficia non habeant, nisi Ecclesiarum spolijs, & damnis quæsitæ? id procul ab eorum potentia, & Majestate; nam & in privatos vindicarent, qui, ut paucos tenerent, centum spoliassent: & planè æquius esset aliqua pietatis opera omitti, præsertim nullis legibus præcepta, quàm cum peccato exercere majori culpâ, quàm præmio, quod in simili causa Alexander Papa Henricum Angliæ Regem monebat: *Si*, inquit, *universa, quæ in usus tuos per hujusmodi angarias de bonis Ecclesiasticis convertuntur, in refectorem pauperum, vel alijs operibus pietatis expendes, obsequium non magis DEO gratum efficeris: quàm si aliter quolibet discepto aliud cooperires: aut si Petrum crucifigeres, ut Paulum à mortis periculo liberares. Recolere siquidem debes, qualiter Rex Saul devicto Amalech propter id contra Divinum præceptum reservare volebat, cum se ad excusationem sui hæc ad sacrificandum reservare proponeret, à Domino fuit reprobatus, & adhuc eo vivo in dignitatem, & potestatem Regiam subrogatus, &c. (b)*

Cum

(a) Declaratio Ludov. XIII. de Anno 1644. (b) Alexand. III. ad Henric. Angliæ Regem

Cum ergo dicitur, proventus Regaliæ in pia opera expendi, prius quærendum est, an Regaliam iusto titulo possideant; nam si iniusto (ut de Ecclesijs, ad quas recens extensa est, hætenus monstravimus) frustra sibi de pijs operibus blandiuntur, quæ si ex alieno fiant, ne titulum quidem pijs operis merentur. Et quid dicent de Collationibus Beneficiorum? quo istæ pio opere compensantur? imò Simoniam redoler, si jus tam sacrum, sacræque dignitati annexum, ob aliquas in pios usus largitiones ab Episcopis in Laicos transferatur. Accedit, quòd Regaliâ semel Principi vindicatâ, ejusque arbitrio subditâ, quæ jam in pios usus, paulò post in prophanos expendantur; quis enim pollicetur, omnibus futuris Regibus eandem pietatem, & moderationem fore? nec enim eadem virtutis, & abusu natura est: illa paucorum, & idèd brevis: abusus multorum sunt, & idèd in longum grassantur, & retinentur.

## §. VI.

### Aliæ Rationes in patrociniū Regaliæ à Gallis productæ.

#### S U M M A R I A.

1. *An Reges Galliæ inter sacras Personas reputari debeant, & idèd Regaliæ capaces?*
2. *Causam Regaliæ in Parlamentis sæpius agitatam fuisse, quo jure, quove eventu?*
3. *Episcoporum consensum, aut spem, aut metu expressum, nihil Regijs sapere.*
4. *Multoquæ minus eorundem Episcoporum subscriptionem.*

#### I.

**O**pponitur 7. Reges Galliæ non sunt inter Personas merè Laicas censendi; nam & sacro cælestique oleo perunguntur, & morbos quosdam solo tactu medentur, & Lilia insignium loco ab Angelis accepere, & denique multis in locis Canonorum officio perfuncti sunt, & habitum gestarunt. (a) Si ergo

tot

(a) V. Limn. ad capit. Caroli 4. 30. n. 62.

tot titulis sacri sunt, quid obstat, ut sacrorum jurium capaces sint, & Beneficia jure Regio conferre, fructusque vacantium Ecclesiarum occupare possint? nam & olim apud Romanos Græcosque, ac etiam Judæos Dignitas Regia, & Sacerdotalis miscebantur.

*Resp.* In hoc, & similibus argumentis vix aliquid reperias responso dignum; nec aliud magis probant, quam pessimam esse causam, quam æventur; quippe tam vanis rationibus nixam, & quas pudor sit, tot Canonibus, Concilijs, & quatuor sæculorum exemplis opponere. Si, quæ in medium adducunt, Reges Galliæ sacris Personis adscribendos esse probarent, mirum est, si non Episcopum illum, & Pontificem faciunt. Num omnes retrò Reges iisdem prærogativis non gaudebant, quas illic enumerant; & tamen quis eorum se laicis exemit, sacrisque Personis adscripsit, & Regaliam toto Regno extendit? nec enim oleum, aut lilia cælo missa Sacerdotem, & Clericum faciunt, sed per ministros Ecclesiæ legitima solemnisque inauguratio. Apud Romanos Græcosque Idolorum cultores, ubi omnia prophana, & pro aris lupanaria, sacrilegia pro sacris erant, mirum non est, eosdem Reges, & Sacerdotes fuisse; quod enim absurdum, eos, qui latrones, meretrices, parricidasque pro Dijs habebant, etiam Reges pro Sacerdotibus habuisse? In Judæorum Republica certum est, alia Sacerdotum, alia Regum munia partesque fuisse; quis enim nescit Oziæ Regis, quod Sacerdotum munus occupasset, inflicta à Deo pœnas? & idè Josaphatus Rex sacri prophanique Magistratûs officia distinguens: (a) *Azarias, inquit, erat, Sacerdos, & Pontifex vester in his, quæ ad Deum pertinent, præsidebit. Porro Zebadiah filius Ismael, qui est Dux in domo Juda, super ea opera erit, quæ ad officium Regis pertinent.*

Ubi vides, utriusque Dignitatis officia, Sacræ Regiæque distingui; nam quod Salomon Abiatharem Majestatis, & mortis reum exilio multaverit, & Pontificatu amoverit, id non ut Rex, sed ut Propheta, & sententiæ Divinæ jam olim in Heli pronuntiatae executor fuit, quod ijs verbis, quæ mox subduntur, significatum videtur: *Ut impleretur sermo Domini, quem locutus est super domum Heli in Silo.* (b) Adde modum, formamque Israeliticæ Reipublicæ gubernandæ, etiam in ijs, quæ cultum templi externum spectabant, ceremoniam fuisse, unaque expirasse cum Lege Mosaica; & idè nec extendi posse ad statum Legis Evangelicæ. Sed ut videas, quàm imbecillum sit hoc argumentum, & quàm multis

R

partibus

(a) Paralip. 2. cap. 19. (b) Regum 3. cap. 2.

partibus laboret, demus omnia, quæ assumit, adhuc nihil concludere. Quamvis enim Laicis Personis Regem Francorum eximas, & coronæ tiaræ jungas, non idèò jus illi, & potestas erit Regaliæ dilatandæ; quod enim ab universali Concilio, omniumque retro Principum, & quatuor sæculorum observantia sancitum est, ne ab Episcopis quidem refigi potest: imò si propositiones Conventûs Parisiensis audias, ne à Pontifice quidem; quanto minùs à Rege? nihil ergo agunt tot facibus rationum malè compactis, quàm ut ostendant, se velle quidem, conarique Regaliam fulcire, sed non posse, malâ causâ ingenium vincente.

II. *Opponitur* 8. Causa Regaliæ jam aliquoties in Parlamentis, Regioque Senatu agitata, & cognita est, præsertim anno 1608. in Parlamento Parisiensis, Henrico magno imperante, in quo Regaliam toto Regno extendendam esse, decisum est. Secutæ sunt aliæ Regij Consilij (a) sententiæ, quibus omnes Archiepiscopi, Prælatique Provinciarum Septimaniæ, Provinciæ, Delphinatûs, aliique jubebantur intra sex mensium spatia titulos, causasque prætensæ libertatis, & exemptionis offerre; & Episcopi acquiescere productis libertatis suæ titulis, instructionisque Procuratoribus, qui coram Regio Senatu causam Ecclesiarum agerent, & si possent, Regaliam excuterent. Pependitque ea lis triginta sex annos, ab anno videlicet 1637. usque in annum 1673. mutuo Cleri, Regisque conflictu: donec eo, quo dictum est, anno, in Regio Senatu, & postea ab ipso Rege pronuntiatum est, ad omnes Regni Ecclesias Regaliam pertinere. (b) Cùm ergo Henricus IV. hanc causam ad Regium Consilium avocaverit, ibique tot annis discussa, & definita fuerit, Episcopis Galliæ, quorum intererat, avocationi non solum non obluçantibus, sed etiam tot annorum decursu, Judices agnoscentibus, suasque rationes, ac titulos, quibus muniri credebant, allegantibus. Quid jam queruntur, disputantque causâ tam lentè discussâ, & tandem finitâ? num tempus defuit tot annis ductum? num Judicem incusant, toties agnitum, & nunquam repulsum? num inauditi, indictaque causâ damnati, quam in tot Conventibus, repetitis vicibus dixere? num denique ad legitimum Judicem, justamque sententiam aliquid defuit, quam tot annis expectarunt, & nunc modò incusant, cùm causâ ceciderunt, sero, & intempestivo dolore?

*Resp.*

(a) Sententiæ Regij Senatûs Anno 1637. & 1638. & 1639. & 1651. & 1653. & 1654. & 1673. (b) Arrestum Regij Consilij Anno 1673. & ei conformis, ac duplex Regis Declaratio Anno 1673.



*Resp.* Constat ex ijs, quæ dicta superius sunt post Concilium Lugdunenſe Regaliam trecentos, & ultra annos, ijs tantum locis exercitam eſſe, quæ huic oneri à longo tempore aſſueverant, reliquis naturali, & canonicâ libertate fruentibus, quod etiam Eccleſia Gallicana in ultimis Comitijſ, & litteris ad Innocentium Papam, ipſique Reges, & Parlamenta Galliæ profeſſa ſunt: nec Adverſarij diſſentunt; quibus cum iſta objicias, id ſolum reſpondent: *Non potuiſſe eorum negligentia Coronæ, & Regum Jura deleri, præſcribere, nec Reges exemplis ligari.* Primum ergo ab anno 1583. Henrico III. Galliam moderante Eccleſiarum libertas pulſari cœpta, Regio Advocato Regaliam extendere aggreſſo, qui tamen repulſus eſt, & ſilore coactus. Ab eo tempore verum eſt, perpetuam ſerè pugnam Eccleſiæ cum Regijs fuiſſe, illâ ſemper victrice; quanquam non Regum, ſed miniſtrorum importunitas fuit, quæſtum, & gratiam ex lite captantium. Et verò qui iſtarum rerum notiſſiam aliquam habet, fateri cogentur, à Regijs miniſtris varijs artibus certatum eſſe, ut Clero imponerent, fallerentque incautos. Nam *primò* Regi perſuaſere, Jus Regaliæ proprium innatumque Coronæ eſſe, & ideo nec alienari à Regibus, nec à Clero præſcribi potuiſſe: unde Regaliam ad totum Regnum pertinere deducebant; quæ à veritate quàm ſiniſtra aliena, & captivæ plena, jam ſuprà oſtenſum eſt, nec tamen Epiſcopis communicabantur, ut reſelli poſſent, contenti inſra Principis aures latere, tanto tuius nocitura, quodd occulta.

*Secundò.* Epiſcopi omnes, nulloque diſcrimine citati ſunt, ut rationes, titulosque ſuæ libertatis proferrent; quod omnino captioſum fuit, & dolo factum; qui etenim privilegio, aut contractu oneroſo libertatem adepti erant, merito titulum petebantur; ſecus qui naturali, & canonicâ libertate, ac quatuor, & plurium ſæculorum poſſeſſione, non privilegio, nec contractu tuti erant; ab his enim titulus peti non poterat, cum nullus major, notiorque tot ſæculorum, & pacatâ poſſeſſione: & tamen, ut dixi, dum omnes, nulloque diſcrimine vocantur, factum eſt, ut etiam illi comparerent, litemque ſubirent, qui extra omnem aleam, litemque erant, clamantibus interim Regijs, qui pedicas ſparſerant, agnoviſſe illos Judicem, forumque Regium, & ita cauſâ dictâ, agnitaque damnatos eſſe.

*Tertiò.* Sed & illud novum, insolensque, ac planè iniquum, quòd co-gerent Episcopos causas titulosque suæ libertatis producere: quis enim nescit, probationes non ad Reum, sed Actorem pertinere? & possessionem tot annorum, ac juri, & libertati Ecclesiasticæ, omniumque retrò Regum Edictis conformem omni titulo majorem esse? non ergo Ecclesijs probandum erat, cur essent liberæ, sed Regijs, cur vellent in servitutem rapere; & ita semper in Gallijs more receptum fuerat, ut suprà ostendi; iniquum ergo fuit, omniq[ue] juri contrarium, quòd onus probandi Regi debitum in Episcopos transferrent.

*Quartà.* Nec minùs novum, quòd diem dicerent, & forum statuerent, citarentque Episcopos, ubi nulla lis, nullum dubium esse poterat: at verò an Regalia toto Regno extendi deberet, controversi amplius, nec in litem deduci potuit, causâ in Generali quingentorum Episcoporum Concilio, & Rege Philippo, totaque Galliâ approbante, jam dudum decisâ, finitaque, cui Henrici IV. & Ludovici XIII. sententiæ, & usus quatuor sæculorum accesserat; quæ, rogo, causâ dici debuit finita, si hæc non debuit? Et quem in finem iterum liti pugnaeque subdebatur, cum nec melius probari, nec clariùs decidi posset, quàm jam probata, & decisâ fuerat? ut omnino appareat, non fuisse Episcoporum mentem, cum se Regijs ministris sistentes, causamque Ecclesiæ tuebantur, novam litem ingredi, (id enim non poterant, nisi ministros Regios ipsis Regibus, totique Generali Concilio præponerent) sed solùm conscientias eorum instruere, & veritatis admonere; qui pacem turbabant, & obtentu Regaliæ, ac chirographi à Rege extorti, pacificos Beneficiorum possessores impetebant. Non ergo Episcopis Galliæ judicium subire, sed vexationes redimere, quas patiebantur, animus erat, productâ veritate; quod sine judicio fieri posse, quis non videt? Et ideò Syndicus (a) Provinciæ Narbonensis protestatus est: *Se titulos producturum, quibus suarum Ecclesiarum libertatem muniri credebat; nolle tamen, ut is actus juri, & exemptioni Ecclesiarum fraudi, aut damno esset.* Eodem ferè modo, similique protestatione usi sunt Episcopi, dum anno MDCL. Regi supplicârunt, ut Ecclesias libertati, & possessioni suæ, quâ tot annis fruebantur, relinqueret. Nec exempla desunt, non solùm Episcoporum, sed etiam Summorum Pontificum, qui innocentiae suæ, bonæque causæ certi, coram prophano tribunali causam dixere, non quòd judicem illic agnoscerent, sed

(a) Anno 1639.

sed ut innocentiam suam purgarent, ejusque testes etiam hostes haberent : & historia Ecclesiastica exemplis abundat, & Gratianus aliqua notat. (a) Sed demus judices Regios ab Episcopis agnitos, eorumque sententiæ libertatem Ecclesiarum submissam esse ; quid inde consequitur ? num jure id egerant ? num poterant Ecclesiæ suæ privilegijs, quæ in tutelam, & depositum acceperant, præjudicium inferre ? & quibus ne fundi quidem alienandi potestas erat, possent alienare libertatem, quâ nihil præstantius, & majus est ? aut forsitan eorum arbitrio stabat, ut Concilij universalis Canones, tot pœnis armatos, omniumque consensu receptos, & Gallorum sententiâ Romano etiam Pontifici inviolabiles, ipsi violarent, aut violandos alijs permitterent ?

Quod si, ut ipsi dicunt, jura Coronæ, & Regiæ Dignitati annexa, nec alienari in Ecclesias, nec præscribi possunt ; & ideo omnium retrò Galliæ Regum oblitterari exempla, & edicta volunt, quibus Regaliam restringebant ; quanto majori jure, & eorum pace dixerim, nullis Episcoporum votis, nullaque conniventia, privilegia Ecclesiarum, & libertatem alienari in Laicos, præscribi que potuisse, & ideo frustra exempla, & conniventiam eorum allegari, quibus nec potestas alienandi, nec voluntas fuit : & quo jure ipsi Galliæ Regum, ego Galliæ Episcoporum exempla damno ; imò multo majori ; nam quæ ipsi in Regibus damnant, juxta Canones : quæ ego in Episcopis, contra Canones fuere.

Quamquam si verum fateri volumus, nunquam Episcopi Regijs ministris, eorumque sententijs, extensionem Regaliæ quod attinet, detulere ; nam Parlamentum Parisiense pro adversario potius, & libertatis suæ invalore, quàm pro judice habuerunt, ab eoque decreta non ut sententias amplexi, sed ut injurias, injustosque conatus averſari sunt : præsertim Arrestum anni MDCVIII. quo Henrici magni Edictum abolebant ; & planè nihil dici, viderique potuit eo Arresto absurdus, magisque alienum ab omni æquitate, & reverentia Regi suo debita ; præterquam enim, quod sententiam ferebant sacris Canonibus, Regni que legibus adversam, (quæ, ut vidimus, Regaliam extendi vetabant, & onus probandi Regi, non Ecclesijs imponebant) illud, rogo, quale fuit, ut Edictum à Rege sancitum, & in Parlamento agnitum probatumque, ipsi postea reſigerent, delerentque, Majestatis, & reverentiæ obliti, perinde, ac si auctoritas illis supra Regem esset, eorumque arbitrio staret, ut, quod is

R 3

statue-

(a) V. S. Greg. l. 9. epist. 39. Gratian. 2. q. 7. Regal. Sacerdot. f. 358.

statuerat, ipsi everterent : & tamen , qui contra Regaliam nuper pronuntiârunt, eo præsertim Arresto, tot capitibus irrito, nituntur ; dicunt enim nihil se novi moliri, sed antiquis tantum documentis, exemplisquæ insistere : & si quæras, quænam ea documenta, & exempla sint ? Arrestum illud inculcant, quo, ut dixi, nullum unquam infirmius fuit, magisque in omnes regulas, & æquitatis, & reverentiæ offendit ; & idè neque aliud magis ab Episcopis impetitum contemptumque. Ministris ergo, & Officialibus Parlamenti nunquam in hac causa tanquam legitimis iudicibus delatum est. Verum est, ad Regem, Regiumque Consilium delatas à Clero querelas esse, non quòd in hac causa iudicem agnoscerent ; nec enim aut Regi, aut Episcopis in mentem venit, ut crederent sententiam in Concilio universali jam latam, mutari à Regibus, aut aboleri posse, nec totâ retrò antiquitate exemplum occurreret ; sed ut ejus auctoritate Parlamenti conatus sisterentur, quod ab Episcopis sæpius postea repetitum, quoties videlicet à Regijs infestabantur, patetque ex eorum Conventibus diversis annis celebratis, (a) quibus contra Regios acerbissimè conclamatum ( tantum abest, ut iudices agnoscerentur ) & de medijs actum, eorum molestias, conatusque eludendi : & præsertim Anno MDCLXX. quando Episcopi Alestensis litteræ, quibus rationes pro Ecclesiarum libertate continebantur, in Conventum alla-tæ, omniumque approbatione, plausuque acceptæ sunt, & rogatus Parisiensis Archiepiscopus, ut Episcoporum querelas, petentium, ne Arrestum, & Declaratio in favorem Regaliæ edita executioni daretur, in sinum Regis deponeret ; quod facturum se promisit, sed incertum, an præstiterit.

Falsum ergo est, quod dicitur, acquievissè Episcopos Parlamenti sententiæ, & Regiæ Declarationi. Sed acquieverint ; an verò ignorant, postquam experientia docuit, etiam tribunalia insidijs, & errori parere, multa remedia, quibus sententiæ corrigerentur, prodita esse ? *Revisionis*, videlicet, *Restitutionis in integrum*, ( quæ exemplo minorum Ecclesijs datur ) & præsertim *melioris informationis*, quæ ut plurimum æquitatis jux-ta, & reverentiæ habet, ita minimum Majestatem Principis lædit. Quod si licuit ministris Regijs, tot Regum Edictis, ac repetitis sententijs, & quadringentorum annorum morâ usque repulsis, imò omnium Galliæ Juris-Consultorum, in litem redire, & petere toties negata ; cur, rogo,

id

(a) Conventus Generales Cleri Gallicani Annis 1650. &amp; 1655. &amp; 1670.

id Episcopis non liceat, vitioque vertatur, qui non aliena, sed sua petunt: nec Canonibus prohibita, sed concessa, causamque sovent tot partibus æquiores? Aut quæ modestia est, eos silentium imperare, qui nullum dicendi finem faciunt, toties tacere iussi?

Quind. Liquet etiam ex dictis, falsissimum esse illud principium, & captionis plenum, quod semper inculcant, videlicet: *Causæ Regiæ non alibi, quam in Parlamento agitari esse, nunquam verò in foro Ecclesiastico.* Si velint, cum inter eos, qui ab Ordinario, & qui à Rege obtentu Regaliæ Beneficia acceperunt, lis oritur, hujus cognitionem ad Parliamentum spectare, haud equidem contenderim; hæc enim id more receptum est, & Ecclesia toleravit: at verò, cum non inter particulares lis vertitur, sed de ipsa Regalia, ejusque extensione certamen est, & queritur, an ea ad Jus Coronæ pertineat, an Regiæ Dignitati innexa, & ab Ecclesiæ consensu nullo modo dependeat, & ita pro arbitrio Regnantium toti Regno inferri possit, & Parlamento Parisiensi Universalis Concilij Canones subdantur; hæc, inquam, nego ad cognitionem Parliamenti spectare posse; negabuntque omnes, quotquot inter sacram Dignitatem prophanamque distinguunt, & unam alteri non misceant; nec argumentis hic opus est, aut longis discursibus, cum vel primo intuitu istarum propositionum absurditas pateat, videlicet: *Jus Beneficia Ecclesiastica conferendi, percipiendæque fructus vacantium Ecclesiarum, & Canones laxandi ab Universalis Concilio conditos, ad potestatem Legum, & Parliamentum Parisiense pertinet.*

Cum Decimæ à Clero Gallicano, aut alia subsidia petuntur, sublevandis Regni necessitatibus, non id arbitrio sæcularium, & imperio agitur, sed nutu ac sponte Ecclesiastici Ordinis, ejus Delegati singulis Iustis conveniunt. Si ergo nec Parliamentum, nec alij Regis ministri jus sibi vendicant legendæ à Clero pecuniæ, quæ tamen est res merè temporalis; qui ergo fieri potest, ut suæ auctoritatis faciant Beneficia Ecclesiastica conferre? abolere Concilium Universale tot sæculis à Regibus, totaque Galliâ receptum? Libertatem Ecclesiarum perpetuo iugo addicere? idque non paucis tantum annis, sed semper, nec uno tantum alteroque loco, sed ubique? nullâ Canonum, nullâ legum, nullâ Principum, ne Regnantis quidem reverentiâ; hujus enim animam produunt tot alijs curis intentam, & idè fraudibus facilem; illorum verò Edicta legesque obliterant, & ignaviæ accusant, quasi

quasi jurium Regniq̃ue negligentes; duplicis culpæ rei, & quòd mortuos infestent, & quòd vivo adulentur. Et si alia omnia desint, qui potuit Parlamentum eam causam cognoscere, quæ cum sit ex majoribus, (a) non solum ex veterum Canonum (qui Libertatis Gallicanæ fundamenta sunt) sed etiam ex Concordati ipsius præscripto ad Pontificem Romanum spectat? An etiam in Concordata legesq̃ue Regni, & Ecclesiæ fundamentales Parlamento Jus est?

III. *Opponitur* 9. Quamdiu spes est, ut conando, & obsistendo efficere aliquid possis, laudandi conatus sunt; at spe omni consumptâ, imprudentiæ fuerit conniti, quod non possis; nam & Medici desperatis in morbis remedia abrumpunt, & cum prodesse non possint, cessant mederi, præbentq̃ue infirmo, saltem quæ placent, si desint, quæ juvant. Quis nautam laudaverit in portum connitentem adversis ventis? nam sariùs erat à portu abscedere, & vicinum litus subire, tempestate vitatâ, quàm pertinaci irritoque conatu naufragium quærere. Id in Regaliæ causa evenit: pugnarum ab Episcopis est, quamdiu licuit; at cum viderent obsisti non posse, Rege in victoriam obstinato, & triginta annorum pugnam finire certo; instarentq̃ue, nisi cederent, pericula, & clades, & quicquid timeri potest ab irata Majestate, quid aliud superfuit, quàm ut arma potentiori submitterent, & certam cladem spontaneâ deditione occuparent? Nec id timor aut ignavia, sed prudentia fuit, pacem quærere desperatâ victoriâ. Hoc ipsum Sacris Scripturis edocemur: (b) *Noli, inquit, resistere contra faciem potentis, nec coneris contra istum furiv.* Et alibi. (c) *Ubi non est auditus, non effundas sermonem.* Et Salustius: *Frustra niti, & nihil aliud laborando, quàm odium quærere, extremæ dementiæ est.* (d) Et S. Augustinus: *si scirem tibi non prodesse, non te terrerem.* Ex qua D. Augustini regula ab omnibus recepta Theologi cum D. Thoma (e) concludunt: *Ubi probabiliter estimatur, quòd peccator admonitionem non recipiat, sed ad pejora labatur, à correctione, cujus finis est emendatio, desistendum; quia ea, quæ sunt ad finem, debent regulari, secundum quod exigit ratio finis.* Et ita Samuel (f) Populo temere Regem deposcenti, consultè cessit, deditq̃ue Saulem, quamvis eum non lateret, hanc Populi

(a) Causæ majores ad Roman Pontif. pertinent. Innoc. I. ep. ad Vict. Rothom. cap. 3. Vigil. epist. 7. ad Aux. Arelat. Greg. M. epist. 52. lib. 4. Marca lib. 1. cap. 10. & lib. 7. cap. 12. & 13. Concord. inter Leon. X. & Francisc. I. (b) Ecclesiast. 4. v. 32. (c) Ecclesiast. 31. v. 6. (d) S. Aug. hom. 41. & cap. si quis 2. d. 7. de pœnit. (e) S. Thom. 2. 2. 6. (f) 1. Reg. 8.

Populi petitionem Deo displicere. Sic Alexander III. cùm vereretur, (a) ne Angliæ Rex in schisma dilaberetur, aded multa dissimulavit con-  
 nitique, ut teste D. Thoma: (b) *Clamitaretur in plateis, predicaretur  
 per Civitates, quod Romæ justitia non fieret de potentibus. Et alibi. Ro-  
 mana Ecclesia posuit firmamentum suum formidinem, aut res capiat, aut Per-  
 sonas accipit, & autoritate, quâ præminet, iniqua gerentibus non occurrit.*  
 Quibus istorum querelis Alexander Papa propositi, & moræ tenax, hæc  
 respondit memoratu digna: (c) *Nos sicut novisti, Regem in patientia, sicut  
 decuit, & humilitate vincere cupientes, ei hactenus multum detulimus, & de  
 misericordia Christi sperantes, quod ille, in cujus manu corda Regum sunt,  
 voluntatem & animum ejus mitigare deberet. Et in litteris ad Ludovicum  
 Galliæ Regem: (d) Si petitioni prædicti Regis quandoque annuimus, &  
 ejus visi sumus voluntati favere, more periti medici id fecimus, qui agro, de  
 cujus salute desperat, contraria quæcunque appetit, tribuit, tentans ipsum, qua-  
 litercunque potest, ad sanitatem revocare. Quapropter cùm consuetudinis sit  
 Romane Ecclesiæ, potius in servanda maturitate plerumque damnum, & ja-  
 cturam incurrere, quàm in præcipitatione peccare, tua non miretur, nec mo-  
 veatur Serenitas. Galliæ ergo Episcopi, cùm triginta totos annos pro  
 Ecclesiarum libertate contra Regiam certassent, & ultimis hisce tem-  
 poribus non tantum victoriam desperarent, sed etiam cladem prospice-  
 rent, Rege victorij feroce, & obsequium imperante, exemplo Alexan-  
 dri Pontificis Principi detulere, pacem saltem, si nihil aliud lucrati.  
 Quam in rem duo alia exempla à Maimburgo celebrantur, (e) unum  
 Gregorij M. aliud Hildeberti Archiepiscopi Turonensis, Sanctitatem, &  
 doctrinâ clari, & cujus virtutes à S. Bernardo egregie laudantur. (f)*

Mauritius Imperator legem conscripserat, quâ milites necdum ex-  
 pletâ militiâ, aut missione acceptâ vetabantur Monasteria ingredi, &  
 Religionem profiteri, jussitque Beatum Gregorium hanc ipsam legem  
 promulgare. Is lædi hoc Edicto Religionem, & pietatem credebat,  
 expressitque rationes, quibus ad id credendum movebatur; sed cùm  
 Cæsar mandatis insisteret, paruit Gregorius, clausitque his verbis reve-  
 rentiæ, & obsequij plenis: (g) *Ego verò hæc Dominis meis loquens quid sum  
 nisi pulvis, & cinis? Ego quidem jussioni subjectus, eandem legem per diversas  
 tyrarum partes transmissere feci, & quia lex ipsa omnipotenti Deo minime con-*

S

cordat,

(a) Lib. epist. D. Thomæ Cantuar. lib. 2. epist. 46. (b) Ibid. lib. 5. epist. 47. (c) Ibid. lib. 4. epist. 32. (d) Ibid. lib. 4. epist. 51. (e) Maimburg. du Luthéranisme lib. 2. f. 279. (f) S. Bernard. ep. 123. & 124. (g) Greg. lib. 2. epist. 72. Ind. II.

cordat, ecce per suggestionis meæ paginam Serenissimis Dominis meis nuntiavi. Utroque ergo, quod debui, exolvi, qui, & Imperatori obedientiam præbui, & pro eo, quod sensi, minimè tacui. Adjungitque Maimburgus: En, inquit, Pontificis verba pietate, & doctrinâ præcipui, cujus utinam exemplo discant Episcopi, non esse Principibus oblectandum obtentu Zeli, tuendæque immunitatis Ecclesiasticæ; oportet enim cum Zelum, ut Apostolus monet, scientiâ, & discretionem temperari, miseriique modestiam libertatis; istam, ut audeas, quæ Principis, tuamque conscientiam gravans, monere: illam, ut monito, & tamen obsequium urgenti, tandem acquiescas: nec velis opinionibus tuis, velut totidem oraculis Principem illigari. Pergit de Hildeberto narrare. Ludovicus Crassus Galliæ Rex, vacante Ecclesiâ Turonensi, duos ejusdem Ecclesiæ Canonicatus titulo Regaliæ contulerat. Negabat Hildebertus id jure factum; quippe Ecclesiâ Turonensi Regaliæ, & servitutis experite, adiitque Regem, injuriam questurus. Dati à Principe judices, qui causam cognoscerent, sed è Palatio: dicta utrinque causa, & rationes expositæ; sed victoria, & sententia à Rege stetit. Archiepiscopus ab aulico judicio ad Sacrum provocavit, quod solum dicebat huic causæ finendæ par esse, ex Canonum præscripto. Rex provocatione offensus, velut alienum tribunal peteretur, omnes Turonensis Ecclesiæ fructus intercipi jubet, & ærario inferri. Quid ageret Hildebertus gratiâ Principis, & opibus lapsus? omisissis anathematis, aliisque armis irati, insensique Sacerdotis, ad ultimas preces devolvitur, placandumque Principem, adhibito etiam mediatore, quo facilius veniâ potiretur, ad quem hæc verba supplicantis leguntur: (a) *Nec tamen loquor, tanquam vobis clamorem super Christo Domini deponens, tanquam postulans per Ecclesiasticæ rigorem discipline subvenire Ecclesiæ: & mihi deprecor per vestrum interventum, & Regi ex charitate suggeri, ne sagittas suas in sene compleat Sacerdote.* Hæc Hildebertus notæ Sanctitatis, probatæque miraculis: nec Honorius II. factum improbavit, Rege suis juribus relicto, additque Maimburgus: (b) *Honorio Pontifici, acque ac Gregorio persuasum fuisse, in causis ambignis, & rationibus utrinque munitis, partes subditorum esse, ut Principi acquiescant ejusque voluntati, ac legibus cedant.* Subditque Lutheri, & Melanchthonis exempla, Concione abstinentium, quod Carolus Imperator eas aliquamdiu vetasset; idque egregium exemplum vocat, & omnibus imitandum. (c) Non ergo omnis generis exempla defuere, Episcoporum, & Pontificum,

Regibus

(a) Hildebert. epist. apud Luc. d' Acher. tom. 13. spic. (b) Maimburg. du Luc. ther. lib. 2 fol. 280. (c) Ibid. fol. 270. Lutherus epist. ad Elect. Saxon.



Regibus obtemperantium, etiam cum ipsi aliter sentirent; cur ergo fas non fuerit istos imitari? nam Sanctitate, & doctrinâ florebat, & ferè eadem causâ vertebatur.

*Resp.* Hoc tandem verum, & unicùm argumentum est, quod plurimos permovit, ut Regiæ subscriberent, & servituti annuerent. Timor offendendi Regis, excidendi gratiâ, & ijs, quæ gratiam comitantur, turbandi pacem ignavis timidisque ingenijs charam, veræ causæ fuerunt Regiam admittendi: reliqua velando timori, quem pudebat fateri, quæsitæ sunt. Hanc ergo carnalis prudentiæ, humanique timoris arcem, quam nemo melius, sed neque turpius Maimburgo munivit, evertere animus est, & ad singula respondere, quæ objectabantur.

Nam primò supponunt Principem, ut Regiâ cederet, persuaderi non potuisse; at falsò id supponi, certissimis argumentis evincitur; nihil enim ejus Religione, & pietate indignius dici potest, quàm noluisse veritati acquiescere, si ostenderetur; id enim pertinacis potius animi, quàm Regij est, qui nullâ re magis ut veritate delectantur, quod S. Ambrosius eleganter expressit, cum Augustum alloqueretur: (a) *Peto, ut patienter sermonem meum audias; nam si indignus sum, qui à te audiar, indignus sum, qui pro te offeram, cui tua vota committas: sed neque imperiale est, licendi libertatem denegare; neque Sacerdotale, quod sentiat, non dicere; nihil enim in vobis Imperatoribus tam populare, tam amabile est, quàm libertatem etiam in ijs diligere, qui obsequio militie vobis subditi sunt; siquidem hoc interest inter bonos, & malos Principes, quod boni libertatem amant, servitutem improbi: nihil etiam in Sacerdote tam periculosum apud Deum, tam turpe apud homines, quàm, quod sentiat, non libere pronuntiare; siquidem scriptum est: Loquebar de testimonijs tuis in conspectu Regum, & non confundebar. In causa DEI quem audias, si Sacerdotem non audias; cuius majore peccati periculo? quis tibi audebit verum dicere, si Sacerdos non audeat? Modè ergo Regis virtutes non patiuntur, ut credam, noluisse eum veritatem à Sacerdotibus edoceri, & vera dicentibus periculum ingruisse, ne illius gratiâ, & amicitia caderent, & Ecclesiæ premerentur. Pace eorum dixerim, nihil poterant objectare tanto Principe indignius, quæq; illius famam magis perstringerent. An ergo Christianissimum Regem, & Ecclesiæ Primogenitum Neronibus, & Decijs comparant, qui exilia, & mortes statuebant veritatem edicentibus? Præsertim cum is juramento se obstringat*

Ecclesiæ libertates, & privilegia observanda; ejus juramenti verba hæc sunt, cum Regiam dignitatem init: *Promitto vobis, & unicuique de vobis, & Ecclesijs vobis commissis Canonicum Privilegium, & debitam legem atque justitiam, &c.* Vanus ergo is timor fuit, & procul ab ea pietate, & Religione, quas in Principe veneramus. Principes enim, alioquin sapientissimos, aut multitudinem rerum, quæ magnam Dominationem semper comitantur, aut adulatione ministrorum falli nemo ignorat: & exempla Davidis Miphibosetum servi delatione punientis, quamvis innoxium, ac Theodosij Magni satis ostendunt; ut mirum non sit, etiam Galliæ Regi tot curis bellisque intento, & militiam præ Canonibus sectanti, impolitum esse. Quanta ergo spes erat reculandæ servitutis recens impositæ, si non duo tantum Alethensis, & Apamiensis Episcopi, sed omnes, quorum intererat, & causa agebatur, pari modestiâ, & libertate, omnique ferocia procul, quæ vim argumentis obtundit, læditque Majestatem, Regem adijissent, monstrassentque: Regaliam contra Canonum decreta, contra Concilij Lugdunensis sententiam, totâ Galliâ receptam, contra Regum Edicta, cursumque quatuor sæculorum extendi; imò contra Regis ipsius Sacramentum, dum Regnum auspicatur, & omnium retrò Gallorum jurisprudentiam. Quæ verò de antiquitate Regaliæ dicuntur, quòd nec alienari, nec præscribi possit, sitque privilegium Coronæ insertum, voces esse sono magnificas, rebus vacuas, & assentatione quasitas, quòd etiam Gallici Scriptores observârunt: nec Galliæ Regis Majestatem tam inopem esse veris titulis, ut ad vanos, confictosque recurri oporteat: nunquam magis Regnum floruisse, quàm cum pietate in Deum, amore in Ecclesias sustentabatur: hæc Galliæ Regum decora fuisse: his effectum, ut quantum alios Religione, tantum felicitate, & potentia vincerent: sicut exadverso nihil magis obstitisse Regnis, eorumque casus festinasse, quàm cum Ecclesiarum facultates, & privilegia carperentur. Hæc plena reverentiæ, & charitatis; nec dubium, non æquis tantum auribus, sed etiam libentibus ab eo Principe auditum iri, cujus clementia, & comitas tantopere commendantur. Tantoque magis animari debebant, quòd toties vicissent; cum enim ministri Regij à triginta, & suprà annis libertatem Ecclesiarum attentassent, semper obstantibus Episcopis repulsi sunt, & contra Regaliam Edicta à Regibus impetrârunt. Quid ergo metuere poterant in tam justa causa, semperque victores? An non potius sperandum erat, in eadem omnino causa,

& sub

& sub æquissimo Rege eandem quoque fortunam, & eventum fore ? Quod si modò victi sunt, & Regijs semper hæcenus victis, victoriam celsère, non Regis hæc culpa, sed eorum fuit, qui non pari cum majoribus suis virtute pugnârunt, & libertatem eorum sudoribus partam, Regio favori submisère, aulæ magis, quàm aris addicti; ficto interim vulgatoque metu, ne gratis viderentur, & sine causâ servitutem accepisse; nec cogitabant interim, quàm turpe foret metum obtendere, Sacerdotibus præfertim, quibus supra omnem rerum mortalium curam, & conditionem positis, nihil extra Deum sperare, aut timere licet, alioquin nec unquam officij partes explebunt; nam si navis gubernatorem undæ ventique percellant, & Ducem hostilia signa, ac ferrum nudatum, nec iste victoriam, & pacem, nec ille portum obtinebunt: quantò id in Episcopis veriùs Ducibus, & gubernatoribus animarum? tantoq; damnableior formido fuit, quòd ne tentato quidem hoste fugam arripuerint, ut Innocentius XI. illis verbis, dum ad Episcopos Galliæ scriberet, egregiè notavit: *Non dubitamus, si stetissetis coram Rege pro causâ tam iustâ defensione, neque defutura vobis verba, quæ loqueremini; nec Regi cor docile, quo vestris annueret postulatis. Nunc cum muneris vestri, & Regiæ acquitatis quodammodò oblitis in tanti momenti negotio silentium tenueritis, non videmus, quo probabili fundamento significetis, vos ad ita agendum metu adductos, quòd in controversia victi estis, quòd causâ cecidistis: quomodo cecidit, qui numquam stetit? Equis vestrum tam gravem, tam iustam causam, tam sacrosanctam curavit apud Regem? Quis ausus est invidiæ se offerre? quis vel vocem unam emisit memorem pristinæ libertatis?* (a) Patet ergo ex dictis, quæ de metu, & periculis, & monitione nihil profutura dicebantur, nullo fundamento subnixæ, multoque plures sperandi, quàm desperandi causas subfuisse: nec Regem suo vitio, sed aliorum culpâ, & conniventiâ inexorabilem factum.

*Secundò.* Sed demus hæc omnia: fingamus inflexibilem Regem, nullamque ei permovendo spem illuxisse: Episcopos gratiâ lapsuros, paratas obsistentibus pœnas, exilia, & quod magis terrebat, Principis iram; non ideo causâ Ecclesiarum omittenda, & servituti acquiescendum fuit, tot Canonum decretis veritæ; quantò minùs subscribi illam, probarique ab Episcopis debuit, Canonum, Ecclesiarumque custodibus? Si enim culpa silentium fuit, multò magis ipsâ societas, & comprobatio

S 3

crimi-

(a) Litteræ Innoc. XI. PP. Max. ad Episc. Galliæ, Anno 1682.

crimini: nec illas Apostoli Regulas ignorare poterant: *Non sunt facienda mala, ut eveniant bona. Et non solum, qui talia agunt, digni sunt morte, sed etiam qui consentiunt facientibus.* Si enim, ut ipsi fatebantur: *Extensio Regaliæ servitutem continebat canonici institutis, & naturalis Ecclesiarum libertati adversari, ac insuper à Concilio Universali prohibitam, & quæ Ecclesijs imponi non poterat, nisi ipsius Ecclesiæ consensu.* Si, inquam, hæc ita sunt, nullis ergo minis, nullo periculo, aut metu, imò ne oblata quidem morte impelli debebant, ut assensum præberent rei toties prohibitæ, ac tot partibus malæ, quin potius repetendæ erant illæ voces, libertatis, & animi plenæ, ac in simili causa à D. Ambrosio prolata: (a) *si perrimonium meum petitur, invadite: si corpus, occurrat: vultis in vincula & pere, vultis in mortem? voluptati est mihi. Non ergo me vallabo circumfusione populorum, nec altaria tenebo vitam obsecrans, sed pro altaribus gratius immolabor.* Et infra: (b) *Allegatur Imperatori licere omnia, ipsius esse universa. Respondi: Noli te gravare Imperator, ut putes te in ea, quæ Divini sunt juris, imperiale aliquid jus habere, &c.* Et alibi. *Nabuthæ Sanctum Virum scimus interpellatum petitione Regiæ, ut vineam suam daret, ubi Rex succis vitibus olus vile fereret, scimusque eum respondisse: absit, ut ego Patrum meorum tradam hereditatem.* Si ergo ille vineam non tradidit suam, nos trademus Ecclesiam Christi? Quid igitur responsum est à me consummaciter? dixi enim convenius: *absit à me, ut tradam hereditatem Christi.* Si ille non tradidit Patrum hereditatem, ego tradam Christi hereditatem? Sed & hoc addidi: *absit, ut tradam Patrum hereditatem: hoc est, Dionysii qui causa Christi in exilio defunctus est: hereditatem Eustorgij Confessoris, hereditatem Myroclis, hereditatem omnium retrò fidelium Episcoporum.* Respondi ego, quod sacerdotis est; quod Imperatoris est, scilicet Imperator; prius est, ut animam mihi, quam fidem auferat. Hæc Ambrosius Imperatori unam tantum Ecclesiam petenti; quid dixisset, rogo, non unius tantum, sed omnium Ecclesiarum libertatem infestanti? Nec Ambrosio Imperatoribus charo, & aulis in-nutrito, aut sanctitas deerat, aut doctrina, ut videri posset impetu ferri, non ratione; aderantque pericula multò præsentibus majora, Augusti sæviente, Imperatore offenso, & contemni se rato, ac mulieri devincto, denuntiatis exilijs, paratis pœnis, ac facibus totâ urbe volitantibus; & tamen inter tot mala, timorisque argumenta, ac omnibus Ecclesijs intentatâ clade, num ideo aut expavit, aut connivit Ambrosius, aut turpissimis pactis furentem Imperatricem placavit? Stetit, & vixit, pulcherrimo libertatis exemplo.

At,  
(a) S. Ambros. epist. ad Marcellinam Sororem. (b) Idem in Orat. contra Auxent. de Basil. trad.

At, *inquunt*, frustra, & nullâ spe obniâ, imprudentis consilij est. Respondeo has voces eorum esse, qui humana solum spectant, nullâ DEI fiduciâ Ecclesiam suam gubernantis; si enim res humanæ, & præsertim sacre, mortalibus tantum, & fluxis consilij agerentur, locus timori esset, & desperari de exitu posset; nunc, verò ubi Deus ad clavum sedet, præfidetque rebus Ecclesiæ, nulla ratio desperandi subest; jubet enim, & juvat, nec alios magis auxilio suo sustentat, quàm qui eo nituntur, faciuntque imperata, fiduciâ, & obsequio prompti. Non ergo frustra, & nullâ spe obnititur, qui Deum Protectorem habet; hic enim etsi justos permittat adversis consistari, ubi tamen virtutem suam, & constantiam probârunt, & exempla imitationi reliquere, eorum vota, & conatus implet, seminum, & plantarum more, post nives, hyemesque, cum mortuæ viderentur, efflorescentium, eamque in rem exempla omnium sæculorum abundant. Quis enim, qui eo tempore vivebat, non credidisset, frustra nullaque eventu à sanctis Martyribus contra Tyrannos, à Paulo contra Neronem, à Basilij, & Athanasij contra Arianos pugnari? quippe aut pauci quàm plurimis, aut imbecilli potentissimis adversabantur; & si humana consuleres, nullum argumentum, quo victoria sperari posset, apparebat; imò nec alia merces, aut stipendia dabantur prædicatæ veritatis, quàm exilia, tormenta, mortes, & quidquid etiam impavidos invictosque terrere potest: & tamen illis ipsis artibus veritas triumphavit, quibus premebatur; nec Religionem habemus, nec Martyres, nec tot alia fortitudinis, & virtutum exempla, si tot illæ blanditiæ, conniventæ, assentationes, artesque serviendi, quæ modò inter arcana collocantur, animos occupassent; verum enim est, & mille exemplis comprobatur, quòd S. Thomas Archiepiscopus, & Martyr Cantuariensis monebat: *Non simulatione, non ingenio regendam esse Ecclesiam Dei; sed justitiâ, & veritate, quæ se observantem liberat ab omni periculo*. Libet inter innumera unum seligere, in quo velut in speculo celsitatem animi videas Sacerdotali dignitati parem, impavidam videlicet infractamque, omni que adulatione, ac turpi obsequio procul, & contra omnes providentiæ humanæ regulas tunc maxime validam, cum casura videbatur, quippe Deo nixam, & ideo victricem. Vastaverat Romanum Imperium Gaius Gothus, audebatque victorijs insolens Augustis etiam, ac throno minari. Urbi Regiæ imminenti, vallatoque Gothorum exercitu, quo Asiam percurrerat, Arcadius

Arcadius Imperator Chalcedonem usq; obviam occurrit ; nam id quoque Barbarus petebat , si non potius imperium erat. Illic colloquium fuit , & de pace conventum. Conditiones Barbaro dignæ , & tamen impetratæ, Augusto invalido, pavidoque, & ided facili ; eæ verò erant : *Ut Gainas equitum peditumque exercitum potiretur, hoc est, exercitum Imperatoris duceret : Saturninus, & Aurelianus Senatorum præcipui, & consilij præpotentes, ac ided suspecti, ac Joannes omnium Principis consilium dederentur.* Nec obscurum erat, Principem consilij armisque nudari, expõniquæ arbitrio Gothi Majestatem inermem ; sed premebat necessitas, & major præsentium, quàm futurorum metus. Ergo in conditiones, & pacem juratum : Senatores Barbaro permisi, proscriptique, & Gainas positus armis, victorique, ac imperanti similis Urbem Regiam investus est ; sed victo Imperatore, majus certamen cum Chrysostomo supererat. Ecclesiam Gainas petebat , in qua Arianorum more cum Gothis sacris operaretur ; promittit Arcadius, & accersit Chrysostomum, imperatque Ecclesiam Arianis tradi, ac potentiam, tyrannidem, ferociamque Gainas exaggerat : *Concedenda esse, quæ negari non possint, tempori aliquid dandum, & prementis necessitati scitius esse unam, quàm omnes Ecclesias, & Imperium Barbaris cedere : rogare illum, qui imperare possit, & preces armis urgere ; medendum ergo præsentibus malis, & cætera temporis fore.* Videbantur honesta, quæ Arcadius memorabat, & tempori apta, sed non Chrysostomo, res sacras Divinasque non ex fortunæ, sed Dei arbitrio metienti : negat ergo id fieri posse, & colloquium cum Barbaro postulat Arcadio coram. Postridie ad Cæsarem Gainas evocatur, & Ecclesiam, ut Cæsar promiserat, deposcit : cui Chrysostomus : *Quæ tibi Arcadius pollicitus est Gaina, & tu meritò reposcis, nec ille abnuere potest, quippe nihil tam Regium est, ut fidem ac promissa exsolvere ; unam ergo Ecclesiam pollicitus, jam omnes offert, patent omnes arbitrio, & pietati suæ, ut voles, ingredere, & illis nobiscum frueri.* At Gainas : *Neque hoc se petere, nec Arcadium promississe. Arianum se esse, & Ecclesiam Arianis petere, nec posse Catholicis miseri.* Quantum hoc præmij esset, si pro Romano Imperio tot prælijs, & victorijs defuncto vel ara donaretur ? & hanc tamē à Cæsare non possit, à gladio impetraturum. At Chrysostomus vultu Majestate composito, ac cæleste aliquid spirante, & quod etiam Barbaro reverentiam afflaret : *Ara, inquit, Gaina, & Ecclesia non à gladijs, & Imperatoribus, sed à*

Sacer-

Sacerdotibus petuntur : nec eas Imperator promissit, nec potuit, nec tu mereris : nam quoddam prælia, & victorias memoras, pro stipendijs illa, non pro Ecclesijs geruntur : nec tibi honores, & præmia desuere ampla, & ingentia, ac, si verum audire velis, multo meritis tuis majora. Num ergo consulares isti fasces, & exercitus curæ & imperio tuo dati, ac fastigium Principi proximum paucæ tibi videntur ? At mihi non cupidines tuas, sed merita, & acies numeranti, multo debitis plura. Et tu quoque, si pristinas tuas sordes, & angustias, & paupertatem censueris, eosque habitus, cum seminudus tremensque Danubium transmitteres, huic auro gemmisque, & dignis fastigio consulere, quæ Caesarum largitate accepisti, fateberis mecum, fortunam tuam supra meritum esse ; nec aliud voti tui relinqui, quàm ut Caesarum beneficia pari gratitudine, & obsequio aques ; hanc nimirum Theodosio jurabas, cum ejus clementiâ periturus servarêris : hanc filijs ejus, hanc legibus debes, quas modo delere, frustrarique paras. Simulque Theodosij Magni Edictum, quo omnes Ariani Ecclesijs arcebantur, sinu expromens : En, inquit, Gainas, legem tuis votis adversam : agnosce Theodosij Majestatem adhuc in filio regnantem, & cui tu vitam, ac fortunam hanc debes, reverentiam, & obsequium redde, & aliquod inter servum, & Principem discrimen admitte. Quid faciant hæc signa, & acies in Principem suum, & Rempublicam armatæ ? quid ista facies imperanti potius, quàm supplicanti similis, & nisi manes Theodosij vitem, patricidij plena ? Asiam incendisti, Rusticum, & Eutropium propè in Principis sinu obruncisti, Saturninum, & Aurelianium Augusto charos intimoque exilio proscriptisti, & tandem tot facinorum reus, & velut nec castra tui flagitij, nec aula sufficerent, transferri illa in Ecclesias jubes, parùm videlicet te fortem, & impavidum ratus, nisi utramque Majestatem calcareas, humanam, Divinamque. Hæc dicentem Gainas non patienter tantum sustinuit, sed dejecto etiam vultu, ac pudore suffuso, & ne quidem respondere auso ; quæ omnia Theodoretus, (a) & Sozomenus (b) memorant. Ubi simul observes, quanta sit potentia, & veneratio veritatis, cum à Sacerdote profertur, in quo virtus juxta, & dignitas sociantur. Si Maimburgum aut Arcadius, aut Chrysostomus interrogasset, quos ille metus, pericula, incendia, bella, & aliorum Principum exempla hæreses ferentium non produxisset in favorem Gainæ ? At verò, ut alius spiritus Chrysostomo, alius Maimburgo, sic alia utriusque consilia, isto quæ mundi sunt, illo quæ DEI, sapiente. Nec à DEO patrocini-

T

nium,

(a) Theod. lib. 5. cap. 32. (b) Sozom. lib. 8. cap. 4.

nium, & suffragium defuit; cum enim Gainas Urbem, & palatium incendio, Arcadium neci destinasset, visæ sunt Gigantum specie Angelorum excubiæ, Regiam, & Principem obvallantium, Gotho absterrito, & Urbem, quod insidiæ paruisent, egresso. Ubi iterum Chrysofotomi virtus, & libertas enituit. Cum enim Gainas, quod hostis declaratus esset, irâ vindictæque flagraret, Thraciâ ferro & igni vastatâ, nec reprimendo Barbaro copiæ suppetere, quas ille præmijs, aut studijs devinxerat, jamque Urbî immineret, visum est, ut per Legatos adiretur. Omnibus recusantibus, seu metuerent, seu desponderent, Chrysofotomum deligî placuit; nec ipse renuit, quamvis recenti adhuc conflictu, & similitudine. Venienti obviam Gainas processit, dextramq; amplexu, & osculo strinxit, & liberos ad genua provolvi iussit, pulcherrimo virtutis triumpho, etiam ab hoste, & tyranno probatæ. Ejusdem postea oratione, & eloquentiâ flexus pacem juravit; quam cum regnandi libidine iterum violasset, fusus tandem est, periitque, eodem simul tempore Romanis placido mari utentibus, Barbaris verò tempestate jactatis; crederes etiam ventos Chrysofotomo militasse, ut pacem, quàm à Gainâ non poterat, ab undis impetraret.

En ergo Chrysofotomum contra leges, & Philosophiam Palatii toties victorem! Gainas, qui leges Imperatori scribebat, qui ante illius oculos, & penè in sinu charissimos amicorum cædebat, cujus arbitrio capita Senatorum metebantur, gemente Principe, & tamen invalido; qui pacem, ut libuerat, dabat, solvebatque, & cujus armis Coronæ quætiebantur; hic tamen ad unius Sacerdotis, & Episcopi vocem supplex tremensque, & genibus advolutus, Barbarie sopitâ, ac tandem, cum armis non posset, ventro marique oppressus est. Quando id unquam toto illo blandiendi, adulandi, & connivendi apparatu Maimburgus effecisset? Hæc ideo narrare volui, ut falsam ostenderem Maimburgi aliorumque opinionem, statuentium: *Non esse Principibus obsequendum, cum iniusta petunt, nec spes est aliqua eos inflectendi.* An verò Gainas, Arcadius, & Eudoxia Imperatrix non iniusta imperabant? aut forsitan rationes aberant, & potentia, quibus velarent imperium, urgerentque? Et quæ spes erat, vinci illos posse? Num ideo cessavit, tacuitque Chrysofotomus? aut forsitan nullo præmio, sed irritò perditoque conatu depugnavit, quia displicuit, quia exulavit, quia occidit? imò nunquam magis ejus virtus, & innocentia effloruit, victo Gainâ, poenitente Arcadio, consecrâ Imperatrice,



trice, deletis persecutoribus, cœlo terraque innocentiam testantibus, & denique triumphante exulis cadavere; quæ omnia celsissent, si Gainæ, si Augustis blanditus esset, eorumque votis annuisset, brevi quidem pace, at perpetuo dedecore. Verum est ergo illud Jobi vaticinium: *Fusus cum se consumptum putaverit, sicut Lucifer orietur, & quasi meridians fulgor consurget sibi ad Vesperam.* In quem locum egregie S. Gregorius: (a) *Peccatoris lumen in die, est obscuritas in vespere, quia in presentis vite felicitate attollitur, sed adversitatis tenebris in fine devoratur. Jussu autem meridians fulgor ad vesperam surgit, quia quanta sibi claritas maneat, cum jam accumbere cœperit, agnoscat.*

Sed nec illud tacendum, eos ipsos, qui tantam curam ostentabant Regiæ dignitatis tuendæ, id tandem adulando effecisse, ut Principes perderent. Eudoxia, postquam gratiâ Mariti excidisset, mœrore collapsa est, ne cineribus quidem quiete permixtâ. Arcadius fraternis odijs, & intestinis bellis appetitus, florente ætate, & fato immaturo extinctus est, memorando regnantibus exemplo, nullos magis adversari Principum fortunæ, quàm qui maximè blandiuntur. Jam reliqua videamus.

*Tertiò.* Quæ de Samuele asseruntur, Regem populo concedente, ad rem non faciunt; nec enim suâ sponte id fecit, sed DEI jussu: nec nobis est quæstio, quid DEO, sed quid Sacerdotibus liceat. DEUS enim mala aliqua permittit, vel ut puniat, vel ut majus bonum ex malo eliciat. At verò Episcoporum officium non est, ut malum permittant, id enim privatorum; sed ut avertant, aut saltem conentur: nam nec Medicorum ars in eo versatur, ut morbos permittant, sed ut medeantur: nec Pastorum, ut oves errare vagarique sinant, sed ut reducant. Multò minùs Alexandri Pontificis exemplum aliquid probat; quid enim non egit, ut sanctum Archiepiscopum exilio liberaret? quot precibus, quot minis, quot Legationibus laboratum? ac tandem intentata Friderici Imperatoris pœna, cui Regno simul, & coronâ interdiktum fuerat, Henricum permovit, ut in gratiam cum Sancto rediret. Celebrantur etiam ejusdem Pontificis voces, quando militanti Regi defectionem intrepide respondit: (b) *Se duas illi proponere vias, viæ & mortis; facîle quidem posse illum contemptâ gratiâ, & patientiâ DEI periclitium præligere viam, sed se Domino propiante non recessurum à via recta.*

T 2

Illud

(a) S. Greg. lib. 10. cap. 12. (b) Joan. Saresber. lib. 2. epist. S. Thom. Cantuar. epist. 66.

Illud verum est, vibrandis Ecclesiae fulminibus diu multumque abstinentisse; videbat enim Regem in extrema paratum, nec ideo Thomam rediturum; & si hoc telum misisset, inermem se fore, ac ludibrio expositum nudata Majestate, idque experientia, & eventus docuit. Prudentis ergo consilij fuit, minari potius, quam ferire, & timorem augere dilato vulnere; nec aliud Alexander fecit, cujus arcanum, qui non assequerentur, damnabant. Ceterum non hoc silentium, & adulatorio fuit, quam solam persequimur.

Quarto. Gregorium quod attinet, res sic habet. (a) Scripserat Mauritius Imperator Legem, quam milites, nisi expleta militia, Religionem profiteri vetabantur, misitque Gregorio Pontifici, ut eam alij Episcopis deferendam, vulgandamque curaret. Gregorius obniti, quod eam Legem injustam, & impiam diceret, datisque litteris modestiam, & libertate plenis, Augustum monere: (b) Hanc legem à Juliano Apostata editam primum esse, nec decere, ut Edicta ab Ethnico, & Tyranno, & in odium Religionis scripta, in Christianos transeant. Ut milites se prius à re alieno exolvant, caveantque creditoribus, quam Monasteria subeant, acquirissimum id esse, nec vocari in dubium posse: ceterum ubi hæc praestiterint, cur Monasterij arceantur, ubi delicta expient militaris licentiae? invitandos illos potius, quam prohibendos esse, nec ab ullo retrò Imperatorum, quamvis & bellassent, & vicissent, aliquando id tentatum: cur ergo novis legibus turbaretur Ecclesia, & lacrymae poenitentium? Et tamen his magis victorias promoveri, quam bellantium numero; quamvis nec istum minus paucitate illorum, qui castra Monasterij commutent. Id nuper expertum Imperatorem, quando non armis Persas, nec bellico apparatu, sed precibus debellasset; istas verò cum Monachis augeri. Imperatores Dei servos esse, Monachos Dei milites. Non ergo deserri, sed impleri militiam, cum ab Imperatore ad Deum, à servo ad Ducem transsitur; æquum non videri, ut cum castra Caesaris militibus abundant, evacuentur castra Dei. Hæc plena animi, & libertatis; adjecit alia parvis modestiæ: Ego verò hæc loquens Dominis meis, quid sum nisi pulvis, & cinis? Sed mox flagrante iterum Spiritu, in hanc Apostrophen plenam ardoris, & Majestatis erupit: (c) Ecce! aperta voce dicitur, ut ei, qui semel in terrena militia signatus fuerit, nisi aut expleta militia, aut pro debilitate corporis repulsus, Domino nostro Jesu Christo militare non liceat. Ad hæc,

(a) Anno 593. (b) Gregor. lib. 2. epist. 63. Indic. 11. & epist. 65. ad Medicum Imperatoris. (c) Greg. lib. 2. epist. 62.

*hæc, ecce, per servum ultimum suum, & vestrum respondebit Christus: Ego te de Notario Comitum Excubitorum, de Comite Excubitorum Casarem, & de Casare Imperatorem, nec solum hoc, sed etiam Patrem Imperatorum feci. Ego Sacerdotes meos tuæ manui commisi, & tu à meo servitio milites tuos subtrahis? Responde, rogo, piissime Domine Serro tuo, quid venienti, & hæc dicenti responsurus es in iudicio Domini tuo? Et tandem epistolam claudit in hæc verba: Ego quidem iussioni subiectus eandem legem per diversas terrarum partes transmitti feci, & quia Lex ipsa Omnipotenti Deo minime concordat, ecce, per suggestionis meæ paginam Serenissimis Dominis nuntiavi. Utrobique ergo, quæ debui, exsolvi, qui & Imperatori obedientiam præbui, & pro eo, quod sensi, minime taci.*

Gregorius ergo, quantum fas erat, paruit Imperatori, ejus lege in diversas Provincias missa; eo enim temporis Romana Urbs Imperatoribus subdebatur, & modò sub Ludovico Pio, Pontifici relicta, (a) nisi quòd *Jus Regni*, hoc est, fidelitatis Sacramentum, & condendarum legum potestas ad Imperatores spectabat; sed hoc quoque à Carolo Calvo in Pontifices translatus est. (b) Gregorius ergo ut Civis, ac membrum Romani Imperij, non minùs Imperatoribus, eorumque legibus subdebatur, quàm modò Archiepiscopi Moguntinus, Colonienfis, & Trevirensis, alijque. Cæterum quia eadem lex aliqua ex parte iniqua erat, cum videlicet milites monasterijs arcebantur, tantùm abest, ut eam observari voluerit, ut potius Pontificiâ auctoritate usus correxerit, mutaveritque: & quantum valere illa, aut non valere deberet, illis ipsis Episcopis, ad quos mittebat, præscriberet; ubi apertè ostendit, se in hac parte non subijci Imperatoribus, sed præesse: nec obsequi, sed imperare: & alias esse Civis, alias Pontificis Romani partes; quod enim majus potestatis argumentum, quàm Imperatorum leges censere, erroris notare, ac demum corrigere, & sic correctas, nec aliter observandas proponere? Id fecit Gregorius; non ergo, ut voluit Maimburgus, paruit Imperatori, sed Imperator Gregorio. Hæc ex ipsis litteris Gregorij intellige, quas unà cum Edicto Maurij ad Episcopos transmisit. Sic ergo ad Orientis, & Occidentis Episcopos scribit Gregorius: *Gregorius Eusebio Thessalonicensi, Urbicio Dyrrachitano, Constantino Mediolanensi, Andrea Neapolitano, Joanni Corinthi, Joanni Cretensi, Martino Ravennati, Januario Sardinie, & omnibus Episcopis Sicilia. Legem, quam piissimus Imperator dedit, ne*

T 3

fortasse

(a) Anno 814. (b) Anno 875. V. Cantelium fol. 212.

forasse hi, qui militia, vel rationibus publicis sunt obligati, dum causarum suarum periculum fugiunt, ad Ecclesiasticum habitum veniant, vel in Monasterijs convertantur, vestrae studii fraternitati transmittere; hoc maxime exhortans, quod hi, qui seculi actionibus implicantur, in Clero Ecclesie praepræpè suscipiendi non sunt. Quod si etiam tales Monasterium petunt, suscipiendi nullo modo sunt, nisi quoque rationibus publicis absoluti fuerint. Si qui verò ex militibus viris in Monasterijs converti festinant, non sunt temere suscipiendi, nisi eorum vita fuerit subtiliter inquisita, & juxta normam Regularem debent in suo habitu per triennium probati, & tunc Monasticum habitum Deo auctore suscipere. Qui si ita sunt probati, atque suscepti, & pro anima sua penitentiam de perpetratis agere student, pro eorum vita, & lucro sacrali, non est talis conversio veniendi. Quà de re etiam Serenissimus, & Christianissimus Imperator, mihi credite, omnimodo placatur, & libenter eorum conversionem suscipit, quos in rationibus publicis implicatos non esse cognovit. Hactenus Gregorius, qui, uti vides, Imperatoris Constitutionem ad terminos juris communis, & sacrorum Canonum reduxit, cortexque; sacri enim Canones statuerant, ne obligati rationibus, & officiis publicis ad Sacros Ordines reciperentur, ut habetur, in Concilio Carthag. primo, c. p. 8. (a) Quod licet de sacris tantum Ordinibus loquatur, ob paritatem tamen rationis, etiam de statu monastico intelligendum est. Cæterum si quis se publicis rationibus exsolvisset, aut dedisset idoneos fidejussores, & insuper triennali experimento, & tyrocinio constantiam probasset, recipi illum ad Religionem posse, quidquid Imperator decrevisset, Gregorius statuit. Ex hac facti narratione, non meis, sed Gregorij verbis contextà facile intelliges, multa à Maimburgo taceri, multa aliter narrari, quam se habeant. Vult enim, ut Pontifices Imperatori subdantur, eorumque legibus, quamvis iniquas purent, obtemperent, idque exemplo Gregorij probat, qui Mauritium Dominum suum appellat; qui se cinerem, & vermem vocat, quique ejus legem, quam iniquam putabat, nihilominus promulgaverit. At interim tacet Gregorium, cum hæc scriberet, initio epistolæ protestatum esse, se Pontificis auctoritate seposità, amico tantum, & privati stilo usurum; & idèd non per Legatos, & Apocrisarios suos, sed per Medicum Imperatoris tradi epistolam voluit, privato, non publico ritu. Verba Gregorij sunt: (b) *Omnipotenti Deo reus est, quò*

*Sere-*

(a) Concil. Carthag. I. Anno 348. in cap. un. de oblig. ad ratioe. V. Snar. T. 3. de Relig. lib. 5. cap. 7. & d. 53. in Decret.

(b) Greg. lib. 2. epist. 62. Indict. 12.

*Serenissimis Dominis in omni, quod agit, & loquitur, parus non est. Ego autem indignus pietatis vestre famulus in hac suggestione neque ut Episcopus, neque ut servus jure Reipublicæ, sed jure privato loquor, &c.* Et epistola ad Theodorum Medicum Imperatoris : (a) *Nolo eam (epistolam) à Responsali meo publicè dari; quia vos, qui ei familiaritè servitis, loqui ei libentius & apertius potestis, quæ pro ejus sunt anima, quoniam in multis est occupatus, &c.* Quid ergo mirum, si Gregorius indutâ privati personæ, privati etiam stilo, ac phrasi utatur? nam oportet sermonem personæ aptari. Secundò & præcipuè tacuit Maimburgus Legem Imperatoriam à Gregorio correctam, emendatamque fuisse, & ita, nec aliter Episcopis transmissam, præceptamque observari; at hoc non subjectionis signum, sed imperij, & auctoritatis fuit; cur ergo circumstantiam tacuit, in qua totus rei cardo vertebatur? sed nec potuit ignorare, qui enim epistolam ignorâ et typis vulgatam, & eodem loco à Baronio productam, in quo priorem epistolam ad Mauritium Maimburgus repererat. Denique Maimburgum interrogo, an omnia, quæ Gregorius fecit, scripsitque, pro talibus habeat, quæ nec argui erroris, nec improbari possint? An verò admittat aliqua ab eo facta, aut dicta esse, quæ pro conditione fragilitatis humanæ possint erroris notari? Si hoc ultimum Maimburgus admittat; dicam ego, hunc unum ex illis nævis fuisse, qui Sanctum Pontificem asperserint, dum videlicet legem Imperatoris, quam credebat Divinis legibus adversari, nimis in Augustos indulgentiâ Episcopis misit, promulgavitque; si enim mala, repugnansque Divinæ legi, deleri debuit suppressique, non vulgari. Si verò, an injusta ea lex esset, dubitabat, ad Pontificem, non Augustum pertinebat illud dubium resolvere; & quid Lege Divinâ permissum, aut vetitum esset, definire; quis enim non indigne rideatur, si Episcopi casus conscientiæ Imperatori mittant resolvendos, quando magis si Pontifices Romani? perinde, ac si miles expugnandæ Urbis rationem à statuarij potat, aut nauta de Pleiadam exortu, eventuque factores consulat. Si ergo Gregorius dubitabat, æqua, an iniqua lex esset Mauritiij, ipse de hoc dubio statuere, non Principi remittere debuit, juxta illud Michææ: *Libia sacerdotis custodient scientiam, & legem meam requirent ex ore ipsius.* Ubi vides, ex ore Sacerdotis legem DEI, non Imperatoris querendam esse. Si verò dicat Maimburgus, nihil eorum reprehendi posse, quæ

(a) Greg. lib. 1. epist. 65. Ind. 11.

quæ sanctus Gregorius fecit, scripsitque, sed omnes illius actiones regulæ instar nobis esse debere; quæro ex ipso, cur ergo non semel S. Gregorium ipse reprehendat? eumque obnoxium errori fateatur? in historia enim, quam recentissimè scripsit de Pontificatu S. Gregorij M. lib. 2. fol. 106. cum Joannis Patriarchæ Constantinopolitani causam contra S. Pontificem defendendam susceperet, hæc præmittit: *Rem, inquit, à suis principiis examinabo, & quis tandem cardo fuerit controversæ inter utrumque agitata; neque me magnum illud Gregorij nomen, & auctoritas morabitur, quin edicam ingenuè, uter istorum jure, an injuriâ certaverit. Equidem persuasum habeo, neminem in hoc mundo, quantavis sanctitate florentem, ab ea Regula exemptum esse, quæ habet, falli omnes mortales, ac errare posse. Et eodem lib. 2. à fol. 152. Prolixè rationes B. Gregorij confutat, quibus legem Mauritiij impietatis arguebat. Agnoscit ergo Maimburgus, errasse Gregorium, cum Mauritium, & Joannem Patriarcham arguebat. Quid ergo mali fuerit, si ego & errasse Gregorium dicam, non tunc quidem, cum Mauritium reprehendit, sed quando nimia indulgentiâ connivit, ejusque legem, quam iniquam censebat, recepit, transmittit; Episcopis. Tu Gregorium errasse dicis, cum Mauritiij legem, inculavit: ego errasse dico, cum recepit. An fortè tunc solum Gregorius errori obnoxius, cum Imperatores arguit, & non etiam cum blanditur? Malè ergo exemplo Gregorij utitur Maimburgus, cum eadem libertate, quâ ipse Gregorium severitatis, ego indulgentiæ damnem.*

Ejusdem fidei, & farinæ est, quod Maimburgus de Hildeberto narrat: (a) Hic, inquit, Ludovico Regi Regaliam exigenti restitit primò, deinde cessit; cur ergo non alij etiam Episcopi ejus factum imitentur? nam sanctitate, & doctrinâ florebat. Sed mirum est Hildeberti exempla produci, quo nemo fortius adversus Reges, majoriq; libertate pugnavit, ut postea videbimus: quod si daremus, eum in causa Regaliæ Principi cessisse, adhuc nihil probasset; quo enim tempore Hildebertus floruit, anno videlicet 1222. necdum Concilium Lugdunense peractum, necdum Canones extabant, & anathemata, quibus extendi Regalia vetabatur: necdum Parliamentorum Senatûs - Consulta, Regum edicta, & quatuor sæculorum observantia; verbo, necdum lis decisa erat, & sententia pro Ecclesijs lata: nunc verò causa finita, & nullus amplius excusationi locus est. Non ergo eadem est conditio Episcoporum, qui ante Con-

cilium

(a) Maimburg. du Lutheranisme. lib. 2. fol. 279.

cilium Lugdunense, & qui post illud vixere; olim venia errori, nunc nulla dari potest. Accedit Ecclesiam Turonensem, pro qua Hildebertus laborabat, ex illis Ecclesijs esse, quæ jam olim Regaliæ subdebantur, & de quibus nulla modò quæstio est. Cæterum veritas est, nunquam Hildebertum eum fuisse, qui in damnum Ecclesiasticæ libertatis Regibus cederet, imò constantissimè oblectatum, quod ex ejus epistolis, actisque perspicuum est; is enim maluit sævissimâ persecutione, ab Henrico Angliæ Rege jactari, & carceres subire, quàm ut ejus postularis contra Ecclesiæ libertatem annueret; sic enim in una suarum epistolarum loquitur: (a) *Longum est enarrare, quàm constanti tyrannide Rex Anglus in nos sevierit, qui temperantiâ Regis abjectâ decreverit non prius Pontifici parendum, quàm Pontificem compelleret in Sacrilegium; quia enim turres Ecclesiæ nostræ dejicere nolumus, transmarinis subjicendi judicijs co.âsumus injurias pelagi sustinere.* Et alibi in epist. ad Episcopos, & Clericos omnes: (b) *Oro vos, orate pro me; nam pro Redemptione nihil ago. Semel Christi sanguine redemptus, iterum redimi non requiro. Sanguis ille Redemptio mea, Sanguis ille pretium meum: præterea infamis est Redemptio, quâ libertas perit Ecclesiæ, quâ servitus comparatur, &c.* Epistolâ ad Honorium II. *Quantis tribulationum turbinibus Turonensis agitur Ecclesia, vestram, Venerande Pater, latere non credo Sanctitatem; adhuc enim Francorum Rex meam persequitur innocentiam, & quod constat esse Sanctuarij, addixit Fisco. His alijsque premor angustijs, quia Zelo Zelatus sum legem Domini DEI: qui non sum transgressus terminos, quos posuerunt Patres mei: quia dignitates Ecclesiasticas nec ex Regis præcepto disposui, nec ei disponendi facultatem indulsi; sciens enim, quod oporteret Deo magis obedire, quàm hominibus, Personas elegeri, quæ in disponendis Ecclesiæ negotijs pondus dici portarent, & assûs. (c)* Et alibi: (d) *Jam nihil est, quo serenitatem nimborum temporis expectem: nihil est, quo navis, in cujus puppi sedeo, crebris agitata turbinibus portum quietis attingat. Silent amici, silent Sacerdotes JESU Christi, denique silens & illi, quorum suffragio credidi Regem in gratiam rediturum. Eorum lumen erat, si res ita postulasset, opponere se murum pro Domo Israël. Verùm apud Serenissimum Regem opus est exhortatione potius, quàm increpatione, consilio, quàm præcepto: his ille conveniendus fuit, his reverenter instruendus, ne sagittas suas in sene compleret Sacerdote: ne*

## V

per-

(a) Epist. 20. Tomo. XII. Bibliot. SS. PP. V. Baron. ad Ann. 1107. n. 12.

(b) Epist. 39 in fin. (c) Epist. 67. ad Honor. II. Tomo XII. Biblioth. PP.

(d) Hildeb. epist. 75. ibid.

*persequeretur cineres Ecclesiæ jam sepultæ. Inter has tamen angustias nunquam de me sic ira triumphat, ut alicui super Christo Domini clamorem deponere vellem, seu pacem ipsius in manu forti, & excelsa adipisci. Suspectus est pax; ad quam non amore, sed vi, sublimes transeunt Potestates, & sæpe sunt posteriora pejora prioribus, &c. Et tandem in hæc verba concludit digna memoratu: Si invenero gratiam in oculis DEI, gratiam Regis vel faciliè consequar, vel utiliter amittam; siquidem offendere hominem propter Dominum, lucrari est gratiam Dei. Hic jam vides Hildeberti mentem multo aliam, quam ei Maimburgus affingat; vult enim tumultu, clamoribus, pœnisque canonicis abstinere, quæ Principes irritare magis, quam mutare solent; sed interim moneri illos, instruique jubet, & misceri reverentiam libertati, paratus tamen eorum potius gratiâ proscribi, quam Deum silentio offendere, & hoc ipsum lucro adscribens. Planè non est istud Regibus annuere, quod voluit Maimburgus, sed potius obniti, servatâ tamen reverentiâ Majestati debitâ. Quæ ergo fiducia Maimburgo fuit, Hildebertum inter exempla recensere Regibus assentantium? qui tamen maluit carceres, & inopiam ferre, quam ut Regibus Ecclesiæ libertatem submitteret: alioquin, eademque ratione, & Susanna inter amantium, & Samson inter timidorum exempla referri possent.*

*At Hildebertus Intercessores quasivit placando Regi. Verum id quidem; sed aliud est Principi assentiri, aliud rogare, ut innocentia, & ætati parcat jam sponte collabenti, & in occasum prona: si quis enim apud Barbaras gentes Evangelium prædicaret, captusque & ærumnis confectus, aut auro se redimi, aut Principum officijs curet, quis propterea deserta illum fidei incuset, aut sentire cum Barbaris dicat?*

*Quod verò Lutheri, & Melanchthonis exempla imitanda esse Episcopis dicat, qui à Carolo Imperatore jussi, concionibus abstinuere; id tam indignum, & ab omni procul ratione est, ut pudeat referre, nedum respondere; quis enim nescit ex Lutheri, & Melanchthonis disciplina Ecclesiæ ministros prophanis Magistratibus subdi? mirum ergo non est, ex istorum præscripto, aut tacere illos, aut loqui. At alia Catholicorum doctrina, alia instituta sunt; nisi fortè litare nos Jovi, & Marti, & Junoni jubeat, quia Aristoteles, & Demosthenes idem fecere; sed piget cum umbris luctari, pudetque Maimburgi tam fœda jactantis, sequè ipsum ludibrio exponentis tam vilibus mercibus,*

*Sextò.*



*Sextè. Concludit Maimburgus : In causis ambiguis, & quæ rationibus utrinque muniantur, partes Episcoporum esse, ne acquiescant Principum voluntati ; & istam Honorij, & Gregorij Pontificum sententiam fuisse. (a) Hæc Conclusio suis principijs responder, imò multò illis pejor est ; nec ramen præsentī causæ accommodatur, quæ ambigua non est, sed luce meridiana clarius, notæque certitudinis. Si enim, quod in Generali Concilio definitum est, quod totâ Galliâ receptum, quod quatuor sæculorum observantiâ, Regumque Edictis, ac usu perpetuo exercitum, probatumque est, non meretur, ut certum, clarumque dici possit, quærimus, quid ergo sit rem esse claram, & certam ? aut ad veram certitudinem, & claritatem quid illi desit ? Nam quodd à Gallorum nonnullis negetur, non idè certitudinem, & claritatem amittit : alioquin nec cælum moveri, nec terram, & montes stare, nec furtum minus flagitium homicidio esse, res erunt certæ indubiæque ; quippe ab aliquibus, Zenone videlicet, Copernico, Stoicisque Philosophis negatæ. Quid certius, quàm lilium candere, & fragrare rosas ? at istud Domitianus negabat fimetis assuetus : illud ihero, & bile perfusi. Non ergo paucorum contra communem sensum opiniones, præsertim cùm affectibus velut morbis imbuuntur, certitudinem rebus, & claritatem adimunt. Quod verò addit, in rebus ambiguis, & rationibus in utramque partem militantibus, cedendum esse Principum voluntati ; id planè novum mirumque est, & ab omni ratione alienum : imò in rebus ambiguis quid fieri, omitti que debeat, Sacerdotum, non Principum est, judicare, dicente Scriptura : (b) Si difficile, & ambiguum judicium apud te esse perspexeris, inter sanguinem, & sanguinem, causam & causam, lepram & lepram, & Judicium intra portas tuas videris verba variare ; surge & ascende ad locum, quem elegeris Dominus Deus tuus, veniensque ad Sacerdotes Levitici generis, & ad Judicem, qui fueris illo tempore, quæresque ab eis, qui indicabunt tibi judicij veritatem, & facies quodcumque dixerint. Et alibi : (c) Populum meum docebunt, quid sit inter sanctum, & pollutum, & cùm fuerit controversia, stabunt in judicijs meis, & judicabunt. Hic vides in rebus controversis, pugnisque opinionum non Sacerdotes Principum voluntati, sed istos submitti Sacerdotum judicio ; alioquin cùm nuquam rationes aliquæ Principibus desint, nuquam etiam corrigendi erunt, semperque eorum voluntati Episcopi subijacebunt ; quod quid est aliud, quàm Hierarchiam confundere, & ordines, ac castra*

V 2

Ecclesiæ

(a) Maimburg. du Luther. lib. 2. fol. 179. (b) Deuter. 17. (c) Ezech. 44.

*Ecclesiæ turbare ?* Quantis rationibus Valens, Theodosius, Valentinianus, aliique Imperatores cum Athanasio, Ambrosio, Chrysostomo pugnant ? ac nunquam impetrarunt, quæ postulabant ; quippe Pastorum est regere, non ovium : Ducum imperare, non milium : Navarchi ad clavum sedere, ac ventros distinguere, non turbæ : Medici remedia, ac morbos cognoscere : & tandem Sacerdotum, non Principum, Ecclesiam docere.

Quod si absurdum est, ut quis artem doceat, quam nunquam didicit, callitque, ut si auriga præcepta navigandi, tonfor pingendi tradant, & pictor tonfori, nauta parere aurigæ jubeatur ; quanto absurdius, ut Principes castris, & aulis nati, sacrorumque Canonum, ac disciplinæ Ecclesiasticæ, & regendarum animarum ignari, Ecclesijs, & Episcopis præscribant, & isti ab illis ducantur, hoc est, videntes, & docti, à cæcis, ignarisque ? præsertim cum regulæ, & principia, quibus aulæ, & Ecclesiæ reguntur, tantis differant intervallis. Imò fatale semper Principibus fuit, se causis Ecclesiarum miscere, & arcam contingere prophanâ manu, quod Ecclesiasticam historiam percurrenti perpetuò occurret. Constantini M. Imperium, pace, victorijs, diuturnitate, amplitudine felicissimum fuit ; crederes fortunam, & gratiam sub ejus signis militasse, aded omnia ex voto, prospereque fluebant : Maxentius, & Licinius Imperatores victi : Scythæ Gothique aliàs indomitæ gentes, fusi fugatique, & vestigales redditi : Persæ debellati : Pax Imperio reddita, internis externisque bellis sopitis : & denique ab ultimis terræ partibus Indorum Legati auro gemmisque graves, universo velut orbe florem hunc Principum, & delitium generis humani adorante. At verò, ubi manum in Ecclesias vertit, proscripto Athanasio, quem intercepti ex Ægypto frumenti accusaverant, (a) continuò prosperorum finis, & mors secuta, veneno à fratribus propinato ; quam ei mortem Athanasius prædixit ; cum enim exulandi imperium intrepido ut semper, invictoque animo accepisset, ferunt in has voces erupisse : (b) *Judicabit Dominus inter me & te, quoniam tu consentis calumniatoribus modestiæ nostræ.* Eadem ferè Theodosio juniore calamitas. Proclo Episcopo è vivis sublato successerat Flavianus ; displicebat ea electio Chrysaphio Evnucho in aula præpotenti, & Eudoxiæ charo ; quippe Flaviani sanctitatem verebatur flagitijs suis adversam, & Pulcheriæ viribus subnixam. Consilium ergo à dolis

(a) Anno 333. (b) Epiphan. hæc. 68.

dolis quæsitum. Monet Flavianum, ut Imperatorem sacro aliquo dono afficiat; id præmium fore acceptæ dignitatis, & arrham gratitudinis. Duo panes lubmissi; sed contendenti Evnucho, aurum, non panes expectari, respondit Episcopus: *Nullam sibi auri copiam esse, præterquam Sacri: hoc verò pauperibus, non aulæ deberi.* Hinc aucta offensio, & tunc præsertim, cum Flavianus Pulcheriam monuit, eam ambitionis suspectam Ecclesijs destinari, ut Regiâ submoveretur: prævenitque illa spontaneo recessu, Episcopo interim reo vulgati arcani; nec prius cessatum, quàm armatis in illum Eurychianis, Synodoq; Ephesinâ in exilium ageretur, annuitque Theodosius, privatis odijs a Chrysaphio, & Eudoxia imbutus. Secuta DEI vindicta, sequenti mox anno, Theodosio, dum venatui indulget, equis lapsio, & in Album fluvium abrepto. (a)

Anno CCCCLII. Valentinianus III. Imperator lege editâ immunitatem Ecclesiasticam minuerat, sublatâ fori exceptione, quâ Clerici hætenus gaudebant, & servis, inquilinis, colonisque, ne voris monasticis se illigarent, prohibitis. Eodemq; Anno Attila Italiam ingressus est, vastavitque torrentis more; Aquileia, Mediolanum, Ticinum captæ: & jam Romæ imminabat, cadebatque Imperium, nisi eloquentiâ, & Sanctitate Leonis Papæ respirasset, Barbaro in fugam, & ultra Danubium pulso. (b) Eam postea Legem Imperio fatalem Marcianus abolevit.

Anno DXVII. Hormisda Pontifex Max. Legatos cum Epistolis ad Anastasium Imperatorem miserat, monebatque, ut relictâ Eurychetis hæresi in Ecclesiæ sinum rediret, abstineretque persequendis Episcopis. Legati non solum auditi non sunt, sed etiam rejecti, & fragili cymbæ imparatæq; impositi, cum ventis, & undis liberet, perituri: inter alia conrumaciter dicta etiam hæc audita, & diplomati inserta: (c) *Nos jubere volumus, non juberi.* Sed quo eventu? sequenti anno insomnijs, & spectris vexatus, ac fulmine percussus, cum fugiens thalamos pererraret, infeliciter extinctus est. Elias verò Hierosolymis, Flavianus Antiochiæ Episcopi, quos exilio punierat, decimo post die, cælesti tribunali assistere visi sunt, & causam suam contra Anastasium dicere. (d)

Anno DLXV. Justinianus Imperator non legibus, non armis contentus, quibus æternam gloriam sibi paraverat; dum etiam in ipsas aras

V 3

manus

(a) V. Baron. ad Ann. 450. ex Ced. Nic & Zon. (b) Maïcellin. & Cassiod. in Chron. (c) Anastas. in Hormisd. (d) V. Spond. ex Cyrillo, & Sophron. Anno 518.

manus profert; Concilio Chalcedonenſi bellum intendit, Vigilium, aliosque Episcopos damnat, proſcribitque, ac totas noctes verſandis rebus Eccleſiæ inſumit, repentinâ morte ſublatus eſt, cum prius hæreſin incidiffet. Lis inter ſcriptores de Anima eſt; ego pænituiffſe credere, & abſolverem, ſi modò juvari poſſet credendo, oprandoque: illud timorem auget, quòd eo momento raptus ſit, quo Epifcopo Antiocheno exilium dictabat. (a)

Anno DCCCCLXXXIII. Otho II. Epifcopatum Merſeburgenſem Beato Laurentio dicatum extinxerat, unieratque Archiepifcopatu Magdeburgenſi: eodem anno feſtinante DEO vindictam ejus exercitus à Græcis in Calabria caſſi, & ipſe Imperator vix natando evaſit, pervenitque Romam, ubi etiam mœrore conſumptus eſt. Auctor Vitæ S. Hildeberti (b) narrat paulò ante mortem, & nocte intempèſtâ juvenem apparuiſſe, decore ignitoque vultu, & candido amiculo, purpureaque ſtolâ inſignem. Aureum ſolium Imperatorem ſuſtinebat, circumfuſâ Epifcoporum, Optimatumque coronâ. Illuc juvenis accurrit, ſubduxitque argenteum ſuppeditaneum irato ſimilis; & uni, ne id ageret, inclamanti, minaciter reſpondit: *Imò, ſi meum dedecus non emendat, majora faciam, & ſubtracto ſcabello ipſo ſolio deponam.* Paulò poſt, ut fides vaticinio eſſet, ſecuta clades, & mors Imperatoris. In hujus filio Ottone videlicet III. Magni Ottonis Nepote (qui veneno periijt chirothecis ab Amica inſuſo) concidit Regnantium Ottonum ſtirps; idque, ut creditur, in poenâ uſurpatæ Pontificum electionis, ut ſcribit Baroniſ. (c) Nam ſi Ottonis fortunam, virtutes, & potentiam ſpectes, perpetuum in ejus familia videri Regnum poterat, fuiſſetque, ſi intra aulam, & caſtra ſtetiffet, Eccleſijs intactis.

Anno MXXXVII. Conradus Imperator Mediolani Archiepifcopum Imperio perduellem bello periijt, agrum Mediolanenſem vaſtavit, & leges viſtis præſcripſit; inter quos Placentinum, Cremonenſem, & Vercellenſem Epifcopos exilio damnavit; ſed DEO improbante: (d) cum enim Coronam Imperialem incingeret, tonitrua, & fulmina micare, tantoque impetu tempeſtas agebatur, ut alij mente, alij vitâ exciderent; & Bruno Epifcopus teſtatus eſt, viſum à ſe, dum Sacris operaretur, Sanctum Ambroſium irato minaciue vultu vindictæ accingi: nec mul-

(a) V. Niceph. lib. 17. cap. 31. Evag. lib. 3. cap. 2. (b) Auctor Vitæ S. Hildeberti contemporaneus apud Sur. die 23. Apr. (c) Baron. ad Ann. 1002. (d) Sigebert. In Chron. ad Ann. 1039.

tum dilata est, ingenti peste in exercitus immisâ, quæ etiam domum Cæsaris libavit, & ipse inopinâ morte decessit. (a)

Anno MCVI. Henricus III. Imperator, qui Gregorium VII. ausus fuerat Pontificatu exuere, Antipapam Guibertum decernere, Romam invadere, omnes, qui legitimo Pontifici adhæserant, persequi; (b) tandem à Principibus desertus, à filio oppugnatus, coactusque imperio cedere, vitam privatus absolvit, omnium ferè, qui ejus scelera execrabantur, gratulatione.

Anno MCXC. Fridericus Ænobarbus Imperator, cum in Oriente militaret, & ingentibus victorijs Saladinum profligasset, cæsis unâ acie quadringentis millibus equitum, cum ipse sexcentos tantum haberet: alterâ ducentis millibus; infelici casu spem omnem, fructumque tot laborum amisit; cum enim propter ripam Cydni amnis, quem paulò ante transmiserat, epulatus esset, æstum solis, qui tum maximè flagrabat, levaturus, invisante purissimo liquore, in amnem se conjecit, exceptit deliquium animique defectio, & sub vesperam mors. Secutæ omnium lacrymæ, etiam hostium. Fas equidem non est, Divina consilia metiri oculo mortali. Neubrigensis (c) tamen non dubitat cælesti vindictæ adscribere, quam Fridericus provocaverit persecutione Alexandri Pontificis, & quòd electiones Episcoporum turbasset. Friderico Henricus Filius successit, & huic Otto; nam Philippum ex Henrico Friderici Nepotem Innocentius III. rejecerat, utpote diris implicitum, cum à nonnullis Principum electus est: & illi res prosperæ, florensque fortuna, dum sacris reverentiam habuit. At verò, ubi Beneficiorum immemor, quæ ab Innocentio III. acceperat, Ecclesiæ terras invasit, multis prælijs cæsus, à suisque relictus, Imperio, & vitâ caruit; poenituit tamen, doluitque. (d)

Fridericus II. Romanæ Ecclesiæ, summisque Pontificibus toties infestus, & anathemate percussus, tandem à proprio filio strangulatur. (e)

Infinitus sim, si omnia percurram, quæ in hanc rem dici possunt. Sunt etiam memoratu digna, quæ in sacris litteris proponuntur: Ozia videlicet Regis: (f) *Qui cum roboratus esset, elevatum est cor ejus*

(a) Herman. Contract. ad Ann. 1037. (b) V. Otton. Frising. & Ursperg. in Henr. III. (c) Neubrig. Lib. 4. cap. 13. (d) V. Abb. Ursperg. & Stadeni. ad Ann. 1114. (e) Anno 1150. (f) Paralip. 2. cap. 26.

ejus in interim suum ; ingressusque templum Domini , adolere voluit incensum super altare Thymiamatis , & minabatur Sacerdotibus , statimque orta est lepra in fronte illius , &c. Et Saulis , cujus pavendum Regibus exemplum, cum Sacrificia obtulisset contra præceptum Samuelis, Sacræ litteræ ita recensent: (a) *Et obtulit Saul Holocausta , & pacifica ; cumq; complisset offerens Sacrificia , ecce Samuel veniebat , & egressus est ei obviam , ut salutaret eum ; & dixit ei Samuel : Quid fecisti ? Respondit Saul : Quia vidi , quod populus dilaberetur à me , & tu non veneras juxta placitos dies , porro Philistijm congregati fuerant in Machmas ; necessitate ductus , obtuli holocaustum . Dixitq; Samuel : Stulte egisti , nec custodisti mandata Domini DEI tui , quæ præcepit tibi ; quod si non fecisses , jam tunc præparasset Dominus Regnum tuum in sempiternum ; sed nequam Regnum tuum consurget . Hic jam vides , quantum inter se differant DEI , & Politicorum consilia : volunt isti , ut Principibus aliqua imperantibus , & rationes imperandi afferentibus , Episcopi non solum non obstant , sed etiam obsequantur , quamvis iniquum imperium putent , improbentque rationes , velut Divinæ Legi contrarias , quasitasque velandis flagitijs . At alia DEI sententia est , qui in rebus ambiguis vult ex Sacerdotum arbitrio Reges pendere ; stultosque appellat , qui in rebus sacris exiles aliquas prudentiæ humanæ regulas eorum præceptis anteponunt . Quæ non obindebat Saul , ne imperio Samuelis stringeretur ? Morari Sacerdotem , exercitum dilabi , hostes imminere , & tandem necessitatem omni lege majorem . Si Maimburgus in castris , & Senatu fuisset , non unum tantum Samuelem , sed omnes Prophetas , & Patriarchas his rationibus repulisset , nec ullum finem laudandi Regis inveniret ; & tamen is stultus appellatur , & in præmium contempti Sacerdotis Regno moveretur . Idem ferè in alijs exemplis , quæ produxi observes ; nemo enim Imperatorum , cum Sacerdotibus obfisteret , suis rationibus carebat : nec istæ unquam Principibus defunt , in tanto adulantium numero , & qui ingenia , calamosque locant inaurandis mendacijs , celandisque , ne appareant . Nec funestos eorum exitus casui adscribas , non destinatæ vindictæ ; quæ enim casu fiunt , rarò paucisque contingunt , nec uni facto alligantur ; nec enim omnes , qui fodiunt , in thesauros incidunt : nec omnes , qui navigant , in novas Insulas , & Regna jactantur ; at verò omnes ferè , qui rebus sacris , & Sacerdotibus salubria monentibus infesti fuerunt , cælestem*

(a) Reg. I. cap. 13.

cælestem vindictam experti sunt. Huc tendunt Maimburgi insignes Aphorismi, quos merito *Artem* appelles, *blandissimè percuti*.

IV. *Opponitur* 10. Plerique Episcoporum, imò omnes, si duos excipias, Regaliæ, ejusque extensioni subscripsere : cur ergo omnium sententia non duobus prævaleat ? nam & pietate, & doctrinâ conspicui erant. Quis ergo credat, aut cæcos illos omnes, aut impios fuisse, ut veritatem vel non viderent, vel proderent ? Et planè cum in rebus moralibus maximum sit momentum in auctoritate dicentium, ea vincet sententia, quæ plus habet auctoritatis ; ea verò plus habet auctoritatis, quæ omnium, quàm quæ paucorum est.

*Resp.* Multa sunt, quæ responderi possent ad hoc argumentum ; supponit enim fallium, videlicet duos tantum fuisse Episcopos, qui se Regaliæ opponerent ; imò plerique obstinere, & quàm ægro, invitoque animo Regiam Declarationem acciperent, multis signis expresserunt : alij protestati sunt : alij eodem momento, cum subscribebant, cogi se clamabant, jubebantque à Notario, & testibus in tabulas referri : (a) omnes denique, cum ad Pontificem scripsere, timorem professi sunt. (b) Agnoscebant ergo injusta imperari, & quæ libertatem Ecclesiarum, & conscientiam læderent. Nec consensus dici potuit, quem metus expresserat.

Non ergo Alestensis, & Apamiensis Episcopi contra omnes soli sentiebant, imò cum omnibus, cum nemo esset, qui ignoraret, iniqua à Regiis postulari. Soli tamen ausi sunt veritatem exilijs, & pœnis præferre, & humanum timorem Divino posthabere. Nec ista, ut Politici vocant, singularitas, aut obstinatio fuit, sed constantia, & libertas Sacerdotibus digna ; alioquin obstinati omnes Martyres : & Ambrosius, Chrysostomus, Athanasius, Basilus obstinati fuistis. Quòd si, ut dicunt, plurimum exemplis vivendum est, quæ non flagitia licebunt, aut qui locus virtuti ? cum ista paucorum sit, illa verò multorum ?

Deinde quâ fiduciâ dicunt solos fuisse Alestensem, & Apamiensem Episcopos, qui noluerint extendendæ Regaliæ consensum præstare ? qui enim soli, qui cum Concilio Universali Lugdunensi mille, & quingentis Patribus frequenti ( inter quos duo Patriarchæ, Constantinopolitanus, & Antiochenus, quindecim Cardinales, septuaginta Archiepiscopi, & Episcopi quingenti ) hoc est, cum flore totius Reipublicæ Chri-

X

stianæ,

(a) M. de Pamiers Traict. de la Regale f. 178. (b) Epist. Innoc. XI ad Episc. Gall.

*rianæ, cum omnibus quatuor sæculorum sacris prophanisque Doctoribus sentiebant? Et si omnia deessent, qui suffragio imperioque Romani Pontificis nitebantur: si hoc est esse solum, quæro, quid ergo sit cum multis sentire? aut qui sunt illi, quos audeas, non dico præferre, sed etiam æquare Concilio Lugdunensi? Et si omnium sæculorum documenta, moresque percurras, inuenies id semper à sanctis Episcopis observatum, ut illi causæ adhærent, eamque probarent, quæ Romanis Pontificibus placuisset, & ab hoc victoriam, non à multitudine sperarent. Exemplum in promptu. Athanasium totus ferè Orbis, omnesque Episcopi damnauerant, solus Liberius tuebatur; cui cùm Constantius Imperator obijceret: Totus terrarum Orbis non de ejus impietate solum, verum etiam, quòd tempus ludere conatus est, sententiam tulit, omnesque terrarum Episcopi, qui in Concilio Tyri celebrato aderant, eum condemnauerunt. Tantam Orbis pars in te, Liberius, refidet, ut tu solus homini impio subsidio venire, & pacem Orbis, ac Mundi totius dirimere audeas? Respondit Liberius, quæ ad rem præsentem apprimè faciunt: Qui ejus damnationi subscripserunt, hos idèd sustulerunt, ut quòd gloriam à te assequi, vel quòd metu perculsi, vel denique quòd infamiam extimescere viderentur, nec Dei gloriam amplexantes, sua munera ei prastulerunt. Isto, quòd ego sum solus, non propterea causa fidei sit inferior; nam olim tres solum erant reperti, qui Regis mandato resisterent. Et cùm Constantius replicaret: Unum est, quod quaeritur: volo, ut in Ecclesiis Athanasium condemnantium communionem amplectaris, & deinde Romam redeas; proinde paci consue, subscribe, ut Romam revertaris. Respondit dignam Pontifice sententiam: Jam fratres, qui Romæ sunt, valere iussi; nam leges Ecclesiasticas observare pluri facio, quàm Romæ habere domicilium. (a)*

*Hic vides, nec Liberium multitudinem, nec Athanasium spectasse, sed huic Liberij sententiam, Liberio Athanasij innocentiam, & æquitatem ante omnem multitudinem fuisse. Joannem Chrysostomum ab omnibus ferè desertum, damnatumque in gratiam Imperatricis, nihil magis inter tot mala solabatur, ut Innocentij Pontificis cura, & amicitia secum sentientis; sic enim, cùm Cucusi exularet, ad eundem Pontificem scribit: (b) Tertium nunc annum in exilio versamur, exposui pesti, fami, bello, continuè obsidionibus, solitudinis indicibili, quotidiana morti, & Ilarsici gladijs: & non mediocriter consolantur vestra solida fides, & charitas, quæ se in*

me

(a) Theodoret. lib. 2. cap. 16. Anno 355. (b) Si Chrysost. epist. 2. et 7. Anno 406.



*me tam tenui, ac simplici oblectam. Hic noster murus, hæc securitas, hic parvus absque fluctibus, hic multorum bonorum thesaurus, hac læticia, mirificæque causa voluptatis, &c.*

Advertis, quid Sanctis olim solatio fuerit, Romanum videlicet Pontificem à suis partibus stare. Solus erat Anselmus, qui libertatem Ecclesiæ Anglicanæ sustineret, reliquis omnibus silentio, & metu defixis; sic enim narrat Matthæus Paris. (a) *Anselmus à Rege ut læsæ Majestatis reus postulatur; huic accusationi, & plurimi Episcopi, præter Episcopum Rossensem, suum calculum adiciebant, & facti sunt ut canes latrare non auderent. Sed quid Anselmo animos adderet, disce ex Wilhelmo Malmesburienſi: Subetur, inquit, Anselmus Regi hominum facere, vel absolutis morarum nexibus Regno excedere. Quin potius, respondit ille, inspiciantur Apostolicæ litteræ, & quod tenor earum continet, fiat, &c.* Solus D. Thomas Cantuariensis in acie perstabat, reliquis omnibus in fugam averſis; sic enim Bosoni Cardinali scribit: (b) *Quem aliorum Episcoporum in Insula nostra vidisti, aut legisti se pro tuenda libertate Ecclesiæ, pro conservandis Institutionibus Patrum, pro reverentia, & obedientia Sedis Apostolicæ, præter Cantuarienses, se opposuisse Principibus? & nostrâ quidem ætate, nec unus extitit: & si veteres revolvitur historia, nullus occurret, &c.* Sed quid eum sustentaret tot adversus impellum, audi ad Alexandrum PP. scribentem: (c) *Non est, ad quem habeamus refugium post Deum, nisi ad te; cum etiam ipsi opponant se nobis favore hominum, qui intuitu pietatis, & justitiæ ob reverentiam Sacrosanctæ Ecclesiæ Romanæ nobiscum stare debuerant, & pugnare pro nobis.* Et ad Henricum Cardinalem: (d) *Certum verò sit, quod nos peram nostram, vel causam Ecclesiæ non credemus, nisi judicio Domini Papæ, cui Ecclesiæ Anglicana stabit, aut cadet.* Ergo D. Thomæ tam fœdâ tempestate jactato portus Romæ, & anchora fuit; idemq; omnibus sanctis Episcopis animus erat, qui Christum in suo Vicario, cum extremis premerentur, amplexabantur: idq; D. Hieronymus egregiè expressit: (e) *Ego, inquit, nullum premium, nisi Christum sequens Beatitudini tuæ, id est, Cathedræ Petri, communionem conficior, super illam Petram a edificatam Ecclesiam scio; quicumq; extra hanc domum agnum comederit, profanus est: quicumq; tecum non colligit, spargit, hoc est, qui Christi non est, Antichristi est, &c.* Et iterum: *Hic in tres partes scissa Ecclesiæ me ad se rapere festinat; ego interim clamor, si quis Cathedræ Petri jungitur, meus est.*

X 2

Non

(a) Matthæus Paris. sub. Gul. 1. ad Ann. 1094. (b) Epistolæ & Vit. D. Thomæ lib. 1. epist. 136. (c) Ibid. epist. 47. lib. 2. (d) Ibid. lib. 2. epist. 73. (e) Hieron. epist. ad Damasum Papam,

Non ergo obstinati, non singulares, Aleſtensis, & Apamienſis Episcopī fuerunt, qui omnium retrò Patrum, & Galliæ ipsius exempla, ac Pontificis Romani jussa, adulationi, suisque commodis prætulere; aut si ista contumacia fuit, Apostoli, Martyres, omnesque sancti Episcopī istius culpæ rei sunt; istos prius incusent, nam exemplis præluxere. Quod si veritas aliquando, & aperrè dicenda est, ac Principibus obſistendum: nec poenæ, exilia ac regnantium odia curanda sunt; quæro, quando id magis, quàm in præſenti causa agendum fuerit, ubi tot modis veritas eluxit, ut ne ab adversarijs quidem negata ſit; & qui illam prodidere, solum metum professi ſint. At metus nec militem, nec Episcopum excuſat, cui dictum est: *Bonus Paſtor ponit animam ſuam pro ovibus ſuis.*

Quando animam ponent, qui ne vocem quidem auſi ſunt ponere memorem priſtinæ libertatis? aut quæ ignavia Paſtoris fuit, non tantum cominus non pugnare; ſed ne clamare quidem auſi contra lupum irruentem? miſeras oves his cuſtodibus creditas! ſed quid dicas, quando nec pugnarum pro ovibus eſt, nec clamarum, ſed ſædus potiùs, & ſocietas cum vaſtantibus inita? At iſtud non Chryſoſtomī, non Baſilij, non Ambroſij fecere, quorum virtuti, & doctrinæ, ſi Maimburgum componas, ne umbram quidem efficiet; neque ipſe pro ſua modèſtia diffitebitur: cur ergo non eorum potiùs exempla imiteris, quàm iſtum audias?

*Dices.* At eorum auctoritas, quæ Regis Declarationem, extensionemque Regaliæ admiferunt, hanc opinionem probabilem reddit; cur ergo non liceat amplecti? nam & hæc eſt probabilium ſententiarum natura, & privilegium, ut eas impunè, ac innocenter amplecti poſſis: & hac tempeſtate id more receptum, ut patet totam Theologiam moralem deſcendenti, in qua nullam ferè paginam reperiās, non hoc ſaccharo animarum reſertam. Et ferè, ut jam novitas, ac illecebræ colorum in veſtibus, ita novitas ſententiarum in ſcholis admiſſa eſt, mundoque arri-det; quidni ergo te tempori aptes?

*Reſp.* Non eſt otij, ac inſtituti mei, quantam moribus, ac diſciplinæ Eccleſiaſticæ cladem opinandi licentia intulerit, hic oſtendere: ſatis experientia loquitur, & dedecora ſententiarum, quæ Theologiam deſcèdant, adeò, ut non amplius caſtæ Matronæ ſimilis, ſed impudica, crudelis, mendaxque procedat, & qualem vel ipſi Gentiles, Socrates, & Ariſtoeles, averſentur: mille videlicet coloribus fucata, & omnium amoribus,

ribus, & cupiditati prompta; possemque longâ inductione demonstrare, nullum ferè Decalogi præceptum esse, quod illa non corruerit, casumque reddiderit; imò non Catholicæ tantum, sed etiam Christianæ Religionis fundamenta convellit; hinc tot illæ Episcoporum, & Pontificum querelæ, conatusque huic malo sedando: nec alij magis ei tollendo, ut Galliæ Episcopi laborarunt. Malè ergo præsidium petunt ab opinandi licentia, quam & ipsi erubescunt, damnantque, sed, ut dixi, alterius loci hæc quæstio est. Hic solum asserimus, sententiam, quæ docuit Regiam extendi posse, nequaquam inter probabiles censi; qui enim probabilis esse possit, quæ ab Universali Concilio damnata est? quæ diris percussa?

Quæ in Concilijs Universalibus decreta sunt, adeò ex sententia Conventus Parisiensis pro certis habenda, ut ne à Pontifice quidem mutari possint. Si certa, ergo quæ illis opponuntur, non sunt probabilia, sed penitus improbabilia, & absurda; quemadmodum quia hæc propositio: *Nix est alba*: est certa; idè propositio illi opposita, videlicet: *Nix non est alba*: est omnino improbabilis; nam, ut dixi, quidquid certo opponitur, est penitus improbabile. Quod si illa, quæ Conciliorum Decretis opponuntur, sustineri ut probabilia possunt; ergo quæ ab Ario, à Nestorio, à Pelagio, Luthero, alijsque hæreticis tradita, & à Concilijs improbata sunt, defendi ut probabilia, tenerique poterunt; nam si dicas: *Idè hæreses esse, quia Scripturis adversantur, & à tota Ecclesia reiectæ*. Continuo respondebunt: *Hoc ipsum queri, an Scripturis adversantur, an Ecclesia rejecerit? utrumque quidem in Concilijs definitum esse, sed utrumque à se negari: sententiam Concilij contrariam, ut probabilem sustineri; quippe non tantam esse Conciliorum auctoritatem, ut contra illam non agere, non sentire liceat*. Vides, quo tandem deveniant, quibus non tam veritas ad scribendum, quam affectus, & cupiditas fuit; coguntur enim refellere, quæ prius edixerant: & auctoritatem Conciliorum, quam prius ad stellas usque evexerant, cum videlicet eam Pontifici opponebant, nunc tantundem deprimere, cum se illâ vident impugnari. Ergo Concilia nunc infirma, nunc valida sunt, ut Gallis conduxerit. Et quid rogo Concilij opus, tot expensis, tot laboribus, annisque coactis, si quæ illa vetant, fieri adhuc possunt probabilioris obtentu? hæc enim aperit, quod illa claudunt: parumque interest exire volenti, si cum unam clauseris januam, alteram pandas.

*Sed Concilium, dices, non potuit adimere, quæ ad jura, Regumque Dignitates spectant; id verò est Jus Regalia.*

Respondeo Jus Regaliæ plura complecti: Jus videlicet percipiendi fructus feudales, & Regalium: Jus percipiendi alios fructus ex oblationibus, & donationibus fidelium: & denique jus conferendi Canonice, & alia Beneficia vacantis Ecclesiæ: hæc duo ad Regiam potestatem pertinere, nec legibus Ecclesiæ subijci, tam est falsum, ut nihil amplius; aut enim hæc jura sunt sacra, aut profana? si sacra, non ergo ad Dignitates profanas spectare possunt: si profana, cur Canones toties, imò semper de illis disponunt? cur vetant in usus profanos converti? cur sacrilegij notant, qui illa invadunt? cur Simoniacos, qui dato acceproque pretio acquirunt? hæc planè haud conveniunt merè profanis: & mirum est, aut ignorasse Concilium, quæ illius essent, vel non essent potestatis: aut voluisse aliena usurpare: aut Principes, qui tanto numero aderant, passos esse sua jura involari, præsertim Galliæ Reges (qui hoc Concilij Decretum quadringentis fere annis amplexati sunt, nunquam injuriam questi) aut donique Maimburgum, eique similes, quæ jura Principum essent, melius, quam ipsos Principes, Patresque Concilij calluisse; hæc omnia tam clara sunt, ut ab illis tantum ignorari possint, qui nolunt intelligere, ut bene agant.

Ex his omnibus manifestè conficitur, nullam Conventui Parisiensi contra Universale Concilium auctoritatem fuisse, nec posse, quæ illi statuerunt, ut probabilia sustineri; præsertim cum metu agerentur, quod ipsi in epistolis ad Innocentium XI. Pontificem Maximum professi sunt; quis enim nescit, suffragia metu extorta pro nullis haberi? nec is metus ex vano erat, cum passim spolia, exilia, carceres, & pejora etiam illis omnibus indicerentur, qui Regaliæ obstitere; qui ergo vota numerari possunt tot minis pœnisque expressa? absint catenæ, cessent proscriptiones, odia minasque remove, ineanur suffragia sine contentione, & minis; liberæ sint voces Sacerdotum, & tunc demum vota, & consensus numerate, nunc verò quid extorta objicitis, & prolata invitis animis? voces, non vota fuerunt. Et denique si absint hæc omnia; quis nescit Acta Conventus Parisiensis à Pontifice Romano improbata esse? sic enim in litteris ad Galliæ Episcopos datis loquitur: *Quamobrem per presentes litteras tradita nobis ab Omnipotente Deo auctoritate, improbamus, rescindimus, & cassamus, quæ in istis vestris Comitibus acta sunt in negotio*

*negotio Regaliæ, cum omnibus inde secutis, & quæ in posterum attentari continget, eaque perpetuò irrita, & nulla, & inania declaramus; quamvis cum sine ipsa per se nulla, cassatione, & declaratione hujusmodi non egerent. (a)*

At verò Acta Conciliorum, quæ Pontifices Romani improbârunt, nullius roboris esse, nec posse in opus deduci obtentu probabilitatis, res est certa, & toti retrò antiquitati nota, ac alibi probata. Sufficiat nunc audire S. Leonem: (b) *Confessiones, inquit, Episcoporum Canonum apud Nicæam conditorum regulis repugnantes in irritum mittimus, & per Auctoritatem B. Petri Apostoli generâli prorsus definitione cassamus.* Et Beatum Gregorium: (c) *Cuncta acta illius Synodi Sede contradicente Apostolicâ, soluta sunt.* Nec audebant Galli negare, qui saltem Concilia particularia infra Pontificis auctoritatem esse docent, ejusq; legibus, & potestati subjecta. In quamcunque ergo partem te vertas, nulla est Comitij Parisiensibus auctoritas, nulla probabilitas, quâ munire te possis.

*Obijciunt* 11. At saltem, quamvis omnia alia desint, nomen, & auctoritas Ecclesiæ Gallicanæ multum momenti, & ponderis habet, & aliquid ei deferendum erit, nec enim persuaderi hominibus potest, errasse viros tantâ doctrinâ, & virtute, ac famâ præcipuos.

*Resp.* Mirum non est, illic errorem fuisse, ubi alios odium, & vindicta, alios spes, & cupiditas, omnes verò metus urgebat. Quanti Osius, Tertullianus, Lucifer, Origenes, Patresque Ariminenses viri? & hi tamen iisdem causis cecidere. Etiam angelos subvertit fastus, & æmulatio. Quod si durum, credituque difficile tibi videtur aliquot Galliæ Episcopos errasse: at mihi multò durius, errasse Concilium Lugdunense, mille Infulis frequens, & cum illo quadringentos ferè annos errasse Ecclesiam Gallicanam, quæ in hæc usque tempora Regaliâ negavit posse dilatarî; vanitas enim & fucus est, cum dicunt Gallicanam Ecclesiam Regaliæ suffragari; imò nulla magis obnixâ est, nec olim tantum, sed etiam hac tempestate ut injustam agnovit; & planè ab Ecclesiæ Gallicanæ genio, ac institutis degenerat, qui proferendæ Regaliæ assensum præbuit.

Anno

(a) *Litt. Innoc. XI. ad Arch. & Episc. Galliæ Anno 1681.* (b) *Acta Conciliorum à Romanis PP. improbata nullius momenti esse Regal. Sacerd. lib. 2. §. 10. S. Leo ep. ad Pulch. 55.* (c) *Greg lib. 4. ep. 34. Basil ep. ad Athanas. 52. Theodoret. lib. 2. cap. 32. Sozom. lib. 4. cap. 18. & iterum Greg. lib. 7. cap. 70.*

150 Dissert. I. §. VI. Rationes aliæ pro Regalia

*Anno MCCLXXIV.* Concilium Lugdunense, cujus Galliæ Episcopi magna pars erant, Regaliam extendi vult: idemque Regis Christianissimi Philippi Audacis Oratores censuerunt: imò, ut faretur Guillelmus Durandus (a) testis oculatus, quique Canones Concilij pertexebat, hoc ipsum Decretum *ad clamores Prælatorum Franciæ promulgatum est.* Nobiscum ergo runc Gallia sentiebat.

*Anno MCCCII.* Philippus Pulcher jubet Regaliam *ad aliquas tantum* Ecclesias, & ubi hætenus *consueverat*, pertinere.

*Anno MCCCIV.* Philippus Valesius in sua Philippina Constitutione Regaliam non ab omnibus Ecclesijs exigere vult, sed ab ijs tantum, *quæ Juri Regaliæ subduntur.* Eodem modo loquitur Constitutio: *Dum Episcopatus.* Et Codex de antiquis moribus Galliæ: (b) *Non omnes Episcopatus Juri Regaliæ subduntur.*

*Anno circiter MCCCC.* Celebris illa Constitutio edita est, cujus initium, Dominus Rex, in qua index omnium Episcopatum contexitur, in quibus Regaliæ locus est, aut non est, ibi: *Dominus Rex, prout constat per antiqua scripta Cameræ, consuevit capere Regaliam, cum vacaverit in Provinciis, quæ sequuntur: in tota Provincia Senonensi, &c. Exceptis Diocesi Antiodorensi, Cameracensi, Lemovicensi, Cithurcensi, Ruthenensi, Albiensi, Mimasteri, Macloviensi, Trecorensi, Auxitanensi, Arel.ensi, & totâ linguâ Occitanâ.* Evidens ergo est, ad aliqua tantum Galliæ loca Regaliam fuisse restrictam.

*Anno MCCCXLII.* Alia, & antiquior Constitutio, seu Designatio edita est Ecclesiarum Regaliæ subiectarum, cui titulus: *Ecclesiæ cadentes in Regaliam:* & habetur in Regesto rationum Cameræ Parisiensis, continetque triginta Dioceseon nomina, inter quæ nulla penitus Ecclesia Provinciarum Aquitaniæ, Septimaniæ, Provinciæ, & Delphinatûs; supponit ergo has esse exemptas. (c)

*Anno MCCCCXCIX.* Ludovicus XII. prohibet sub pœna Sacrilegij, ne Officiales Regij in eos Archiepiscopatus, aut Episcopatus Regaliam inducant, in quibus hætenus ea Regi non competebar.

*Anno MDLXXXIII.* Cum Pybracus celebris Advocatus contenderet Regaliam toto Regno extendi, reclamaverunt Ecclesiæ Gallicanæ Deputati, & Henrico III. demonstrârunt: Ecclesias, non solum quæ titulo oneroso, sed etiam quæ à tempore memoriam hominum excedente libertatem suam possedissent, Regaliâ exemptas esse.

*Anno*

(a) Guill. Durand. in Concil. Lugdunens. edito à Simone Majolo Anno 1569.

(b) L' ancien. Coutumier de France lib. 3. (c) Traët. Gen. de Regalia f. 406. fusd.

Anno MDCVI. Cum eandem Regaliæ extensionem Regij Advocati urgerent; ad querelas Ecclesiæ Gallicanæ Henricus IV. edixit: *suæ mentis non esse, ut ultra morem, receptamque hactenus consuetudinem Regalia extendatur.*

Anno MDCVIII. Advocato Servino eandem Regaliæ ad omnes Ecclesias extensionem urgente, à Clero Gallicano repetitæ querelæ, suas immunitates minui clamante; & Henricus superfederi jussit, causamq; ad se advocavit.

Anno MDCXXXVIII. Syndicus Ecclesiarum Narbonensis, & Tholosanæ Senatui Regio titulos, & documenta exhibet, ob quæ in eas Ecclesias nullum esse Regaliæ locum contendebat, protestatus tamen, ne hic actus, & abundans, nec necessaria probatio, ullum ijs Ecclesijs præjudicium afferret.

Anno MDCLV. In Comitij Cleri Generalibus Bosquetus Glanenſis Episcopus, & Marca Archiepiscopus Tholosanus coram Mazarino Cardinali eleganter solideque Exemptionem Ecclesiarum Septimaniæ, aliarumque, & nomine Cleri Gallicani prosecuti sunt.

Anno MDCLXX. In Comitij Cleri Archiepiscopus Hebrömanensis pro eadem à Regalia exemptione insigniter diffuseque peroravit; ejusque de hac re Dissertatio in Cleri Archivis repozita est.

Anno MDCLXXXII. Illi ipsi, qui Regaliæ subscripserunt, in litteris ad Innocentium Pontificem datis, profitentur: *Se timore adactos, ne Imperium, & Sacerdotium colliderentur, multorumque malorum, quæ in Ecclesiam, & Rempublicam consequi possent, jure suo cessisse, & illud in Regem contulisse.* Farentur ergo, jus percipiendi fructus vacantium Ecclesiarum, conferendi que Beneficia, ad Clerum, non ad Regem pertinere: alioquin quomodo cederet Clerus, quod ad eum non pertinebat? quomodo in Regem transferret, quod alias ad Regem spectaret? Denique in hanc nostram sententiam omnes ferè Galliæ Juris-Consulti conveniunt, videlicet: Gille le Maître, Glossa in Pragmaticam Sanctionem, Duarin de Grassakis, Probus, Choppinus, Carondas, Rebuffus, Pasquier, Orlatus Cardinalis, Marca Archiepiscopus Parisiensis, Bosquet, &c.

Quæ cum ita se habeant, quærimus, quænam tandem sit illa Ecclesia Gallicana, cujus nomine gloriantur, & quam volunt Regaliæ suffragari? & quibus membris constet? Regibus? at isti extendi

Regaliam vetant. Clero? at semper obstitere. Juris-Consultis? pro nobis scribunt, deciduntque. Quid ergo de Ecclesia Gallicana illis superest, quæ tota nostrarum partium est? Et sæpe, cum ista mecum perenderem, subijt dubitatio, an Galli dicendi, aut saltem an Galliæ spiritus, & doctrinis imbuti essent, qui tam aliena à Gallorum sensu dicerent scriberentque? & quæ tam mira constellatio fuerit, quæ Ecclesiæ Gallicanæ novam hanc indolem, vultumque induxerit ab antiquo dissimilem? Nihil ergo in hac causa Gallicanæ doctrinæ, præter nomen agnoscimus; quo in singulis ferè paginis repetito, terrere Maimburgus ignaros voluit, sed unà seipsum ridendum dare, magno quidem sono, sed rebus vacuo.

## §. VII.

Respondetur ad ea, quæ à P. Alexandro Natali ad sæculum XIII. & XIV. in favorem Regaliæ producta sunt.

## SUMMARIA.

1. *Patris Alexandri Natalis pro Regalia Dissertatio istius causæ imbecillitatem demonstrat.*
2. *Exempla à P. Alexandro producta, ex illis ipsis auctoribus, quos citat, iniquitatibus convicta.*
3. *Totam ferè Dissertationem suam extra orbitam, statimque questionis perducit.*
4. *Principia ab hoc Auctore posita contra Regaliam militant.*
5. *Quam sint inania, & friuola, quæ ad Patrum, Canonumque testimonia respondet.*
6. *Nihil exemplis probari, ex antiquo Testamento petitis.*
7. *Ad alia objecta respondetur.*
8. *Arresta, Senatûs-Consulta, ultimam Regiam Declarationem, Consensumque Patrum Parisiensis Conventûs nihil pro Regalia facere.*

## I.

**S**cripsit quoque in favorem Regaliæ P. Alexander Natalis ex Ordine Prædicatorum, Theologiæ Doctor, & Professor in Collegio Pari-



Parisiensi. Quæ ab isto pro tuenda Regaliæ causa conscripta sunt, duos in me affectus produxere. Primò, quòd perspectis, expensisque ejus rationibus semper magis, magisque intellexerim, iniquissimam esse causam Regaliæ, profuitque veritati impugnata fuisse. Quis enim à Religioso, à Theologo, à Doctore Parisiensi, à viro tot libris & eruditione claro, non aliquid expectasset, tot sperandi titulis dignum, & par materiæ? præsertim cum calamum arripuisset, hac Regaliæ causâ à tam multis doctis que jam discussâ; unde facile erat, si quid Regaliam juvare posset, & abundè, & cum selectu proferre, quippo flagrantibus nundinis ac Mercatorum plenis. Et tamen, quæ ab hoc viro, Regiæque causæ Patrono allata sunt, adedò misera, detorta, aliena, frigida, ac longissimè & ab ultimis terræ plagis quæsita sunt, ut credam nunquam pejus Regaliam habuisse, quàm sub hujus patrocinio. Planè nihil ita movit, ut eam iniquissimam reputarem, quàm quòd viderem tam inania esse, & plena pudoris, quæ pro illa dicerentur; sed omnia pervicit ardor Regem demerendi; huic Veritas, Pietas, Religio, omnia celsere: & dum omnes ex flore Majestatis roris, aliquid mellis que libare certant, araneorum & crabronum more, perimunt, ut impleantur.

II. Patris ergo Natalis in favorem Regaliæ argumenta hæc sunt. Primò, ut probet Regaliam sub Regibus primæ & secundæ stirpis in usu fuisse, exempla proferit palàm iniqua, & à Patribus damnata, perinde ac si quis adulteria, usuras & furta, Davidis, Achabi, & Zachæi exemplis purgaret; quod verò flagitium est, exemplis nudum? Sic Dissertat. 8. a. 3. §. 4. Exemplum Caroli Martelli assert, qui Episcopatum, Abbatiarum, aliorumque Beneficiorum Ecclesiasticorum proventus Nobilibus concessit. Atqui certum est, impiam & sacrilegam fuisse eam bonorum Ecclesiasticorum usurpationem: idque Patres Rhemenfis & Rotomagensis Provinciarum in Synodo Carisiacensi palàm professi sunt capite 7. Imò Martelli ipsius filij Carolomannus, & Pipinus in Synodis Liptinensi, & Sueffionensi magnam usurpatorum bonorum partem restituì fecere; nec enim omnia poterant: unde Carolus Magnus nepos, & Ludovicus Pius Martelli pronepos ultimam manum adhibuere, ac restitutionem profecuti sunt. Eodem articulo 3. ex appendice Flodoardi hæc verba allegat: *Defuncto Tilpino Archiepiscopo tenuit D. Rex Carolomannus Rhemense Episcopium in suo Dominatu, & dedit villam Novilliscum in Beneficium Anscheri Saxoni.* Atqui ex eadem appendice Flodoardi, & operibus Hincmari Tomo 2. Edit. Sirm.

constat eam villam à Ludovico Balbo Ecclesiæ Rhemenfis fuisse restitutam Hincmaro Regi ostendente : *Auctores sacrorum Canonum d. unare Spiritus Sancti judicio eos, qui Defunctorum elemosynas retinent, & Ecclesijs tradere demorantur, qui ut infideles ab Ecclesia abjiciendi, & qui si egentium necessarios, &c. Et a. 3. §. 13. ex epistolis Joannis VIII. probat hunc Pontificem consensum Carolomanni pro Constitutione Episcopi Vercellensis postulasse, unde concludit Monarchiæ Franciæ jus conferendorum Episcopatum coarctum esse : & tamen ex epistola 110. ejusdem Joannis ad Theodoricum Bisuntinensem Archiepiscopum certum est, id juris non spectasse ad Regem ; ita enim scribit : *Monemus per DEUM Patrem, & Filium, & Spiritum Sanctum, Apostolicæque auctoritate expresse jubemus, ut ibi Episcopum, neque ex jussu Regi, neque ex petitu plebis consecrare præsumas, &c. Articulo 4. §. 6. adducit exemplum Ludovici Crassi, qui præbendas ac dignitates, quæ Ecclesijs viduatis vacaverant, conferebat, frustra obnitente Hildeberto Episcopo Turonensi. Ceterum quàm parùm æqui fuerint Ludovici conatus, nemo melius Hildeberto depinxit ; sic enim scribit epistola 67. ad Honorium II. Papam : *Hic alijsque premor angustijs, quia Zelo Zelatus sum legem Domini mei, quia non sum transgressus terminos, quos Patres nostri posuerunt, quia dignitates Ecclesiasticas nec ex Regi præcepto disposui, nec ei disponendi facultatem inieci. Et de Ludovici in Ecclesiasticos asperitate gravissimæ sunt D. Bernardi querelæ, quas videre licet epistolis 45. & 59.***

Articulo 4. §. 12. utitur exemplo Ludovici Junioris à S. Thoma Cantuariensi ab Innocentio II. & III. & Alexandro III. Summis PP. laudaro ; is verò Regaliâ exercuit. Sed quàm sæpe multumque in bonis Ecclesiasticis usurpandis Ludovicus sui oblitus fuerit, luculentè S. Bernardus testatur epistola 122. *De quo jure præsumit, ut Ecclesiarum Possessiones & terras devastet, ut Christi ovibus Pastores præfici non permittat, ut hic quidem electorum promotionem prohibeat, alijs verò dilationem electionis inducet, donec universa consumpserit, donec diripuerit pauperum facultates ? Nec obstant laudes Ludovico datæ ; multa enim gessit laudibus digna, sed non omnia : quanta Davidi encomia etiam à DEO tribuuntur, quanta Theodosio Magno ab Ambrosio, quanta Brunihildi, & Mauritio à Gregorio Magno ; num idè adulteria, homicidia, rapinas istorum liceat imitari ? non ergo honestas actionum exemplis, sed legibus metienda est, leges enim semper justæ sunt, alioquin leges non forent ; exempla etiam*

etiam in bonis sæpè perversa. Vide de malè usurpatis Ecclesiæ bonis eundem Bernardum epist. 224. ad Stephanum Prænestinum Episcopum, qui apertè usum Regaliæ in Ludovico damnat; postquàm enim dixisset: *Non sufficit spoliari bonis presentibus Domos Episcopales.* Mox tanquam malum multò gravius indigniusque adjungit: *Etiam in terras & in homines manus sacrilega, circumquaque deservit, totius anni ex eis redditus sibi vendicando.* Articulo 4. §. 16. exemplo Henrici II. Angliæ Regis Regaliâ fruentis causam suam confirmat, eamque ab Alexandro III. non fuisse improbatam contendit. At contrarium testimonio Alexandri constat, cum enim inter articulos consuetudinum Anglicanarum, quibus subscribere S. Thomas Cantuariensis recusabat, duodecimus fuisset Alexandro exhibitus, & in hæc verba conceptus: *Cum vacaverit Episcopatus, vel Archiepiscopatus, vel Abbatia, vel Prioratus de Dominio Regis, debet esse in manu ejus, & inde percipiet omnes redditus, & exitus sicut Dominicos.* Et cum ventum fuerit ad consulendum Ecclesiæ, & in Capella ipsius debet fieri electio assensu Regis & consilio Personarum, quas ad hoc faciendum vocaverit, & ibidem Electus faciet Homagium & fidelitatem Domino Regi sicut Ligio Domino, de vita & membris, & de honore suo terreno, salvo ordine suo, priusquam sit consecratus. Huic inquam articulo Alexander post maturum examen hanc censuram apposuit: *Hoc damnavit.* Nec obstat quod excipit P. Alexander, videlicet Regaliâ non fuisse absolutè quoad usum fructum videlicet vacantium bonorum, & quoad Collationes Beneficiorum, damnatam; sed tantum quoad abusus illic enumeratos. Ceterum vana est hæc elusio: tum quia cum Pontifex partem tantum damnabat articuli alicujus ex consuetudinibus à Rege Angliæ damnatis, hac formulâ limitatâ utebatur: *Hoc partim damnavit, partim admisit vel toleravit;* cum ergo Pontifex articulum 12. absolutè, non limitatè damnet, certum videtur, fuisse omnino, integreque rejectum, & consequenter etiam quoad usum fructum, & collationem Beneficiorum, & consequenter quoad Regaliâ. Tum quia Matthæus Parisiensis ad Annum 1164. illas consuetudines vocat iniquas, Deoque detestabiles. Tum quia auctor vitæ S. Thomæ id expressè testatur his verbis: *Mos enim prophanus in plurimis jam Regnis inolevit, quod Episcopatus vacantes, & Monasteria Reges pro voto tenent, & quasi Christo proscripto applicantur Fisco dos viduæ, & Crucifixi patrimonium, calamitosorum refrigeria, & subsidia egenorum.* Tum deniq; quia Stephanus Henrici I. Angliæ Regis Successor, Regaliæ, hoc est usurpationi bonorum vacante

Ecclesia renuntiaverat, teste Wilhelmo Malmesburiensi ad ann. 1135. in hæc verba: *Dum verò Sedes proprijs fuerint Pastoribus vacuæ, & ipsa & omnium earum possessiones in manu sint & custodia Clericorum, & proborum hominum ejusdem Ecclesiæ committantur, donec Pastor canonicè substituatur.* Pessinam ergo hanc consuetudinem, cui Stephanus renuntiaverat, Henricus II. reducere conabatur, obnitente S. Archiepiscopo Cantuariensi.

Articulo 4. §. 38. exemplo utitur Ermengardis Vice-Comitiſſæ Narbonensis, quæ juri Regaliæ renuntiavit; *habuit ergo, insert P. Alexander, jus Regaliæ, alioquin renuntiare illi non poterat.* Sed quanti pretij hoc exemplum sit, & quàm justo titulo Regaliæ niti Ermengardis crediderit, ex ipsius Renuntiationis verbis intellige: (a) *Ego Ermengardis Narbonensis Vice-Comitiſſa recognoscens injuriam, quam Parentes mei & ego in possidendis honoribus & bonis diripiendis decedentium Archiepiscoporum Narbonensis Ecclesiæ hucusque fecimus, &c.* Et Hadrianus IV. Pontifex Max. in Diplomate, quo eam Renuntiationem confirmat: *Dilecta in Christo filia Ermengardis, pravam quandam consuetudinem, quæ contra DEUM, & Ecclesiam vestram antiquitus inoleverat, abolere desiderans.* Ergo quod *injuria*, quod *rapina*, quod *prava & contra DEUM consuetudo* appellatur, id P. Alexander pro basi Regaliæ habet; quid pejus de illa dicere posset, si ex proposito impugnandam suscepisset?

Quàm plura sunt hujusmodi exempla à P. Alexandro in citata Dissertatione prolata, quæ cùm constet iniqua fuisse, sequitur iniquam etiam causam Regaliæ, quæ ex illis deducitur; & Patrem Alexandrum illius patrocinium suscepisse, non ex meritis causæ, sed ex animi affectu, quicumque tandem is fuerit: quis enim sibi unquam persuadeat hominem doctum, & eruditum, studijs innutritum, ex Professione Theologum Criticumque, non animadvertisse, exemplis adeò iniquis ab Ecclesia damnatis Regaliæ causam non tam constitui, quàm destrui? Sed utrumque res se haberet, fixum erat Regi placere, hæc meta scribendi. §

III. *Secundò.* Totam suam Dissertationem rebus & testimonijs infereat nihil ad rem pertinentibus, unde fatigato Lectore, impletisque paginis, ac oculis foliorum numero deceptis, nihil tandem dicit, quod quæstioni respondeat. Quæstio enim est: an Rex Galliæ Regaliam toto Regno extendere possit, etiam ubi hætenus nunquam more recepta fuerat?

(a) Stephanus Balluc. in addit. ad D. de Marca lib. 8. cap. 18. de Concord. Imper. & Sacerd.

fuerat? Majore suæ Dissertationis parte P. Alexander ostendere conatur Reges Galliæ Custodiâ rerum Ecclesiasticarum potitos esse, feuda concessisse, Episcopos nominasse, in aliquibus locis Regaliæ jus exercuisse. At quæso quid hæc ad rem faciunt? imò contrarium ostendunt, ut postea dicemus. Ergo cum navigandum in Ortum esset, vela fecit in Occidentem.

IV. Tertiò. Imò ut paulò antea insinuaveram; ex principiis Alexandri, contrarium potius sequitur. *Rex Custodiâ gaudet*: esto, sed non custodit, qui consumit; sacrique Canones Custodibus præsertim, Patronisque sub gravissimis pænis prohibent, ne res Ecclesiasticas attrectent. Nullus Principum est, cui in suo Dominio Ecclesiarum custodia commissâ non sit; num ergo omnes Principes Regaliâ gaudent? cur ergo propria esse dicitur Gallici Diadematis? an etiam omnium subditorum ac patrimoniorum Custodes Reges non sunt? num ergo licebit illis titulo Custodiæ, mortuoque Patrefamilias, patrimonia mortuorum occupare? aut si hoc non licet in bona profana, cur licebit in bona DEO sacra? aut cur istis jus custodiæ magis præjudicabit, quàm illis? & cur pejor sit causa viduæ Ecclesiæ, quàm viduæ uxoris? Filiorum Christi, qui pauperes sunt, quàm filiorum defuncti Mariti? *Sed Reges Ecclesias fundarunt.* Non planè omnes, præsertim quas novis victorijs in Belgio, Alsatia, Lotharingia, Burgundia Rex Coronæ suæ adjecit, sed nec omnes in Gallia; cur ergo ex omnibus vacantes fructus rapiuntur? num solus Gallus Ecclesias fundavit, & non alij quoque Principes Christiani? cur ergo soli Gallo Regalia? & quæ æquitas, ut quæ majores fundarunt Christoque dedicarunt, rapiant Nepotes, & fisco addicant? quòd si semel Regi aut etiam privato donata repeti non possunt, cur reperantur Christo & Ecclesiæ donata? *Sed Principes Ecclesias feudis auxerunt.* Demus; sed vacantium feudorum proventus (nisi ubi jus Relevij obtinuit) non ad Dominum, sed ad vassalli hæredes spectant: imò cum feuda non Episcopis, sed DEO & Ecclesijs donentur, & istæ non moriantur, numquam vacare censeantur. Decimæ quoque; & oblationes (quæ in plerisque Episcopatibus majorem proventuum partem conficiunt) nihil habent cum feudis commune, multoque minus Collationes Beneficiorum; cur ergo ista omnia nullo discrimine subducuntur Regaliæ? vides quàm inanes sint consequentiæ pro Regalia productæ: & tamen istis Regalia unice innititur, ut sæpè P. Alexander profitetur. Ludere cum diceres, & in schola cavillari tyrones ten-

tentandi causâ, nisi Rex Galliæ arma & potentiam suam lului misceret.

V. *Quartò*. Sed & levissimæ sunt ac risu dignæ interpretationes, quas sacris Canonibus adhibet, ut eorum vim effugiat; ego planè nihil vanius legi. Exemplum unum alterùmve adjungam. Opponitur Regaliæ Canon 25. Concilij Chalcedonenfis, quo Regalia expressè his verbis prohibetur: *Reditus verò viduata Ecclesiæ integros servari apud Oeconomum ejusdem Ecclesiæ placuit*. Hic Canon insertus fuit Codici Canonum, quo Gallicana Ecclesia utebatur, neque hoc negat Alexander, estque testis locupletissimus Hincmarus Archiepiscopus Rhemenfis *epist.* 9. *cap.* 41. & *epist.* 29. ad Carolum Calvum, & *epist.* 21. ad Valsadum, & *epist.* 45. & *Annales Bertiniani ad annum* 881. Quid ad hoc Alexander? *Non sunt*, inquit, *Canones Chalcedonenfis Concilij statim & constanter in Gallijs recepti*. Qui ergo sunt Canones, quos Galli recipiunt, si non recipiunt canones quatuor primorum Conciliorum, quos Gregorius M. quatuor comparat Evangelij? & si non recepti, cur Codici Canonum Ecclesiæ Gallicanæ inserti? & unde tibi constat receptos non esse? *Quia*, inquit, *Reges non semper observârunt*. Si ergo illi Canones nec recepti esse, nec obligare dicuntur, quos aliqui Regum subinde non observârunt; nulli deinceps sunt canones, nullæ Decalogi leges, de quibus dici non possit, eas nec receptas esse, nec obligare. Cum recentia Sacrorum Canonum summorumque Pontificum Decreta & Diplomata Regijs Ministris pro vindicanda Ecclesiastica disciplina exhibemus; negant se illis teneri privilegio Gallicanæ libertatis: cum quærimus, quibus principijs, regulisque Gallicana libertas nitatur? respondent, *quatuor primorum Conciliarum Canonibus*. Cum ergo eos primorum Conciliorum evidentissimis & certissimis testimonijs ac Decretis convincimus: respondet P. Alexander: *Canones Chalcedonenfis & Nicæni Concilij* (nam hoc quoque citaro loco adjungit) *in Gallijs non fuisse receptos, nec observatos*. Qui ergo Canones superflunt, quibus Gallicana Ecclesia gubernari possit, si nec recentes admittit, nec antiquos recepit? An verò libertas Gallicanæ Ecclesiæ definiri hoc modo non debeat: *Libertas Gallicana est privilegium, quo Ecclesiæ Gallicæ nullis nec antiquis nec recentibus Canonibus, sed solis Regijs præceptis obligantur*? Regijs enim præceptis eos obligari, & ista Pontificis Maximi diplomatibus præferri, atque ex Senatus Regij arrestis arbitrioque pendere, admitti an repelli debeant, quæ

quæ Româ imperantur, nimum experientia, & quæ hæcenus scripsimus, demonstrant; Gallicanæ ergo Ecclesiæ libertas est, *servire Regi, & obluari Canonibus.*

Aliam deinde P. Alexander explicationem Decretis Chalcedonensibus adhibet puerilem sanè ac omnino risu dignam: vid. *Concilium Chalcedonense non esse intelligendum de Custodia vacantium fructuum, sed de ipsis bonis, prædiisque fructuosis, quæ Successori Episcopo integra servari debeant, fructibus interim Principi concessis.* Canon Concilij ita loquitur: *Reditus viduata Ecclesiæ integros reservari apud Oeconomum ejusdem Ecclesiæ placuit.* Quis umquam hæcenus audit *reditus* significare *prædia*? *Reditus, inquit Tiraquellus, ita appellantur, quòd singulis annis redeant; numquid prædia quotannis redeunt? & quomodo apud Oeconomum prædia servari poterunt? horreis vid. aut cellis, aut gazophylacijs prædia includentur; quem non pigeat cum hujusmodi hominibus disputare, qui cum victos se videant, malunt rerum vocabula commutare, ac tempus fallere pudendis responsis, quàm cedere veritati.* Fidem ac famam perdit, qui ita scribit.

Ejusdem coloris sunt interpretationes, quas effugiendo Lugdunensi Concilio adhibet. Concilium ita loquitur: *Generali Constitutione facimus, universos & singulos qui Regalia, Custodiam sive Guardiam Advocationis, &c. vel Defensionis Titulum in Ecclesijs de novo usurpare conantes bona Ecclesiarum vacantium occupare presumunt, quantumcunque dignitatis honore præfulgeant, &c. Qui autem ab ipsarum Ecclesiarum fundatione, vel ex antiqua consuetudine jura sibi hujusmodi vindicant, ab illorum abusu sic prudenter abstineant, quòd ea quæ non pertinent ad fructus, sive redditus provenientes vacationis tempore, non usurpent.* Primò nomine Regalium non occupationem vacantium fructuum, sed jura Imperialia, vid. *Collectas, Tributa, portus & vectigalia* intelligi dicit: at quàm evidenter id falsum, & contra apertam mentem Concilij? istæ enim Concilij voces: *Custodia, Guardia, Advocationis Titulus, fructus, redditus provenientes vacationis tempore*, nimis clarè ostendunt, Concilium loqui de Regalia, prout modò de illa quæstio vertitur. Ipsi Episcopi Gallicani Parisijs jussu Regio congregati (nam hoc quoque ad Libertatem Gallicanæ Ecclesiæ pertinet, ut ad Regium mandatum Episcopi Galliæ compareant, dispareantque, atq; ut in theatris fieri solet, sibilo Principis scenam ac faciem mutant) in epistola anno 1682. Februario mense data ad Innocentium XI. Pontificem Maxi-

num fatentur Concilium Lugdunense de Regalia in nostro sensu loqui: *Si jus illud*, inquirunt, *quod Regaliam dicimus, aut fidei fundamentis, aut morum Regulis esset adversum; non illud sacrum Lugdunense Concilium suâ auctoritate firmasset.* Et in processu verbali eorum Antistitum cum priorâ anno 1681. æquè Parisijs convenissent: *C'est sur ce principe, que le second Concile de Lyon ayant toléré l'usage de la Regale dans la lieux, où elle estoit pour lors établie, & défendu en même temps de l'étendre d'avant-ge.* *Secundò.* Alij, inquit, *consent restrictionem Concilij non spectare Regem Christianissimum, sed Duces, aut alios viros Nobiles, qui jus illud usurpabant, ut colligitur ex Guillelmo Durando, commentario in Concilium Lugdunense, cujus unus ex Patribus fuit, &c.* At Durandus testis oculatus expressè testatur eam restrictionem ad Reges pertinere, sic enim ait in Verbo: *Regalia: Nota quòd Regalia hîc vocantur jura Regia in quibusdam Ecclesijs competentia.* Et infra: *Quantacùmque Dignitatis, sive Regie, sive Comitiva, vel cujuscùmque alterius sit (de Mandatis Princip. lib. 1. quia reatus hominum honorem excludit lib. 1. cap. ut Senatus, &c.* Et ipsa Concilij verba) *quantacùmque Dignitatis honore præfulgeat, id satis indicant.*

Hi sunt loci communes P. Alexandri, quibus Regaliæ patrocinator vid: exempla apertè iniqua, quæstiones omnino alienæ, & nihil ad rem pertinentes, interpretationes extortæ, pueriles, ipsique auctori erubescendæ. Sed alia quoque videamus, quæ speciali responso indigent, ne videantur silentio probata.

VI. Opponit 1. Artic. 1. §. 3. Legimus in veteri Testamento Reges deficiente Sacerdote functos esse ministerio Pontificis etiam ad præficiendos Ministros, ut de Davide legimus 1. Paralip. cap. 24. & Salomone 3. Reg. cap. 1. & Juda Machabæo in libris Machabeorum, & est textus Ildori in cap. Cleros d. 21.

Respondit ad hanc objectionem jam dudum Gelasius Primus Pontifex Max. in libro de Anathemate: *Fuerint hæc ante adventum Christi, ut quidem figurabatur, adhuc tamen in carnalibus actionibus constituti pariter Reges existerent, & pariter Sacerdotes; sed cum ad verum ventum est, Regem eundemque Pontificem, ultra nos Imperator Pontificis sibi nomen, nec Pontifex Regale fastigium sibi vindicavit.* Si exemplo antiqui Testamenti argumentari licet, sequeretur Reges, imò quoslibet Patres-Familias Ecclesias consecrare, ac etiam Sacrificium offerre posse, id enim legimus sæpe in veteri Testamento factum esse, quàm hoc absurdum? nunc verò postquam



quàm longè alia ratio est novi & antiqui Testamenti : postquam Christus Pontificatum, Sacerdotia, & Ecclesiam instituit : postquam iussit Ecclesiam audiri : postquam Ecclesia Laicis prohibuit, ne se immiscerent officijs Sacerdotum : quàm rogo præposterus ordo est, exempla antiqui Testamenti perquirere, & non potius leges Evangelij ac Decreta Ecclesiæ ? num ergo Filij Synagogæ sumus, ut ex hujus exemplis, & non Ecclesiæ vivamus ? magnum enimverò Regis Christianissimi decus, si Judæorum mores imitetur. Sed & in ipso antiquo Testamento, ubi legimus Reges usurpasse vacantium Sacerdotiorum proventus ? nihil ergo hoc argumentum concludit.

VII. *Opponit 2. Artic. 1. §. 3.* In traditione rei suæ potest quilibet apponere pactum quod vult, etiam in spiritualibus. *Textus & Glossa in cap. Eleutherius 18. q. 2.* Reges ergo Christianissimi cum Ecclesias fundarunt, poterant sibi fructus vacantium Ecclesiarum reservare. Nec requiritur, ut Reges hoc jus sibi expressè reservent, præsumuntur enim reservasse, & sufficit ostendere, quod Rex fuit dorator Ecclesiæ, ad hoc sibi jus consequendum. *cap. significavit. de testibus. Et ibi Abbas c. p. Dilectus 3. de Præbend. & Glossa notabilis in cap. si quis Basilicam. de consecrat. d. 1.*

*Resp.* Supponit hæc ratio omnes Galliæ Ecclesias à Regibus fundatas, & doratas esse ; id verò apertè falsum est, cum sint quàm plurimæ aut à privatis fundatæ, doratæque ; aut solis decimis & oblationibus auxctæ : idque præsertim verum est in Provincijs recentibus victorijs Galliæ adjunctis. Et si hæc Regula vera est, sequetur omnibus Patronis Regaliam convenire, quod Galli utique nunquam concedent. Præsumuntur quidem Patroni jus præsentandi sibi reservasse ( id enim plerumque fieri solet, & Jura præsumunt, quod plerumq; contingit ) sed nullo modo jus pleno jure Beneficia conferendi, vacantesque fructus occupandi, neque citati canones quidquam de hoc dicunt, ut legentibus passim est. Hoc ergo argumentum ex duobus principijs contextitur, videlicet : ex falsis suppositis, & textibus juris perperam allegatis.

*Opponit 3. Artic. 3. §. 5.* Sub secunda Regum Galliæ Dynastia Gallicanæ Ecclesiæ feuda possidebant cum omnibus oneribus feudalibus : atqui onus & lex feudalis est, ut morientæ Vassallo Dominus interim fructus feudales percipiat, dum alius investitur : hoc ergo jure Reges gaudebant in Ecclesijs vacantibus, titulo videlicet & lege feudali.

Z 2

*Resp.*

*Resp.* Primò falsum est, fructus vacantium feudorum ad Dominum pertinere ( nisi ubi jus Relevij receptum erat, quod paucis in locis receptum est ) pertinent enim ad hæredes, seu potius ad proximos agnatos, quibus jus feudi ex antiqua investitura quæsitum est cum onere tamen recipiendæ intra diem & annum Investituræ, idq; tam notum est, ut mirer P. Alexandrum ignorâsse. Deinde esto, fructus Ecclesiarum feudales ad Principes pertinuerint ( de quibus intelligendum est Chronicon Cameracense, (a) cùm narrat in historia Gundberti usum fructum vacantis Cameracensis Ecclesiæ ad Imperatorem Lotharium pertinuisse ) num idèò fructus decimarum, oblationum, ac præsertim collationes Beneficiorum pertinere ad fructus feudales possunt ? & si non possunt, quâ ratione dici potest, lege feudali ad Regem spectare ?

*Opponit 4. Art. 5. §. 22.* Frustra contra Regaliam antiqua Senatus-Consulta, Regumque edicta proponuntur, hæc enim ultimâ Ludovici XIV. declaratione abolita sunt ; est verò noti juris, priores leges posterioribus abrogari.

*Resp.* Aliud est, antiquam legem abrogare, aliud jus suum alteri eripere ; id verò fieri non potest, & præsertim cùm is, quem jure suo spoliatur, subditus tuus non est. Jus conferendi Beneficia, fructusque percipiendi ad Ecclesiam pertinet, idque non Regum privilegio, sed innatâ, & canonicâ libertate ; quâ ergo conscientiâ dici potest, posse hanc libertatem Ecclesijs adimi posterioribus Ludovici Regis declarationibus ? aut quæ unquam Theologia docuit, Regem in causâ spirituali, & quidem maximi, præcipuicquæ momenti judicem esse ? & posterioribus Regum legibus posse Decreta universalis Concilij Lugdunensis aboleri ? Hæc sunt tam paradoxa, & à primis Theologiæ principiis aliena, ut mirer potuisse Theologo, qualem se P. Alexander profiteretur, non dico in calumiam, sed ne quidem in mentem venire. Ex quo responso solvitur quoque similis ejusdem P. Alexandri oppositio, cùm scribit : *Articulo 5. §. 22. Habere Reges potestatem revocandi privilegia à suis Antecessoribus concessa, si contra jura Coronæ, & in detrimentum supremi dominij concessa credantur, quod in omnia subditorum suorum, & ipsarum Ecclesiarum temporalia bona sibi legitime vindicant.* Jam enim sæpe probatum est, Ecclesias non privilegio Regum, sed innatâ, & canonicâ libertate Regaliâ absolutas, & exemptas esse ; unde cùm Reges illas Regaliæ subdunt, non revocant privi-

(a) Balder. Noviom. Episc. lib. I. cap. 48.

privilegia à Regibus, sed à DEO, naturâ sacrisque canonibus data. Quod verò dicit Alexander: *Reges supremum dominium in bona temporalia Ecclesiis habere*, voces profanæ sunt, & hæcenus inauditæ, & ex Alcorano, non sacris Canonibus exscriptæ, unde nec responsum merentur. Ejusdem farinae est, quod dicit Privilegia Ecclesiis data revocari à Regibus posse, si enim donationes privatis factæ revocari non possunt, quanto minùs DEO & Ecclesiis factæ? quæque non merè gratuitæ sunt, sed antidorales? quid restabit Ecclesiis, si omnia feuda, oblationes, fundique illis à Principibus assignata, moderni Principes repetant, & Avorum liberalitatem majori avaritiâ deleant? Præsertim cum quidquid semel fuerit DEO consecratum, sanctum Sanctorum sit Domino. *Levit. 27.* Certum est liberalitate in Ecclesiis crevisse Imperia, unde Theologia P. Alexandri, quàm ei lucrosa est apud Principem pretio adulationis, tam Imperio est fatalis rapiendi indulgentiâ.

*Opponit 5. Articulo 6. §. 4.* Bona defectu hæredum vacantia ad Regem pertinent, & ad fiscum devolvuntur; porro fructus Episcopatum, vel Abbatiarum vacantium istius generis sunt. Accedit quòd Regio fisco multæ utilitates depereunt, ob bona in Ecclesias translata; ad fisci ergo damna compensanda Reges sibi usumfructum vacantium bonorum reservârunt, ac etiam in pretium litterarum Amortizationis, cum videlicet facultatem concedebant, ut fundi ad Ecclesias transferrentur.

*Resp.* Quàm rogo hæc absurda & longè petita? fateor mihi nunquam magis Regaliam fastidio fuisse, quàm cum hæc legi. Defuncto Episcopo non vacant bona, sed ad Ecclesiam pertinent, huic enim præcipuè, & DEO donantur; quæ ratio est, ut Episcopi testari non possint; si ergo non vacant, quâ ratione dici potest ex jure vacantium ad fiscum pertinere? An Beneficia Ecclesiastica sunt bona confiscabilia? & in quibus litteris Amortizationis Reges sibi usumfructum vacantium bonorum reservârunt? vana sunt ista, & Alexandro indigna.

*Opponit 6.* Rex cum Beneficia confert, nihil spirituale confert, sed Ecclesiasticas possessiones, seu portionem reddituum spiritualium.

*Resp.* Ipsi quidem fructus, & proventus sunt res temporales; ac jus eos percipiendi ob functiones & officia spiritualia, est spirituale; Beneficium enim est propter officium, alioquin vendi, emique possent Beneficia; nec Simoniam incurreret, qui ea pretio aut acciperet, aut conferret; dici enim posset, ea non vendi, emique, nisi quoad jus percipiendi

fructus, hos verò ex sententia P. Alexandri esse rem merè temporalem. Deinde cùm Rex obtentu Regaliæ Beneficia pleno jure conferat, nec Episcopi in hac collatione ullam partem habeant, certum est à Rege non jus tantum percipiendi fructus V. g. canonicæ conferri, sed etiam ipsum officium & dignitatem canonicatus cum omnibus juribus ei annexis, videlicet: Jure capitulari, electionis activæ & passivæ, quæ omnia sunt jura spiritualia. Denique demus jus percipiendi fructus Canonicæ non esse jus spirituale, sed temporale, non idèò sequitur posse à Rege usurpari, cùm sit jus alienum, & Ecclesiæ tum innatâ, & canonicâ libertate, tum multorum sæculorum possessione, Regumque edictis quæsitum: non utique P. Alexander inter jura Coronæ jus reponet aliena rapiendi. Vide quot rimas habeant hujus Theologi argumenta; nimirum nullum ingenium sufficit tuendæ falsitati, quin erumpat, seque ipsam fœtore prodât.

VIII. *Opponit 7.* Ex diversis Arrestis à tempore S. Ludovici satis constat causam Regaliæ in Regio Senatu agitari, finiriq; solitam. Nam anno 1258. de Regalia Aniciensis Ecclesiæ. Anno 1272. de Regalia Ecclesiæ Albigenensis. Anno 1277. de Regalia Ecclesiæ Bituricensis, eodemque anno de Regalia Ecclesiæ Burdigalensis. Anno 1275. de Regalia Ecclesiæ Aquisgranensis in Regio Senatu actum est. Anno quoque 1463. Ludovicus XI. declaravit Regaliæ causas & controversias circa jus illud de novo emergentes ad Regiam, Senatusque Parisiensis cognitionem dumtaxat pertinere, Laicisque sub pœna capitis prohibuit, ne ad Curiam Romanam, aliòsve Judices Ecclesiasticos Regaliæ causas deferrent. Anno 1575. de Regaliæ jure in Armoricis Ecclesiis, ac præsertim Vannesensi. Anno 1608. de Regalia Bellicensis Ecclesiæ, deinceps sequentibus annis de Regalia Provinciarum, Provinciæ, Delphinatûs, Aquitanix, & Occitanix in Regio Senatu disceptatum est, ac denique Anno 1673. à Ludovico XIV. in Regio consistorio causa Regaliæ finita est, & ad omnes Regni Ecclesias extensa, cui declarationi quatuor Provinciarum Præsules, totusque Clerus Gallicanus consensum præbuit. Patet ergo longâ, & perpetuâ inductione, causam Regaliæ semper in Parlamentis, Regisque consistorijs agitam fuisse.

*Resp.* Ad hanc objectionem per partes respondendum est. *Primò* ergo ex Arrestis ab Alexandro modò citatis clarissimum est Aniciensem, Albigensem, Bituricensem, Burdigalensem, & Narbonensem Ecclesias

AUG

aut ex toto, aut ex parte à Regalia exemptas, immunesque fuisse, & videri possunt *de Marca lib. 8. Concord. cap. 24. & cap. 26. Acta Cleri Gallic. Tom. 2. pag. 2. tit. 6. P. Labbe 1. p. Concil. T. 2. p. 8. 40. Catell. in Hist. Comit. Tolosan. pag. 195.* Cùm ergo hæc omnia Arresta apertè declarent Regaliam non esse totà Gallià extensam, sed ad certas Ecclesias limitatam, quo rogo aut pudore, aut conscientia allegantur, ut probetur Regaliam ad totum Galliæ Regnum proferri? aut enim Arresta illa pro justis, aut injustis habes? si pro justis, cur Regaliam extendis, quam illa restringunt? si pro injustis, cur illa producis, ut causam tuam probes? num injusta sententia patrocinari, aut probare aliquid potest? Si ergo illa Arresta justa sunt, pro nobis faciunt; si injusta, frustra à P. Alexandro in sui favorem producuntur. Deinde verum quidem est ex illis constare causam Regaliæ in Regio Senatu fuisse cognitam, & pro Ecclesijs pronuntiatum, non quòd hæc causa *in forma justitiæ* ad Regium forum pertineret, aut Galliæ Antistites Regium Senatum pro legitimo iudice agnoscerent; sed quia à Regijs ministris vexati ad ipsum Regem tantquam ad Ecclesiæ Defensorem, Protectorem, Advocatum, Canonumque executorem, ac brachium seculare, per viam querelæ, & implorati auxilij, seu informationis recurrendum censebant; duplici enim modo Rex adiri potest, primò ut Iudex; secundò ut defensor; hoc secundo modo Galliæ Præsules se Regi stitère, & præcitata Senatus-Consulta in favorem Ecclesiæ impetrarunt; id ita esse, patet cum ex ipsius causæ natura, quæ cum sit Ecclesiastica, coram solo Ecclesiastico Iudice *in forma Iudicij* expediri potest: tum ex protestatione Bertrandi Aëduensis Episcopi, qui cum anno 1329. coram Philippo Valesio Ecclesiæ jurisdictionem & libertates defenderet, protestatus est se de Ecclesiæ libertate coram Regio tribunali dicturum, non ad finem subeundi quodcunque iudicium, sed solum ad Domini Regis, & ei assensuum conscientiam informandam: (a) tum denique quia quando contingebat litem cum ipso Rege, & non cum ministris esse, aut Rex ministris committebat, Antistites Gallicani causam summo Pontifici deferrebant, & is postea Regibus imperabat, quid fieri oporteret, id patet & ex Lugdunensi secundo Concilio anno 1274. cuius decretum de restringenda Regalia teste Durando oculato, & postea Mimateni Episcopo: *Ad clamorem Prælatorum Franciæ, & Angliæ promulgatum est*: & Gregorij IX. ita scribentis:

AA

*Ad audientiam nostram pervenit, quòd Senescalli & Balivi in Christo filij nostri illustris Regis Franciæ in Narbonensi Provincia constituti decedentibus Ecclesiarum Prælati in eadem Provincia, castra, villas, & alia bona Ecclesiarum vacantium contra jus debitum usurpare, & id de novo in Ecclesiarum jurbus attentare præsumunt, quod nullo tempore à Prædecessoribus ipsius Regis, vel alijs occasione Regalium, vel aliâ vitâ fuit attentatum, unde ipsis nostris litteris dedimus in mandatis, ut à prædictorum excessuum præsumptione omnino desistant. Benedictus quoque XII. in litteris ad Cardinales in Gallia Legatos extensionem Regaliæ ad Provinciam Turonensem & alias multas Regni Ecclesias, tanquam Juri divino & humano contrariam, & plurimum redundantem in oppressionem & conculcationem Ecclesiasticæ libertatis Philippo Valefio interdicit. Videri potest utriusque Bulla apud Marca de Concord. lib. 8. cap. 18. in Appendice. Denique Alexander III. in cap. quanto. de Judicijs. ad Regem Angliæ de Patronatu, quod multò intra jus Regaliæ est, plenasque collationes, ita scribit: C. usi juris Patronatus ita conjuncta est, & annexa spiritualibus causis, quòd nisi Ecclesiastici judicio valeat definiri.*

*Secundò. Ad Ludovici XI. Edictum quod attinet, faciliè responderi posset, aliud esse jus, aliud Regum exempla; alioquin si Principum exemplis judicandum sit, quid non denique licebit? præsertim cum notum sit, non pauca fuisse à Ludovico XI. contra Ecclesiasticam immunitatem peracta. Sed quidquid de hoc sit, certum est Ludovicum non loqui de Regaliæ extensione, ac Parlamenti judicio relinquere, an extendi ea possit, aut non possit: sed solum de particularibus Regaliæ causis, quæ inter privatos vertebantur; id enim jam longo usu receptum & toleratum erat, aut connivente, aut permittente Ecclesiâ. Jam verò alia quæstio est, an videlicet ad Parlamentum pertineat Concilij Universalis decreta abolere, & contra illius ac Pontificis expressam prohibitionem, Ecclesiam libertate suâ, ac quatuor sæculorum possessione privare? id Ludovici edictum non probat.*

*Tertiò. Verum quidem est in Senatu Parisiensi causam Nannetensis Ecclesiæ, quæ una est ex Armorici, judicatam fuisse, & contra illius jura pronuntiatum: sed mox in comitijs Blesensibus reclamante Clero, ac contra canonicam libertatem extendi Regaliam conquerente, ea edicto Henrici IV. ad pristinos limites reducta, ac restituta est, anno videlicet 1606. de quo videantur Acta Cleri Gallicani Tom. 2. p. 2. tit. 6. num. 8.*

*Sic*

Sic etiam anno 1608. cùm Senatus Ecclesiam Bellicensem, & ejus occasione reliquas Ecclesias Regaliæ subditas declarasset, Clerus non tantùm ejus Arresto non paruit, verùm etiam litteras ab eodem Henrico impetravit, quibus Rex Senatum ejusmodi causarum cognitione prohibebat, tantoque magis, quòd ausus esset contra Regiùm edictum (quo Regalia extendi verabatur) pronuntiare, illudque Henrici IV. Edictum à Ludovico XIII. Regnantis patre renovatum est anno 1629. de quo videantur citata Cleri Gallicani Acta n. 9. anno 1628. Exempla ergo à P. Alexandro citata omnino contra illum militant, ejusque causam pejorem reddunt.

Quodsi paribus animis, parique Ecclesiasticæ libertatis Zelo anno 1673. Antistites Gallicani Ludovico XIV. obviàm processissent, ejusque declarationem, quâ libertas Ecclesiarum premebatur, morari ausi essent, numquam ea contigissent, quæ Ecclesiæ, summiq; Pastoris sinum intimo dolore confecerunt; sed omnia adulationi celsère, & ne tentatâ quidem acie, causa Ecclesiæ prodita est; quanquam & ipsa declaratio per se, & consensus Patrum Parisijs congregatorum tam multis partibus laborant, ut jure optimo rejici, improbarique mereantur; nam (a) *primò* ipsa declaratio Regis Christianissimi contra decretum Concilij Oecumenici Lugdunensis II. contra IV. sæculorum possessionem, contra morem Regum Prædecessorum, ac speciatim contra edicta Henrici IV. & Ludovici XIII. edita est, ac malis artibus extorta. *Secundò* consensus Patrum Parisijs congregatorum metu expressus fuit, ideoque nullus; id ipsi fatentur epistolâ anno 1682. ad Innocentium XI. datâ; & de qua ipse Innocentius in Brevisuo Apostolico, quo Gallis respondet, ita loquitur: *Animadvertimus litteras vestras à metu ordiri; quo suase nonnunquam Sacerdotes DEI esse solent vel aggrediendo fortes, vel perficiendo constantes; quem quidem metum falso judicavistis posse in sinum nostrum effundi.* Et planè non fuisse vanum hunc metum, quamvis Episcopis indignum, persecutio, spolia, carceres, exilia ostenderunt, quæ in eis exercita sunt, qui Regaliæ obstiterunt. *Tertiò* Procuratores Prælatorum (qui Comitibus non intererant, quique multò plures numero erant) nullum speciale mandatum habere subscribendi Regiæ declarationi. Id verò mandatum necessarium erat, utpote ad rem gravissimam, & speciali notâ dignam. *Quartò* præscripsit Aula, designavitque Antistites, qui ad Comititia mitti deberent,

A a

exclu-

exclusis videlicet, qui minime propitij credebantur, nullaque Concilijs Provincialibus permittâ libertate deligendi, mittendique, quos aptiores credebant. *Quintò* nulla potestas fuit Comitij Parisiensibus judicandi Concilij Oecumenici decreta, multoque minùs ea abolendi. *Sextò* nec in Episcoporum potestate & arbitrio erat Ecclesijs his (quarum custodes non arbitri erant) tam duram & universalem servitutem imponendi; si enim inconsulto Pontifice non potest alienari fundus Ecclesiæ, quantò minùs libertas tot sæculis, tot canonibus sancita? *Septimò* causæ majores (qualis utique hæc erat, utpote ad tot Ecclesias perti- nens, tot canonibus & concilijs subnixa, collationesque Beneficiorum præcipua Ecclesiasticæ disciplinæ capita complectens) soli Pontifici tam jure communi, tum ex concordatis Germaniæ reservantur. *Octavò* causâ per appellationem Romam, ad Summumque Pontificem delatâ, non potuit ab inferioribus Judicibus ferri sententia, & si lata est, nulla fuit. *Nondè* quidquid denique Parisijs hac in re factum est, totum id Romanus Pontifex Innocentius XI. datis epistolis ad Patres illius Conven- tûs anno 1682. irritum, cassumque declaravit. (a) Frustra ergo Alexander causæ suæ promovendæ Regiam declarationem, Gallorumque con- sensum in auxilium vocat, tot capitibus irritum, vanumque. Hæc sunt, quæ contra Dissertationem P. Alexandri dicenda habui, quo nemo pro hac causâ aut prolixius, aut pejùs scripsit, sed neque infirmius, docuit- que Regiam contemni, postquam ostendit: nam priùs timebatur ali- quid firmamenti habere, cum ejus momenta adhuc laterent; nunc verò postquam in publicum prodijt, reverentiam & pretium amisit. Plura qui volet, legat elegantem omnino librum, quem Leodienfis quidam Theologus Doctor disertè, proluxeque contra P. Alexandri Disser- tationem scriptis & typo mandavit.



(a) V. Regale Sac. f. 309. & 388.



§. VIII.

DOCUMENTA

QUEDAM

EX GALLICO IN IDIOMA LATINUM  
TRANSLATA,

AD

ARGUMENTUM REGALIÆ SPECTANTIA

Documentum I.

*Epistola Illustrissimi & Reverendissimi Domini Nicolai  
Pavillon Episcopi Aletensis ad Regem Christianissimum.*

Anno 1678. 28. Junij.

**I**ngens reverentia, quam Majestati Vestra profiteor, ac etiam metus Eam, quo tempore gravissimis Regni curis distinetur, intempestivè adeundi, me in hanc diem remota est, ne, quod jam dudum animo destinaveram, exequerer, Eamq; in causa Regaliæ spectante litteris convenirem. Nunc verò posteaquam eò res devenit, ut cogerer pro officij mei instituto super hoc ipso Regaliæ negotio decretum quoddam emitte, & illud vulgatum jam sit, pervenerique ad aures Majestatis Vestrae; credidi non amplius calamum cohibendum esse; præsertim cum mihi sapientiam justitiam clementiamq; Majestatis Vestrae accurate æstimanti dubitare non liceat; benignè pronique auribus auditum me iri, Eamque æqui bonique consulturam, si quæ par est libertate ea in medium protulero, quæ huic materia elucidanda servire possunt.

Enimverò in hac Regaliæ causa Ecclesiæ meæ, totiusque Narbonensis Provinciæ (quæ nunquam huic servituti subiecta fuit) præcipuum jus vertitur, idque non Regum privilegio concessum, sed naturali libertate, sacrisque Canonibus nixum, & ipsi Ecclesiarum fundationi congenitum, quodq; sub primo, secundoque Regum Francorum stemmate Ecclesijs adhesit, & tunc etiam, cum ea Provincia sui, proprijsq;

A a 2

Prin

Principibus subderetur; eandemque libertatem retinuit Ludovico IX. rerum poitico, confectoque celebri illo de investituris certamine, quod quinquaginta & amplius annos Ecclesiam juxta, Imperiumque collisit; & dum illud præsertim flagraret, insinuari paulatim Regalia cepit, vicinasque Parisijs Ecclesias corrumpere, eas præcipuè, in quibus non tam legibus, quàm consuetudine, usque præscripto vivebatur; nec tamen Ludovicus Sanctus Ecclesiarum Septimanix libertatem hac in re minui passus est, Rex videlicet, ut vitæ illius scriptores memorant, Ecclesiæ immunitatum observantissimus. Eadem Philippo Audaci Ludovici filio cura & studium fuit, sub cuius imperio, ejusque legatis coram, in Lugdunensi Concilio, solemni decreto sancitum, vetitumque est, ne quis Regaliam ijs Ecclesiis inferre auderet, quæ hæcenus libera, exemptæque fuissent; præceptumque Ecclesiarum Sacerdotibus, ut Regaliam proferre conantibus omni studio, viribusque obsterentur. Hoc Lugdunensis Concilij decretum receptum in hoc Regno esse, observatumque; Majestas Vestra haud ignorat, illique regiâ auctoritate succiundo Philippi Regis, aliorumque ejus successorum diplomata, & edicta accessere; quippe Galliæ Reges contenti tunc temporis erant ijs locis privilegio Regaliæ frui, ubi hæcenus usu recepta fuerat; alijs verò abstinere hujus servitutis expertibus. Et ipse quoque Philippus Pulcher quamvis acerrimè obstitisset Boufacio VIII. Regaliam evertere festinanti; intra tamen terminos stetit à majoribus suis observatos, imò libertatem hujus Ecclesiæ Narbonensis ipse datis patentibus literis, quarum autographa in ejusdem Ecclesiæ Archivis detinentur, agnovit, approbavitque. Ab eo verò tempore usque ad Majestatis Vestræ imperium id semper observatum est, videlicet ut cum dubitaretur, an aliquæ Ecclesiæ subjacerent Regaliæ, an verò libera essent, ad consuetudinem velut ad Lydium lapidem respiceretur. Et denique ut difficultatibus indies emergentibus occurrì posset, designatio quædam in modum Edicti, aut Regiæ constitutionis prodita est, quæ omnes Ecclesias subiectas, liberâsque complectebatur; inter liberâs verò ultimo illius constitutionis articulo Septimanix Ecclesias videre est. Eandem Regulam Carolus VI. Carolus VII. Ludovicus XI. & Ludovicus XII. Francorum Reges, & Majestatis Vestræ antecessores secuti sunt, qui omnes non ex alijs provinciis, aut Diœcesibus Regaliæ jus vendicare sibi audebant, quàm ubi antiqua Consuetudine jus illud inoleverat. Imò Ludovicus XII. (cui ob insignem in suos clementiam, justitiâmq; Patris Patriæ cognomentum accessit) ministris suis sub pœnâ sacrilegij prohibuit, ne fructus Archiepiscopatum, Episcopatum, aliarumque Ecclesiarum occuparent, in quibus Regaliæ locus non esset.

Parisiense quoque Parlamentum in suis Senatus-Consultis seu Arrestis jam supra trecentos annos hæc ipsâ moderatione usum est, omnesque Auctores, quosquod de hæc

*hac materia scripsere, quamvis Coronæ ministri, ac præcipuis in Senatu officij fungerentur, id semper pro Maxima, certoque axioma tradidere, videlicet: Regaliam non esse jus aliquod universale, totoque Regno extensum, sed intra certos limites, numerumque Ecclesiarum coerceri, quarum aliquæ exemptæ sint, præsertim vero Provinciæ Narbonensis, quæ jam à Concilij Lugdunensis temporibus intactæ perdurârunt, illibatæque, & antiquæ libertati relicte.*

*Hæc sunt stricte momenta rationesque, quibus Ecclesiæ meæ aliarumque illarum Provinciæ libertas innititur, quæque mihi animus fuit Majest. Vestræ suggerere; explicavitque jam dudum in celebri libro de Concordia Regni & Sacerdotij (ubi libertates & jura Gallicanæ Ecclesiæ eruditissimè vindicantur) D. de Marca, cujus virtutem Majest. Vestra amavis unà suspexitque; & ausim Majest. Vestræ affirmare, quæ ab hoc præstantissimo Antistite eo in libro de Regalia disputantur, talia esse, tamque compertæ veritatis, ut cui vacaverit ea cum aliqua cura evolvere, de Ecclesiarum nostrarum libertate dubitare amplius non possit.*

*Hæc cum mecum perpendo, cogor omnino credere, nunquam Majest. Vestræ explicatum, ostensumque fuisse, quibus momentis hæc causa niteretur. Imò potius Majest. Vestra, quod ex nupera ejus Declaratione apparuit, Regaliam jus esse Coronæ innexum, atque coarctum; ideòque naturâ suâ æqualis toto Regno similisq; conditionis. Quæ tamen aliena omnino sunt ab omni Historia, Concilijque Lugdunensis decretis: ab antiquis, novisque Regum constitutionibus, & Parliamentorum Arrestis; omniumque Auctorum placitis, qui de hac materia scripsere; ut mirum omnino sit, Majestatis Vestræ ministros ex principiis adeò falsis Ecclesiarum nostrarum libertatem convellere aggressos esse.*

*Iisdem nec melioribus fundamentis permoti sunt, ut in ultima instantia, quæ in Regio Majestatis Vestræ Senatu agitata est, Episcopis, & capitulis hujus Provinciæ necessitatem imponerent expromendi, proferendique titulos suæ à Regalia exemptionis, perinde ac si ista privilegiis, indultisque Principum, aut contrariis quæsitæ esset, & non potius naturali ac Canonica, & in hunc usque diem productâ libertate niteretur. Quo artificio palàm est voluisse eos Ecclesias suâ naturâ liberas cum istis confundere, quæ hanc libertatem titulo, & ratione aliquâ particulari adeptæ sunt, ut deinde inferrent, nullâ possessione, nullâque præscriptione, quantumvis longissimâ, & memoriæ excedente excuti jugum Regaliæ potuisse, quippe juris nec alienabilis nec præscriptibilis; qua in re nemo non videt eos id supponere, quod maxime in questione versatur, probandumque non supponendum erat; prius enim ostendi oportuit substitisse, agnoscendumque Jus Regaliæ, quàm nec alienari, nec præscribi posse. Imò ne quidem contra eas Ecclesias hæc*

ratio procedit, quæ à Regalia Principum privilegio liberata sunt, ut videlicet spoliari eâ libertate possint, quâ tot annorum decursu potiuntur; si enim nulla ratio, nulla æquitas permittit privilegia civitatibus, subditisque concessa, & pacto firmata infringi, quanto minus infringi poterunt Ecclesijs concessa, præsertim cum ijs privilegijs id tantum agatur, ut antiquæ & naturali libertati Ecclesiæ reddantur. Id planè Majestatis Vestra agnovit, quando paucis retrò annis prohibuit, ne Ecclesiæ Atrebatensis exemptioni, quæ in his ipsis terminis versabatur, quidquam detraberetur; patam ergo est, Majestatem Vestram si veritatem docta fuisset, multo minus id circa Ecclesiâ permissuram, quæ totâ retrò antiquitate, & tam multis Regum edictis ac diplomatibus libertate fruebatur. Jam verò Majest. Vestrae aures Ejusque religionem planè deceptorum, idque non tantum ea ex parte, quæ substantiam, sed etiam quæ modum spectat, hanc causam in judicio disceptandi; eam quippe Majestati Vestrae Senatui obulære, Sententiam illic, legesq; accepturam, idque obtentu quarundam contentionum, quæ inter Regalias vertebantur, legitimisque beneficiorum possessores. At verò non est hæc causa, quam ex communibus Regij Consilij regulis metiri oporteat; nec clerus in eo Senatu aut Actoris, aut Rei partes, sed supplicanti tantum induerat, ut videlicet placeret Majestati Vestrae, suis ministris prohibere, ne porro Ecclesias divexarent Regaliæ immunes. Hanc quoque viam sub Henrico Magno item Clerus insisterat, quando portento Principis bello, Parlamenti Parisiensis Arresto, quod anno 1606. vulgatum fuit, adversus sunt: querebantur enim illo non libertatem tantum Ecclesiarum, sed etiam Regium edictum duobus antè annis emissum, & cui subscribere Parlamentum recusaverat, oppugnari, perrexeritque Clerus Patrem Majestati Vestrae iisdem querelis pulsare, à quo anno 1629. declaratio prodijt, quâ profuturum, nolle se Regaliâ frui, nisi intra limites, usumque elapsorum retrò annorum, hoc est juxta Henrici IV. edictum; nec illud jus ad loca proferre hujus servitutis hætenus expertia; id quod Principi jussu Cleri deputatis à Gallie Cancellario D. de Marillac expositum est. Sperabatque jam Clerus à tam pio, justoque Principe decretoriam tandem, ultimamque sententiam, quæque pacem juxta & libertatem Ecclesijs sanciret Regaliæ immunibus; sed quæ tam gloriose Rex Christianissimus animo conserperat, mors intercepit.

Hæc & alia plura si Majestati Vestra quâ oportuit integritate exposita essent, quid aliud ab Ejus æquitate & clementia expectari potuit, quàm ut tam antiquam & Ecclesijs coram libertatem, atque à Regibus prædecessoribus toties defensam, ipsa quoque conservatam vellet, illibatamque? & quis dubitet non Eam id aduram, ut quod jam fecerat Ludovicus Justus, edicto Magni Henrici inhereret potius,

potius, quàm Parliamenti Parisiensis Arresto, omnibus retrò Principum edictis, quàm dirigentorumque annorum Jurisprudentiæ planè adversanti.

Enimverò omnibus hisce rationibus adductus sum, ut crederem nihil contra Ejus voluntatem, rectisque intentiones facturum me esse, si eâ solemnitate abstinerem, quâ Juramentum fidelitatis in Acta publica referre jubebamur; & cum postea hanc ipsam omissionem causarentur ministri Regij, juberentq; in Ecclesia mea velut vagante (cum tamen 40. serò annis illi præsedissem) Regaliam aperiri; fateor Majest. Vestræ, in eam me conjectum esse necessitatem, ut cogerer, quantum vires meæ ferrent, Ecclesiam tueri, ejusque juribus propugnantibus ijs medijs experiri, quæ sacri Canones suppeditabant; quid enim aliud poteram, nisi partibus meis deesse vellem? præsertim cum averti alias non possent ingentes illæ turbæ, rerumque confusio, quàm beneficiorum provisiones obtentu Regaliæ, dolisque expressæ Ecclesiæ meæ inferebant, legimus quietisque, & tot annorum possessoribus expulsi. Id verò cum egi, palam profiteor nihil aliud à me factum speratumque esse, quàm ut Ecclesiæ legibus, decretisque Oecumenicis Concilij totâ Galliâ recepti cultique, & quatuor seculorum observantia parerem. Quod si alij Episcopi nihil simile moliti sunt, non id fuit, quòd in hac causa Regaliæ aliter, quàm ego sentirent; imò ubi se occasio obtulit, suis suam mentem prodidit, ac etiam scriptis libellis contra Regaliæ extensionem protestati sunt, eoque inter Ecclesiarum suarum documenta recondi voluerunt, testes aliquando futuros impugnare ac frustra defensione libertatis. Nibi equidem conscientie meæ stimulos sentienti parum id esse videbatur, nec aliud superesse medium credebant, quo Canonica cudentique Ecclesiæ meæ libertati subvenirem, quàm ut nuperum decretum conciperem, vulg. remque, sicque Jura, proventusque temporales Ecclesiæ meæ, quâ licuit ratione tueri, multoque magis ut collationibus beneficiorum consulerem, quæ planè effectus sunt spiritalis & Hierarchicæ potestatis.

Cum Apostolus Paulus Judæorum Regi assisteret, & pro fidei ac Evangelij veritate inter catenas causam suam peroraret, non potuit imperare sibi, quin in illas voces prorumperet Apostolici Spiritus, sanctæque libertatis plenas: O Rex non credis Prophetis? scio quia credis. Placeat Majest. Vestra mihi quoq; Episcoporum huius Gallici Regni minimo, sed Christissimum Regem alloquenti, eadem voces permittere, clementique animo ferre, si dicam: Non ergo credit Majest. Vestra auctoritati Ecclesiæ in Oecumenico Concilio collectæ? scio, quia credit; quippo inter tot alia insignia, titulosque Gallicæ Majestatis eam inter primos

primos ac pretiosissimos ponit, quo primogenitum Ecclesiæ, sacrorumque Canonum protectorem compellari se audit. Scio quam altè Regio illius animo memoria se-deat solemnibus ejus Sacramenti, quo cum Regio diademate cingeretur, ad aram se devinxit, promissaque Ecclesiæ, ejusque ministros, ac Episcopos, privilegia, immunitatesque omnes, eorum sacræ dignitati annexas, & vel sacrorum Canonum, vel Regum auctoritate attributas, conservaturam. Scio etiam quantum amor, studiumque justitiæ Majest. Vestræ cordi sit, quam si ne uni quidem ex minimis subditorum unquam negavit, egone credam negaturam esse Ecclesijs? idque in re tanti momenti, eorumque libertatem adedò vulnerante? Scio deniq; Majest. Vestram exemplo D. Ludovici, ex cujus Regio sanguine prognata est, animo secum æstimare, nihil æquè necessarium esse, sed nec magis arduum, quàm idoneos Ecclesiæ ministros deligere, sicque tantum abesse augendi, proferendique ultra limites concessos hoc munus, curamque periculi adedò plenam contendas, quin potius pavidè anxietate cogitatura sit, quomodo de illis beneficijs DEO sis responsura, quorum nominationibus jam dudum onerata est.

Ignoscat Majest. Vestra hanc libertatem Episcopo annis gravi, & tanto jam tempore Pastorales curas sustinenti, quique religioni sibi & conscientiæ omnino duceret, silentium tenere in tanti momenti negotio.

Equidem nihil adedò in votis mihi est, quàm ut Majest. Vestra intelligat, me omnem Ei reverentiam, obsequiumque ex animo profuturi, & si dignata fuerit ad ea animo advertere, quæ hucusque in Ejus sinum effudi, fatebitur Ipsa nihil à me dictum, scriptumque esse, quod venerationem minuire possit Ejus Majestati debitam, sed tantum Ecclesiæ meæ libertati providisse: hanc in manus meas Christus deposuit, hanc à me reposcet; & cum tempus accedet reddendum rationum, meæque villicationis finiendæ, inter tam multa alia, quæ animum meum angunt, illudque tribunal formidandum reddunt, præcipuum planè id est, quodque nullâ excusatione purgari posset, si contra conscientiam meam voces, apertamque veritatem, causam Ecclesiæ Christi Sponsæ hoc temporis defererem. Recordor à sapiente dictam esse, corda Regum in manibus DEI versari, & ab hoc quocunque voluerit, inflecti. Hunc igitur emixtissimis precibus imploro, precorque, ut Spiritum sapientiæ, pietatis, justitiæq; in animum Majest. Vestræ effundat, Eamque suis benedictionibus, ac gratiâ illustret, doceatque quid in præsentis causa fieri oporteat, ac etiam in alijs omnibus juxta divini sui cordis voluntatem Regem efficiat. Hæc sunt animi mei sensa, hæc vota, quibus in meis ad aram sacrificijs, precibusque pro Majest.

*Majest. Vestra incessanter defungor, nec enim majus aliud pignus invenio, quo meam erga Majest. Vestram fidelitatem, obsequium, verumque Ejus gloriæ promovendæ desiderium, ac profundam venerationem contester, cum qua vivo, perennoque. Alethi 28. Junij 1678.*

## Majestatis Vestræ

*Humilissimus, Obsequentissimus & fidelissimus  
Servus & subditus*

Nicolaus Episcopus Alethensis.

## Documentum II.

*Mandatum Illustrissimi & Reverendissimi Domini Nicolai  
Pavillon Episcopi Alethensis contra eos, qui obtentu Regaliæ Alethensis  
Ecclesiæ Beneficia occupabant.*

**N**icolaus DEI miseratione Episcopus Alethensis, Charissimus & Dilectissimus Fratribus Ecclesiæ Nostræ Cathedralis, & Collegij S. Pauli Canonicis, Archipresbyteris, Rectoribus, Vicariis, aliisque Personis Ecclesiasticis Salutem & Benedictionem. Quoniam ex querelis, à Promotore hujus Diocesis ad aures nostras delatis intelleximus, quamplures subreptitiè, tituloque Regaliæ, non pauca Beneficia, sive Dignitates illæ sunt, sive Canonicatus, tam in Cathedrali, quàm in Collegiata S. Pauli Ecclesiæ obtinuisse, imò conatos insuper esse, ut obtentu dictæ Regaliæ eorundem Beneficiorum Possessionem caperent; idque non attento, quòd major presatorum Beneficiorum pars per Canonicam legitimamque Institutionem, jam in alios sit collata, jique longo annorum cursu pacificè eorundem Possessione fruuntur; id verò ad manifestam invasionem, & usurpationem juris Ecclesiasticorum pertineat, ac antiquis juribus, Canonicaque libertati adversetur Provinciæ Narbonensis, quæ non solum cum proprijs privatisque Dominis serviret, verum etiam posteaquam imperante Ludovico sancto Coronæ Gallicæ juncta est, nunquam Regaliæ subjacuit; imò ejusdem Ludovici, ejusque Successorum Regum patrocinio, antiquas suas immunitates ac jura retinuit, præsertim quoad illa, quæ Regaliæ spectant, ac etiam per litteras patentes Philippi Pulchri de Anno 1303. earundem immunitatum ac Privilegorum confirmationem accepit, & diuturnâ, ac immemoriali possessione libertatem suam præscripsit; imò quantumvis hujus Pro-

Bb

vinciæ

viciâ jura minùs firma essent minùsque fundata, quàm reipsâ sint, cui tamen mirum novùmque, & hactenus inauditum non accadat, post sex & triginta annos, quibus huic Episcopatu præfesse cœpimus, eoque pacificè totidem annorum cursu potiti sumus, ac omnia Beneficia contulimus, nullo Regaliæ impedimento, eandem Regaliâ perinde ac vacante Ecclesiâ in nostra Diœcesi aperiri? Quanto ergo hujusmodi attentata plus habent novitatis, magisque in Ecclesiâ præjudicium vergunt, tanto magis nostrarum partium est, ut illa in ipsis iniurijs suffocemus, præsertim cum titulo Regaliæ jam sibi videatur possessionem vendicasse in aliquibus Ecclesiâ nostræ Beneficijs, videlicet, Cimmeliarchatûs nostræ Cathedralis, quem Clericus aliquis Tholosanus resignandum sibi curavit Regaliæ obtentu, ac insuper fructus usurpare conatur, non obstante Mandato & Interdicto nostro, quo, ne deinceps virtute Regaliæ, secutæque Possessionis functionibus illius Beneficij se ingerere præsumeret, sub pœna Excommunicationis ipso facto incurrendæ districtè prohibuimus. Alterum Beneficium est, cui cum à sua fundatione euzæ animarum annexa sit, habeatque aliquos Parochianos, quantumvis parvo numero subiectos, jam tamen per aliquot annos à Persona Laicæ conditionis possessum est, & ab hac ad aliam transijt, ne nomine quidem notam. Quæ omnia, nisi remedio aliquo opportuno corrigantur, necesse tandem est, ut in maximum Ecclesiæ, diœcesanisque Capitulorum, ac Diœceson damnûm & confusionem redundant. Quæ cum ita se habeant, præfatus Diœcesis nostræ Promotor instantè rogavit, ut ad hunc effectum auctoritatem nostram interponere dignaremur.

Nos ergo precibus ejusdem Promotoris permoti, & præsertim hujusmodi Regaliarum injustis conatibus obviare, ijs verò, qui de præfatis Beneficijs canonice investiti sunt, ne quidquam molestiæ patiantur, providere cupientes, ac insuper, quantum in nobis est, ac juxta obligationem nobis ex Divinæ Legis, factorumque Canonum præscripto impositam, jura & libertates Ecclesiæ nostræ illibata conservare; Capitulis Ecclesiæ nostræ Cathedralis, ac Collegiatæ S. Pauli iterum inhibemas, prout jam aliàs inhibuimus, ne quemquam eorum, qui subreptitiè, ac prætextu Regaliæ Collationes, aut nominationes impetrârunt, in præfata Beneficia recipiant, in eorum, aut capitulum, aliâve functiones eorandem Beneficiorum admittant, sub pœna suspensionis, quam ipso facto incurrant, quicunq; ad hujusmodi receptionem aut installationem auxilio, aut consilio, aut alio quocunque modo cooperati fuerint. Ipsis verò, ita ut prædictum est, Frovisis, ne se dictis Beneficijs ingerant, sub pœna Excommunicationis ipso facto incurrendæ. Omnibus etiam Personis Ecclesiasticis aqûè prohibentes, ne quo-



quocumque modo hujusmodi, ut præsumptum est, Provisis, consiliis, aut auxilium præstent in capienda Possessione, idque sub pena suspensionis æque ipso facto incurrenda. Mandamus etiam Sacerdoti, ad quem notitia istarum primò pervenerit, aut aliàs cuicumque Clerico consurà insignito, ut omnes actus, aut aliàs quidquid ad hujus Mandati nostri promulgationem necessarium fuerit, diligenter expediat, aut expediri faciat. Datum Alethi in nostris Aedibus Episcopalibus die 5. Martij Anno 1675.

(L. S.)

Nicolaus Episcopus Alethensis.

Et infra.

Ad Mandatum Illustrissimi

Mercier

## Documentum III.

*Mandatum Episcopi Alethensis contra D. de Foix, quo monitiones canonice decernuntur ad effectum, ad Declarationem Excommunicationis procedendi.*

**N**icolaus DEI miseratione Episcopus Alethensis, omnibus Diæcesis nostræ fidelibus Salutem & Benedictionem à Domino nostro JESU Christo. Quoniam intelleximus, Joannem Petrum Gaston de Foix Diæcesis Couteracensis Presbyterum, Decaniam & Canonicatum Ecclesiæ nostræ Cathedralis titulo Regaliæ obtinuisse, spatio decem & suprâ annorum à Petro Pommier Capituli dictæ Ecclesiæ Decano pacificè possessum, sequè in Possessionem ejusdem Beneficij ingressisse, ac etiam Nonæ, & Vesperarum Divinis officijs sub ea qualitate & caractere interfuisse, præterdantque omnes deinceps sapessati Beneficij functiones peragere; id verò manifesta sit Mandati nostri infractio die 5. Maji Anno 1676. emissi, eique besternâ die debito modo legitimèque insinuati; quo eidem aliisque omnibus districte prohibuimus, ne se Beneficij nostræ Diæcesis, obtentu Regaliæ ingerere auderent, idque sub pena Excommunicationis ipso facto incurrenda. Ipse verò Joannes Petrus saluberrimas exhortationes nostras neglexit, quibus, dum heri nos conveniret, in spiritu lenitatis, & charitatis delinire eum conati sumus. Id autem, cum non solum in Ecclesiæ contemptum cedat, verum etiam sacrorum Canonum Decretis, receptisque in hoc Regno legibus adversetur, quibus sancitum est, neminem solius Regaliæ titulo, suis

Bb 2

Bene

Beneficijs, quibus pacificè fruebatur, spoliari posse, nisi prius coram legitimo Iudice conventum damnatumque, adeò ut huiusmodi violenti conatibus non solum jura libertatesque Ecclesiæ nostræ pessumdentur, ac Censuræ in Lugdunensi Concilio super hac re fulminata ludibrio habeantur, (cujus quidem Concilij Decretum declarata solum nupero Mandato à Nobis sunt, ac præsentì casui applicata) verùm etiam, ut diximus, legibus in nostro Regno receptis observatisque injuria fiat. Has inquam ob causas, utque Mandato nostro, Decretoq; Concilij Lugdunensis, cujus initium est: Generali Constitutione: satisfiat, monitiones Canonicas contra sæpeditum D. de Foix expediri jubemus; eique virtute earundem monitionum, ne se præfato ingerat Beneficio, sed Decretis Concilij Lugdunensis, nostròque nupero Mandato primum obtemperet, seriò injungimus. Si verò obtemperare neglexerit, declaramus eum publicè fore denuntiandum, atq; Excommunicandum; imò Excommunicationem à Lugdunensi Concilio, nostròq; Mandato impeditam, ipso facto incurrisse. Quæ quidem monitiones de tertia in tertiam diem eidem insinuabuntur, ita videlicet, ut præsentès nostræ, postquam ei significatæ fuerint, locum primarum monitionum obtineat. Injungimus etiam primo Presbytero, aut Clerico tonsurâ insignito, ut quidquid ad insinuationem, aut executionem præsentis hujus nostri Mandati necessarium fuerit, diligenter, atque incunctanter expediat. Data Alethi in Aedibus nostris Episcopalibus 17. Octob. 1676.

(L. S.)

Nicolaus Episcopus Alethensis,  
Et infra.

Ex Mandato Illustrissimi  
Mercier.

## Documentum IV.

### *Episcopi Alethensis Epistola ad Regem.*

Domine, &c.

**V**eror equidem, ne Majestatem Vestram importunè molestèque conveni-  
ni m; tamen cobiberi non possum, ut non omnium reddam certio-  
rem, quæ contra quemdam Ecclesiasticum Decanatum, ejusq; officia  
in Ecclesia nostra Cathedrali captantem, me necessitas coëgit experiri.  
Et verò tantum mihi audeo de clementia & equitate Majest. Vestræ polliceri,  
ut

ut persuasum habeam, Eam potius ijs fidem præstaturam, quæ in Majestatis Vestræ sinum pari libertate ac reverentiâ effundam, quàm illorum vocibus, qui non omittent me reddere suspectum Majestati Vestræ, measque actiones in pejus interpretari. Narrabunt illi, Mandatum à me prodissè, quo non obstante Regij Senatûs Decreto, Ecclesiasticum illum submovebam, commonebamque, ne Regijs præceptis acquiesceret; cùmque persuaderi à me non posset, ut capitis abscinderet, aliud Mandatum secutum esse, quo ex Disciplina Ecclesiasticæ legibus premi illum, arcerique jubebam. At verò, si, quod supplex demissusque, ac quâ possum reverentiâ, exposco, Majestati Vestræ placuerit hanc causam examinare, fatebitur ipsa, id à me tantùm factum esse, quod fieri omnino oportuit. Nondum exciderit Majestati Vestræ, me jam semel datis ad Eandem litteris, quibus rationibus jura & libertates Ecclesiæ meæ contra Regiam munirentur, suggessisse: nec Ipsa, si modò dignata fuerit animum ad ea advertere, inficias iverit, aut Ecclesiæ meam à me prodi debuisse; aut ejus libertati tuendæ, nihil, quod modò in viribus meis esset, intentatum relinquere. Quid enim aliud poteram, quàm ut Ecclesiæ parerem, ejusque me legibus dederem? At illa in Concilio Generali, quid in hisce angustijs agerem, quæcumque portum subirem, jam facem præluxerat. Testor veritatem, me nihil aliud egisse, quàm ut Ecclesiæ Mandata exequeretur, neque sive me filium, sive ministrum Ecclesiæ cogitarem, parendi necessitate solvi potuisse. Et hoc ipsum est illud, quo me angi vehementer contestor, in eam videlicet me adductum necessitatem, ut videri possem Majestatis Vestræ mandatis oblectari, & tamen nemo illam demissius veneratur; & cui liberis, actiones meas in hac causa metiri, fateri cogetur, nihil à me magis minusque peractum esse, quàm necessitas urgeret, ac remedia morbo aptasse, nec prius ad acerba pœnasque Ecclesiæ deventum, quàm spe omni consumptâ, & cùm mitiora non proficerent. Nihil aliorum consilijs, nihil exterorum suggestionibus debeo; & si quidem Majestati Vestræ placeat hoc culpæ adscribere, totum id crimen meum est, sine complice, sine magistro deliqui, nec ullum admisi erroris socium. Ego hanc causam intimè, lentèque discussi, cùm videlicet eam cognoscendi me necessitas & officium premeret. Ego illam omni studio expendi: ego non cursim, nec obiter libavi, sed multa cum cura moraque, non mecum tantùm, sed etiam cum ipso DEO contuli, ejusque gratiam ac lumen, ne fortè errore aliquo abriperer, demissè imploravi. Nec verò in hoc stadium tanti sudoris ac pulveris plenum, aliam ob causam decurri, quàm quod persuasum haberem, nisi id agerem, præcipuis mei muneris partibus defuturum; atque hæc opinio nunquam deleri ex animo meo potuit, imò sem-

per invalui. Cùm enim gravissimo morbo ultimis annis confictarer, meq; jam morti accingerem, vehementer animum meum ea cogitatio pulsare cepit, quã tangi me, permoverique sentiebam, ut ultimos hujus vitæ meæ annos, ac pauca, quæ supererant, momenta, DEO unice addicerem, impigreque officio meo perfunderem, ac præcipuè in causa Regaliæ, quã implicatum me cernebam, novum fidelitatis exemplum post me relinquerem. Et quia causæ rationesque, quæ animum meum primò imbuunt, semper eadem, ac immutatae persflunt, fieri quoque non potest, ut propositum mutem, aliàmque viam insulam. Recordetur Majestas Vestra, me in ea ætate versari, quã nihil aliud, quàm vicinam mortem, reddendasque DEO rationes cogitare jam lubet. Infelicissimus ergo, & miserrimus fuerim, si, ut quiete ac malaciâ fruor brevissimi temporis, conscientia meâ vim faciam, ac stimulis, quibus agi me sentio, lubens prudensq; obnitatur, periturus videlicet momenti amore. Id verò si agam, fateor me hac unâ culpâ indignum eo gradu ac Dignitate reddi, in quam me DEUS provexit, nullamque mihi ampliùs fiduciam fore pro Majestati Vestræ, Ejusque Regiæ Familiæ sospitate cælestem gratiam implorandi. Equidem persuasum semper habui, neminem Principi suo fidelem fore, qui DEO infidelis esset, eamque semper regulam observandam duxi, quam ab Apostolo hisce verbis consignatam didiceram, videlicet: Deum time, & Regem honora. Hæc sunt adversus Majest. Vestram animi mei sensa, hæc mecum, uti spero, in extrema durabunt, qui tamen gloriari audeo, me nec fide in Majestatem Vestram, nec reverentiâ ulli alteri palmam concedere. Alessi 20. Octob. Anno 1676.

## Majestatis Vestræ

Humillimus, Obsequentissimus & Fidelissimus  
Servus & subditus

Nicolaus Episcopus Alesensis

## Documentum V.

### Mandatum Illustrissimi & Reverendissimi Episcopi

Apamienfis.

**F**RANCISCUS miseratione Divinâ Episcopus Apamienfis, Charissimis & Dilectissimis Fratribus & Canonicis Ecclesiarum nostrarum Cathedralis, & Collegiatae Beatissimæ Virginis Campensis, Archipresbyteris, Rectoribus, Vicariis, aliisque Ecclesiasticis Personis. Salutem & Benedictionem. In-

tellexi-

releximus Dominum Paucet Diœcesis Leonensis Presbyterum obtentu Regaliæ, cœre Diœcesis nostræ Apamiensis nunquam subiacuit, Canoniciatûs & Archidiaconatûs Regularium Capituli nostræ Cathedralis possessionem captare. Et quia tam Episcopale ipsium officium, quo, licet indignus, persungimur, quàm etiam Oecumenici Lugdunensis Concilij Decretum, cujus initium est: Generali Constitutione: gravem nobis imponunt necessitatem, Ecclesiæ nostræ jura tuendi, impediendique, ne Regalia in eas Ecclesiæ ac Provincias irrepant, quæ huic servituri nunquam obnoxie fuere; idèo nisi Censuras à præfato Concilio intentatas incurrere, ac insuper gravi conscientiam nostram delicto obstringere vellemus, non potuimus ullo pacto permittere, ut silentibus nobis, ac turpi conviventia defixis, idem Jus Regaliæ in hanc nostram Diœcesin induceretur; tantòque magis, quia licet in hac nostræ Diœcesi Regaliæ locus aliquis esse posset, quod tamen minimè concedimus, tamen ad Cathedralē Ecclesiā extendi haud posset; quippe quæ ex sua Institutione Regularis est, ac Reformata; adeoque nisi à Deo ad Religiosum statum evocati, probatque diuturno ac consueto tyrocinio, ad nullum Canoniatum, aut Dignitatem aliam ejusdem Ecclesiæ nostræ Cathedralis promoveri possunt; quod etiam Pontificio Alexandri VII. Regiōque Diplomate cautum est. Ac tandem toto triginta trium annorum cursu, quibus huic nostræ Ecclesiæ præfuimus, quamvis indigni, omnia Ejusdem Ecclesiæ vacantia Beneficia, sine contradictione, liberèque contulimus. Ex his igitur aliisque causis, utque partibus à DEO nobis impositis deesse ne videamur, hisce nostris præsentibus litteris Capitulis Cathedralis, & Collegiatæ Domine nostræ Ecclesiarum districtè inhibemus, ne ad Beneficia, locumque in Choro, aut Capitulo recipiendum, aliasq; prædictis Beneficijs annexas functiones exercendas hujusmodi ex titulo Regaliæ provisos admittere præsumant, idque sub pœna suspensionis ipso facto incurrendæ; quâ omnes illi obstricti teneantur, qui quovis modo, aut quæsito colore hujusmodi Beneficiorum usurpatores consilio, aut auxilio adjuverint, aut alias eorum conatus promoverint. Ipsos verò, ita ut præfertur, titulo ac colore Regaliæ provisos ac Beneficiatos, ne se hujusmodi Beneficijs ingerant, sub pœna Excommunicationis ipso facto incurrendæ, aq̃ue prohibemus. Præcipimus etiam omnibus Personis Ecclesiasticis, ne ullum auxilium, consilium aut assistentiam ad capiendam, aut incundam possessionem hujusmodi Usurpatoribus præstent, idque sub pœna excommunicationis ipso facto incurrendæ, &c. Data Alethi in Edibus Episcopalibus 27. April. Anno 1677.

Franciscus Episcopus Apamiensis.

Docu-

## Documentum VI.

*Epistola ad Regem Reverendissimi & Illustrissimi  
Episcopi Apamiensis.*

Domine, &amp;c.

**I**Nter tot Regias virtutes, quas in sacram Majestatis Vestrae Personam Divina manus effudit, persuasum semper habui, nullam aequè Christianissimo Principi dignam esse, ut facilitatem clementiamque, quâ subditorum, ac praesertim Episcoporum preces plenâsq; reverentiæ voces benignè admittit. Id mihi animos fiduciamque addidit, ut crederem haud fore ingratum Majestati Vestrae, si quam mihi conati sunt calumniam aspergere, quâque tanto altius in animum meum descendit, quodd fidelitatem, obedientiamque Principi meo debitas, sedare conentur, ad pedes Majest. Vestrae supplex purgarem. Persuadere conati sunt Majestati Vestrae, me non morari tantum, sed nec ferre eos posse, qui militiam profuturum: ac Sacerdotibus Sacramenti Penitentiae ministris in mandatis dedisse, ne quemquam, qui eam vitam amplexi essent, nec illi abnuntiassent, peccatis expiant. Facile equidem mihi esset, tam foedæ calumniae diluenda, eorum numerum recensere, qui ex mea Dioecesi sub auspicijs Majestatis Vestrae, aut Ducum, aut gregariorum militum conditione nomen militiae dederunt; sed vereor, ut Majestatis Vestrae patientiâ abutar. Possem etiam attestaciones ac chirographa exhibere quàm plurium Confessoriorum ex locis, ubi miles hyberna egit, asseverantium Sacramenta quamplurimis administrata esse, imò omnibus, modò illis ritè accipiendis animum aptaverant; & ego nonnullos Sacramento Confirmationis initiavi. Non potui igitur non vehementer mirari, fuisse ex inimicis meis, qui ut animum Majestatis Vestrae à me averterent, auderent illum tam falsis juxta, & inverecundis criminationibus imbuere. Num ergo ignorare Episcopus potui, artem vitamque militarem non solum innoxiam esse, nisi aliunde inquinetur, sed etiam tuenda angendaq; Republicae necessariam? Quodd si aliquando cum militum nonnullis hac in causa locutus sum, id solum fuit, ut eos exemplo Joannis Baptistae cohortarer ad innocenter militiam exercendam, ac jussa Majestatis Vestrae observanda, quæ à nonnullis calcata videbam, dolebamque, populo varijs exactionibus injuriisque vexato; addè ut opus fuerit in eorum nonnullos animadvertere.

Patietur quoque Majestas Vestra, ut hæc ipsâ occasione rationem ei omnium reddam, quæ inter me, & Ecclesiasticum quendam peracta sunt, cùm prætextu Regaliæ

Regaliæ Archidiaconatu Apamiensis Ecclesiæ potiri vellet; ego illum Mandato, ac Censuræ Ecclesiasticæ procul arcendum duxi; idq; ut agerem, non alias planè ob causas permotus sum, quàm ut conscientiæ meæ, ac juramento satisfacerem, quo cùm Episcopalem Cathedrali consensendi, ad Ecclesiæ meæ jura ac libertates conservandas sanctè me obstrinx. Ecclesia Apamiensis, cujus ego curam quamvis indignus sustineo, nunquam Regaliæ subjacuit, idq; non tam privilegio, Principum liberalitate accepto, quàm naturali, & à prima foundatione coactâ libertate. Qui ergo connivere ego possem, ut illa Diocesi in reheretur, nisi & Dignitate, quâ fungor, indignum me redderem, & Decretis Lugdunensis Concilij quatuor seculorum observantiâ subnixis, & Regum Galliæ Edictis, ac præsertim Henrici Magni, glorijsq; memoriæ Ludovici Majestatis Vestræ Patri adversaret? Accedat, quod novi hujus juris invectione totam eam Reformationem Ecclesiæ meæ penitus everiti contingeret, quam pari felicitate & favore cum Pontifici Alexandri VII. tum Majestatis Vestræ eam Regio Diplomate protegentis ad metas perduxit; nec enim sperare licet, eum, qui Archidiaconatum nuper obtinuit (primam videlicet Ecclesiæ meæ Dignitatem) quiq; illum deinceps sequentur, eo animo huc festinasse, ut sacræ militiæ tyrocinium facerem, communiq; bonorum societate contenti, mundani, ejusq; cupiditates deponerent. Si ergo, qui jam Deo vocante Religionem amplexi sunt, professione suâ, votisq; absistere cogantur, ac certum animarum suarum adire naufragium, alijs videlicet, alienisq; Beneficia sua, quibus sustentabantur, relicturni, illud quoq; & necessariò consequeretur, ut Divini officij Ecclesia mea destitueretur; nec enim, ut Majestati Vestræ suggestum fuit, ea Congregationi sanctæ Genovæ unita est, sed suis, ac particularibus statutis & legibus gubernatur. Ceterum dignetur Majestas Vestræ mihi credere, nihil uspiam terrarum esse, quod fidelitatem ac obedientiam meam, quas Eidem profusor, ulla ex parte minuire, aut inquinare possit, imò nihil æquè mihi cordi ac curæ est, easq; inter præcipua capita mearum obligationum colloco. Nec credo, me aliâ re magis eos Majestati Vestræ probare, testariq; potuisse, quàm si eodem tempore me Deo, ejusq; Divinis præceptis æquè fidem promptumque ostenderem; quam enim fidem ab illis Principes expectent, qui eam Deo negarunt? Enimverò pro Majestate Vestrâ nullum finem sacrificandi precandiq; faciam, quo celestis Eâ, totiq; Regiæ stirpi Benedictionem, ac Gratiam à Deo efflagitem, ac interim, quâ majori possum veneratione, & obsequio sum eròq; semper. Apamiæ 29. Jun. 1677.

## Majestatis Vestræ

Humillimus, Obsequentissimus & fidelissimus  
Servus & Subditus

Franciscus Episcopus Apamiensis.

Cc

Docu-

## Documentum VII.

*Epistola encyclica Reverendissimi Episcopi Alecēnsis.*

**N**ullus dubito, sententiam Vicarij & Officialis Narbonensis tantā curā studioque ubiq; locorum vulgatam, & quā bina à me edita Mandata evertere conatur, in manus vestras devenisse. • Enimverò persuasum ego habeo, eodem temporis momento, quo illam recepistis, unā etiam recordatos vos esse, quanta mihi incumberet necessitas, jura libertatisque Ecclesie meae, ac Dignitatem Episcopalem, quae in hac causa aequè periclitantur, impigrè tuendi. Id ego conatus sum efficere Constitutione, quam huius meae annexam legetis, & ex qua facile colligere licebit, non unius tantum, sed communem, omniumque hujus Provincia Ecclesiarum causam, ac periculum verti. Vos ergo, uti spero, nec partibus vestris desuturi estis, nec omittetis in vestris quisque Diocesis ea omnia curare, quae huic sententiae removenda, ejusque effectui suspendendo necessaria fuerint. Tantum id agite, ut sociati junctisque viribus communem causam amplexemini, vosque Dignitatem Auctoritatemque nostram oppugnantibus, Sacerdotali libertate occurratis, & quod hactenus nimia sortè indulgentiā peccatum est, pari Zelo, oblataque occasione obliteretis. Ego interim Venerabundus perennes.

Aleci 23. Octob. 1677.

Humilissimus & Obsequentissimus  
SERVUS

Nicolaus Episcopus Alecēnsis.

## Documentum VIII.

*Actus Capitularis Ecclesiae Apamiensis contra Procuratorem  
Domini Pauet Regalista.*

**A**nno Domini 1677. die vigesima Junij conveniunt in Civitate Apamiensi coram me Notario Regio P. Franciscus Carlat Archipresbyter Ecclesiae Cathedralis Apamiensis, & Prior Claustralis ex una; & Dominus Joannes Ludovicus la Caze Diocesis Convenensis, ac D. Petri Pauet Presbyteri legitimus Procurator ex altera partibus: qui ultimus exposuit,



posuit, se circa horam nonam ante meridiem compariturum, atque Chirographum Regium exhibiturum, vigore cujus Archidiaconatus, & Canonicatus Regularis, olim à Domino Mascaronè possessus, præfato Domino Petro Pauet Presbytero confertur; rogare proinde, ut nomine ac vice sepedicti Domini Petri ac Regij Chirographi intuitu, ut in Archidiaconatum ac Canonicatum Apamiensem recipere eum vellent. Cui petitioni per eundem Dominum Franciscum Carlat Archiepiscopum responsum est, se post solemne Sacra Missæ officium Capitulares convocaturum. Convocatis ergo, atque in unum collectis Cathedralis Ecclesiæ Canonicis, post communem maturamq; deliberationem, ex omnium unanimi, atque concordis sententia responsum est: se videlicet, salvo interim omni respectu Majestati Suae debito, non posse, nomine quo supra, dictum Dominum la Caze recipere, idque ex sequentibus rationibus. Primò. Quia per expressam Alexandri VII. Bullam, Diplomate quoque Regio confirmatam, enixè sancitum est, ne quis, nisi post inchoatum expletumque jussu Episcopi Tyrocinium, sequutimq; deinceps Professionem, ad Beneficia Ecclesiæ Apamiensis recipiatur. Secundò. Quia ab Illustrissimo & Reverendissimo Episcopo suo Cathedrali Capitulo prohibitum est, ne quemquam titulo Regaliæ ad Beneficia prænominatæ Ecclesiæ admitterent, locum in Choro, aut Capitulo darent, aut alias fungi permitterent dictorum Beneficiorum officijs, idque sub pena suspensionis ipso facto incurrendæ. Tertiò. Quia Decreto tum Generalis Concilij Lugdunensis, cujus initium: Generali Constitutione, tum etiam Oecumenici Tridentini Sess. 22. cap. 11. imbibetur, ne nullâ ratione, consilio, seu auxilio Regaliæ promoveant (quæ in Ecclesiâ Apamiensi locum nunquam habuit) neque sub pena anathematis jura Ecclesiarum violari, ac labefactari permittant. Utq; prædicta Capitularis Declaratio ignorari à nemine possit. &c.

## Documentum IX.

*Actus Reverendissimi Episcopi Apamiensis ad Reverendissimum Archiepiscopum Tholosanum directus.*

**A**nno 1677. die 18. Octob. In Civitate & Palatio Episcopali Apamiensi, Regnante Christianissimo Principe Ludovico, Galliarum & Navarre Rege, coram me Notario publico & Regio, ac testibus infra notandis, Illustrissimus & Reverendissimus Franciscus Stephanus Episcopus Apamiensis personaliter constitutus, atque per hunc actum à me legitimè

conscriptum, verba sua dirigens ad Illustrissimum & Reverendissimum Dominum Josephum de Monpezat Archiepiscopum Tholosanum; nec non ad Dominos Guilielmum Cazanagion Presbyterum & Promotorem Ecclesie ac Provinciae Tholosane, & Petrum Paucet Presbyterum Diocesis Leonensis, protelsatur declaratque: se ejusdem D. Archiepiscopi Kalendis Septembris proximè elapsi pronuntiate sententie nullo modo acquiescere ac deferre posse, quâ nuperum, hoc est, vigesima septimâ Aprilis emissam ab eodem D. Episcopo Apamiensi Mandatum Legibus Regni Gallicani, communique tranquillitati, ac hujus Provinciae Ecclesiasticae Disciplinæ adversum, ac prout una cum Censuris ibidem intentatis, nullum viribusque cassum declarat, prohibetque insuper, ne quis hujusmodi Censuris, aut Mandatis deferat, eisque obediat, aut illa executioni mandet; multoque magis ipsi Domino Episcopo Apamiensi, ne hujusmodi Mandata deinceps publicari, ac executioni dari permittat, serio injungit. Præcepta insuper Capitulo Apamiensi sub pœnis à Jure præscriptis, ut præfatum Dominum Paucet in Canonicum ejusdem Ecclesie recipiant, installent, inque possessionem inmittant, ita tamen, & non aliter, quàm si juxta formam à Sacris Canonibus, ac literis Provisionibus traditam, vota Religionis, sacramque Professionem emisserit. Denique Promotori suæ Archidiocesis imponit, ut præfatum sententiam in ipsa Civitate Metropolitana, nec non Urbe Apamiensi, aliisque Archiepiscopatus sui Diocesis legi, affigi, promulgarique faciat.

Huic ergo à Domino Archiepiscopo Tholosano lata sententia, declarat præfatus D. Episcopus Apamiensis se acquiescere ac deferre non posse, eamque tam secundum formam, quàm rem ac substantiam ipsam, nullam irritamque esse pronuntiat. Primum enim secundum formam nulla est; quia omni jure, etiam naturali, cautum est, ne sententia à Judice aliquo feratur, nisi auditis prius, aut saltem citatis partibus, quarum interest; id quod innumeris serè auctoritatibus probare liceret, nisi res esset adeò nota, ac in jure tam clarè decisâ, ut ne quidem ullâ probatione indigeat. Sufficiat canon 22. Concilij Niceni: Caveant Judices Ecclesiæ, ne absente eo, cujus causâ ventilatur, sententiam proficerant, quia irrita erit. Et Decretis Innocentij II. in Capitulo: Venerabilibus, de sententia Excommunicationis. In qua casus, de quo agimus, serè in terminis definitus est; ita enim habet: Attamen si suffraganeus, vel extrâ judicium pro suorum jurium defensione: vel etiam in judicio, ex suo procedens officio, inquirendo videlicet, vel simile quid agendò aliquem excommunicet; in hoc casu conveniendus est ipse suffraganeus coram Archiepiscopo, vel ejus officiali; quia ipsius interest, defendere causam suam.

Planè

Planè inauditum est, fuisse à Metropolitano contra suffraganeum in causa appellationis, ad solam instantiam partis, nec vocatis, quarum intererat, paribus, pronuntiatum. Nec ipse D. Paucet hunc adeò essentialem errorem inspicari potuit, imò illi quavis ratione obteigendo colores ac pretextus collegit. Aut enim, posse à Metropolitano contra Suffraganeos Episcopos, titulo denegata justitiæ, & si Archiepiscopo de causis constat, cur suffraganei administrare justitiam noluerint, sententiam dici. Cæterum præterquam contra hujusmodi abusum sæpe multumque ab Episcopis declamatum est, oporteretque eum corrigi aliquando; confundit insuper idem D. Paucet voluntariam ac contentiosam Jurisdictionem, & e. a. quæ ad gratiam, quæque ad justitiam pertinent. Si quis enim Apostolicâ autoritate Romæ provissus compareat, ac virtute hujusmodi Provisionis Beneficium ab Ordinario petat, is meram gratiam, ejusque executionem, & nihil aliud petit, sicque nullâ partium citatione opus esse videtur. Si verò ab Episcopo aut Metropolitano sententia aliqua in Petitório feratur, quis unquam dubitavit, vocandas esse partes, de quarum jure ac præjudicio agitur; & nisi vocentur, sententiam esse nullam irritamque? Idemque dicendum est de sententia Judicis secularis, quando de mera Possessione Beneficii controversia agitur; si enim hæc formalitate careat, & partes, quarum intererat, vocatæ non sint, nemo negaverit hujusmodi sententiam nullam fuisse. Denique in omni judicio tres distinctæ Personæ reperiri debent, videlicet: Actoris, Rei, Judicis; ideo quavis fortè Metropolitanæ gratias impetiri soleant à suffraganeis recusatas, nunquam tamen exemplum aliquod produci poterit, fuisse eorundem suffraganeorum sententias & Decreta à Metropolitanis sublata, & pro irritis casisque declarata, paribus non vocatis.

Multo minùs suscipi potest, quod in hujus tam manifesti erroris defensionem idem D. Paucet allegat, videlicet: Mandatum Reverendissimi D. Episcopi Apamiensis in eadem Apamiensi Diœcesi ubique locorum publicatum dispersumque fuisse, sicque omnes juxta rationes & argumenta, quæ eundem D. Episcopum ad hoc Mandatum expediendum permoverant, in omnium notitiam perlatas esse; non ergo citandas fuisse necessitudo partes ad respondendum, cum jam constaret, ac piam omnibus foret, quid essent respondere. Verùm qui sciri potuit, omnes Episcopi Apamiensis rationes eo mandato contineri, & non plures alias in scrinio pectoris occultari suo tempore exponendas? Et planè ex industria nonnullæ suppressæ sunt, ac in commodiorem occasionem servatæ. Sed quidquid de hoc sit, norum omnino, & inauditum, ac sine exemplo est, fuisse Reum à Tribunali, ac judiciari defensione exclusum, quia extrajudicialiter, privatimque causam dixerat; quasi verò quis nesciat, in ipso

Contradictorio Judicio, Litisque Comeflatione, partibus utroque proponentibus, ac respondentibus multo clariùs veritatem micare, ac partium jura palam fieri. Sed nec ipse D. Pauet unquam mundo persuadebit, aliam ei causam fuisse tam necessariæ Citationis declinanda, quàm quod jura rationesque Episcopi Apamiensis aded ei clara, omnique exceptione majora videbantur, ut puderet obliuisci. Denique si nihil aliud, illud saltem oportebat ab Episcopo intelligere, an opinioni suæ, mandatisque jam semel vulgato insistere, ac inhærere vellet.

Secundò. Ex eo etiam capite Sententia Tholosana quoad formam nulla & irrita est, quod in illa dicatur: Mandatum D. Episcopi Apamiensis Legibus Regni Gallicani adversari.

Quasi verò Archiepiscopi partes sint, de Legibus Regni, earumque contraventionibus judicare, aut Ecclesiastica Jurisdictio alium finem habeat, quàm Canonum Ecclesiasticorum observantiam; aut aliquis etiam Judicium secularium sit, qui non omnino sibi persuadeat, hujusmodi sententias defectu Jurisdictionis suos limites excedentis, nullas esse irritasque. Præter hos, & essentielles defectus circa formam judicij commissos, alij nec pauci numero accessere, ab honestate ac decoro inter homines observari solito alieni. Demus enim Mandato Episcopi Apamiensis aliquid defuisse, quo rejici mereretur; at honestas saltem exposcebat, & veneratio Dignitati ac Characteri Episcopali debita, ut prius moneretur Apamiensis Episcopus (primus videlicet, & antiquissimus in Archidicesesi Tholosana Antistes) & aliqua componenda liti ratio tentaretur, quàm ut liceret in extrema, ac sententiam procedere multis injurijs sparsam; qualis ea est, quam D. Archiepiscopus nuper pronuntiavit, quæque Domini Pauet supplicationem contemptis saluque plenam non admisit tantum, sed etiam recitavit, ac publico exposuit. In ea siquidem dicitur

Primò. Promisisse Regi Episcopum Apamiensem, se juramentum fidelitatis in publica acta referendum præstaturum. Id verò falsum omnino est, nec aliâ intentione à Domino Pauet confectum vulgatumque, quàm ut invidiam odiumque Episcopo conflaret, perinde ac si ipse fidem violasset Regi obligatam; cùm sament super hac causa neque Rex sit aliquando cum Episcopo collocutus, neque ipsi Episcopo unquam in mentem venerit, Regi aliquid simile aut immediatè per se, aut per alios polliceri.

Secundò. Idem D. Pauet Episcopo Apamiensi objectat, malè sententiam ac Decretum Lugdunensis Concilij ab eo esse intellecta, idque ex verbis Concilij, ac Glossa constare. Caterùm hæc cùm dicit, palam omnibus facit, se illum ipsum esse, qui mensent Concilij Lugdunensis malè assecutus est, quique prius de veritate edoceri,

edoceri, instruique certius debuisset, quàm ut Episcopo hac exprobraret non sine dedecore, injuriæque sacræ Dignitatis : & præterea quàm hac objectio à vero abluat, idem Episcopus Apamiensis, cùm ad hujus quæstionis cardinem ac substantiam sermo perveniet, clariùs ostendet, quàm ut negari ab aliquo possit.

Tertiò. Conatur idem D. Pauset notam læsæ Majestatis Domino Episcopo adspargere, quando adjungit, Censuras ab eo intentatas nullum alium finem spectare, quàm ut Populum concitent, ac legibus Edictisque Regijs rebellem faciant. Id verò quàm est à veritate ac mente ejusdem Domini Episcopi alienum, quàmque ejus moribus huc usque inculpatis adversum, tam graves pœne debeant temeritati ista scribentis ; enimverò Episcopus Apamiensis nulli Galliae Amisissum, aut fidelitatis, obsequij, aut curæ & observantiæ in Regem, ac publicum Gallie bonum palmam concedet. Quòd si in præsentis Regaliæ controversia minùs ad Regiam voluntatem accessit, quàm Aula speravit ; erit aliquando tempus, cùm Majestati suæ constabit, id ex solo metu provenisse DEI offendendi, quem animum Petrus Apostolus honori ac reverentiæ Regibus debita præmisit : Deum, inquit, timete, Regem honorate. Imò tanto firmitus est vinculum, quod eundem Episcopum Regio servitio adstringit, quanto magis nulli adulationi mixtum, soloque DEI præcepto, Reges honorari jubentis, obligatione subditorum in Principem, Regisq; virtutibus nixum, quibus Majestas sua abundat, & dignam se omni obedientiâ ac fidelitate reddit. Sed nec magis curæ ac Religioni suit, Provinciæ & Diœcesis Tholosanæ Promotori in regulis decori ac aequitatis offendere, Episcopo Apamiensi debita. Dicit enim, hujus Decreto & Mandato multorum conscientias ac Ordinem Ecclesiasticum turbatum esse ; perinde, ac si turbas & motus vereri nos oporteat, quæ in dysscoriarum animis veritatis & justitiæ leges excitare solent. Nec enim Episcopi Apamiensis Mandatum aliò spectavit, quàm ne Canones Ecclesiæ violarentur, neque per alias vias ad Beneficia accessus pateret, quàm per illas, quæ ab ipsidem sacræ Canonibus præscribuntur. Nec ab illo novæ pœne dictatæ sunt, sed antiquæ, quæ factorum Canonum violatoribus debentur, tantùm declaratæ. Atque utinam secum perpenderet Tholosanus Promotor, pacem, pro qua in hac materia adeò laborat, multo animadus fore perniciosiorem, quàm quidquid turbatum & inquietis ex Episcopi Apamiensis Decreto profectum esse dicitur ; nihil quippe aliud ab Apamiensi Episcopo factum est, quàm ut Decreta exequeretur Lugdunensis Concilii. Cùm ergo anathematis ab hoc Concilio illata Tholosanus Episcopus frustra conetur elidere ; sequitur, ut qui illis obstricti sunt, tanto infeliciùs periculisentur, quanto minùs periculum suum sentiunt, eoque liberari haud curant, dicentes : Pax pax, &c non erat pax.

ad quod postea idem Promotor adjungit, nihil contra Edicta, Declarationes, ac Mandata Regia posse à quoquam sine culpa tentata Majestatis decerni; una ex ijs Regulis ac Maximis est, quæ si absque debita limitatione intelligatur, totam evertere Religionem possit.

Sed & illud admiratione dignum: ausum videlicet esse ministrum Archiepiscopalem, cui præcipue sacros Canones observandi cura incumbit, Archiepiscopo suo supplicare, ut aboleri Decretum faceret, quo executio Lugdunensis Concilij unice urgetur, utque Apamiensi Episcopo prohiberet, ut deinceps similibus Mandatis faciendis vulgandisque abstineret. Id verò Jurisdictionem Apamiensis Episcopi aperte ledit; cum Metropolitanus partes ac officium non sit, leges pro aliena Diœcesi statuere; multoque minus, ne mandatis suffraganei obtemperetur, prohibere.

Prohibet idem Promotor, ne à quopiam mortalium hujusmodi Mandatis ac Censuris deferatur, perinde, ac si obedientia illis præstata, vitio culpæque adscribi debeat: & ne sorte Promotoris hæc sensa in occulto lateant, aut potius, ut tanto plus habeant doloris, vulgatum ludibrium; curat urgetque, ut sententia Tholosana, quâ Episcopi Apamiensis Mandatum irritum casumque decernitur, totâ Provinciâ publicetur, omnibusque valvis Urbis Metropolitanæ assignetur, ut videlicet tanto hoc apparatu pompæque severitatis omnes Suffraganei Episcopi, quamvis nunquam auditi, Tholosanæ sententiæ se quæprimùm submittant; perinde videlicet, ac si ea non unius Archiepiscopi, sed totius Provincialis Concilij sententia foret, in quo tamen æquum esset, eos non consuli tantum, sed etiam Personam Judicium sustinere. Sed neque hoc satis fuit, ut ad fores Ecclesiæ tam insignis sententia penderet, illud quoque adjunctum est, ut inter publicas solemnissimæque preces ac Conciones, quæ Missæ Sacrificium comitatur, etiam extra Tholosanam Provinciam promulgaretur.

Ipse verò D. Archiepiscopus, à cujus tamen æquitate sperari debuit fore, ut istorum Clericorum audaciam suâ auctoritate coerceret, tantum absuit, ut id ageret, ut potius ipse in Mandatum Apamiense manus immittat sedetque, impositis criminationibus, perinde ac Conscientiarum tranquillitati, Ecclesiasticæ Disciplinæ, ac Gallicis Legibus adversum; si & Promotoris Tholosani querelis per omnia ac verbatim fere consentit, unde complures nullitates defectusque non contra formam solum, quod modo ostensum, sed etiam contra substantiam ipsius causæ, quod deinceps manifestum faciam.

Tertiò. Tholosana Sententia etiam quod substantiam ac merita causæ ipsius spectat, nulla & irrita est; Episcopi enim Apamiensis Mandatum nihil aliud

com-

complectitur, quàm executionem Lugdunensis & Oecumenici Concilij totâ Galliâ recepti, & quatuor serè seculorum observantiâ firmati; ex quo sequitur, Dominum Archiepiscopum Tholosanum in presenti materia incompetentem Judicem esse; cùm enim de causa agatur maximi ac præcipui momenti, totamque Ecclesiam spectante, deque Generalis Concilij executione, quí potest prohiberi Episcopus, ne id agat observetque, quod à tota Ecclesia observari oportet? aut quâ ratione ei adimi, aut restringi potest, quam ab Ecclesia recepit? Quidquid ergo hac in re ab Archiepiscopo Tholosano fieri poterat, illud fuit, ut Synodum Provinciale convocaret, in eâque examinari curaret, an Episcopus Apamiensis terminos transgressus esset à Concilio Lugdunensi præscriptos; eâ serè ratione, quâ in materia civili non potest Judex subalternus de ijs cognoscere, quæ inferior Judex ex Mandato Superioris, utque merus executor decrevis peregrinque, nisi forsan excessisset fines Mandati. Ipsimet Archiepiscopi & Metropolitani, si ex Conciliorum sententia loqui velimus, nihil aliud sunt, quàm sacerorum Canonum executores, nec in Episcoporum & Suffraganeorum Dioceses jus ullum habent, exceptis casibus certis in jure expressis. Nec dici potest, spectasse saltem ad dictum D. Archiepiscopum jus cognoscendi judicandique, an Apamiense Mandatum conforme esset Lugdunensi Concilio; præterquam enim quòd nil clarius est, quàm ut examine aliquo, aut sententiâ indigeat, accedit insuper, materiam & causam hanc tanti esse momenti, ut à solo Archiepiscopo sine Concilio Provinciali decidi non possit; & tamen non solum sine Provinciali Concilio, sed etiam, uti apparet, sine omni alio, etiam privato Concilio decisa est. In Chalcedonenſi Generali Synodo ita decretum est. Can. 9. Si Clerus adversus suum, vel alium Episcopum habeat causam, apud audientiam Synodi Provinciæ ejus conqueratur. Quod tunc maximè necessarium est, habetque locum, cùm non unius tantum Episcopi, sed totius Provinciæ causâ ac negotium vertitur.

Sed utcunque hæc se habeant, illud saltem certum est, non posse Mandatum Apamiense, ac Censuras in eo contentas pro nullis irritisque haberi, nisi dicamus; aut Lugdunense Concilium de Regaliâ non loqui, aut non esse illud Concilium in Gallijs receptum, aut denique Diocesiſ Apamiensem ex illis esse, ubi Regalia jam usu ac consuetudine invaluerat. Sed quidquid ex his dicas, manifeste falsitatis convinci potest. Primum enim quod attinet, ex verbis ipsius Lugdunensis Decreti, ac Glossæ illud explicantiſ res tota palam fiet. Verba ergo Decreti Lugdunensis ita habent: Generali Constitutione sancimus, universos & singulos, qui Regalia, Custodiam, sive Guardiam, Advoca-

D d

cationis,

cationis, sive defensionis titulum in Ecclesijs, Monasterijs, seu quibuslibet alijs locis pijs, de novo usurpare conantes, bona Ecclesiarum, Monasteriorum, aut locorum ipsorum vacantium occupare præsumunt, quantuncque Dignitatis honore præfulgeant: Clericos etiam Ecclesiarum, Monachos Monasteriorum, & Personas cæteras locorum eorundem, qui hoc fieri procurant, eo ipso Excommunicationis sententiæ decernimus subiacere. Illos verò, qui sc, ut deberent, talia facientibus non opponunt, de proventibus Ecclesiarum, seu locorum ipsorum, pro tempore, quo præmissa sine debita contradictione permiserint, aliquid percipere distriktius prohibemus. Qui autem ab ipsarum Ecclesiarum, cæterorumque locorum fundatione, vel ex antiqua consuetudine jura sibi hujusmodi vindicant, ab illorum abusu sic prudenter abstineant, & suos ministros in eis faciant sollicitè abstinere, quòd ea, quæ non pertinent ad fructus, sive redditus provenientes vacationis tempore, non usurpent, nec bona cætera, quorum se asserunt habere custodiam, dilabi permittant, sed in bono statu conservent. De elect. & electi potest. in 6. *Hactenus Concilij verba, nunc Glossam audiamus.* Pro intellectu hujus Capituli supponendum est, secundum anteriorem intellectum ipsius, quid propriè textus appelleret Regalia. Quidam volebant dicere. (*Hic verbis ostendit Auctor Glossæ, se non probare primam hanc Regaliæ acceptionem*) quòd Regalia accipiantur pro juribus Imperialibus, de quibus in libris Feudorum capit. quæ sint Regalia. Ut si Rex donaverit Regalia Ecclesiæ, & aliquis ea usurpat, de facto sit excommunicatus. Alij dicunt, quòd Regalia accipiantur pro juribus, quæ habet Princeps in aliquibus Ecclesijs, videlicet: quòd vacante aliquâ Ecclesiâ aliquis Comes, vel Dux, qui dicebat se habere jura Regaliæ; in ipsa Ecclesia occupavit Custodiam Ecclesiæ vacantis, & dicebat, quòd fructus ipsius Ecclesiæ ad ipsum spectabant, licet non fuisset usus ipso jure. *Glossa, quam D. Pauet in sui patrocinium adducit, notat quidem nomine Regaliæ, nova tributa, novas collectas, nova vestigalia intelligi. Sed Archidiaconus huius Glossæ Auctor adjungit:* Regalia, id est, quæ capiunt Reges vacante Ecclesiâ, ut patet in Franciæ Regni, & Angliæ; nam illic vocantur Regalia jura Regis, quibusdam Ecclesijs vacantibus competentia.

*Id, quod postea eadem Glossa adjungit ad verbum, Custodiat, satis ostendit, fuisse Concilij Lugdunensis mentem, universim de juribus vacantium Ecclesiarum disponere, & non solum prohibere, ne novis tributis, aut collectis gravarentur, sed etiam ne illarum seu temporalium, seu spiritalium jura, quale est Jus Patronatûs, usurparentur;*



tur; sic enim loquitur Glossa: Quocumque ergo nomine censcantur usurpantes de novo tale jus in Ecclesijs, & alijs locis pijs, & bona ipsorum locorum vacantium occupantes, excommunicati sint.

Constat ergo etiam ex sententia ipsius Glossæ, Concilium Lugdunense de jure Regaliæ locutum esse, sive quia illius Constitutionis finis ac intentio fuit, Regaliæ extensionem impedire: sive quia illis verbis: Regalia, Custodia, seu Guardia, hoc ipsum jus expressum voluit; & ideo D. Paucet graviter hallucinatus est, cum dixit, constare ex Concilij Lugdunensis, ac Glossæ lectione, malè illius Decreta ab Episcopo Apamiensi fuisse intellecta.

Apparet etiam non solum ex illis Concilij verbis: De novo usurpare conantes, sed etiam ex illis Glossæ: Usurpantes de novo jus. Et illis: Licet non fuisset usus ipso jure. Et præcipuè illis: De novo à quadraginta annis citra, Concilij mentem ac intentionem fuisse, ne Regalia ad alias Ecclesias, quam quæ illi jam assueverant, extenderetur. Id quod tam verum certumq; est, ut quamplures Galli scriptores, qui de hoc argumento libros edidèrunt, videlicet, Ruzæus, Rebuffus, Le maître, Baunus Jesuita, alijque, pro primo ac præcipuo fundamento Regaliæ sustinenda tacitam Concilij approbationem ponerent, quam à Concilio factam volunt circa eas Ecclesias, quæ ab immemoriali jam tempore Regaliæ subjecuerant. Ipse Dominus de Marca Archiepiscopus Tholosanus in una suarum Dissertationum, quæ monumentis Ecclesiæ Gallicanæ inserta est, doctè solidèq; demonstrat, Patres Lugdunensis Concilij de Regalia, & juxta sensum Apamiensis Episcopi locutos, illudq; Decretum totâ Galliâ receptum fuisse: nec Reges aliter Regaliâ gavisos, quam limitatè, & in ijs tantum Ecclesijs, quæ ab immemoriali tempore huic juri, an servituti submissæ fuerant. Id quod apprimè concordat cum illis Glossæ verbis: In quibusdam Ecclesijs: in aliquibus Ecclesijs. Et cum illis Rebuffi: In aliquibus Episcopatibus; adde, ut optimo jure Pasquierius Aulæ assentatores vocaverit, qui ad omnes Regni Gallici Ecclesias Regaliæ extendere conati sint. Sed audiendus est Dominus de Marca, qui cum Decretum Lugdunensis Concilij produxisset, hæc verba subjungit: Philippus ergo Pulcher, hujus nominis quartus auctoritate Lugdunensis Concilij subnixus, Jus Regaliæ, quod prius solis moribus usuq; receptum erat, Edicto quoq; suo de Anno 1302. firmavit, ita tamen verba mentemq; suam, verbis ac mente Concilij meretur, ut Regaliæ intra terminos solius Consuetudinis restringat, nec ad Ecclesias extendi velit, hujus Consuetudinis expertas; sic enim loquitur. Item quantum ad Regalias, quas nos, & nostri Prædecessores percipere assuevimus, & habere in aliquibus Ecclesijs Regni nostri, quando eas vacare contingit. Adisq; eandem Clausulam Restrictivam inveniri in Edicto Philippi Valerii de anno 1334. Ex quo hæc verba produci: Pro Ecclesijs Regni nostri, in quibus Regaliæ possidemus,

*Et adhuc clarius in Edicto Ludovici XII. Anno 1499. cujus hæc verba sunt : Inhibemus omnibus ministris, & officialibus nostris, ne in Archiepiscopatus, Episcopatus, Abbatias, & alia hujus nostri Regni Beneficia, Regaliam usurpent, ubi hætenus eam non habuimus, sub pœna suspensionis, &c. Et in Edicto Henrici IV. de anno 1606. Non intendimus Regaliæ juribus gaudere, nisi eo modo & formâ, quâ nos nostrique Antecessores illis hætenus gavisi sunt, nec eam extendi volumus in præjudicium earum Ecclesiarum, quæ hætenus exemptæ fuerunt. Id Henrici Edictum alio Ludovici XIII. confirmatum est de anno 1629. articulo 16. Non est, inquit, voluntatis nostræ, Regaliam titulo Coronæ possessam alio modo, quàm lapsis retrò annis, ac juxta Edictum gloriosæ memoriæ Genitoris nostri, nobis vindicare. Et magis adhuc specialiter in litteris patentibus Philippi Fulchri de anno 1303. in favorem Narbonensis Provinciæ, hoc est, teste Poro de Marca, totius Septimaniæ : Nolumus, quòd gentes nostræ occupent Regalia Ecclesiarum vacantium Provinciæ Narbonensis. In qua Narbonensi Provinciâ semper hætenus Diœcesis Apamiensis numerata est; quippe ab origine & fundatione sua Episcopus Apamiensis, Suffraganeus Narbonensis Archiepiscopi fuit, ut nunc Tholosani.*

Tertium punctum non minus certum est, videlicet, nunquam in Ecclesia Apamiensi Regaliæ locum fuisse, nec ullum allegari exemplum in contrarium potest. Et quanquam juxta notam receptamque Juris Utriusque Regulam, Actoris, & affirmantis, non Rei, sit probare; percurram tamen notam, indicemque Cameræ Computorum, relatum in acta Cleri Gallicani, & cujus Galli scriptores meminere, qui de hoc argumento scripserunt, quales sunt Ruffe, Le Maître, & Pasquier; ex quo indice simul patebit, Regem in nulla istorum Ecclesiarum Regaliæ juribus potitum esse; nam nihil potuit improbabilius dici, minisque consentaneum veritati, quàm illud à Domino Paucet tam confidenter ac impavidè assertum, videlicet hoc Jus Regaliæ etiam in Ecclesijs Septimaniæ illis à primæ fundatione coævum esse, totiq; retrò antiquitate Coronæ innexum. Si enim ita est, Jus Regaliæ sit Regiæ Coronæ adjunctum, nec ab ea separari possit, sequetur omnes Reges hoc jure gaudere, eoque semper gavisos esse, quod tamen factum omnino est, constatq; multis hætenus sæculis inauditum ignotumq; fuisse; nec fundatio, aut dotatio Ecclesiarum aliud jus, quàm Patronatus tribuit; id verò multo minus onerosum est, multoque minùs quàm Regalia, jura Ecclesiarum offendi. Sed & ipsi Galliæ Reges longè aliter de Regalia sensere, quàm Dominus Paucet in eorum gratiam scribat; id quod ex eorum Edictis jam

*jam alias productis patet, præsertim ex sententia à Philippo III. sancti Ludovici Regis filio data anno 1272. quam Dominus de Marca in antiquo Parlamento Protocollo reperiri ait in hæc verba: Sabbatho post Ascensionem Domini restituta fuerunt apud Apamias, & redditæ per Dominum Regem Procuratoribus Capituli Albienſis Regalia Ecclesiæ Albienſis, quæ mortuo Episcopo Albienſi Sepeschallus Carcaſſonenſis ad manum Domini Regis ceperat, & ſaiſinaverat ſine cauſa; cùm Dominus Rex ſuper hoc alias nunquam uſus fuiſſet; prout ex aliorum, & ipſius relatione fuit inventum.*

*Idem Dominus Pauet in ſua ſupplicatione Regiam Declarationem producit, quæ Cleri poſtulationem conſecuta eſt, à Rege petitis: Ut ad ſe, ſuumque Conſilium hanc cauſam evocaret, auditis priùs, examinatisque Cleri, Archiepiſcoporum, Episcoporum, & Capitulorum actis & Documentis, qui ſe à Regalia immunes eſſe crederent. Huic objectioni præter alia multa, quæ dici ſuper hoc argumento poſſent, quæque ſibi impoſterum dicenda reſervat, reſpondet præſatus D. Episcopus Apamienſis, ſibi eam Declarationem, Clerique in Regium Tribunal ſubmiſſionem nullo modo opponi poſſe; cùm ipſe nunquam titulos & Documenta ſuæ Exemptionis Regio Senatui examinanda ſubjecerit; nec Generales Cleri Procuratores, imò ne totus quidem Gallicani Cleri Conventus Jus compromittere potuerit, quod ad ſpiritualem Episcoporum Auctoritatem, omniumque Eccleſiarum Exemptionem pertinet; nec Deputatus ullum ſuper hoc Mandatum à Clero habuere.*

*Adde, quòd, cùm Diplomate Alexandri VII. ac litteris patentibus Regis feliciter regnantis cautum ſit, ne ad Beneficia, Dignitates Cathedralis Eccleſiæ Apamienſis quiſpiam recipiatur, qui poſt accuratum ex Mandato Episcopi tyrocinium, emiſſamque Profeſſionem Regularem ſtatum non ſit amplexus; ſequitur Regem neque huic particulari ſtuto, neque juri Communi (quod habet, Dignitates nulli, niſi qui de gremio ſit, conferendas eſſe, nec ex gremio cenſeri, qui Profeſſionem non emiſerit) ſuâ Declaratione derogatum voluiſſe.*

*Æquum igitur fuit, ut ſuper hijs aliisque, quæ allegari poterant, priùs audiretur Episcopus Apamienſis, quàm ejus Mandatum irritum, nullumque declararetur; quæque ſi audita & perpenſa fuiſſent, ſperari omnino poterat, multo aliter à Domino Archiepiſcopo Tholoſano pronuntiatum fore.*

*Ex hijs ergo, alijsque ſuo tempore, & loco productis, & producendis rationibus, proteſtatur Episcopus Apamienſis, declaransque præſatin Dominum Archiepiſcopo, Promotori, & Pauet, ſe nullo modo potuiſſe, aut debuiſſe illi ſententiæ deferre, ſed, &c.*

## Documentum X.

*Mandatum D. Episcopi Apamiensis, quo declarat, nuper à se editas Constitutiones contra Regalistas, non obstante sententiâ D. Archiepiscopi Tholosani, executioni dandas esse.*

Die 27. Octob. Anno 1677.

**F**ranciscus miseratione Divinâ Episcopus Apamiensis, Charissimis & Dilectissimis Fratribus Ecclesiarum Cathedralis & Collegiatae Dominae nostrae de Campo, Canonicis, Archipresbyteris, Rectoribus, Vicariis, aliisque Personis Ecclesiasticis Salutem & Benedictionem. Intelleximus, quod non obstante inhibitione sub poena Excommunicationis ipso facto incurrendae, contra Fratrem Joannem Franciscum le Juge (qui se Sacerdotem ac Religiosum Ordinis S. Augustini Professum nominari facit, praeenditque Canonicatum, ac Eleemosynarij officium in Ecclesia nostra Cathedrali, titulo Regaliae) à nobis edita, ne se in praedicti Canonicatus, ac Eleemosynarij officia, eorumque possessionem virtute Regij Chirographi ingerere praesumeret, eique insuper intinari fecerimus, nos interim omnia Juris media parere, ac experiri velle, quibus praetensa sententia D. Archiepiscopi Tholosani Constitutionem nostram die 28. Aprilis nullam pronuntiantis, pro irrita cassaque declaretur: imò quamvis de nullitate hujusmodi assertae Tholosanae sententiae, tam quoad formam, quam quoad ipsam substantiam, aliàs evidenter constet. Quoad formam quidem, quia nobis nec auditis, imò ne citatis quidem pronuntiata est, in eaque declatur, Constitutionem nostram praesatam legibus Regni contrariam esse; quod declarari ab eodem D. Archiepiscopo non potuit, cum limites ejus potestatis excedat. Quoad substantiam vero, quia non licuit eidem D. Archiepiscopo Constitutionem revocare, aut irritam pronuntiare, quae nihil aliud, quam mera executio fuit Generalis Concilij toto Galliae Regno recepti, nec non Diplomatis ab Alexandro VII. dati, Regisque iteris confirmati, ac maxime conformis naturae ac qualitatis Beneficiorum Ecclesiae nostrae, quae à primæva Institutione, ac fundatione sua Regularis fuit. Et tamen his omnibus non attentis praefatus Le Juge non omisit praefatorum Beneficiorum possessionem usurpare, cujus exemplum plures alij imitari forsan possent, eo praeterea, quod praefata Tholosana sententia, donec per Appellationem ejus effectus suspendatur, vires obtineat, obligetque. Nos igitur ob has similesque causas didicimus, ut tam dicto Le Juge, quam alijs omnibus,

omnibus, quorum intererit, intimetur, nos à prætensu illa sententia Tholosana legitime appellasse, eamque Appellationem tam præfato Domino Archiepiscopo, quam etiam Tholosano Promotori, vigesima sexta currentis mensis insinuasse, atque ex Tholosana Cancellaria litteras obtinuisse, quibus certi reddebamur, actum Appellationis nostræ tam dicto Le Juge, quam alijs omnibus, quibus necesse fuerit, insinuatum iri, ne videlicet ignorantiam prætere possint, eoque prætextu immunes se credere, liberòsque à Censuris, in Constitutione nostra prolatas, quas sub pœnis ibidem contentis (ob notorios videlicet defectus, & nullitates in ea commissas, & alibi fusiùs à nobis deductas) iterum, quatenus opus fuerit, innovamus. Inhibemus etiam, iterumque interdiciamus, prout in nostris Constitutionibus die 26. Aprilis, & 23. Octobris, jam inhibuimus: atque interdiximus Capitulis Cathedralis & Collegiata B. Virginis de Campo Ecclesiarum, ne quæquam obtentu Regaliæ in dicta Beneficia recipiant, instillent, &c. sub pœna suspensionis ipso facto, &c. Ipsos verò taliter provisos sub pœna Excommunicationis ipso facto incurrende, &c. Data in Aedibus nostris Episcopalibus die 27. Octob. Anno 1677.

Franciscus Episcopus Apamiensis.

**N**otandum est, Anno 1677. die 22. Octob. similem ferè Constitutionem à Reverendissimo & Illustrissimo Episcopo Aletensi editam fuisse, contra sententiam Officialis Metropolitani Narbonensis, qui ejusdem Episcopi Mandata, Constitutiones, ac Censuras contra Magistrum Petrum Gaston irritas declaraverat.

## Documentum XI.

### *Epistola Episcopi Aletensis ad Regem Christianissimum.*

25. Octob. 1677.

**M**ibi ultima vite meæ momenta numeranti, & quid faciendum supersit, ut Divino Tribunali securus sislar, animo repetenti, occurrit illa Christi Domini nostri sententia, quæ jubemur: Priusquam Sacrificium ad Altare offeramus, fratri nostro, qui aliquid adversum nos habet, reconciliari. Cùm ergo jam tempus accedat, ultimum Sacrificium, hoc est, vitam meam DEO immolandi, credidi necessitatem mihi præcipue incumbere, placandi animum Majest. Vestræ, Quam ab aliquo jam tempore, ob ea, quæ circa Regulariam contingere, offensam mihi, aversamque experior; tamē possū Majestati Vestræ asseverare, me semper eo sensu animoque fuisse, quæ

que fidelissimum subditum deceant; quantumvis Regali.™ quod attinet, officij, ac Dignitatis meæ ratio eò impulerint, ut cogeter aliqua facere, voluntati, ac Mandatis Majestatis Vestræ minùs, quàm cuperem, accepta; & tamen idipsum per litteras meas ausus sum Eidem significare, idque eà libertate, quæ Episcopos decet, Sacrorum Furium Depositarios: & nunc quoque in hoc vitæ mortisque meæ consinio Majestati Vestræ profiteor, me nihil aliud egisse, quàm quod crederem Conscientiæ, ac officio meo deberi; idque unicum esse dolori meo solatium, & quo spero Deum non esse mihi eam indignationem adscripturum, quam in pectore Majestatis Vestræ dolens mærensque experior; nec ideo tamen has ultimas obligationis meæ partes explere omittam, simulque hanc ultimam à Majestate Vestræ gratiam expetere, dignetur tribus illis ex familia mea Ecclesiasticis Personis, ejusq; Mandato proscriptis veniam clementer impertiri, quippe nullius culpæ reis, quàm quòd Episcopi, legitimi superioris sui, quemq; Divinæ voluntatis interpretem agnoscebant, præceptis obediverint. Non diffido, si modò Majestati Vestræ placuerit id secum reputare, veniam merituros, ac præsentibus angustiis, quibus constituuntur, ereptum iri. Impleat Deus Majestatem Vestræ cælestibus Suis Beneficijs, Eamq; ad amissum Divini sui cordis, ac voluntatis Regem efficiat. Id unicum est ejus votum, qui plenus venerationis, ac reverentiæ est, crâque semper. Alec'ti 25. Octob. 1677.

### Majestatis Vestræ

Humillimus, Obsequentissimus & Fidelissimus  
Servus ac subditus

Nicolaus Episcopus Alec'tensis.

### Documentum XII.

*Primum Breve S. D. N. INNOCENTII PP. XI. ad  
Regem Christianissimum.*

12. Mart. Anno 1678.

### INNOCENTIUS PP. XI.

**C**harissime in Christo Fili Noster Salutem & Apostolicam Benedictionem. Jam pridem inaudivimus, non deesse Majestati Tuae Consiliarios & administratos, qui Tibi persuadere niterentur, ut usum illum antiquum  
Custo-

*Custodie fructuum vacantium Ecclesiarum, quod Regiam vocant, ad eas quæ Regni Tui Ecclesias extenderes, quas illi juri obnoxias nunquam fuisse, ex ipsis Fisci Regij Tabularijs liquido conslet. Sed nos memoriâ repetentes, omnem ea de re controversiam communi olim Ecclesiæ Catholica consensu, & benignâ Sedis Apostolicæ indulgentiâ, providè sapienterque compositam fuisse in Concilio Lugdunensi Generali; minime ad credendum adduci poteramus, Majestatem Tuam consilij hujusmodi aures præbaturam aliquando esse: multo minùs admoturam operi manum, invitâ Synodo, tantæ apud omnem Ecclesiam auctoritatû, & reclamantibus Constitutionibus, & exemplis Regum majorum, qui Constitutionem in eadem Synodo ad regis preces, regij Legatis præsentibus, in ipsa Gallia, & totâ Gallicâ gente efflagitante sancitam, per integrum quatuor ferme seculorum spatium, certatim probârunt observâruntque, & præcipuo in honore habuerunt. Nec verisimile videbatur, Majestatem Tuam, postquam tantum Sibi apud Deum meriti, & apud homines gloriæ, eximijs pro Religione Catholica rebus gestis comparavit, ut nullius Majorum Suorum Regum clarissimorum memoria invidere posset, velle rem aggredi, quæ nullâ urgente necessitate, vel æquitate suadente, magnum esset quamplurimis Gallie Episcopis, eorûque Clero incommodum, & justum dolorem allatura, non sine gravi Catholicorum omnium sensu, qui in Francorum Annalibus, & in Sacrorum Canonum statutis animadvertunt, quantum id veteri consuetudini, & Ecclesiasticæ libertatis ac discipline rationibus adversetur. Unde plerique, tum veteres, tum recentes Gallie scriptores, quantumvis Majestati Tuae, & imperio subessent, & auctoritatî magnitudiniquè impensius studerent, in eos, qui præfatam Regaliæ extensionem suadere ausi fuerant, tanquam in male perditæque causæ patronos, & favorem aule captantes, liberâ indignatione invecchi, stylum subinde strinxerunt. Nullus verò Gallie Regum, vel tentare id voluit, vel tentatum id exequi sustinuit, memor à sapiente præclare præcipi: Ne transfiliamus terrminos, quos posuerunt Patres nostri.*

*Illud præterea nos ejus periculi metu curaque liberabat; quòd, cum Majestas Tua, non multis abhinc annis, sanctæ Sedis Apostolicæ liberalitate aucta, ornataque sit penè supra votum, indultis amplissimis, præter ea, quibus jam Reges Majores Tui ejusdem Sedis benignitate gaudebant, nominandi ad Beneficia Ecclesiastica, non putavissimus Te sanctissimi sapientissimique olim Gallie Regis exemplo, cogitare de novis ineundis rationibus regie in sacros reditus auctoritatis amplificandæ. Sed ubi allatæ fuere ad Nos bonæ memoriæ Nicolai Episcopi Aletensis litteræ, quibus post debitas religiosi in hanc Sanctam Sedem obsequij, & filialis observantiæ signi-*

Ee

ficationes,

fications, ad Nos querelas, quas propè moriens postea renovavit, ob Regalia usum in suam Diocesim, quæ ab eo libera semper fuit, nuper invecum deserebat, unaque appellationem à sententia Metropolitanæ Narbonensis; deinde verò edocti sumus, idem Apamiensis Ecclesiæ contigisse pariter liberæ; tandem vidimus ipsi regium Majestatis Tuae Decretum, quo omnes Ecclesiæ Gallici Regni, huiusmodi oneri jubebantur assuescere, mirati vehementer sumus Constitutionum Apostolicarum, & Generalium Conciliorum decretis, ac tam rectè competiq; apud omnes veritate & iustitiâ, potiores fuisse illorum conatus, qui terrena potius, & caduca, quàm cælestia & æterna respicientes, dum Majestati Tuae gratiam, potentiam amplificando, aucupantur, molestissimos Tibi, & valde periculosos conscientie terrores, quod Deus avertat, in id tempus præparant, cum in districtio Dei iudicio mortales omnes, quocumq; tandem potentia & dignitate loco sint, diligentem reddere debeant omnis antea vitæ rationem.

Nos itaque pro nostra non minùs erga æternam, quæ magnæ nobis cura est & esse debet, Majestatis Tuae salutem, quam erga inelutum Clerum, & religiosissimos Gallicæ Præsules, imò erga universalem Ecclesiarum, cujus in hoc negotio procul dubio causa agitur, Paternâ charitate seriò admonendum Te, & vehementer hortandum obfervandumq; iudicavimus, ut à tam injustis, & perniciosis ejusmodi consilijs animum abducas; præfatis Alecensi & Apamiarum, cæterisque regni Tui Ecclesijs, quæ usui Regaliæ huc usque obnoxie non fuêre, suas libertates atq; immunitates fartas rectas relinquis, nec eas de cætero ullo modo labefactari sinas: sed quidquid in contrarium hæcenus actum tentavimq; est, repares, & in pristinum statum restitui cures; nève cælestis beneficentiæ fontem, quem subditæ Tibi gentes, pietatis imprimis iustitiæque merito, sicuti credere nos juvat, expertæ huc usque sunt, secus nunc agendo, & Dei per quem regnas, Ecclesiam tam graviter lædendo, obstruas; qui scias huius quoque vitæ bonæ, & regnorum felicitatem & incrementa, à Divina bonitate unicò dari, expectandâq; esse; sicuti innumera omnium gentium, & temporum exempla testantur.

Nos sanè hos animi nostri sensus in sinu tacitos continere non patitur, vel nostræ pastoralis officij ratio, cui sollicitudo omnium Ecclesiarum incumbit; vel iustitiæ debitum, quo omnibus ad hanc Sanctam Sedem ex veteri iustoque more, quem à nulla humana potestate impediri fas est, recurrentibus, ius reddere, consilium, opem, ac paternum patrocinium præstare jubemur; vel denique necessitas occurrendi scandalo, quo christiani latè populi ad tantæ exitum rei conversi, afficerentur, si à laicali potestate, Ecclesiæ, eorumque Antistes, & Ministri, suis libertatibus atque immunitatibus, earumque usu & antiquâ possessione, contra generalium Conciliorum decreta, & veterem inconcussumque observantiam spoliarentur; non alio prætextu, quàm novæ atque inauditiæ opinionis nullo jure nuxa, cui nonnulli postea accesserunt, non quòd  
aliquid



aliquid novi invenerint, quod rei veritatem tam apertam posset in dubium revocare; sed ut rem suam agerent, nihil solliciti, si publicam perderent.

Speramus Majestatem Tuam, causæ justitiæ, & æquitate cognita, quæ patet ipsa per se, Paternæ cohortationi ac precibus nostris, pro spectata animi Tui pietate & sapientia, perpetuæque in hanc Sedem observantiâ auscultaturam; nosque surâ non minùs molestâ quàm necessariâ, inter tot alias, quibus circumdamur, liberaturum. Sanè si aliter suadentium consilia Majestas Tua paulò attentius excusserit, faciliè intelliget, homines gratiæ & fortunæ inhiantes, obtentu Regiæ potestatis, suam firmare velle; neque tam esse amplitudinis Tui cupidos, quam laudis inimicos, cum auctores Tibi sint, ut qui longinquus non ita pridem expeditionibus, & ad omnem posteritatis memoriam illustribus, Christianæ Reipublicæ salutem tueri, & Religionem amplificare sanopere studuisti in alienis terris, nunc à Te ipso quodammodo abiens, Ecclesiæ libertatem, auctoritatemque in Tuis imminutam velis. Quasi verò faciliè Tibi persuaderi posse confidant, æquum esse, vel fieri posse, ut nobilitetur & crescat ex Ecclesiæ ruinis Imperium, quod religiosissimi fortissimique Reges majores Tui, mirifico in eandem Ecclesiam studio, & pari in Apostolicam Sedem pietate imprimis partum, Tibi eorum restigijs strenuè insistenti, amplissimum reliquerunt. Tu Reges eos, Fili charissime, vel potius Te ipsum imitare, & eorum Tuæque præclara facta sæpe in mentem revoca.

Nos quidem oblivisci non possumus Prædecessores nostros Romanos Pontifices, qui similibus de causis graves ac diuturnas pati ærumnas, & immanes contentionum & periculorum procellas, in eo consissi, qui mari veniæque imperat, invicto animo subire non dubitarunt. Hæc ad Majestatem Tuam inviti scribimus, qui in lætiori argumento versari magnoperè cuperemus. Sed postquam Apostolicæ servitutis onus subeundo Divina voluntati paruimus, liberum jam Nobis non est exequi Nostram, quæ Tuæ obsecundare quacumque in te vellet, sicut in pluribus, quas nobis ratio temporum & publicæ paci studium hætenus indulgere permisit, cognoscere potuisti. Significavimus hæc ipsa Oratori Majestati Tui Nobili Viro Ducì d' Estrées, ut ad Te pluribus referret, itidèque Venerabili Fratri, & Archiepiscopo Adrianopolis Nuntio apud Te nostro; quem ut de tota re differentem, diligenter & benignè, pro more Tuo velis audire, vehementer à Te petimus, ac Majestati Tui Apostolicam benedictionem impertimur.

Datum Romæ apud sanctum Petrum sub annulo Piscatoris, die 12. Martij 1678. Pontificatus Nostri anno secundo.

Marius Spinula.

Ec 2

Docu-

## Documentum XIII.

*Secundum Breve S. D. N. INNOCENTII PP. XI. ad  
Regem Christianissimum.*

21. Sept. Anno 1678.

*Charissimo in Christo Filio Nostro, Ludovico Francorum  
Regi Christianissimo.*

## INNOCENTIUS PP. XI.

**C**harissime in Christo Fili Noster Salutem & Apostolicam Benedictionem.  
Ex litteris quibus Majestas Tua ad nostras quintâ Aprilis datas respondit,  
& ex ijs quæ ad Nos retulit venerabilis frater Archiepiscopus Adria-  
nopolitanus, eò rem adductam videmus, ut Nos vel officio nostro de-  
esse, retinendo verbum in tempore salutis, vel Tibi fortasse molestia esse coga-  
mur. Sed dabis, Charissime Fili, pastoralis officij debito, dabis paternæ solici-  
tudini atque amoris in Te nostro, si Te malè consulentium culpâ, in summo  
æternæ salutis periculo constitutum videntes, opportune importunè inflammas &  
obsecramus, elatâ voce clamantes, ut è tam præcipiti loco pedem referas. Duo  
in primis Tibi pro veris atque indubitatis affirmari cognovimus ex Tuis litteris.  
Primum quidem Regalia jus ( uti nuncupant ) in Ecclesias Galliæ universas  
Majestati Tuae competere, tanquam Regiæ coronæ insitum, & innatum: deinde  
clarissimos Reges Majores Tuos jus illud, & exercuisse dum viverent, & ad  
Te morientes hereditario ordine transmisisse: quibus à Te creditis, minimè mi-  
ramur, si ad ea progressus fuisti, quæ talium principiorum consentanea erant.  
Nemo enim sanæ mentis & doctrinæ ausit in dubium revocare, nullum secu-  
lari potestati in res sacras jus esse, nisi quatenus Ecclesiæ indulsit autoritas.  
Hæc autem non solum Galliæ Regibus non indulsit, ut Regaliâ prædictâ ex-  
tenderent ad Ecclesias illi oneri non assuetas, sed etiam id fieri apertè vetuit  
in Generali Concilio Lugdunensi, quod Gallia imprimis veneratur, ac sanctum  
habet. Reges verò prædecessores Tuos, quotquot fuere, ejusdem Concilij dispo-  
sitionem religiose semper & per quadringentorum ferme annorum spatium cu-  
stodivisse, & si quis eorum de illa infringenda cogitavit, re melius pensatâ, ab  
incepto destituisse, audimus in confesso esse apud omnes Scriptores præsertim Gal-  
los, & Regia ipsa tabula, id ad oculum demonstrare. Quamobrem pati non  
possumus

possumus, nec debemus, Majestati Tuae obtrudi errorem tam manifestum, tam consentientem Tuae, tam Galliae Regno, tam Ecclesiae universae perniciosum. Semel enim admissio, licere Majestati Tuae adversus Generalis Concilij Lugdunensis decreta, adversus Regum majorum Tuorum exempla, adversus ipsam rerum sacrarum naturam & primigeniam Ecclesiarum libertatem, invadere jus Regaliae in eas quoque Ecclesias, quae hujusmodi oneri obnoxiae numquam fuisse, idque palam dissentiente & reclamante, & ineluctabilem caelestis irae animadversionem multis cum lacrymis denuntiante Romano Pontifice, ad quem sicut vetus consuetudo poscebat, nonnulli Galliae Episcopi à Metropolitanorum sententijs appellaverunt: nemo non videt, quae inde Ecclesiae Catholicae deformatio ac ruina, quae sacrarum ac profanarum rerum confusio, sublato quodammodo inter spirituales ac seculares potestatem pariete medio, sit consequutura, non in Gallia solum, sed in omnibus alijs Christiani orbis provincijs, manante in dies latius exempli auctoritate. Accedet ad haec (nisi error tam absurdus ac tam certus corrigatur) gravis jactura, & periculum animarum in isto Regno. Illi enim, quos Majestas Tua vacantium Ecclesiarum fructibus augebit, in quibus Ecclesijs jus illud locum non habet, cum progressu temporis vel monitu Sacerdotum, quibus arcana conscientiae suae detegunt, vel etiam ipsi per se (ut in re clara & aperta) viderint, in quos se laqueos induerint, & in quod animam suam perditionis aeternae discrimen adduxerint, tot censuris adeoque tot sacrilegijs obstricti, tot illicitè perceptis bonis Ecclesiae, quae restituere cogantur, incredibile dictum est, quā animi perturbatione, quibus conscientiae terroribus agentur, Regiam beneficentiam Tuam magni infortunij loco habituri. Quorum profecto malorum & discriminum culpam (nisi providè arceantur) Majestas Tua haud dubiè in districto DEI judicio sustineret. Vehementer itaque Majestatem Tuam rogamus, ut pro eximia animi Tui aequitate & sapientia, rem seridè perpendas, ac si innumeris amplissimi Regni Tui negotijs impeditis, quominus eam per te cognoscas, viros aliquos, non tam doctrinā, (quae non adeo magna requiritur ad hujus causae cognitionem) quā pietate fideque praestantes consulas: vel, si placet, evolvas Acta ipsa Cleri Gallicani nuper impressa, quae Tibi rei veritatem luculenter aperient. Quā cognitā, minimè dubitamus, quin Majestas Tua illico declaret, nihil sibi majori curae esse, quā reddi DEO quae DEI sunt, à quo tantus opes, tam splendidum amplūque Regnum, & omni Regno potiora tot praeclara animi corporisque bona accepisti. Longius fortasse quā patitur vel evidens causae justitia, vel egregia virtus Tua, in hoc argumento immoramur. Verū non ut confundamus Te, haec scribimus, sed tanquam Filium Charissimum

monemus, animo reputantes, nihil prodesse homini, si universum mundum lucratur, anima verò suæ detrimentum patiatur. Speramus, Charissime Fili, opus non fore, ut novis eximiam Religionem æquitatemque Tuam precibus in hoc negotio interpellemus. Ea ceteroquin est rei magnitudo, in qua non Gallicana solum, sed totius Ecclesiæ dignitas salusque vertitur, ut pro Apostolici officij nostri munere, extrema potius pati omnia, quàm causam istam negligenter agere debeamus. Reliqua super hoc argumento accipies à præfato Nuntio nostro, ac Tibi Apostolicam benedictionem perpetuo cum felicitatis Tuæ voto coniunctam amantissime impertimur. Datum Roma apud Sanctum Petrum sub annulo Piscatoris die 21. Septembris 1678. Pontificatus Nostri anno tertio, missum verò die quartâ Januarij 1679.

### Documentum XIV.

*Tertium Breve Sanctissimi D. N. INNOCENTII*

*PP. XI. ad Regem Christianissimum.*

25. Decemb. Anno 1678.

*Charissimo in Christo Filio Nostro Ludovico Francorum*

*Regi Christianissimo.*

### INNOCENTIUS PP. XI.

**C**harissime in Christo Fili nosfer, Salutem & Apostolicam Benedictionem. Binis jam litteris fusè & luculenter ostendimus Majestati Tuæ, etiam ex concordia omnium serè Gallæ Scriptorum testimonio, & ex ipsius Regij tabularij Tui actis, quàm esset Ecclesiastica libertati injuriosum, omni humano divinòque juri contrarium, & alienum à perpetuo Regum Majorum Tuorum more & exemplo, editum septem ab hinc annis à Te Decretum, quo consuetudinem illam custodiendi fructus vacantium Ecclesiarum, quam Regiam nuncupant, ad eas quoque Ecclesias extendi jubes, quæ ejusmodi oneri obnoxia nunquam fuère. In quibus litteris vehementer à Te, pro pastoralis officij nostri debito, & pro paternâ quam gerimus æternæ salutis Tuæ curâ, efflagitavimus, ut decretum ipsum, & alia deinceps acta adversus jura & libertates Ecclesiarum, abrogari abolerique mandares. Et sanè illud est causæ ipsius meritum, ea de Regij animi Tui aequitate & magnitudine opinio nostra, ut certâ spe

spe duceremur, Majestatem Tuam, omnibus in locum pristinum quamprimum repositis, cor nostrum ab ulteriori tantæ rei solitudine, tot alijs in Catholice Ecclesiæ procurratione distractum, liberaturam. Verum post plurium mensium spatium, quod longanimitas nostræ probandæ ab ultimis litteris effluxit, nullum adhuc neque ad eas responsum, neque ex his fructum videmus: quin etiam plurimorum litteris & sermone, pro comperto assertur, omnia deteriore loco in dies esse, & prætextu Regaliæ ejusmodi, Beneficiorum collationes, & canonicas institutiones impediri, Episcoporum auctoritatem pessumdari, Ecclesiasticam disciplinam ordinemque turbari, novam denique præxim veteri Ecclesiæ praxi & divinæ institutioni contrariam, invohi à seculari potestate & neque ea clam & timide fieri, sed palam & manu Regiâ. Non repetimus hoc loco ( ne actum agamus ) quot inde scandala & querelæ, quot in Clerum incommoda nascantur, quod Ecclesiæ universæ à tali exemplo periculum, quæ tempestas imminet. t. quæ nonini atque honori Tuo macula, quæ conscientiæ labe incurrat. Satis enim ea in superioribus litteris indicavimus: satis patent ipsa per se. Non patitur tamen sincera & planè paterna erga Te, Regnumque istud amplissimum charitas nostra, Nos in tantâ Divini honoris injuriâ, in tam gravi Tui ipsius periculo adhuc filere. Sed cogimur iterum intimo cordis affectu, & in visceribus JESU Christi, rogarè obsecrarèque Majestatem Tuam, ut memor ejusdem Christi verborum ad Ecclesiæ Præpositos: Qui vos audis, me audit. Nos potius, qui parentis, & quidem amantissimi loco sumus, audire veli vera & salutaria suadentes, quàm filios dissidentie, qui terrena tantùm sapiunt, quique consilijs in speciem utilibus, sed reverâ perniciosi, inclyti istius Regni fundamenta, in rerum sacrarum reverentia, & in Ecclesiæ auctoritate juribusque tuendis posita, convellunt. Qui quidem si ij esse vellent, quos esse ipsorum dignitas & officium, Tuâque singularis in eos benignitas postulat; imitari potius deberent integritatem fidemque eorum, quos olim pari loco positos, memoriæ proditum est, & in Gallicani Cleri nuper acta relatum, liberâ aliquando voce in simili causa monuisse Reges Prædecessores Tuos; meminissent, quid, & quâ Religione, ubi Regni gubernacula suscepturi sacro chrismate inungerentur, polliciti DEO fuissent, se videlicet Divinæ ejus gloriæ, omni ope & studio, inservituros, & pro Ecclesiæ suæ sanctæ juribus & libertate asserenda, paratos fore semper sanguinem ipsum vitamque profundere; considerent fluxam & fugacem esse mortalium vitam, Regum præsertim & Principum, qui ubi ad distractum DEI judicium vocarentur, illuc accederent sine custodiis, sine comitatu, sine ullis Regiæ dignitatis insignibus vel potentiæ profidijs, nudî atque inermes, reddituri omnis antea vite rationem judici scrutatori cordium, quem nulla res latet, apud quem non est acceptio personarum, qui potestatem habet mittere in gehennam, ubi potentes potenter tormenta patientur.

Net

Nec superiori saeculo defuit in Gallia Episcopus, qui in frequenti aliorum Praesulum Aulaque Procerum corona, apud Henricum Regem hujus nominis tertium, Cleri Gallicani causam in re non absimili orans, Regi dixerit: observatum fuisse, nunquam Regias in Gallia defecisse stirpes, nisi Reges indebitas ad Beneficia nominationes arrogare sibi cepissent, à quibus Sanctus Ludovicus Rex Christiana humilitatis gloria, quam Regiae dignitatis culmine sublimior, usque adeò abhorruisset, ut ultro etiam Pontificiâ auctoritate sibi delatas rejiceret. Fuit hæc quondam, fuit in Gallia, imò ad hæc nostra tempora strenuè retenta est, penes Episcopalem Ordinem Apostolica loquendi libertas, nihil metuens, nihil sperans nisi à DEO: neq; id solum per Reges licuit, sed ita Episcoporum monita semper accepta sunt, ut Episcopi ipsi & sibi meritum laudem, & causæ optatum exitum sint consecuti, manseruntque propterea inviolata tam diù atque inconcussa sanctio Oecumenici Concilij Lugdunensis: adeò ut nonnulli Gallie Reges, impios ac sacrilegos publico decreto eos appellaverint, quicumque Regaliam ad Ecclesiam ei non assuetas extendere aliquâ ratione tentarent, sicuti in vestris Annalibus traditum reperitur. Hæc autem temporis præsentis infirmitas, eò accerbior nobis accidit, quòd scimus, Majestatem Tuam nihil ducere inter Regij animi ornamenta præstantius, zelo justitiæ & studio divini bonoris, pro quo tam pia, tam salubria decreta nuper edidisti, ac tam multa, tanta cum nominis tui lude & bonorum omnium letitia, in præsens agis, destruendo Synagogas & Azylos Hæreticorum; ut Tibi non minora in cælo statuere videaris conservata propagaque Religionis trophæa, quàm in terris relicturum speramus devictarum gentium barbararum. Cavendum tamen est diligenter, ne quod dextera, hoc est ingenita pietas Tua ædificat, destruat sinistra, hoc est, callida & iniqua consilia dicentium tenebras lucem, & lucem tenebras; cum Apostolico moneamur oraculo, qui in uno delinquit, esse omnium reum. Non defuere hæc etiam occasione in Gallia quidam, neque plures deessent ex fratribus nostris Episcopis, viri fortes, divinæ legis ac libertatis Ecclesiasticæ zelatores, qui gravissimam hanc, & toti Franciæ Regno, imò Ecclesiæ universæ communem causam, pari constantiâ & spiritu apud Majestatem Tuam agerent: sed metu quodam justo, ut ipsis videtur, ignoscendoque, ut nos autem judicamus, vano, & non solum Episcopali officio, sed etiam magnanimitati & equitati Tuae injurioso, retenti silent, expectantes dum humilitas nostra, à filiâli Tua in hanc Sanctam Sedem observantiâ impetret, quod à Regia Tua justitia, Ecclesijs suis debitum poscere ipsi non audent. Itaque in ijs litteris nostris illorum omnium justum dolorem & preces agnosce: quin imò DEI ipsius volun-

tatem,

tasem, ore te nostro alloquentis ac seridè monentis, ut prædictum decretum, & quidquid ejus occasione adversus Ecclesiæ libertatem & jura actum gestumque hæcenus fuit, corrigi emendariq; omnino cures. Alioquin magnopere veremur, ne subire aliquando debeas, quam Tibi alijs in litteris denuntiavimus, cælestis iræ animadversionem. Nos sanè neque hoc negotium per litteras amplius urgebimus, neque desides erimus in adhibendis remedijs, quæ tradita nobis divinitus potestati competunt, quæque in tam gravi periculosoque morbo omittere, sine gravissima neglecti Apostolici muneris culpa non possemus. Neque tandem ullum inde incommodum aut periculum, nullam quantumvis sevaram atque horribilem tempestatem pertimescimus; ad hoc enim vocati sumus: neque facimus animam nostram pretiosiores quàm nos; probè intelligentes, non sorti solum, sed etiam læto animo subeundas tribulationes propter justitiam, in quibus, & in Cruce Domini nostri JESU Christi nos unice gloriari oportet. Causam DEI agimus, quærentes non quæ nostra sunt, sed quæ JESU Christi. Cum Eo propterea, non nobiscum Tibi negotium erit in posterum; cum Eo scilicet, adversus quem non est sapientia, non est consilium, non est potentia. Nos postquam ministerij nostri partes, plantando & rigando, sicut oportet, impleverimus, expectabimus, dum operi incrementum det DEUS, à quo accuratà prece flagitare non desinemus, ut verbis & hortationibus hisce nostris, vim & robur infundat, Majestati Tuae animum ad salubriora flectendo, unde & Tu mereri possis, & nos letari, res Tuas omnes secundiore in dies cursu fluere, ac subditis imperio Tuo gentes perpetuâ atque opimâ pace florere. Tibi Apostolicam Benedictionem amantissimè impertimur.

Datum Romæ die 29. Decembris anno 1679.

## Documentum XV.

*Quartum Breve S. D. N. INNOCENTII PP. XI. ad*

*Regem Christianissimum.*

3. Martij Anno 1681.

*Charissimo in Christo Filio Nostro, Ludovico Francorum*

*Regi Christianissimo.*

INNOCENTIUS PP. XI.

**C**harissime in Christo Fili Noster, Salutem & Apostolicam Benedictionem.

FF

Quò

Quò expectatior, eò gratior nobis accidit dilecti Filij nostri Cardinalis d' Eſtrées in urbem adventus. Virum enim nobis merito suo jam pridem charum, judicium de illo Tuum, & huc proficiscenti munus impositum fecit etiam chariorem. Lato itaque ac perludentis animo cum ad nos aduentem excepimus, & intimo paternæ caritatis sensu complexi sumus. Gaudium autem hoc nostrum non leviter cumulârunt redduæ nobis ab eo Majestatis Tuae litteræ, insignibus refertæ notis, non solum eximie & verè filialis Tuae erga nos, atque erga hanc Sanctam Sedem observantiæ, sed etiam praeclari inflammatiq; cujusdam studij, pietate & avità gloriâ digni, de Catholica Ecclesia & de tota re Christiana bene merendi, nostrisque in ea administranda pastorales labores & conatus strenuè juvandi. Quâ quidem pij ac liberalis, & planè Regij animi Tui testificatione nihil evenire nobis optatius poterat, in his rerum angustijs, maximisque periculis, quæ Ecclesiam DEI omni ex parte circumstant, quæque cor nostrum de remedio opportuno valde sollicitum continenter extruciant; cùm Tibi, & animi Tui Religio, ac magnitudo suadeant, ut velis, & florentissimæ Gallici Regni opes, & conciliata nomini Tuo apud Barbaras quoque gentes reverentia tribuant, ut possis, quæ liberaliter exhibes, efficaciter implere. Ab hoc tamen solatio, quod perpetuum & in dies uberius cuperemus, penè excidimus, ubi idem Cardinalis disserere nobiscum aggressus est de negotio Regiæ, in quo illum Regiæ Tuae mentis interpretem apud nos fore ad nostras litteras in eximio anni superioris ad Te datas, rescripseras. Cùm enim & causa ipsius meritum, & animi Tui æquitas, post interposita apud Majestatem Tuam tot officia precesque nostras, felicem tandem gravissimo huic, & multis nominibus permolesto negotio, exitum pollicerentur; nôisque hâc unâ spe lentremur, & longioris ejus moram in itinere, & paterni doloris sensum, quo viscera nostra assiduè transfigunt voces Ecclesiarum Gallia, Apamienſis præsertim, graviter gementium sub novo jugo per decretum, seu arrestum, quod prodijt octo ab hinc annis mense Februario, illis impositum; ea idem Cardinalis Tuo nomine nobis exposuit, quæ nos ad pristinam sollicitudinem mæroremq; revolvunt; quantum enim ex ejusdem sermone conjicere hactenus potuimus, non aliud videtur Mandatum habere, quàm explicandi causas & rationes, quibus innititur Decretum, quod diximus. Quæ quidem in consideratione hæsimus dubij, quid consilij caperemus: sed vicis sensus, & vivida vis accensi nostri erga Te amoris: quamvis enim ex certis & indubitatis rationibus, & documentis perspecta nobis exploratq; sit justitia causæ, quam tuemur, & pateat ipsa per se; ac propterea fieri non posse credamus, ut Cardinalis quicquam novi asserat, quod nos à sententia dimoveat;

cùm



cum verum non sit vero contrarium : convenire tamen Pontificiæ erga Te charitati nostræ duximus , patienter excipere , quæ ille nobis exponenda habebat , sicuti fecimus. Audivimus enim illum luculenter , & quantum ei libuit , hac de re differentem ; si quæ addenda præterea habet , iterum audiemus. Sed tolle moras , Fili Charissime , & parentis amantissimi veram Tibi , solidamque , non fucatam & umbratilem gloriam , sum in hac mortali vita , tum in æterna , illa peroptantis verba plena salutis libenter audi , & quæ perpetuam acta sunt , celeriter emenda , & nos ab hac molestissima cura , & molestiore necessitate , pastorale officium exequendi , Te verò ipsum , & Regnum populorumque Tuos , quos omni felicitate florentes cupimus , à divinæ animadversionis periculo liberes : cui quidem magnopere veremur , ne via quamprimum aperiatur , si paternis hortationibus , & iustissimis postulatis nostris aures diutius occluseris. Facile enim fiet , ut dum nos lentâ nimis mitique manu ( quod utinam divinam non armet in nos quoque ) vulnus Ecclesiæ libertati insitum trahamus , exurgat DEUS , & judicet causam suam. Nemo est , qui non intelligat in hac disceptatione summam rerum Ecclesiasticarum in discrimen adduci. Si enim dissimularetur diutius decreti , seu arresti illius malum in dies magis invalescens , brevi profectò fieret , ut disiectis ac revulsis ubique gentium terminis , quos inter utramque potestatem divinâ ordinatione posuerunt patres nostri , nulla relinqueretur ratio tuendæ disciplinæ , nulla sacerdotio reverentia , nullum Episcopali ordini vestigium pristinæ dignitatis. Notum est jam omnibus , & pervulgatum causæ illius meritum. Neque Tu , ut rei veritatem assequâre , necesse habes peregrina documenta scrutari , cum amplissima & certissima domi habeas. Interroga majores Tuos , & dicent Tibi. Plura sunt ab ijs hac de re edita decreta , eaque Regij tabularijs inclusa & assestata , quæ omnem dubitationem de medio tollunt , accedente præsertim perpetuâ & inconcussâ quadringentorum annorum observantiâ. Stamus adhuc ad osium & pulsamus , aperi Fili Charissime , aperi cordis Tui sinum vocibus Patris Tui , qui Te assidue gerit in visceribus charitatis Christi , non minùs anxius de tua æterna salute , quam videt & magno quidem cum animi sui dolore , aperte periclitari , quam de Ecclesiarum Galliæ libertate , cui sustinendæ manum applicuit. Exigua sanè ab hac Regaliæ extensione accessio fieret ad Regiam Tuam auctoritatem , & amplitudinem ; sed non parùm nominis Tui laudis decederet , si in animis hominum suspicio oriretur , Te rei parùm consonæ æquitati patrocinium Tuum præbere.

*Hæc paulò uberiore affectu volumus ad Te scribere, ut nihil intentatum relinquantur, quod Majestatem Tuam possit ab eorum consilijs abducere, qui præclare secum, & cum rationibus suis actum iri putant, si summa illa conjunctio animorum, quæ majoribus Tui Gallie Regibus, Regnoque ipsi, cum Prædecessoribus nostris, atque Apostolica Sede, semper, & magna quidem cum utrorumque utilitate, & Catholica Ecclesiæ singulari solatio, intercessit; quàmque inter nos conservari, atque in dies magis mutua charitatis officijs colligari, in præsens, si unquam antea, necessarium videtur, paulatim debeat ac dissolvi incipiat. Quod improbum sanè lucrum (quantum ad nos pertinet) nunquam illi assequentur. Te enim, quæcunque hominum vel temporum iniquitas inciderit, inimo & constanti semper amore, (salvis DEI honore, & Sedis Apostolicæ dignitate) prosequemur. Quem interim quasi præsentem in spiritu charitatis artè complectimur, dum Majestati Tuae verum in utroque homine felicitatem ab immortali DEO precamur, & Apostolicam benedictionem amantissimè impertimur.*

*Datum Romæ die 3. Martij 1681.*

Marius Spinula.

## Documentum XVI.

*Epistola Illustrissimi & Reverendissimi Domini Nicolai*

*Pavillon Episcopi Aletensis ad Conventum Generalem  
Cleri Gallicani.*

8. Julij Anno 1675.

*Illustrissimi & Reverendissimi Domini.*

**Q**uia certum & persuasum omnino habeo, nihil vobis antiquius, ac aequè cordi esse, quàm ut jura & disciplinam Ecclesiasticam libèrè conservetis, idèò imperare mihi non possum, quin in sinum vestrum querelas meas effundam, doceamque, quæ hisce diebus immunitatis ac disciplinæ Ecclesiasticæ aequè funesta contingere. Primum est, Tholosanum quendam Clericum ausum esse, me absente, & Ecclesias Diocesis meæ Visitationis causâ obeunte, obtentu Regaliæ in unam hujus Cathedralis Ecclesiæ Dignitatum irrumpere, ejusque possessionem captare. Equidem dissimulare hanc invasionem non potui, nisi officio ac partibus meis deesse vellem; & idèò edita in prætextum hunc Regaliæ Inhibitione, (cujus hic copias adjungo) & illi, ne se in illius Beneficij functiones ac munia ingerat; & Capitulo Ecclesiæ meæ Cathedrali,

drati, ne illum recipiat, seridè ac enixè præcepi. Nec opus est, credo, us vobis, Illustrissimi & Reverendissimi Domini, hujus Inhibitionis meæ causas & momenta enumerem; sunt enim illa ipsa, quæ lapsis retrò annis Cleri Gallicani Conventus impulerunt, ut ad conservandas in hac re non solum Provinciæ Narbonensis, sed aliarum etiam Provinciarum, ac particularium Ecclesiarum immunitates tanto Zelo tantique contentione incumberebant. Et ego impetrare à me non potui, ut non imitarer ejusdem Cleri exempla, eodè Spiritu animarer, cujus tot notas ac insignia monumenta leguntur in ultima Compilationis, jussu Cleri impressa. Optassem ego quidem, ne cogerer hanc glaciem primus rumpere; quamvis enim maximi momenti sit Regaliæ causa, nec ad meam tantum Diocesim, sed ad plures integrasque Provincias, ac etiam Ecclesias particulares pertineat; nondum tamen mecum planè statueram, quam in hac causa oporteret me faciem induere; idque solum agebam, ut inter tacitas preces lacrymasque DEO rem totam commendarem, utpote quis omnium Principum corda, in sua potestate ac arbitrio habet, quique Concilijs Episcoporum præfides, ut à videlicet & Regi sensa inspiraret illius justitiæ & pietate digna: & Conventui vestro media & rationes ostenderet, jura ac libertates Ecclesiæ fortiter asserendi. Sed ecce! ab hac animi ambiguitate inopinitus me eventus liberavit; novus enim ille Regalista ausus est unam ex Ecclesiæ meæ Cathedralis Dignitatibus occupare, ejusque possessionem, perinde, ac si Sedes Episcopalis vacaret, invadere; neque hoc solum, verum etiam asserere, hanc Provinciam non obstante antiqua libertate, & possessione memoriam hominum excedente, aliisque tot authenticis titulis, Regaliæ obnoxiam esse, imò Regaliæ in mea Diocesi jam esse apertam, quam tamen triginta sex annos pacifice gubernaveram, ac Beneficia omnia potestati meæ obnoxia, nullo repugnante consuleram.

En Illustrissimi & Reverendissimi Domini, primum querelarum mearum caput, quod necessaridè insinuandum illis credidi, eòque supplicare, ut suam mihi auctoritatem, ac protectionem dignarentur impertiri.

Alterum est, quoddam D. Baro, & Vicarius Generalis Domini Episcopi Mirepicensis (a) non dubitaverit Provisionem Regaliæ cujusdam ad Canoniciatum Ecclesiæ Collegiæ Diocesis meæ ratam habere, cui tamen haud ignorabat, nec me, nec Vicarium Generalem Domini Cardinalis Bonzj Archiepiscopi Narbonensis subscribere voluisse. Simile exemplum in monumentis Conventus Anni 1660. reperire est Vicarij Generalis Mirepicensis, ob similem omnino errorem notati. Et quis in quamplurimis Cleri Gallicani Conventibus contra hujusmodi conatus

remedia quaesita sunt, ac Decreta sancita; credidi incumbere mihi necessitatem, casum, qui nuper in hac materia contigerat, quique ex circumstantiis, quæ illum comitate sunt, multo gravior evasis, vobis insinuandi; spero enim, nec curam, nec remedia vobis defutura, quibus hujusmodi excessibus imposturum caveatur. Supererant alia quædam Vobis communicanda, sed ea Domino Episcopo de Beziers, aliàs hujus nostræ Provinciæ Deputato confidenter aperui, rogarique, ut in Comitibus exponeret. Nolo Vos amplius morari, finioque hæc meas inter preces ac vota, quas pro omnibus illis, qui illustrem hunc Senatuum componunt, incessanter effundo, simulque, quâ maximâ possum, demissione, ac reverentiâ, sum, erôque semper. Alecxi 8. Julij 1675.

Humillimus ac Obedientissimus  
Serrus

Nicolaus Episcopus Alecxiensis.

## Documentum XVII.

*Epistola eiusdem Domini Episcopi Alecxiensis ad Illustrissimum  
& Reverendissimum Dominum Franciscum de Harlay, Archiepiscopum Parisiensem, ac in Comitibus Cleri Gallicani Præsidentem,*

8. Julij Anno 1675.

**D**Uo magnique momenti eventus, qui in hac mea Diœcesi contingere, argumentum mihi, ansamque præbuerunt ad Reverendissimos & Illustrissimos Episcopos in Parisiensibus Comitibus congregatos litteras exarandi. Et quia hujus venerabilis Senatûs Illustrissima & Reverendissima Dominationis Vestra Caput ac Præsidentemaget; æquo animo, uti spero, hanc meam libertatem accipiet, quâ ejus Patrocinium imploro, demissæque obsecro, dignetur auctoritatem suam meis postulatis accommodare; quæ verò ea postulata sint, nolo hic exprimere, cum pro arbitrio, ac commoditate sua à Dominis Episcopis de Montpellier, & Beziers, hujus Provinciæ Deputatis intelligere ea possit, quos ego per litteras meas, omnium, quæ occurrunt, reddidi certiores. Ego interim precabor Deum, ut Illustrissimam & Reverendissimam Dominationem Vestram suo lumine ac gratiâ magis magisque illustret, cujus ego, quâ maximâ veneratione ac reverentiâ possum, sum erôque semper. Alecxi 8. Julij 1675.

Illustrissimæ & Reverendissimæ Dominationis Vestræ

Humillimus & Obedientissimus Serrus

Nicolaus Episcopus Alecxiensis.

## Documentum XVIII.

*Epistola Episcopi Aleſtensis ad Eminentissimum Cardinalem**Petrum de Bonzy Archiepiscopum Narbonensem.*

8. Julij Anno 1675.

**B**ini eventus, qui paucos ante dies Apamiensem Ecclesiam turbavere, impulerunt me, ut ad Comitium Generalia Parisiis congregata litteras darem, meisque illic querelas deponerem. Unus est Tholosani cujusdam Clerici, qui titulo Regaliæ unam ex Ecclesiæ nostræ Cathedralis Dignitatibus obtinuit, ejusque Beneficij possessionem cepit. Alter verò Carcassonensis Clerici, cujus provisionem aequè titulo Regaliæ obtentam Vicarius Generalis Mirepicensis ratam habuit, quam tamen constabat & à me rejectam fuisse, & à D. Dumas Vicario Generali Eminentie Vestre. Quia verò utrumque hoc factum ad publicam quietem, ac utilitatem spectat, & præsertim Narbonensem Ecclesiam tangit, cui præest Eminentia Vestra, credidi mearum esse partium, Eam omnium, quæ occurrunt, reddere certiorum. Et quidem nunquam opportunior se obtulit occasio, quam quæ modò affulget; cum nemini dubium sit, Episcopis, qui ad Comitium Generalia convenire, non modò justissimos titulos, verùm etiam auctoritatem suppetere, efficaciter magnoque cum fructu in hac causa laborandi; quod si modò facere omittant, verendum est, ne malum irreparabile evadat, ac remedium expers. Idipsum DD. Episcopis de Montpellier, & de Beziers hujus Provinciæ Deputatis per litteras insinuandam duxi, à quibus plura, quæ ad hujus causæ statum ac necessitatem pertinent, Eminentia Vestra intelliget. Cui ego à DEO gratiam, lucinque exposco, ea omnia intelligendi, peragendique, quæ ad majorem ejus gloriam, ac Ecclesiæ Suae utilitatem conducere poterunt, ac pari reverentia, & sinceri amoris sensu in æternum persevero.

Aleſi 8. Julij 1675.

Humillimus & Obedientissimus  
Servus

Nicolaus Episcopus Aleſtensis.

Docu-

## Documentum XIX.

*Epistola Illustrissimi ac Reverendissimi Alectensis ad  
INNOCENTIIUM XI. Pontif. Max. Super Theologia  
Moralis, & Regalia corruptelâ.*

3. Julij Anno 1677.

BEATISSIME PATER,

**P**Resitum ab humilitate nostra, Vestra in Petri Cathedram exaltationi gratulationis ac devotionis officium benignè adde & peramanter excepit Sanctitas Vestra, ut hoc ipso animatus majori cum fiducia iterum ad illam de gravissimis Ecclesiæ Gallicanæ malis, nec nisi ab Apostolica autoritate & charitate sublevandis, scribere instituerim. Quid epistola à pluribus hujusce regni Episcopis ad Sedem Apostolicam de perversis recentiorum Casuistarum dogmatibus destinata nuper acciderit, jam, credo, Beatissime Pater, Sanctitas Vestra, tum suis apud Christianissimum Regem Nuntij relatione, tum aliorum sorte querelis inaudyit. Qua de re pluribus hic agere minimè opus fuerit, cum universam hystorie seriem harum dator litterarum autibus vestris referre poterit. Sanè vulnus istud Episcopali dignitati inflictum, Beatissime Pater, sentiet & graviter nobiscum feret Charitas Vestra omnium Ecclesiarum sollicitudine anxia, & ad Episcoporum voces eo propensius sese inclinabit, quò eas indignissimis modis & artibus interclusas fuisse perspexerit. Nec verò alienis egebat hortatoribus Beatitudo Vestra ad Ethicæ Christianæ corruptores cobibendos. Sat illam stimulat morum instituendorum, & disciplina in melius informanda zelus à familiarissimis sibi sacrae Synodi Tridentinae decretis, domesticoque Sancti Caroli exemplo excitatus. Unde planè confidimus fore, ut omnes illas doctrinae corruptelas tanto districtius configas, quanto eas à factoribus audacius disseminari intellexerit. Doloze siquidem, imò & indignatione afficitur Sanctitas Vestra, Beatissime Pater, in tantum illos Christianissimi Regis religioni obrepisse, ut quasi coloribus nostrum de scribenda ad Sedem Apostolicam consilium crimini verterint, Episcopisque, abrogato jam pridem contra fas omne provincialium Synodorum usu, etiam de rebus Ecclesiasticis inter se communicandi, & ad Sedem Apostolicam communi nomine referendi antiquo & præcipuo jure interdicere sensitaverint. Quod quid est aliud, Beatissime Pater,

*Pater, quàm Ecclesiastici regiminis à Christo Domino instituti, & omnium re-  
trò sæcularum usu comprobati formam pessumdare, unius per totum orbem E-  
piscopatus vinculum solvere, & ipsius, quo Romana gaudet Ecclesia, Primatus  
jura convellere? Nova hæc & hucusque apud nos inaudita, minus tamen quis  
fortasse mirabitur, si frequentes & penè quotidianas in Ecclesia libertatem mo-  
litiones attenderit, quibus aulici homines Ecclesiastica disciplinæ & doctrinæ  
causas, secularibus magistratibus ac Regiæ potestati addicere conantur. Harum  
dator litterarum plura tum verbis, tum etiam scripto proferet, quibus Sanctitas  
Vestra, quæ & quanta in Ecclesiastici ordinis labem quotidie gerantur, intelli-  
get. Inter alia verò, Beatissime Pater, turbas occasione juris, ut vocant, Re-  
galis, huic nostræ Diocesi invecas addisces Sanctitas Vestra; cujus juris ultra  
antiquas metas extensione, aliquot abhinc annis, Narbonensis nostræ & aliarum  
quatuor aut quinque Ecclesiasticarum Provinciarum, & nonnullarum præterea  
Dioceseon nativam & canonicam libertatem evertere iidem assentatores molun-  
tur. Equidem cum edito Regio hac de re promulgato parere, conscientia pro-  
hibente, venerim, præcipua nostræ Diocesis beneficiis in Reg. lia, ut volunt,  
vacantia, per Regium diploma, pleno jure, pulsus legitimis & p'cisicis possessio-  
ribus, collata sunt: quod etiam in Apamienfi Diocesi, & fortè alijs quibus-  
dam, sicuti Episcopi non parvè edito, factum est. Cum autem, Beatissime  
Pater, ex Decreto Concilij Generalis Lugdunensis secundi, quod incipit, Gene-  
rali constitutione, & pro solemnî Sacramento à me in Episcopali consecratione  
præstato, jura & libertates Ecclesia mihi commisse per censuras Ecclesiasticas  
tueri vellem; eò res adducta est, ut duorum Ecclesiæ Cathedralis Canonico-  
rum è familiaribus nostris, Archidiaconi scilicet & Promotoris, indictâ per sigilli Re-  
gij litteras relegatione, uno abhinc anno multatus fuerim. Et ecce mihi hanc  
Epistolam meditati, & præ manibus habenti nova advenit mûlta, nova or-  
bus; dum simili jussione longè amandatur Canonicus noster Theologus, quem  
in priorum locum suseceperam, & in ministerij Episcopalis subsidium lateri meo  
adsciveram. Imò & mihi eadem fors jam hinc à priore anno impendebat, ad-  
versarijs Ecclesiæ Regiam auctoritatem ad id enixe sollicitantibus, nisi eorum  
consilium nativâ suâ aqutate & moderatione Christianissimus Rex posthabuisset.  
Sed de hoc quantumcunque gravi negotio plura Sanctitati Vestræ proloqui su-  
persedeo, tum ne longiori privæ calamitatis querimoniâ molestus fiam, tum  
quia hujus vexationis adhuc vigentis acti à nobis transmissa, quo pacto res tota  
gesta sit, declarabunt. Itaque, Beatissime Pater, ad corrupta morum dogmata  
redeo, quod malum latius patet, & plerique animabus adhuc nocentius est.*

Huic curando quantum ab initio Pontificatus studium Sanctiss. Vestra adhibuerit, universi norunt : quod ut Ipsa brevi assequeretur, nihil demum utilius aut promptius occurrit, quàm ut præcipua laxioris doctrinæ capita, jam dudum à plerisque Ecclesiæ Gallicanæ Præsulibus in famoso Casusiarum Apologistâ damnata, iterum ad eorundem Episcoporum relationem, à Sede Apostolica solemniter Decreto damnamur. Id autem ut ad optatum exitum, obfistentibus licet Causisticæ corruptelæ patronis, perducatur, optamus rovenimusque. Verùm, Beatissime Pater, rerum nostrarum experimentis edoctus, & paternâ Vestrâ benignitate fretus ausum dicere, nihil penè in damnandis Casusiarum erroribus operæ pretij fore, nisi Eadem Vestrâ Authoritate Jansenianæ hæreseos phantasma, quo jamdiu plurimis in hiis partibus ludificantur, evanescat. Confidentius fortasse quis hoc dictum existimaverit : verissimum tamen est, Beatissime Pater, & vobis res cominus inveniuntur quotidianâ experientiâ certissimum. Apostolicas Constitutiones prædecessorum Vestrorum Innocentij X. & Alexandri VII. submissâ omnes mente accipiant : nec ullus est, qui cum Ecclesiæ Romanæ & Catholica perversos atque hæreticos sensus in quinque propositionibus damnatis contentos non ex animo damnet, quod prædictarum Constitutionum præcipuum est caput : & in cæteris etiam nemo est, qui illis perpetuo Ecclesiæ usu debitam reverentiam non præstet. Id quod probè intellexit Clemens IX. Alexandri VII. Successor, dum Galliæ Episcopis ac Theologis jamdiu vexatis pacem tandem pro Apostolica sapientia & æquitate concessit. Verùm, Beatissime Pater, hujus tam optatæ pacis fructum hætenus nobis invidit, & vanis artibus subripuit pertinax adversariorum factio, & imperitus ac præposterus nonnullorum zelus. Jansenianæ siquidem hæreseos nomen prorsus jam vanum & inane summo studio retinuerunt : nec illis præsentius aut validius telum, quo se tueantur, & cujuslibet ordinis homines sibi adversantes disturbent. Hæc futili accusatione sanctiorem quamque de moribus doctrinam exsufflant, viros pietate & doctrinâ præstantes traducunt, atque Ecclesiæ ministerijs submovent, non Theologos modò, sed Episcopos populis suspectos efficiunt, pios eorum labores & saluberrima in-flaurandæ disciplinæ consilia intervertunt, libros informandis moribus apertissimos fidelium manibus excutunt, omnem denique instituendæ Christianorum vitæ, & ad normam Evangelij componendæ viam ocludunt. Illud verò, Beatissime Pater, summo perè animadvertendum est, non solùm hujus fictitiæ hæreseos præ-textu grassantem ubique morum corruptelam foreri, sed fidei quoque solidissima dogmata convelli. Quis enim non doleat castissimam & saluberrimam Sancto-rum Augustini & Thomæ de gratuita DEI prædestinatione & gratia Christi ad singulos



*Angulos pietatis actus necessaria doctrinam sub invidioso Fansenij nomine à plerisque repudiari, & tanquam erroneam, & hereseos notâ dignam in cathedris, in pulpitis, in colloquijs traduci? Ita doctrina, quam à multis Pontificibus acriter assertam ac vindicatam hereditario quasi jure Ecclesia possidet, ut agebat doctissimus Clemens Papa Octavus, passim hodie conculcatur. Ita dogmata, quæ inconcussa tutissimâque nuncupavit Alexander VII. temerario ausu à multis impetuntur. En, Beauissime Pater, Ecclesiæ Gallicanæ vario morborum genere laborantis status brevi Sanctitatis Vestræ oculis delineatus. Solet quidem agrotantium dolor multas medendi artes excogitare, sed non omnes æquè commodæ & utiles. Unde satius erit, patefactis jam nostris vulneribus ratos nos Apostolica Vestra charitati & prudentiæ committere: nisi sortè etiam nostros ea de re sensus cognoscere Vestra Sanctitas opportunum duxerit. Certe fausta omnia à Vestra Beatitudine expectamus, maxime pro tuendis divinæ Gratiæ dogmatibus, pro stabiliendis Ethicæ Christianæ regulis, pro scienda veteri, & canonica Ecclesiarum libertate. Hæret enim cordi Ejus impressa hæc unius ex suis decessoribus sententia: Optamus, si fieri potest, in diebus nostris Apostolicam fidem, & Ecclesiæ regulas cum subjectis nobis populis custodire, & omnem novam doctrinam sopire. Equidem, Beauissime Pater, ad ætatis proventus sum, ut hæc, antequam moriar, in Ecclesia videndi vix spes supersit: peregrinationis tamen meæ cursum jam majori cum alacritate, Pontificatûs Vestri specie recreatus & confirmatus persequor; quæ & quanta in Ecclesiam universam bona Sanctitatis Vestræ operâ diffundenda sint, animo prospiciens: quod ut pro singulari sua pietate, & ardenti zelo fructuosius præstare queat, diuturnam Ipsi Pontificatûs administrationem exopto, & post hujus ævi labores cumulatissimam in cælo felicitatem apprecor. Alethi die 30. Junij 1677.*

**BEATISSIME PATER,**

**Sanctitatis Vestræ**

*Humilissimus & Obsequentissimus  
Filius & Servus*

**Nicolaus Episcopus Alestensis.**

Gg 2

Docu-

## Documentum XX.

*Breve Sanctissimi D. N. INNOCENTII PP. XI. ad**Illusterrimum ac Reverendissimum Episcopum Aletensem.*

19. Septemb. Anno 1677.

## INNOCENTIUS PP. XI.

**V**enerabilis Frater, salutem & Apostolicam Benedictionem. Saſceptam à Nobis de paſtorali in Aletenſi Eccleſia regenda, ac Eccleſiaſtica diſciplinâ iſtauranda Fraternitatis tuæ zelo opinionem miſericè conſumârunt Litteræ, quas 30. Julij ad Nos dedisti. Iſs enim reſertæ ſunt cum pijs, tum vigilantis animi ſenſibus, ut nullum Nobis de eo dubitandi locum relinquunt. Pro comperto autem te habere volumus, religioſis ſtudijs tuis conſtanti Nos praſidio atque authoritate aſſuturos, libenterque occaſiones omnes amplexuros, ex quibus propenſam erga te voluntatem Noſtram agnoſcere valeas. Quod attinet ad ea, quæ ſuſe Nobis tum per litteras, tum per earum exhibitorum ſignificâſti, tanti proſectò momenti ſunt, iſſique implicata difficultatibus, ut diligentij, & maturâ diſcuſſione prorsus indigeant. Pro muneriſ itaque Noſtri debito accuratè eadem examinari mandabimus, illudque ſuper hiſ conſilium capiemus, quod in Domino expedire judicaverimus. Aſſiduè interim apud ſupremum Patrem luminum juvari precibus vehementer à te poſtimus, dum Nos dilectionis Noſtræ pignus Fraternitati tuæ Apoſtolicam benedictionem peramanter impertimur.

19. Sept. 1677.

## Documentum XXI.

*Epistola Reverendissimi Episcopi Aletensis ad Dominum**de Bezons Conſiliarium Statûs*

30. Maji Anno 1676.

**L**itteras quinto Maii ad me datas, elapſâ retrò hebdomade accepi. cum domum ex itinere in Diaceſim meam ſuſcepto rediſſem; & illa quidem norum titulum addidère antiquis obligationibus meis, ob memoriam curamque mei, quam in illis prolixè abundèque oſtendit. Id

ergo agitis, ut quam mihi olim exhibuistis humanitatem, cum Jus in hac Provincia diceretis, & cujus pretiosam adhuc memoriam retineo, nunc quoque exercere pergatis; quæ enim in causa Regaliæ, meæque nuper editæ Constitutionis tam sollicitè suggeritis, novum mihi præbent benevolentia vestræ argumentum, & à me pari veneratione, & attentione accepta, atque expensa sunt. In ipso epistolæ primo limine profitemini, non esse intentionis vestræ, merita hujus causæ, & an Diocesis nostra Regaliæ subjaceat, discutere; illud tamen videri vobis, posse ac debere nos curare, ut Sacramentum fidelitatis in acta publica referatur; sic enim omnem, quæ nobis impendit, tempestatem, discussum, ac possessionem Episcopatus octo & triginta annos à nobis obtenti firmatum iri. Optassem equidem, ut postulatus tam sincero animo factis acquiescere, & causam Regaliæ à nova hac forma, & solemnitate juramenti fidelitatis separare licuisset; sed hoc ipsum est, cujus modum & rationem nunquam hæcenus reperi; adde enim unum cum altero connexum est, ut eodem momento, quo in juramentum consenserò, cogar etiam Regaliæ, Regionisque Declarationem consentire, quæ ad meam quoque Diocesim Regaliæ extendit. Ego, à quo tempore examinandam hanc questionem suscepi, ut tanto securior videretur, expertusque periculi in hac causa progredere, Deoque, ac conscientia meæ satisfacerem, fateor ingenuè, adde me certum persuasumque esse redditum, Diocesim meam à Regaliæ immunem esse, ut non amplius de illius libertate dubitarem; neque id tantum de particulari Ecclesia mea, sed de tota Narbonensi Provincia, cujus quoque immunitas non privilegio, non contractu aliquo nuntur, sed innata & coæta, atque ab ipsa fudatione, in hanc usque diem acceptâ productâque libertate. Ipsa Metropolitana Narbonensis Ecclesia, quæ omnium in hoc Regno ferè antiquissima est, & à qua mea Alecensis originem duxit, cum hac libertate nata est, eamque & prius quàm Coronæ uniretur, & postquam unita est, Ludovico sancto regnante Regum patrocinio retinuit, præsertim post Lugdunense Concilium, quo Regalia prohibebatur in alia loca, quàm quæ illam usu recepissent, extendi; nec exemplum ullum ostendi poteris, violatæ tam sacræ, & antiquæ Possessionis. Id quod Dominus de Marca tam in quadam Deductione ad preces Conventus Cleri Gallicani de anno 1655. edita, quàm in octavo libro de Concordia Regni, & Sacerdotij præclare ostendit; suppetuntque quàm plurima istius rei monumenta in Actis Cleri Gallicani. Hæc, præter alias, sunt rationes, quæ morata me sunt, ne paterer juramentum fidelitatis in acta publica referri, neque Regiæ Declarationi acquiescerem; cum id facere haud possem, nisi conscientia, ac officio meo deesse vellem. Sed nec

animus mihi erat ulterius progredi, si modò per aliorum importunitatem licuisset. Ij enim eâ usi occasione, quòd juramentum fidelitatis inscribi noluissem, perinde ac si Sedes vacaret, quam tamen triginta & octo annos jam impleo, Beneficia Diœcesis meæ, titulo Regaliæ obtinere conati sunt, eorûmq; capiendæ Possessioni certatim ad-  
volârunt. Id me in necessitatem inevitabilem conjecit, mentis meæ enixius decla-  
randæ; idem quippe futurum erat in hoc rerum statu, silentium tenere, quod Re-  
galiam agnoscere, meamq; Ecclesiam prodere. Statui ergo ad Comitium Cleri Gene-  
ralia, quæ in oppido S. Germani convenerant, luteræ exarare, ut exemplo videlicet  
aliorum retrò Comitiorum hanc causam amplexarentur, Regiamq; Majestatem con-  
venirent, Eiq; rei momenta exponerem. Scio quidem Convantum Cleri solutum  
esse, Rege super causa tam justa tamq; necessaria nunquam adito; nec immotor  
examinandis causis, quæ Clerum resinuerint, ne Regem convenirent, discederentq; re  
inspectâ, & remedijs non solum non applicitis, sed fortè ne quidem tentatis. Id so-  
lum dicam, cum paucos post menses intellexissem, plura Diœcesis, & Cathedralis Ec-  
clesiæ meæ Beneficia titulo Regaliæ collata esse, atq; hujus Provisionis intuitu legiti-  
mos, canoniceq; institutos Possessores expulsum iri, credidi necessitatem mihi incum-  
bere, hujusmodi usurpatores arcendi, editâ nuper Constitutione, quæ sola supererat ad  
jura Ecclesiæ meæ defendenda, impediendâque tam irregulares injustâque Provision-  
es; nec ego ad hoc remedium prius deveni, quam reliquis destitutus, & necessitate  
adactus justæ defensionis, & si rationes ac momenta expendantur, quæ ad id faci-  
endum me impulerunt, nemo non fatebitur, nihil eâ Constitutione Regijs juribus de-  
tractum esse, sed Ecclesiæ tantum provisum, ne laderetur; neque enim mihi animus  
fuit Regaliam, quatenus, & in quibus locis usu recepta est, impugnare: illud tantum  
contendi, non posse salvâ justitiâ, & immunitate Ecclesiarum ad loca extendi hujus  
hactenus servitutis expertia, credidique, neminem ego animo laturum, si necessitati,  
& obligationi meæ obsequeretur, & libertati Ecclesiæ meæ tuendæ ea remedia impen-  
derem, quæ à DEO acceperam, præsertim cum de jure ageretur tanti momenti, &  
tot annorum possessione firmato. Neque hac persuasio privata tantum, & mea est,  
sed omnium serè Episcoporum, qui non verentur, ubi occasio tulerit, eam palam ex-  
plicare, quanquam ob varias rationes passî sint juramentum fidelitatis inscribi; imò  
nec desuerint, qui ut juribus Ecclesiarum suarum caverent, protestati sint, eamque  
protestationem in archivia condiderint, pirato in futurum præsidio. Denique jus  
hoc Immunitatis à Regaliæ servitute adeò clarum & perspicuum est, ut nihil aliud  
credi dicique possit, quam nunquam illud, quale revera est, Regi exhibitum propo-  
sumque fuisse: quin potius, ut ex Regia Declaratione constat, Regi persuaserunt,  
Regaliam jus esse. *Coronæ Gallicæ contrarium innatumque, sicut non minus, quam*  
Regia

Regia ipsa potestas, totâ Galliâ extensum; & tamen hæc, quæ pro certis supponuntur, aded à vero aliena sunt, ut & historia, & Lugdunensis Concilij, & antiquorum, ac recentium Galliæ Regum edictorum, & rationum Camera Parisiensis, & sententiarum trium serè seculorum cursu in Parliamentis dictarum, & denique Celebriorum, qui de hoc argumento scripsere, Auctorum testimonijs contrarium manifestè ostendatur.

Sed & illud perperam factum, quòd Ecclesias obstrinxerint ad producendos titulos, & rationes suarum Exemptionum, perinde ac si alijs Ecclesijs similes essent, quæ cum olim Regalia subjacerent, essentq; in Provincijs huic servituti obnoxij, libertatem tamen suam, aut contractibus onerosis, aut Regum privilegijs redemere; & tamen, uti sæpe notatum à me est, Diocesis Apamienfis, alique Narbonensis Provinciæ Ecclesiæ, non privilegijs, aut contractibus, quòd Regalia sint expertes, sed immunitati, ac libertatis naturali debent nunquam hæcenus interruptæ. Postquam ergo Ecclesijs naturâ, & origine suâ liberæ cum ijs confuderunt, quæ hanc libertatem titulo aliquo particulari adeptæ sunt, illud postea adjecere, ut eas ipsas Ecclesias, non obstante immemorabili, ac continuâ possessione, Regalia eo prætextu submitterent, quasi Regalia ex ijs jurijs esset, quæ nec præscribi, nec alienari possunt; hæc verò ratio id omnino supponit, quod prius probandum erat; prius enim probandum erat omnes Regni Ecclesias Regalia subjectas esse, & tunc modo querendum, an hoc jus præscribi ab Ecclesijs contra Regem, & à Rege in Ecclesias alienari posuerit. Hæc si Regi suggesta fuissent, nimium ille justitiæ ac religionis habebat, ut Ecclesias eâ libertate, quam ab origine & fundatione sua, omniumq; Galliæ Regum patrocinio obtinuerant, privatas vellet. Hæc ego tanto libentiùs, majorique fiduciâ vobis commemoro, quòd cum multis annis huic Provinciæ gubernandæ præfueritis, ejusdem jura, morèsque, præsertim in ijs, quæ Regaliam spectant, compertis habeatis. Nec credo hanc meam agendi scribendæque libertatem ingratam ipsi Regi futuram; imò ubi intima hujus causæ momenta, finiumque perspexerit, credo equidem, quæ hæcenus à me peracta sunt, rata habiturum, adscripturumque inviolabili in Ejus Maiestatem obsequio, immensissimo desiderio solida verâque Eius gloriæ proferendæ. Finio, meque amicitia vestra, quam perpetuam cupio, emixè commendando, pleniusque reverentiæ, ac gratitudinis æternum persolvere. Alecti 30. Maji 1676.

Humillimus & Obedientissimus  
Servus

Nicolaus Episcopus Alectensis.

Docu-

## Documentum XXII.

*Secunda epistola eiusdem Aletensis Episcopi ad Eminentissimum Cardinalem de Bonziz Archiepiscopum Narbonensem.*

Die 8. Junij. Anno 1676.

**M**onita, quæ Eminentiae Vestrae placuit circa nuperam Constitutionem meam ad Regaliam spectantem per unum è Vicarijs suis mihi suggerere, cum ingenti animi ac reverentiae sensu accepi, eundemque rogavi, ut meo nomine Eminentiae Vestrae gratias reserret; dum interim ego maturè, ac coram DEO re omni expensâ statuere mecum possem; quid ad proposita respondere oporteret, idque postea Eminentiam Vestram per litteras edocerem. Et verò postquam omnia ad amicum revocavi, & quidquid in utramque partem asserri dicique poterat, accuratè ac lentè discussi; fateor mihi nihil ex omnibus, quæ asserbantur, dignum occurrisse, quo ad mutandam primam sententiam, meamque Constitutionem revocandam moveri possem. Igitur de Canonica libertate non mea tantùm, sed omnium hujus Provinciae Ecclesiarum, si ea, quæ in præfata mea Constitutione exposui, vera sunt, satis hoc erit, ut omnibus, qui modò judicio aliquo pollent, nec partibus adducti sunt, iusta valensque appareat, & planè siquis examinandæ huic quæstioni animum adjiciat, fatebitur omnia, quæ à me illic producta sunt, non vera tantùm, sed & clarissima, & certissima esse, nec alijs rationibus opus est, quàm ijs, quæ à Domino de Marca ad preces Conventus Gallicani anno 1656. conscriptæ, ac memoria commendatæ, quæque in libris de Concordia Imperij & Sacerdotij fusiùs ab eodem producta sunt, adjunctâ dissertatione Domini Episcopi Montispeffulani (quam in una sessionum ejusdem Conventus peroravit) alijsque documentis titulisque, quos inter acta & annales Cleri Gallicani reperire est. In his omnibus hujus Provinciae libertas & exemptio clarissimè apparet, non privilegijs, non Regum favore & beneficio quæsitæ, sed naturali innatæque ac canonicæ, ipsique fundatione ductâ libertate. Hanc sibi adjunctam habuit, cum ad coronam Gallicam pervenit, eodèque serè tempore hanc ei Concilium Lugdunense confirmavit, quo sub pœna excommunicationis omnibus, quacumque dignitate florentibus, prohibitum est, ne Regaliam ad Ecclesiam extenderent, hujus servitutis hæcenus infusæ; neve Prælati aliquæ gubernandis Ecclesijs admoti auxilio aut consilio eam promoverent, quin potius quantum pro virili sua parte possent, illâ obni-

obniterentur ; sed & Gallie Reges Christianissimi Decretis Concilij Lugdunensis obsecuti, hanc ipsam libertatem intactam illibatamque Ecclesijs voluere. Nam Philippus Pulcher, quamvis jus Regaliæ pro ijs Ecclesijs, in quibus hæcenus usu receptum fuerat, acerrimè tueretur, eâ tamen dato Diplomate (cujus Autographum in Archivij Ecclesiæ Metropolitanae Narbonensis asservatur) hanc ipsam Ecclesiam minimè voluit ; tantumq; abest, in hac libertatis suæ possessione quatuor sepe seculorum decursu, quæ a Concilio fluxere, turbatam esse, ut potius quamplurimis authenticis titulis legitimisque documentis confirmata & stabilita sit. Ecce, Eminentissime Cardinalis, Constitutionis à me editæ fundamenta. Ea verò nihil aliud complectitur, quam quæ à jure communi Concilioq; Oecumenico quadringentis jam sepe annis totâ Galliâ recepto decreta sunt. Hoc cum animo reputarem, nunquam difficultates & pericula, quæ ex hac Regaliæ causa consecutura prævidebam, tanti mihi visa sunt, ut remove me ab incipiis deberent. Explevi quæ conscientia meæ ac officio pastoralis debui, cetera Divinæ providentiæ committo. Non sum equidem rerum hujus Mundi adeò ignarus, ut non omnino occurrerit, quam multa & gravia instarent mihi, si pergerem Regijs mandatis obliuisci, ceterum quoties DEI & justitiæ ac Ecclesiarum causa agitur, nihil est tam magnum arduumque, quod morari ac pertertere nos debeat, præsertim cum non ego me periculis ac pugnae objecerim, sed potius provocatus coactusque in aciem processerim, nec prius loqui cœperim, quam cum amplius tacere non licuit ; & tunc quoque, cum loqui ac repugnare necessitas fuit, id solum commisi, ut Sacramentum fidelitatis non permiserim in acta publica referri, id enim si permissem, hoc ipso videbar in Regaliæ consensu. Cum verò ob neglectam hanc solemnitatem Regaliæ in hac mea Ecclesia, cui quadraginta jam annis præsuera, apertam esse contenderent, scripsi ad Comitæ Cleri generalia, rogaviq; ut in hoc Regaliæ negotio causam Ecclesiæ sustinerent, ac Regi supplicarent, id enim ab alijs Cleri Conventibus semper hæcenus observatum esse, eodémq; tempore ad Eminentiam Vestram ac hujus Provinciæ Deputatos litteras exaravi. Non immoror equidem examinandis causis, quæ Patres illius Sacri Senatûs permoverint, ut nec Rege admonito, nec provisus remedijs Conventum absolverint, cum tamen ea causa esset, quæ præcipuè ad Clerum spectaret. Non ideo tamen minorem mihi credidi obligationem incumbere jura Ecclesiæ meæ defendendæ, quin potius tanto majorem eam esse censui, quanto minus auxilij ab alijs sperarem, & cum paulo post certior redditus essem, quamplura ac præcipua Ecclesiæ Cathedralis ac Diocesis nostræ beneficia titulo Regaliæ collata esse, consilium tandem cepi Constitutionem

Hh

meam

meam in publicum edendis, cum hoc unicum remedium superesset, quo libertatem ejusdem Ecclesie tueri, turbasque, quae inflare videbantur, avertere liceret. Scio obijci mihi, quod etiam Eminentia Vestra dignata est insinuare, hanc causam à Regio Senatu in Iudicio Contradictorio presentibus Cleri Deputatis judicandam esse, ipsūque Clerum agnovisse Regium tribunal, seque illi submisisse, non ergo licere amplius reclamare. Hæc oppositio quàm est speciosa, tam fundamento ac soliditate caret. Nec enim in hac causa, si loqui propriè velimus, Regium solum Clerus agnovit, quippe qui Henricum IV. imploravit, suasque apud eum querelas deposuit adversus Parlamenti Parisiensis anno 1608. pronuntiatam sententiam, quam Ecclesie libertatibus gravem, Regique Henrici Edicto duos ante annos vulgato, & cui Parisiense Parlamentum aliquamdiu repugnavit, contrariam affirmabant; eandemque postea querelas apud Ludovicum XIII. gloriæ memoriæ, ac regnantis Ludovici Patrem repetijt; isque, ut ex publicis Cleri documentis constat, manum huic negotio finemque per extraordinarios Commissarios (inter quos quamplures Antistites) apponere destinaverat, fecissetque, nisi mors destinata prævertisset. Lites ac contestationes, quæ postea coram Senatu Regio agitate sunt, vertebantur solum inter particulares Regalias ex una, promotisque ab Ordinarijs ex altera partibus; non ideo tamen Clerus Gallicanus aut finem implorandi Regem fecit, aut libertatem Ecclesiarum Compromisso submittere voluit, quam semper ut certam, nulliq; dubio, aut litæ expositam agnovit. Poterant ergo sententiæ à Regio Consilio late, & quibus Procuratores intervenerant, privatorum negotia litæque finire; quippe cum de dubijs incertiisque causis ageretur. Id verò ut ad omnia indistinctè negotia extendatur, etiam ad illa, quæ spirituales Episcoporum auctoritatem ac Ecclesiarum immunitatem tangerent, quæque nullum prorsus dubium aut litem patiuntur; enimverò indignum id esset, plenūque periculū. Nec verò Procuratorum interventus obligare Episcopos eorūque Dioceses potuit, cum in hujusmodi materijs nullam habeant Deputati, imò ne ipsa quidem Cleri Comitia, concludendi potestatem. Causa Regalia publica est, respicitque quinque aut sex Ecclesiasticas Provincias, compluresque particulares Dioceses, agiturque de conservandis Ecclesie non solum redditibus temporalibus, sed præsertim Dignitatum, Canoniciatum, aliorūque principalium beneficiorum Collatione, quæ spirituale ac Hierarchicum quoddam jus est, nec libertas aut Possessio, quā Ecclesie hac in parte fruuntur, dubia aut incerta est, sed certa, notoria, ac omnino comperita; malè ergo Ecclesie negotium gessissent, si illud iudicio forōque submitterens Regij Senatūs; & si demus id factum esse, semper tamen Episcopis, quorum inter-



interest, potestas fuit reclamandi revocandique contra jus & canones gesta. Clero coram Regio tribunali nihil aliud præstare licuit, quàm ut causæ momenta Principi exhiberet, ejusque contra Regios Ministros libertati Ecclesiarum infestos opem invocaret, id quod præteritis etiam annis ab eodem Clero factitatum est, quando contra Parisiensis Parlamenti sententiam, Henrico IV. & Ludovico XIII. gloriosæ memoriæ Regibus supplicavit; intelligebas enim, juribus & libertatibus Ecclesiæ quamplurimum detrahi, imò aliquâ ratione ea deferi prodique, si, cum certa & indubia essent, pro incertis & indecisus haberi pateretur, ac cognitioni Regionum Ministrorum submitteret, qui aliàs naturali quâdam propensione feruntur Regum jura ultra terminos proferendi, & tunc præsertim, cum non de Regis solum, sed etiam de ipsorummet commodo & auctoritate agitur, ut in præsentis Regaliæ causa. Non ergo formalitates aliquæ, quas dicunt in præsentis negotio observatas esse, Episcopis opponi possunt, quod minus reclamare, suarumque Ecclesiarum jura sustinere debeant, præsertim cum Regijs Ministris jam solenne usque receptum sit, ut quoties bellum Ecclesijs & earum immunitatibus fecerint, semper speciem aliquam formamque justitiæ obtenderint; quam si moveri Episcopi voluissent, nunquam causa Ecclesiæ contra eos, qui opprimere eam nitebantur, defensa esset. Imò rem attentè considerantibus palàm est, hoc unum ex eorum artificijs fuisse, qui Ecclesijs Regaliæ imponere moliebantur; sensim enim placideque plures Procuratores, Prælatos & Capitula inducère, ut judicio se sisterent Regij Senatûs, suæque libertatis titulos & acta producerent, ac postea reclamare volentibus opponerent; causam hanc jam examinatam decisamque in Judicio Contradictorio fuisse; prævidebant enim, nisi hisce compendijs uterentur, & aliquam justitiæ formam præferrent, nunquam ad optatum finem perventuros, & hanc ipsâ justitiæ specie Regis animum occupârunt, effeceruntque, ut in suas partes transfret; nec lucrari aliâ ratione eum poterant, quippe æqui justique amantem; ac etiam cum de ipsius commodis agitur, earum regularum, quæ semel constitutæ sunt, observantem. Sed nec contenti in ijs, quæ ad formam modumque pertinent, Regi imponere, id multò magis quoad substantiam ipsam fecerunt; suggererunt enim Majestati Suae, Regaliæ jus esse Gallica corone coævum, eique necessariò annexum, ac naturâ suâ universale, ac uniforme, totumque Regnum completti: quæ omnia planè nova dogmata sunt, recensentque inducta, ac historiæ testimonijs, Oecumenici Concilij toto Regno recepti Decisionibus, noris antiquisque Regum edictis, authenticis Camera Parisiensis documentis,

Parlamentorum ab aliquot jam seculis arrestis, ac denique Auctorum, qui de hoc Argumento scripsere, quique inter præcipuos Senatores Regisq; Ministros numerabamur, sententijs ac doctrina contraria. Præterea in hoc ipso, quod nobis objiciunt, Regj Consilij judicio Prælatos & Capitula ad producendos titulos, & alia sue exemptionis documenta compulerunt, perinde ac si privatis privilegijs ac Contractibus (quemadmodum alia quædam Ecclesiæ Regaliæ olim subjectæ, & in Provincijs suis huic oneri assuetis) libertatem suam debeant, cum tamen ea potius ex natura Ecclesiasticorum Beneficiorum, non aliunde proveniunt, nec proinde alio titulo aut probatione, quàm naturalis sue possessionis indigeant. Has verò Ecclesias postquam in earum classem redegerunt, quæ particulari titulo à Regalia exemptæ sunt, continuò adjecerunt, eas nihilominus Regaliæ subjectas esse, nec defendi posse continuâ & immemoriali possessione; quippe jus Regaliæ aded coronæ annexum esse, ut nec alienari nec præscribi possit: qua in ratiocinatione illud ipsum supponunt, quod probati, non supponi debuit; si enim jus Regaliæ nec alienari nec præscribi potuit, ergo jus Regaliæ jam constitutum & stabilitum esse oportuit, id verò probati debuit, cum in hoc ipso tota lis & cardo hujus quæstionis vertatur. Hæc si explicata Regi fuissent, nostrarumque Ecclesiarum jura & libertas, uti par erat, exposita, nimirum haberet ille æquitatis, ut nunquam pati posset libertatem & prærogativam Ecclesijs adimi, quibus à prima fundatione fruebantur, quæque alij retrò Reges intactas semper illibatasque voluerunt. Id ergo unum superest, ut Regi vid. res tota, ejusque fundamenta & rationes, uti se habent, ante oculos ponantur, nec verò aptior alius est, qui præstare id possit, quàm Eminentia Vestra; character quippe & dignitas Metropolitanæ, ac præsertim gratia, quâ apud Regiam Majestatem floret, Eminentia Vestra ante alios id præstabit, ut vid. & loquens de hac causa libere audeat, & à Principe libenter grateq; audiat. Dignata est jam aliquoties Eminentia Vestra mihi significare, gratum sibi acceptumque fore, si cum necessaria aliqua occurrent, non omitterem eam submonere; at verò nihil magis necessarium majorisque momenti occurret, quàm quod præsens occasio monendum offert. Libertas nostrarum Ecclesiarum, quâ immunes à Regalia constituuntur, Depositum quoddam est fidei Episcoporum commissum, nobisque obligatio incumbit integrum illud intactumque Christo JESU supremo Ecclesiarum Pastori restituendi. Ego eâ jam ætate sum, ut reddendis villicationis meæ rationibus vicinum me sentiam, nec aliud magis conscientiam meam prægravaverit, quàm si contra officij mei debitum apertamque veritatem jura ac libertates Ecclesiæ meæ prodam. Nec ego sum solus, cui hæc causa tantopere cordis

cordi ac cura sit ; nam Eminentiam Vestram non latet, quid plerique Episcoporum sentiant, & quàm aperte, dum occasio se offert, in hac causa loquantur. Compertum quoque mihi est, nonnullos Episcoporum scriptis protestatos esse, easque protestationes in Archivia suarum Dioceseon condidisse, ut hâc saltem ratione suarum Ecclesiarum juribus consulerent. Me quod attinet, Deum enixè & ex intimo cordis precabor, ut quæ ad majorem sui nominis gloriam, Ecclesiæ utilitatem, ac Consuetudinæ quietem faciunt, Eminentia Vestra inspirare dignetur ; Ipsa interim dignabitur eodem, ut hactenus, affectu & benevolentia prosequi, qui interim Reverentiæ ac venerationis plenus sum, & ero semper. Alecti 6. Junij 1676.

## Eminentia Vestra

Humillimus & Obedientissimus  
Servus

Nicolaus Episcopus Alectensis.

## Documentum XXIII.

*Actus Appellationis ab Illustrissimo & Reverendissimo Episcopo Alectensi ad summum Pontificem & Sacram Apostolicam Sedem interpositæ contra Eminentissimi Cardinalis Petri de Bonzj Archiepiscopi Narbonensis Constitutionem in favorem Regalistarum editam.*

12. Novembr. Anno 1677.

**A**Nno 1677. die duodecimâ mensis Novembris in Civitate Episcopali Palatio Alectensi coram me Regio Notario & testibus infra nominandis personahter constitutus Illustrissimus & Reverendissimus Dominus Nicolaus Pavillon, Episcopus Alectensis ( ab integro jam mense morbo decumbens ) postquam intellexit, famulum suum carceribus detentum esse, quem Narbonam miserat ad insinuandum actum & declarationem Appellationis, suo jussu interpositâ à Stephano Durand, adium Episcopatum Ostiario, contra ultimam Ordinationem seu Mandatum Eminentissimi Cardinalis Bonzj Archiepiscopi Narbonensis quinto currentis datam ; cùmque bajulus, qui præsatum Mandatum pertulerat, responsum, uti promiserat, non expellasset, imò nec tantum temporis morari sustinisset, quantum opus erat, ut id Mandatum Do-

Hh 3

mino

nino Episcopo innotesceret, & ipse lecto affixus à solis Domesticis conveniri pateretur, multoque minus virum defectu actum Appellationis expedire posset, injunxit præfato Durando, ut ipse appellaret, quippe quem bajulus Archiepiscopi convenerat, eique Mandatum insinuaverat, promiseratque responsum præstolari. Ilas ergo ob causas sæpe nominatus D. Episcopus præfenti hoc actu approbat ratamque habet Appellationem à præfato Durando interpositam, declaratque famulum, qui modo carceribus detinetur, suo jussu Narbonam profectum esse, ut illic demandatam Appellationem insinuaret; & proin immerito tam durè & inclementer acceptum esse, cum nihil aliud commiserit, quàm ut actum justitiæ à Domino suo impetratum, quique nullo modo ei culpe imputari poterat, exequeretur. Declarat ergo præfatus D. Episcopus, à Mandato seu Constitutione D. Archiepiscopi Narbonensis quinto currentis data tam per viam nullitatis & incompetentiæ, quàm alio quovis legitimo jussuque titulo ad Sacram Sedem appellare ac protestari, sicut jam tum protestatus est, & adhuc protestatur contra injustam detentionem sæpe dicti famuli sui, & appellationis ab Episcopo imperatæ executoris, utpote qui ex debito officij sui non potuerit impostum appellationis deferendæ Mandatum recusare. Neque Notarium requisivit, ut, &c. Actum die & loco ut supra, &c.

Nicolaus Episcopus Alestensis.

## Documentum XXIV.

*Proiectum Appellationis & Protestationis contra Mandatum seu Constitutionem Eminentissimi Cardinalis de Bonzj Archiepiscopi Narbonensis, quod tamen expediri non potuit ob mortem Illustrissimi Episcopi Alestensis.*

**A**Nno 1677. Illustrissimus & Reverendissimus Dominus Nicolaus Pavillon Episcopus Alestensis coram me Notario constitutus Eminentissimum Cardinalem Bonzj Archiepiscopum Narbonensem, nec non Dominos Candelon, ejusdem Diæcesis Promotorem, & Joannem Petrum Gaston de Foix Presbyterum alloquens dixit, se, cum pro tuenda sacra Episcopali dignitate Constitutionem quamdam sub data vigesimæ secundæ elapsi Octobris emitte, eaque licentiam Officialis Narbonensis, Magistri Bernardi du Mas coercere compulsus esset (qui non sine omnium Episcoporum gravi injuria constitutiones quinto Martij & decimo septimo Octobris Anni 1676. à Reverendissimo & Illustrissimo Domino Episcopo Alestensi Exemptionis & libertatis Ecclesiasticæ tuendæ gratiâ publicatas ausus esset

esset infirmare irritasque declarare) non potuit præfatus Dominus Episcopus Aletensis non vehementer mirari, Eminentissimum Cardinalem de Bonzijs Archiepiscopum Narbonensem non solum communem omnium Episcoporum causam noluisse amplecti (quorum jura in persona Episcopi Aletensis omnium in ea Provincia Episcoporum antiquissimi aperte violata sunt) verum etiam Officiali suo se adjunxisse, ab eoque audacter petacta, editâ die quintâ Novembris Constitutione, sustinere aggressum esse, quâ Domini Episcopi Aletensis priorem Constitutionem sacris Canonibus Regnique legibus ab Ecclesia Gallicana hæcenus observatis, nec non quieti Conscientiarum ac Hierarchicæ Disciplinæ contrariam, & censurâ in eadem Constitutione latas, irritas nullasque declarat, ac omni effectu cassas. Prohibet insuper inhibetque præfato Domino Episcopo Aletensi, ne deinceps hujusmodi Constitutiones promulget, nisi velis Canonicâ districtione puniri. Jubet deinde sententiam ab Officiali suo pronuntiâtam Eidem Domino Episcopo & Capitulis tam Cathedralis quàm Collegiatae S. Pauli Ecclesiarum iteratò insinuari, illique sub pænâ Excommunicationis ipso facto ab omnibus Canonicis aliisque Ecclesiasticis personis, quæ directè vel indirectè executionem præfata sententia impedirent, incurrendâ, exactè promptèque obediri. Hæc Eminentissimi Cardinalis & Archiepiscopi Narbonensis sententia ut primum ad notitiam pervenit sæpe dicti Domini Episcopi Aletensis, continuò ab ea appellandum duxit, prout etiam appellavit; tantoque plures dolendi causas conquerendique se habere credidit, quod exaratis ad eundem Eminentissimum Cardinalem litteris (quarum copia huic Appellationis actui adjunctæ sunt) rationes & causas prolixè notaverit, ob quas consentiâ & obligationi suæ desuturum se credidit, nisi Constitutionem suam quinto Martij anno 1676. datam in lucem emitteret, eâque canonicam & naturalem, omnisque Regaliæ expertem Ecclesiæ Aletensis libertatem pro virili sua parte sustineret; & tamen præfatus Dominus Cardinalis ne dignatus quidem ad ea respondere, quæ ab Aletensi Episcopo propozita fuerant, eamque, siqua in re à vero aberrâisset, præmonere, contra omnes æqui bonæque regulas, Constitutionem suam non vulgandam tantùm, sed etiam typis imprimendam curavit, ut vid. tantò spectabilius charactere ac dignitatem Episcopalem sudaret, cum id potius præstare debuisset, ut Officiali sui temeritatem coerceret, ac injuriâ reparandam curaret, quam in persona Aletensis Episcopi toti Episcopali Collegio auctoriter inuollerat. Hæc sunt, quæ præfatum Episcopum Aletensem impellunt, ut ad rationes respondeat, quæ in Constitutione seu Mandato Narbonensi continentur, illibatâ tamen integrâque reverentiâ sacra Purpurea decorâ.

Primò ergo allegatur, sententiam à Domino de Mas pronuntiatam legitimæ potestati inniti; eum quippe cum sit Domini Archiepiscopi Narbonensis Vicarius Generalis & Officialis, ejusq; auctoritate & potestate fungatur, potuisse omnia, quæ idem D. Archiepiscopus poterat; nam ex jurium quoque dispositione Judicis delegati & delegantis eandem esse jurisdictionem & potestatem. Ad quod confirmandum sæpè dictus Dominus Archiepiscopus multas congerit Jurium auctoritates, quæ Delegatis favere videntur, additque: Olim nunc Presbyteros Comitij Generalibus, nunc Diaconos præsedisse, idque non tam propriâ, quàm aliorum auctoritate, quorum vid. personam sustinebant; sua quoque in Comitij suffragia contulisse, quibus Episcopos, Archiepiscopos & Patriarchas damnabant. Cæterum, omnia hæc argumenta & auctoritates, quæ Domino Archiepiscopo congerere placuit, planè inutilia sunt, nulliusque momenti, atque in alienum sensum detorta, idque multis ex causis. Nam primò pro fundamento id supponunt, quod apertè falsum est; neque enim Officialis est Judex propriè delegatus, sed ordinarius, & ordinariâ fungens jurisdictione, æquè ac alijs ejusdem D. Archiepiscopi Judices, & ita quidquid de Judicibus delegatis dicitur, nullo modo aptari potest præsentii argumento. Secundò. Quamvis negari haud possit, causas Episcoporum aliquando à Presbyteris & Diaconis judicatas esse, idque auctoritate Antistitum, à quibus delegati erant; nunquam tamen exemplum ostendi potuit, id à solis Presbyteris & Diaconis factum esse, sed semper unâ cum alijs Episcopis, ita ut semper verum sit, causas Episcoporum ab alijs & competenti numero Episcopis judicatas esse. Casus ergo, de quo in præsentii agimus, toto cælo ab eo differt, qui à Domino Archiepiscopo nobis opponitur. Quippe unicus & solus Presbyter est, qui nulli alteri Episcopo junctus ausus est auctoritatem sibi sumere Episcopum judicandi, ejusque Constitutiones irritas nullasque declarandi, id quod nullo antiquitatis exemplo purgari unquam poterit. Tertiò. Si principia & rationes Domini Archiepiscopi aliquid convincerent, sequeretur in causis, quæ personas etiam Episcoporum eorumq; depositiones spectant, posse ab aliquot Diaconis, quos Episcopi delegassent, Episcopos judicari, quamvis interim nullus Episcoporum aut Archiepiscoporum dignaretur eas causas cognoscere; quo nihil potest dignitate Episcopali indignius dici, magisque Sacris Canonibus adversum. Hæc omnia satis superque ostendunt, quàm vana sint nulloque fundamento nixa, quæ ab Officiali Narbonensi prætexuntur, & hæc sola sufficerent stabiliendis Episcoporum juribus. Verùm ut hæc ipsa certissima reddantur, ut quæ nullâ tergiversatione negari possint, ad principium reducemus, quo in Ecclesiastica Disciplina nullum

nullum certius firmissque. Illud verò est, quòd jus ab antiquis Canonibus inducitur aboleri destruique non potest, nisi auctoritate, quæ, aut major aut par sit Concilijus jus illud constituentibus, aut saltem legitimâ consuetudine & possessione, ob quam illud jus præscriptum, eiisque à partibus voluntariè renuntiatum esse dici possit. Jam verò certum est, antiquos Canones statuisse, ut causa Episcoporum à Metropolitano, Conciliove Provinciali, non verò à Sacris Canonibus iudicaretur. Querimus ergo, quis hunc morem à Sacris Canonibus inducitur abrogaverit? Aut forsitan Concilium aliquod Oecumenicum ostendi potest, quod aliam iudicandi formam præscripserit, & Episcopos sententiæ ac iudicio Officialium submisserit? Planè si D. Archiepiscopus Narbonensis huiusmodi aliquas auctoritates causæ suæ fulciendæ habuisset, omnino haud dissimulasset; cum ergo nullas alieget, constat id non oblivioni, sed indigentia adscribendum esse. Multò minùs dici potest consensisse Episcopos, ut hoc jure à Canonibus stabilito privarentur, cum potius auctoritates à Domino Archiepiscopo allegatæ contrarium probent; Ipse enim fateatur, Suffraganeos Diocesis Narbonensis contendisse, non posse Officialem Archiepiscopalem de Episcoporum Constitutionibus iudicare, imò totum Clerum Gallicanum super hoc puncto suas querelas Regi obtulisse. Nec etiam dici potest, Officiales in pacifica huius juris possessione esse, illudque beneficio longævæ consuetudinis præscripsisse: cum è contrario potius, quoties hoc jure uti voluerunt, Parliamentorum Arrestis comprehensi sint, huiusmodi appellationes abusus damnantium; quando ergo minùs permisissent non iudicari tantum, sed etiam condemnari Episcopos non citatos inauditosque? Celebre est Arrestum, præsertim de anno 1577. in favorem Carotenensis & Melitenensis Episcoporum, à Citatione Senonensis Officialis tamquam ab abusu appellantium; edixitque Curia, Officialem potestatem suâ abusum esse; citationem verò ipsam irritam nullamque declaravit, decrevitque, ne Suffraganei Episcopi juxta Sacrorum Canonum dispositionem in iis, quæ ad disciplinam correctionemque Ecclesiasticam pertinent, coram Vicariis Generalibus, sed solum & immediate coram Archiepiscopo respondere, eique obedire teneantur. Reperiuntur apud du Luc in Collectione Arrestorum, quæ in publicum editæ, duo alia & antiquiora Arresta, de annis vid. 1550. & 1553. in favorem Niverneris & Tricassenis Episcoporum, qui cum ab Officiali Senonensi citati essent, Parlamentum pronuntiavit, huiusmodi citationes nullas & abusivas esse, additque præfatus du Luc hæc verba digna memoratu: Potest quidem Archiepiscopus Provincialis Episcopum in jus ad se vocari jubere, in eumque jus dicere; sed neque per Juridicum, quem

Officiale[m] appellant, neque per Vicarium quacumque prædictum potestate. Qui ergo? Sanè per semetipsum & alios Provinciales Episcopos, quos in Concilio adhibere habet necesse; cujus contrarium cum Senonensis Archiepiscopus in Nivernensem & Trecentensem Episcopos usurpasset, & ij abusum causati provocassent, è forensi prælio superiores evaserunt.

Hæc verò à præfato Auctore insinuata jurisprudentia adeò certa & indubia est, ut inaudium sit, careatque exemplo, fuisse Metropolitanum aliquem, qui per aia ausus fuerit Narbonensi Officiali, quem proinde coerceri efficaciter oportet. Præsertim cum ne quidem ipsi Domino Archiepiscopo potestas fuerit, ut de Constitutione Domini Episcopi Alekten[sis] solus judicaret, eaque ratione & modo, quem ejus Officialis sibi usurpavit, idque non solum ex rationibus ab illustrissimo Domino Episcopo Apamiensi insinuatis ( quia vid. id sine cognitione causæ factum, nec partibus, quarum intererat, vocatis, id quod plane Ecclesiæ Sacrorumque Canonum spiritui contrarium est, ut videre licet apud S. Gregorium Magnum lib. 7. epist. 62. Apud Adrianum in Capitularibus capite 22. & 26. In Concilio Aquisgranensi anno 816. lib. 1. cap. 35. ) Verum etiam ex eo capite, quòd licet Archiepiscopus Metropolitanus sit omnium suorum Suffraganeorum superior, non idè tamen judicare de illorum causis potest, nisi in casibus speciatim à Jure permissis; & tunc quoque non solus, sed tantum in Synodo Provinciali, sic enim in Antiocheno anno 341. cap. 14. & Constantinopolitano Concilij anno 382. & in Capitularibus capite 29. aperte statuitur.

Conqueritur quidem Dominus Archiepiscopus Narbonensis, nolle Dominum Episcopum Alektensem Appellationes tanquam ab abusu in Diœcesi sua tolerare. Caterùm hæc ipsa criminatio abundè ostendit, non satis de moribus Episcopi Alekten[sis], ejusque agendi ratione, Domino Archiepiscopo constare. Enimverò ejusmodi Appellationes semper ille admisit, & tunc solum rejecit, quando dolo malo ac justitiæ eludendæ adhibebantur, & quando omnes simul Episcopi contra illas declamabant; tunc enim omnium Episcoporum querelis suas quoque sociavit, & illæ à Parliamentis Regioque Senatu pro justis acceptæ sunt.

Minus etiam præfatum Episcopum Alektensem morari debet, quod sepe memoratus Dominus Archiepiscopus in defensionem Officialis sui allegat, cum vid. cum dixisset Constitutionem Domini Episcopi Alekten[sis] Legibus Regni Gallici adversari, continuò adjecisse: Quæ in Ecclesia Gallicana hætenus observatæ sunt, ut vid. innueret, se de illis tantum legibus loqui, quæ ab Ecclesia receptæ observatæq; de prophanis & politicis in Ecclesiasticas transferunt. Cate-

rum



ram intelligi haud potest de quibus Legibus Officialis loquatur, & quenam illæ Ecclesiastica & Politica leges sint, quas ab Episcopo Aletensi violatas esse conqueritur. Videri poterat de Regia loqui Declaratione, quæ in favorem Regaliæ conscripta & prodita est; sed cum constet eam ab Ecclesia receptam non esse, idque non lateat Dominum Archiepiscopum, qui verba Officialis in alium sensum detorquet, & ea intelligenda esse dicit de nescio qua lege, Episcopis prohibente, ne in causis, de quibus Iudices competentes jam aliàs judicârunt, quidquam disponant decernantque, sed supplicare tantum ijs liceat. Sed ad hoc prompta est responsio, vid. nullam esse aut Regiam aut Ecclesiasticam legem, quæ prohibeat Episcopis, quod minùs Personis Ecclesiasticis, & manifestis Concilij Oecumenici violatoribus Excommunicationem à Concilio indiclam denuntient, quod solum & unicum est, quod Domino Episcopo Aletensi imputari potest, & ne ad hoc quidem progressus est, nisi ad Convantum Cleri Generalem, ipsūmq; Dominum Archiepiscopum Narbonensem datis priùs litteris, quibus rogabantur, ut super hac causa Regiam Majestatem convenirent; quod cum impetrare à Clero non potuisset, ipsemet litteras ad Regem exaravit, exposuitque rationes, quibus obstridum se credidit, ut ijs, qui Beneficia suæ Diocesis Regaliæ obtentu adepti erant, sese opponeret. Quæ omnia clarè ostendunt, Episcopo Aletensi semper curæ fuisse, ut in hoc negotio omnes partes reverentiæ expleret Principi suo debitæ; & quæ coercendis Regalistis hactenus fecit, à sola necessitate debitorum officij sui fluxisse.

Illud quoque nullo fundamento nititur, quod addunt, Regaliæ negotium fuisse à Judicibus competentibus jam judicatum decisumque. Cum enim Regalia ex jurebus spiritualibus constet, quale est jus Beneficia conferendi, certum est, non potuisse nisi duobus modis Regibus acquiri, aut expresso vid. Ecclesiæ privilegio, in Oecumenico Concilio illis concessio, aut perpetuâ & immemoriali possessione, ex qua Ecclesiæ consensus præsumi possit. Jam verò certissimum est, nec legem ullam Ecclesiasticam, nec legitimam possessionem ostendi posse, ob quæ in Provincia Septimaniæ hoc jus sibi Princeps vindicare possit. Quid ergo in negotio hujus naturæ Regia Declaratio operetur? Nec enim ea Declaratio dici potest esse lex Ecclesiastica, nec etiam esse probatio legitimæ Possessionis; imò ex ea potius convincitur, nullam hactenus Possessionem penès Regem fuisse; nam hæc Declaratio eò unice pertinet, ut Regem in possessionem juris inducat, quam hactenus non habuit. Nullum ergo alium effectum ea Declaratio habet, quàm ut sit argumentum Regiæ voluntatis; at verò innata Regi pietas & justitia nunquam permisierint, ut à suas voluntates pro Ecclesiasticis Legibus, se verò in

causis spiritualibus pro Judice competentis haberi velit. Ad solam ergo Ecclesiam spectat de jure & privilegio cognoscere, quod sola dare potuit; nec unquam salva veritate dici poterit, hanc causam à competentis Judice decisam esse, quandiu à solo profano Tribunali sententia fluxerit, Ecclesiastico tacente.

Neque illud verum est, agnovisse in hac causa Clerum Gallicanum Regij Senatûs jurisdictionem; id enim falsum est, si loquamur de universali ea questione, vid. An Jus Regaliæ illimitatè ad Regem pertineat? Solùm enim particulares priviæque controversiæ, inter Regalistas vid. ex una, & legitimè ab Ordinarijs provisio ex altera partibus, coram Senatu Regio agitata sunt. & in Parliamentiis advocatæ, juxta Henrici IV. & Ludovici XIII. Edicta, quæ contra sententiam Parliamenti anno 1608. ad Cleri Gallicani preces impetrata sunt, id quod Dominus Episcopus Alethensis litteris ad Dominum Archiepiscopum Narbonensem die 6. Junij Anno 1676. exaratis prolixè ostendit.

Nec etiam aliquid probat, quod idem D. Archiepiscopus Narbonensis adjungit de potestate Officialis, aut Vicarij Generalis admittendi Ecclesiasticos (qui se in Curia Romana provisos esse asserunt) ab Episcopo rejectos, quo exemplo conatur ostendere, etiam ab Officiali suo potuisse Constitutionem Episcopi Alethensis damniari, Episcopo non citato. Caterùm nemo non videt, quantum inter utrûmq; casum discriminis intercedat; præter enim illa, quæ in simili causa ab Illustrissimo & Reverendissimo Episcopo Apamiensi notata sunt, ea etiam substantialis omnino differentia accedit, quòd, cùm Officialis, seu Vicarij Generalis rarus habet provisiones in Curia Romana factas, quamvis ab Episcopo rejectas, non de Potestate, quam circa hujusmodi provisiones Pontifex habet, judicium sibi sumit, sed tantùm de provisi qualitibus personalibus; quo fit, ut hujusmodi Vicarij sententia nec legis vim habeat, nec ullum Pontificiæ potestati præjudicium pariat. Secus foret, si non tam de qualitibus personalibus, quàm de ipso jure conferendi his moveretur, tunc enim quàm maximè reserret Ecclesiæ, non hoc jus ab ijs, qui illud non habent, usurpari permitteret; sicque hæc causa propriè ad Ecclesiam pertineret; cujus defensor legitimus & naturalis Episcopus est; non ergo judicari de illa causa potuit, Episcopo non audito: planè res nova & mira est, potuisse Officialem Narbonensem sibi persuadere, coram tribunali suo velut Judicij competentis non disceptari tantùm, sed decidì etiam debuisse, an tota Narbonensis Provincia Regaliæ (de qua omnibus retrò annis exempta fuerat) subjaceret? idque ne vocatis quidem auditisque Episcopis, quorum utique intererat, ne in novam servitutem illa Ecclesiæ raperentur. Si ergo hanc novam miramque sortem judicandi admittamus, quoscunq; deinceps violandi Ecclesiastica jura cu-

pido

pido inceserit, id tantum curabunt, ut primò Religionem Principis circumveniant: deinde ut Officiales Episcoporum lucrentur, eosque suarum voluntatum executores faciant; isti verò omnes Episcopos, qui injustus eorum conatibus obfistunt, tamquam qui leges in Regno Gallico stabilitas, & ab Ecclesia receptas violassent, postulabunt. Sed mihi animus non est, perniciosos omnes effectus, nec minus Ecclesiasticæ Disciplinae, quam Religioni ipsi fatales recensere, qui ex hac agendi ratione procul dubio proveniunt. Ob has igitur aliasque hujus generis rationes suo loco & tempore producendas præfatus Dominus Episcopus Alesensis declaravit, notumque facit Eminentissimo Domino Cardinali & Archiepiscopo Narbonensi, nec non suprâ nominatis Domino Promotori, & Joanni Petro Gaston de Foix, se in appellatione persistere jam semel ad Sanctissimum Dominum nostrum INNOCENTIUM XI. Sedemque Apostolicam à dictâ Eminentissimi Cardinalis & Archiepiscopi Ordinatione interposita, ac in optima forma protestatur, quidquid in præjudicium præfata appellationis fieri aut attentari contingerit, nullum irritumque fore (quippe juxta Canonicas Regulas, pendente appellatione nihil fieri, aut innovari oportet) suasque Constitutiones 5. Martij & 17. Octobris anno 1676. datas executioni interim dandas esse, donec à sua Sanctitate & Sacra Apostolica Sede aliter disponatur.

## Documentum XXV.

### Tertia epistola Illustrissimi & Reverendissimi Episcopi

Alesensis ad INNOCENTIUM XI. Summum Pontificem.

**I**N hac confecta ætatis & affectionis paralytica sinistram corporis partem occupantis invalescente ægritudine, arctissimam meam cum Apostolica Sede communionem, & singularem erga Pontificatum Sanctitatis Vestrae reverentiam & devotionem hoc monumento testatam volui: simul & extrema Ecclesie mihi commissæ amoris officia exhibere satagens, ad auctoritatem & tutelam Vestram, quâ maxime modò indigêt, confugio. Nativam illius & perpetuam à Regaliæ jure immunitatem, quæ illi cum tota Provincia Ecclesiastica Narbonensi, & alijs quibusdam communis est, juxta Concilij generalis Lugdunensis Constitutionem pro parte mea hucusque tutus sum. At eam novo & insolito Regaliæ juri post discessum meum jam instantem penitus subiectum iri prospicio, nisi intercessione summa Vestrae Auctoritatis apud Christianissimum Regem ab ejusmodi jugo vindictur. Quare hoc unum restat, Beatissime Pater, ut ipsam in eadem libertate & immunitate, cum qua quadraginta abhinc annis eam suscep-

Beatitudini Vestrae custodiendam commendem. Est & aliud grave mihi, Beatissime Pater, quippe quòd mea cum Apostolica Sede communioni umbram aliquam offundere videatur, censura scilicet à Romanis Inquisitoribus Rituali libro, qui à me ad usum nostræ Diœcesis editus est, iniusta. Libri illius à plurimis licet fratribus Coepiscopis solemnī approbatione laudati novum examen subire non detractò : imò peropto, si modo Sanctitas Vestra per se pro Sua benignitate oculos & animum advertere dignata fuerit. Quidquid in eo emendandum pro Sua sapientia duxerit, hoc pro reverentia mea emendandum duco. At pristinum Inquisitorum iudicium, acerbum nimis & injuriosum eò magis deprecor, quòd pleraque Ethica Christiana dogmata, tanquam sub Generali Ritualis nostri censura damnata, à viris illusoribus, qui supra populum, juxta Prophetam, dominantur, passim traduci doleo. Hanc labem à me, hanc à sanctissimis dogmatibus fraudem & calumniam ut amoliaturs Sanctitas Vestra, ultimùm obsecro & supplico. Itaq; votorum tum hujus, tum superioris Epistole summā in sinu Sanctitatis Vestrae repositā, mortem expecto, Apostolicā Vestrā benedictione jam mihi concessā munitus, & necessario maximè precum Vestrarum presidio apud summum Judicem adjuvandus: Alethi die 25. Octobris Anno 1677.

BEATISSIME PATER,

Sanctitatis Vestrae

Humilissimus & Obsequiosissimus

Filius & Servus

Nicolaus Episcopus Alethensis.

## Documentum XXVI.

*Epistola Eminentissimi Cardinalis Cibo ad Reverendissimum  
Episcopum Apamiensem.*

Data 8. Decembris, Anno 1677.

Illustrissime & Reverendissime Domine.

**A**ccepi unā cum humanissimis litteris tuis, instrumentum appellationis interpositæ à Sententia Archiepiscopi Tholosani : in quo Sanctitas Sua non permittet, ut à paterna sua erga te, & Apamiensem Ecclesiam charitate quicquam diū desideres, sicuti, occasione se dante, certius  
cogno-

*cognosces. Tibi Illustrissime & Reverendissime Domine, leta saulque omnia à DEO auguror. Romæ, die 8. Decembris Anno 1677.*

Illustrissime & R. D.

Servitor

A. Cardinalis Cibo.

## Documentum XXVII.

### *Secunda epistola Reverendissimi Episcopi Apamiensis ad Regem Christianissimum.*

20. Januarij Anno 1678.

**A**ccepi quàm maximâ potui veneratione Arrestum Consilij 28. elapsi Novembris latum, quo Majestas Vestra injungit mihi, ut intra duos menses Sacramentum fidelitatis in acta publicâ referri faciam, admittamque de quibusdam Canonicatibus alijsque Beneficijs Regularibus Ecclesiæ Apamiensis, titulo Regaliæ provisos, idq; sub pœna privationis omnium fructuum & proventuum temporalium. Patiatur Majestas Vestra humilissimæ preces meas, quas vid. necessitas hujus causæ expressit, Sibi deferri, quas tantò confidentius spero auditum iri, quod ab Episcopo, & in causa Ecclesiæ prolatis; cùm aliàs semper magnorum Principum fuerit, etiam in negotijs merè temporalibus querelas subditorum gemitibusque excipere. Enimverò si liceret ante oculos Majestatis Vestræ cor meum intimasque cogitationes expromere, videret Ipsa id, quod animum meum perstringit, non esse metum proventus temporales amittendi; cùm enim in sacris Canonibus didicerim, Ecclesiasticos fructus esse bona DEO consecrata, nihil aliud ex iis reservatum mihi volui, quàm curam administrationemque mei Oeconomii; sicque meam Personam ac particulare commodum quod attinet, quidquid Divina Providentia permiserit, pacatissimè feram. Id solum à Majestate Vestra petere mihi liceat, ut si quidem alicuius me culpæ reum pœnæque dignum crediderit, dignetur eâ tantum fructuum parte multare, quæ sustentandæ Personæ ac necessitati meæ parcè adhibetur, nec enim me pœlebit Fidelium pietatem ac eleemosynas implorare; tantum ne hâc pœnâ & calamitate meâ quamplures alij ac innocentes involvantur. Cogor enim Majestati Vestræ significare proventus illos, qui ex Consilij sen-

sententia subducti mihi sunt, ad alenda duo seminaria, in quibus Clerici animarum saluti ac curæ addicti, magnòque numero sustentantur, ad fabricandam ædem Cathedralē hereticorum furore planè destructam, ad reparandas ornandisque reliquis Diocesis Ecclesias, ad alendos regendisque pauperes, qui plurimi sunt, & qui hoc subsidio destituti in extremam necessitatem adiguntur, & denique ad exolvendum æs alienum, quod ut omnibus hisce expensis par essem, contrahere necesse-rò debui. Quod ergo ante hæc omnia animum meum intimè ferit, illud est, me licet ardentissimo desiderio ferar nihil agendi, quod Majestatem Vestrā vel le-vissimè offendas, non posse salvā, quam DEO ejusque Sponsæ debeo, fidelitate, Ar-resto mihi nuper signisato obtemperare. Neque enim, nisi anathemata à sacra Concilii vibrata experiri velim, cooperari, imò ne consentire quidem possum, ut Ecclesia juribus spoliatur fides mea commissis. Inter ea verò jura unum è præci-puis maximèque spiritualibus est libertas conferendi Beneficia Ecclesiastica, quam li-bertatem Regalia omnino demolitur: hæc verò in quamplurimis Regni Gallici Pro-vinciis nunquam locum habuit, id quod ex Edictis Gallie Regum, Majestatis Vestræ Prædecessorum, & Parliamentorum, & Camera Parisiensis Protocollis, & ex do-ctissima Auctorum, qui ante Arrestum Parlamenti Parisiensis de anno 1608. de hoc argumento scripsere, & quorum aliqui in præfata Camera Computorum publicis officiis fungebantur, manifestè probari potest. Philippus Probus, vir insignis probā-taque doctrinæ, & cui Regalia odio esse non poterat (nam Regalia titulo in Ec-clesia huic servitutis obnoxia Beneficium obtinuerat) non contentus Ecclesias in ge-nere designasse Regaliæ immunes, Episcopatus quoque in particulari enumerat, exemptos liberosque, & præsertim Tholosanæ Provinciæ, quorum primum hunc A-pamensem constituit.

Enimverò non potest hoc jus Regaliæ ad Majestatem Vestrā pertinere, nisi uno ex sequentibus titulis, vid. aut præcisè, Jure Regio: aut titulo Universalis om-nium Ecclesiarum Fundatoris: aut beneficio Possessionis, memoriam ho-minum excedentis: aut denique Ecclesiæ Privilegio.

Qui conati sunt persuadere Majestati Vestræ, jus Regaliæ totā Galliā extendi, id principium assumpserunt, ut dicerent, Regaliæ jus esse Coronæ annexum, ideò-que in lucabile & impræscriptibile; quo fundamento nixi adjecerunt, quemadmo-dum Regum Diadema rotundum est, eaq. figura designat, Coronam Regiam com-plicti omnia: sic quoque Regaliæ ad omnes Regni Ecclesias proferri, nullū excep-tū. Ad perniciem Majestatis Vestræ, ut libere dicam, nihil cogitari posse hāc Ma-jestati inanius, min⁹que fundatum. Quī enim fieri potest, ut jus Beneficia Ec-clesiastica conferendi, quod spirituale omnino est, à Regi Potestate & Corona de-

pen-

pendeat? Planè nihil aliud hoc est, quàm spiritualem ac temporalem consumere potestatem, Ecclesiarum ac Principum jura commiscere: & verò si hoc tantique momenti jus aded Regia Dignitati adjunctum est, qui fieri potest, ut Ministri Regum Majestatis Vestrae Prædecessorum tot sæculorum decursu illud ignoraverint? an verò aut negligebant, aut nesciebant, quid Regibus deberetur? & ipsum Parisiense Parlamentum, si hanc Maximam veritati consentaneam esse credidisset, num ausum aliquando esset (quod tamen aliquoties fecit) Regibus onus hanc possessionem probandi imponere, cum de nonnullis Ecclesijs controversia moveretur? Sed nec solum hoc Gallia Regum esset privilegium, sed omnium omnino coronam gestantium, qui eodem jure eademque ratione Regaliam, quæ latè dominantur, vindicare sibi possent; idèò Lugdunense Concilium, cum titulos recenset, ob quos permitti Regalia possit, solus fundationis, & antiquæ Possessionis mentionem facit.

Alij ergo, qui fallaci hujus Maxime inanitatem cernunt, diffiduntq; tam fragili fundamento, ad alia se vertunt, & Majestati Vestrae tanquam omnium Regni Ecclesiarum Fundatori Regaliam attribuunt. Cæterum si Majestas Vestra observare dignata fuerit, Ecclesiæ Apamiensis provenus in solis verisq; Decimis (quas Deus sibi reservavit, & quarum dispensationem Ecclesiæ Ministris reliquit) consistere, Ipsamet facillè concludet, non fuisse Ecclesiam Apamiensem à Regibus Ejus Majoribus dotatam. Quod verò supra Decimas est, tam parvi est momenti, ut non credam tam modica rei intuitu voluisse Reges hujus Ecclesiæ fundatores appellari. Quamquam, etsi demus Fundatores appellandos esse, quis nescit, solam Dotationem, si Privilegium Ecclesiæ absit, non sufficere, ut quis possit Beneficia Ecclesiastica conferre, ac Ministros Ecclesijs constituere?

Possessionem quod attinet, certissimum est, numquam hoc jus à Majestate Vestra in Apamiensi Ecclesia exercitum esse, nec ullum exemplum ostendi poterit.

Denique tantum abest, Ecclesiam hoc jus extendendæ Regaliæ Principibus concessisse, ut potius se illi enixè opposuerit, tunc vid. cum in Concilio Lugdunensi statuit, ne Regalia ad loca extenderetur, in quibus recepta hæcenus non fuerat: & quamvis Clerus Gallicanus sæpè Majestatis Vestrae protectionem imploravit adversus eorum molitiones, qui contra antiquam nativamque Ecclesiarum libertatem Regaliam inducere conabantur, non idèò tamen libertati ac juribus suis renuntiare volebant, imò ne Conventus quidem Cleri Generales, quantumvis maximè vellent, præstare id poterant, tum quia Concilio Oecumenico à quatuor jam sæculis in Gallijs recepto derogare non poterant; tum etiam quia in causa communi, & quando agitur de jure & præjudicio singu-

lorum, ex regulis utroque jure receptis oportet singulos, quorum interest, consentire. Jam verò constat, neque me, neque aliquem meorum Prædecessorum consensisse, aut Procuratoribus, aut Deputatis ad Conventus Generales missio mandatum in hac causa transigendi dedisse. Neque etiam credidi, me Declarationibus à Majestate Vestra in hac causa editis posse acquiescere; multisque minùs earum executionem pollicitus sum, nec umquam adduci passus, ut juramentum fidelitatis in acta publica referri permitterem, quod argumentum erat admittæ servitutis. Non ergo intelligere possum, quâ veritate dicatur, universalem Regaliâ causam fuisse in Contradictorio judicio, plenâque cognitione judicatam. Sed præsertim particulares pro Apamiensi Ecclesia rationes sunt, ob quas Regaliâ subdî non potest; cum enim & Alexandro VII. Pontifici Maximo, & Majestati Vestræ placuerit Pontificijs Regisque Diplommatibus vitam Regularem, ac bonorum communionem juxta Regulam S. Augustini in hac Ecclesia stabilire, idque etiam quamplurimis Arrestis in Parisiensi Parlamento, ac Judicijs Contradictorijs confirmatum fuerit, admittâ semel Regaliâ necessariò consequitur, fructum operis tam pij, & ex quo in publicum bonum tantum emolumentis ac ædificationis processit, planè corruptum iri, cum illi, qui titulo Regaliâ Beneficia occupavêre, numquam persuadendi sunt, ut se exacto Tyracinio, & ex sententia Episcopi submittant. Multo minùs excludi se à sacra Professione, si inhabiles reperiantur, patientur, quod unum omnem viam disciplinæ solidæque pietatis occludet. Sed nec illud sperare ab ijs licet, ut vid. privatis vel facultatibus abdicent, vivantque in communi, & rationes Episcopo reddant; usque Priori Claustrali se subdant, quæ tamen adedò necessaria sunt, ut Paupertatis & Obedientiæ vota in Ecclesia Apamiensi hæcenus inviolabiliter observata, & Arrestis etiam Majestatis Vestræ munta consilire sine illi band possint. Imò hujusmodi, ut vocant, Regaliâ illis potius alimenta vitæ necessaria subducent, qui bonâ fide tituloque Canonico subnixi solemnem in hac Ecclesia Professionem emiservunt, sequæ insuper juxta perpetuam & antiquissimam hujus loci consuetudinem voto stabilitatis obstrinxerunt; nunc verò & domicilio exclusi, ubi votorum suorum observantiam expleant, & alimentis privati, quibus sustententur, contra jus & fas, magnòque cum animarum suarum discrimine, parique scandalo Religionis vagari cogentur.

Hæc sunt, quæ Majestati Vestræ necessariò indicanda credidi, & quorum pondus ac solidam veritatem si ipsa dignata fuerit secum expendere, tantum mihi de Majestatis Vestræ justitiâ polliceor, ut omnino credam, non solum approbaturam, quæ in hac causa hæcenus à me gesta sunt, verum etiam tamquam



quam muneri ac ministerio meo fideliter explendo necessaria vehementer commendaturam, suæque Regiæ auctoritate pondus ac vires addituram. Et quamvis videri possim solus ego hanc causam ab alijs desertam sustinere, placeat Majestati Vestræ persuasissimum habere, quotquot istorum rerum notitiam honestique curam aliquam habens, nec privatis commodis tanguntur, omnes serè in hoc convenire, ut fateantur justissimam à me causam foveri, & inter illos ipsos, qui Majestatis Vestræ Declarationibus & Edictis detulere, alij aut jurium suorum ignorantia, aut nimio studio gratificandi Majestati Vestræ decepti sunt. Nec desunt, quos pudet penitetque admissi. Illi vero, qui licet timide anxieque mihi persuadere conati sunt, ut contra Concilij Lugdunensis Decreta Majestati Vestræ obtemperarem, nullam aliam rationem adducebant permovendo mihi, quam metum majoris mali, perinde ac si Regia Majestatis Vestræ potestas veritati ac justitiæ opprimendis servires, cum potius sperare debuissent, nunquam permissuram esse Majestatem Vestram jura Ecclesiæ violari, si modò illi ausi essent Ecclesiarum causam suscipere, tantumque fiduciæ habuissent, quantum Majestas Vestræ equitatis.

Ceterum eos quod attinet, qui Regiam toto Regno extendere voluerunt, pronum est cogitare, non aliam ob causam aggressos esse hoc jus Regium ultra antiquos legitimisque terminos proferre, quam ut Principis favorem compararent, aut auferrent, aut etiam in distribuendis Beneficijs, quæ ad Majestatis Vestræ Collationem pertinent, majori auctoritateungerentur.

Quidquid istorum sit, ego interim non omitto lacrymis precibusque Deum Majestati Vestræ propitiū reddere, utque in Sacram ejus Personam ac Regna suarum gratiarum thesauros abundè profundat, enixè postulare, & præsertim ne umquam permittat jura Ecclesiæ ab eo violari, qui se primogenitum Ecclesiæ Filium, ac præcipuum Protectorem gloriatur; id enim si fieret, non tantum apud posteros laboraret Majestatis Vestræ gloria, verum etiam magna aliqua calamitas ejus Regnis à DEO forsitan immineret; id quod ne fiat, ex intimo cordis mei, enixèque postulo, quippe qui primas fidelitatis & reverentiæ in Majestatem Vestram partes mihi vendico.

Apamijs 20. Januarij 1678.

Humillimus & Obedientissimus ac Fidelissimus  
Servus & Subiectus

Franciscus Episcopus Apamiensis,

K k 2

Docu-

## Documentum XXVIII.

*Eiusdem Reverendissimi & Illustrissimi Episcopi Apamiensis  
ad Magnum Galliae Cancellarium epistola.*

1. Februarij Anno 1678.

**L**etatus vehementer sum, cum ex litteris, quas ad me exarare dignati  
essetis, intellexi, quanto semper in pretio apud vos fuerit Reverendissi-  
mus Alethensis Episcopus gloriosa memoria, sed multum huic animi  
mei gaudio decessit, quando ad querelas perveni, quas illius causa sub-  
jungitis, perinde ac si improbaretis, quae in causa Regaliae ab eo peracta sunt.  
Persuasum equidem habeo, voluisse Vos non tam memoriam cineresque magni  
illius Servi DEI criminari, quam quid in simili causa mihi agendum esset,  
amicè commonere. Id verò necessitate me obstringit causas Vobis rationesque  
aperiendi, quae me, ut hanc ipsam causam amplecterer, efficaciter compulere.

Eateor enim verò, nihil aequè mihi gratum optatumque eventurum, quam  
ut salvâ conscientia acquiescere in hac causa possem Regiae voluntati, id quod  
etiam litteris ad Majestatem Suam datis, commendatisq; Domino de Chateau-  
neuff liberè professus sum: nihil enim præter metum offendendi DEI morari  
me potest, ut non in omnibus, pleneque Regi obtemperem, praesertim cum in-  
genue fateri oporteat, Eum, à quo tempore Regni Galliae habenas moderatur,  
tam multis magnisque incrementis Catholicam Religionem extulisse, ut non  
Episcopos tantum, sed omnes etiam Sibi Christianos devinxerit, nec quempiam  
sanguinis etiam vitaeque perire debeat, si profundi illam pro gloria tanti Prin-  
cipis oporteat. Non ideo tamen permissum nobis est, gratitudinem nostram in  
Principem adeò bene meritum cessione ejus juris testari, quod Ecclesia in Con-  
cilio Lugdunensi collecta omni ratione custodiendum fidei nostrae commisit; non  
ergo potestatis nostrae, sed alterius Oecumenici Concilij fuerit, Beneficia, quae  
Ecclesia à Rege accepit, privilegio remunerari Regaliae extendenda in loca hujus  
oneris hactenus immunita, qualia sunt nostrae Provinciae Diaeceses.

Quod si vobis placuerit Regaliae naturam attentius expendere, fatebimini,  
eam, si extra terminos proferatur antiquae consuetudinis, & in seipsa pernicio-  
sam esse, & Ecclesiae Regumque legibus interdictam, & denique quamplurimis  
maximisque incommodis obnoxiam.

Primò

Primo ergo ex seipsa & intrinsece perniciofa est, quia jus spirituale Regibus tribuit, cujus ex multorum Doctorum sententia Laici absolute incapaces sunt: aut saltem non aliter, quam speciali Ecclesiae privilegio, quod illi ipsi fatentur, qui Regalia partes quam maxime amplectuntur. Quamvis enim Episcopatum aliorumque Beneficiorum proventus sint res merè temporales; jus tamen eos percipiendi, ac praesertim Beneficia conferendi dubium non est, rem esse maxime spirituales, & ideo absq; Simoniacae labe vendi non posse. Hinc est, quod prima juris Canonici Regula ita sonet: Beneficium Canonicum non potest licite sine Canonica Institutione obtineri. Hinc etiam quod quamplurima Concilia Romanique Pontifices eos anathemate feriunt, qui à manu laica Beneficia acceperint, praesertim verò quinque Concilia Romana sub Gregorio VII. habita, quorum unum anno 1080. celebratum ita loquitur: Quoniam Investituras Ecclesiarum contra statuta Sanctorum Patrum à laicis personis in multis paribus cognovimus fieri, & ex eis plurimas perturbationes in Ecclesijs, imò ruinam sanctae Religionis oriri, ex quibus Christiana Religio conculcatur, decernimus, ut nullus Clericorum Investituram Episcopatus, vel Ecclesiae de manu Imperatoris, vel Regis, vel alicujus laicae personae, vel foeminae suscipiat; quodsi praesumpserit, recognoscat, Investituram Apostolicam auctoritate irritam esse, & se usque ad condignam satisfactionem excommunicationi subjacere. Eodem spiritu, quo Gregorius VII. Episcopi Galliae agebantur, quando in Concilio Claremontano sub Urbano II. Trecenti sub Paschali I. & duobus Pictaviensibus aliisque pluribus severe prohibuerunt, ne Beneficia à Regibus acciperentur. Sic etiam Investiturae, quibus abolendis tantopere Ecclesia laboravit, non ob aliam causam à Pontificibus sacrisque Concilijs damnatae sunt, quam quod reipsa nihil aliud esse viderentur, quam Institutiones Beneficiorum, quae, seculso privilegio, ad solos Episcopos pertinent, ad nullum verò Principem temporalem, teste etiam ipso Chopino, quantumvis aliqui magno jurium Ecclesiasticorum adversario. Nec verò possunt Episcopi in suis Diocesium hoc privilegium concedere, cum ex juris Canonici peritorum communi doctrina non liceat Episcopis servitutem aliquam suis Ecclesijs imponere.

Sed nec in genere tantum extensio Regaliae sacris Canonibus decretisque summorum Pontificum prohibita est (tunc vid. cum Laicis omnibus etiam Principali dignitate fulgentibus interdicitur, ne ullam sibi proveniunt, multoque minus Beneficiorum Ecclesiasticorum dispositionem arrogent) verum etiam specialis Decreto Lugdunensis Concilij, quod dissimulata potius, quam comprobata Regaliae

possessione pro ijs Ecclesijs, in quibus ex antiquo usu Sibi illam deberi Gallia Reges credebant (quantumvis ante Concilij tacitam approbationem non sine animi scrupulo eâ uterentur) ne ad alias Ecclesias extenderetur, severissimis Decretis inhibuit. Ipsum quoq; Trideminum Concilium in Tholosano Provinciali Concilio, & in Conventu Melodunensi anno 1615. à Gallia Episcopis receptum juratûmque, sub pœna Excommunicationis ipso facto incurrendæ Episcopis præcipit, ne bona, jura ac privilegia Ecclesiarum dilabi permittant.

Ipsi Reges Ludovici Regnantis Prædecessores sæpè declarârunt, Regaliam non esse jns toto Gallico Regno extensum. Ludovicus Junior, quo rerum potente innotescere Regalia cœpit, Aquitaniam Regaliæ immunem esse declarat. Sanctus Ludovicus, Philippus III. Philippus IV. & Carolus V. Gallia Reges idem de Septimania fatentur. Ludovicus XII. extendi Regaliam vetat, & qui eam dilatare conantur, Sacrilegij & usurpatæ potestatis notat. Deniq; Philippus Valsius, Henricus IV. & Ludovicus XIII. gloriose memoriæ declarant, nolle ut Regalia in præjudicium Ecclesiarum, quæ hætenus immunes fuerunt, extendantur.

Et verò etiãsi daremus, hanc ipsam Regaliæ extensionem ad ea loca, quæ hætenus libera fuerant, intrinsecè & ex sua natura perniciosam non esse; & quamvis in Concilio Lugdunensi non eam Ecclesia damnasset, tam multa tamen sunt absurda & incommoda, quæ ex illa consequuntur, ut vel ob hæc sola commisi omnibus viribus debuissim, ut à mea Diocesi procul arceretur. Ut enim nihil dicam de Intrusione & Sacrilegio, quibus se obstringunt, qui titulo Regaliæ Beneficia in Ecclesijs acceptant hujus servitutis immunibus, deque Excommunicatione, quam ex Decretis Avenionensis Concilij anno 1326. sub Joanne XXII. ipsa etiã Capitula incurrunt, quæ hujusmodi Beneficiatos admittunt; ut inquam hæc omnia taceam, qui fieri potest, ut consentiamus, nos Collatione spoliari omnium Beneficiorum, quæ postea sine alio titulo, aut Institutione Canonica Rex ipse pro arbitrio distribuat? Henricus IV. abstinuit Collatione Dignitatum. Fassetur Pasquier, Cathedralium Ecclesiarum Canonicatus Regaliæ haud subjacere. Idem de Prioratibus Conventualibus alijsque Regularibus Beneficijs dicendum est. Quamplurimis quoque Arreftis definitum est, Præbendas Theologales Regaliæ legibus haud comprehendi. Parva & pauca sunt hæc omnia, nisi & illud adderem, ut potestatem soli Pontifici propriam Regi quoque attribuerent; quippe Resignationes in favorem, quæ Jure Canonico Simonia notantur, ac soli Pontifici reservantur, videmus sine alio scrupulo à Rege admitti. Sic etiã pensiones Beneficijs constituere, & Præbendas Regulares conferre profructi cupientibus, Prærogativa sunt Pontificiæ potestatis, quas tamen translatae in Regem esse videmus.

*Sed neque hoc sufficit Regaliæ Patronis, nisi insuper plura Regi concederent, quàm Pontifici permittuntur. Rex enim Beneficia etiã alijs confert, quàm in quorum favorem renuntiata sunt, quod Papa non facit. Rursus Beneficia non solum ipso jure aut factis vacantia, à quo tempore Regalia aperiri cœpit: verum etiã a Rege conferuntur, quæ de Jure Canonico vacare non censentur, qualia sunt Beneficia resignata, permutata, litigiosa, & quorum possessio nondum personaliter adita est. Denique Episcopis & Capitulis omnis facultas admittitur Provisos examinandi, quamvis fieri possit, ut Censuris alijsque impedimentis Canonicis teneantur.*

*Hæ sunt rationes, multæque aliæ, quas libens adjicerem, nisi jam aliàs hæc mea epistola protinxiore evasisset; ob quas credidi non licere mihi in hac Regaliæ causa Regijs Declarationibus acquiescere, neglectâ veritate; nec timendum mihi fuit, ne aut scandalis periculum, aut præsumptionis adirem, cum ex Sanctorum Gregorij, Bernardi, & Augustini sententia, melius sit, ut scandalum oriatur, quàm ut veritas relinquatur: nec ita arrogantia cavenda est, ut veritas relinquatur.*

*Equidem æstimanti mihi studium amorisquæ præcipuum, quo causas Ecclesiæ, præsertim meæ Diocesis semper complexi estis, & cujus in gravissimis occasionibus tot præclara argumenta dedistis, spes omnino affulget, haud ingratum Vobis fore, quòd pari libertate fiduciaque jura Ecclesiæ meæ exponam: nec dubito, ijs coram DEO examinandis Vos curam aliquam impensuros, meque, uti hactenus, commendatam habituros. Persuasum enim habeo, fastigium illud Dignitatis, ad quam Vos DEUS suis donis disposuit provexitque, nihil Vobis de cura ac æstimatione cœlestium bonorum subtraxisse, quæ sola vera & perpetua sunt; quin potius auctoritatem illam, quâ ante alios conspicui estis, occasionem ac subsidium fore, Regno JESU Christi, ejusque Sponsæ dilatando, &c.*

Apamijs 1. Februar. 1678.

*Humillimus & Obedientissimus  
Servus*

Franciscus Episcopus Apamiensis.

Docu-

## Documentum XXIX.

*Prima Epistola Illustrissimi & Reverendissimi Episcopi Apamiensis ad INNOCENTIIUM XI. Pontif. Max.*

Apamijs 4 Maji 1678.

*Beatissimo in Christo Patri & Domino Domino*  
INNOCENTIO XI. Pontifici Maximo.

## BEATISSIME PATER,

**I**N legendis Ecclesiasticis historijs saepe saepius animadverteram, sanctissimam Sedem Episcopos ad se confugientes, maxima cum benignitate semper suscepisse, summisque Pontifices paternis visceribus eos esse complexos, qui pro tuendis Ecclesiae juribus laborarent. Verum id clarius intellexi, & jucundius expertus sum, quando me Sua Sanctitas litteris Apostolicis consolari, imò & hortari dignata est ad propugnandam Diocesis Apamiensis libertatem, contra servitutem, quam nostri Regaliam vocant, de qua semel & iterum ad Vestram Sanctitatem scribere non dubitavi. Equidem, Beatissime Pater, ita mihi videbar affectus, ut non solum bonis, sed & vitâ spoliari mallet, quam Ecclesiam, mihi licet indignissimo commissam, nativâ carere libertate: sed incredibile est, quantos addiderit animos Sanctitatis Vestrae consilium, vel potius praeceptum, aut etiam Oraculum à DEO per Suum in terris Vicarium ad me delatum, ut modo caelesti fretus auxilio nihil hac in parte, nisi mea peccata meamque insipientiam pertimescam.

Regalia negotium Beatissime Pater, ad aures Suae Sanctitatis, utpote maximae Ecclesiae universae negotijs intentae, deferre vix umquam ausus fuisssem, nisi & hoc ipsi Ecclesiae universae maximi referre perspexissem. Cum enim Rex Christianissimus jure, ut ait, coronae, seu supremi Dominij, non solum fructus seu redditus hujus Diocesis, cui regenda a triginta tribus annis praefectus sum, sed etiam beneficia Ecclesiastica pleno jure, & absque Canonica institutione conferre intendat, quamvis in ea Regalia nunquam locum habueris, imò nullibi, nisi sede vacante, habere possit; valde metuendum est, ne reliqui Principes, imò & Republicae idem sibi vendicant.

*Quod*

Quod quidem Regalia jus, Beatissime Pater, quanta sequantur incommoda, jam sum expertus. Facturam quidem bonorum temporalium etiam cum gaudio sustinui; quippe quibus tamquam oneribus premebar, veritus ne non satis accuratam DEO rationem reddere de illorum dispensatione possem. Doleo autem plurimum, quod his deficientibus, & immisericorditer ablati, nequeam, ut hactenus, pauperes penè fame confectos, & infantes expositos seu abjectos alere, aut templa restaurare; quodque maxime necessarium est, Clericos literis & virtutibus instruere; aliaque hujusmodi pietatis opera omnino necessaria præstare. Verùm adhuc majorem doloris causam præbet tumultuaria Clericorum tum secularium, tum ex diversis ordinibus seu Congregationibus Regalarum turba, qui Ecclesiæ Cathedralis Apamiensis Beneficia invadunt.

Pluribus, Beatissime Pater, supersedeo, cætera namque, si dignetur annuere Sanctitas Vestra, referet Archipresbyter Aqueusis, vir mihi fidelissimus: sed, quod magis placet, divini honoris, & Ecclesiastica disciplina studiosissimus, quod in gerendo prudentissimè Archipresbyteri officio, regendæque plebe sibi creditâ, præclarè restatus est. Obsecro Beatissime Pater, ut eum Vestra Sanctitas benignè audiat, saluum tutumque curet, & me pariter consilio, auxilio, precibusque juvare dignetur. Interim Deum optim. Max. assiduè obsecrationibus enixè rogo, ut Sanctitatem Vestram Ecclesiæ suæ diu servet incolumem.

Apamijs die 4. Maji 1678.

BEATISSIME PATER,  
Sanctitatis Vestræ

Humillimus & Obsequentissimus  
Filius & Famulus

Franciscus Episcopus Apamiensis.

Documentum XXX.

Secunda Epistola eiusdem Reverendissimi Episcopi ad  
INNOCENTIIUM XI. Pontif. Max.

Beatissimo in Christo Patri & Domino Domino  
INNOCENTIO Pontifici Maximo.

BEATISSIME PATER,

IN paternum sanctitatis vestræ sinum cor meum effusus circa libertatem  
Ecclesiæ, quam vobis vehementissimè cordi esse scio, Regalia scilicet negotium  
L I Aposto-

*Apostolico zelo commendatus, ad humillima beatorum pedum oscula, maxima cum fiducia, nunc accedo. Res est majoris momenti; quam ut verbis meis queas declarari. Agitur enim B. P. de concedenda Regi Christianissimo sacul-tate, qua nondum in majori Regni sui parte usus fuerat; vacantium scilicet Ecclesiarum Cathedralium redditus percipiendi, omniaque Beneficia, quae interim vacare contigerit (saltem si eorum collatio ad Episcopum pertinebat) pleno jure conferendi, donec novus Episcopus fidelitatis jamentum praestiterit, praestiti jamenti publicum instrumentum in regesla Curiae computorum fuerit relatum, decretum, seu ut nostri vocant, Arrestum, quo restituenda mandentur bona Episcopalia, soluta prius certa pecuniae quantitate, fuerit obtentum, & Episcopus personalem, non autem per procuratorem tantum, possessionem fuerit adeptus.*

*Maximum B. P. Ecclesiae vulnus inferitur, cum laici Ecclesia reditus temporales dispensant, quod modis omnibus impedire semper conata est universa Ecclesia. Hac de causa summi Pontifices gravissimos labores, imò & pericula sapissime susceperunt; verum multo gravius leduntur Ecclesiae jura; dum Beneficia Ecclesiastica sine Canonica insultatione inconsulto summo Pontifice, spreto Episcopo, demum absque auctoritate Ecclesiastica pleno jure conferuntur. In hunc abusum acrius insurrexerunt, & fortius pugnaverunt tum summi Pontifices, tum Concilia, tum seorsum Episcopi non pauci. Testis est celebris illa de Investitura controversia, circa quam per annos circiter quinquaginta decertatum est, quamvis jus Regalia plura & majora mala, & incommoda asserere certum sit, & evidens. Nam investiturarum solemnitatibus potestatem spirituales nullatenus conferre praesumebant Principes, ut asserit Ivo Carnotensis: cui tamen ceremonia viriliter resisterunt summi Pontifices, vel eo solo nomine, quod traditio bacalis pastoralis & annuli, auctoritatis imaginem pra se ferret. Jure autem Regalia non imaginem, sed titulum Beneficiorum pleno jure tradidit Rex Christianissimus, adeo ut in ipsis Ecclesijs Cathedralibus Archidiaconatus, Archiepiscopatus, & Præbendas Theologales, aliasque dignitates aut personatus conferret Clericis ut plurimum ambitiosis & aliis indignis, quorum tamen fidem, mores, etatem, aliasque tum animi, tum corporis dotes nec Capitulo, nec novo Episcopo, cujus futuri sunt senatores & quasi membra, explorare minimè licet.*

*Exceptæ quidem B. P. huic usque fuerant ab hoc jure seu verius ab hac servitute Ecclesiae Parochiales propter curam animarum, & jurisdictionem spirituales in foro conscientiae. Sed minantur Regis Officiales scriptis etiam typis excusis, Regem horum etiam Beneficiorum soltem praesentationem sibi posse vendicare.*



dicare. Idque jam contigit, collatio scilicet Jure Regaliæ Beneficio Sacristia nuncupato, cui erat annexa totius parochiæ animarum cura in Ecclesia collegiata Sancti Felicis Diocesis Tholosanæ, ita ut qui hujusmodi collationem obtinuerat à Rege absque ullâ institutione Canonica, possessionem sui ingressus. Qui quidem malo ut aliquod licet fortè perniciosum, tamen necessarium adhiberetur remedium, Clericus qui Canonico titulo curam hujusmodi obtinuerat, coactus est eam dimittere in manibus Collatoris, Clerico, qui jam à Rege impetraverat, concedendam.

Olim etiam, Beatissime Pater, ( ut ex antiquis Curie Parisiensis placitis, seu arrestis constat ) Theologi Beneficium Regaliæ non erat obnoxium, ob annexum scilicet concionandi munus, quod missionem Ecclesiasticam requirit, juxta illud oraculum D. Pauli: Quomodo prædicabunt, nisi mittantur: & concilij Tridentini declarationem. Sed post quotidie accessionibus auctoritas illa Regia excrefcens, in nova semper sese extendit. Sic enim nuper vidimus jure Regaliæ constitutum Theologum in capitulo sancti Pauli Diocesis Aletensis.

Qua in Beneficiorum provisione, Beatissime Pater, Rex majorem sibi potestatem arrogat, quàm exerceant summi Pontifices. Non modò enim cum resignationes in favorem admittere posse tradunt aulici Doctores, seu veriùs assentatores, quod hereditariam successionem sapit, à qua Ecclesia maximè abhorret, quòdque soli summo Pontifici propter potestatis plenitudinem competit; non solum etiam pensiones constituit Rex Christianissimus contra jus Canonicum, quod Beneficia sine diminutione conferri præcipit, verùm etiam Beneficia permutata compermutantibus conferre non teneri se arbitratur. Juri quæsito derogat: nam quomodocumque vacet Beneficium, sive de jure, sive de facto; imò licet quis obtento Canonico titulo possessionem per procuratorem sui ingressus, nisi personalis & corporalis fuerit possessio, vacuum reputatur Beneficium, ut ab alio Regiâ provisione munigo possis occupari. Nulla regula de triennali possessione habetur ratio. Nam etiam post viginti novem annos, à possessione sub Canonico titulo nedum colorato obtenta, potest Clericus jure Regaliæ deturbari. Si quis in aliquod crimen, propter quod beneficio privandus sit, inciderit, vel censuram aut irregularitatem contraxerit, beneficio spoliari potest à Regalistrâ, etiam ante sententiam declaratoriam; quâ viâ causæ criminales Clericorum ad tribunal secularè trahuntur, cui soli omnium causarum beneficiorum interveniente Regaliæ jure non tantùm in possessorio, sed etiam in petitorio cognitio est attributa; huc servatur ordo, ut possessio semper Regalistrâ adjudicetur lite pendente,

Unde si Rex alicujus quantumvis innoxij, censuris soluti, canonico titulo muniti, ac etiam omnino capacis & digni, officium alteri, licet non Clerico, Criminoso, infra debitam aetatem, demum omnino inhabili (si quidem Rex nullius qualitatis mentionem facere tenetur) conferat, iste tamen ex lege Regalia, pendente lite, cujus sententia definitiva varijs artibus Regaliæ per longos annos protrahi poterit, possidebit. Nec enim potest Episcopus, aut Capitulum recusare Regaliæ, etiamsi injustitia & defectus tituli appareat.

Præterea Beatissime Pater, nec Summus Pontifex, nec Episcopus, aut alius quicumque collator durante Regaliâ, potest resignationes, permutationes, aut alias jure cessiones admittere, nec per obitum, aut alio quovis modo providere, neque jure prælationis, neque concursus, neque præventionis. Accedit quod Rex Christianissimus jure Regaliæ pensiones auctoritate Apostolicâ jam constitutas, beneficij collatione extinguit. Demum juxta Regaliæ Doctores, Apostolica constitutione, Ecclesiarumque statuta non refragantur, quominus Rex jure Regaliæ pro libitu voluntatis utatur. Innumera tandem sunt incommoda, seu potius monstra, quæ sequuntur ex Regaliæ jure, saltem si Doctorum nostrorum sententiam sicut jam in multis, ita in omnibus Rex Christianissimus sequatur: quod sine universi ordinis Ecclesiastici eversione, nec non animarum periculo fieri nequit.

Quod ad Ecclesiam Apamiensem attinet, quam ut vacantem Rex habet, licet à me indignissimo triginta quatuor ab hinc annis occupatam; conferuntur Dignitates & Canonatus Secularibus & Regularibus diversorum Ordinum & Congregationum, ab antiqua Regula longissimè deviantibus, imò & eam ignorantibus: & à possessione deturbantur, qui bonâ fide vota consuevit, atque præterea stabilitatis emisserant; non modò illi, quorum Beneficia & Dignitates ex declaratione Regiæ Regaliæ obnoxia supponebantur, verùm etiam quæ ab hac servitute juxta Declarationis tenorem erant omnino libera; eo, sicut affirmant, consilio, ut secularisationem Capituli à primæva fundatione Regularis, quam meditantur, facilius impetrent; quam tamen non timeo, cum Sua Sanctitas reformationem potius, quàm relaxationem omnium Ordinum, juxta Sanctorum mentem, ac Conciliorum, & novissimè Tridenini decreta moliat, & indefessâ solitudine prosequatur. Facilius beneficij privantur, quotquot Ecclesiasticæ Libertatis & Disciplinæ sunt studiosi, etiamsi ab ipsis Declarationibus Regis validissimam habeant defensionem; quia nisi primum Regaliæ juridicè agnoscant, penitus non audiuntur: ac præterea redditibus suis privantur, occasione reddituum Archidiaconatus à Rege collati, quos Regium placitum sive Arrestum Presbytero

hytero seculari adjudicavit, pro eo etiam tempore, quo nondum possessionem, imò nec titulum à Rege consecutus fuerat; etiam si redditus hujusmodi fuissent in pia opera conversi, aut forte aliquid licet modicum juxta Capitulorum omnium, præcipue Apamiensis, consuetudinem, à tempore cujus non extat memoria in contrarium, præsentibus & actualiter inservientibus distributum.

Verùm, Beatissime Pater, hæc mala in immensum excrescent, si Rex nominationem novorum Episcoporum, quæ ad ipsum ex Concordatis inter Leonem X. Papam, & Franciscum I. Francorum Regem initis pertinet, differre voluerit etiam ultra tempus sibi ad hoc præstitutum; quod versutis Aulicis non esset difficile; sicuti suis temporibus factum fuisse testantur & conqueruntur D. Thomas Cantuariensis, ut in ejus vita refertur, & Sanctus Bernardus in suis Epistolis. Interim enim Rex omnia beneficia conferet, & redditibus temporalibus, si libuerit, potietur. Quamvis enim ab aliquo tempore redditus illos non vis relinquat Episcopis, testatur tamen ipsa donationis forma, gratuitam, liberalitatem, non verò justitiam se exercere, vel sacris Canonibus morem gerere. Præterquam quòd illa pecuniæ summa, quæ à novo Episcopo Regionum Camera Computorum persolvenda est, ut liberè temporalium bonorum possessionem capiat, ad libitum augeri poterit, quod sanè maximam habet simoniæ speciem.

Numquam, Beatissime Pater, Ecclesia juris aliquid in res Ecclesiasticas Principibus Sæcularibus concessit, quin ipsi arreptâ inde occasione multò majora usurpaverint; quod ne adductis aliunde probetur exemplis, Ecclesia Gallicana sæpius experta est. Concilium Aurelianense V. can. 10. Regis assensum ad electorum Episcoporum consecrationem requirendum duxit, quod aliquam boni speciem præferebat, ut scilicet consentiente utraq; potestate Regnum majori cum tranquillitate gubernaretur, & Principes faciliùs brachium, cum opus esset, commodarent Episcopis, quorum electionem gratam habuissent, illorumque consilia, sicut suaserat B. Rhemigijs, libentiùs audirent. Verùm hinc Reges ad eligendos & Curia Clericos, qui ad Episcopatum promoverentur, sibi viam paraverunt, illudque jus Clotarius II. anno 615. ad se pertinere publicò declaravit edicto, vel certè supposuit. Caroli Magni non solum de Gallicana, sed etiam de Romana & universali Ecclesia bene meriti patrocinio & defensionì sese commiserunt Episcopi, ejusque auxilio non parùm sunt adjunctæ quamplures Dioceses, imò & opibus auctæ. Quæ in re filius ejus Ludovicus cognomine Pius patrem est imitatus; sed nepos Carolus scilicet Calvus, quas defendere suerique tenebatur, spoliare incepit, vixque potuit ad meliorem frugem revocari. Philippus item hoc nomine primus in tertia dynastia Ecclesijs sub prætextu investitura-

rum vendebat, aliàsque devaslabat, licet Sancto Gregorio VII. summo Pontifici (ut ipsius litteræ fidem faciunt) acriter hujusmodi sacrilegia reprehendenti devotam polliceretur emendationem. Multum præterea oblitus Episcoporum sine ipsius assensu, licet aliàs canonicè electorum, consecrationi, ut de Gallone refert Ivo Carnotensis.

Ludovicus VII. cognomine Junior, non solum Petrum à Papa Innocentio II. in Archiepiscopum Bituricensem consecratum recipere recusavit, sed ipsam Ecclesiam Bituricensem, & Catalaunensem, & Rhemensem, & Parisiensem plurimum afflixit, ut conqueritur Sanctus Bernardus in suis Epistolis.

Si Reges, Beatissime Pater, ad apertè illicita sese extendunt, obfistentibus Summis Pontificibus: quid ipsis dissimulantibus? præsertim si introductam semel possint opponere consuetudinem. Certe cum Concilium Lugdunense Decreto, de non usurpanda Regalia, postulantis Francorum Regis oratoribus clausulam ad futura tempora restrictivam adjecisset, Bonifacius VIII. nullà diligentia, nullo labore obtinere potuit, ut Philippus IV. à convertendis in proprios usus Ecclesiarum vacantium reditibus, & conferendis pleno jure Beneficijs in aliquibus Ecclesijs, in quibus superiores Reges eà consueverant uti auctoritate, abstineret.

Es sanè, Beatissime Pater, Reges nostri primò redditus futuro conservabant Episcopo, deinde feudorum Regalium proventus in sua commoda impendebant. Postmodum idem de decimis, quæ jure Divino ad Ecclesiam pertinent, jus sibi statuerunt. Denique beneficia ipsa pleno jure distribuenda: & hæc quidem principio in quibusdam tantum Ecclesijs, modò, si Ecclesia sileat, in omnibus. Olim simplices Præbendæ conferebantur, modò etiam Dignitates, quibus annexa est jurisdicção spiritualis, aut onus concionandi, imò licet adjuncta sit animarum cura. Tandem etiam ipsæ parochiales Ecclesiæ (si prælati dissimulent) in hanc servitutem rediguntur, non sine evidenti animarum jactura.

Scio equidem, Beatissime Pater, periculosum esse Regibus præsertim potentibus contradicere, idque jam aliquatenus expertus sum. Verùm non facio animam meam pretiosiorè, quàm vie. Utinam ob peccata mea indignus non essem, quò non solum cum Beato Anselmo bonus spoliator (quod misericordià Divinà mihi jam contigit) sed & cum B. Thoma Cantuariensi Archiepiscopo etiam mortem pro juribus Ecclesiæ subirem.

Ceterùm, Beatissime Pater, verendum non est, ne quid hæc occasione, fidei, Religioni, aut Ecclesiastica unitati accidat in regno, cui præest Princeps, Christianissimi Regis, Ecclesiæ Primogeniti & Protectoris nomina ab Atavis, pluribus ab hinc sæculis accepta maximo tribuens honori; Princeps Religionis & justitiæ  
amans,

*amans, sed ab anticis assensatoribus praevenitur; in regno, inquam, cujus florentissimus est Clerus, licet fortè in hoc negotio Regiae voluntati nimis obsequens: in quo demum populus est non solum sincerâ fide, sed etiam magna ex parte Christianis moribus conspicuus agnoscitur.*

*Mibi certè sufficit causa iustitia diu discussa, & evidenter patefacta; quoddq; plurimas vires addit, Sanctae Sedis (cui semper & vivens & moriens adherere cupio) iudicio comprobata, ut ex litteris Apostolicis ad Regem Christianissimum didici, quarum exemplar Gallico sermone conscriptum Parisijs huc usque transmissum est; sufficit inquam, Beatissime Pater, ut omnia impendam, & ipse superimpendar, si Deus Optimus Maximus, sicut desiderium suggestit, ita vires subministrat, idque Vestra Sanctitas suis precibus impetret.*

*Dabit, Beatissime Pater, veniam Sanctitas Vestra, si res tanti momenti, cuius aliunde remedium, quàm à Sanctissima Sede non possit adhiberi, breviori Epistolâ non potuit exponi. Scio Sanctitatem Vestram plurimis usque gravissimis negotijs distineri; sed cum Rex Christianissimus invictissimas rationes & humillimas preces (ut cause meritum postulabat) non addiderit, ad solitum afflictorum Episcoporum praesidium recurrendum fuit; nec vanam fore spem, licet secur vociferentur adversarii, ut & meum & aliorum Episcoporum frangant animum, confidit. Datum in Aedibus B. Mariae de Sabart. Die 8. mensis Novemb. anno verò 1678.*

**BEATISSIME PATER,**

Sanctitatis Vestrae

*Humillimus & Obedientissimus in Christo Filius & Famulus  
Franciscus Episcopus Apamiensis.*

## Documentum XXXI.

*Primum Breve Sanctissimi D. N. INNOCENTII PP. XI.*

*ad Illustrissimum & Reverendissimum Episcopum Apamiensem.*

*Venerabili Francisco Episcopo Apamiensi INNOCENTIIUS PAPA XI.*

**V**enerabilis Frater, salutem & Apostolicam benedictionem. Molestiarum & incommodorum, quae pro tuendis juribus Ecclesia tibi commissa sustinere te scribis, Nos quoq; maximam in partem venimus, ad quos in primis pertinent damna & offensa, quae Christi DEI inferuntur. Gratulandum tamen potius, quàm dolendum est, fraternitati tuae, de huiusmodi adversis, ex quibus copiosa tibi seges enascitur exercende

VII-

*virtutis & constantiæ Pastoralis; cui quidem magno incitamento & pari solatio esse non dubitamus Dei promissum, tribulationem pro ipsius causa patientibus celestem opem, ac tandem mercedem magnam nimis non desuturam. Quod ad Nos attinet, Regem Christianissimum per litteras diligentissimè scriptas rogavimus, ut non solum Apamensis Ecclesiæ indemnitati consultum velit, sed etiam omnium aliarum Ecclesiarum, quæ cum juri, quod vocant Regaliæ, obnoxie nunquam fuerint, recentibus tamen Regij senatus decretis contra omnes humani divinique juris regulas, ac veterem inconcussamq; observantiam, hujusmodi onus subire coactæ sunt. Id ipsum omni contentione ac studio urgere non desistemus, sicuti Officii Nostri ratio, & imposita Nobis omnium Ecclesiarum sollicitudo postulat, confisi in divinae misericordiæ thesauris, aliquando fore, ut idem Christianissimus Rex pro eximia atque avita pietate sua, rei veritate melius cognita, alia consilia, aliam sententiam induat. Fraternitati interim tue Deum totius consolationis propitium usque precamur, ac peculiaris Nostre erga te charitatis indicem Apostolicam Benedictionem peramanter impetimus. Datum Romæ apud Sanctum Petrum sub annulo Piscatoris die 4. Januarij 1679. Pontificatus Nostri anno tertio.*

Marius Spinula.

## Documentum XXXII.

*Breve Sanctissimi D. N. INNOCENTII PP. XI. ad Illustrissimum & Reverendissimum Archiepiscopum Tholosanum.*

*Venerabili Fratri Iosepho Archiepiscopo Tholosano*  
INNOCENTIUS Papa XI.

**V***enerabilis Frater. Delatæ nuper sunt ad nos querelæ Monialium Ordinis Sanctæ Claræ Urbanistarum in Tholosana civitate, graviter dolentium, & dolorem suum in paternum sinum Nostrum multis cum lacrymis deponentium, ut accisis ac penè perditis rebus suis præsentem opem pro Apostolici muneris Nostri debito asseramus: per hos enim dies ad illud Monasterium venisse Monialem quamdam magno comitatu, militum etiam cohercte stipatam, ut Abbatisatus perpetui possessionem invaderet, prætextu Regiæ nominationis, nulli juri, aut consuetudini, nulli Apostolico indulto subnixæ: se quidem ad iniustitiam rei spectaculum primò attonitas, mox collectis animis, & implorata*

ploratâ celesti ope, quacumque ratione licuit, restitisse, ne immunitati Ecclesiæ, & Instituto Ordinis sui Apostolicâ authoritate firmato, tam inaudita, ac tam perniciosi exempli injuria inferretur; sed superante vi militum cedere tandem coactas, effractisque foribus, & pariete ipso, liberum multis secularibus aditum patuisse, cum quibus ingressos quoque milites violenter ibi & sacrilegè multa patrâsse, magna cum totius civitatis indignatione & scandalo, Fraternitate autem tuâ, quæ par omnino erat, ut venientibus Lupus Pastorale pectus opponeret, non solum non repugnante, sed ultro eos quodammodo invitante, & Monasterium edito decreto per vim recludi jubente. Inhorruit ad tam indignæ rei nuntium animus Noster, a teoque monstri similis visa est, ut quamvis aliunde quoque eadem afferrentur, vix tamen persuadere Nobis potuissemus, Archiepiscopum Tholosanum, insperantibus Religiosisq; fortissimisque Galliæ Episcopis, & Galliâ universâ, eò progressum fuisse, ut dignitatis ac muneris sui oblitus, nullo horribilium censurarum, & celestis iræ metu, nullâ famæ reverentiâ, tanto facinori, pro quo impediendo animam ipsam, boni Pastoris exemplo, ponere debuisset, non solum non resisteret, sed etiam suffragaretur; nisi memoria teneremus, quid duobus abhinc annis in negotio Regaliæ, ut nuncupant, ubi de Apamienſi Ecclesiâ Tholosanæ suffraganeæ agebatur, decernere ausus fueris contra manifestam causæ justitiam, contra omnes humani divinique juris regulas, contra ipsius Ecclesiæ totiusque Provinciæ tuæ jura & libertatem, & contra morem prædecessorum tuorum aliorumque Galliæ Præsulum, qui in similibus casibus Regiæ voluntati atque indignationi, ne muneri suo deessent, obviam fortiter eundo, & DEI causam strenuè orando, læta & salutaria Ecclesijs suis responsa ab ingenua Christianissimorum Regum justitia & pietate retulere. Officij itaque Nostri esse duximus, gravem ac planè ascerbum ea de re animi Nostri sensum tibi aperire, teque in Domino monere, ut diligenter consideres, quo in periculosis experiundæ divinæ ultionis, quam facile provocabunt gemitus tot lætissimarum Virginum, quarum vitæ innocentia & candor, atque assiduus divinarum laudum concentus deliciæ quodammodo sunt celestis Sponsi, cui sacrosancto & insolubili vinculo conjunctæ suere; nisi quàm primum, emendatis, quæ admissa sunt, misericordiarum Patris clementiam demereri studueris. Alioquin Nos, pro Vicaria Christi Domini in universam Ecclesiam potestate, quâ fungimur quamquam indigni immeretisque, & pro sollicitudine, quam debemus unicuique Christi fidelium ad paternum patrocinium Nostrium consurgenti, cogemur de opportunis remedijs serid cogitare.

Datum Romæ die 18. Januarij 1679.

Mm

Docu-

immorari non sit necesse. Adulantur planè Majestati Vestræ, qui persuadere Ei conantur, Regaliæ jus esse Ejus coronæ ac Regiæ potestati annexum, cùm tamen, si brevitas epistolæ debuit non prohiberet, facile demonstratu esset, nihil aliud esse Regaliæ, quam Privilegium, contra primævam Ecclesiarum libertatem Principibus concessum; idq; tam certum & apud omnes in confesso est, ut intrepidè asserere possum, numquam nisi ultimis hisce diebus de hac veritate dubitatum esse. Sed nec jus Regaliæ percipiendæ Majestati Vestræ hæcenus adscriptum fuit, nisi Ipsa aut Possessionem memoriam hominum excedentem, aut Privilegia ostendisset Lugdunensi Concilio antiquiora. Hoc enim à quatuor jam sæculis in Galliis receptum sub pœna excommunicationis distictè prohibuit, ne Regalia ad Ecclesias hæc servitute hæcenus liberæ (inter quas est Apamiensis) extenderetur.

Hæc sunt ergo rationes, quibus justitia illius causæ nititur, quam ego defendendam suscepì; & possum Majestati Vestræ affirmare, tam esse illam omnibus æqui boniq; amantibus perspectam probatamque, ut nullum mirandi finem faciam, fuisse qui Majestatem Vestram hæc omnia hæcenus celaverint; imò post Summi etiam Pontificis super hoc argumento Majestati Vestræ significatas intentiones pergant nihilominus tanti momenti veritates, ac Principi tam æquo rerumque intelligenti, alienis falsisque coloribus fucare, multoque aliter, quàm se habent, proponere.

Me administratione omnium proventuum spoliârunt, idque tam inclementer, ut ne quidem vitæ necessaria reliquerint, quæq; etiam flagitiosissimè permittuntur, cùm tamen jus necessaria à subditis percipiendi ex Lege Divina proveniat; neque id sit mere gratuitæq; fidelium liberalitatis, sed potiùs actus necessariæ justitiæ, ac obligationis à Christo subditis impressæ, ut vid. temporalia præstent, à quibus Verbi Divini ac Sacramentorum spiritualia alimenta perceperunt, & ideo Beatus Paulus hoc ipsum jus necessaria alimenta à Fidelibus petendi Apostolis competere fatetur; nec dubium est, ab Apostolis ad Episcopos legitimos eorum Successores transisse. Nulla ergo potestas humana oraculo Christi Domini derogare potest, asserentis: Dignum esse Mercenarium mercede suâ; & Apostolus: Neminem suis stipendijs militare; & eum qui oves pascit, ab ovibus vicissim pascendum esse, pronuntiantis. Quòd ergo Episcopi necessaria vitæ à subditis suis, hoc est, proventus Episcopales recipiant, juris est naturalis Divinique. Nunc verò parùm fuit Majestatis Vestræ Ministris, ut me Septuagenarium Episcopum, ac morbis confectantem, omnibus Episcopatus mei proventibus spoliarent, nisi etiam omnia quoque subsidia, quæ à Capitulo meo Cathedrali expectare debebam, æquè subducerent: nam ex duodecim Canonici, qui Collegium huius meæ Ecclesiæ componunt,



novem planè abdicârunt, nullâ nec servitiorum, quibus alij quindecim, alij viginti annos de sua Ecclesia bene meriti sunt, habitâ ratione; nec votorum Religiosæque Professionis, quæ illos ob promissam stabilitatem uni Ecclesiæ adstringit, nec vagari permittit. Taceo excessus ultimæ crudelitatis in eosdem Canonicos exercitæ, quæ uti omnes justitiæ & humanitatis leges perverterunt, ita fidem superarent, nisi documenta præsto essent aded certa & indubitata, ut credere etiam inviti compellamur. Quodsi quæras, quodnam tandem sit illud crimen, quod plecti meruit tam indignis tamque inhumanis modis? Illud nnum affertur, quòd vid. Deum offendere verebantur, si Ecclesiæ non obtemperassent, ac censuras contempsissent, quas ego ex præscripto Sacrorum Canonum ijs comminari sum coactus, qui Regaliam meæ Ecclesiæ imponere conabantur, cum tamen compertissimum sit, eam semper intra terminos Juris communis liberamque stetisse. Sed quod omnem admirationem superat, illud est, Canonicis, quos Regij Ministri expulerant, alios successos esse ex omni ferè Gallia, ac sine selectu conductos, aut vid. alterius Instituti ac Religionis socios, aut omnino laicos, aut etate ac moribus juvenes, quique, ut ipsimet fatentur, nullâ reminiis, quàm Ecclesiasticæ vitæ desiderio tanguntur: & denique, quod planè omni exemplo caret, pueris è Collegio recens eductis, nec sacris Ordinibus, ob immaturam etatem, adhuc aptis Canonicatus & Dignitates conferuntur, nullâ aut ineundi Tyrocinij, aut emittendæ Professionis impostâ necessitate, quod planè nihil aliud est, quàm Ecclesiam ab origine ac fundatione sua Regularem sine auctoritate Pontificis Ecclesiæ Capitis ad conditionem secularem reducere. Sed & illud ad malorum cumulum addidère, ut vid. major pars proventuum ad Capitulum Cathedrale spectantium in expensas planè inutiles consumerent, nullâ ornandæ Ecclesiæ, nullâ sublevandorum pauperum curâ; imò ut omni obligatione pauperes adjuvandi deinceps absolverentur, Sententiam seu Arrestum à Majestatis Vestræ Consilio impetrârunt, quo Constitutio mea abolebatur; ea verò modicam aliquam eleemosynam indixerat ad solatium trium Parochiarum pauperum, unde mille & octingentarum librarum proventus legebantur. Quis umquam persuadere sibi potuisset, sub Principe, & Catholicæ Religionis ac justitiæ tam addicto, utramque tamen tam apertè, nullòque pudore, & tanto tempore violatam esse? Non omisi quidem preces lacrymasque miscere, ut remedium tot malis à DEO impetrarem; sed ne videar aut metu, aut negligentia meis precibus defuisse, illud adjungo, ut throno etiam Majestatis Vestræ supplicem advolvar, Eamque, quâ maximâ licet, veneratione ac demissione compellem, digneur Ecclesiam Apamiensem aquè ac alias hujus Provinciæ Dioces

in hanc usque diem hæcenus liberam, nativæ ac Canonice immunitati relinquere; nec patiatur Capitulum meum Cathedralè, quod hæcenus cum tanta ædificatione ac fructu vitam regularem duxit, ad secularem statum dilabi. Jubeat denique, juxta Apostolicas ac Canonicas Regulas, liberam mihi plenamque proventuum Episcopaliū administrationem restitui: nam si Regum Galliæ præcipua gloria ac decus fuit, ut in eorum sinu, quoties Episcopi affligerentur, tutam stationem ac asylum suis persecutionibus & ærumnis invenirent; cur sperare non liceat, Majestatem Vestram non permissuram, ut ego, quem semper testimonio etiam hujus Provinciæ fidelissimum habuit, tot deinceps calamitatibus premar? Cæterum utcumque res meæ cadant, numquam ego cessabo pro Majestatis Vestræ Ejusque Regiæ familiæ incolumitate Divinam Bonitatem implorare, eroque ad cineres usque. *Apamijs 6. Junij 1679.*

## Majestatis Vestræ

Humilissimus & Obedientissimus  
Servus

Franciscus Episcopus Apamiensis.

## Documentum XXXIV.

*Epistola D. Foncault Aquitaniæ Præfecti ad Reverendissimum  
& Illustrissimum Episcopum Apamiensem.*

*A Montauban. 19. Febr. 1678.*

**C**Redidi mearum partium esse, Illustrissimæ & Reverendissimæ Dominationi Vestræ suggerere, crastinâ die, quæ vigesima est currentis mensis, dilationis à Senatu Regio concessa terminum expirare, quo Illustrissima Dominatio Vestra jubebatur in Camera Computorum Parisiensis juramentum fidelitatis suæ inscribendum emitte. Placeat ergo mihi insinuare, quid sibi in hac causa faciendum proposuerit; jubeor enim, nisi ipsa Regiæ Declarationi acquieverit, proventus Apamiensis Episcopatus detinere. Spero Dominationem Vestram Majestati Suae gratificaturam, sicque absolutum me iri necessitate tam durum ingratumque imperium explendi. Interim, &c.

*A Montauban. 19. Febr. 1678.*

Humilissimus & Obsequentissimus Servus

Foncault.

Mm 3

Docu.

## Documentum XXXV.

*Responsio Illustrissimi & Reverendissimi Episcopi**Apamiensis.*

Apamijs 23. Febr. 1678.

**V**ehementer Vobis obstringor, ob exercitam in me humanitatem, simulque significo, me datu ad Majestatem Suam litteris reverentiâ ac veneratione plenis, quantum vid. Supremo meo Principi debeo, rationes exposuisse, quibus conscientiam meam illigari sensio, ne Sacramentum fidelitatis inscribi permittam. Nec despero, Regem equitatis amantem aliquid meis precibus delaturum. Planè si placeat Vobis ingens illud desiderium æstimare, quo teneor voluntati Regiæ obsequendi, facile intelligetis, me, qui hactenus nihil çharis & antiquius habui, quàm ut semper Principi obtemperarem, ne id quoque in præsentis causa agam, solo metu offendendi DEI prohiberi. Temporales proventus quod attinet, illi ut semper mihi oneri & periculo suere, ob necessitatem reddendi de illis Omnipotenti DEO rationem, ita (si modò absit Ecclesiæ injuria) paratissimo animo seram, si alterius curæ ac fidei committantur, qui illos reparandis Ecclesijs sublevandisque pauperibus aptius impendat. Credo equidem, me cordi DEO futurum, & cum ipse unà cum Dignitate Episcopali causam quoque Ecclesiæ, quæ JESU Christi est Sponsa, curæ ac fidei meæ commiserit, sperare omnino mihi licet, eum quoque vires suffeurum, quibus pacato latoque animo infortunia omnia excipiam, quæ ob servatam ei fidem obvenire mihi poterunt. Sum interim eroque, dum vixero,

Apamijs 23. Febr. 1678,

*Humillimus & Obedientissimus Servus**Franciscus Episcopus Apamiensis.*

## Documentum XXXVI.

*Epistola Reverendissimi Episcopi Apamiensis ad Illustrissimum**& Reverendissimum D. Franciscum de Harlay, Archiepiscopum  
Parisiensem.*

Parisijs 6. Junij. Anno 1679.

**T**oti Gallie persuasum est, Illustrissimam Dominationem Vestram non parùm consulisse ad novam Regis Declarationem, quâ omnes Regni Gallici Ecclesiæ subdi

subdī Regaliæ jubentur. Crediderim verò communem hanc opinionem ex eo fluxisse, quòd Illustrissima Dominatio Vēstra operam auctoris itemq; suam in Comitij Cleri Gallicani; quibus Ipsa præsistebat, non solum non impenderit, enīq; ut Regi supplicaret, permovere noluerit ( id quod D. Episcopus Aletēsis nūper defūctus datis ad eadem Comitā litteris enixè petierat ) verum etiā ne id fieret elaboraverit, utiq; eā ratione permota, quòd Ecclesiarum nostrarum jus nec tam clarum, nec tanti momenti esse crediderit, quā reverā est. Enimverò naturalis inclinatio, quā omnes affiximur Principem demerendi, ignoratio quoq; juris Regaliæ, quā plerosque Laborare Sapientissimi quoq; Parisiensium consensum ( numquam enim hæc materia etiā ab ijs Episcopis, quorum maxime intererit, satis examinata & discussa fuerat ) ac demiq; usus Regaliæ in quibusdam Ecclesijs Urbis Parisiensis vicinis receptæ; hæc inquam omnia forsan effecere, ut Illustrissimam Dominationem Vēstram ea veritas læteret, quā nunc omnes intelligunt, qui modò hoc argumentum maturè omniq; affectu liberi examināvunt. Cum ergo nihil gloriæ sit, quā si legitime rationes suppetant, sententiam mutare, omnino de Illustrissimæ Dominationis Vēstræ Generositatē polliceor mihi. Eam pro auctoritate, quā apud Regem præcipue foret, effectu-ram, ut is ad conservanda privilegia ac jura Ecclesiarum animum adjuvat, exemplo vid. tot magnorum Principum Majestatis Sux Prædecessorum, qui ut potentia & gloria apud posteros florerent, pietate ac religione suā à DEO impetrāvunt. Ipsi que Historiarum Scriptores nihil aliud habuere, quo magis gloriam commendarent, quā si quòd honorem Ecclesiæ, quā matris loco venerabantur, privatis Coronæ ipsius causis antehabere. Et verò persuasum habeo, ipsum Regem, quippe insulam rerum assum-terem, quem admodum consilium, quod illi extendendæ Regaliæ suggestisset, Zelo Ejus augendæ potentia, Vēstræque in eum fidei probandæ adscripsit; itā vicissim, cum exploratā jam veritate in aliam Eum sententiam flectere laborabit, acquita-ri id Vēstræ magnoque amoris adscripturum, quo Eius æternæ salutis veræque glo-riæ promovendæ flagrat. Nec fieri à Vobis aliud poterit, quo magis Divinam Be-nedictionem in Vos Vēstramque Ecclesiam provetis, quòdque omnes in hoc Gallico Regno æqui bonique amantes maiori gaudio afficiat; imò quod ipsius Re-gis gratissimi bonæque opinionem magis Vobis conciliet: is enim ingenuè agnoscat, negotiorum multitudinem, quæ animum Vēstrum distringunt, impe-dimento fuisse, ne has Regaliæ materias adeò obscuras implexarique, & à com-muni Jure abluentes, examinare Vobis licuerit; & tamen ne prius meis deessent, ego illas datis ad Regem, & Archiepiscopum Tholosanum litteris clarè exposui; nunc tantum illud adjungo, ex communi receptaque omnium

Juris-

*Juris-Consultorum opinione* : Omnia libera præsumi , nisi contraria servitus probetur ; quæ veritas si in alijs omnibus locum habeat , multo maximè circa Ecclesias præcedit. Nunc ergo si rationes & auctoritates ritè expendantur , quæ pro Regaliæ servitute Ecclesijs imponendæ in medium afferuntur , id unum sufficiet , ut æquitas causæ appareat , quam ego defendendam suscepi : si enim ab usu & antiqua possessione præscindas , alia , quæ cumulari in hanc rem solent , sunt omnium Sapientum sententiâ non infirma solum & inania , sed etiam risu digna. Cùm ergo nec in mica Diœcesi , nec in alijs quampluribus Ecclesijs usus & antiqua consuetudo probari possint , sequitur , non posse illis , nisi sacrilegâ usurpatione Regaliæ servitutem imponi : quodsi circa hanc rem dubium aliquod supersit , nihil moror , ut illi DEO juvante quamprimum abundèque satisfaciam. Cæterùm tam multa & singularia Generositatis & Amicitie argumenta ab Illustrissima Dominatione Vestrâ jam accepi , & si ista deessent , notitia , quam habet de voluntate Romani Pontificis , deque Sacrorum Canonum Decretis , quæ Prælatis in Principum aulis versantibus severissimè prohibent , ne in suarum Ecclesiarum suorumque Coepiscoporum , imò omnium inferioris etiam conditionis Clericorum detrimentum attentare aliquid audeant , id quod in Concilio Avenionensi Anno 1326. sub Joanne XXII. capite 25. & in alio etiam Avenionensi sub Benedicto XII. Anno 1337. capite 20. repetitum est : hæc , inquam , omnia securum me certumque reddunt , Illustrissimam Dominationem Vestrâ præ omnibus privatis affectibus , quæ aliàs morari Eam possent , causam Ecclesiæ amplexuram esse , & interim , &c.

Apamijs 6. Junij 1679.

Illustrissimæ & Reverendissimæ  
Dominationis Vestræ

Humilissimus & Obsequentissimus  
Servus

Franciscus Episcopus Apamiensis.

Docu.

## Documentum XXXVII.

*Epistola eiusdem Illustrissimi & Reverendissimi Episcopi**Apmienfis ad R. P. de la Chaise Societatis JESU, & Regis  
Confessarum.*

Aſabar 14. Jun. 1679.

Admodum R. Pater.

**J**Am dudum animo propoſueram A. Reverendam Paternitatem Veſtram litteris convenire; ſed ne id facerem, duas præſertim ob cauſas prohibitus ſum; primò enim verebar, ne operam perderem, & nihil ſcribendo proficerem; deinde ne ſi conquerer, quas a P. Veſtra ſuſſerre moleſtus cogor, Ipſa privato potiùs dolori, quàm æquitati Zeloque Immunitatis Eccleſiaſtica conſervandæ eas querelas adſcriberet. Ne tamen ulla in re partibus meis deſuiſſe videret, aut aliquid inexpertum reliquiſſe, bonæ cauſæ libertatique Eccleſiæ à Divina Providentia mihi commiſſe promovendæ, ſtatui amicorum conſilijs cedere, & ſiquid obtineri poſſet, hâc quoque epistolâ experiri, deinceps exitum hujus cauſæ, & tam ſubſtantiam, quàm modum ipſiſſimi ex animo integrèq; DEO commiſſurus, ut in videlicet juxta præſcriptum legiſque Divinæ Sux Providentiæ omnia moderetur. Equidem ſi aut contra Paternitatem Veſtram, aut ejus Societatem privatis odijs ac ſimulatibus concitaret, ſcit Ipſa, quàm multæ præclareque occaſiones abundaverint, juſtum animi mei dolorem conteſtandi, neque ab ullo mortaliſſimo id mihi viſio verti potuiſſet, quippe non mea, ſed veritatis ac juſtiæ, imò boni publici cauſa agebatur; at malui Charitatis Chriſtianæq; prudentiæ rationem habere, nec priùs ſilentium abrumpere, quàm neceſſitas loqui me cogeret.

Planè cùm Paternitatem Veſtram & Chriſtianam eſſe, & Religioſam cogitabam, numquam perſuaderi poteram, & niſi aut Ipſa, aut ejus Societas aliqua in re offenſa à me eſſet, aded vindictæ avidam fore, ut eam tanto Divinæ Gloriæ ac Immunitatis Eccleſiaſtica diſpendio quæreretur.

Reminiſci adhuc poteſt, cùm eam conveniendi Pariſijs occaſio fuiſſet, viſiſſimæque globo Eccleſiaſticorum incinſam, ejus favore Beneficia captantium, dixiſſe mihi: Hos eſſe lupos prædæ inſidiantes. Quâ ergo conſcientiâ, quæ gregi ovium innocentium alendo debebantur, rapacibus lupis Ipſa projecit?

Nn

imò

imò ne expectavit quidem, ut sauces aperirent prædæ expetendæ, sed etiam eorum famem prævenit; cum enim Canonici Ecclesiæ meæ vitam Regularem proficiantur, quam ego Apostolicâ auctoritate Regisq; auspicijs feliciter restitui, ij, qui in Beneficijs Ecclesiasticis nihil aliud quàm proventus opesque affectant, nullâ planè curâ Canonicatuum tangebantur, quibus paupertatû vitæque communis obligatio incumbit. Sed Paternitas Vestrâ illis animos addidit, oblatâ spe eos Canonicatus ad vitam sæcularem revocandi, idque se effecturam promisit.

Eadem quoque Patris Ferrier intentio fuerat, vitam Regularem in Ecclesiâ meâ abolere volentis; id verò quàm à Divina voluntate alienum fuerit, satius intelligere Paternitas Vestrâ ex ijs difficultatibus potuit, quæ Romæ & alibi superari non potuere: non ergo capere possum, ex quibus rationibus animum ipsa adjecerit illi operi destruendo, quod Patres etiam Societatis, quorum utique testimonia suspecta habere non potest, approbare conati sunt, ac sæpè consiteri, illud in DEI gloriam, Diocesibus utilitatem, totiusque Ecclesiæ ædificationem redundare; nisi forte eandem ob causas delenda vitæ Regulari accincta est, ob quas non est verita palam jactare, id quoque majori DEI gloria accessurum, si jam pridem Ecclesiam meam Regij clausissent. Quò ergo, mi Pater, demissa illa veneratio, & cæca obedientia avolvit, quam Societas Vestrâ Apostolicæ Sedis hæcenus professæ est? video enim conari Vos destruere, quod illa ædificavit; idque non solum sine Sedis Apostolicæ auctoritate, sed etiam contra illam. Observatum enim est, in ultimis Codicillis, quos Paternitas Vestrâ pro obtinendis Ecclesiæ meæ Canonicatibus expediri fecit, omissam fuisse clausulam, addi aliam solitam, quâ vid. qui hujusmodi Beneficia impetrarent, jubebantur habitum Regularem assumere, Tyrocinium experiri, ac denique Professionem emittere. Qui ergo non omnino cæci sunt, imò qui se inter præcipuos amicos Paternitatû Vestrâ proficiunt, hæc omnia spectare eò dicunt, ut, non obstantibus Capituli mei Romænæque Sedis protestationibus Decretisque, sæcularis vitæ licentiam inducat, Regulari extinctâ, sicque quacumque tandem ratione, etiam Professione suâ planè indigna fidem exolvat, quam illis obligavit, quos ad captandos Ecclesiæ meæ Canonicatus jam prius impulerat.

Ultimam saltem Paternitatem Vestrâ ab hujusmodi conatibus reverentia retinet Gallici Regni, in quo nemo non videt, abuti ipsam fiduciâ, quam munus Confessarij ei apud Regem conciliavit, & quâ id unice agit, ut præcipua Ecclesiæ jura ab ignaro licet Rege violentur, usque Principis auctoritate tam injuste sævæque actiones minuantur, quas, nisi publicis & authenticis monumentis constarent, nemo credere sustineret. Enimverò fieri non potest, ut Paternitas Vestrâ Regaliæ examina mande animum solidè adjecerit, quin protinus intellexerit, eam nec in mea, nec in alijs

alijs quampluribus Ecclesijs locum habere, sicque ingenti damno Ecclesiam af-  
ficere, quando Regi persuader, ut eam sibi usurpet. Quodsi Paternitas Vestra  
istarum rerum plenam notitiam non habet, quâ rogo conscientia non minùs an-  
clementer saveque nos persequitur, quàm si Rei essemus Divina humanaque  
Majestatis?

Non permittit brevitatis epistola debita, ut hic aut rationes percurram, quæ  
causæ à me susceptæ equitatem ostendant, aut seriem malorum pertexam, quæ  
tanto jam tempore Regaliæ obtentu perpetior, præsertim cum persuasum habe-  
am, Paternitatem Vestram non tam ignorantia rerum, quàm odio mei labo-  
rare, quod ut deponat, à solo Deo expectari potest. Enimverò metus Regiam  
indignationem promerendi, si vid. Regi innotescat, se ab eo deceptum esse, cu-  
jus unica & præcipua obligatio erat Principem rerum, quæ ad animæ Ipsius  
eternam salutem veramque gloriam pertinent, admonere, pudor quoque errorem  
ingenuè confitendi, ac denique ingens cupido deprimendi calcandique Episcopum,  
Societatis Vestrisque maximis (quippe à Christiana Sanctorumque Patrum Do-  
ctrina alienis) adversum: hæc, inquam, omnia ingentia sunt, Paternitati Ve-  
stræ profitendæ veritatis impedimenta, nec ab alio, quàm, qui cordium Do-  
minus est, superari possum, & tamen mihi credat (neque enim, uti spero, se  
ab Episcopo admoneri indigne feret) multa sunt, quæ iusto eam timore per-  
cellere possunt, ne, posteaquam ob calcatam immunitatem Ecclesiasticam Divinam  
indignationem in se provocavit, Regiam quoque incurrat; Rex enim, quæ est  
Prudentiâ & equitate, ubi aliquando intellexerit, se consilijs à vobis suggestis,  
ac contra animi sui sententiam deceptum, tot malorum causam fuisse, non po-  
terit non ea omnia eorumque auctores damnare. Ex adverso si Paternitas Ve-  
stra infortunium ac impendentia mala præveniat, expleatque boni Confessarii  
partes, suamque industriam Regis saluti impendat, cuius vid. animam guber-  
nandam suscepit, Dei Benedictionem experietur, & Rex quoque gratum acce-  
ptumque habebit, se veritatem aliquando saltem edoctum esse. Illos verd. qui-  
bus Paternitas Vestra causa fuit, ut Censuras Ecclesiæ incurrerent, longè majori  
Beneficio affecerit, si potius viam illis & rationem ostenderis, quâ se dignos  
reddam Ecclesiasticis honoribus, quàm ut contra Canonum præscriptum sibi illos  
usurpent, & denique quicumque æqui iustique amantes sunt, Deum ex animo  
benedicent, ubi intellexerint, Paternitatem Vestram auctoritatem suam persua-  
dendo Regi interponere, ut Regaliâ intra fines à Majoribus suis obtentos, & à  
Lugdunensi Concilio (quod extendi eam vetuit) concessos contentus esse velit.



*Finis, mi Pater, nec aliud adjungo, quàm esse utique Charitatis Vestrae, pacem tandem concedere Episcopo septuaginta annos nato, quadraginta p. florales insulas sustinenti, & ultimas horas praestolanti; nec amplius pati, viros selectae virtutis, Deoque speciali ratione consecratos, quique cum tanta omnium ædificatione illius se obsequio addixerunt, ab ijs tam savâ persecutione pulsari dissiparique, qui se vitæ Regularis hostes profitentur. Spero equidem, me Deo propitio usque in extrema fidelem fore, nec cessabo esse, quidcunque tandem à Paternitate Vestra adversi mihi contigerit.*

Admodum Reverendæ  
Paternitatis Vestrae

Humilissimus & Obedientissimus  
Servus

Franciscus Episcopus Apamiensis.

## Documentum XXXVIII.

*Secundum Breve Sanctissimi D. N. INNOCENTII*

PP. XI. ad Illustrissimum & Reverendissimum Episcopum  
Apamiensem.

## INNOCENTIUS PP. XI.

**V**enerabilis Frater, salutem & Apostolicam Benedictionem. Præcipuè argumentum lætitiæ attulerunt nobis litteræ Fraternalitatis tuæ proximè ad Nos datæ, in quibus eximium tuum de integra atq; incorrupta servanda moralis Theologia, de instauranda Cleri, & Regularium Ordinum disciplina, deque propulsanda ab Ecclesia secularis potestatis injuria, zelum studiumque disertè declares. Et quidem quod ad diœcesis tue rationes pertinet, gratias Divinæ Majestatis agere non cessamus, quòd in tanta rerum ac temporum difficultate suscitaverit sibi Sacerdotem fidelem, qui opponat murum pro domo Israël. Neque dubitamus, quin tot experimentis probata, & confirmata virtus tua, egregio proposito, Deo bene juvante, ad extremum constanter infistas, parati omni ope & auctoritate nostrâ tibi pro Dei honore tam strenuè laboranti, perpetuò adeste. Reliqua à dilecto filio Archipresbytero Aquis Viro pio, atque industrio, qui tuas Nobis litteras reddidit, & à quo  
b.æ

has Nostras accipies, fufius cognofces, ac Fraternitati tuæ Apoftolicam Benedictionem peramanter impertimur. Datum Romæ apud Sanctam MARIAM majorem fub annulo Pifcatoris die fecundâ Augufti 1679. Pontificatûs Noſtri anno tertio.

Marius Spinula.

## Documentum XXXIX.

### *Epiftola eiusdem Illuſtriſſimi & Reverendiſſimi Epiſcopi*

*Apamienſis ad D. de Harlay Procuratorem Generalem Parlamenti  
Pariſienſis.*

Apamijs 4. Septemb. 1679.

**I**nſinuatum mihi fuit Arreſtum, ſeu ſententiâ ad inſtantiam Veſtram à Parlamento pronuntiata, quo coram eo tribunali ſiſti jubeor, ad videndum irritari duas Conſtitutiones meas (perinde ac ſi in illis edendis indebitam poteſtatem uſurpaſſem) contra duos Colonos, qui nomine juvenis cujuſdam Barbes de Luſſan ſcholæ adhuc terentis, & titulo Regaliæ Beneficium illud adepti proventus Cuſtodis Eccleſiæ Apamienſis assignatos conduxerunt. Ego qui ignorare non poſſum, quantum & Parlamento ipſi (quippe præcipuo Galliæ Senatui) & Dominationi etiam Veſtræ magnam in eo Senatu partem occupanti honoris debeam; quâ par eſt reverentiâ, præſatam Arreſtum excepi, & tamen, ne deferre illi poſſem, graviſſimæ me rationes compulerunt, quas me reſententem dignetur Dominatio Veſtra benignè audire.

Primò enim, quibus ego ſumptibus tam longum gravèmq; Proceſſum ingrediari, quando me omnibus ſpoliârunt, atque ad incitas redegerunt, ne alimentis quidem neceſſarijs relictis (quæ tamen etiam ſceleratiſſimis permittuntur) uſ à viginti jam menſibus vitam amicorum liberalitate utcunque ægrèque ſuſtineam? & tamen neminem latet, nec patrimonium mihi eſſe, quo ultimæ neceſſitati ſubveniam, nec interim, quantum per ætatem licet annis ac infirmitatibus ſeſſam, functiones ac curas Paſtorales omittere.

Deinde: non intelligo, quam Eccleſia mea expectare à Parlamento juſtitiam poſſit, quando & elapſo ſeculo, & initio currentis, tanto ardore dilatandæ Regaliæ totoque Regno extendendæ incubuit, ut moderari eum Reges oportuerit. Parlamentum enim jus Regaliæ tanquam Coronæ annexum, imò tanquam ipſius Parlamenti præcipuam prærogativam ab aliquot jam annis habuit, quia vid. omnes proceſſus, qui hanc Regaliæ cauſam ſpectant, Parla-

mento deferuntur. Quodsi plurimum jam seculorum Jurisprudentiam consulas, inuenies, constanter à Parlamento eam Regulam observatam fuisse, ut nunquam pro Rege pronuntiaret, nisi probatâ à Regijs Procuratoribus possessione, quod utique Dominatio Vestra in Protocollis, Tabularijs, librisque Auctorum, qui super hoc argumento scripsêre, probè notaverit. Circumstantiæ quoque, quæ Arrestum Parisiense comitantur, hujusmodi sunt, ut facîle ex ijs Parlamenti in meum animum colligere liceat: Actionem enim criminalem duobus Clericis intentat, ad eò miseris, ut solis eleemosynis ( quæ mihi à Fidelibus suppeditantur, & quarum partem ego illis communico ) precariò sustententur; adeoque innocentibus, ut nullâ aliâ culpâ laborent, quam quoddam b. constitutiones meas partibus insinuâriui, & quarum aequitatem examinare non utique ad eos pertinebat.

Tertiò. Quemadmodum certissima res est, non posse jus Regaliæ, nisi Ecclesiæ privilegio ad Reges pertinere; ita certum est, ad eandem Ecclesiam spectare, ut de Regalia cognoscat judicetque, id quod in Lugdunensi Concilio fecit; & quamvis daremus, sententiam Concilij in hac causa non omnino apertam & claram esse, eam tamen interpretari Pontificis Romani partes essent, non Regij Tribunalis. Cùm ergo binis à me editis Constitutionibus nihil aliud egerim, quam ut Decretum exequeretur Concilij Oecumenici ( id verò non de privatis tantum personis loquitur, sed de quantæcunque dignitatis honore præfulgentibus ) nec terminos exiissem à Concilio præfixos, sequitur injustam esse eorum calumniam, qui in foro seculari me accusant usurpata ac ultra metas dilatata potestate. Has ipsas ob causas nunquam ego in dubio revocavi, quin possem deberemque laicos Censuris punire, eosque, qualescunque tandem essent, in rebus spiritualibus Deoque consecratis ( de his enim questio jam vertitur ) Ecclesiæ legibus subjacere; tantoque magis ad id agendum permoverbar, quò viderem proventus, quos sibi Laici vendicabant, nihil aliud esse, quam meras Decimas ad luminaria aliâque Divini Cultûs suppellectilem destinatas, sine qua nec sacra Officia peragi deinceps poterunt, quippe eo decore sublato, quod eorum sanctitati debetur, & verò tam est injusta patensque hæc usurpatio, ut nullo honesti colore fucari possit.

Quartò. Quodsi alij Prælati, quorum Ecclesiæ liberæ erant, in extensionem Regaliæ consensere, non potest eorum consensus detrimento mihi esse, qui nullam penitus in eo partem habui. Imò Reservationes, Protestationes, Derogationes, aliæque cautele ab Episcopis aut ante, aut post consensum adhibita clare ostendunt, & agnovisse illos Ecclesiarum suarum jura ac libertates, & noluisse absolute renuntiare, imò nec sponte Regijs Decretis acquiescere, sed solo metu.

ne iisdem malis mecum involverentur, & adhuc pejoribus Ecclesias suas obruerent, nisi obtemperassent. Et denique numquam eorum consensu effici potuit, ut tantum damni Ecclesie subire cogerentur, id quod ex annexis, quas ad Illustrissimum Archiepiscopum Tholosanum dedi, Dominatio Vestra plenius intelliget.

Ceterum cum Parlamenti Parisiensis jurisdictioni me submittere recusavi, non ideo in causa propria Judicem me constitui, sed illud tantum egi, ut in causa spirituali, & in qua Pontifices, Concilia, Episcopique auctoritate DEI funguntur, Decreta Ecclesie exequerer; & si Censuras adhibui usurpatoribus coercendis, exemplo & auctoritate plurimum Conciliorum, etiam Oecumenicorum id feci, qui dignam hanc causam esse censebant, quæ hujusmodi pœnis sustineretur, præsertim cùm non minor Episcopis obligatio incumbat, libertates ac jura Ecclesie, quam fides dogmata propugnandi, id quod solidè Auctor sermonis ostendit, quem dignum censui, ut Dominationi Vestræ à me transmitteretur.

Non permittit Epistolæ brevitās, ut omnia pertexam, quæ de hac materia dici possunt, quæque libenter adjungam, si modò intelligam id Dominationi Vestræ placere, ac tempus suppetere ea pertegendis. Nunc finem Epistolæ impono, & Dominationem Vestram ardentissimè obtestor, dignetur in memoriam revocare, se & Regij Ministri, & hominis Christiani personam agere, atque ut prima obligationem imponit, ne quidquam de juribus ad Coronam spectantibus dilabi permittat, ita quoque secunda, ne illa in Ecclesie præjudicium extendi patiatur; alioqui periculum esset, cælestem Benedictionem impediri, quam alioqui sibi suæque illustri famulæ Dominatio Vestra tam multis egregijsq; operibus promerita est.

Apamijs 4. Sept. 1679.

Humilissimus & Obsequentissimus  
Serrus

Franciscus Episcopus Apamiensis.

Docu-

## Documentum XL.

*Tertium Breve Sanctissimi D. N. INNOCENTII XI.*  
*ad Illustrissimum & Reverendissimum Episcopum Apamiensem.*

*Venerabili Fratri Francisco Episcopo Apamiensi*  
 INNOCENTIUS PAPA XI.

**V**enerabilis Frater, Salutem, & Apostolicam Benedictionem. Perlegimus litteras Fraternalitatis tuæ, in quibus afflictum Apamiensis Ecclesiæ statum, & tuum propterea dolorem Nobis ob oculos ponis; qua de re, Pastoralem zelum, & sollicitudinem magnopere commendamus, & eodem tecum sensu affecti, non cessamus à Patre misericordiarum, pro muneris Nostri debito, postulare, ut pristinam Ecclesiæ isti tranquillitatem, dignitatēq; restituat, ac Nobis lumen ad ea decernenda, exequendāque suppeditet, quæ cum tuæ, tum universæ Ecclesiæ rationibus expedire videbuntur. Reliqua ab eo cognosces, qui tuas Nobis litteras reddidit; teque, atque invictam Episcopalis roboris constantiam, quæ cæteris præluces, intimo charitatis affectu in Domino complectentes, Fraternalitati suæ Apostolicam Benedictionem peramanter impertimur.

Datum Romæ apud Sanctum Petrum sub annulo Piscatoris. Die 10. Decembris 1679. Pontificatus Nostri anno IV.

## Documentum LXI.

*Constitutio Eiusdem Illustrissimi Episcopi Apamiensis.*

7. Febr. 1680.

**F**ranciscus miseratione Divinâ Episcopus Apamiens. &c. Constitutiones à nobis nuper promulgatæ, quibus procul arcebamur, qui in Diocesi nostra Regaliæ obtentu Beneficia quadam impetraverunt (cùm tamen constet, præfatam nostram Diocesin huius servitutis penitus immunem esse, nec proinde Regaliæ subijci posse, nisi violatis quamplurimis Sacris Canonibus Regumque Edictis) adeo apud quorundam avaros, ambitiosos, ac Beneficijs Ecclesiasticis inhiantes animos nihil effecere, ut potius reperti sint (quod non sine animi dolore intelleximus) qui Regaliæ obtentu etiam ad Beneficia curata

ad-

aspirare, & illa obtinere sint conati; id verò omni exemplo caret, ac etiam, ubi aliàs Regaliæ locus est, nunquam hactenus usurpatum. Eò igitur temeritatis deventum est, ut in captandis Beneficijs Ecclesiasticis nullus sit reguli aut pudori locus, & quia hujusmodi intrusionibus sistendis nulla amplius remedia supersunt nobis, quàm auctoritas Episcopis à Deo tributa, censuræque Ecclesiastica, ultima vid. Ecclesiæ remedia, & quibus non ij solum coerceri debent, qui aliunde quàm per legitimam ac Canonicam januam Ecclesias irrumpunt, sed illi etiam, qui ita irrumpentibus auxilia & consilia subministrant; idè ex his alijsque causis Constitutiones nostras jam aliàs editas renovamus, ac insuper sub pœna Excommunicationis ipso facto incurrendæ omnibus cujuscunque dignitatis ac conditionis personis districte prohibemus, ne Dignitates, Prioratus, aliæque Beneficia curam animarum annexam habentia pro se aut alijs titulo Regaliæ petere, aut impetrare præsumant: neque, aut suo, aut aliorum nomine eorum Possessionem adeant, aut fructus seu mediatè, seu immediatè percipiant. Prohibemus etiam æquè sub pœna Excommunicationis cujuscunque status ac conditionis personis, ne scienter ac voluntariè sub quovis prætextu aut colore, Notarii vid. Testis, Emphyteutæ, Sub-emphyteutæ, aut aliâ quâvis ratione, ad actus & usurpationes supranominatas auxilium, consilium, aut favorem præsent. Reservamus etiam nobis, præterquam in articulo mortis, absolutionem à præfata pœna Excommunicationis.

Apamijs 7. Febr. 1680.

Franciscus Episcopus Apamiensis.

## Documentum XLII.

### *Alia Constitutio Eiusdem Illustrissimi Episcopi Apamiensis,*

*quâ omnes Fideles suæ Diœcesis ad publicas preces aliæque pietatis opera placandæ Divinæ indignationi exhortatur.*

22. Febr. 1680.

**F**ranciscus, &c. Clero Populoque Apamiensis salutem & benedictionem. Tam manifesta sunt indignationis Divinæ hanc nostram Diœcesin punientis argumenta & effectus, ut oporteat aut cæcum esse, qui ea non videt, aut planè insensibilem, qui illis non intimo dolore conficitur. Ecclesiarum Pastoribus ultima serè necessitas incumbit officio suo abstinendi, omit- tendique sanctiores quasque functiones, imò eorum nonnulli, qui alioqui se totos

Oo

addixe-

addixerunt curandis animabus, coguntur gregem suum frequenter deserere, necessitate alimenta mendicandi, id quod sine dedecore sacri characteris, sine damno quamplurimum absque Sacramento decedentium, sine juventutis neglectu necessariam instructionem carentis, ac denique sine infinita morum corruptiela fieri haud potest. Hæc omnia inde proveniunt, quod legitimi ac canonice instituti Pastores redditibus sustentandæ vitæ necessarijs priventur; quamvis nec ad istos solos hæc miseriæ pertineant, sed etiam ad magnam partem eorum pauperum, qui charitate Ecclesiasticorum fovebantur.

Equidem ingenuè fateamur, calamitates, quibus conflamur, nostris peccatis nostrisque imperfectionibus magna ex parte deberi; sed nec Vos abnuetis, Vestra quoque peccata multum ad eas consulisse; quamquam & hoc ipsum negligentiam nostram adscribimus, quippo non eam, quam par est, industriam partes Officij nostri explemus: friget orandi studium: exempla minus quam oporteret sincera & incontaminata: mores non satis incorrupti Zelôq; Apostolico flagrant: denique omnes fateamur oportet, flagella Divinæ justitiæ nostris peccatis, abusumque Divinarum gratiarum provocata fuisse, & forsan graviora adhuc impendent, nisi justitiam Divinam celeri poenitentia, dignaque satisfactione occu-  
pemus.

Hæc nostra consilia illis fortè intempestiva videbuntur, qui dies Quadragesimalis jejunium præcedentes omni voluptati morumque licentiæ dedicaverunt, perinde ac si propositum haberent, Spiritui Sancto futuræque poenitentiae impedimenta objicere, & jejunium atque alia sacri illius temporis opera contra intentionem Ecclesiæ planè inutilia reddere. At veri legitimi que Christi fideles, ubi vident Matrem suam Ecclesiam abjectis gaudij insignibus luctu operam, ut suum amorem & obsequium in Matrem reslentur, eundem ipsi quoq; dolorem, eosdemque mores induunt: & quamquam omni Christiano nullum sit tempus exercendæ poenitentiae importunum; tunc tamen, quicumque veram fidem amplectitur, vacare illi obstringitur, quando judicium DEI observat à Sanctuario incipere, ac etiam cum Divinæ gloriæ jactura, si ita loqui fas sit, vindictam cælestem exerceri, quod planè præcipuum est irati Numinis argumentum. Nulla ergo ratio permittit, ut filij Matrem dolentem deserant, multoque mirus, ut ejus lacrymas non solum non extergant, verum etiam novum ei mœrendi fomitem adjungant, effrenatâ vivendi licentiâ, cogantque in eas voces cum Propheta prorumpere: Sustinui, qui simul contristaretur, & non fuit: qui consolaretur, & non inveni.

Non deerit fortasse, qui credat in potestate nostra esse torrentem malorum  
fistere,

*flere, & utinam liceret id nobis intactâ conscientiâ, ac juribus Ecclesiæ illibatis ( quorum nos Deus custodes constituit, essi indignos ) quovis modo præstare. Sed quamvis omnem industriam locaverimus quærendis honestis medijs, quibus hæc causa componeretur, preces quoque ad Deum, & consilia ab hominibus virtute & doctrinâ conspicuis addiderimus, numquam tamen modum reperimus in hac causa transigendi, DEO conscientiaque inoffensis, præsertim postquam repetitis litteris mentem quoque Sanctissimi D. Nostri Romani Pontificis intelleximus, nostram agendi rationem tanquam Ecclesiæ utilem proficiantique apprime comprobantem.*

*Sed & illud salvâ omnino veritate profitemur, præcipuum doloris nostri argumentum non esse, atumnas, quibus in hac causa acerbè jactamur, sed potius damna spiritualia, quæ in nos quoque redundant, ac ultimam necessitatem, quâ pauperes consulantur, & cui sublevandæ nulla nobis potestas relicta est. Æquum igitur est, ut placando Deo avertendisque malis, quæ Diæcesis nostram partim affligunt, partim etiam deinceps impendent, manus nobiscum operamque societis.*

*Omnibus ergo Capitulis, Parochiis, Vicariis Diæcesis nostræ præcipimus, ut proximâ Dominicâ, quæ est 25. currentis mensis, publicas supplicationes instituant. Singulis quoque Sacerdotibus, ut quamprimum commodè potuerint, ter Missam recitent, quæ in Romano Missali pro quacunque tribulatione inscribitur. Reliquis Ecclesiasticis, ut Psalmos Pœnitentiales cum Litanis, Orationibus, ac versiculis consuetis persolvant: omnibus verò ut quartâ & sextâ feriâ, Sabbatòque proximæ hebdomadis jejunent. Laicos etiam exhortamur, ut supplicationibus diligenter intersint, ad Confessionis Sacramenta ritè obeunda sese disponant, Beatissimæ Virginis Rosarium semel minimum recitent, jejunia Ecclesiasticis imposita ipsi quoque suscipiant. Omnes denique Diæcesis nostræ fideles ardentè ac seriò commonemus, ut elemosynis, aliisque pijs operibus placandæ Divinæ justitiæ impetrandæque misericordiæ diligenter incumbant. Ut verò mens & intentio nostra omnibus innotescat, jussimus hanc nostram Constitutionem sub sacro Missæ Officio in omnibus Parochiis proximâ Dominicâ promulgari, & ad valvas Ecclesiæ Cathedralis affigi. Datæ Apamijs in Seminario nostro 22. Febr. 1689.*

Franciscus Episcopus Apamiensis.



## Documentum XLIII.

*Sententia Excommunicationis ab Illustrissimo & Reverendissimo Episcopo Apamiensi contra Guerin Palarin Sacerdotem solemniter pronuntiata.*

Die 24. Mart. 1680.

**F**ranciscus Dei & Apostolicæ Sedis gratiâ Episcopus Apamiensis, &c. Visâ Constitutione Nostrâ sub data 27. Octobris anno 1677. quâ omnibus Canonicis Cathedralis & Collegiata Beatissimæ Virginis de Campo Ecclesiarum districtè prohibetur, ne sub pœna suspensionis ipso facto incurrenda ad præfatarum Ecclesiarum beneficia titulo Regaliæ quemquam admittant, neque ad ullos actus Capitulares, locum in Choro, aliâsq; functiones recipiant. Visis etiam actis, & instrumentis executionis à Domino Antonio Novè Ecclesiastico Diœcesis Tholosanæ die 26. Februarij, anno 1680. Domino Balthasaro d'Ouvrier Decano nostræ Collegiata de Campo insinuata: attentâ quoque inobedienciâ & contumaciâ contra præfatam nostram Constitutionem Domini Guerin Palarin, Canonici & Sacerdotis sæpèdictæ nostræ Collegiata (quamvis ipse quoque unus ex illis fuerit, qui, ut nostra Constitutio in publica Capituli acta referretur, consenserat) quippe qui non obstantibus Constitutione, & Inhibitionibus nostris, titulo Regaliæ Possessionem Decanatus Ecclesiæ Collegiata de Campo adire præsumpsit (prout apparet tam ex publico actu ad prædictos Canonicos Vigesiinâ currentis mensis directo, quam ex statlo locoque Decani ab ipso occupato) quantumvis eum non lateret, Diœcesin nostram Regaliæ subiectum non esse, imò quamvis Regaliæ subjaceret, Decaniam, utpote Beneficium electivum, exemptam esse, præsertim cum ipse Palarin septem integros annos Dominum Balthasarum de Ouvrier pro Decano canonicè electo semper agnovit: viso denique prænominato actu ad jam dictos Canonicos sub data 20. currentis mensis, & rationibus in eo adductis, & præsertim quia sæpè satus D. Palarin, quamvis ter à nobis admonitus, nullas probabiles causas allegat, ob quas excommunicari & denunciari non debeat, invocato DEI Omnipotentis nomine Patris, Filij & Spiritûs Sancti de potestate ligandi atque solvendi specialiter confissi, quam Christus Apostolis Episcopisque eorum Successoribus clementer largiri dignatus est, declaravimus & denunciavimus, declaramus & denuntiamus pro Excommunicato præfatum Guerin Palarin Presbyterum

tuus

rum Canonicum nostræ Ecclesiæ Collegiæ Beatissimæ Virginis de Campo, eumque velut Excommunicatum separamus à Communione Ecclesiæ, nec non à participatione Corporis & Sanguinis Christi JESU, eumque potestati Sathane temporaliter subijcimus, ut per veram sinceramque pœnitentiam ejus Spiritus salvus fiat in die Domini. Potestatem verò ab hac Excommunicatione absolvendi nobis reservamus, prohibentes & districte omnibus utriusque sexûs inhi-bentes, ne sub pœna Excommunicationis à Sacris Canonibus latæ cum prædicto Palarin audeant communicare. Præcipimus etiam, ut præfatus Palarin publicè denuntietur, ejusque Denuntiationis & Excommunicationis notitia vicinis quoque Diœcesibus insinuetur, nec non omnibus, quibus opus erit, ut ita juxta Juris dispositionem tanquam excommunicatus, & ab Ecclesiæ Communione separatus habeatur. Factum & pronuntiatum dicto Palarin in nostrâ Ecclesiâ de Campo in præsentia Cleri Populique, die 24. mensis Martij Anno 1680.

Franciscus Episcopus Apamiensis.

**N**Otandum, similem quoque Excommunicationis & Denuntiationis sententiam in Petrum Brau ab eodem Illustrissimo & Reverendissimo Episcopo die 24. Martij Anno 1680. fuisse pronuntiatam.

## Documentum XLIV.

*Constitutio Eiusdem Illustrissimi & Reverendissimi Episcopi  
Apamiensis ad impediendam Regaliæ in suam Diœcesin  
introductionem.*

Die 31. Martij 1680.

**F**RANCISCUS DEI & Apostolicæ Sedis gratiâ Episcopus Apamiensis. Cùm nihil Ecclesiâ habeat magis necessarium majorisque pretij, quàm & libertatem de Officijs Beneficijsque, præsertim Cathedralium Ecclesiarum disponendi ( in quibus Canonici alijsque in dignitate constituti in partem sollicitudinis Episcopalis regendæque Diœcesis, præsertim vacante Ecclesiâ, vocati sunt ) & liberam temporalium proventuum administrationem, sine quibus nec Divina Officia decorè peragi, nec Ecclesiæ reparari ornarique, nec habiles ministri suscipiari, nec quotidianis pauperum necessitatibus subveniri, nec deniq; expensæ quotidiana perferri possunt; Introductio verò Regaliæ utroque hoc jure,

saltem vacantibus Ecclesijs, privet, ea propter non alio eam loco, quam duræ servitutis habere possumus, omninoque illi libertati adversæ, quam Christus suo nobis sanguine acquisivit, ipso etiam Ludovico Juniore teste in sua Declaratione de anno 1137. ubi Provinciam Aquitanie hujus jugi immuniem esse sateatur,

Hic Regaliæ abusus Laicis Regijsque Ministris occasionem tribuit, Cathedralium & Collegiarum Ecclesiarum, ac præcipua Diocesis Beneficia hominibus sine ulla ad statum Ecclesiasticum vocatione conferendi, sine scientia & pietate adimplendi, nec aliud meritum præ se ferentibus, quam quod apud Majestatis Suae Ministros, quibus istorum Beneficiorum distributio permessa est, omnem industriam collocaverint, ut aliquo Beneficio potirentur; quod tamen unicum, quamvis alia deessent, si ex spiritu & disciplina Ecclesiæ res agatur, omnino indignos reddit omni Ecclesiasticâ dignitate. Ex quo sequitur, ut qui ad Episcopatus promoventur, tantum absint ut personas reperiant, in quorum humeros partem aliquam Pastoralis sollicitudinis securè deponant, sed potius, quæ Episcopis boni aliquid præstare volentibus se omni conatu opponant.

Auget malum damnumque, quod, cum denominatio ad vacantes Episcopatus Regij juris sit, numquam Regios Officiales occasio & rationes deficient Regem persuadendi, ut nominationem differat, Regaliâque producat, id quod Divum Bernardum in eas querelas prorumpere coegit, quæ epistolâ 122. leguntur, tempore vid. Ludovici Junioris more receptum fuisse, ut Episcopatum collatio differretur, quo diutius eorum proventibus frui liceret.

Postquam ergo tam in Constitutionibus nostris, quam alijs publicis actibus justissimas rationes palam fecerimus, quæ nos obstringunt, ut, quantum pro nostra virili parte fas est, libertatem Ecclesiæ contra Regaliâ ineamur, frustra etiam adhibitis dulcoribus remedijs, qualia sunt preces, adhortationes, demonstrationes, privatæ publicæque & Canonica admonitiones, cogimur tandem non sine ingenti intimoque dolore alia & acerbiora remedia experiri.

Quamplurima sunt Oecumenica Concilia, Summorumque Pontificum Constitutiones, quibus contra Bonorum juriûmq; Ecclesiasticorum usurpatores, eosque, qui hujusmodi usurpatoribus auxilium aut consilium præstant, Excommunicatio pronuntiatur, sique à nobis editæ Constitutiones non tam novas prohibitiones novæque penæ complectentur, quam antiquas renovant applicantque, tantòque magis ad hoc agendum impellimur, quod Decreta penæque à sacris Canonibus sancitæ, non solos Laicos respiciunt, juriû, bonorum, libertatûque Ecclesiasticarum usurpatores; sed etiam in Clericos & Episcopos vibrantur, qui assensum

fieri præbent, neque se hujusmodi usurpationibus, quantum licet, opponunt, & præsertim Concilium Lugdunense adeo inter alia celebre loquens de hoc ipso Regaliæ argumento non solum cap. 12. contra illos tam seculares, quam Ecclesiasticos, qui obtentu Regaliæ in Ecclesijs hujus juris expertibus vacantia bona usurpant, Excommunicationis sententiam proferi; verum etiam eos, qui hujusmodi usurpatoribus connivent, neque uti oporteret, se illis opponunt, fructibus omnium suorum Beneficiorum privat.

Concilium Avenionense sub Papa Joanne XXII. Anno 1322. Excommunicationem inducit & illis, qui vacantia bona Ecclesiarum usurpant, & qui usurpatoribus gratis, hoc est, voluntariè obediunt, id quod iisdem serè verbis in alio Concilio Avenione æquè habito sub Benedicto XII. Anno 1337. repetitum fuit. Concilium quoque Tridentinum Sess. 22. cap. 11. omnibus quacunque dignitate, etiam Regali aut Imperiali præfulgentibus, sub pœna Excommunicationis interdicat, ne bona & jura Ecclesiastica sibi vendicent; iisdemque pœnis omnes Ecclesiasticos afficiat, quicumque hujusmodi usurpatoribus aut consensum, aut operam præstent.

Ecclesia quæcunque recepto jam more & antiquâ consuetudine Regaliæ jugo affuerunt, non possunt non gemere, & quamdiu Deo libuerit, hanc servitutem non patienter tolerare. Eas verò Ecclesias quod attinet, quæ nullo hæcenus titulo aut consuetudine juri Regaliæ subiectæ fuerunt, earum Episcopi, quippe Pastores Custodesque, suffere potius omnia debent, quam ut antiquam & Canonicam libertatem aboleri, & jugo tam gravi insuetoque Ecclesias suas supponi patiantur.

Qui hæcenus titulo Regaliæ Beneficia nostræ Diœcesis occupârunt, ambitionis avaritiæque spiritum, quo nimium quantum agitantur, tam claris manifestisque signis prodiderunt, ut omnino conicere liceat, nullo eos timore censurarum percelli, quas comminati sumus, quisque actualiter incurrerint, licet nimîa forsitan conniventia unicum pro excommunicato hæcenus denuntiaverimus. Et tamen nullum aliud remedium superest nobis, quo hunc malorum torrentem sistamus impediamusque, ne paucorum exempla in plurium perniciem transeant, irreparabilis Diœcesis nostræ damno, quam ut hæc pœnas extendamus, iisque etiam applicemus, qui consilio, auxilio, aut alio quovis modo introducendæ in hanc nostram Diœcesin Regaliæ auctores fuerint, tantoque magis ad hoc agendum constringimur, quod in hæc causa non alius nobis partes vendicemus, quam ut exequamur Decreta Ecclesiæ, idque in materia, quam ad cognitionem & potestatem nostram pertinere nemo inficiabitur; quippe cum in illa non de preventibus tantum Ecclesiæ, verum etiam de collationibus Beneficiorum agatur, quæ

quæ utique sunt res spirituales merèque Ecclesiastica: & verò pollicemur nobis, eos, qui privatis lucris minùs cecè obstinatèque adhærent, facili constitutionibus nostris obtemperaturos, nec sacræ Jurisdictionis declinandæ causâ fallaci vanòq; effugio profanos Magistratus appellaturos, id quod in causis, quæ connexionem aliquam cum civilibus habent, sæpè multumque evenit.

Erunt fortasse etiam, qui, cum Censuras à nobis latas incurrerint, superiorem auctoritatem, à qua absolvantur, appellabunt: verùm cum notorium sit, vanum hunc esse irritumque recursum, nihil aliud agent, quàm ut contumaciam suam Legumque Ecclesiasticarum contemptum magis magisque contestentur. Et præsertim cum nihil aliud agamus, quam ut quamplura cum Generalia, tum Provincialia, & in Gallijs recepta Concilia exequamur, non potest hæc præsens nostra Constitutio nisi ab illis violari, qui totius Ecclesiæ auctoritati unà adversantur, nec est alia potestas, præter Pontificiam, quæ hujus causæ cognitionem pro eo statu, in quo versatur, arrogare sibi possit.

Multò minùs eo prætextu Censuras à nobis latas declinare poterunt, quòd non omnes solemnitates adhiberi alias solitæ observatæ in præsentì negotio fuerint; quis enim nesciat, accidentia, quæ abesse possunt, substantiæ postponi oportere? neque tunc solemnitates necessarias esse, quando sunt impossibiles, id quod in præsentì causâ manifestè contingit; nemo enim ignorat, aliquos de Clericis nostris, qui Decreta à nobis edita insinuare & promulgare sunt ausi, injurijs affectos, intentatisque carceribus absterritos esse.

Persuademus ergo nobis, neminem fore tam sui, pietatisque ac religionis immemorem, qui, ut Clericis gratificetur dignitatum quæstusque avidus, tam gravibus magnisque malis (qualia sunt, quæ ex Censuris, præsertim Excommunicatione, proveniunt) implicare se velit, tantumque absuturum, ut animæ, DEI, suæque salutis amantes scietate eorum, qui anathemate percussi sunt, insci se patiantur, ut potius magno sui merito hanc occasionem, suam erga Ecclesiam obedientiam fidelitatemque contestandi, amplecturi sint, devitando vid. obduratos illos, & ab Ecclesiæ Communione separatos peccatores. Quòd si aliqui sint, qui, ne levi aliquo emolumento se privent, aut humanis respectibus obnuent, malint Ecclesiæ Decretis adversari, ij planè, si in laqueos diaboli incidunt, animæque naufragium patiantur, sibi ipsis culpam, non alijs adscribent.

Nos enim quod attinet, Deum toto cordis affectu enixèque precamur, ut in omnes Diocesis nostræ fideles misericordiæ & benignitatis suæ fontes effluere faciat, flagella verò justitiæ & iracundiæ suæ clementer avertat. Nec enim in hac causa, DEO teste, alium nobis finem proposuimus, quam ut obligationi responde-

remus

remas, quam nobis Officium nostrum imponis, usque pro virili nostra parte Ecclesie nostrae libertatem ac jura tueremur, omniumque fidelium curae nostrae subditorum saluti caveremus, eorum etiam, quorum corpora vibrata Excommunicatione potestati Sathanæ tradidimus, ut eorum corpora in die Domini salva fiant. Quod si aliqui sint, qui Ecclesie pœniæ abusi, quàm corrigi malint, & remedia ipsi curandæ à me adhibita in somenta potius contumaciæ convertant, id quidem maximo dolori nobis erit, quippe cum id Divinæ iracundiæ, quam in hujusmodi obduratos peccatores exercere etiam in hoc mundo solet, præcipuum argumentum sit; illud saltem consolabitur nos, quòd vid. omnes partes ministerij nostri expleverimus, omnique metu liberati sumus eas pœnas incurrendi, quas alioqui timidè otiosæque Pastoribus Propheta intentat; quòdque Decretis Ecclesie obtemperaverimus, ut arma spiritualia pro Ecclesie juriis defendendis stringamus nobis imperanti.

Hæc igitur aliasque ob causas, post invocatam Spiritûs Sancti gratiam, postque audita consilia virorum, doctrinâ & virtute præstantium, sub pœna Excommunicationis ipso factò incurrendæ omnibus cujuscunque status ac dignitatis hominibus districtè injungimus, ne pro se, aut pro alijs Prioratus, Canoniciatus, Præbendæ, aut aliis quacunque Diocesis nostræ Beneficia titulo Regaliæ petant, neque eorum Possessionem capiant, aut si aliqua impetrârunt, ne eorum fructus sibi vindicare, aut functiones exercere præsumant. Prohibemus etiam æquè sub pœna Excommunicationis ipso factò incurrendæ omnibus cujuscunque status ac conditionis hominibus, ne sub quovis Procuratoris, Commissarij, Conductoris, aut alio nomine tituloque Regaliæ proventus Episcopatus, seu Capituli nostri, aut aliorum Beneficiorum Diocesis Apamiensis, sive in parata pecunia, sive in alijs rebus pretio æstimabilibus percipere audeant. Prohibemus denique omnibus & singulis sub pœna Excommunicationis, ne ad percipiendos distribuendosve proventus nostros, aut obtinenda Beneficia nostræ Diocesis titulo Regaliæ, exercendasque eorum functiones, aut alium actum edendum, qui Regaliæ in hanc Diocesis introducendæ servire possit; ne, inquam, ad hæc omnia, aut ipsorum aliquid auxilio, aut consilio quovis modo concurrant. Quin potius omnes Diocesanos, ac præsertim Ecclesiasticos exhortamur, ut omni, quâ possunt, honestâ ratione, ac modo, se Regaliæ ejusque extensionem averfari, ac improbare contestentur. Quia verò Adversariorum potentia in hac præsentis alijsque Constitutionibus nostris promulgandis non permittit omnes, aliqui necessarias, solemnitates observari, ideo declaramus, eas hoc ipso, quòd à nobis publicatæ, & ad valvas Ecclesiarum affixæ fuerint, pro sufficienter promulgatis

& publicatis habendus esse, nosque sine alijs citationibus, monitionibus, aut insinuationibus præcedentibus ad penas, Censuras, & Excommunicationes processuros, quarum etiam absolutionem nobis reservamus, nec permittimus, ut ab his Censuris absolvere possint, quibus aliqui facultatem generalem dedimus à casibus reservatis absolvendi. Pronuntiata Apamijs Clero præsentè 31. Mart. 1680.

Franciscus Episcopus Apamienfis.

## Documentum XLV.

*Actus in forma epistolari expeditus, quo Illustrissimus & Reverendissimus Episcopus Apamienfis ostendit, Constitutiones suas circa punctum Regaliæ, & Censuras in ijs pronuntiatas, præsertim verò Excommunicationem contra D. Palarinum latam, non obstantibus sententijs & contrarijs Constitutionibus Domini Archiepiscopi Tholosani validas firmasque esse.*

## Illustrissime & Reverendissime Domine.

**D**ominus Palarinus, quem ego vigesimâ quartâ elapsi Martij excommunicatum denunciavi, insinuari mihi fecit Illustrissimæ Dominationis Vestræ Decretum, quo illum ad cautelam, ab hujusmodi Censuris non tantum absolvit, verum etiam habilem reddit, quæ & possit, & debeat functiones Beneficij & Officij sui exercere; meque insuper coram tribunali Illustrissimæ Dominationis Vestræ octavâ currentis mensis adesse jubet ad videndum, sententiam denunciatae Excommunicationis, quam contra illum pronuntiaveram, irritari.

Equidem fateri ingenue debeo, & præsentibus litteris (posteaquam libertas mihi adempta est publicis ac solemnioribus tabulis id agendi) palam testari, me in ijs, quæ Regaliæ spectant, nullo modo Illustrissimæ Dominationis Vestræ Jurisdictionem agnoscere posse, & consequenter nec ejus hac in re judicio, sententijs, Decretis, ad eamque interpositis Appellationibus deferre. Rationes, quæ hoc mihi persuadent, jam alibi in scripto primâ Octobris Anno 1677. exposui, & nemo eas legit, qui non continuò professus sit, se illis convictum esse, nihilominus tamen non prætermittam in præsentì etiam epistola aliqua susius deducere. Primò vid. Illustrissimam Dominationem Vestram non esse in ijs, quæ

ad

ad Regiam pertinent, *Judicem Competentem*. Secundò. In *Judicio Sententijsque* ab ipsa latis prætermittas fuisse formas necessarias, & quarum defectu valide dici non possunt. Tertiò. Etiam in substantia ipsius causæ à regulis *Justitiæ* planè deflexisse. Quartò. Constitutiones à me editas, & quoad modum, & quoad substantiam ipsam æquas omnino esse. Quintò. Appellationes ad Dominationem Vestram Illustrissimam interpositas, & Inhibitiones ab ipsa factas non posse mearum Constitutionum executionem morari.

Primum quod attinet, multis rationibus incompetencia Vestri fori probari potest; nam Primò constat, Excommunicationes contra Ecclesiasticos, aut etiam Laicos pronuntiatas in Concilijs Provincialibus examinatas & discussas fuisse, sic enim antiquis Canonibus sancitum est. In Concilio primo Nicæno canone 8. Singulis annis per unamquamque Provinciam bis in anno Synodi fiant, ut omnes in unum convenientes Episcopi Provinciæ ejusmodi quæstiones examinent. In Concilio Sardicensi can. 17. idem statuitur, ac insuper, ut, donec æquitas Excommunicationis rite examinetur, excommunicatus interim ab omnibus evitetur. Tamen, inquit, priusquam omnia diligenter & fideliter examinentur, eum, qui fuerit à Communionem separatus, ante cognitionem nullus debet præsumere, ut eum Communioni societ. Ubi Glossa ad illa verba Nullus ante adjungit: Ergo nec Archiepiscopus. cap. per tuas. de Sent. Excom. Concilium Oecumenicum Chalcedonense canone 9. Si Clericus, inquit, habet causam adversus Episcopum proprium, vel adversus alterum, apud Synodum Provinciæ judicatur. Secundò. Si privata tantum inter me & Dominum Palarinum causa vertetur, non ego detrectarem in foro Illustrissimæ Dominationis Vestræ disceptare, nunc verò cum de Canonibus in sacris Concilijs stabilitis quæstio sit, nec tam agatur de illorum explicatione (tam enim clari sunt, ut nullâ explicatione sit opus) quàm de continuanda eorum executione, prout vid. pluribus jam seculis in hac Provincia usu recepta fuit; at verò non potest Illustrissima Dominatio Vestra prohibere, ne ego Decreta Conciliorum exequar, nisi auctoritatem supra Concilia & modò allegatos canones sibi vendicat. Tertiò. Certum est, majores causas, quales sunt translationes Episcoporum, fundationes novorum Episcopatuum, similesque, soli Pontifici Maximo reservari; at verò causa Regalia, in qua agitur de libertate Canonica tot Ecclesiasticarum Provinciarum, longè maxima maximique momenti est, id quod in litteris ad Regem nostrum datis Sanctissimus Pontifex his verbis expressit: Ea cæteroquin est rei magnitudo, in qua non Gallicanæ solum, sed totius Ecclesiæ dignitas, sa-



Jusque vertitur. *Quartò.* Canonistæ omnes in cap. sicut olim. de accusat. quod est sextum Concilij Lateranensis sub Innocentio III. ad ea verba : *Canonicas Regulas, docent : Archiepiscopum solum carere potestate condendi statuta totam Provinciam obligantia.* Ita Barbosa, Sanchez, pluresq; alij. b hoc citati loquuntur. Imò ne Concilium quidem Provinciale statutum circa Regaliam condere posset, cum causa Regalia non ad unam tantum Provinciam, sed quamplures extendatur, & Concilia Generalia, quid in causa Regaliæ observari debeat, jam disposuerint. *Quintò.* Et quantumvis Illustrissima Dominationi Vestre potestatem daremus absolvendi à Censuris, quas sacri Canones infixerunt, non idèò tamen potestatem haberet ipsos sacros Canones destruendi, impediendique, ne, qui illos infringunt, censuras incurrant à sacris Canonibus intentatas. *Sextò.* Sed & illud bonâ veniâ Illustrissima Dominationi Vestre adjungam, quæ hætenus in causa Regalia ab Ipsa perpetrata sunt, justissimas mihi causas præbere, eam non tam Judicij, quam Adversarij loco habendi, suspicandique, multò Eam magis in illorum partes propendere, qui studio flagrant simbrias temporalis potestatis dilatandi, quam eorum, quibus juri-  
um & libertatis Ecclesiasticæ cura est.

Secundum quod spectat, defectus, ijque substantiales circa formam commissi in ea sententia, quam primâ Septemb. Anno 1677. Illustrissima Dominationi Vestra pronuntiavit, satius superque apparent ex ijs, quæ in Actu à me 18. Octobris anno 1677. evulgato producta sunt, nec ego ijs immorabor, solamq; ad casum particularem Domini Palarini calamum restringam. Quod si nimia & festinata cupiditas huic homini gratificandi animum Dominationis Vestre Illustrissimæ non sollicitasset, planè nec Deum magnâ gloriâ, nec proximum magnâ edificatione privari contigisset, cum nemo illius Sacerdotis vitam morisque ignoret. *Secundò.* Quod si Dominationi Vestre Illustrissimæ ratum fixumque erat eum censuris liberare, ac potestatem Sacrosanctum Missæ Sacrificium offerendi, aliasque sacras functiones obeundi restituere, at saltem vocari ego quoque, & audiri debebam. *Tertiò.* Tantoque major hæc me vocandi audientique necessitas fuit, quod omnino incongruum insolensque videretur, potestatem sacras functiones peragendi ei concedere, de quo non planè constaret Censuræ solutus, an innexus esset, præsertim cum Jus Canonicum in cap. Romana. de Appellat. in 6. §. penult. in hæc verba disponat : Sententias Interdicti, vel Suspensionis, seu Excommunicationis in Appellantem ab eo, qui appellatur, promulgatas, nullatenus nisi vocatis partibus, & de Appellatione legitime cognito revocent, aut denuntient esse nullas. *Quartò.* Ipsimet Auctores, qui scripserunt, Absolutionem ad cautelam aliquid operari in fa-  
vorem

*potem Excommunicati, expresse adiungunt, id tantum obtinere, quando constat, aut saltem semiplene probatur, Excommunicationem esse nullam, nec sufficere ut Excommunicatio sit injusta. Ita scribit Pater Gibelinus Jesuita in suo Tractatu de Censuris c. 10. q. 2. Dubium, inquit, non debet esse tantum de iustitia Censuræ, sed de valore. Observant autem Covarruvias, & Sayrus ex consensu Canonistarum communiore, nullitatis, quam prætendit, qui idcirco absolutionem ad cautelam petit, causam nominandam in specie, & aliquam saltem in universum probandam esse, imò & semiplene; quia alioqui pro validitate sententiæ latæ præsumitur, & simpliciter propositâ nullitate Censuræ ejus absolutio cuicumq; illam petenti concederetur, quamvis ad cautelam, sæpissimè tum Censura, tum Judices illuderentur. Quintò. Absolutio ad cautelam, si ex spiritu & disciplina Ecclesiæ loquamur, nullum alium effectum habere potest, quàm ut taliter absolutus personam habeat standi in judicio, quam alioquin ex dispositione Sacrorum Canonum (quos saltem in foro Ecclesiastico sequi par est) excommunicati non habent. Ita Innocentius III. loquitur in cap. per tuas. de sent. excom. Excommunicatus, inquit, vocem non habet appellandi. Et in epistolis aliquot post annis impressis: Personam standi in judicio non habent ij, qui sunt excommunicationis vinculo adstricti. lib. 4. epist. 94. Feuretus Tractatu de Abusu lib. 7. cap. 2. n. 39. Excommunicatus ab Ecclesia personam standi in judicio non habebat. Et infra: Exceptio Excommunicationis repellebat Actorem ab agendo, sive in prima instantia, sive in causa Appellationis, & ideo hæc Exceptio locum fecit Absolutionibus ad cautelam, quæ ideo introductæ sunt, ut litigantes legitimam habeant personam standi in judicio, ut testabiles vel testes esse possent; denique, ut lis cum eis legitimo Marte decurrere posset. cap. 36. de testibus. Ipse Clerus Gallicanus in Generalibus Comitibus, quæ annis 1665. & 1666. Parisijs agitata sunt, aded persuasum habuit, Absolutiones ad cautelam non alium effectum habere, quàm habilitandi personas, ut stare in judicio possint, ut stabiliendæ huic veritati, atque in Regijs Parliamentis Curijsq; recipiendæ, Regiam Majestatem imploraverit, Rex verò mense Martio anno 1666. ita rescripserit: Absolutiones ad cautelam non nisi juxta formas juris permittentur, quorum culpæ notoriæ sunt: neque alium effectum producent, quàm ut ita absoluti judicio listi possint.*

*Tertiò. Fieri fortasse potest, ut Illustrissima Dominatio Vestra persuasum habuerit, Decretum meum, vi cujus Dominum Palatinum excommunicatum postea denuntiavi, irritum cassumque redditum esse sententiâ ab Illustrissima Dominatione Vestra Kalendis Septembris anno 1677. pronuntiata. Sed primò.*

Præterquam quoddam Decretum meum sententiâ Illustrissimæ Dominationis Vestræ posterius fuit, ut ex utriusque datis apparet (cùm Decretum meum 27. Octobris anno 1677. datum fuerit, sententiâ verò Vestra Kalendis Septembris ejusdem anni) idèò ut Dominus Palarinus, qui nobis contrarium suggestit, falsi excusari non possit; constare insuper poterat ex ijs, quæ à me aucta sunt, Illustrissimam Dominationem Vestram in causa Regaliæ Judicem competentem non esse, sicque non potuisse Decreta à me edita, aut deinceps pro conservacione jurium Ecclesiasticorum edenda pro irritis casibusque declarare. Secundò. Quodsi Dominatio Vestra Illustrissimæ Decretum à me propositum, suæque sententiæ adversum, attentata usurpatæque Jurisdictionis (sic enim loquitur D. Palarinus) damnandum putas, cur non potius hanc notam sententiæ suæ inurit, quàm sacris Canonibus Decretisque Pontificum (nam mihi ob istorum executionem bellum ac persecutionem movent) utique adversari constas. Quis sibi unquam persuasisset, postquam Romanus Pontifex tam validè enixèque ostendebat, Dominationis Vestræ Illustrissimæ sententiâ omni Divino humanoque juri repugnare, imò in manifestam causæ meæ justitiâ, morèsque ac Privilegia hujus Provinciæ offendere, eam nihilominus non tantùm cæptis non destituisse, verùm etiam late priùs sententiæ aliud ejusdem ominino tenoris Decretum adjungere voluisse? Num ergo cùm Ecclesiæ sacrorumque Canonum Decreta exequor ego, Vestri arbitrij ac potestatis est, Constitutiones à me, nec vocato, nec audito editas abolere, cùm interim Pontificis Romani voces, jura Divina & humana, ac Provinciæ hujus immunitates violari clamantis nihil apud Vos proficiant? Num verò Metropolitani in suffraganeos potestas, quæ solius juris humani est, magis sacrosancta magisque reverenda est, quàm auctoritas ab ipso Christo JESU Pontifici Romano Vicario suo in terris concessa? An ergo idèò Ecclesiæ alijs Coepiscopis & Confratribus Vestris Vos præposuit, ut ejus jura ac libertatem minueretis, & non potius ut ea pro viribus tueremini? & tamen, si loqui veritatem licet, nulla alia potestas Illustrissimæ Dominationi Vestræ extra Diocesim suam competit, quàm quæ à sacris Canonibus permissa est; ij verò nunquam utique permittunt canones violari. Opponet fortè mihi Illustrissimæ Dominationis Vestra Breve Romani Pontificis non fuisse juxta formas in foro externo necessarias expeditum; sed numquid non idèò constabat legitimum non esse? & si constabat, num reverentia Pontifici Romano debita, ut illi obtemperaretis, non exigebat? & quid opus juris formæ, quando de re ipsa dubium non erat? Culpani hi, inquit Sixtus Papa, qui aliter circa fratres egerint, quàm hujus sedis Rectoribus placere cognoverint, Sixtus epist. 2. cap. 2. apud

*Jvon. Decr. p. 5. cap. 3.* Et planè quantiò major fuit Romani Pontificis moderatio, tantò magis decebat Vos characteris Episcopalis rationem habere, ac Immunitates & Privilegia Ecclesiarum tueri, aut saltem eos non persequi, qui tuendis illis laborabant. Præsertim cum ex Tractatu, quem nuper Illustrissima Dominationi Vestra transmisi, & ex ijs quæ Septimanæ Syndicus validè pro defensione hujus Provincia typis edidit, constare luce meridiana clariùs liceat, nec Diœcesin, nec Provinciam meam Regaliæ subjectam esse. Tertio. Nullus equidem dubito, plura Oecumenica Concilia à Dominatione Vestra Illustrissima perlecta esse, & ego aliqua in Tractatu Regaliæ citavi, possemque plura producere, ac inter alia testimonium Concilij Lateranensis sub Alexandro III. quod capite 14. ita loquitur: Presbyter, aut Clericus, qui Ecclesiam per Laicos sine proprii Episcopi auctoritate receperit tenendam, Communionem privetur, & si perstiterit, à Ministerio Ecclesiastico, & Ordine depouatur. Non videtur Dominationi Vestra Illustrissima, hunc ipsum esse casum D. Palarini? Quarto. Ipsa Dominatio Vestra Illustrissima continere se non potuit, ut præclaro cuidam viro (qui epistolam meam dignatus fuit exhibere, quique me certum reddidit, Dominum Palarinum nunquam à Dominatione Vestra Illustrissima absolutum iri, nisi priùs intellectis causis, ob quas ego anathemate illum percussissem) ingenuè sateretur, Sibi omnino persuasum esse, etiamsi in mea Diœcesi jus Regaliæ vigeret, non potuisse tamen Dominum de Ouvrier Ecclesiæ du Camp Decanum Officio & possessione suâ peli, quæ unica fuit occasio excommunicandæ Palarinum, & tamen tunc temporis Illustrissimæ Dominationi Vestra ne mediâ quidem pars earum rationum patebat, quæ pro Decano de Ouvrier militabant. Quomodo ergo non oportuit Palarinum manifestæ culpæ reum à nobis pro excommunicato haberi, aut saltem ad me remitti? juxta dispositionem capituli, Venerabilis. de sent. Excomm. in 6. §. sanè. Et quæ tanta necessitas fuit, cum hoc homine ad Beneficii possessionem sacrâque functiones aded festinandi, ut nō tempus quidem superesset, formas à sacris Canonibus præscriptas observandi? & planè si unquam sacros Canones observari oportet, qui Metropolitano prohibent, ne citra suorum Suffraganeorum consensum quidquam in Provincia mutet, id maxime locum habet, quando de causis agitur præcipui momenti, quæque ad omnes Episcopos pertinent. Siquis, inquit Canones, Metropolitanus Episcopus, nisi quid ad suam solùm pertinet Parochiam, sine Concilio & voluntate omnium Comprovincialium Episcoporum aliquid agere tentaverit, gradus sui periculo subiacebit, & quod egerit, irritum habeatur. Eadem est, nec minùs expressa sententia Canonum:

num: Archiepiscopus, & Nullus Primas, & Episcopi, citatorum ab Antonio Augustino in *Furis Pontificij Epitome* l. 3. tit. 16.

Quartò. Idem Dominus Palarinus ausus est persuadere Illustrissimæ Dominationi Vestræ, solemnitates necessarias à me esse prætermittas. Sed primò quamvis verum id esset, neminem tamen causæ latent, quæ me, ut eas omitterem, coegerunt; quis enim solemnitates exigat, quæ & quando impossibiles sunt? & nunquam eas omnes observandi facultas mihi permetteretur! sed obstant machinationes meorum adversariorum, à quibus quàm malè habitis sint, quicunque Decreta contra Regaliam, aut ediderunt, aut penes se retinuerunt, aut etiam insinuârunt, exploratius est, quàm dici à me debeat. Secundò. Et tamen in his quoque angustiis non omisi necessarias, & essentielles solemnitates adhibere, quippe condemnari neminem non auditum, aut saltem citatum, ac culpæ manifesta reum. Quodsi ex officio nulloque denuitiant ad Processum sententiæque deveni, idèd fuit, tum ne Promotorem, aut Denuntiatiorem indignationi periculisque adversariorum exponerem, verebar enim exempla jam præterita; tum quia Episcopus in promovendis tuendisque suarum Ecclesiarum juribus nullo alio instigatore opus habet, quàm stimulis Conscientiæ & Dignitatis propriæ, totique sacrorum Canonum Summorumque Pontificum Decretis.

Queritur quidam Palarinus, tres Canonicas monitiones à me prætermittas fuisse. Sed primò ignorare non debuit, defectu Canonicarum monitionum fieri quidem posse, ut in certis casibus Excommunicatio injusta evadat, non tamen invalida ( nisi fortè in eum feratur, qui cum excommunicato communicavit, nec tamen in ea culpa, propter quam excommunicatus est ) idque communis habet sententia Doctorum apud Barbosa in cap. sacro. de sent. excom. & Bonacina in Tract. de Censuris d. 1. q. 1. p. 9. n. 5. Cùm ergo sententia Excommunicationis à me lata valida fuerit, nec eam defectus monitionum irritam facere potuerit, sequitur Palarinum non potuisse ad cautelam absolvi, nisi fortè ad unicum effectum, ut agere in judicio posset. Secundò. Illud quoque Palarinum scire oportuit, magnum vid. discrimen esse, cùm quis excommunicatur, & cùm declaratur Excommunicationem incurrisse. Quando ergo in penam perpetrati delicti excommunicatur aliquis, jura statuunt, prius trinis admonitiones præmitti oportere, quàm Excommunicatio instigatur: trinam verò eam admonitionem, aut tribus distinctisque terminis, aut uno, qui tribus æquivalet, fieri posse; nam omnis Excommunicatio contumaciam aliquam supponit. Cùm verò agitur non de excommunicando aliquo, sed de illius Excommunicatione declaranda, nullà opus est comminatione, quâ præmonetur excommunicandus esse ( supponimus enim jam

jam esse excommunicatum) sed solâ citatione, ut vid. compatens respondens-  
que rationes, si habet, adducat, ob quas se Excommunicationem non incurrisse  
ostendat. Ita conceptis expressisque verbis habetur in capitulo, Reprehen-  
sibilis. de Appellat. in 6. docetque præcitatus Bonacina n. 1. qui dum adducit,  
validasque rationes, vid. tum quia lex ipsa non ignorata admonet: tum  
quia sequeretur, nullam Censuram incurri ipso facto propter aliquod delictum, si  
præter legem necessaria esset alia admonitio. Idem Barbosa in cap. Romana.  
de sent. Excomm. in 6. n. 5. & Tolcius Cardinalis, alijque docent. Tertiò.  
Sed ut nulla supersit Palarino tergiversandi causa, illud tantum in memoriam  
ei revoco, vid. trinâ vice, dum in ipso flagranti delicto versaretur, à me ad-  
monitum fuisse, quod utique sufficiebat ex communi Doctorum sententia vi-  
brando tandem in illum anathemati; quæ enim contumacia major indigniorq;  
dici potuit, quàm legitimo Superiori repetitis vicibus, ac iusta imperanti nolle  
obtemperare? Frustra ergo conqueritur Palarinus se indiciâ causâ denuntiatum  
esse.

Sunt etiam plures casus, in quibus Superior Ecclesiasticus omisso Denun-  
tiationibus potest ad Excommunicationis sententiam procedere, quorum plerique in  
præsenti causa locum habent: ij verò sunt primò, quando fertur Excommu-  
nicatio ab Episcopo non tamquam Judice, sed tamquam parte ad defensionem  
jurium Episcopatum, scilicet contra occupantem res Ecclesiæ, sive turbantem  
jura Ecclesiæ. Barbosa in cap. sacro de sent. Excomm. Felinus ibid. n. 6.  
& in cap. Cùm sit Romana. n. 16. de Appellat. Innoc. in cap. Venera-  
bili. n. 3. & 4. ubi etiam Abbas n. 3. & Butrius de Censibus. Secundò,  
quando Judex Ecclesiasticus præcipit aliquid, quod ad ejus officium pertinet,  
quia verè talis non obediendo contumax est, satù enim monet eo ipso, quod  
justè aliquid præcipit, vel prohibet. Tertiò, quando delictum est commissum  
in præsentia Judicis. Felin. cit. n. 7. Butrius in cap. ad Apostolicam. de  
Except. Quartò, quando Judex excommunicat excommunicatum à Jure, in  
hoc enim casu sufficiens reperitur monitio, cùm lex, statutum, seu sententia  
semper claret, & moneat subditos à peccato illo abstinere. leg. Arriani. Cod.  
de Hæret. & ita habetur in cap. Reprehensibilis. & ibi Abbas n. 6. & 7. de  
Appellat. Covarruvias dicto §. 9.

Quintò. Certum est tam ex Juris Canonici dispositione, quàm ex Glos-  
sis, quæ supra illud commentantur, non esse Appellationibus deferendum, quæ  
& quando illegitimæ sunt. Ita habetur in cap. cùm de Appellationibus.  
in 6. cap. ad nostram. cap. cùm speciali. §. Porro de Appellat. Concil.

Trid. Sess. 13. cap. 1. de Reform. *Glossa* in cap. cùm Appellationibus. de Appellat. in 6. Nota, inquit, quòd Judex, à quo, non debet deferre Appellationi frivola sine causa, vel si causa est irrationabilis, aut est falsa; imò si deferat, peccat mortaliter. Et paulò superius. Quando Judex, à quo, præsūmit appellationem frivola, non deferat appellationi. Et *Glossa* super capitulum, solet. de sent. Excomm. in 6. Nota ulterius junctâ *Glossa*, quòd Sententia Excommunicationis lata post Appellationem in appellan-tem est nulla; & hoc verum est post Appellationem legitimam interpositam ex causa rationabili & vera; alias reprimendo mendosè causam rationabilem posset se eximere à Jurisdictione sui Judicis. Cùm ergo non præsumerem ego tantum, sed certus omnino essem, Appellationem, quàm Palarinus à meis Decretis, & à Declaratione Excommunicationis ab eo incurse interposuit, frivola esse, nullaque validâ ratione vixam, planè me peccato alligasset, si aut ei detulisset, aut cum publico scandalo, omniumque offensione Jura Canonice Ecclesiasticos violari ab eo passus essem; quippe Appellatio remedium est innocentie, non defensio iniquitatis, ut loquitur Tridentinum Concilium Sess. 13. cap. 1. de Reform. & cap. ad nostram. cap. cùm speciali. de Appellat. Ceterum Palarini Appellationem illegitimam fuisse, non opus est alio, quàm Pontificis Romani testimonio, Tholosanæ sententiæ hanc notam incurrentis: Contra manifestam causæ justitiam, contra omnes humani Diviniq; Juris regulas, contra morem Prædecessorum tuorum, aliorumque Galliæ Præsulum, &c. Omnes ergo Appellationes, quæ contra Decreta à me edita (quamdiam ista sacris Canonibus Conciliisque in hoc Regno recepta fuerint conformia) interpositæ sunt, & quidquid in favorem Regaliæ deinceps Illustrissima Dominatio Vestra molita fuerit, non aliud ex sententia Romani Pontificis elogium merebitur, quàm quòd contra manifestam causæ justitiam, contra omnes humani Diviniq; Juris regulas, contra ipsius Ecclesiæ totiusque Provinciæ jura & libertatem, & contra morem Prædecessorum aliorumque Galliæ Præsulum peracta sint.

Nec potest Palarinus, alijque ei similes, qui sententias incurrerunt, pro se textum capituli Venerabilis. de sent. Excomm. in 6. producere, in quo dicitur. Ubi Superiori competit de Excommunicatione cognoscere, absolutio, seu relaxatio, quam ipse fecerit, tenet. Palam enim est, in eo canone de eo solùm casu sermonem esse, quando absolutio in præjudicium sacrorum Canonum, Conciliorum, Decretorumque Summorum Pontificum vergat; verba citati capituli sunt: Quoniam etsi contra jus litigatoris, non tamen contra jus Constitutionis absolvit. Id quod etiam in capitulo cùm inter. de sententia & re judicata habetur.

*habetur. Cùm ergo Illustrissima Dominationis Vestræ Kalendū Septembri anno 1677. pronuntiata sententia, secūtaque inhibitiones, & quoad formam, & quoad substantiam nulla irritaque sint, ut abundè alibi ostendi, & ipse quoque Romanus Pontifex testatus est; sequitur me nullo modo ijs deferre debuisse, præsertim cùm me nec vocato, nec audito nulla potestas Vobis fuerit, me potestatis meæ usu interdicens, ut est expressus textus in cap. Romana de Appellat. in 6. & ibi Barbosa aliique plures Canonistæ.*

*Verum quidem est, me non adlaborasse, ut pronuntiata ab Illustrissima Dominatione Vestra sententia pro nulla irritaque declararetur; ceterùm ne id facerem, cause intercesserunt toti mundo notæ: sed neque id obstat aequitati meæ cause, nec ego præsentī actū illud prætendo, ut à sententia Vestra appellem, sed tantum ut nullitates, ac essentialēs defectus appareant, qui sententiā Vestrā cassā reddiderunt, quique tam sum manifesti, ut nec deferre illi possim, nec tamen opus habeam appellare; quippe teste S. Gregorio in cap. 1. de sent. & re judic. Sententia contra leges canonesq; prolata, licet non sit appellatione suspensa, non potest tamen subsistere ipso jure. Et S. Symmachus in Concilio Romano: Injustum judicium, & definitio injusta Regio metu vel jussu à Judicibus ordinata non valet, nec quidquam contra Evangelicam, vel Propheticam, aut Apostolicam doctrinam Constitutionemque eorum, siue Sanctorum Patrum actum fuerit, stabit.*

*Has ergo aliasque ob causas liberrimè profuseor, me, quos hætenus, aut excommunicavi, aut excommunicatos declaravi, semper pro excommunicatis habiturum, idque Clero Populoque, ut eos pro talibus habeant, numquam inculcare cessabo, dicamque quod olim in simili casu S. Anthelmus Episcopus Belvacensis: Qui justè ligatus est, solvi non debet, nisi prius per pœnitentiam satisfaciat illi, quem læt, atque ita etsi fortassis non dignè & pro meritis, saltem ex misericordia persuadente, & justitia parcente Catholicæ Ecclesiæ restituatur; neque enim vel ipsi Beato Petro sic est hæc collata potestas, ut vel non solvenda solvere, vel non liganda ligare debeat; quantò igitur minus nobis? Id igitur certum habetote, me à semel pronuntiata sententia non deflexurum, sed eam planè retenturum. Apud Surium in vita S. Anhelmi. Ipsam verò Palarini absolutionem quod attinet, ausim Illustrissimæ Dominationi Vestræ illa Ivonis Carnotensis verba in memoriam revocare: Famæ Vestræ non bene consulitis; si enim justo anathematis vinculo est ligatus, cùm justa vincula non dissolvat, nisi vera cordis conversio, eo adhuc permanente in crimine ad persuasionem quamdam Personæ splendide, quid est hoc anathema destruere, nisi seipsum prævaricatorem constituere?*



*Hæc sunt, quæ Illustrissimæ Dominationi Vestræ in hac causa significanda duxi, quæque si nimis libere à me dicta sunt, non id planè fuit, quòd ignorarem, quid reverentiæ deberem; sed quòd in causa DEI Ecclesiæque locum esse cederem honestæ libertati, & si quidem Illustrissimæ Dominationi Vestræ placuerit ea legere, quæ, qui crucem præferebat, S. Thomam Archiepiscopum Cantuariensem intrepidâ libertate admonuit, animadvertet, me, quamvis Episcopum, & quidem omnium hujus Provinciæ seniore, multo parcius quam ille locutum; & tamen Archiepiscopum monebat, non aliâ culpâ lapsum, quam niniò in Confratres Ecclesiæque suam amore.*

Amajis 8. Maji 1680.

*Humilimus & Obsequentissimus*

*Servus*

*Franciscus Episcopus Apamiensis.*

## Documentum XLVI.

*Aliud Eiusdem INNOCENTII PP. XI. Breve ad*

*Illustrissimum Episcopum Apamiensem.*

Die 17. Julij Anno 1680.

**V**enerabilis Frater, Salutem & Apostolicam Benedictionem. Quod plurimorum sermone Nostris auribus dudum insonat, Fratemitatis tuæ ad Nos litteræ planè declarant, Te scilicet in tribulationibus gloriantem, & inter affecta valetudinis incommoda, inter paupertatis & vexationum angustias crescentem quotidie magis in charitate Christi, magno fortique animo illius causam agere, & pergratum DEO hominibusque spectaculum exhibere. Magnum profectò ex tantæ virtutis experimento dolori Nostrò solatium cepimus, & pari obligationis nexu obstringimur, tendendi supplices in cælum manus, ut uberes prosternamur misericordiarum Patri gratias, quòd difficilissimo tempore suscitaverit sibi in isto Regno Sacerdotem fidelem, qui in communi animorum conservatione & silentio, quasi tubam exaltet vocem suam, & opponat murum pro domo Israël. Documentum illustre cæteris, quos Dominus posuit regere Ecclesiam, quam acquisivit sanguine suo, quàm præclara, quàm gaudij plena res sit, dignos haberi, qui pro JESU Christi nomine contumeliam patiantur: si contumelia dicenda est, ex qua vera & solida in hac quoque

quoque mortali vita oritur gloria, iudicio sapientum. Nos quidem, quantum situm in Nobis erit, nullo loco deerimus virtuti tuæ: quamquam etsi decissent omnes, pro explorato tamen habemus, Deum causæ suæ; necessitati Ecclesiæ, constanti tuæ in ipsum fidei, assiduis & accuratis precibus Nostreis, bonorum denique omnium votis non defuturum. Statueramus efficax remedium adhibere ijs, quæ Archiepiscopus Tholosanus contra Lugdunensis Concilij sanctionem, & contra Apamiensis Ecclesiæ, vel potius Provinciæ Tholosanæ jura libertatemque attentare ausus fuit: sed redditis Christianissimæ Regis litteris, in quibus ad ultimas Nostras consuetæ cum filialis observantiæ significatione respondens, se injunxisse significat dilecto filio Nostro Cardinali d' Estrées, ut expedito itinere ad Urbem proficiscatur, regiam Nobis mentem super negotio Regaliæ declaraturus: opera pretium duximus eidem remedio supersedere, dum Cardinalis adveniat. Nobis enim persuademus, Regem quoque ipsum interim curaturum, ut omnia in locum pristinum reponantur. Quod si secus accidat, præfatus Archiepiscopus, ab eoque causam habentes pergant in te tuisque Canonicis, alijsque Ecclesiæ tuæ Beneficiarijs vexandis, prætextu juris Metropolitici, tuæ Pastoralis sollicitudinis, & spectatæ constantiæ partes erunt, Te, tuamque Ecclesiam adversus eorum attentata, Sacrorum Canonum, & Constitutionum Apostolicarum ope armisque defendere. Ad Nos enim quod pertinet, omne tibi à Pontificia auctoritate, & à paterna charitate Nostra præsidium polliceri debes. Tibique Apostolicam benedictionem peramanter impertimur. Datum Romæ apud sanctam Mariam Majorem sub Annulo Piscatoris, die 17. Julij 1680. Pontificatus Nostri anno quarto.

Marius Spinula.

## Documentum XLVII.

### *Epistola Domini Dorat Archipresbyteri Aquensis*

*ad Dominum la Borde.*

**N**Otandum est, Clericum quemdam, nominatum la Borde, ab Illusterrimo Episcopo Apamiensi ( qui nunquam induci potuerat, ut illum ad sacros Ordines promoveret ) Romam missum esse, ad curanda Diocesis negotia, quod jam Dominus Dorat ejusdem Episcopi jussu pervenerat, Sacerdos plenæ explorataque probitatis ac prudentiæ. La Borde, Episcopo Apamiensi jam vita functo, Româ Parisios discessit consilijs quorundam

permotus, simulque libellum mendacij ac calumnijs refertum Aulæ obtulit, eodémque tempore non erubuit Domino Dorat scribere, se conscientiæ stimulis adactum, & penitentiâ eorum, quæ contra Regaliam unitis cum eodem Dorat consilijs exercuerat, Româ egressum, Regiamque Clementiam, à qua veniam speraret, appellâsse, atque, ut Dorat idem faciat, vehementer hortari. Ad hanc epistolam Doratus sequentem in modum respondit:

Amice ad quid scripsisti? Vestras decimo quarto Martij exaratas, quo tempore Christi Redemptoris nostri Passionem recolimus, ritè accepi. Fateor enim verò quæ Romæ, non quidem ea, quæ mecum in causa Regaliæ, sed quæ clam me secretò agitâstis, vobis meritò horrore esse. Illud quicque verum est, nec à me negari potest, cum dicitur, vos spe veniæ consequendæ ad nova consilia permotos esse; quamquam illud potius dici oportebat, vos vid. spe præmij consequendi, quo labores compensarentur pro Ecclesiæ juribus & libertate susceptis, invitatos esse; quippe vobis animus non fuit, pro Ecclesia militare, postquam armari contra vos mundum experti essis. Prius enim, cum nondum tempestas deserviret, ad eam Regaliam detestati essis, ut eam in epistola ad Illustrissimum Episcopum Apamiensem 18. Septembrii anno 1678. Parisijs data Jus imaginarium appellaretis, imò tam injustum, ut etiam jubente Episcopo ei promovendæ umquam animum adicere, Vestramq; operam locare sustineretis; & adjecistis: Optare quidem Vos, ut Regi citra culpam obsequi liceret, sed rem esse tam evidenter injustam, ut instrumentum esse nolitis ei protegendæ. Et in eadem epistola Vos ita Regaliam sectari ostenditis, ut eam improberis quidem, nec tamen eam deserendi animus virisque suppetant, sed similem captivo esse, servitutem averfanti, sed viribus destituto, quibus laqueos abrumpat. Et palmarium causam, quæ vos Regaliæ devinciat, adjungitis, vid. quia aliqui non essetis amicus Cæsaris. Et in alia epistola vigesima septimâ Augusti data: Tertiâ jam vice expertos Vos esse dicitis, nemini ad Regem aditum permitti, nisi qui animo veniat, omnia quæ ab illo sunt, collaudandi approbandique: & ipsos quoque Sorbonæ Doctores justissimam credere Ecclesiæ causam; ne id tamen scriptis testentur, metu prohiberi. Hac tunc quidem Vobis sententia fuit, non animo tantum, sed etiam calamo expressa, parvâ licet Regiâ disjunctis reverentiâ; at verò ubi mortuo Episcopo Apamiensi ex una parte mortuus quoque spes Vestras credidistis, ex altera metus & pericula se ostendârunt, tunc enim verò sepositâ fiduciâ, quam in Deo collocare oportebat, veritique familiæ Vestra paupertatem, nec aliâ ratione inducî, quam spe amplioris fortunæ, Con-

scien-

scientiam, Episcopum, Ecclesiam, Vestrosque Amicos deferere statuistis, imò Regi ipsius causam; quippe qui Vestris imposturis calumniisque id solum egistis, ut Eum veritatem celaretis, utque gratiâ apud illum exciderent, qui & Conscientiæ, & honoris titulo multò magis quàm vos Ejus obsequio adstricti sunt, quique & in hoc, & in prosequenda Ecclesiæ causa nullum aliud sibi præmium ante oculos ponunt, nec deinceps ponent, Divinâ favente gratiâ, quàm illud unicum, ut DEO vid. placeant. Revocato in memoriam, non prius Vobis aliis cogitationes, aliâque sententiam susceptas esse, quàm ubi advertistis, noluisse me cooperari, ut Beneficio, ad quod aspirabatis, potiremini; memineram enim, Illustrissimum Apamiensem sapè & me, & alijs coram palam professum esse, Vos ad vitam Ecclesiasticam minimè vocatos esse: quæ etiam causa fuit, ut numquam induci potuerit, ut Vos, quanvis per ætatem liceret, sacris Ordinibus initiaret. Illic quidem fama perccebit, Vobis eum honorem contigisse, ut ad Regis alloquium admittamini: quod si verum est, vereor, ut si oculos in faciem Vestram conjecerit, pro mirabili, quam à Deo accepit, segacitate, continuo agnoverit, nullam verbis vestris se posse fidem adhibere. Maluisssem equidem pro amore, quo vos complector, hæc omnia æterno silentio involvere, sed tam multa à vobis veritatis adversa & scripto, & facta prolata sunt, ut me cogere veritatem, quam aliàs celatam cuperem, palam edicere. Libellus, quem, uti scribitis, ad Regem dedistis, & hic ad Eminentissimum Cardinalem de Estrées, ad manus quidem meas necdum pervenit; caterùm cùm nullius nec in Regem, nec in Deum admisse culpæ mihi conscius sim, quidquid in eo continetur, si verum sit, pudori non erit; si falsum, imposturæ convincam, nec, ut spero, Deus umquam permittet, ut qui me cognoscunt, aliquid meis moribus indignum credant, præsertim cùm candor sinceritâsque mearum intentionum neminem lateat. Ego Romam adij jussu Episcopi mei, cujus merita pietâsque non vobis tantùm, sed etiam Ecclesiæ toti perspecta sunt. Ego primas negotij & industriæ meæ partes à precibus incepti, quas Sanctitati Sæ demississimè obtuli, rogaviq; interpositâ Eminentissimi Cardinalis Cybi operâ, dignaretur apud Christianissimum Regem secretam privatamque Episcopo meo audientiam obtinere; id enim mihi Episcopus imperaverat, sperabâque, si modò rationes ac momenta causæ suæ exponere posset, se jussissimo Principi faciliè persuasurum, non solùm ut institutum suum probaret, verùm etiam promoveret. Præclara sunt utiq; hæc innocentie meæ testimoniâ, nec credo suppetere vobis, quæ illis opponatis. Perrexi deinceps approbationem Constitutionum urgere, quas idem Episcopus meus ad

Capi-

Capitulum dederat, obtinuique à Summo Pontifice. Exhibui quoque epistolas Eidem Pontifici ab Episcopo, Capituloque Cathedrali datas, quibus Ecclesiæ sue libertatem commendabant; ac tandem nihil seu voce, seu scripto omisi, quod ad plenè informandam Sanctitatem Suam de iustitia causæ, quam defendendam susceperam, necessarium crederem. Hæc cum ita se habeant, quid tandem illud est, quod, ut dicitis, Conscientiæ mihi ducere, penitusque dare oporteat? an forte quoddam Confessariorum meorum consilij Suxque Sanctitatis Voluntati non sum plenè obsecutus? id enim mihi exprobratis. Ceterum quàm hæc querela nullo fundamento nitatur, Vobis perspectissimum est; ego enim quamdiu Romæ moratus sum, duobus tantum Confessarijs usus sum. Primus fuit R. P. Maria-na Sotini, Congregationis Oratorij S. Philippi, cujus memoria non Romæ tantum, sed in toto Orbe Christiano magnæ venerationi est, constat enim sanctitate florentem vivis excessisse; huic ego, donec consilio Medicorum Carbonianum Româ migravit, arcana commisi Conscientiæ meæ, & ex adjuncto litterarum exemplari, quas ad me dedit, perspicere licebit, quam ille de me opinionem habuerit: planè cum in laudes meas effundatur, maluisssem eas epistolas celari, nisi ut illas proderem calumniæ effecissent, quas in me conjecistis; ergo, ut verbis Apostoli utar, factus sum insipiens, sed vos me coëgistis. Alter meorum Confessariorum est R. Pater Ascanius Belluzius, Ejusdem Congregationis Superior, cujus laudibus recensendis consiliò abstineo, quippe adhuc viventis: quid ille de me sentiat, interrogari potest audiri que: Ætatem enim habet, ipse loquatur. Ipsius quoque Illustrissimi & Reverendissimi Episcopi Apamienfis operâ in expianda Conscientia quindecim ferè annos usus fui, dum in Apamienfi Diœcesi commorarer; & postquam me Romam contuli, non cessavi, quâ eras charitate, me litteris instruere, imò datis epistolis ad quamplurimos, eisque Primores, ipsûmque summum pontificem meam agendi rationem quàm plurimum comprobavit; quæ omnia argumento sunt, nihil contra illius intenciones à me peractum esse, præsertim si ea quoque ad animum reducat, quæ vos ipsi Ejus jussu ad me scripsistis. Sanè multò majori jure opponere ego vobis possem, quod vos ipsi viro fide dignissimo confessi estis, vid. & Roma à noto quodam Penitentiario, & in Aede Lauretana ab alio Societatis Jesu vehementer improbatam esse mutationem, quam tunc temporis meditabamini, quæque animum, & Conscientiam vestram aded agitavit, ut & somnus à vobis sugeret, & tristissimæ imagines oculis oberrarent, aded ut horrore metûque percellerentur, qui vobiscum sermonem miscebant, & ego alij; quamplures amici vestri id in vobis notarem; hæc, inquam, cum perspectum esset, vobis

vobis obijci posse, maluitis prævenire, iustasque querelas injustis calumnijs occupare.

Sed nec sufficit vobis, ut me Aula Regique Christianissimo odiosum redderetis suspectumque, nisi insuper idem Romæ, & apud Summum Pontificem moliremini, Cuius Voluntati dicitis me adversatum, & defectum obsequij eo prætextu velasse, quod non satis de rerum veritate Pontifici constaret. Caterum voluntatem Romani Pontificis quod attinet (quam me dicitis nullius pensi habuisse) adeo ex Brevibus ab Eodem Pontifice datis clarum est, ut omnibus constare possit, me ab ea nihil penitus deflexisse; & ego sapiens de hac causa cum Sanctitate Sua locutus sum, estque tanti momenti, ut ne diem quidem Romæ me passa esses consisteret, si contra illius intentiones aliquid moliri attentassetem. Quod si illud velitis, Pontificem meis sermonibus eo adductum esse, ut sententiam mutaret, seque ad alia consilia induci pateretur, magnam profectò injuriam ei facitis, perinde ac si tantus Pontifex ex meis nutibus arbitrioque penderet, nec quid factò opus sit, intelligere posset, nisi me suggerente. Illud verum est, quod, cum causa Regaliæ sit admodum recondita, multisque etiam Gallicanorum Scriptorum ignota, necessarium fuisse, ut Sanctitas quoque Sua dignaretur in ejus fundamenta exactè inquirere, quod etiam abundè fecit. Cum ergo hæc ita se habeant, ingenuè fateor, non posse me non vehementer admirari indignarique malignitati vestra, quæ totam epistolam aspersistis, & semel iterumque repetere: Amice ad quid scripsisti?

Causam Domini Serræ quod attinet, ipse rationem eorum reddet, quæ inter utrumque vestrum Florentiæ contigerunt; cumque sit vir æqui bonique amans, ingenuè veritatem fatebitur. Illud verum est, me nunquam induci potuisse, ut illis quæ scribitis fidem adhiberem, vid. cum vobis minas intentasset, ac coegisset, ut litteras ad R. P. Fabrii scriberetis, easque, quas Pater de la Chaise ad vos dederat, vi abstulisset: quis enim sibi persuadeat, hominem exermem nullisque clientelis subnixum in urbe tam grandi, & contra hominem tam robustum viridumque, ac viribus præpollentem hæc ausum esse? Planè hoc facinus haud dissimile videri possit pugna, quam David suscepit cum Goliatho Gigante, & quisquis utrumque Vestrum cognoscit, fabulam omnino narrari opinabitur. Quod si, uti scribitis, ingenuè professus est, vereri se, ne in Vestrum interitum rueretis, profectò à veritate non aberravit; quis enim credas vobis animum fore ad Vestras culpas dolusque palam faciendos, excipiendisque pœnas, quas propterea meriti estis, quando horrore paupertatis aliarumque adversitatum, quæ gloriose vobis fuissent, tam indigna perpetrastis?

Ræ

Causam

*Causam Ecclesiæ Apamienfis quod attinet, & cui Vos malè ominamini, ea talis est, ut omnino sperem, feliciter absolutum iri, nec minori Ecclesiæ, quàm Regni ipsius bono. Denique sibi Dominus Serti veritus est, ne nostro in Galliarum adventu vita mea periclitaretur, id illius tribuo charitati; alioqui tam mihi Principis justitia perspecta est, ut vanum credam, qui ob fideliter expleta Episcopi sui mandata penas ab æquissimo Rege vereatur. Quod si præter Christianissimi Regis intencionem ob expletas honestatis, & Conscientiæ meæ partes advenisset aliquid eveniat mihi, spero cum Divina gratia, me id æquo hilarique animo laturum: nec tam me, quàm illos potius miseros fore, qui earum calamitatum auctores mihi fuerint; nam ut bene & Cyprianus monet epistolâ 55. Cum nocentes innocentibus injuriæ faciunt, illi patiuntur injuriæ, qui facere se credunt. Er S. Hieronymus epist. 68. Non qui patitur injuriæ, sed qui facit, apud Christianos miser est.*

*Hæc sunt, quæ ad epistolas Vestras respondenda duxi, quibus illud adjungo, me namquam cessaturum pro salute Vestra memoriæ ad aras facere, imò multò jam ardentius quàm olim sacrum, quippe verbis Salvatoris nostri impulsus, pronuntians: Orate pro calumniantibus Vos; & exemplo quoque Regij Prophætæ excitatus, qui cum calumnijs suorum impeteretur, tantò impensius orabat: Locuti sunt, inquit, adversum me linguâ dolosâ, & sermonibus odij circumdederunt me, pro eo, ut me diligerent, detrahebant mihi, ego autem orabam. Ergo à Divina misericordia eandem Vobis, quas mihi gratias postulabo, atque utinam preces meas, quamvis ab indigno profusas, ille exaudire dignetur, quemadmodum servi sui Davidis exaudivit: Ego autem, inquit, orabam, & exaudivit me DEUS meus. Id Ecclesiæ hodierno Officio precatur, & ego ex toto corde persevero.*

Romæ 2. April. 1681.

*Humillimus & addictissimus  
Sertus*

Dorat Archipresbyter Aquis.

Docu-

## Documentum XLVIII.

Reverendi Patris Mariana Socini Presbyteri Oratorij  
JESU CHRISTI in Urbe, ad illustrissimum ac Reverendissimum  
Episcopum Apamiensem.

29. Octob. 1679.

Illustrissime ac Reverendissime Domine.

**M**agnam obtigisse mihi lucrum existimo, ex eo, quod mihi datum sit familiariter atque inime agnoscere Dominum Archipresbyterum Aquensem, Sacerdotem, liceat dicere, digne Evangelio Christi conversantem, operarium inconfusibilem, & quidem in illo & illustrissimam Dominationem Vestram agnovi, tanquam in Discipulo Magistrum, tanquam in filio Patrem, utinam dum utrumque ex corde veneror, utriusque etiam virtutes sedulo imitari incipiam.

Non sine magno ac justo animi motore audiavi motum magnum, qui factus est in mari, ita ut navicula Vestre Pastoralis Sollicitudini credita, jam videatur operiri fluctibus, & jam clamandum super sit: Domine salva nos, perimus. Magna quidem procella, magnum periculum: sed major ille, cui data est omnis potestas in celo & in terra, qui pro Sanctissimo Suo beneplacito imperat ventis & mari, & sit tranquillitas magna. Spero equidem, quod manus Domini erit cum Illustrissimo Domino meo; nec irrita fiet spes mea: quia in paterna DEI providentia, atque ipsius cause justitia, nec non in sapientij Præsulis vigilantia & constantia innititur.

Gaudeo, Illustrissime Domine, quod in negotio maxime arduo ac periculis pleno, non queras, quæ Tua sunt, sed quæ JESU Christi: quod omnia arbitreris, ut stercora, ut Christum lucrifacias. Gaudeo potissime, quod Zelum Dei habeas, ac Zelum secundum scientiam, Zelum illum, quem, ut agebat S. Bernardus, inflammat charitas, informat scientia, firmat constantia: Zelum servidum, circumspectum, invictum, Zelum denique humilem, docilem, absque ulla animi perturbatione, cum cordis dulcedine, cum debito charitatis ordine, ut in majora magis, in minora minus seratur Zelus; quæ quidem Zeli circumstantiæ fulgens egregie in Illustrissimo Domino meo.

Rr 2

Inficiatis



*Inficiari quidem non possumus, quin rerum maxime arduarum eventus, juxta inscrutabilia DEI judicia, incerti sint: sed certissimum est, quod fideliter ac fortiter propter Christum certantibus reposita sit corona justitiæ, quam reddet in illa die justus Index.*

Ego pluries allocutus sum Eminentissimum Dominum Cardinalem Cibam de rebus ad Ecclesiam Vestram spectantibus: ac testor, quod optimus hic Cardinalis agnoscat justitiæ causæ, nec non Spiritum verè Apostolicum, quo Illustrissima Dominatio Vestra negotium promovet; ipsumque negotium sapius ex corde commendavit Sanctissimo Summo Pontifici, nec unquam desisset à protectione tam piæ causæ; ac certa sit, quod Eminentissimus iste Princeps diligit ex animo Illustrissimam Dominationem Vestram, Vestramque probatam virtutem, prout meretur, in pretio habet. Ipse Summus Pontifex benignam præbet aurem negotio, ac favorem suum, prout DEUS dabit, impendet. Interim ego minimum, quod potero, libentissime adjiciam.

Obsecro Illustrissimum Dominum, ut excusare dignetur redditum nimis forum istius meæ Epistolæ. Etenim infirma mea valetudo, cui accedunt non modicæ occupationes, vel adimittit, vel minuit culpam tarditatis meæ. Ex corde commendatum me cupio Sanctis Vestris precibus, prout & ego semper memor ero Vestri apud Deum.

Scribo Illustrissimæ Dominationi Vestræ ex oppido Carbonianis in agro Romano, è rustico quodam prædio, quod pertinet ad nostram Congregationem Oratorij, ubi per aliquos dies detineor medicorum consilio. Utinam magnificem Christum in corpore meo, sive per vitam, sive per mortem. Die 29. Octobris. 1679.

### Documentum XLIX.

*Copia d' una Lettera del medesimo Reverendo Padre Mariana  
ad una persona di pietà.*

21. Octob. 1679.

**G**ia che si compiace di sentire il mio parere intorno all' impetrations delle SS. Reliquie al favore del nostro Signore D. Errigo Dorat, direi che la singolar bontà del supplicante merita qualche singolarità di gratia, essendo ci anco moral certezza, che sotto l'occhio suo saranno tenute con ogni veneratione e culto: è patiamo che non dispiacera à i Santi venire in mani così pie. . . . Lodarei che . . . rappresentasse al Signore. . . . il merito del Signore Don Errigo, che oltre alla sua bontà, è anco bene merito della

della Sede Apostolica per la sanrita delle cause, che promove in Roma, con suo dispendio, con fatiche, e con pericoli.... mi favorisca di dire al Signor Don Errigo, che io li do il mio placet, per ottenere le reliquie de'santi, con questo patto, che egli si obblighi di esser santo, e di redintegrare al suo tempo le reliquie, che toglie à Roma con le reliquie, che poi resteranno del suo corpo. Mi raccomando con tutto il cuore alle orationi.... e di luy. 21. Ottobre. da Carbo gnano 1679.

## Documentum L.

## Breve Sanctissimi D. N. INNOCENTII XI. PP.

Ad Canonicos Apaminienses.

## INNOCENTIUS PP. XI.

**D**ilecti Filij, Salutem & Apostolicam Benedictionem: Nihil accidere Nobis tristius poterat nuntio, quem cum rumore ipso publico vestrae litterae attulerunt; decessisse bonae memoriae Franciscum Apamiensis Ecclesiae Episcopum, eâ virtute, eoque Pastoralis zelo, & invictâ animi constantiâ præditum, ut Vir secundum cor Dei, & verè Apostolicus dici meruerit. Quod autem dolorem nostrum cumulat, eo tempore decessit, quo cum maximè vivere afflicta ejusdem Ecclesiae conditio postulabat. Causâ enim vestrâ, quos tam vigili Pastore, tam provido parente orbatos videmus, non mediocriter angimur. Omnem tamen doloris sensum ab animis nostris debet abstergere consideratio præmiorum, ad quæ illum, sicuti sperare fas est, tot pro sua Ecclesia exhausti labores, tot incommoda, atque ærumnae pro causa Dei sorti magnôq; animo ad supremum vitæ spiritum toleratæ, ex hoc mortali carcere evocarunt. Unde spes alia orbi debet, eum validiore in posterum patrocinio rebus vestris è Cælo assuturum, neque passurum, ut Apamiensis Ecclesia Disciplinam tam sapienter à se, tam salubriter restitutam quisquam mortalium invertat: sed potius à Misericordiarum Patre impetraturum, ut conversis in melius animis consilijsque aliter sentientium, pristina eidem Ecclesiae pax, tranquillitasque reddatur, ut sponsæ sibi per tot annos ad extremum dilectæ, in præsens viduatæ. Præsul si minus parè, simili tamen spiritus ac virtute contingat; modo vos fideles inveniamini in Canonica libertate ipsius Ecclesiae pro viribus tuenda, & in observandis sapientissimis constitutionibus, quas ab eo lucubratæ, vobisque ad sanctioris vitæ regulam pro instituti vestri sanctitate propositas, Nos non ita pridem Apostolicâ autoritate firmavimus:

Rr 3

que

quæ ut strenuè, & constanter exequamini, utque istius Diœcesis Clerum in tradita ab ipso disciplina sedulò contineatis, supervacaneum ducimus adhortari; cum diuturno experimento perspecta virtus, fidèsque vestra, plus etiam quàm à vobis petere æquum esset, polliceantur. Cæterum ex nostris ad eundem Episcopum Listeris decimâ septimâ Julij datis cognoscere potuistis, quàm præcipuum sibi locum inter Pontificias curas vindicet negotium Apamiense, cum quo plurimarum Galliæ Regni Ecclesiarum, vel potiùs totius Ecclesiæ Catholicæ causa conjuncta est. Meritas interim, rebus ab excessu Episcopi per vos piè ac fortiter gestis, laudes tribuimus, utque in instituto itinere strenuè pergatis, vos magnopere hortamur, nihil omisuri eorum, quæ ad prosperum rerum exitum conducere posse intelligemus. Speramus autem ac planè confidimus, divinam bonitatem, vos atque Ecclesiam istam singulari cum vestra laude & proventu ab omni tribulatione, quam subire necesse est, quicumque volunt piè vivere in Christo Jesu, quàm primam liberaturam. Læta interim vobis omnia assidue cum Divinæ Gratiæ incremento apprecamur, & intimo paterni amoris sensu Benedicimus. Datum Romæ apud Sanctam Mariam Majorem sub Annulo Piscatoris, die 25. Septemb. 1680. Pontificatus Nostri anno quinto.

Marius Spinula.

## Documentum LI.

Breve Sanctissimi D. N. INNOCENTII XI. PP. Ad  
illustrissimum Archiepiscopum Tholosanum.

## INNOCENTIUS PP. XI.

**V**enerabilis Frater. Non possumus non vehementer mirari, quod ad aures nostras pervenit, videlicet Fraternitatem tuam veritatem non esse passim absolvere eos, quos novo & injusto Regaliæ titulo, in Apamiensis Diœcesis Beneficia intrusos bonæ memoriæ Franciscus Episcopus declaravit obstrictos censuris, à Generali Concilio Lugdunensi influctis; cum præsertim non desint, qui parochiales quoque Ecclesias (rem antea inauditam) eo prætextu occupaverint. Admirationem verò Nostram vehementer auget, quod nihil statuere potes contra jura, libertatèque Ecclesiæ Apamiensis, quin idem contra Tholosanam, & universam Provinciam istam statuas. Præterea ignorare non potes, Episcopum ipsum Apamiensem à suis Sententijs ab Nos, & ad hanc sanctam Sedem appellasse, Nosque appellationem hujusmodi

• admittimus.

admisſe ; cujus rei vel umbra ipſa , ſi debitam Eidem Sedē reverentiam in conſilio habere voluiſſes , revocare te , atque retrahere ab incepto debuiſſet. Hæc ſcribenda ad Fraternitatem tuam duximus ; ut & ea , quæ perperam egifſi , corrigas , & à ſimilibus in poſterum agendis abſtineas , atque interim conſcientiæ tuæ conſulas.

Datum Romæ die 2. Octobris 1680.

Marius Spinula.

## Documentum LII.

Breve Sanctiſſimi D. N. INNOCENTII XI. PP.

Ad Capitulum Eccleſiæ Apamienſis.

## INNOCENTIUS PP. XI.

**D**ilecti Fili , Salutem & Apoſtolicam Benedictionem. Præter omnem expectationem Noſtram accepimus ex veſtris litteris , quæ nuper iſt- hic acciderunt de dilecto Filio Michaël d'Aubaredè Archidiacono , & Vicario Generali , per vos verum & legitimum ejusdem Eccleſiæ Capitulum conſtituentes , Canonice Electo , exulare juſſo ; deque admiſſis ad celebrationem divinarum officiorum ijs , quos tanquam in beneficiorum poſſeſſionem temerè ac violenter intruſos , bonæ memoriæ Franciſcus Episcopus veſter innodatos cenſuris , à generali Concilio Lugdunenſi iſtictis , promulgaverat. Veſtræ tamen pietatis , ac fidei eris , manere in ſtatione , & locum , in quo poſiti eſtis , conſtanter tenere , ſicut facitis : neque alios Vicarios Generales ſede vacante agnoſcere , quàm præſatum Michaëlem d'Aubaredè , & alios à vobis electos , vel eligendos ; quos etiam quatenus opus ſit , autoritate Apoſtolicâ confirmamus , & reſpectivè confirmabimus ; mandantes Clero tam Seculari , quàm Regulari & univerſo populo Apamienſi , ut neminem alium , quàm quos diximus , Vicarium Capitularem agnoſcant , aut illi actum ullum obedientiæ præſtent ; de quo etiam per vos , ſeu per electos à vobis Vicarios , moneri præſatos , Clerum , & populum volumus , ac mandamus ; alios enim , quicumque Vicarij Generalis autoritatem ſibi , quocumque nomine uſurpare auderent , antequam novum Episcopum Apamienſis Eccleſiæ præſecerimus , nullum planè jus , aut facultatem habere eos , negotijs ſe Eccleſiæ , & Dioceſis iſtius immiſcendi , eaque omnia , quæ Vicariatus ejusmodi titulo per eos agi contingeret , irrita , & inania , ac nullius momenti

momenti fore declaramus. Agenda interim Divinæ Misericordiæ uberes gratia de occasionibus, quibus virtutem, ac fidem vestram exercet, & de singulari constantia, quâ vos armat, ad omnia alacriter pro Christi nomine, cum gaudio sustinenda. Nos paternum Nostrium ob angustias vestras dolorem, eâ interim consideratione lenimus: quod multæ sunt tribulationes iustorum, & de omnibus eis liberabit eos Dominus. Ac vobis dilecti Filij, Apostolicam Benedictionem peramanter impertimur.

Datum Romæ apud Sanctam Mariam Majorem sub Annulo Piscatoris die 2. Octobris 1680. Pontificatus Nostri anno quinto.

Marius Spinula.

### Documentum LIII.

*Epistola Ioannis Cerle, Vicarij Generalis Apamiensis*

*Ecclesiæ, Sede vacante, ad INNOCENTIUM PP. XI.*

BEATISSIME PATER,

Post humillima Pedum oscula,

**S**im licet pulvis, & cinis, eâ tamen fretus benignitate, qui nos oviculas Vestras tamquam bonus Pastor Apostolicis humeris gestatis, & sacro gremio consovetis; non verebor ad Vos Dominum meum loqui, & in Sanctitatis Vestræ sinum meas, & totius Apamiensis Ecclesiæ lacrymas effundere. Sed quid lacrymas meroremque loquor, cum nobis potius lacrandum sit (si quidem verè Christiani sumus) illudque Pauli unicuique nostrum usurpandum: Repletus sum consolatione, superabundo gaudio in omni tribulatione nostra.

Quanta sit hæc nostra tribulatio, Pater Sanctissime, enarrare quis queat? Dum enim Sanctitas Vestra, pendente istiusmodi negotij tractatione, non solum poneret fulmina, sed etiam esseratos tot adversariorum nostrorum animos, omnimodis Paternæ Clementiæ officijs delinire conaretur, nobisque, & induciarum fides, & spes propediem ad futuræ pacis securitatem pollicerentur: ecce repentina tempestas ingruit. Quodque Sede vacante nihil innovari passi sumus, & nullâ ratione adduci umquam potuimus, ut anathematizatos, & publicè denuntiatos Regalistas in communionem nostram admitteremus; bonis, Patriâ, libertate spoliatur; erramus in solitudinibus, egentes, & angustijati, vinculis, catenisque conficti, per oppida circumducimur, ad terrorem omnibus innotendum: cum sicarijs, ac parvicidis, teterrimis ergastulis conclusi, suspiria mittimus surdis auribus excipiendâ; quid

quid plura ? Maledicimur , & blasphemamur : extra Synagogas faciunt nos : & ne quid malis nostris desit , in occasionem quoque mittuntur.

Stupenda , sed vera loquor , Pater Sanctissime ; extinctus enim est , sublatús-que durissimi carceris incommodis R. P. Carla , Canonicus , ac Prior noster ; sælix , quod libertati Ecclesiasticæ prima victima cecidit. Fuertat ille , venerabilis Episcopi nostri , in restauranda hujus nostri Capituli sanctiore disciplina adjutor , & administer præcipuus : jamque senescebat , suæ nostræque salutis sedulo invigilans ; cum ecce afflatus nobis , & lacrymantibus , repente , ac violenter eripitur. Nulla innocentissimo seni , qui vel vultu sanctimoniam spirabat , habita est reverentia ; laboribus , moribus , & extremâ macie consecutus rapitur , trahiturque in ultimos Gallie recessus , ibique in quadam arce includitur , quæ cum sit ad litus Mediterranei maris , sub pestilenti aere posita , optimo Seni exitio fuit. Morienti , ac sanum beneficium cum lacrymis posulanti , Ecclesiæ Sacramenta negata sunt ; quod , cujus scelere factum sit , nondum planè scire potuimus. R. Patrem Michaellem d. Aubaredæ Presbyterum virtutibus , quàm natalibus nobiliorem , quem putabamus exilio sanum mulctatum , audivimus ductum Cadomum , ibique in carcerem detrusum. Rev. Pater Rech , tam arctâ custodiâ inclusus restrictusque est , ut quid de eo factum sit , penitus ignoremus , nisi quoddà non levi auctore didicimus , multas illum , initio præsertim , arumnas esse perpeßum : quodque fidem superare videtur , multi temporis inedia esse cruciatum. Ceteri Canonici Regulares fratres mei sedibus suis pulsî , in varijs Oppidis inter se , & à nobis distitis , tristissimam ( secundum hominem loquor ) mestissimamque vitam agentes , exulant.

Ego peccator peccatorumque primus , solus relictus sum , ut hæc numiarem Sanctitati Vestræ. Quamquam quis relictum intactumque putet , hominem toties proscriptum , publicatumque , tam diligenter questum ? quem si quis in domum admisit , in summo bonorum libertatisque periculo versatur ? ad quem capiendum Gubernator & Præfes Provinciæ , ingentis mercedis pollicitatione , omnes , ac singulos cohortatur ? cui vincula , triremes , & acerbiora fortasse supplicia parata sunt ? Sed hæc mala , Beatissime Pater , culpæ meæ , atque adeò flagitia , in caput meum , justo DEI judicio invexerunt : cum sodales mei , quorum consortio , nec Mundus , nec ipsi digni sumus , non ut hostes , sed ut filij , non in pœnam , sed in probationem , & in præmium flagellentur.

Sic premimur , sic affligimur , Pater Beatissime. Nec minus habentur , quicunque suspecti sunt , auxilio nos , consilioque juvare suo , aut propensiore benevolentia nos prosequi. Non modò periculosa , sed etiam exitiosa res est amicitia

S a

nostra,

*nostra, quemadmodum multi experti sunt. In his est Albienſis Eccleſia Theologus, nomine Duſerrier, vir inter noſtrates, ſi quisquam alius, de Eccleſia bene meritus, pietate, eloquentiâ, rerum Eccleſiaſticarum peritiâ conſpicuus, quem bonus quiſque Episcopuſ non modo complectitur ut filium, ſed etiam audit, ut magiſtrum, reveretur ut patrem. Hunc in extremam ſenectutem vergentem, in ultimos Burgundiæ fines ablegârunt, non alius certè criminis reum, niſi quòd adverſarijs in ſuſpicionem venerit, venerabili Episcopuſ noſtro, & nobis conſilium aliquando dediffe. Simili pœnâ, & ob eandem cauſam, affectuſ eſt Preſbyter aliuſ nomine Jacobuſ Caſanave, qui Eccleſiam Tholoſanam eximiâ pietate, & Academiam ſingulari doctrinâ cohoneſtat.*

*Oboruntur mihi lacrymæ, cùm de nobili quodam adoleſcente mentionem facio, qui, quòd mandatum aliquod noſtruuſ Apamienſis Eccleſiæ ſoribuſ appen-diſſet, in horrendaſ ſubterranei carceris tenebraſ projectuſ eſt, ibique ſortore, alijsque loci moleſtijs propemodum enecluſ: ut pro magno beneficio habuerit, hinc educuſ, ad Tribunal extraordinarij Judicis, magna cum ignominia trahi, capitiſque periculum adire. Plus illi nocuit unus è noſtris, qui conſanguineuſ ejuſ eſt, quàm proſit habere patruum inſignem militiâ Virum, & rebus geſtiſ toto Orbe conſpicuum. Quâ re proſectò, ſi quo alio argumento, intelligi poſſet, quanta ſit adverſariorum acerbitas, odiorumque magnitudo.*

*Alioſ permultoſ omiſſito, Pater Sanctiſſime, pro cauſa Dei extrema quæque ſubeuntes. Sed hæc quanta ſint, levia fortaſſe videbuntur, ſi conſcrantur cum lugendo illo ſchiſmate, quo in Eccleſia Apamienſi tunica Chriſti inconſultiſ ſcinditur.*

*Illuſtriſſimuſ Archiepiſcopuſ Tholoſanuſ non dubitavit Preſbyterum quemdam mittere, qui per ſummam vim nobiſ omnibuſ expulſiſ, in illa Eccleſia, Sede vacante, vices illiuſ ageret, reverà, ut Sponſam Chriſti Regaliſtiſ, ut vocant, concuſcandam, adulterandamque traderet.*

*Religio magna eſt, ac ſumma pietas huic Vicario Generali, pertam contra Canonicas ſanctiõneſ auctoritatem, armis, quibuſ tota Regio perſtrepit, afferere: anathemate percuſoſ homineſ altaribuſ admoovere: plebem Chriſtianam ad celebranda cum excommunicatiſ myſteria, & ab ijs ſuſcipienda Sacramenta, rennientem licet, & fidem ſacrarum legum obſtantem, inmiſiſ militibuſ adigere: Monachos, & Sanctimonialeſ in obſequio remanenteſ, ab uſu Sacramentorum arcere, & Monaſterijs ſuiſ ejicere: Sororem Episcopuſ noſtri, alteram Tabitham, viduam Dynaſtæ Mirapicenſiſ (quod nomen inter primateſ Regni percelebre eſt) quæ jam multoſ annuſ, erudiendiſ in Chriſtiana diſciplina pau-*  
peribuſ

peribus puellis, cum nonnullis pijsiimis Virginibus, quæ secum alebat, summa cum humilitate vacabat, Apamijs expellere: Seminarij Domum, qui locus orationi, pijs lectionibus, religioso silentio sacer hucusque fuerat, Regaliscliarum clamoribus, aleis, compositionibus, in multam noctem protractis, sedandam relinquere: Apamiarum Prætori, Provinciæ Fuxensis Proregi, Aquitanie Præsidi, eorûmq; Ministris Ecclesias, ac Monasteria diripientibus, rapinisque, ac sacrilegijs cuncta miscentibus, non solum non resistere, sed etiam omni ope favere, adniti, præstò esse.

Tot tantisque flagitijs, ex uno schismate, tamquam ex suo fonte profluentibus, accessit hæresis. Ajunt enim homines isti Ecclesiæ perduelles, ac publicis instrumentis consignant, jus istud Regaliæ, non aliunde adscitum, non Ecclesiæ, aut Sanctæ Sedis beneficio partum: sed ipsis Regibus innatum, ipsorûmq; scepro, ac diademati naturæ legibus ita esse conjunctum, ut ab ijs nullâ ratione divelli possit: hoc est, licere laicis, quatenus laici sunt, si modò rerum potiantur, præcipua Episcoporum obire munia: Canonicos, qui Sede vacante spiritualem jurisdictionem habent, efficere: Theologos ad prædicandum Dei Verbum mittere: Parochis curandas animas tradere, & alia id genus multa præstare. Qui error, Pater Sanctissime, Henricianæ hæresi, toties a Sancta Sede profligata, non modò similibus est, sed eâ multò pejor, multoque pestilentior. Quod enim Henriciani obsecrè, & quasi per ambages innuebant, isti palam profutentur, & prædicant. Ex investituris veniebat quidem ad hæresim; at sensim, nec nisi per multos gradus. At in Regalia statim se prodit, & quæ olim in investituris erubescbat, os, frontemque meretricis assumit Hæresis.

Hujus præcipui fautores, Pater Beatissime (horrens, lugensque dico) RR. PP. Societatis JESU censentur, & sunt. Non mentior Petro, quem scio coram se mentientes verbi sui mucrone aliquando interemisse. Hi enim privatis colloquijs, publicis professorum prælectionibus, libris quoque in lucem editis, Regnantium in rebus Ecclesiasticis auctoritatem evehunt, & extollunt. Hi Summos Pontifices, quorum constantia in vendicanda Ecclesiæ libertate omnium seculorum venerationem promeruit, tanquam aut plus æquo credulos, aut nimium in consilij præcipientes, aut gerendæ rei parùm idoneos spernunt, scominatis dicerijsq; prosciunt. Non habent alios Regaliæ consiliarios, patronos, amicos: per hos fit illis in Aulam aditus, Horum consilio, suasûque, multi quos antea religio impediabat, fractis tandem conscientie repagulis, in Beneficia Regaliæ, ut mentiuntur, obnoxia, impetu facto irrucunt. Ut non innumerò quispiam dixerit, Regaliæ parentem esse Patrem Ferrieri.



nutritium, & educatorem Patrem de la Chaise: præconem Patrem Maimburg: Defensores, & Advocatos, atque aded milites, cæteros omnes Jesuitas. Quod quidem mirum nullatenus videri debet; pinguioribus enim Regiæ fructus Societas percipit; nam cum hujusmodi Beneficia ex nutu serè, ac voluntate Confessarij conferantur à Principe, nullà re magis Societatis potentia provehitur. Hoc illi familias devincit, hoc innumerabilem clientum multitudinem illi conciliat.

Quod pertinet ad Archiepiscopum Tholosanum, ut est Jesuitis in cæteris rebus addictissimus, ita in opprimendis nobis conjunctissimus. Hujus erga Sanctam Sedem animum nulla res magis demonstrat, quàm quod nuper recepto Apostolico Brevis præstitit. Vocat illico Regium Notarium, jubetque scribere: nescias esse sibi ullum Pontificium rescriptum injussu Regis, aut legere, aut aperire. Eam esse Concordatorum fidem: sic ferre Ecclesiæ Gallicanæ libertates. O miseram libertatem, omni servitute crudeliorem! quâ durissimo secularium potestatum jugo Gentium Regina subjicitur, totque habet ergastula, quot sunt in Gallia Jurisdictionum Curia.

Ad istiusmodi calamitosam libertatem pertinet, quod nuper in Senatu Tholosano, autore Illustrissimo Archiepiscopo, factum est. Nam cautum fuit, ne quis in posterum ullum Apostolicum Breve reciperet, quod non esset prius in Consilio Regis excussum, ipsique probatum, multâque immensa dicta eis, qui secus fecerint.

Ego verò, quod Breve miserum, ac unus è Canonici nostris, quod obtulerit, in pœnam nescio quam (gravissimam certè) diligentissimè quærimur.

Ecce, Sanctissime Pater, non Apamiensis modò, sed totius Ecclesiæ Gallicanæ misera, & ærumnosa conditio! Hæc ad Sanctitatem Vestram supplices manus tendit, quantum per vincula, quibus atteritur, tendere licet. Consolamini, precor, marentem, erigite conculcatam, vincam, captivamque redimite. Pereat, Pater Sanctissime, spes adversariorum nostrorum, qui totam vincendæ fiduciam in eo collocant, quod tristissimum, acerbissimumque luctum universo Christiano Orbi asserere debet. Quorsum enim negotium istud in tam longas, tamque affectatas moras protrahitur? sperant, nimirum, nec dissimulant, extinctis tum Alecensis, tum Apamiensi Venerandis Præsulibus, qui duo soli conatibus eorum adversabantur, litem ipsam ex ipsorum voluntate, sub alio Summo Pontifice, finem propediem habituram.

Quod quidem, vel cogitasse scelus, & parricidio simillimum. Sed hæc tam impia, tam crudelis expectatio divinæ providentiæ munere decipietur. Vivet, vivet

viveret in multos annos Sanctitas Vestra, Ecclesiamque Gallicanam non modò Regaliæ compedibus liberabit, sed alia quoque vetustiora ipsius vincula catenasque confringet. Cujusmodi sunt, extincta prorsus Ecclesiastica jurisdictio: Clericorum omnium pessumdاتا dignitas: & ea portenta, quæ vocant Appellationes ab abusu, quibus quidem per summam temeritatem, & supra Episcopale fastigium, & supra Sanctam Sedem erigit se saculare Tribunal.

Hæc sunt vota, Sanctissime Pater, non nostra duntaxat, sed omnium serè tum Clericorum, tum Episcoporum totius Galliæ, quorum eadem est nobiscum sententia, etiamsi præ metu longè sit dispar agendi ratio.

Quod ad nos attinet, Pater Beatissime, immensas Sanctitati Vestræ gratias referimus, non solum quòd nos, causamque nostram, Paternâ benignitate prosecuta sit, sed etiam, quòd ad nostram tenuitatem scribere indignum Apostolico vertice minimè putaverit. Qua in re, Pater Beatissime, sicut in cæteris omnibus, sanctorum Apostolorum vestigijs insistitis; nam & Paulus pro Onesimo fugitivo mancipio, & Discipulus Domini, Electæ saminæ Canonicam scripsit Epistolam. Nos verò ea res, & honore cumulat, & solatio plurimum afficit. Nam quemadmodum Machabæi inter tot adversa, nullum aliud rebus suis persugium somentumque quærebant, habentes solatio sanctissimos libros; ita nos tot malis jactati, tot incommodis affecti, vix tantis doloris acerbisatem sentimus, habentes solatio Apostolicas litteras. Ignoscat precor, Sanctitas Vestra, quòd ad Ipsam minùs decenti chartâ scribere non dubitaverim. Istud non meæ culpæ, sed sugæ tribuendum. Vestros Apostolicos pedes exosculari, sacræque vestigia adlambere gloriatur 7. Januarij 1681.

Sanctitatis Vestræ

Humilissimus & obsequenissimus famulus  
& in Christo Filius

Joannes Cerle Vicarius Generalis.

## Documentum LIV.

Breve INNOCENTII XI. PP. ad R. P. Ioannem Cerle,  
& Capitulum Ecclesiæ Apamiensis.

*Dilectis Filijs Ioanni Cerle, Canonico & Præcentori,  
& Vicario Generali, Capitulo & Canonicis Regularibus  
Ecclesiæ Apamiensis.*

## INNOCENTIUS PP. XI.

**D**ilecti Filij, Salutem & Apostolicam Benedictionem. Quoniam novâ in dies prodire accipimus Sathanae artes, & machinationes; ut quæ à pie recordationis Francisco Episcopo Vestro pro istius Ecclesiæ, & Diocesis utilitate salubriter statuta fuere, penitus evertat, & eorum quæ hucusque acciderunt, experientia nos admonet, non desuturos filios perditionis, errare facientes in via plurimos, qui miscere ac turbare nitantur omnia, perperam interpretando litterarum, ac mandatorum nostrorum sensus, ut excusent, pro more suo, excusationes in peccatis. Nos ne ullum huiusmodi hominum molitionibus locum relinquamus, ad litteras, quas die secundâ mensis Octobris, super negotio Vicariatus Capitularis ad vos dedimus, uberius explicandas per Præsentes addendum duximus. Quod si quis præter Vicarios Capitulares, qui à vobis verum Apamiensis Ecclesiæ Capitulum constituentibus, Canonicè, & de more electi fuerunt, vel pro re nata eligentur, quos auctoritate Apostolicâ, quatenus opus sit, confirmamus, & resp. citrè confirmabimus, Vicariatus ejusmodi nomen, auctoritatemve quocumque titulo electionis, vel deputationis factæ ab intrusis in Canonicatus ejusdem Cathedralis, quos idem Episcopus promulgavit obstrictos censuris gener. alis Concilij Lugdunensis; vel ab ipso Metropolitano, vel ab alia quacumq; potestate usurpare præsumperit: omnia ab ipsis eo nomine acta vel agenda, decreta vel decernenda, cum omnibus & singulis inde secutis, & quomodolibet secuturis, temeraria, & à non habentibus potestatem attentata, ideoque irrita & inania, ac nullius roboris fuisse, nec unquam fore declaramus: eisque, qui prætextu electionis, vel deputationis ejusmodi ullam jurisdictionem exercere ausi fuerint, in virtute sanctæ obedientiæ, & sub pœna majoris excommunicationis, privationis dignitatum & Beneficiorum, quæ obtinent, & ad alia obtinenda inhabilitatis perpetuæ ipso facto incurrendæ districtè prohibemus & interdiciamus, ne id facere ulterius præsumant. Eos quoq;

qui

qui illis quomodolibet paruerint, aut favorem, consilium, auctoritatem quocúmque modo præsiterint, cujuscúmque ordinis gradus, ac dignitatis sint, tam Laicos, quam Clericos, tam seculares, quam Regulares, etiam Patres Societatis JESU, & Metropolitanum ipsam, quem ceteroqui præter causæ meritum, perspecta voluntas nostra, & per nos admissa appellatio ab ejus sententijs, debent in officio continere, similibus respectivè pœnis eo ipso & absque alia declaratione inmodamus, & inmodatos fore decernimus ac mandamus; ac earundem pœnarum absolutionem, & relaxationem Nobis & Romano Pontifici pro tempore existenti dumtaxat specialiter reservamus: monentes insuper utriusque sexus fideles, de quarum æterna salute solliciti esse debemus, invalidas esse ac fore confessiones, quas Presbyteri Sæculares, vel Regulares vigore facultatis à prædictis nullo modo electi, vel deputati Vicarijs, audierint, vel in posterum audient: nulla & invalida matrimonia coram Sacerdote, aut Parocho non Canonice ingressi contracta, vigore licentiæ ab eis concessæ, ac proinde sic contrahentes in concubinato victuros: idemque de Parochijs & alijs Beneficijs per eos collatis decernimus, & ordinamus; & de Licentijs concionandi, & de quocúmque alio actu, aut decreto per eos facto, vel faciendo. Vos interim, dilecti Filij, loci & maneris vestri memores, in creditam vobis curam diligenter incumbite, & hausitam ab egregio Pastore, & Patre vestro disciplinam, Apaniensis Ecclesiæ bono, & aliarum incitamento constanter retinete. dum Nos impensè precamur, eum qui habitat in concilio Justorum & Congregatione, ut sit in medio vestrum, & suâ præsentis ope vobis continenter adesse velit, quibus Apostolicam Benedictionem peramanter impertimur.

Datum Romæ apud Sanctum Petrum sub Annulo Piscatoris, die prima Januarij 1681. Pontificatus Nostri anno quinto.

Marius Spinula.

## Documentum LV.

*Epistola R. P. Cerle ad Sanctissimum Pontificem*

INNOCENTII PP. XI.

*Sanctissimo D. N. INNOCENTIO XI. Pontifici Maximo.*

BEATISSIME PATER,

Post humillima Pedum oscula.

**A**ceptis flexis genibus, pronòque in terram vultu, Sanctitatis Vestræ litteris ad meam tenuitatem die primâ Januarij datis, dixi cum Paulo: Benedictus DEUS, & Pater Domini nostri JESU Christi, pater misericordiarum, & DEUS totius consolationis, qui consolatur nos in omni tribulatione nostra.

*Qua*

*Quæ enim tanta est, Beatissime Pater, tamque acerba tribulatio, quam non delinuat vel sola tanti tamque mirabilis Pontificis de nobis recordatio? qui se- rum in universos fideles, tum peculiariter in nos, quantumvis immeritos, Chri- sti Vicarium exhibet, non solum in plenitudine potestatis, verum etiam in plenitudine charitatis? Quæ tanta est præ malorum pondere, animi abjectio, quam non erigant invictum illud animi robur, quod in Sanctitate Vestra pro tuenda Ecclesiæ libertate pij omnes hujus Sanctæ Matris Filij demirantur, illaque se- dum ipsius assistrix sapientia, cujus ope atque lumine inter calumniarum te- nebras, & mendaciorum caliginem, veritatem atque justitiam tam perspicaciter intuscescit?*

*Sunt equidem, Beatissime Pater, etiam in Gallia non pauci Sacerdotes, Monachi, Senatores, omniumque ordinum homines, qui etiamsi aliter palam loquantur, etiamsi opem nullam ferant, etiamsi metu potestatum insensos sese simulent, nobiscum tamen sentiunt. & ubi fidos arbitros nacti fuerint, quan- tum nobis condelegant, dissimulare non possunt. Hac animorum circa causâ justitiæ consensio non parum affert consolationis, sed nisi Sanctitatis Vestræ frequentes consolationes, & quod jam experti sumus, multoque magis quod adhuc speramus, efficax auxilium, confirmarent, fortasse quos calamitatum acer- bitas nondum dejecit, diuturnitas tandem opprimeret: aded enim non minui- tur incendium, quo jam pridem flagrant Apamiæ, ut majores in dies vires capere videatur, pergentibus nos affligere atque conterere, iisdem qui antea ho- minibus,*

*Abuterer, Beatissime Pater, Sanctitatis Vestræ benignitate atque patientiâ, si quæ illi postremis litteris mala percensui, adhuc commemorarem. Id unum affirmo, tantum abesse, ut quæ his litteris continebantur, veritatem excederent, ut etiam purissima omissa fuerint. In his sunt exilium Canonici Ecclesiæ Col- legiæ Apamiensis, nomine Mascara, qui, quod divinis interesse cum Regali- bus excommunicatis constantissimè recusaverit, in urbem Brivam Diocesis Le- moricensis relegatus est: exilium procuratoris Fiscalis Reverendissimi Patris no- stri Episcopi Apamiensis in oppidum Daubusson relegati, eo quod inter concio- nandum fideles ad fundendas in præsentibus Ecclesiæ necessitatibus preces fuisset cohortatus: arumnæ Parochi beati Genesij de Mongaillard, ob publicatam signi- ficatamque ordinationem nostram, & Vicarij beatæ Magdalænæ de Sauras, ob solam de affixa Ecclesiæ soribus eadem ordinatione suspensionem, in carcerem detrusorum: pecuniarum summa ab alijs excussa ob dilationem in agnoscendo Vicario Generali à Reverendissimo Metropolitano delegato: Patribus Prædicato- ribus*

ribus Apamiensibus, quod eidem Vicario parere, & officia divina coram Clericis sub pretextu Regalia in beneficia nostra intrusus, ideoque publice declaratis excommunicatis celebrare recusaverint, erepta schola Philosophiæ cum suis stipendijs, & in Jesuitarum Gymnasium transvecta, additâ insuper prave Doctrinæ criminatione. Verùm quæ omnia vix longâ possent enumeratione comprehendere, ex immani superioris Aquitanicæ Præsidis voce conjici poterunt: Tædet nos, inquit, exilijs tantùm atque carceribus insanos istos homines plectere: jam crucibus res agenda est, ut perduelles, qui aliâ ratione domari non potuerunt, istâ tollantur.

Ex illis, quæ postmodum subsecuta sunt, Beatissime Pater, pauca seligam. Vix è manibus emissæ fuerant posteriores nostræ ad Apostolicos Sanctitatis Vestra pedes litteræ, cùm Prætor Apamiensis in optimos quosque Parochiarum Rectores truculentissimè irruit, propterea solum, quod putaverant oportere Deo magis obedire, quàm hominibus. Quos quidem capere potuit, ut Parochos sancti Juliani d' Axiat, sancti Petri d' Ormolac, sancti Laurentij de Verniole, sancti Petri de Bonac, tam arcte custodiæ mancipavit, ut nec Missæ audientia, etiam diebus dominicis, nedom celebrandæ sacultas concederetur. Aliorum, qui fugâ salutem consuluerant, suppellectilem, pecunias, frumentum, & quidquid juvandum alendisque Christi pauperibus provida paraverat charitas, invasit. Quo pacto impletum est, nec uno modo, quod dictum est per Isaiam Prophetam: Parvuli petierunt panem, & non erat, quæ frangeret eis. Nam & corpori suus panis, & animæ suus ablatus est. Expulsis verò Pastoribus substituiti sunt lupi, qui non solidum dispensant Evangelij cibum, sed venenatam propinant doctrinam, laxam vivendi rationem non solum concedentes, sed ad eam etiam invitantes. Parochi qui non animarum tantum, sed & corporum etiam necessitatibus paternâ providentiâ consulebant, vilioribus cibis dubiam & ærumnosam vitam tolerant, solisque interdum lupicinis rescuntur à suis Parochianis emendicatis, nocturne quæsitis, & in suspiciosissimis temporibus tremulâ manu datis atque acceptis.

Pater Franciscus Rousse, qui solus è fratribus nostris Canonicis, non in civitate (ibi enim ne unus quidem supererat) sed in quadam hujus Diocesis Parochia hæcenus relictus fuerat, sive quod adversariorum oculis non ita frequenter esset obvius, sive quod propter optimæ indolis innocentiam parùm ipsorum studijs nociturus crederetur, tandem & ipse post graves minas & convicia, viro Religioso & Sacerdote indignissima, conjectus est in carcerem, ubi quæ ad sustentandam vitam necessaria erant, cùm nec amici possent, nec ini-

mici curarent suppeditare, appenso ad fenestras sacco, dum hæc ad Sanctitatem Vestram scriberem, emendicare meditabatur. Sic nimirum plectendum erat crimen ipsi objectum, quod scilicet in quadam ordinatione nostra paucos Typographi errores emendasse incassaretur.

Similem experti sunt ulionem Vicarij Sancti Baudelij de Siguer, & Sancti Petri de Mauleon, licet non ipsi, sed Parochi, rei judicarentur; alter quidem quoddam Concionatorem à Vicariatus Generalis usurpatore missum admittere recusaret: alter quod me insectantium iram fugientem hospitio exceperisse falso crederetur. Affliguntur enim, non solum qui Ecclesiæ juribus, aut ea defendentibus favent, sed & qui vel minimâ circa hoc laborant suspitione.

Non est, Beatissime Pater, habita sexus ratio: exulavit Mater Anna Carmelitarum Virginum è numero prudentiam præposita, cujus precibus, operibus & præsertim uberrimis pœnitentiæ fructibus, non parùm, uti putamus, apud Deum res nostræ juvabantur; non alia de causâ, quàm quod Sanctitatis Vestræ litteris cohibita, non petuerit, nec ipsius alumine, spretis nobis, Vicario Generali ab Illustissimo Archiepiscopo Tholosano Apamias missis, obedientiam exhibere.

• Malè habetur Urbanissarum Sanctæ Clare Virginum conventus constantissimè nobis semper adhærens, quia illarum Priorissa non receptis Sacramentis decessisse creditur, repulsis scilicet Sacerdotibus à prædicto Vicario Generali commissis, eaque offerentibus; quamquam divinâ sic ordinante providentiâ non desuerit, qui à nobis legitime approbatus necessaria omnia occultè ac quasi furtim, administraverit.

Eò devenerunt cecitatis tot malorum auctores, ut non à nostris tantùm ordinationibus; sed etiam à Sanctitatis Vestræ Censuris tutos se arbitrentur, si litteris illis continentibus aditus omnes præcludant. Excubant in Civitatis Apamiensis muris, ad ejus portas, & extra in via custodes, qui accedentes quosque excutiant, ne fortè aliquis altius minùs gratus illuc clanculum inferatur. Si mihi, Beatissime Pater, Ecclesiæ hujus jura aliunde non constarent, vel ipse introducenda in eam Regaliæ modus suaderet, causam justitiâ non niti, quæ tam violentis, tamque à Christiana charitate, atque à Canonica disciplina alieni vijs, ad finem insensum promoveatur.

Sed si juxta Incarnatæ Veritatis oraculum à fructu arbor certissimè cognoscitur; quo modo potest bona esse, quæ tam malos fructus facit? Qui à nostris nos beneficijs exturbârunt, eorum redditus in ludos, compotationesque expendunt. Dominica tertiâ in quadragesima, tres ex illis post lautam Cœnam apud unam ex istius Civitatis Magistratibus usque ad tertiam post mediam noctem horam, vigiliam

gitiā protraxerunt, ut cum sœminis, quibuscum cœnauerant, operam choreis darent. Qua in re, eò majus creavis eorum licentia scandalum, quòd erat à moribus sub prædicto Episcopo viventium remotissima. Vicarij Generalis ab Illustrissimo Archiepiscopo missi præsentia, licet non per totum illud tempus, intercessit. Non in laicis tantum ædibus, sed & in proprio conventu, Religiosis viris indignissima præstant. Domus illa, quam domum orationis dicere non dubitabo, in qua nos Reverendissimus Pater noster Episcopus Apamienfis, nuper in Christo rursus genuerat, foverat, enutrierat, suis verbis, & multò efficacius exemplis ad omne virtutum genus instruxerat; domus illa, inquam, dum Dominus Episcopus extremo morbo laboraret, aut etiam dum gratisimum Deo spiritum redderet, propriæ ipsius sorori, quamvis pietate in tota Gallia celebri, ac de Diœcesi Apamienfi ob institutam Virginum societatem, ad erudiendas in Christiāna disciplina puellas optimè merita, non est concessus introitus; domus, inquam, illa, nunc domicilium Regalistrarum est, qui non inter se solum, sed Aliquando etiam cum mulieribus ibi lautius epulantur. In eo horto, ubi non nisi spiritualia colloquia serè habebantur, visæ sunt adolescentulæ cum novis istis Canonicis prophana colloquia miscemes. Liceat hîc exclamare cum Propheta: DEUS venerunt gentes in hæreditatem tuam, polluerunt templum sanctum tuum.

Quàm felix esset Apamienfis Ecclesia, si cum externis hostibus sibi pugnandum esset; si paratæ ab Eshnicis cruces, equulei, rogi, craticulæ, in orbitatem conjicerent. At Ecclesiam cum Ecclesia dimicare, lucuosissimum miserrimumque est. Vix dici, vix capi potest, Beatissime Pater, quàm multis ijsque gravissimis vulneribus, Reverendissimus Archiepiscopus Tholosanus Christi sponsam in nostra Diœcesi affecerit, paternas Sanctitatis Vestræ commonitiones, imò & litteras ipsas parvi pendens.

Scio, Reverendissimos Episcopos in Comitij Occitanie congregatos, ægerimè tulisse, quòd Præsul ille nefas sibi dixisset, Apostolicas litteras legere, priusquam Regi fuissent exhibitæ. Quod quid aliud est, ajebant, quàm turpissimum cervicibus nostris jugum imponere, quàm sacra inter Patrem & Filios commercia præpedire, quàm æternum afflictorum Episcoporum asyllum objecto novo isto obice claudere?

Ea est, Beatissime Pater, Metropolitani nostri erga Apostolicam Sedem observantia, de qua, ut accepimus, in suis ad Sanctitatem Vestram litteris gloriatur, ut brevissimo intervallo post oblatum sibi Breve, die secundâ Octobris datum, ordinationem ediderit, quam & alias antea editas executioni mandari præcipiebat, non obstante quacumque appellatione, vel jam emissâ, vel in poste-



rum emittendâ, quæ clausula non nisi ad Sanctam Sedem referri poterat, tum quia Ecclesia Tholosana, aliam à Romana superiorem non agnoscit, tum quia eò tendebat hæc ordinatio, ut aliam à nobis promulgatam abrogaret, quâ interpositâ jam appellationes ad Sanctam Sedem rursus declarabatur.

Infremuit nuper Tholosa, cum audisset varijs commonitionijs, dicti Illustrissimæ Metropolitanæ auctoritate, anathema proclamari ad inquirendum in eos, qui Apostolica de rebus nostris Brevia, aut Gallicè vertissent, aut Typis mandassent, aut populo legenda proposuissent: videlicet crimen est igni & ferro vindicandum, in re tanti momenti, doceri fideles, quodnam sit de tam celebri lite Sanctitatis Vestræ iudicium, & quisquis vel authores, vel fautores novit, ad denuntiandum excommunicationis gladio sit attendendus. Tantâ commotus audaciâ gravissimus Senator ait, fore propediem, ut coram Officiali Tholosano dies summo Pontifici diceretur.

Solez identidem dictus Archiepiscopus Tholosanus, & nos, & defunctum Venerabilem Patrem nostrum Episcopum Apamiensem insanos vocare, quod pro re tantilla, & ad disciplinam tantum pertinentem, tot adversa perpessi sumus. Verum quocumque nomine res ista nuncupetur, malumus cum Gregorio septimo, Gelasio secundo, Anselmo, Thoma Cantuariensi, alijsque sanctis Pontificibus, quorum vestigijs in hoc stadio premimus: malumus, inquam, (quod pace illius dictum sit) cum istis Ecclesiæ luminibus insanire, quam cum Tholosano Antistite sapere.

Miror istam sapientiam non perspicere, quod insaniam nostram nunquam Latere potuit; videlicet, non disciplinæ splendorem tantum, sed Regiam Ecclesiæ dignitatem, sed fidem planè hoc in negotio in discrimen vocari. Volunt adversarij, licere Regi decimas, rem sacram, sedè vacante, capere, Dignitates aliâque Beneficia pleno jure tribuere; non simplicia modò, verum etiam ea, quibus animarum cura conjuncta est, idè & metas Parchias. Quo pacto, ut de alijs sileam, Archipresbyteratu Aquensi, clarissimo Magistro Dorat erepto, potitur in præsentiarum Regalista Moreau, unius ex Patribus Societatis nepos: quem hac de causa excommunicatum ab Illustrissimo Domino Episcopo Apamienfi declaratum, Dominus Archiepiscopus Tholosanus absolvit.

Affluserat, Beatissime Pater, spes aliqua, fore, ut ab Illustrissimo Archiepiscopo Tholosano pace frueremur, sparsâ scilicet famâ, ipsum ad Sanctitatem Vestram literis scripsisse, quibus se imposterum à rebus nostris velle penitus abstinere profiteretur: sed evanuit citissime, multiplicatis à prædicto præfule Vicariarum Generalium pro nostra Diœcesi nominationibus. Cum enim prima à  
se sa-

se scire, & ab ijs ipsis, quos consuluerat, damnata; vitium tandem agnovisset, jam quidem revocavit: sed post Senatus Parisiensis placitum, cui in edicto suo se obsequi proelatur, Illustrissimum Episcopum Leonensem novâ presumptione Vicarium Generalem creavit; & summum Sacerdotem de Regali Sacerdotio magnificè senientem! ô Ecclesiæ bene consulentem! sanctiora sunt illi Parlamenta, quàm Concilia; minùsq; Veneranda Sancti Petri Cathedra, quàm profana secularium judicum subfellia.

Illustrissimo Episcopo Leonensi, ab hujusmodi Vicarij Generalis munere abhorrente, & ut passim creditur, Sanctitatis Vestre Censuram pertimescente, Presbyterum quendam domesticum suum, & cruciferum, regenda huic Ecclesiæ præfecit; iteratis illis nominationibus significans; quam parum valuissent apud illum Apostolica littera die secundâ Octobris, tum ad nostrum Capitulum, tum ad illum ipsum dare. Obtemperavit crucifer, ab eo longè dissimilis, cujus consilio atque increpatione Divus Thomas Cantuariensis erectus firmatùsque est, cum nimio pacis amore, nimiâque deliniendû Regis cupiditate penè subversus esset.

Tentatis & ipse, comminatio, & censurarum interminatione in Diocesi Apamiensi, Sanctitatis Vestre litterarum interpretes, Typographos, promulgatores, executoresque detegere; conscientia tamen stimulis exagitatus, aliquanto post Tholosam repetit. Verùm Dominus Archiepiscopus, qui adversus Sanctitatis Vestre litteras studet impavidus videri, postridie quàm Archiepiscopalis Palatij valvis affixum fuit Breve Kalendis Januarij datum, prædictum Vicarium Apamias remisit, pristinumque locum resumere coegit: utque contentam in Brevi excommunicationem, in quam inciderat, se parum reformidare universæ plebi suaderet, Sanctissimum Missæ Sacrificium publicè, aliæque divina officia solemniter celebravit, à quibus per sex menses abstinerat.

Non est, Beatissime Pater, tam parùm Christiana Gallia, ut prædictus Dominus Archiepiscopus, Sanctissimæ Sedis contemptum posse non improbari arbitretur: quamobrem tam odiosam à se opinionem amovere nititur, falsitatem litteris à Sanctitate Vestra emissis affingendo, atque ut res verisimilior evadat, affirmando falsitatem non solum à Sanctitate Vestra fuisse detectam, sed & vindicatam, ejecto secretario, hujusmodi Brevium fabricatore.

Hinc rumorè adspulantur quasi testes certissimi, aut veriùs authores sunt Patres Societatis JESU, præsertim Pater Roques. Non alio serè Consiliario, non alio rerum suarum scriptore utitur Reverendissimus Archiepiscopus Tholosanus. Utinam unius, aut paucorum tantùm & privatorum hujus Societatis hominum esset hæc erga Ecclesiam affectio, aut propaganda Regaliæ studium.

Unus eorum nomine Meynier ( ut ceteros omittam ) cum ex novo Regalia jura fructum jam percepit, ut tres suos nepotes, totidem beneficijs, ut ipse putat, auxerit, ut ego existimo, jugulaverit.

Quot Episcopos eo nomine invidios aulæ secerunt, ex ijs præsertim, qui optimè ministerium suum implent, quique Sanctitatem Vestram amulati, corruptissimam illam de moribus doctrinam à suis Diocæsisbus eliminant ?

Quòd nobis à Patribus Societatis Apamiensibus obsequium hucusque denegatum sit, de sententia atque decreto primorum Provinciæ factum est, quos accepimus eam ob causam in unum Tholose convenisse. utrum num adversus Dominum, & adversus Christum ejus ? quid in eo cœtu deliberatum conclusumque fuerit, subsequuta demonstravit contumacia, quæ neque per Sanctitatis Vestræ litteras, pœnam excommunicationis Lætæ sententiæ continentes, comprimi potuit. Siquidem etiamnum publicè secularium Confessiones excipere pergunt, & animas Christi sanguine redemptas Diaboli laqueis irretiunt, hoc est absolutionibus, quas Sanctitatem Vestram nullus declarasse non ignorant.

Hæc tanta mala, Pater Sanctissime, quis crederet, non alio de fonte profuere, quam ab eorum de probabilitate doctrina ? Narrabant non ita pridem Pater . . . . & Pater . . . . non esse quidem indubitatum jus Principis circa Regaliam ; esse summo Pontifici rationes suas, & Regi suas ; & nihilominus fas esse Regi, probabilem sententiam sequuto, jus suum tueri ; nec debere eum ipsius controversiæ judicium Sanctæ Sedi permittere : qui sermo adeò perculit quendam adolescentem Clericum, nobilem, doctum, ac pium, ut instar Danielis insurrexerit in istos senes, qui non Susannam, sed sponsam Christi charissimam summâ contumeliâ afficiebant.

Hæc sunt, Pater Sanctissime, quæ Beatitudini Vestræ significare è re Ecclesiæ esse putavi, non ad condemnationem eorum, de quibus loquutus sum ( erunt enim semper in cordibus nostris ad commoriendum, & ad convivendum ) sed ut eos Sanctitæ Vestræ, in gremio suo, tanquam filios, non equidem optimè valentes, amanter diligenterque conservando, pristinae sanitati restitueret.

Quòd verò calamitates nostras oculis Vestris subjecerim, non alio consilio factum est, quam ut ijs remedium à Sanctitate Vestra quaereretur. Minuuntur quidem mala, quæ tam sacris auribus excipiuntur, delinuntur filiorum

vulnera, quæ videt, & dolet tantus Parens. Verùm ingravescens doloris magnitudo non nisi validioribus medicamentis curatur. Non precor adversarijs, quas merentur pœnas: exponam tantùm, impunitate, aut potiùs paternâ Sanctitatis Vestræ patientiâ, illos ad conterendum nos audaciores jam effectos.

At, inquiunt viri secundùm carnem prudentes, concedendum temporì, indulgendùm Potestatibus, à quibus multum metuas, speres plurimum; scilicet istis artibus imperium Christi partum est? has docuit Apostolos Dominus artes? sic indulgendo, palpando, exiit in omnem terram sonus eorum? Nequaquam sanè, sed Martyrum cruore irrigata crevit Ecclesia, & persecutionum fluctibus jactata, firmius stetit. Quid verò ista indulgentia, ista aulica obsequia, istæ denique sæculi, non æternitatis artes, Ecclesiæ contulerint, nec me sacræ literæ, nec me Ecclesiastica monumenta docuerunt.

Flecto genua cordis mei, Beatissime Pater, Vestræque Sanctitatis, pacem Evangelisantis, Evangelisantis bona, speciosos pedes deosculor, ijsque in spiritu affixus peto, precorquæ, primò quidem mihi peccatorum omnium miserrimo, deinde Collegis meis, atque in Deo parentibus, Reverendo Patri d. Aubaredè, Reverendo Patri Rech vinctis in Domino, postremò cæteris Canonici Regularibus, alijsque omnibus, carceres, exilia, vel qualescumque arumnas pro causa Dei subeuntibus, Apostolicam Benedictionem, quæ à dextera, bonis tot operibus secundâ, non potest non admodùm copiosa in capita nostra defluere. Datum die 15. mensis Martij 1681.

Sanctitatis Vestræ

Humillimus & obsequentissimus in Christo  
Servus & Filius

Joannes Cerle, Presbyter ac Præcantor  
Ecclesiæ Cathedralis Apamiensis,  
nec non Vicarius Generalis  
& Officialis.

Docu-

## Documentum LVI.

*Alia Epistola R. P. Cerle ad Sanctissimum Pontificem*  
INNOCENTIUM PP. XI.

*Sanctissimo D. N. INNOCENTIO PP. XI.*

SANCTISSIME PATER,  
Post humillima Pedum oscula.

**S**Ecurior jam audaciôrque, ad Vós, Sedemque Apostolicam, iterum, iterumq; venio; nihil de mea tenuitate anxius, nec ita de Vestra Majestate sollicitus. Videor enim mihi non indignus omnino, Domini Jesu Vicarium adire, & alloqui, qui dignus habitus sum pro nomine Jesu contumeliam pati. Olim humi repens, vermi, quam homini similior, nunc capi surgere, jamque cœlum, Sanctamque Sedem, quæ tota Cœlestis est, propius intueor; nimirum factus de Cruce celsior, de furca & patibulo sublimior. Sum certè, nec diffiteor, hominum vilissimus, & omnium pedibus conculcandus; tamen videtur non contemnendus, quem confessionis umbra nobilitat, & imago Martyrij. Insipiens factus sum, Pater Sanctissime, mente excedo, sed sobrium esse non licet sub tanto gloriæ pondere, in tanta gaudij superabundantia.

Porro gloriam illam, illudque gaudium, debeo Tholosano Senatui, qui sine sponte suâ, seu potius Reverendissimi Archiepiscopi Tholosani impulsu, aulicisque mandatis, capitis Sententiam, quam pridem meditabatur, tandem aliquando in me dixit. « Damnatu sum peccatorum primus miserrimusque, ut olim celeberrimi quique fidei Confessores, Christique Athletæ, qui omnes tanquam publicæ quietis perturbatores, patriæ proditores, principum ac potestatum obrectatores (consilii videlicet Sathanâ autore criminibus) feliciter perierunt.

Ita perire noudum mihi tribuit Deus, Pater Sanctissime, qui dum alieni insurgentes adversum me è Synagoga potuit, quærent animam meam, in nomine suo saluum me fecit, susceptorque fuit animæ meæ. Verùm spe suâ frustrata crudelitas, cum nostro satiari cruore non potuisset, summo nos dedecore, contumeliæque officere tentavit. Circumducta est à carnifice, in curru, vehendis ad supplicium reis destinato, effigies nostra per frequentiores Tholosæ

vicos.

vicos, & compita, ferali pompâ, insolentique ritu; mox in celebri foro præcelsæ trahi suspensa; & magnum afflictæ Religionis ludibrium! ingens scrocentis impietatis trophæum! Ita Pater Sanctissime, mundo & hominibus, usinam & Angelis, spectaculum facti sumus.

Visebatur in illa tabella, vir Religiosus, veste candidâ unâ cum superpelliceo indutus, qui canonicorum Regularium habitus est. Stabas retrò pictus Carnifex, truci vultu, bipennem vibrans, ac genuflexi cervicibus imminens. Ad hujusmodi latum adversarijs, mihi profectò non lugendum spectaculum, fremere omnes boni, & indignari cœperunt. Quid? aiebant, Sacra & Religiosæ vestis tam procaciter illuditur? Cæteri Rei demptis vestibus interficiuntur, ut dum scelus plectitur, dignitati parcaur. Verè Religionis ludibrium totum illud est, non hominis supplicium. Felix qui sic probro afficitur! ita olim Martyres in Stola candida, & amictu nitidiori, ad necem tanquam ad nuptias procedebant. Fuit quoque, P. S. qui argutè simul & sapienter diceret; quidquid in ea tabula penicillus exprefferat, videri sibi earum rerum, quæ intra Gallias eâ tempestate gerebantur, emblema. Sub illo superpelliceo candidoque amictu, Ecclesiam Gallicanam latere, miseram prorsus & ærumnosam, cui Schisma Regalistarum, stricto gladio, caput amputare pararet; dum eam à summo Pontifice capite suo, valido quidem, sed casso sonatu divellere niteretur. Hæ sunt, Pater Sanctissime, proborum omnium quærelæ; sic sentiunt, sic loquuntur, quicumque apud nos plus Deum timent, quàm hoc sæculum diligunt.

Nemo bonus est, qui sine indignatione audiat, impios quorundam perditorum hominum, paucorum certè, de instituendo in Ecclesia Gallicana Patriarcha susurros: quasi verò, qui juxta antiquos Canones, ne quidem Metropolitanum, sine proprii gradus periculo possunt constituere, possint sibi præficere Patriarcham? aut minus subditus futurus esset Patriarcha iste summo Pontifici, quàm ij, à quibus accepturus foret potestatem? nisi sortè (quod de Gallicanis Præsulibus sentire nefas est) aliud caput Ecclesiæ adjungentes, monstrum effingere meditentur. Nemo sapiens, qui non intelligat, quo consilio petita sit à rege Nostro Christianissimo congregandorum comitiorum facultas, præsertim per Reverendissimum Archiepiscopum Senonensem, Tholosani fratrem, ac Parisiensi per omnia obsequentem; nemo verus Ecclesiæ filius, qui non doleat, Regis Regum sponsam Ecclesiam, nefarijs laicorum judicium artibus in ordinem redigi.

Sanctitatem Vestram minimè latere puto, quid contra postremas ad nostram exiguitatem Apostolicas litteras, Senatus Parisiensis stituerit, quantumque eorum occasione Procurator Generalis garriverit. Inter innumeros, quibus tota

Uu

ejus

ejus sciet oratio, schisma invehentes errores, hic imprimis est, non posse Regni Magistratum decreta (quantumvis Sacris Canonibus, & Apostolicis statutis adversantia) ab ulla potestate Sacra inhiberi, aut infringi: non à Concilio œcumenico, non à Petro, ulloque Petri successore, quæ vox profecto Rapsacis cujusdam potius esse videtur, quàm hominis, Deum Israel, ejusque Christum consentiens. Audent quotidie judices laici, Synodici decretis, Pontificisque Rescriptis auctoritatem omnem demere? Non poterit Christi Vicarius, totaque cum Ipso Ecclesia, unius Parlamenti judicii sese opponere, quamquam illa Canonica disciplinam omnem, jura omnia, Sacram forsitan & ipsam fidem subverterent? Hoc habet in supremis illis Curij mater Ecclesia præsidium! sic illis (quod quidem nuperi Aulicorum Episcoporum Cœtus æthæ tantopere jactans) tanquam firmissimis fulcris æternum Christi solium innititur.

Novissimorum sanè temporum iniquitas est, Pater Sanctissime; ut quicumque bellum Ecclesiæ inferunt, benevolentiam simulent, amicitiam præferant. Olim hostes Ecclesiæ, hostes dicebantur; divexabant, non decipiebant, suo satis proditi nomine. Nunc duplex Religioni labor incumbit: nam priusquam se ad hostes suos debellandos accingat, debet illos detegere; quod quidem hodie difficilimum est; cum alij Reformatores dicantur, alij vocentur tutores defensorisque; alij alijs nominibus nancupentur. Nondum extincto Calvinistarum bello, novum à Parlamenti exoritur. Illi Ecclesiam reformando dilacerant, isti defendendo amplectendoque præfocant.

Gloriabatur olim Lutherus, Lutherique principes affectæ, se novos Prophetas, novisque Apostolos à Deo extra ordinem missos, qui non solum collapsam Ecclesiam erigerent, verùm etiam extinctam penitus in lucem revocarent. Nescio, an de novo quodam, & extra ordinem Apostolatu, supremæ nostræ Curie glorientur: illud scio, putare homines istos, sui muneris esse; antiquos Canones tueri, præscam disciplinam vindicare, labenti Ecclesiæ humeros supponere. Nimirum, dormit in cymba Christus, oritur Spiritus Sanctus, Sponsa Christi consensuit, annisque satisfecit, se ipsam non potest regere. Potuit quidem alias, dum juventute vigeret, dum floreret annis, Canones condere, leges ferre, sibi ipsi cavere: nunc Rectore Pedagogoque indiget, nunc est tutoribus & auctoribus committenda. Quidquid egerit anus decrepita, anus delira, suorum Curatorum, Parliamentorum injussu, irritum decernitur, nullumque planè censetur. O scelera! O verba impia! O hostium, quam filiorum digniora consilia!

Hæc tanta, tamque acerba Ecclesiæ mala, Pater Sanctissime, malorum nostrorum sensum adiuvant, ac oblivionem inducunt: de his tamen malis nostris, Vestre

*Vestra Beatitudinis auribus pergam pascula quadam ingerere. Cùm fuisset, eâ quâ diximus, ignominia in Civitate Tholosana affecti, eadem postmodum Apamijs, & in cæteris Diæceseos oppidis, inuisti sumus; tum conumelia filij, gloriam Patri in memoriam revocavit. Obversabatur omnium animis, Patris pariter & Episcopi nostri optimarum virtutum exemplar, merita quoque & beneficia, quibus tot annis gentem nostram cunivlaverat. Hanc ergo, agebant, reddunt vicem, ei, qui toties nos suâ paupertate ditavit, jejunijs aluit, periculis securos effecit, optimis exemplis ad piè christianicæque vivendum, provocavit; qui corpus suum exhibens hostiam, sanctam, Deo placentem, toties in tempore iracundia factus est reconciliatio? Pro tot, tantisque viri Dei erga nos meritis, disperditis cæteris ejus filijs omnibus, eum qui unus superesse videbatur, suspensio necare non perhorrescunt. Fuit tum afflictissima hujus Ecclesiæ perquam lugubris facies, Rachele plorante filios suos, & nolente consolari, quia non sunt.*

*Quis fuerit, Pater Sanctissime, mansuetiorum omnium sensus, animusque, ex ipso Apamiensi Carnifice conjici potest. Ille qui toties oculos suos humano cruore paverat, cui ars, imò ludus eras, homines torquere, urere, membra- rum concidere, & omni suppliciorum genere necare, vehementi horrore perculsus est: vixque potuit, conceptam animo feritatem auctore Deo dedoculus, ore pallenti, labentibus genibus, tremulæque manu, effigiem nostram cruci appendere: cùmque id sibi iterum iterumque præstandum intellexisset, cum Conjuge, rebusque suis, nocte fugam capeffit. Miseras terras! Infelixque solum! cui tanta feritas est, ut rædio, horrorique sit vel ipsis Carnificibus. Abiisse hominem cùm comperissent, Prætor Civitatis, Præfectusque Provinciæ, mittunt illic, qui sæculo fugitivum quarant, inventumque vi revocent. Comprehensus ad sexagesimum circiter miliarium, negat se in eam Civitatem reditum, in qua patibulum Innocentia paratur, Religioni securis imminet: se miserrum atque calamitosum, tamen esse Catholicum; nec posse Calvinistarum more adversus Ecclesiam bellum gerere, eisque necare, quos illa salvos velit, summæque benignitate prosequeretur; vereri se Dominum Episcopum Apamiensem, signis & virtutibus coruscantem, & suorum haud dubiè non oblitum.*

*Videtur mihi tortor ille, boni Latronis constantiam æmulari, qui de cruce pendens, ausus est confiteri Christum, à Scribis & Phariseis accusatum, damnatum à Magistratibus, à Regibus ilusum, ab Apostolis ita, vel negatum, vel graditum, vel desertum, ut unus tantummodo inventus sit, qui statet juxta*



crucem ejus, ne unquam de magno numero improbitas gloriaretur, aut erubescendum sibi putaret de paucitate pietas; sic nimirum, divinâ disponente providentiâ, ut innocentia, non solum testimonium, sed etiam præsidium ab eis præstaretur, à quibus minùs videretur expectandum. Cujus præclarum, & à causa nostra non alienum legitur in Annalibus Ecclesiasticis exemplum.

Edinero referente, contendebat Sanctissimus Præsul Anselmus, cum Henrico Anglorum Rege circa Investituram, & Regaliam. Mittit uterque legatos Romam, ad summum Pontificem Paschalem, & suum utriusque hac in re, nemine refragante, judicem; nondum enim aliud suaserat adulatio Christianis Regibus. Causam Anselmi, id est, Ecclesiæ, defendendam suscipiunt duo viri Religiosi; causam Regis, id est, sæculi, tres Episcopi. Horum unus, qui præerat Ecclesiæ Norwicensi, nomine Herebertus, exigit ab Episcopo, ne quid impofterum contra Anselmum, ejusque Ecclesiæ dignitatem, aut libertatem, cogitaret, aut faceret.

Non mea parvitas est, Pater Sanctissime, Reverendissimos Episcopos, Dominos ac Patres meos officij admonere sui. Optarem tamen vehementer, ut ista legissent, quos nuper in ædes suas, Illustrissimus Archiepiscopus Parisiensis, coire jussit. Maluissent profectò, Sanctitati Vestræ, pro ipsarum Ecclesiarum dignitate, tantis laboribus, tantæque gloriæ decertanti, gratias agere, quam de Apostolicis litteris, pari in Sanctam Sedem contemptu, ac in aulam adulatione conqueri. Utilius sibi fore putassent, Regem nostrum Christianissimum, ac nunquam satis nobis suspiciendum, precibus, & lacrymis pro extinguenda Regalia, reddendæque Apamiensi Ecclesiæ tranquillitate, adire, quàm cum miseris quibusdam leguleis, de Sacrosancti Concilij Lugdunensis autoritate, summo cum ordinis sui dedecore, dubitare. Satiùs existimassent, Præsulis Nostri, viri (ut Sanctitas Vestra loquitur) verè Apostolici, ac decoris domus Dei zelatores, amulatoresque fieri, quàm ijs, qui nos, ejus filios, ad internecionem usque persequuntur, socios se, amicosque adjungere. E re sua potiùs duxissent, Procuratoris Generalis Parisiensis, adversus Sanctam Sedem adlatrantis, audaciam furorèmq; Ecclesiasticis censuris comprimere, quàm eum, tanquam egregium athletam, invictumque Ecclesiæ Gallicanæ libertatem vindicem, summis laudibus evehere. Sanctius denique commodiusque putassent Archiepiscopus Tholosanus, Regalistas, Regalistarumque fautores omnes, excommunicationis vinculis innodatos, & Ecclesiam audire nolentes, tanquam Ethnicos & Publicanos habere, & interim eos ad faciendos dignos pœnitentiæ fructus hortari, quàm eorum patrocinium suscipere, & circa Apostolicarum litterarum formulas, ca-

viando,

villando, pereuntium cubitis pulvillo consuere, & malis suis indormientibus cervicalia parare. Sed benedictus sit DEUS, qui ut olim in condenda, ita nunc in servanda Ecclesia, non multos potentes, non multos nobiles, sed ignobilis mundi, & contemptibilia elegit, & ea quæ non sunt, ut ea quæ sunt destrueret: nunc piscatores, aliquando latrones, postremò carnifices, nominis sui testes habuit. Mirabilis prorsus in sanctis, & sanctus in omnibus operibus suis.

Inter tos victos in Domino, qui pro justitia persecutionem patiuntur, unus ex nostris est, gradu tantummodo Norrius, sed probitate, cunctisque Religiosi hominis dignis virtutibus, antiquioribus conferendus. In ejus caput Senatus Tholosanus diligentissimè quæstionem habet. Accusatur, Apostolicas litteras, nostræque edicta Tholosam attulisse, novo prorsus & inaudito crimine; propterea cum sicarijs ac parricidis in carcerem missus est. Quo in loco, Pater Sanctissime, venerabilis Episcopi nostri dignum se præbuit discipulum, filiumque non degenerem. Nihil illo simplicius, mitius, humilius; ac rursus nihil fortius, animosius: agnus simul, leoque videtur. Interroganti Laico judici, negat Sacerdotem respondere fas esse: minanti ferrum & ignem, hoc unum refert, quod facis fac citius. Interim semper vigilat, semper orat, semper jejunit: sic pugil Evangelicus Martyrio maturescit, sic Confessor Christi passioni suæ præludit. Conquiruntur undique testes. Sed quid referant testes? narrat ille, hominem istum semper silere, aut loqui tantum sermones Dei; alius continuata per multos dies jejunia prædicat; alius intentam semper Deo mentem collaudat; alij alias ejus virtutes commemorant. Nemo est, qui non jurejurando affirmet, videri sibi hominem istum, non innocentem modò, sed sanctum. Quæ cuncta, Pater Sanctissime, tantum, tamque Religiosum timorem omnibus iniecerunt, ut non nisi trepidè ac reverenter ad Reum Judex accedat. Reus est, sed præsert majestatem judicaturus duodecim tribus Israël.

Istius Athletæ, aliorumque, qui nobis adhæserunt, constantiam, Sanctitatis Vestræ litteris, die primâ Januarij datis, post divinum adjutorium acceptam referimus. Sed non unicus fuit illarum fructus; rem planè consecisse videbantur; plurimi ex ijs, qui lapsi fuerant, ad meliorem frugem, peractâ etiam publicâ pœnitentiâ, generosiores evaserunt. Regaliste nunc sibi proximè, loco cedendum esse dubitabant. Clerus & populus, erga Sanctam Sedem optimè affecti, negotio finem jam ferè impositum gaudebant. Patres Societatis FESTI-  
fortiores Regaliæ propugnatores, Sanctæ Sedis resistere cum puderet, variis artibus inobedientiam occultabant, præsertim falsitatem Apostolicis litteris affingentes.

Illustrissimus ipse Archiepiscopus Tholosanus, tantâ erat perturbatione, ad fulminis imminentiis fragorem concitatus, ut tam conscientiae stimulis, quàm pertinacissimæ febris paroxysmis, diutius exagitaretur. Verùm, Pater Sanctissimæ, diuturna Sanctitatis Vestræ patientia, quæ Reos ad perfectam conversionem adducere debuisset, nascentis penitentiae desiderium præfocavit. Reverendissimus Archiepiscopus, primùm quidem sparsâ de falsitate rescripti Apostolici samâ, deinde aulicorum Episcoporum defensione, tum litteris à sacra Congregatione ad ipsum scriptis confirmatus est; & Sanctitatem Vestram ulterius non progressuram confidens, nos, aliisque Ecclesiæ obsequentes Clericos & Laicos, sive per se, sive per Vicarium Generalem à se constitutum, usque ad exterminium persequitur. Si quis Ecclesiæ mandatis obtemperans, Confessarios quærit legitime approbatos; in strictissima vincula detruditur, aut alijs gravissimis penis plectitur. Non alius criminis reus est vir quidam, (ut de reliquis taceam) jam pridem in tetro carcere Apamijs dissentus, quam quod Parochum canonicè insinuat, ad audiendam mulieris periculosissimè decumbentis Confessionem accersisset. A Parochijs fugam Vicarios piè sanctæque viventes, gregique suo sedulè invigilantes, qui tenuitatis meæ, vel potiùs Sanctitatis Vestræ vocem audium, alienosque sequi recusant: quòdque vehemensissimi doloris sensum auget, substituntur perditissimi homines, quorum aliqui publicè ebrj visuntur, alij verbis obscenis fugientes castas virgines prosequuntur, & si comprehendere nequeunt, in blasphemias prorumpunt. Nec laudabiliores sunt Regalistarum mores; eorum unus cum soluta, cum conjugata alter, ita converfantur, ut toti Civitati maximo sint scandalo.

De Patribus Societatis JESU, utinam! aut nulla mihi dicenda forent, aut bona! sed charitas, quæ operit multitudinem peccatorum, non refugit, imò festinas, de errantibus ovibus protinus admonere pastorem. Ignoscat illis DEUS, non quidem nescientibus, sed maximè omnium scientibus, quid faciant; dum Sanctæ Sedi palam illudunt. Post acceptas à Præposito Generali geminas litteras, quarum alterâ de ultimarum Sanctitatis Vestræ litterarum veritate certiores illos faciebat, publicè Regalistarum & aliorum quorumcùmque ad ipsos accedendum Confessiones excipere pergunt, quod à resibus fide dignissimis, ipso Sanctissimo Corporis Christi die, alijsque visum, & confirmatum est. Sperant scilicet, ob regionum longinquitatem, & pertimescentibus omnibus, qui veritatis conscii sunt, ipsorum iram, & in aula Christianissimi Regis favorem, quæ illis notoria sunt, usque ad Sanctitatem Vestram non perventura. Toleranda fortassis videretur temeritas, si volentibus tantùm noceret, si solos Regalistas jam  
excom-

excommunicationis vinculis innexos, hujusmodi Confessarii solverent, aut verius arctius constringerem, seipsos eisdem vinculis innodantes: si cæci cacos tantùm in foveam traherent: sed quod omnem crudelitatem superat, in ruinam, vel invitæ trahuntur animæ. Rector Collegij, nomine Espagnac, qui, ut accepi, de præstato Regalists auxilio & consilio, innocens apud Sanctam Sedem videri voluit, ipsos ad celebranda publicè solemnitèrque divina officia, paucis post scriptas suas Apologeticas litteras diebus, hoc est in festo Sancti Xaverij, suam in Ecclesiam admisit, & ad Confessionem, sibi aut suis faciendam, non solum utro venientes, etiamnum excipit, verùm refugientes militum metu adigit: quod, quàm sincera fuerit ejus excusatio, declarat.

Is est, Pater Sanctissime, deplorandus Ecclesiæ Apamienfis status; cui nisi citissimo præsidio, à Vestra Sanctitate succurratur, quâ possit ratione integram ruinam vitare, non video. Hactenus enim venturi à Sancta Sede auxilij spes labantes sustentabat: sed jam plerique Sanctitatis Vestræ longanimitatem, salutem non arbitantes, & insipientium errore traducti, excidunt à propria firmitate. Moveant, obsecro, Paterna Sanctitatis Vestra viscera, non Beneficiorum, aut bonorum temporalium rapina, nec carceres, nec exilia, quæ patiuntur: (pretiosa Dei munera sunt ista) sed parvuli petentes panem, nec habentes qui frangat; sed oves, quas olim regebant pastores ad vitam præduces, nunc perdunt & maculant lupi voraces; sed fideles, qui aut Sacramentis carent, aut ea à Ministris accipere coguntur, quos Sanctitatis Vestræ litteræ, omni potestate destitutos declararunt. Qui Ecclesiæ causam impugnant, non aliud, quod saltem justitiæ rationisque umbram præseferat, ostendunt, quàm Sanctitatis Vestræ litteras, Rescripta esse privata, consolationi nostræ indulta, non sententias judicarias, quibus necessariò sit parendum. Ceterùm, altum in tanta rerum perturbatione silentium, non leve indicium esse, Sanctitatem Vestram, earum rationum momentis, quas exhibant impressa nuper conventus Episcoporum acta, eò perducant, ut ea, quæ geruntur dissimulando, significet, se non justa quidem, sed toleranda tamen judicare.

Intres ergo, Beatissime Pater, in conspectu Vestro, gemitus compeditorum: nec dicant inimici nostri, prævaluimus adversus eos. Exargat, obsecro, Sanctitas Vestra, & judicet causam nostram: reddat vicinis nostris septuplum in sinu eorum, vindictæ sanguinem animarum, qui effusus est, mō quī & in dies magis effunditur. Apprehendat arma & scutum, & exurgat in adiutorium nobis. Effundat frameam, & concludat adversus eos, qui persequuntur nos, & tradat hujus-

*hujusmodi, Sathana in interium carnis, ut spiritus salvus sit in die D. N. J. C. Exurgat & judicet suam, & Ecclesie causam; cujus certe si dubia esset nobis justitia, indubitata faceret, non solum merita venerabilis patris nostri Episcopi Apamienfis, acerrimi illius defensoris, sed etiam miracula (parcat mihi Sanctitas Vestra hoc verbum) quae per Pastoralem illius annulum, quem semper mecum gesso, frequentissime operatur Deus Optimus Maximus. Firmiorem habebimus propheticum Sanctitatis Vestrae sermonem; Christi Vicarij judicium lapsos ariget, titubantes confirmabit, imò & ipsos adversarios, in tenebris & umbra mortis sedentes, illuminabit, & ad praeveniendum supremi judicis sententiam excitabit. Nec enim ita omnem extinxerunt Religionis sensum, ut si non citius, saltem, dum de reddenda DEO ratione cogitabunt, aeternam damnationem, cujus excommunicatio imago est, non perimescant. Et si (quod avertat DEUS) ipsi perituri sunt in iniquitate sua, Sanctitas Vestra liberabit animam suam, & ab Ea illorum sanguis non exquiretur.*

*Eos omnes, qui pro Ecclesiae dignitate, pro fide & Religione in agone contendunt, meque ipsum, omnium peripsema, merumque abortivum, Sanctitatis Vestrae precibus suppliciter, & Religiose commendo. Fiet enim, Beatissime Pater, Apostolicis meritis, ut qui servorum Christi tribulationes & angustias patimur, servorum quoque Christi vitam moresque consequamur.*

*Datum die 14. Junij 1681.*

**Beatitudinis Vestrae Sanctiss. Pedes Deosculor**  
**SANCTISSIME PATER,**

*Humillimus & Obsequentissimus in Christo Filius  
& famulus*

**Joannes Cerle Presbyter, Canonicus, ac Prae-**  
**centor Ecclesiae Cathedralis Apamiae-**  
**rum; nec non Vicarius Gene-**  
**ralis & Officialis,**

**- Docu-**

## Documentum LVII.

*Quarta Epistola Reverendi P. Cerle ad Sanctissimum  
Dominum INNOCENTIUM XI. Pontif. Max.*

Die 13. April. 1682.

BEATISSIME PATER,

Post humillima Pedum Oscula.

**U**squequò & superbit impius, & incenditur pauper? Aiebat olim ad Innocentium secundum scribens Divus Bernardus. Usquequò à tanta impudentia Innocentia tanta vexatur, & hoc vivo Innocentio? Peccata sine dubio nostra hoc faciunt, quod Dominus meus tam serò advertit mentientes sibi, tam lenè exaudit clamantes ad se, in hac causa duntaxat. Nam alias quidem scimus familiare esse Domino meo, & citò intelligere, & facitè misereri. Propter eum qui elegit vos, & posuit vos resurginum oppressorum, ponite jam tandem finem & malitiæ oppressoris, & laboribus afflictorum, quia satis utraque res venit in lucem & manifestationem.

Sic Abbas ille sanctissimus cum suo omniumque Domino expostulat, sic illius cunctationem urget, sic nimias in proferendo iudicio moras ægerrimè ferre videtur. Absit, ut ego peccator tantum mihi apud Innocentium XI. tribuam, quantum Divus ille apud Innocentium II. sumere sibi ausus est.

Non reprehendo, non expostulo, non queror; doleo tantum lacrymòque Ecclesiæ Apamiensi crudelissimè direxatæ, octoginta alijs Ecclesijs sub jugum missis, tot vinculis, tot exulibus, qui cum Dei causâ Vestro quoque iudicio tot tantique mala patiantur, verè Christi Confessores sunt; denique duobus Episcopis, qui clamant ad vos non jam de terra, sed de cælo, ut clamor eorum cælestis citius exaudiri debeat pro sua reverentia, jus huc reverentia esse negatum. Equidem si beneficium à tanto tempore postulatum fuisset, debueramus consensui, cum pro Vestra in omne hominum genus benignitate, tum pro nostris in defensione Evangelij susceptis laboribus atque periculis. Sed postulent beneficia, qui felices putantur; Nobis, qui miseri esse videmur, satis est, si id quod tenuissimo cuique, quod hostibus debetur, quod nec barbaris quidem nisi apud barbaros negatur, jus consequimur.

XX

sanè

Sanè si quod esset aliud in orbe tribunal, in quo Controversia ista dirimi posset, eò prosectò confugerem. Non quòd putem in terris quidquam Sanctitatis Vestrà posse oriri justius aut melius; sed quòd alij cuicumque potius quàm optimo Parenti malim esse molestus. Sed Vestrum unius est, iam de negotijs Apamienfibus, quàm de universa Regalia causa cognoscere; id quod cum per se patet, tum multis quoque scriptis demonstratum est: ita præterea Sanctitas Vestra censuit, cum Ecclesiæ Apamienfis provocationem admisit, ut secus sentire aut dicere incolumi Sanctæ Sedis samâ non possit. Denique nullo graviore vulnere Ecclesiæ libertas authoritasque afficitur, quàm cum istius causæ cognitionem Vobis, ac Sanctæ Sedi Regaliæ conantur eripere.

Habemus igitur in Sanctitate Vestra Judicem unicum, sed & Optimum; reliquum est, ut velitis, quandoquidem abundè valetis virtute irrumpere iniquitates. En stat coram vobis sordida, afflicta, misera; bonis ac liberis spoliata, plurimis vulneribus confossa, denique vidua desolatissima Ecclesia Apamienfis; atque multum tempus, quod altera illa Evangelica vidua: Vindicta me de adversarijs meis. An surdior erit inimitiorque Iudex Deo charus hominibûsque reverendus, quàm fuit Iudex ille iniquitatis, qui Deum non timebat, & hominem non reverebatur? Dei loco sedetis, Pater Sanctissime, facite ergo vindictam electorum vestrorum clamantium ad Vos die ac nocte, nec ultra patituriam habeatis in illis.

Ferrent quidem æquo animo molestissimas istas judiciorum ruinas, nisi idem esset causâ cadere, ac iudicium per longum tempus expectare. Ocius si non iudicatur, damnatur: nam cum soliti sint adversarij, suum omne præsidium in usu ac possessione collocare, jure obtinere se putant, quidquid diu ac nemine impediante tenent. Hinc fit, ut illo Vestro silentio, illaque cunctatione, quæ maximè optavère, ea consecuti videantur. Quis enim nefarios eorum conatus comprimat? possessionem quis interpellet? Unus in Sancta Sede videbatur positus obex; at Sancta Sedes dissimulat, filet, expectat, cunctatur, facitque cunctatrice sapientiâ, ut adversarius præceps demerentiâ, cuncta quæ concupierat, nemine impediante obtineat.

Videtur fortasse Regalia impedita præscriptio per illas toties in Gallias missas Apostolicas litteras, quibus Sanctitas Vestra satis apertè censuit, contra Ecclesiam facere, qui Regaliâ tuerentur. Sed ijs litteris quis nesciat fidem omnem, omnemque authoritatem esse ademptam? Olim quippe furtivas falsasque prædicabant: modò alij veras quidem, sed ab hominibus hæreticis; ac nomini Gallico infestis, quâ vi, quâ fraude esse extortas affirmant. Alij quo-

quing

inque modo, quocumque consilio scriptas, oblivioni tradendas esse: ita haud dubie Sanctitatem Vestram sentire, quæ datis litteris, cum maximè pernici cursu processura videretur, repente steterit, Apamienses deseruerit, Regalists, utpote innoxij, ut optimâ causâ fultis, cuncta permiserit.

Hanc esse Sanctitatis Vestræ sententiam cum stulti omnes arbitramur, tum cordati nonnulli timent; quem eorum timorem minimè profecto miramur. Hinc enim vident Regalists non tabulis, non litteris, ut res dubiæ solent, causam suam propugnare, sed vi maximè, atque armis tueri, tanquam certissimum Regum nostrorum patrimonium, eosque qui religione impediti turpissimum istud Regaliæ jugum pronis cervicibus non trahunt, ut apertos Regis Regniue hostes habere, ac veluti Salicæ legis violatoribus aquâ & igni interdicere. Inde verò cernunt Innocentium XI. cujus est tantoperè celebrata constantia, à quo singulis quibûsve momentis perniciem sibi metuebat improbitas, tanto sceleri huc usque pepernisse, & necdum tot Ecclesiæ malis solempni decreto voluisse occurrere.

Hæc dum intuentur, Beatissime Pater, quid putent? Nisi Sanctitatem Vestram, auditis quæ in sui defensionem multa Regalists dixerunt, mutato consilio in aliam prorsus abiisse sententiam? Sed nec turpiter decepti sunt, qui ista loquuntur, aut prædicant. Absit, ut reperiat apud Sanctam Sedem, est, non; nec erit sub vestro Apostolatu incolumis Regalia, quæ fuit in Investituris per sex summi nominis æternæ memoriæ summos Pontifices Gregorium VII. Victorem III. Urbanum II. Paschalem II. Gelasium II. & Calixtum II. ut hæresis nefanda protrita: quam Paschalis ipse, qui fuit erga rerum humanarum Dominos penitentia mansuetudine lenis, Romano in Concilio censuit esse contra Spiritum Sanctum, & canonicam institutionem.

Hæc cum ita se habeant, ut quid Domine recessisti longè? despicias in opportunitatibus, in tribulatione? An putatis fore, ut possit Vester aliquando Successor facilius tutiusque res istas componere, Ecclesiæ vulneribus minori cum periculo mederi? Sed quis erit iste Successor tam sui fidens, ut se Innocentio XI. præponat? tam felix, ut in meliora tempora incurrat? tam denique sortis, ut quod monstrum Sanctitas Vestra nascent ac debile vix ausa fuerit perstringere, id ipse jam adustum, jam auditis viribus formidandum non dubitet jugulare? Sed velit ipse, quidquid nos Ecclesiæ Dei optimum fore putamus; illine adversarij nostri parebunt, ejusque decreta reverebuntur, facili tum de strage nostra seroces, de longa possessione superbi, de Vestro quoque exemplo in insequentes Pontifices perruacissimi?

Ita est, Pater Sanctissime, sunt apud nos aliæ multæ, nec Regaliâ mitiores pestes, quæ sub nomine libertatum Ecclesiæ nostras populantur. Quo verò ista defendentes sese umbone clepunt? Non alio profecto, quàm invadentium usi, vel avversantium clade, Summorum Pontificum silentio, quod silentium



nutum ac voluntatem interpretantur. Exemplo sint Appellationes tanquam per abusum, illa non ita multo tempore in exitium totius Ecclesiasticae jurisdictionis exorta monstra. Dubia initio, tremula, paventi prodibant, & vel improbis non satis proba videbantur. Nunc verò quia siluit Roma, quia non obstitit, efferunt in ipsam Romam audacissimum caput, sanctaque videntur, quibus Apostolica fulmina pepercerunt.

Sunt, Beatissime Pater, qui existimant, Sanctitatem Vestram Regaliam propterea non ritè damnasse, quod viderentur adversarij meliora suapte sponte iniisse consilia, ac bonâ fide pacem optare ac quaerere. Id enim suadere videbantur, cum Eminentissimi Cardinalis d' Estrées iter Romam susceptum, tum Episcoporum Conventus Parisijs habitus, maximè nuperum illud Edictum, quo metæ modusque non sine magno Ecclesiæ emolumento, ut quidam putant, Regaliæ posita sunt. Sed me miserum! Quantum bellorum res istæ pacem pollicentes, pacem nuntiantes Ecclesijs Gallicanis attulerunt, afferentique impossibile? & quàm longè ista qui egerunt, aut agenda Summo Principi suasurunt, ab omni veræ pacis veræque concordiae cogitatione voluntatèq; absuere! Unum est, suitque semper illis consiliunt propositumque, ut omnino tandem Regaliæ possessio in omnes regni Ecclesias induceretur, delusâ interim Sanctitate Vestrâ, ne prolata sententiâ possessionem inturbaret. Deluso etiam Eminentissimo Cardinali d' Estrées, quem huic simulationi consensisse suspicari non ausim.

Meminerit quæso Sanctitas Vestra (nam ea de re non unas ad Apostolicos Pedes litteras dedi) quo in statu fuerint res nostræ prædicto Eminentissimo Cardinali in Italiam profecto. Nam cum antea satis fuisset adversarijs spoliare nos bonis, capimus illo abente exilia, vincula, proscriptiones, ac alia quæque acerba pati. Quid plura? In animas quoque servitum est, dum cogimur passim scelèrè assentiri, sacrilegis sociari, Summi Pastoris vocem, minas, anathemata contemnere. Sic pacem cogitabant, qui Eminentissimum Purpuratum Romam mittendi auctores Regi fuerunt.

Quid dicant de Sacrosanctis Episcopis Lutetiæ congregatis, quibus adeò non fuit animus malis nostris medendi, ut à nemine Ecclesiæ nostræ lethalius vulnus acceperint. Quibus singulis Ecclesiæ meritò dixerit: Tu autem homo pacis meæ in quo speravi, qui edebas panes mecum, magnificasti super me supplantationem. Quid enim est iste Conventus tam fraudulentè, tantoque omnium Canonum contemptu coactus, tam scenicâ pompâ habitus, tam aule studijs addictus, tam segnitè Episcopi nostri, Alecensisque, sed Vestræ præsertim Sanctitatis constantiam emulatus, tam miserè veteres omnes Galliam

inter

inter & Romani controversias, sopitas jam pridem, extinctisq; renovans; tam proditorie Regalia consentiens, tam inaniter vobis scribens, tam demque Cleri Gallicani antiquæ gloriæ, ac in Sanctam Sedem observantiæ immemor: quid, inquam, est iste Conventus, quàm Ecclesiæ magnifica supplantatio?

Cumque supplantatores isti Ecclesiam perdiderint, tamen uti de re bene gesta gloriantur: pacem loquuntur, pacem suadent, pacem in epistola ad Sanctitatem Vestram scripta ambitiosè prædicant: quasi non simili voce usi sint etiam, qui insigniores Ecclesiæ clades intulerunt. Quid enim aliud excusabant Sirmienses Episcopi conclamata fide? Mediolanenses jugulato Athanasio? Arminienses proscripso Homoufio? Et ut temporibus viciniora simul & rebus nostris magis affinia loquar, quid excusabant Londinenses, Thoma Cantuariensi in Ecclesiæ defensione solo omnino relicto, præterquam studium pacis, difficilia tempora, magnos Reges demerendos?

Videntur mihi Episcopi nostri non aliâ ratione pacem quærere, quàm quæsisset Seniores populi Israël, si Rege ipsorum vineam Naboth, quæ figura est Ecclesiæ per seculares potestates spoliata, cupiente invadere, Naboth verò tradere veniente, dissidium istud componentes, ita prouentissset: Vineam obtineat Rex, ut faciat sibi hortum olerum, quia vicina est, & prope domum suam. Tu verò Nabothi collige excisas vites, & ubi creverint olera, paucula quædam vilioraq; ab hortulano regio accipito. Quæ futura fuisset populo Dei de præclaro illo judicio mens & sententia? Nonne in iudices illos tanquam in latrones atque sicarios animadvertendum esse censuisset?

Sic tamen omnino fecisse videntur Episcopi nostri; capiat, inquit, Ecclesiæ solatiolum quoddam in Capitulis & Beneficijs curam animarum habentibus. In cæteris vincat Rex, serviant octoginta Ecclesiæ ad hoc usque tempus liberæ, Henriciana hæresis intacta maneat, quidquid Regaliarum libido cogitavit, aut finxit, ratum esto. O perversum, O turpe judicium! Quod qui tulerunt, tanto majori reprehensione digni sunt, quod imperat nobis gratia Christi non Achab aliquis, non Phocas, non quispiam eorum Regum, quos olim vel Germania, vel Anglia in Ecclesiasticæ libertatis perniciem genuerunt; sed Rex plurimum mansuetus, maxime in religionem propensus, justitia amantissimus, nec non optime cujuscumque consilij cupientissimus. Cui cum unus Episcoporum (ita enim fertur) adulando dixisset: Facturum se in conventu, quæcumq; Regi libuissent. Tu verò, inquit Rex, da operam, ut Episcopatus sis, verum rectumq; suade: amabo te, si Deum plus cunctis, plus me ipso amaveris.

Quod Regis admonitum sanctissimum sapientissimumque, si uti par erat, audissent Episcopi, nonne ille potius Regaliam perpetuis tenebris æternoque silentio damnuasset, quam servitutem Ecclesiæ novo Edicto firmitus validiusque sanxisset. Est enim illud Edictum, Pater Sanctissime, malorum nostrorum non levamen, sed cumulus, quo unum aut alterum in speciem quidem, & ad tempus dumtaxat depellitur incommodum, ut cætera, quæ in Regalia sunt innumera, plus roboris ac firmanienti habeant, iisque æternitas quædam accedat. Est enim celebre jurisconsultorum effatum, exceptionem firmare regulam. Quare dum paucula excipit, cætera Rex firmissimè statuit.

Quæ autem ab ipsa exceptione plurimum roboris accipiunt, ferè sunt hæc: Coronam Regum rotundam, rotundam quoque postulare Regaliam, hoc nullâ sui parte præcisam; sed cunctas, quâ latè patet regnum, Ecclesias pervagantem: facultatem patrimonium Christi administrandi, sacerdotes altaribus admoveendi, rectores Ecclesijs præficiendi, dotem esse sceptro solioque ingentem; quod quàm hæreticum sit, jam sæpe diximus: plus autoritatis habere reges in Ecclesijs vacantes, quàm summum Pontificem, Cui neque per resignationem, neque per præventionem, neque propter supplendam Regis negligentiam, neque aliâ quâcûmque ratione sas omnino erit Beneficium ullum, sede vacante, attingere: sed si quid litis contentionisque circa Regaliam, aut obnoxia Regaliæ Beneficia exortum fuerit, nequire Sanctam Sedem, neque ullum Concilium Oecumenicum controversiam istam dirimere, Senatum Parisiensem potiorum esse. Pars Regum cum sit Regalia, posse quidem cujuscumque libidine in immensum crescere, nullatenus verò constringi, aut coarctari, multo minùs aliquâ sui parte imminui, nec Regibus quidem jubentibus, paciscentibus, summâ potestate annitentibus; jus enim regum etiam ipsis Regibus sanctum. Quare si quid his temporibus vel pacis studio, vel amore religionis, vel collatâ in Episcopos gratiâ Ludovicus XIV. detraxerit de Regalia, delibaveritque, liberum fore sequentibus Regibus, id totum irritum habere ac facere.

Hos aliosque infelices prorsus ex Regaliâ trunco erumpentes frutices Edictum illud aded non refecavit, ut etiam latiores vegetioresque effecerit. Quamobrem Edicto illo nihil adepti sumus, cuncta verò perdidimus; præsertim si in tot tantisque insurgendi, Ecclesiâque vindicandi causis Sanctitas Vestra quieverit, silueritque. Quàm multi enim sunt, Beatissime Pater, qui cum Sanctitatem Vestram videbunt post tantam exhibitam constantiam, dubitantem; post tot intentatas minas, habenas sceleri laxantem, putabunt non esse scelus, quod tam magna, tam sancta Potestas non ulciscitur. Credent etiam, quæ  
regio

regio Edicto sublata sunt, ea tantum Ecclesie frandi fuisse; cetera reprehensione carere, & utcumque ferenda videri. Quocirca plus ex Vestro serenius detrimenti silentio, quam ceperimus ex sacrilega Regalistarum savitia. Hanc enim miseri duntaxat sumus; illud efficiet, ut tot miserijs digni quoque existimemur.

Viderint deinde quorum interest, (nam aliorum appetitor non sum) quantum mali exempli sit, Episcopos & curia nutu pendentis, ausos esse tanto Ecclesie detrimento; tantam Apostolicam Sedem injuriam, Vobis inconsultis, inid verò omnino spretis, Regali jure tanto tamque immenso cedere; cum praesertim maxime scirent, eam causam apud Sanctam Sedem agi jam captam, imò diu contestatam, ultimòque judicio maturam.

Præsumptionem istam alia multò major multoque nocentior excepit. Nam iidem illi Episcopi, ne quis penas suo sociorumque scelere debitas exposcat, nihil non moliantur, ut Apostolicam Sedem, cujus est ista ulcisci, in ordinem redigant. Quocirca ausi sunt in florentissimo Sedis Apostolicæ statu, sedente in Cathedra Petri Innocentio XI. toto orbe Christiano de tanto Pontifice sibi gratulante, ausi sunt, inquam, de summa Religione statuere, ac quæstiones movere; quæ non nisi tristioribus ac difficilissimis schismatis temporibus ventilatæ sunt.

Ecce mirifici istius Concilij egregios Canones: pronuntiat, Apostolicæ Sedis plenitudinem intra Canonum septa coartari, praesertim verò Ecclesie Gallicanæ libertatibus retundi in negotijs fidei: Si quid Papa ut statuerit, id omnino certum non esse; ut autem sit, Ecclesie assensum efficere: Papam subesse Concilio quocumque tempore, quacumque ratione; Synodum Constantiensem ita censuisse. O rem inauditam! judices sedent pauculi Episcopi; stant Papa Conciliumque Rei. An Papa præset Concilio, an Concilium Papæ incertum eis est. Unum illis constat, utrique dominari, ac præesse augustissimum illorum Conventum; utrique pro sua summa potestate jus dicunt: in eorum arbitrio positum est, aut Papam supra Concilium, aut Concilium supra Papam crebore: quidquid censuerint, orbi Christiano lex est.

Audacia hæc, Beauissime Pater, quâ universæ Ecclesie Majestas læditur, Vobis, qui universam Ecclesiam regitis, animadvertenda est, nobis autem qui in novissimo loco recumbimus, tantum lugenda. Quæ verò Ecclesie apamensis propria mala sunt, præter luctum hoc à me insuper postulant, ut Vos Sanctissime Pater, etiam atq; etiam rogem, imò per Petrum Paulumque obtester, ne diutius Ecclesiam illam conquerendo dicere sinatis: Consolantem me quælivì, & non inveni, Educite illam tandem de domo carceris, dirampite vincula ejus.

Denique

Denique decernite solenni judicio, Christianissimum Regem in tota Apamiensi diœcesi Regaliæ jus nullum habere, neque vi sceptri, neque ullo ab Ecclesia concessio privilegio, ut omnium retrò temporum possessio, & rationes demonstrant, nequivisse Archiepiscopum Tholosanum jure Metropolitico Vicarios Generales à Capitulo Apamiensi electos munere suo depellere, aliosque in eorum locum substituere; incidisse cum ipsum Archiepiscopum, Vicariosque ab eo missos, tum eos omnes, qui Vicariis hujusmodi paruerunt, excommunicationem, aliasque pœnas in Litteris Apostolicis primo Januarij 1681. contentas; nominatim verò eos, quos factâ riùe inquisitione comperi mandatis Apostolicis pertinacissimè resistisse, prout luculenta Romanæ missa testimonium demonstrant: rescindi denique acta omnia, cum conventus Provincialis Tholosani: tum illius Generalis Parisiensis, propter adversus utrûmq; interpositam à me intercessionem oppositionemque.

Fuistum hoc judicium ut judicetis, Pater Sanctissime, efficiat velim Spiritus illæ veritatis, qui arguit mundum de justitia, & de judicio, quique posuit Vos Episcopum regere Ecclesiam DEI, simulque suadeat istâ nimîa moderatione, cunctationeq; rebus Ecclesiæ minimè consuli, sed cuncta potius in deterius ruerè, libertatem Ecclesiæ interire, aperiri viam schismati, improborum audaciam majores vires capere, Henricianam hæresim altas radices figere, infinita denique mala oriri.

Date veniam, Pater Sanctissime, si quid in multiloquio in Vos, aut alios quoscunque incautus peccavi. Sed nesciunt plerumque decorum, quorum calamitas excessit modum; cum animum suus excruciat dolor, parùm aliena majestas afficit. Urgeo Vos: luctabor etiam Vobiscum, quemadmodum cum Angelo DEI, imò cum ipso DEO luctatus est aliquando Jacob, idè dictus Israël. Porro non dimittam Vos, nisi benedixeritis mihi, latiusque ab hoc certamine, tamen claudus recedam, neque erit mihi pede claudicare molestum, si modo datum fuerit Ecclesiæ vincere. Hujus benedictionis, hujus & victoriæ certum omen habeo concessam mihi, ac per me toti Diœcesi à Sanctitate Vestra Jubilæi gratiam, quæ humillimo ac gratiosissimo animo excepta, tot malorum pondere serè oppressos interrim nos recreavit. Multos Vobis, Pater Sanctissime, annos, & quidquid optimum apprecor, simulque Apostolicos pedes exosculor.

Datum die decimâ tertiâ mensis Aprilis anno 1682.

Sanctitatis Vestræ

Humillimus & Obsequentissimus in Christo Filius  
& famulus

Cerle Vicarius Generalis Diœcesis  
Apamiensis Sede vacante.

Docu-

## Documentum LVIII.

*Epistola Cleri Gallicani, auctoritate Regiâ Parisiis**congregati ad Sanctissimum Dominum Dominum*

INNOCENTII PP. XI.

BEATISSIME PATER,

**Q**Uam consecrandi fecimus Apostolicæ Sedis canonice obedientie professionem, ea nos impellit, quæ Parisiis jussu Regio congregati gessimus, ad Apostolatum Vestrum referamus, gravisque mectus nostros paternum in sinum effundamus: (a) Cum enim Te Dominus gratiæ suæ præcipuæ munere in Sede Apostolica collocaverit, talemque nostris temporibus præstiterit, ut nobis potius ad culpam negligentiae valeat, si apud venerationem Tuam, quæ pro Ecclesia suggerenda sunt, tacuerimus, quàm ea possit Sanctitas Vestra, vel fastidiosè, vel negligenter accipere, non ambigimus, quin magnis periculis nostris Pastoralem diligentiam adhibere digneris.

Sanè, Beatissime Pontifex, à majoribus nostris, sanctis, gravibusque viris accepimus, Regni & Sacerdotij tutâ piâque concordia res humanas nisi: (b) Dum unum ab altero impugnatur, periclitari utrumque; eâ occasione & de Regno tolli justitiam, & de Ecclesia pacem, schismata & scandala suscitari, & fieri animarum perditionem simul & corporum; (c) Sine horum concordia res humanas nec incolumes esse posse, nec tutas. Hæc Goffridus Vindocinensis, hæc Ivo Carnotensis, sanctissimi, gravissimique Ecclesiæ Gallicanæ Præsules immortalibus scriptis testata reliquerunt. Hos in medium asserre, & ad Vestram Sanctitatem allegare juvat, quos pro Ecclesiastica libertate, atque Apostolica auctoritate multa perpeßos Sancti Vestri Decessores, non tantum ut probabiles Magistros, sed ut præcipuos, singularesque filios semper habuerint. His accedat tertius Clarevallæ Abbas, non Gallicanæ tantum, sed Universæ Ecclesiæ lumen, Sanctus Bernardus, ille Canonum propugnator, ac fortissimè cuiusque sententiæ gravissimus auctor, ubi nimio rigore Regnum & Sacerdotium dividi, (d) atq; inconsutilem Christi Tunicam scindi animad-

Y y

vertit,

(a) Epistola Concilij Milevitani ad Papam Innocentium, inter Epistolas S. Augustini Epist. 92. (b) Goffridus Vindocinensis Opusculo quarto. (c) Ivo Carnotensis Epistola 60. (d) Sanctus Bernardus Epistola 219.

vertit, utili condescensione temperari canones supplicavit, ac pacem utriusque potestatis, quæ utramque fulciat, retineri, præsertim in Gallia, (a) ubi nullam unquam Regnum inter & Sacerdotium divisionem fuisse antiquiores Episcopi gloriantur erant, ubi denique, ipso teste Bernardo, toto orbe colliso, ipsisque Pontificibus gravi toties tempestate jactatis, non modo nullæ scissuræ sacre essent, (b) sed etiam tolerent scissuræ aliæ refarciri.

Nec minore studio Apostolici Præsules Vestra Sanctitatis Antecessores eam concordiam commendârunt, cum geminâ potestate res humanæ regi ex sacris Litteris accuratissimè tradidère; quarum proinde concordiam publicam pacem, totiusque generis humani statum contineri certissimum sit, discente Prophetâ: (c) Ecce vix Oriens nomen ejus, Zorobabel in persona, in figura Christus, certè populi Dei Dux & Princeps; (d) Et ipse extruet Templum Domino; & ipse portabit gloriam, & sedebit, & dominabitur super folio suo; & erit Sacerdos super folio suo; & consilium pacis erit inter illos duos. Sic ergo utrumque solium, alterum Principis, alterum Sacerdotis, auxilio mutuo, mutuâ consensione munitum; hinc populi salus, hinc non tantum corporum, sed etiam animarum lucta proveniant; hinc denique res humanæ stabili, ac Deo pariter, hominibusque placidâ tranquillitate decurrant.

Quæ cum ex Patrum traditione, ipsaque aded prophetica ac divina auctoritate descenderint, ubi eam pacem nostris temporibus occasione Regaliæ sollicitari vidimus, capimus cogitare, quid Majores nostri, quid antiqui Sedis Apostolica Antisites præscriberent, pro certo habituri, quod verbo pariter, & exemplo docuissent. Sic autem comperimus, quæ Ecclesiasticâ auctoritate, æternâ lege sancita essent, manere inconcussa; quæ Ecclesiasticâ prohibitione constarent, in his Ecclesiarum Principes multa pro tenore canonum districtius judicasse, multa pro temporum necessitate tolerasse, ubi non periclitatur fidei veritas, aut morum honestas, quedam instituta temperari, non cæcâ tamen & indiscretâ relaxatione disciplinæ, sed si adesset necessitas, ex qua leges quoque mutari contingeret: sanctos enim Pontifices Antecessores vestros ita præcepisse: (e) Ubi necessitas non est, Sanctorum Patrum Decreta manere inconvertibilia; eadem ergo Decreta ex necessitate interdum temperanda: eam verò necessitatem esse, si graves dissensiones, si turbulenti motus, tumultusque imminerent, quam populorum itragem Sancti Patres vocant; tunc enim Charitatem, quæ summa Ecclesiæ lex sit, alias emollire ac temperare leges, (f) ac detrahendum aliquid canonum severitari;

(a) Ivo Carnotensis Epistola. 238. (b) S. Bernardus Epistola 219. (c) Gelasius Papa Epistola 8. ad Anastasium Imperatorem. (d) Zachariæ cap. 6. vers. 12. & 13. (e) S. Bernardus Tractatu de Præcepto & Dispensatione cap. 4. (f) Augustinus Epistola 50.

cati; ut majoribus morbis sanandis Charitas sincera subveniat; hinc nempe profectam, à Sanctis Patribus, ipsaque Apostolica Sede toties celebratam moderationem canonum, quæ utili dispensatione, & providâ compensatione librata Ecclesiam adjuvet, propulset dissidia, Regnum & Sacerdotium firmâ pace componat.

Hæc ex Sancto Augustino, alijsque Patribus; hæc ex Sanctis Pontificibus, Leone, Gelasio, cæterisque Majores nostri didicerunt, nobisque tradiderunt: (a) Salvo scilicet fidei fundamento, & communi morum regulâ, toleranda quædam, etiam faciendâ, quæ infirma videantur; hæc enim facit Charitas, quæ operit multitudinem peccatorum, quæ cum infirmantibus infirmatur, cum scandalizatis uritur, & omnibus omnia fit, ut omnibus prodesse mereatur. Quod si jus illud Regium, quam Regaliâ dicimus, aut Fidei fundamentis, aut morum regulis esset adversum, non illud utique sancti Pontifices doctrinâ & pietate conspicui Alexander III. Innocentius III. atque alij comprobassent; non illud denique sacrum Generale Lugdunense Concilium tot personis, totque sub titulis suâ auctoritate firmasset. At enim extendi vetuit ad eas Ecclesias, quæ primarâ atque innatâ libertate gauderent; sed ut hanc interim questionem omitteremus, neque minutatim verba Concilij, variisq; sensus quæque antegressa, quæque consecuta sint, expendamus: id sanè liquidò constat, nullum esse periculum, ut extensum Fidei, moribusque noceat, quod illas Fide, salvâque morum regulâ, longè latèque propagatum, plurimas jam Regni Ecclesias occupârit; ex quo illud efficitur, Regaliâ causam, non ad (b) Fidei, morumque regulam, quæ immobilis & irreformabilis sit, sed ad disciplinam, quæ pro locis ac temporibus subinde mutetur, quæque temperamenta ac salubrem illam moderationem admittat, omnino pertinere,

Jam ergo consuetio questionis statu, Beatissime Pater, quantum intelligimus, rem totam expediri haud difficile fuerit; cum id unum inquirendum resset, justâne causa fuerit, cur post Ecclesiarum quarundam libertatem totis sexaginta annis strenuè propugnata, victi in eo Tribunali, quod ipsi antiquo more Regni appellavimus, acquiescere potiùs, quàm omnia commovere, Regiam potestatem cum Pontificali committere, nova denique bella ciere vellemus. Nos pacem anteponimus, nec in simili causa piget imitari Vindocinensem Abbatem non minùs fortitudinè, quàm prudentiâ clarum, cujus verbus dicimus: (c) Habeat Ecclesia suam libertatem; sed summo perè caveat, ne dum

Y y 2

nimis

(a) Ivo Carnotensis Epistola 214.

(b) Tertullia. de Virginibus velandis. (c) Goffridus Vindocinensis opusculo 4:



dum nimis emunxerit, eliciat sanguinem, & dum rubiginem de vase conatur eradere, vas ipsum frangatur.

Neque verò publicam pacem, ac sub tanto Rege prosperum rerum Ecclesiasticarum cursum turbatum oportebat. Adhibe pius aures, Sanctissime Pontifex, & tantisper cogita, quem Regem habeamus: non invictam bello dexteram, ac decora victoriarum predicaturi sumus pacifici Sacerdotes: habent illæ laudem suam universis Gentibus celebratam, ac pacis gloriâ cumulatam. Utinam, Beatissime Pater, rebus nostris interesse, & coram intueri posses (paternis sanè oculis dignum spectaculum) quàm benigne Optimus Princeps Episcopos audias, quàm rebus Ecclesiæ saveat, quàm bonos sulciat, quàm invictâ auctoritate frangat contumaces, quàm celestem illam nobis à Domino traditam potestatem intemeratam velit. Eo protegente, Jurisdictio Episcopalis propemodum profligata emergit è tenebris: nostris jam Decretis, nostræ auctoritati Parliamentæ obsecundant, ac Regia Decreta Canonica discipline ancillantur. Jam verò Hæresis quot accipit subinde salutares plagas? Quot Edictis comprimitur? Quot amissa Tempia lugeat? Quantas nobilium, plebejorumque turbæ ad Petri, hoc est, Christi orile revocatas? Quid deinde referemus, ut Regius animus exosus habeat novitates omnes, nulloque Regni loco consistere patiatur? Est profectò Ludovicus Magnus alter ille Mauritius à Sancto Gregorio Antecessore Vestro toties commendatus: (a) Cujus temporibus Hæreticorum ora conticescunt; quia etsi eorum corda in insaniam perversi sensus ebulliunt, Catholici tamen Principis tempore, prava quæ sentiunt, eloqui non præsumunt.

Hæc coram admiramur, hæc luculentius Vestra quoque Sanctitas ab altissima illa, cui totus orbis subest, Petri Sede commemorat; his Apostolicum Vestrum pectus exultat; si quid fortasse tot inter prospera emergit incommodi, non omnia proinde ad juris apices exigimus; (b) magno enim Cyrillo Alexandrino Præsule docente didicimus æconomiâ rerum plerumque cogi nos etiam à stricto & confesso Ecclesiæ jure discedere. Quanti verò æstimamus illa privilegia aliquot Ecclesiarum, si emolumentis damna contendimus? Quid, quidd illud onus vix Ecclesiæ sentiunt, vacantium Ecclesiarum fructibus, quos Reges vindicare fisco in Ecclesiarum longè maxima parte non dubiâ consuetudine poterant, Successori reservatis, rebusque ad Canonum auctoritatem Ludovici Decimi tertij augustæ memoriæ Edicto redactis? Quid, quod in quibusdam Præbendis ac Dignitatibus conferendis, si quid erat asperius, nobis supplicantibus,

à Rege

(a) Libro 7. Epistolarum Epistolâ 48. (b) Epistola ad Gennadium Presbyterum & Archimandritam,

À Rege mollitum, tanti Principis pietatem, largitatēque commendat? Quid, quod Capitulis sua jura servata, certique Judicibus præscripti limites, ne Regalæ nomine omnia invadantur? Id subjuncta his litteris gesta testantur, cer-  
tisque indicio sunt, quàm bene illi aliqua concedantur, qui multa jam sibi possessione vindicata ultro concedat.

Sed enim exprobrabant, qui votis suis omnia metiuntur, leve illud quoque (sic enim sentiunt) quod Rex Christianissimus tanto studio asserium Corona sue velit, nobis auctoribus ac flagrantibus potuisse dimitti: nam illi falsi sunt, re-  
rumque nostrarum imperitissimi. Liceat verò nobis, Beatissime Pater; quando eo in cardine totius negotij summa versatur, paulò liberius interturbare gra-  
ves illas curas Apostolicæ mentis, ac jus Regaliæ Francorum Regibus, totique Regno infixum, prout nostris hominibus insitum, inditumque est; ab ortu re-  
petere.

Sic nemo inclamant Regij Magistratus, Christianissimos Reges jam inde à Clodoveo, ac primis Christianæ Religionis exordijs, Ecclesiarum omnium, ut pie-  
tate filios, ita effusissimâ liberalitate nutritos, & Regiâ defensione propmo-  
dum Patronos, ac Tutores existisse: ea verò, quæ Ecclesiæ in fundis haberent, teste Augustino, jure Casareo, hoc est, Regio obtineri, supremamque eorum  
omnium potestatem penes Reges esse. Hinc à priscis temporibus, vacantium  
Ecclesiarum Regiâ manu occupata bona, mox reddita Successoribus: nec à Sede  
Apostolica reprobata, quæ hinc juri tuendo antiquissimis etiam temporibus Reges  
Francorum fecissent; Præbendas quoque, hoc est nativo sensu, stipendia Cleri-  
corum, partem Ecclesiasticæ possessionis ac proventus, necdum à toto discretas,  
si vacarent Ecclesiæ, eodem quoque jure à Principibus collatas; quarum quip-  
pe collatio & antiquo jure à solida massa decidi non posset, & recentioribus  
quoque juris Pontificij institutis in fructu haberetur. Hæc omnia ab antiquo  
Regibus de se bene meritis concessisse Ecclesiæ, sanè consensisse, jusque  
illud utriusque potestatis consensione firmatum, Regiæ Majestati proprium atque  
congenitum ita coaluisse, ut distrahi nequeat: neque verò fas esse, ut Ecclesiæ  
primis Francici Imperij temporibus diverso jure haberentur, quas eadem Regiâ  
protectione fulciri, eadem liberalitate disari, ejusdem Majestatis reverentiâ ac  
potestate contineri certum esset. Si quid ergo tristioris diversitatis exortum sit,  
id esse referendum ad illa tempora, quæ scissum Regni corpus, Ducumque &  
Comitum olim innocuo, tunc infausto nomine avulsa ac discerpta membra vix  
inter se cohererent: hos enim Principes, Regalibus occupatis, sæpe etiam sine  
Regum conscientia relaxatis, omnia perturbasse: at postquam Regia potestas

distrahitur Provincias ad sese revocavit, & afflictum diu, dissipatumque Regnum suum demum integrè sub uno Capite nobilissimo pariter ac valentissimo sanitatem inteclexit, tunc obliterandam, quæ laceros artus olim dehonestabat, sordam diversitatem, nec Regio juri ex antiquissimis, receptisque Regni Francici legibus, nocere potuisse possessionem intermissam, quam & per Principes sibi subditos diu retinuisse, nec ipsi unquam animo dimisissent; universasque Ecclesiæ, non tantum ad decorem, sed etiam ad robur, firmamque compagem, eodem denique jure componendas. Neque verò obstat Lugdunense Concilium, quippe quod nec Reges nominet, ex Pontificijs quoque Decretis pro sua Majestate specialiter appellandos, nec de Præbendis loquitur, & aliud veri possit; neque à Pontificibus Regibusve in questione Regaliæ, cum de ea maxime ageretur, memoratum, aut leviter saltem indicatum fuerit.

Hæc utrumque se habent; neque enim lubet commemorare, quæ Antecessores nostri reposuerint, aut liigare est animus coram Vestra Sanctitate pacis negotium tractaturis; hæc, inquam, aded Regijs Magistratibus infixæ menti sedent, ut à se avelli nullâ ratione patiantur, causaque ceciderimus, eorum quoque sententiâ, qui & æquitatis laude storerent, & in nostrum ordinem essent propensissimi; quâ consensione victus Rex Maximus, satisque sibi conscius, quàm ab invadendis Ecclesiarum juribus abhorreret, jus Regium putat, quod in universum Regnum penè diffusum, suo velut cursu undique protendatur, rerum similitudine, parique Ecclesiarum conditione, velut in proclive ductum. Quid hic nobis mentis, Sanctissime Pontifex, planè simpliciterque dicemus; hæc neque omnia ut certa proponimus, nec ut erronea & fidei regulis adversa propulsamus; ac dispensationi providæ locum esse censemus, gravissimos scilicet auctores secuti Apostolicos viros Antecessores Vestros.

Prodeat sanè vir maximus, non minus in sacris litteris, quàm in Canonum disciplina versatus Innocentius III. atque in simili causa quid agendum sit, doceat: de Regalibus agebatur; jure autem Regalium multa contineri, quæ jam Ecclesijs Regum liberalitate remissa sint, certo certius est. Primum jus procurationis, sive hospitij, quo Episcopi Abbatesque Regem domo excipere, totamque cum ipso curiam, publicasque personas alere certis temporibus: tum jus exercitus, quo certos milites ad Regium exercitum ducere, eosque alere deberent: & quidem occupari à Rege Ecclesiarum bona, non modò si illæ vacassent, verum etiam si Episcopi consueverant, quæ vocabant, servitia omisissent; eaque omnia ab eodem fonte Regalium existere, & perspicuum ex sese est, & ipse Innocentius proficitur. Duo ergo Episcopi à Rege accusati, quod illius in-

justi

jussu milites abduxissent, eorum Regalia manu Regiâ confestim intraduntur, nullâ judicij formâ; nec tantum Regalia, sed etiam alia bona quæcumque possiderent; id enim juris Regij esse Rex contendebat: Episcopi id negare, tum factum excusare, vim illatam conqueri, gravissimâque expositulationes deferre ad Innocentium. Quid ergo tantus Pontifex? susceptâ, ut decebat, Episcoporum causâ, Philippum Augustum aggreditur, multa interminatus, multisque adhortatus: (a) Ne inter Regnum & Sacerdotium scandalum oriretur; intentato quoque Apostolicâ censurâ metu, nisi Episcopis Regalia, aliâque omnia præter jus fasque (sic enim ferebat) occupata relaxaret; gravis sanè causa, in qua Rex Maximus (b) censurâ cohibendus esse videretur, sed interim Innocentius ad Episcopos scribit: (c) Fraternitati Vestræ consulimus bonâ fide, quatenus cum charissimo Filio nostro Rege, quanto melius poteris, componere studeatis; quoniam arcus, qui semper est tensus, vires amittit, & nonnunquam Reges melius vincuntur mansuetudine, quàm rigore. Præclare ille quidem, ubi nullum fidei, nullum morum regule creatum periculum est; sed particulare factum, inquit, nec in exemplum trahendum; & tamen agebatur, uti prædictum est, non tantum de Episcoporum facto, sed etiam de Regalium jure, quousque pateret, quæ bona complecteretur, quâ formâ exerceri posset; sed hæc omittamus. Quid Benedictus Duodecimus, unus omnium Pontifex & constantiæ & prudentiæ laude ornatissimus? Is Philippum Valesium Regem editâ Philippinâ multa (d) Regaliâ Juri ab antiquo more diversa velut inferentem gravissimis monitis ab ea tutanda lege deterruit; sed præclare functus officio, ab negotio destitit; neque enim omnia urgenda Pontifici, nec exactè semper ad minutos quosque apices res Ecclesiasticas deducendas: Philippinâque ad nostra usque tempora stetit incoluntis.

Sed ne Vestræ Sanctitati molesti simus, postremum commemoramus Bonifacium Octavum; nec tamen refricamus insausa illa dissidia, quæ nec sine lacrymis legi queant: abeant illa in tenebras æterno sepelienda silentio. Id de Bonifacio referre lubet, quod ad pacem conducatur, quod dignitatem pariter atq; clementiam Summæ Sedis deceat. Grave erat Bonifacio à Philippo Pulchro, pleno etiam jure conferri Præbendas, seu Regalias, seu quovis alio titulo; nec tamen negabat Pontifex, imò profitebatur id fieri posse Ecclesiæ consensu tacito vel expresso (e) Rex interim se posses-

(a) Libro 1. Epistolarum Epistol. 107. (b) Lib. 3. Epist. 40. (c) Lib. 3. Epist. 107. (d) Rainaldus ad ann. 1337. numero 17. (e) Histoire du différent de Boniface VIII. & de Philippe le Bel page 90. page 93. page 78.

possessione tuebatur; eo enim jure à se conferri Præbendas, quo à Majoribus, & à Sancto Ludovico avo datæ essent. Rectè ille & ordine, ut videtur; satis enim constabat, reclamante nemine, eo jure usos: neque fraudi esse poterat optimis Regibus, quod ad Jus Regium ea revocabant. Id enim Jus Regium esse, quod Coronæ Regiæ ab antiquo insitum, coalitumque sit: atque ut ex simili rem consciamus, an non Patronatus, quos vocant Laicos, ipsis quoque terris atque dominijs ex possessione inherere, ac quasi temporalis juris loco esse constat: cum tamen id juris ex Ecclesiasticæ potestatis fonte præfluere nemo non fateatur? Quamò ampliora Regibus & Beneficentia, & propria Majestas conciliare potuit? Neque id Bonifacium juris consultissimum fugiebat; sed cum in ancipiti esse videretur, quatenus Juri Regio Præbendas conferendi Ecclesiæ consensus accessisset, quod dubium, quod illicitum reputabat Pontifex, de potestatis plenitudine concedebat, ac licitum faciebat. Quid enim litigamus, inquit, volumus, ut Rex faciat licitè, quod facit illicitè: volumus super hoc sibi facere gratiam omnem, quam poterimus. Sic quem nodum solvere ex Pontificis sensu, antiqua monumenta juræque non poterant, Apostolicæ potestatis gladio amputabat: atque id Bonifacius Octavus tot inter similitudines conferre ultrò voluit in Philippum Pulchrum: quanta Innocentius Undecimus Benevolentissimus & propensissimus in Ludovicum Magnum? Neque verò ambiguum, quid Orbis Christianus expectet, si Pontifici Pontificem, Regem denique Regi componamus. Id tantum postulamus, ne plus æquo audiantur, qui in Jure Coronæ novas hæreses fingunt, nimisque intelligendo sapiunt, nihil ut intelligant præposteri homines, qui quem exsufflant pulverem, ut præclare Sanctus Augustinus, in suos, aliorumque excutiunt oculos. Vestra verò Sanctitas hæc omnia supergressa, Christianique Orbis intenta commodis, tantas contentiones ex tenui ortas, sed in gravissima mala, nisi Deus avertat, aliquando erupturas, Apostolicâ auctoritate componat: pacem expetimus, pacem flagitamus, pacem, quæ Vestrum nomen tantâ pietatis ac sanctitatis laude omnibus Gentibus, ipsisque aded Ecclesiæ hostibus clarum, venerandumque immortalitati consecratura sit. Satis jam, superque Parens Optimus, Devotissimusque Filius repugnante animo altercantur. Nos quidem, Beatissime Pater, ut gratias agimus, quas possumus maximas, quod Jura quarundam Ecclesiarum, quæ nobis omnibus communia facit ipsa Fraternitas, facta rectæque esse vultis, ita nostrâ causâ concuti Orbem, Pacemque Christianam conturbari nolumus: quare ad quæque, quidquid inerat, jure decedimus: id in Regem Optimum atque Be-

neficiam-

*neficientissimum ultro contulimus* : (a) Et si forte propter Canonum rigorem minus licebat, factum est tamen, quia Ecclesiasticæ paci sic expediebat ; cum enim plenitudo legis sit Charitas, in hoc legibus obtemperatum esse credimus, in quo Charitatis opus impletum esse cognovimus.

*Quæ à nobis acta, si Vestra Sanctitas dignetur inspicere, probaturam esse pro sua equitate confidimus.* Sanè summâ consensione, pronâque omnium nostrum voluntate gesta esse testamur ; cum præsertim nemo sit, qui rebus nostris intellectis, ac perpensis omnibus, quæ recens nobis supplicantibus à Rege Maximo statuta sunt, non ultro fateatur, plura & ampliora concessa, quam dimissa, atque Ecclesiæ causam Regiâ equitate ac liberalitate, meliore nunc omnino conditione esse : quamobrem obsecramus, ut quæ à nostra humilitate, non modo publicæ pacis iniuriæ, sed maximo Ecclesiæ emolumento gesta sunt, quæque Rex Maximus, tanto Religionis studio, tantâque omnium nostrum obtestatione concessit, Regijs Magistratibus nequicquam reclamantibus, sic Vestra Sanctitas complectatur, ut Sacerdotij Regniq[ue] concordiam æternam firmet & sanctiat.

Quid enim luctuosius, quàm sub tanto Pontifice, ac tanto Rege, quorum consensione tot in Ecclesiam bona redundatura sint, per invisa & importuna dissidia eludi expectationem Orbis, & publica commoda retardari ? Sanè ex quo Ecclesia est, Sede Apostolicâ Regnôque Francorum nihil conjunctius fuisse, & maximo honori ducimus, & Vestri Antecessores libentissimè prædicant ; hanc verò perpetuam conjunctionem animorum nostris quoq[ue] temporibus auctam oportuit. Quid enim videt Orbis Magno Ludovico majus ? Quem Turcæ ferventi graviores hostem ? Quam expeditionem manum ? Quem animum promptiorem ? Quem idoneum magis, quicum ea, quæ Vos assidue pulsant, coercendis hostis, atque amplificandæ Ecclesiæ, communicare consilia ? Quem ad ardua quæque jam spontè currentem incitare possitis ? Ne verò prohibeat Vestram Sanctitatem Ecclesiarum aliquarum haud tantis sanè motibus digna libertas : solet Ecclesia Christi quadam omittere, ut alia, eaque potiora servet, multa quoque in melius ferendo, commutare. Ipsa Regalia quantum imminuta est, cum pii Principes à potiandis fructibus jam abstinerint, & gravissima onera alendorum militum ac Procuratorum spontè remisissent, ut jam illi à nobis, si necesse sit, memorem animum suo quodam jure reposcere videantur ? Quid attinet commemorare in Episcopis atq[ue] Abbatibus eligendis, investituris, in jussionibus, permissionibus, assensionibus Regijs, in

Z z

Episco-

(a) Ivo Carnotensis Epistolâ 199.

*Episcopatum & Abbatiarum concessione & dono, in Hominijs quoque & Sacramentis fidelitatis, quàm multa prius censuris gravissimis reprobata, mox ultro concessa sint? Ipsa Apostolica Sedes, atque Ecclesiasticæ libertatis, quàm multa Principum in seipsam quoque jura tolerarit, imò aliquando concesserit, ipsâ temporum morâ excussa cervicibus, & in optimum statum spontè restituta? An ergò Ecclesia (a) levitate usâ est? fuitque in illa est & non? Absit, sed satis sibi conscia aternitatis suæ, ipsique veritati semper immobilis animo adherescens, aliquâ sui parte humanis se rebus utcumque accommodat, nec tam temporibus, quàm animarum salutis servit. (b) Hæc dicendo doctam Paternitatem Vestram non docemus, sed eandem consulendo & rogando monemus, ut ibi consilij & pietatis studeatis visceribus abundare, ubi fas non est, fortitudinem exercere.*

*Quare, Beatissime Pater, ad sacros Vestros pedes ritè provoluti, atque Apostolicam Benedictionem expectantes, Summum illum Ecclesiæ, vestrique unicuique Primatûs Auctorem oramus, obsecramus, uti mentem Vestram ad pacis consilia inflectat, & quæ pacis studio, exemplo Majorum, Sanctitas Vestra gesserit, ea in Vestram gloriam, quàm in Christo habetis, totique Ecclesiæ utilitati vertat.*

*Datum Parisijs tertio Nonas mensis Februarij, Anno 1682.*

*Obsequentissimè & devotissimè Filij ac Servi  
Vestri,*

**Archiepiscopi, Episcopi, & alij Ecclesiastici  
Viri in Comitij Generalibus Cleri Gallicani Parisijs congregati.**

**Franciscus Archiepiscopus Parisiensis,  
Præses.**

*De Mandato Illustrissimorum & Reverendissimorum  
Archiepiscoporum, totiusque Cætus Ecclesiastici in Comitij Generalibus Cleri Gallicani Parisijs congregati.*

**Docu-**

(a) 1. ad Corinthios cap. 1. v. 17. (b) Ivo Carnotensis Epistolâ 190.

## Documentum LIX.

*Responsio INNOCENTII XI. Pontif. Max. ad  
epistolam Cleri Gallicani.*

**Venerabilibus Fratribus Archiepiscopis, Episcopis, & alijs Ecclesiasticis viris, in Comitiji Generalibus Cleri Gallicani Parisijs Congregatis.**

**P**aternæ Charitati, quâ charissimum in Christo Filium nostrum Ludovicum Regem Christianissimum, Ecclesiæ vestras, vos ipsos, & universum Regnum istud amplectimur, permolestum accidit, ac planè acerbum, cognoscere ex Vestris litteris die tertiâ Februarij ad Nos datis, Episcopos, Clerumque Gallæ, qui corona olim, & gaudium erant Apostolicæ Sedis, ita se erga illam in præsens gerere; ut cogamur multis cum lacrymis usurpare propheticum illud: Filij matris meæ pugnaverunt adversus me. Quamquam adversus vos ipsos potiùs pugnatis, dum Nobis in ea causa resistitis, in qua Vestrarum Ecclesiarum salus, ac libertas agitur, & in qua Nos pro juribus, & dignitate Episcopali in isto Regno tuenda, ab aliquibus ordinis Vestri pijs, & fortibus viris appellati, absque mora insurreximus, & jam pridem in gradu stamus, nullas privatas Nostras rationes secuti, sed debite Ecclesijs omnibus sollicitudini, & intimo amorì erga vos Nostro satisfacturi.

Nihil sanè latum, & vestris nominibus dignum eas litteras continere, in ipso eorum limine intelleximus. Nam præter ea, quæ de norma in comitiji convocandis, peragendisque servata afferebantur, animadvertimus, eas ordiri à metu Vestro, quo suafore, numquam Sacerdotes Dei esse solent, in ardua, & excelsa pro religione, & Ecclesiastica libertate, vel aggrediendo fortes, vel perficiendo constantes: quem quidem metum falsò judicavistis posse vos in sinum Nostrum effundere. In sinu enim Nostro hospitari perpetuò debet charitas Christi, quæ foras mittit, & longè arceat à se timorem. Quâ Charitate erga vos, Regnumque Gallæ paternum cor Nostrum flagrare, multis jam, ac magnis experimentis cognosci potuit, quæ hic referre non est necesse. Si quid est autem, in quo benemerita de vobis sit charitas Nostra, esse imprimis putamus hoc ipsam Regaliæ negotium, ex quo, si seriò res perpendatur, omnis ordinis Vestri dignitas atque auctoritas pendet, Timuistis ergo, ubi non erat timor.



Id unum timendum vobis erat ; ne apud Deum , hominésque redargui jure possentis , loco , atque honori Vestro , & Pastoralis officij debito desuissse. Memoria vobis repetenda erant , quæ antiqui isti Sanctissimi Præsules , quos quamplurimi postea quâlibet ætate sunt imitati , Episcopalis constantiæ , & sortitudinis exempla in hujusmodi casibus , ad vestram eruditionem ediderunt. Intuendæ imagines prædecessorum Vestrorum , non solum qui patrum , sed qui nostrâ quoque memoriâ floruerunt : & qui Ivonis Carnotensis dicta laudâstis , debuistis sacra etiam , cùm res posceret , imitari. Nostis quæ is fecerit passisque sit , in turbulenta illa & periculosa contentione , inter Urbanum Pontificem , & Philipum Regem , muneris sui esse arbitratus , contra Regiam indignationem stare , bonis spoliari , carceres & exilia perferre , deserentibus alijs causam meliorem. Officij Vestri erat , Sedis Apostolicæ auctoritati studia Vestra adjungere , & Pastoralis pectore , humilitate Sacerdotali , causam Ecclesiarum Vestrarum apud Regem agere , ejus conscientiam de tota re instruendo , etiam cum periculo regum in vos animum irritandi ; ut possent in posterum sine rubore in quotidiana psalmodia , Deum alloquentes , Davidica verba proferre : Loquebar de testimonijs tuis in conspectu Regum , & non confundebar. Quando magis id vobis faciendum fuit tam perspectâ , atque exploratâ optimi Principis justitiâ , & pietate , quem singulari benignitate Episcopos audire , Ecclesijs favere , Episcopalem potestatem insecratarum velle , vos ipsi scribitis , & Nos magnam voluptate legimus in vestris litteris ? Non dubitamus , si stetitisset ante Regem pro causâ tam justâ defensione , neque defutura vobis verba , quæ loqueremini , neque Regi cor docile , quo vestris annueret postulatis. Nunc cùm muneris vestri , & Regiæ æquitas quodammodo obliti , in tanti momenti negotio silentium tenueritis ; non videmus , quo probabili fundamento significetis , vos ad ita agendum adductos , quod in controversia victi sitis , quod causâ cecideritis. Quomodo cecidit , qui non stetit ? Quomodo victus est , qui non pugnavit ? Equis vestrum tam gravem , tam justam causam , tam sacrosanctam oratis apud Regem ? cùm tamen prædecessores vestri eam in simili periculo constitutam non semel apud superiores Galliæ Reges , imò apud hunc ipsum liberâ voce defenderrint , victorésque à Regio conspectu discesserint , relatis etiam ab æquissimo Rege præmijs Pastoralis officij strenuè impleti ? Quis vestrum in arenam descendit , ut opponeret murum pro domo Israël ? quis vel vocem unam emisit memorem pristinæ libertatis ? Clamaverunt interim , sicut scribitis , & quidem in mala causa pro Regio jure , clamaverunt Regis administrari ; cùm vos in optima pro Christi honore steteritis. Neque illa solidiora , quod reddamini Nobis rationem,

nem,

item, seu veriùs excusationem allaturi rerum in hujusmodi Comitijis per vos actarum, exaggeratis periculum, ne sacerdotium & imperium inter se collidantur, & mala, quæ exinde in Ecclesiam, & in rempublicam consequi possent: proinde existimasse vos, ad officium vestrum pertinere aliquam inire rationem tollendi de medio gliscantis dissidij: nullam verò commodiorem apparuisse, remedio ab Ecclesiâ Patribus indicato, ntili condescensione canones temperandi pro temporum necessitate, ubi neque fidei veritas, neque morum honestas periclitentur: deberi ab ordine vestro, deberi à Gallicana, imò ab universa Ecclesia plurimum Regi, tam præclarè de Catholica religione merito, & in dies magis mereri cupienti; propterea vos jure vestro decedentes illud in Regem contulisse. Mittimus hic commemorare, quæ significatis de appellato à vobis seculari magistratu, à quo victi discesseritis: cupimus enim ejus facti memoriam aboleri, & volumus, ea vos verba è litteris vestris expungere, ne in actis Cleri Gallicani resideant ad dedecus vestri nominis sempiternum. Quæ de Innocentio tertio, Benedicto duodecimo, Bonifacio octavo in vestram defensionem adducitis; non desuere, qui doctis lucubrationibus ostenderint, quàm frivola, atque extranea sint huic causæ. Et magis notum est, quàm ut opus sit commemorare, quo zelo, quâ constantiâ eximij illi Pontifices Ecclesiæ libertatem defenderint adversus seculares potestates: tantum abest, ut eorum exempla possint errori vestro suffragari.

Ceterùm ultro admittimus, & laudamus consilium relaxandi canonum disciplinam, pro temporum necessitate, ubi fieri id possit siue fidei, & morum dispendio. Imò addimus cum Augustino: Toleranda aliquando pro bono unitatis, quæ pro bono æquitatis odio habenda sunt: neque eradicanda zizania, ubi periculum sit, ne simul etiam triticum eradicetur. Id ita tamen accipi oportet, ut in aliquo tantùm peculiari casu, & ad tempus, & ubi necessitas urget, licitum sit, sicuti factum est ab Ecclesiâ; cùm Arianos & Donatistas Episcopos, ejurato errore, suis Ecclesijs restituit, ut populos, qui secuti eos fuerant, in officio contineret. Aliud est, ubi disciplina Ecclesiæ per universum amplissimæ regni ambitum, sine temporis termino, & cuni manifesto periculo, ne exemplum latius manet, labefactatur, imò evertitur ipsius discipline & hierarchiæ Ecclesiasticæ fundamentum, sicut evenire necesse esset, si quæ à Rege Christianissimo in negotio regaliæ nuper acta sunt, conniventibus, imò etiam consentientibus vobis contra sacrorum Canonum, & præsertim generalis Concilij Lugdunens. autoritatem, contra notam jam pridem vobis in ea re mentem

*Nostram, & contra ipsam jurisjurandi religionem, quâ vos Deo, Romanæ, vestrisque Ecclesijs obligastis, cum Episcopali charactere imbueremini, hæc sancta Sedes executioni mandari, & malum invalescere, diutius differendo permitteret, ac non ea Nos, pro tradita divinitus humilitati Nostræ suprema in universam Ecclesiam potestate, solemniter, prædecessorum Nostrorum vestigijs inhaerentes, improbaremus; cum præsertim per abusum Regaliæ non solum everti disciplinam Ecclesiæ res ipsa doceat, sed etiam fidei ipsius integritatem in discrimen vocari facile intelligatur ex ipsis regionum decretorum verbis, quæ jus conferendi beneficia Regi vindicant, non tamquam profluens ex aliqua Ecclesiæ concessione, sed tamquam ingenitum, & coævum regie coronæ. Illam verò partem litterarum vestrarum non sine animi horrore legere potuimus, in qua dicitis, vos jure vestro decedentes, illud in Regem contulisse: quasi Ecclesiæ, quæ curæ vestræ credita fuere, essetis arbitri, non custodes; & quasi Ecclesiæ ipse, & spiritualia earum jura possent sub potestatis secularis jugum missi ab Episcopis, qui se pro earum libertate in servitutem dare deberent. Vos sanè ipsi hanc veritatem agnovistis, & confessi estis, dum alibi pronuntiastis: Jus Regaliæ servitutem quamdam esse, quæ in eo præsertim, quod spectat beneficiorum collationem, imponi non potest, nisi Ecclesiâ concedente, vel saltem consentiente. Quo jure vos ergo jus illud in Regem contulistis? Cùmque sacri canones distrahi vetent jura Ecclesiæ; quomodo ea vos distrahere in animum induxistis, quasi eorundem canonum auctoritati derogare liceat vobis? Revocate in memoriam, quæ inclitus ille conterraneus vester Clarevallensis Abbas novæ Gallicanæ modò, sed etiam universalis Ecclesiæ lumen à vobis merito nuncupatus, Eugenium pontificem officij sui admonens reliquit scripta præclare: Meminisset se esse, cui claves traditæ, cui oves creditæ sunt. Esse quidem & alios cæli janitores, & gregum pastores, sed cùm habeant illi assignatos greges, singuli singulos; ipsi universos creditos, uni unum, nec modò ovium, sed & pastorum Eugenium esse pastorem: ideoque juxta canonum statuta alios Episcopos vocatos fuisse in partem sollicitudinis, ipsum in plenitudinem potestatis. Ex quibus verbis quantum vos admoneri par est de obsequio & obedientia, quam debetis huic Sanctæ Sedi, cui Nos, Deo auctore, quamquam immeriti præsidemus; tantumdem pastoralis Nostræ sollicitudo excitatur ad inchoandam tantam aliquando in hoc negotio, quam nimia fortasse longanimitas Nostra, dum patientia spatium damus, hæcenus distulit, Apostolici muneris executionem.*

Quamobrem per presentes litteras, traditâ Nobis ab omnipotenti Deo auctoritate, improbamus, rescindimus, & cassamus, quæ in istis vestris comitijs acta sunt in negotio Regaliæ, cum omnibus inde secutis, & quæ in posterum attentari contigerit, eaque perpetuò irrita & inania declaramus; quamvis cum sint ipsa per se manifestè nulla, cassatione aut declaratione hujusmodi non egerent: speramus vos quoque ipsos, re melius consideratâ, celeri retractatione consulturos conscientia vestra, & Cleri Gallicani existimationi, ex quo Clero sicuti hucusque non desuere, ita in posterum non desuturos confidimus, qui boni pastoris exemplo, libenter animam ponere parati sint pro ovibus suis, & pro testamento Patrum suorum. Nos quidem pro officij Nostri debito parati sumus, Dei adjutrice gratiâ, sacrificare sacrificium justitiæ, & Ecclesiæ Dei jura, ac libertatem, atque hujus sanctæ Sedis auctoritatem, dignitatemque defendere, nihil de Nobis, sed omnia de eo præsumentes, qui Nos confortat, & operatur in Nobis, & qui jussit Petrum super aquas ad se venire. Præterea enim figura hujus mundi, & dies Domini appropinquat. Sic ergo agamus, Venerabiles Fratres; ac Dilecti Filij, ut cum summus Paterfamilias, & Princeps pastorum rationem ponere voluerit cum servis suis, sanguinem pessumdatæ, & laceratæ Ecclesiæ, quam suo acquisivis, de Nostriis manibus non requirat. Vobis interim omnibus Apostolicam benedictionem, cui caelestem accedere optamus, intimo paterni amoris affectu impartimur.

Datum Romæ die 11. Aprilis 1682.

## Documentum LX.

*Alia Cleri Gallicani epistola ad Sanctissimum Dominum*  
Nostrium INNOCENTIUM XI. Pontif. Max.

BEATISSIME PATER,

**Q**uamvis olim à Majoribus nostris Sedi Apostolicæ delatum est, tantum nos, qui honoris Sacerdotalis successores Patrique animi heredes sumus, Vestræ Sanctitati debere, solemniter profitemur; neque id modo, quod Vestra Beatitudo in præcelso editoque Ecclesiæ loco posita est, sed & quod illam videmus singulari pietate, & religione summâ, loci auctoritatem exæquare. Cum enim Petri Cathedram eâ quâ debemus veneratione prosequimur, & pariter nobis ante oculos proponimus virtutes

eximias,

eximias, quibus V. S. ornata est, severitatem scilicet Institutorum, studium amplificandæ Ecclesiæ, constantem retinendæ veteris discipline sententiam, quotidianam sollicitudinem omnium Ecclesiarum, obfirmatam non acquiescendi carni aut sanguini voluntatem, non possumus non admirari, & summam in honoribus gloriam, & parem in moribus disciplinam. Hæc & alia, quæ sanctè magnifica sunt, magnam de Vestro Pontificatu spem omni Ecclesiæ injecerunt; quisque statim Vestri nominis merita prædicare, sibi quisque polliceri capit, fore ut summo Pontifice Innocentio Undecimo Ecclesia Provincias reciperet, quas Patrum nostrorum memoriâ hæresis abstulerat, & fides Romana prolatis longè finibus amissam recuperaret possessionem. Ea spes Orbis Christiani fuit, eaque opinio hoc magis apud nos invaluit, quod paribus votis, & simili animorum consensione cum Vestra Sanctitate conveniret Rex Christianissimus, qui, quâ Religionem, & quâ præditus est potentiâ, impietatem disturbare, & solus inter Principes Christianos domitam hæresim Romanis subjicere fascibus potest; neque frustra est hæc expectare ab invictissimo Principe, qui jam non minùs religione, quam armis, Magni Nomen implevit. Ille domi hæresis tanquam alicujus hydræ innumera capita Edictorum pondere oppressit: Ille jam pridem foris subactis Provinciis & Civitatibus expugnatis, Romanæ Ecclesiæ religionem intulit, & nuper in Argentoratensem Civitatem, stupente Europâ, & frendente hæresi fidem ab exilio reduxit, expiatoque Dei Sanctuario, signa Catholica sacris affixit positis, quos tot annos hæreticorum polluerat impietas. Hæc Christianissimus Rex, cujus spectata virtus, summa in rebus gerendis Prudentia, in exequendis Fortitudo admirabilis, Magnitudo animi, Justitia, Fides, Religio, tanquam sagittæ in arcu brachij potentis, ad tollendam hæresim, delendum mendacium. Cum hæc inter sanctissimum Pontificem, & Regem Maximum incredibilis esset virtutum, & voluntatum conspiratio, quid aliud nos augurari oportebat, quàm fidei victorias, & gloriam Ecclesiæ. Verumtamen, Beatissime Pater, hæc contra omnium expectationem perversis quibusdam hominum improborum artibus interpellata sunt: vix præ dolore hæc meminisse, nedum commemorare possumus. Etenim dum Rex Christianissimus pro sua pietate rem Ecclesiæ bene & feliciter gerit, ecce per Provincias & Civitates Galliarum Litteræ Apostolica divulgatæ sunt, quibus sacra Regis Christianissimi Majestas offenditur, acerbis minacibusque litteris impetitur ille Rex, Prædicator fidei, Defensor Ecclesiæ, Regionum Præsul, Patriæ Custos, Triumphator Gentium; convelluntur Jura Regni, tolluntur sacra majorum nostrorum deposita, pulsantur Ecclesiæ Gallicanæ libertates, cæditur reverentia Sacerdotalis, Provinciarum

Eccles-

*Ecclesiarumq; Privilegia violantur, subvertitur Jurisdictio Episcoporum, perruptisque terminis, quos Patres nostri constituerunt, ex antiqua Patrum nostrorum hereditate immeriti dejicimur. Ingenuis, Beatissime Pater, Clerus Gallicanus, cum videret, contra Canonem Ecclesiasticum, & contra formam judiciorum condemnatum esse Illustrissimum Archiepiscopum Tholosanum; exhorruit districtum & minitantem Capiti Collegæ excommunicationis gladium, demum contra fidem Concordatorum litteræ Pontificiæ absque Canonica causa denegantur ritè nominato ad Apamiensem Episcopatum; unde accidit, ut non succurratur Ecclesiæ scissurâ laboranti, quoniam non adest Episcopus, qui & pro munere institutionis suæ tollat schisma, & dissidentes ad unitatem revocet.*

*Unde verò, Beatissime Pater, tot & tantæ in nos irarum causæ? quos olim unus ex Vestra Sanctitatis Prædecessoribus appellabas Gentem sanctam, Regale Sacerdotium, Populum acquisitionis, cui DEUS Israel benedixit. Nonne nobis eadem, quæ Majoribus nostris fuit in Summum Pontificem devotio? Nonne erga Sanctitatem Vestram reverentiæ & obedientiæ obtestatio similis? idémque nos, quos illos olim ejusdem communionis vinculum Sedis Apostolicæ adstrictos tenet? Dolemus, Beatissime Pater, nihilominus ex vestris litteris in Ecclesia feri discordias; eúmque in dies malum ingravesceret, huic tandem obviâ ire cœpimus; habitóque generali Ecclesiæ Gallicanæ conventu in commune providere, ne quid detrimenti Christiana res caperet. Advi-mus itaq; Regem Christianissimum, & quâ legatione pro Christo fungimur, tanquam DEO exhortante per nos, obsecravimus, ne ex unius negotij causâ ædificationem Dei dissolvi sineret. Eum verò, Beatissime Pater, qui pacandi orbis gratiâ, gloriæ & magnitudini suæ, quibus nihil fortissimo Principi pretiosius est, ultrò modum fecit, tranquillitati Ecclesiæ & felicitati Sacerdotum nihil non condonaturum esse, rogationis nostræ eventus comprobavit.*

*Quoniam verò paci & quieti Ecclesiæ Gallicanæ, non modò in præsentiarum, sed etiam in posterum prospiciendum est, talia nempe præcesserunt, ut similia, vel etiam graviora præveneri oporteat; præmisso erga Sedem Apostolicam, quod decet, reverentiæ & obedientiæ officio, impensius deprecamur Sanctitatem Vestram, ne jura, privilegia, mores, & instituta Majorum convelli, aut minui patiatur, ea præsertim, quæ sacris Canonibus, & Patrum Decretis stabilita nobis semper in honore & usu fuerunt, & quæcumque Ecclesia Gallicana auctoritate consuetudinis & vetustatis possessione defendit: idque eò ardentioribus votis exposcimus, quo nullâ temporum interruptione, nullâque definitione Patrum hac in re Ecclesiæ Gallicanæ derogatum est. Ejusmodi autem sunt Episcoporum judicia, quæ ex Patrum Decretis, & ex moribus nostris in his partibus à nobis tractari, quin etiam interjectis ad Sedem Apostolicam appellationibus finire debent; ea quoque, quæ ad jurisdictionem Metropolitanorum & Epi-*

porum attinent, jura Regni, libertates Ecclesiarum, negotia Ecclesiastica, quæ omnia intra limites Diœceseos Galliarum agitari, agitari, & judicari conditum est. Prudentissimè enim, & justissimè, ut in simili propè negotio Patres Africani ad Cælestinum Papam scribebant, Nicœni Patres providerunt, quacumque negotia, ubi orta, sunt finienda, nec unicuique Provincia gratiam Sancti Spiritus defuturam, quæ æquitas à Christi Sacerdotibus, & prudenter videatur, & constantissimè teneatur.

Oramus itaque Sanctitatem Vestram, & omnibus precibus obtestamur, ut suam, quam Vestris Fratribus DEUS tribuit portionem, intactam illibatamque esse velis, ut paterno animo suam filijs hereditatem factam rectamque custodiat, ut vulneribus Ecclesiæ Gallicanæ Matris nostræ piâ, & salubri eorum, quæ gesta sunt, ratione medeat; nec intercessionem Cleri Gallicani minùs æquis auribus accipiat, dum præsertim periculum est, ne quid dispendij res nostræ, nobis tacentibus, patiantur. Neque hæc pro juribus nostris defendendis repentina supervenerunt subsidia; antiqua Majorum nostrorum documenta sumi, quæ ut hausimus ab ijs, ea pariter hoc Ecclesiastici vigoris, & Sacerdotalis à imi exemplo, ad posteros transmittimus. Quin etiam emulamur sapientiam Patrum, qui in similibus causis, simili modo suis institutis providerunt, neque id agere inlisse Summos Pontifices Bonifacium & Cælestinum, quin & hisce postremis temporibus Innocentium X. accepimus; speramus quoque, Beatissime Pater, fore ut Vestra Sanctitas æqui bonique consulat hanc nostram contestandæ, & dirimendæ causæ rationem, ubi sine honoris erga Vestram Sanctitatem diminutione, sine ulla charitatis offensione, decertata jura suis possessoribus asseruntur. Nobis enim hoc imprimis de Vestra Sanctitate pollicemur, ut ille, cujus ad Pontificatum felix ortus, & læti dies fuerunt, cujus vita omnis virtutibus tanquam f. u. l. s. t. i. s. (hyd. ri. bus) fulget, amotis procul vel levium dissidorum nebulis, tranquillitatem Ecclesiæ Gallicanæ asserat, & serenitatem. Hoc omnium nostrum votum, & hoc cum Apostolica benedictione optant, expectantque.

Datum Parisijs pridie Nonas mensis Maji, anno 1682.

Sanctitatis Vestræ

Obsequentissimi & devotissimi Filij ac Serri Vestri,

Archiepiscopi, Episcopi, & alij Ecclesiastici  
Viri in Comitij Generalibus Cleri Gallicani Parisijs congregati.

Franciscus Archiepiscopus Parisiensis, Præses,

De Mandato Illustrissimorum & Reverendissimorum Archiepiscoporum, Episcoporum, totiusque Cæus Ecclesiæ in Comitij Generalibus Cleri Gallicani Parisijs congregati.

## Documentum LXI.

*Epistola Pastorum Apamiensium ad INNOCENTIUM XI.*

Pontif. Max. quâ & veniam petunt, quòd Vicarijs Generalibus ab Illustrissimo Archiepiscopo Tholosano constitutis obedientiam detulissent, & Pontifici gratias agunt, quòd penitentes veniam benigne donasset.

## SANCTISSIME PATER.

Post humillima Pedum oscula,

**P**eccavimus: nec satis est semel dixisse; addimus iterum iterumque, peccavimus. Denique sine modo vocem illam, quæ tam multis saluti fuit usurpata, multo pluribus perniciem attulit prætermissa, ingeminamus: peccavimus. Sit hoc Epistolæ hujus initium, sit clausula, sit summa. Quid enim aut jucundius legere Vos, aut nos scribere salubrius possumus? Dicat igitur unusquisque nostrum in se reversus, quod ille Adolescens Evangelicus: Pater peccavi in cælum & coram te. Gravem quippe in cælum culpam commisimus, qui posita ad aratrum manu retrò respeximus, facti regno Dei minùs idonei, qui animas nostras facientes pretiosiores, quàm nos, minùs metuimus peccare in conspectu Domini, quàm incidere in manus hominum. Denique qui cum hominibus Christi tunicam inconsuilem scindentibus, abominationem desolationis in loco sancto ponentibus, & adversus id omne, quod vocetur Deus, sese erigentibus, sædam & exitiosam non sponte quidem, sed neque inculpate Societatem inivimus, Coram Vobis, Beatissime Pater, deliquimus, desertis ijs Castris, in quibus Sanctitus Vestra toto animi robore, totaq; cum laude præliatur prælia Domini. Tum etiam, quòd maluimus plenam ignominie securitatem querere, quàm pulchra sanctiq; Vobiscum adire pericula, Vobiscum deinde partituri æterni gloriam triumphi. Denique quòd neglectâ Vestrâ optimi, supremique Pastoris voce, lubentiùs audivimus ululatum Lupi.

Auger verò non mediocriter culpam nostram, quòd per crebra Innocentie exempla in culpam ruimus: quòd de agone recessimus, cum maximè socij, Fratresq; nostri in stadio currerent, ac sic cucurrerint, ut quidam eorum bravium comprehenderint, omnes comprehensuri videantur. Quòd, Pater Sanctissime, Episcopi nostri viri Apostolici (cui toties singuli dixeramus, etsi omnes scandalizati fuerint in te, ego nunquam scandalizabor) spem decepimus, gloriam obscuravimus, triumphum minuimus, illamq; beatam, nec satis prædicandam necessitudinem, quâ cum illo conjuncti fuimus, non satis meminisse, penè contemnere visi sumus.



*Ingens profectò culpa fuit hæc, grandèque delictum, at cui sua non defuit pœna. Profectò in regionem longinquam durissimam servitutem servivimus, sed Cive regionis illius, cui adhasimus, porcos pascente, fame perimus, filiquas cupimus, nec impetramus, & tamen crudelissimo Domino felices videmur. Non opus est istius calamitatis singulas partes percurrere, quarum vel aliquas meminisse non parva calamitas est.*

*Habuit tamen pœsima ista conditio optimum hoc, quòd nos & de paternæ domus felicitate cogitare, & in paternæ charitatis amplexus venire compulerit. Surgentes revertimur ad Patrem, apud quem cum mercenarij loco esse vellemus, excepit nos more filiorum splendide ac peramanter. Præ soribus, extra limen ob metum & reverentiam subsisteramus, nec ostium pulsare ausi, nec ulterius progredi. Sed moras istas pati non potuerunt paterna viscera, venientique soboli dulcis-fimi genitoris, non domus tantum, sed pectus quoque patuit.*

*Decebat quidem nos, Beatissime Pater, tam Jade defectionis labe pollutos, per longum ac Liboriosum baptisma, amissum recuperare nitorem, tamque alto vulnere confossos gravioribus subjacere remedijs, ac ita demum pristinae sanitati restituì. Decebat, inquam, nos adstantes, depositos, omnique protus sacerdotali honore carentes diu multumque ruinam nostram lugere, Deum placare, ac Universæ Ecclesiæ Gallicanæ, nedum Apamienfi, cui ingens scandalum fuimus, satisfacere. Sed è re fore visum est, respicientes excipere in Spiritu lenitatis, magisque placuit indulgentia. Itaque assuere statim Vestro nomine, qui venientibus in amplexus ruerent, qui Ecclesiæ redderent, quique in ea soliti oneribus fungi juberent.*

*Quæ cum ita sint, Beatissime Pater, nostri muneris esse putavimus, pro singulari illa verèque Apostolica in nos benignitate atque clementia Vestra, humilissimas hæc Epistolâ Sanctissimi Vestræ gratias agere, simulque polliceri, neminem unquam fore (si modò Deus adsuerit, ac super nos misericordiam suam corroboraverit) qui Sanctæ Sedis mandata libentius audiat, qui ab ea desciscientes cautius fugiat, quique Schismaticos, & Ecclesiasticæ libertatis hostes perfectiori odierit odio. Aperiantur carceres, acuuntur secures, erigantur cruces, effundat in nos crudelitas, quidquid malorum in patres atque Collegas nostros huc usque ingestum est, dabit Christus hæc omnia superare ac vincere, simulque efficiet; ut sic demum magis magisque constringatur sanctissimas ille nexus, qui nos cum Apostolica Sede copulat atque conjungit. Erit nobis sanctum, quidquid illa probaverit, eritque reprobum, quidquid rejecerit, nec aliter quàm publicani, ac esbrii loco habebimus, quisquis illam audire contempserit.*

*Rumor est, Sanctissime Pater, cuncta ad quietem vergere, pacem polliceri, factum-*

saclumque id esse operâ atque industriâ Reverendissimorum Episcoporum, qui conveni-  
rent Parisios; qui tam arduam, tamque difficilem controversiam, regnum  
inter & Sacerdotium quomodo componerent, nisi forent Spiritu Sancto repleti?  
hoc ajunt.

Et enim, si pax ista talis extiterit, 'qualem à Sanctitatis Vestrae cura,  
sapientia, tum animi fortitudine populus Christianus universus expectat, qua-  
lem per tot labores, gemitus, pericula Episcopus noster quaesivit, qualem postu-  
lat Sanctae Sedis violatae Majestatis, Sacro-Sancti Concilij Lugdunensis conculca-  
ta auctoritas, Octoginta minimùm Ecclesiarum sub jugum missa libertas. Si  
pax ista Domûs Dei zelatoribus attollat animos, eosque qui Sanctam Sedem  
veneratione ac studio prosequuntur, quique pro ea non exigua incommoda per-  
pessi sunt, ac nova pro ejus dignitate tuenda, si quid impostero triste acci-  
derit, ad subeunda pericula, fortiores, alacriorésque efficiat. Denique, si pa-  
cem istam Ecclesia dederit, non acceperit, & quidem invita, vim passa, spre-  
ta, ludificata, tunc profectione Reverendissimis Episcopis ex animo gratulabimur,  
similique in Domino gaudebimus, Deumque pacis benedictum dicemus ex hoc,  
nunc & usque in Saeculum.

Contrâ verò, si fuerit ista pax non donum Dei, sed opus, imò ludus Sa-  
culi, non Ecclesiae restituta libertas, sed rata servitus, & si quid melius, ca-  
tena paulò nitentior; non prostratus error, sed triumphata veritas; non im-  
probitatis atque audaciae frenum, sed ad quidvis adversus Concilia œcumenica,  
adversus Sanctae Sedis Decreta, adversus omnia sacra impostero audendum  
tentandumque incitamentum. Si tot eximios invictosque libertatis Ecclesiasticae  
defensores pax reliquerit inglorios, afflictos, oppressos, pedibus conculcatos, contrâ  
verò tot improbos, qui ausi sunt altare contra altare erigere, Sanctam Sedem  
quasi infestis signis petere, multa Sacrilegio patrare, quique de illis adhuc glo-  
riantur (adeò non dolent) nullâ nec levi quidem poenâ affecerint, sed gaudere  
licuerit mercede iniquitatis. Postremò si fuerit pax ista non pax, sed bellum,  
tanto terribilius, quanto latentius, tanto crudelius, quanto callidius, sub blan-  
do concordia nomine decipit: erit pro dolor! nobis lugendus non unus, sed  
duplex casus; noster scilicet, & Religionis; noster quidem, qui in bello cor-  
ruimus. Religionis autem, quam pax ista quodammodò deficiet, atque pro-  
sternet. Sed melius sperare movent quaecumque huc usque Sanctitas Vestra pro  
Domo Dei & fecit, & passa est fortiter atque sapienter.

Multo plura fortassis addenda forent, sed utilius modestiusque silebimus.  
Taceant poenitentes & lugeant, qui nec nimium filere, nec satis lugere possunt.

Gaudeat interim iugentibus nobis Sanctitas Vestra, gaudet Angelus non super uno, sed super multis peccatoribus penitentiam agentibus. Dignatus est olim Christus Mulieri in Civitate peccatrici osculandos pedes porrigere: num parem penitentia nostra ambit honorem? Ambit equidem. Non veremur tali exemplo provocati, Christi potestatis Vicarij, Christi vitæ æmuli non pedes quidem, sed pedum vestigia prono ore osculari ac lambere. Datum die Martij, anno verò 1682.

Humillimi & Obsequentissimi in Christo Filij  
& Famuli

Parochi Apamienfes,

## Documentum LXII.

### Quinta Epistola R. P. Cerle ad INNOCENTIVM

XI. Pontif. Max.

SANCTISSIME PATER,

Post humillima pedum Oscula,

**Q**UANTUS ego sum, qui verbis meis loquar Vobiscum; video enim Vos Domine, sicut Angelum Dei, & conturbatum est cor meum præ timore gloriæ Vestrae. Sed recreat me erigitque non parùm, quod aurea virgæ summitatem mihi non semel osculandam porrexistis. Illam nunc quoque precor porrigite, meque liberate à laqueo venantium, & à verbo aspero.

Accepi, Beatissime Pater, esse Romæ, qui dicerent, quidquid ad hoc usque tempus in negotio Regalia factum est, partim me incio factum, partim suavis atque impulsu Clarissimi viri Domini Favoritij Amanuensis Vestri actum esse.

Qua de re, Pater Sanctissime, cum primum certior factus sum, risi plurimum (quod quidem Vestra pace dictum sit) improbi Sycophantæ socordiam, qui se putavit tam crassâ calumniâ, supinoque mendacio Romanam solertiam dexteritatemque in fraudem inducere, ac ipsos videntes obsecrare.

Cæpi deinde & mihi, & Ecclesiæ timere vehementer. Intellexi nimirum eum ex hac novissima fraude, tum ex omni nequitie genere, quod est in perditissimæ causæ defensione à Regalibus adhibitum, Adversarium nostrum Diabolum summo studio totisque viribus in perniciem nostram incumbere; quippe qui nec viribus, quas habet permagnas, nec artibus, quibus potissimum valet, ullâ ratione parcat.

Est illi (quod quidem magnus observavit Gregorius) duplex in sacris litteris nomen, nam Leo vocatur, & Draco dicitur. Leo est, quia devorat, Draco quia decipit,

cepit, utrumque nos, cum Gallijs, tum extra Gallias, quod arduo satis molestissimæque experimento tristissimis istis temporibus edocti sumus. Hic enim Leo iste adversus nos tremendum rugit, sauces aperit, dentes stringit, ingentem de nobis stragem edit. Roma vero Draco sibilat, multiplices se torquens in gyros, totumque in nos, quod gerit inira viscera lethale virus, eromit.

Hic nos tanquam nimio studio Apostolicæ Sedi addictos, maximèque Catholicos ad internecionem Leo persequitur. Illic vero nos ut Vobis religione minus, quàm necessitate deditos, ac heterodoxis nescio quibus societate conjunctos, omni Vestro praefido destituere, in visisque efficere totis viribus ac nervis Draco contendit. Hic Episcoporum agmina commoret, ut Vos (si Petrus sinat) in ordinem redigat. Illic vero quia Vestra dignitas in tuto est, charissima Vobis capita per fraudem & insidias querit elidere.

In Gallijs Leonis furor equuleos parat, cruces erigit, exilijs nostris, fugâ, ærumnis cunctas Regni provincias implet & terret: præterea universa religioni bellum indicit, homines impios & Satanæ traditos in interitum carnis, Sanctos habet: qui vero Sancti sunt, ex Ecclesijs eliminat, ac in vincula conjicit, monasteria in popinas ac lupanaria commutat, virgines expellit, sacerdotes pessundat, ejectis Pastoribus, ovibus Christi Lupos præficii. Quid plura? Apostolicas litteras, jussiones, Censuras aut stulto ludibrio habet, aut humanâ rabie conculcat. Denique cuncta gerit, quæ Vos ad citò torquenda fulmina, ad Vestram dignitatem celeriter vindicandam, ad coercendam sine mora improbitatem, ad tuendam summâ festinatione innocentiam impellere, acuere, urgereque debent.

At Roma Draco raserimus callidissimisque trium annorum moris alius moras necit. Hunc in suspicionem adducit, illum varijs artibus in suas partes trahit, alios terret, alios allicit, cunctos dolo capit. Ad hoc nihil non pollicetur, nihil non mentitur. Denique omnes machinas adhibet, ut de manu Vestra, Beatissime Pater, fulmen excidat, ut Ecclesia serviat, ut improbitas tuta sit, ut pietas, & innocentia profanis impiorum conatibus succumbat.

Sed ne diutius vetera, & quæ sunt omnibus perspecta, commemorem, recentiora quædam, nec ita nota perstringam. Hoc ipso tempore, Pater Sanctissime, quo ad pedes Sanctitatis Vestræ parviis mea scribit, quinque sunt hujus Diocesis Parochi carcere conclusi: octoginta vero, quorum sunt occupata obsequiaque bona, non aliam profectione ob noxam, aliudve scelus, quam quia summo illo caelestique beneficio, Jubilæo videlicet à Vobis concesso, ad nostram vero exiguitatem misso destinatoque, persanctè usi sunt: quodque eorum nonnulli, quos error humanus fragilitasque abduxerat, in se tandem reversi, quidquid recedendo peccaverant, amare stendo deleverant, tantaque per illos dies

dies salutis induti sunt virtute ex alto, ut à Vestra fide & obsequio, nostraque societate nullis terroribus nullisque periculis divelli posse videantur. Denique quòd eorum oves Pastorum vocem audientes, nec non exempla sequute tempore illo acceptabili celestibus divitijs mirum in modum locupletatae sunt, sedemque Apostolicam, unde opes illae fluxere, ferventiori studio pietate atque honore prosequuntur.

Hoc vidit Tartareus Leo, nec tulit, cumque spirituales opes non posset auferre, temporalibus rapaces unguis injecit. Diripiuntur Ecclesiae, spoliuntur Pastores, enecantur pauperes, quorum quidem pauperum, qui certè sunt apud nos innumeri, totus ferme in Sacerdotum charitate census & vita est. Hanc crudelem vicem Vestra mansuetudo, patientia, benignitas reposcebat? Hanc illam spem injecerat, qui ad solemne de tanta lite judicium impediendum cuncta in Gallijs è sententia Vestra f.llum iri pollicitus est?

Sed quamquam acerbissima ista sint, omnique crudelitate plena, plus tamen improbitatis ac nequitiae videtur esse in illo, quem, ut diximus, ubique spargunt rumorem; cujus proscindit ille artifex est, qui in sacris litteris & mendax dicitur, & Pater mendacij; me scilicet in his omnibus negotijs non nisi larram esse, me inconsulto, me prorsus inscio fieri, quidquid his temporibus geritur. Etenim si credendum est sycophantis, & calumniae cursoribus. Litteris Apostolicis debitum honorem non detuli, otiosus omnino sui, Regalists non obstiti, illicitis Episcoporum Conventibus non intercessi. Hæc si ita sint, cur tandiu fugio? Cur tam diligenter lateo? Cur ubique paratas Cruces invenio? Denique cur alios timeo, qui timeri poteram, si Belial quàm Christi partium esse maluissem?

Eslo nihil fecerim, at multa passus sum pro Christo, Ecclesia, pro Sanctissimis Canonibus. Hæcine quoque inficiabuntur? negabuntne cervicibus nostris instituisse Carnificem, atque in imagine cœpisse, quod utinam in Corpore nostro aliquando perficiat? Hæc est gloria nostra, cujus splendorem nullum mendacium obscurabit, quam nulla fraus dolusque nullus, aut minuere, aut nobis eripere poterunt. Hæc est gloria nostra, quæ nos clarissimis Christi Confessoribus adnumerat, Sanctissimis Episcopis consociat, Vobis ipsis Beatissime Pater, sedere ac societate, quanta quidem inter Dominum & servum haberi potest, conjungit.

At, inquit, ad cuncta, quæ præstisti adeunda, Dominus Favoritius me impulit, ejus operâ & consilio in omnibus usus sum. Bene est, non poterant proscindit res meæ gesta nobiliori calculo comprobari. Nec enim potui cuncta non

recitè

resse peragere, tam sapientem tamque rerum agendarum peritum authorem secutus.

Sed quamquam tam sapienti monitori autem præbuisse maximè mihi laudi verteretur, indebitam tamen laudem non aucupor, qui meam, si quam haberem, arbitrarer ut stercora, ut Christum lucrificerem: Favoritium quidem colo, revereorque; at Favoritio nihil penitus debere me sentio, nisi quantum à singulis Christianis debetur homini, cujus sunt in Vos, in Apostolicam Sedem, inque universam Ecclesiam ingentia merita.

Aliud subjungam, Pater Beatissime, audacius fortè liberiusque, sed veniam, uti spero, audaciae meae benignitas Vestra non denegabit. Sit licet Favoritius vir usquequaque magnus, licet illius industria, fidesque Vobis spectatae probataeque sint, quod quidem singulari virtutis argumentum & præmium est. Et si pietatem illius, ingenium, solertiam Roma universa, atque omnes omnino boni demirentur, quodque majoris est gloria (ut vult Hieronymus) licet illum hostes Ecclesiae detestentur, cumque gladijs nequeant, verbo interficiant. Denique quamquam Favoritius ille sit, cui fideles omnes plurimum de Vestra in illum benignitate confidentes sublimiorem gradum amplioremque honores deprecantur, ac ne amplius vestrorum potius, quam suorum adversariorum telis pateat, plenam dignitate securitatem exoptent. Quotius quantus sit, tamen multo minor multoque inferior ijs est, quibus in negotio hoc toto Authoribus usus sum. Quinam vero sint illi? Vos Pater Sanctissime, Paulus, Christus.

Docuit me Christus cum verbo, tum exemplo pastoris munus esse pro oribus animam ponere. Monuit me Paulus depositum ut custodirem. Vos ipsi iussistis praelia Domini ut praeliarer, utque fortiter in statione tam sancta permanerem. His Ducibus, his Authoribus movendum regendumque me tradidi. Favoritio nec notus sum, nec ille mihi. Certè nullas unquam ad illum litteras misi, ab eo nullas accepi: ita me Deus adjuvet.

Post confutata protervi Calumniatoris mendacia liceat, Pater Sanctissime, majus nostrum, imò totius Ecclesiae vulnus summo Medico aperire. Cum magno apud omnes bonos odio laborare sese intelligerent Patres Societatis IESU, propter nefariam illum Probabilitatis doctrinam, nuper à Sanctitate Vestra magno fidelium plausu damnatam, ut eam à se invidiam, minimè tamen mutatam sententiam depellerent, sanxere in ultimo suo generali Conventu, opinionem illam, quae propius ad verum accedere videretur, ut plurimum esse sequendam. Quo profecto Decreto non tam veritati consulitur, quam Ecclesiae illudatur, quam sancta Sedes irridetur, quam errori latibulum securitasque paratur.

*Hærendum, inquit, ut plurimum Sententia probabiliori. Cur non semper ? quod ratio suadet, quod Sancti Patres admonent, quod Canones præcipiunt ? Cur non semper ? cum omnes omnium serè Sanctorum Patrum pagine clament : in dubijs tutiorem partem esse sequendam ? An aliquando peccare Sanctum est ? An quandoque perire tutum ? An Christus ut plurimum tantum est veritas ? Mariusq; adentidem videri & esse probabilis ? Videtur ut plurimum istud Semi-Arianorum alterum Homiusion, totum videlicet ad fallendos incautos, & fraudem occultandam compositum.*

*Eas, inquit, interdum esto, nefas ut plurimum ex sententia minùs probabili quidpiam aggredi. Verè desecerunt scrutantes scrutationes. Quid est, quod dixisti, o infelix Astutia ! O Sententiam necessitate confusam ! ( Ut ait Tertullianus ) quod negatur, præcipitur : quod licet, prohibetur. Cur sæpius dumtaxat persequaris, quod semper querendum sit ? Quomodò quod nunquam fieri licet, interdum ritè feceris ?*

*Sed quæ res tandem sequendi respuendique opinionem probabiliorē tempus præfinit ? Illa videlicet toties locum habebit Sententia verisimilior, quoties res erit cum rusticis, operarijs, bajulis, ancillis, & id genus mulierculis, quorum sunt levissima nulliusque ponderis, & ( quod caput est ) nihil ad Societatem pertinentia negotia. Contra verò, quod minùs probabile censebitur, id Probabilista sequentur, unde magnum sibi commodum obventurum, aut grave periculum metuendum erit. Verbi gratiâ, si orta de Regalia gravis controversia fuerit, certentque invicem, illinc quidem gens potentissima, opibus, honoribus aliisque Beneficijs assentientes cummulans, adversantes verò nullo non pecuniarum genere afficiens : hinc autem Sancta Sedes futura tantum bona promittens, ac lentis fulminibus pariem ( ut incredulis videtur ) metuenda ; tum liceat Jesuitis valedicere veritati, sibi in finem Probabilitatis perfugium & armamentum quærere.*

*Obtineat opinio probabilior apud infimæ notæ Jesuitas plebemque, ut ita dicam, Societatis, regendû tenuiorum conscientijs mancipatam, & evangelizare pauperibus missam. liberum verò sit ab ea recedere, istius sacra genti Proceribus, quibus fors & gloria est stare semper ante Reges & Præsides. Non loquatur in istis Spiritus veritatis, libentiùs in Aula Spiritus Probabilitatis auditur.*

*Hæc placita, aut monstra veriùs Conventus ille parturijt, Beatissime Pater, nec veriùs sunt errorem illum lege sancire, cum in ipsa Urbe Roma, ubi omnis error configitur, tum sub oculis Sanctorum Petri & Pauli, qui fuerunt suntque maximi præcones, assertoresque veritatis. Tum denique audiente spectanteque Innocentio Undecimo, per quem est probabilitas afflicta, per quem est ( ut speramus ) jugulanda.*

*Sed*

*Sed adeò ita facere non sunt veriti, ut maximè tali loco, talibùsque testibus Decretum istud edere callidi homines quascerint, studuerintque, ut si quando in impium Dogma pietas erudita insurgeret, hæc statim excusatione occurrerent. Ceterè haud dubiè omni reprehensione, quod Ecclesia Romana, quæ est veritatis firmamentum, quòdque Innocentius XI. tantus Censor vidisset, nec arguisset. Sed erravit istum hominum terrena animalisque Sapientia; non feret profectò, non feret Innocentius XI. Urbem Romam deboneflari tali partu, nec suum Pontificatum pollui tali probro.*

*Doctrinas istas peregrinas, ut vocat Apostolus, cùm palàm profiscantur Patres Jesuitæ, tum Academiæ omnes, tum omnia Clericorum seminaria impetu sacro occupant. Invasèrè nuper Principis jussu, ac novo quodam productæ extensæque Regaliæ jure Academiæ hujus Regni permultas, & in hu percelebrem illam Tholosanam. Idquæ agere ausi sunt inconsultâ Sancta Sede; cùm tamen Academiæ istæ omnino Pontificiæ sint, nec minoris Vestræ Ecclesiæ referat, Doctores Scholæ, quàm Pastores Basilicæ præficere, scriptum est enim: Et ipse dedit quosdam quidem Apostolos. Alios autem Pastores, & Doctores ad consummationem Sanctorum, ad opus ministerij, in ædificationem Corporis Christi. Tantum autem ex antiqua illa Academiarum vindicatione omnes boni cepèrè doloris, ut nemo eorum sit, qui non lugeat, quique tacitè (neque enim palàm licet) Apostolicæ Sedis fidem adversus injuriam hanc tantam non deposcat.*

*Occupati hostili more Academijs, castra movent in seminaria (nam hoc quoque cæcus Romanus censuisse dicitur) nec dubium est, quin primum omnium expugnandum sit Apamiense. Cætera deinde nullo negotio subigentur. Quid enim hodie non obtinent Jesuitæ Aulæ servientes, seu potiùs imperitantes. Eritque ista tum inventæ Regaliæ, tum propugnatarum adversus Sanctam Sedem scititarum Ecclesiæ Gallicanæ libertatum amplissima optatissimæque merces.*

*O miseram (cùm istud contigerit, si tamen contigerit) & atummosam Ecclesiam Apamiensem! ut cæteras Gallicanas præteream. Etenim seminario nostro prop sita Jesuitæ, statim Sanctissimam illam disciplinam, quàm immensus Laboribus Episcopus noster restituit, quàmve Sanctitas Vestra Apostolico judicio comprobavit, labefactabunt, penitusque subvertent. Nec aliud egregij Magistri Clericos edocebunt, quàm suas illas circa doctrinam morum portentosas opiniones, nuper à Sanctitate Vestra, atque aliàs ab Apostolica Sede proscriptas. Denique id in seminario præstabunt, quod strenuè gerunt in Academijs, ubi post Probabilitatem, cui stabilendæ firmandæque præcipuè Societas incumbit, nihil antiquius habens, quàm ut supposititias Ecclesiæ Gallicanæ libertates (quæ*



*Turris est Babilonica certe*) adversus Sanctam Sedem erectas foreant ac tueantur.

Supereſt, Beatissime Pater, ut quod superius antea feci, iterum Vos etiam atque etiam rogem, ne finat Sanctissimæ Vestrae libertatem Ecclesiæ penitus interire, Religionem universam everſi, Apostolicæ Sedis Authoritatem apud quosdam improbos pro nihilo haberi, optimos viros, qui Vos præcipuâ fide ac veneratione prosequuntur, diutius opprimi, usque tot malis solemini de ista controversia iudicio festinet occurrere.

Postulat hoc, Beatissime Pater, non solum Vestrae dignitatis ratio, totque optimorum virorum securitas, verum etiam ipsorum Regalistarum alioquin desperata salus. Subvenite illis salubri paternaque increpatione, ut non impleant peccata sua semper, neve perve niat ira Dei super illos usque ad finem. Est enim quoniam ipsis manus Vestrae huc usque pepercerunt, incidunt quotidie in manus DEI viventis; quod quàm horrendum sit, Apostolus edocet. Porro Regalistarum miserrimè percussorum incidentiumque in manus Dei innumera sunt exempla, Sanctissime Pater, unum tantum, illudque recentissimum Sanctissimæ Vestrae non gravetur audire.

Est quidam Jesuita nomine Meinier Patris Confessarii persamiliaris, qui ampla & pinguis beneficia novo illo Regaliæ jure aliquot suis Nepotibus impetravit. Horum Nepotum, qui videbatur præcipuus, Canonicus Tholosanus effectus, eam vivendi rationem instituit, quæ cæteris serè omnibus Regalistis communis est. Inter cætera quibus scatet vitia, pseudo-Canonicus insano ludendi furore laborat, totus in aleam incumbit, in illud baratrum omnes suas facultates, omnes beneficij fructus, non perceptos modò, sed in multos annos percipiendos: denique quidquid habet, quidquid non habet, projicit. Hinc ad æs alienum convertitur, quo citò præparatus in maximas angustias reductus est. Instat creditor, fames urget, paupercula Mater inopiæ subsidium postulat. Torquet verò, cruciatuque imprimis semper crescens, & ex ipsa paupertate, quæ saltem domari debuerat, ampliores vires capiens in aleam flagitiosa propellitur, quæ cuncta hominem ita turbant, agitant, mutant, ut cum aliàs esset ingenio non panitendo, slipis factus est inops. Oberrat tristis, anxius, cogitabundus, nusquam sibi constat, nusquam illi quies, rarus illi, aut nullus, vel cum collusoribus sermo. Ita compositus, ita factus, iter in patriam instituit, non quia melius in patria futurum est, sed quoniam ipsi nunquam bene est. Transiens per Albiam Civitatem, quæ triginta circiter milliarij Tholosâ distat, ibique dies aliquot demoratus, rem totam, si quam habebat, ludendo dilapidat. Pauculam deinde pecuniam mutui specio ab amicis erungit; hæc quoque statim amisâ tantus dolor insedit animo, tantusque furor mentem exagit,

agitat, ut nec aliorum consortium ferens, nec sui ipsius patiens Domum in cubiculum confugerit. Quid ibi egerit, secumq; dixerit, solus novit, qui cuncta novit.

Certe in eo, quo se clauserat loco, repente sclopeti fragor auditur, accurritur illico ab ijs, qui proximè aderunt, intrant cubiculum, circumspiciunt hominem. O furorem! O scelus! invenitur miser humi porrectus, inversis oculis, distorto vultu, sine motu, sine habitu, deniq; prorsus exanimis. Erat illi frons multis plumbeis glandibus trajecta, discussumq; hac illaq; cerebrum. Cunctis attonitis, dolentibus, parentibus Prætor advenit, manûq; ad cadaver injectâ de patricidio diligenter inquirunt. Verùm Jesuita, quorum est in ea Civitate ut in cæteris omnibus secularis multa potestas, veriti ne multam ea res cum ipsorum Societati invidiam, tum Regalisæ factioni dedecus & ignominiam constaret, si unus è Regalisstis insignioribus, si Jesuitæ Nepos, si Jesuitarum Clientis & Affecta patricida sui diceretur, idque tabulis publicis constaret, omnem lapidem movent, ut omnis ea de re actio questioque sopiatur. Itaque traditur sepultura Christianæ cadaver, cujus utinam anima non sit in inferno sepulta.

Mirum est, Pater Sanctissime, quantum mori illa timorem animis iniecerit. Hac de re nemo non loquitur, nemo non pavet, estque omnium cogitatio & sensus, universos Regalisstas maledictos esse in omni opere suo; alios aliter tamen miserè disperire. Constititque universos Gallicæ Clericos, præter eos, quibus Jesuistica Probabilitas omnem Dei judiciorum timorem adimit, ac insansam conscientia securitatem consiliat, paratos esse fodere potius ac mendicare, quam infelicia ista beneficia inire, quæ quicquid acceperis, induisse videtur maledictionem tanquam vestimentum.

Hanc animorum præclaram ac plurimum commendandam affectionem, Beatissime Pater, fovete, erigite, augete illo solemnî judicio Decretoque, quod Gallicia universa, Christianissimusque exoptat, quodque ego à Vobis, Pater Beatissime, postulo, sit; quoq; per magnum illum Pastorem ovium, qui jam ostium pulsas, repetens rationem villicationis nostræ, qui Petrum formidantem increpuit his verbis: Modicæ fidei quare dubitasti? Qui fidem dedit, adversus Ecclesiam portam inferi non prævaliturus, ne quis putaret, licere sibi portarum istarum formidine causam Dei deferere, aut segnius tueri. Qui multo antea Prophetam Ezechielem ita monuerat: Fili hominis speculatorem dedi te Domui Israël. Et audies de ore meo verbum, & annuntiabis eis ex me. Si dicente me ad impium, morte morietis, non annuntiaveris ei, neque locutus fueris, ut avertatur à via sua impia, & vivat; ipse impius in iniquitate sua morietur: sanguinem autem ejus de manu tua requiram. Si autem tu annuntiaveris impio, & ille non fuerit conversus ab impietate sua,

& à vim sua impia, ipse quidem in impietate sua morietur, tu autem animam tuam liberasti. Per illum, inquam, Pastorem, Beatissime Pater, tam fidelem in promissis, tam potentem in auxilijs, tam terribilem in iudicijs, Sanctitatem Vestram precor, atque obtestor, ut se ipsam quamprimum securitati, & Ecclesiam liberati restituat. Datum die 7. Novembris anno 1682.

Sanctitatis Vestrae pedes exosculor.

Humilissimus & Obsequentissimus in Christo  
Filius & Famulus

Joannes Cerle Presbyter Canonicus, ac Prae-  
centor Ecclesiae Cathedralis Apamiarum,  
nec non Vicarius Generalis & Officia-  
lis Sede vacante Authoritate Apo-  
stolica confirmatus.

### Documentum LXIII.

*Epistola R. P. Cerle ad P. Hispaniac, Rectorem Collegij  
Apamienfis Societatis JESU*

Reverende Pater.

**Q**uia veri legitimeque Pastores non possunt non imminè commoveri, cum eorum, quos pascendos susceperunt, culpas erroresque spectare coguntur, ita argumentum acerbissimi doloris mihi est, quod experiar pergere Paternitatem Vestram, ejusque in Collegio Apamienfi socios, Romanae Sedis oblectari, nec velle obstinate in illam contumaciae finem imponere. Enimvero ingens animi afflictio, quam ex vestra caecitate percipio, illa est, quae mihi calamum in manus praebet, compellique vobis ante oculos prope gravitatem inobedientiae, quae mandata summi Pastoris obstinate haecenus respuisti. Vereor equidem, ne operam perdam, nec aliud hisce meis literis profecturus sim, quam ut peccatum peccato addatis, intellecta vid. nec tamen observata veritate: si enim ausi estis Ecclesiae Caput visibile, Ejusque voluntatem contemnere, vobis tam enixe, & tanto cum apparatu insinuatam, quam ratione polliceri mihi possum, vos monitis auscultaturos simplicis Religiosi, quique inter arumnas & exilia vitam aegre occulteque sustentat, ut persecutiones effugiat, quas contra illum vos concitastis? Ceterum utinamque res cadat, & lucis votis meis effectus non respondeat, nec vos inducere ego possim.

ut

ut scandala reparetis, quæ vestrâ culpâ in Ecclesiam Apamiensem induxistis, quæque illam hodieque conficiunt; consequar illud saltem, ut Mundus totus intelligat, me nihil penitus omisisse, quo vos ad officium frugemque reducerem. Et verò quis novit, an Christus Mundi Salvator, quiq; non nisi modico spato lumen cæco restituit, quin, inquam, novit, an ad animæ vestræ curandam cæcitatē operâ meâ, hoc est, vilissimo instrumento uti velit, quo magis divitiarum gloriæ suæ ostendat, absolutamque illam potestatem, quâ omnium cordibus dominatur? Et verò nullum mihi gaudium majus evenire posset, quàm ut agnitâ tandem veritate, ac errore deposito, quo tenebamini cum cæco illo Evangelico, dicere possitis: Cæcus cum essem, nunc video: ach nimium felices preces & monitiones meæ, si efficere possent, ut vos errorum vestrorum seriò pœniteret; tunc enim mihi coram Deo gloriari liceret, quòd fratrem meum lucratus essem, eumque in viam veritatis, à qua aberraveras, reduxissem.

Hæc sunt, R. Pater, sincera erga vos animi mei sensa, de quorum veritate si aliqua vos pulset dubitatio, testimonium moderatio & patientia illa perhibebunt, quibus contemptum excepi, quo Decreta mea ludibrio habuistis; sed ego malui vobiscum charitate, & lenitate, quàm vindictâ experiri. Næc contentus vos generalis & cum Clero universo admonitione complecti, precarique, ne funesto schismati facies subderetis, quo Ecclesia nostra miserrimè inflammatur: privata quoque monita adjeci, & vos nominatim flagrantèrque rogavi; ac cum prima nihil proficerent, plura & plura identidem suggesti, duosque integros annos rogando minandoque insumpsi, nullumque finem feci vos illius obedientiæ admonendi, quam Ecclesiæ debetis: & tamen siquis in mentem reducat, quantum hæc charitate abusi fueritis, sincerè fatebitur, indignos vos fuisse, quibus tantum charitatis & indulgentiæ impenderetur; nam eodem tempore, quo Regalistræ horrore, & abominationi omnibus erant, securi apud vos vestrisque in adibus morabantur, nullo anathematis metu, quo à Sancto Nostro Antistite perculsi fuerant. Cùmque venerabiles illius cineres tumulo abderentur, Regalistræ ex vestris adibus Collegiòq; erumpabant, sacras exequias, piòsque fidelium luctus, quibus Sanctissimo Præsuli parentabant, profanis precibus gaudiisque turbaturi; tantumque absuit, vos istorum hominum Sacrificia pro profanis iniipiisque habuisse, ut potiùs gloriæ adscriberetis, cum pluries in vestris Ecclesijs, invitantibus vobis, sacrilegè litarent, ut adeò sine injuria dici possit, funestum hoc schisma apud vos natum educatumque, vestrisque in adibus aras discordiæ excitatas esse; & tamen hæc omnia, quibus sanctissimæ Ecclesiæ leges desecrâstis, præludia tantum pejorum fuere, quæ postea à vobis agitata sunt: si enim veritatem fateri volumus, cui tandem

asur-

usurpatam ab Illustriissimo Archiepiscopo Tholoso Apamienfis Ecclesiæ auctoritatem, acerbissimam persecutionem in nos excitatam, & mille alias calamitates, quæ hanc nostram Dioccesin inundârunt; cui, inquam, hæc omnia mala nisi societati vestræ adscribimus, immensoque desiderio, Dioccesin hanc nostram Regaliæ subdendi, vitæque regularem, quæ in hac Ecclesia observatur, penitus delendi? Planè Pater la Chaise id dudum animo conceperat, crediditque nunquam opportuniùs deduci in opus posse, quàm Ecclesiâ Apamiensi suo Pastore riuatâ; hunc in finem Vicarij Generales, quos Capitulum elegerat, in carceres detrusi, Canonici Reformati exilio proscripti, alius denique Vicarius Generalis à Tholoso Archiepiscopo submissus, ut vid. per tot machinas tandem in manus excommunicatorum Ecclesiæ nostræ deponeretur. Hujus Vicarij sacrilega intrusio nihil aliud effecit, quàm ut Clerus totus miserando schismate scinderetur; quippe aut revereri amplectiq; oportebat usurpatam potestatem, aut persecutionibus subjacere quas contempti vindicta excitasset; quamvis non defuerint, quamplures Ordinis Ecclesiastici, qui maluerint & bonorum jacturam, & libertatis facere, quàm verum legitimûmq; Pastorem deserere, aut qui animo erant minùs arumnarum tolerante, non priùs intrusum admissere, quàm carceribus exiliisque propositu. Soli vos Regularium fuistis, qui Fortassini desiderio flagrare visi estis; huic ut primùm Apamijs comparuit, vos illius auctoritatem primi agnovistis, vos obedientiam jurastis, quippe qui probè intelligebatis, illi nomen Vicarij Generalis, vobis auctoritatem & dominatum in dioccesin universam fore. Eodem quoque momento, quo ille Apamijs visus est, sex è vestris Patribus Confessionalia occupârunt, tantoque impetu sacras hæc functiones involare observati estis, ut nemo non crederet, vos tantâ festinatione velle damna & solitudinem vestram præteritam compensare, quando vid. expiatio animarum interdicta vobis fuerat. Tunc ergo omnes, ac etiam obstinatissimi peccatores ad veniam admittebantur, & sanguis Redemptoris, tam caute olim ab Episcopo nostro sanctæ memoriæ administratus, nullo prorsus discrimine delectuque in obvios quosque fundebatur. Regalistæ ipsi, quamvis anathemate percussi denuntiatiq; pacem conscientie, quam fugitijs amiserant, privilegijs Indulgentiæq; vestrâ reperturos sperabant; & verò absolutenibus vobis pacem reppererunt, sed salacem miseramque, nec minùs recipienti inutilem, quàm sanctam offerenti.

que-

quæque id tantum effecit, ut peccatores semper magis magisque obstinarentur, sensumque omnem ac dolorem Conscientiæ amitterent, quo uno sanari revo-  
carique ad frugem poterant; hæc omnia mortifera plage sunt Ecclesiæ Apa-  
miensis à vobis inflicte, & nemo serè est, qui non id ingenuè agnoscat; quippe  
non id tantum agitis, neque hoc solo contenti estis, ut alieni intrusque Pa-  
storis vocem audiat, sed etiam ordinem ac disciplinam illam deletis, quæ  
Apamiensis Ecclesiæ ante alias in Gallia floruerat, eratque nuper admirationis;  
unde est, ut Societas, quam cum Regalistis, nostræque auctoritatis usurpatori-  
bus contraxistis, vos omnibus bonis exosos reddat, instorque filiorum, qui ma-  
terna viscera arrodat, ignemque dissensionis ac discordiæ sinu suo circumsè-  
rant foveantque. Sed & illud delictum ac pertinaciam vestram exaggerat,  
quod vid. recordari adhuc liceat, Episcopum nostrum gloriosæ memoriæ, quam-  
vis, quod de Moyse legimus, omnium hominum planè mitissimum, nihilominus  
ob simile delictum tres è Societate vestra Patres anathemate percussisse, Cælo  
quoque, ut vos ipsi scitis, contemptum vindicante: ac utinam illius pœna exem-  
plo vobis fuisset, ut saltem dicere de vobis liceret, quod olim de Schismaticis  
sui temporis Cyprianus: Qui Christo non crediderant Sacerdotem faci-  
enti, credere postea incipiunt Christo Sacerdotem vindicanti.

Ceterum tantum abest, vos tam formidando iræ divini exemplo absterri-  
tos esse, atque ad animum reduxisse, quo apud Deum loco sint, qui voces le-  
gitimi Pastoris audire recusant, ut potius consideranti mihi, quàm ex prius-  
tis moribus nihil mutaveritis, quantoque contemptu Romani Pontificis Brevia  
exceperitis, vereri liceat (id quod sine intimi doloris sensu proferre non possum)  
vos ex eorum numero esse, qui in peccatis obdurantur, quique de malo in pe-  
jus semper proficiunt: ed enim audaciæ provecti estis, ut non solum Episcopi  
Apamiensis monita ludibrio vobis fuerint, sed etiam Principis omnium Episco-  
porum, supremique Ecclesiæ Pastoris ac Vicarij JESU Christi monita vocisque  
pari contemptu acceperitis; quoties enim ne funesto huic Schismati vos impli-  
caretis, néve Tholosani Archiepiscopi auctoritatem in Ecclesiam Apamiensem do-  
minatum usurpantis agnosceretis, non Patris tantum affectu monuit, verum  
etiam judicis severitate prohibuit, majorem Excommunicationem comminatus;  
vicissis tamen, & à sententia vos dimovendos non preces Romani Pontificis,  
non minæ quidquam profecere. Utque delicti vestri ac pertinaciæ magnitudo  
tegeretur saltem, cum deleri non posset, illud artificij excogitastis, ut palam  
passimque spargeretis, Breve Apostolicum consilium fuisse subornatumque.

Cùmque Romani Pontificis sollicitudo hunc quoque pretextum vicisset, datis ad Provinciale vestrum authenticis Bullæ suæ copijs, num tot tergiversationum, productæque in longum contumaciæ tunc saltem vos puduit? imò pertinaciam auxillis, ipso Provinciali vestro delicti complice, & apud senatum Tholosanum Pontificem Romanum deferente, ac velut Patriæ hostem, Regniq; Gallici turbatorem accusante.

Nihil ergo mirandum, si, cùm tales sint, qui Societatem vestram gubernant, ij quoque, qui ab eorum nutu exemploque pendent, ijsdem moribus, ijsdemq; exemplis imbuantur. Id nuper apparuit in Rectoribus Apamiensis Collegij, ut juventâ imprudentibus, ita Majorum imitatione præservidis inconsultisque; ij ergo non contenti apud discipulos suos memoriam Antistitis Apamiensis despicibilem reddere, temeritatem suam eò usque perduxerunt, ut de seditiosis de Romano Pontifice colloquijs & contemptum spirantibus sacram illius auctoritatem (quam naturali quâdam veneratione fideles omnes reverentur) destorare haud erubescerent. Scio equidem magnitudinem criminis partim fervore & imprudentiâ ætatis, partim Seniorum exemplis, quibus seducti illi sunt, utcumque elevari posse; sed tamen neque illud negari debet, Deum nec ætate, nec imprudentiâ cohiberi solitum, quò minùs in hujusmodi delicta severe non animadvertat, id quod exemplo patuit puerorum Eliseum Prophetam irridentium.

Enimverò, mi Pater, expectabant omnes, ut quæ à Patribus hujus Provinciæ perperam gesta fuerant, Societas vestra improbaret retractaretque, culpâ in paucos privatosque revolutâ; verùm spes ista sesellit, nam quæ vos improbe designastis, tantum absuit ab alijs esse damnata, ut potiùs Societas tota nihil magis curaverit, quàm ut tam indignis auctoritatem præstaret, palamque faceret, non aliquorum tantùm membrorum, sed corporis totius hanc perruicaciam morbumqueuisse. Et ipse quoque Provincialis vester cum Archiepiscopo Tholosano certare visus est, uter magis alterum superaret contemptu Pontificis. Sed & qui in Societate annis & auctoritate alijs præstabant, cùm de Vicario Christi sermo incideret, pari cum juvenibus inmoderantiâ loquebantur, ad eò, ut, nisi apud pleròsque præ vestris exemplis honestus fuisset, & Apostolicis Brevibus, quæ pro Regalia Romanus Pontifex dederat, illum esset, & duo sanctissimi Episcopi pro hæreticis habitii, quos tamen idem Pontifex præclarissimus encomijs exornaverat. Denique ad eò palàm nullòque pudore Societatis vestræ Patres bellum indixere Vicario Christi, ut nemo non dubitaret, vos ob damnatam Romæ Theologiam vestram moralem, confixosque Societatis Auctores, vindictam hâc saltem viâ molitos esse. Expavit Gallia tam indignam agendi rationem, tamque alienam à spiritibus vestrorum Fundatorum; & quamvis jam aliàs omnium animi offensi essent, quòd viderent in Societate vestra, quæ in

Christia-

Christianis dogmatibus imbuendæ juventui aperta fuerat, scribi docerique tam corruptos, sacrisque Evangelij adversos morum aphorismos; imò qui puriorem doctrinam amplecteretur, savissimâ persecutione à vobis pulsari; nihilominus tamen cum tanta cum pompa apparatusque fidelitatem & obedientiam erga Sedem Apostolicam ostentaretis, nemo non credidit, vos hujus reverentiæ memores privatos erga Magistros vestros affectus imperio Romani Pontificis submissuros, & si hæcenus tam flagranti studio mendacijs patrocinati eratis, id ex inconsulto potius Zelo, quàm contemptu provenisse. Nunc verò postquam palam ostendistis, nullo apud vos loco esse Romani Pontificis jussa, quam rogo sententiam de vestra Societate homines ferent, quando vident eam nunc in hanc, nunc in illam partem rapi, sequæ ubicumque majus lucrum & commoditas fuerit, tempori ac favoribus accommodare, eamque auctoritatem, quam aliquando ad cælos usque extulerant, jam depositam velle abrogatamque? Me quod attinet, veniam dabit, si ingenuè fatear, cum turbas & discordias cogito à vobis in Ecclesia excitatas, & illas inter secretas preces gemitusque Deo meo expono, vehementer vereri, ne vaticinium Sorbonicæ Scholæ de vobis completur; quando vid. rogata, an recipi in Galliis Societas vestra deberet? Vestro Instituto regulisq; maturè examinatis, tunc temporis cum nullo privato affectu ducebatur, nullamque rationem habebat, ob quam odio vos prosequi aut amore deberet, in hanc Sententiam prorupit: Hæc Societas videtur pacis Ecclesiæ perturbativa, & magis in destructionem, quàm ædificationem.

Et verò quid timeri non debet à Corpore tam vasto, tam præpotenti, ut vestra Societas est, & cujus unicum studium est, Principes ac Magnates hujus sæculi sibi devincire, vitam ex regulis mundanæ Politicæ prudentiæque infligere, & nihil non legitimum ducere, quidquid ex opinionum probabilium indulgentia Societati amplificandæ servire potest? & planè negari haud potest, probabilium opinionum beneficio quamplurimos prætextus & colores vobis obvenisse, obvelanda pertiniaciæ & inobedientiæ vestræ; imò cum illa non solum gravissimas quoque culpas excusandi virtute polleant, verùm etiam in pulcherrimas virtutes transformandi, nullus dubito, persuasum esse vobis, quamvis magis obsequium Romano Pontifici abnuitis, tantò perfectius vos Regi obedire, perinde ac si ignorare debeatis, contra Decreta & Constitutiones Ecclesiæ non licere Principibus sæculi obtemperare, ac præsertim in ea causa, in qua nemo nescit Regis Christianissimi pietatem, à duobus postremis Confessarijs, qui illius Conscientiæ moderabantur, esse circumventam. Quodsi tamen fidelitatis vestræ in Principem fuit, contra Pontificis Romani repetita Decreta Regiam incuti, quid



*rogo causæ est, ut vos fidelitatis hujus Romæ pudeat? Nihil enim Romæ Patres vestri ardentius curant, quam ut Romano Pontifici persuadeant, Jesuitas, quæ in Gallijs commorantur, innoxios esse, nec se huic causæ umquam implicasse. Hac, mi Pater, tam omnibus sunt nota, ut jam nemo amplius dubitet, vos spiritum erroris ac mendacij agitari, cujus enim certissima nota est pro temporum, locorum, & circumstantiarum varietate sententiam mutare. Vos præcipui & ardentissimi Regaliæ Promotores estis, idque tam notum & vulgatum est, ut nemo id ignoret. Vos primæ faces & auctores ejus Schismatis, quo Ecclesia nostra tanto jam tempore conflatur, idque tamquam egregium facinus gloriæ vobis ducitis. Vos denique non aliâ magis ratione apud Regem effecistis, ut in plerisque hujus Regni Universitates admitteremini, quam quod nimio & indefesso studio Regias partes sustinendi, Pontificis gratiâ excideritis, & tamen audetis interim Romæ Pontifici persuadere, nihil a vobis contra Apostolica Sedis Decreta, nihil contra reverentiam Ei debitam agitatum esse. Quid est hoc aliud, mi Pater, quam velle primam culpam majori adhuc flagitio non tam regere, quam cumulare, & quo penam evadatis inobedientiæ ac rebellionis vestræ debitam, non erubescere Deo, & Spiritui Sancto in ejus Vicario mentiri, perinde ac si sicut istum decepistis, ita & illum decipere liceret, cui tamen omnia secreta cordis, arcaneque etiam cogitationes apertæ & manifestæ sunt?*

*Hujus ergo tam districti Judicis equitatem, si vobis ad mentem revocatum otium esset, intelligeretis utique, quantum vestrâ intersit tandem ad meliorem frugem redire, ac vehementi timore concuti, ne is causam Ecclesiæ aliquando suscipiat, vindicetque Vicarij sui contemptum, & vos tamquam vasa ignominia, quæque Domum Dei profanant potius dehonestantque, quam ornant, enim fastidio rejiciat. Hæc sunt, mi Pater, inobedientiæ & pertinaciæ vestræ, nisi illam abruptatis, funestis effectus, quosque vobis ante oculos ponere animus mihi fuit, ne vid. argui aliquando possem, partibus officij mei defuisse, utq; majori cum fiducia usurpare possem illas Apostoli voces: Contestor vos, quia mundus sum à sanguine vestro; non enim subterfugi, quod minùs annuntiarem omne consilium Dei vobis. Si ergo in præsentibus litteris meis acrius forte vobiscum locutus sum, quàm aliqui genius meus ferat, cogitate non id à me factum alio fine, quàm ut justa, & delicto vestro par severitas cum tristitia sensum in vobis produceret, quæ est secundum Deum, quæque in peccatoribus mater est veræ penitentiæ; utque necessitate absolveret ultima Ecclesiæ remedia in vos experiendi. Hæc unica causa fuit, ob quam non eâ vobiscum lenitate agere potui, quâ aliquin optassem; atque minam liceret vobis intimæ animi*

mei fibras penetrare, videretur nullâ me contra Vos indignatione, aut desiderio vindictæ permoveeri, nec persecutionibus, quas in me excitâstis, quidquam illius charitatis minutum esse, quam Pastoralis à me Dignitas exposcit; si enim odio & vindictâ omnes Christiani prohibentur, quando magis Sacerdotes, primique JESU Christi Ministri, quos gloriari oportet, ac intimo gaudio persundendi, quoties digni habitus sunt pro nomine Christi contumeliam pati. Quod si DEUS tanto me beneficio affecit, quantum est pro ejus gloria privari libertate, ac vitæ periculum quotidianum adire, quæ rogo insania esset, fructus tot laborum amittere, tamque indignis profanisque affectibus cor incendendum præbere? Officium quo desungor, est officium Charitatis, amorq; ac sollicitudo veri Pastoris etiam ad errantes oves profertur, & tunc quoque, cum virgam levat cæditque immorigeras, non sine suspirio sensuque intimi doloris id facit. Testor Conscientiam meam, me ne Charitati quidem in vos desuisse, ipsique, qui alioqui non aequis in me animis sunt, fateri debent, nihil à me non lenitè maturæque peractum esse, omniq; passione procul. Delictum & inobedientia vestra cum publica essent, secretis monitionibus curari non poteram. Palam ergo vos monui, sed cum nihil proficerem, nec dignaretur Consuetudinis meis deferre, ad Ecclesiam vos detuli: sed hanc quoque sprevisistis, cum vid. per os visibilis sui Capituli ad vos loqueretur. Quid ergo supererat mihi, nisi vid. delicti vestri complex esse, pati que vellem, ut alij quoque exemplo vestro perverterentur; quid, inquam, supererat, quàm ut insectum membrum à reliquo corpore separarem? atque utinam, mi Pater, hunc illum, quem ego non nisi invitus ac lacrymantibus oculis inferre cogor, declinaretis! Precabor interim Divinam bonitatem, ut ipsa verbis meis eam aspergat efficaciam, quâ tandem devicto pudore, quo tam multi absterrentur, permoveamini, & delictum vestrum agnoscere, & dignâ pœnitentiâ expiare; sic enim tam Christiano & heroico facinore scandalum abolebitis, quo tam multos offendistis, meque ineffabili gaudio persundetis, compensato dolore, quo ob perruaciam vestram aserbissimè confectus sum.

*Sum interim, erôque semper:*

**Paternitatis Vestræ**

*Humillimus & Obedientissimus Servus*

**F. J. Cerle** Diœcesis Apamienſis Vicarius  
Generalis à Sede Apostolica  
confirmatus.

Ccc 3

DIS-



# DISSERTATIO II.

In

Qua refutantur, quæ Maimburgus in favorem primæ Propositionis Parisiensis, contra Summi Pontificis in Reges potestatem, in Libro (a) de Institutione, & Privilegijs Romanæ Ecclesiæ conatur producere.



*L*udovicum Maimburgum precipiti iam ætate, & in Occasum vergente, vita prius, quàm ardor, vel potius intemperies scribendi deseret; aded illum aut aura ex nuperis libris collecta, aut Principis gratia, aut vindictæ dulcedo oblectant, ut supremas etiam horas bello malit, quàm paci dicatas: nec adduci possum, ut credam, veritate illum ad scribendum impelli; hanc enim, quod supra vidimus, & ex dicendis constabit, toties seposuit, ut neglecta potius, quàm amata videatur. Et numquid alia decrant argumenta, in quibus veritati, si hæc aded placebat, militaret? Sed hoc unum delegit, quia licet profano potius calamo,

(a) Maimbourg Traité Historique de l'establissement e Prerogatives de leglise de Rome Anno 1685.

calamo, quàm sacro dignum, nec satis eius vitæ instituto aptum, quod tot annis profitebatur; aula tamen præcharum erat, etsi minùs laudis, plus prætj promittebat. Et in alijs quidem Libris Pontificiam Dignitatem oculis tantum prælijs, minutisq; impetijt, in hoc verò libro, quem refutare aggredimur, plenam aciem instruxit, seq; hostem professus est, quanquam maiori pompâ, quàm damno. Titulus libro præfixus, de Privilegijs & Prærogativis Romanæ Ecclesiæ, ejusque Episcoporum. Et verò paucis paginis prærogativas & Privilegia absolvit, reliquas omnes, multoq; plures illis evertendis impendit; quasi verò subesse Concilio, falli & errare posse, nullaq; in Principes, eorumq; Imperia, cum Religio, cum necessitas urget, auctoritate pollere, ad Privilegia Pontificum, aut Episcoporum pertineat; & his tamen totus ferè liber occupatur. Ergo ne titulus quidem, ipsumq; limen stratagemate & artificijs caret; quid erit intrò progressis? & tamen singulis paginis candorem, fidem, innocentiam pollicetur, nec alium ferè reperies promissis largiorem. Ego optimâ fide omnia in medium producam, & quæ hic Auctor Gallicè scripsit, ego latinè reddam, conaborq; ut nec verba, nec sensus, nec energiam desideres, nec ulla sit Gallis querela celatæ veritatis. Ea tamen omittam, quæ ad causam non faciunt.

## §. I.

Refutantur, quæ Maimburgus in Dedicatoria producit. Falli eos, qui putant, hæreticos ad veram Religionem faciliùs redituros, Pontificis Romani Auctoritate minutâ.

## SUMMARIA.

1. Referuntur & refutantur, quæ Maimburgus in Dedicatoria ad Regem præfatur.
2. Pontificis potestatem nunquam fuisse veram Schismatis causam, sed tantum simulatam, quod exemplo Schismatis Græci ostenditur.
3. Anglicani, Germanique.
4. Et Sueci, Danici, iterumque Anglicani, Gallicæ. Veras igitur Schismatis causas esse odium, ambitionem, & reliquas cupiditates.
5. Regiam potestatem, Sacramenta, Cælibatum, & ipsa Concilia abolenda esse, si argumentatio Maimburgi valeat; istis enim multo magis hæreticos offendi, quàm Pontificiâ potestate.
6. Transactiones cum hæreticis semper infelicitè cecidisse, quod exemplis ostenditur Concilij Ariminensis.
7. Et Zenonis Imperatoris.
8. Et Honorij Pontificis ac Heraclij.
9. Et Caroli Imperatoris.
10. Et Eliæ Patriarchæ Babilonici.



## I

**E**Xponit Maimburgus in Dedicatoria, quam Libro (a) præfixit, descriptionis suæ causas, easque in hæc omnino verba & sensa depromit.

*Unum ex præcipuis obſtaculis, quæ hæreticos morantur, ne Romanæ Ecclesiæ*

(a) Maimbourg Traité historique de l'établissement, & prerogatives de l'Eglise de Rome, epître au Roy.

*Ecclesia suum repetant, eam saltemque opinionem esse, quam tenaciter imbibere, Pontifices videlicet à Catholicis super omnem Ecclesiam attolli, prerogativas huic debitas in eos transferri, inmensamque tribui potestatem, nullis terminis septam, imò nec intra aras illam, sacræque functiones contineri, sed etiam in profana, & Coronas extendi. Hoc hæreticos in Schismate obstinare, quo misere diuque consistantur. Huic malo Ecclesiam Gallicanam providisse, quando vulgatâ nuper Declaratione, & mentem suam, doctrinamque exposuit, antiquæ Patrum doctrinæ simillimam, & moris omnes, quibus hæretici tenebantur, abruptit, denique Regis sui Zelum imitata est, tanto ardore parique felicitate, suorum, qui erroribus adhuc attinentur, conversionem urgentis. Hunc quoque sui libri scopum esse, in quo ea se dicturum, quæ nullis artificijs, nullaque subtilitate everti possint. Quippe sacra narraturum, omni ratiocinio majora. Quod si liceat veritatem fateri, Regem nupero editto, quo Propositiones & Declaratio Parisiensis armabantur, plus Ecclesiæ Romanæ contulisse, quam omnes retrò Galliæ Reges; ipsos enim divitijs, honoribus ac Imperio auxisse, quibus præstantem illam florentemque videmus; at fluxa hæc esse, nec Ecclesiæ propria: modernum verò Regem, dum doctrinam & sensa Ecclesiæ Gallicanæ toto Regno stabiliri jubet, illud simul effecisse, ut Primatus Ecclesiæ Romanæ, & eæque illius prerogativæ immotæ redderentur; ut hæreticis, qui nullum finem ejus impugnandi faciunt, omnis tergiversandi causa procul esset, velandique à Romana Ecclesia defectionem; utque illi intellexerent, non esse Gallorum doctrinam, quâ ipsi maximè offenduntur, sed quorundam solum privatis opinioniones Theologorum, nuper in scholis natas, totique retrò antiquitati adversas: sibi jam funere propinquo, nihil gratius fore, si ut socius Regi esse non possit, tot victoris palmæque metenti (quanquam & istis precibus juvet) at saltem liceat aliquid dicendo scribendoque in eos triumphos conferre, quos quotidie Ecclesia adjungat, hæresi debellatâ.*

Hæc omnino Maimburgus in Dedicatoria ad Regem, quæ si in cortice hæreas, plena Religionis, pietatis & modestiæ sunt, & talia omnino, quæ animos capiant istarum artium ignaros, insuetosque. Credas, illum Areopago, aut Stoâ prodire, aded faciem componit, fingitque virtutem, ac flagrantem se ostentat amore veritatis, tamen in hanc maximè offendit, mallempque erroris, quàm doli accusare, nisi toties peritiam jactaret.

Dicit, nos Pontifici tribuere immensam, absolutamque potestatem, nullis terminis clausam. Imò quàm plurimos Ei terminos ponimus, quippe le-

gibus Eum divinis, naturalibus, ac etiam humanis, quæ modò Ejus statui convenient, teneri dicimus. Quòd verò ab alio puniri non possit, id supremæ Dignitatis privilegium est, ac etiam Regiæ; quæ enim rerum confusio, & contemptus Principum esset, si fisci suis iudiciis, plectique ab istis possent?

Dicit, doctrinam Propositionibus Parisiensibus adversam novam esse. Gallicanæ Ecclesiæ contrariam, & ad aliquorum Theologorum privatas opiniones spectare. At verò quâ fiduciâ hæc scribit Maimburgus, quem utique non latere, doctrinam & sententiam nostram è Concilijs, (a) Lugdunensi, (b) Viennensi, (c) Constantiensi, alijsque hausitam esse, quæ omnia in Reges apertissimè pronuntiârunt? quam in Comitijs Cleri (d) sub Ludovico XIII. Ecclesia Gallicana professâ est? quam præcipui, sanctique Galliæ (e) Doctores scriptis complexi sunt? quî ergo dici potest privata opinio, quî nova, quam à Concilijs accepimus? aut quâ ratione Gallicanæ Ecclesiæ adversa, quam in Galliæ Concilijs Comitijisque Gallicana Ecclesia toties expressit? & quam Divi, Bernhardus, Thomas, Bonaventura, insignes in Gallia Doctores constanter, clareque assertuere? sed hæc alibi probata à me sunt, & postea occurrent. Nunc ad alia convertamur, quæ sunt hujus loci.

II. Dicit, Propositiones Parisienses eò spectare, ut circumscriptâ, minutâque Pontificis Romani Potestate, Protestantibus odiosâ, tantò isti facilius ad Catholicam, veramque Religionem perducantur, sicque sperari posse Schisma cessaturum, sublatis ejus causis. Hæc Maimburgus speciosè, ac recepto jam more, nemo enim aut Rempublicam aut Religionem aggreditur, nisi publici boni obtentu. Sacras prophanasque historias pervolve, reperiēs, nec Ecclesias hæresi, nec Rempublicam seditione turbatam esse, ut non aliquam boni publici curam seditioni prætexerent; ergo mirum aut novum non est, si privatis studiis, ne oculos incurrant, Religionis & modestiæ velum prætenditur. Quàm verò nihil eorum sit, quæ Maimburgus producit, tu ex sequentibus intellige.

Primò

(a) Concil. Lugd. in cap. ad Apostolicæ de sent. & re jud. in 6. 1245. (b) Concil. Vienn. in Clem. un. de Jurejur. 1311. (c) Concil. Constant. sess. 20. 28 39. 42. 1414. (d) Comitia Cleri Gallicani apud Grammond. lib. 1. anno 1615. (e) S. Thomas 1. 2. q. 32. a. 2. in corp. & ad 1. & 2. q. 60. a. 6. ad 3. & in 1. d. 44. q. 9. a. 2. & in 2. ad Corinth. cap. 11. & in ep. ad Philipp. circa fin. & opusc. 20. lib. 3. cap. 10. 17. 19. S. Bonav. de Eccl. Hierarch. p. 2. c. 1. S. Bernard. lib. 1. de consid.

Primò falsum est, Romani Pontificis supremam potestatem veram Schismatis causam fuisse, quamvis forsan obtenta fuerit, & jam paratæ defectioni quæsitæ. Oportet enim inter Schismatis, & prætextus causas distinguere; isti cum speciosi sint, & Religionem, pietatem, boniq; publici curam ostendent, faciliè patent, imò & cum pompa jactantur; causæ verò in latebris sunt, quippe ex ambitione, quæstu, privatisque odijs natæ, & quas celari potius juvet, pudeatque proferri. Pertinacissimum fuit Photij Schisma, & Græciæ funestum, quod totius compressum, toties gliscens resurgensque tandem in flammam erupit, Ecclesiæ juxta & Imperio fatalem, nec prius resedit, quam utriusque ruinâ. Veræ illius causæ ambitio, odium, & cupido vindictæ, sed hæc clàm habita, quia fœda profitenti, nec gratiam plausumque repertura. Quæsitæ à Religione prætextus, & mendacij aucti, ut placerent, cape-rentque incautos. Bardas Imperatori Michaeli præcharus, & in aula potens Ignatium Patriarcham sanctissimum exilio proscripserat; causa odij, quæ omnibus bonis, solus enim Imperatorem juventâ ac indulgentiâ Bardæ in omne flagitium ruentem, exemplo, reverentiâ, monitisque morabatur, ipsumque Bardam incestis nuptijs junctum Ecclesiâ prohibuerat. His ex causis odium: sed ne huic exilium adscriberent, aliæ productæ; affectati Imperij, & quòd cum Theodora Augusta olim Curatrice clàm conspirasset, accusatus est. Ejecto Photium sufficiunt, Bardæ amicum, belli pacisque artibus, ingenio ac litteris summum, sed ambitionis immensæ, ac in omne flagitium promptæ, dum honoribus, quorum cupiditate flagrabat, potiretur; aded ut ingenij viribus, quo tantum valebat, etiam magicas artes sociaret; intra sex dies ex milite & aulico in Patriarcham evasit. Omnes qui Ignatio studebant, pulsi, punitique, aut præmijs corrupti: sed cum videret, se, dum Romanum Pontificem amicum, faventemque non haberet, incertum semper, dubiumque dignitatis suæ fore, hunc omni artificio lucrari studet. Decreta ad illum ab Imperatore Legatio, quâ primi ex Aula fungebantur; munera auro gemmisque gravia; adjecti à Photio Episcopi tres, qui formulam fidei Nicolao (a) exhiberent, litterasque offerrent, lacrymis, precibus ac simulatione plenas, quibus Patriarchatum recusabat: invitum se imparemque fatebatur, sed Imperatoris, Cleri, omniumque precibus victum, ut Insulas sustineret, Ignatio sponte digresso, & oneri

Ddd 2

suc-

(a) Nicol. PP. encycl. ad Patres & episc. & ad ep. Orient. Epist. ad omnia. fid. V. Baron. ad ann. 859. ubi epist. Photij n. 61.



succumbente. Summa erat, ut Nicolaus Legatos suos mitteret, qui Ecclesiam Constantinopoli componerent. Annuit Nicolaus, misitque, sed illi aut pœnis ac diuturno carcere fessi, aut corrupti muneribus in Synodo 318. Patrum Photio dignitatem confirmant, abrogantq; Ignatio Apostolicam Sedem appellanti. Hæc ubi Nicolaus explorata habuit, Photium damnat, privatque dignitate, & Ignatium restituit. (a) Hinc omnes à Photio discedere, ipse indignissime ferens, Bardæ potentia fretus; omnia pœnis, exitijs, adulationibus, præmijs miscens Synodum cogit, & suffragijs mille subornatis, quamvis omnes ferè repugnarent, in Nicolaum Pontificem anathema torquet. Crevitque audacia Trevirensis & Colonienfis Archiepiscoporum accessu. Lotharius Austrasiæ Rex Waldradæ amoribus flagrabat, ardebatque in nuptias; nec potiundi spes erat, vivente Thietpergâ legitimâ Uxore: hujus repudium ab Archiepiscopo obtinuit in Synodo Aquisgranensi, accusatâ Thietbergâ incestus, damnatâque, & choro Walburgæ concessio. Nicolaus Archiepiscopos tanti, vulgatiq; mali auctores dignitate privat, & illi dolore amissæ dignitatis, cupidique vindictæ Photio se jungunt; hinc auctum Schisma, & titulus Oecumenici Patriarchæ à Photio sumptus. Sed ne color flagitio abesset, & quod furor & ambitio erat, Religio putaretur, calumniæ in Ecclesiam Latinam, Romanumque Pontificem sparsæ: *Quòd Latini Sacerdotes sacro Chrismate unguant à se baptizatos; quòd aquam Chrismatis misceant; quòd Spiritum S. à Patre Filioque procedentem faciant; & denique præter alia, quòd Papa miserabili tyrannide fideles premat.* Tyrannum Photius, & Colonienfis ac Trevirensis appellabant, à quo tot flagitijs suis pœnas metuebant. Auxit Schisma Bulgariæ certamen.

Anno DCCCXXXV. Bogares Bulgarorum Princeps Christianam fidem susceperat; anno verò DCCCLVI. petitis, impetratisque à Nicolao Papa Legatis baptismo tincti fuerant. Orta post eorum conversionem altercatio, ad utrum Patriarchatum ea provincia pertineret, Romanum an Constantinopolitanum? Romanus enim totam Europam, Thraciamque complectebatur, utramque etiam Epirum, Thessaliam, Dardaniam, Daciamque, quas Bulgari inhabitant, semperq; à Romana Ecclesia regi solitas. Ipsique Bulgari cum se Romano Pontifici subdidere, suo Regi, non Græco parebant. Lis tamen à Legatis Sedium Patriarchalium

pro

[a] Niceæ

pro Græcis decisa. Romani negabant, se hanc sententiâ ligari, quippe ab inferioribus latâ. Hadrianus (a) Ignatium Patriarcham omnesque alios Græciæ Episcopos, nisi Bulgariâ decederent, diris ferit, & dignitatibus privat: hunc auctæ querelæ, & animorum dissidia, Schisma confirmatum. Cui magna accessio à Michaële Cerulario, omnia Constantinopoli miscente: is enim, quod è simplici laico promotus esset, timeretque, ne suam electionem contra Canones factam Pontifex Rom. irritam pronuntiaret, nec ferret titulum Patriarchæ Oecumenici ab eodem Pontifice sibi denegatum, defectionem maturavit, aliosque errores Pontifici, Latinisque imposuit: *Quod more Judaico Sabbato abstinerent; quod suffocatis vescerentur; quod azymos sacrificio adhiberent.* (b) Sed ipse multarum hæresum convictus à Legatis Leonis Papæ solemnî apparatu omni populo, Cleroque spectante, Constantinopoli sacris est interdictus: auctæ in immensum iræ, & in omnes Orientis Patriarchas, quod Photius non potuerat, Schisma est propagatum, ac Pontificis Romani nomen sacris Diptychis erasum. Quod ergo Photius inchoaverat, Michael absolvit, promovitque ejus conatus mors Leonis Papæ, & Imperium Theodoræ Imperatricis Patriarchæ obsequentis. Sic Schisma Orientem corripuit, corruptitque. Jam verò in toto hujus Schismatis decursu facile observes, quantum inter causas & prætextus Schismatis interfit. Veræ causæ, quæ Photium, quæ Michaëlem Patriarchas in Pontificem armârunt, æmulatio, ambitio, odium, vindicta fuerunt, metusque impendentium pœnarum, quas flagitijs meruerant; sed pudebat has prodere, palamque ostentare; quis enim Photio assentiretur dicenti: ejurate Rom. Pontificem, quia violari Canones non patitur, quia Eunuchos ex Regio cubili in Patriarchas attolli, legitimos Episcopos exilio pelli, sacras dignitates pretio emi, titulum Oecumenici à nobis usurpari, & Ecclesias impleri flagitijs vetat, pœnasque obstinatis comminatur, & idè nec nos Pontificem sustinemus, nec vos eum colite: hæc inquam si Photius diceret, quando reperiret socios defectionis? & tamen hoc veræ erant causæ; sed alias quæri oportuit, quæ plus honesti præferrent, magisque animos eaperent, obrentu publici boni, Religionem videlicet abusibus corruptam,

Ddd 3

&amp; po-

[a] V. Anastas. in vita Hadr. anno 869.

[b] V. de error. Cerularij Spond. ad ann. 1054. n. 3.

& potestatem Tyrannidi mixtam; alioquin Photius, quamdiu nec vindictâ, nec odio ardebat, aberatque pœnarum metus, coluit Vaticanum, ejusque potestatem velut sacram aram complexus est, nec prius evertit, quàm inimicam sensit; quod manifesto argumento est, non eam potestatem Photio displicuisse, ad quam potius confugit, imploravitque, sed alias fuisse Schismatis causas, quas videlicet suprà memoravi. Audi Nicetam: (a) *Init itaque consilium Photius de mittendis Legatis ad antiquam Romam, & à Nicolao Papa Legatos petere, occasione videlicet, ut Ecclesiam corrigeret, nec non illos, qui hæresin Iconoclastarum tuerentur, à Christiano nomine omnino rescinderet.* Vides, quanti Photius auctoritatem Pontificis Romani faciat, quâ Ecclesiam Constantinopolitanam emendari, & hæreticos excindi posse sperat, Imperatori & Patriarchæ invictos. Nec dubium, si Nicolaus & Hadrianus Pontifices Photij votis annuissent, & huic Insulas permitterent Ignatio raptas, aut impune saltem grassari permitterent, nunquam illum de Schismate cogitaturum. At verò ubi vindicem illum, minacemque viderunt, quid aliud supererat, quàm aut ut cederent monenti, aut exarmarent feritum? illud fastus & ambitio prohibebat, hoc ergo elegerunt, impugnata potestate, à qua vapulabant. Idemque omnibus perduellibus modus & genius fuit, ut videlicet in caput & Principes Reipublicæ arma primò & ante omnia converterent, & cum istis perpetuis odijs confligerent; quippe ijs salvis nusquam tuta defectio. Quid ergo mirum est, si hæretici, alijque istis similes, cum perdere Ecclesiam, suasque cupiditates explere vellent, in caput Ecclesiæ arma & odia vertisse, à quo uno cupitis arcebantur? Eadem ergo in omni Schismate observes.

III. Quanta Henrico Angliæ Regi, dum pacato adhuc animo, sanoque esset, Pontificis reverentia? cujus etiam Jura edito Libro, impugnatoque Luthero, asseruit, raro in Regibus exemplo, & forsan unico. Ubi verò amare Bolenam cœpit, fastidire legitimos thoros, Reginam thalamo, Aulâque submovere, adulteram in amplexum recipere, idque, ne flagitij puderet, nuptiali, publicoque apparatu; nec interim movere Pontificem posset, ut adulterio, cujus exemplum totam Angliam inceudebat, aut subscriberet, aut indulgeret; tunc enim verò declamare in Pontificem cœpit, ac Schisma moliri, eamque potestatem Tyrannidis incusare, quam suis amoribus, incestu ac adulterio pollutis videbat

adver-

(a) Nicet. Iga. & Nicol. PP. in encycl. ad omnes Patres & Episc,

adversari. Si ergo diceret Pontifex: *Bolenam obtine, Uxorem ablega, incestu ac adulterio fruire, Angliam exemplo corrumpere, omnes leges, divinas, humanasque solve, utque libido fuerit, ama & jube.* Hæc inquam si Pontifex diceret amanti & Regi, nunquam se Anglia Schismate obligasset. Illi ergo solum Pontificem oderunt, qui nollent aliquem esse, quem vereri deberent, quique obstaret illicita cupientibus. Quid latroni, homicidæ, adultero magis in votis, quam nullum in Republica judicem esse, nullas leges? Idem advertas in Lutheri, Calvinique Schismate. Lutherum vitæ monasticæ tædebat, displicebant jejunia, vigiliæ, parendi latendiq; necessitas, & alia, quæ expiandis criminibus Religio invexit, noctes præsertim cœlibes, castæque & expertes amorum; quid consilij, ut hæclicerent optata, & tamen verita? Judex, vindexque auferendus; is Papa fuit, hoc enim valente nunquam votis Lutherus potiretur, huic evertendo omnia omnibus concessa, persuasum populo, nil bonis operibus opus, divini præcepta ultra vires hominum esse, & idè nec curanda, fide omnia contineri, impleri que, jejunia, expiationes, & quidquid humanæ corruptæque naturæ durum, ad fabulas & superstitiones pertinere. Religionis sublata vota. Clericis nuptiæ concessæ. Principibus sacra æquæ ac profana. Quid posset facilius persuaderi, quam ista naturæ blandientia? nam & promptissima navigatio secundo fluvio. Ut verò hæc omnia & tutòlicerent, auferendus è medio Judex, & idè omnibus inculcatum, Pontificis auctoritatem non legitimam, nec à Deo institutam esse, sed usurpatam, tyrannicam, & Antichristo propriam, & idè nec curandam. Sic Schisma formatum. Nec ferè aliæ rationes Principes permoverunt, ut fidem Lutheri amplexarentur, non tam odio Pontificis, quam amore libertatis, suarumque cupiditatum, à quibus initium, & ab istis ad persequendos Pontifices progressus fuit, nec prius persequi desinent, quam abstant illicitis; quemadmodum non prius latroni, ut Judicem amet, persuaderis, quam aut Judex ad latrocinia conniveat, aut ipse latrocinij abstineat; Quantumcunq; ergo Pontificiæ dignitati abstrahas, nunquam eam Protestantibus conciliaveris, nisi unâ efficias, ut istis aut omnia liceant, quæ eorum cupiditates permulcent, aut omnia permittantur, Pontifice videlicet aut muto, aut complice.

IV. Sic Suecia defecit. Cùm enim Gustavus Eriksonius Patriam à Danis

Danis oppressam longo bellorum & victoriarum cursu liberasset, ac ærarium tot belli sumptibus, debitisque exhaustum esset, eique replendo media quærentur, persuasum ei à Secretario suo est, & quodam Olao Petri hæresi Lutheranâ jam tinctis, ut fidem Lutheranam amplexaretur, eam enim ad moderni seculi genium esse, ac plerisque Principum placere, & ex illius præscripto omnia Ecclesiasticorum bona & facultates, quorum tanta copia esset, in Regium Fiscum reditura. Quid posset gratius cani Principi egeno, cupidoque? Ergo Lutheri dogmata recepta, (a) Ecclesiæ, Monasteria, Canonicatus spoliati, opesque Regiæ, tot rivis in unum alveum ductis, supra modum auctæ, aliquâ eorum parte in nobiles Familias sparsâ, ut istos novæ Religionis adstringeret dulcedo prædæ, Idem Daniæ casus. Christiernum II. Daniæ & Sueciæ Regem Subditi Regno expulerant, ob crudelitatem, perfidiamque exosum, ejus Patruo, Friderico Holsatiæ Duce, in thronum evehto. Reliquit Christiernus filium Carolo Imperatori ex Sorore, quam Christiernus duxerat, nepotem; hoc paternum Regnum repente, armisque ac fortunâ Caroli subnixo, Fridericus societatem cum Protestantibus iniit, eorumque Præconibus accessum in Daniam præbuit, Friderico morte sublato, hujus filius Protestantium operâ Patri succensus est, quem Christiernum III. appellârunt. Hic ut causam suam contra Comitem Palatinum ex Domo Bavarica muniret (is enim Dorotheam Christierni II. filiam duxerat, legitimam Daniæ hæredem) Lutheranis Principibus se societate adstrinxit, eorumque Religionem totâ Daniâ induxit, urgente præsertim Luthero, & Optimates monente, ut opes à majoribus in Tempia & Monasteria profusas occuparent, Episcopos verò, ut sibi suisque Clericis socias uxores pararent. Et litteris exempla adjecit (b) submisso Johanne Machabæo, qui Monasterio profugus sacram virginem abduxerat, merueratque Apostolatu fungi tam præclaro facinore. Sigismundus Augustus, cum Moscovitico & Tartarico bello premeretur, Lutheri hæresin in Polonia gliscentem exscindere omisit, ne videlicet domi forisque bellum haberet, & cum illo Stirps Jagellonica (c) extincta est, neglectæ Religionis poenâ. Elisabetha Angliæ Regina, Bolonæ & Henrici filia, cum se natam videret ex nuptiis à Pontifice damnatis, spargerentque, qui Catholicos oderant, eam

ut

(a) Florimundus Raymundus lib. 4. cap. 14. anno 1527. Maimbourg Lutheran. lib. 1. fol. 123. (b) Florim. Raym. lib. 4. cap. 13. Spoud. anno 1533. (c) Idem lib. 4. cap. 7.

ut notham declaratum, abdicatumque iri, translato in Mariam Angliæ Regno; nihil habuit antiquius, quam ut metu perdendi Imperij Pontificem (a) & Religionem ejuraret, quamvis ei retinendæ se juramento adstrinxisset. Galliam quod atinet, certum est, non odio in Pontificem Romanum Calvino adhæsisse, sed Principum æmulatione ambituque, & quavis ratione suas partes augere properantium. Margaritha Valefia, Francisci Primi Galliarum Regis Soror, Henrico Alibrettano nupta, cujus Patrem Julius II. Navarræ Regno privaverat, Ferdinando Arragoniæ Rege suffecto, Pontifici ob injuriam, ut credebatur, infesta Lutheri Socios in Aulam, in Regnum, in Cathedras accepit, parumque abfuit, ut Regem corrumpere, evocato Parisios Philippo Melanchtone, sed iterum morari juffo, operâ Archiepiscopi Lugdunensis. Montmorancios & Collinios fratres, Condæumque Principem (quorum ductu hæresis Calvini Galliam implevit, vastavitque, præpotens facta; cum Francisco Primo, & Henrico Secundo (b) Imperantibus humi ferperet) Hugonotis adhæsisse odio Guisifæ Ducum, qui favore apud Regem florebant, & Regno moderabantur, multorum etiam è Gallis opinio est. Francisco II. apostemate extincto Catharina Medicea, dum Carolus Rex adolefceret, gubernandæ Galliæ successit. Ea servandæ potentifiæ anxia, hinc Guisios Duces, hinc Navarræ Regem, Condæumque Principem metuebat; istorum ergo vires æquate statuit, minori potentifiâ futuros, si pares æmuliq. Navarræ Regem Galliæ Vicarium constituit, Collinios fratres in gratiam & intima consilia admittit, Condæum Principem Ambosianæ conjurationis reum, & carceribus, ubi mortem expectabat, traditum, libertati restituit, sicque dum istos omnes Guisiorum potentifiæ opponit, arbitra interim omnium sedens, morientem hæresin restituit, tot illis Principibus nixam. Imò cum Navarræ Rex armatus, minaxque instaret, & sibi, primo videlicet Regij Sanguinis Principi, deberi habenas diceret: nec satis à Guisio opis, quem nimium quam vellet depresso, potestatem cum Navarræo partita est, fœdus cum Collinijs initum, libertas prædicandi Calvinistis data, & quod hactenus à morte Clodovæi nunquam contigerat, Galliæ Regiam minax triumphansque hæresis invecta est, (c) cœpitque dominari; tanti unius feminæ imperandi avidæ ambitio sterit; imò & Scotiam perdidit, nunquam

E e e

quam

(a) Idem lib. 6. cap. 10. anno 1558. (b) Anno 1559. & 1560. (c) V. Maimbourg Calvin. lib. 2. & 3.

quam enim adduci potuit, ut Mariæ Stuartæ cum hæreticis conflistanti auxilia submitteret, unde mors Reginae ac Religionis secuta. Et quamvis ab Henrico III. Legati in Angliam missi, qui libertatem Stuartæ in speciem urgerent, nève ejus sanguine secures imbuerentur; occultè tamen, Regioque Chirographo additi Elisabethæ animi in Stuartæ perniciem. Causa fuit, quòd vererentur, ne, si ista florente adhuc ætate Elisabethæ superviveret, præter eximias formæ, animique dotes, quibus animos rapiebat, junctis insuper Angliæ, Scotiæ, Hiberniæque viribus, auctâque in immensum Guiliorum potentiâ, [a] quorum ea neptis erat, Galliæ coronam occuparent; quod ne fieret, Reginae innocentis sanguine, ac Religionis jacturâ fortunæ ac ambitioni litatum. Hactenus à nobis hæc observata sunt, ut intelligas, veras Schismatis & defectionis causas partim fuisse dulcedinem novorum dogmatum, omnia voluptati concedentium, quæque tantò faciliùs credebantur, quòd & placerent, & honesti colore pingerentur; partim verò animi passionem, rationem secum more torrentis rapientium; jam videlicet, vindictam, odium, cupiditatem, metum, & si qui alij turbines animorum. Nemini verò potestas Pontificum Romanorum causa discedendi, labendique fuit, quòd eam divinis scripturis, veræque fidei adversari putarent, nisi parato jam, peractoque Schismate; tunc enim, cum huic purgando omnes rationes quærentur, contextis veris causis, mirum haud fuit, etiam Pontifices occurrisset, aut innato omnibus malis in Judices odio, aut quòd viderent, gratas esse populis in maximos querelas, aut denique quòd nunquam se tutos crederent, valente Pontifice. Exarmari ergo debuit, ne feriret.

V. II. Si ex sententia Maimburgi idèò Pontificia potestas minuenda est, quia hæretici illam aversantur, & hoc ipsum Propositiones Parisienses spectarunt, annon videt, eadem ratione Regiæ potestati bellum indici? hanc enim non minùs hæretici, quàm Pontificiam oderunt, & idèò nunquam ferè Regnum aliquod hæresis intravit, ut non eodem tempore & Ecclesias, & Thronos concuteret: suntq; notissima Belgij, Bohemiæ, Daniæ, Germaniæ, Galliæ, Hungariæque exempla, & hoc ipso tempore, quo scribimus. Quis nescit, quoties in vitam Leopoldi Augusti, veneno, insidijs, apertoque bello, ac Turcis in Austriam evocatis conspiratum ab hæreticis sit, ductore Tekelio Comite? In ipsa

Gallia

(a) V. Maimbourg Calvin. lib. 3.

Gallia quater plenâ acie pugnatum, tercenties minoribus sed cruentis prælijs, urbes captæ, vastatæque, templa everſa, Regum ſepulchra cineresque effoſſi, ſpecies aliqua Reipublicæ in ipſo ſinu Monarchiæ eduſta, omnia ferro ignique ſœdata, ipſa Principis majeſtas inſidijs perita, decemque Gallorum myriades indiſtâ cauſâ, & nullius culpæ comperti per tormenta conſumpti, & denique nihil non actum, ut Eccleſiâ, Regnoque deſectis hæreſis triumpharet. Hæ ſerè ſunt artes, quibus novum Evangelium ferro flammâque ſcriptum, ac Sanguine maceratum induci Provincijs videmus, Imperijs plerumque aut conculſis, aut colapſis. Parùm ergo Maimburgus ſecit, cum Pontificiam poteſtatem circumſcripſit, hæreſi placandæ; addere debuit & Regiam, quam non minùs odio proſequuntur, & Sacramenta Eucharistiæ ac Pœnitentiæ, jejunia, Cœlibatuum, Concilia, ac omnia Eccleſiæ præcepta, quæ multò magis, quàm Pontificem averſantur, imò propter illa Pontifices ode-runt: ſac enim omnia hæreticis concedi, pax continuò cum Romanis erit, ac diſſidia ceſſabunt, perinde ac phreneticus remedia, non medicos horret, & cum iſtis conveniet, ſi illa ſuſtuleris. Malè ergo Maimburgus medicum amoliri, non remedia voluit.

III. Sed nec alijs argumentis opus, cum experientia & exempla idipſum teſtentur; dicant enim ſi poſſunt, quor ad veram Religionem nuperæ propoſitiones hæreticos permoverint? an aliqui eorum idèd Catholicam fidem receperint, quia Pontificis auctoritas Pariſijs laboravit? [a] imò ſi verum fateri volumus, plurimùm illis inſolentia & animus crevit, aut quòd gauderent inteſtinis noſtrorum bellis, crederentque, ſolutam eſſe eam Spiritûs & fidei unitatem, quâ tantopere gloriamur, aut quòd Calvinii argumentis Gallos perſuaſos putarent, ad eas propoſitiones vulgandas, præſertim cum viderent, non alijs rationibus eas muniri, quàm toties à ſe propoſitis, ſicque victos Catholicos, victores ſe crederent, aut denique quòd ſcirent, illas à turbatis, iratisque animis prodiiſſe, præſertim Tholoſani, & Pariſienſis Archiepiſcoporum, ſicq; non tam veritati, quàm æſtui ac vindictæ adſcriberent, quæ fidem & gratiam non merentur.

IV. Accedit denique perpetuus Eccleſiæ uſus, quæ ſemper in materia fidei ab hujusmodi tranſactionibus cum hæreticis abhorruit, quæque nunquam proſperè ceciderunt, nec alium fructum habuère, quàm ut Catholici turbarentur, nec hæretici crederent.

VI.



VL Anno CCCXXV. Damnata in Synodo Nicena Arrij blasphemia, cum Patres laborarent, quo maxime nomine Filij divinitatem exprimerent, nam quæ illi Arriani tribuebant, videlicet *Potentia, similitudinis, Imaginis, æterni*, æquè creaturis aptabantur; occurrit vox *homousij*, seu *Consubstantialis*, quam ex ipsis litteris Eusebij Nicomedienfis hausere, is enim tanquam absurdum interebat, videlicet: (a) *Sequi filium Dei esse Patri consubstantialem, si semel admittatur, esse Increatum.* Intremuit ad has voces nærcis Arriana, quibus se proditam videbat, nullo amplius latebris loco; sed communi à Patribus plausu accepta est. Nihil non actum ab Arrianis, ut eam expungerent, jurabant, se Catholicos, submittebant se Decretis Nicenis, Filio DEI divinitatem assererebant, nec æquum esse, ut Orbis & Ecclesiæ scinderentur unius vocalæ gratiâ. Audi Hieronymum: apud quem ita Arriani: (b) *De usque nomine abjiciendo verisimilis ratio præbatur, quia in Scripturis non invenitur, & multos simpliciores novitate suâ scandalizat, & ideo placuit auferri: nec erat cura Episcopis de vocabulo, cum sensus esset in tuto.* Et ideo contra hanc unam vocem, velut arcem veræ Religionis toris viribus in Concilijs, Hierosolymitano, Antiocheno, Sirmiensi ac Ariminenfi ab Arrianis pugnatum est: nunquam tamen persuaderi Catholicis potuit, ut in publicis fidei Confessionibus hâc voce abstererent, quamvis eam pomum discordiarum Arriani appellarent, eaque sublatâ pacem promitterent. Nec alia de causa Liberius Pontifex, Patresque Concilij Ariminenfis in Ecclesia pulsati sunt, aded ut Hieronymus diceret: (c) *Conclamantem fidem Concilij Niceni, Orbemque se Arrianum miratum esse; quàm quod voce Consubstantialis abstinerent, concordia studio.* Sed quid hâc indulgentiâ Concilij Ariminenfis (d) profectum est? nisi ut ipsos Patres postea puderet, & ignaviæ ab Ecclesia, Romanoque Pontifice damnerentur, ipsi verò Arriani in pejus laberentur; nam cum vocem *Consubstantialis* abjecissent, *substantiæ* retinuerunt, tum hujus pertæsi, (e) *per omnia similis*, postea *similis* tantum, & tandem *Dissimilem* reddiderunt: tanti fuit hæreticis detulisse.

VII. Anno CCCCLXXXII. Zeno Imperator edictum vulgavit, quod Henoricum appellatum est, spe, obtentuque, Eurychianos hæreticos Catholicis conciliandi. Ejus hæc origo. Euryches Monachus Nestorium,

[a] Ambros. de fid. ad Grat. lib. 3. cap. ult. [b] Hieron. adu. Lucifer. [c] Hieron. ibid. [d] Concil. Arim. anno 359. [e] V. Baron. ad ann. 359. n. 38.

rium, duas in Christo naturas asserentem, dum ardentius persequitur, eò profectus est, ut nec duas quidem naturas & operationes admitteret, sed unam tantum. Damnatuſ est in Concilio Chalcedonenſi, ſed non idè error extinctuſ, quin in multoſ magnosq; ſerperet, Episcopos præſertim, quibus ut major doctrina, ita major ambitio, & novi cupido, unde admiratio, plauſuſq; ingenij. Inter illoſ Petruſ Moguſ, quem in Alexandrinam Sedem, quâ nuper ſcleribuſ exciderat, Zeno Imperator exexerat, Acacio nitente, & Joanni Talaidæ inſenſo, quem Alexandrini elegerant; huic crimini datum, quòd Inſulas recepiſſet, voto ejuratuſ. Sed veritas erat offenſio Patriarchæ, quem electio Talaidæ latuerat, litteriſ caſu amiſſiſ; ſed quòd caſuſ fuerat, contemptu arbitrabatur. Moguſ Eutyſchianam hæreſin imbiberat, eandemq; Zenoni inſtillaverat, occultè tamen ac velo rectam, ne palam micaret. Perſuadet Zenoni, ut Eccleſiâ diſcordijſ flagrantè viam aliquam meditetur, componendæ paciſ, animoſq; ſociandi, non quòd pacem curaret, ſed ut, quòd pugnâ belloq; non poterat, deditiõne lucraretur, quam ſi Catholici hauð inirent, quòd futurum prævidebat, novæ cauſæ ſuppeterent, eoſ perſequendi. Evenitq; ex voto. Zeno edictuſ vulgat, additq; cauſaſ dictuſ pulcherrimaſ, ſed re inaneſ. Nicenum, Conſtantiopolitanuſ, ac Ephelinuſ Concilia recipi jubet, Chalcedonenſe præterit, aboletq; ſilentio. Aſſeruntur, inquit, nobiſ libelli ſuppliceſ, à pijs Monaſterioruſ Præſectiſ, eremiitſ, & aliſ Reverendiſſimſ Viriſ, qui noſ vehementer obteſtantur, ut ſanctiſſimſ Eccleſiſ reſtituantur concordia, membræq; membrſ conjungantur. Nam quia membra Eccleſiæ non coaleſcebant, factuſ eſt, ut infinite hominuſ multitudineſ partim Baptiſmatſ lavacro carenteſ morteſ obierint, partim diviſe Communioniſ minimeſ participiſ ex corporiſ communionè emigrârint, quin etiam cædeſ infinite indè factæ. Quotuſcuq; igitur eſt, qui non optârſ, iſta corrigi, inque meliorem ſtatuſ reduci, &c. Videſ, quàm ſpecioſæ rationeſ huic edicto prætexantur, ſed quo eventu? tantuſ abſuit, hæreticoſ leniri, pacemq; componi, ut illi quidem optatiſ potiſerentur, & victoriâ inſolenteſ, obtentuſq; rejeſtæ paciſ, tantò acerbîuſ Catholiciſ inſultarent, nec idè tamen Henotico placarentur. Cû enim ab Henotico Conciliuſ Chalcedonenſe non ſatiſ clarè damnaretur, à Patriarcha Alexandrino Petro Mogoſ deficiunt, unde illiſ Acephaloruſ nomen. Ergo nec hæreticiſ edicto, nec Catholiciſ ſatiſfactuſ, auſtiſ potiùſ, quàm ſo-

pixis turbis, qui plerumque exitus solet esse istarum transactionum, ut bene illic notat Baronius. (a) Et ideo Felix Papa in epistola ad Zenonem scripta, Henoticum perstringens: *Non est hoc*, inquit, *acerrimum decessisse periculum, quando nec saucijs firma adhibetur curatio, & sanis ingessit miserranda contagio. Quid est illud dicere, jam causam nullam superesse certaminis, nisi hæreticis tribuatur victoria?*

VIII. Anno DCXXXIII. Cyrus Patriarcha Alexandrinus Eutychianæ hæresi tinctus, quam tamen studiosè premebat, utpote roties damnatam; Synodum Alexandriæ (b) cogit, effecitque, ut Episcopi conciliandæ inter Eutychianos & Catholicos paci mediam viam inirent, assertis quidem contra Eutychen duabus in Christo naturis, sed ut aliquid ei concederent, redderentque in Catholicos proniorem, duabus voluntatibus & operationibus suppressis, pro quibus dicendum esse statuerunt, *unam Theandricam, seu Dei virilem voluntatem & operationem*. Causa prætexebatur, quòd ex una parte & re ipsa duæ voluntates & naturæ contra Eutychen docerentur; sicut enim, qui diceret, *vas aureo argenteum*, duo metalla innueret, unum auri, aliud argenti; & cùm dicimus, *globum terraqueum*, significamus, globum ex duobus elementis compactum, terræ videlicet & aquæ; ita qui diceret, voluntatem *Dei virilem*, duas voluntates & naturas exprimeret, divinam videlicet & humanam. Ex altera verò parte hac moderatione, & unius vocis compendio omnes hæreses & bella componi, nam & Apollinaristas, qui loco animæ vel intellectûs verbum in Christo ponunt, & Nestorianos, qui non aliam unionem agnoscunt, quàm secundum affectum & voluntatem, Eutychianos, qui unam Christi naturam in eo convenire, ut unam voluntatem admittant; istos omnes Catholicis fœderari, duabus voluntatibus non quidem negatis, sed suppressis silentio. Audi verba ipsius Decreti Alexandrini: *Domino Christo vero Deo nostro omnibus præfulgenti, omnesque ad saluberrimam & veram ejus fidem dirigenti, & in unam Sanctam, eandemque Ecclesiam Catholicam convocanti præsentem satisfactionem facimus pro unitate Sanctorum Dei Ecclesiarum*. Et Sergij in epistola ad Honorium: (c) *Multoties Sancti Patres nostri, ut lucrarentur plurimarum animarum salutem, dum alia emergerent capitula, Deo placitis dispensationibus usi fuisse videntur, nihil de subtilitate Ecclesiæ dogmatum exagitantibus, & dicentes, quòd oportet*

(a) Baron. ad ann. 482. n. 43. (b) Sexta Synod. aët. 13. (c) Serg. ad Honor. in 6. Syn. aët. 12. V. Baron. & Spond. ad ann. 633.

text uique etiam in præsentis, dum tantorum millium populorum salus præ manibus ponitur, nihil de hoc per contentionein altercari. Quomodo enim non esset durum & valde onerosum, resolvere & evertere omnem illam futuram concordiam, atque unitatem, quæ bene effecta fuerat tam apud Alexandrinam Magnam Civitatem, quam per universas sub ea Provinciis? Hic vides, idem prorsus à Sergio & Monothelitis, quod jam à Maimburgo, jactari, nomen videlicet & obrentum pacis, ac spem hæreticos molliendi. Sed vana hæc erant, ludebantque incautos. Re ipsa id Sergius agebat, ut partes suas augeret, tot alijs hæreticis sibi adjunctis, ut Catholicos deciperet inani specie captos, eorumque auctoritate suam causam muniret, ut tutius lateret simulatâ concordia, & larvâ pietatis tectus, utque Eutychianismum stabiliret specie oppugnantis, deceptisque, qui ob stare poterant; admittens enim unâ solùm in Christo voluntate sequebatur, ut una esset natura; quid enim natura humana ageret, si operari humano modo, si velle & nolle non posset? perinde ac si rotam in mola ponas, quæ volvi non possit, aut lampadem è tholo suspendas, quæ ardere nequeat. Sophronius Patriarcha Hierosolymitanus continuò huic doctrinæ adversatus est, seu fraudem, seu periculum veritus, deditque ad Sergium epistolas, (a) quibus ut abstergeret monebat, adeò tamen suspectum hæresis non habuit, ut etiam ejus preces expeteret, multisque commendaret. Honorius verò Papa adeò captus est tot illecebris ac pompâ pietatis, præsertim quòd Leonis M. & Concilij Chalcedonenfis fidem profiteretur, conceptisque verbis duas naturas, duasque operationes assereret, sed tantùm taceri hoc veller concordia studio, & ne aliqui crederent, duas in Christo voluntates fuisse, contrarias sibi, discordesque, quales in nobis experimur, & Paulus deplorat; ut ad Sergium (b) velut ad Catholicum Episcopum, piumque rescriberet, ejusque sententiam de tacendis duabus operationibus probaret, quæ res Honorium hæresis suspectum reddidit, falsò id quidem (ut ex ejus (c) epistolis ad Sergium datis clarissimè constar, & ex Dialogo S. Maximi (d) contra Pyrrhum Monothelitam, ubi duas voluntates, duasque naturas agnoscit) sed tamen ex Sergij voto, Honorij auctoritate ad firmandam hæresin abutentis, nec aliud Monothelitæ optabant, fallacissimo pacis

(a) Epist. Sophr. ad Serg. encycl. in act. 6. Syn. act. 12. anno 633. (b) Epist. Honorij ad Serg. in 6. Syn. act. 12. (c) Epist. Hon. ad Serg. act. 12 & 13. in 6. Syn. (d) S. Maximus disput. adu. Pyrrhum. apud Baron. tomo 8. annal. ad ann. 645. V. Reg. Sacerd. fol. 720. Edit. 1693.

pacis obtentu; ipsumque Heraclium Imperatorem lucrati sunt, à quo etiam *esthesis* illa prodijt, tot votis & Concilij damnata, ipsique Sergio fatalis, eodem quippe anno vitâ excessit, quo illa prodijt. Hic ergo fructus compositionis fuit, falli, scindique Catholicos, regi verò hæreticos, reddique fortiores. Idemque ab hæreticis quæsitum Constantis Imperatoris edicto, quod Typum appellârunt. Paulus enim Patriarcha Constantinopolitanus, & hæresi corruptus, cum istam ubique, præsertim in Ecclesia Occidentali proscriptam videret, Constanti Imperatori persuadet, ut duas voluntates, aut unam dici edicto prohibeat, ac silentium partibus imponat: & pax edicto prætentâ; vera enim causa, ut notat S. Maximus Martyr [a] in Disputatione cum Pyrrho, fuit; ut quoquo modo vel silentio saltem damnari videretur de duabus voluntatibus expressa sententia. Et ideo Martinus Papa, cum in Synodo Lateranensi eum Typum damnasset, egregie illius causas refutavit; verba Synodi sunt: Sancta Synodus dixit: [b] *Releclus Typus bonum quidem intentum habere dignoscitur, dissonantem autem virtutem intentui continet. Bonum est namque procul dubio, & omnibus timentibus Deum desiderabile, cohibere dissensiones & altercationes, pro causa fidei, sed non est utile & bonum, cum malo destruere bonum, id est cum hæreticis Orthodoxorum Patrum verba & dogmata, quoniam hoc potius exurit, non mitigat.*

Anno MDXXXI. [c] In colloquio Ratisbon. Legatus Contarenus spe transactionis Lutheranis concedit ut taceantur termini transubstantiationis, meriti, præmij, sed Papa Paulus III. non probat.

IX. Anno MDXXXIV. Maximè enituit, quàm sint inutiles hujusmodi cum hæreticis transactiones, & neutri parti satisfaciunt. Decreverat Carolus Imperator Francisco Gallix Regi totis viribus bellum inferre, frustra Paulo Pontifice pacem suadente. Eum in finem quavis ratione Principes Germanix adjungere sibi statuit. Comitia Spiræ indicta, quò Septemvirum omnes, & Ferdinandus Frater convenire. Protestantibus tantò major audacia, petendique licentia, quòd Cæsarem auxilij egentem, cupidumque viderent. Ergo edictum Augustanum Protestantibus infestum suspendi impetrant. Secuta alia constitutio, quâ pacis, animosque omnium componendi gratiâ, dum Concilium

Ocu-

[a] S. Max in disput. cum Pyrrho Monoth. anno 645. [b] Concil. Lateran. sub Mart. PP. Secret. 4. anno 649. (c) Pailay. histor. Conc. Trit. L. 4. num. 127 Ital. Edit.

Oecumenicum conveniret, multa interim statuebantur; ejus inter alia capita hæc etiam erant: (a) Concilium Oecumenicum Christianum ac liberum in Germania conveniret, aut saltem Nationale. Quod si hæc haberi non possent, conventus proximo autumno aut vere haberetur, in quo viri docti de Cæsaris auctoritate usque ad proximum Concilium decernerent, quid observari, quid omitti oporteret, nulla Pontifici mentione, interim supersederetur questionibus de ~~hæc~~ Ecclesiæ directis, Protestantes essent idonei, ut Judicij Cæsareæ Camere assiderent, unde prius arcebantur; Catholici vetera vestigalia Ecclesijs solverent, etiam quas hæretici occupabant; tam ex hæreticis, quam Catholicis ludimagistri eligerentur & Concionatores, quibus stipendia vel ex Ecclesijs, vel ex pijs largitionibus fidelium præberentur; usus quoque Calicis, & Sacerdotum, qui ad Lutherum defecerant, Matrimonia permittebantur. In reliquis serè omnibus, quæ dogmata spectant, jubebantur Lutherani Catholicis assentiri. Hæc serè capita illius edicti, quibus, ut vides, aliqua Catholicis, aliqua hæreticis tribuebantur, imò hæreticis omnia, nam Catholicis pleraque debebantur, nullo additamento. Præcipui Protestantium edictum respicere, videlicet Bucerus, Musculus, Osiander, Brentius, Fridericus Saxonix Dux, & ipse Calvinus. Sed Catholici multò maximè, adeò ut alij Carolum Zenoni, Heraclio, & Constanti compararent, alij palàm ex eo quærent: An ergo ad Lutherum defecisset? & Paulus Pontifex, quamvis ætate jam præcipiti, multisque vinculis ob Farnesiam familiam Carolo adstrictus, nec ejus potentiam veritus tor victorijs florentem, gravissimis ad Eum litteris abrogari hoc edictum, aut corrigi jussit: planè Catholicam Religionem vehementer afflixit, Lutheranis ab eo tempore multò potentioribus, & hæresi palàm exultante, ac passim victrice, tantumque abfuit, hanc Transactione eam leniri, ac intra certos terminos contineri, ac Concilio, quod promiserant, submitti, ut potius insolescerent, & nunquam magis Concilio adversarentur. Cognovitque ipse Carolus errorem, quando à Spirenfi Decreto paulatim recessit, maximo Protestantium dolore, parique indignatione, qui ferre non possent Cæsarem Pontifici obsequentem.

Maimburgus historiæ, quam de Lutheranismò scribit, hanc quoque de Constitutione Caroli Imperatoris narrationem intexit, eamque eo præsertim nomine excusat: (b) Quod illà nihil contra Catholicam fidem

FFF

statutum

(a) V. Palav. hist. Conc. Trident. lib. 5. cap. 5. à n. 2. & cap. 6. & 7. & Breve Pauli III. anno 1544. (b) Maimbourg du Lutheran. lib. 5. fol. 104.

statutum fuerit, sed duo tantum in Protestantibus tolerata, usus videlicet *Cælicis*, & *Matrimonii Sacerdotum*, qui defecerant. Cur verò tolerari non possuerint duo, quando ob temporum injurias tolerari tota hæresis debuit? num ergo majoris culpa fuit, aliqua ferre, quam omnia? Hæc qui in Maimburgo legat, ipsam verò rerum historiam ignoret, verissima esse credat, & quibus opponi nihil possit. Cæterum id Maimburgum deficit, quod toties proficitur, bona vid: fides, & veritatis accurata enarratio. Nunquam Paulus Pontifex, quòd aliqua permetteret, toleraret aut conniveret, Carolum incusavit; quis enim nescit, tolerari flagitia posse, cum curari non possunt, aut pejora timeantur? sed quòd Concilia, Conventusque, in quibus de Religione ageretur, promitteret, nullà Pontificis mentione, cujus tamen officij & potestatis est, ea indicare, illisque præsidere; quòd bona Ecclesiastica hæreticis permetteret, spoliatis Catholicis, idque Edicto sanciret; quis verò nescit, quantum in simili, imò eadem causâ Chrysostomus & Ambrosius cum Principibus, Theodosio & Arcadio conflixerint? quòd Scholis, sacrisque Concionibus hæreticos æquè deligi juberet, eosque stipendijs Ecclesiarum conducere, immenso Juventutis damno, nec ista Pontificis auctoritate, sed suâ sanciret. Et quamvis non perpetuum hoc Edictum, sed temporaneum & provisorium diceretur, usque dum vid: *Liberum & Christianum Concilium ac Universale conveniret*; verba hæc tantum erant, rebus cassâ, quis enim tam obtusæ mentis esset, qui non prævideret, nunquam pro legitimo, libero, ac Universali Concilio à Protestantibus habitum iri, cui Pontifex præsedisset, & in quo ipsi non vota conferrent? perpetua ergo erit Contentio, non prius finienda, quam Concilium conveniret Protestantibus placitum, nunquam enim placitum erat. Deinde quis posset spem aliquam concipere, bona, proventusque Ecclesiasticos semel in manus hæreticorum collapsos, iterum ad Ecclesias ac legitimos Dominos redituros? ac Protestantes in Scholas, in Cathedras, in Tribunalia ac Dignitates receptos, illinc iterum, ut primum Cæsari ac Concilio placeret, excessuros? Idque eventus comprobavit. Celebrato enim, finitoque Concilio non idèd finita sunt, quæ Cæsar illis concesserat, aut quæ ipsi usurpaverant. Merito igitur Spirense hoc edictum Paulus damnavit, rescindi que voluit. Nec obstant, quæ de temporum injuria ac necessitate dicebantur componendæ pacis. Pax enim, quod toties Pontifex rogaverat, cum Francisco potius Galliarum Rege, quam

cum

cum hæreticis componenda erat, id enim & Religioni, & Imperio, ut postea paruit, magis conducebat, cessavissetque necessitas, tam multa, & tam noxia indulgendi, pace cum Gallis confectâ. Sed dum æmulatio, & cupido gloriæ, ac spes vindicandi Cæsarem urgent, armantque; in Gallos, cum Protestantibus fœdus successit, quod etiam Maimburgus observat, deploratque; in sua de Luthero historia lib. 5. raro aliquin Carolo propitius, nisi cum Pontifici oblectatur. Deinde ut bene Pontifex notavit in Diplomate ad Carolum; nullum prorsus est tam malum consilium, quod non specioso aliquo pietatis aut utilitatis nomine vestiatur; nec verò tanta necessitas fuerat, ut oporteret, Carolum tam multa circa Religionem, tanti que periculi statuere, nec audito, nec rogato Pontifice, imò ejus Legato Wormatiæ dimisso, ne à Carolo destinata moraretur. Hæc sola Pontifex arguebat, ut ex illius litteris ad Carolum patet, & tamen hæc omnia Maimburgus præterit, producitque in medium, quasi à Pontifice reprehensa, quæ nunquam reprehendit, tolerantiam videlicet Calicis & Nuptiarum, omittit verò, quæ planè reprehensa sunt. Ergo cum Edictum Cæsaris contra Pontificis sententiam excusat, perinde facit, ac si quis Advocatus Judici reum purgaret, tacitis veris ejus delictis, ijs verò dilutis, quæ nunquam fecit, & quæ nemo objecit. Quæ artificia, quantum à candore & veritate historica aliena sint, præsertim in causis tanti momenti, nemo non videt, abrogantque Maimburgo fidem, etiam vera dicenti, quippe fraudem semel deprehensam semper timemus.

X. *Anno MDCX.* Tentata est Concordia Nestorianos inter, Romanamque Ecclesiam. Ejus occasio hæc fuit. Venerant Romam, dum illic Sacrum tempus ageretur, duo ex Chaldæa Viri, hæresi Nestorianâ tincti. Excepti humaniter, donatique, & ex illorum numero fuere, quibus Paulus V. Pontifex Max. pedes abluit, deterfitque ac osculo libavit. Rapuit illos Majestatis Romanæ admiratio, tantâ præsertim charitate ac modestiâ mixtæ, reversique in Patriam Eliæ Babylonico Patriarchæ omnia, quæ Romæ viderant, acceperantque, narrant, immenso præconio. Exarsit is protinus, flagravittque deliderio Societatis Romanæ, sed obstabat suorum in Nestorium amor, quem ut Sanctum colebant, sciebantque Romanis execrationi esse; modum ergo excogitat, quo & Nestorium, & ejus doctrinam retineret, & tamen Pontifici probaret. Quatuor ferè propositionibus totus Nestorij error continetur.



Prima: *Beatissimam Virginem nec esse, nec dici debere DEI, sed tantum Christum matrem.* Retineri hanc Propositionem volebant, eâ tamen interpretatione mollitam, ut dicerent; ideò à Chaldæis Nestorio addictis non vocari DEI genitricem, quia Deitas non generatur, quantumvis, cum Christus etiam sit Deus, æquè in hoc sensu Deipara vocari possit. Secunda propositio hæc erat: *Duæ in Christo sunt Personæ.* Hanc sustineri posse dicebant, si duarum Personarum nomine duas naturas singulares intelligas, quas in Christo esse nemo ex Catholicis negat; quamvis etiam una Persona dici possit, propter unionem utriusq; naturæ; unio enim facit ex duobus unum. Tertia propositio: *In Christo est una voluntas.* Una, inquiunt, & duplex, quia utraque natura voluntate suâ & propriâ pollet, una, quia perfectè sibi consentiunt. Quarta Propositio: *Spiritus S. ex Patre, non ex Filio procedit;* intellige ex Filio tanquam ex alio Spiratore, aut ex alia spirandi virtute, est enim unus cum patre Spirator, & eadem spirandi virtus; in alio tamen sensu, ut duæ sunt, distinctæque Personæ, ex Patre Filioque dici poterat procedere. Sic Babylonius Patriarcha conciliari posse credebatur Chaldæos, Latinosque, ambigû vid. verborum formâ, & in utrumq; sensum contextâ; perinde ac si unitas & veritas fidei ex verborum specie, ludique, non ex sensu penderet. Missus ad Pontificem Romanum Adam quidam Orientis Archimandrita, & Ecclesiæ Babylonice Archidiaconus, qui si posset, ita Romanæ Ecclesiæ Babylonicam sociaret, ut tamen Nestorium retinere, ejusque propositiones liceret, sanâ tamen interpretatione purgatas. Auditus est Romæ, ejusque subtilitates expensæ, quibus conabatur mendacium veritati, Nestorium Christo cœderare. Sed responsum est illi: *Nunquam ejusmodi artificia Catholice Religionis bene veris: veritatem sine suco & larva incedere, sui securam, nec pigmentis ac velis egere: hanc falsi indolem esse, ut videri pudeat, seque latebris involvat.* Si rem ipsam tenerent, cur verba resurgerent rebus exprimendis necessaria? errorem enim in verbis admissum ad res ipsas derivari; nam si aquilæ v. gr. nomen equi imponas, non deerit, qui inserat, aquilas hincire, & quadrupedes esse; non ergo satis esse, ut in rebus fidei ac Religionis bene sentias, nisi etiam bene loquaris, quippe sermonem animi testem ac indicem esse, & velut ex sono metallum, ita animum fidemque verbis æstimari, fallique saltem audientes, nisi illa vero consentiant. Nihil quidem Pontifici supra pacem & concordiam esse, tamen bonis artibus quæsitæ, alioquin etiam turpem victoriam pudori

*pudori esse, nec diuturnam fore, arenâ tantùm, plumisque subnixam, hoc est, verbis, non rebus constantem.* Hæc Archi-Diacono responsa, nec ille abnuvit, ejuravitque Nestorium, non ideò tamen Patriarcha, Chaldæique permoti, qui erroribus insistere: isque perpetuus ferè eventus fuit tentatæ cum hæreticis concordia.

Multa ex hæcenus dictis colligere liceat; nunquam vid: hujusmodi in rebus fidei Transactiones bene Catholicis celsisse, nam & istos turbârunt, nec hæreticos vicere: imò animus istis, & fastus ac insolentia crevit, seque victores, victos illos ferebant; nec alio fine inducijs illis utebantur, quàm ut interim suas partes augerent, tantoque liberius suis erroribus alios inficerent, quòd amici, non hostes haberentur, fallerentque incautos obtentu concordia, mentitaque pietatis, quæ semper fraudi misceretur. Alij tempus & occasiones lucrabantur. Alij ut aliquid obtinuerant, gradum ad alia proferebant, nec prius cessaturi, quàm fastigio potirentur, quod de Arrianis ostendimus. Alij denique privatas affectiones vindictæ, odijque communi prætextu Religionis & concordia celabant, utramque prodituri, ut illas explerent. Verbo, nunquam feliciter & sine damno transactum cum hæreticis est, etiam cum de vocibus tantùm certamen vertebatur; quantò id magis timendum, quando non de vocibus, modoque loquendi, sed de gravissimis rebus cum Gallis conflictamur? Pontifex Concilio subjaceat, Pontifex errare possit, & ideo nemo Pontifici parere teneatur, quamdiu ratio aliqua non obtemperandi occurrat, occurrat autem semper, & hoc pretio pax cum hæreticis fiat, imò tantùm speretur. Quæso quid hoc est aliud, quàm Ordinem Ecclesiæ adimere, sine quo non Regna tantùm & exercitus, sed ne familia quidem, domusque privata consistere potest? quàm Caput & Gubernatorem è medio tollere, & necessariam imperandi facultatem, truncò corpore, & in casum pendente? & quis tanto præsentique periculo incertam spem emat, hæreticos convertendi? Quanquam nemo non videt, prætextum hunc esse, speciem inanem fallendis, ludendisque simplicium oculis. Quis enim credat Archiepiscopos irâ, vindictaque in Romanum Pontificem calentes, huic bellum intulisse, Religionis potius & concordia studio, quàm animi sui & offensæ causâ? & cur illos hic ardor hæreticos convertendi, ac Vaticanum oppugnandi tunc primum incendit, cum ulcionem meditabantur? Pace ergo illorum dixe-

## 396 Dissertatio II. §. II. In quo agitur de Prima

rim; quidquid in ijs Comitij (a) agitabatur, non hæreticis<sup>1</sup>, sed vindictæ datum; odium, non Religio fuit; sed hæc ostendi debuit, ut illud sutiùs & ex occulto feriret.



### §. II.

Agitur de Prima Conventûs Parisiensis Propositione. *Ecclesiæ Gallicanæ consensus pro Pontificis indirecta potestate in Reges & Principes, eorumq; Bona & Dignitates temporales.*

### S U M M A R I A.

1. *Ecclesiæ Gallicanæ autoritas Parisiensibus Propositionibus prætexta exemplo omnium serè Hæreticorum, & quam ab causam?*
2. *Autoritas Pontificia in Reges exercita exemplis Galliam spectantibus probatur, & primò Gregor. II. in Leonem Isauricum.*
3. *Et Zachariæ in Childericum Regem.*
4. *Et Stephani Pontificis.*
5. *Et Hadriani in Desiderium Regem.*
6. *Ejusdem Hadriani in gratiam Caroli M.*
7. *Et Leonis III. Imperium Romanum in Carolum Imperatorem transferentia.*
8. *Et S. Gregorij M.*
9. *Aliud ejusdem Gregorij exemplum.*
10. *Et Episcoporum Gallie in Ludovicum I. Imperatorem.*
11. *Iterum Gallie Episcoporum in Lotharium Imperatorem.*
12. *Et Nicolas Papæ.*
13. *Et Hadriani II. in Carolum Calvum.*
14. *Et Fulconis Archiepiscopi Rhemensis in Carolum Simplicem.*
15. *Et Concilij Lateranensis sub Alexandro III.*
16. *Et alterius Concilij Lateranensis sub Innocentio III.*
17. *Innocentij IV. in Fridericum Imperatorem.*
18. *Et Clementis V.*

(a) V. Reg. Sacerd. in prælud. §. 2.



ab Ecclesiæ Gallicanæ sensu, doctrinaque alienum magis dici aut scribi potuit; toties enim Ecclesia Gallicana, & in publicis Conventibus, doctrinâ, exemploque contrarium professâ est, ut mirari subeat, quinam sint illi Galli, qui tantum à Gallis absunt, aut quænam sit illa Ecclesia Gallicana, quæ Ecclesiæ Gallicanæ tantopere ac palam adversatur, quod jamjam longâ inductione, perque omnes Ordines Ecclesiæ Gallicanæ dicere aggredimur, lectoris arbitrio relicturi, utra Ecclesiæ Gallicanæ sententiâ dici debeat, nostra, quæ tot seculis & ab omnibus Galliæ ordinibus recepta est, & tot publicis actibus expressa, an Maimburgi, quæ nuper, & à paucis, ijsque aut metu, aut spe, aut irâ corruptis, Parisijs prodijt,

II. Anno DCCXXXI. Cùm Leo Isaurus sacras Imagines totâ Græciâ persequeretur, eosque, qui amplecti hæresin nollent, exilijs, proscriptionibus, tormentis vexaret, ipsius Deiparæ Virginis, omniumque Sanctorum icones in Urbe Regia uno fœce incendisset, ipsamque Italiam invaderet, Sicarijs in Pontificem missis, feraliisque edicto, quo Imagines tollebantur, Romæ proponi jussu, Gregorius II. Pontifex Maximus, cùm nec à Græcis, nec à Longobardis, Venetisque auxilium speraret afflictæ Religionis, fœdus cum Carolo Martello, Gallisque adversus Græcorum Imperatorem sancit, Consularum Carolo Principi offert, eumque missis, acceptisque Legatis, ac juncto fœdere in Italiam vocat, venissetque, nisi mors occupasset. Erat verò Consulis dignitas supremæ proxima (saltem si Patriatuum excipias) quod Ovidius illis versibus indicat: (a)

*Qui quamquam est ingens, & nullum Martia summo  
Altius Imperium Consule Roma videt.*

Solusque Imperator Consulem designabat, ut disertè notat Flavius Vopiscus in Aureliano. Consulis jura, lapsâ jam, extinctâque Republicâ hæc erant: Senatui rogare, jus dicere, tutores dare, manumittere, vestigalia locare, Ludos & præsertim Circenses edere, annis nomen dare (quod Justinianus abolitum voluit, (b) & annos ab Imperatoribus dici) rogâ pictâ seu palmatâ uti, quæ olim triumphantium propria tantum, purpurâ, auroque intexta, & quam etiam Trabeam appellabant. Justinianus (c) voluit lege editâ, Imperatores jugi

Con-

(a) Ovid. de Pont. lib. 4. eleg. 9. (b) Lipsius de Magistr. Pop. Rom. cap. 8.

(c) Justinian. Nov. 105.

Consulatu fungi. Oblatum ergo à Gregorio Consulatum Romanum Martellus acceperat, præmisitque Abbatem Corbejensem, qui fœdus cum Romanis iniret, sponderetque auxilium, ipse secuturus, nisi mors obstitisset. Gregorius nihil interea omittere, ut Leonem molliret, rogare, minari, Italiæ populos, ne à Græco deficerent, quod jam parabant, cohibere, Legatis agere, & totos quinque annos flecendo Cæsari impendere; quæ omnia cum frustra essent, Leone implacabili, & in dies peiori, Gregorius coactâ Romæ Synodo, (a) ut Zonaras testatur, anathemate Leonem ferit, prohibetque vestigialia persolvi, quibus in Italiæ & Ecclesiæ perniciem utebatur. Hæc in Leonem Gregorius, quæ ut fiant clariora, Auctorum testimonia adscribam.

Fredegarius, qui iussu fratris Caroli Martelli scripsit, & historiam Gregorij Turonensis profecutus est: (b) *Eo tempore, inquit, B. Papa Gregorius bis à Roma claves venerandi sepulchri cum vinculis S. Petri, & muneribus magnis & infinitis, Legatione memorato Principi destinavit, eo pacto patrato, ut ad partes Imperatoris recederet, & Romanum Consulatum præfato Principi sanciret. Ipse itaque Princeps mirifico & magnifico honore ipsam Legationem recepit, munera magnifica obtulit, atque cum magnis præmijs cum suis sodalibus missis Grimonem Abbatem Corbejenfis Monasterij, & Sigebertum Reclusum S. Dionysij Romam ad Limina SS. Petri & Pauli destinavit.*

Theophanes: (c) *Comperto Leonis Imperat. proposito, Gregorius Papa Romanus, scriptâ prius ad ipsum decretali epistolâ, quâ de fide quidquam statuere, & antiqua Ecclesiæ sancita à sanctis Patribus firmata innovare, aut convellere, non decere Imperatorem commonet, Italiæ tandem ac Romæ tributa deferri ad illam prohibet.*

Et ad annum Leonis 13. In Seniori verò Roma Gregorius Vir Apostolicus, & Petri verticis Apostolorum Confessor verbo & actu coruscans, qui removit Romanam & Italiam, nec non & omnia tam Reipubl. quàm Ecclesiæ jura in Hesperijs ab obedientia Leonis.

Et ad annum 730. Gregorius Sanctissimus Præsul Leonem per epistolas tanquam impiè agentem redarguens, & Romam cum tota Italia ab ejus Imperio recedere faciens.

Cedrenus: (d) *Anno nono Leo impius cœpit de sacris imaginibus evertendis sermonem facere, quo cognito Gregorius Roma Papa tributis Italia & Romæ eam prohibuit.*

Ggg Et

(a) Zonar. T. 3. in Leone circa f. (b) c. 110. in Chron. floruit sec. 8. (c) Theoph. in Chron. in vita Leon. floruit circa ann. 787. (d) Cedr. in Leon. ad ann. 9.

Et iterum, ubi de evécto Anastasio in Cathedram Germani egit : *Rome autem Gregorius Apostolicus Vir à Leone ob ejus impietatem defecit, & pascuo cum Francis isto tributa Leoni denegavit.*

Zonaras in suis Annalibus: (a) *Qua de causa Gregorius, qui tum Romæ veteris Ecclesiæ gubernabat, repudiata Præsidii novæ Romæ societate, nec non eorum, qui illum sequebantur; illos cum eorum Imperatore Synodico anathemate obstringit, & vectigalia, quæ ad illud usque tempus inde pendeabantur, inhibuit, isto cum Francis fudere.* Et infra: *Sub Leone Isauri Gregorius PP. ob perversam opinionem defecit ab illo Imperatore, eique tributum pendere recusavit, nec sibi quidquam esse voluit cum impijs Ecclesiæ Constantinopolitanæ Gubernatoribus.*

Et Siegbertus: (b) *Gregorius Leonem Imper. erroris redarguit & populum Romanum, & vectigalia Hesperia ab eo avertit.*

*Nota I.* Circa hoc exemplum, Gregorium diu spe meliorum Romanos cohibuisse, ne à Leone deficerent, aliumque Imperatorem ut putabant eligerent; id testatur *Paulus Diac. L. 6. de gestis Longob.* Et *Anastasius Bibliothecar. in V. Greg. II.*

*Nota II.* Gregorium III. qui secundo successit promovisse pro Imperatore Leonem, Legatis Constantinopolim missis; totamque ei Italiam pro Imaginibus supplicasse, ut tradit *Anastasius* ex causis, quas infra ad finem numeri 2. tango.

*Nota III.* Jam ab annis 953. hanc nostram sententiam in Ecclesia, Galliaque præsertim & agnitam pro vera, & exercitam fuisse.

Vides in hoc exemplo, quantâ cautelâ, prudentiâque, & quibus gradibus contra Imperatorem Gregorius processerit, quæ nisi observentur, plus mali ab extremis hisce remedijs, quàm boni expectes. Primum, nullum finem monendi, curandique Imperatorem, per litteras, Legatos, preces, minasque fecit; nec ideò abrupte, cum obstinatum vidit, flectique nescium; ferri potuit, dum intra Græciam sæviret: ubi hæresis & edicta in Italiam parabantur, nec mitiora proficerent, ad extrema devenitum est, prius tamen securitati, quàm remedijs provisum, nec consilij inermibus credendum; à potentissimo Princoipe, a microque auxilia petita, fœdus conjunctum, vires sociatæ, honores, fascesque Romani, præludia Imperij, oblatis, Synodus acta, anathemata vibrata, & tandem rebus omnibus dispositis, maturisque, nec alias moras periculo patiente,

(a) Zonar. T. 3. anal. in Leon. Isaur. circa f. floruit circa ann. 1120.

(b) Siegbertus Tom. I. ad annum Leonis 13.

patiente, Imperium Leoni abrogatum, nec illud totum, sed eâ tantum parte, quæ magis egebat, servarique poterat, Italia videlicet. Tantumque abfuit, hoc exemplo Francos offendi, aut Clerum obluſtrari, quali Gregorius inconceſſa tentaret, ut potius fœdus cum eo jungerent, Conſulatum admitterent, ſponderentque ſuppeditas adverſus Græcos; agnovit ergo Gallia hanc, quam defendimus, in Pontifice poteſtatem.

Maimburgus ut hoc exemplo ſe liberet: (a) *Dum in Gregorio perſonas diſtinguit, Pontificis videlicet, & Civis Romani; ut Pontificem, monuiſſe, rogaviſſe, minatum eſſe, populos ne deſcicerent, cohibuiſſe; ut verò inter Cives Romanos præcipuum, jure naturalis deſenſionis uſum, cum alijs Romanis conſpiraviſſe, ac jugum Græci Imperatoris excuſſiſſe, externo Principe invocato. Hæc Maimburgi reſponſio eſt, qui eam poteſtatem, quam nos Pontifici Romano; ipſe ſubditis & Civibus in Reges concedit, eamque ad deſenſionem Juris naturalis pertinere dicit, & ſimilem ei facit, quam quilibet e plebe habet, ut furenti Regi, aut phreneſi capto gladium extorqueat.* (b) Jam ergo Maimburgus poteſtatem abdicandi Reges ſubditis Regni, imò unius Provinciæ tribuit, an verò id magis decorum, conſultumque Regnantibus, quàm ſi illos Pontifici Romano, Chriſtiq; Vicario ſubdas? quòd ſi nihil eorum majeſtati, quieti, ac potentix obſtat, ut judicari, puniriſque ab eis poſſint, quibus ipſi imperant, quantò minùs ſi ab eo, cui obſequuntur, quemq; ut Patrem reverentur? Quòd ſi jure naturalis deſenſionis id ſubditis licet, ne Reſpublica concedat, quantò magis eodem Jure naturalis deſenſionis id liceat Pontifici, ne Eccleſia pereat? nec enim Jura naturalis deſenſionis minùs Pontifici, quàm Civibus permittuntur. Nec erit puto Maimburgus tam inhumanus, ut poteſtatem extorquendi ferrum è manu furentis Principis, quam pediſſequo & lixæ concedit, Pontifici neget; nam ſi coërceri furentem Principem oporteat, meliùs id, honeſtiusque Pontifex, quàm alius fecerit. Ubi verò ſunt illa, & ingentia mala, quæ ex hac poteſtate Pontifici data Conventus Pariſienſis conſequi ominatur? dicunt enim, *invidioſam illam, & gravem Principibus, ac populis eſſe*; at verò, ſi hanc ipſam poteſtatem civibus, populisſque unius urbis, aut Provinciæ tribuas, non erit invidioſa, non gravis? an unquam cauſæ deſciendi, ac Principes incuſandi ſubditis deerunt, ſi ſemel id eis liceat? Malè ergo Majeſtati Regnantium

Ggg 2

Maim-

(a) Maimb. Traité de l'église de Rome cap. 39. & des Iconocl. T. 1. f. 148. (b) Y. Reg. Sacerd. f. 287. Edit. 1693.



## 402 Dissertatio II. §. II. In quo agitur de Prima

Maimburgus consuluit, quando non uni tantum Pontifici potestatem Reges abdicandi permisit, sed singulis penè Urbibus ac Provinciis, nec enim totum Imperium à Leone Imperatore, sed Roma tantum, & Italiae aliquot Provinciae defecerunt. Hùc ergo redit tota Maimburgi disputatio, ut Imperia, quæ nos Pontifici, ille populo submittat, simili damno, & fœdiore servitute.

Et denique si datur aliquis casus, quo Principes saltem à Regni statibus, & in Comitibus Generalibus exauctorari possunt, & subditi Juramento solvuntur; ergo quando is casus adsit, & quando Juramenti obligatio cesserit, pertinebit ad Summum Pontificem declarare (ad hunc enim causæ majores & Juramentorum spectant, (a) nec Galli diffidentur) si ergo Pontifex declaret, Romanos juramento Græcis exhibito non vinciri, eosque Imperium alijs posse deferre, certum erit, Juramento liberari, ac in alios Coronas deponi, nullà Imperantium injuriâ: sive ergo potestas, quam Pontifices in Reges exercent, sit declarativa, sive decisiva & statutiva, certum est, ex principiis Maimburgi negari eam haud posse, eique Reges subjacere, quemadmodum si centum aureos gemmario debeam, quia is adamantem mihi vendidit: eo verò aut gemmam non exhibente, aut falsam; si judex pronunciet, me obligatione centum aureos præstandi solutum esse: certum est, me nihil debere, nec petere aliquid venditorem posse, quamvis Judex declaraverit potius, debitum nullum, aut extinctum esse, quàm ut illud sustulerit. Sic ergo Pontifex, seu declaret, seu statuatur, potest Regibus, cum necessitas fuerit, Coronas adimere; neque id magis eorum minuit, læditque majestatem, quàm si hoc ipsum Subditis permittas, quod facit Maimburgus. Cæterum hæc ita dicuntur, quasi concedam, Gregorium non Pontificis partes, sed Civis egisse, quando Italiam Græcis, & Imperium, & tributa ademit. Sed veritas est, eam distinctionem frustra à Maimburgo, & infeliciter repertam; frustra quidem, quia nullo Auctore: infeliciter, quia nullo effectu, imò pari aut majori damno; quis enim ferat Maimburgum, toties proferentem, se omni subtilitate ac distinctione abstinere velle, solaque historia contentum ea narraturum, quæ vel soli invidiam faciant, nec ab ullo mortalium negari possim; nunc verò ubi urgeri

[a] Causæ maj. & Juram. pertinent. ad Summ. Pontif. V. DD. in c. 1. de Transl. Episc. Canon lib. 6. cap. 4. Cler. Gallic. ap. Grammond. lib. 1. f. 65. Maimb. Tr. de l'eglise Romaine. cap. 5. & 13. de jud. & cap. 34 de elect.

geri se videt, ad distinctiones recurrere à nullo Auctorum traditas, à nullo cogitatas, quæque nec ipsi Maimburgo incidissent, nisi, premente veritate, aut fateri cogeretur, quod novit: aut dicere, quod nemo credet; nullus enim ex citatis Auctoribus aliud dicit, quam Gregorium Pontificem ad Martellum Legationem destinasse, Consulatatum obtulisse, prohibuisse tributa deferri & alia, quæ nimis clara sunt, ut corrumpi aut fuscari sinistra interpretatione possint. Nec tantum Maimburgo debemus, ut ei nullos testes alleganti, ac post tot secula scribenti, nimiumque partibus addicto majorem fidem præstemus, quam Fredgario, Theophani ac Zonaræ, res suorum temporum, & vicina narrantibus, quibus etiam adde Sigonium ita loquentem: *Gregorius Pontifex decretum proposuit, quo Leonem Imperatorem priorum communione removit, ac mox Italiae populos Sacramenti, quo se illi obligaverant, religione exsolvit, & ne ei aut tributum darent, aut aliâ ratione obedirent, indixit.* Ubi vides Gregorium non Civem, sed Pontificem egisse, ad hunc enim pertinet *populos Sacramenti religione absolvere.* Idque etiam ex eo evidenter deducitur, quod citati auctores hisce verbis utantur: *Consulatatum sancivit, tributa deferri prohibuit, vestigalia inibuit, sædus cum Franciis percussit, ne obedirent, indixit;* quæ verba superioritatem omnino indicant, qualera Gregorius ut Civis supra Romanos non habuit, ea enim tota ad Imperatores & Exarchos pertinebat; non ergo ut Civis, sed ut Pontifex Romanus prohibebat, inibebat, edicebat, inibatq; cum externis Principibus fœdera. *Nec obstat, hunc eundem Gregorium in secunda ad Leonem epistola (a) scripsisse, nullam esse Pontificibus in Reges, eorumque Palatia potestatem: Nam quemadmodum, inquit, Pontifex introspectiendi in Palatium potestatem non habet, ac dignitates Regias deferendi: sic neque Imperator in Ecclesias introspectiendi, & electiones in Clero peragendi.* Adidique Maimburgus: *His solis verbis debilitatem illius argumenti ostendi, quod ab exemplo Gregorii petitur.* Miram hujus præfidentiam juxta & simplicitatem! non observantis, quæ à nobis concedantur, quæque negentur; nos ipsi concedimus, nullam esse Pontifici Romano in Reges ordinariam & directam potestatem, nec ex istorum arbitrio deferri Regna, sed vel successione, vel electione, vel jure belli, aliòve legitimo titulo; & quamvis in raro aliquo casu, & indirectè, rebusq; in arcto stantibus etiam hoc Pontifici competat, hæc tamen rara & indirecta,

Ggg 3

mere.

[a] Epist. II. Greg. II. ad Leon. Isaur. anno 726.

mereque contingens potestas non denominat subjectum, nec ab ea dicimur aliquid posse; sic dicimus, non posse Ecclesiasticos nubere, non posse Principes alieno Juri derogare, non posse carnes Sabbatho comedere, non posse Gallos in Romanos Imperatores eligi, & mille alia, quæ absolutam, certisque circumstantiis adstrictam potestatem non excludunt; & hanc ipsam Pontifici permissam ex Gregorij literis deducas, nam in prima ad Leonem Imper. hæc habet: *Scire autem debes, ac pro certo habere, Pontifices, qui pro tempore Romæ extiterint, conciliandæ pacis causâ sedere, tanquam parietem intergerinum septumque medianum Orientis & Occidentis, ac pacis arbitros & moderatores esse.* Et epistolâ secundâ circa f. Et nos culpam peccati recipimus, ut qui potestatem à Deo receperimus, terrena, cœlestiaque solvendi atque ligandi. Ubi vides, Potestatem Pontificiam non ad cœlestia solum & spiritualia, sed etiam terrena & temporalia proferri, quando videlicet necessitas postulat. Sed præsertim ex illis verbis argumentari licet, quibus ut Imperatori in Ecclesias & Clericorum electiones; ita Pontifici in Palatia, Regesque nullum esse Jus dicit. At verò si Clerus Episcopum aliquem hæresi imbutum, aut perduellem eligat, quique Ecclesiam vastet, quis dubitat, si alia remedia absint, nec periculum moras patiat, posse Imperatorem, tanquam Ecclesiæ Advocatum, prohibere, ne is eligatur, aut electum Regno, & Ecclesiâ arcere? nec pauca sunt hujus rei exempla. Si ergo id natura ipsa, ac necessitas Ecclesiæ defendendæ Principibus concessit, quanto magis Pontifici in Principes & Regna? cum nihil magis Ecclesiæ noceat, exponatque ruinæ, ut hæresis coronata; si enim tot illa clades & ærumnas excitavit inermis & abjecta, quid faciet armata, regnansque? & experientia plus satis docuit, ex principum Religione etiam subditorum Religionem, fidemque pendere. Cæterum cum extincto Martello, & Pipino necdum noto, aut rerum potito, auxilium à Francis cessaret, & Græci Exarchum adhuc in Italia, & Siciliam, Calabriamque obtinerent, Longobardi verò hæresi & armis grassarentur, ac Romæ imminerent, non destitère Romani Pontifices, Gregorius vid. II. Gregorius III. Paulus, Stephanus, Zacharias, Hadrianus, alijque apud Græcos Imperatores literis ac legatis agere, ut in sinum Catholicæ Ecclesiæ redirent, & Romam, Italiamque à Longobardis tuerentur; cum tandem rebus omnibus desperatis Pipinus & Carolus subvenire, Imperio Græcis adempto.

**III. Anno DCCLII.** Contigit auctoritate Pontificis Romani celeberrima illa Regni Francici de Merovingica in Carolinam stirpem translatio, quæ sola sufficeret, si omnia alia deessent, ad demonstrandum, quæ tunc temporis fuerit Gallicanæ Ecclesiæ sententia, tunc inquam temporis, cum doctrinâ ac pietate florebat, omni procul adulatione, & Romana Ecclesia adeo à Longobardis oppressa, ut nihil ab ea sperari, nihil metu posset; nec ferè in historia Gallica aliud reperies pluribus ac majoribus testibus proditum, ut tantò magis eorum præfidentiam admire- ris, qui audent tam aperta negare, & oculos Soli claudunt, ne cogantur videre: duplicis culpæ rei, & negatæ veritatis, & amissi pudoris; quidenim credas tam certa abnuentibus? Fluxerant à baptismo Clodovæi anni quinquaginta duo supra ducentos, & Franciam duodevigi- ginti Principes gubernaverant, sed civilibus bellis, fratrumque discordiâ, ac Regum ignaviâ res Francicæ jam ferè conciderant. Reges ruri potius, quàm in aula degere, otio & delitijs vitam ducere, præ- parcis tamen, & privatæ potius, quàm Regiæ fortis; rarò in publico, nisi cum Legatos audirent, redderentque responsa, nec ea pro arbitrio, sed suggesta, aut etiam iussa, inani Majestatis simulachro, nisi quòd So- lio insisterent. Cum prodirent, plaustrum pro curru, boves pro equis erant; producta, fluensque barba, & coma in humeros fusa; hæc pompa, hoc fastigium Francicæ majestatis, quod pluribus Eginhardus testatur. Jus interim belli pacisque, ac Regni moderandi penes Pala- tij Magistros; & dum isti aut retinendæ potentie, aut vincendis æmu- lis, aut Regibus pro arbitrio deligendis, abdicandisque certant, Regnum interea civili bello consumi, Franciæ Provincias, ut quisque occupa- verat, in diversos scindi Principatus: Saracenos, Gothosque aut spon- te, aut in subsidium vocatos Galliæ infundi; & quamvis deleti essent Martelli virtute, parique fortunâ, nulla spes tamen componendi Re- gni, Regibus lasciviâ ac otio torpentibus, Præfectis verò Palatii civili bello collisis, quòd Regij sanguinis non essent, invalidâ apud populos reverentiâ. Nec melior Ecclesiæ, quàm Regni facies. Avarijs bello exhaustis, Ecclesiarum decimas & facultates occupaverant. Ex his stipendia militi, Ducibus præmia; & quòd bellum con- tra Paganos, Gothosque actum, pietas obtendebatur; promisit- que Martellus, omnia Ecclesijs redditurum confecto bello; sed ut

seri

fieri solet, inane id solatium, & irritum fuit, hostes cæsi, fugatique, bellum peractum, Martellus victorij ac triumphis plenus, sed nudæ, spoliataeque ut prius Ecclesiæ; eoque audaciæ & avaritiæ eventum, ut Episcopatus & Sacerdotia à Laicis obtinerentur, pretioque Insulæ venirent, sædo quidem, sed publico mercatu. Quæ postea Zachariæ causa fuit, ut Pipino privilegium concederet nominandi Episcopos ad omnes Regni Ecclesias, quod gravissimi Auctores (a) tradunt. Sic in Gallia res habebant, nec melior aliarum Orbis Ecclesiarum conditio. Italiam Longobardi, Afriq̃ue bello, hæresi, prædatione vastabant: Græciam Bulgari, Avars, Saraceni, civilesque discordiæ, sed omnium pessimè Iconoclastarum sævitie: Hispaniam, Africamq; Alani, Wandali, Sueci, Gothique, & Turcæ quoque gliscabant. Crederes, communi bello Ecclesiam peti, ipsamque periclitari arcem Religionis, Longobardis Romam accinctis. Et ecce! cū minime crederes, à Pipino Legati & auxilium. Poscebat Pipinus Regnum à Zacharia Pontifice, & Childericum Regem deponi, poteratque audax votum videri, nisi necessitas & periclitans Religio excusaret: *Childericum Regem ignaviā ac delitij marcere, non ingenium illi regendo Imperio, non sobolem firmādo esse, nec majus ab eo auxilium Francis, quā à simulachro gemmis, aurōque intello. Cessare populis reverentiam tam abjectā, derisūque Majestatis: Regnum intereā domi forisque laborare, quippe nullis legibus plebem, primoresque frenari Regis contemptu: inflare Barbaros totā Asiā, Africā, Hispaniāque viatores: jam quartā vice Pyrencis superatis Franciam irruisse: ter à Martello Patre, nuper à se victos, deletosque: redituros tamen, quippe exploratis jam montibus, & nivibus assuetos, & tot cladibus asperatos potius, quā fusos; si vincant, nam lubricam fortunam esse, nec unī addictam, quis Italiam, quis Romam, ipsamque Religionem tueri possit? Solam Galliam Barbaris obflare, nec Pipino apud Gallos, dum Corona absit, satis reverentiæ ac fidei esse, plebisque Imperium aspernantibus, Corona vacuum. Childerico sobolis experte defunctoque civile bellum inter amulos arsurum, irrupturos Barbaros, Patriæ ac Religionis excidio. An ergo non expediat, prævenire potius, quā operiri extrema,*

(a) V. Lup. Fœrat. epist. 81. 98. & 99. S. Bonif. ep. ad Zach. PP. Flodoard. in hist. Rhem. de Privil. Hadr. I. De Privil. à Zach. concessio. Joan. X. PP. ep. ad Herim. Colon. Florum Magistrum in fragm. de elect. ad calcem op. S. Agob. Paschal. II PP. apud Malesbur l. 5. della Marca lib. 8. c. 30. Maimb. des Iconocl. l. 2. f. 159. Reg. Sac. f. 103. Edit. Anno 1693.

*extrema*, & Regem deligere, tot infortunijs ac necessitatibus parem? Id futurum, si Pontifex Romanus jubeat, nec aliud Gallos expectare, tanto operi promptos, accinctosque. Permovit Zachariam oratio, & instans Religionis, Regniq[ue] periculum. Ergo Childericum Imperio moveri, zonderique; Pipinum omnium votis eligi jubet, Francos verò juramento absolvit, quod Childerico dixerant. Quod rogo majus exemplum velis Pontificiæ in Reges potestatis, quàm coronas uni stirpi & familiæ insertas, in alias transferre? tantumq[ue] absuit, Gallos obniti, ac Zachariæ adversari, velut inconcessa tentanti, ut potius id ipsum expeterent, acceptarentq[ue] concordibus votis, pari in Pipinum amore, & Pontificem reverentiâ; patet ergo, quænam fuerit eo temporis sententia Ecclesiæ Gallicanæ; & ne ulla dubitandi ratio super sit, dabimus auctorum omni exceptione majorum verba, & ea tam clara, ut negari à nemine possint, nisi qui fidem abrogari sibi velit, & inter eos censi, quos victos licet, edoctosq[ue] pudet veritatem faceri, quam agnoscunt, maluntq[ue] obstinati potius videri, quàm victi.

Eghinhardus perpetuus Carolo comes, eique à Secretis, quique non audita solum & præterita, sed visâ & præsentia scribebat: (a) *Gens*, inquit: *Merovingorum usque in Childericum Regem, qui jussu Stephani Romani Pontificis depositus, ac detonsus, durasse putatur.* Et infra: (b) *Pipinus autem per jussionem Romani Pontificis ex præfecto Palatii Rex constitutus est.* Et in annalibus: *Burkardus Wirzburgensis Episcopus, & Jotwaldus Presbyter Capellanus missi sunt Romam ad Zachariam Papam, ut consulerent Papam, de causa Regum, per quos prædictus Pontifex mandavit, melius esse, illum vocari Regem, apud quem Summa potestatis consisteret, datq[ue] auctoritate suâ jussit Pipinum Regem constitui.* Et alibi ad annum 750. *Hoc anno secundum Romani Pontificis sanctionem Pipinus Rex Francorum appellatus est.* Nota, hanc translationem ab Eghinhardo jam Zachariæ, jam Stephano tribui, quia illam uterq[ue] promovit, Zachariæ initium, Stephani exitus & perfectio fuit; eodem enim anno, quo Zacharias Pipinum Regem jussit, & Francos Sacramento exsolvit, ipse vitam finivit. Stephanus verò Jus Regium Pipino & Filijs confirmavit, ut postea videbimus, unxitq[ue] & Coronam imposuit,

Hhh

Annales

[a] Eginh. in vita Caroli M ab initio. [b] Et in annal. ad ann. 749. & ad ann. 750. Obijt Eginhardus anno 843. juxta Chronol. Bolandi T. 2. Jan. f. 875.

## 408 Dissertatio II. §. II. In quo agitur de Prima

*Annales Laurehamenses ad Ann. 749.* Hoc anno secundum Romanum Pontificis sanctionem Pipinus Rex Francorum appellatus est & more Francorum elevatus in solum Regni Sueffione.

*Annales Fuld.* Zacharias PP. ex autoritate S. Petri mandat populo Francorum, ut Pipinus, qui potestate Regia utebatur, nominis quoque dignitate frueretur. . . . Pipinus Sueffione à S. Bonifacio in Regem unctus Regni honore sublimatus est.

*Annales Loiseliani ad Ann. 749.* Per autoritatem ergo Apostolicam iussit (Zacharias) Pipinum Regem fieri. . . . Pipinus secundum morem Francorum & electus est ad Regem & unctus per manus S. Bonifacii, & elevatus à Francis in Regno suo &c.

*Cedrenus ad 8. Leonis Isauri annum : Anastasius ad annum 2. Constantini Copron. in Hist. Ecclesiast. Sigebertus ad annum 750.* Pipinus Princeps autoritate Apostolica, & Francorum Electione à S. Bonifacio in Regem consecratur.

*Nota I.* Pipinum Primum per sesquiannum regnasse, cum Stephanus III. in Franciam venit.

*Nota II.* Dicunt aliqui hunc Childericum III. cognomine ignavum uxorem habuisse, nomine Gisellam, aut Gisaldam & ex ea filium. Morerus in V. Childerici : Annales S. Bertini scribunt in hoc Monasterio, annorum circiter 18. mortuum esse.

*Nota III.* Cavillatur Alexander Natalis : Falsam esse narrationem Eghinhardi, quod dicat Merovingicos prolixam barbam aluisse, cum Clodoveus III. mortuus sit Anno ætatis 19. Dagobertus III. Anno 20. Theodoricus IV. Anno 23. Childebertus III. Anno 18.

*Resp.* Eghinardus non dicit *prolixa barba* : sed *submissa* : nec loquitur de Regibus imberbibus, sed adultis, qui à Clodoveo Magno 18. numerantur. At Eghinardus loquens de promotione Pipini nullum probatum auctorem citat : At quem citaret cum nullus sit antiquior Eghinardo, qui in aula Pipini vivebat, Carolo Pipini filio à secretis ? aut quis melius Pipini vitam, & res gestas sciret, quam qui ejus ætate, in ejus domo, & omnium secretorum particeps viveret ? At male, & injuste Zacharias PP. fecit.

*Resp.* Non jam hoc querimus : Sed an Gallia hanc potestatem agnovit ? agnovit verò ; alioquin nec Galli, nec præsertim Episcopi hanc transactionem approbassent : Consecratione Episcoporum, & subjectione  
Prin-

*Principum Pipinus sublimatur in Regno, ita loquitur Aimoinus in appendice historię, jussu Childebrandi, qui fuit Avunculus Pipini apud Andream Duchesnium, & P. Le Cointi Annal. Ecclesiast. Franc. ad ann. 752. n. 62.*

*Annales Francici à Pithœo editi : Septingentesimo, quinquagesimo secundo anno Zacharias Papa ex auctoritate Petri Apostoli mandat populo Francorum, ut Pipinus, qui potestate Regiâ utebatur, nominis quoque Dignitate frueretur.*

*Fredegarius : (a) Quo tempore unâ cum consilio, & consensu omnium Francorum missâ relatione à Sede Apostolica, auctoritate perceptâ præcelsus Pipinus electione totius Franciæ in Sedem Regni sublimatur.*

*Rhegino : (b) Jussit Papa per auctoritatem Apostolicam Pipinum Regem creari, ne perturbaretur Christi-anitatis Ordo.*

*Otto Frisingensis, Imperatorum nepos : (c) Zacharias consultus respondit, & ipsius auctoritate Pipinus à Bonifacio Archiepiscopo Moguntino, & alijs Regni Principibus in Regem eligitur. Et alibi : Anno Domini 754. Pipinus à Stephano Papa I. à fidelitate Sacramento, quod Hilderico promiserat, cum alijs Regni Francorum Proceribus absoluitur.*

*Abbas Urspergensis : (d) Sic ergo Pipinus ex Præfesto Palatii auctoritate Apostolicâ sublimatus, & unctus in Sedem Regni, regnavit annis quindecim, absolutus per eundem Stephanum Papam à Juramento, quod Regi Childerico cum cæteris Regni primoribus fecit. Et alibi : Zacharias verò Papa super hujusmodi negotio consultus, remandavit, melius esse, eum vocari Regem, apud quem summa potestas consisteret, datâque auctoritate suâ Pipinum Regem jussit constitui.*

*Sigebertus : (e) Pipinus verò Princeps Apostolicâ auctoritate, & Francorum electione à S. Bonifacio Moguntiæ Archiepiscopo in Regem ungitur & consecratur.*

*Ludovicus II. (f) Caroli M. Pronepos, qui res in familia sua gestas recentesque ignorare non poterat, in Epistola ad Basilium Orientis Imperatorem : Matrem omnium Ecclesiarum DEI (Romanam videlicet Ecclesiam) defendendam suscepimus, ex qua & regnandi prius, & postea Imperandi auctoritatem Prosapia nostræ seminarium sumpsit ; nam Francorum Principes primò Reges, deinde verò Imperatores dicti sunt ij dumtaxat, qui à Romano*

Hhh 2

Pon-

(a) Fredeg. ad ann. 751. f. 161. floruit seculo 8. (b) Rhegino in Chron. obiit circa initium sec. 10. (c) Otto Frising. lib. 5. c. 22. & 23. obiit anno 1158. (d) Abbas Ursperg. ad ann. 743. circa fin. floruit seculo undec. (e) Sigeb. ad ann. 750. floruit seculo undec. [f] Ludov. Imper. epist. apol. ad Basil. ann. 874. habetur apud Baron. & du Chesne Tomo 3.



*Pontifice ad hoc oleo sancto perfusi sunt, &c.* Ubi vides, Ludovicum Imperatorem agnoscere, auctoritatem regnandi Carolinæ Prosapie à Romana Ecclesia provenisse.

Schafnaburgensis: (a) *Pipinus decreto Zachariæ Papæ per unctionem S. Bonifacii Rex appellatus est.*

Hermannus Contractus: (b) *Pipinus auctoritate Stephani Papæ, deponso ac deposito Hilderico Rex Francorum factus est.*

Albertus Crantzius: (c) *Merito Summus Pontifex, & Gallorum Rex mutuis se attollum favoribus, quando ab initio hæc Sedes Domui Caroli hoc præstitit, ut Regiam haberet Dignitatem.*

Carolus Sigonius: (d) *Pipinus Zachariam consulit, uter ei Regio assilio dignior videretur? is qui otio languens nihil ad communem utilitatem afferret, an qui dies noctesque de Regni utilitate cogitaret? Cui Zacharias respondit, omnino se Regem illum cogitare, qui Regni commodis & utilitati serviret: rogatusque ab illo, Decretum pro magnitudine potestatis interposuit, quo Regnum Childerici abrogavit, & Francis Sacramenti Religione solutis, ut Pipinum Regem substituerent, Auctor fuit. Quo decreto accepto Franci conveniunt, ac Childerico abdicatione Pipinum Regem designarunt, eumque Suesione per Bonifacium Archiepiscopum consecrârunt.*

Paulus Æmilius rerum Francicarum scriptor accuratissimus: *Pipinum Burchardum Wirzburgensem Episcopum ad Zachariam Pontificem Max. Oratorem mittit, ut Franci solverentur Jurisjurandi religione, quâ se Childerico devinxerant. Oratione Episcopi motus Zacharias initio minime audebat tam magni momenti cogitationem suscipere, sed tandem Francos Sacramento Regi Childerico dicto solvit.*

Præter jam citatos Auctores videndi sunt (e) Aimoinus, Marianus, (f) Scotus, (g) Gaguinus, Sabellicus; (h) Spondanus; alijque, qui ipsam ferè verbis hanc translationem recensent; ubi simul adverte, esse omni exceptione majores, quippe integerrimâ fide, quique res suorum ferè temporum; recentesque narrabant, aut Principum partibus addicti potius, quàm Pontificum; imò istis infensi, quales Frisingensis, Urspergensis & Siegbertus; & denique eodem modo deponent, vide-

(a) Lamb. Schafnaburg. in hist. Germ. (b) Herm. Contr. ad ann. 752. in Chron. (c) Crantzius lib. 1. metropol. c. 14. (d) Carol. Sigon. de Regno Ital. ad ann. 750. obiit anno 1585. (e) Aimoin. de gest. Franc. l. 4. c. 6. (f) Scotus l. 3. Chron. (g) Robert. Gagu. l. 3. Chron. f. 45. (h) Spond. ad ann. 752. Sabellicus cunctad. 8. l. 8. Platina in Zach. Greg. VII. in e. alius 15. q. 6.

videlicet Childerici ignaviam, Pipini ad Zachariam Legationem, consilium à Pontifice petitum, acceptumque, uter videlicet dignior Imperio esset, Childericus ignavia torpens, an Pipinus bello & victorijs promptus? decretum & mandatum Zachariæ Pipinum eligi jubentis; juramenti, quo Franci tenebantur, absolutionem, & denique omnium votis electum Pipinum. Jam verò post tam multa, & tam clara testimonia quid aliud à Maimburgo expectares, quàm aut veritati celsurum, quippe tot testibus & probationibus nixæ, aut saltem alios producturum, pari numero, parique auctoritate? id enim causæ gravitas, ac toties ostentatus amor veritatis, & vitæ Institutum duplici titulo Sacrum, Religiosi videl: & Sacerdotis exposcebant, præsertim cum toto eo libro, quem ultimò edidit, nullum finem protestandi faciat: *Se non disputationibus, non subtilitate usurum, sed historiâ & factis evidentibus, quæque nullam tergiversationem admittant.* Audi jam verò, quid exhibeat post tot magnificè promissa: (a) *Quæ, inquit, de Zacharia dicuntur, nullius momenti sunt, supponuntque Franciæ historiæ extremam ignorantiam; Franciæ enim Optimates sunt, qui Coronam Pipino detulêre, non verò Pontifex Romanus; hic enim rogantibus & consilium expetentibus, an id liceret? respondit licere; consuluit ergo, non imperavit. Et verò æquum id consiliam fuerit, an secus, non est hujus loci disputare; enimverò verba, quibus antiqui Scriptores hanc Translationem describunt, clarissima sunt, ut ostendant, nihil aliud quàm consilium à Francis petitum esse, ut videlicet electionem, quam animo agitant, Summi Pontificis auctoritate munirent; nam Chronicon vetus à Pitbæo editum: Missi sunt, inquit, ad Zachariam Papam, ut consulerent. Et Annales Francorum Metenses: Missi fuerunt ad Zachariam interrogandum, si bene fuisset, annon? ergo nihil aliud à Pontifice & petitum, & datum, quàm solum merumque consilium, & hoc ipsum improbavit Stephanus Zachariæ Successor, qui teste Theophane ejus temporis Scriptore à Pipino ob violentam Childerico fidem pœnas expeti; aut ergo Stephanus, aut Zacharius erravit; imò cum Franci Hugonem Capetum solio imposuêre, Carolo debitum, ne consilium quidem à Joanne XV. expectatum est, multò minùs Imperium.* Hæc Maimburgus. Ignorantiam primò historiæ Franciæ opponit nobis, sed ego Lectoris arbitrium posco; nam piget cum Maimburgo loqui, tam vana jactante; an nos historiam Francicam ignoremus, qui præcipuos historiæ Franciæ scriptores non legimus tantum, sed verbatim allegamus, Eghinhardum videlicet, Fredegarium, Reginonem, Pithæum, Æmilium, aliosque? Hhh 3 Quòd

Quòd si ignorantia hæc est, non nostra, sed omnium illorum fuit. Quis verò est Maimburgus, ut istos ignorantiae accuser? aut quæ ipsius merita, fidesque toties scædata, ut eum Eginhardo, Ottoni, Urspergensis, Aimoino æques, præferasque? Quòd si istos ipse non legit, quæ rogo hæc negligentia, & ignorantia fuit, nescire tam obvia, tamque necessaria historiam proficenti? Scribit, quæ non legit, jactat, quæ ignorat, profitemur, quæ nescit, & tamen objectat alijs ignorantiam; hoc novum modestiæ genus. Si verò hos ipsos Auctores legit, quos modò produximus, cur rogo silentio præterit? & illum ipsum Pirhœum, quem citat, cur una tantum ex parte recitat, premitq; aliam, quæ totam rem explicat? consilium enim à Francorum Legatis petutum esse, & à Pontifice datum, nemo inficias iverit, sed Imperium consilio accessisse & nos asserimus, & historici tradunt, & ipse inter alios Pirhœus his verbis exponit, quæ Maimburgus omisit, vid: Zacharias Papa ex auctoritate Petri Apostoli mandat populo Francorum, ut Pipinus, qui potestate Regiæ utebatur, nominis quoque dignitate frueretur. Et Eginhardus studiosè inter consilium & præceptum distinguens, utrumque Pontifici attribuit: (a) Burchardus, inquit, Episcopus & Foltradus Capellanus missi sunt Romam ad Zachariam Papam, ut consulerent de causa Regum, qui illo tempore nomen tantum Regis, sed nullam potestatem Regiam habuerunt; per quos prædictus Pontifex mandavit, melius esse, eum vocari Regem, apud quem summa potestas consisteret. Hactenus consilium. Audi nunc mandatum: Datæque auctoritate suâ jussit Pipinum Regem constitui. Et ad annum 750. Hoc anno secundum Romani Pontificis sanctionem Pipinus Rex Francorum appellatus est. Dicine potuit aliquid clarius? & idem in vita Caroli: Childericus Rex jussu Stephani Pontificis depositus ac detonsus, & in Monasterium detrusus est. Et Regino: Jussit Papa per auctoritatem Apostolicam, Pipinum Regem creari, ne perturbaretur Christianitatis Ordo. Et Otto Frisingensis: Pipinus à Stephano Papa fidelitatis sacramento, quod Hilderico promiserat, absolutus est. Et Urspergensis: Pipinus ex Præfecto Palatii auctoritate Apostolicâ sublimatus postea regnavit annis quindecim, absolutus per Stephanum Papam juramento, &c. Et Aimoinus: Missi sunt Romam ad consulendum Pontificem, datæque auctoritate suâ jussit Pipinum Regem institui: hoc anno secundum Romani Pontificis sanctionem Pipinus Rex Francorum appellatus est. Hæc omnia an solum consilium denotent, clarius est, quàm ut explicari à me debeat; sanè, solvere aliquem Juramento, jubere,

(a) Eginh. in annal. ad ann. 749.

*jubere, sancire*, non sunt consilia, sed praecepta, nec aliâ ratione Maimburgus ea tacuit, quàm quia convinci se illis videbat. Quanto id verò historiae, suique dedecore, ac fidei, quæ in scriptore prima esse debet, detrimento, nihil attinet dicere; quis enim jam cecidat Maimburgo, tam comperta neganti, tamque indignis artificijs fucanti veritatem? Tinctorem eum magis, quàm historicum credat. At, inquit, Theophanes scribit, Pipinum Stephano pœnas dedisse violatæ Childerici fidei: Verba sunt Theophanis: *Λύσαντες αὐτὸν τῆς ἐπιοχίας τῆς πρὸς τὸν πῆρα ἀπὸς Στεφάνου*: Hoc est, *absolveme eum à perjurio ipso Stephano*: quorum verborum sensus est: absolutum esse juramento, ut sine labe perjurij Rex esse posset, id quod dicunt alij scriptores omnes à me citati. Sed quàm illa veritati consentiant, sufficit repetere, quæ modò ex Eginhardo, Urspergenſi & Frisingenſi retulimus, qui omnes Pipinum juramento fuisse solutum à Stephano tradunt; non potuit ergo Stephanus punire, quod ipse fecerat, aut si Pipinus injuste alienum Regnum invaserat, parum fuit punire, nisi restitueret: & tamen tantum abfuit, Stephanum restitui jussisse, ut potius Regnum Pipino confirmaret, quod citati Auctores tradunt; & mirum est, Theophanem, qui aut Constantinopoli, aut in exilio agebat, tanto Româ & Parisijs intervallo, Eginhardo præferri, qui in Aula, ubi hæc contingebant, versabatur, Carolo Pipini filio à secretis, & omnium conscio, quæ illic fiebant: id perinde fuerit, ac si de ijs, quæ Romæ contingunt, malis nautæ Bizantino, quàm Romano Senatori fidem habere. Imò idem Theophanes (a) pro nobis contra Maimburgum testatur, sic enim scribit: *Prædictus namque Stephanus vi pressus, & crudelitate coactus Aistulphi, simul etiam cohortatus est ab eodem Pipino ire in Franciam, & facere quæcunque posset; qui veniens Pipinum provehit in Regem, virum probatissimum, &c.* Cur ergo non etiam Pontificem Franci rogârunt, cum Hugonem Capetum Regno admooverunt? Vanum est hoc argumentum, non enim sequitur, quod semel omisſum est, non esse alio tempore factum, id enim perinde est, ac si dicas: *Semel fuit David, nec tamen bibit; ergo quoties fuit, non bibit.* Ergo non sequitur, si Hugo Capetus Coronam à Pontifice non accepit, non etiam Pipinum accepisse, nec enim semper è Pontificis manu Coronæ proveniunt, sed cùm necessitas postulat, & ut loquitur Rhegino, *cùm ordo Christianitatis periclitatur.*

IV. *Anno DCCLIV.* Aliud specimen, nec minùs egregium Pontificiæ auctoritatis in Gallijs editum. Aistulphus Longobardorum Rex ferro ignique Italiam vastabar, & Romæ imminebat, prædæ avidus, jamque Urbem obsederat. Auxilia à Græco petita, Longobardus donis, ut abscederet, tentatus, sed omnia frustrâ; preces ergo ad Pipinum versæ, qui Pontificis necessitate compertâ, Rhodigangum Episcopum mittit, Ducemque Ancharium, ut illum in Franciam deducant: jam Barbari Urbem premebant, cepissentque, sed Legatis in castris comparentibus obsidio omiſsa, metu & reverentiâ Franci; Stephanus Parisios à Legatis deductus, illiç omni apparatu, cultuque exceptus, & mixtâ amoris reverentiâ; ipse Pipinus cum Regia Coniuge, liberisque obviam processit, & equum comitatus est obsequij causâ. In eo conventu decreta in Aistulphum expeditio, & Regia Dignitas, quæ nuper per Legatos, nunc coram, & ab ipso Pontifice, majorique apparatu, Pipino collata, cui etiam Sacra Unctio, & solennis Coronatio addita. Quæ ratio est, ut multi scriptorum nunc à Zacharia Pipinum, nunc à Stephano provectum dicant; sed veritas est, ab utroque factum: sed illud in hac secunda multò ampliùs, quòd non contentus Pipinum Regem dicere, iussit insuper, adegitque Francos iuramento, ne Regem ex alia stirpe, quàm Pipini deligerent. Nec putandum est, prætergressos iuramentum, cum Hugonem Capetum Throno intulere, omisso Carolo Primo Lotharingiæ Duce, & proximo Regij Sanguinis Principe; quamvis enim, ut dixi, is proximè Ludovicum Quintum ultimum Galliæ Regem, & sine liberis functum attingeret, quippe huius Patruus, & Lotharij Regis frater, Capetus tamen & ipse Pipini progenies erat, ex Childeprando vid: Pipini Crassi filio, & Martelli fratre, quod etiam passim Galli testantur, ut apud (a) Spondanum & Morerum videre est. Sed ut fides narrationis constet, verba scriptorum numerabimus.

Theophanes: [b] *Predictus Papa Stephanus vi pressus, & crudelitate coactus Aistulphi, simul etiam cohortatus à Pipino ire in Franciam, veniens Pipinum provehit in Regem, Virum probatissimum.*

Ludovicus [c] *Caroli M. filius; Gesta autem sunt hæc à B. Stephano Papa adjuvantibus SS. Apostolis Petro & Paulo anno ab Incarnatione DCCLIV. quo inter oblationem & celebrationem Sanctissimi Sacrificij unxit in Reges Francorum florentissimum Pipinum Regem, & duos ejus filios, atque Francorum*

*Pro-*

(a) V Spond. ad ann. 987. & Morer. in Childepr. (b) Theoph. lib. 22. (c) Lud. in ep. ad Hilduin. quæ habetur in Arcopag.

*Proceres auctoritate B. Petri obligavit & obtestatus est, ut nunquam de altera stirpe Regem supra se præsumant aliquo modo constituere, quos & divina providentia ad Sanctissimam & Apostolicam Sedem tuendam eligere dignata est.*

Gaguinus : (a) Stephanus autem ut Regi gratificaretur, Pipino benedixit, & posteritati ejus, atque qui temeritate aliquâ adversus Francos bella moverent, Communionem Christianâ interdixit.

Abbas Ursperg : (b) Francorum Populos unâ cum Proceribus auctoritate B. Petri Apostoli obligavit, & protestatus est eos, ut nunquam de alia stirpe sibi Regem præponerent, quos divina Providentia in defensionem Ecclesiæ dignata est sublimare.

Paulus Æmilius : (c) Hâc celebritate Pipinum coronavit, sacrâque unctione imbuivit, omniâque sausta in omne tempus apprecatus est, simul diris, detestationeque insectatus, si quis contrâ moliri auderet ; itâ prius acceptum Jus regnandi, tunc quasi divinius confirmatum, & immortale factum in ea familia videbatur.

Naucerus : Stephanus Papa, ut Ecclesiæ defendendæ spem accepit, Pipinum sacrâ unctione in Regiæ dignitatis honore confirmavit. Pipino benedixit, & posteritati ejus, atque qui temeritate aliquâ adversus Francos bella moveret, Communionem Christianâ interdixit.

Carolus Sigonius : (d) Solemni pompâ Carolum, & Carolomannum Reges inunxit, solemni carmine adstantes Francorum Proceres sacræ detestationis obstringens, ne quando alios, quàm ex illorum progenie regnare juberent, quos constaret, Divinâ Providentiâ ad Catholica Ecclesiæ tutelam adscitos, Universâ interim Francorum Nobilitate plaudente.

Habemus hic iterum, quid senserit Gallia de Pontificis potestate, tantum enim abest, obstitisse Pontifici, ista decernenti, ut potius & audierit, & oraverit, & Regnatrices Capetam ac Borboniam familias Pontifici Romano debeat.

V. Anno DCCLXXIII. Desiderius Longobardorum Rex Ecclesiæ Ditiones populatur, Exarchiam Ravennatensem occupat, & Romam cum exercitu movet : causa belli, præter regnandi cupiditatem, quod Hadrianus Pontifex noller Carolomanni liberos, nepotesque Desiderij ex filia Carolomanno nupta, Reges, habilesque paterno Regno, quod totum Carolo Magno cesserat, appellare. Audi Æmilium : Longobardus

Iii con-

(a) Gaguin. hist. Franco. lib. 3. f. 45. (b) Abb. Ursperg. ad ann. 753. (c) Æmil. in vita Pipini propè init. (d) Carolus Sigo. lib. 3. Italiæ ad ann. 754.

## 416 Dissert. II. §. II. In quo agitur de Prima

*contendebat, ut Hadrianus Pontifex Carolomanni liberos, eisdem Pipini nepotes Reges appellaret, inungeretque, quod ejus judicium sanctum apud Francos fore non dubitaret, Regnumque paternum ad adolescentulos reditutum. Vides hic iterum, quænam tunc temporis Francorum mens & sententia fuerit, quamque etiam apud Barbaros vulgata.*

VI. Anno DCCCLXIV. Carolus Magnus Ticino expugnato, Rege Desiderio capto, deletoque Regno Longobardorum, quod annis ducentis steterat, Patritij Romani dignitate ab Hadriano Pontifice augetur; hæc Imperio aptabatur. Constantinus Augustus præcipuè Patritij dignitatem extulerat, primà post Cæsares, majorique Præfecturâ Prætorij. Patres Imperatorum dicebantur; si bellum inferendum, si pax sancienda, aut alia Imperij cura, primum cum Patritijs consilium: paludamentum humeris injectum, annulus dextro indici insertus, caput aureo circulo revinctum, picti calcei, sublimisque Sella insignia Patritij erant. Ejusque officium & curæ, tueri populum, hostes repellere, urbemque gubernare; tantique fuit, Patritium esse, ut non à Romanis solum ea Dignitas, sed ab exteris etiam Principibus peteretur, eamque Theodorico Gothorum Regi datam à Zenone legimus. Vides (a) Cantelium, & Cassiodorum (b) de Patritij dignitate, Adelmum (c) verò, Sigebertum (d) & ex hoc (e) Gratianum, qui hujus in Carolum collaræ meminerunt.

VII. Anno DCCC. Contigit celebris illa Occidentalis Imperij in Francos translato, auctoritate Leonis III. Pontificis Max. facta. Ejus translationis seriem & narrationem in Regali Sacerdotio descriptam habes, nec mihi animus est repetere illic dicta. Solum observa, cum tunc temporis Romanæ Ecclesiæ statum fuisse, ut meritis Romanus Pontifex huic Translationi animum adjecerit. Italia quadringentos fere annos sub Gothorum & Longobardorum dominatu gemuerat, nunc à Græcis, nunc à Gothis, nunc à Longobardis; jam civili, jam externo Marte sædata, & quod æterbius erat, cum Ariana, cum Iconoclastica hæresi toties collisa, & tantum non victa. Quoties ad Romæ portas nunc Luitprandi, nunc Aistulphi, nunc Desiderij classicum sonuit? quoties accensæ à Barbaro faces Urbi delendæ? quoties necando Pontifici nunc insidiæ, nunc venenum, nunc Sicarius à Græco immissus?

(a) Cantel. p. 2. diss. 2. c. 4. (b) Cassiod. l. 8. ep. 9. & seqq. (c) Adelm. ad ann. 801. (d) Sigeb. in Chron. ad ann. 774. (e) Grat. in c. Hadrianus & seqq. d. 63.

missus? Et quamvis & Pipini, & Caroli M. armis respirasse Italia ac Roma viderentur, Longobardis planè deletis: ut primum tamen in Franciam redibant, nova iterum bella, nova pericula nasci, crederes pacem ferre non posse, tot jam seculis bello assuetos. Eò factiones, turbæque civiles, cum Carolus exercitus abduxisset, Romæ processerant, ut Leonem Pontificem Sacras Liranas obeuntem æmuli aggredierentur, cæderentque, ac oculos eruerent: elapsus ad Carolum, cum exercitu Romam reduxit: supplicia de reis sumpta. Sedebant Constantinopoli Imperatores Græci, aut proferendæ hæresi, aut domesticis & intestinis bellis intenti, nullâ Italiæ, nec imperij curâ. Constantinus cum Matre de Imperio contendebat, & hæc prævaluit, ac filio oculos primum, tum vitam ademitt: Sol septendium lauit tanti sceleris odio, ac navibus toto mari, ac sine luce errantibus, aut anchorâ fixis, dum lux rediret. Saraceni, Bulgari, Avaræque, Græciam vastabant: quod istis intactum reliquumque, civile bellum absumpserat. Ergo ut inclinanti, imò labenti Imperio Leo subveniret, desperatâ à Græcis ope Carolum deligit, & in Francos communi etiam Senatûs populique Romani assensu, coronam deposuit, quam nemo magis ut ille tueri poterat, nemo melius Religioni aptare. Vide, quæ in Regali Sacerdotio (a) narrata sunt.

Factam esse hanc Imperij Occidentalis translationem auctoritate Romani Pontificis jam dudum Bellarminus ostendit duodecim Imperatorum, aliorumque Principum, quinque & triginta historicorum, septemque Pontificum testimonijs: ego, ne jam notis insistam, unum alterumque libabo.

Omnes historici, Græci, Latiniqûe, quotquot de hac Imperij translatione loquuntur, eam Leoni Pontifici tribuunt, exprimuntque his verbis: *Carolus à Leone Papa coronatus est, ac Imperator appellatus est: Leo Francos Romam admisit: Carolus à Summo Pontifice ablato Patritij nomine, coronatus: Leo Papa Carolum fecit Imperatorem: Leo de Græcis Imperatoribus ad Reges Francorum & Germanos Imperium transfudit: Leo Carolum ad imperium unxit, & hanc dignitatem à Græcis in Francos transfudit: Leo illustra Caroli merita remunerans, eum Imperatorem appellat.* Sic omnes scribunt, nec aliâ dicendi formulâ utuntur, cum hujus rei mentionem faciunt, ut bene Spondanus (b) & ipse Gallus pronuntiet: *Non tantum Eginhardus &*



## 418 Dissertatio II. §. II. In quo agitur de Prima

*Anastasius de collata per Leonem Pontificem dignitate Carolo M. sunt testes, sed fatentur id ipsum Latini omnes, & Græci auctores. Quod verò Carolus aut jure belli, aut Senatûs Populique Romani donatione Imperium acceperit, nullus omninò meminit, sed populo solas acclamationes tribuunt, quæ utique Imperatorem haud faciunt. Jam verò in rebus ad historiam pertinentibus, quæque nisi ex scriptorum fide sciri non possunt, cur non potius id dicas, credasque, quod omnes dicunt, quam quod omnes tacent? & quæ ratio velit, ut, quod omnes asserunt, tu neges, & quod omnes tacent, tu asseras? & verò si non Leo Imperium in Carolum transtulit, sed Senatus aut Populus, cur ex tot auctoribus Græcis, Latinisque, nemo Senatûs, nemo Populi meminit, omnes Leonis? aut cum aliquam Populi, Senatûsve mentionem faciunt, cur istis solas acclamationes tribuunt, de Leone verò, transtulisse Imperium, fecisse & appellasse Imperatorem dicunt? cum potius contrarium dici oporteret? si enim Carolus à Senatu, Populoque Imperium habuit, ergo principales, præcipuæque partes Senatûs & populi erant, & huic translatio & appellatio, non Leoni, ministro tantum, non auctori, adscribenda erat: quemadmodum licet S. Bonifacius Archiepiscopus Moguntinus Pipinum, Filiosque Reges Francorum iunxerit, nemo tamen scriptorum dixit, Bonifacium transtulisse in Carolinos Regnum, Reges constituisse, sed Zachariam, cujus jussu & auctoritate Bonifacius agebatur, nec auctor, sed minister erat. Patet ergo ex omnium Latinorum, Græcorumque testimonijs, ac uniformi loquendi modo, non solum titulum & Coronationem, sed ipsam Dignitatem ac potestatem Imperatoriam à Romano Pontifice in Carolum translatam esse.*

*Ludovicus Imperator conquerenti Basilio Imperatori, quod titulum ac dignitatem Imperatoris usurparer, soli Græco debitam, hæc per Legatos & epistolas respondit, anno 871. datas; hoc est septuagesimo post translationem anno, recenti adhuc facti rerumque memoriâ: (a) Mirari, inquit, se Fraternitas Tua dilecta significat, quod non Francorum, sed Romanorum Imperator appellemur; sed scire te convenit, quia nisi Romanorum Imperator essemus, utique nec Francorum. A Romanis enim hoc nomen & dignitatem assumpsimus, quorum gentem & Urbem divinitus gubernandam, & matrem omnium Ecclesiarum DEI gubernandam suscepimus,*

[a] Epist. Ludov. II. Imp. ad Basilium æquè Orient. Imp. anno 871. ap. Baron. ad cund. ann. n. 54. & Andr. du Chesne Tom. 3.

pimus, ex qua & regnandi prius, & postea imperandi auctoritatem profapia nostræ Seminarium sumpsit; nam Francorum Principes primò Reges, deinde Imperatores dicti sunt ij duntaxat, qui à Romano Pontifice oleo sancto perfusi sunt. Præsertim cum tales sæpe ad Imperium sint adsciti, qui nullâ divinâ operatione per Pontificum ministerium propositi solum à Senatu & Populo, Imperatoriâ dignitate potiti sunt: nonnulli verò nec sic, sed tantum à militibus sunt acclamati, & ipsi Patrum nostri gloriosi Reges absque invidia Imperatores nos vocitant, attendentes ad unctionem & sacrationem, quâ per Summi Pontificis manus sumus ad hoc culmen prorecti. Et ibidem: Illud autem mirari merito possumus, quod sublimitas Tua ad novam & recentiore appellatorem adipirare nos autumat, cum non sit novum, vel recens, quod jam ab Avo nostro, non usurpante, ut perhibes, sed DEI nutu & Ecclesiæ judicio, Summi-que Pontificis per impositionem & unctionem manûs obtinuit. Vides in his litteris Ludovicum Imperatorem non belli, non Senatûs Populiq; Romani, quasi ab his Imperium accepisset, sed solius Pontificis meminisse: nec dicit, Carolum Magnum populi, aut Senatûs judicio, sed DEI nutu & Ecclesiæ, Summi-que Pontificis judicio Imperio potitum esse. Cur ergo semper Populum & Senatûm excludit, si ab istis Imperium sumpsit? annon poterat eâdem operâ jus belli, ac popularis electionis prætexere, si Imperium istis debebat? aut forsân quæ in Ludovici familia, & adhuc recentia contingebant, melius Maimburgo post tot secula scribenti, quàm ipsi Ludovico constabant? & quis credat homini privato, abditoque, & curis hujus mundi soluto, qualem se Maimburgus profitetur, magis Imperij jura, titulosque, quàm Imperatori explorata esse? imò quod bene observandum, idem Ludovicus titulos obtinendi Imperij diligenter distinguens, alios militum, Senatûs, populi-que consensu, se verò DEI nutu, & Ecclesiæ Summi-que Pontificis judicio electum dicit, & Imperio potitum; non ergo Senatui, non populo Romano, non armis hoc debuit, sed post Deum Ecclesiæ & Pontificis dono. Zonaras Tomo 3. annalium in Leone 111. Ab eo tempore Româ prorsus Galli potiti sunt, Carolo à Leone coronato, & Romanorum Imperatore appellato, & infra: Sub Constantino, & Irene Papa Leo Francos Romam admisit; sic & Italiâ universâ, & Româ potiti sunt. Ursbergenfis in Chronico ad annum 800. Hic [Leo vid.] Carolum fecit Imperatorem. Hucusque Romanum Imperium à temporibus Constantini in Græcorum Imperatoribus mansit; ex hoc jam ad Reges Francorum & Imperatores per Carolum transijt.

Albertus Imperator (a) in litteris ad Bonifacium VIII. *Prosteor, Beatissime Pater, me bonorum omnium largitori ac Vobis fore pro innumeris misericordijs ac immensis beneficijs obligatum, &c. Recognoscens igitur, quod Rom. Imperium per Sedem Apostolicam de Græcis translatum est in personam Magnifici Caroli in Germanos. &c.*

Principes Electores (b) in litteris ad Nicolaum III. PP. *Nos Principes Imperij universis presentem paginam inspecturis, &c. Complectens ab olim Romana Mater Ecclesia quâdam quasi germanâ charitate Germaniam illam eo terrenæ dignitatis nomine decoravit, quod est super omne nomen, temporaliter præsidendum super omnem terram, &c.*

Clemens V. in Concilio Viennensi Oecumenico : *Romani Principes Sacrosanctam Ecclesiam Romanam, ac Romanum Pontificem fervore fidei venerantes, eidem Romano Pontifici sua submittere capita non reputabant indignum, seque illi & eidem Ecclesie Rom. quæ à Græcis Imperium transiit in Germanos, adstringere vinculo Juramenti &c. Nota, hoc etiam testimonium maximi ponderis esse, quippe à Pontifice Gallo, in ipsa Gallia, præsentem, audiente & approbante totâ Ecclesiâ Gallicanâ, ac tandem ipsis actis Concilij Oecumenici insertum, adeo ut non tam Clementis Pontificis, aut Concilij Decretum, quàm totius Ecclesiæ Gallicanæ haberi debeat. Et ipse Maimburgus rei veritate convictus, & hoc Concilij Viennensis, & illa, quæ suprà citavimus, Electorum, & Imperatorum testimonia : (c) Tanquam verissima, indubitata, & adeo fide digna pronuntiat, ut ea nec negari, imò nec in dubium vocari posse dicat. Sed addit, intelligenda esse, non de vera, realiq; potestate, sed tantum de ritu & cerimonia ac coronatione externa ; in electione enim, ipsoque electo Imperatore duo distingui : primum, quod sit caput supremusque Princeps & Monarcha Germanici Imperij, à quo Principes alij dependeant, & hoc primum quod spectas, nec Electores, nec Imperatores à Romano Pontifice quidquam accepisse ; cum Jure naturali, divinæque, ut in alijs Regnis electivis, sic & in Germanico Imperio possint Opimates sibi Caput & Principem deligere. Secundum, quod in electo Imperatore spectari debeat, esse, quod electus solus, exclusisque alijs omnibus unice Jus habeat coronam à Romano Pontifice postulandi ; hanc verò Coronationem à Romano*

[a] Albert. Imp. in lit. ad Bonif. VIII. anno 1303. [b] Lit. Princ. Elect. anno 1269. Indict. 7. Rodolphi Imp. ann. 6 V. Baron. ad ann. 996. n. 44. & Bellarm. 13 c. 3. V. Ser. ar. lib. 1. rerum Mogunt. & Gress. in defens. Bellarm. c. 28. [c] Maimb. de la decadence de l'empire lib. 2. ad ann. 996.

mano Pontifice fluxisse quidem, esse tamen ritum haud necessarium, & sine quo tota Majestas Imperatori constet. Hæc Maimburgus in libro de Imperij Declinatione; & in historia Iconoclastarum: (a) Carolum M. Imperium Occidentis, ipsamque Italiam bello occupasse ait; Romam verò populi Romani donatione: nec aliud à Leone Papa, quàm Coronam, hoc est, non ipsum Imperium, sed insignia tantum, nudamque ceremoniam accepisse: intus nec istam, nisi Civium Romanorum precibus compulsus, eum sine fine Augustum conclamantium, tunc enim nec prius à Leone coronatum. Additque: Se quidem de hac Imperij translatione nolle sententiam pronuntiare, eamque arbitrio lectoris committere; principia tantum statuisse, ex quibus rei veritas facile deduci possit. ( hæc principia sunt, quæ modò ex eodem scriptore commemoravi ) Eum verò, qui alia, quàm ipse principia statuat, omnino errare; & à vero abluere, pulchræque rerum ideas & imagines velut somniantem ante oculos ponere, quæ delectent quidem, sed nunquam fuerint. Carolus ergo Magnus jure partim belli, partim hereditario magnam Occidentis partem obtinuisse; quid ergo illi defuit, ut Imperator diceretur? quòd si dici noluit, modestiæ id fuit; maxime postquam dono & spontaneâ Populi Rom. subjectione Romana Urbis potitus est; nam eandem ob causam Odoacer & Theodoricus Imperatores appellati sunt, subactâ Româ. Hæc Maimburgus citatis locis, repetitque Tractatu de Romana Ecclesia c. 29. Quæ omnia ex Matthæo Illyrico Lutheranæ Centuriatore accepta sunt, nec quidquam præter Gallicas voces Maimburgus ex suo addidit, mirumque est, Maimburgum, cum hæc Lutherani argumenta ex Bellarmino, ubi ea legerat, descripsisset, non etiam Bellarmini solutiones adjecisse; cur enim has dissimulavit, si bonas? aut si malas, cur non evertit? aut quæ Religio, ac bona fides fuit, quæ Lutherani nobis objiciunt, pro argumentis suis sumere, & quæ nos illis respondemus, silentio à Maimburgo premi? ergo ut vinceret in mala causa, non erubuit Lutheranum advocare, eumque mendacijs præcipuum, turpi usque triumpho, quamvis vicisset. Sed ad singula respondendum. I. Dicit, solam coronationem, ritumque externum à Pontifice Maximo, non veram & Imperatoriam potestatem tributam Carolo esse, hanc enim Senatui, Populoque & militi, non Leoni adscribendam. Si ita est, cur ergo nemo ex tot scriptoribus antiquis (nam recentiores haud moramur, Sigibertum vid. & alios paucos) qui nam translationem commemorant, Populo aut Senatui adscribunt, sed Leoni tantum? nam si Leo instrumentum fuit, populus verò & Senatus auctor,

auctor, & causa principalis, cur tantum opus non causæ potius principali, quàm instrumento dicaretur? cur solas acclamationes populo tribuunt, cum potius rem ipsam, collatamque dignitatem tribuere debuissent, si vera sunt, quæ Maimburgus narrat; nam quod scribit, prius à populo, Senatuque Carolum Imperatorem acclamatum esse, quàm Leo coronam imponeret, falsum esse ex Eghinhardi historia constat, qui Carolo à secretis, & spectaculo intererat, sic enim loquitur: (a) *Cùm die Sacratissimâ Natalis Domini ad missarum solemnità fuisset ingressus, & coram Altari assisteret, Leo Papa coronam capiti ejus imposuit, cuncto Romanorum populo acclamante; Carolo Augusto à Deo coronato &c.* Et Anastasius in vita Leonis: *Tunc almissicus Pontifex manibus suis proprijs pretiosissimâ Coronâ coronavit eum, tunc universi fideles unanimiter exclamârunt: Carolo pijsimo Augusto à Deo coronato.* Vides, semper Coronationis prius mentionem fieri, quàm acclamationis: nec populum acclamasse, nisi jam coronato; eodemque modo alij Scriptores narrant, vid. Annales Francorum, Aimoinus, Otto Frisingensis, alijque. Quæ ergo Maimburgus fides, tam comperta & vulgata neganti? hausit nimirum ex Illyrico Centuriatore, cujus argumenta descripsit, & quo nemo mendacijs largior. (b) Et planè consuluisse Maimburgus famæ ac pudori suo, si postquam animo fixerat veritatem oppugnare, alium saltem ducem elegisset, & mendacijs minùs infamem. Nota etiam in vita Caroli ea verba Eghinhardi: *Imperatoris & Augusti nomen in tantum aversatus est, ut affirmaret, se eo die nunquam Ecclesiam intraturum fuisse, si Leonis consiliū scire potuisset; cur non dicit: Si Senatus Populique Romani consiliū præscire potuisset?* Nisi quia rem totam ex Leonis auctoritate pendere intelligebat? Sed & illud mirum, certumque indicium falsi, in re tam celebri, ac certatim à tot historicis, Græcis, Latinisque conscripta, ne unum quidem à Maimburgo allegari posse suæ sententiæ testem; nam si aliquem haberet, quanto illum apparatu, pompæque verborum in scenam produceret? id enim solet; cur ergo credas, quod nemo dicit, neges verò, aut in alienos sensus detorqueas, quod omnes, & tanto numero, clareque dicunt? ergo majorem nemini, quàm omnibus fidem habeas? Sed & ipse Maimburgus locis suprâ citatis fatetur, documenta & testimonia Innocentij III. in capit. *venerabilem. de elect.*

Prin-

(a) Eghinh. in annal. ad an. 801. (b) De Illyr. mend. v. Bellarm. lib. de transl. Imp. c. 2. & Baron. ad ann. 800. n. 29.

**Principum Electorum, Alberti Imperatoris, & Concilij Viennensis (a)** esse certissima, indubitata, nec posse negari, nisi fundamentis historię, fideique humanę convulsis. At verò hæc ipsa & indubitata testimonia non solum de ritu ac ceremonia extēna, & coronatione non necessaria, sed de vera, realiſque Dignitate Imperiali intelligenda esse tam clarum est, ut nihil magis; sic enim sonant: Germanis Principibus concessum esse Jus eligendi Advocatum & Defensorem Ecclesię: Electoribus dissidentibus posse Romanum Pontificem non tantum Imperatorem, sed etiam Regem eligere, alio rejecto, omnique dignitate excluso: posse Pontificem declarare, electum à Principibus, propter hæresin, Censuram, aliudque Impedimentum inhabilem Regno esse: posse, imò teneri subditos ab eo, quem Pontifex, ejusve Legatus excluderint, omnino deficere, & juramento solvi: Imperium auctoritate Pontificis à Gracis in Germanos translatum esse: Imperatorem ab eodem Pontifice per Electores recipere temporalis gladij potestatem. Hæc omnia sunt verba ipsissima Innocentij, Concilij Viennensis, Alberti Cæsaris, ac Principum Electorum, quę an explicari possint de sola ceremonia externa, rituſque; haud necessario, clarius est, quàm dici debeat; mirumque sit, Gallos ipsos Maimburgo non irasci, tam infirmis, caducisque humeris tantam molem sustinenti, & supra vires conanti. Accedit & insigne Gladii testimonium (qui & ipse Gallus fuit, & utique ex sensu Gallicanę Ecclesię scribebat) dum Jure Imperatorem eligendi necdum ad Septem-Viros translato hæc scribit: Illud nimium condecens ac perhonestum videtur, atque ad pacis tutelam optimum Decretum, scilicet, ut ne quisquam audacter Imperij Romani Sceptrum præpropere gestare Princeps appetat, seu ut Imperator dici aut esse valeat, nisi quem Papa Sedis Romanę morum probitate delegerit aptum Reipublicę, eique commiserit insigne Imperiale. (b) Aditque causam: Quòd olim ubique terrarum quilibet Tyranni sese procaciter impellentes sapissimè essent Imperatores creati, quanquam minùs apti Reipublicę. Asserit hic Glaber, ad Romanum Pontificem publici boni, vitandęque Tyrannidis causâ pertinuisse, non solum coronare, sed etiam deligere Imperatorem, & contra Pontificis voluntatem neminem dici Imperatorem, imò nec esse potuisse: non ergo Pontifex ritum tantum externum, nec necessarium circa Imperatores exercebat; hic enim non pertinet ad delectum Imperatoris, & ad hoc, ut dicatur aliquis, siſque Im-

Kkk

perator:

(a) Maimburg. de la decad. lib. 2. ad ann. 996. propè init. (b) Glaber. lib. 1. in f. floruit circa ann. 1040. V. & Panvin. de Comit. Imper. & Regal. Sacerdot. fol. 193. Edit. Anno 1693.

*perator* : & verò quid compescendis tyrannis solus hic ritus profuisset, si nihil Imperatoribus dabit, adimebatque ? num tyranni titulis tantum, & specie coercentur rebus vacua ? Commendat verò Glaber hanc in Pontifice potestatem, eamque dicit *Reipublicæ necessariam*; tantum abest, ut eam reprehendat, & inconcessam credat. Vides ergo, quæ tunc temporis fuerit Ecclesiæ Gallicanæ sententia. Sed ad convincendam Maimburgi vanam illam distinctionem, egregium est testimonium (a) Synodi Ticinensis, in qua expressis ac conceptis verbis habemus, Coronationem illam, quam Pontifices præstant, non esse merum ritum externum, nudumque ministerium, sed electionem & approbationem, & solemnem ad Imperij Romani sceptræ protectionem. Quod postea Decretum Concilij Ticinensis ab Episcopis Galliæ in Synodo Pontigonensi actione 2. lectum, approbatumque est, teste Aimoino; excluso Ludovico fratre Germaniæ Rege, & Imperij æmulò. Et quamvis Galliæ Antistites in eadem Synodo Pontigonensi nunquam flecti potuerint, ut contra Galliæ privilegia Ansegiso Archiepiscopo Senonensi Primatum deferrent; quamvis subornato privilegio, & Caroli Imperatoris potentia, id enixe urgentis, fulciretur, ubi ramen de Imperatoris electione actum est, omnium assensus extemplo securus, reverentiâ Pontificis Romani. Nec ulli Episcoporum in mentem venit, ut dicerent, supra Pontificis Romani potestatem id esse, eoque Regni & Ecclesiæ Gallicanæ libertates violari; nam si violari istas crederent, cur non eodem animo, eademque constantiâ Pontifici & Carolo oblisterent, quâ utique obstiterunt, cum pro Archiepiscopo Senonensi Primatum peterent? non ergo obluctandi animus, sed ratio illis defuit; elucet hic iterum, Coronationem à Pontifice factam non fuisse Galliæ iudicio speciem tantum ac pompam externam, sed juri ac potestati Imperatoriæ conjunctam. Equidem non id ago, ut hic decidam, jure an injuriâ Joannes VIII. Carolum Calvum promoverit, neglecto Ludovico fratre, sed solum ut Pontificis Romani ostendam in Imperatores exercitam, agnitamque à Gallis potestatem. Credo equidem satis auctoritate probatum, Leonem, cum Carolum Magnum Imperatorem pronuntiavit, non solum ei nomen, sed etiam Imperatoriam potestatem contulisse;

(a) Syn. Ticin. §. unde nos. Habetur in annal. Pithæi f. 391 & apud Baron. ad ann. 876. V. Spond. ad eund. ann. n. 2. & ann. 875. n. 3. Syn. Pontigon. Act. 2. apud Spond. anno 876. n. 2. & Aimoin. lib. 5. c. 33. Græf. Apol. Baron. 6. 175

tulisse ; sed etiamsi auctoritas abesset , id satis ratio ostenderet ; si enim ante Leonis Coronationem jam Imperator Carolus , ut contendit Maimburgus , cur nulla apud auctores istius Imperij mentio ? cur modò post Coronam à Leone acceptam ab omnibus historicis Imperator appellatus ? cur in omnibus Diplomatum ante Coronationem datis Regis titulum , postea verò Imperatoris præfigit ? & denique cur anni illius Imperij modò à Coronatione numerantur ? si enim Coronatio res tantum accidentaliter erat , nullumque Jus Imperatori tribuebat , & Carolus multò prius Imperator , cur non potius ab ipsa vera reali que potestate , quàm à mero titulo umbra que Dignitatis anni ducebantur ? quod perinde est , ac si Regni sui annos non ab ea die numeret aliquis , quàm successit , vel electus est , sed ab eo , quo cum Sceptro & purpura in publicum processit ; cum tamen fieri possit , ut multis prius annis Rex fuerit , quàm insignia Regni induerit . Sed , inquit , Maimburgus , modestia fecit , ne vellet Imperator appellari . Inane responsum ! Modestia enim aliena tantum usurpari prohibet , non proprijs uti ; quis enim modestiæ adscriberet , & non potius aut hypocrisis aut pudori rustico , si qui Parochus est , noller Parochus dici : & qui Episcopus est , omnique conatu Episcopatum captasset , noller eo adepto Episcopus vocari ? quòd si Carolo tanta modestiæ cura , oportebat illum non tam titulo & insignibus irasci , quàm ipsi dignitati & potestati Imperatoriæ , quam teste Maimburgo tot prius annis adeptus erat , ac Græcis eripuerat : ipsique Græci nunquam prius de Carolo conquesti sunt , quasi Jura Occidentis Imperatorum occuparet ( cum tamen multos jam annos præter Franciam & Germaniam Italiæ potiretur ) sed modò , cum coronatum illum à Leone audierunt ; id manifesto argumento est , non ante Coronationem Imperatorem fuisse , sed Regem ; quod in Carolo æquè ac in alijs Longobardorum Regibus patienter Græci ferebant .

II. Sed , inquit Maimburgus , quid Carolo deerat , ut Imperator dici ante Coronationem non posset , cum jam maximâ Occidentis parte potiretur , & quantâ nemo alius Imperatorum , Franciâ videlicet , Alemanniâ , Italiâ que , aut quid illi Coronatio adiecit , quod prius non haberet ? Resp. Hoc argumentum ex Illyrico descripsit Maimburgus , recitatque Bellarminus , l. de transl. Imp. c. 13. arg. 16. Sed Maimburgus , ut tempori accalamo parceret , Illyrici argumenta velut sua deprompsit , tacuitque Bellarmini responsa . Concedo ergo , magnam Occidentis Partem Carolo paruisse ,

Kkk 3

sed



sed ut Regi, non Imperatori; prius enim quàm Carolo hæc dignitas à Leone conferretur, legitimi Imperatores Occidentis Græci erant: nec oberat, paucas in Occidente Provincias eis tunc temporis paruisse; constat enim, Jura Imperij aut Monarchiæ vel in una Civitate, & exiguo terræ spatio conservari, quod leges Romanæ, & ex illis Hermes (a) insignis Juris-Consultus egregiè ostendunt; & quantula Imperij Romani pars est, quam nostri Imperatores obtinent? Cum ergo Occidentis Imperatores Græci essent, & in Italia Siciliam, Neapolin, Apuliam, Calabriamque tenerent, non poterat Carolus Imperator esse aut dici, nisi translato per Leonem Imperio: nec verò hæc Translatio merè titularis fuit & honoraria, ut putat Maimburgus; nam *primò* novus Imperatoris & Augusti titulus accessit, & cum titulo Jus præcedendi, gaudendique omnibus Privilegijs Romani Imperatoris, quæ tunc temporis majora fuisse, quàm nostrorum Imperatorum, exemplo Henrici II. constare videtur, qui missis ad Concilium Turonense Legatis (b) graviter de Ferdinando Magno Castellæ & Legionis Rege conquestus est, quòd titulos & insignia Augusti usurparet, nolletq; Henrico legitimo Imperatori obtemperare; & Ferdinandus Victori II. ut alienis honoribus abstinere monenti, modestè acquievit. Quanti verò etiam nuda insignia, tituliq; ac Jus præcedendi à magnis Principibus fiant, quantæque pro illis contentione certetur, nihil attinet dicere, quippe & antiquis, & recentibus exemplis res nota est. Nec diffiteretur (c) Maimburgus, Nicephorum Logothetam, qui Irenæ successerat, ægerrimè tulisse, acceptum à Carolo Imperatoris nomen; sed cum armatum illum, victoremque metueret, amicum quàm hostem maluit. Basilius quoque graviter cum Ludovico II. per literas exposulavit, (d) quòd non Regem, sed Imperatorem se scriberet, ejusque Legatos in Synodo Constantinopolitana pessimè habuit, quòd Ludovicum Imperatorem appellassent; imò ex literis Apostolicis, quas dolo corruerat, expungi hunc titulum fecit; eandemque ob causam indignè accepti Ottonis Prim[us] (e) Legati à Nicephoro Phoca, cujus privignam Ottoni filio petebat. In Occidente verò palàm est, quanti hic titulus & Corona ab Imperatoribus ambirentur: hinc omnium ferè Imperatorum à Carolo

(a) Hermes in fascic. Juris publ. l. 1. q. 3. n. 30. argum. l. 7. ff. quod cujusque univ. (b) Anno 1055. (c) Maimb. des Iconcl. l. 4. f. 102. (d) Spond. ad ann. 871. & 968. Anastas. in Vita Hadr. (e) Spond. ad ann. 968.

Carolo M. usq; ad Rodolphum in Italiam (a) expeditiones; nec anni Imperij à die successionis, vel electionis, sed à die Coronationis per Romanum Pontificem numerabantur, ut passim in historia occurrit, & in Regali Sacerdotio exemplis probatum. Pater ergo, quanti à Græcis, Latinisque hæc Coronatio fieret, quantumvis daremus, quod tamen falsum est, merè titularem fuisse. *Secundò*, accedebat præter titulum Imperatoris jus quoque non tantum eas Provincias occupandi, quæ ad Imperium Occidentis pertinebant, à Græcis, aut injustè ab alijs possessæ [ erant verò Apulia, Calabria, Sicilia, Neapolis, Illyricum, Candia, Dalmatia, Cyclades insulæ ] sed etiam retinendi, quæ Carolus Longobardis, & Longobardi Græcis eripuerant; Longobardi enim injusto bello Italiam, & per Tyrannidem invaserant, non ergo ejus Dominium Græcus amiserat, & ideò nec Carolus retinere eam poterat, quippe legitimo, invitoque Domino ablatam: & Græci nunc Legatis ad Pipinum missis, nunc classe in Carolum armatâ & atroci pugnâ defuncti Duce Aldagiso Desiderij filio Italiam repetebant; cessaruntque eâ tandem pace cum Francis ac fœdere composito, ac Sicilia, Calabriâ, Apuliâq; retentis: sed id translato jam Imperio evenit. Ut ergo Carolus justo titulo Italiam possideret, non sufficit, ut Longobardos bello vinceret, isti enim non Domini Italiae, sed raptores erant, nisi insuper Imperio Occidentis augeretur, quod, ut dixi, à Leone ei præstitum. Et ideo Zonaras, & Ursbergensis supra citati scribunt post coronatum à Leone Carolum, Româ Francos prorsus potitos esse, totâque Italiâ, & ex eo tempore Imperium à Græcis in Gallos transiisse. Cum ergo Maimburgus quærit, quid hæc translatio Carolo adjecerit, jam aliàs majorem Occidentis partem obtinenti? Respondeo, adjecisse titulum, præcedentiam, & alia Imperatorum Occidentis privilegia, ac insuper jus Italiam à Longobardis possessam occupandi, aliasque insuper Provincias, quæ ad Imperium Occidentis pertinebant, nec Longobardis paruerant, vindicandi; & jam Pipinus Caroli filius bello accingebatur; sed ut dixi, Græcus prævenit, festinatâ pace, quod Æmilius in vita Caroli observat.

III. Objicit insuper Maimburgus: *Romani Imperij Caput spontaneâ Senatûs Populique Romani cessione Carolo advenisse, ergo jam antè dici Romanorum Imperator poterat, quàm à Leone coronâ cingeretur: sic Odoacer*

Kkk 3

• & Theo-

[a] Vide Reg. Sacerd. f. 193. Edit. Anno 1673,

## 428 Dissertatio II. §. II. In quo agitur de Prima

*& Theodoricus Imperatores dicti sunt, Romam adepti. Respond.* Promissum rat Maimburgus, se de Imperij translatione ea dicturum, quæ ipsam lucem vincant certitudine, nec in dubium vocari possint; nunc promissi oblitus rem ponit incertissimam: incerta enim sunt, quæ de spontanea Romanorum subiectione narrat [nam Agilbertus, Abbas S. Richardi, non Francis jurasse Romanos, sed Pontifici Leoni jussu Caroli Imperatoris, scribit] & videri potest Bellarminus [a] de Translatione Imperij. Sed juraverint Carolo Romani, at id fieri potuit jussu & auctoritate Pontificis Romani, à juramento, quod Græco fecerant, solutus; imò ita factum esse persuadent tum omnium scriptorum vota, uni Pontifici hanc Imperij translationem adscribentium, tum exempla Zachariæ Pontificis, & Stephani IV. de quo Theagnus, & ex illo Maimburgus: [b] *Stephanus postquam Pontificatum suscepit, statim jussit omnem populum Romanum fidelitatem cum Juramento promittere Ludovico.* Sed demus, populum Romanum se Carolo subjecisse, demus, id sponte sua, non Leonis auctoritate aggressum esse, non ideo Carolus Romanorum & Occidentis Imperator; Imperialis quippe dignitas non est loco & Urbi alligata, alioquin qui hanc haberet, continuò Imperator esset, qui non haberet, non esset; ergo nec Leopoldus, nec alij longâ serie Augusti Imperatores Romanorum dici possent, nam Româ caruere: an verò Reges Hispaniæ, Galliæ, Angliæque Romanorum Imperatores, quia Regnis præfunt, quæ olim Provinciæ fuerant Romani Imperij? non ergo Roma, non Romanæ Provinciæ Imperatorem faciunt, sed qui legitimo ordine, jure videl. sanguinis, aut electionis Romanis Principibus succedit, sive is Romæ, seu Viennæ Regiam figat, nam ut observat Poëta:

*Sejos habitante Camillo*

*Illic Roma fuit.*

Patet ergo ex dictis, quàm multis partibus Maimburgi laboret obiectio; nam quod de Odoacre & Theodorico addit, quasi occupatâ Româ Imperium gesserint, infelicitèr, imperiteque ex Illyrico suo descripsit, qui hoc ipso argumento utitur [c] de translatione Imperij pag. 26. quamvis contrarium in Centurijs docuerit *Centur.* 6. c. 16. Quid rogo Barbari & Tyranni exemplum probet? eodem enim Jure

*Impe-*

[a] Bellarm. de Transl. Imp. l. 1. c. 1. n. 15. & c. 13 ad 11. [b] Maimb. des Iconocl. lib. 4. ad ann. 800. Theagn. de ge. 2. Lud. Bij c. 16. 17. 18. (c) V. Bellarm. de Transl. Imp. l. 1. c. 1. n. 7.

Imperium & Italiam tenebant, quo Pyratæ & latrones viatorum spolia, tantumque ad probandum Theodorici & Odoacris exemplum valet, quantum pyratatum & latronum; ubi videas Maimburgi paupertatem tam in seicibus exemplis usi, cum alia deessent malæ causæ firmamenta. Deinde Theodoricus non ob Romam, Italiamque occupatam Imperator dictus, sed dono Zenonis, qui triumphum, Consulatam, & equestrem in foto statuam Theodorico detulit, imò in filium adoptavit, præmia bellicæ virtutis, navatæque contra rebelles operæ: sed ipso fortunam suam non ferens, & majora, quàm capere; animo agitans, primò Orientem, tum Italiam tentavit, subegitque, Benefactori suo ingratus, de quibus Evagrium, (a) Ennodium, Jordanemque Episcopum consule.

IV. Objicit etiam (b) Maimburgus in libro de Imperij declinatione: *Friderico Primo Imperatore vehementer Hadriano IV. Pontifici in senso, quòd in litteris ad eum datis hæc verba posuisset; in signe Coronæ beneficium tibi contulimus; Hadrianum repetitū ad Cæsarem Legatione protestatum esse, se illis verbis nihil aliud significare voluisse, quàm imperialis dignitatis in signe capiti tuo imposuimus.* Fatetur ergo Hadrianus, nullum aliud Pontificis munus esse circa Imperatores, quàm Coronam eis imponere; & hoc totum esse, quod præstant, cum dicuntur Imperatorem constituere, quod etiam Fridericus in Conventu Principum his verbis expressit, teste Radevico, (c) Ottonis Frisingani Continuatore: *Liberam Imperij nostri Coronam divino tantum beneficio adscribimus; electionis primam vocem Moguntino Archiepiscopo, deinde quod superest, cæteris secundum Ordinem Principibus, Regalem unctionem Colonienfi, supremam verò, quæ Imperialis est, Summo Pontifici, quidquid præter hæc ex abundanti est, à malo est.* Ergo ex Hadriani & Friderici sententia, cum Pontifices Imperatorem coronant, nihil exhibent præter externam ceremoniam, sacramque unctionem: Idque, inquit Maimburgus loco citato; *tota hætenus Gallia credidit; quidquid enim Imperialis potestatis in Occidente Carolus & Otto Magni possederant, aut paternæ hæreditati, aut gladio debent.*

*Respond.* Confundit Maimburgus tempora, edacitque argumentum, quàm visum speciosum rerum imperiis, tam historiam callentibus ne aspectu quidem dignum, quod ferè in hoc scriptore perpetuum. Cum hæc

(a) Evagr. l. 3. c. 25. Ennod. in Paneg. Jord. Episc. in Orat. Spond. alijs. que (b) Maimb. de la deca. l. 5. f. 451. (c) Radev. lib. 1. cap. 35. & 35.

hæc Episcopi Germaniæ ad Hadrianum ex mente Friderici scriberent, agebatur annus 1157. quo tempore Jus eligendi Imperatorem in certos Germaniæ Principes auctoritate Summorum Pontificum translatum fuerat. Sciendum enim est, dominante stirpe ac familiâ Carolinâ jure legitimæ successionis Regnum Germaniæ deferri ( cui Imperium annexum erat ) vel potius transmitti ad proximos Agnatos consuevisse, sed extinctâ Carolinâ stirpe Reges eligi cœpère. Ea in Ludovico IV. (a) Imperatore Arnulphi filio, ac sine virili prole defuncto, extincta est. Supererat ex Carolina stirpe Carolus cognomento Simplex, Franciæ Rex, sed eo ob ignaviam contempto, Imperium à Principibus Germaniæ Ottoni Saxonie Duci, istoque reculante, Conrado Primo Franco-niæ Principi oblatum.

Anno DCCCCXIX. Moritur Conradus, & Henricus Auceps Saxonie Dux, ad quem Conradus insignia Imperij transmiserat, communi Principum voto sufficitur.

Anno DCCCCXXXVII. In Comitibus Generalibus Aquisgranum indictis Otto Magnus Henrici Aucupis filius Rex Germaniæ pronuntiatur, inungiturque ab Archiepiscopo Moguntino. Ottoni, ejusque filijs, quod eos ad liberandam Romanam Ecclesiam invitaret à Tyrannis oppressam Leo VIII. privilegium concedit, eligendi successores Germaniæ Reges, postea ad Imperium à Pontifice promovendos. Recitant hoc Privilegium non Baronius (b) tantum, sed etiam ipsi Centuriatores (c) Lutherani, verba Privilegij inter alia sunt etiam hæc: *Nos quoque Leo, servus servorum DEI, Episcopi similiter cum toto Clero & universo populo Romano constituimus, confirmamus, & per nostram Apostolicam auctoritatem concedimus, atque largimur Domino Ottoni Primo Teutonico Regi, ejusque successoribus hujus Regni Italiae in perpetuum facultatem successorem eligendi &c.* Quo privilegio Otto ejusque filius usi sine alia electione, jure sanguinis Imperium adepti sunt. Witichindus tamen, Continuator Reginonis, & Platina in vita Benedicti VII. etiam istos à populo electos dicunt. Post Ottones non amplius successione, sed electione provecti Imperatores, quod de Henrico II. Rege, & I. Imperatore, qui Ottoni III. successit, Conrado II. Rege & I. Imperatore, Henrico IV. Rege & III. Imperatore, Henrico IV. Imperatore, Lothario II. Con-

(a) Anno 911. (b) Baron. ad ann. 996. n. 41. habetur cap. in Synodo d. 63. (c) Centuriat. Cent. 10. cap. 16.

Conrado II. Imperatore. Friderico I. Ottone IV. & Friderico II. do-  
cent Auctores (a) hic ad marginem citati. Sæpe tamen in forma eli-  
gendi variarum, aliquandiu enim etiam populus ad suffragia admittus,  
imò Principes, Urbesque Italiæ, ipsique per suos Legatos Pontifices,  
quia videlicet Italiæ Regnum pars Germanici Imperij censebatur: ali-  
quando ad solos Principes Officiales, Ministrosque Imperij jus eligen-  
di spectavit: aliquando soli, omnesque, qui vellent, Principes Germa-  
niæ. Tandem ad Septem-Viros res delata, adeò ut ultima de Electo-  
ribus Constitutio multa capita complecteretur, videl. ut non hæredita-  
re, sed electione Imperium quæretur; ut soli Principes, non populus  
eligat; ut soli Germani; ut non omnes, sed sex tantum aut septem.  
Fuisse autem institutum Collegium Electorale, receptumque non qui-  
dem quoad numerum Electorum, sed quoad alia electionis capita su-  
pra commemorata, ac Principibus Germaniæ jus eligendi concessum,  
idque ante obitum non solum Friderici II. sed etiam Friderici I. Im-  
peratorum, dubitari non potest; id enim omnes Auctores (si Onu-  
phrium Panvinium excipias de Comitibus Imperatorum, & Aveninum)  
gravissimè testantur, ac Friderico II. coævi; ij sunt S. Thomas, (b)  
Beatus Augustinus Triumphus, Lupoldus Bambergensis, Alvarus Pe-  
lagius, & Joannes Villanus, aliique quos citat Bellarminus; hi omnes  
ad tempora Otonis III. referunt hoc Privilegium, & facultatem Prin-  
cipibus Germaniæ datam circa Imperatoris electionem; & ab Ottone  
III. per ducentos & supra annos usque ad Fridericum II. negari haud  
potest, Jus eligendi penes omnes Principes fuisse, id enim & ipsæ ele-  
ctiones ostendunt, & litteræ Romanorum Pontificum ad omnes Prin-  
cipes Germaniæ datæ de nova Imperatoris electione, Gregorij (c) vi-  
delicet VII. circa annum MLXXX. & (d) Innocentij III. MCC. Ipse  
Fridericus II. non à septem tantum, sed à quàm plurimis Germaniæ  
Principibus electus est, ut appareat ex Comitibus ea de causâ habitis.  
Numerus ergo Septem-Viralis aut à Gregorio V. natione Germano, &  
Otonis III. Nepote institutus est, quod voluit Bellarminus; obijt verò

LII

Gre-

(a) Otto Frising. l. 6. c. 27. & 28. l. 7. c. 22. & l. 2. de reb. Frid. Ur-  
sparg. in Chron. anno 1053. & 1106. Continuator Sigeberti an. 1126. Witich.  
l. 1. rer. Saxon. Luitpr. l. 2. c. 7. (b) S. Thom. l. 3. de Regim. Princ. c. 19.  
B. Aug. Triumph. de pot. eccl. q. 35. Lupold. l. de jur. Imp. c. 3. Alv. Pelag.  
l. 2. a. 41. Villan. l. 4. hist. Flor. c. 2. (c) Innocent. II. in cap. venerabilem  
de elect. (d) Greg. VII. l. 4. ep. 3.

Gregorius anno 999. & jus eligendi concessit Germanis in Synodo Romana anno DCCCCXCVI. aut in Synodo Lugdunensi prima ab Innocentio IV. anno MCCXLV. quod probat Baronius (a) testimonio Matthæi (b) Parisiensis, & actorum Concilij Lugdunensis, in quibus id clarè asseritur. Et verò multæ magnæque rationes erant, numerum Electorum ad paucos restringendi, ob ingentia mala, flammæque bel-lorum, quæ totum Imperium, Ecclesiâque in partes scindebant, va-stabantque ambitione Candidatorum. Nisi malis dicere, in Concilio Lugdunensi primo non tam fuisse constitutum numerum Septem-Vira-lem, quàm renovatum, præceptumque observari, cum hætenus induci Principes non potuissent, ut se jure eligendi abdicarent. Deberi verò hunc numerum, formamque eligendi Summorum Pontificum auctori-tati, in Regali Sacerdotio (c) evidenter ostendimus, productis vid. testimonijs omni exceptione majoribus, ac etiâ confessione adversa-riorum certissimis. Pater ergo ex dictis, frustra à Maimburgo testi-monia Hadriani PP. & Friderici I. Imperatoris objectari, nullum Jus Pontifici Romano, exceptâ Coronatione, sacraque Unctione agnoscen-tium; eo enim tempore totum Jus eligendi in Principes Germaniæ Pontifices transfulerant, & ideo non Pontificum ea cura, sed Principum erat, nisi cum Ecclesiæ & publica necessitas aliud exigenter; quæ er-go consequentia à Friderico ad Carolum Magnum, quando & ultima necessitas Pontificem urgebat, & jus Imperatorem eligendi necdum ad alios translatum?

V. Allegat Maimburgus testimonium Ottonis Frisingensis, Viri san-ctitate & eruditione præcipui, nec minùs Pontificum, quàm veritatis studiosi; is enim ita loquitur: (d) *Lego & relego Romanorum Regum & Imperatorum gesta, & nusquam invenio, quenquam eorum ante hunc à Ro-mano Pontifice vel excommunicatum, vel depositum.* Hæc Otto non scriberet, si aut legisset, aut putasset, Græcos Imperatores majori parte Romani Imperij à Leone privatos esse. Et verò quis credat, à tam præclaro scriptore rem tam celebrem aut ignoratam, aut negatam esse? Idem scribunt Gotfridus Viterbiensis *Chronicorum* parte 17. Trithemius in *Chronico Hirsaugiensi* ad ann. 1105. Et Onuphrius Panvinus L. 4. de *varia Creatione Pontif.* Resp. Falli eos certum esse, ut constat exemplo Theo-

(a) Matth. Paris. in V. Henr. III. (b) Baron. ad ann. 996. (c) V. Regale Sacerd. f. 224. Edit. Anno 1693. (d) Otto Frising. in Chron. l. 6. c. 35.

Theodosij M. Caroli M. ob nuptias cum filia Desiderij: Theodoræ Augustæ à Vigilio, Leonis Isauri à Gregorio II. Eudoxiæ Augustæ, quam Chrysostomus ingressu Ecclesiæ interdicat: & posse Reges etiam ab Episcopis excommunicari multis docet Hincmarus Rhemenfis in proluxa Epistola apud Spondanum *ad annum* 875. n. 2. Ottonem Frisinganum (a) inter præclaros Scriptores numerandum esse nemo inficias jverit, sed & illud compertum, non caruisse illum nævis, quæ humanam naturam comitantur. Quantis ille laudibus Gilbertum Porretanum non extulit? adeò ut S. Bernhardum, qui Porretanum confutabat, nimij ardoris incusaret: sed moriturus errorem agnovit, deplo-  
ravitque, ac libros, quos eade re scripserat, corrigi à suis jussit, teste Radevico [b] Canonico Frisingano. Quid ergo mirum, si Otto Imperatorum frater & Patruus naturæ aliquid & affectui indulsisset? præsertim cum semper aulam & castra Cæsaris sequeretur, ubi querelæ in Pontificem perpetuæ. Et reverà deceptum Ottonem, cum scripsit, à nullo ante Gregorium Pontificem Imperatores Romanorum excommunicatos fuisse, plus quàm certum est; nam *anno* CCXXXVI. Fabianus Papa teste Eusebio [c] Philippum Imperatorem multis delictis impiatum Ecclesiâ ejecit, nec prius admisit, quàm publicâ pænitiâ & confessione veniam flagitijs impetraret.

*Anno* CCCVII. Innocentius Pontifex Arcadium & Eudoxiam Imperatores ob proscriptum Chrysostomum anathemate percussit; inter alia litteris ad eos datis ita Pontifex loquitur: (d) *Itaque ego minimus & peccator, cui thronus Magni Petri commissus est, segrego & rejicio te, & illam, à perceptione immaculatum mysteriorum DEI nostri. Episcopum autem, aut Clericum Sanctæ DEI Ecclesiæ, qui administrare aut exhibere ea vobis ausus fuerit, dignitate excidisse decerno; quòd si ut homines potentes quenquam ad id vi adegeritis, scitote, id vobis non parvum peccatum fore, in tremendo illo Judicii die, cum neminem hujus vitæ dignitas & honor adjuvare poterunt.*

*Anno* DII. Symmachus Papa Anastasium Imperatorem Sacris interdicat.

*Anno* DXXXVII. Idem fulmen in Theodoram Augustam Justiniani

LII 2

Con-

(a) Otto Frising. l. 1. c. 46. (b) Radev. in Frid. l. 1. c. 46. (c) Euseb. l. 6. hist. c. 27. Spond. ad ann. 246. n. 2. (d) Theodot. l. 5. c. 34. Nicéph. l. 13. c. 34. Glycas Annal. p. 4. Extant Tom. 1. epist. Rom. PP. ep. Innoc. 17.



Conjugem : Quod pertinaciter Eutychianis faveret , à Vigilio Pontifice vibratum , ut testis est B. Gregorius Papa. (a)

Anno DCCXXX. Leo Isauricus à Gregorio II. quod Sacras Imagines persequeretur , in Synodo Romana diris percutitur : testes sunt Theophanes , Zonaras , Græciq̃ue & Latini omnes. Aut ergo deceptus est Otto Frisingensis , cū negat , quēquam Imperatorum à Summis Pontificibus excommunicatum esse , aut intelligendus de Imperatoribus Germanis. Sed qui excuset Maimburgum tantum historię ostentatorem , & hæc nescientem ? quique toties , tantoq̃ue verborum strepitu Baronio congregitur ; nunc Ottom propitium , eo solū nomine , quod contra Pontifices scribat ; nam si Ottom Imperatores similis error excidisset , quantā putas solertiā illi expromendo Maimburgus laboraret ? adeo hunc hominem non veritas , sed odium delectat.

VI. Opponi etiam potest , quod narrat Sigebertus in Chronico , videl. Clodovæum Regem ab Anastasio Imperatore Codicillos de Consulatu , & Coronam auream accepisse cum gemmis , & tunicam blateam , & ex ea die Consulem , & Augustum appellatum esse , ipsum verò Coronam cum gemmis Sancto Petro dono misisse. Causa quærendæ , parandæq̃ue cum Clodovæo amicitie bellum fuit cum Theodorico , ( quod Pantroniā occupasset ) Gothisque susceptum , quo tempore eodem Gothos Clodovæus ingenti clade deflevit , Alarico eorum Rege suā manu percussio. Si ergo , inquiunt , Anastasij Imperatoris dono Clodovæus Consul & Augustus fuit , sequitur hanc dignitatem Augustalem ad Clodovæi posteros , & consequenter Carolum Magnum , non Pontificis auctoritate , sed hæreditariò devenisse.

Resp. Cū nullus Scriptorum Clodovæum , multoq̃ue minùs ejus posteros in fastos consulares , aut numerum Imperatorum referat , palam est , sola insignia ; titulumq̃ue Clodovæo oblata , non verò ipsam Consulis potestatem : & hoc ipsum fuisse prærogativam Personalem , & cum Clodovæo extinctam , nec in ejus posteros propagatam ; quis enim ex omnibus Franciæ Scriptoribus Reges Galliæ Imperatores & Augustos appellavit ? & quam ob causam Græci Imperatores tam ægro animo hunc titulum à Carolo assumptum esse doluere , si ad ipsum , ejusq̃ue majores spectabat , Græcorum dono ? Adde , nec Carolum Magnum ex Clodovæi , sed Pipini stirpe prognatum , & ideo nec potuisse jure hæreditario gaudere Clodovæi privilegijs.

VII,

(a) S. Greg. 2. epist. 36.

VII. Objeit etiam Illyricus Sigeberti, Vincentij Belluacensis, & Lupoldi auctoritatem, qui videntur hanc Imperij Translationem non Pontifici, sed populo adscribere.

Resp. Qui rogo sunt hi Auctores, & tam pauci numero, & tot annis à Carolo remoti, ut possint cum alijs innumeris, ac Carolo coævis componi, qui omnes hanc Translationem Imperij non populo, sed Pontifici tribuunt? & cum Imperium non penes populum Rom. sed Græcos esset, qui poterant Romani tribuere, quod non habebant? id enim perinde esset, ac si diceret, posse Gallos Imperium Romanum in Principes Borbonios transferre, cum tamen nec Galli hoc Imperium habeant, nec dare alijs possint. Et Sigebertus nihil aliud dicit, quàm (a) *populum Carolo Regi Imperatorias laudes acclamasse*. Lupoldus verò ex instituto probat, non potuisse à populo Romano Imperium transferri. Vincentius Belluacensis idem quod Sigebertus scribit, nihil ergo ex his Auctoribus probari potest.

Pater, nisi fallor, ex hætenus dictis, Romani Imperij Translationem auctoritate Romani Pontificis factam esse, & argumenta, quæ in contrarium opponuntur, tam esse infirma, & omnium præsertim antiquorum testimonijs adeò convinci, ut vel hoc ipso imbecillitatem suæ causæ ostendant, quod tam vanis nitantur: sed nescientibus imponunt; brevi tamen, & sædo mendacij solatio, placuisse imperitis, & decepisse. Nunc ad alia exempla hujus Pontificiæ potestatis vertamur, si minùs celebria, at æquè vera, semper tamen intra Galliam hærebimus, id enim propositum mihi, ut longà, certàque inductione ostendam, quænam mens fuerit Ecclesiæ Gallicanæ.

VIII. Anno DXCIII. Petentibus Francorum Regibus, inquit Spondanus, B. Gregorius Magnus Monasterio Suesionensi S. Medardi in Gallia Privilegium concedit, quo illud constituit caput omnium Monasteriorum totius Gallie, & nullius voluit ditioni subijci, præterquam Sedis Apostolicæ. Initium hujus Privilegij sic habet: Pretiosissimis lapidibus in Diademate Christi, &c. Et infra: Si quis autem Regum, Antistitum, judicum hujus Apostolicæ auctoritatis & nostræ præceptionis Decreta violaverit, vel aliter ordinaverit, cujuscunque dignitatis vel sublimitatis sit, honore suo privatur. Huic privilegio Theodoricus Rex, alijsque Franciæ Episcopi subscripsere, ut intelligas, quæ tunc temporis Ecclesiæ Gallicanæ mens, & sententia fuerit.

LII 3

Ad.

(a) V. Bellarm. de transl. Imp. l. 2. c. 20.

Adverte tamen, eam subscriptionem postea adjectam esse Theodorico Galliam gubernante; anno enim, quo ea Constitutio facta est, videl. DXCIII. Gildebertus regnabat. Tanta verò fuit modestia, pietas & doctrina Gregorij, ut eum aut fastu, aut ignorantia errasse, dubitare nemo possit.

IX. Anno DCIII. Idem Gregorius M. concessis privilegijs Xenodochio à Brunihilda Regina & Thepdorico ejus nepote eandem clausulam subnectit, vid. *Si quis verò Regum, Sacerdotum, judicum hanc Constitutionis nostræ paginam agnoscent contra eam venire tentaverit, possitatis, honorisque sui dignitate privetur.* Nota circa has Epistolas, eas inter epistolas B. Gregorij (a) reperiri, & in omnibus quidem tam impressis, quàm scriptis Codicibus, citantque non solum Gregorius VII. sed etiam illi, qui Galliæ monumenta collegerunt, vid. Andreas du Chesne, Jacobus Sirmondus, alijque quàm plures Galli, & ab undecim ferè seculis nemo de illis dubitavit. Maimburgus, cum nihil solidi objectare his epistolis posset, in solitas investivas effunditur, & armis destitutus cymbalo perstreperet: *Imposturas crassissimas vocat, & inveterandos, qui earum testimonio utuntur.* Si quæras, quibus rationibus contra tot seculorum cursum nitatur, tamque insignes viros, ad quorum vix simbrias ipse assurgat, tam indignis censuris perstringat? nullas prorsus adducit, imò nec testes, perinde ac si Maimburgi auctoritas toties sœdata, & malæ fidei comperta tanti sit, ut undecim seculorum possessioni præferri debeat, & in ejus gratiam Gregorius Pontifex, Spondanus, atque impudentiæ notari; nam quòd dicit; *repugnare Gregorij modestiæ tam ferè Clausulam;* jam suprà ostendimus, eum Gregorium fuisse, qui & obsequi sciret & imperare, & cum necessitas posceret, modestiam severitati jungeret.

X. Anno DCCCXXIII. In Ludovicum Pium Imperatorem Pipinus, Lotharius, & Ludovicus filij armanur. Causa pudendi belli ambitio; jamque acie congregi paratis Gregorius Papa, qui ex Italia advolverat, pugnam diremit: sed eo digresso bellum iterum, litesq; accensæ. Conventus Episcoporum Compendij habitus; illic Sacerdotum auctoritate Imperium Ludovico ademptum, & Lothario filio traditum. Audi

annales

(a) Greg. VII. l. 8. ep. 2. & l. 4. ep. 2. & 23. Sirm. Concil. Gall. T. 1. Andr. du Chesne hist. Franc. T. 1. Spond. ad ann. 593 n. 6 Baron. ibid. n. 95. Greg. M. l. 11. ep. 10. ind. 6. V. tract. de libert. Ecclesiæ Gall. f. 175. Maimb. traité de l'Église de Rome f. 403.

annales Francorum ex Bibliotheca Pithœi editos, qui sententiam ab Episcopis latam ita referunt: Omnibus in Christiana Religione scire convenit, quale sit ministerium Episcoporum, quos constat esse Vicarios Christi, & Clavigeros Regni Calorum, &c. Et infra: Proinde notum esse necessarium duximus, qualiter nos Episcopi super Imperio Domini Lotharii Imperatoris constituti memoratum Principem humiliter audivimus, & hoc quidem illi, seu Optimatibus ejus, seu omni generalitati populi, quæ undique illuc confluxerat, manifestari curavimus, qualis sit vigor & potestas, seu ministerium Sacerdotalile, & qualis meretur damnari sententiâ, qui monitis Sacerdotalibus noluerit obedire. Et infra: Sed quia idem Princeps Ludovicus ministerium sibi commissum negligenter tractavit, & multa, quæ DEO & hominibus displicent, fecerit, & facere compulerit, & in multis nefandis consilijs Deum irritavit, & populum sibi subiectum ad generalem interitum contraxit, & ab eo divino jussuque judicio subito Imperialis sit subtracta potestas, nos tamen, &c. Et iterum: Ut quia potestate privatus terrena, juxta consilium Divinum, & Ecclesiasticam auctoritatem, ne secundam animam perderet, elaborare studeret &c. Ipsa acta Concilij à Duschenio edita Tomo 2. Historiæ Francicæ, & à Sirmondo Tom. 2. Concil. Galliæ hanc epigraphen, & titulum exhibent: Concilium apud Compendium, in quo Ludovicus Imperator Imperio depouitur &c. Æmilius quoque L. 3. rer. Francic. in V. Ludovici Pij; Lugduni Concilium Episcoporum habitum, Imperiumque Ludovico abrogatum, quod Decretum mox à Gregorio PP. revocatum, audacia Episcopi Lugdun. mutata, ex sede enim defectus est. Vides, quid Episcopi Galliæ senserint de Ecclesiastica in Regna potestate. Et quamvis postea (a) hoc Decretum, ut Æmilius & Marianus Scogus notant, auctoritate Gregorij Pontificis rescissum fuerit, & Juditha Augusta Imperio & thoro restituta, ac Lugdunensis Archiepiscopi temeritas multata, imò ab omnibus ferè Gallis execrationi habita; non ideo id fuit, quod negarent, hanc esse in Ecclesia potestatem, sed quia, ut loquitur, qui res gestas Ludovici tunc temporis conscripsit, pro his, de quibus jam penitentiam gesserat Imperator, iterum publicâ penitentia judicaretur. Cum ne forenses quidem leges contra unam culpam semel commissam bis invehiant vindictam, eumque absentem & inaudium, neque confitentem, neque convictum adjudicarent. Ubi vides, non esse de potestate, sed de abusu querelam: imò Ludovicus, quamvis exercitus affluerent, constaretque injustam esse sen-

[a] Baron. ad ann. 833.

sententiam, & urgeretur totius Galliae votis in thronum redire; ut tamen palam faceret, quantum ipse potestati Ecclesiasticae deferret, noluit nisi Episcoporum manibus Coronam recipere, gladioque accingi. Sic enim auctor vitae Ludovici: *At verò ij, qui cum Ludovico remanserant, eum ad recipiendas Imperatorias Insulas hortabantur, sed Imperator nequaquam propere eorum voluit sententiae acquiescere, sed Episcopalis ministerio voluit reconciliari. & per manus Episcoporum armis accingi consensit.* Agnovit ergo Ludovicus, esse in Ecclesia potestatem, quae Imperatores moveat noxios Religioni; idque in Gallia adeo receptum fuerat, ut non solum Ludovicus Imperator, sed postea etiam Carolus simplex id agnovit; cum enim anno DCCCXCVIII. cum Normannis tunc temporis idolorum servituti addictis foedus contra Odonem Franciae Tyrannum pararet, Fulco Archiepiscopus Rhemensis, pietate & doctrinâ celeberrimus, re intellectâ Carolum ab incepto revocat, minatus, nisi impio foedere abstinet, *se nunquam ei fidem extitutum, sed & quoscunque posset, ab ejus fidelitate revocaturum, & cum omnibus Episcopis suis ipsum Regem aeterno anathemate damnaturum.* Verba sunt ipsius Fulconis (a) apud Flodoardum. Paruit Rex salubria monenti, & DEUS in praemium auditi Sacerdotis Odonem aemulum Regni è medio sustulit. Ceterum circa utrumque observa, cum Reges exauctorare, eorumque subditos juramento absolvere ad majores causas pertineat, & plerumque totius Ecclesiae aut quies, aut turbatio in eo vertatur; non posse rem tanti periculi à solis Episcopis suscipi, sine Romani Pontificis auctoritate, assensuque, ad quem in majoribus causis judicium & sententia pertinet; & in hoc quoque graviter ab Episcopis peccatum, qui Ludovico Imperium ademerunt; sed hoc ad abusum potestatis pertinet, de quo modo non disputamus, quis enim nescit, non ideo privati potestate supremos Principes, quia aliqui eâ abutuntur, alioquin omnis è mundo potestas proferenda, quia vix aliqua non abusu foedatur: id verò perinde esset, ac si oculos linguamque omnibus adempta velis, quibus homines toties delinquant; majori perniciæ, quàm remedio. Subinde tamen silentium & approbatio Pontificis Romani pro assensu fuit, quod etiam in sequenti exemplo observa.

XI. Anno DCCCXLII. Lotharius Imperator Ludovicum, Carolumque fratres bello aggressus, acie vincitur, fugamque capit. Episcopi Galliae

• Aquis

Flodoard. lib. 4. cap. 5.

Aquis conveniunt, & Lotharium Regno, Imperioque abdicant, duobus fratribus in ejus locum suffectis; prius tamen de Lotharii criminibus cognoscunt, vindicantque, ac tunc demum Imperio ejiciunt; sed nec fratres admitti, nisi prius se justè & ex legum præscripto regnatos jurassent; audi Nithardum, Francorum nobilissimum, & Caroli M. ex filia nepotem, quique omnia coràm spectabat; sic enim inter alia: *Qui Episcopi ab initio g'sta Lotharii spectantes, quomodo Patrem suum Regno pepulerit: quoties populum Christianum perjurum effecit: quot homicidia, adulteria, incendia universalis Ecclesia suâ nefandissimâ cupiditate perpeffa sit: insuper autem neque scientiam gubernandæ Reipublicæ illum habere. Ergo omnibus unanimiter visum est, atque consensuunt, quod vindicta Dei illum ejecerit, Regnumque fratribus suis melioribus se ad regendum tradiderit. Veruntamen haudquaquam illis Episcopi hanc licentiam dedere, donec percunctati sunt, an secundum Dei voluntatem regere vellent? & respondentibus se velle, ajunt, & auctoritate divinâ ut illud suscipiatis, & secundum Dei voluntatem Regatis, monemus, hortamur, atque præcipimus.* Vides hic, Galliæ Episcopos jus Imperijs ac Regibus dicere, nostramque sententiam non calamo solum, sed exemplo docere, & Coronas de uno in aliud Caput transferre, certis tamen, fixisque legibus, & juramento sancitis: quid amplius velis?

XII. Anno DCCCLX. Ludovicus Pius Imperator, cùm tres filios reliquisset, Lotharium primum Imperatorem, Ludovicum Germaniæ Regem, & Carolum Calvum, istorumque factionibus, bellisq; Civilibus, diu Imperium & Gallia conflictarentur; tandem inter Ludovicum & Carolum fratres, eorumque ex fratre nepotem Lotharium (filium Lotharii Imperatoris) pax sancita est, ac mutuis juramentis firmata; sed Caroli ambitio, pactorum ac finium impatiens omnia abruptit, invasitque fratris ac nepotis Provincias; hinc à Ludovico & Lothario ad Nicolaum, querelæ, quibus ut invasorem compesceret petebatur; inter alia sic Pontificem alloquuntur: (a) *Oporteret vestra auctoritatis jubar propter generalem sollicitudinem nostros invisere fines, ut quos nulla movent fraternâ charitatis viscera, Apostolica invectione ad censuram remire Ecclesiasticam compellat.* Vides hic testimonio Regum Galliæ, posse Romanos Pontifices de causis Principum temporalibus cognoscere, sententiam

M m m

pro-

[a] Ex actis Concilij apud Confluent. in MS. Cod. Anton. August. apud Baron. ad ann. 860.

## 440 Dissertatio II. §. II. In quo agitur de Prima

proferre, & compellere repugnantes, quod magis etiam ex mox dicendis apparebit. Nam cum idem Lotharius Waldradam pellicem deperiret, eamque, abdicatâ Theutpergâ Reginâ, in thorum recepisset, Nicolaus Papa, nisi protinus respiceret, non tantum Ecclesiâ, sed etiam Regno se illum amoturum minatus est. Sic enim loquitur: (a) *Non putamus, te in tantam tui perniciem devolvendum, ut contra nostras definitiones, vel adversus dictam sceminam B. Petri confugio prorsus immixam, agere quoquo modo consentias, cum tibi potius & Regno tuo, quàm Theutpergâ acquiras omnino dispendium.* Quibus verbis Regni abdicationem minari Nicolaum non solum Baronius & Spondanus ad an. DCCCLXVI. testantur, sed etiam ipse Lotharius agnovisse videtur, quando in hæc verba (b) reverentiæ & modestiæ plenâ Nicolao respondit: *Uti Antecessores nostri Sanctissimorum Prædecessorum vestrorum monitis obedierunt, ita nos etiam coram excellentia Apostolatus vestri nos humiliare cupimus; quamobrem cernuo lumine vestram assatim deposcimus Paternitatem, ut dum nos vobis, missisque vestris per omnia obedire volumus, non aliquem nostri DEO miseramur consimilem super nos extollere, aut terræ præponere vestræ libeat Paternitati, ne forte ipsi talem contra moliri velint causam, quam tolerare non valentes pro Regio munimine, inter nos aliquod scandalum evenire possit.* Et infra: *Nulli prorsus homini subiecti esse volentes, nisi DEO, & sancto Petro, ac cæteris Sanctis, vestræque Paternitatis culmini, mi Pater & Domine &c.* Vides, profiteri Lotharium, se nulli prorsus homini subiectum esse, nisi sancto Petro, ac cæteris Sanctis; quod utique de subiectione temporali saltem indirecta accipiendum est, si enim de subiectione merè Spirituali intelligas, quis nescit, Reges non soli Pontifici, sed etiam Episcopis, aliisque Sacerdotibus subiectos esse? Rursus illa verba: *Vestram deposcimus Paternitatem, ne aliquem nostri consimilem super nos extollere, aut terræ præponere libeat;* aperte significant, & Pontificem minatum esse, & Regem timuisse, ne alius Regno imponeretur.

XIII. Anno DCCCLXX. Mortuo Lothario Carolus Calvus ejus Regnum invadit, occupatque assensu Procerum, excluso Ludovico Imperatore defuncti fratris, ac legitimo Regni hærede. Hadrianus II. qui Nicolao successerat, ubi id intellexit, Legatos ad Carolum mittit, jubetque alieno Regno abstinere, nisi pareat, anathema intentat, infirmatque

(a) Epist. Nicol. 51. apud Binn. T. 3 Conc. sect. 1. (b) Epist. Loth. ad Nicol. PP. ex Cod. Trev. ap. Baron. ad ann. 866. n. 43.

matque electionem iniquè peractam. Verba Pontificis ad Regem, & Episcopos apud Aimoinum (a) sunt ista: Regnum quondam Lotharij, quod spirituali filio nostro Ludovico Imperatori hereditario jure debebatur, mortalium nullus invadat, nullus commoveat, nullus ad se flectere conetur; quod si quis presumat, non solum per nostræ auctoritatis ministerium infirmabitur, verum etiam vinculis anathematis obligatus cum Diabolo omnino locabitur. Et infra: (b) Carolus peractâ venatione Autumnali ad Monasterium S. Dionysij petrexit, ubi Apostolicos Legatos cum epistolis ad se & ad Episcopos Regni sui directis, terribiliter sibi Regnum quondam Lotharij interdicentibus, moleste accepit. Et ipse Hadrianus in epistola ad Carolum Regem: Ludovico Cesari contra hostes Christiani nominis dimiscanti, pro liberatione populi DEI multis laboribus insistenti, & Saracenorum multitudinem superanti, ut pax fieret, cedere noluit &c. Et infra: (c) Igitur monemus, & auctoritate Apostolicâ modis quibus possumus spiritualiter suademus, paternoque affectu precipimus, ut jam terribi momens ab invasione Regni Spiritualis filij nostri, Christianissimi Principis te subtrahas; nos etenim, nisi saltem nostris parueris monitis, nullo pacto, nulloque pratermittamus ingenio, quò minus nosmet ipsi partes illas petamus, & quod nostri est ministerij, penitus peragamus. Vides hic iterum, Romanum Pontificem jus Regibus dicere, & ad quem Regna pertineant, aut non pertineant definire, ac procerum Regni electionem, quod injusta ea esset, penitus solvere. Sciendum enim est, in Synodo Metensi ab Episcopis & Magnatibus Regni fuisse Carolo delatam Coronam, quorum inter alia sunt etiam hæc verba: (d) Quia voluntatem DEI unanimitate nostrâ videmus, hunc Regni hujus heredem esse legitimum, cui nos sponte commissimus, vid. præsentem Regem ac Principem nostrum Carolum, ut nobis præsit & prosit &c. Pontifex ergo Romanus dum Regiam electionem ab Episcopis & Optimatibus factam auctoritate suâ dissolvit, satis ostendit, quid in Reges & Regna possit. Nec obstat, Hincmarum Archi-Episcopum Rhemensem, aliosque Galliæ Episcopos obtulisse Pontificis decreto, quorum hæc sensa & verba in epistola Hincmari ad (e) Hadrianum leguntur: Omne Regnum seculi hujus bellis queritur, victorijs propagatur, & non Apostolicis, vel Episcoporum excommunicationibus obtinetur; & scripturam divinam proponunt dicere: Domini est Regnum, & cui

Mmm 2

(a) Aimoin. l. 5. c. 24. & 26. (b) Id. l. cit. c. 27. (c) Ep. Hadr. PP. ad Carol. Reg. apud Baron. anno 870. ex Cod. Petr. Fabr. Parisijs allato. (d) Ex Actis Syn. Met. quam prædatoriam appellâunt. (e) Epist. Hincm. ad Hadr. PP. anno 879.



*cui voluerit dabit illud : & Dominus Apostolicus Rex & Episcopus esse simul non potest, & sui antecessores Ecclesiasticum Ordinem, quod suum est, & non Rempubicam, quod Regum est, tractaverunt.* Hæc ex Gallorum sententia Hincmarus ; non ergo hanc in Pontificibus potestatem admiserunt, imò rejiciunt, damnantque.

*Resp.* Mirum non est, si Hincmarus, aliique Episcopi, qui in Concilio Metensi Coronam Carolo imposuerunt, Ludovico abdicato, nunc quoque factum excusent, quid enim aliud expectares à Synodo Prædicatoria, qualem hanc Metensem appellârunt ? & quem latent Hincmari artificia, & intemperies scribendi ? Malè ergo ab irato & offenso, & Regi Carolo adversus Pontificem tot titulus devincto argumentum sumitur. Deinde demus, Gallos obtulisse, at saltem constar, Hadrianum Pontificem auctoritate suâ in Reges æquè ac alios Summos Pontifices usum, & ita falli Maimburgum, qui negar, conaturque inductione ostendere, nunquam id Pontifices ausos esse, quasi verò exempla Zachariæ, Gregorij, Leonis, Stephani, Nicolai, aliorumque ignorentur, qui Regibus imperârunt : frontesque Coronatas Imperio crucis submisere : & in hoc ipso exemplo, quod manibus versamus, quis nescit, Carolum Calvum auctoritate jussuque Joannis Pontificis (quod in Concilio Pontigonensi Galli venerati sunt, non ausi obistere) coronam & Imperium accepisse (a) Ludovico debitum majori natu ? Agnovit ergo Gallia hanc Pontificum in Reges potestatem, sed tunc, cum pacata, cum libera passionibus fuit, & ratione, non irâ ad clavum sedente.

XIV. *Anno DCCCXCVIII.* Carolus Simplex Ludovici Balbi filius, cum se imparem videret Tyrannis Galliam occupantibus, præsertim Odoni Comiti Parisiensi, cum quo paulò antè pacem inierat, vires cum Northmannis idolorum cultoribus sociare parat, ac fœdus componere ; quod ubi Fulco, Rhemorum Archi-Episcopus intellexit, ac Religionem, animasque periclitari impiorum consortio, litteras ad Regem componit, libertatis ac ardoris plenas, & quales solent, cum quis amat, dolèrque, & medius, inter indignationem ac reverentiam pendet, clauditque his verbis Epistolam, quæ ad propositum nostrum apprimè faciunt, vid: *Melius enim fuerat, vos non nasci, quàm Diaboli patrocinio regnare. Scitis enim, quia si hoc feceritis, & talibus consilijs acquieveritis, nunquam me fidelem habebitis, sed & quoscunque, potero, à vestra fide-*

(a) Aimoin. l. 5. c. 31. 32. & 33.

*fidelitate revocabo, & cum omnibus Coëpiscopis meis vos & omnes vestros excommunicans aeterno anathemate condemnabo. Pro fidelitate, quam vobis ser-vo, gemebundus scribo, Regnum enim, quod DEUS dat, firmum habet fun-damentum; quod verò per injustitiam & rapinas acquiritur, caducum est, & cito deciduum. Hæc Fulco apud (a) Flodoarum. Fuit is nobilitate, pietate, ac doctrinâ insignis, & inter præcipua Ecclesiæ Gallicanæ lu-mina censeri potest. Si ergo is credidit, ob Religionem in discrimen adductam, ac fœdus cum gentilibus initum, quorum societate pericli-tari, perversique Imperium polleret, Regiâ dignitate exui Regem debere, idque in potestate Archi-Episcopi Rhemenlis esse; quanto magis hanc ipsam potestatem Romano Pontifici tribueret, cujus custodiæ ac curæ omnes Ecclesiæ committuntur? Nec Fulco tam præfidenter & omni-um suorum Coëpiscoporum nomine hæc scriberet, nisi ei constaret, hanc aliorum Galliæ Episcoporum mentem & sententiam esse.*

*Anno MXXV. Philippus Galliæ Rex, quòd Bertam Reginam repu-diasset, duxissetque Bertradam Pellicem militis cujusdam uxorem, in Synodo Augustodunenli ab Hugone Archiepiscopo Lugdunensi, & Ro-mani Pontificis Legato excommunicatus est: Imo exauctoratum fuisse scribit Ivo Carnotensis (b) ad Urbanum II. PP. quem monet, ne mi-nis Legatisque Regijs cedat; qui venturi sunt, inquit; minabuntur, Regem cum Regno ab Obedientia vestra discessurum, nisi coronam re-stituatis, nisi anathemate absolvatis. Wilhelmus quoq; Malmesburiensis (c) narrat in Synodo Claremontana Philippum, & Bertradam Pelli-cem excommunicatos fuisse, eodemque anathemate omnes confixos, qui eum vel Regem, vel Dominum suum vocarent, & ei obedirent. Addit-que Chronicum Fuxense (est Fuxium Urbs Galliæ in Provincia Septi-manniæ) morem consignandi Philippi annos in publicis instrumentis, donec Excommunicatione absolveretur, interruptum fuisse, & loco hu-jus Formulæ: *Regnante Philippo*; scribi solitum: *Regnante Christo*. Vides cujus sententiæ tunc temporis fuerit Ecclesia Gallicana. Sed nota sen-tentiam in Synodo Claromontana anno 1094. in Octava S. Martini, hoc est 18. Novembris in Philippum latam fuisse: Hunc verò paulo post resipuisse, ac sequenti anno 1095. Mensè Martio in Synodo Pla-tentina, ad quam Legatos suos miserat, absolutum esse; nam mirum non est, si, cum tam brevi tempore Excommunicatio duraverit; nihil*

M m m 3 in

(a) Flodoard. hist. Rhem. l. 4. c. 5. (b) Ivo. Epist. 46. (c) Libr. 4. c. 2.

## 444 Dissert. II. §. II. In quo agitur de Prima

in Gallia turbatum fuerit, & instrumenta posterioribus annis signata solitam formulam exhibeant: *Regnante Philippo.* Quæ observata volui ad refellendas Alexandri Natalis cavillationes ad Sæculum XI. & XII. cap. 10. a. 2.

Anno MCXIV. Synodus Belluacensis in Gallijs celebrata est, in qua non solum Excommunicatio in Henricum IV. repetita, verum etiam Conone Prænestino Episcopo Apostolicæ Sedis Legato Præsidente Canon Gregorij IV. à Patribus confirmatus est, in hæc verba: *Prædecessorum Nostorum statuta sequentes, eos qui excommunicatis fidelitate, aut Sacramento obstricti sunt, Apostolica auctoritate à Sacramento absolvimus, quousque ipsi ad satisfactionem veniant; & ne eis ante fidelitatem obsecundem, prohibemus.* Agnoscit hanc Synodum Alexander Natalis, sed ad Sæculum XV. & XVI. Dissertat. 6. n. 17. cavillatur more solito, intelligendum esse non de Regibus, sed de Feudatarijs Ecclesiæ, aut de causa privata Thomæ de Marna Tyranno, & prædone Ecclesiæ Lugdunensis. Sed hoc nullius momenti, cum constet in ea Synodo actum esse de causa Henrici Imperat. in eaque agente Conone renovatum anathema à Gregorio VII. in Imperatorem vibratum, ut notat Spondanus ad annum 1114. num. 3.

XV. Anno MCLXXIX. Celebratum est Concilium Lateranense Oecumenicum, cui quam plurimi Galliæ Episcopi interfuere, in quo cap. ultimo in Dominos, qui certum prædonum genus foverent, hæc pœna indicitur: *Relaxatos se noverim à debito fidelitatis, & hominij ac totius obsequij, donec in tanta iniquitate permanserint.* Agnoverunt ergo Patres, & inter illos Galliæ Præsules, posse à Summo Pontifice (nam huic Synodo Alexander III. præsidebat,) non solum spiritualibus pœnis, quæ plerunque à sceleratis conemuntur, sed etiam temporalibus delinquentes puniri.

XVI. Anno MCCXVI. Magnum & Oecumenicum Lateranense Concilium convenit, quo nullum frequentius, ac pluribus Infulis celebre, quippe cui adfuerunt, Urspergensis, Stadenſis & Parisio testibus, [a] Episcopi 412. Archi-Episcopi 70. Prælati alij supra 800. Patriarchæ Constantinopolitanus & Hierosolymitanus, Legati Alexandrini & Antiocheni Patriarcharum. Imperatorum Orientis & Occidentis, Regumque Hierosolymorum, Angliæ\*, Galliæ, [Philippi Augusti]

Arta-

[a] V. Raynald. ad ann. 1215.

Artagoniæ, Hungariæ, Cypri, aliorumque Principum Oratores, præfeditque Innocentius III. In hoc verò Concilio, quod merito Conventum totius Orbis Christiani vocaveris, cap. 3. ita statutum est: Si verò Dominus temporalis requisitus vel monitus ab Ecclesia terram suam purgare neglexeris ab hac hæretica fœditate, per Metropolitanum & ceteros Comprovinciales Episcopos excommunicationis vinculo immodetur, & si satisfacere contempserit intra annum, significetur hoc Summo Pontifici, ut ex tunc ipse vasillos ab ejus fidelitate denunties absolutos, & terram exponat Catholicis occupandam. En tibi totius Orbis Christiani sententiam! Cui tantum abest Gallos oblistere, ut potius & ipsi, magna quippe illius Concilij portio, sua vota contulerint. In eodem Concilio Dominium Tholosanum Comiti Monfortio dono datum, exuro Raymundo, quod Albigenes bello adjuvisset. Verba Concilij sunt: [a] *Sacro consulto Concilio nà duximus providendum, ut Raymundus Tholosanus Comes ab ejus Dominio, quod usque grave gessit, perpetuò sit exclusus. Probavitque tota Gallia, & ipse Philippus Rex, quando præstandi Juramenti causâ [nam supremum Tholosæ jus Regi Innocentius reservaverat] ad se venientem summâ gratulatione plausuque excepit. Alia ergo tunc temporis Ecclesiæ Gallicanæ sententia fuit, quàm nupera Conventus Parisiensis.*

XVII. Anno MCCXLV. Innocentius IV. Friderici Imperatoris armâ, quibus totâ Italiâ grassabatur, veritus, in Galliam secedit, & Lugduni Concilium indicit, ubi Pontificio apparatu, cultuque insignis, facesque cum ingenti aliorum Episcoporum agmine manu quatiens, & mox terræ obversas extinguens, diras solemni pompâ in Fridericum pronuntiat, privatque Imperio, ac Principibus, ut alium eligant, mandat; & illi nec mora obsecuti, Henricum Thuringiæ Ducem Imperatorem pronuntiant. Sententia in Fridericum prolata hæc fuit: *Nos super præmissis, & quàm pluribus alijs ejus nefandis excessibus cum fratribus nostris, & sancto Concilio deliberatione præhabita diligenti (cùm JESU Christi vices licet immeriti in terris, nobisque in B. Petri persona sit dictum, quodcunque ligaveris super terram, ligatum erit & in Cælis:) memoratum Principem omni honore ac dignitate privatum à Domino ostendimus, & denuntiamus, & nihilominus sententiando privamus omnes, quâ ei juramento fidelitatis tenentur adstricti, à juramento hujusmodi perpetuò absolventes, auctoritate Apostolicâ firmiter inhibendo, ne quisquam de cætero sibi tanquam Imperatori vel Regi pareat, vel intendant.*

Ludo-

[a] V. Lucam Dacher. T. 7. spic. & Rayn. ad ann. 1214. n. 19. & anno 1215. n. 25.

Ludovicus Maimburgus libro II. des Croisades ad ann. 1245. fol. 116. cum sententiam Innocentij recitasset, hæc subdit: *En meme temp les Eueques, qui tenoient des cierges allumez, approuvent & confirment la sentence, & en les eteignant prononcent l' anatheme contre lui.* Hoc est: Eodem momento Pontificis sententiam Episcopi confirmarunt, ratamque habuerunt, extinguisque, quas manu gestabant facibus, anathema Friderico dixerunt. De hoc eodem Concilio Æmilius & Spondanus hæc habent: *Nisi S. Ludovicus Rex Francorum huic Concilio dignitatem, roburque prastitisset, turbasset illud armis Fridericus.* Habes hic iterum Ecclesiæ Gallicanæ sententiam, non utcunque, sed in ipsa Gallia, plenoque Concilio expressam, & cui muniendæ Episcopi vora, Rex potentiam suam commodarunt: nec habuit Maimburgus, quid huic Concilio opponeret, quamvis alioquin nec timido ingenio, nec parco exceptionum. Jam tecum expende, quæ sit eorum fiducia, qui audent nobis Ecclesiam Gallicanam opponere, cum nullibi plura aut fortiora exempla, quam in Gallia nobis obvenerint. Et si nihil aliud, quam Concilij Lugdunensis auctoritas esset, qui rogo sunt illi, qui non dico præferri, sed vel comparari possint cum tam magno, tam sancto, celebrique Confessu, totaque Gallia tantâ veneratione culto?

XVIII. Anno MCCCVII. Interfecto Alberto Imperatore Philippus Pulcher Galliæ Rex re in Senatu maturè agitatâ solemnem ad Clementem V. Pontificem, qui tunc in Gallijs morabatur, Legationem decernit, sibi que Imperium, aut Carolo fratri deposcit. Inter alias rationes permovendo Pontifici hanc etiam Legati produxerunt, videlicet: *Cui enim, inquit, fiat injuria, si vacantis Imperij conditio permutetur? idem fecerunt olim Pontifices alij.* Sed Clemens nimiam Philippi potentiam verebatur, si Regno Imperium conjungeret; spatium ergo deliberando petit, & interim clam missis nuntijs Henricum Luzenburgerensem promoveri ab Electoribus curat. Vide Conradum Vecerium, [a] Bzovium, & Æmilium, aliosque. Agnovit ergo Rex Galliæ, Regiusque Senatus, posse Imperia à Pontifice transferri, alioquin cur peterent, quæ fieri non possunt? idque ab alijs retrò Pontificibus factum esse professi sunt.

XIX. Anno MCCCCXIV. Inchoatum est Constantiense Concilium, cui interfuere Sigismundus Imperator, quatuor Patriarchæ, Cardinales viginti

(a) Conr. Vecer. l. de gest. Henr. VII. Bzov. ad ann. 1307. Æmil. in Phil. Pulch.

viginti novem, Archiepiscopi septem & quadraginta, Episcopi centum sexaginta (alij 270.) Prælati & Doctores sexaginta quatuor supra quingentos; taceo promiscuum vulgus, quod ad mille sexaginta pervenisse dicitur. Cæterum in hoc Concilio præcipuas fuisse Gallorum partes & Galli farentur, Maimburgus præsertim, (a) in magno Schismate Occidentis: & res ipsa loquitur, cum nemo ignoret, quid Universitas Parisiensis, ejusque Cancellarius Joannes Gerson in Concilio præstiterint, à cujus doctrina, calamoque, velut pacis Oraculo Patres pendebant, cui merito illud Eliæ applices elogium: (b) *Et surrexit Elias quasi ignis, & verbum ipsius quasi facula ardebat.* Episcopi Conventus Parisiensis propositione secundâ dicunt: *Decreta Concilij Constantiensis à Sede Apostolica comprobata, ac totius Ecclesiæ usu confirmata, atque ab Ecclesia Gallicana Religione perpetuâ esse custodita.* At verò nullum Concilium magis, pluribusque exemplis hanc ipsam Pontificis in Reges potestatem ostendit, deciditque, ut aded & secum ipsis pugnent, qui Concilium Constantiense miris laudibus extollunt, simulque ab ejus doctrina discedunt; & cum Ecclesia Gallicana, quæ in Concilio sedit, in Concilio dixit, & quam tamen Maimburgus non audit, imò eodem tempore impugnat, laudatque. Concilium ergo Constantiense Sessione 20. Friderico Austriæ Duci, in virtute sanctæ Obedientiæ, & sub pœna privationis omnium bonorum Feudalium, quæ ab Ecclesia vel Imperio obtinet, & inhabilitationis suæ, & filiorum suorum ad obtinendum tam feuda, quam officia & Beneficia, & honoris ac famæ, & communionis in consilijs Principum mandas, ne jura & bona Episcopatus Tridentini invadat. Et Sess. 31. in monitorio contra Comitem Virtutum: Et si prædictas pœnas interdicti & excommunicationis dictus Fridericus animis sustinuerit induratis, ad omnes alias pœnas spirituales & temporales procedere valeant. Et Sessione 39. Si quis in electione metum, vel impressionem aut violentiam intulerit, cujuscunque status, vel præeminentiæ fuerit, etiamsi Regali aut Imperiali præfulgeat dignitate, illas pœnas ipso facto incurrat, quæ in Constitutione Bonifacij VIII. quæ incipit, *Felicis*, continentur. Ex verò sunt, ut sit insamis, bannitus, intestabilis, nec ad alicujus bona ex testamento, vel ab intestato vocetur; dentur cuncta ipsius ædificia in ruinam, nullus ei debita reddere teneatur, & alia, quæ habentur in cap. 5. de pœn. in 6. Et in Bulla Martini Sess. ult. idem

Nnn

Pon.

(a) Maimb. Grand. Schism. d'Occid. præsertim. l. 3.

(b) Eccles. c. 48.

Pontifex sacro approbante Concilio : (a) *Volumus*, inquit, *ac statuimus*, ut omnes & singulos hæreticos, etiam si Regali, Regnali, aut alia quavis Ecclesiastica vel mundana præfulgeant dignitate, auctoritate nostrâ diligenter inquirere studeatis, & per penas excommunicationis, nec non privationis dignitatum, ac etiam bonorum, & dignitatum secularium puniri faciatis, &c. Similia habentur in Constitutione Carolina auctoritate Concilij edita (ut habetur Sess. 19.) quam reperies post acta Concilij, præsertim verò in §. item eadem auctoritate, & §. item dicta Synodus. Habes hic iterum illius Synodi sententiam, quam Patres Conventus Parisiensis tam impensè dilaudant, quam sanctam & immotam, semperque in Gallijs custoditam ac cultam pronuntiant, & cujus decretis Pontificiam potestatem alligatam volunt : & tamen hæc ipsa est, quæ Regibus imperat, quæ Coronis minatur, quæ honores, dignitates, testamenta delinquentibus adimit, quæque omnem potestatem temporalem fidei rebellem compescit, exarmatque. Quid aliud volunt, & quæ alia superest probandi necessitas post tam clarum, evidensque testimonium ? Galli erant, qui in hac Synodo sedebant, Galli, qui vota conferebant, Galli, qui primas acies ducebant, Galli denique, qui nullum finem faciunt hujus Synodi laudandæ. Ergo qui à sententia, doctrinaque hujus Synodi abscedunt, qualis Maimburgus, eique similes, nec Galli dici merentur, nec Gallicanæ Ecclesiæ sensus imbuti sunt.

Maimburgus, ut auctoritate & exemplo Concilij se liberet, in libro (b) de magno Schismate Occidentis, dicit : *Concilium rem ausum esse, quæ nullo pacto sustineri, excusarique possit, quæque Principum supremæ Dignitati planè adversetur, nullumque exemplum in quatuor primis Concilijs habeat : & privilegium infalibilitatis à DEO Concilij datum, ad sola fidei dogmata, non ad Regna & Principum dignitates pertinere. Errare ergo Concilium in hac parte potuisse, imò errasse.* Hæc Maimburgus, quæ ego verbatim ex Gallico transtuli, ut inconstans hujus auctoris, ancepsque ingenium videas, & in omnem partem versatile, ut Regibus blandiatur. Concilium Constantiense, ubi contra Pontifices statuere aliquid videbatur, ad Cælum extollit, nec ejus laudandi finem ullum aut exitum reperit. Ubi verò pro Pontifice aliquid & contra Reges decernit, continuò errat Concilium, fallitur Concilium, limites suos & alveum egreditur, non excusari, non sustineri potest. Quis hic non videat,

calat

(a) V. etiam Sess. 15. &amp; 17. (b) Maimb. grand. Schism. &amp; Occid. l. 6. f. 370.

salutem & ingenium Maimburgi non veritati, quæ & una, eademque est, sed adulationi dicarum esse, in personas & obsequium intentæ? Quis verò ferar privatum hunc hominem, nec optimo metallo fufum, tam Sacro Senatui, & ex flore totius Europæ, Galliæque præsertim collecto insultantem, quasi is ea decreverit, quæ nullo pacto suscipi ex- censarique possint, minusque quàm Maimburgus suæ potestatis limites ac Principum jura cognoverit? Enimverò nimium hic auctor sibi blanditur, si tam Sancto Concilio, & Patribus tantâ virtute ac doctrinâ insignibus non dico se tantum exæquet, sed etiam præponat. Ubi etiam observes, eos, qui tot encomijs Concilia exornant, ac etiam Pontifici præferunt, non eò spectare, ut Concilijs subdantur, sed solum ut istorum obsequio, quæ tardissimè & rarè conveniunt, parata interim Pontificis Imperia deludant, eodemque artificio Concilijs imponant, si aliquando convenerint. Dicunt enim, aut in ijs, quæ ad fidem non pertinent, errare posse, aut non esse recepta, aut non esse universalia, saltem non constare, aut mille alia, quæ nunquam desunt quærentibus. Ergo obtentu Concilij anarchia & libertas paratur, nullis legibus, nulli Magistratui, nulli obsequio devincta, solâ gubernante voluptate. Sed rem ipsam quod attinet, nolo cum Maimburgo de singulis, quæ objectat, contendere, ea enim aut principium petunt, aut alibi soluta sunt, & infra redibunt. Id solum dico, non jam veri questionem, an falli aut non falli Concilium possit? sed quæ in hoc argumento Ecclesiæ Gallicanæ sententia fuerit? eam verò sensisse, etiam Regna & Principatus Pontificum potestati subiacere, testimonio, exemploque Constantiensis Concilij demonstravimus. Cum enim hoc Concilium tam severas pœnas Principibus diceret, cum dignitatibus, imò Regnis exueret, an Galli Concilio non assidebant? annon primas illi partes agebant? an sua quoque vota non illi conferebant? num Patribus ea decernentibus aut Gerson, aut Universitatis Parisiensis Legati, aut Gallorum alius oblectatus est? si ergo Concilium erraverit, si expers erroris fuerit, Gallorum ea doctrina & sensus fuit. Erratque Maimburgus, aliosque in errorem inducit, cum jactat, sententiam, quam nos tuemur, Ecclesiæ Gallicanæ adversam esse; qui enim adversa, quam Ecclesia Gallicana, & præcipui illius Doctores in Concilio Oecumenico tam enixè, exemplisque repetitis professi est? An ergo ea solum erit Maimburgo Ecclesia Gallicana, quæ Regibus adula-



tur : quæ non adulatur, non erit ? at Ecclesiam non adulatio, sed veritas facit. Et verò neminem credo tam fore imprudentem, qui non malit cum Concilij Oecumenicis, quàm Maimburgō sentire ; si enim errare illa, fallique possunt, & aliter quàm veritas permittit, scripturas explicare, quantò magis Maimburgus, ei que similes ? nam & minus periculum, & major errori venia, in ambiguo, incertoque plures, gnarosque viarum elegisse, quos sequaris ; quippe & peritissimis potius medicis valetudinem nostram, & veratissimis Gubernatoribus navigationem committimus, quàm Unguentario nuper Scholas egresso, & nauclero, marium, ventorumque & stellarum, quæ spectari solent, ignaro. At, inquit Maimburgus, *antiqua Concilia, & Pape spiritibus pœnis contentis, temporalibus abstinebant, nec legimus, in Coronas & Regna servisse.* Imò in Regali Sacerdotio ostendimus & Christum & Apostolos usos esse temporalibus pœnis ac delinquentes Dominio, aut usu temporalium privasse. Deinde pessima semper fuit à negativis argumentatio, quàm enim multa hodie, & salubriter sunt, olim insueta ? Olim nulla Antipodum, Americæ, Magnetis, & mille medicinarum notitia & usus, quæ modò & passim abundant ; an ideò nemo hodie in Americam navigabit, quia olim nulla illuc navigatio ? nemo contra febres Chinamchinæ sumet, quia olim ignota ? produntur & crescunt cum morbis, annisque remedia, & quæ multis retrò annis aut noxia, aut occulta, nunc aperta & salubria. In ipsa fide, hoc est, anima nostræ Religionis quàm multa aut dubia, aut intra velum subdusta, nunc in apertum emersere, semper quidem vera, at non semper patentia. Ipse Maimburgus percurrat illa Privilegia, aut, ut vocant, Ecclesiæ Gallicanæ libertates, quàm multa illis inveniet elapsis retrò temporibus non ignota tantùm, sed etiam damnata ? non ergo sequitur, ut modò non liceant, quæ olim usurpata non sunt, mutata præsertim hominum, temporumque conditione. Olim uni aut summum duobus Principibus totus Orbis Oriens, Occidensque parebat, quæ ergo Pontificum imprudentia fuisset, cùm ipsi inermes, nudique potentia essent, aggredi tam potentes, & pœnas vibrare, quas nec accipere Principes vellent, nec exequi ipsi possent ? Deinde, major olim sacram pœnarum reverentia & metus erat, ut adeò nec temporalibus uti oporteret. Audi Arcadium Imperatorem, quàm modeste, demisseque intentatas ab Innocentio Pontifice censuras sit deprecatus :

Omni-

*Omnino δ Pontifex DEI ne quidquam eorum, quæ in Legatos audacter perpetrata sunt, sciento me factum est. Nobis ergo placetur Paterna humanitas tua, neque deferat nos expertes mysteriorum Sacrorum. Tunc etiam filiam tuam Eudoxiam, quæ peccaverit, ultus sum, quæ etiam ex his gravissimo morbo correpta lectulo decumbit. Ne igitur sæpius pœnas sumas ô Reverendissime Pater: ubi autem eris pœnitentiæ bonum, nisi is, qui pœniteat, veniam consequatur? Igitur si nos quidem ex pœnitentibus non essemus, merito aditus ad veniam clauderetur. (a) De Theodosio Imperatore audi S. Ambrosium: (b) Stravit omne, quo utebatur, insignis Regium: deservit in Ecclesia publicè peccatum suum, quod ei aliorum fraude obreperat; gemitu & lachrymis oravit veniam. Quod privati erubescunt, non erubuit Imperator publicè agere pœnitentiam, neque postea ullas dies fuit, quo non illum doleret errorem. Si ergo Arcadium & Theodosium Principes imitarentur, pari in Sacra & Sacerdotes reverentiâ, nihil opus temporalibus pœnis, sacræ sufficerent; nunc verò ubi parvus aut nullus sacrorum sensus, & solæ dignitates ac Coronæ in pretio & cura sunt, æternorum neglectu; quid aliud superest, quàm ut fatali somno abrumpendo (quo plerique tenentur) ea applicentur, quæ cùm magis doleant, magis excitant, sanantque; nam si censuris semper pugnatum esset, quando Friderici, Henrici, alijque ad mentem rediissent? Ergo ut præmia, quibus bene meritos Ecclesia muneratur, si sacra tantùm & spiritalia essent, parùm animos excitarent, ita & pœnæ parùm compescerent. Cælum ergo terræ miscendum, & spes, metusque utroque temperanda. Sed si inania sunt & pretij nullius, quæ Maimburgus ad auctoritatem Concilij Constantiensis responderet, multò absurdiora quæ P. Alexander Natalis. Accusat Maimburgus Conciliū, Natalis absolvit, negatque quidquam contra Reges statuisse; idque ut probet, verba Concilij, quæ clarissima sunt, vanissimis distinctionibus, ac puero, quàm Theologo dignioribus in alium sensum detorquet, exponitque ludibrio & Lauream & calamum suum tam ridendis commentis. Dicit ergo 1. Decreta Constantiensis Concilij à nobis laudata intelligenda esse divisiim, & in sensu accommo-  
ut Censuræ quidem ad Reges pertineant; privationes verò Dignitatum, & Officiorum non Reges ipsos, sed Dominos subalternos, subditosque Regibus spectent, ita ut illos non Conciliū, sed ipsi Reges, Dominique temporales puniant; illa ergo verba: & nisi Imperiali, vel Regali præfulgeant Di-*

Non 3

gnitate,

[a] V. Glyc. annal. p. 4. & Baron. ad ann. 407. [b] S. Ambr. orat. in sua. Theod.

gnitate, non esse intelligenda de Personis Imperatorum, vel Regum, sed de  
 ijs, qui primarijs Imperij, vel Regum Dignitatibus, & officijs conspicui sunt,  
 ad quos hęc pœnis coercendos sacrum Concilium Imperatorem, ac Reges co-  
 hortatur. 2. Eadem Synodus in sententia contra Joannem Huls lata,  
 post ejus degradationem, fatetur Ecclesiæ nihil aliud superesse, & ideo  
 cum Curiae Sæculari relinquit: at aliud superfuisset, si Ecclesia habe-  
 ret jus gladij temporalis. 3. Synodum intelligendam esse tantum de  
 privatione Feudorum, quæ Domini temporales ab Ecclesia possident,  
 idque constare ex constitutione Bonifacij VIII. cui initium: Felicis in  
 6. de pœnis. 4. Quia alioquin Concilium videretur favere sententiæ  
 de occidendis propria auctoritate Tyrannis, quam tamen condemnavit  
 Sess. 14. 5. Quia Martinus V. constitutione, Inter cuncta, Hulsitas, eo-  
 rumq; fautores privat tantum feudis, quæ ab Ecclesijs habent. 6. Quia  
 Petrus de Alliaco, & Gerson, qui Concilio interfuere, alienissimi sunt  
 à sententia, quæ Pontifici indirectam permittit in Regno potestatem.  
 7. Sic Pater Natalis Constantiense Concilium interpretatur; & tole-  
 rari quidem possent hęc glossæ, si verba Concilij obscura essent; at  
 tam sunt clara, ut nihil admittant istorum sophismatum. Quæro enim  
 an aliquis sanæ mentis hęc verba: Cujuscunque statûs, gradûs, Conditi-  
 onis, aut præminentie, etiam si Ducalis, Regali, Reginalis, aut Imperialis sue-  
 rint &c. Aut aliâ quavis Dignitate præfulgeat Ecclesiastica, vel Mundana, etiam  
 Regali, aut Reginali &c. Quæro inquam an hęc verba intelligi possint  
 de solis Regum ministris, & non de ipsis Regibus? Et illa: Frideri-  
 cum Duce[m] Austriæ mandamus, & præcipimus, ut sub pœna privationis omni-  
 um bonorum Feudalium, quæ ab Ecclesia seu ab Imperio obtinet: inhabilita-  
 tionis ad obtinendum tam Feuda, quam Officia, & Beneficia, honoris, famæ,  
 communionis in Consilijs Principum &c. Privationis omnium Beneficiorum, Di-  
 gnitatum, honorum Ecclesiasticorum & Mundanorum &c. Sit infamis, ban-  
 nitus, diffidatus, passivè, & activè intestabilis, nec ad alicujus bona sive ex te-  
 stamento, sive ab intestato vocetur: nullus in Judicio respondere teneatur;  
 nulli filiorum, atque Nepotum aperiatur janua Dignitatis, aut honoris Eccle-  
 siastici, vel mundani &c. Quæro iterum, an hęc intelligi possint de  
 privatione tantum Feudorum, quæ ab Ecclesia proveniunt? Plane  
 Alexander Natalis tam clara negando, non solum oleum, & operam  
 perdit; nec solum ostendit se adversus veritatem, quamvis clarissimè  
 expositam animum obstinasse; verum etiam id agit, ut & in alijs  
 quæ

quæ scribit, indignum se reddat legentium fide; quis enim credat tam certa, tam comperta neganti? Imò pessimè causam Principum egit; ostendit enim illam infirmissimam esse, quæ defendi non potuit, nisi paralogismis, & interpretationibus tam à vero & honesto abhorrentibus; quanto melius silentio texisset, quæ exponi non poterant citra pudorem? Nec obstant, quæ addit, de Alliacensi, Gersone, alijsque Pontificibus. Hic enim non queritur quid Gerson, quidve alij Pontifices dixerint (id quippe alibi, & fuisse ostensum) sed quid dixerit Concilium Constantiense, dicit verò tam clarè, ut nihil clarius dici aliquid possit.

XX. Anno MCCCXI. Viennæ in Gallijs Concilium Universale celebratum est, aderantque Galliæ, Angliæ, & Arragoniæ Reges, Patriarchæ, Alexandrinus & Antiochenus, Episcopi centum quatuordecim, præfedit Clemens V. natione Gallus, ipsisque Gallis addictissimus, qui-que Sedem Pontificiam Avenionem transfulerat, gemente aut indignante Italiâ. In hoc Concilio nostram sententiam Ecclesia Gallicana iterum professæ est, videl. Ecclesiam Romanam à Græcis Romanum Imperium ad Germanos transfuisse, & ad certos eorum Principes jus & potestatem eligendæ Regem ab eadem Ecclesia pervenisse, &c. Quæ verba sunt ipsius Clementis in Concilio Viennensi, imò ipsius Ecclesiæ Gallicanæ, quæ maximam hujus sacri Senatûs partem implebat.

XXI. Anno MCCCXXXII. Synodus Basileensis in Salvo Conductu, seu fide publica Legatis Pontificijs (a) data sic loquitur: Exhortatur omnes & singulos Christi fideles, cujuscunque dignitatis, gradûs, aut præcæminentiæ existant, spiritalis seu temporalis, etiamsi Regali fulgeant Dignitate, etque in virtute sanctæ obedientiæ mandat, ut si per eorum dominia, terras, Civitates, territoria, aut alia loca transire contingat, sub pœna, sententijs, & censuris, tam Constantiensis, quam hujus sacræ Synodi decretis conventis & summatis, districtè injungendo, quatenus vos & vestram quemlibet vestra Comitiva securos, liberos, & rutos cum rebus vestris ire, stare & redire sine molestia & impedimento permittant, &c. Pœnæ verò à Concilio Constantiensi (b) decretæ, quarum Basileenses meminerunt, habentur in hæc verba less. 17. Quicumque cujuscunque status aut conditionis existat, etiamsi Regalis, summe vel redeunte impediverit, aut perturbaverit, sententiam excommunicationis

(a) Concil. Basl. in Congreg. Gener. anno 1432. habetur in append. epistol. Conc. ap. Binium. T. 4. Concil. (b) Concil. Constant. Sess. 17.

*nis incurrat, & ulterius omni honore & dignitate ipso facto sit privatus. Episcopi ergo Galliæ, qui magno numero, nec minori auctoritate Concilio tunc aderant, sentiebant, Reges, etiam quod temporalia spectat, Ecclesiasticæ potestati subjacere; quod præsertim argumentum contra Maimburgum (a) valer, qui decreta Basileensis Concilij valida, & ab Eugenio confirmata esse omni studio contendit.*

XXII. Anno MDLXIII. In Synodo Oecumenica Tridentina Sessione 25. (b) cui Galliæ Episcopi & præsertim Cardinalis Lotharingicus intererant, omnium approbatione & consensu duella & monomachia prohibita, iisque hæc pœna apposita: *Qui pugnam in duello commiserint, & qui eorum patrini vocantur, excommunicationis, ac omnium bonorum suorum proscriptionis, ac perpetuæ infamiae pœnam incurrant, & ut homicide juxta sacros Canones puniri debeant.* De hoc & alijs decretis eadem Sessione editis hæc habet Pallavicinus: (c) *De his, quæ proposita sunt, mirus fuit consensus.* Agnoverunt ergo, probâruntque hanc nostram sententiam Galliæ antistites (nam Oratores ob alias causas Concilio abscesserant) quorum in Concilio magna & spectata auctoritas, Lotharingi præsertim, quem ut instar Collegæ haberent, rerumque omnium consciunt, suis Legatis Pontifex imperaverat. *Nec obstat, non fuisse Concilium Tridentinum in Gallijs receptum, id enim ob alias causas contigit, quæ à Pallavicino (d) memorantur, ejusque receptio non à Galliæ Episcopis [ de quorum sententia disputamus ] sed ab Optimatibus Regni, & Regina præsertim pendeat, rationibus Politicis absterrita, & præsertim ne Calvinistas tunc temporis in Gallia præpotentes offenderet.*

XXIII. Anno MDLXXXIX. Duce Guisio, ejusque fratre Cardinali ab Henrico III. occisis, *Facultas Theologica Sorbonæ, inquit Spondanus ad hunc annum, die 7. Januarij congregata, post publicam supplicationem omnium Ordinum dictæ facultatis, & Missam de Spiritu S. celebratam, auditâ omnium & singulorum Magistrorum, qui ad septuaginta convenerant, maturâ, accuratâ & liberâ deliberatione, & multis ac varijs rationibus, quæ magna ex parte ex sacris scripturis, canonicis sanctionibus, & Decretis Pontificum in medium prodita suere, conclusum est à Decano, nemine refragante, per modum consilij* ad

(a) Maimb. *Traité dell' eglise de Rome* c. 25. (b) Concil. Trid. Sess. 25. c. 19. (c) Pallavic. in hist. Concilij Trid. l. 24. c. 7. n. 2. (d) V. Pallav. cit. c. 10. & 11.

ad liberandas Conscientias, populum solutum esse à juramento fidelitatis & obedientie Henrico præfesto. Seniores tamen Theologi, ipsèque adeò Decanus, qui tunc erat Joannes Faber, censuit, ut res integra ad Pontificem remitteretur; qui Decretum illud uti temerarium valde improbat. Hactenus Spondanus. Vides ergo, quæ tunc temporis fuerit Sorbonæ sententia, posse vid. Reges abdicari: & quamvis temerarium fuerit, id propriâ auctoritate aggressam esse, temeritatem tamen correxit, adornatâ ad Sixtum V. quatuor Optimatum Legatione, qui id ipsum à Pontifice peterent. Hunc verò censuisse, omnino Pontifices id posse, quamvis hac potestate uti tunc noluerit; certissimum est, quippe qui primo Pontificatus sui anno, videlicet MDLXXXV. Henricum Navarra Regem, ejusque fratrem, Principem Condeum, omni Regio jure, ac Principali Dignitate spoliavit, ut videre est apud (a) Spondanum. Sed & ipsi Sorbonicæ Facultatis Decanus & Seniores hanc ipsam potestatem professi sunt, quando vid. censuerunt, *rem totam Pontifici remittendam*. Imò totius Sorbonicæ facultatis hæc sententia fuit, missâ ad Pontificem celebri Legatione, quâ, ut dixi, Regem exauctorari petebant.

XXIV. Anno denique MDCXV. Clerus Gallicanus in publicis & Universalibus Regni Comitibus hanc nostram sententiam egregiè & clarissimè professus est, cum etiam Clerus novam quandam legem abrogari peteret tertio Ordini (qui ex Magistratibus subalternis, minori que populo constat) proficuum: Continuo, inquit Gramondus, (b) ubi id tertij Ordinis Oratoribus constitit, rati, ut res erat, peti Ordinem suum, statim propensus thesin toties Clero obstrepente agitatam; nullam videlicet esse potestatem in temporalibus supra Regiam, unique immediatè DEO debitam Coronam à Gallis Regibus &c. Nota ea verba; *obstrepente Clero*; ijs enim significatur, propositionem Parisiis editam, & nuper à Maimburgo ex professo defensam, à populo ultimoque Ordine receptam quidem jactatamque, sed *obstrepente* semper & adversante Clero; sicque sententiam dici posse plebis, non Ecclesiæ Gallicanæ. Pergit postea idem Gramondus dicere: Clerum perorante doctissimo Perronio probasse, potestati Romanæ Sedis in Reges hæreticâ labe infectos, Regumque Sceptra, subscripsisse, quotquot ante Calvinum Theologica tractavere. Contrariam opinionem novam esse, Lutheri & Calvini auctoribus natam, cui veterum nemo subscripsit, recentiorum pauci;

ooo

(a) Spondanus ad ann. 1585. (b) Gramond. Regij Consult. Senat. & in Parlam. Tholos. Præfcs l. 1. hist. ad annum 1615. foli 60.

## 456 Differtatio II. §. II. In quo agitur de Prima

pauci; hunc errorem primum fuisse Henrico VIII. Angliæ Regi viam in hæresin; apertam rebellionem sonare in solium Petri; si Reges Galliæ fautores hæresiarcharum, si novi dogmatis assertores, deberi ultionem VICARIO DEI, ad quem ex lege pertineat perjurij pena. In eam sententiam exactis seculis itum, iri & hodie passim toto Orbe Catholico, si Galliam demis, contrariam sententiam tanquam dogma politicum defendi posse ad summum &c. Et infra, cum Senatores Parlamenti in eandem sententiam cum tertio Ordine conspirassent, placitumque vulgassent, vid: Pro lege Politica, Regniq; fundamentalis habendum esse, quod Rex Galliæ nullum alium in temporalibus superiorem agnoscat; excanduit, inquit, Clerus, non eas esse Parlamenti partes; Comitibus Generalibus convocatis Regium omne Jus translatum in ipsa, adeo ut velut iustitio indicto cessare debeat omnis Magistratus. Clerum & Nobilitatem convenire in eandem sententiam, nec ideo contrariam opinionem valere, quia ita populus censet; duorum vota & calculos uni prævalere. Audis hic iterum duos Galliæ Ordines, Clerum videlicet & Nobilitatem, pro nostra sententia esse, populum & Parlamentum adversari; & ideo cum suprâ Perronius dixerat: Exactis seculis in nostram sententiam itum, iri & hodie passim toto Orbe Catholico, si Galliam demis; id solum significavit, toto Orbe Catholico sententiam nostram teneri, in sola Gallia Populum, Parlamenta, & reliquum vulgus Politicorum contrâ opinari, Clero tamen & Nobilitate nostram sententiam complexo, hos enim duos Ordines, ut vidimus, clarè excipit, quod etiam ex ijs patet, quæ postea subiungit, certatum videl. esse de Tridentino Concilio Galliæ inferendo: Eleganter & doctè perorante Perronio; sed prævaluit Clero Populus: creditum tunc potuisse conciliari opiniones Cleri, & populi, factâ quasi compensatione, nempe si Clerus tertij Ordinis articulum administeret, negantem Summo Pontifici jus esse in Regna. (a) Ergo propositio, quæ Pontifici hanc potestatem in Regna adimebat, populi & politicorum: quæ assertebat, Cleri erat; maluitque Clerus, non recipi Tridentinum, quàm populo contra Pontificem assentiri; permittebat tamen, utramque Propositionem problematicè defendi, unam, quia veram, alteram, quia Senatus, populiq; aurâ subnixam, ut idem Gramondus (b) testatur. Habemus hic iterum testimonium omni exceptione majus, & Ecclesiæ Gallicanæ luculentam professionem, quâ mentem suam ante paucos annos non solum declaravit, sed etiam contra Senatum, populumq; egregiè rutata est.

(a) Gramond. l. cit. (b) Gramond. cit. f. 67.

est. Nec habuit Maimburgus, quid opponeret, nisi, (a) *Perronium Cardinalem suo, privatoque nomine, non Cleri locutum in Comitijis esse. Cœterum quis non videt, sine omni fundamento hæc dici, soloque studio impugnandæ ac premendæ veritatis, nullâ historiæ aut notitiæ, aut curâ. Demus solius Perronij hanc mentem fuisse, an æquum non erat, eum potius, quàm Maimburgum audire? quis enim Maimburgus, ut non dicam præferri, sed componi cum Perronio debeat, auctoritate, eloquentiâ, doctrinâ scriptisque præcipuo? Sed nec Perronium ex sua tantum, sed totius Cleri sententia locutum esse, clarius est, quàm ut ab aliquo dubitari possit. Gramondus enim illis verbis: Clerus perorante Perronio: Et infra: Excanduit Clerus: Et, Clerum & nobilitatem in eandem sententiam convenire: & paulò post: Creditum tunc potuisse conciliari opiniones Cleri & Populi, nempe si Clerus articulum tertij ordinis admitteret, &c. Plus satis demonstrat, voces quidem unius Perronij, sed mentem ac sententiam totius Cleri fuisse; quod etiam ipse Perronius professus est, quando in ea Oratione, quæ actis Gallicanæ Ecclesiæ inserta, se non suo tantum, sed totius Ecclesiastici & Nobilium Ordinis nomine loqui testatur; ejus verba (b) sunt: *Considerez, que ce non est point moy, que vous ecoutez; car ce non est point moy, qui parle en cette cause, mais tout le corps de l'Ordre Ecclesiastique, & tout celui de la Noblesse &c.* Hoc est: *Nec verò in animum vestrum inducite, me eum esse, quem vos loquentem auditis, & cujus voces excipitis: mihi credite, non ego in hac causa loquor, sed Clerus & Nobilitas tota &c.* Et verò oportuit Perronium mente ac pudore omni destitutum esse, si in publicis Comitijis, & ubi tot testibus redargui, vinci que poterat, ea diceret, & nobilitati, Clero que tribueret, quæ sciret, non solùm injussu, sed etiam contra utriusque sententiam à se proferri. Quis rogo tantum Maimburgi testimonio tribuat, ut hoc credat de Perronio Cardinali? & quid Gramondo facias, & Gallo, & Parlamenti Tholosæ Præsidi, resque suorum temporum scribenti, qui toties, ut supra vidimus, non Perronij tantum, sed Cleri hanc fuisse mentem proficitur? Sed v. Perronij elegantissima verba in tr. Leodiensi contra Maimburgum. f. 585. & 590. Vidimus in hoc toto exemplorum, annorumque decursu, semper Ecclesiæ Gallicanæ hanc sedisse opinionem, ut crederent, in certis casibus Regna Pontifici subiacere: nunc Scriptorum nomina recitabo,*

000 2

qui

(a) Maimb. Traité de l'eglise (b) Ex Actis Cleri Gallic. T. 5.



## 458 Dissert. II. §. II. In quo agitur de Prima

qui aut Galli fuere, aut in Gallia celebres, eandemque sententiam amplexi sunt, & quia eorum verba in Regali Sacerdotio recensita sunt, aut aliàs nota, ijs supersedebo. Ji ergo sunt, inter alios quàmplurimos, sequentes.

XXV. S. Thomas 2. 2. q. 12. a. 2. in corp. & ib. ad l. & 2. 2. q. 60. a. 6. ad 3. & 2. 2. q. 10. a. 10. & opusc. 20. de Regim. Princip. l. 3. c. 10. & cap. 17. Negant tamen aliqui, hoc Opusculum esse S. Thomæ. S. Bonaventura, l. de Eccl. Hierarch. p. 2. c. 1. T. 7. operum. Et in 4. d. 37. Joannes Gerson Cancellarius Universitatis Parisiensis p. 4. serm. de pace & unit. Græcor. confid. 5. Petrus Blesensis ep. 146. S. Petrus Cluniacensis l. 6. ep. 28. S. Bernardus l. 1. de consider. c. 6. & l. 4. c. 3. S. Augustinus Triumphus, Sanctorum Thomæ & Bonaventuræ Parisijs discipulus q. 1. de potest. Eccles. p. 1. a. 7. & 8. Alexander Alensis Parisijs Theologiæ Lector, & SS. Thomæ & Bonaventuræ Magister p. 3. Summa q. 48. membro 1. a. 3. Henricus Gandavenfis Doctor Sorbonicus quodl. 6. q. 23. Umbertus ex Diocesi Viennensis serm. 70. Petrus Paludanus in 3. sent. d. 40. q. 2. concl. 4. Franciscus Mayronus in Schola Parisiensi Doctor insignis in 4. d. 19. q. 4. Durandus Episcopus Meldens. in tract. de orig. Jurisd. Eccles. q. 3. Joannes de Parisijs c. 14. Jacobus Almainus Doctor Parisiensis tract. de pot. Eccles. c. 9. & q. 2. c. 5. ad c. 8. Occami. Joannes Major Doctor Parisiensis in 4. d. 24. ad 4. Guilielmus Durandus Episcopus Mimatenfis in Spec. Jur. Tit. de Legat. §. 6. n. 17. Joannes Monachus de suppl. negligent. Prælat. n. 4. Joannes Selva tract. de benefic. p. 3. q. 8. n. 31. Stephanus Anserius in Senatu Tholosano Præles tract. de potest. Eccl. n. 32. Joannes Faber in Senatu Parisiensi causarum Patronus in l. 1. c. de summa Trin. n. 10. Petrus Gregorius Tholosanus in varijs Galliæ Academijs Professor de Rep. l. 26. c. 5. Fulco Archiepiscopus Rhemensis in ep. ad Carolum Simplicem Galliæ Regem apud Flodoardum l. 4. c. 5. Perronius Cardinalis apud Gramondum l. 1. hist. ad ann. 1615.

XXVI. Ex allegatis hactenus testimonijs multa colligere licet, quæ hic breviter observabo. I. Falli Maimburgum, (falli dico, malo enim erroris eum, quàm doli postulare) cum in ultimo Tractatu (a) de Ecclesia Romana sententiam hanc nostram illis tantum attribuit, qui citra alpes morantur. Ergo ex sententia Maimburgi Patres Concilio-

rum,

[a] Maimb. Traité hist. de l'église c. 26. f. 357.

## Conventus Parisiensis Propositione. 459

rum, Lugdunensis, Viennensis, & Ordinis Ecclesiastici in Comitibus Parisiensibus, quæ Gramondus describit, Gerſon etiam, Fulco, Petrus Bleſensis, alijque præcipui in Gallia scriptores Cisalpinij erant; nec advertit Maimburgus, hujusmodi hyperbolicis locutionibus, & aded à vero abludentibus id solum agi, ut historiam suam totam, etiam ubi verâ recitat, suspitioni exponat, dubiamque reddat; quis enim credat inexplorata narranti, ubi tantâ in rebus obvijs certisque fiduciâ impingit? Si quis seriò, enixeque contenderet, nullos passeres in Europa videri, crederes tu illi, Pegafos ex India, Gryphesque memoranti? II. In nulla Orbis parte plura exempla exercitæ in Reges potestatis, quàm in Gallia reperiri, & exempla non unius tantum, aut alterius, sed omnium ferè Galliæ Ordinum, Pontificum videl: Regum, Imperatorum, Synodorum Comitiorumque Gallicanæ Ecclesiæ; quos omnes, imò si ex illis unicum Maimburgo, eique similibus opponas, sufficere toti huic agmini fundendo, delendoque; quis enim illi, ut vel unius Thomæ, Bonaventuræ, aut Bernhardi auctoritatem, vultumque sustineant, quantò minùs integræ unius Synodi, imò plurium Synodorum? III. Et illi ipsi, qui hanc nostram sententiam calamo, aut exemplo illustrant, tantâ doctrinâ & sanctitate florere, ut apicem in utroque contigerint, nec dici, imò nec cogitari potest, illos aut partium adulatione, aut fastu, aut Scripturarum ignorantia deceptos esse, corruptosve; ij sunt S. Gregorius M. S. Zacharias, S. Leo Pontifices: S. Thomas, S. Bernhardus, S. Bonaventura, S. Antonius, S. Petrus Cluniacensis, S. Augustinus Triumphus, Innocentius III. Gerſon, alijque. Jam peto ex Maimburgo, ut sententiæ nostræ tot Sanctis munitæ vel unum pro sua opponat: quòd si nullum haber, ut planè non haber, neque enim aliquem allegat, dicat rogo, quid causæ sit, ut nullus Sanctorum ei sententiæ subscripserit, nostræ verò quàm plures? an istis fortè doctrina, aut modestia, aut animi moderatio, aut aliquid eorum defuit, quod persuadendæ veritati faciat? aut fortè non Bonaventura, non Thomas, non Gregorius, non Bernhardus, non Patres Lateranensis, Viennensis, & Lugdunensis Conciliorum, Scripturæ Patrumque mentem & sensa intellèxere? quòd si nihil horum dici potest, quæ causâ Maimburgo fuit, & sacris addicto, & Pontifici jurato, eam sententiam deferendi, impugnandique, quam omnes Societatis suæ Doctores tot editis libris professi sunt, quæque tot habuit munimenta veritatis? Nam quòd ait:

*Omnes primitivæ Ecclesiæ Patres, quique ante quintum seculum scripserunt, pro sua opinione stare, & istos merito præhabendos esse recentioribus; id unum est ex solitis Maimburgi (a) argumentis, magno strepitu nihil præstantis: nimirum Concilia Oecumenica, Thomas, Bonaventura, Gregorius Magnus, alijque Ecclesiæ, Patrumque sensum ignorabant; & illi, quos ipse citat, in genere tantum loquuntur, videl: Obediendum esse Principibus, etiam Paganis, hæreticis, & ut loquitur Apostolus, dyscolis, eisque soli DEO subjacere. Quæ omnia generalia & verissima sunt, quis enim negat, Persarum Regi quamvis impio, veræque Religionis experti teneri subditos etiam Christianos obedire, eumque etiam eorum, quæ impiè agit, nemini præter Deum obnoxium esse? idem de alijs Regibus dicas. Hæc inquam in genere prolata verissima sunt; nemo verò eorum Patrum, quos recitat Maimburgus, negant: Possè Reges in aliquo casu, & cum Ecclesiâ, fidemque persequuntur, exarmari, Regnoque exui, & subditos juramento solvi. De hoc solo quæstio vertitur, neque hoc inficiantur Patres, imò ex principijs (b) Maimburgi inficiari non poterant, qui hanc potestatem Reges destituendi, quam nos Pontifici, ipse statibus & Comitibus Generalibus toties concedit. Ex adverso Concilia & Patres, quos pro nostra sententia produximus, hanc quæstionem, de qua modò contendimus, in particulari & individuo proponunt, an videlicet possint in certo, raroque casu Pontifices Romani imperia Regibus adimere? decidantque, posse. Quis verò nescit, duos testes, qui in particulari deponunt, centum prævalere, qui in genere tantum? & dispositionem legis particularem & specificam centum Regulis generalibus præferri? nam si quis Theologus, aut Juris-Consultus ex generalibus illis præceptis: *Non esse jurandum, & neminem cum alterius injuria fieri debere locupletiores*; inferret, in nullo casu particulari, ne in Judicio quidem, & jubente Magistratu jurandum esse, nec præscriptionem, quâ quis cum alterius damno dicescit, permissam, is meritò se omnibus ridendum proponeret. Et idè toties in Jure Romano, Sacrisque Canonibus illæ regulæ repetuntur: *Generi per species derogatur: in generali concessione non censentur comprehensa, quæ speciali notâ indigent, &c.* Nihil ergo probant generales illæ Patrum locutiones,*

mul.

[a] Maimb. de Pegl. de Rome chap. 28. circa fol. 392.

[b] Maimb. hist. Iconocl. l. 2. f. 257. & l. 4. sæpius. Et Traité de l'Egl. de Rome ch. 29. circa finem.

multoque minus Patribus derogant à nobis productis, & de hoc ipso casu particulari loquentibus, quem nos prae manibus habemus. IV. Sed & illud nimis praesidenter, inconsulteque à Maimburgo (a) dictum, videl: *Ecclesiam Gallicanam, omnesque Galliae Doctores, sententiam, quae in Reges Pontifici jus tribuit, semper pro noxia, plenaque discriminis & seditionis habuisse.* Crediderim hic Maimburgo excidisse, quid aut de quibus loquatur, si enim de Concilijs Oecumenicis in Gallia celebratis, totque alijs sacris Doctoribus loqui se cogitaret, qui nostram sententiam exemplis, calamoque tradidère, auderènt illis seditionis notam, publicaeque inquietis attribuerè? Seditiosum ergo Concilium Lugdunenle, seditiosum Viennense? Seditiosi Leo, Gregorius, Zacharias, alijsque tot sancti Pontifices? Et quae tandem est illa Ecclesia Gallicana, quae toties vaneque gloriatur? num illa Pontificibus, Episcopis, Synodisq; & Doctoribus Galliae constat? & si constar, cur nullos pro se Maimburgus producat? si nullis constar, oportet ergo Ecclesiam Gallicanam ideam quandam Platoniam esse, solo nomine insignem, rei que expertem. Quod si mihi pro Ecclesia Gallicana Conventum Parisiensem, & aliquos ex Sorbona Doctores objiciant, continuo illud Coelestini Pontificis (b) reponam: *Definat incessere vetustatem novitas.* Suspecta est mihi Ecclesia Gallicana nova, recensque, & antiquae opposita. Ubi Synodos habetis, quas Viennensi, Lugdunensi, Lateranensi ac Constantiensi aequare possitis? ubi Doctores nostris Bonaventurae, Thomae, Antonino pares? malo cum Bernardo, Fulcone, Gersone, Zacharia sentire, quam cum Maimburgo, & Conventu Parisiensi paucorum Praelatorum, & in quo spes metusque praesedit: Comitum totius Orbis praepono in Gallijs habita, à Gallis culta, & tunc solum à Gallis impugnata, cum plus aulæ, quam Ecclesiae delatum. Sed illud quis non videat? Maimburgum, qui Patres sexti, septimique & octavi seculi à nobis productos, tanquam novos, recensque natos repellit, nunc velle, ut ijs fidem habeamus, qui decimo sexto seculo Parisijs convenère? istos nimirum mille annis recentiores pro antiquis habet, illos pro novis. V. Denique nec tantum exemplis, decretisque Ecclesiae Gallicanae, sed etiam ex Maimburgi principiis veritas Conclusionis nostrae deduci potest. Is enim in historia Iconoclastarum, in libro de Imperij declinatione, & in

(a) Maimb. Tr. de l'Egl. de Rome ch. 26. f. 365.

(b) Coelest. PP. ad Episc. Gall.

& in Tractatu historico de Ecclesia Romana, communi Procerum, statuumq; consensu Imperium Francicum in Pipinum & Hugonem Capetum, Romanum Italicumque in Carolum Magnum translata esse docet, civiumq; Romanorum auctoritate tributa Copronymo Imper. negata, Urbemq; à Græco ad Francos defecisse, (a) idq; in libro de Imperij declinatione *ex singulari DEI providentia Regnum Gallicum protegentis, & Pipinum excitantis evenisse dicit.* Et in libro de Ecclesia Rom. *Quòd populus, Senatusque tributa Copronymo negaverint, imploraverintq; tutelam externi Principis, juri naturalis defensionis adscribit.* Hæc Maimburgi doctrina si vera est, sequitur ergo dari casum, in quo status & Comitia abdicare Regem aliquem possint, quemadmodum Childebertum, Copronymum, Constantinum, & Carolum Lotharingiæ Ducem abdicarunt, Capeto Coronæ admoto; & negari haud potest, hanc esse ex majoribus causis, cum in illis de Regnis, bellisq; agatur, totque alijs damnis, quæ hujusmodi mutationes consequuntur. Si ergo dubitari contingat, an is casus evenierit, adsintq; circumstantiæ, quæ subditos Juramento liberent, ad quem pertinebit hunc casum decidere, qui ex majoribus est, & causam juramenti cognoscere, quæ omnino spiritualis est, nisi ad Summum Pontificem, cui causæ majores reservantur? idq; Ecclesia Gallicana cognovit, quando teste Maimburgo Zachariam consuluit, licerétne ipsis Childeberto Pipinum sufficere? si ergo definiat, licere, imò necessarium esse, poterunt subditi, ac etiam tenebuntur huic sententiæ declaratoriæ deferre. Sive ergo Pontifex juramento subditos solvat, sive declarat solutos esse, perinde idem effectus consequetur, subditis æquè obsequio liberis, quemadmodum cum Pontifex declaravit, matrimonium Henrici IV. cum Margaretha Valefia irritum, cassumq; fuisse, perinde ad novas nuptias libertatem est nactus, coactusq; primas illas abrumperet, ac si Pontifex non irritum tantum declarasset, sed etiam fecisset. Eadem ergo vis Pontifici, seu declaranti, seu statuenti: hanc frustra impugnant, coacti illam cedere. Quid enim interest intrare volenti, si januam unam claudas, alterà patente? In quamcunq; partem ergo se vertant, frustra laborant, seque ipsos implicant, vincente veritate. Et hæc de mente, sententiæq; Ecclesiæ Gallicanæ: restat, ut quæ Maimburgus objicit, solvantur, quanquam jam dudum & millies soluta, argumentis vid. exolevis, marcidisque, & toties à Luthero, Calvino, Illyricoq; [quem Maimburgus à secretis habuit] declamatis.

§. III.

[a] La decad. de l'Emp. l. 1. c. 7. Tr. hist. de l'Egl. de Rome c. 29.

§. III.

Solvuntur, quæ contra Pontificis indirectam in Regna potestatem Maimburgus, alijque objectant.

S U M M A R I A.

1. Indirectam Pontificis in Reges potestatem, nec Gallicanæ Ecclesiæ, nec publico bono adversam esse, exemplis docetur.

2. Nec exemplo Christi adversari.

3. Nec Textibus SS. Scripturæ. Matth. 20. Marci 10. Luca 22. Rom. 13. 1. Petri 2.

4. Falli Maimburgum, asserentem subditos ab Obedientia Principibus debita exsolvi non posse.

5. Eandem potestatem Theologicè ex SS. Litteris deduci.

6. Neque improbari à S. Bernardo.

7. Neque ab alijs SS. Patribus, aut antiquis Pontificibus.

L

**N**on est mihi animus, singula persequi, quæ in ultimo Tractatu de Ecclesia Romana Maimburgus Pontificiæ potestati objectat, tam enim multa, aut extra lineam quæstionis, aut nihil probantia congerit, ut pigeat jam cadentia movere, irritoque labore papiliones istos prosequi, infestos quidem, sed innoxios flori. Illa tantum seligemus, quæ fallere incautos possint colore veritatis.

*Opponit I.* Antiquorum Patrum & Ecclesiæ Gallicanæ auctoritatem; sed quàm id immeritò, nulloque fundamento, jam in priori Paragrapho evidenter ostendimus.

*Opponit II.* Ecclesiam Gallicanam, omnesq; Galliæ Doctores existimasse, sententiam, quæ Pontifici Romano potestatem in Reges concedit, periculi damniq; plenam esse, & publicæ tranquillitati adversam. (a)

Ppp

Resp.

(a) Maimb. de l'Egl. de Rome ch. 26. circa fin.

## 464 Diff. II. §. III. Solvuntur Objectiones contra

*Resp.* Quæ fuerit Ecclesiæ Gallicanæ, Galliarque Doctorum sententia, & quàm malâ fide ejus auctoritatem jactet Maimburgus, jam suprà ostendimus : quòd verò hanc nostram doctrinam *periculi, damniq; plenam dicat, & publicæ quieti adversam* ; id more suo jactat, non probat Maimburgus. Sed nos evidentibus argumentis contrarium ostendimus. I. Certum est, Ecclesiæ Gallicanæ florem Concilij Lugdunensi, Vienne[n]si, Constantien[s]i, & Basileensi adfuisse, & tamen in his ipsi[s] Concilij[s] sententia hæc nostra non probata solùm & admissa est, sed magnis exemplis exercita, ut suprà ostensum : quis ergo non miretur, audere Maimburgum tam insignem, claramque falsitatem Parisijs vendere, Regique offerre, nescias, majori suo, an Principis ludibrio ? & quæ roma in sacrosancta Concilia Maimburgi reverentia, quæ ut Pontifici Romano præferat, in cælos usque alibi extollit, nunc verò cùm eorum Decretis se premi videt, ea docuisse dicit : *Quæ periculi, damniq; plena sint, & publicæ quieti adversentur.* Ergo Concilia jam sunt Sacrosancta, jam seditiosa, utcunq; Maimburgo plaquerit. Nos verò qui sacra & Oecumenica Concilia eodem semper, parique tenore veneramus, nec tam in illis Senatum præcipuâ pietate ac doctrinâ florentem, quàm æternam veritatem Concilij[s] præsentem adoramus, id potiùs dicimus, doctrinam in Concilij[s] expressam, exercitamque, non perniciosam, non seditiosam esse, sed amoris, pacisq; plenam, Religioni, fideiq; conservandæ necessariam, quæque Ecclesiam Gallicanam, & præcipuos illius Doctores decuit. II. Ipse Maimburgus, cùm hanc ipsam potestatem destituendi Reges Comitij[s] & Statibus Generalibus tribuit, tantum abest, ut seditiosam, noxiamque dicat, ut potiùs *ex jure naturali, singularique Dei providentia* fluxisse velit, & eos, qui legitimis Regibus à Senatu substituti fuerunt, non perduelles, non Tyrannos vocat, sed à DEO *singulari bonitate excitatos* : sic loquitur, (a) cùm de Pipino, Carolo Magno, & Hugone Capeto sermonem facit ; non ergo abdicatio Regum, in certis casibus peracta, talis est, qualem Maimburgus describit, hoc est, seditiosa, turbarumque Civilium causa ; alioquin non à DEO, non à natura proveniret, sed potiùs contra naturæ, Deique institutum : imò conservandis Regnis sæpè necessaria, nam & Franciæ Regnum, nisi Pipinus succollasset Childericò suffectus, ruinam minabatur. Quæ tamen ita dicta velim, non ut Maimburgi sententiam pro-

(a) Maimb. la decad. l. 1. f. 7. & Tr. hist. de l'Egl. de Rome c. 29,

problem, hanc potestatem eliminandi Reges in populum, Senatumque conferentis : sed ut problem, vel ex ipso Maimburgi testimonio, potestatem abdicandi Reges, si rite peragatur, & à legitima potestate, nec seditiosam esse, nec publicæ quieti noxiam, imò sæpe proficuum. Quod exemplis jamjam ostendam. III. Franciæ Regnum ignavia Regum eò devenerat, ut Saracenorum incursum, bellisque Civilibus jam ferè concideret, & quod magis gemendum, hæresis Ariana inveni Romam parabat, fuissetque Longobardo ad portas strepente ; sed Pipinus Zachariæ & Stephani jussu Imperio admotus, pristinae majestati Galliam restituit, Longobardos submovit, Græcos cælo terræque infestos, quique in Vicarium Christi toties sicarios armaverant, Italiæ exiit, Romanam Ecclesiam hætenus inopem, solâque Religione nutam, & ideò injuriæ expositam ingentibus Provinciis auxit, fecitque metuendam duplici terrore septam, majestatis & Religionis : ac denique collabentem Religionem ipse sinu excepit, sustentavitque, & quod omnia superat, Carolum Magnum successorem reliquit, quo nullum præstantius Ecclesiæ & Orbi beneficium. Hæc omnia & ingentia utique bona cessassent, nisi Zachariæ Pontificis jussu Pipinus Coronam accepisset, non Saraceni expulsi, non Monarchia vindicata, non Saxones ad veram fidem provecti, Idolis abdicatis, non Græcus domitus, non Longobardus excisus, & Ecclesia Catholica nunquam tot naufragijs erepta. Hæc omnia Zachariæ debemus coronas transferenti Gregorij VII. contra Henricum IV. Imperatorem, & Investituras certamen nemo ignorat ; & is quidem nimis severitatis & inclementiæ à multis notatus est : sed DEUS æquè multis prodigijs ejus innocentiam absolvit, quæ Leo Ostiensis, (a) & Bertholdus Constantiensis enarrant, & eventus ostendit, luctas Gregorij insigniter Ecclesiæ profuisse, dignasque omnino, quæ tam grandi conatu agitantur ; quamvis enim Gregorius in acie ceciderit, nec victoriæ superfuerit, ejus tamen exemplo successores Pontifices, Victor III. Urbanus II. Paschalis II. Gelasius II. & Callixtus II. inhæserunt ; & hic tandem, indicto Romæ Concilio, quingentorum annorum bellum absolvit, libertatem electionibus reddidit, præsertim Pontificijs & Episcopalibus ; & investituras quoad spiritualia sustulit, Henrico in gratiam sinumque recepto, sicque finis impositus tot illis

[a] Leo OA. l. 3. c. 53. Berthold. Constant. in append. ad Herm.



& ingentibus malis, quæ dignitates consequerantur Principum voto, imperioque collatas, & fundamenta jacta altissimæ illius pacis, quæ modò Sacerdotium Imperio conjungit. Et cui tanti operis laus, nisi Gregorio? hoc enim cessante nec bellum cum Principibus, nec victoria fuisset, non Investituræ abolitæ, non libertas electionibus reddita, Pontificum præsertim, ex quo uno quanta in Ecclesiam mala profluerint, quanta rerum omnium confusio, dici haud potest. Bellum ergo Gregorij pax Ecclesiæ fuit. Idem de Gregorio V. dicas, (a) (aut si quis alius Pontifex fuit, nam aliquem ex Pontificibus fuisse testimonio Concilij Viennensis, ipsorumque Electorum constat) qui jus eligendi Imperatorem in Collegium Principum Germaniæ transtulit, à quo tempore illa bella civilia, discordiæque celsarunt Imperio fatales, ob ambitionem Candidatorum, ferro flammæque pro Corona, velut Eridis pomo certantium. Evolve historiam profanam ad Ludovicum usque Imperatorem, & Caroli M. filium, invenies, Imperium gravissimis bellis conflictatum, ac ferè deletum esse ob studia ambientium Coronam. Ludovicum ipsum Pipinus, Lotharius & Ludovicus filij, quòd Carolo Judithæ filio favere videretur, bello appetunt, ac throno movent, (b) & Lotharium Imperatorem dicunt: nec aliàs funestius bellum Patre, filijsque pro Imperio decernentibus. Ludovico Lotharius successit, (c) exarsitque inter fratres bellum Civile imperandi cupidine, nec priùs cessatum, quàm collatis signis concurrerent, gemente Franciâ, & civili discordiâ propè confectâ. Idem Carolo Calvo infortunium, (d) nunc cum Lothario fratre, nunc cum Ludovico nepote, armis implicito, jam victore, jam victo. Carolus Crassus Imperio à suis exutus, (e) & Arnulphus suffectus, quo tempore multi simul Tyranni Coronam invaserant, videlicet, Berengarius, Wido, Odo Parisiensis, & Rodolphus Conradi filius: adeoque omnium animos bellandi cupido invaserat, ut etiam Episcopi & Abbates armati in acie viserentur, primumque est cogitare, quæ tum facies & perturbatio Occidentis fuerit, tot bellis, cædibus ac discordijs agitati; duravitque ad Ottones usque. Quæ sub Henricis & Fridericis, & quàm multa infaustè contigerint, notiora sunt, quàm memorari debeant; quæ omnia aut omninò, aut majori ex parte sublata sunt translato ad Principes Septemviros, auctoritate

(a) V. Reg. Sacerd. f. 217. Edit. Anno 1693. (b) Anno 833. (c) Anno 842.  
(d) Anno 858. (e) Anno 888.

ritate Romani Pontificis, Jure eligendi. Patet ergo, hanc potestatem, quam Pontifici in Imperia tribuimus, non discordiæ, non seditioni, sed paci servire. Quod si aliquando contrarium evenit, non potestatis, non Pontificis culpa, sed eorum fuit, qui remedia obstinatè respuebant, peracerba illa quidem, sed tamen salubria pertinacibus morbis; quàm multi sub medentis manu ferroque labuntur? an ideò artem potius, quàm morbum accuses? Sed nunquam magis, ut in Henrici Magni conversione hujus Pontificiæ potestatis necessitas juxtà & utilitas apparuit. Mortuo Francisco Duce Alenfonio Henrici III. fratre, Regisque sterili matrimonio, proximus Regij sanguinis sequebatur Henricus Borbonius, Navarrae Rex, sed Calvino addictus; hunc & fratrem ejus Principem Condæum Sixtus V. Pontifex Maximus inhabiles Regno declarat, excluditque. Henrico Rege per sicarium & insidias cæso pleræque Galliæ Civitates ab Henrico Borbonio, quem ob hæresin averfabantur, abstractæ, fœdus cum externis Principibus istum, diræ à Gregorio XIV. repetitæ, immisitque exercitus, effusique thesauri, quos Sixtus considerat, ne hæresis cum Borbonio Principe thronum conscenderet; & hic quidem virtute ac fortitudine militari, & plerunque victor, diu torrentem sustinuit. Sed cùm Clemens VIII. potestatem Regem eligendi fœderatis dedisset, & isti Comitæ Lutetiæ agerent, multiq; Europæ Principum hunc Galliæ florem rapturi viderentur, prævenit Henricus, seque Catholicum, cùm potiri aliàs Regno haud posset, palàm professus est; quod ubi constitit, tota in eum Gallia confluit, exterique pulsi, & Regnum pace compositum. Henricum ergo, ut Catholicus esset, Pontifices evicere; si enim thronum conscendisset hæresi imbutus, quis dubiter, majorem Galliæ partem exemplo Regis corruptam fore? Filij verò, nepotesque ex Henrico nati, Ludovici videlicet, XIII. & XIV. eandem pestem Throno intulissent; quis enim credat, aliam eos Religionem, quàm Patris, Avique, & in qua nati, educatique essent, amplexuros? Perpetuum ergo hoc malum Galliæ fuisset, & Religioni fatale, plerisque, ut fieri amat, aut metu, aut adulatione Regem imitantibus. Quòd ergo Henricus Magnus hæresi exemptus, quòd Gallia hâc peste intacta, quòd Ludovicum regnantem non Catholicum tantum, sed ardore veræ avitæque Religionis Constantino ac Theodosio parem habeamus, hæresi toto Regno ejectâ, devictaque; Vobis post Deum, Romani Pontifices Sixte, Gregori, Cle-

## 468 Diff. II. §. III. Solvuntur Objectiones contra

mens, vestraeque potestati debemus, quā opportunē usi percussistis, secuisistis, ac tandem sanastis. Ingemuit quidem Gallia, altumque indoluit, recenti adhuc plagā, & multum sanguinis micante; nunc sana vigensque ferrum illud, manumque curatricem amplectitur, alioquin, si medicus parceret, peritura; nunc valet, quia secta. At, inquires, infinitae calamitates Regna & Imperium affluxere, cum Reges à Pontificibus Romanis abdicabantur, ut in Henricis, Fridericis, & Angliæ Regibus observatum est: satius ergo esset, hac potestate aut carere, aut non uti Pontifices.

Resp. Nulla est in rebus humanis aut ars, aut status, aut conditio tam perfecta & absoluta, quæ non multis magnisque incommodis miscetur, & ob quæ si tollenda illa essent, tolli omnes artes, potestates, ac statuum conditiones oporteret, idque omnibus his incommodis multo pejus foret. Ex Regia potestate quot injuriæ, ex arte navigandi quot naufragia, ex scientia militari quot cædes, artesque nocendi? ex matrimonijs quot adulteria, litesque domesticæ, & patris Reipublicæ noxij? an idēd Regia potestas, matrimonia, artesque abolendæ? at multo id pejus, ac pluribus obnoxium malis, sublatis videlicet humanis commercijs, datæque injurijs, vagisque amoribus licentiâ. Idem dicas de potestate Reges abdicandi: fateor bella, discordias comitari; at quanto pejora, si eos hæresin profiteri, matrimonia solvere, Ecclesiæ depilare ferres, idque impunē, nulloque freno & exemplo, quod pro Imperio esse solet in subditos manante? quanta rerum omnium, morumque corruptio sequeretur? Deinde videndum est, an ea incommoda, quæ nobis adversarij obsecant, ex usu Pontificiæ potestatis, an verò ex eorum vicio proveniant, qui emendari nolunt, provocantque extrema remedia: dolorem enim irrogati supplicij cujus culpæ adscribes, reo, an Judici? flagitio, an legi? Henricus Bolænam amat, fastiditque Uxorem, & thalamo ejicit, ducitque amicam publicam publico ritu. Europa tam turpi exemplo attonita, hæretque cui prius lachrymas spargat, triumphanti unius libidini, an alterius oppressæ innocentiae. Pontifex Romanus rogat, minatur, terretque, & longas inducias pœnitentiæ donat, ac tandem obstinatum, & ludibria flagitijs jungentem sacris interdicit: hic amore & iracundiâ flagrans Romæ bellum denuntiat, seque jugo subducit. O incantum, inquiunt, Pontificem, qui Angliam perdidit intempestivâ severitate! Sed cur non potius exclamant: O inconsultum Regem, quæ animam, Regnūque posthabuit infano amori! nulla enim

omnino necessitas fuit adulterio foedari, sed maxima adulterium punire: hoc Pontifex fecit, illud Henricus. Cur ergo malis defectionis culpam illi adscribere, qui scelus iuste & necessitate punivit, quam illi, qui impiè & voluntate commisit? alioquin omne flagitium impune fuerit, si sufficiat metu defectionis terrere puniturum. Et ideo tanquam plena constantiæ & libertatis celebratur apud Joannem Saresberiensem illa Alexandri III. vox, quando Regijs Legatis minantibus, nisi Thomam Archiepiscopum abdicaret, Regem ad Mahometis Religionem defecturum, intrepidè respondit: (a) *Potest Rex eligere viam pravam, ego tamen non recedam à via recta.* Et illa Divi Thomæ Archi-Episcopi & Martyris Cantuariensis, cum scriberet ad Ecclesiæ Romanæ Cardinales: (b) *Non simulatione, non ingenio regenda est Ecclesia, sed iustitia & veritate, quæ se observantem liberat ab omni periculo.* Non negaverim tamen, huiusmodi interdicta, censuras, & præsertim Regnorum mutationes parcissimè adhibendas, nec alijs morbis, quàm desperatis, nam nec membra truncamus, nisi medicinis absumptis; quod etiam eleganter Concilium Tridentinum (c) præmonuit: videlicet, *Excommunicationis gladium sobriè, magnæque circumspeditione exercendum, cum experientia doceat, si temerè aut levibus ex causis incutiat, magis contemni, quàm formidari, & perniciem potius asserre, quàm salutem.* Cujus exemplum illustre apud eundem D. Thomam Cantuariensem, qui Regem Angliæ excommunicatione percussurus Sueffionem ad D. Virginem peregrè profectus est, triduumque inter preces insumpsit, ut videl. vibrando sacro fulmini Deum haberet directorem, (d) nève aliquid humani affectûs, aut vindictæ tam sacro operi misceretur.

II. *Opponitur III.* (e) *Christus, inquit Maimburgus, non Herodem Regno, non Pilatum Prætorio expulit, quamvis impius, iniustusque, imò utrique ac præsertim Cæsari se subjecit, iussitque pro se suoque Vicario tributum persolveri, aperteque professus est, Regnum suum non esse de hoc mundo.* Quo ergo jure Romanus Pontifex faciet, quæ Christus non fecit; sibi que potestatem sumet, quam Christus non sumpsit? *Nec enim discipulus est supra Magistrum, nec servus major Domino suo.* Et si Christus non Cæsarem, non Herodem Regno interdixit, cur Pon-

(a) Joan. Saresb. ep. 66. inter epist. S. Th. Cant. (b) Inter epist. S. Th. epist. 46. (c) Concil. Trid. de Reform. Sess. 25. c. 3. (d) Joan. Saresb. ep. 149. (e) Maimb. Tr. hist. de l'Egl. de Rome ch. 27. f. 367.

## 470 Diff. II. §. III. Solvuntur Objectiones contra

Pontifex Fridericos & Henricos interdicet ? an isti Tiberio & Herode peiores ? aut major Pontifici, quàm Christo in Reges auctoritas ?

*Resp.* Hoc argumentum aded infirmum est, ut multis modis impugnari possit ; nam I. si exemplo Christi Domini agendum sit, dubitari vix potest, utramque illi dignitatem collatam esse, Sacerdotalem videlicet & Regiam, id enim Angelicus Doctor (a) expressè docet, & saltem id verum est quoad illa, quæ gubernandæ Ecclesiæ, & redemptioni consummandæ necessaria erant, nam ut idem S. Doctor scribit: *Cui committitur principale, committitur & accessorium; omnes verò res humane ordinantur in finem beatitudinis, quæ est salus æterna.* Et hæc ipsa videtur expressa sacrae Scripturæ sententia, nam Matth. ult. *Data est mihi, inquit Christus, omnis potestas in cælo & in terra;* & Paulus ad Hebr. *Quem constituit hæredem universorum.* Et Apocal. 1. *Princeps Regum terræ;* & Apocal. 6. *Rex Regum & Dominus Dominantium.* Et radix hujus Regiæ potestatis videtur fuisse unio hypostatica; communicatæ enim naturæ humanæ formâ Deitatis, communicatæ sunt etiam omnes divinæ proprietates, quarum capax erat natura humana. Quis verò neget, capacem fuisse Imperatoriæ & Regiæ dignitatis? quemadmodum formâ ignis ferro communicatâ omnes juxta ignis proprietates communicatas videmus, aded ut non ignis solùm, sed etiam ferrum luceat, rubescat, caleatque ut ignis; quòd si unio ignis ad ferrum, quæ merè accidentalis est, transiensque, omnes ignis proprietates ferro communes facit, quantò magis unio hypostatica, quæ substantialis est, ac æterna, omnes proprietates naturæ Divinæ, & consequenter etiam Regiam in res temporales potestatem humanitati impresserit? Et hæc ipsa potestate Christus, quantumvis formam servi præferret, aliquoties usus est, solvendo videl. leges Civiles, & de rebus temporalibus aliorum disponendo; nam adulterij ream, compertamq; absolvit, & pœnâ legibus præscriptâ exemit. Ficulneam nullâ Domini licentiâ aridam fecit, inutilemque, greges porcorum invitis & gementibus Dominis Dæmonio immisso aquis præfocavit. Quâ rogo hæc potestate, nisi Regiâ, absolutâque, nullisque legibus obstrictâ? Quæ tamen Regia potestas cum immediatè à Deo esset, & vi unionis hypostaticæ, optimè dixit Christus: *Regnum suum non esse ex hoc mundo, non negat, Regnum suum esse in hoc mundo, erat enim: sed, esse ex hoc mundo; quippe*

nullo

(a) S. Thoma. I. I. de Regim. Princ. c. 12. & seq. & p. 3. q. 59. a. 4.

## Pontificis indirectam in Regna potestatem. 471

nullo Jure aut titulo humano partum, quo modo hujus mundi Regnâ quærentur, hoc est, non electione, non successione, non vi armorum, nec donatione paratum, sed immediatè à DEO, & vi unionis hypostaticæ. Negari ergo haud potest, Christum potestate in Reges præditum fuisse. Quæro jam ex Maimburgo, an Christi exemplo Pontificiam Potestatem metiri velit, aut non velit? Si non vult, cur ergo impugnandæ huic potestati Christi exemplum producit, quo eam impugnare, aut non vult, aut non potest? si vult, ergo sequitur exemplo Christi etiam Pontificem Romanum imperare Regibus posse, habuit enim Christus hanc potestatem, ergo etiam, si exemplo Christi uti velis, Pontifex Romanus. *At Christus nunquam Reges deposuit.*

*Resp.* Non hic de usu, sed potestate quæri, hanc verò Christum habuisse negari haud potest, & si habuit, ergo uti etiam potuit. *Cur verò usus non est?* Quia passurus, quia moriturus venerat, nec vindictæ, aut potentiæ, sed humilitatis & patientiæ exempla daturus; si enim Herodem & Pilatum Regno ac Præfecturâ pelleret, quando pateretur? quando moreretur? quando genus humanum redimeret? & quis ab illo pati injurias disceret, hostesque amplecti, si in hostes vindicaret? Nec propterea caruit potestate, quia illâ uti noluit: quis enim negat, multis eum scientijs & artibus præditum, quas nunquam exercuit? Militari videl: Astrologicâ, Medicâque. Nam & nostri Reges multa possunt, quæ nunquam exercent, indigna videlicet tanto fastigio, aut saltem incommoda. Cur ergo Summi Pontifices exemplo Christi non etiam hâc potestate abstinere, quamvis eam habeant? quia Christus Ecclesiam voluit non armis, non vi, non sapientiâ humanâ, sed humilitate, patientiâ & miraculis institui, ne illa opus humanum, sed cœleste tantum crederetur. At verò semel institutam, humanis medijs ac industriâ propagari; nam & corpus humanum solus ipse, ac è terra produxit, productum tamen nec solus, nec è terra multiplicat, sed alijs ac naturalibus modis. Et quis agricolam aut vitinorem non rideret, qui segetem viresque non culturâ, non aratâ terrâ, nec sparsis seminibus, aut palmitè palis adstricto speraret, quia Deus ex nihilo produxit? non ergo sequitur eodem modo, quo plantata est, conservari Ecclesiam debere, & ea quæ à Christo, etiam à Pontifice omitti debere. Alioquin nec mitras Episcopis, nec sericum, nec annulum, nec equos, rhedasque permitteas, quia Christus nihil istorum usurpavit.

Ergo quid Pontifici aut Episcopis liceat, non ex ijs sumendum est, quæ Christus omisit, sed quæ praxis ususque Ecclesiæ obtinuit; præsertim causis, statuque rerum mutatis: alioquin si exemplo Christi nec adulteria punias, nec calumnias refellas, nec contra injurias militem scribas, nec latrones castiges, sed potius præmijs dones, quæ facies Ecclesiæ & Reipublicæ fuerit? nullum ergo argumentum deduci potest ex ijs, quæ Christus omisit. Unde patet, Maimburgi argumentationem multis & grandibus vitijs laborare. Promiserat is initio capitis vigesimi septimi: *Se non multis, nec subtilibus argumentis usurum, sed contra omnem disputationem ea tantum producturum, quæ magni instar splendoris se ipsa ostentent, & modo oculos habeas, cerni ab omnibus possint.* Quis non expectaret post tam magnificè promissâ insignem aliquam, invictamque Demonstrationem? & tamen ex suppositis non tantum non certis, aut saltem dubijs, sed evidenter falsis procedit. Supponit enim, Christum ut hominem nec potestatem in temporalibus Regiam habuisse, nec eâ usum; cum tamen non testimonio tantum Angelici Doctoris, sed omnium ferè Theologorum contrarium constet, saltem si de potestate indirecta loquamur, quatenus illa gubernandæ Ecclesiæ serviebat, eamque aliquoties exercuit, raro tamen, quia videlicet non ideò in mundum venerat, ut exempla regnandi, imperandi; daret (id enim sponte sua natura facit, nec exemplis urgenda est) sed potius obsequendi, ferendique adversa. Deinde adducto Christi exemplo Pontificem omni in Reges potestate Maimburgus privat: at si exemplo Christi utamur, contrarium omnino sequitur; hanc enim potestatem Christus habuit, ergo & Papa, si istum ex Maimburgi sententia metiri velis. Supponit denique, omnia, quæ Christus fecit, omisitque Redemptionis peragendæ, & Ecclesiæ constituendæ causâ, fieri quoque, omittique à Pontificibus debere, etiam peractâ redemptione, Ecclesiâque institutâ; quod perinde est, ac si dicas, constructo jam, absolutoque ædificiò Patremfamilias, qui ædes inhabitat, iisdem instrumentis, operis, fabrisque indigere, quibus Architectus, dum ædes construeret. En egregiam Maimburgi demonstrationem, ferro & adamante contextam, si promissâ spectes; si facta, vitream, fragilemque, & vix dignam relatu. II. Multò minus aliquid probat, quod adjungit; videl: *Fuisse Christum pro se & Petro tributum solvi; Petrum ergo subiectum Cæsari voluit: si subiectus, quis ergo Cæsari imperabit? qui Regno deponet?*

Resp.

## Pontificis indirectam in Regna potestatem. 473

*Resp.* Christus non ex debito, sed spontanea voluntate tributum solvit, ut aperte ex illis verbis constar: (a) *Quid tibi videtur Simon? Reges terræ à quibus accipiunt tributum, vel censum? à filiis suis, an ab alienis? & ille dixit, ab alienis. Dixit illi Iesus, ergo liberi sunt filij: ut autem non scandalizemus eos, da eis pro me & te, &c.* Non ergo Christus & Petrus tenebantur tributum solvere (sicut nec filij & familia Regum) liberi ergo erant; quæ verò est mirabilis hæc consequentia Maimburgi: *Christus & Petrus liberi à tributo erant; ergo subjaciebantur Cæsari? cum potius contrarium deduci oporteret, videl: Ergo non subjaciebantur Cæsari.* Sed Maimburgus nec Religioni habuit, sententiam Evangelij truncare, & ea verba lubricere, quæ rem totam declarabant, nec consequens inferre præmissis contrarium, perinde ac si diceret: *Sol lucet, ergo nox est.* Quòd si concedamus, etiam Pontifices Romanos subiectos Cæsari fuisse, quoad ea, quæ res temporales, civilesque spectant, non idèò sequitur, non posse in certis circumstantijs, & quando agitur de Ecclesia conservanda, Cæsares, Regesque deponere: nunquid enim Galli, Romanique, qui Pipinum & Hugonem, ac Carolum Magnum Imperio donârunt, legitimis Regibus subjacebant? & istis tamen ex sententia Maimburgi Regna abrogârunt. Deinde cum Pontifex Romanus declarat, subditos Principi hæretico, aut Ecclesiam persequentem juramento non ampliùs obstringi, cessat ea subiectio, & consequenter obligatio obsequendi. Sed & jus naturale defendendi Religionem, & tot animas perituras, multò est antiquius, fortiusque jure subjectionis erga Principes Seculares; cessat ergo subiectio periclitante Religione. Ac denique potestas indirecta Pontificis Rom. in Principes, Regesque temporales, est verè Spiritualis & Ecclesiastica, quippe gubernandæ Ecclesiæ, servandæque Religioni data, & Pontificio Characteri innexa; non ergo quoad hujus exercitium Imperatori Pontifex subiectus dici potest. Quemadmodum bona Ecclesiasticorum, quantumvis temporaria, quia tamen Ecclesiæ serviunt, nec quoad Dominium, nec quoad usum Principibus secularibus subiecta esse possunt. Nihil ergo probat Maimburgi argumentum.

III. *Opponitur IV.* Christus apud Matthæum (b) prohibet Apostolos omni dominatione illis verbis: *Scitis, quia Principes gentium*  
Q 99 2 dominan-

(a) Matth. c. 27. v. 25. (b) Matthæi c. 20. Marci 10. Lucæ 22. Maimb. cit. c. 27: f. 367.



## 474 Diss. II. §. III. Solvuntur Objectiones contra

*dominantur eorum, & qui majores sunt, potestatem exercent inter eos; vos autem non sic.*

*Resp.* Hunc quoque Scripturæ locum Catholicis objiciunt Calvinistæ, ex quorum libris omnia ferè argumenta sua exscripsit Maimburgus, labori ut credo parcens, aut meliorum inopiâ. Contendebant Apostoli, quis in eorum Collegio Primatum obtineret? dabarque anîam importunæ æmulationi duorum Piscatorum supplicatio, primas Sedes in Regno Christi expetentium, matre interpellante. Christus, ut primas scintillas extinguat gliscentis ambitionis, monet illos officij ac professionis Apostolicæ, nec enim Regnum suum alijs Regnis simile esse, nec apparatu niti, pompæque seculari, nec Apostolos, eorumque Successores ad dominandum, imperandumque & regendam Rempublicam vocari, sed ad pascendas animas, prædicandum Evangelium, corrigenda hominum flagitia, evertendam Idololatriam, exercendasque omne genus virtutes, humilitatis præsertim & contemptus caducarum voluptatum. Quæ omnia verissima sunt, & nos quoque, has esse præcipuas partes Romani Pontificis, constanter asserimus. Si verò Principes in hæresin labantur, & Religioni & animabus ingentem ac inevitabilem perniciem moliantur, non prohibet Christus, eos à Romanis Pontificibus coerceri, & gladium velut furentibus eripi; id enim cum ex Jure naturalis defensionis, ac officio Pastoralis consequatur, noluit hic Christus exprimere, cum potius comprimenda esset Apostolorum ambitio, quàm novis facibus accendenda. Nulla est ergo hæc consequentia: *Status & dignitas Pontificia ac Apostolica ad gubernandam Ecclesiam, non verò ad dominatum terrestris Reipublicæ ordinatur.* Ergo nunquam potest Regibus Ecclesiam persequentibus potestatem Regiam adimere, aut Subditos juramento solvere; imò contrarium potius inferri debuit: cum enim causa & cognitio Juramenti, quibus videl: casibus obliget, aut non obliget, sit spiritualis, & temporalis potestas subordinetur potestati spirituali, tanquam medium fini, sitque, spectatâ conditione humanâ, maxima connexio rerum spiritualium cum temporalibus, ac gubernandæ Ecclesiæ sit omninò necessarium Ecclesiæ hostes coercere [quemadmodum eadem est ars militaris, quæ cives munit, repellitque hostes] sequitur, ut concessâ supremâ potestate Spirituali Ecclesiam gubernandi, concedi etiam debuere potestas Regibus imperandi, eosque, si necessitas & periculum Religionis urgeat, exauctorandi, non quidem absoluta & or-

& ordinaria, sed subsidaria & eventualis, atque, ut dixi, ad casum puræ necessitatis restricta, idque juxta naturalia illa & communia prudentiæ axiomata, atque toties à Sacris Theologis, Jurisque-Consultis reperita, vid. [a] *Cuiusque committitur principale, committitur & accessorium*; & *Concessa alicui Jurisdictione conceduntur omnia, quæ ad illam necessaria sunt, & sine quibus exerceri illa efficaciter non potest.*

Opponitur V. Jubent sacræ Scripturæ, ad Romanos 13. [b] *Ut omnis anima* (& consequenter etiam Pontifex Romanus) *sublimioribus potestatibus subiecta sit.* Et apud Matthæum: [c] *Ut reddantur quæ sunt Cæsaris Cæsari, & quæ sunt DEI DEO: ut obediamus Regibus etiam dyscolis,* idque, non solum propter iram, [d] *sed etiam propter conscientiam.* Acceditque [e] exemplum Ecclesiæ primitivæ, quando vid. flagrante persecutione, & Christianis omni genere tormentorum, vi dolisque ad cultum Idolorum adactis, nemo tamen contra legitimos Principes arma sumpsit, nemo cum illis de Imperio contendit, seque juramento solum credidit. Næque id metu tribuas, aut paucitati Christianorum, aut quod Principe Catholico carerent, quem sequerentur, quique Imperij Principibus bellum inferret. Nam qui poterant illi aut paucitate, aut metu cohiberi, qui non morti tantum, sed etiam pœnis morte acerbioribus tantâ alacritate se offerebant? illi bellum refugerent pro Religione, qui gladios, ignesve velut delicias amplexabantur? Audi Tertulianum: [f] *Si hostes exertos, non tantum vindices occultos agere vellemus, deesset nobis vis numerorum & copiarum? vestra omnia implevimus, Urbes, Insulas, castella, castra ipsa, sola vobis reliquimus templa, cui bello non idonei, non prompti fuissimus, & non impares copijs, qui tam libenter trucidamur? Eodem modo sæviente hæresi Arrianâ, & Neronum ac Deciorum crudelitatem æquante, & quando rerum in Occidente Catholici potiebantur, sub Imperatoribus Constantio & Valentiniano æquè Catholicis, deerant illis arma, vires Ducesque copiarum, quas Valenti & Constantio opponerent? & tamen quando nec causa, nec vires, Ducesque Catholicis aberant, & tempus vindicandæ Religionis: quis de Imperatoribus deijciendis, solvendisque subditis juramento cogitavit? non ergo Pontifices Romani id sibi licere credebant; nam si crederent licere,*

Q99 3

cur

(a) S. Thom. 3. p. q. 59. a. 4. & L. fin. ff. de off. ejus, cui mand. juris. & l. 2. de juris. omn. Jud & c. præterea de off. Jud. deleg. V. Reg. Sacerd. à fol. 281. Edit. Anno 1693. (b) Rom. 13. (c) Matth. 22. (d) Et L. Petri 2. (e) Maimb. cit. c. 27. f. 369. (f) Tertul. in apolog. c. 87.

## 476 Diff. II. §. III. Solvuntur Objectiones contra

eur non eodem modo illi Decios, Nerones, Constantios, Valentesque, quo nuper Pontifices Fridericos, Henricosque persequerentur? aderat enim par, imò æquior causa protegendæ Religionis, nec vires minores.

*Resp.* Sententias S. Scripturæ quod attinet, generales illæ sunt, nec se ad casum adeò specialem & extraordinarium, de quo nos loquimur, extendunt. Quòd enim Principibus obediendum sit, omnique cultu ac reverentiâ, quamvis dyscoli impijque, prosequendi, nemo dubitat, nemo negat; imò ipsi Summi Pontifices, cum adhuc quoad temporalia Imperatoribus subderentur, summâ illos reverentiâ observabant, adeò ut Stephanus II. in Epistola (a) ad Pipinum, *se ejus vestigijs advolvi*; Gregorius (b) verò Magnus in Epistola ad Mauritium; *se vermem, pulverem, cineremque* profiterentur; non hîc satis reverentiæ & obsequio datum? Cœterum, ut etiam suprâ notavimus, generales illæ locutiones nihil casui derogant, de quo nos loquimur. Quemadmodum enim generalia illa præcepta: *Ego autem dico Vobis, omninò non jurare: non occides: non furtum facies*, non extenduntur ad casus necessitatis, & naturalis defensionis, ita neq; ad casum, de quo agimus; quæ enim major necessitas, aut quæ iustior defensio, quàm animarum, quàm fidei & Religionis? *Cur ergo non etiam antiqui Pontifices hâc potestate usi sunt?*

*Resp.* Nullum esse argumentum à negativis, multa enim olim facta non sunt, idque ex certis causis, quæ tamen fieri alioquin potuissent. Nec Decius, nec Diocletianus, nec Titus, nec alij retrò Imperatores Constantinopoli Regiam fixerant, num ideo nec Constantinus id posuit? Sic olim Episcopi & Pontifices in commune vivebant, nec distinctis suisque Patrimonijs instructi erant, nec etiam à solo Clero, multoq; minùs à solis Canonicijs eligebantur; num ergo aliter vivere, eligique non poterant? Fateri ergo oportet, multa olim, quæ fieri poterant, facta non esse. Eodem modo, quòd olim Constantios, Valentes, aliosq; impios persecutores Pontifices tulerint, nec eos diris percussissent, (quod utique poterant, neque Maimburgus negabit) multoque minùs Imperijs exuerint, dubium non est, ob magnas, gravesque causas fecisse, præsertim peiorum metu, & exili, quod temporalia spectat, Pontificum majestatem, quodque nulla spes alluceret imperata exequendi; nam & immensa tunc erat Imperatorum potestas, aut roto, aut mediâ Orbis parte dominantium, promptisque exercitibus, militiæ

ac

(a) Steph. II. epist. 4. ad Pipin. (b) Greg. M. epist. 62. ad Mauric.

## Pontificis indirectam in Regna potestatem. 477

ac pugnae paratis ; ergo tunc temporis aut non decuit , aut non oportuit , aut non expedijt , multoque tutius ferre & expectare , quàm hostes & fortiores excire inutili ac noxiâ vindictâ. Alioquin si hoc exemplum antiquitatis aliquid urgeat , quo jure ex sententia Maimburgi Franci Pipino & Capeto , Romani Carolo Imperium detulere , ipsique acceptarunt ? si nefas hoc fuit , nunquam pejus , quàm in Gallia & à Gallis peccatum. Sed & illud huc facit , quòd non olim tantum , sed hoc etiam tempore , quando Summi Pontifices hanc sibi in Reges & Imperia potestatem convenire putant , multos tamen hæreticos Principes tolerant , nullisque eos pœnis nec sacris , nec profanis insectantur , nec subditos Juramento absolvunt , idque aut metu pejorum , aut quia credunt se frustra conaturos , quamvis multi , potentesque Catholici Principes non desint , quorum armis uti possent ; nec propterea sequitur , arbitrari modernos Pontifices , se hâc potestate uti non posse ; ita non sequitur , & antiquos Pontifices id arbitratos esse , qui ob similes causas censuris , pœnisque abstinabant , non quòd causæ aut potestas , sed quòd tempus abesset , nam navigatio non omni vento opportuna.

IV. *Opponitur VI.* Obedientia , (a) quam subditi Principibus debent , juris divini est , & à DEO imperata , non ergo dispensare , eamque solvere Pontifices possunt , ut sæpe in sacris Canonibus definitum est , docentque illis verbis sacræ Scripturæ : *Quod Deus conjunxit , homo non separet.* Alioquin auctoritate Pontificum etiam matrimonia laxari possent.

*Resp.* Observabit lector , promississe Maimburgum , se argumentationibus non usurum , & consultò quidem , nihil enim eo infelicius , cum argumentari incipit ; cum historiam texit , evolvisque præterita & olim facta , fallit quidem , sed observari nisi ab eruditis non potest , & quibus libri & otium est percurrendi antiqua. Cum verò philosophari incipit , rationesque deponere ex suo contextas , adeò aberrat , ut nemo non notet , videaturque , aut indoleat tam malè in metam collimanti , appareatque , majorem illum eloquentiæ operam , quàm Theologiæ dedisse. Si obedientia Regibus debita juris divini est , quod solvi à nullo & nunquam potest ,

(a) Maimb. cit. cap. 17. fol. 372. (b) c. sunt quidam 25. q. 1. c. litteras de restitut. Spoliat. c. super eo 4. de usur. 5. Thom. 2. 2. q. 97. a. 4. ad 3. & quodl. 4. q. 8. a. 3. vide Reg. Sacerd. f. 735. Edit. Anno 1693.

478<sup>r</sup> Diss. II. §. III. Solvuntur Objectiones contra

potest, quis ergo Francos, Romanosque juramento exsolvir, quod Childerico, quod Constantino dixerant? idque vidente, approbante, imò acceptante Galliâ? Quis in juramentis, quis in votis dispensat, quorum obligatio juris utique naturalis est, divinique? Sed & principum Maimburgus petit, supponit enim, quod probandum erat, videl. præcepta divina, præsertim positiva pro omni casu obligare, cum contrarium constet, etiam in præceptis negativis; præceptum enim *non occidendi* in certis casibus & circumstantiis non obligat, præsertim in casu defensionis; ita nec præceptum *Principibus obediendi*, quando necessitas defendendæ Religionis, quæ multo fortior & antiquior est, urget. Declaratio verò, an ea necessitas urgeat, adsintque circumstantiæ, ob quas juramenti obligatio cesset, est una ex majoribus causis, & ideò Pontifici reservata, nec privatorum judicio permissa, alioquin nemo non causas fingeret, legitimos Magistratus respuendi, essentque omnia latrocinia ac factionibus plena. Sed quoniam Adversarii, ac præsertim Maimburgus, & Alexander Natalis nihil frequentius repetunt, quàm Regiam Dignitatem, ac Subditorum obedientiam Principibus debitam juris Divini, ac propterea inviolabilem esse, nec posse à Pontifice Romano solvi; diligentius hoc argumentum à nobis explicandum est, cum in hoc arcem collocare Adversarii & spem suam videantur.

Primò igitur sciendum est, Jus Divinum non posse quidem humanâ auctoritate solvi, aut immutari, posse autem auctoritate Divinâ, & à Deo specialiter delegatâ; quemadmodum licet nemo subditorum dispensare possit auctoritate propriâ in Lege Imperatoris, summiq; Principis; potest tamen auctoritate à Principe delegatâ, id enim pertinet ad suavem Reipublicæ Gubernationem, maxime cum Princeps adiri non potest: & sic videmus Pontificem dispensare in votis, juramentis, ac etiam Matrimonio rato, quorum obligatio est juris Divini; nec ulla in Sacris Litteris specialis Delegatio, aut Commissio legitur Pontifici facta, præter illam amplissimam, & generalem: *quodcunque solveris: pascere oves meas &c.* Eodem igitur modo cum Pontifex in speciali aliquo, raroque casu, & Religione periclitante subditos à Principum potestate, & Imperio solvit, non id facit humana, sed Divina, & à Christo delegata potestate, ut expressè docet S. Thomas 2. 2. q. 10. a. 10. in Corpore: atq; ut in alijs, ita & in hoc casu nunquam Ecclesia speciale mandatum exigit; neque obstat illam sententiam: *quodcunque solveris &c.*

aliter

## Pontificis indirectam in Regna potestatem. 479

aliter intelligi explicarique ab Adversarijs nostris, neq; ad hunc casum extendi : vera enim Scripturæ interpretatio, non ex istorum sensu, & interpretatione pender, sed ex Christi, Apostolorum, Conciliorum, Patrumque praxi, & sententia ; isti verò omnes, ut alibi ostendimus, & verbo, & exemplo docuere potestatem spiritualem Pontificibus datam, etiam ad regum, ac Dignitatum temporalium curam, & administrationem extendi, quoties id Religioni expedit.

*Secundò* jam supra notavi, Præcepta Juris Divini positiva, & Universalia non semper & in omni casu particulari obligare : quamvis enim hoc præceptum : *non occides*, sit Juris Divini ; non tamen hoc jus Divinum prohibet, ut non possis auctoritate Magistratûs, aut titulo justæ Defensionis, & belli aliquem vitâ privare ; ac eadem est ratio casus, de quo agimus : idq; ipsi Adversarij fateri debent, si enim præceptum obediendi Principibus nullam exceptionem admittit, ergo nec à Senatu, Populoque Romano, nec à Comitij Gallicæ Nationis in Pipinum, in Carolum Magnum, in Hugonem Capetum transferri Regna potuere, dejectis legitimis alioquin Principibus, & Imperio exuris : & tamen id jure factum esse, Maimburgus, Natalis, alijque Galli contendunt ; an verò dispensare in Jure Divino Senatus potest, & non potest Pontifex Romanus ? & verò ut in politicis Principi, ita in Spiritualibus Episcopo obedire tenemur ? & tamen quàm multis ex causis exauctorari Episcopi possunt ? Negari ergo haud potest, Jus Divinum, quo Principibus seu Ecclesiasticis, seu Politicis obedire jubemur, multas exceptiones admittere.

*Tertio* denique Jus Divinum aut latissimè sumitur, & sic omnes leges humanas complectitur, nam semel humanâ lege sancitâ, jubet Deus eam observari, quo sensu dicit scriptura : *Per me Reges regnant, & Legum Conditores justa decernunt : & Non est potestas nisi à Deo, & qui potestati resistit, Dei Ordinationi resistit.* Alio modo jus Divinum strictè sumitur pro lege immediate à Deo posita : hoc jus Divinum mutari non potest, primum potest, ac quotidie mutatur : & ad hoc reducitur potestas Regia : hanc enim immediate non esse à DEO, imò potius contra DEI ordinationem, patet exemplo non solum Romanæ, Atheniensis, Spartanæ, Venetæ, aliarumque Rerumpublicarum, verum etiam Hebraicæ, cui DEUS ægerrimè tulit Regem substitui ; & quamvis aliqua potestas, & Superioritas, aut Magistratus sit Juris Divini ; ut iste

R R

tamen,

tamen, aut ille Magistratu fungatur, juris Divini non est. Quamvis ergo omnis Magistratus tolli non possit, nec etiam ut hic sit tuus Superior, nec illi tenearis obedire (hæc enim sunt immediate, ac propriè Divini juris) potest tamen fieri, ut hic desinat Superior tuus esse, & consequenter non ei tenearis obedire, quia ut dixi id propriè juris humani est, non Divini, quodd Principatus ad hunc, aut illum hæreditate, Electione, Belloque, & alijs humanis titulis deferantur; atqui humana jura & mutari, & aboleri possunt præterim ex publica causa. Hæc clara sunt, nec ignorari possunt, nisi ab ijs, qui sponte oculos claudunt veritati. Cum ergo dicis, non posse aut Carolum aut Henricum, aut Elisabetham Regno privari, quia jure Divino Reges sunt, falsum supponis: obediri eis debet, quamdiu Reges sunt; id enim est juris Divini, neque id immutari potest: ut verò Reges sint, non est hoc juris Divini, sed humani, & ideo ut in alijs humanis Legibus mutari hoc potest, cessabitque & potestas imperandi, & debitum obediendi, postquam desierint esse Reges.

V. *Opponitur VII.* [a] Potestas hæc indirecta, quæ Pontifici Romano tribuitur, nullum habet à sacris litteris patrocinium, ne leve quidem, atque ex tot auctoritatibus, quæ illi opinioni sustinendæ producuntur, nulla à sacris Concilijs, sanctisque Patribus in eum sensum explicatur, qui illis à Bellarmino & Suarezio falsò attribuitur. Illæ verò Evangelicæ sententiæ: *Pasce agnos meos, & quodcunque solveris super terram, erit solutum & in calis*, intelligendæ sunt de sola potestate spiritali, non verò temporali, & sic à Patribus intellectæ, explicatæque sunt.

*Resp.* Scripturas quod attinet, alibi ostensum est, hanc nostram sententiam aperte & Theologicè ex illis deduci, parique ratione, quâ olim SS. Patres per evidentem ac naturalem discursum suas Conclusiones contra hæreticos ex sacris litteris inferebant. Nam 1. In veteri testamento Oziam Regem incensa in templo adolemtem, & ideo leprâ statim percussam Summus Pontifex Azarias non solum ut templo egrederetur rogavit, sed etiam invitum ejecit: *Cumque*, inquit Scriptura, [b] *respexisset eum Azarias Pontifex, & omnes reliqui Sacerdotes vidissent lepram in fronte ejus, seditatio expulerunt eum, & habitavit in domo separata plenus leprâ, & filius ejus vixit domum Regis, & judicabat populum terræ.* Ubi observa, Pontificum munus fuisse, de Principis lepra cognoscere, & ubi infestum

[a] Maimb. cit. c. 27. f. 373. [b] 2. Paralipom. c. 26.

## Pontificis indirectam in Regna potestatem. 481

festum reperissent, omni commercio ac hominum societate excludere, sicq; inhabilem Regno pronuntiare, nam Levitici 13. ita statuitur: (a) *Quicumque ergo maculatus fuerit leprâ, & separatus est ad arbitrium sacerdotis, solus habitabis extra castra.* Sicut ergo Pontifices Aaronici de lepra Principis cognoscebant, eâque infectos templo arcebant, omnique humanâ societate, sicque inhabiles declarabant gubernandæ Reipublicæ: neque id obstabat reverentiæ Principi debitæ, omniq; naturali ac divino jure sancitæ: ita Romani Pontifices de morali Principum lepra sententiam dicunt, id enim ad majores causas pertinet, soli Vicario Christi reservatas, nam & olim solus Pontifex lepram notabar, & hujus jussu Ozias templo excessit. Et sic leprâ correpti omni commercio, congressuque humano arcebantur, & ided inepti, exclusiq; Regno, adeo ut idem esset, pronuntiare leprosum aliquem, & Regno indignum: ita Princeps hæresi corruptus, corrumpebatque alios, & propterea Sacris interdictus decreto Apostolico (b) hominum commercio & societate excluditur, adeo ut *nec cibum cum illo sumere, nec eum salutare permittaris.* Sic enim habes Epistolâ 2. B. Joannis Apostoli: *Si quis venit ad vos, & hanc doctrinam non affert, nolite recipere eum in domum, nec ave ei dixeritis; qui enim dicit illi ave, communicat operibus ejus malignis.* Quæ Apostolica prohibitio salutem tunc locum habet, cum est periculum, ne tu vel tui ab hæretico pervertaris (quod perversionis periculum tunc maximè observatur, cum Princeps aliquis hæresin suam, aliósve errores exemplo, aut etiam armis propagat?) in quo casu non humano tantum jure, sed etiam divino & naturali fociari hæretico, aut excommunicato non potes; & videri possunt Beda, Fabianus, Callixtus, & canones Apostolici à Gratiano (c) citati. Et quamvis necessitas Principibus obsequendi, quâ subditi stringuntur, eosdem excuset, permittatque, ut hæretico, aut excommunicato convivant, quis tamen Pontificem prohibeat, ne ex Apostolorum præscripto, regulaque subditos omni consortio & societate cum hæretico Principe interdicat, à quo ipsi vi & exemplis corrumpuntur? si enim tanta perniciēs ab hæreticis privatæ fortis, & ided verat Apostolus cum ijs communicare, quanto majus à Principe periculum, quantoq; major necessitas eum devitandi? & si lepra Reges deposuit, quæ in corpora tantum serpit, sævitq; quanto magis hæresis animas ac Religioni funesta?

R R r 2

Quòd

(a) Levit. 13. v. 44. (b) 1. ad Corinth. 5. & ep. 2. B. Joh. Apost. 7. 10. (c) V. causam 11. q. 3. in decreto Gratiani, & can. omnis 24. q. 1.



Quòd si nihil Azarias contra reverentiam deliquit Principi suo debitam, quando leprosum abegit, permisitque alium Regem subjectis; cur Pontifex Romanus delinquat, si eodem jure in hæreticum agat? an forsitan major hæretico reverentia, quàm leproso debetur? aut lepra majus hæresi delictum, majorique pœnâ dignum? At, inquit, præcepit DEUS, à leproso Principe, non hæretico secedere: imò multò magis ab hæretico; quæ enim major separatio, quàm non communi eum mensâ aut domo, imò nec salutatione dignari? hæc enim omnia hæreticis & excommunicatione percussis Apostoli vetant, leprosis concessa, nam salutare licebat. Si ergo Pontifex Romanus, Gregorius videl: XIV. aut Clemens VIII. Gallis præcipiat; nolite cum Henrico Navarrao adhuc hæresin spirante, & Galliam infecturo, cibum sumere, aut recipere eum in domum, nec ave ei dixeritis, qui enim dicit ei ave, communicat operibus ejus malignis; auderétne Maimburgus dicere, Pontifices præter, imò contra Scripturas agere, cum tamen id ipsum agerent, dicereutque, quod Scriptura, quod Apostoli?

Dices, Apostolos non loqui de Principibus, sed de privatis tantum.

Resp. Nec in libro Levitici expressè de Principibus à populo separandis, si leprâ tangantur, sermonem esse; & tamen Azarias Pontifex ob paritatem rationis etiam de Regibus intellexit, nec enim minus periculi à Regis, quàm privati lepra; idem de hæresi dicas, aliisque contagiosis Principum morbis, quorum tantò potentius venenum, nam infinita illis media, atque pestem dilatandi. Illud quoq; circa factum & lepram Oziæ memoriâ dignum, quod ex SS. Hieronymo, Cyrillo, Origene, & Chrysostomo notat Cornelius & Tirinus, videl: Privasse Deum Judæos suis Oraculis, prophetiâ & spiritu usque ad mortem Oziæ, quòd ejus consortio & præsentia contaminarentur. Tanti apud Deum fuit, Regi à Pontifice ejecto, lepræque scedato sociari. II. Id etiam efficaciter probat locus ille S. Pauli; 1. ad Corinth. 6. præsertim junctâ Patrum interpretatione, sic enim Corinthios recens ad Christum conversos alloquitur: *Audet aliquis vestrum habens negotium adversus alterum judicari apud iniquos, & non apud Sanctos? an nescitis, quoniam Sancti de hoc mundo judicabunt? & si in vobis judicatur mundus, indigni estis, qui de minimis judicetis? nescitis, quoniam Angelos judicabimus, quantum magis secularia?* Videbat Apostolus, periclitari Christianos, eorumque Religionem ludibrio exponi, quando litium finiendarum causâ gentilium com-

commercia, tribunalia, favoremque captabant; & idè vult lites & judicia à Christianis agitari, componique, nec Tribunalia Paganorum quæri: & ne causarentur, se potestate judicandi destitutos, ostendit, ijs, quibus causæ spirituales committuntur, multò magis seculares committi: *Nescitis, inquit, quoniam Angelos judicabimus, quanto magis secularia?* Quasi dicat, interprete in eum locum D. Thoma: *Qui idoneus est ad majora, multò magis idoneus erit ad minora.* Ex qua Apostoli doctrina hoc judicium caularum secularium postea commissum fuit Presbyteris & Episcopis, ut expresse testantur (a) Clemens PP. Nyssenus, Ambrosius, Augustinus, Synesius, Theodosius & Carolus M. Imperatores; Apostolus tamen non demandat hoc officium causas seculares cognoscendi Episcopo Corinthiorum: *Quia, ut ait Ambrosius, necdum Reflor in eorum Ecclesia erat constitutus;* quippe recens ad fidem conversi erant. Eodemque modo hunc locum intelligunt Anacletus, Gregorius M. Gregorius VII. & S. Bernhardus. Et ne quis dicat, in causis tantum arbitrarijs, & ex partium consensu Episcopos judicasse, audiat verba Theodosij, quæ in decreto habentur: *Etiamsi alia pars refragetur.* Quæ verba necessitatem, non arbitrium sonant. Multò minùs dici potest, hanc in causas secularium jurisdictionem ex privilegio Principum, Theodosij videl: & Caroli, non ex jure divino aut naturali Episcopis provenisse; nam nec Apostolus, nec Patres hujus privilegij meminere, imò aliqui eorum ante Theodosij & Caroli tempora vixerunt: nec fundamentum ex concessione Principum, sed ex ipsa potestatis spiritualis natura sumunt, cui temporalis subordinatur; id enim ea verba Apostoli significant: *Si in vobis judicabitur mundus, indigni estis, qui de minimis judicetis? nescitis, quia Angelos judicabimus, quanto magis secularia?* Et illa S. Bernardi: (b) *Denique ubi necessitas exigit, audi quid censeat, non ego, sed Apostolus; si enim in vobis judicabitur hic mundus, indigni estis, qui de minimis judicetis?* Et S. Thomæ: *Qui idoneus est ad majora, multò magis idoneus erit ad minora.* Ubi vides hanc potestatem in secularia non in privilegium, & concessionem Principum, sed in ipsam naturam & prærogativam characteris spiritualis ab Apostolo, Sanctisq; Patribus referri.

Rrr 3

Ergo

(a) Clem. PP. II. constit. 49. & seq. Nyssen. in vita Greg. Thaumaturg. Ambrosii. Offic. c. 29. August. de ep. Monach. c. 26. Synesii. ep. 57. & 58. Greg. M. 1. p. Pastoral. c. 7. Greg. VII. l. 8. ep. 21. S. Bernhard. de consid. l. 1. c. 6 & l. 16. de Episc. jud. Cod. Theod. & in Capitulari Caroli 6. & c. quicunque & seq. II. q. 3. (b) S. Bernard. de consid. l. 1. c. 6.

Ergo ex hac & superiori Apostolorum sententia argumentari ita licet: quando perversionis, amittendæque Religionis periculum instat, quod evitari aliâ ratione non potest, Apostoli non contenti spiritualibus pœnis, etiam de rebus temporalibus disponunt, easque de uno in alium transferunt; dant enim potestatem judicariam ijs, qui non habent, prohibentque jure hospitatis, humanæque societatis (quæ est Juris gentium, & hominibus ferè optatissima) ergo potestas spiritualis indirectè se extendit ex doctrina Apostolorum etiam ad dispositionem bonorum temporalium, quatenus ista conservandæ animæ ac Religioni deserviunt. Dices, *nihil Apostolus de Regibus exautorandis dicit.* Resp. Tu qui negas omnem Pontifici in Regna potestatem, ex quo fundamento id negas, nisi quodd solam, unicamque in Pontifice agnoscas spiritualem potestatem, neque hanc ad temporalia extendi dicas? id enim omnibus ferè paginis Maimburgus sonat: contrarium ex doctrina Apostoli, Patrumque ostendimus. Cadit ergo fundamentum, quo nitebaris, & cum illo opinio tua. Quod si semel extendi ad temporalia potestatem spiritualem dicis, idque conservandæ Religionis causâ, cur non ad Regna, cum nulla major, quàm ab hæreticis Regibus, aut Ecclesiam persequentibus perniciēs? quod nimium exempla, fideique ruinæ docent. Sed quia Reges Ecclesiâ, Regnoque interdicerē ex causis non majoribus tantum, sed maximis est, ac præsertim arduis, ex ijsque salus aut perniciēs Regnorum ac Ecclesiæ pender; ideò solis Summis Pontificibus id hodie permittitur, ut colligitur ex *c. ne aliqui de privi. in 6.* docentque communiter Doctores, (a) & ipse Maimburgus fatetur, causas majores ad tribunal Pontificis pertinere; exemplo Moïsi, cui ex consilio Jethro summæ lites submittebantur, reliquæ, minutæque inferioribus commissæ. Quia tamen occupatio circa negotia, causasque seculares vehementer animum implet, advocatque à cura animarum, ideò ordinariè ex extra necessitatem nec Christus (b) implicari ijs voluit, repulitque de hæreditate interpellantem; & Apostolus prohibuit militantem DEO implicare se negotijs secularibus, ut placeat DEO; quod eleganter D. Gregorius (c) in suo Pastoralī, & Bernhardus in libris de con-

(a) V. Silv. v. excommunicatio r. n. 70. Henric. l. 13. c. 25. Sâ v. excommunicatio n. 13. Laym. de Pœnit c. 10. n. 3. Maimb. Tr. de l' Egl. de Rome fol. 60. (b) Luc. 12. 14. & 2. ad Timoth. 2. v. 4. (c) S. Gregor. in Pastor. p. 2. c. 7.

## Pontificis indirectam in Regna potestatem. 485

consideratione (a) prosequuntur. *III.* Huc faciunt verba & promissio Christi ad Petrum : (b) *Tu es Petrus, & super hanc Petram edificabo Ecclesiam meam, & quodcunque ligaveris super terram, eris ligatus & in cælis, & quod solveris super terram, erit solutum & in cælis.* In his verbis ex omnium Catholicorum sensu committitur Petro summa in causis spiritualibus, & animas ligandi, solvendi que potestas. Atqui causæ Juramentorum sunt spirituales, & quousque ac in quibus casibus obligent, pertinet ad Summum Sacerdotem definire; poterit ergo definire in certo casu non obligare, & si definiat, non obligare in casu, de quo agimus, hæc ejus definitio; utpote super causâ spirituali, & à supremo Judice facta, à nullo alio improbari poterit, evertique. Rursus, si juramenta ac obedientia Regibus præstita in ipsorum subditorum, Regumque perniciem, damnumque animarum vergat, solvi utique ab eo poterunt, cui suprema cura animarum data, eorumque omnium, quæ animabus noxia: alioquin quid præderit, animas solvendas, curandasque committere, non verò eas curandi, solvendi que modos, & finem imperare negatis medijs? id enim perinde fuerit, ac si navigare aliquem juberes subtractâ navi, aut Clavicum canere subductis tubis. Imò contrarium in Imperijs, negotijsque humanis exerceri videmus, quantoque magis in divinis, quorum Ordo & efficacia major? Si enim Rex aliquis supremum exercitûs Ducem constituat, jubeatque Urbem terrâ marique ab hostibus cinctam obsidione solvere; quis neget hoc ipso summo illi Imperatori commissam potestatem, & fabris imperandi, ut arma expediant, & frumentarijs, ut commeatus comportent, & Classium Præfecto, ut vela faciat; qui si cessent, aut etiam ad hostes deficere parati sint, quis neget, posse illos (quamvis alioquin militiæ Duci non sub sint) non imperio tantum, sed etiam pœnis urgeri, imò officijs exui, aliosque imponi, qui victoriam juvent, paratamque defectionem morerentur? Si ergo potestas solvendi obsidionem tantum auctoritatis tribuit Duci exercitûs, etiam in eos, qui subditi aliâs non sunt; quanto plus tribuet potestas solvendi peccata, animasque liberandi Vicario Christi ac capiti Ecclesiæ? *Dices;* illa Mathæi verba intelligenda tantum sunt de potestate spirituali absolvendi peccata, non verò deponendi Reges, subditosque ab obedientia, quàm illis debent, liberandi.

Rcsp

(a) S. Berni de confid. l. 1. c. 6. & l. 4. c. 3. V. Reg. Sacerd. fol. 146. Edit. Anno 1693. (b) Matth. 61.

*Resp.* Verum id est, si de potestate ordinaria & principali loquamur, quæ Apostolis, eorumque successoribus ad animas, non Regna disponenda commissæ est: sed ex hac ipsa potestate regendi animas, solvendi que peccata, sequitur alia & indirecta potestas, ac pro raro casu, statuendi vid. etiam de temporalibus, quando id necessitas conservandæ Religionis requirit, nec aliter vitari peccata, deleri que possunt, quemadmodum potestas gubernandi Urbem includit etiam, saltem pro casu necessitatis, repellendi hostes, comprimendi que ac exaustringendi cives perduelles, si domari aliter non possint. De hac tamen potestate non ita expressè primi Ecclesiæ Patres loquuntur, tum quia includitur in prima, tum quia minùs principalis, & prima Scripturæ ac Patribus cura fuit, animas instituere, tum denique quia raro locum habet. Patet verò, leges non loqui de casibus, qui raro, sed qui plerumque contingunt. Et denique in hac controversia evenit, quod in alijs plerisque, ut videlicet tunc primùm Patres expressè, clare que loquerentur, cum cœpit agitari, ac in dubium verti. Et planè quis non videt, sub Neronibus & Decijs, aut sub Constantinis & Theodosijs importunè hanc quæstionem motum & explicatum iri, quando aut nulla spes, aut nulla necessitas, aut nullæ vires exequendi: at verò ubi periclitari Religio à Regibus cœpit, vires que ac Principes oblatis, qui casuram sustinerent, quod præsertim à Pipini & Caroli M. temporibus evenit, non omisit Ecclesiæ potestate suâ uti, eam que Scripturæ testimonijs fulcire, non quidem in alienos à veritate sensus detorquendo (id enim Maimburgus non sine gravi injuria, parique imprudentia Concilij Universalibus, Lugdunensi, Viennensi, duplici Lateranensi, Constantiensi, Tridentino que affingit, & consequenter Ecclesiæ Gallicanæ, quæ magna pars istorum Conciliorum fuit) sed veritatem explicando, in Scripturis quidem, apertisque Scripturæ exemplis contentam, sed à primis Ecclesiæ Patribus non evolutam, tacitam que, quippe alieno tempore, & Principibus hoc remedio non egentibus, aut non fanandis. Idque ut dicebam in Ecclesiæ frequentissimum, tunc videlicet scripturas explicari hætenus inobservatas, decidique quæstiones, cum occasio ferebat, quod multis quidem exemplis Patrum que testimonijs illustrari posset, sed uno altero que contentus rem totam absolvam. Primis Ecclesiæ temporibus, cum aut delendis idolis, aut Filio, Sanctoque Spiritui asserendæ divinitati, à Macedonianis, Arrianisque impugna-

pugnatae, Patres laborabant, nulla ferè apud illos mentio, aut si aliqua, levis admodum, incidensque, quod à Patre, Filioque Spiritus S. procederet; & ipse sacer textus adeò nihil de hac Processione expressè videtur statuere, ut potiùs solius à Patre processionis meminerit: & sanè antiqui Patres nullum Scripturae testimonium producunt, quo hanc Processionem confirmant, quippe alijs bellis intenti, nihil pro ea parte curabant, quæ hoste carebat; nec diffiteretur Maimburgus, [a] non laborasse Ecclesiam Orientalem huic Processioni examinandæ. At verò ubi impugnari ab hæreticis hæc veritas cœpit (qui maximè silentio Scripturae utebantur) præsertim à Theodoro, [b] Priscillianistis, Joanne Monacho Hierosolymitano, Theophylacto, Phorioque, tunc enim verò certatim ac velut signo dato Concilia, [c] Patresque exciti, & veritati defendendæ calami exerti: in quàm plurimis Synodis Processio à Patre, Filioque decantata, præsertim Toletana prima, tertia, octava & duodecima, Gentiliacensi, Nicena secunda, Foro-Julienſi, Aquisgranensi, Arelatenſi sexta, Romana sub Benedicto VIII. Barenſi in Apulia, Lateranenſi sub Innocentio III. Lugdunenſi sub Gregorio X. ac tandem Florentina sub Eugenio IV. Tunc etiam in favorem ejusdem Processionis sacrarum scripturarum sententiæ exposita: quamvis antiqui Patres nunquam eas in hunc sensum explicaverint. Ex illis enim verbis: *Omnia quæcunque habet Pater, mea sunt, propterea dixi vobis, quia de meo accipiet.* Et: *Cum venerit Paraclitus, quem ego mittam vobis;* ita argumentabantur: *Si omnia, quæ habet Pater, dedit filio, ergo etiam filio dedit vim spirativam; si Spiritus Sanctus aliquid de Filio accipit, vel aliquid accidentale, vel aliquid substantiale accipit? non accidentale, quia alioquin Deus non esset: si aliquid substantiale, ergo secundum substantiam à Filio procedit. Si Spiritus Sanctus mittitur à Filio, aut mittitur auctoritate & imperio, aut Origine, quomodo arbores dicuntur flores mittere; non auctoritate & imperio (hoc enim servitutem sonat & subjectionem, quæ in DEUM non cadit) ergo Origine.* Quæ explicationes veræ quidem sunt, sed apud Patres quatuor primorum seculorum inaudita, quippe nondum armamentarium expanderant, silente hoste, quietoque. Et ideò

S s s

cùm

(a) Maimb. de Schism. Orient. T. 1. l. 2. f. 213. (b) Theodoret. in confut. anathem. 9. Cyr. Priscillian. ap. S. Leonem Epist. 93. (c) Concil. Tolet. 1. apud Baron. anno 447. Concil. Gentil. ap. Maimb. hist. des Iconocl. l. 3. Concil. Nicen. 2. aët. 7. Concil. Foro-Jul. T. 7. Concil. edit. Paris. V. Maimb. cit. de Schism. Orient.

tum Græci in Florentino (a) Concilio sæpissimè silentium scripturæ & Ecclesiæ objicerent, responsum à Latinis est : *Eadem Ecclesia diversis temporibus, ac urgente necessitate accessionem facere potest, quæ quidem facultas nunquam poterit auferri, nosse enim Salvator inquit : Ecce ego vobiscum sum omnibus diebus usque ad consummationem sæculi.* Nihil ergo est novi, si novis in Ecclesia quæstionibus exortis novæ sint explicationes scripturarum, novæ decisiones auditæ. Id quod etiam Patres observârunt : Tertullianus : (b) *Nihil, inquit, sine ætate est, & omnia tempus expectant. Aspice ipsam creaturam paulatim ad fructum promoveri ; granum est primò, & de grano frutex oritur, & de fructu arbuscula enititur, deinde rami & frondes invalescunt, & totum arboris nomen expanditur, inde germinis tumor, & flos de germine solvitur, de flore fructus aperitur. Is quoque rudis aliquando & informis paulatim ætatem suam digerens eruditur in mansuetudinem saporis. Sic & justitia [ nam idem Deus justitiæ & creaturæ ] primò fuit in rudimentis &c.* Et S. Augustinus : (c) *Multa ad fidem Catholicam pertinentia, dum hæreticorum callidâ iniquitudine agitantur, ut adversus eos defendi possint, & considerantur diligentius, & intelliguntur clarius, & instantius prædicantur, & ab adversario mota quæstio discendi existit occasio.* Et Gregorius Nazianzenus : (d) *Rogabo Patrem, & alium Paracletum dabit vobis, ut maneat vobiscum in æternum. Vides illuminationes paulatim nobis assurgentes, Theologiaque ordinem, quem nobis tenere præstiterit, ut nec repente, nec confertim omnia in lucem efferamus, nec in finem usque occultemus.* Et Gregorius M. (e) *Hoc quoque nobis sciendum est, quia & per incrementa temporum crevit scientia spiritualium Patrum, plus namque Moyses, quam Abraham, plus Prophetæ, quam Moyses, plus Apostoli, quam Prophetæ in Omnipotentis Dei scientia eruditi sunt. Fallor, si hæc ipsa scriptura non loquitur ; & mensus est, inquit, limen portæ calamo uno : mensura ergo calami, qui est sex cubitorum, & palmo ducatur ad cubitos tredecim, quia quantum mundus ad extremitatem ducitur, tanto nobis æternæ scientiæ aditum clarius aperitur. In quam sententiam exponit idem Gregorius illud [ f ] Danielis vaticinium : Plurimi pertransibunt, & multiplex erit scientia ; sive ut clarius habent hebraici Codices : Discurrent multi, & multiplicabitur scientia. Et septuaginta : Donec doceantur multi, & multiplicetur scientia. Convincunt hæc omnia, frustra Maimburgum excipere, illos Scripturæ*

textus,  
 (a) Concil. Florent. sess. 6. (b) Tertul. de veland. Virg. c. 1. (c) S. August. l. 16. de civ. c. 2. (d) S. Naz. serm. 4. de Theol. (e) Greg. M. hom. 16. in Ezech. (f) Daniel. 12. v. 4.

textus, qui à nobis citantur, non fuisse à Patribus antiquis explicatos de potestate, quam in certis casibus habet Ecclesia, Reges in ordinem redigendi, & vendique subditos à vinculo juramenti, quo illis devinciuntur: nondum enim hæc quæstio mota fuerat, & propterea nec eam scripturis illustrari oportebat; quæ necessitas enim probationes, testesque cumulandi, lite necdum instructa? præsertim Patribus in tot bella, hostesque accinctis. Num ergo Concilijs, Lugdunensi, alijsque loqui non licuit, quia illi tacebant? aut forsitan plus habent auctoritatis, probandi que efficaciam, tacentes, quam loquentes testes? aut alligata est vi rus ac potentia Spiritus sancti, ut radius heri nube obseptus micare hodie non possit? præsertim cum in sacris literis tam multa testimonia & exempla extent, pro hac nostra sententia, quæ partim produximus, partim infra producemus, ut non tam silentem Scripturam, quam aperte loquentem habeamus. Nam IV. efficax argumentum sumitur ex illis Christi verbis ad Petrum: *Simon Joannis diligis me? pasc oves meas;* idque tertio Christus repetijt. Agnoscunt hic SS. Patres, estque in sacris Concilijs, definitum, ac perpetuâ traditione, usuque in Ecclesia probatum, per hæc verba soli Beato Petro, ejusque successoribus supremam, ac totius Ecclesiæ curam traditam esse, quod Sancti Leo [a] & Bernhardus eleganter expresserunt, nec Galli negant. Ex illis verbis argumentari ita licet. Cura universam Christi Ecclesiam, ejusque oves pascendi Petro, & Successoribus commissa est. At verò cura Pastoralis non solum id requirit, ut oves pascas, tondeas, mulgeas, ducas, reducasque, & morbidas cures, sed etiam ut si quæ ex illis sanari non possit, aliasque inficiat, Pastor eam ab alijs separet, lupumque irruentem arceat, vinciatque, ne gregem irrumpat; hæc enim si omitteret, præstaretque alia omnia, meritò diceretur suo officio defuisse, nec Pastoris partes explisse: non quòd Pastoris cura sit, medicum aut venatorem agere, sed quia curari oves non possunt, nisi illa exhibeantur, & committis ovibus illa omnia commissa, censentur. Quòd si Pastor invadente gregem latrone aut taceat, aut acquiescat, aut solis vocibus advesetur, nec cum possit, eum vinciat, aut armis exuat, ne possit nocere, idque eâ ratione excusaret, quòd sola sibi in oves potestas tradita sit, nulla in prædones luposque, quis rogo non timidum, ignavumque, ac sui muneris oblitum diceret, & gregis vastati reum?

SSS 2

Sic

[a] S. Leo Serm. 3. de assumpt. sua. S. Bernh. l. 3. de consid. c. 7.



Sic cum Pontifice Romano res se habet. Pastor ille, Christiani omnes, etiam Principes, Regesque ad oves pertinent: fac ex ovibus unam non morbidam tantum, sed lue correptam esse, aliisque funestam, aut quod pejus est, in lupum verti, & in oves juxta Pastoremque grassari, volo dicere, Principem aliquem ex ovibus Christi hæreticâ labe contaminari, & Ecclesiæ ac Religioni bellum stragemque moliri, nec ullis rationibus, non minis, non precibus sanari, sistique posse, num à Summo Ecclesiæ Pastore vinciri, exarmarique non possit, eaque potentiâ exui, quâ in sui, aliorumque perniciem abutitur? licet hoc Pastori in prædonem lupumque, cur non Pontifici in hæreticum, hostemque Ecclesiæ? aut forsitan majus periculum, damnumque ovibus à lupo, quàm Christianis ab hæretico Principe? aut Jura naturalis defensionis, quæ in Pastore locum habent, non habebunt in Romano Pontifice? Patet ergo ex cura Pastoralis Petro & Successoribus commissâ, sequi necessariò potestatem oves morbias separandi ab ovibus sanis, arcendique lupos ovibus infestos. *Nec obstat*, quod infert (a) Maimburgus, videl: sequi, ut quemadmodum lupo, ita & Princeps, qui Ecclesiam persequitur, à quovis & quocunque modo cohiberi, opprimique possit, id verò parricidijs ac cædibus januam aperire, & unam esse ex Draconis legibus, sanguine, non atramento scriptam.

*Resp.* Absit, ut hæc consequentia deduci ex nostris principijs possit, aut à nobis unquam concedatur; & Maimburgus artificio professione suâ ac fide historicâ nimis indigno, ut odium nostræ opinioni conciliaret, nobis id attribuit, ut doceamus, quemadmodum lupo, ita & Principem hæresi infectum omni modo, quo potest, auferri è medio posse: id enim verò detestamur, non docemus, imò toties repetimus, hanc ex majoribus causis esse soli Pontifici (b) permittis, nec quovis modo aut tempore, sed certis gradibus ac moderatione cohibendos esse; primò enim rationibus tentandos, tum precib', deinde minis, postcâ censuris, sacrisque pœnis; nec ultrâ procedendum, nisi mala in extrema proruperint; nec ullo privato damno in Sceptra, & Coronas bellum cieri posse, sed publico tantum fidei & Ecclesiæ malo: & tunc quoque sisti hic

(a) Maimb. Tr. hist. f. 376. e. 27. (b) Causas maj. ad S. Pontif. pertinere habes ap. Innoc. I. ep. ad Vitric. Rhotomag. Pelag. ep. 8. Vigil. ep. 7 ad Auxan. Greg. M. ep. 42. l. 4. Concord. Leon. X. Marca l. 1. de concord. Sacerd. lib. 7. c. 10. 12. 13.

## Pontificis indirectam in Regna potestatem. 401

hic vindictam, aut ocius remedia oportere, nec Catholicæ Religioni sanguine litari, præsertim Regio: quippe balsami arbusculæ similem Ecclesiam esse, quæ cum plagas ab ebore, vitroque sustineat, imò pretiosas lacrimas reddat, ferro tantum abhorret, & contactu inarescit: nihil ergo ferro & Ecclesiæ; quod multi sacri Canones & aperte decernunt, docetque Gratianus (a) eleganter in Decreto. Sanctus Martinus abstinuit communione cum Ithacianis Episcopis, quia Priscillianistas Hæreticos morte affici curaverant: ( & quia meru coactus à Maximo Tyranno cum eis aliquantum communicavit, ab Angelo correptus est, & aliquamdiu promptitudine miraculorum caruit ) & Severus in Vita S. Martini *rem vocat pessimi exempli*. S. Leo M. epist. 95. ad Turibium inquit: *Sacerdotalem Lenitatem Ecclesiastico contentam iudicio, cruentas refugere ultiones*. Quantum hæc doctrina à sævis illis & sanguinarijs vocibus distat: *Posse Principes omni modo, quo potest, è medio tolli*; id enim significant verba illa Gallica Maimburgi: *Dont il se peut desfaire, omni modo quo potest*. Quamvis verò Jus naturalis defensionis, curæq; ac custodiæ Pastoralis jus Pastoribus in lupos tribuat, & Pontifici in Reges, diverso tamen modo; semper enim sacri Canones, exempla Patrum, ac mansuetudo Ecclesiæ propria sanguini pepercere, præsertim Regio: adeo ut, qui etiam iustè sanguinem effudissent, altaribus arcerentur. Jus ergo Pontificum usque ad purpuram, sed citra sanguinem sterit. V. Præceptis ac sententijs Evangelicis exempla Christi accedunt, ejusque Apostolorum multò verbis potiora. Ipse enim Christus, qui formam servi acceperat, qui venerat ministrare, non ministrari, qui tributum Principibus solverat, qui iusserat dari Cæsari, quæ sunt Cæsaris, qui licet interpellatus noluerat dividendæ hæreditari se miscere, & tandem qui Regnum suum non esse de hoc mundo professus fuerat; nihilominus tamen, ubi salus animarum, & Redemptio humani generis poscebat, de rebus hominum temporalibus absolutâ quâdam & Regiâ potestate disposuit, nam & sicum arefecit, & gregem porcorum misit, & mulierem adulterij ream contra leges absolvit; Petrus verò & Paulus Christi discipuli alijs oculos (b) alijs vitam miraculo ademere, multò Regnis chariora: nec spiritualia tantum, sed etiam

Sss 3

cor-

(a) Decretum in c. hie, à quibus. & c. si in morte. 23. q. 8. & Grat. post c. nos. q. 7. causa 2. (b) V. Agt. 5. & 13. V. Hieron. Chrysost. Greg. M. apud Gratian. causa 23. q. 7.

## Pontificis indirectam in Regna potestatem. 493

quibus te aggreditur, ( quæ omnium modestissima est defensio ) omni-  
 que modo eniti, ne damno immerentem afficiat. Si ergo Rex aliquis  
 Ecclesiam, Religionem, fidemque invadat, aut invadere paratus sit,  
 poterit is, qui Ecclesiæ præest, eamque gubernat, ubi aliâ ratione non  
 possit, armis nudare, ac nocendi instrumenta adimere, Sceptra videl:  
 Coronas, subditosque, quibus multò magis Principes, quàm ferro, igni-  
 que grassantur, quæque nisi furentibus eripias, nunquam desinent feri-  
 re; cum illorum arbitrio sedeat, injuriâ abstinere, & pace frui. Si  
 ergo aliqua defensio est justa, imò necessaria, quæ rogo justior, quàm  
 quæ Religionis & fidei causâ suscipitur? licet domum defendere, non  
 liceat Ecclesiam? licet gladium & facem latroni eripere, non liceat  
 Sceptrum & Coronam? quæ nisi excutias, nunquam gladij, facesque  
 cessabunt? Demus, Regna & Imperia non subdi Pontifici; at subdu-  
 ntur naturæ, quæ defensionem imperat, aut permittit, nam nec Persæ  
 Gallo subduntur, num idèò Gallus feret, si illi invadant? Aut quæ  
 possit moderatior defensio esse, quàm quæ arma nocituro aufert? ne-  
 gari ergo non potest, jure naturalis Defensionis Regna & Imperia  
 Pontifici Romano subdi. *Secundò*, Ex jure naturalis defensionis aliud  
 & par jus exsurgit, legitimi videlicet belli, quod æquè ad æquitatem  
 naturalem pertinet, estque species naturalis Defensionis. Si quis ergo  
 Princeps publica commercia turbet, Provincias tuas invadat, pacta in-  
 fringat, subditos tuos vi, pecuniâ, malisque artibus corrumpat, certum  
 est, hujusmodi Principem, quamvis alioquin nullo tibi jure subjectum,  
 bello peri, & nisi abstinet, accepterque justas pacis condiciones, etiam  
 Regno privari posse, quo modo videmus, tot Regna & Imperia aut  
 eversa, aut translata. Ergo etiam Pontifex Romanus Principes Ec-  
 clesiæ infestos, eamque illatâ hæresi corrumpere molientes, poterit ju-  
 sto bello coercere, & nisi abstant, coronis privare; cur enim totius  
 Ecclesiæ defendendæ causâ non liceat, quod licet unius Castri aut Civi-  
 tatis causâ? *Tertiò*; Si videas innocentem aliquem à latronibus im-  
 peti, & continuo trucidandum esse, nec alia ratio suppetat eum injustâ  
 cæde liberandi, nisi tela extorqueas, equosque quibus fugientem inse-  
 quantur, injectis vinculis moreris; quis neget, te facere id posse, idque  
 naturam permittere, quæ omnibus innocentiam commendavit? adeò  
 ut Sanctus Ambrosius, & ex illo Doctor Angelicus (a) pronuntiet: *Eum  
 qui non repellit injuriam à socio, cum possit, tam esse in vicio, quàm ille, qui facit.*

(a) S. Thom. 2. 2. q. 60. a. 6. ad 2.

Idem.

Idemque S. Doctor alibi docet, Principibus etiam infidelibus, nulloque modo subiectis posse ab Ecclesia bellum indici, si fideles persequantur, eosque in suæ Religionis exercitio impediant: (a) quanto magis poterit Principi Christiano titulo baptismi ac specialis Juramenti Ecclesiæ subiecto? cui enim magis innocentium cura, præsertim in ijs, quæ ad animam pertinent, æternamque salutem, quàm Ecclesiæ committitur? Si ergo tu potes latronem vincere, quamvis non tibi, sed Magistratui suo subiectum, ne innocentem perimat, quanto magis poterit Ecclesia constringere Principes, ne animas perdant? *Quartò*: Est etiam jure naturali notum, in mutuis ac reciprocis pactis te nec pacto nec juramento teneri, altero fidem datam fallente, nec promissis stante, unde illud axioma manavit, omni jure receptum: (b) videlicet, *frangenti fidem impune fidem non servari*. Cum ergo Principes, quo tempore Imperium ineunt, solemnem juramento, se Ecclesiæ, subditisque obstringant, de Catholica fide observanda, tuendaque: si id non præstent, aut quod pejus est, illi evertendæ accingantur, & promissis absistant, dubium non est, posse publicâ auctoritate coerceri, exsolviq; subditos juramento ac obsequio Principi promisso, quod etiam eleganter docuit S. Doctor (c) in libro de Regimine Principis. Poterit ergo Summus Pontifex in hoc aut simili casu declarare, juramentum non stringere, & pacta rescindi, Principe datam fidem violante; quâ verò in re gravius violari fides poterit, quàm in ijs, quæ animam, ac æternam felicitatem spectant? Videri possunt juramenta Caroli M. & Ottonis Imperatorum apud Spondan. (d) & Gratianum in Decreto. Et hæc quidem sunt prima naturæ principia, adeoque evidentiâ, & clara, ut negari possint à nemine, imò illis nemo non conformiter vivit. Constat ergo, quàm injusta fuerit Maimburgi censura negantis, nostram hanc sententiam divino testimonio fulciri; at verò ostendimus, eam verbo Dei scripto, exercito, innatoque subniti, quid ampliùs velit?

**VL. Objicitur VII.** (e) Negat S. Bernardus Pontifici ut tali ullum Dominatum competere, quanto ergo minùs auctoritas Reges destituerendi? verba S. Bernardi (f) sunt: *Esse, ut aliâ quâcûq; ratione hæc tibi vendices, sed non Apostolico jure, nec enim Petrus tibi dare potuit, quod non habuit.*

Nulla

(a) S. Thom. 2. 2. q. 10. a. 8. (b) V. c. 3. de jurejur. c. 28. de Simon. c. frustra. de R. J. in 6. L. cum proponas 21. C. de pactis. Et Clement. un. de jurejur. (c) S. Thom. 1. 1. de Regim. Princ. c. 6. (d) Spond. ad ann. 800. Grat. c. tibi. d. 63. (e) Maimb. Tr. hist. de l' Eglise de Rome f. 391. (f) Bernh. l. 2. de confid. c. 2.

## Pontificis indirectam in Regna potestatem. 495

Nulla ergo ex Christi institutione & jure Apostolico Pontifici auctoritas, quàm sola spiritualis, ligandi videlicet, solvendiue animas.

*Resp.* Agit sculptorem, non historicum Maimburgus; cædit, truncat, versatque Bernardum, ut statuat mendacio fingat. Negat Bernardus: *Aurum & argentum Pontifices sibi Apostolico jure vendicare, sed aliunde.* Nemo id negat: alioquin Apostoli non essent, qui auro, argentoque caruere. Docet idem Bernardus: *Non reliquisse Apostolos suis successoribus dominationem juxta sententiam Petri, (a) non dominantes in Clero, sed forma gregis facti; & exemplum ac edictum Salvatoris: (b) Qui major est vestrum, sicut minor, & qui præcessor sicut qui ministrat, ego autem in medio vestrum sum, sicut qui ministrat; & concludit: Planum est, Apostolis interdicitur Dominatus.* Hæc Bernardi sententia est, qui ut patet, non de Dominatu Pontificis in Principes, sed in Clerum loquitur; additque in eundem (c) sensum sequentia: *Domabitis lupos, sed ovibus non dominaberis, pascendasque, non premendas suscepisti.* Ubi planum est, Bernardum de Dominatu etiam in Clerum & Ecclesiasticos loqui. Si ergo eo modo Bernardum explices, quo Maimburgus, sequeretur, non tantum Regibus & Principibus, sed etiam Clericis imperare Pontifices non posse, id verò absurdum est, & ne quidem à Maimburgo concessum. Vult ergo Bernardus, Pontificem nec seclarium, nec Ecclesiasticarum personarum Dominum, sed Pastorem & Rectorem esse, sicque non posse de ovibus suis, earumque rebus pro arbitrio disponere; id enim discriminis est inter Dominum & Rectorem, quòd huic ratio, illi arbitrium pro lege sit: & Domino, quid sibi, Pastori, quid ovibus prosit, curæ est. Tota ergo Pontificia & Episcopalis potestas ministerialis est, non dominativa, quia videl. Ecclesiæ servit, spectatque Ecclesiæ, non Pontificis & Episcoporum privata commoda: & ideo etiam cum Principes judicat, abdicatque, non id agit Pontifex potestate Dominativâ, sed ministeriali, quia non suo, sed Ecclesiæ bono. Quemadmodum cum Tutor pupillo imperat, irritatque ejus contractus, non sequitur, Tutorem esse pupilli Dominum; aut cum morbidas oves Pastor sejungit, & medicus infestum membrum truncat, nemo propterea dixerit, Pastorem esse ovium Dominum, medicum membrorum; imò serviunt etiam cum læviunt, & ideo mercedem accipiunt crudelis obsequij. Cœterum agnovisse Bernardum hanc indirectam & ministerialem potestatem, quâ

T r r

Pon-

(a) 1. Petri 5. (b) Lucæ 22. (c) Bernard l. cit.

Pontifices in temporalia funguntur, dubium non est, nec latuit, ut credo, Maimburgum; sed maluit celare veritatem, quàm fateri se victum. Is enim libro 1. de consuetudine: cùm hæc præmisisset: *Non monstrabunt pu- ro aliquando, ubi quispiam Apostolorum iudex sederit hominum, aut divisor terminorum, aut distributor terrarum; stetit lego Apostolos iudicandos, sedisse iudicantes non lego; ergo in criminibus, non in possessionibus potestas vestra: habent hæc infima & terrena iudices suos, quid fines alienos invaditis? quid saltem vestram in alienam messem extenditis?* mox subiungit, quæ ad propositum nostrum apprimè faciunt: Denique ubi necessitas exigit, audi, quid dicat, non ego, sed Apostolus: si enim in vobis iudicabitur hic mundus, indigni estis, qui de minimis iudicetis? Sed aliud est, incidenter incurrere in ista, causâ quidem urgente, aliud ultro incumbere istis, tanquam magnis, dignisque; tali & talium intentione rebus. Vides hic, Bernardum duas, distinctasque rerum temporalium constituere potestates, unam directam & Ordinariam, quàm Regibus tribuit, aliam indirectam & incidentem, & necessitate urgente, quàm Pontifici Romano. Vides ergo, quàm malâ fide Patres alleget Maimburgus; & quàm rogo imperita fuit illa consequentia: *Prohibentur Pontifices dominari; ergo prohibentur Regibus imperare, eosque si necessitas & periculum fidei urgeat, Regnis amovere?* Quali verò imperare, prohibere, infesta membra scicare, lupos arcere, latrones ne obliant vincire, ad solos Dominos, & non etiam ad ministros, tutores, Pastoresque pertineat? Rursus, quantum abest à veritate & candore sacri Scriptoris, Bernardum de dominatu in Clerum loquentem interpretari, quasi de Dominatu in Principes loqueretur? & sententiam truncam, detortamque in alienos sensus producere, illas verò tacere, in quibus se ipsum clarè, distincteque Bernardus explicat? Qui excuset hunc hominem? nisi dicas, necessitate illum deliquisse, quippe non potuisse malam causam nisi peioribus artificiis sustinere.

VII. *Opponitur VIII.* Sancti Patres, & antiqui Pontifices duas illas potestates, temporalem videl: & spiritualement distinguunt, & unam ab altera independentem constituunt, adeò ut sicut Imperatori nulla in Ecclesiis, ita Pontifici nulla in Palatia & Regna sit potestas; ita enim Gelasius I. Nicolaus I. & Gregorius II. loquuntur: tantumque abest, ut Sceptra & Coronas Imperatoribus raperent, ut potius eos colerent demississimis obsequiis, (a) adeò ut se eorum vestigijs provolvè, cineres & ver-

mes

(a) Maimb. cit. c. 29. à f. 394.

## Pontificis indirectam in Regna potestatem. 497

*mes esse, eorūque jussionibus subiectos dicerent; quæ sunt verba Pelagij I. Stephani II. & Gregorij Magni.*

*Resp. I.* Duas esse potestates temporalem & spiritualementem, nemo negat; sicut nec illud, jure ordinario & citra necessitatem nullam esse in Principes Regesque Pontifici Potestatem; id enim & ipsi Pontifices fateantur, & nos alibi ex istorum, Patrumque testimonijs, (a) Nicolai videl: Stephani VI. Gregorij II. Alexandri III. & Bernhardi probavimus. Id tamen non obstat, ut premente necessitate ac Religionis periculo leges Principibus dare, eosque cohibere non liceat Pontifici: id Jojadas, id Azarias Pontifices florente Synagogâ fecere, quando magis id nostris Pontificibus liceat, quorum dignitas tantò major, sublimiorque? & ideo S. Bernardus à fastu & adulatione alienissimus, quique Pontifices omni Dominatu, curaque temporalium arceat, nec vult, ut *felicem mittant in Principum messem*, hoc ipsum tamen concedit, si necessitas urget: non ergo sequitur, ut, si Patres ordinariam in Reges potestatem negent, hanc ipsam etiam negent in casu urgentis necessitatis, & Religionis periculo laborantis. Quis enim nescit, quàm multa necessitas excuset? non licet alteri vitam, non domum adimere, licebit, si ratio publici boni, si defensio exigant: neque hoc est falcem in alienam messem proferre, aut limites egredi Ecclesiasticæ Potestatis; cum enim omnis potestas & felicitas temporalis ordinentur ad Religionem, veramque fidem stabilendam, tanquam media ad finem; potestas Ecclesiastica, quæ Religioni & Fidei præest, etiam de medijs, hoc est, de potestate, rebusque temporalibus disponet; neque hoc est limites egredi, cum eadem sit finis & mediorum disciplina; quamvis enim ad navis gubernatorem id solum pertineat, ut navim in portum agat, non verò, ut cœli cursum, stellarumque metiatur; nemo propterea dixerit, cum Ursam, cum Arcturum & Plejadas examinat, cumque in omnes Cœli plagas oculum defigit, & in ipso Magnete polum quærit, extra terminos ferri suæ artis, quia videl: quâ ratione hæc omnia media sunt & adjuvamenta felicitis navigationis, ad artem nauticam pertinent, suntque Gubernatori necessaria.

TIT 2

At

(b) Nicol. I. ep. 8. ad Mich. Steph. VI. epist. ad Basil. Imp. apud Baron. ad an. 885. Greg. II. ep. ad Leon. Maur. ap. B. r. anno 726. Alex. III. in c. 7. de appell. & c. 7. qui filij sint legit. S. Bernard. l. 1. de contra. c. 6. & l. 4. c. 3. V. Reg. Sacerd. l. 1. f. 144. & f. 297.

At non minùs Regia potestas veræ Religionis, quis enim nescit, quantum interfit veræ Religionis, quis imperet? Testes Anglia, Germania, Suecia & Dania, suorum Principum exempla, & casus secuti: ut ergo Regia potestas veræ Religionis aut noxia, aut proficua, sic Pontifici subdita; & sicut nimia & assidua Cœlorum contemplatio navarcho inutilis, quippe alias curas moraretur huic arti proprias; & illa tantum salubris, quæ navi gubernandæ servit: ita & Pontifici nulla de Regnis cura, nisi cum Religio poscit, naufragium factura alioquin, si assiduus & velut ex proposito in has stellas intendat, navis interim curam, cursumque omittet, & dum Regna quærit, animas perdet. Hoc solum Patres, nec aliud in Pontifice damnant. II. Unde jam patet, quàm incautè Maimburgus dixerit, potestatem temporalem nullo modo à spirituali pendere; qui enim fieri hoc potest? cum bona temporalia sint media & instrumenta Religionis, fidei, æternæque felicitatis: an media à fine, instrumenta à causâ principali non pendent? Id perindè esset, ac si diceret, animam omninò à corpore non pendere, cum tamen nemo nesciat, jacere animam inertem, desidemque, nec posse in actiones micare, languido & ægro corpore; multò magis corpus ab anima pendet, & ideò ab ista sustentatur, alioquin fato cessurum. Sic ergo temporalia à Spiritualibus pendent, & ista illis imperant; sic virtutes, quæ animam exornant, etiam in corpus exundant, & huic moderantur: & ideò Religio, fides, charitas non solum animam ad actus internos, sed etiam corpus ad externos impellunt. Malè ergo supponit Maimburgus, potestatem Regiam & temporalem à spirituali non pendere, id enim perindè est, ac si dicat, nec terram à cœlo, nec corpus ab anima, nec media pendere à fine, imò si experientiam examinet, cursumque annorum, fatebitur, Regnorum felicitatem à Religione fluxisse, & cum ista aut crevisse, aut declinasse, quod primum esset omnium ferè Imperiorum exemplis ostendere, nisi id alij præstissent. Cicero Romanum Imperium solâ Religionis curâ ad tantum fastigium pertigisse scribit, cujus verba memoratu digna hîc adscribam: *Quam volumus, inquit, P. C. nos amemus, tamen nec numero Hispanos, nec robore Gallos, nec validitate Pœnos, nec artibus Græcos, sed pietate ac Religione, atque hâc unâ sapientiâ, quòd Deorum immortalium munere omnia regi, gubernarique prospeximus, omnes gentes, nationesque superavimus.* (a) Quod si tantum

[a] Cicero Orat. de Arusp. Resp.



tanrum Imperijs contulit æstimata Religio, DEO etiam umbras virtutum adamante, quantum conferet vera, nec mendacijs fucata? Si ergo spiritualia sunt meta & causa bonorum temporalium, idque etiam Paganī agnovēre, qui potuit Maimburgus dicere, potestatem temporalem a spirituali haud pendere? III. Quod verò addit, Pontifices humillimis formis supplicasse Imperatoribus, verum quidem est, idq; ad Pontificum modestiam pertinet; & nihil obstat, quin tempus & necessitas poscerent, non eādem majestate, quā nuper modestiā, uterentur, vicesq; obsequendi, imperandique miscerent, nunc abjecti, nunc sublimes, nunc rogantibus, nunc jubentibus similes, utcunq; DEI gloria postulasset; cum enim Episcopi, ac olim etiam Pontifices Imperatoribus quoad temporalia subjicerentur, quoad Spiritualia verò Patres Imperatorum essent, rogabant ut subditi, imperabant ut Patres; idque tum sacræ litteræ, tum etiam sancti Patres egregie adverterunt, nam Ecclesiasticus: (a) *Noli, inquit, esse humilis in sapientia tua, ne humilitatus in stultitiam seducaris.* Et S. Paulinus: (b) *Ille humilitas condemnatur, quæ non ex fide, sed ignaviâ mentis hominibus adducitur, & humanam gratiam magis, quàm suam salutem curat, mendacij famula, veritatis inimica, libertatis expers, iniquitati obnoxia.* Et S. Bernardus: (c) *Agit hoc nimirum in cordibus electorum gratia prærogativa divina, ut eos nec humilitas pusillanimes reddas, nec magnanimitas arrogantes, magis autem cooperentur sibi, ut non solum nulla ex magnanimitate subintret elatio, sed hinc maxime provehatur humilitas: ac vicissim ex occasione humilitatis pusillanimitas nulla subrepat, sed quod minus de sua quisque vel in minimis præsumere consuevit, eò amplius etiam in magnis quibusque de divina virtute confidat.* Quæ Sanctorum monita egregie ab illis ipsis Pontificibus observata sunt, quos Maimburgus adducit, nec enim eodem semper tono cecinere, sed jam blandi, jam minaces, jam tubâ, jam cheli personabant, ut Principum mores deposcerent, quod etiam suprâ à me notatum, & videri possunt epistolæ (d) Gelasij I. ad Anastasium, Gregorij M. ad Mauritium, & Gregorij II. ad Leonem Imperatores; quæ reverà non tam litteris scriptæ, quàm flammis videntur, ad eò libertatem spirant, & animum tanto fastigio dignum, & alibi exempla dedimus. Quid enim fortius illis Gregorij vocibus (e)

Trr 3 ad

(a) Ecclesiast. c. 13. (b) S. Paulin. epist. 27. ad Amand. (c) S. Bernard. ferm. 1. de Virg. Deip. n. 13. (d) Gelas. ep. ad Anast. T. 2. Conc. ap. Bin. Greg. M. ad Maurit. l. 2. cp. 62. Greg. II. cp. 2. ad Leon. T. 3. Conc. V. Regale Sacerd. f. 81. Edit. Anno 1693. (e) Greg. epist. 62. l. 2.

ad Mauritium Imperatorem : *Ecce per me ultimum ferrum suum & vestrum respondebit Christus ; ego te de notario Comitem excubitorum, de Comite excubitorum Cæsarem, de Cæsare Imperatorem, nec solum hoc, sed Patrem Imperatorum feci. Ego Sacerdotes meos tue manus commisi, & tu à meo servitio milites tuos subtrahis ? responde rogo piissime Domine servo tuo, quid venienti & hæc dicenti responditurus es in iudicio Domini tuo ? Et Symmachi ad Anastasium Imperatorem : Frecor Imperator, pace tuâ dixerim, memento te hominem, ut possis tui concessâ tibi divinius potestate. Deser DEO in nobis, & nos deferemus DEO in te. Cæterum si tu DEO non desers, non potes ejus tui privilegio, cuius iura continis. Et Gregorij Papæ ad Leonem Ilauricum : Obsecrus es perruaci animo tuo, & dixisti : Imperator sum & Sacerdos. Audi humilitatem nostram Imperator, & cessa, sanctamque Ecclesiam sequere, prout accepisti, non Imperatorum dogmata, sed Pontificum. In administrationibus seculi militarem & ineptum quem habes scisum, ac crassum, in spiritualibus dogmatum administrationibus habere non putes &c. Taceo invectivas Ambrosij in Theodosium, quas cum pervolvo, ac perpetuis illis blanditijs conféro, quibus Principes nostros Maimburgus demulcet, cælisque exæquat, vehementer fateor, antiquis me Patribus indignari, isti enim semper aliquid in Principibus notabant, quod reprehenderent. Stephanus IV. amores cum Longobarda Carolo M. exprobrat, Athanasius Constantino festinata iudicia, Innocentius Arcadio Joannis Chrysostomi exilia, Ambrosius Valentiniano impietatem, aut potius conniventiam, Theodosio sævitiam, denique semper in Solibus nostris aliquas Eclipses observant. Hæc verò nostrâ tempestate omnia Principum laudantur, credas, illos præcis Paradisi rosis similimos, quæ spinarum expertes nascebantur. Si amant, elegantes appellantur, placidique, ac vitium instar semper gratiores alieno amplexu. Si aliena bello invadunt, Heroës ac bellatores, vastisque animis, ac metas spernentibus : si Pontifices non audiunt, multentque recta monentes, & aras transiliant Religionis, jurium suorum tenaces ; denique nullum Principis vitium elogio vacat. Ergo aut antiqui illi, sanctique Patres in censendis Principum vitijs nimij erant, errabantque, aut Principes nostri multò Constantinis, Carolis, Theodosijs perfectiores, nec ex eadem massa peccatrice compacti, aut denique adulescentes omnes illi, qui omnes paginas implent ipsi elogijs, quæ ipsi Principes erubescant, tacitis interea maculis, & ideo perpetuis. Quod si Theodosius & Constantinus*

stantinus viverent, fallor, nisi Maimburgus utriusque vitij liceret, solis-  
tisque adulandi artibus unius voluptati, & alterius sævitie incensum  
adoleret, & quod olim Nero, ardentem incendio Romam cantu falle-  
re, quàm aquis juvare mallet.

## §. IV.

Solvuntur aliæ objectiones, quæ à Maimburgo  
ex Actis & Auctoritate Ecclesiæ Gallicanæ addu-  
cuntur.

### S U M M A R I A.

1. Pontificis indirecta in Reges potestati non obesse Acta inter Gregorium, &  
Ludovicum Imperatorem.
2. Neque Acta inter Bonifacium, & Philippum Regem Galliæ, quæ fusiùs  
percurruntur.
3. Nec denique alia ex Actis & Auctoritate Ecclesiæ Gallicanæ à Maimburgo  
adducta.

### I.

**O**pponitur IX. (a) Cùm Ludovicus, Pipinus & Lotharius in Lu-  
dovicum Patrem & Imperatorem arma sumpssissent, seque  
eorum partibus Gregorius Papa adjunxisset, utque eorum  
causam promoveret, Româ in castra profectus esset; Impe-  
rator missis ad eum legatis primò conqueri, quòd in hostium castris  
contrà majorum exempla hæreret, deinde cùm intellectum esset, eum  
anathemata, dirasque parare, nisi filiorum voluntati & postulatis ac-  
quiesceret, cordatè ab Episcopis responsum: Si excommunicaturus adveni-  
ret, excommunicatus abiret, cùm aliter se habeat auctoritas antiquorum Cano-  
num. Liqueat ergo vel hoc uno exemplo, Episcopis Galliæ eam opi-  
nionem animo sedisse, ut crederent, non esse Pontifici permittendum, ut  
se rebus causisque Principum immisceat.

Resp. Fallit Maimburgus, remque multò aliter narrat, quàm se ha-  
beat, idque odio Pontificis; cui enim alteri causæ adscribas falsam nar-  
rationem? quamvis dedecore in solum auctorem recidente. Audi  
Aimoi-

(a) Maimb. Tr. hist. de l'Egl. de Rome c. 30. f. 415.

Aimoinum (a) Floriacensem in sua historia Francica : Tandem ad id ventum est, ut filios Imperatoris in unum cum copiis, quibus poterant, coire facerent, Gregoriumque Papam advocarent sub ornatu quasi, qui Patri solus filios reconciliare deberet, aut posset; rei tamen verum post claruit. Cùm verò rumor usquequaque diffusus sereret de cæteris, quod verum erat, de Papa verò Romano, quòd idèò adesset, ut tam Imperatorem, quàm Episcopos excommunicationis irretire vellet vinculis, si qui inobedientes essent suæ, filiorumque Imperatoris voluntati, parùm quid surripuit Episcopis præsumptio audaciæ, asserentibus, nullo modo se velle ejus succumbere voluntati, sed si excommunicaturus adveniret, excommunicatus abiret. Ductus autem Papa in habitationem: Castrensium multum assersionibus perducit, se tantum iter non ob aliud suscepisse, nisi quòd dicebatur, quòd inexorabili contra filios discordiâ laboraret, idèòque pacem inter utranque partem ferere velle. Remissus autem ab Imperatore ad filios, ut pacem mutuam neciteret, cùm penè omnis populus ad eos torrentis more deflueret, nequaquam ut fuerat jussus, reatre est permixtus. Et post pauca : Ipsum verò Ludovicum Lotharius ad sua cum Carolo admodum pucto deduxit, & Imperium inter fratres ternâ scissione partitur. Gregorius Papa talia cernens cum maximo mæore Romam regreditur. Paulus verò Æmilius (b) in viâ Ludovici : Gregorio in Italiam regresso Lugdunî Concilium Episcoporum, quos filij Reges contraxerant, habitum, Imperiumque Patri abdicatum; quod decretum mox à Grigorio Pontifice Maximo rescissum est, & audacia Archiepiscopi Lugdunensis multata. Vides, quantum differant Aimoini & Maimburgi narratio. Aimoinus dicit : Gregorium in castra à filiis Ludovici evocatum, prætextu pacis conciliandæ. Non ergo Gregorius idèò profectus ad illos est, quòd eis magis, quàm Patri faveret, sed quia illexerant spe pacis ineundæ. Fallum ergo, quod ait Maimburgus, cum ut perduellibus faveret, in castra venisse. Rursus scribit Aimoinus : Rumore jaclatum esse, Pontificem ut anathemate Imperatorem feriret, advenisse; additque : Cùm verò rumor sereret de cæteris, quod verum esset, de Rom. verò Pontifice, quòd idèò adesset, ut Imperatorem excommunicaret. Quibus verbis apertè ostendit, rumores de alijs fuisse veros, non verò de Romano Pontifice sparsos. Cur rogo Maimburgus rumores accipit pro veritate? an nescit, nihil esse incertius rumore vulgi, & præsertim ab hostibus sparsò? nam intererat Principum, ut Pontificem à suis partibus esse crederetur. Et quæ rogo integritas scribentis, veri-

tatem

(a) Aimoia. in gest. Franc. l. 3. c. 34. (b) Æmil. in Ludov. Pio,

tatem & historiam facere, quod Aimoinus rumorem? nec lectorem monere, ne falleretur. Si Maimburgus *iaſſatum* id diceret, ferri poterat, sed quòd ipſe tanquam certam veritatem producat, aſſeratque, quod rumor tantum fuit, iſque, ut innuit Aimoinus, ſubornatus; nulla ætas Maimburgo ignoſceret, quippe ſe ipſum dedecore, & lectorem erroribus implicant. Adjungit Aimoinus: *Surripuit Episcopis præſumptio audacia, aſſerentiùs, nullo modo ſe velle ejus ſuccumbere voluntati.* Vocat Aimoinus *audaciam*, quam Maimburgus pro exemplo adducit: miſeram cauſam tam caducis argumentis nixam! quæ enim vitia excuſari non poſſint, ſi audacia, & libido, & homicidia pro exemplis adducantur? Sed rem totam abſolvit, quod Aimoinus & Æmilii addunt, videl. *Gregorium Papam talia cernentem cum maximo mœrore Romam eſſe regreſſum.* Non ergo Gregorius Ludovico adverſabatur, alioquin nec ejus vices tanto mœrore proſequeretur, nec decretum, quo Imperio exuebatur, reſcinderet, quin potiùs confirmaret. Quis ergo non videat, mireturque, maluiſſe Maimburgum rumori credere, quàm innocentiaẽ tot argumentis probatæ? Pro qua & illud facit, quòd Gregorium trib<sup>o</sup> poſtea annis Lotharius bello invalit, nec revocari potuit, niſi Ludovici imperio, minisque, & feſtinatâ ad filium Legatione. Audi illius temporis ſcriptorem Anonymum in vita Ludovici: *Nuntiatum eſt Imperatori, quòd Lotharius Eccleſiam S. Petri, & homines ejus crudeliſſimâ cæde vexaret, quæ res animum Imperatoris miſiſſimum ad eò exaſperavit, ut quodammodo extraordinariè miſſos dirigeret, nullum penè ad tantum iter conſuſendum ſpatium tribuens.* Tantum ergo abeſt, Gregorium Ludovici filijs faſiſſe, ipſi verò Ludovico adverſatum eſſe, ut hunc amicum & protectorem, illos hoſtes haberet. Sed, inquit Maimburgus, cur in hoſtium caſtris h:rebat Gregorius, Ludovico contempto, & per Legatos exprobrante, ut ſi more antecceſſorum ſuorum aderat, cur tantas neceſſeret moras, non ſibi occurrendo? Reſpondeo, non hanc Gregorij, ſed Principum culpam fuiſſe, Pontificem vanâ ipſe pacis lætanium, & ne caſtris excederet prohibentium, quod etiam Aimoinus citatus illis verbis notavit: *Nequaquam, ut fuerat juſſus, redire eſt permiſſus. At ſaltem apparet, inquit, noluiſſe Gallicæ Episcopos, Pontificem Romanum negotijs Regum implicari, hoc enim ea verba ſignificant; nullo modo ſe velle ejus voluntati ſuccumbere, ſi excommunicaturus adveniret, excommunicatus abiret.*

R:ſp. Mirum eſſe, ut paucorum Antiquorum verba, qui ab armato ad armatos veniebant, vicinaque pugna feroces, quosque Aimoinus ipſe

Uuu

præ-

*presumptionis & audacie notat*; toti Ecclesiæ Gallicanæ adscribantur. Cœterum si removeas verborum intemperantiam, falsamque opinionem, quâ Gregorium credebant Ludovici hostibus favere; verum erat, nihil Pontificis anathemata, si illis justam Ludovici causam morari vellet, & perduellium tueri, valitura. Quippe injusto bello Ludovicus petebatur, ejus verò defensio non justa tantum, sed necessaria; quis verò nescit, non posse justam defensionem anathemate prohiberi? aut quis unquam docuit, Pontifici parendum esse æqua prohibenti, aut flagitia imperanti? Hoc ergo exemplum, etiamli daremus sincerum esse, incoitumque, nihil prorsus ad rem facit, sed intexi debuit inopiâ meliorum, & Maimburgo, cum virtute non possit, numero pugnante.

II. *Opponitur X.* (a) Bonifacio VIII. jura Coronæ Gallicæ palam aggresso, præsertim verò in Bulla, cujus initium: *Unam sanctam* (ea enim Pontificem Romanum etiam quoad temporalia omnibus Regnantibus præficit) nemo ignorat, Philippum Pulchrum Galliæ Regem, omnemque Ecclesiam Gallicanam omnes vires intendisse, & ad futurum Concilium provocasse, nec unquam subjacere huic potestati voluisse; patet ergo, quænam Ecclesiæ Gallicanæ sententia tunc fuerit.

*Resp.* Quæ Bonifacio VIII. & Philippo Regi contigere, utinam pateretur Maimburgus silentio involvi, delerique ex Galliæ monumentis; eorum sanè adeò Philippum pudit, quippe à suis delusum, ut in Concilio Viennensi, teste Nauclero (b) Doctore Sorbonico, eorum memoriam aboleri, nec filijs imputari petierit, obtinuitque publico Diplomate; & planè nulli funestior ea tragædia fuit, quàm Regiæ domui paulò post excisæ, ut notat (c) S. Antoninus. Nam Bonifacium quod attinet, nullius innocentia gloriosius probata, quod postea dicemus. Quæ ergo Maimburgo delectatio, cineres Regios turbare, & olim oblitterata, ac Regno fatalia proferre? ego ea tantum expromam, quæ innocentiam Bonifacii ostendent. Is Anagninæ in Patria sua operâ præsertim Columnensium, quorum duos purpurâ exuerat, & Nogareti captus tenebatur. Triduum jam fluxerat. Anagninenses & pudore tanti flagitij, & quadringentis equis, quos Ursini adduxerant, freti Pontificem liberant; hostes aut capri, aut cæsi, fugatique; Pontifex advocatâ

(a) Maimb. cit. c. 30. f. 415.

(b) Naucler. de Monarch. p. 4. l. 7. c. 18. Joan. Rub. in Bonif. f. 235. Villan. l. 9. c. 22. Clem. V. in Regest. epist. 32.

(c) S. Antoninus. p. 3. Tit. 21. c. 3. Bzovius. T. 14.

carâ Concione omnes veniâ donat, tum Romam petit, exceptus infinitâ omnium gratulatione, & in modum triumphantis. Contulit agitantem, in quo tanti sceleris vindictam, & delicto parem repeteret, mors occupavit; placide solutum esse, sacrisque omnibus procuratum, ac ratione ad extremum constante Processus [a] Bonifacii, Jacobus Stephanesius, [b] Nauclerus, alijque testantur, nec furenti similem, arsisque digitis & illiso capite extinctum, si alia omnia delint, satis ex illius cadavere constat, sano integroque, quod trecentis post annis effusum est, & videri authentica Instrumenta possunt apud Bzovium [c] & Rubeum. Obijt 7. Octobris Anno 1303. trigelimo quinto die à captivitate. Missi in Galliam nuntij, qui Philippo mortem referrent. Eâ in Galliam perlatâ Episcopus Maurianensis fertur in hoc vaticinium prorupisse, teste D. Antonino: [d] *Hoc novum magnum dabit Regno Franciæ gaudium, sed extrema gaudij lætitiæ occupabit, nam propter tantum excessum notabile DEI judicium irruet super eum & progeniem ejus.* Successit Bonifacio Benedictus XI. & huic veneno inter hæc floresque propinato Clemens V. operâ Pratenfis Cardinalis, & beneficio Philippi Regis, in cujus gratiam sedes in Galliam translata, immensio Italiæ luctu, damnoque. Inter alios articulos Regi à Clemente promissos quartus fuit, [e] *ut Bonifacii memoriam damnaret.* Quis non crederet conclamatum esse? Rege videlicet accusante, Pontifice obstricto, & Reo non silente tantum, sed etiam extincto? Clemens ad Concilium retulit: illic à trecentis Patribus absolutus: accusatores repulsi, fraudes detectæ, Philippus Rex ingenti pœnitundine tactus, seque deceptum ingemuit. Audi Nauclerum [f] Doctorem Sorbonicum: *Bonifacium post novem annos Clemens V. annuentibus trecentis Patribus in Concilio Vienne[n]si, ubi præsens aderat Rex Franciæ Philippus, verum, Catholicum, nullaque labe pollutum fuisse pronuntiavit. Omnium malevolorum calumnias, imposturas, mendaciæque in illius Pontificis sanctam consortia, ut Regi placerent, placendo illuderent, illusum deciperent, ipse Pontifex cum toto Concilio decessatus execrationi subjecit. Ipsi verò Regi Philippo agnoscens dissidiorum crimina contra*

Uuu 2

Boni-

(a) Process. Bonif. pag. 36. & p. 151. (b) Naucl. p. 4. l. 7. g. 18. Jacob. Stephan. test. ocul. tus. (c) Bzov. cit. Rub. f. 347. (d) V. S. Antonin. 3. p. T. 10. c. 8. (e) Mañon. in V. Philippi Fuchsii, & Cascon. in V. Clem. V. (f) Naucl. de Monarch. p. 4. l. 7. c. 18.

*Bonifacium perpetrata, eaque per ignorantiam se commississe, proditoriè Sycophantarum illusionibus illudum deceptumque proficenti Clemens V. ignorit. Qui cum valde metueret, ne illa criminum salforum accusatio, quæ deceptus Bonifacio asfinxerat, sibi ac posteris dedecori vterentur, propterea Clemens Pontifex cum universa Synodo sancivit, nunquam Philippo Regi, tanquam innocenti, aut saltem nescienti, proditorum decepto fraudibus ea exprobratum iri. Sed non idè placatum Numen, nam Civitas Anagnina fame, (a) peste, civilibus bellis, ruinisq; penè deleta, nec priùs à malis cessatum, quàm à Clemente VI. impetrato Episcopo, qui eos noxà à majoribus contractâ liberaret. Alij proditorum immaturâ aut morte, aut clade sublatis. Philippus (b) Rex dum aprum insequitur, equo lapsus, extinctusq; tres filios reliquit, infelices omnes Uxorum adulterijs, teste Divo Antonino & Æmilio: illis breve Regnum, nulliq; mares, & ita familiâ Pulchri extinctâ Valesia successit. Observavit Genebrardus, & ex illo Spondanus, Philippo nihil prosperi evenisse post captum Bonifacium. Si quæras, unde Philippi odia fluxerint; responder Maimburgus: (c) Bonifacium in Fura Gallici Sceptri falcem misisse, seque per celebrem illam Bullam, Uram Sanctam, velut sublata in altum face jurgiorum, Regnantibus omnibus præferre aggressum; hinc orta dissidia. Sic Maimburgus, aut ignarus, aut quod magis crediderim, dissimulans rerum. Quicunq; enim prætextus fuerint funesti dissidij, certum est, causas multò alias fuisse, & quàm decoras Bonifacio, tam indignas Philippo à suis circumvento. Quod ut clarè sub oculis ponam, singula suis annis distinguam.*

*Anno MCCXCIV. Cælestinus V. Pontificatu abijt, eique in Cardinalium Senatu liberè renuntiat; succedit omnium votis Cardinalis Cajetanus, seque Bonifacium VIII. appellat. Multos ea electio gaudio, quàm plures mærore affecit; Cælestinus enim sanctitate & miraculis populum devinxerat, Principes verò ingenti liberalitate, regendique dulcedine. Bonifacius ergo velut affectatæ Tiaræ ac dolo obtentæ inculpatus. Sed immeritò, quamvis enim Cælestinum rerum humanarum, gubernandique rudem, & in largitiones, Principumque postulata nimis facilem multi illius temporis auctores (d) tradant, præsertim verò Clemens*

(a) Alex. Bonon. in descript. Lat. (b) Joan. Villan. l. 9. c. 65. S. Anton. p. 3 T. 21. c. 3. §. 4. Masson. in V. Phil. Raynald. anno 1314. n. 26. Spond. ad ann. 1314. (c) Maimb. cit. c. 30. f. 45. (d) Lucenf. in Bonif. Petrarch. l. 2. de vita solit. Villan. l. 8. & Clem. V. in Bulla Canoniz.



Clemens V. in Bulla Canonizationis ; Bonifacium tamen dissuasisse, ne Pontificatu cederet, multi & oculati testantur ; inter quos Ægidius Columna : (a) Conprobati potuit ex pluribus tunc viventibus, Bonifacium, cum in minoribus ageret, persuasisse Domino Cælestino, quod non renunciaret, quia sufficiebat Collegio, quod nomen sue Sanctitatis invocaretur super eo. Eadem habet Cardinalis Stephanus. Obluctata est præsertim Universitas Parisiensis, de qua in Actis coram (b) Clemente V. hæc habentur : Cum verò hæc Parisiis inaudirentur, quari & examinari ceptum est super ingressu illegitimo dicti Bonifacii, videl. an teneret dicti Cælestini renuntiatio, vel non ? consuluntur plures Doctores, & in Theologia Magistri, qui viderunt in materia diligenter, & determinarunt eorum plurimi & magni, Cælestinum renunciare non potuisse, Constitutionemque suam in contrarium prius editam non tenuisse, nec enim id, quia contra DEUM esset, & ejus Evangelium & omnem rationem, statuere potuisse. Cæterum errasse Universalitatem paruit ex Concilij Viennensis, & Ecclesiæ assensu, Bonifacium pro vero Pontifice agnoscens. Et ipse (c) Maimburgus in historia Schismatis Occidentis facetur, posse, imò debere in aliquo casu Pontificem etiam legitimum, & pro tali habitum Pontificatu cedere, confirmatque Archi-Episcopi Parisiensis auctoritate, cum quo præcipua historiæ sua puncta contulisse se ait.

Anno MCCCXV. Bonifacius Adolphum Imperatorem societate ac sociare cum Eduardo Angliæ Rege contra Philippum prohibet : utrumque verò Regem societate componit. Eodem anno Constitutionem edit, quâ libertatem Ecclesiarum contra omnes Principum conatus tuetur, vindicatque. Carolum II. Galliæ Principem, & S. Ludovici ex fratre nepotem Siciliæ throno imponit, omnique studio contra Friderici & Siculorum conatus fovet. Constantia Siciliæ Regina Henrico VI. Imperatori nupsit, dato Siciliæ Regno dotis loco. Henricus Friderico II. filio reliquerat, hic Conrado, Conradus verò veneno extinctus Conradino filio, quem Innocentij IV. tutelæ bimulum commisit. At Manfredus Friderici nothus armis, donisque Siciliam obtinebat, Tyranni nomine in Tutorem mutato. Sed Innocentius IV. Urbanus IV. Clemens IV. Rom. Pontifices sibi asseruerant, quippe Ecclesiæ feudum,

Uuu 3

amis-

(a) Ægid. Columna l. de renunt. Papæ. Stephanes. de renunt. Cælest.

(b) Acta inter Bonif. & Phil. coram Clem. V.

(c) Maimb. hist. du. grand. Schism. d'Occid. l. 5.

amissumque Friderici & filiorum perfidiâ; erantque majestatis rei. Urbanus in Carolum I. Andegavensium Comitem transtulit, S. Ludovici Galliæ Regis fratrem: hujus filius Conradino extincto, pacatisque Siculis, Sceptro succedit. Sed turbatis iterum rebus Friderico Regis Aragoniæ fratri Sicilia se dedit; at Bonifacius VIII. Gallum, uti dicebam, potenter sustinebat.

*Anno MCCXCVI.* Guido Flandriæ princeps filiam Philippam Eduardo Walliæ Principi, Angliæque hæredi despondet. Philippus Galliæ Rex, cui suspecta cum hoste affinitas Flandri, Guidonem, Uxoremque Corbolum invitat, retinetque, nec prius libertas reddita, quam sponsa in fidem data. Intercellit pro Virgine Bonifacius, sed neglectâ à Gallo preces; hinc bellum ab Anglo, nisi Bonifacius inducias imperasset, quippe dum Christiani Principes intestinis bellis consumuntur, Christianum nomen in Syria deletur. Replendis interim avarijs, quæ domesticis bellis exlugebantur, in Anglia, Galliaque gravissima tributa indicta: in Gallijs centesima mercatoribus imposita, tum quinquagesima, nullo secularium, Clerique discrimine. In Anglia, obnoxia tributis Clero, bona Ecclesiastica occupata, ejus postea sceleris adeò Eduardum Regem poenituit, ut large fluentibus lacrymis veniam ab Episcopis posceret. Cum ergo Immunitas Ecclesiastica tot modis ab illis everteretur, qui tueri debebant, nec ferre Bonifacius id posset, editâ Sanctione Principibus prohibet: *Ne quidquam à personis Ecclesiasticis quovis doni, mutui aut subsidij nomine recipiant, nisi Pontifice consulto, & nisi parcant, anathemate percussit.* Exarsere Politici, quorum manibus sacræ æris semper aliquid hærebat; & ne titulus abesset honestæ iræ, Bonifacium incusant, quasi necessarios sumptus averat tuendæ Galliæ, belloque à Gallo, Anglo, Germanoque impendente. Utque Bonifacium ferirent simili plagâ, edictum à Rege extorqueant, quo ne aurum argentumque Gallia efflueretur, prohibebatur. Sed Bonifacius lædi hoc edicto pietatem Gallicam, & majorum exempla ostendens, nec Gallo opportunum, eo tempore, quo ab Hispano, Germano, Angloque bellum instaret, Pontificem provocari; effecit apud Regem, ut edictum revocaretur, molli videlicet adhuc Philippi animo, ac remedia admittente.

*Anno MCCXCVII.* Fridericus Aragonius Siciliæ Tyrannus Cardinales Columnenses sibi devincit, trahitque in societatem belli & prodicio-

ditionis : eos Bonifacius , cum molliri , avertique haud possent , archibus , purpurâ , sacrisque exuit ; hinc implacatum ab illis odium , & Bonifacium , Regemque inter perpetuæ discordiarum faces , ac tandem incendiû , necias Ecclesiæ magis , an Regno funestum ? Eodem hoc anno Bonifacius dato ad Philippum Diplomate proficitur , nunquam sibi mentem fuisse , ut Galliæ Præsules non possent voluntarijs subsidijs Regem adjuvare , modò vis abesset , nomenque tribuci : imò necessitate urgente , aut illos , qui feudum acceperant à Rege , (a) cogi etiam posse . Divus Ludovicus Galliarum Rex hoc ipso anno inter Sanctos relatus .

Anno MCCC. Annum Jubilæum Bonifacius celebrat , ad quem supra ducenties mille peregrinos convenisse ajunt . Carolus Valeſum Regis fratrem comprimendis Italiæ , & Siciliæ motibus Imperatorem deligit , oblati in necessarios sumptus Galliæ decimis , & utriusque Imperij spe .

Anno MCCC. Philippus ministrorum consilij actus , Rhemenſis , Carnutensis , Laudunensis & Pictaviensis Ecclesiarum bona ac jura occupat , præsertim verò Lugdunensis , Narbonensis & Apamiensis , quarum Præsules earum Urbium dominatu gaudebant . Ipsum verò Episcopum Apamiensem violatâ Immunitate Ecclesiasticâ , immisâ satellitum manu ad se vocat , traditque custodiendum Archiepiscopo Narbonensi . Bonifacius Episcopum solvi , Romamque mitti ad dicendam causam , ablata Ecclesiâ Apamiensi , jubet , & Episcopos Galliæ ad Concilium dimitti ; nam ut ait S. Antoninus : (b) *Philippus Episcopatus vacantes , cum essent bona Episcoporum , diripiebat , & investuras eorum facere volebat . Quamobrem Bonifacius ut magnanimus & audax neminem timens cepit contra ipsum agere , tanquam inimicum Ecclesiæ , & Prælatos Franciæ ad Urbem ad celebrandum Concilium vocavit .* Sed Philippo hæc contra Galliæ Privilegia fieri contendente , Bonifacius , ne obtentu Privilegij Ecclesiæ everterentur , exhiberi ea jubet , & interim viribus carere .

Anno MCCCII. Tandem Gallicæ nubes tempestatem effundunt , tanto tempore collectam Philippus Ariminensem & Apamiensem Episcopos , quamvis Apostolicam Sedem appellantes , carceribus derinet . Prælatos ad Concilium evocatos Galliâ exire prohibet ; & quis crederet ?

(a) V. c. Clericis de Immunit. Ecclef. (b) Antonin. 3. p. T. 10. c. 8. §. 10. Joan. Villan. l. 8. c. 62. Emil. in Phil. Pulchro.

deret? isti Philippo potius, quamvis persequenti, quàm Bonifacio, qui illorum causam agebat, detulere; adeò illos aura, quæ ex Aula spirabat, corruerat, ut præ libertate servitutem amarent. Idem Philippus Legatos Pontificios exire Regno jubet, calumniarum copias (a) pronuntiari è Cathedra Parisijs in æde D. Virginis facit, & a Communitarijs Bonifacij ad futurum Concilium provocat. Quo tempore Bonifacius Cathedræ suæ jurib<sup>us</sup> vindicandis celebrem eam Decretalem vulgat, cujus initium: *Utiam Sanctam Ecclesiam*. Tota hujus Constitutionis summa ea est, ut ostendat, duplicem in Ecclesia gladium esse, *materialem videlicet & spirituale, & gladium materiale sub spirituali esse*. Quod si gladius & potestas materialis exerraverit, corrigendam & judicandam esse à potestate spirituali. Hæc Bonifacij doctrina totidem ferè verbis ex Divi Pauli, & Bernardi desumpta est; nam temporalem potestatem à spirituali judicandam esse illis verbis Apostolus expressit: *si angelis judicabimus, quanto magis temporalia?* Duplicem verò in Ecclesia gladium esse, temporalem & spirituale, S. Bernhardus in l. 1. de consider. c. 6. ad Eugen. tradit. Non ergo novæ doctrinæ auctor Bonifacius; nec aliud scripsit, quàm quod calamo exemplisque antiquitas expresserat. Sed cum Philippi animus jam irâ caleret, adderentque faces Regij Ministri, facile fuit Bonifacij verba in aliena sensa torquere; dicebant enim, Pontificem sibi in Francicam Coronam jus vindicare, quasi illa Ecclesiæ Beneficium esset, quam tamen tantum Cælo deberet; idque in publicis Comitijis jactatum, quò major in Bonifacium invidia conflaretur. Prohibiti etiam Præsules, ne Concilium, quò à Pontifice vocabantur, adirent. Bonifacius eos omnes censuris afficit, qui Romanum iter morarentur, nec tamen Regem expressit: imò Joannem Cardinalem Parisios mittit, qui Regis animum molliat, exsolvatque censuris.

Anno MCCCIII. Cum nihil efficeret Legatus Cardinalis, (b) Bonifacius Albertum Imperatorem in Philippum concitat; hic in publicis Comitijis Bonifacium hæresis, usurpati Papatûs, & Simonie postulat, totoque Regno vulgari jubet, & ad Concilium provocat, quique Regij edictis & voluntati obniterentur, exilio pulsi, & ipse Bonifacius, ut supra indicavi, Anagninæ captus. Hic ordo & series Tragœdiæ, ex qua Maimburgum facile convincas; nec enim dissidia Philippi cum Bonifacio ex eo fluxere, quòd hic aut coronam auferre minaretur, aut

Con-

(a) V. Masson. in vita Bonif. (b) Auctos V. Bonif.

## indirectam Pontificis in Regna potestatem. 511

Constitutionem illam, *Unam Sanctam*, ediderit; hæc enim contigerunt natis jam jurgijs, adultisque, ut suprà vidimus; imò quàm plurimis beneficijs Philippum Bonifacius attulerat: sed veræ causæ sunt illæ ipsæ, quas Maimburgus regit, videlicet: quòd ægrè haberet Gallos, Cœlestinum Pontificatu celsisse; is enim cùm omnes suâ virtute mereretur, facilis erat in Principum postulata, Gallorum præsertim; successerat Bonifacius, si minori Sanctitate, at majori prudentiâ, nec dolis obviâ: hinc primi Sorbonæ impetus, negantis potuisse Cœlestinum renuntiare, ideoque nec Bonifacium Papam esse: quòd Ordinem Clericalem tributis, vestigalibus, decimis gravari vetuerit inconsulto Pontifice; cùm enim bello inter se Gallus, Anglusque sævirent, Regijs ærarijs exhaustis, bello sustentando Ecclesiæ premebantur: quòd Columnenses purpurâ exuisset, & isti perpetuis querelis aulam, Regemque incitarent: quòd Ecclesiarum jura, Lugdunensis præsertim, Narbonensis & Apamienensis occupasset Philippus, quarum Urbium dominatu hætenus Episcopi gavisi erant: quòd Episcopum Apamiensem violatâ immunitate inclusisset; & tandem, Episcopos Galliæ, ut corruenti Immunitati subveniret, ad Concilium evocasset. Hæ inquam veræ causæ persequendi Bonifacium, sed pudebat istas, quippe Gallo indecoras, nec ejus causæ profuturas, proferre. Quis enim Philippo accederet, ejusque studia probaret, si fateretur, se Pontifici, quòd Ecclesias, quòd Canones, quòd immunitatem tueretur, bellum dixisse? alia ergo quæsitâ, si minus vera, at fallendis incautis aptiora, & quæ colore saltem placerent, si pretio non possent. Quòd verò multi Galliarum Præsules contra Bonifacium, & cum Rege sentirent, nihil Maimburgum juvat; quis enim nescit, Episcopi in Aula frequentes quot vinculis Regi adstringantur? nam & chamæleontes ex flore, herbisque, quibus adhærent, colores sumunt. Quæ causa unquam justior fuit, quàm Chrysothomi, Athanasij, Thomæque Cantuariensis? & tamen nemo his magis, ut Episcopi adversabantur, quippe qui ex Principum nutu penderent, eosque sequebantur, quos duci oportebat. Nec mirum ergo, nec novum esse debet, plerosque Galliæ Antistitem Philippo Regi adhæsisse, id enim potentiae, non causæ dabatur; præsertim cùm metus & pœnæ jungerentur; constat enim, quàm plurimos, qui Bonifacio rudebant, exilio & carceribus multatos esse, ut Massonius (a) in vita

XXX

Phi-

(a) Masson. in V. Phil. Processus f. 230.

Philippi, & acta coram Clemente testantur; nihil ergo subsidij à votis Episcoporum, quos metus, & carceres, & exilia urgebant: absint minæ & proscriptiones, liberæque sint voces Episcoporum, nec strepitu catenarum, minisq; expressæ, & tunc demum pondus & momentum habebunt, alioquin nihil fidei extortis.

*Dices;* quæ Bonifacius in Philippum scripsit, fecitque, à Clemente V. abolita & deleta sunt; ergo id signum est, Regem innocentem fuisse.

*Resp.* Clementem Gallorum operâ, Regis præsertim, Pontificatu potitum esse, & multa prius Regi promississe, ac etiam juramento confirmasse, præsertim de Bonifacij memoria abolenda, notius est, quàm ut repeti à me debeat. Quid ergo mirum, si Pontifex Gallus, quique in Gallijs morabatur, imò sacram Sedem eò transfulerat, Regi tot beneficij, promissisque ac jurejurando devinctus erat, multum Philippi gratiæ & potentiæ detulerit, ac præsertim paci Ecclesiæ? nec disputaverim, quanto id jure: illud certum, Clementem propterea apud multos male audivisse, & Bonifacij memoriam, quam Philippus persequabatur, cœlesti prodigio assertam esse. Sanè quod Pontificis potestatem in Reges spectat, Bonifacij vestigijs Clementem inhæsisse patet tum ex Hungariæ Regno, quod contra Otonis Bavarici Ducis studia Carolo Martello asseruit, tum etiam ex celebri (a) Constitutione, quam in Concilio Viennensi edidit, & suprâ produximus; ut si pugnare velimus Clementis exemplo, plus id Maimburgus, quàm nobis noceat.

III. Addit alia Maimburgus Ecclesiæ Gallicanæ testimonia, ad quæ cùm superiori §. responderimus, nolumus hic repetere. Illud tantum observa, Ecclesiæ Gallicanæ auctoritatem, & à Maimburgo, & à me proferri, sed longo discrimine; Maimburgus enim non habet antiquiora Gallicani Cleri testimonia & Decreta, quàm à decimo quarto seculo, & tunc quidem temporis, cùm dissidia inter Pontifices, Regesque ardebant, & Clerus, ut fieri solet, spe, metuque ac etiam adulatione in Regias partes trahebatur, multique pietate ac doctrinâ præcipui Pontifici adhærebant: erantque Conventus illi Gallicani particulares tantum; nec Maimburgus ex Sanctis Ecclesiæ Gallicanæ Patribus aut Doctoribus proferre aliquem potuit, cui sententiam suam cum decore committeret: nec enim moror sententias aliquas generales, & quæ nullam

(a) V. Raynald. ad ann. 1307.

nullam penitus rei, de qua loquimur, mentionem faciunt; multò minus Concilia aliqua Generalia, quæ sententiæ ejus faveant, produci possunt: planè nullum Maimburgus produxit, quamvis suæ causæ adornandæ omnia concilferit. At verò Ecclesia Gallicana, quam nostræ sententiæ apertè consentientem vidimus, non nova, recensque, sed antiqua, & septimi jam seculi est, abundatque Patribus, Sanctisq; Ecclesiæ Doctoribus, quinque Concilijs Generalibus prævalida, nec in genere tantum, sed de calu, quem præ manibus habemus, in particulari & individo loquitur, & tunc temporis sententiam suam de Pontificia supra Reges potestate dixit, quando Summa Pontificum, Regumq; concordia, omniq; procul affectuum, iræque tempestare, ac placidis annis veritas promebatur. Jam lectoris arbitrium esto, utri sententiæ auctoritas Ecclesiæ Gallicanæ magis suffragetur. Quòd si palma antiquitati danda, nostra multò antiquior, ut quæ novem jam secula in Ecclesia duravit, tot exemplis, tot Patrum oraculis, tot Concilijs suffulta, florensque. Valeant ergo, vincantque illæ à Sanctis Patribus toties repetitæ & inculcatæ voces, videl: (a) *Mos iste semper in Ecclesia viguit, ut quò quisque religiosior foret, eò promptius novellis opinionibus contraheret. Christianus ergo Catholicus providebit, ut antiquitati subeat, quæ prorsus jam non potest ab ulla novitatis fraude seduci.* Sed, inquit Maimburgus, (b) *potestas in Reges Pontificia nunquam magis, fortiusque, ut in ultimo Conventu Parisiensi, repressâ, coarctataque est. Rex verò utpote Conciliorum, Canonumque defensor doctrinam ejus Conventus quatuor propositionibus comprehensam toto Regno acceptam, colique jussit, eo serè modo, quo apud Superiores Religionum fieri solet, ut certa aliqua doctrina, Thomæ videlicet aut Scoti teneri jubeatur, concordie causâ. Res.* At ego in nullo Conventu magis, graviusque, ut in illo Parisiensi, peccatum esse crediderim, nec simplici, sed cumulado errore, quod pace & reverentiâ Sacri illius Senatûs dixerim, nunquam dicturus, nisi cogeret majestas offensi. Primò enim, quis nescit, iram, metumque huic Choro (c) præfuisse? quos verò fructus expectes radice intrinsecâ? Repetantur memoriâ Antiochense, Ariminense, & Ephesinum II. Concilia, videbis semper periclitatam esse veritatem, animis irâ, metuque agitatâ. Elisæus quamvis adversus Joram idolis addictum sacro, justoque Zelo inardesceret, non prius tamen Sancto Spiritu afflari potuit, quàm turbatum, flagrantemque animum

X x x 2

pone-

(a) Vincent. Lirin. commonit. l. 1. c. 3 & 9 (b) Maimb. Tr. hist. de l'Egl. de Rome ch. 30. f. 425. (c) V. Reg. Sacerd. f. 120. Edit. Anno 1693.

poneret mulcente tibicinis manu : (a) *Adducite*, inquit, *mibi Psaltes*, cumque caneret *Psaltes*, facta est super eum manus Domini. Si ergo cœlesti etiam flammæ tantum fumi est, ut radium veritatis obumbreret, quantum erit terrestri illi, densæque, & quam odium ac vindicta incendit? Quæ ergo auctoritas ei Conventui esse potuit, in quo ira præsedet, terror suffragium iniit, metus decidit, & adulatio subscripsit? quæ si quis neget, Apamiensis tragœdiæ tantum recordetur, & fatebitur, nihil à me supra verum, sed multum infra memorari. *Secundò*. Negari haud potest, majores causas ad Romani Pontificis cognitionem pertinere, idque inter hujus Privilegia Maimburgus (b) reposuit : at verò causas, quas Conventus Parisiensis decidendas sibi sumpsit, non majores tantum sunt, sed omnium maximæ, versantur enim inter prima Ecclesiæ & Reipublicæ capita, Pontifices videl: Reges, & Concilia universalia. Si enim quæstio verteretur, an Gallici Regni Status sint supra Regem, possintque istum judicare, punire, ac etiam Regnis exuere? an à Rege ad Comitatus Regni appellari possit? an Sententiæ ac edicta Regia tanquam erroris ac injustitiæ obnoxia recusari impunè possint, & ab illis tanquam ab abusu ad futuros Reges, aut futura Comitatus provocari? Si inquam hujusmodi quæstiones agitari Parisiis contingeret, quis non illas maximi momenti esse diceret, quippe ad Regni aut quietem, aut turbas pertinentes, & plurimorum bellorum ac seditionum faces? & qui hujusmodi quæstiones aut hætenus inauditas, aut saltem dudum sopitas excitaret, imò in privatis Conventibus jactari, palamque affigi vellet, quo rogo is alio nomine dignus esset, quàm factiosus ac perduellis? at verò similes omninò in Conventu Parisiensi non propositæ tantum & auditæ, sed etiam decisæ sunt, imò imperatæ, armatæque supplicij, si non jussu, at rogatu, nuntiusque Patrum. Non dico, factiosus illic, aut perduelles sedisse; absit, nie reverentiæ oblivisci, tot magnatibus, sacrisque Insulis debitæ; illic dico non potuisse tanti, imò maximi momenti causas ab eo Conventu agnosci, multoq; minùs decidi, quippe soli Pontifici reservatas, etiam Gallorum, & Maimburgi iudicio. Quo ergo jure tribunalia miscent, & sæpè utriusque potestatis perrumpunt, sibi que causas vendicant Pontifici tantum sepositas? & qui hæc faciunt, magnæ auctoritatis Maimburgo, invictæque videntur; at nullius mihi, quantæ videl: si de causis Regni Gallici Hispanus

(a) 4. Reg. c. 3. (b) Maimb. cit. c. 5. f. 61.



## indirectam Pontificis in Regna potestatem. 515

pronuntiaret, aut Anglus de jure margaritas piscandi in Sinu Persico. *Tertio.* Omni Jure, naturali videl: divino, humanoque statutum est, ut non prius in aliquem sententia dicatur, quam vocatus is fuerit, auditusque, & copia data suas rationes deducendi. Jam verò Conventus Parisiensis Tiaræ Pontificiæ duos, quos habuit, pretiosissimos uniones subduxit, supremum videl: in rebus fidei iudicium, & potestatem Reges abdicandi, quoties necessitas tutandæ Religionis exegerit: quæ duo si negent Galli ad Pontificem certò pertinere, negare saltem non possunt, dubium esse, an ad Pontifices pertineant; id enim saltem evincunt tot Patrum, tot Doctorum, Conciliorumque testimonia, & præsertim possessio tot exemplis à Romano Pontifice in Gallis exercita. Quo ergo jure potuit Conventus Parisiensis Romanum Pontificem tam egregijs prærogativis exuere, non auditum, non defensum, nec saltem litis admonitum? Cur possessione abdicatus tot annis obtentâ? si vel unum ex opulentis illis Sacerdotijs Archi-Episcopo Parisiensi adimeres, quibus fruitur; nec is prius causam in senatu dixisset, quantæ rogo de injuria, violatisque legibus querelæ? & tamen quantum inter Pontificem & Archi-Episcopum, inter Sacerdotium, supremamque potestatem discriminis? *Dices*, sententiam & declarationem Conventus Parisiensis ad solam Galliam pertinere. Esto: at potestas Pontificia non Gallias minùs, quàm alias mundi partes complectitur, nec minùs in ijs, quæ fidem, moresque spectant, Gallia quàm Italia Pontifici subjicitur, quod nec Galli ipsi negant; quo ergo jure, non auditum, non defensum Pontificem eo jure privant, quod in Gallijs habuit, posseditque tot annos, quoque privari nisi auditus non debuit? Demus enim, non habuisse, at saltem habere se credidit, contenditque ingentibus rationibus nixus; non ergo condemnari debuit, nisi præsens, auditusque. Quòd si dicant, nihil novi Parisienses statuisse, sed tantum antiqua, & jam olim à Patribus statuta, declarasse. Respondeo, hoc ipsum in dubium vocari, imò gravissimis rationibus ostendi, Patres & Concilia contrarium statuisse: non ergo tam grave, & controversum dubium decidi à Parisiensibus debuit, nec præsentibus, nec auditis partibus, quarum intererat; alioquin si is litem lucretur, vincatque, qui stare pro se Jura & scripturas dicit, seq; nihil aliud experere, quàm olim Jure & scripturis decisa, & ideò nec iudice, nec sententiâ opus esse; quis tam reus, quem non continuo absolvas? nec enim tam malam causam quis

Xxx 3

habeat,

## 516 Diff. II. §. IV. Solvuntur aliæ Object. contra

habeat, qui non Canones, non Leges, & scripturas appellet: imò ij maxime, qui suæ causæ minùs confidunt, tympanorum more, tortius ex vacuo sonantium. *Quartò.* Certum est, non posse superiorem ab inferioribus judicari, multoque minùs juribus, quæ habere se contendit, privari. Quis verò Conventum Parisiensem Pontifici & Concilijs præposuit, ut ab istis sancita ille refugeret? ergo Conventus Parisiensis Concilijs Viennensi, Lateranensi, Lugdunensi ac Constantienti major, ut quæ hæc comprobârunt, ille damnaret? & doctrinam in ijs Concilijs non prolatam solum, sed etiam ac toties exercitam aboleri juberet, imò seditiosam, sacrisque scripturis adversam appellaret? huc ergo tendunt tot illa encomia, ac prærogativæ Conciliorum à Gallis invidiosè jactata, ut videlicet Pontifici quidem præferantur, Galliæ tamen Episcopis subjaceant, ab istis, ut libuerit, obliteranda. Concilia Ecclesiam universalem repræsentent, Concilia errorum expertia, Concilia omni Pontifice superiora, Conventui tamen Parisiensi ad pedes jaceant, corrigenda, improbanda, imò & damnanda, utcunque aulæ placuerit, & Insulis ab aula pendentibus. Quòd si Conventus Parisiensis ingenuè fateatur, ut planè fateri debet, se multò infra Concilium esse, & Pontificum decreta; quærimus, quâ ergo auctoritate aulæ fuerit sententiam proferre, imò imperare, ac minacibus decretis obtrudere, adeò Conciliorum doctrinæ, exemplisque adversam? Num ergo Archi-Episcopus **Parisiensis** pateretur, aliquem è Decanis suis Ruralibus collectis clericorum comitijs Archi-Episcopi decreta contrarijs evertere, & suas opiniones Archi-Episcopi præferre, imò imperare? atqui non minùs Archi-Episcopus, Conventusque Parisiensis Pontifici & Concilijs tubest, quàm Decani Antistiti suo; non ergo contra Pontificum, Conciliorumque decreta statuere quidquam poterant; & quæ statuerunt, nullius ponderis ac momenti sunt. Si enim corrigi, judicarique Pontifices & Concilia oportebat, ab alijs Pontificibus & Concilijs decuit, non à Conventu Parisiensi, cui nulla in majores potestas; alioquin quanta Hierarchy Ecclesiasticæ confusio, si liceat contra superiorum statuta non tantum docere, sed etiam imperare? Id quoque egregiè observavit Cardinalis Richelius (quo vix alius doctior, certè nemo Regi suo addictior, magisque de Regno Galliæ meritis) in libro, (a) quem Episcopus

scripsit,

(a) Cardinal. de Richel. livre intitulé: *Le Principaux points de Foy de l'Eglise.* ch. 8.

## indirectam Pontificis in Regna potestatem. 517

scripsit, & necdum Romanâ Purpurâ insignis; sic enim cap. 8. gallicè scribit, quæ ego latinè reddam: Ipse Clerus Ecclesiæ alicujus particularis, qualis est Ecclesia Gallicana, non possit hanc quæstionem decidere, cum ad solam Ecclesiam pertineat fidei articulos definire; imò cum in hac re jus & causa vertatur omnium Regnorum statumque Orbis Christiani, uni & particulari Regno, sine auctoritate assensuque aliorum Regnorum permissum non est de hac re sententiam ferre; imò quod plus est, ex hujusmodi decisione (quod videlicet Pontifici Romano nullo casu liceat de Regnis disponere) necesse est certissimum schisma in Ecclesia consequi; cum videlicet articulus Fidei singularis, & pro una tantum Ecclesia Gallicana statuitur, non pro tota Ecclesia Catholica, unde schismatis & divisionis in rebus Fidei occasio dabitur. Adde eam sententiam (quæ videlicet Pontifici Romano potestatem indirectam adimit) bono & securitati Regnantium non solum inutilem, verum etiam noxiam esse, ut ex ijs videre est, quæ super hoc argumento magnus ille Perronius Cardinalis scripsit, sæculi sui ornamentum, quique materiam hanc eâ eloquentiâ & doctrinâ, quam omnes in hoc Purpurato demirantur, prolixè discussit. Vides hîc à Richelio necdum Purpurato, Romæque obstricto, sententiam Perronij Cardinalis (qui Pontificis Romani potestatem indirectam tam ardentè eruditeque defenderat) approbari: quâ igitur facie audet Maimburgus dicere; nunquam id Galliam sensisse? num igitur Perronius & Richelius Cardinales Galli non erant? num in sinu Sorbonicæ scholæ non enutriti? num doctrinâ & charitate in Principem, supra omnes, qui unquam Galliam infederint, non eximij? num in nupero Conventu Parisiensi aliquis fuit, qui Perronio & Richelio, non dicam præponi, sed ne quidem æquari potuerit? num uni Perronio aut Richelio mille Maimburgi sufficiant? Et iste sciverit, quod illi ignoraverint? negat Perronius, negat Richelius hanc esse Galliæ sententiam, affirmat Maimburgus; utri major fides? utri plus credas? V. Dissertat. 1. §. 7. Object. 7.

Nec obstat, pietatem & Religionem obtendi; id enim commune jam omnibus fallere volentibus, ut videlicet honesta prætexant, & quod de Panthera memorat Plinius, odore invitant perituros. Estque præferendæ Religionis artificium tam vetus, ut S. Leo jam olim illud observaverit in epistola (a) ad Theodosium Imperat. *Privatæ causæ pietatis aguntur obtentu, & cupiditatum quisque suarum Religionem habet velut pedissequam.* Patet ergo ex dictis aucto-

(a) S. Leo ep. 25. ad Theod.

auctoritatem *Conventus Parisiensis*, quam inter præcipuas *Maimburgus* ponit, planè nullius ponderis esse, nullamque habere vim probandi. Sed nec minùs inane illud, quod addit : *Regem videlicet*, utpote *Sacrorum Canonum Protectorem*, *Conventus Parisiensis Declarationem* recipi toto Regno *justisse*, idque exemplo *superiorum Regularium*, suos *Clientes unius Doctoris sententiæ adstringentium concordia studio*. *Iussisse Regem*, *Declarationem Parisienlem* toto Regno vulgari, recipique nemo inficiatur. At verò id fecisse tanquam *Canonum Protectorem*, unum est ex solemnib<sup>9</sup> *Maimburgo* paradoxis ; persecutoris enim *Canonum*, non protectoris est, doctrinas *Canonibus* adversas munire, suamque illis auctoritatem præstare ; neque *Rex* id suo, sed aliorum instinctu fecit, regentium videlicet *privatas vindictas alienâ & deceptâ Majestate*. Et verò in qua *Religione* receptum vidit *Maimburgus*, doctrinas imperari *Canonibus*, *Concilijs*, *Pontificibus*, *Sanctisque Patribus* ac moribus adversas, qualis est illa, quam buccinantur *Politici* ? Scio, multis in scholis receptum esse, ut à sententijs *Augustini*, *Thomæ*, *Scoti*que abscedere non liceat ; sed ut non liceat à *Declaratione Parisiensi*, nec ratio, nec conscientia permittet : spesque omninò est, ubi primi impetus deferbuerint, cessarintque voces *aulæ adulantium*, *Regem* tandem, *Galliamque æquitati cellurum* ; & quod semper evenit, brevis ævi futuras traudes, perpetuâ veritate.

## F I N I S

## Primæ &amp; secundæ Dissertationis.



DISSER-



# DISSERTATIO III.

In

Qua refutantur, quæ Maimburgus in favorem secundæ Propositionis Parisiensis producit, contraque Romanum Pontificem Concilio Generali submittere.

## §. I.

Refelluntur Maimburgi argumenta ab exemplis Leonis, Vigiliij, Honorij, Siricij, Silvestri Pontificum, & Concilij Arelatensis petita.

### S U M M A R I A.

1. Concilia si Acephala sint, aut Pontifici opposita, aut ab eo non confirmata; non esse certa Spiritus Sancti organa, nec erroris experta, idque testimonio Patrum, ipsiusque Maimburgi, & rationibus probatur.
2. Majorem esse Pontificis, quàm Concilij auctoritatem, verbis exemplisque probatur Leonis Magni, frustra Maimburgo circa unum, alterumve Leonis verbum rixante.
3. Pertexitur Vigiliij historia. Nestorij mores, promotio, hæreses, damnatio, extremæ.
4. Nestorij libri editio Theodosij summis cremati, eorum loco à Nestorij Clientibus Theodori Mopsevesteni scripta v. r. i. s. linguis evulgantur.
5. Eutychetis error, & Concilium Chalcedouense, in quo Theodorus Cyri. & ibi Ed. s. s. Episcopi absoluti, & quas ob causas?

6. Bellum tribus Capitulis indictum odio Eutychianorum Concilio Chalcedonensi adversantium. Vigilius consilij anceps in omnem se partem versat, fugaque Thessalonicam.

7. Concilium Constantinopolitanum. Vigilij pro tribus Capitulis constitutum, & rationes. Tria capitula in Concilio Constantinopolitano damnata; cui & Vigilius subscripsisse fertur concordiae studio.

8. Causam trium Capitulorum nihil ad fidem spectasse, Gregorij, & Pelagij Pontificum, & totius ferè Occidentis testimonio, exemploque probatur, qui in causa trium capitulorum obluclari Concilio Constantinopolitano non prius desistit, quàm Pontificum auctoritate vinceretur. Nec Vigilium mutatis toties sententijs errasse.

9. Honorij PP. innocentia multis modis ostenditur: ac etiam si admittat haereticum fuisse, nihil contra Pontificum auctoritatem concludi.

10. Ex Concilio Arelateni nihil contra Pontificis auctoritatem colligi, sed multa pro illa, ubi etiam Maimburgi errores notati; & luculentissimum Zosimi Pontificis testimonium.

11. Siricii quoque Exemplum nihil contra Pontificis auctoritatem, sed pro illa potius militare.

12. Ex Gerberti Historia stabiliiri potius Pontifici auctoritatem, quàm everti; & quàm malâ fide eam recitet Maimburgus.

## I.

**M** Ore suo Maimburgus praelium initurus ingenti buccinato pugnæ præludit, videlicet: (a) Nunquam elapsis retrò annis in Ecclesia dubitatum esse, quin Concilio universali Pontifex subderetur: hanc unicam & veram causam esse, cur elapsis temporibus de hac questione altum silentium fuerit; id se verò sacris exemplisque probaturum, quibus opponere nihil possis. Sic ille ingenti pompâ verborum aureis auditorum animosque captans. Cæterum quàm malè hujus Auctoris promissa rebus ipsis respondeant, floresque autumnæ æmulentur colore tantùm nobiles, & fructuum steriles; jam Lector didicerit quàm plurimis experimentis, & quæ mox dicam, adhuc clariùs aperient.

Subesse Concilia Romano Pontifici in Regali Sacerdotio (a) copiosè probatum est, Idque Scripturæ & Conciliorum tam claris testimonijs,

(a) Regal. Sacerdot. l. 2. à f. 319.

monijs, ut planè responderi ad ea nihil possit : nec ipse Maimburgus aliquid reperit, quòd opponeret tam evidentibus argumentis, & idè illa omnia silentio transmittit, fugam quàm prælium malens desperatâ victoriâ ; nihil eorum, quæ illic dicta sunt, repetendum duxi, sed solum quæ Maimburgus scripsit, examinabo, temporis ac verborum parcus, & unicæ veritati intentus ; ergò rem ipsam aggredior.

Opponit 1. (a) Spiritus Sanctus est, qui in Concilijs Oecumenicis loquitur, & cui soli infallibilitatem Concilij debemus ; quemadmodum plurium ac discordium vocum concentus, & harmonia, non organis, non fistulis, sed artificii, ac Musico debetur instrumenta moderanti, & idè in decisione ac Decretis primi Hierosolymitani Concilij hæc verba leguntur : *Visum est Spiritui Sancto & nobis.* Anima ergò Concilij est Spiritus Sanctus, atqui Pontifex Romanus subest Spiritui Sancto, ergò etiam subest Concilio, cujus voces & Decreta, sunt voces & decreta Spiritus Sancti.

Resp. Verum est Spiritum S. per Concilia loqui, & voces Concilij Universalis voces esse Spiritus Sancti juxta illud Christi Domini : *Non enim vos estis, qui loquimini, sed Spiritus Patris mei, qui loquitur in vobis.* Cæterum non omne Concilium est aptum organum Spiritus Sancti, nec omnes Concilij voces sunt Spiritus Sancti ; quis enim dicat Decreta Conciliorum Ariminensis, cui 400. Patres affederunt, Ephesini secundi, cui 128. Antiocheni, Basileensis, aliorumque, in quibus toties, tam graviter erratum est, à Spiritu Sancto fluxisse ? & de quibus Gregorius Nazianzenus (b) conquestus est : *Nunquam sine periculo & offensione Sacerdotum haberi Conventus, & nullius Concilij finem latum, sanstumque visum à se esse.* Sicut ergò non omnis fistula canenti apta, ita nec omne Concilium est aptum organum loquentis Spiritus Sancti : sed illud tantum, quod Oecumenicum est, quod legitimè convocatum, approbatumque à Romano Pontifice, ut alibi probatum est. Quomodo enim erit Concilium Universale, quod integrum non est ? quomodo autem integrum, cui Caput deest ? integrum Templum fundamento destitutum ? Integra Familia Oeconomi aut Vicarij experts ? Cum ergò Pontifex Romanus sit Caput, fundamentum, & Paterfamilias Ecclesiæ ; tam non potest sine illo, ejusque assensu Concilium dici Universale, legitimum, integrumque, quàm non potest exercitus sine

A a a 2

Duce,

(a) Maimb. cit. cap. 17. fol. 107. (b) Gregor. Nazianz. ep. 55. ad Procop.

Duce, domus sine fundamento, familia sine Oeconomo integra dici. Apparuitque id ipsum in prima illa Synodo Hierosolymitana, quam merito exemplar omnium aliarum dicas; in qua licet omnes Spiritu Sancto abundarent, non prius tamen vox Spiritus Sancti audita, aut contentiones pacatæ, quæ Sanctos Antistites agitabant, quàm Petro sententiam præloquente, ac viam Spiritui Sancto parante.

Audi sacrum textum. (a) *Conveneruntque Apostoli & seniores videre de hoc verbo:* (b) *Cum autem magna conquisitio fieret, surgens Petrus dixit ad eos: quid tentatis DEUM, imponere jugum super cervices discipulorum, quod neque Patres nostri, neque nos portare potuimus? Tacuit autem omnis multitudo. Ubi vides prius Concilium varijs opinionibus agitatum esse, quàm Petrus loqueretur: postea eo sententiam proferente, lite jam velut finitâ, omnium silentium esse consecutum.* Hæc etiam causa fuit, ut sæpè à Patribus dictum sit, nullum valere Concilium, nullosq; Canones præter Romani Pontificis auctoritatem sanciri posse; quia videlicet credebant Patres, ut animam in corpore capitis experte mutam esse; ita nec Spiritum Sanctum in Concilijs loqui, nisi per caput Ecclesiæ, quod est Romanus Pontifex. Audi eorum verba. Patres Concilij Romani sub Damaso PP. (c) *Numerus Episcoporum, qui erant Arimini congregati, præjudicij vim habere non debet, præsertim cum formula illa composita sit, neque Episcopo Romano, cujus sententia ante omnia expectanda erat, nec Vincentio, neque alijs consentientibus.* Et Gelasius I. *Cognoscant igitur illud secundum scripturas sanctas, traditionemque Majorum, secundum Canones regulasque Ecclesiæ, pro fide communi & veritate Catholica & Apostolica, pro qua hanc fieri Sedes Apostolica delegavit, sacramque firmavit, à tota Ecclesia indubitanter recipi (loquitur de Synodo Chalcedonenſi) alia autem, quæ illic prolata sunt, vel potius ventilata, quæ Sedes Apostolica gerenda nullatenus delegavit, mox à Vicarijs Sedis Apostolicæ contradicta manifestum est. &c.* Ubi vides illa tantum ab Ecclesiâ recipi Concilia, quæ & quatenus à Sede Romana sunt approbata, quæ verò & quatenus approbata & confirmata non sunt, nec in Ecclesiâ recipi oportere. V. Regale Sacerd. f. 351.

Nicolaus I. (d) *Denique in Universalibus Synodis quid ratum, vel quid prorsus acceptum, nisi quod Sedes B. Petri probavit, ut ipsi scitis: sicut e contrario, quod ipsa sola reprobavit, hoc solummodo constat hactenus reprobatum.*

Et

(a) Actorum 15. (b) Patres Concil. Roman. Anno 359. (c) S. Gelasius Tomo de Anath. Vinc. ab init. T. 1. Concil. Obijt Anno 496. (d) Nicol. I. PP. epist. 7.



Et S. Leo IX. (a) *Non lateat vos, non debere præter sententiam Romani Pontificis Universale Concilium celebrari, aut Episcopos damnari, vel deponi; quia etsi licet examinare, definitivam tamen dare sententiam absque consensu Romani Pontificis non licet dare, quod in sacris Canonibus statutum potestis invenire. Scilicet, quia omnium Ecclesiarum Majores & difficiliore causa per sanctam Sedem definiendæ sunt.* Socrates (b) de Concilio Antiocheno loquens: *Julius Romanus Episcopus nequitiam aderat, nec quemquam, qui ejus locum suppleret, eò misit, cum Canon Ecclesiasticus habeat, non oportere absque sententia Romani Pontificis Decreta Ecclesijs sanciri.* Et infra: (c) *Julius Episcopus, ijs qui Antiochiæ convenerant, per litteras respondit, eos contra Ecclesiæ canones egisse, cum Canon Ecclesiasticus vetet, ne Decreta absque sententia Episcopi Romani Ecclesijs sanciantur.* Et Sozomenus: (d) *Lex est ad Sacerdotij dignitatem spectans, quæ pronuntiat acta illa irrita esse, quæ præter sententiam Episcopi Romani constituuntur.* Si ergo ex Sanctorum Patrum, Canonumque sententia, quæ in Concilijs statuuntur, nisi à Romano Pontifice approbentur, irrita & nulla sunt, nec recipi ab Ecclesia debent; necessariò sequitur, ut Concilium Pontifice destitutum, aut quod pejus est, Pontifici oppositum, non esse Spiritus Sancti organum, sed falli & errare posse; qui enim sint voces & organa Spiritus Sancti, quæ irrita, quæ nulla sunt; quæ sacris Canonibus adversa & prohibita, quæ recipi in Ecclesia non debent, quæ improbari possunt, quæque ultimam & definitivam sententiam expectant Romani Pontificis? Sic enim Patres loquuntur. Non ergo loquitur Spiritus Sanctus per Concilium Acephalum, & capite truncatum, quale est, quod Pontifici aut opponitur, aut auctoritate illius & assensu caret. Errat ergo Maimburgus, cum scribit: (e) *Romanos Pontifices, cum Decreta Conciliorum confirmant, nihil aliud agere, quam ut votum suum & suffragium apponant, eadem omnino ratione, quâ alij Episcopi qui Concilijs intersunt, quique Concilio superiores utique non sunt; dicuntur tamen acta Concilij confirmare, cum illis subscribunt, suumque calculum addunt.* Sed ex productis supra testimonijs, quis non vider, quantum intersit inter confirmationem Romani Pontificis, aliorumque Episcoporum? si enim Romani Pontificis assensus & confirmatio æquè ac unius ex alijs Episcopis, non est absolute necessaria, cur ergo Patres,

Aaaa 3

ipsique

(a) S. Leo IX. ep. 4. Obijt Anno 1054. (b) Socrates lib. 2. hist. Eccles. c. 5. (c) Idem c. 13. (d) Sozom. lib. 2. c. 9. (e) Maimb. Traité histor. ch. 27. fol. 209.

ipsique Canones toties repetunt, irrita, cassa esse Concilia, sacrisque Canonibus adversa, & prohibita, quæ neq; recipi in Ecclesia debeant, nisi accesserit Pontificis confirmatio? quomodo irrita? quomodo cassa, si nihil necessarium illis desit? quod si confirmatio Pontificis nihil habet supra aliorum Episcoporum confirmationem, ergo dicentur cassa, irrita, prohibita, improbata Concilia, quibus votum unius aut alterius Episcopi, Tholosani v. g. aut Salisburgensis, aut Viennensis, aut Antiocheni non accesserit; quæ omnia & absurdissima sunt, & in Patribus, sacrisque Canonibus nunquam lecta, nunquam audita. Vides in quæ absurda animus ruat semel alienis affectibus tinctus, occupatusque, & veritati oclusus. Ergo antè Pontificis assensum imperfecta Concilia, nec satis certa, quæ in illis decreta sunt: idque ex principiis à Gallis & Maimburgo admissis omnino consequitur. Fateatur enim in Tractatu historico de prærogativis Ecclesiæ Romanæ: (a) *Pontificis partes & munus esse, ut iudicium & sententiam ferat in causis maioribus, & fidem ac mores spectantibus; quod his verbis Gallicè expressit: C'est à lui de juger des causes majeures, comme sont celles, qui regardent la foy, & qui sont universelles, le costume Universales, &c. dont le jugement lui appartient, & lui doit être rapporté &c.* Si ita est, & toties à Patribus inculcatur, ergo Summi Pontifices, cum Concilia confirmant, in quibus maximæ tantum causæ fidei morumque agitantur; non solum id agunt, quod reliqui Episcopi, hoc est, nudum suffragium & votum ferunt; (id enim non esset ulla prærogativa Pontificis Romani, cum ad singulos Episcopos pertineat) sed insuper ultimum iudicium & sententiam dicunt, adeo ut probare aut improbare possint à Concilijs Universalibus decreta, ut Nicolaus primus loquitur. Nec tamen frustra sunt Concilia: cum enim ad fidem stabiliendam, hæresesque debellandas, non sufficiat decernere, quid credendum sit, sed oporteat insuper rationes credendi in medium proferre, Scripturas explicare, quæ ab hæreticis opponuntur, revincere, & manifestæ falsitatis arguere, quodque præcipuum est, de remedijs cogitare, quibus & infecti sanentur, & ad sanos pestis haud perveniat; quis non videt hæc omnia longè copiosius, tutiusque à Concilio obtineri, uti ex toto Catholico orbe Patres doctrinâ, pietate, ac experientiâ præcipui conveniunt, quàm à solo Romano Pontifice? nam & duo oculi plùs uno vident; & stellæ, quamvis à sole radientur, & hic solus

etiam

(a) Maimb. Traitté histor. ch. 5. f. 61.

etiam sine illis diem efficiat; habent tamen suos ac proprios influxus, quibus adjuvant solem, redduntque potentiorē Orbi gubernando; hoc ergo Patres Pontifici, quod stellæ soli; lucent, juvantque, sed diem non reddunt.

*Dices*, Concilio Constantinopolitano primo nec per se, nec per Legatos Damasus Pontifex præsedet, & tamen pro Oecumenico & legitimo habitum est; ergo approbatio Pontificis non est Concilio necessaria.

*Resp.* Non interfuit quidem Damasus illi Concilio, quippe qui eodem tempore Synodum Romæ collegerat, ad quam & Orientales Episcopos evocavit; sed tamen certum est approbasse, & confirmasse, quæ in hac Synodo contra Arianos decreta sunt, id enim expressè Photius testatur libello de septem Synodis, & S. Gregorius M. l. 6. epist. 125. ubi scribit: *Non omnes ejus Concilij canones receptos à Romana Ecclesia esse: Canones*, inquit, *Constantinopolitani Concilij Eudoxianos damnant; sed quis fuerit eorum auctor Eudoxis, minimè ostendunt. Romana autem Ecclesia eosdem canones, vel gesta Synodi illius, hætenus non habet, nec accipit, in hoc autem eandem Synodum accepit, quod est per eam contra Macedonianos definitum.* Hic Gregorius apertè testatur, non omnes illius Concilij canones à Romana Ecclesia receptos esse; supponitque penes Romanam Ecclesiam esse, quos Conciliorum Canones probet, improbetque: quomodo ergo major Concilij, quàm Pontificis auctoritas, si penes istum est Conciliorum canones alios falsi damnare, & rursus omnes examini subdere, an vero, an falso consentiant? planè non est hoc Concilio subditi, sed præesse, nec obsequi, sed imperare.

*At*, inquit Maimburgus: (a) *Si Decreta in Concilijs sancita nec certa sunt, nec vires habent, nisi post Romani Pontificis sententiam? ergo hujus arbitrio steterit, utrum ad fidem aliquid pertineat: & si decretis Nicæni Concilij Silvester Papa abnuisset, ergo & Arianæ heretici non essent, & eorum errores æquè ac alias opiniones amplecti impunè ac sine culpa licuisset, quæ omnia absurdissima sunt, & à nemine concessa.*

*Resp.* Si aliquid roboris huic argumento insit, non minùs Concilij auctoritatem, quàm Pontificis evertit. Quæro enim si Concilium Nicænum decrevisset, filium non esse æqualem Patri; an ideo pro vero haberi id debuisset? aut ante Concilij decreta liberum erat Divinitatem filio adimere? aut Arius nisi post Concilij sententiam hæreticus non fuit? quod si dicas: hypothesein illam esse impossibilem,

(a) Maimb. Traité hist. ch. 17. fol. 209.

& ut

& ut in scholis loquimur, de subiecto non supponente; neque enim Concilium errare posse, aut aliquid contra veritatem in scripturis revelatam definire; & Arium quidem, aliosque hæreticos etiam ante Concilij sententiam fuisse, quippe qui veritas in scripturis expressæ, agnitæque oblectarentur, nec iudicio Ecclesiæ submitti vellent. Alios verò & plerosque errasse quidem, non tamen ante Concilij sententiam hæreticos dici potuisse, cum parati essent veritatem admittere, si docerentur. Hæc igitur si tu dicas in favorem Concilij, ego multo magis, majorique jure in favorem dicam Pontificis, ejusque Confirmationis; Pontifici enim, non Concilio dictum: *Super hanc Petram ædificabo Ecclesiam meam. Pontifici: Tibi dabo claves regni Cælorum. Pontifici: Ego pro te rogabo, ut non deficiat fides tua. Pontifici denique, non Concilio: Pascere oves meas.* Cum ergo toties in scripturis habeamus Ecclesiam Pontifici regendam, docendamque commissam esse: nunquam verò Pontificem Concilio aut Ecclesiæ regendum, pascendumque: cur non malis id dicere, quod scriptura dicit; quàm dicere, quod nunquam & nullibi dicit? Præsertim quia si Pontificis confirmationem removeas, unde constabit Concilium aliquod Universale & legitimum fuisse? unde vota libera non metu, non fraude, non pretio extorta, non ambitione aut contra æquitatem corrupta, ut in Concilijs Ariminensi, Ephesino, Constantinopolitano, ac etiam Chalcedonenli, & Basileenli evenit? Quis me certum firmumque reddet, non æquè alia concilia errasse, aut erratura, si errarunt illa tot, tamque egregijs Patribus florentia? an credam historicis Concilium aliquod Universale & legitimum fuisse scribentibus? quod si verò errantibus Concilijs, & tot Patrum cohortibus unus alterque historicus errorum sit expers: aut fides mea, quæ Divina & certa esse debet, ac etiam, si oporteat, morte sancienda, ex unius aut a terius historici narratione pendeat. At Ecclesia Concilium recipit, & adeo legitimum ac Universale esse constat. Imò ut Ecclesia recipere teneretur, oportuit prius constare legitimum & Universale fuisse, unde autem id constabit, si Pontificis Romani auctoritatem & confirmationem submoveas? Deinde Ecclesia non solum recipit decreta, canonesque Conciliorum Universalium, sed etiam particularium, imò privatorum subinde Doctorum, non ergo sequitur Concilium legitimum & universale fuisse, quia ab Ecclesia receptum est. Patet ergo ex hactenus dictis, cum Pontifex consummat, eam confirmationem non honorariam esse, aut

aliorum

aliorum Episcoporum Confirmationi parem, sed omnino & absolute necessariam.

II. *Opponitur* 2. S. Leo Magnus, quamvis opinionem Eurychetis hæresis damnasset, & duas in Christo naturas litteris ad Flavianum Patriarcham datis egregie asseruisset, permisit tamen eandem Eurychetis causam in Concilio Episcoporum examinari tanquam in *pleniore judicio*; imò ad Theodoretum scribens, sibi gratulatur, suam de duabus naturis sententiam à Concilio confirmatam, totoque Orbe receptam esse: sic enim in litteris ad Flavianum scribit: *Quia pie ac religiosè Christianissimus Imperator haberi voluit Episcopale Concilium, ut pleniore judicio error aboleri possit.* Agnoscit ergo Leo Papa judicium Concilij esse plenius & superius judicio & sententiâ Concilij, sicque majorem hujus auctoritatem, quam illius esse. Idem S. Pontifex epistolâ ad Flavianum: (b) *Gloriamur, inquit, in Domino, qui nullum nos in nostris fratrum desiderium sentire permisit, sed quæ nostro prius ministerio definierat, universæ fraternitatis firmavit assensu, ut verè à se prodijisse ostenderet, quod prius ab omnium sede firmatum totius orbis judicium recepisset.* Supponit ergò S. Leo definitiones Pontificum confirmari, & rursum examinari à Concilio posse; nec prius constare, an à DEO prodierint, quam si totius Orbis recipiantur judicio: quæ omnia ostendunt Concilia supra Pontifices esse.

*Resp.* 1. Similis Examinatio Epistolæ Agathonis facta est etiam in Synodo 6. ut patet actione 8. in Epistola Constantini: *Perpensis Evangelij, & Apostolicis vocibus, comparatisque cum ea ijs, quæ à SS. Concilijs universalibus statuta, nihil non concinens inventum est &c.* Sed hæc collatio & restauratio sententiæ Pontificiæ non erat necessitatis, sed ex voluntate Pontificis, atque ad melius esse; alioquin cum in VIII. Synodo Concilium definivisset citandum Phorium, & Photianos, ijsque presentibus refricandam esse sententiam Nicolai I. contra eum latam: *Statuimus, ut illi citentur, ac præsentibus factâ defendendi potestate judicentur;* Legati repulerunt hanc definitionem Synodi dicentes, non sibi liberum esse, Romani Pontificis sententiam rescindere. Allegat hoc factum Concilij VIII. Marca l. 4. c. 17. n. 3. Sic etiam ut idem notat ibidem: Gelasius alijsque Pontifices passi non sunt causam Acacij ab ipsis decideri, iterum in Synodo Oecumenica examinari.

Bbb

Cut

Cur ergo in alijs casibus, etiam in materia fidei permiserê? Ob bonum pacis, ut hæretici convincerentur & fautoribus privarentur, utque à se odium, & invidiam Principum amolirentur. *Vide etiam infra hoc §. n. 11. Object. 7.* Præcipuas verò inter causas ob quas Epistola Leonis in Concilio Chalcedonenſi examinata est, illa est, quod Monachi Eutychiani eam corrupſſent, & Nestorianismis impleviſſent, unde opus fuit Leonem ejus Originale latinum in græcum vertere, & ad omnes Episcopos Orientis mittere, ut constat ex ejus Epistolis. Fallit ergo Maimburgus cum in historia S. Leonis T. 2. fol. 70. dicit Epistolam Leonis ad Flavianum fuiſſe in aliquibus à Concilio emendatam, cum ex eadem conſter contrarium. *Rurſus:* Eutychiani clamabant Leonis Epistolâ contineri Nestorianismum, ( confundebant enim naturam cum Persona, & ideo Dioscorus in Leonem tanquam Nestorianum anathema dixerat ) ſicque Patres totâ Sessione 5. unâ voce teſtantur : *Epistolam Leonis conſormem eſſe Concilijs Nicæno, Conſtantinopolitano, & Ephesino, ac literis Cyrilli, à quibus omnibus doctrina Nestorij damnata fuerat.* Sanctus quoque Augustinus l. 4. ad Bonif. c. ult. negat ullâ Synodo Oecumenicâ ad damnandam hæreſin Pelagianam opus eſſe; quia videl: ut ait Serm. 11. de Verb. Domini c. 10. *Jam ad Sedem Apoſtolicam duo Concilia miſſa ſunt, & in Reſcripta quoque venerunt; cauſa finita eſt: & tamen cauſa hæc finita iterum examinata eſt in Concilio Ephesino, ut patet ex Relatione Synodi ad Cæleſtinum S. PP. Alij quoque Pontifices, ex adductis cauſis permiſerunt ſententias ſuas retractari, non tantum in Concilijs univerſalibus, ſed etiam particularibus, ut Zoſimus in Concilio Africano ( V. hoc §. in fine. n. 10. ) Silveſter in Arelatenſi ( V. hoc §. n. 10. ) & alij Pontifices ( V. hoc §. n. 11. Object. 7. Athanaſij quoque cauſa, & Flaviani, quos Julius & Leo abſolverant in Concilijs Sardicenſi, & Chalcedonenſi, reviſa eſt, imò Concilium Conſtantinopolitanum convocatum eſt, ut fides Concilij Nicæni corroboraretur: in eo quoque Divinitas Spiritûs S. jam in Nicæno aſſerta plenius examinata. Ita Socr. l. 5. c. 8. Et Theophanes Orat. in S. Nicephor. Patriarch. ſcribit Anno 842. Conſtantinopoli Synodum particularem convocatam eſſe, ut confirmaretur Synodus Oecumenica Nicæna 2. jubente Imperatrice Theodora, ut Episcopos ſe Patrum auctoritate confirmarent, quos in varijs libris invenirent. . . . Tunc Nicææ Sanctum Concilium Oecumenicum meritis ſignam obtinuit auctoritatem, ac robur, cum omnes, quæ in ipſo decreta fuerant, confirmarent.*

*márunt.* Quod ergo aut Pontifices, aut Concilia Oecumenica permiserint sententias suas in alijs Concilijs revideri, ad reducendos, magis magisque convincendos & lucrandos hæreticos, nihil obstat supremæ auctoritati: nam spontanea cessio, & licentia non est signum subjectionis, sed coacta. Cujus manifestum argumentum in Leone X. qui credebat, imò definierat in Concilio Lateranensi Sess. 10. Papam esse supra Concilium, eumque secuti Pontifices; & tamen permisere causam erroressque Lutheri damnatos iterum examinari in Tridentino. V. Gratianum post can. Testes 2. q. 7. & canon. Petrus eodem cum Glossa. Sed Canon Petrus videndus est in ipso S. Gregorio, qui fusè & eleganter in rem nostram L. 9. Epistol. 39. ad Theotistam loquitur.

*Resp. 2.* Auctoritatem Romani Pontificis multò Concilijs superiorem esse, nemo clariùs ut Leo Magnus doctrinâ exemploque professus est; nec finem mirandi facio, Maimburgum in urbe Regia, & sub oculis tot eruditorum, tantâ fiduciâ res compertissimas negare, cavillarique circa apices verborum, cum mens & sententia Leonis sit apertissima, perinde ac si aliquis lucere solem negaret nubeculâ tantum circa illum exortâ, quamvis aliâs mille radijs se prodat. Audi Leonem & judica. Primò in illa ipsa epistola ad Synodum Ephesinam data, quam Maimburgus citat, circa finem hæc Leo (a) scribit: *Fratres nostros Julianum Episcopum, Renatum Presbyterum, & Hilarium Diaconum misi, qui vice meâ sancto Conventui nostræ fraternitatis intersint, & communi nobiscum sententiâ, quæ Domino sunt placitura, constituent; hoc est, ut primitus errore pestifero damnato, etiam de ipsius, qui imprudenter erravit, restitutione tractetur, si tamen sensus hæreticos, quibus imperitia ejus fuerat irretita, plenè apertèque propriâ voce damnaverit.* Et Epistola ad Concilium Chalcedonense: (b) in quo ejusdem Eutychetis causa discussa est. *Fraternitas Vestra, inquit, me Synodo existimet præsidere, qui nunc in Vicarijs meis adsum, & jam dudum in fidei Catholicæ prædicatione non desum, ut qui non potestis ignorare, quid ex antiqua traditione credimus, non possitis ignorare, quid cupimus. Unde fratres Charissimi rejectâ penitus auctoritâ disputandi contra fidem divinitus inspiratam, non liceat defendi, quod non licet credi, cum secundum Evangelicas auctoritates, Apostolicamque doctrinam plenissimè & lucidissimè per litteras, quas ad Flavianum Episcopum misimus,*

Bbbb 2

*scribit*

(a) Epist. Leonis ad Synod. 1. Tom. 1. Concil.

(b) Leo in epist. 45. Concil. Chalced.

fuerit declaratum, quæ sit de sacramento Incarnationis Domini Nostri pia & sincera confessio. Et Epistolâ 33. ad Pulcheriam Augustam: Remoto longarum disputationum labore Cyrilli Alexandrini Episcopi epistola acquiescat, & epistola meæ ad Flavianum, quia & mea & SS. Patrum de Incarnatione concors per omnia & una Confessio est, quam si quis existimaverit non sequendam, ipse se à compage Catholicæ Unitatis abscondit. Similia habet epist. 40. & 41. ad Martianum Imperatorem. Et 49. ad Pulcheriam Augustam. In quib<sup>9</sup> imitatus est Leo Cœlestinum Antecessorem suum, qui in commonitorio Legatis suis ad Concilium Ephesinum dato, hæc clarissima & digna memoratu habet. (a) *Auctoritatem Sedis Apostolicæ custodite; siquidem & instructiones, quæ vobis traditæ sunt, hoc loquantur, ut interesse Conveniri debeat: ad disputationem si fuerit ventum, vos de eorum sententijs judicare debeatis, non subire Examen.* Constat ex his omnibus Cœlestinum & Leonem præscripsisse, quid credi, quid decerni oporteret, ut videlicet primò hæresis Eutychetis damnaretur, ut à doctrina litteris Cyrilli & Leonis comprehensa ne latum unguem discederent Patres, idque sub pœna anathematis: ut disputationibus abstineretur: ut Eutyches verbo scriptoque hæresin recantaret, sicque cathedræ restitueretur: ut denique Legati de Patrum Concilijq; sententijs judicium ferrent; ipsi verò Pontificis Romani doctrinam minimè examini, judicioque Concilij subderent: potestne aliquid dici imò cogitari, quod amplius Pontificis supra Concilium auctoritatem exprimat? aut qui sunt characteres superioris, si isti non sunt? aut quod unquam Concilium tales Pontificiæ auctoritati & Decretis Leges præscripsit, quales Leo Concilij? tantumque abest, ut Concilium quereretur doleretque Leonem aliena usurpare, & auctoritatem Concilij debitam in se transferre, ut potius summis laudibus Leoni acclamarer, ejusque epistolas velut Cœlo lapsas amplecteretur, ut videre est in actis Concilij *actione 2.* circa finem. Nec Leonis potestas intra verba stetit, sed processit in exempla. Cum enim Patres fidei professionem concepissent, essetque omnium votis comprobata, soli Leonis Legati eam, quod minùs perfecta, rejecerunt, Patresque quamvis oblucentes, ut aliam ederent, coëgere, idque imperio & auctoritate, manifestoque potestatis, quam in Concilium exercebant, argumento. Audi acta Concilij, *actione 5.* Omnes Reverendissimi Episcopi præter Romanos & aliquot Orientales

(a) Commonitorium Cœlestini nuper editum per Steph. Balluz. ex M. S. Colbertino.



les clamaverunt : *Definitio omnibus placet ; hæc fides Patrum ; qui aliter credit , anathema sit.* Pachasinus & Lucentius Vicarij Sedis Apostolicæ dixerunt : *si non consentiunt epistolæ Apostolicæ Beatissimi Papæ Leonis , jubete nobis rescriptum dare , ut revertamur.* Vides hic iterum tantum abesse , ut Leo doctrinam & epistolam suam examini Patrum Concilijque subdat , ut potius velit , aperteque & in pleno confesso profiteatur , oportere , ut Patres ad normam , mentemque Leonis decernant , estne rogo discipulum hoc agere , an Magistrum ? obsequi , an imperare ? Si Pontifex Concilio subest , cur imperat ? cur à toto Concilio probata improbat rejicitque ? cur compellit Concilium obliterare jam ab omnibus decreta & nova proferre ? cur suam epistolam pro norma præscribit , ei que Concilium alligat , nec patitur ab ea recedi ? Cum ergo Patres nihil mutare in Definitione jam facta vellent , quia tamen non satis Eurycheten confutabat ; Judices Concilij nomine Imperatoris ; *Cognoscite inquit , quia in partibus Occidentalibus debet fieri Synodus , eò quod Religio sita nostra hic nolum de vera , & Orthodoxa fide indubitanter definire . . .* Vides hic dissolutionem Synodi ( quam jam supra Pontificis Legati minati fuerant , si non consentirent Epistolæ B. Leonis ) iterum intentari. Cum tamen Patres pertinaciter defectuosæ suæ Definitioni inhærent illis verbis : *Aut Definitio persistat , aut discedimus ; qui contradicunt , Nestoriani sunt , qui contradicunt Romam ambulant . . .* Iterum Judices : *Addite Definitioni secundum judicium sanctissimi P. N. Leonis duas esse naturas in Christo , inconvertibiliter , inseparabiliter , & inconfusè :* tandem Patres convicti aliam Definitionem consecrere additis expressè illis verbis Leonis *inconvertibiliter sunt ut videre est actione 5. circa finem.* Eadem auctoritate Pontificis Legati canonem 28. Synodi Chalcedonenfis irritum , cassumque voluerunt , quo videlicet primus locus post Romanum Pontificem Alexandrino debitus Archiepiscopo Constantinopolitano cedebatur , quo iterum ostendere , Pontificem non subdi , sed imperare Concilio , & rescindere ab isto perperam facta. *Vide Actionem 15. Con. Chal. circa finem.* Perrexerunt quidem etiam post contradictionem Leonis Patriarchæ Constantinopol. usurpare secundum locum , contradicentibus Patriarchis & Clero Alexandrino ; sed non obstat hoc auctoritati Leonis , sicut transgressio Decalogi non obstat auctoritati DEI prohibitivæ : nec Concil. Chalcedonense objecit Leoni , non esse ejus potestatis rescindere Decreta Concilij. Quod si ea quæ sunt juris humani , & mutari cum tempore possunt ; à Concilio statui nequeunt repugnante Concilio , quanto minus , quæ fidei & juris Divini ?

Allegat

## 532 Dissertat. III. §. I. Refelluntur Maimburgi

**Allegat Leo causam, cur Constantinopolitano Patriarchæ secundas deferri nolit, quia id obstat Canonibus Nicænis, non quod isti mutari non possint in rebus meræ Disciplinæ ( ut postea mutati sunt ) sed quia nondum aderant causæ sufficientes, & ne videretur gratis repugnare. Jam Lectoris judicium esto, quàm verè Maimburgus dixerit, Leonem doctrinam suam Concilio examinandam permisisse, cùm potius eam pro norma & amussi Concilio præscripserit, vetueritque ab ea recedi: quis dicat Lydium lapidem ab auro, perpendiculum à pariete examinari, & non potius contrarium ?**

*Cur ergò dixit Leo, Concilij judicium plenius esse, ab eoque aboleri errores oportere ?*

*Resp. 3.* Quia licet Concilium oppositum Papæ, aut ab ipso non confirmatum, sit infra Papam; conjunctum tamen, & approbatum à Papa, multò perfectius, utiliusque est, quàm solum Papæ judicium, ut etiam suprà monuimus: nec verò quæstio est, an Concilium confirmatum à Papa sit infra aut supra Papam ( hæc enim quæstio est meri nominis, & theoretica, ac ferè illi similis, quam speculativi in scholis agitant, an videlicet DEUS solus sit majus bonum, quàm DEUS & creaturæ ) sed an Concilium à Papa non confirmatum, imò Papæ oppositum sit supra Papam, eique imperare possit; unde patet, ne statum quidem quæstionis Maimburgum intellexisse, quí ergo scopum tangeret nunquam visum? Quemadmodum ergò licet Rex sit supra Senatum, nec aliqua sit contra Regiam voluntatem auctoritas Senatûs: si tamen Rex in senatu & cum senatu agat, nemo dubitat, multò ejus diplomata meliora & perfectiora fore ( utpote tot aliorum consilijs & instructionibus acuta ) quàm si à solo prodeant. Idem de Pontifice dicas, præsertim in causa Eutychetis: in qua cùm non solum ageretur de Decretis fidei scribendis: sed etiam de modo hæreticos convincendi, exarmandi, Eutycheten restituendi, Imperatorem ne perverteretur [ nam pestis jam aulam penetraverat ] eddendi, quis non videt hæc omnia multò securius perfectiusque à Concilio Græcorum Patrum, quàm Romæ à Leone tot rerum ignaro peractum iri? præsertim cùm Dioscorus, alijque, qui Eutycheti studebant, ausi essent in Leonem sententiam proferre; non ergo eum judicem paterentur, quem ipsi reum damnatumque peregerant: prudentis ergo fuit celare potius, quàm exponere Majestatem. Quòd verò Leo Pontifex sibi gratuletur, sententiam suam de duplici Christi natura à Concilio receptam esse, idèd

est,

est, tum quòd multi, qui discordias quàm pacem malebant, Leonem non eadem cum Concilio sentire jactarent, quod ipse Leo in epistola [a] ad Martianum Augustum testatur: tum quia ut idem Leo in epistola ad Theodoricum se explicat; etiam quæ fidei sunt, quæq; omne dubium excludunt, examinari possunt, non eà quidem ratione, ut eis subesse falsum suspicemur; sed ut clare intellecta, & cum ratione & scripturis collata tantò melius firmiusque animo hæreant. Quàm multa in scripturis examinamus? nec ideo dubij, sed avidi veritatis; audi ipsum Leonem [b] in eadem epistola ad Theodoricum: *Ipsa quoque veritas, & clarius enitescit, & fortius retinetur, dum, quæ fides prius docuerat, hæc postea examinatio confirmaret.* Cæterum persuasum fuisse Leoni, non Pontifices Concilio, sed Concilium Pontificibus subdi, manifestum est ex superius dictis, & ex auctoritate, quam in Concilium Chalcedonense Leo exercuit, expressitque clarissimè in epistola ad Theodoricum, quam citat Maimburgus: cum enim Leo gratularus sibi esset, Concilium in eandem secum sententiam conspirasse, hæc subjungit: *Uti in hoc quoque capite membra concordent, in quo amplius nobis crescit gaudendi materia.* Et post pauca: *Multum denique Sacerdotalis officij meritum splendet, ubi sic summorum servatur auctoritas, ut in nullo inferiorum putetur imminuta libertas.* En hic iterum apertè Leo proficitur Pontificem in Concilio Universali partes Capitis agere; reliquos Episcopos membra esse; si Pontifex illius sacri corporis Caput est, ergo ad eum pertinet dirigere, gubernare, movere; ad Patres verò dirigere, gubernari, moverique. Rursus per ea verba: *Sic summorum servatur auctoritas, ut in nullo inferiorum putetur imminuta Libertas.* Clarissimè ostendit supremam in Concilij potestatem penes Pontificem esse, Patres verò inferiores, subditosque; & tamen Maimburgus, cum superioritatem Pontificis tam luculenter in epistolis Leonis expressam videat, & quod majus est, clarissimis exemplis in conspectu Chalcedonensis Concilij exercitam probatamque: hæc omnia silentio regit, cum duobus aut tribus verbis rixatur, aquam in pumice & victoriam in syllabis quærens; quæ tamen ut vidimus, & ipsa nihil ad rem faciunt. Vide etiam Dissertat. IV. §. I. n. VII.

### III. Op-

(a) Epist. Leon. ad Mart. Aug. 63. inter ep. SS. PP.

(b) Leo ep. 67. ad Theodoric.

III. *Opponitur* 3. (a) Exemplum Vigilij Pontificis : hic enim cùm constitutionem edidisset , quâ tria Capitula comprobabat , verabaturque , ne à quoquam mortalium damnarentur ; Concilium Constantinopolitanum quintum & Vigilij Constitutionem , & doctrinam trium capitulorum examinandam suscepit , damnavitque obluſtante primùm Vigilio , ac tandem Concilio cedente. Si ergo Concilium examinat damnatque , quæ tanto studio , tantaque animi contentione ac solemnî diplomate Vigilius decreverat ; oportet utique majorem esse Concilij , quàm Pontificis auctoritatem , & hunc illius judicio subjacere. Vigilij verba in Constituto ad Imperatorem Justinianum inter alia hæc sunt : (b) *Apertissimâ lucet veritate ex verbis epistola venerabilis Iba rectissimo ac pijsimo intellectu perspectis* , Patres nostros in Chalcedone residentes rectissimè orthodoxam ejusdem viri fidem pronuntiâsse , & idè præsentis sententiæ vestra auctoritate statuimus atque decernimus , cum in omnibus , tum etiam in memorata venerabilis Iba epistola intemeratum Patrum Chalcedone residentium manere judicium. His verbis Vigilius non solum Personam Ibae , sed etiam ejus epistolam , quamvis mille blasphemijs plenam hæresi absolvit , & in mitiorem partem explicat , idque obtentâ Concilij Chalcedonensis auctoritate. Additque in fine Constituti : *Si quid verò de ijsdem tribus Capitulis contra hæc , quæ hic asserimus vel statuimus , factum , dictum atque conscriptum fuerit , hoc modis omnibus ex auctoritate Sedis Apostolicæ refutamus*. En Vigilium ex Cathedra decidentem ! & tamen Concilium œcumenicum Constantinopolitanum à tota Ecclesia receptum , cultumque contrarium omninò decidit , sic enim loquitur : (c) *Si quis defraudat epistolam Ibae , quam ad Marinum Persam hæreticum dicitur Ibas scripssisse , quæ abnegat DEUM Verbum ex Virgine Maria incarnatum , & eam non anathematizat , & qui præsumit eam defendere , vel insertam ei impietatem , nomine sanctorum Patrum , vel Concilij Chalcedonensis , anathema sit*. Concilium ergo non damnat solum , sed etiam anathemate punit Vigilium ejusque constitutum. (d) Et Pelagius II. ac Gregorius Magnus apertè Vigilium ignorantia errasse profitentur , ac postmodum meliora edoctum Con-

(a) Maimb. Traitté Hist. ch. 18 fol. 216. & ch. 17. fol. 89. & ch. 11. fol. 248 & hist. du Pontific. de S. Gregor. l. 1. f. 31. (b) Constitutum Vigilij non procul à fine apud Baron. ad Annum 553. n. 196. (c) Concil. Œcum. s. col. 137 3. cap. 14. (d) Pelagius II. ep. 7. quæ est 3. ad Episc. Afr. Gregor. M. lib. 3. ep. 2. 3. 4. 37. & lib. 7. ep. 10. 52.

Concilij sententiam amplexum esse, Constituto, quod prius ediderat, enixè damnato. Pater ergò tot Pontificum, qui post Vigilium sedere, imò totiùs Ecclesiæ consensu, quæ tria capitula damnavit; & Pontificem errasse, & à Concilio correctum, imò perculsum esse anathemate, & rursus Pontifices infra Concilium esse, & ab isto judicari posse, puniriq̃ue.

*Resp.* Multum spei collocat Maimburgus in Constituto causaque Vigilij: ea verò qualis fuerit, altius repetemus, atque ut clarius veritas appareat, omnia per annos distinguuntur. Anno CCCCXXV. III. Sisinio Episcopo Constantinopolitano morte sublato, Theodosius imperator ex Populi voto Nestorium sufficit Presbyterum & Monachum Antiochenum. Pietas illum Zelusque adversum hæreticos, & vis eloquentiæ omnibus commendaverant: sed, ut notat Theodoretus, ingentem ambitionem, quâ insulas captabat, his dotibus texerat simulatâ virtute. Nata ex ambitione se ostentandi cupido, veterumq̃ contemptus: & novorum, quæ magis animos stringunt, ingens prurigo, ac tandem hæresis. Dicebat in Christo ut duas naturas, ita duas Personas esse, Divinam, humanamque, & ita DEUM nec conceptum, nec natum ex Virgine, nec passum, mortuumque, sed hominem solum. Latuit aliquandiu venenum tum dulcedine orationis, quâ errores condiebat, tum opinione virtutis, quâ populum occupaverat externa spectantem, ignarumque occulti. Anno CCCCXXIX. Nestorius hæreses suas palam expromit, binisque litteris à Cyrillo Alexandriæ Episcopo erroris monetur. Sequenti proximè anno collectâ Romæ synodo Cælestinus Pontifex Nestorium insulis privat; Cyrillo prosecutionem causæ, suasque vices delegat. Hauferat virus à Theodoro Mops. vesteno Nestorius Chrysostomi quondam in Monasticis collega. Anno CCCCXXXI. Nestorij causa in Ephesina Synodo agitur, & ipse cum ne quidem adesse dignaretur quamvis vocatus, hæresis damnatus, ac Episcopatu exutus est: libri flammis addicti. Supervenit post quintum diem Joannes Episcopus Antiochenus jam olim Nestorio amicus, ira que in Cyrillum fremens, antiquâ quippe æmulatione Alexandrinæ & Antiochenæ Sedis, ac recenti odio ob amici casum, præsertim quòd à Patribus expectatus non esset, pugnam instaurat, sublevarque Nestorium varijs in Cyrillum Patresque conjectis calumnijs; sed momentaneum solatium; quippe fraudes detectæ, & Nestorius primò in Monasterium,

Cccc

cum

tum in exilium eiectus, ubi linguâ vermibus exesâ, solutoque putredine corpore vitam absolvit. Joannes & ipse à Patribus damnatus, deiectusque, semper tamen ei mora pœnitendi data: nam & spes erat clementiâ flecti posse; metus verò, ne si durius haberetur, totam Syriam desperatâ veniâ perverteret: responditque eventus, nam sequenti anno Joannes Nestorio, hæresique abjuratâ, cum Romano Pontifice primum, mox cum Cyrillo in gratiam redijt, junctisque dextris in Nestorium duxit.

IV. Anno CCCCXXXV. Theodosius lege latâ Nestorij libros, quibus hæresim propagabat, cremari jubet: at qui Nestorio studebant, Theodori Moplvvesteni libros evulgant, Syriacâ, Persicâ, Armenicâque linguâ conscriptos, quò à pluribus legerentur. Theodorum pietatis & doctrinæ species, & ex istis veneratio celebrem reddiderant; at eodem, quo Nestorius veneno turgebat, imò à Theodoro Nestorius acceperat; ergò mutato solum nomine eadem pestis serpebat. Accensa, ut fieri amat, partium studia, alijs Theodorum laudantibus, detestantibus alijs, quippe qui eosdem in Theodoro errores agnoscerent, aliâ quidem larvâ, sed eodem vultu parique sæditate. Fuerat inter præcipuos Theodori, Nestorijque cultores Theodoretus (a) Cyri Episcopus, vir pietate & doctrinâ insigni, sed pari in Cyrillum odio, & cujus Capitula instinctu Joannis Antiocheni confutaverat; sed tandem veritati cedens, & Nestorium, cujus amicitiam coluerat, detestatus est, & Cyrillo placatur, ut ex ejus scriptis apparet.

V. Anno CCCCXLVIII. Eutyches Archimandrita dum nimio inconsultoque ardore Nestorium persequitur, in aliam hæresim impingit; docetque, ut unam in Christo Personam, sic unam naturam esse; nec abstitit, monitus quamvis à Flaviano Episcopo Constantinopolitano, damnatusque; repetitâ Synodo: sed obstinaverat animum, aut pretio sui, aut aulæ patrocínio, Chrysaphij præsertim, multorumque Episcoporum nova præ antiquis amplexantium. Delendo igitur tam pernicioso errori Synodus Chalcedonenfis indicta, ubi omnium votis hæresis Eutychiana conclamata est. In hac Synodo, quod maximè ad rem nostram facit, duo Episcopi Theodoretus Cyri, & Ibas Edessæ Episcopi Nestorianæ hæresis suspecti à Patribus absoluti sunt. De Theodoro jam dixi, de Iba hæc accipo; is cum alijs Syriæ Episcopis Joanni Antiocheno

(a) Theodoret. ep. 1. ad Sperad. & 83. ad Dioscor. & l. 4. adu. Nestor.

cheno adhæferat, Cyrillo infensus, & Nestorio amicus, pro cuius erroribus ad Maryn Persam epistolam scripsit, in qua & Theodorum laudibus effert, Cyrillum verò perstringit, tanquam is odio in Theodorum anathematismos scripsisset; & hæresi Apollinaris infectus esset: cum enim Cyrillus unam Christi Personam allereret, Ibas unam naturam intelligebat, videturque totum hoc certamen cum Cyrillo inde provenisse, quòd Ibas socijque Personam & naturam confunderent, & cum à Cyrillo unam Personam audirent, ipsi unam naturam intelligerent; & ideo, (ut in eadem Ibæ epistola legitur) nec Joannes Antiochenus prius Cyrillo reconciliari voluit, quàm istas propositiones damnaverit, videlicet: *Divinitas passa est*: & *Una est natura Divinitatis & Humanitatis*. Cum ergò, ut dixi, Joannes Antiochenus, & Cyrillus Alexandrinus dextras junxissent, unaque Nestorium damnassent; Ibas, qui erranti Patriarchæ comes fuerat, pænitentem quoque securus est, pacatusque Cyrillo vires & calamum in Nestorium vertit, & ideo ad calcem epistolæ, quam ad Maryn dedit, gratulatur reductam pacem, extincta odia, sedatam Ecclesiæ tempestatem, duosque Patriarchas belli quondam ductores, nunc mutuâ charitate, eademque fide compositos. Quibus verbis se quoque Ibas significabat cum Cyrillo communicare, eandemque fidem complecti, nec aliud in Cyrillo aliquando damnasse, quàm quòd videretur unicam in Christo naturam profiteri; nota enim epistolam (a) Ibæ hæc capita complecti. 1. Criminatur Cyrillum, quòd diceret, *Unam esse naturam Divinitatis & Humanitatis, nec esse differentiam inter Templum & inhabitantem in eo*, quòdque odio, malisque artibus effecerit, ut Nestorius deponeretur. 2. Multis laudibus Theodorum Mopsvestenum effert, ejusque Zelum in profligandis hæreticis commemorat, vocatque beatum, & veritatis Prædicatorem. 3. Denique Pacem inter Joannem Antiochenum & Cyrillum commemorat, sibi que redditâ Ecclesijs pace, sublatisque dissidijs gratulatur, innuitque eandem sibi & Cyrillo, ac Joanni Antiocheno fidem esse, sicque Catholicum se ostendit, & Nestorio adversum, quod etiam illis verbis apertissimè declarat: *Ecclesia, inquiens, sic dicit, sicut tua Religiositas novit, & à principio est edocta, atque firmata ex libris Beatissimorum Patrum, duæ nature, una virtus, una Persona, quòd est unus Filius Dominus noster, &c.* Græcè: (b) *Δύο φύσεις μία δύναμις, ἡ πρῶτος ὡρον.*

Cccc 2

Quæ

(a) Epistola Ibæ habetur in actis Conc. Chalced. act. 10. (b) V. Baron. & Spou-  
dan. ad Annum 458.

Quæ doctrina, ut palam est, Nestorianæ omnino est opposita, & hæc causa fuit, ut Ibas bis hæresis Nestorianæ postulator, bis in solemnibus Episcoporum Conventibus culpæ expers, innocensque declaratus sit, Beryti videlicet & Tyri : (a) nec Mireris Theodori libros ab Iba laudari; eo enim tempore necdum satis de Theodori scriptis constabat, alijs eos execrantibus, alijs verò laudantibus, & blasphemias, quæ in ijs legebantur, non Theodoro adscribentibus, sed alijs, qui ejus scripta corruperunt, eadè ferè ratione, quâ olim multi Patrum Origenem defenderunt, & nostrâ quoque ætate multi Janfenium. Quæ causâ fuit, ut non à solo Iba, sed etiam ab alijs laudatus sit Theodorus, ejusque scripta, tanquam veritati ac fidei Catholica consentanea, videlicet à Joanne Patriarcha Antiocheno (b) postquam in sinum Ecclesiæ redieret; & Theodoretò in Dialogis adversus Eutychetem. Mirum ergo non est, Ibam Tyri & Beryti omnium Episcoporum judicio Nestorianismi, cujus postulabatur, absolutum esse, quod anno Christi 448. contigit: cumque in iisdem Tyrio & Berytensi Conventibus maximè epistolam Ibæ ad Marim urgerent adversarij, tantum abest eum hæresis convictum esse, ut potius Patres ejusdem epistolæ argumento Ibam Orthodoxum & innocentem pronuntiârint; ut haberetur in Actis & subscriptionibus Concilij Chalcedonensis *actione decimâ*: imò quod majus, idem Concilium Chalcedonense lectâ, auditaque Ibæ epistolâ ad Marim pronuntiavit, apparete ex eadem epistola, Ibam Orthodoxum esse, verba Patrum & sententiæ hæc sunt: *Paschasius & Lucentius tenentes locum Sedis Apostolicæ dixerunt: Relectis charis agnovimus ex sententia Reverendissimorum Episcoporum* ( qui videlicet Tyri & Berythi convenerunt ) *Ibam Reverendissimum innocentem approbari; relectâ enim ejus epistolâ agnovimus eum esse Orthodoxum: & ob hoc decernimus, & honorem Episcopatus, & Ecclesiam ei esse restituendam.* Hæc Patrum Chalcedonensium sententia fuit de Ibæ epistola; ubi tamen observa, non dicere Patres, epistolam Ibæ orthodoxam esse ( nam ob immodicas Theodori laudes, damnatumque hæresis Cyrillum in suspicionem vocari poterat ) sed ex illa Ibam orthodoxum probari; cum enim ad calcem epistolæ Cyrilli fidem comprobaret, gauderetq; Joannem Antiochenum cum illo communicasse, pacemque inijisse, sibi que propterea ac toti Ecclesiæ gratularetur;

(a) Joann. Antioch. epist. ad Theodof. & ad Cyrill. & ad Procl. Constantinopolit. Theodoret. in dialog. Eranitæ; & epist. 16. ad Iren.



reus; apertè ostendebat, se quoque cum Cyrillo consentire, sicque Orthodoxum esse, & Nestorio adversum; sicut enim cum Ariana hæresis Ecclesiam in duas partes scinderet, sedq; occultissimis artificijs abderet, nec satis hæretici à Catholicis distingui possent, quippe larvata sicque facie; certissimum veritatis indicium erat, cum Athanasio communicare; ita peste Nestorianà grassante, nullum certius argumentum sanæ intactæque Religionis, quam Cyrillo adhærere, quod, cum in sua epistola Ibas profiteretur, mirum non est, à Concilio Chalcedonenſi pro Catholico receptum esse. Hanc rationem Eunomius Episcopus Nicomedie attigit, quando *actione 10.* Concilij Chalcedonenſis Ibam absolvit: *Sum, inquit, ex ijs, quæ relecta sunt, innoxius approbatus est Ibas Reverendissimus, in quibus enim dicendo malè culpæ visus est Beatissimum Cyrillum, in postremis rectè confessus, illa, in quibus culpavit, refutavit.* Manifestum ergo est, quamvis epistola Ibæ hæresin redoleret, quia tamen circa finem epistolæ cum Cyrillo communicare se profitebatur, & Nestorium damnabat, ideò à Patribus Concilij Chalcedonenſis pronuntiaturum est: *Ibam ex epistola ad Marim dicta Orthodoxum apparere.* Et sic quidem habuit causa Ibæ Episcopi Edesseni in Concilio Chalcedonenſi agitata; non omittam tamen, etiam illud dicere, sanctos Gregorium M. (a) & Epiphanium conari, ut ostendant, eam epistolam Ibæ non fuisse; sed obstant acta Tyrij, Berythenſis, & Chalcedonenſis Conciliorum, ex quibus liquidò patet, Ibam eam epistolam pro sua agnovisse. In eadem quoque Chalcedonenſi Synodo Theodoretus Episcopus Cyri *actione 8.* absolutus est, ac sedi suæ, cum Nestorium detestatus esset, restitutus. Hic monasticam vitam amplexus Cyri Episcopus renuntiatus est, immensosque labores pro fide Catholica, contra Gentiles, & hæreticos suscepit; sed postea Theodori Mopsvesteni & Nestorij amicitia (quorum immensis laudibus omnes libros implebat) adeò sedatus est, ut eodem morbo infectus videretur, præsertim ubi contra Cyrillum, quem Catholici omnes ut arcem veræ Religionis venerabantur, calamum strinxit; eadem quippe fidei & Cyrilli causa videbatur, ut qui hunc impeteret, illam quoque aggressus putaretur: sed tandem detectâ veritate, observatisque Nestorij & Theodori erroribus, præsertim cum obstinatos eos vidit, pedem à præcipitio, cui impendebat, retraxit, subscripsitque Leonis epistolæ, quæ pro tessera colebatur sacræ

Cccc 3

mili-

(a) S. Gregor. l. 7. epist. 53. & Epiphan. Act. 6. Concil. Nic. 11.

militiæ; & ab eo vicissim in communionem & amicitiam receptus est; nam tanti Doctoris accessu partes Catholicorum augeri lætabatur, & ob has quoque causas Concilio Chalcedonensi Theodoretus pro Catholico habitus est. Audi acta Chalcedonenſia, *actione 8. Residentibus omnibus ante cancellos sanctissimi aliaris, Reverendissimi Episcopi dixerunt: Theodoretus modò anathematizet Nestorium. Theodoretus dixit: Ego per DEI gratiam ab Orthodoxis sum enutritus, & Orthodoxè sum edoctus, & Orthodoxè predicavi, & non solum Nestorium & Eutychen, sed omnem hominem, quò rectè non sapit, averſor, & alienum existimo: & dum diceret hæc, Reverendissimi Episcopi clamaverunt: clarè dic anathema Nestorio & dogmatibus ejus: anathema Nestorio & amantibus eum. Theodoretus dixit: verè non dico, nisi quomodo novi DEO placere; neque de Civitate cogito, neque honore opus habeo, neque ob hoc adveni. Nestorium & Eutychen, & omnem hominem dicentem vel opinantem duos filios, anathematizo; & cùm diceret, Reverendissimi Episcopi clamaverunt: dic apertè anathema Nestorio, & qui ea, quæ ejus sunt, sapiunt. Theodoretus dixit: Anathema Nestorio, & ei, qui non dicit DEI genitricem Virginem Mariam, & qui in duos filios partitur unum filium DEI unigenitum. Omnes Episcopi clamaverunt: Theodoretus dignus est sede: Ecclesia Orthodoxum, Ecclesia Pastorem recipiat. Paschasius & Lucenſius habentes locum Apostolicæ Sedis dixerunt: Sanctissimum & venerabilem Episcopum Theodoretum Sanctissimus & Beatissimus Univerſæ Ecclesiæ Episcopus Urbis Romæ Leo dudum in communionem suscepit. Quoniam igitur Nestorium & Eutychen anathematizavit, Sanctissima & Venerandissima Synodus, insuper verò & nostra humilitas reddi ei Ecclesiam propriam definivit. Vides ergo in hoc Concilio Oecumenico Theodoretum & pro Orthodoxo acclamatum esse, & pro digno, cui sedes redderetur. Hæc sunt ergo tria Concilij Chalcedonenſis decantata Capikula, & ex quibus invidiâ Eutychianorum Concilio Chalcedonenſi adversantium tot postea discordiæ & malorum series deductæ sunt. Absolutio videlicet Ibæ, Theodreti & Theodori Mopsvesteni, quamvis enim de hoc ultimo nihil Concilium deciderit; hoc ipsum tamen silentium, & quòd Ibam ac Theodoretum perpetuos ac indefessos Theodori laudatores Concilium recepiſſet, vitio vertebatur, quasi Nestorio faveret, quamvis ut vidimus, & Nestorium Patres execrarentur, ejusque causam redderent debilitatem, præcipuis ejusdem defensorib9 in vera Religionis castra translatis: nec enim favere hosti dicendus est, qui cum ducib9 ac militib9 privat, suisq; eos partibus clementiâ & præmijs adstrinxit: id fecit Concilium.*

VI. Anno DXXXVIII. Hoc est octoginta septem annis post Concilium Chalcedonense de tribus Capitulis mora contentio, prius ne cogitatum quidem, ut aliquid turbaretur. Res ita evenit. Missus fuerat in Orientem ab Agapito Pontifice Pelagius, ut Romanæ sedis legatione fungeretur; is è Palæstina reversus (ubi Episcopum Alexandrinum patratæ cædis reum gradu dejecerat) Monachorum agmen secum duxerat Origeni insensum: ingentem texuerant errorum catalogum, quibus suos libros insperferat, urgebantque istos simul cum Auctore damnari: *Quandiu enim Origenis nomen in Ecclesia vigeret, istius errores deleri ex animis non posse Auctoris reverentiâ; nec persuaderi hominibus, ut cum coli arbores, amarique videant, fructus tamen averterentur; istos verò spontè collapsuros arbore truncatâ.* Hæc Monachi nec sine assensu in aula reperebant, Pelagij præsertim, & Justiniani Imperatoris; Pelagij quidem, quod liti tanto tempore, tantoque animorum æstu inter Catholicos agitatæ finem imponi cuperet. Imperatoris verò, quod innato quodam fatalique impetu rebus sacris se implicaret, amaretque inter Infulas spectari: ergo unius ardor, & alterius ostentatio bellum in Origenem accendit. Indictum Constantinopoli Concilium, in eoque damnatus cum erroribus Origenes: & quamvis Paschasius & Mennas Episcopus Constantinopolitanus iudices sedissent, diploma tamen, quod sententiam & errores complectebatur, Imperatoris nomine expeditum, sive id genio Imperatoris datum, sive ut adversarios percellerent, sceptrum magis quam pedum vereri solitos. Agebat in aula Theodorus Cæsareæ Archiepiscopus, florebatque Principis gratiâ; sed Origeni & Eutychianis planè addictus, occulto tamen celatoque veneno, & in occasiones prompto. Is damnatum Origenem acerbè indoluit, credebaturque à Pelagio non tam cineribus Origenis, quàm sibi illudum, hinc ardor vindicandi; utque securior esset certiorque vindicta, pressus intra animum dolor, nec vultu proditus. Ubi opportunitas fuit, Principi ostendit, perire Ecclesiam Eutychianorum & Acephalorum discordijs: & tamen finiri contentiones posse facili obvioque remedio: si Concilium Chal. omnes recipiant, nihil amplius dissidij fore: ut verò recipiant, illud unum ob stare, quod Theodorum Mopsuestenum, & Theodoretum, præcipuè verò Ibæ epistolam Patres comprobassent: istos verò Nestorio apertè favere, sicque Nestorium quoque ejusque sententias visas à Concilio comprobari, cum illos admisissent: hoc

Ca-

## 542 Dissertat. III. §. I. Refelluntur Maimburgi

Catholicos Nestorio ut par erat adversos offendi, hoc unum morari, ne Concilium pacemque admittant: si ergo tria illa Capitula damnentur, & Concilium admissum, & pacem redditum iri, nullo impendio: litandum esse omnium paci bonoque, paucis mortuorum cineribus, idque ipsum Ibam, sociosque si viverent optaturos, gloriam verò redditæ pacis penes Imperatorem fore. Hæc Theodorus obtentu Religionis: sed vindicta quærebarur: prævidebat enim Pelagium sociosque, ut termini moverentur à Concilio & Patribus fixi, nunquam assensuros; hinc illis cum Principe bellum, & ex bello offensam: aut si assentirent, semel Concilij Chalcedonensis eversâ delerâque aliquâ parte, facile totum impugnari, aut in dubium vocari posse, id verò Eutychianis saluti fore. Hæc Theodori sentia, sed Principi abstrusa. Is oratione permotus, & Theodoræ Conjugis, quàm deperibar, blanditijs edictum proponit, quo tria Capitula damnabantur. Ingens inter Catholicos accensum certamen, quod negarent convelli posse à Concilio statuta; eademque Vigiliij Romani Pontificis sententia erat: cumque adverteret Imperator, in hujus exemplum omnium oculos defigi, & eò inclinaturam victoriam, ubi Vigilius esset, Constantinopolim eum accersit, excipitque obviâ progressus. Omni ergo arte laboratum, ut hanc arcem everterent: præmia minis conjuncta: spes metusque temperati: & quod omnia vincebat, Imperatricis preces lachrymæque ac promissorum exactio: promiserat enim Vigilius, si Pontificatum ab Imperatrice obtineret, se tribus Capitulis abnuntiaturum; quid ergo negaret & fæminæ, & Augustæ, & Benefactrici? maximè cum preces, ut dixi, lacrymis, minisque armarentur. Nec minùs se Vigilius in omnem partem vertebat suspensus pendensque animi, cui inter tot contrarios ventos vela laxaret; quippe damnatis tribus Capitulis Concilium quoque Chalcedonense damnari videbatur, immensâ eorum indignatione, præsertim Occidentalium, qui nihil demi Concilio permittebant. Obfisteret verò Imperatoribus? plenum hoc discriminis, damni que: decrevit ergo mediâ incedere, quod plerumque in ambiguis solet. Primò liberum cuique edixit, ut in hac re pro arbitrio sentirent, scriberentque, donec Concilium definiret; nec enim de rebus fidei questionem: nec Ibæ Catholicus aut hæreticus sit, ad fidei articulos pertinere, libertatem ergo opinandi esse. Deinde in gratiam Imperatoris, à quo continuo pulsabatur, libellum concipit, quem tamen occultum voluit,

secie-

secretumque, quo tria Capitula arguebat. Sed Libello vulgato, offensisque Occidentalibus aperitè se Orientalium sententijs adjungit, ut istos saltem lucraretur, quippe numero & potentia majores. Adversati indignatique Occidentales, quod crederent unam eandemque esse Capitulorum & Concilij causam; & Vigilius Schisma veritus, indicto Episcoporum, qui aderant, Concilio silentium partibus indicit, exoratque Imperatorem, ut in proximum ac universale Concilium suspendi Edictum velit: annuitque Augustus. Interim Vigilius Theodorum hæresis compertum, & Episcopum Cæsareæ Augusto prædilectum, sed Schismatis auctorem Ecclesiâ sacrisque interdicit; quo uno ostendit in negotio trium Capitulorum non animum sibi, nec constantiam, sed causam defuisse: quodque jam in hanc jam in aliam partem flecteret, non timori aut gratiæ, sed concordia datum, nec parcum se ferri, cum moribus & necessitas poscerent. Augustus interim moræ impatiens, & præsertim agitante Theodora, contra quam pactus esset, & frustra oblustante Vigilio, Edictum palam proponit, juberetque Episcopos, qui subscribere morarentur, in carceres & exilia rapi: ipse Vigilius, cum micantes jam gladios & catenas videret, Thessalonicam & ad aras confugit, vulneribus in faciem acceptis. Sed cum terræ motibus, hiaribus, marisque inundatione ac incuris Barbarorum Imperium concideret, Imperator & Menna Patriarcha malis fessi, devictique, veniam sacrilegij petere, & Edicta auferri jussa. Hæc ab anno 547. usque in annum 552. peracta.

VII. Tandem Anno DLIII. Concilium Oecumenicum Constantinopoli habitum, in quo de Origenis, Nestorij, & Eutychetis erroribus actum, quos variè obregebant, præsertim verò de tribus Capitulis: causabantur enim Eutychiani, se propter tria Capitula Synodum Chalcedonensem amplecti non posse, quod Nestorio faverent, & isti *Hæstrantij* appellabantur, aut etiam Acephali. Missa ad Vigilium ornatissima Legatio 20. videlicet Metropolitanorum Antistitum, inter quos tres Patriarchæ: ubi vides, quanti etiam ab hostibus Romanum fastigium æstimaretur, nam cum Patriarcha aliquis evocandus, tres solum mittebantur. Repetita dein Legatio additque præcipui Magistratus, & ipse Bellisarius armorum Dux, rogabantque Vigilium, ut Synodo adesse vellet. Ille primum inducias petere, tum morbum causari, & absentiam Occidentalium Episcoporum, qui præcipuè Edicto Imperatoris

D d d d

tur-

turbabantur : ac tandem, quid de tribus Capitulis sentiret, scripta editurum. Et planè nolebat Vigilii Synodum in Græcia, sed in Sicilia convenire, ut videlicet Occidentales Episcopi adesse possent, & vota liberè conferri; sed id ipsum Augustus verebatur, prævidebatque se numero victum iri, si Occidens conflueret: ergò nec alijs, nec Pontifice expectatis initium Synodo fieri voluit. Illyrici Antistites adesse recusarunt: Primasius Adrumeti in Africa Metropolitanus, cum ad Synodum vocaretur, intrepidè respondit: *Papà non præsente non venio*. Alij qui ex Africa & Italia aderant, paucique Orientis Episcopi Vigilio adhæsere, ut ex eorum subscriptionibus patet. Tres primæ collationes mittendis Legationib<sup>9</sup>, legendæq; fidei professioni insumptæ. In quarta recitatæ sunt Theodori Mopsvesteni blasphemix, & in illas à Patribus conclamatum. In quinta, quæ Patres adversus Theodorum scripserant, quæque Theodoretus in Cyrillum, producta: addita Patrum exempla & sententiæ, quibus etiam defunctos damnari posse probatum est. Acceptum etiam auditumq; Vigilij Constitutum, quo fortiter prolixèq; pro tribus Capitulis desudabat. Rationes Vigilij ad hæc capita reducebantur: *Quæ Concilium Chalcedonense statuisse, nullâ ratione, nullòque obtentu subverti debere; alioquin unâ Concilij parte oppugnatâ, totum infringi, ac dubium reddi; nec enim ostendi posse, cur in uno potiùs, quàm in alio errare potuerint Patres: Triumphaturum Eutychen, sociòsque, Concilio semel impulsò eversòque, nec majorem illis evenire posse victoriam, quàm ut suspectum videant damnatumque tribunal, in quo ipsi causâ ceciderint. Jam serè seculum fluxisse, quo tribus Capitulis nemo litem intenderit, quid ergo causæ esset, ut novo nec necessario bello Ecclesia collidatur? cur modò improbentur tot jam annis probata? Nestorianam hæresin tam clarè enixèq; in Concilio Chalcedonensi damnatam esse, tamque repetitis vicibus, ut venire in mentem nemini possit, eam tribus illis Capitulis aut assertam, aut admissam esse, nec Chalcedonensibus Patribus tam parùm lucis adfuisse, nec Ecclesiam tam recordem, inertièmq; ut tot annorum cursu aut statueret, aut permitteret, quæ Religionem fideiq; minuerent. Ut Theodoretus & Ibas damnentur, nihil ad fidem pertinere; hanc enim de rebus, non Personis esse; quid ergò intersit Theodoro Ibaque parci, si modò quæ illi docuerunt, constet & ab illis revocata, & ab Ecclesia Concilioque proscripta? id semper in Ecclesia receptum esse, ut pœnitentes in sinum reciperet; apertisque amoris & Clemenciæ ostijs aditam ostenderet reverti volentibus; alioquin nullum errori remedium & finem fore, si crederetur, ignoscì non posse.*

ignorisse

*Ignovisse Ecclesiam vivis, nec culpæ securis; cur in mortuos faveretur, nec amplius offensuros? Quod si leges Canonæque prohibeant, absentem aliquem indefensumque damnari; quanto magis emortuum, & in publica Synodo absolutum? falli Patres si crederent, hanc in mortuos sententiâ pacem redituram; imò novum bellum incendi, novumque hæresi triumphum parari; Occidentis Antistites nunquam Chalcedonensibus illudi passuros; istos ergo pernicioso Schismate involvi, reddique Patribus, qui Constantinopolim pervenerint, insensos, aversosque, & quam isti sententiam in tria Capitula protulerint, illos plane rejecturos; quanto hoc Synodi dedecore, quantoque damno? Hæreticis id lucri accedere, ut cum duæ Synodos adversis Decretis pugnantes videant, utramque pari ludibrio habeant; hunc ergo fructum Concilio fore, ut nulla Concilij reverentia, fidisque habeatur. Hoc Hæreticos cupere. Hæc Vigilij sensa & rationes erant in Constituto expressa; sed cohiberi torrens non potuit, quin Ibas ejusq; epistola ad Marin damnaretur, quod factum Actione sextâ, repetito in Nestorium & Mopsvestenum anathemate. Septimâ collatione plures Vigilij litteræ in Synodo lectæ, quibus tria Capitula damnasse videbatur. Octavâ tandem in tria Capitula pronuntiatum: sic habuit Synodus Constantinopolitana; secutæ persecutiones, proscriptiones, exilia Episcoporum, qui nollent tria Capitula damnare: nec Vigilio pepercere, ad carceres & exilium rapti cum Clericorum manu, qui ei adhærebant. Inter ipsos Catholicos ingens discordia, quàm plurimis tria Capitula damnare recusantibus, quod postea dicemus. Redijt tandem ab Exilio Vigilij, ac in Sicilia morbis, ærumnisque consumptus vitam finivit. Testantur quàm plurimi, Vigilium (a) tandem Concilio subscripsisse, idque ne videretur Nestorio & præsertim Origeni favere, cujus errores paulatim Orientem occupabant; maluit ergo majori morbo occurrere, & impendens naufragium brevi, vilique jacturâ redimere: quæ causâ fuit Pelagio & Gregorio Magno Pontificibus, ut hoc quoque Concilium curarent recipi, quod tandem magnis laboribus effecere, cum palam ostendissent, in rebus ad fidem spectantibus nihil à quinta Synodo definitum, quod Decretis Chalcedonensibus adversaretur, id enim præcipuè omnium ferè animis infederat, quod ubi docti sunt, manus tandem communi paci dedere; hoc enim sancti illi Pontifices observârunt, ut cum certamen de fide non esset, aliquid darent optatæ*

Dddd 2

Con-

(a) Vigilium quintæ Synodo subscripsisse testes sunt Evagr. lib. 4. c. 33. Niceph. lib. 17. c. 27. & 28. alijque. V. Reg. Sacerd. fol. 362. Edit. Anno 1693.

# 546 Dissert. III. §. I. Refelluntur Maimburgi

Concordiæ, cederentque Græcis, genti superbæ, ac vinci dedignantibus, & flecti nescijs.

VIII. Ex hac historica narratione multa deducere licet memoratu digna, & quæ faciliè nubes discutiant ex narratione Maimburgi offusas. *Primo* certum est causam trium Capitulorum nihil ad fidem spectasse: errores enim Theodori, Theodoreti Ibæque omnes Catholici æque detestabantur: lis tantum de Personis erat: hæc quæstio facti erat; nec enim sequitur, ut qui hæresin docuit, continuò sit hæreticus, mens enim & pertinacia hæreticum, non calamus facit; & sæpè ignorantia delinquitur, præsertim cum illi errores abjurassent, & in Leonis sententiam ac scripta flexissent, idque S. Gregorius (a) multis locis testatur, salvâ videlicet fide de tribus Capitulis certatum esse: *De illa*, inquit, *Synodo, quæ Constantinopoli facta est, quæ à multis Quinta vocatur, scire vos volo, quod in ea de Personis tantummodò, non autem de fide aliquid gestum est, & de Personis, de quibus in Chalcedonensi Concilio nihil continetur. Et l. 3. epist. 2. Postquam talis scissura pro nulla re facta est, iussum fuit, ut Sedes Apostolica curam gerat. Et Pelagius II. epist. 2. ad Eliam, vocat quæstionem superfluum.* Docuitque idiplum experientia; quamvis enim absoluto Concilio ejusdem canones ab omnibus recepti sint, cum nihil aliud repeterent, quàm Ephesini & Chalcedonensis Conciliorum Decreta; in ijs tamen, quæ ad tria Capitula spectant, totus ferè Occidens obluçtatus est, collectisq; Concilij defensio trium Capitulorum suscepta, nec propterea quisquam hæresis accusatus est: quippe persuasum habebant, majorem esse Vigiliij quàm Concilij auctoritatem; quamvis enim Vigilius, cum adhuc animi penderet, in privatis quibusdam Epistolis adversus tria Capitula scripssset, nunquam tamen rem definitivè tulitque sententiam, nisi eo diplomate, quod Constitutum appellavit, Synodoque exhibuit, & hoc solo tanquam Pontificiâ auctoritate edito Occidentales contra Synodi Decreta nitebantur. Victor ergò & Facundus Hermianensis post Concilium Constantinopolitanum Africani Episcopi pro tribus Capitulis disertissimè scripserunt, & ideò ad pœnas (b) quæsitæ. Africa, Illyrium, Hybernia, & totus ferè Occidens fatente etiam Maimburgo causam trium Capitulorum contra quintam Synodum amplexus, idemque in Concilio Aquilejensi definitum: nec aliâ isti ratione

(a) S. Gregorius lib. 3. epist. 37. (b) Maimb. Histor. du Pontif. de S. Greg. lib. 1. fol. 37. & fol. 34.



ratione ducebantur, quàm quòd crederent, doctrinam quintæ Synodi, quâ parte de tribus Capitulis agit, sententiæ Pontificis Romani adversari, sicque hujus potiùs auctoritati, quàm Synodo deferendum esse; nec ullis artibus aut pœnis, nec millies objectâ Concilij auctoritate priùs moveri potuerunt, ut tria Capitula damnarent, quàm edocti à summis Pontificibus, hanc ipsam esse Romanæ Sedis sententiam tempori ac concordia cedentis, præsertim cùm quæstio de fide non esset; palàm ergo est, Omnes Episcopos Occidentis, ac etiam Gallicanam Ecclesiam ejus sententiæ tum temporis fuisse, ut crederent nullam esse Synodo auctoritatem à Romanis Pontificibus improbatæ, & istorum Decreta omni Synodo potiora esse: alioquin si id non crederent, cur Pontifici potiùs quàm Synodo adhærerent? cur improbarent, repellerentq; Synodi Decreta, collectisque Episcoporum Concilij, ac libris disertissimè scriptis ea impugnant, nec pœnis, nec exilijs, nec aliâ quâvis ratione ad ea recipienda moveri priùs possent, nisi à Romanis Pontificibus jussi? jubet Synodus, non audiunt: jubet Pontifex, obtemperant; cujus ergo auctoritatem majoris ducunt? illius, quem respuunt, an cujus admittunt? sed ne quid ex nostro præter verum finxisse videamur, audiendus Gregorius in epistola, quam adhuc Diaconus nomine Pelagij Pontificis ad Universos Istriæ Episcopos scripsit, & habetur Tomo 2. Conciliorum p. 2. inter fragmenta Concilij Constantinopolitani. Rursum, inquit, per epistolam vestram dicitur à sede Apostolica vos doctos, atque à scrinio sanctæ Ecclesiæ, cui DEO auctore præsumus, confirmatos, ne huic rei consentire debeatis. Atque hanc opitulationem excusationi Vestræ adjungitis, quòd in causâ principio & Sedes Apostolica per Vigilium Papam, & omnes Latinarum Provinciarum Principes damnationi trium Capitulorum fortiter resistierunt. Et Beda l. de 6. ætatib. Synodum Aquilejæ factam ob imperitiam fidei quintum Universale Concilium suscipere diffidit, donec salutaribus B. Papæ Sergij monitis instructa & ipsa huic cum cæteris Ecclesijs annuere consensit. Et Platina in vita Sergij: Ecclesiam Aquilejensem quintam Synodum non omninò approbantem ad sanitatem doctrinæ & auctoritate suâ tandem perduxit. Plus ergo Patres & Ecclesia Aquilejensis Sergio Pontifici, quàm quintæ Synodo deferendum censuit. Quòd si Pelagius, Gregorius, Sergius, alijque Pontifices perrexissent quintæ Synodo obniti, eamque improbassent, certissimum est, eam toto Occidente nunquam acceptam fore, cùm vix tandem, & post longum certamen Pontificum auctoritate evi-

atum sit, ut reciperetur: plus ergo istis reverentiæ & submissionis quàm Concilio datum; hoc enim quamvis centum septuaginta quinque Episcoporum votis, ac Principis Majestate, ac præterea sævissimis legibus ac longâ persecutione armatum, nunquam tamen evicit, ut ei Occidentales subscriberent; soli ergo Vaticano gloria confectæ pacis, imperatiquè obsequij servabatur. Postquam verò reliquæ Ecclesiæ Occidentis causâ vitandi schismatis, exemploque Pontificum cesserant; merito S. Gregorius & Pelagius querebantur paucas illas reliquias, in re, ut loquitur idem Gregorius, *nullius momenti, merèque superflua, nec fidei connexa*, opinionem suam paci & charitati præferre, & ab aliarum Ecclesiarum societate disjungi: quis enim Ibas & Theodoretus, ut istorum causâ perire Unitatem, pacemque vellent? præsertim cum ex sensu verbisque quintæ Synodi conditionata solum esset eorum damnatio, si videlicet erroribus immortui essent; constabat verò immortuos non esse, imò errores execratos: quid ergo damni, si Græcorum pertinaciæ communiquè concordiæ mortuos damnarent, innoxia sententiâ nec obfuturâ? tam magna victoria tam parvi stabat!

*Dices.* Ex illa ipsa alijsque Gregorij Epistolis apparet, creditum à plebisque fuisse, Pelagium & Gregorium aliosque Romanos Pontifices contra Concilij Chalcedonenfis decreta sentire, & ideò tanto tempore morati sunt, oblectatiquè, ut tria Capitula damnarent: credebant ergo Pontifices errare posse, sicut planè errasse Vigilium oportuit, qui non privatis tantum Epistolis, sed solemni ac Pontificio diplomate, quod *Judicatum* vocabant, in tria Capitula pronuntiavit: postea alio, parique auctoritate, quod *Constitutum* dicebant, eadem Capitula prolixè sustinuit, vetuitque damnari. Ac tandem sexto, postquam exulavit, mense Pontificiâ Decretali tria iterum Capitula oblitterata voluit, addiditque hæc verba: *Quæ verò aut à me, aut ab alijs ad defensionem prædictorum trium Capitulorum facta sunt, præsentis hujus scripti nostri definitione evacuantur.* Oportet ergo inter tot sibi que adversas Vigilij sententias aliquam falli laborare; falli ergo Pontifices possunt.

*Resp.* Jam suprà monui, quæstionem de tribus Capitulis citra fidem steterisse, imò à S. Gregorio & Pelagio *nullius momenti & superflua* vocatam esse; in hujusmodi autem falli Pontifices posse ultro fatemur: quamquam nec Vigilius, aut alij errabant, cum pro varijs temporum hominumque circumstantijs nunc damnari tria Capitula, nunc sustineri vole-

volebant. Cùm timor erat, ne illis damnatis Capitulis damnari quoque Synodus Chalcedonenſis videretur (id quod optabant Eurychiani) aut ſaltem in dubium vocari, frementibus Occidentis Epiſcopis, ac Schiſma minantibus, niſi abſiſteretur: credidit Vigilius abſtinendum novis eſſe, antiquiſque veſtigijs inhærendum, quod in ſuo Conſtituto prolixè demonſtravit. Ubi verò ex adverſo prævidit multò plus periculi ab Orientalibus, niſi Capitula damnarentur, inſtare; omnibus videlicet in eam ſententiam ruentibus, ipſoque Imperatore tanto ardore agmen ducente; præſertim cùm Neſtoriani ea Capitula ſuis erroribus prætexerent, multisque Theodoreti & Ibæ auctoritate imponerent, viderentque ſub iſtorum nominibus à Concilio admiſſis venena quoque animis illabi, majorque multò ſpes alluceret Occidentalium animos placandi, permovendiſque, quàm Græcorum, qui innatam pertinaciam duplici auctoritate Principis videlicet Synodiſque obfirmabant. Ex his, inquam, alijsque rationibus, utque gliſcenti Schiſmati, & ingens incendium promittenti fomenta ſubducerentur, permotus eſt Vigilius, alijsque poſt eum Pontifices, conſilia ſæpius, non finem mutare: neque hoc inconstantis, aut errantis fuit, quippe eadem ſemper navigatione, & eundem portum ſpectante, quamvis contrarijs ventis, & ex adverſo flantibus; & Medici remedia vertunt mutantibus morbis; nec alternatio errori, ſed arti adſcribitur; imò is error eſſet, nolle conſilia temporibus aptare, eodemque veſtitu gaudij, luſtùsque diebus incedere. Prudentis ergò fuit, conſilijs non obſtinari, affigiſque, ſed ut res ferret, in diverſa tranſire, & locum neceſſitati dare: alioquin ſi erroris fuiſſet, ſequeretur etiam Concilia Oecumenica errori eſſe obnoxia; nam & Synodus Chalcedonenſis ſententiam pro tribus Capitulis tulit, quam poſteà Synodus Conſtantinopolitana mutatis cauſis correxit; ſic B. Paulus, qui in circumciſionem tam acriter inveſtus aliquandò fuit, eam poſteà Timotheo adhibuit, ne Judæos offenderet; quam cùm videret Gentilibus faſtidio & ſcandalo eſſe, obliterari iterùm voluit, Petro vehementer objurgato: hoc ergò Vigilius fecit alijsque Pontifices; nam quòd timiditas Vigilio opponebatur, perinde ac ſi in Auguſti ſententiam metu, non ratione flexiſſet, res ipſa Vigilium & eventus purgârunt; eodem enim tempore, quo inter Papam & Auguſtum iſta ſervebat, Theodorum Epiſcopum Cæſaræ, Mennamque Men-

Mennamque Patriarcham Imperatori prædilectos, ipsamque Augustam hæresis compertam Vigilus Ecclesiâ sacrisque; exclusit; non hæc timen-  
 tis erant, sed intrepidi, invictique, & ipsum Imperatorem in charissi-  
 mis Capitibus provocantis: quis ergo dubitet non eadem ausurum in  
 causa Capitulorum, si eadem necessitas foret severitatem exerendi? sed  
 aptior clementia videbatur, & hæc tandem finem certamini dedit. *Se-*  
*cundò* Illud quoque diligenter observandum, Concilium hoc quintum  
 non potuisse prius pro Oecumenico haberi, quàm confirmatum à Vigi-  
 lio, aut alijs Pontificibus fuerit: & idèd cùm Vigilus, quod tria Ca-  
 pitula spectat, confirmare illud renuerit; sequitur nihil momenti aut  
 virium fuisse: hinc Patres tanto conatu egerunt, ut ei Vigilus inter-  
 esset; audi istius epistolam ad Synodum: (a) *Poposcit Vestra Fraternalitas,*  
*ut nobis præsidentibus de tribus Capitulis, ex quibus questio nata est, conse-*  
*ratur, & finis questioni ipsi DEO placitus, & convenienter ijs, quæ à qua-*  
*tuor sanctis Concilijs definita sunt, imponatur: quibus ita dictis postulationi-*  
*bz annuimus, ut de tribus Capitulis facto Regulari Conventu, servatâ equi-*  
*tate, & medijs SS. Evangelij Collationem cum unitis fratribz habeamus, &*  
*finis detur placitus DEO.* Collatione quoque VII. ejusdem quintæ Syno-  
 di multæ Vigilijs epistolæ recitatæ sunt, quibus ostendere conabantur,  
 Vigilium tribus Capitulis adversatum esse, nec aliud eâ sessione actum,  
 & tandem collatione 8. ante sententiam definitivam præfati hæc sunt:  
*Quia contigit Vigilium Religiosissimum omnibus interesse, quæ in tribus Capi-*  
*tulis annotata sunt, & sàm in scriptis, quàm siue scriptis in Concilio conveni-*  
*re &c.* Imò ipse Mennas Patriarcha Constantinopolitanus, teste Facun-  
 do (b) Africæ Episcopo, nunquàm Justiniani Edicto contra tria Capi-  
 tula assentiri voluit, nisi juramento accepto, nullam fore subscriptio-  
 nem, si Pontifex reclamasset: agnoscebant ergò Patres Concilij ne-  
 cessariam esse Pontificis confirmationem & assensum, pro quo osten-  
 tando tam enixè laborabant; quæ Confirmatio, dum absuit, persuaderi  
 Occidentalibus non potuit, ut Concilium reciperent; sed nemo lucu-  
 lentiùs hujus necessitatem, ut B. Gregorius Magnus in suis epistolis ad  
 Episcopos Istriæ Illyricique in causa Capitulorum scriptis ostendit; ci-  
 tat enim laudatque multa Leonis Magni testimonia, qui canonem 28.  
 Concilij Chalcedonensis Patriarchæ Constantinopolitano secundas defe-  
 rentis

(a) Epistola Vigilijs 8. inter epist. PP.

(b) Facund. pro Defens. c. 2. & 4.

rentis aboleri voluit, nulliusque momenti esse, quippe invitâ Romanâ sede conceptum, editumque; Romanam enim sedem tantum ea confirmasse, quæ sunt fidei, non verò, quæ pertinent ad Personas, & idèd quæ à Romana sede confirmata non fuerant, nullius quoque ponderis fuisse. Audi Leonem epistolâ ad Pulcheriam Augustam: *Consensiones verò Episcoporum, sanctorum Canonum apud Nicæam conditorum regulis repugnantes unitâ nobiscum vestræ fidei pietate in irritum mittimus, & per auctoritatem Beati Petri Apostoli generali prorsus definitione cassamus.* Oportet ergò magnam esse Confirmationis Pontificiæ auctoritatem & necessitatem, quando ejus defectu aut dissensu decreta Synodi Oecumenicæ irritantur & cassantur. Et in Epistola ad Martianum Augustum. *Nam & vestra pietatis apices, & ipsius Anatolij scripta declamant, Legatos Sedis Apostolicæ sicut oportuit contradictione justissimâ ei restitisse, ut inexcusabilis esset præsumptio, quo se nec intrepata cohiberet.* Si inexcusabilis est, & præsumptione laborat, qui licet auctoritate Concilij muniatur, contradicentem tamen habet Pontificem, sequitur nullam esse Concilij auctoritatem, cum Pontificem adversantem habet: & tamen nota, quòd sedis prærogativa, quam Patriarcha Constantinopolitanus expetebat, quamvis Nicænæ Synodo adversaretur, eamque Pontifices Romani tanto ardore impugnassent; nihilominus tamen mutatâ rerum temporumque conditione ab iisdem Pontificibus Romanis communis concordie causâ Patriarchis Bizantinis in Concilio Lateranensi quarto permessa est. Unde argumentari sic licet: si à Concilio Chalcedonensi statuta, Leo, Simplicius, Gelasius, (a) Gregorius, Nicolaus aliique Pontifices evertunt, idque jure merito factum esse Martianus Imperator & Anatolius Patriarcha confitentur; rursus mutatâ temporum conditione, pacisq; causâ eundem illum Chalcedonensem Canonem toties damnatum, Pontifices ratum volunt, nec errorem hunc esse, sed prudentiam omnes dicunt, tempori se aptantem; quid mirum aut novum esse potest in causâ trium Capitulorum, variatis rebus variatum toties à Concilijs & Vigiliis, aliisque Pontificibus esse? aut cur potius in hoc Pontifices, quam in illo erroris arguas? Quamvis si erroris fuit, prius Concilium Chalcedonense, quam Vigilius erravit, & idèd aut utrumque, aut neutrum damnas, paris videlicet utriusq; aut culpâ, aut innocentia. Elucet etiam, quanti sit Pontificis Romani confirmatio; hoc enim abnuente, quod

E e e

duo

(a) Vide Gelasium I. epist. 13. ad Episcop. Dard.

duo Concilia Oecumenica statuerunt, pro sede videlicet Constantinopolitana, proque causâ trium Capitulorum, acceptum non est, sed à quàm plurimis impugnatum: ubi verò Romanus Pontifex annuit, sublatae lites & contentiones, & omnium votis conspiratum, adeo ut ab hujus auctoritate præcipuè penderet, recipi Concilia, an respui deberent; quod Patres septimi Concilij aperte professi sunt: sic enim loquuntur: (a) *Hoc autem subtilius, inquirunt, est considerandum in ipsa sacra & venerabili septima Synodo, in qua nullus eorum, qui in his partibus Episcopi erant, convenisse repertus est. Sed nullum ex hoc sancta ad hæc Synodo præjudicium, neq; prohibitio vires habuit aliqua statuendi, & manifesta faciendi recta dogmata, præcipuè cum sanctissimus & Apostolicus Papa concordaverit, & in ea inventus sit per suos Apocrypharios. Tertio. Ex his omnibus, quæ in causâ trium Capitulorum dicta sunt, facile colligis, quàm multa Maimburgus involvat regendæ veritati, quæ si aperte & sigillatim edidisset, se ipsam veritas proferebat, sed maluit obicura & insidijs apta. Dicit: Vigilium errasse, cum sententiam tulit pro tribus Capitulis. At non erravit Vigilium, sed necessitati, & temporis cessit, mutavitque opportunè consilia, idque exemplo Pauli Apostoli, aliorumq; Pontificum & Patrum, imò omnium ferè mortalium, consilia & media, non finem mutantium; aut si error is fuit, non ad fidem, sed personas spectabat: de quo nulla nobis nec quæstio, nec cura est. Dicit: Sententiam Vigilij à Concilio examinatam & abolitam esse, & ita palam omnino fieri, Ecclesia persuasum fuisse. Pontifices Concilio subjacere. Sed quàm hoc imperitè & extra lineam? nobis enim quæstio est de auctoritate Pontificum in causis fidei decidendis; at verò jam supra ostendimus, causam trium Capitulorum ad fidem non pertinuisse; quæ ergo consequentia est à rebus heterogeneis & disparatis? deinde si Vigilium erravit, sequitur etiam Concilium Oecumenicum Chalcedonense æquè & prius errasse, quod eadem, quæ Vigilium de tribus Capitulis definivit; sequitur ergo, non Pontifices solum, sed etiam Concilia errori obnoxia esse, quod maximè refugit Maimburgus; denique si idèd Concilium supra Pontificem, quia hujus sententiam examini subjecit, correxitque: sequitur eadem ratione Pontificem esse supra Concilium: nam Concilij Chalcedonensis decretum de primatu Patriarchæ Constantinopolitani à Romanis Pontificibus discussum, rejectumque est, ut supra ostensum.*

Quod

(a) Synod. 7. Act. 3. in epist. Episc. Orient.

Quod si dicas illud ad fidem non spectasse; & ideo nihil in fidei rebus Concilijs derogatum; idem ego de causa trium Capitulorum dicam, quæ cum fide connexa non est, nec quidquam Pontificum auctoritati detrahit, quâ pollent in rebus fidei decidendis. Vides quàm seipsum Maimburgus involvat, felicior semper inchoandis, quàm finiendis bellis.

IX. Obijcitur 4. (a) Honorius I. in sexta Oecumenica Synodo hæresis Monorhelitarum accusatus, damnatusque est: potest ergo Pontifex errare, judicarique à Concilio. Quod si dicas corruptam esse à Græcis Synodum sextam, (b) & Honorium culpæ quidem expertem esse, male verò à Patribus intellectum, explicarumque; quid rogo dicces ad septimæ & octavæ Synodorum, ad Hadriani, Leonis, Agathonis, Nicephori, Tharasilj, Theodori, Bedæ, & aliorum Patrum testimonia idiplum asserentium? *At malè Patres Honorium sunt interpretati.* Esto; saltem ergo crediderunt posse Pontifices errare, nisi enim id crederent, nunquam errasse eos dicerent; fuit ergo omnium eorum Patrum sententia, & Pontifices errori esse obnoxios, & Concilij judicio subiacere; & qui contrarium docent, sententiæ doctrinæque Conciliorum adverfantur.

*Resp.* Utcunq̃ue Honorij res se habeant; certum est, nihil causæ nostræ ejus exemplum aut errorem obstare, si quis fuit: quis enim nescit epistolas Honorij ad Pyrrhum & Sergium, & ob quas hæresis accusatus dicitur, privatas fuisse, non publicas, nec dogmaticas, & in quibus nihil Honorius definivit, sed mentem tantum suam, privatamque sententiam aperuit? in hujusmodi verò epistolis errare Pontifices posse, corrigique, non inficior, neq; hoc in quæstionem venit; neq; enim omnia, quæ agunt, aut dicunt Pontifices, continuò oracula sunt, & humanæ conditionis expertia, sed solum cum Pontifices agunt, vel ut scholæ loquuntur, cum *ex cathedra docent*; quemadmodum non omnia, quæ Reges dicunt, scribuntque, continuò sunt edicta & sententiæ, nec vim edicti aut sententiæ habent. Errat ergo Maimburgus, & ne statum quidem quæstionis intelligit: jacitque tela incerto scopo, ignotoque, sed de hoc postea.

Eccc 2

Nunc

(a) Maimb. Tract. histor. cap. 18. primæ Edit. fol. 155. & cap. 12. fol. 118.

(b) Synod. 6. Aët. 4. & Aët. 13. Synod. 8. Aët. 7. Leo II. epist. 2. ad Episc. Hisp. & epist. 4. Nicephor. epist. 3. ad Leonem III. Tharasilj. epist. ad summ. Sacerdot. Antioch. Synod 7. Aët. 3. Beda de nat. rer. c. 67. V. Regal. Sacerdot. f. 721. Edit. Anno 1693.

Nunc verò hæresin Honorij, quod spectat, fateor in nulla re magis ambiguum me animi, incertumq; fuisse; ex una enim parte tam multi sunt, gravesque in Honorium testes, ut vix audeam abolvere tot testibus impetitur: ex altera verò tam clarum est in ijs epistolis, quæ unicè arguuntur, nullam hæresin esse, ut non ausim damnare delicti immunem: quid enim? si quis è regio diademate sublatum à me dicat consumptumque pretiosum adamantem, idque centum confirmet; & tamen nec vestigium furti in diademate ostendi, nec gemmarum defectus possit, integro videlicet numero, illibatoque, num furti damnari potero plectique? num major vocibus fides, quam oculis dabitur? Eadem omnino Honorij causa: furti illum & gravissimi postulant, testes magni, multiq; dicunt unam è duabus in Christo voluntatibus eum subduxisse: si locum patrati furti interrogas, litteras ad Pirrhum, Sergiumque ostentant. Si litteras inspicias, omnesque illarum sinus excurias, tantum abest unam voluntatem desiderari, ut potius utramque clarissimè Honorius asserat, utramque Lector inveniat. Innocens ergo Honorius, si veritatem spectes; Reus, si testes: veritas ergo testibus cedit, an testes veritati? & quæ accusatio tam valida, si non constat de corpore delicti? Imò si constet nullum esse delictum? & quæ ru ablata & absumpta dicas, ego ostendam eodem semper loco fuisse, & adhuc esse? Ergo persuasum omnino habeo, errorem aliquem Græcorum fraude in sextam Synodum irrepsisse, & ut fieri amat, in alios postea derivatum esse, qui auctoritate Concilij decepti fuerint, nullà indagandæ veritatis, aut curâ aut studio; cum superfluum id crederent, sententiâ à Patribus dictâ. Fateor arduum esse, originem, causamq; erroris detegere, sed quàm multa, quorum causam ignoramus? nemo dubitat Ægyptum Nilo rigari, quamvis origine occultâ. Certum igitur est primò Acta sextæ Synodi à Græcis corrupta esse, nec id novum apud Græcos, nam & Acta quintæ Synodi infecerant testib<sup>9</sup> Patribus *acti*on. 12. Et 14. sextæ Synodi: & Sessione 8. gloriatur Macharius Archiepiscopus Antiochenus Patrum scripta, ut suis opinionibus opportunum videbatur, aptata à se esse. Beatus etiam Gregorius. *lib. 5. epist. 15. ad Narsen*, Concilia Chalcedonensè & Ephesinum fatetur eadem fraude fædata, idemque B. Leo (a) & Anastasius testantur. Eadem Nicolai primi querela epistolâ ad Michaëlem Imperatorem. Quid ergo novum est,

(a) S. Leo epist. 81. ad Palæstinos. Anastas. præfat. in 8. Synod.



est, Græcos hæc arte non imbutos tantum, sed etiam superbos, quique tertiam, quartam, quintam & septimam Synodos aggressi fuerant, pari audacia in sextam grassatos esse, nullo pudore, imò etiam fastu, quippe ingenio adscribebant. *Secundo* ipse Agatho Papa in epistola Synodali (quam Patres sextæ Synodi (a) summis laudibus extulerunt) cum de hæresi Monothelitarum disputaret, negat, *Romanam Ecclesiam juxta Christi promissionem à vera fide unquam deflexisse, sed suos Prædecessores semper hæresibus restituisse, & fratres in fide confirmasse.* Qui rogo id Agatho & in confesso totius orbis ediceret, recenti adhuc Honorij exemplo, & Patribus tam noto? Quis non Salomonem rideret, si in publicis regni Comitij pronuntiaret; nullum è sua Judæque familia homicidio & adulterio obstrictum fuisse, cum vestigia fœdatis Thalami, calentisque Uriæ sanguinis omnium oculos adhuc implerent? Mendax ergo Agatho impudensque, qui Patribus tam aperto mendacio illuderet; sed multò isti nocentiores, qui non ferrent tantum Agathonis mendacium, sed etiam applauderent, clamarentque: *Petrum in Agathone locutum esse: Hoc dicerent mentienti? Tertio* si verum est, Honorium à Concilio Hæresis damnatum esse, pace dixerim tantorum Patrum, nec majus delictum imputari, nec iniquior sententia esse poruit. Honorius hæreticus, Honorio anathema: interim verò nulli tanti delicti testes, nulla judicia, nullum causæ examen, nullus, qui jam dudum defuncti innocentiam sustineret, sed uno eodemque temporis momento Honorius Pontifex Romanus, reus & victus, damnatusque; crederes de papavere in hortis demetendo, non de Pontifice Romano causam agitari: & quando vel vilissimum caput tantâ injuriâ, rerumque neglectu judicatum est? cum Arius & Nestorius, cum Theodorus Mopsvestenus, Theodoretus, alijque postulati sunt, quorum tamen hæreses notæ vulgatæque, & tot libris ac spectatoribus sparæ; quantâ nihilominus curâ studioque, & probationum morâ sententiæ dilata sunt, invitis velut extortæ? adeò ut cum in Nestorium pronuntiarent, gemitus sententiam sequerentur: in solos Honorij & indefensos cineres nullo examine, nulloque apparatu, vibrata cursim anathemata: quis hoc de tanto Concilio? præfertim cum in promptu Honorij epistolæ essent, in quibus expressis disertisque verbis duas naturas, duasque operationes fatebatur, Monothelitarum hæresi confixâ potiùs quam probatâ. Si ergo verum esset,

Eccc 3

Hono-

(a) Sexta Synod. act. 12. & 14. V. act. 8. & 18.

Honorium in hac Synodo hæresis damnatum esse, oporteret Synodum in iudicio tanti momenti summæ iniquitatis & socordiae pullari, imò ignorantiae: nemo enim, qui rem ipsam confiteretur, si nomen reticeret iustas ob causas velie, ut Honorius reticere volebat, hæreticus appellari debet, præsertim re nondum definita; alioquin & Hieronymus hæreticus fuerit, (a) qui censuit non esse tres hypostases in DEO dicendas: & Augustinus, qui Pascensio Ariano vocem homousij omitti permittebat, modò fateretur filium ejusdem cum Patre substantiæ & naturæ. Hæresis ergo non vocum, sed rerum est: quæ ergò Patrum ignorantia, Honorium hæresis damnare, qui hæresin ipse damnabat, & quibusdam tantum vocibus abstinendum scribebat concordiae causâ, quodæque vocib<sup>9</sup> duarum naturarum quàm plures aburerentur, quasi in Christo duæ & contrariæ fuissent, quales videlicet in nobis sunt, adversæ sibi, rebellesque? hæc tota Honorij culpa, ob quam an hæretici nomen & pœnas meruerit, clarius est, quàm ut Synodus potuerit ignorare, & alibi (b) ostensum est.

*Dices:* Honorius cum Sergio communicabat, imò eidem scripserat, se cum eo sentire, sibi que probari, quæ Sergius propoluerat, ergo ex hoc capite meritò pro hæretico habitus est.

*Resp.* Latebat adhuc hæresis Sergij, aut quòd recens, aut quòd pietate fucata, & necdum perstrinxerat Occidentem, quæ causa, ut non Honorius solum, sed alij quàm plures doctrinâ & virtute præstantes cum Sergio communicarent, quippe necdum comperto: sic Basilius vir alioquin severâ pietate cum Eustachio Episcopo Ariano communicare visus, & tot calumnijs præsertim in Occidente petitus, sic Chrysostomus cum Origenistis, Innocentius cum Pelagio, quòd videlicet pietate & religione, quas simulabant, capti, eorum societatem non respuerent, aut quòd ægros ignorarent, aut quòd sperarent curari posse: quando mederentur, si fugerent laborantes? non sequitur ergò Honorium quodæque febribus æstuasse, quia decumbentibus assedit.

*At Honorius Sergio Monothelita hæretico assentiri se dicit, ergò & ipse Hæreticus Monothelita est.*

*Resp.* Videndum prius, quæ in re Honorius Sergio assentitur: sicut enim non omnia, quæ hæreticus dicit, hæreses sunt, ita non omnia,

(a) Hieron. epist. ad Damas. S. Augustin. epist. 174.

(b) V. Regale Sacerd. f. 721. Edit. Anno 1693.

qui hæretico aliqua in re assentitur, continuò hæreticus est. Concedit Lutherus tres esse Personas in una natura Divina : num idèò hæreticus & Lutheranus erit, qui hac in re sentire cum Luthero se dicat? Honorius ergò una in re cum Sergio hæretico sentit; abstinendum videlicet illis vocibus : *Due Voluntates in Christo, due operationes*; id enim novum esse, nec necessarium veritati, & potius ad Philosophorum & Grammaticorum scholas pertinere; imò abuti aliquos ijs vocibus, ut ostendant, populoque persuadeant, duas in Christo voluntates discordes fuisse: ergò voces quod attinet, premendas eas esse concordiae causâ, & nec unam voluntatem, nec duas dicendas esse, sed potius duas naturas propria operantes in una Persona: in hoc ergò eadem Honorij opinio & Sergij fuit, neque id hæresis, sed prudens cautela, ne fomes daretur gliscenti discordiæ. Multa dissimulari possunt malo adhuc modico, & remedium patiente, quæ postea obfirmata ferri non debent. Rem verò ipsam quòd attinet, an videlicet duæ in Christo naturæ, duæque operationes essent, dissentit omninò à Sergio Honorius; Sergius enim omnesque Monothelitæ negabant esse duas in Christo voluntates, duasq; operationes; sed unam tantum voluntatem, unamq; operationem admitti volebant; at Honorius clarissimè dicit: *Non esse dicendum unam voluntatem unamque operationem, sed tamen unum Operatorem Christum propter unitatem suppositi*: monetque Sergium, ut deinceps omitat dicere, unam esse in Christo voluntatem: *Utrisque*, inquit, *naturas in uno Christo cum alterius communione operantes atque operatrices confiteri debemus, & Divinam quidem, quæ DEI sunt, operantem, & humanam, quæ carnis sunt, exequentem*. En tibi duas naturas, duasque operatrices Potentias, & duas quoque operationes, humanam videlicet & Divinam: quid poterat contra Monothelitas expressius dici? si enim, ut dicit Honorius, natura humana in Christo operatur, ergò operationem aliquam humanam habet (Divinam enim habere non potest) ergò in Christo duæ sunt operationes, humana & Divina. Rursus Monothelitæ nullam propriam & humanam operationem in Christo admitterebant, sed solam Divinam; humanâ naturâ patiente tantum, & recipiente, eo ferè modo, quo tabula aut marmor recipit tantum, non format imagines, actio verò Pictoris, Sculptorisque à solo Pictore aut Sculptore est: id observat S. Thomas, (a) clareque

Sergius

(a) S. Thomas 3. p. q. 18. a. 1. Sergius, epist. ad Honor. act. 12. sextæ Synodi.

### 558 Dissertat. III. §. I. Refelluntur Maimburgi

Sergius ad Honorium scribit: *Quemadmodum, inquit, corpus nostrum regitur & disponitur ab intellectuali & rationali anima nostra; ita & in Domino natura tota humana, ejus conspersio ab ipsius Verbi Deitate semper in omnibus mota, ut sit carnis quidem passio, DEI autem operatio.* Idemque Pyrrhus fatetur in Dialogo, quem cum Maximo habuit. At Honorius: *Unum quidem Operatorem esse dicit, at duas operatrices naturas. Ita ut Divina, quæ DEI sunt, operetur, humana, quæ hominibus: sicq; humanam naturam non pati tantum, sed etiam operari.* Qui ergo Monothelita Honorius, si Monothelitis è diametro adversatur, negatque quæ illi asserunt, asserit, quæ negant? At Monothelitæ Honorij societate, & communi gloriabantur. Sed nos quærimus, qualis Honorius fuerit, non qualem sinxerint Monothelitæ; quis enim nescit hoc Hæreticis semper solemne fuisse, ut Patrum auctoritatem suis erroribus prætexerent? alioquin hæreticus Basilii fuerit, hæreticus Hieronymus, Chrysostomus, & præsertim Augustinus, quorum Societatem & olim & nunc quoque Hæretici passim vaneque ostentant. Palam est ergo, si epistolas Honorij examines, quarum causâ hæresis postularus est, innocentem illum esse, & culpæ immunem, & ideo nec credi posse in Concilio damnatum, præsertim jam prædefunctum, & de quo dubitari merito debuit, essetne hæresi immortuus, si quam contraxisset. Quartò denique summi momenti est S. Maximi Monachi & Martyris testimonium, quo Honorium Papam omni culpâ & hæresis suspitione absolvit. Is præcipuâ Sanctitate florebat, cui tandem Martyrij palmam adjunxit; Monothelitarum perpetuus malleus, eorumque errorum adeo gnarus, ut Pyrrhum Monothelitarum Principem & Constantinopolitanum Patriarcham publico congressu & disputatione vicerit, converteritque; non ergo aut adulationis, aut ignorantie notari potest: & præsertim cum ejus disputatio publicè audita, publicè excepta fuerit, nec quidquam à Maximo narratum, non planè compertum, certumque veritatis. Cum ergo Pyrrhus Honorij auctoritatem Maximo in hæc verba objiceret: *Quid de Honorio ad respondendum habes, qui apertè Antecessori meo unam voluntatem Domini Christi esse tradidit?* Respondit Maximus: *Qui fueris fide & auctoritate dignus epistolæ hujus interpres, qui eam ex persona Honorij scripsit adhuc superstes, & qui totum Occidentem cum virtutibus, tum dogmatibus fidei illustravit? an ij qui Constantinopolis, quæ ex corde erant, loquebantur?* Pyrrhus: *Cui hæc composuit.* Maximus: *Is igitur ipse cum*

ad

ad Divum Constantinum Imperatorem ex Persona rursus sancti Papæ Joannis de hac epistola scriberet, dixit: unam diximus voluntatem in Domino, non Divinitatis & Humanitatis, sed Humanitatis solius; cum enim Sergius scripsisset, quod quidam duas voluntates contrarias ponerent; diximus Christum non duas voluntates contrarias habuisse, carnis videlicet & Spiritus, sicut nos habemus post peccatum (a) &c. Hæc Maximus, cui Pyrrhus acquievit, nec habuit, quod reponeret. Contigit verò hæc disputatio Anno Christi DCXLV. hoc est annos triginta lex, antequam Concilium Constantinopolitanum convenerit. Considera, an Maximus hæc dicere auderet, an Pyrrhus reciperet, nisi uterque vera esse & extra dubium credidissent. Reperitur etiam in Collectaneis Anastasij à doctissimo Sirmondo editis Apologia Joannis Papæ IV. ad Constantinum Imperatorem Heraclij Filium, epistolas Honorij Catholicas esse, nec ullâ hæresi inquinatas, & fraude Monothelitarum in alienos, perversosque sensus expositas. Hoc scriberet Joannes Constantinopolim & Imperatori, nisi certus veritatis? alioquin convinci poterat falsitatis, & palam argui epistolis, quas Honorius scripserat, in lucem depromptis. Sic in Synodo Lateranensi (b) sub Martino Papa & Martyre, & in Romana sub Agathone, ubi accuratè de hæresi Monothelitarum à Patribus actum, damnatique nominatim Theodorus, Cyrus, Sergius, Pyrrhus & Paulus, nullâ Honorij mentione; at qui potuit præteriri, si eadem tinctus labe, & in sexta Synodo eodem fasce cum alijs hæreticis implicitus? sic etiam Phorius, (c) Zonaras, & Paulus Diaconus, ubi enumerant in sexta Synodo damnatos, nullam habent Honorij mentionem. Ex quibus omnibus deducas, meritò, & à quæplurimis asseri, Honorij nomen aut fraude, aut errore in acta Concilij devenisse, & postea in alios quàm plures; quamvis ut supra monui, difficile sit causam & originem erroris aut fraudis evolvere; latente videlicet radice, & ramos tantum ostentante; non enim sequitur non esse, quæ sunt occulta. Quintò. Sed quidquid sit de Honorij lapsu, illud certum est, nihil obesse infallibilitati Pontificum, & auctoritati, quam illis in Concilio tribuimus. Epistolæ, quas Honorius ad Sergium dedit, privatæ sunt, nec fideles alloquuntur, nec quidquam decidunt; quamvis enim ex lege

Ffff

con-

(a) V. Dialogum Græcolatinum S. Max. apud Baron. in App. Tom. 8.

(b) Concil. Lateran. sub Martino PP. Anno 649. Concil. Rom. sub Agath. Anno 680. (c) V. Reg. Sacerdot. fol. 578. Edit. Anno 1693.

contradictoriarum oporteat duas voluntates & operationes in Christo esse, vel non esse; Honorius tamen neutrum vult dici, sed tantum duas cum proprijs operationibus; quod planè non est decidere, sed rem in medio, & suspensam relinquere. At verò non in omni casu, nec in quovis scripto nos Pontificem infallibilem esse dicimus, ac erroris securum; sed tunc solum, cum Pontificem agit, & Magistrum Ecclesiæ, hoc est, cum actum aliquem exercet, qui ad solum Pontificem pertinet, qualis non est epistolas scribere, aut scriptis respondere, & quid consultum credas, aperire; id enim non soli Pontifici Romano, sed cuivis, non Episcopo solum, sed etiam privato permissum est; cum enim hoc privilegium infallibilitatis in publicum Ecclesiæ bonum vergat, noluit DEUS illud Personæ, sed Officio annecti, & tunc solum præstò esse, cum Pontificali Officio fungeretur, eo ferè modo, quo in veteri Testamento non semper, nec quovis tempore oracula Pontifici dabantur; sed tunc solum, cum Pontificio apparatu cultuque Templo & arcæ se sisteret, quæ cum alibi fusè sint demonstrata, repeti non debent. Nec verò, ut inquit Maimburgus, (a) *sunt hæc enigmata, & responsa ambigua, ac plena obscuritatis, & quæ nec illi satù intelligunt, qui ea proferunt; enimverò oportet Maimburgum in alio orbe natum, & nunquam, non dicam in scholis, sed nec in foro aut palatio visum, qui ea pro obscuris & impervijs habeat, quæ nemo non videt; quis enim tam simplex, rudisque, & humanæ societatis ignarus, qui nesciat, non omnes Regum actiones Regias esse, & privilegio Majestatis gaudere? nec omnia Judicum verba & epistolas ad leges & edicta pertinere? quæ si clara & obvia sunt, & omnibus comperta; quæ tandem sunt illa arcana vocesque impenetrabiles, nec ipsis loquentibus notæ, cum nos dicimus, non omnia Pontificum scripta ad oracula & dogmata pertinere, sed ea solum, quæ ut Pontifices & Ecclesiæ Magistri, atque e Cathedra pronuntiant? hoc est, cum rebus maturè discussis causam aliquam definiunt, jubentque definita pro fidei veritatibus haberi, eosque, qui secus credunt, haberi pro hæreticis volunt? hic est actus Pontificiæ, auctoritatis, & in hoc falli aut errare Pontifices posse negamus: nec unquam Maimburgus contrarium ostendet; in alijs verò actibus, qui Pontificiæ potestati non sunt proprii, falli eos posse, communiq; mortalium conditioni erroribus obnoxia subiacere ultrò concedimus.* Denique

ut

(a) Maimb. Traët. Histor. c. 12. f. 121.

ut brevi argumento omnia concludam: aut Honorius hæreticus fuit, aut non fuit? si non fuit, falsa ergo accusatio, nulloq; fundamento nixa, quæ ex illo consequuntur: si hæreticus fuit, concedimus Papam hæreticum judicari à Concilio posse, neque hoc in quæstione vertitur; cum enim fides sit vita Corporis Mystici, adeò ut ex mente S. Pauli, Justus ex fide vivat: qui fidem non habet, non est membrum vivum Ecclesiæ; qui ergo erit Caput Ecclesiæ, qui ne membrum quidem est? & idè sacris Canonibus (a) toties definitum est, Pontificem Romanum in sola hæresis causa judicari à Concilio posse, quia videlicet sola hæresis facit, ut desinat esse membrum, & consequenter caput Ecclesiæ. Vides ergo Exempla à Maimburgo adducta tot partibus laborare, ut non tantum evidentibus demonstrationibus accenseri non possint, quales ipse promissit, sed vix levibus conjecturis; quippe aut ex dubijs principiis, aut ex falsis procedunt, aut extra statum quæstionis vagantur: capiunt tamen, eliduntque ignaros, Tartarorum excursionibus similes, imbelli tantum plebi, minutæque infestos, sed armatis impares.

X. *Obijciunt* 5. Donatistæ in causa schismatis Carthaginensis, cum Cæcilianum ejus Ecclesiæ Episcopum Romæ multis querelis onerassent; is verò sententiâ Melchiadis Papæ absolutus esset, ad Concilium appellârunt, idq; permissu Constantini Imperatoris Arelate ijs datum, magno Episcoporum numero frequens. In eo sententia in Donatum dicta, innocentia Cæciliani probata. De hoc Concilio ita Augustinus: *Putemus illos Episcopos, qui Romæ judicârunt, non bonos judices fuisse: restabat adhuc plenarium Ecclesiæ Universalis Concilium, ubi etiam cum ipsis judicibus causa posset agitari, ut si malè judicâsse convicti essent, eorum sententiâ solverentur.* Fateatur ergo Augustinus minorem Pontifici auctoritatem quàm Concilio esse: ab hoc enim judicari Pontificum sententias posse, solvique. Exclamatq; hic Maimburgus, perinde acsi bellum confectum, nec alia cura, quàm elevandi trophæi esset: (b) *Ingenuè, inquit, libereque fateor, nullo magis exemplo constare Pontificum sententias tribunali Conciliorum submitti; in hoc enim examinari possunt, corrigique, si injusta appareant.*

Ffff 2

Resp.

[a] C. audivimus 24. q. 1. c. Novatianus q. 1. c. didicimus. c. Achatius 24. q. 1. c. oves 2. q. 7. c. si Papa d. 40. Cajet. Tr. de auct. Conc. & Pap. c. 20. S. Anton. in summa, tert. p. T. 23. c. 3. §. 4. Suar. de fide. p. 10. f. 6. Bellarm. de Rom. Pontif. l. 2. c. 30. V. Reg. Sacerd. fol. 456. Edit. 1693. [b] Maimb. cit. cap. 18. f. 359.

*Resp.* Historia Concilij Arelatensis sic habet : Anno Christi CCCVII. Cessatum est in Africa à fidelium persecutionibus , Maxentij Imperatoris seu indulgentiâ , seu metu : quippe Christianos lucrari properabat Constantino Imperij æmulo palàm addictos. Contigit eodem tempore Mensurium CARTHAGINE Episcopum morte defungi : successit omnium votis Cæcilianus Mensurij quondam Diaconus , consecravirque Felix Aprungitanus Episcopus. Vehementer hâc electione Botrus & Cælestius offensi, quibus & spes fuerat, & par ambitio, eas infulas occupandi, nunc spe dejectos cupido inceslerat vindicandi ; auctusque æmulorum numerus seniorum factione , à quibus sacra vasa auro, argentoque insignia novus Episcopus reperierat : sed quod pejus omni malo, fæmina præpotens, iraqué & opibus ferox tempestatem ciebat. Lucilla ea fuit, quam cum Episcopus objurgasset, quòd indignâ superstitione priùs cineres cujusdam cadaveris libaret, ( quod Martyris fuisse necdum satis constabat ) quàm sacro epulo accumberet, immenso objurgantis odio flagravir, effuditque, ut licuit. Quæsitæ criminationes, quæ odium obregerent ; videlicet : *Quòd alienâ manu consecratus esset, Secundo Teggitano Episcopo & Numidiæ Primatè præterito, neglectoque. Quòd Martyres, qui carcere tenebantur, fame necasset ; quòdque à Traditoribus sacris iniuriatus.* Paratis ergò calumnijs Cæcilianum in jus vocant, causam dicturum : is negat se adesse posse, Judicibus jam odio corruptis, & palàm adversis. Absentem ergò in Conventu 70. ferè Episcoporum damnant, eiq; Majoranum sufficiunt Lucillæ præcharum ; hinc natum schisma pertinax, funestumque, Duce præsertim Donato Episcopo, qui nomen factioni dedit, auxirque eloquentiâ populari, ac rebus turbandis aptâ. Nihil moveri Cæcilianus, innocentia, & Pontificis Romani tutus auctoritate : Audi Augustinum : (a) *Conspirantem multitudinem inimicorum non curabat, cum videret se & Romanâ, in qua Apostolicæ Cathedræ semper viguit Principatus, & cæteris terris, unde Evangelium ad ipsam Africam venit, per communicatorias litteras esse conjunctum, ubi paratus esset causam suam dicere.* Donatistæ, cum causæ suæ ac Romæ diffiderent, à Constantino Imperatore, qui tunc in Gallijs morabatur, Gallos judices petunt. (b) Constantinus Romam, cum litteris ad Melchiadem Pontificem mittit, illic enim causas majores agitari oportere ; additi tamen tres è Gallia Anriscites, Maternus Colonienfis, Rheticius Augustodunenfis, &

Marinus

(a) S. August. epist. 162. (b) V. S. Optat. l. 3. contra Parmenian.



Marinus Arelatensis Episcopi, quibus Itali quindecim adjecti: Cæcilianus omnium votis absolutus, sed præsertim Melchiadis sententiâ, de qua ita (a) Optatus: *Etiam Melchiadis sententiâ, quâ judicium clausum est his verbis &c.* Et Augustinus: (b) *Qualis ipsius Melchiadis prolata est sententia, quàm integra, provida atque pacifica &c.* & post pauca: *O Virum optimum, O filium Christianæ pacis, & partem Christianæ plebis!* Provocatum à Donatistis ad aliud & plenius Concilium, ut apertè testantur DD. Augustinus (c) & Optatus: & quamvis Constantinus provocationi cesserit pacis studio, eam tamen provocationem, & ipse & alij Patres detestati sunt, & impiam crediderunt. Audi S. Optatum, qui cùm Melchiadis sententiam retulisset, continuò hæc subdit: (d) *Sufficit ergò etiam Donatum tot sententijs esse percussum, & Cæcilianum tanto judicio esse purgatum, & tamen Donatus ab Episcopis appellandum esse credit, ad quam Appellationem Constantinus sic respondit: O rabida furoris audacia! sicut in causis Gentilium fieri solet, appellationem interposuerunt.* Tantum ergò abest, Constantinum hanc provocationem pro legitima habuisse, ut eam furoris & audaciæ plenam dixerit, & Christianis indignam: nota tamen hæc verba à Constantino repetita videri, cùm postea iidem Donatistæ à Concilio Arelatensi ad Augusti tribunal provocârunt, ut animadvertit Sirmondus, & eruditissimus Schelstrate. (e) Invehitur in eandem provocationem Constantinus epist: ad Chrestum Episcopum Syracusanum apud Eusebium, (f) & præsertim Augustinus: (g) *Tantæ, inquit, auctoritatis Episcopos, quorum judicio & Cæciliani innocentia, & eorum improbitas declarata est; non apud alios collegas, sed apud Imperatorem accusare ausi sunt, quòd malè judicârint.* Dedit ille Arelatense Concilium, non quia jam necesse erat, sed eorum perversitatibus cedens, & omnimodò cupiens eorum impudentiam cohibere. Et iterum: *Nèque enim ausus est Christianus Imperator sic eorum tumultuosas & fallaces querelas suscipere, ut de judicio Episcoporum, qui Romæ sederant, ipse judicaret.* Ubi vides hanc provocationem ab Augustino impudentiæ & perversitatis notari, & fallacibus ac tumultuosis querelis accenferi; quod etiam de Marca Archiepiscopus Parisiensis fatetur: (h) *Alienum, inquit, putabat Constantinus, à*

Ffff 3

discipli-

(a) Optatus loco cit. (b) Aug. epist. 162. (c) August. in psal. contra part. Donati. Optatus lib. cit. (d) Optatus l. 1 contra Parmenian. Idem fatetur Maimb. Tract. hist. cap. 18. fol. 157. (e) Schelstr. Antiq. illustr. p. 2. differt. l. c. 7. 2. 3 §. 1. n. 122. (f) Euseb. lib. 10. cap. 5. (g) S. August. epist. 162. (h) Marca lib. 4. de Concord. cap. 17. n. 2.

*disciplina, res à Pontifice Romano iudicatas rescitari.* Sed tamen ut dixi concordia datum, ut causa Cæciliani iterum cognosceretur. Id factum in Concilio Arelatenfi. Convenerunt Patres ex toto ferè Occidente, Gallia videlicet, Hispania, Italia, Africa ac etiam Britannia, quæ causa est, ut Augustinus hoc Concilium *plenarium* vocet, (a) & *ex Universa Ecclesia collectum*. Numerus Episcoporum ex communi sententia non minor ducentis; id enim expressè testatur S. Augustinus: [b] quamvis Ado [c] sexcentos numeret. Cæterum non videtur hoc Concilium verè & in rigore Oecumenicum appellari posse, sed solum Patriarchale, cum ad illud nemo ex Oriente convenit, sed illi tantum Episcopi, qui Patriarchatui Romano parebant, is verò totam Europam complectebatur, & provincias Africæ Occidentales; & huiusmodi Concilia, imò etiam Nationalia sæpè à sanctis Patribus universalia appellantur, ut patet ex Concilijs Romanis sub Symmacho, Toletano III. c. 18. & Carthaginensi IV. quæ omnia universalia dicuntur, quamvis ex una tantum Provincia collecta; quanto ergo magis Arelatense gaudere hoc titulo potuit, cui Episcopi ex tot Provincijs, Regnisque aderant? Et sanè omnium ferè sententia est, Concilium Nicænum fuisse primum Oecumenicum. Adfuisse huic Concilio Legatos Silvestri Pontificis dubium non est; ij enim nominantur initio Concilij Arelatenfis primi, videlicet Claudius & Vitus Presbyteri, Eugenius & Cyriacus Diaconus. Sed dubium est, an præfederint, cum in epistola Synodali Marinus cæterique Episcoporum nominentur nullà mentione Legatorum factà; Et in Synodo Arelatenfi II. can. 18. dicatur: *Ad Arelatenfis Episcopi arbitrium Synodum congregandam*. Sciendum ergo est, non omnes Pontificum Legatos semper Concilijs præsedisse, præsertim Provincialibus; nec semper primo loco potitos, nisi cum mandato præsidendi mitterentur, quod exemplo Constantinopolitanæ Synodi abundè probatur, in qua Anthimus damnatus est præsidente Menna Patriarcha, alijs verò Legatis Apostolicæ Sedis post Mennam aliosque Episcopos subscribentibus, ut habetur in sententia contra Anthimum *sess.* 4. Sic etiam summus Pontifex alicui ex Græcis Episcopis suas partes munusque præsidendi imponebat, quo casu Romani Legati primo loco abstinebant; sic Cyrillus

Con-

(a) S. August. 1. 2. de Bapt. contra Donat.

(b) S. August. lib. 1. contra epist. Parmen. cap. 5.

(c) Ado in chron. *anat.* &c.

Concilio Ephesino nomine Cœlestini, Mennas nomine Agapeti Pontificum præfuere : sic denique S. Leo Anastasium Thessalonicæ Episcopum suum per Illyricum constituit Vicarium, Gregorius Augustinum per Angliam, Leandrum per Hispaniam, Zosimus (a) Archi-Episcopum Arelatensem per Galliam : qui Vicarij Primates appellabantur, omnesque Metropolitanos & Archi-Episcopos dignitate & loco anteibant : eisque inter alia, quæ nomine Pontificis peragebant, illud etiam concessum, ut nomine Pontificis Concilia Nationalia convocarent. Hæc ergo causa fuit, ut Marinus Arelatenfis Episcopus ante alios Legatos Concilio præsideret : idque sequentibus annis frequenter evenit, ut videlicet Arelatenfes Episcopi Vicarij Apostolici & Primates essent ; aperireque etiam colligitur ex canone 12. Concilij Arelatenfis secundi : *Ad Arelatenfis, inquit, Episcopi arbitrium Synodus congreganda.* Sed quo jure Arelatenfi hoc competat, nisi quia Vicarius Romani Pontificis, & ideo Primus ? Cæterum missa fuisse acta Concilij Romam, & illic confirmata, dubium non est ex Epist. Synodali, quam Patres ad Silvestrum dedere, & habetur post acta Concilij, quod etiam Bail Doctor Parisiensis ingenuè professus est Tom. 2. ad hoc Concilium : *Ipsa, inquit, Synodus Arelatenfis subditam se agnovit Pontificis jurisdictioni, ut testata est per Epistolam Synodicam ad Silvestrum Melchiadis Successorem, missam eo fine, ut quæ stitisset, auctoritate Pontificiâ confirmaret.* Sed & illud egregium reverentiæ in Pontificem argumentum, quod licet inter duas partes judicium verteretur, Cæcilianum videlicet Donatumque ; istum accusatorem, illum accusatum ; noluit tamen Concilium, ut partes Rei Cæcilianus sustineret, quippe jam à Melchiade absolutus, sed eum, ejusque socios Episcopos inter Patres Judicesque Concilij admisit, & ideo tam in Epistola Synodica, quam etiam in sententia contra Donatum lata Cæcilianus subscribit. Quæ verò ratio, ut Cæcilianus Romano Tribunali reus assisteret, ut pro Reo haberent, multoq; minùs ut damnarent, quem Roma absolvisset ? non ergo id agebant Patres Arelatenfes, ut corrigerent, aut in dubium vocarent à Pontifice judicata ; sed ut convincerent Donati impudentiam, alios semper, aliosque judices fatigantis :  
nam

(a) V. epist. 5. Zosimi Papæ ad Episc. Galliæ. & libellum Episcoporum Provinc. ad Arclat. Leon. I.

nam ab hoc etiam Conventu ad Augustum provocavit; at iste in hæc verba rescriptit cedro & æternitate digna: (a) *Meum judicium possulant, qui ipse judicium Christi expecto; dico enim, ut se veritas habet, sacerdotum judicium ita debet haberi, ac si ipse Dominus residens judicet; nihil enim licet his aliud sentire, vel aliud judicare, nisi quod Christi Magisterio sunt edocti.* Hæc est series & historia Concilij Arelatensis, non meâ, sed scriptorum omni exceptione majorum fide, & ex ipsis authenticis actis, quæ ad marginem notavi, exposita. Promptum jam erit quàm plurima ex ijs deducere, quæ objecta Maimburgi non refellant tantum, sed etiam malæ fidei convincant. Nam primò Argumentum ex Concilio Arelatensi sumptum Maimburgus à Calvino didicit, exscripsitque, quod in hoc homine ferè perpetuum, nihil enim novi affert, præter styli condimenta; alia ex Illyrico, Centuriatoribus & Calvino collecta, dissimulatis Catholicorum responsis, quæ cum vinci non possent, celata maluit, quàm producta. Verba Calvini sunt: *Constantinus appellationis judicium demandat Episcopo Arelatensi, sedet ille iudex, ut post Romanum Pontificem, quod visum fuit, pronuntiet. Si Romana Sedes summum habet judicium sine provocatione, cur sibi tam insignem calumniam irrogari permittit Melchisedech, ut sibi Episcopus Arelatensis præferatur? En tibi Calvini voces, & sententia Maimburgi simillima! enimverò miserissimam causam, quæ juvari non potest, nisi pudendis auxilijs.* Secundò ostendit Maimburgus, se ne quidem intelligere, qui sit status Controversiæ, & qui sensus quæstionis, quam tanto studio sed cæco versat, ut cogar de illo dicere, quæ olim S. Gregorius: (b) *Non intelligentes, neque de quibus loquuntur, neque de quibus affirmant.* Quærimus enim an in rebus ad fidem spectantibus major sit Concilij, an Pontificis auctoritas? Maimburgus Concilium præfert, allegatque Cæciliani exemplum; at in eo non de fide, sed de facto & delicto agebatur, an videlicet Cæcilianus sacros Codices prodidisset, & Martyres inediâ confecisset: quid rogo facit judicium delicti ad judicium fidei? aut quæ consequentia à tam disjunctis? fieri enim potest, ut in factis, quæ sub oculos hominum & testes cadunt; major sit penes Patres noticia, qui factum conspexerunt; quàm penes Pontifices procul remotos, quique ob hanc ipsam causam cognitionem facti alijs, vicinisque committunt. Nam & Columbo ex

novo,

(a) Rescript. Constant. apud. Optat. l. i. contra Parmenian. (b) Greg. lib. 4. epist. 14.

quo, nobisq; opposito orbe redeunti, ac postea tot alijs testib<sup>9</sup> major  
habita, quàm Zachariæ Pontifici, (a) alios sub terra homines, hoc  
Antipodas neganti, & propterea sanctum Virgilium graviter re-  
prehendenti. Deinde constat Concilium Arelatenle à Silvestro Ponti-  
ficis approbatum, confirmatumque fuisse: atqui nulla quæstio est de  
Concilijs à Pontifice confirmatis: cùm enim quærimus, an Pontifex sit  
supra Concilium, non quærimus de eo Concilio, cujus pars Pontifex  
sit, & quod ipse confirmavit; sed de Concilio Papæ opposito, cùm  
videlicet aliud Pontifex, aliud Concilium definit, & diversa utriusque  
sententia est, quemadmodum cùm quærimus, an rectum sit alius do-  
mo? quæstio non est de recto, ut est pars domûs ( si enim nec rectum  
nec domus altior, cùm sint una tantum res, & rectum pars domûs ) sed  
de recto, ut res à domo reliqua distincta, & de domo ut separatà à  
recto & non conjuncta. Quæ cùm planè sint nota, & in primis Lo-  
gicæ rudimentis exponi soleant, mirum est à Maimburgo ignorata, &  
ita nec statum quæstionis intellectum. An fortè non tam illi studium  
fuit apta, quàm multa congerere? quippe regendis falsis multitudo op-  
portuna. Tertiò. Supponit Maimburgus, Concilium Arelatenle Oecu-  
menicum fuisse ( constat enim alia, quæ Oecumenica non sunt, Pontifi-  
cibus haud præferri ) at contrarium ostendimus, videturque omnium  
ferè sententia, qui Nicænum pro primo Oecumenico statuunt; ergo  
nec hoc quidem ad rem & propositum facit. Quartò. Certum est, ut  
suprà observatum, in hoc Concilio non de fide, sed de facto, & deli-  
cto disputatum esse. Quæro igitur ex Maimburgo, extra fidei causas,  
& ubi de facto, aut delicto Episcoporum agitur, an Concilium supra  
Pontificem esse credat, aut non credat? si non credit, cur ergo exem-  
plo utitur, suo etiam judicio ac sententiâ inutili, vanoque? si credit,  
manifesti erroris tenetur; constat enim exemplis, doctrinæque SS. Pa-  
trum extra fidei causas, & ubi de Episcoporum juribus & delictis agi-  
tur, errare Concilia posse, corrigique à Summis Pontificibus debere:  
sic canon quintus Synodi Constantinopolitanæ, & canon vigesimus  
octavus Synodi Chalcedonenfis, qui in præjudicium Patriarchæ Ale-  
xandrinæ vergebant, à Leone I. & Gregorio M. alijsque intermedijs  
Pontificibus improbatum sunt, abrogatique. Audi S. Leonem ep. 6. ad

Gggg

Syno-

Synodum Chalcedonensem : (a) *Ut & fraterna Universitas, & omnium fidelium corda cognoscant, non solum per fratres, qui vicem meam exerciti sunt, sed etiam per approbationem gestorum Synodaliū propriam vobiscum inuisse sententiam, in sola videlicet fidei causa, quod sæpè videlicet dicendum est.* Et Gelasium Papam in Tomo de Anathematis Vinculo : (b) *Ne fortè quod solent dicant, quòd si Synodus Chalcedonensis admittitur, omnia constare debeant, quæ illinc videantur esse deprompta. Cognoscant illud secundum scripturas sanctas, traditionemque Majorum, secundum Canones, regulasque Ecclesiæ, pro fide communi & veritate Catholica, pro qua hanc fieri Sedes Apostolica delegavit, sacellamque firmavit, à tota Ecclesia indubitanter admitti: alia autem, quæ per incompetentem præsumptionem illic prolata sunt, vel potius ventilata, quæ Sedes Apostolica gerenda nullatenus delegavit, mox à Vicarijs Sedis Apostolicæ contradicendum manifestum est, quæ Sedes Apostolica etiam petente Martino Principe nullatenus approbavit.* Similia habet S. Gregorius M. in epistola (c) Pelagij II. nomine ad Episcopos Istriæ scripta. Imò ipse Maimburgus, hoc ipso Tractatu, quem refutamus, & alibi apertè docet, causas Episcoporum, præsertim, cùm de illis deponendis agitur, ad Summum Pontificem pertinere; sic enim loquitur cap. 7. *De plus come Pape est sans contredit par dessus chaque evesque de quelque dignité qu'il soit; & par dessus toutes les eglises, & tous le sinods particuliers, on peut appeller de tous ces evesques, & de tous ces sinods à son tribunal. C'est à luy de juger des causes majores, come sont celles, qui regardent la foy, la deposition des Evesques, &c.* Hoc est: Cùm dubitari non possit, Majorem esse Pontificis Romani, quàm singulorum Episcoporum, quantumque dignitate ij sint, aut Synodorum particularium auctoritatem; sequitur, ut ab Episcopis quibuscumque, Synodisque ad Tribunal Pontificis appellari possit: hujus officij est, de majoribus causis judicare, quales sunt quæ fidem aut Episcoporum depositionem spectant. Si ergo Conciliorum exemplis, sanctorumque Patrum assertione, & ipsa confessione Maimburgi certum est, à Synodis particularibus (qualis fuit Arelatensis) ad Summum Pontificem appellari, præsertim in causis Episcoporum; adeo ut etiam in Concilijs Occumenicis contra Episcopos statuta, fuerint postea à Romano Pontifice revocata, neque hoc negari possit: quâ rogo fiduciâ Maimburgus dicere

(a) S. I. eo epist. 53. ad Fulcher. & 59. ad Synod. Chalc. & ad Martian. Imp. & ad Anatoli Patriarch. & S. Greg. lib. 6. epist. 31. (b) Gelasius I. PP. Tom. de Anath. vinc. Tom. 2. Concil. inter opusc. Gelas. (c) Epistola Pelagij II. quæ habetur in fragmentis Synodi quintæ Tom. 2. Conc. p. 2.

dicere potuit : *Majorem Concilij Arelatensis auctoritatem , quàm Pontificis fuisse ? & hujus tribunal, illius tribunali subiectum, atque à Pontifice pronuntiatam sententiam potuisse ab eo Concilio examinari, delerique ? Num ergo Maimburgus ignorabat causas Episcoporum, qualis erat , quæ Arelate agitabatur , maximè cum de eorum depositione agitur , ad Pontificem pertinere ? Num eum latebat , non solum , quæ in Synodis particularibus , sed etiam , quæ in Oecumenicis contra Episcopos decreta fuerant , à Pontificibus sublata esse , ac penitus rescissa , idque toto Orbe comprobante ? aut forsàn major Arelatensi , quàm Chalcedonensi , & Constantinopolitano Concilij auctoritas & dignitas fuit ? & hæc ramen cum de Episcopis statuissent , Roma correxit , abolivitque : idque jure factum & Imperator Martianus , & Patriarcha Anatolius , quamvis hostis , agnovit ; Leo quoque , Gelasius , Gregorius , alijque testati sunt : quid ergo dici poruit Arelatense Tribunal Romano præfuisse , si corrigi , si judicari , damnatique ab isto potuit , idque exemplo tot aliorum ? Cur ergo , inquires , permisit Melchides Romanam sententiam inferiori , externoque fuisse Tribunal ? Resp. Quia pacem & concordiam amabat , sperabaturque , quod etiam evenit , eorum pertinaciam fatigari hæc conniventia , vinci- que posse ; nec verò alienum , externumque Tribunal fuit , cui Legati aderant , quodque ipse confirmabat , Concilium ergo Arelatense non eâ conditione aut petum , aut admissum est , ut de Melchiadis sententia judicaret ; sed ut instrueret , frangeretque obstinatos , non majori quidem , sed repetita auctoritate . Alioquin si idem Pontifices Concilio subdun- tur , quia causa semel à Pontifice decisa in Concilij iterum examinata est , sequeretur Concilia etiam Imperatoribus subdi ; cum enim Dona- tistæ in Concilio Arelatensi damnati essent , illi ipsi ad Constantinum Imperatorem provocârunt , auditi que sunt , ne aliquis esset excusationis locus : Audi Augustinum : (a) Atque utinam saltem ipsius Constantini ju- dicio insanissimis animositatibus suis finem posuissent , atq; ut eis ipse cessu , ut de illa causa post Episcopos judicaret , à sanctis Antistitibus postea veniam petiturus , dum tamen alij , quod ulterius dicerent , non haberent , si ejus sententiæ non obtemperarent , ad quem ipsi provocaverunt ; jussit enim illi , ut ei partes occurrerent Romam ad agendam causam , quò cum Cecilianus nescio qua de causa non occurrisset , præcepit , ut*

Gggg 2

Medio-

(a) S. August. epist. 62.

*Mediolanum sequerentur, quò cum etiam Cæcilianus pervenisset, ipsum quoque sicut scripsit, exhibuit, cognitaque causa, qua diligentia, qua cautela, qua provisione, sicut ejus indicant litteræ. Vides hic Cæcilianum jam à Synodo examinatum, auditum, absolutumque: ab Imperatore citari iterum, examinari, absolvi; an ergo Imperator supra Concilium? quòd si non idè Imperator supra Concilium, quia à Concilio ad Imperatorem provocatum est; quare Concilium supra Pontificem, quia à Pontifice ad Concilium Donatistæ provocârunt? si enim provocatio sit signum subjectionis, sequitur non solum Pontificem infra Concilium esse, sed etiam Concilium infra Imperatorem: quippe & à Pontifice, & à Concilio provocatum est; quòd si dicas temerariam fuisse à Concilio provocationem; dicam & ego temerariam fuisse à Pontifice Romano, & quid dico temerariam? (a) imò *perversam, impudentem, rabi- dam, furiosam, audacemque* Constantinus & Augustinus appellant.*

At, inquit Maimburgus, S. Augustinus eadem epistolâ hæc habet: *Putemus illos Episcopos, qui Romæ judicârunt, non bonos judices fuisse; restabat adhuc Ecclesiæ Universalis Concilium, ubi etiam cum ipsis judicibus causa posset agitari, ut si malè judicâsse convicti essent, eorum sententiæ solverentur.* Supponit ergo Augustinus, errare Romanum Pontificem, ejusque sententias à Concilio corrigi, solviq; posse, quæ omnia sunt argumenta superioritatis.

*Resp.* Si hæc sint argumenta superioritatis, sequitur omninò multò supra Concilium Pontifices esse, palàm enim est, ab istis Concilia Oecumenica non solum correctâ, sed etiam temeritatis damnata esse, cum perperam de Episcopis eorumque causis statuissent, quod suprà de Constantinopolitano & Chalcedonensi Concilijs, & testimonijs Leonis, Gelasij, & Gregorij ostendimus; nobis ergò pugnat Maimburgus, quamvis invitus. Sciendum igitur est, sententias Romani Pontificis immotas quidem ratasque esse, nec ullius subjectas Tribunali, imò ab illis velut à quibusdam Lineis regulisque Concilia pendere, quod alibi fusè (b) ostensum est, faterurque & confirmat auctoritate S. Augustini Maimburgus ipse libro (c) de vera Ecclesia, quando videlicet tranquillo placidoq; animo, & affectibus libero veritatem admittebat, adulandi adhuc

(a) Constantin. epist. ad Chrestum Episc. Syrac. apud Euseb. lib. 10. August. epist. 162. (b) Regal. Sacerdot. l. 2. Edit. 1693. (c) Maimb. l. de la Liray Egl. scil. 7. fol. 304.



adhuc rudis ; sic enim scribit : *Après que ceux de Carthage & de Numidie l'eurent jugé contraire alla Doctrine de la foy, on attendit la decifion du Pape Innocent. Durant cette intervale saint Augustin écrivant à Hilaire d'Arles de cette Nouvelle heresie de Pelagius, dit qu'elle non est pas encore ouvertement reconnue par telle de toute l'église. Mais aussitost, que le Pape Innocent eut fait contre elle la Constitution, qui fut recenue avec tant d'applaudissement de toute le Chrestienté ; alors le digne de Pelagius fut tenu universellement par tout pour heretique, & ce saint Docteur declarant ce, que le souverain Pontife avoit défini, auquel on avoit envoie le deux Conciles d'Afrique, ajousta ces belles paroles : De hac causa jam duo Concilia missa sunt ad Sedem Apostolicam, inde etiam Rescripta venerant, causa finita est, utinam aliquando error finiat. Je scays bien, que cette heresie fut condamnée encore quelque temps apres au Concile d'Ephese ; (a) Mais ce fut sans en faire une plus exacte discussion, & comme un erreur déjà reprouvée par un jugement legitime, come les Peres le declarerent dans la lettre sinodale au Pape Celestin. Hoc est : Postquam à Carthaginis, Numidique Patribus declaratum est, haresim nuper à Pelagio conceptam editamque fidei adversari, adhuc tamen quid de illa Innocentius Papa definiret, expectabatur. Interim verò decifione illius necdum vulgatâ, scribit Augustinus (b) Hilario Arelatenfi, errores Pelagij nondum à tota Ecclesia haresis damnata ; nondum, inquit, evidenter ab Ecclesia separata est. Ubi verò Innocentij constitutio eam haresim damnantis summâ omnium gratulatione fidelibus innotuit ; enimverò dogma Pelagianum à tota Ecclesia pro hæretico habitum credendumque. Et ipse S. Doctor, cum Populo explicaret, quæ in hac causa Romanus Pontifex, cui duo Africa Concilia transmissa fuerint, decrevisset, in hæc verba prorumpit digna memoratu : de hac causa jam duo Concilia missa sunt ad Sedem Apostolicam &c. Non me equidem later, prout post annis hanc ipsam haresim in Concilio Ephesino confixam esse ; sed id obiter cursimque factum ; quippe causâ per legitimum ac solemne judicium jam finitâ, quod Patres Ephesini in epistola Synodali ad Celestinum Pontificem aperte professi sunt. Hæc Maimburgus, cum animo adhuc integro scriberet, intactoquæ affectibus aulæ, quibus fateatur, in rebus fidei dictâ semel à Pontifice Romano sententiâ causam finiri, nec amplius aliquid superesse, quod oporteat à Concilij agnosci, decidique, eamque Augustini mentem, & Synodi Ephesinæ fuisse, quod & elegantibus versibus S. Prosper insinuat :*

Gggg 3

Reslem

(a) Concil. Ephesin. act. 5. (b) August. epist. 94.

*Pestem subeuntem prima recidis  
Sedes Roma Petri, quæ Pastoralis honoris  
Facta caput Mundo, quidquid non possides armis,  
Religione tenet.*

Ergo, ut ostendi, Papæ sententia etiam ante vota Concilij firma & erroris tuta; sæpè tamen eam Pontifices ad Concilium referebant, non quòd huic subessent, sed quia in rebus factum spectantibus major penes plures, quàm unum notitia, & ut omnem tergiversandi occasionem adversarijs adimerent; nec aliud Pontificis & Concilij Tribunal erat, sed unum, idemque; quippe nihil valiturum, nisi Roma subscriberet, & quod illi statuissent, ipsa firmasset: Patres ergo numerum, sed pondus Pontifices dabant; id quod S. Zosimus eleganter expressit litteris ad Concilium Carthaginense datis: (a) *Quamvis*, inquit, *Patrum traditio Apostolica Sedis auctoritatem tantam tribueris, ut de ejus judicio disceptare nullus auderet*; idque per Canones semper, regulasque servaveris, & currens adhuc suis legibus Ecclesiastica disciplina Petri nomine, à quo ipsa quoque descendit, reverentiam quam debet exolvat. Tamen cum tantum nobis esset auctoritatis, ut nullus de nostra possit retractare sententia, nihil edimus, quod non ad vestram notitiam nostris ultro litteris referremus, dantes hac fraternitati, ut in commune consulentes, non quia quid deberet fieri, nesciremus, aut faceremus aliquid, quod contra Ecclesie utilitatem veniens displiceret, sed pariter vobiscum volumus habere tractatum de isto &c. &c. En tibi sententiæ nostræ, & confutati Maimburgi luculentum testimonium! Asserit Zosimus, tantam esse Apostolicæ Sedis auctoritatem, ut de ejus judicio disceptare nullus audeat, nec ejus sententiam retractari posse, idque Patrum traditione acceptum, & firmatum esse. Quid possit contra Maimburgum clarius dici? & observa, non hæc in angulis, latebrisque Zosimum scribere, sed plena in luce, subq; oculis Carthaginensis Concilij, à quo facile argui poterat, convincique, nisi vera & comperta scripsisset vel dixisset. Quia verò Zosimo obijci poterat, quod nobis objecit Maimburgus; Cur videlicet summi Pontifices sententias suas Conciliorum examini submittant, si judicari à nullo possunt? Cur Innocentius Pontifex causas à se finitas ad Concilium Arelatense referri ostensus? Respondet Zosimus: Non ideo factum, quòd aut nescirent Pontifices, quid fieri deberet, aut facere aliquid possent, quod Ecclesie utilitati adversaretur, sed ut fraternitati deferrent &c. Ubi vides jam ante mille & ducentos

ac

(a) Zosim. epist. ad Episc. African. Anno 418. apud Baron. ad eund. Annum.

ac supra annos, hoc est, florente Ecclesiâ, & ubi nulla fastûs suspicio, aut cupiditas aliena usurpandi, sententiam hanc nostram pro vera, certa-  
que habitam, & Patrum traditione subnixam, videlicet sententias Ro-  
mani Pontificis nullius iudicio subiectas, & erroris expertes esse, id  
enim apertè sonant ea verba : *De ejus iudicio disceptare nullus audeat : nullus  
de nostra potest retractare sententia : non quia quid deberet fieri nesciremus, aut  
faceremus aliquid, quod contra Ecclesiæ utilitatem displiceret &c.* Ergo cum  
Pontifices præsertim in quæstionibus facti ad Concilia referunt ; non id  
agitur, ut Concilium iudicet, rescindatque Romæ iudicata ; id enim  
potestatis majoris esset, quam Zosimus Concilio negat, sed ut solum  
melius Pontificem doceant, an factum ita se habeat, suggerantque, quid  
fieri oporteat ; nam & Regio senatui nulla potestas rescindi à Re-  
ge decreta, sed solum ostendi, deprecandique. Ita Concilij Arela-  
pensis res & causâ se habuit.

XI. *Obijcitur* 6. (a) Siricius Papa, qui Damaso successerat, apertè  
confitetur, se Concilio subiectum esse, cujus tam ingenua, & in re pro-  
pria testantis Confessio maximi utique momenti esse debet. Durabat  
adhuc Antiochenum Schisma, extinctis Paulino & Meletio Episcopis,  
quibus utriusque fautores duos suffecerant, Flavianum videlicet Mele-  
tio, & Evagrium Paulino. Huic tam pernicioso dissidio componendo  
Concilium Capuanum indictum fuerat, Flaviano, Evagrioque citatis.  
Absuit Flavianus, rogavitque Theodosium Imperatorem, ut hæc causâ  
alteri in Oriente Synodo committeretur ; at Episcopi, qui Capuam con-  
venerant, Theophilo Episcopo Alexandrino, aliisque Aegypti Episco-  
pis hanc ipsam Flaviani Evagriique causam delegant ; Bonosi verò  
(blasphemiae in Deiparam Virginem accusati) Anytio Episcopo The-  
salonicensi, subiectisque illi Episcopis : hi ad Siricium Pontificem defe-  
runt. Siricius abnuït, negavitque facultatem sibi esse eam causam co-  
gnosceri, quam Patres Capuani, Theophilo alijsq; detulerant. Verba  
Siricii sunt in epistola ad Anysium Thessalonicensem : *Cum hujusmodi  
fuerit Concilij Capuensis iudicium, ut finitimi Bonosi atque ejus accusatoribus Ju-  
dices admitterentur, advertimus, quod nobis iudicandi forma competere non possit &c.*  
Et infra : *Primum est, ut ij iudicent, quibus iudicandi facultas est data, nos enim totius  
Synodi*

(a) Maimb. Traité de l'Egl. de Rom. ch. 19. f. 161.

## 574 Dissertat. III. §. I. Refelluntur Maimburgi

*synodi vice decernitis, nos quasi ex Synodi auctoritate judicare non convenit.* En Siricium Concilio submissum ! si enim major Siricii potestas, quàm Concilij esset, cur non posset Concilij decretum factamque delegationem rescindere, & causam alijs Judicibus creditam, ad suum, hoc est, altius, præstantiusque Tribunal advocare ?

*Resp.* Hoc Maimburgi argumentum more solito multis partibus laborat. Nam *Primò* Concilium Capuanum non Oecumenicum fuit, sed particulare ; sequeretur ergo etiam Concilio particulari Pontificem subijci, quod tamen etiam ipse Maimburgus non admittit, sic enim in hoc ipso tractatu, quem refutamus, loquitur : (a) *De plus come le Pape est en cette qualité sans contredit par dessus chaque Eveque de quelque dignité qu'il soit, & par dessus toutes les Eglises, & tous les sinods particuliers; on peut appeller de tous ces Eveques, & de tous ces sinods à son Tribunal.* Si ergo, ut hic loquitur Maimburgus, Pontificis Romani Potestas omnibus Ecclesijs, Synodisque particularibus præstat, ideoque ab omnibus particularibus Synodis ad Tribunal Romanum appellari potest ; si inquam ita res se habet; quâ fiduciâ Maimburgus dicere potuit, Siricium Capuensi judicio subiectum, & hujus Decreto alligatum fuisse ? *Secundò*, Sed etiam ipsi Patres Capuensis Synodi, inter quos præcipuus Ambrosius, quamvis hujus causæ cognitionem Theophilo, alijsque denulissent ; semper tamen quidquid illi judicassent, Pontificis Romani judicio & approbationi subjecerunt. Verba Ambrosij ad Theophilum Alexandrinum hæc sunt : *Sanè referendum arbitramur ad sanctum Fratrem nostrum Romanæ Sacerdotem Ecclesiæ, quoniam præsumimus ea te judicaturum, quæ etiam illi displicere nequeant ; ita enim utile erit consultum sententiæ, ita pacis & quietis securitas, si id vestro statuatur consilio, quod Communioni nostræ dissensum non afferret ; ut nos quoque acceptâ nostrorum serie statutorum, cùm id gestum esse cognoverimus, quod Ecclesia Romana haud dubie comprobaverit, lati fructum hujusmodi examinis adipiscamur.* Vides tantum abfuisse, ut Patres Capuenses, & inter illos Ambrosius crediderint Romano Pontificem Concilij Delegatis subesse, aut rescindere non posse ab istis judicata, ut potius eam regulam Delegatis præscriberent ; ne videlicet, quidquam judicaret, quod Romano Pontifici displicere, aut comprobari ab eo non posset. Agnovit ergo Concilium, esse altius aliquod Tribunal, cui placere deberet, & cujus censuræ Concilij acta subjacerent. *Tertiò*. Sed illud

quo-

(a) Maimb. Traité de l'Egl. de Rom. ch. 5. f. 43.

quoq; mirum, voluisse Maimburgum ad confirmandam tantı momenti causam, epistolam adhibere dubiæ omnino incertæque fidei; illam Maimburgus Siricio adscribit; at illa nec inter Siricij epistolas reperitur, nec Siricij nomen, sed Ambrosij præfert, habeturque libro 10. epistolarum Ambrosij epistolâ 79. cum hac inscriptione: *Divi Ambrosij ad Theophilum & Anysium, excusantis se de Judicio ferendo inter Bonosum Episcopum, &c.* Et quamvis negent aliqui eam epistolam Ambrosij esse; non continuò sequitur esse Siricij, quæ enim hæc consequentia, ut idem eam Siricius scripserit, quia non scripsit Ambrosius?

*Quartò.* Sed demus scripsisse Siricium, non tamen sequitur aliquid ab eo derogari Pontificiæ potestati: nec enim passim & sine magna, urgenteque ratione Pontifici licet ordinem, gradusque judiciorum, & Conciliorum ac Sacerdotum judicia, sententias & privilegia turbare, & causas alijs commissas suo tribunali vindicare; imò nulli æquè ut Romano Pontifici incumbit, Conciliorum & Episcoporum jura & prærogativas custodire, quod eleganter Gregorius Magnus hisce verbis expressit: (a) *De Ecclesiasticis Privilegijs, quod vestra fraternitas scribit, hoc postpositâ dubitatione tenent; quia sicut nostra defendimus, ita singulis quoque Ecclesijs sua jura servamus, nec cuilibet savente gratiâ ultra quàm meretur impertiar, nec ulli hoc, quod sui juris est, ambitu stimulantē derogabo; sed fratres meos per omnia honorare cupio, &c.* Extatq; ejusdem Divi Gregorij exemplum memoriâ dignum: cum enim Trajanus quidam Melitam Insulam, ubi Episcopus designatus erat, proficisceretur, quatuor ex Monasterio Syracusano Monachos petijt, viæ & curarum solatio futuros; concessit Gregorius, eâ tamen lege, ut Episcopi Syracusani, cui Monasterium illud subjectum erat, licentia & facultas accederet. *Petijt, inquit Gregorius, à nobis Trajanus, ut de Monasterio, quod in civitate Syracusana situm est, ei quatuor, vel quinque dari Monachi debuissent; quia ad Locum proficiscens incognitum, si proprios, quorum consolatione utatur, non habeat mens affecta tristitiâ, minùs se ad ea, quæ sunt utilitatis erigit, & antè incipit succumbere, quàm laboret.* In qua re, ne Reverendissimi fratris & Coepiscopi nostri Joannis privilegiorum videremur prærogativam minuere, ita hoc illi noveris esse concessum, ut tamen fratris nostri Joannis sit arbitrio per omnia servatum. Siricius ergo cum noluit causæ Bonosi Episcopi se immiscere, non id fuit, quòd cre-

deret

H h h h

(a) S. Gregor. M. epist. ad Domin. Carthag. Episc. l. 2. ep. 39. V. causam 15. q. 2.

deret sententiam & Decretum Concilij non subiacere Tribunali Romano, imò & Patres Concilij, & ipse Maimburgus, ut vidimus, subiacere professi sunt; sed quòd non appareret publica urgensq; ratio eam causam avocandi; nihil ergo Pontificiæ potestati, quam defendimus, obstat exemplum Siricij: & cùm Maimburgus dixit: *Exemplo Siricij nihil clarius, sinceriusque contra Pontificiam auctoritatem asserri posse*; constat unum esse ex solis Maimburgi strategematis, ingentibus promissis Læctorem fallentis, & cui meritò applicare possis illud Divi Augustini Symbolum de utre inflato: (a) *Utres, inquit, duos si videas, unum plenum, alterum inflatum; in utroque eadem est magnitudo, sed non in utroque eadem plenitudo: si attendas, falleris; si appendas, invenies.* Sic ergo se habent Maimburgi argumenta, ut videlicet magna appareant videnti, sed inania ponderanti.

Obijciunt 7. Innocentius Primus, cùm à Johanne Chrysostomo (qui æmulorum factionibus, Theophili præsertim, damnatus pulsusque fuerat) appellaretur? Chrysostomum ad Oecumenicum Concilium remisit, iussitque ab hoc solo remedium expectare, sibi enim nec vires, nec aliud consilium suppetere; verba Innocentij sunt: (b) *Quodnam remedium hisce malis asseremus? Necessaria erit synodalis cognitio; ea sola est, quæ hujusmodi procellarum impetus retardare potest.* Et infra: *Ac nos quidem multum deliberamus, quonam modo Synodus Oecumenica congregari possit, per quam turbulenti isti motus consopiri possint. Expectemus auxilio DEI cuncta nobis esse restituenda.* Agnoscit ergò Innocentius (c) plus auxilij & auctoritatis in Concilio, quàm Pontifice Romano esse; alioquin cur Chrysostomum ad Concilium remittit? cur remedia in tam longum tempus, & tam lentum Senatum differt? cur nullum aliud remedium præter Concilium superesse proficitur? imò multò promptius supererat, multoque validius, sententia videlicet Pontificis Romani, si major hujus, quàm Concilij auctoritas fuit. Hoc Innocentij exemplum adeò Maimburgo placuit, ut postquàm illud recitasset, suasque ex illo consequentias deduxisset, in hæc verba prorumperet. *Potuisse ne, inquit, elatioribus verbis exprimere Innocentius auctoritatem Concilij ad multo plura extendi, majorémque quàm Pontificis Romani esse, sicquæ Pontificem Concilio subesse?*

Resp.

[a] Augustinus serm. 112. de Temp. [b] Innoc. epist. ad Cler. Constantinopolitan. Anno 404. [c] Maimburgus cit. fol. 163.

*Resp.* Aded hoc argumentum nihil probat, ut potiùs in antiquum lapidem Maimburgus impingat, semperque magis ac magis ostendat, tē ne statum quidem ejus quæstionis intelligere, quam tanto labore agendam suscepit, perinde ac si jaculum muteret Icopi metæque ignarus. Nec enim à nobis quæritur, an Concilium à Pontifice coactum, directum, approbatumque sit supra Pontificem? id enim parum ad praxim usumque pertinet: sed tota quæstio in eo vertitur, an Concilium Papæ oppositum, & ab isto non approbatum, quale Basileense fuit, præponi Pontifici debeat, aded ut Concilio magis, quàm Pontifici deferri oporteat contraria decernenti, & Concilium improbanti. Patet ergò nihil probare Innocentij exemplum; cùm enim dicit, afflictis Chrysostomi rebus *solum Concilium posse subvenire*, de Concilio loquitur non acephalo, non improbo, non Pontifici adverso, sed cum isto consentiente, nulla ergò consequentia ab uno ad alium, & tam disparatum casum. Et meritò tunc temporis credidit Innocentius adjuvando Chrysostomo non sufficere solius Pontificis manum, sed expectandum Concilium; quippe si solus Pontifex Theophili sententiam & judicium rescinderet, cui tot alij Orientis Episcopi subscripserant; timendum omnino erat, ne Schisma conflaretur; Græcis ingenitâ levitate fastuq; ad omnia promptis, & præsertim Augustis Chrysostomo adversantibus, quæ postea Phoriano Schismati causæ fuerunt. Prudenter ergò Innocentius vitando civili bello Concilium indici voluit, quo Chrysostomi causâ majori non tantum auctoritate, sed etiam numero fulciretur, nec ulla Græcis tergiversandi causâ superesset, si pleno totius Ecclesiæ senatu vincerentur. Innocentius ergò ut necessitati consulere, potestatem seposuit. Idem responderi debet ad exemplum Innocentij III. qui urgenti Philippo Augusto divortium Ingelburgæ Reginae, respondit: *Non posse à se aliquid ex suo sensu pro Rege definiri, nec debere absque deliberatione Concilij aliquid determinari.* Loquitur enim Innocentius de Concilio, cui Pontifex præest, approbatque; non verò de Concilio Papæ adverso, de quo solum est quæstio: & meritò Pontifex in re tanti momenti, & publico omnium scandalo juncta, tamque ambigua, varijsque & contrarijs opinionibus agitata [constat enim in Concilio Sueffionensi quindecim totos dies in utramque partem disputatum esse] & eo tempore, quo Innocentius Philippi Regis operâ armisque præcipuè utebatur; prudenter rem ad

Concilium rerulisse, five ut longis dilationibus amantem Regem fatigaret, five ut odium repulsæ in alios conferret. Verba Innocentij hæc sunt : *Si super hoc absque generali deliberatione Concilij determinare aliquid tentaremus, præter Divinam offensam, & mundanam infamiam, forsân Ordinis & officij nostri periculum immineret, cum contra veritatis sententiam [quod DEUS conjunxit, homo non sepatet] nostra non possit auctoritas dispensare.* Vides Innocentium non de sententia Concilij, sed deliberatione loqui, quæ nullam infert superioritatem : deliberationem verò prætexit ob allatas causas; alioquin palàm erat, non magis posse Concilium dispensare in præcepto Divino de non dissolvendo Matrimonium ratum & consummatum, quàm Papam; qui si contra tam clarè in Evangelio expressam veritatem dispenseret; meritò hæresis suspectus esset, sicque ordinis & Officij sui periculum adiret.

Dices ergo : Innocentius III. excusans se Philippo II. Augusto, quòd non possit concedere repudium cum Regina Ingelburga, cum qua Matrimonium præcesserat, imò cum qua ( ut Innocentius loquitur l. 3. Regest. 15. Ep. 105. ) secuta fuerat commixtio sexuum, licet non feminum; respondet : *non auderemus super hujusmodi casu de sensu nostro pro te aliquid definire, propter illam sententiam quod DEUS conjunxit &c.* Verùm si super hoc aliquid absque generalis deliberatione Concilij determinaremus; forsân Ordinis & Officij nostri periculum immineret, cum contra præmissam veritatis sententiam nostra non possit auctoritas dispensare.

Resp. Sed nec Concilium poterat, nam præsumebatur Matrimonium consummatum, maxime id Reginâ allegante : à DEO ergo ( non à Concilio ) periculum officij timere debebat, ut Heli. Cur ergo Concilij meminit ? Ut se Regi excuset, & ne iterum instaret. Ubi nota in querelis & causis Regum consuevisse Pontifices ad avertendam à se invidiam, & odium causam ad Concilium rejicere, ut notat de Marca l. 4. c. 17. n. 4. Sic Gregorius 7. in causa Henrici Imperatoris l. 9. Ep. 28. & Gelasius II. in causa, quæ erat inter Ecclesiam & Regnum in Ep. ad Episcopos Galliæ, & Gregorius IX. ac Innocentius IV. in causa Friederici II. ad Concilium Lugdunensè, & V. c. Sententiam & seq. 35. q. 9. & c. cum ex litteris, de in integr. Restituit. Quamvis in casu Innocentij III. in quo agebatur de dissolvendo Matrimonio consummato, nihil Concilium posset. Vide etiam supra hoc §. n. 2.



*Obijciatur* 8. (a) In Concilio Romano sub Symmacho Pontifice Decreto Patrum sub gravi pœna vetitum est, ne bona Ecclesiæ Romanæ quovis necessitatis obtentu in perpetuum alienentur. Cùm verò sex & triginta post annos Agapetus (b) Pontifex rogaretur, ut hujusmodi prædium alienari permetteret sublevandæ pauperum necessitati; respondit, non posse se ullâ ratione in hanc alienationem consentire: *Divini enim, inquit, consideratione judicij, necesse nobis est, quidquid sancta Synodalis decrevit auctoritas, inviolabiliter custodire.* Si ergo Concilium aliqua prohibere Pontificibus potest, & si facultas non est Pontificibus rescindendi à Concilijs statuta, constat ergo majorem Concilij auctoritatem, quàm Pontificibus esse, & istos subdi illorum Decretis.

*Resp.* Errat iterum Maimburgus, receditque à statu quæstionis; alia enim quæstio est, an quando Pontifex & Concilium contraria sibi sentiunt, major sit Pontificis, quàm Concilij auctoritas? Alia: an Pontifex Decretis Concilij à Papa comprobatis teneatur? fieri enim potest, ut Pontifex aut alius Princeps, ejus legibus teneatur, cui subjectus non est: quis enim nescit, nec sibi Pontificem, nec Antecessorib' subjectum esse, cum quibus pari fungitur potestate? & tamen communis cum Sacrorum, tum prophanorum Doctorem sententia est, Principem quemlibet, præsertim verò Summum Pontificem tam suis, quàm Antecessorum legibus quoad vim directivam obstringi; idque à Sanctis Patribus, (c) sacrisque Canonibus sæpè repetitum est, docetq; S. Thomas Theologorum Princeps; non ergo sequitur Pontificem Concilio subdi, quia Concilij à se approbati Decretis tenetur, nam & suis legibus & Antecessorum tenetur; nec idèò tamen aut sibi, aut Antecessoribus suis subjectus est, minori que potestate. Sciendum ergo est, postquam semel Decretum aliquod statutum in Concilijs fuit, resultare hoc ipso obligationem naturalem, quæ Legislatorem etiam obstringat ad legum suarum observantiam, quantum videlicet ejus status & conditio patitur; cùm enim proximus legum finis sit earundem observatio, ac promotio boni publici, nihil verò magis legis observantiam, & communem

H h h h 3

utili-

(a) Maimb. cit. ch. 19. f. 167. Concil. Rom. sub Symn. PP. de non alien. reb. Eccles. c. 4. Anno D. (b) Agapetus epist. ad Cæsar. Arclat. (c) V. Gel. epist. ad Episc. Dard. in c. confidimus 25. q. 1. Ivon. ep. ad Hug. Arch. Lugdun. c. contra statuta 25. q. 1. Greg. PP. l. 5. ep. 12. in c. justitiæ 25. q. 1. Leo PP. Pelagius, Isidorus in causa. 25. q. 2. & c. justum d. 9. & S. Th. l. 2. q. 96. ar. 5.

utilitatem ex legum observantia redundantem impediatur, quàm si Legislator ipse in legem offendat, eamque suo exemplo contemptui ac ludibrio exponat, ( imitantur enim subditi vitia Principum, quibus auctoritas delinquentis venerationem & speciem, imò impunitatem conciliat; quàm enim fiducià sua scelera in alijs puniant? ) inde fit, ut ex natura legis, & Justitiæ, officijque, quo Principes funguntur, ac subditos ad legum observantiam urgere tenentur, ac transgressores poenis afficere, ut ipsi quoque Principes suis & Antecessorum legibus obstringantur: non quòd Principes aut sibi, aut Antecessoribus subdantur, sed quia legum natura, ac ratio officij id à Principe postulant; hanc obligationem agnovit etiam Christus, quando Phariseis exprobravit: (a) *Quòd gravia hominibus onera imponerent, quæ ipsi nolent digito tangere.* Agnoverunt etiam Prophani, ac Gentiles scriptores, apud quos toties hæc axiomata reperies, videlicet: *Quod quisque juris in alium statuit, ipse eodem jure uti debet.* Et: *Patere legem, quam ipse tulit, &c.* Et S. Ambrosius (b) epistolà ad Valentinianum Imperatorem: *Quod cum præscripsisti alijs, præscripsisti etiam tibi; Leges enim Imperator fert, quas primus ipse custodiat.* Aliud ergo Maimburgus probavit, quàm probare oportuit; probavit enim Pontifices Decretis Conciliorum à se probatorum obligari; at hoc probandum non erat, quippe à nobis concessum. Illud ergo probandum erat: *Pontificem Decretis Conciliorum teneri, quæ ipse improbat.* Hoc tacuit Maimburgus; falsi enim convinci poterat, paruitque in Constantinopolitano, & Chalcedonenfi, quorum Decreta, quamvis Oecumenica essent, non sunt tamen omnia à Pontificibus accepta, imò rejecta, tantum abest, ut se illis subjectos crederent. Imò si à Decretis Conciliorum etiam Generalium argumentari licet, fortissimum pro Pontifice habemus argumentum; certum enim est, Dispensationem esse actum superioris: at verò quis nescit in Decretis Conciliorum sæpissimè dispensasse Pontifices? quod alibi (c) demonstratum est.

XII. *Obijciunt* 9. (d) Silvester II. Romanus Pontifex, & eruditione celeberrimus, in epistola, quam ad Seguinum Senonensem Archiepiscopum scripsit, hæc habet inter alia: [c] *Conflanter dico, quòd si ipse Romanus*

(a) Matth. 23. (b) Ambros. l. 1. epist. 32. ad Valentin. Imperat. (c) Vide Regal. Sacerdot. fol. 756. Edit. 1693. (d) Maimb. cit. ch. 29. fol. 169. (c) Epist. 2. Gerberti ad Seguinum Ep. Senon.

*manus Episcopus in fratrem peccaverit, sæpiusque admonitus Ecclesiam non audierit ; hic inquam Romanus Episcopus præcepto DEI est habendus sicut Ethnicus & Publicanus.* His Silvestri verbis, hæc Maimburgus ex suo addit commentarii loco : *Potuisse tne, inquit, clarioribus verbis hic Papa profiteri ; Pontifices Romanos, quantumvis Ecclesiæ capita, non idè tamen Legibus Conciliorum, quæ Universalem Ecclesiam repræsentant, exemptos esse ?*

*Resp.* Gerberti testimonium, qui postea Silvester II. dictus est, pudori potius Maimburgo esse debuit, quàm argumento : ego, ut veritatem intelligas, rem totam à principiis suis evolvam. Anno DCCCCLXXXVII. Ludovico V. Francorum Rege extincto, in thronum evectus est Hugo Capetus, Parisiensium Comes ; is è Regio quidem Francorum sanguine ortum duxerat, quod alibi ostendimus, sed dubium non erat, deberi Regnum Carolo Lotharingiæ Duci, quippe Ludovici Patruo, proximoque sanguinis Regij ; sed quòd Imperatori, Germanisque nium adhæreret, Gallos offenderat, averteratque. Natum Civile bellum, Hugone Caroloque pro Corona certantibus, & initia quidem Carolo faulta, Lauduno tunc Regiâ Civitate Rhemisque captis, idque, ut ferebatur, operâ & proditione Principis Arnulphi, postea Rhemensis Archi-Episcopi : quas Insulas cum acciperet, juramento se Hugoni Regi devinxerat, sed Patruum amor juramento & fidei præpotuit, Rhemosque hosti aperuit. Hugo collectis iterum copiis Lauduni languentem Carolum obsidet, capitque, & Aurelianis custodiæ mandat : secuta Rhemorum deditio, & Arnulphus proditionis ac Majestatis reus Concilio Rhemensi sistitur, cui inter alios Seguinus aderat Archi-Episcopus Senonensis & Apostolicæ Sedis Legatus. In hac Synodo certamen primò fuit de Patrum potestate, an vid : exauctorare illis Episcopum liceret sine Romani Pontificis assensu ? negabant qui Arnulphum tuebantur, inter quos Abbo Floriacensis Abbas præcipuâ doctrinâ ac sanctitate, & postea Martyr : Quippe ex sacrarum Canonum sententia majores causas & Episcoporum depositiones Romano Pontifici reservari. Sed vicit opinio adversantium Arnulpho : Missos Romam Legatos octodecim mensium spatium, ad limen palatii præstolatos esse ; non admissos ; non auditos rediisse ; ergò tam longum silentium pro assensu esse, impletumque quicquid Pontifici deberetur tam proluxo obsequio. Stabilitâ Concilij auctoritate damnatus Arnulphus, cum prius delictum confessus esset, sacrisque infulis exutus, & Gerbertus deposito suffectus.

Sequi-

## 582 Dissertat. III. §. I. Refelluntur Maimburgi

Seguinus recusavit sententiæ subscribere; reliqui Episcopi quamvis inviti, metu tamen & reverentiâ Regis Arnulpho insensu vinci se passi sunt: (a) *Venerabilis autem Seguinus Archiepiscopus non consensit in degradationem Arnulphi, neque in ordinationem Gerberti; jussio autem Regis urgebat: alij verò Episcopi licet inviti, tamen propter timorem Regis degradaverunt Arnulphum, & ordinarunt Gerbertum.* Maimburgus, [b] decipi hunc auctorem dicit, & aperte falsa narrare, nullamque speciem veritatis habentia; se verò hanc Gerberti historiam ex monumentis fide dignissimis, quæque in dubium vocari haud possint, recensere. Si verò ab eo quæras; quæ nam ea sint monumenta fide dignissima? nulla alia profert, quàm epistolas Gerberti, & acta Synodi Rhemensis ab eodem Gerberto conscripta; quæ Sæctarij nostrorum temporum, perinde ac si Thesaurum reperissent, duplici editione [c] in lucem protulêre. Gerbertum verò constat amarissimo in Pontificem animo fuisse, quippe hujus auctoritate sede Rhemensi ejectum, & ipse fatetur Maimburgus [d] *Gerberti scripta, præsertim epistolas ad Seguinum datas plus fellis, quàm rationis habere.* Ipse Gerbertus, ut habetur in appendice Aimoini, [e] *intelligens, quòd injustè Pontificalem suscepisset dignitatem, penitentiam ductus est;* quando videlicet misso Leone Apostolicæ Sedis Legato, novaque Synodo Rhemis coactâ, Arnulphus sedî restitutus est Gerberto pulso; qui Gallis offensus, à quibus desertum se viderat, in Germaniam ad Ottonem III. confugit, & hujus patrocinio Pontificatum adeptus est; damnavitque, quæ tantâ olim contentione contra Arnulphum, Romanumque Pontificem declamaverat, sic enim scribit in epistola ad Arnulphum, quam Balluzius recitat; [f] *Quapropter tibi Arnulpho quibusdam excessibus pontificalis honore privato subvenire dignum duximus, ut quia sua abdicatio Romano assensu caruit, Romanæ pietatis munere credaris posse reparari.* Vides hic fatentem Gerbertum, non debuisse sine Romano consensu Archi-Episcopatu exui Arnulphum; & ipse de Marca ac Glossa Pragmaticæ Sanctionis Depositiones Episcoporum soli Pontifici reservatas esse agnoscunt: [g] *Idque in Gallia, reliquique Orbis Christiani Provinciis receptum esse, & in mores versum.* Ex quibus jam videas, quàm falsò dixerit Maimburgus: *Gerberti scripta esse omni fide dignissima, & quibus cedere debeant, quæ Continuator Aimoini posteritati reliquit.*

Ergò

(a) Aimoin. l. 5. (b) Maimb. de la decad. l. 1. fol. 95. (c) Magdeburg. Centur. 10. cap. 9. & scorsum Francofur. Anno 1600. (d) Maimb. de la decad. l. 1. f. 94. (e) Aimoin. l. 5. c. 45. (f) Balluz. ad lib. 7. de Marca c. 25. (g) De Marca l. 7. c. 25. n. 9. Guim. in Gl. Pragm. tit. de Concub.

Ergo ex calculo Maimburgi, quæ ab irato, ab offenso, ab hoste scripta sunt, quæque revocata, correctæ, & in publica Synodo deletæ, ac ab hæreticis evulgata in odium sedis Romanæ, *monumenta sunt fide dignissima, omnique dubio majora.* Quæ ergo erunt indigna fide? Planè vel hoc uno exemplo patet, quantum excæcandis hominum mentibus, delendisque communis viræ, ac rationis humanæ principijs animi passionibus valeant. Quod verò ad Aimoini Continuatores pertinet, & quem Maimburgus suspectæ fidei reddit; Lectoris omniumque prudentium judicio relinquimus, illi magis fidem habere velint res ferè suorum temporum, sed tamen aliena, non suæ, & quorum nullâ curâ aut lucro, damnoque tangebatur, narranti; an Gerberto tot titulis offenso, iratoque, & quem ipse Maimburgus (a) fatetur *plus iræ, quàm rationi & veritati indulsisse.* Jam ergo ex hac Gerberti historia facillè intelligas, quàm nihil ad rem faciat Maimburgi argumentum, quamque multis partibus erret; illa enim Gerberti verba, quibus dicit: *Pontificem admonitum, nec Ecclesiam audientem tanquam Ethnicum & Publicanum habendum esse*: perinde recenset, ac si à Gerberto jam Pontifice dicta essent (ut videlicet tantò sit fortius argumentum ex confessione ipsius Pontificis petita) sic enim scribit: (b) *Sur quoy ce Pape ecrivait à Seguin, non à point fait de difficulté de s'exprimer en ces termes extrêmement forts, &c.* Et infra: *Ce Pape peut il faire entendre plus clairement, que les Papes sont soumis au Concile General?* Quibus verbis apertè Lectorem fallit; nec enim Pontificis hoc est testimonium, nec ea Gerbertus scripsit, cùm jam Pontifex esset, sed adhuc Monachus, & iratus, offensusque Pontifici, qui unus obstabat, ne insulis Rhemensibus potiretur; imò Pontifex factus se ipsum correxit, revocavitque tam inprudenter olim effusa, ut ex epistola ad Arnulphum ostendi: hæc omnia Maimburgus aut mutavit, aut tacuit, ut ita argumento planè inani inutilique speciem aliquam veritatis asferret artificio planè indigno, & quod non dicam in historico & Sacerdote, sed ne in plebejo quidem feras.

Dices: Anno 1025. in Concilio apud Ansam 9. Episcoporum decretum est Privilegium Pontificis non fuisse ratum, quo contra Canones Concilij Chalcedonenfis permittebatur Monachis Cluniacensibus,

Iiii

ut,

(a) Maimb. de la Decad. l. 1. fol. 95. (b) Maimb. Traité de l'Egl. ch. 19. fol. 169.

ut ab alijs, quàm suo Episcopo ordinari possint, ceciditque causâ S. Odilo Abbas.

*Resp.* Nimum probat, nam & Galli, & praxis omnium Conciliorum ostendit posse in eorum Decretis à Papa dispensari: non præsumitur tamen contra Concilium Generale dispensare, nisi hujus faciat expressam mentionem, ut docent Juristæ in materia de clausulis V. Regal. Sacerd. à fol. 750. & numquid Pontifex non tantum dispensavit, sed penitus sustulit irritavitque Decreta Constantinopolitanæ, & Chalcedonenfis Synodorum in favorem Patriarchæ Constantinopolitani? V. hoc §. n. 2. Object. 2. *Resp.* 2.

*Objicitur* 10. Anno M. CCC. IX. Leo III. interrogatus ab Jeste, & Bernario Episcopis, quos Carolus M. ad Pontificem miserat: *Nunquid non bene Concilia fecissent, si quatuor tantum addendo Syllabas* (videlicet hanc vocem *Filiòque*) *tam pernecessarium fidei Sacramentum* (Processionem Spiritus S. à Filio) *cunctis deinceps sæculis perspicuum redderetur?* Respondit Pontifex (qui eam additionem non probabat, cum Ephesinum, Chalcedonenſe Quintum & Sextum Concilia Oecumenica Symbolo aliquid addi prohibuissent) *non audeo dicere, ea minus bene istud intellexisse; perpendisse, cur dimiserunt, vel cur dimissum ne ultra mitteretur, sicut & cætera prohibuere. Tu & tui videte, quid de Nobis sentiat. Nam & ego non dico, me illis præferam, sed etiam illud absit mihi, ut cœquare præsumam.* Ergo infert (a) Alexander Natalis; faterur Pontifex, se non tantum Concilijs non esse superiorem, sed ne quidem parem.

*Resp.* Nimum hoc Argumentum probat: Si enim sentit Leo eam vocem *Filiòque* addi Symbolo non posse, quia hanc additionem prohibuere, sequeretur inquam Gallicanos Episcopos (qui eam Symbolo addebant) & supra Concilia, & supra Pontificem esse, quia addebant, quod Concilia addi prohibuerant, & quod addi Pontifices non poterant.

*Resp.* 2. Nos ipsi fatemur, obligari Pontifices Decretis Conciliorum, quæ ipsi Pontifices confirmarunt præsertim in materia fidei; alioquin

(a) Alex. Natal. ad Sæculum 15. & 16. Dissert. 4. a. 1. n. 27.


argumenta, ab exemplis Pontif. &c. petita. 585

alioquin possint dogmata in Nicæno, & Ephesino Concilijs stabilita mutare; quis unquam hoc dixit? hæc ergo oppositio non tangit quæstionem.

*Resp.* 3. Pontifex quando extra Cathedram, atque ut privatus Doctor consulitur, & respondet, falli utique potest, nec est supra Concilium, alioquin omnia verba Pontificis oracula & dogmata essent, cui hoc venit in mentem? nihil ergo ad Rhombum.

Postquam Maimburgus capite 19. ex Pontificum testimonijs, quæ modò refutavimus, conatus fuisset ostendere Pontifices subiacere Concilio; caput 20. subjungit, in quo testimonia Pontificum recenset, qui sacris Canonibus, sacrorumque Conciliorum Decretis teneri se profiteantur; ex quo concludit, infra Concilium Pontifices esse: sed hoc jam suprà ad objectionem octavam refutavimus, & ita repetere nolumus jam semel dicta. Illud discussione indiget, quod circa finem ejus capituli de Appellatione ab abusu commemorat, quodque in sequenti Paragrapho explicandum suscipimus.





## §. II.

## De Appellationibus tanquam ab abusu.

## S U M M A R I A.

1. *Quinque Parisienses propositiones eò pertinere, ut omnes cause spirituales Parlamento prophanisque Tribunalibus subdantur, idque testimonio Maimburgi palàm fieri, Appellationes ab abusu Concilio Occumenico substituentis.*
2. *Appellationes ab abusu recentes esse, & præteritis retrò annis ignotas, idque testimonijs Constantini & Theodorici ostenditur.*
3. *Earum Appellationum injustitia tum ex ipso Appellationis nomine, tum ex gradibus, quibus provocatæ sunt, probatur.*
4. *Et ex querelis Cleri Gallicani, eas Appellationes improbantis.*
5. *Et ex varijs rationibus.*
6. *Respondetur ad Regiorum argumenta.*

## I.

**M**aimburgus finem capitis vigesimi his verbis concludit : (a)  
 Cùm Romani Pontifices limites à sacris Canonibus præscriptos transgressi suâ potestate abuterentur ; ad futura Concilia appellari ceptum est. Id in causa Bonifacij VIII. factum, in omnium Regum coronas dominatum usurpantis. Iterùmque ab Universitate Parisiensi, ubi contra Canonum præscripta, & Ecclesiæ Gallicanæ privilegia, Decimis se onerari, alijsque exactionibus sensit. Sed præsertim & frequentius id agitatum in Germania. Verùm cùm illæ ad futurum Concilium appellationes, aut nimis lentum remedium afferrent grassantibus malis, aut Pontificiæ auctoritati, sententijs eludendis adhiberentur, unius serè sæculi morâ, quæ convocandis Concilijs necessaria est, & idèò à Pio II. Julioque II. hujusmodi provocaciones jure merito damnatæ sunt. Aliud remedium in Gallijs successit, Appellationes videlicet tanquam ab abusu, à Summis Pontificibus ad Parlamentum factæ, id quippe Majestatem, Justitiàmque Regis representat ; & ad hunc

(a) Maimb. Traité de l'Eglise. ch. 20. fol. 182.



*hunc velut ad Canonum protectorem spectat, providere, ne quid attentetur illis contrarium; imò & Bullas, sententias, legesque Ecclesiasticas ad examen, judiciumque suum revocare, arbitrarique, an aliquid Canonibus, ac Gallie libertatibus adversum complectantur.* Hactenus Maimburgus, ubi planè faciem nudavit, seque ipsum agnoscendum proposuit, & quò tenderent propositiones Parisienses ostendit, toties & tam quæsitis coloribus pietatem professæ: ut nimirum tota de rebus causisque Ecclesiasticis potestas, ad Reges & Parlamenta, forumque sæculare transferatur: & hanc vocant Gallicanæ Ecclesiæ libertatem, Regi & senatoribus Regijs servire. Errant, *inquiunt*, falluntur Pontifices, ergo Concilijs subdantur; sed quia longum est, molestumque Concilia expectare; subdantur Regi & Parliamentis, profanisque tribunalibus; & ne velum desit tam pudendo facinori, abusus Pontificiæ potestatis vocetur, quidquid non placet. Possit error, possit fraus, possit ignorantia in Pontifices cadere; non possit in Regem & Parlamenta: & ea infallibilitas, quæ Pontifici debebatur, Regibus & Parliamentis donetur: isti sedent, judicentque, Reo interim Pontifice, & ad pedes prophani Tribunalis sententiam præstolante, & hoc ipsum appelletur *libertas Gallicana*. Potestne à Maimburgo dici, imò cogitari aliquid indignius Christianâ pietate? sed rem ipsam aggrediamur.

II. *Primò*. Constat hujusmodi appellationes tanquam ab abusu novas esse recentesque, & ultimis sæculis natas, quando videlicet & disciplinæ Ecclesiasticæ fastidium, & libido opinandi nova, gliscensque adulatio, ac etiam aliquorum Pontificum prædura imperia medicinas quærere coegerunt morbis peiores. Feuretus putat anno 1404. primum emeruisse. Auctor (a) libertatum Ecclesiæ Gallicanæ ad Annum 1489. refert. Acta Cleri Gallicani non ante annum 1533. cœpisse. Eadem ferè sententia Petri de Marca, aliorumque Gallie scriptorum, ex quibus jam faciliè intelligas hujusmodi provocaciones vel ex hoc capite improbandas esse, quòd novæ sint; semper enim novitas in ijs, quæ ad fidem, ac disciplinam Ecclesiasticam pertinent, suspecta fuit, præsertim cum Canonibus, praxique Ecclesiæ adversabatur. Audi S.

Iiii 3

Vin-

(a) Carolus Feuretus l. 1. c. 2. Auctor libert. Gallic. Tom. 1. pag. 96. Acta Cleri Gallic. Tom. 1. Tit. 2. c. 19. Stephan. Pasquier. l. 3. c. 38. V. Traët. de libert. Eccles. Gallic. lib. 12.

Vincentium Lerinensem (a) in præclaro suo Commonitorio: *Mos iste semper in Ecclesia vigit, ut quo quisque Religiosior foret, eo promptius novellis adinventionibus contraheret.* Et alibi: *Christianus ergo Catholicus providebit, ut antiquitati inhaereat, quæ prorsus jam non potest ab ulla novitatis fraude seduci.* Et planè si totam percurras antiquitatem, nunquam reperies appellationes ab Ecclesiastico ad prophanum tribunal sine horrore & execratione auditas esse, cujus in Donatistis egregium exemplum; cum enim isti à sententia Melchiadis, Romanæque Synodi, aut ut alij volunt, à Synodo Arelatenſi ad Constantinum provocassent; is teste Optato Milevitano, rei indignitate commotus in hæc verba prorupit: (b) *O rabida furoris audacia! sicut in causis Gentilium fieri solet, appellationem interposuerunt.* Quibus verbis non id tantum objurgat Constantinus, quod Donatistæ ex levibus causis appellassent (hujusmodi enim appellationes, ne quidem à Gentilibus admittebantur) sed quod ab Ecclesiastico tribunali, & in causa Ecclesiastica ad Imperatorem provocassent. Quid jam diceret Constantinus, si has ipsas provocaciones, & suscipi in Gallia, & defendi ut legitimas videret? Memoratu quoque digna est illa Theodorici, quamvis Ariani, sententia, qui cum à Patribus, quid in causa Symmachi Pontificis agi vellet, consultus esset? Respondit modestiâ Rege dignâ: (c) *In Synodali esse arbitrio, in tanto negotio sequenda præscribere, nec aliquid ad se præter reverentiam de Ecclesiasticis negotijs pertinere.*

III. *Secundò.* Sed & ipsum nomen appellationis injustitiam istarum provocationum ostendit: Appellatio enim est à minori Judice ad majorem facta provocatio: atqui potestas sæcularis etiam Regia multò est minor omni potestate Ecclesiasticâ; quâ ergo ratione à majori potestate ad minorem appellatur? Demus injustas esse Episcoporum & Pontificum sententias; num ideo, quia injustæ sunt, debent majori injustitiâ propulsari? quæ verò major injustitia, quàm privatam injuriam publico Ecclesiæ dedecore ac damno vindicare, eamque non alieno tantum tribunali, sed etiam minori subicere? si ergo Reges suâ potestate abuti contingat; an ideo privatis Civibus à Regia sententia

(a) Vincent. Lerin. lib. 1. Commonit. c. 3. & 9.

(b) Optatus lib. 1. contra Parm.

(c) V. aëta Synod. Palmar. Anno 502. & ibi Baron. ad eund. Annum n. 14.

rentia obtentu abusus ad Parlamentum appellare licebit? & si quis id audeat, non in illum tanquam læsæ Majestatis reum vindicabunt? si ergo nullo abusus prætextu appellari à Rege ad Parlamentum non licet, quantò minùs licebit à Pontifice ad Regem, aut Parlamentum?

*Tertiò.* Nihil verò istarum Appellationum indignitatem æquè prodit, ut illi gradus, quibus ad summum licentiæ & inverecundiæ pervenerunt. Primò enim exortu modeste, timideque ac intra necessitatem procedebant, quæ causa fuit, ut Ecclesiæ irreperent conniventibus, nec invitis Episcopis, aut inobservatæ videlicet, aut contemptæ, & præsertim quòd soli Pontifici objectarentur, cujus potestatem arctari, non ingratum Episcopis amore libertatis. Initio igitur eò solùm pertinebant hujusmodi appellationes, ut executio suspenderetur, nec ultra temporalia aut beneficia proferebantur. Deinde coacti Episcopi, ut Decreta, quæ accusabantur, revocarent. Postea ab ipsomet senatu irrita & nulla declarata; tandem in omni causa spiritali, Matrimoniali, ac Sacramentali appellari cæptum est; ut enim nulla causa, in qua aut committi abusus, aut fingi, & prætexi non possit, ita etiam nulla hujusmodi appellationibus non obnoxia, sic enim loquitur Jacobus Duhamel in sua Politica Regia, quam exhibet Compiler Libertatum Gallicarum Tomo 1. fol. 590. *Si contra has regulas, inquit, edicta, Constitutiones, & placita Curiarum supremarum, si contra libertates & Immunitates Regni, si contra Jurisdictiones Regias, aliquid à Judicibus Ecclesiasticis fieri, vel attentari contigerit; remedium est Appellatio, quasi ab abusu: idque intelligo non solùm de causis Criminalibus Regijs & privilegiatis, sed etiam de rebus Civilibus secularibus, & profanis; imò etiam spiritalibus & sacramentalibus: est enim Appellatio quasi ab abusu, via ad tribuendum Curijs Parliamentorum rerum spiritalium cognitionem, quæ aliàs ipsis non competeret.* Nulla ergo est causa tam sancta, quæ jurisdictionem Parlamenti, istarumque Appellationum laqueos effugere possit. Rursus appellari etiam solet, quando abusus non est notorius, unde facile fuerit abusum fingere, & causari, quando & ubi nullus abusus est, sicque omnes sententias Ecclesiasticas ludificari abusuum prætextu. Accedit quòd hujusmodi Appellatio nullo tempore finiatur, ac etiam post centum annos proponi possit,

### 520 Dissertatio III. §. I. De Appellationibus

possit, etiam post tertiam conformemque sententiam, etiam non servato Tribunalium ordine; & Judex Ecclesiasticus interposita eâ Appellatione ad Magistratus sæculares, supersedere interim executione debet: ut tandem, qui hujusmodi Appellationibus repugnaverit, litæque indixerit, reus habeatur contemptæ Majestatis, quæ omnia constant ex Feureto l. 1. quem de hoc argumento conscripsit. Vides ergo Appellationum tanquam ab abusu, conservandorumque canonum prætextu, omnium maximum abusum induci, & canonicam disciplinam maximè ac in suis fundamentis everti; quis enim abusus major, quàm qui sacram, prophanamque potestatem confundit? imò sacræ potestati omnem nervum incidit, eamque penitus inutilem reddit appellationum objectu? aut quid sacris Canonibus magis adversum, quàm quod Immunitatem Ecclesiasticam tot Canonibus, tot Martyrum pugnis sanctam penitus evertit?

IV. *Quartò.* Et ideò Clerus Gallicanus de hisce Appellationibus tanquam ab abusu, frequenter & gravissimè conquestus est, quippe cum totam Ecclesiæ libertatem aboleri ijs videret. Extant inter acta Cleri Gallicani Tom. 5. Orationes, & alia innumera ferè documenta, ex quibus apparet Antistites Galliæ omnibus viribus connisos esse, ut hujusmodi Appellationes sacræ libertati fatales submoverentur; sed cum sustinere torrentem non possent, illud saltem conatos, ut earum abusus quibusdam limitibus ac terminis cohiberent, sed vix aliquo operæ pretio, aulâ & adulatione prævalente. Videri etiam potest Tom. 1. eorundem Cleri Gallicani Actorum, ubi in Tractatu de libertate Ecclesiastica cap. 9. hæc leguntur, quæ Cleri Gallicani sensa plus satis explicant. *Omnium malorum vulnèrumque, quibus Ecclesiastica potestas & disciplina aliquando afflicta est; illud maximum, quod ab Appellationibus tanquam ab abusu recepit. Artificium à Regijs Officialibus excogitatum, ut omnes causas Ecclesiasticas, quarum nulla eis cognitio aut judicium competit, suis Tribunalibus addicerent.* Cum enim nihil in mundo sit, cui non abusus aliquis objectari possit, ita nulla jam erit Persona Ecclesiastica cujuscunque ea gradus aut dignitatis sit, quæ colore, obtentuque exerciti abusus non ad pedes sili possit prophani tribunalis, prostratâ interim captivâque eâ libertate, quæ & Galliæ ornamento, & toti terrarum Orbi olim exemplo fuit. Id est, quod ultimo hoc seculo Ecclesiæ Gallicanæ auctoritatem juxta & venerationem subtrahit, ac sacram morum disciplinam planè subvertit; atque usinam post hanc Ecclesiæ

*Ecclesiæ desolationem, quàm oculis usurpamus; non etiam Imperij ruina subsequatur.* Quid possit contra hujusmodi Appellationes gravius dici à Clero Gallicano? Nec minùs patheticè nomine ejusdem Cleri Episcopus Ambianensis: (a) *Sed Appellationes, inquit, ab abusu multò plus confusiois damniq̃ue Ecclesijs attulere. Hæ sunt nova fabulæ naniq̃ue prioribus retrò sæculis in Gallijs nunquam auditæ, & quarum veneno aliæ Christiani Orbis Nationes hætenus intellæ sunt.* Hæc sunt de Appellationibus tanquam ab abusu Cleri Gallicani sensa, à quibus quantum Maimburgi de hisdem Appellationibus sententia abhorreat, nemo non intelligit; ut mirum videri debeat, hominem, qui singulis ferè paginis auctoritatem jactat Cleri Gallicani, eamq̃ue cœlis exæquat; quoties videlicet inumbrandæ Pontificum Majestati servire Maimburgo videtur: nunc verò ubi de viribus & libertate Ecclesiarum agitur, palàm à Clero Gallicano deficere, & quod rem ipsam spectat, totam de causis spiritualibus judicandam potestatem Parliamentis adscribere: adedò videlicet se Aulæ devinxit, ut hanc unam respiceret, nullo æqui aut iniqui discrimine, & solà Principem demerendi cupidine.

V. Quindò. Sed & nihil magis, ut istæ Appellationes, rectæ Rationi adversum. Quidquid enim tot Canonum & Conciliorum apparatu, ac etiam Principum edictis circa Immunitatem Ecclesiasticam, ac etiam tot Episcoporum ac Martyrum pugnis sancitum est, totum illud evertitur istarum Appellationum ludibrio. Quidquid enim aut Pontifices, aut Episcopi decernent, quod Principi non placeat, *abusus potestatis* vocabitur; nec deerunt venales animi, calamiq̃ue, quibus Palatia semper abundarunt; qui inductis coloribus in abusum transformant, quidquid aulæ displicuit. Quid ergo tam rectum fuerit, quod votari abusus non possit? & consequenter quæ causa tam sancta & Ecclesiastica, quæ prophanis judicijs non subdatur? quò ergo tot Concilia, tot Canones, tot Principum edicta, Patrumq̃ue labores, ne sæculares de causis Ecclesiasticis judicent, prohibentium? quoties enim aut sacerdoti obtemperare noluerò, aut libido vel quæstus fuerit res sacras contrectandi, abusum vocabo: frustra ergo canones, frustra reliquæ Tabernaculi fores clausæ, hæc unà patente; quid enim interest, quà januà irrumpas? Ex quo aliud incommodum sequitur, & præcipui

K k k k

quidem

(a) Episcop. Ambian. in Orat. nomine Cleri Gallican. Anno 1666. Tom. 5. Actor. Cler. Gallic.

quidem momenti, videlicet, inutilem fore omnem potestatis Ecclesiasticæ monendi vim, puniendique, ac Principes sæculares dirigendi. Nemo planè Pontificis & Ecclesiasticorum directione magis, quàm Principes, indiget; in summo quippe fastigio constitutis, cum nec potestas desit, nec cupiditas pro arbitrio imperandi; & nemo sit, qui cupiditates Principum aut metu, aut imperio moretur: imò perpetuæ sint voces, omnia in Principe comprobantium; quis rogo aut errantes, aut præcipitio imminentes moneat teneatque, aut objectis sacrarum legum & canonum repagulis, periculo arceat, si Pontifici communi omnium Patri, & Majestati ac Religione etiam Regibus verendâ, id non permittas? At verò quid Pontifices & Episcopi amplius possint, si ab eorum legibus, Decretisque appellare liceat, sicq; inutilia ea reddere abusuum obtentu? an verò Principibus colores deerunt, omnia in abusum fingendi? aut erit aliquid tam sanctum, tam justum, quod appellari abusus non possit, si Principi non placeat? Prohibent canones, & ad istorum normam prohibent Pontifices turbare liberas electiones, proventus Ecclesiasticos invadere, Episcoporum causas prophanis Tribunalibus subdere, Beneficia in unam, eandemque Personam confertim deponere, & alia mille Canonibus adversa: obtemperare Principes renuunt, & tam justa imperia abusum vocant potestatis. Quid ergo proderit in Pontifice, alijsque Episcopis potestas imperandi, si nulla in subditis necessitas obsequendi? Deinde quàm illud absurdum, quòd velint Parlamentum, Senatores, Regem aliasque potestates sæculares de Pontifice & Episcopis judicare, an, cum imperant, cum prohibent, puniuntque, suâ potestate contra Canones abutantur? quomodo enim de canonum, rerumque Ecclesiasticarum abusu judicabunt, Canonum ipsi rerumque Ecclesiasticarum aut rudes, aut negligentes? & qui negant Pontifici de rebus Politicis judicandi potestatem, sibi potestatem usurpabunt de rebus Ecclesiasticis decernendi? quod ergo eorum sententiâ Pontifici in Reges non licet, Regibus in Pontifices licebit? aut fortè de rebus ad aras Deumque spectantibus, deque sacrorum Canonum intellectu, eorumque abusu melius Reges, Regijque Parisijs Ministri, quàm Pontifices ipsi & Episcopi judicabunt? id perinde fuerit, ac si judicium de rebus militaribus nautæ, aut de rebus nauticis Cantori permittas, & sententiam ab Astrologo expectes, quando & ubi in pingenda imagine suis pictor coloribus ac penicillo abusus sit; quòd

quòd si artifice in sua arte credendum est, quidni rebus Ecclesiam aras-  
que spectantibus Pontifici potiùs & Episcopis credas, quàm Regi, Par-  
lamento, Aulæque Ministris? Idque tantò æquius est, quòd Rex quo-  
que aliique Principes sæculares in rebus merè temporalibus nunquam  
permittuntur, ut ab eorum sententijs, ad Episcoporum Tribunalia  
provocetur obtentu abusùs; idque si quis attentet, velut offensæ Ma-  
jestatis reus gravissimas pœnas daturus est; & tamen quis neget abuti  
illos posse Regiâ potestate? Si ergo quia Reges, quia Parla-  
menta errare possunt, suæque potestate abuti, non ideò tamen ab eorum sen-  
tentijs ad Episcopos licet appellare, quanto minùs licebit à Pontifice  
ad Reges?

VI. Unde facilè respondeas ad ea, quæ objectari solent, quæque ad  
hoc unum reducuntur, videlicet, Reges Canonum Custodes esse, le-  
gumque præsertim naturalium defensores, si ergo aliquid Pontifices  
contra Canones (a) moliantur, aut privatis, Regijsque juribus offi-  
ciant; poterunt Reges eorum conatus coercere, & Decreta compesce-  
re; quo verò ritu & colore honestiore, quàm si objiciant abusos esse  
potestate? & in hunc finem accumulantur canones, quibus rerum  
Ecclesiasticarum custodia Principibus defertur.

Resp. Multis modis refelli potest hæc objectio. Nam Primò, si à  
Pontificum, Episcoporumque Decretis Ecclesiasticis appellari potest  
ad Magistratum sæcularem prætextu abusùs & jure naturalis defensio-  
nis; sequetur pari, imò eadem ratione, à Magistratu sæculari ad Ec-  
clesiasticum provocari posse, & hanc provocatione suspendi Decreta &  
sententias sæcularium Magistratum, quippe qui potestate suâ abuti  
possunt, imò sæpè abutuntur; nec minùs jus naturalis Defensionis  
Pontifici, quàm Regi tribuendum est; imò illi multò magis, quantò  
videlicet Ecclesiastica dignitas multò sæculari major; & innocentium  
cura, legumque naturalium custodia multò magis Pontifici, quàm Re-  
gibus commendata; omnes ergo causæ abusu prætextu ad forum  
Ecclesiasticum trahi poterunt; quòd si hoc non permittunt Principes,  
nec æquum arbitrantur, quæ æquitas fuerit, ut quam ipsi ferre re-  
nuunt, servitutem, Ecclesijs imponant?

Kkkk 2

Secundò.

(a) Can. filijs 16. q. 7. can. boni Principis d. 96. can. Tributum 23. q. 8.  
can. Principes 23. q. 5. can. Maximianus 12. q. 3. & q. 5. & can. Regum. can.  
Imperatoribus. can. qui potest.

## 594      Dissertatio III. §. II. De Appellationibus

*Secundo.* Si Reges, alijque Principes sæculares Canonum custodes sunt, oportet ergo, ut Canones non destruant, sed tueantur, conserventque; neque enim custodem arborum, vinearumque appellaveris, qui eas fuerit deprædatus, omnesque earum fructus pro arbitrio suis usibus addixerit, ita Canonum custos non qui evertit, sed qui observat. At verò quid magis & sæpius Canones inculcant, quàm Personarum & causarum Ecclesiasticarum exemptionem, & ne causæ cœlestes prophanis Tribunalibus fistantur? qui ergo istos Canones violat, tam sæpè tam enixè Ecclesiæ commendatos, & non atramento tantum, sed etiam sanguine & vulneribus scriptos; istos, inquam, Canonum custodes, an hostes dixeris? *Tertiò.* Dubium non est, posse non Principes solum, Regesque, sed quemlibet etiam privatæ conditionis hominem impedire, ne Pontifices manifestam alteri injuriam inferant, eumque aut vitæ, aut bonis, aut ijs, quæ utroque chariora sunt, privent; si enim Pontificum aliquis capite aut exilio puniri vellet innocentem; quis neget posse me aut carceribus apertis, aut monstratâ fuga, aut alio quovis modo periclitanti & afflictæ innocentæ remedium quærere? siquidem Pontificum potestas ad ædificandum, non destruendum data; si ergo contingat veritatem & justitiam eos destruere, non tam Pontifici, quàm Vastatori obsistas, ac ultra potestatem suam grassanti; cœterum hæc locum habent, cum abusus, & injustitia manifesta, & notoria sunt, ac omnium oculis exposta, non verò cum Parliamentis solum, Regijsque Ministris, & Principum Adulatoribus talia apparent, aut ijs, qui Pontificum Decretis aut sententijs cohibentur, ne cupitis fruantur; quid enim erit tam rectum, & justum, quod istorum judicio non iniquum, injustumque credatur? si Rei ac damnati judicia & querelas attendas, nulla unquam fuit justa sententia, nec placuit perituris. At, inquires, *judicabit Parlamentum, æqua an iniqua fuerit à Pontifice Appellatio*; sed hoc ipsum querimus, & negamus fieri posse; neque enim pronuntiari potest justa Appellatio, nisi sententiam injustam dicas: at quæ Parlamento in sententias Pontificum potestas & jurisdictio? aut qui Canones, & quæ ratio permittat, ut plus deferas Parlamento absolventi, quàm Pontifici damnnanti? num verò Parlamentum permetteret, in sententijs à se datis, causisque temporalibus ad Pontificem appellari, & hunc de justitia Appellationis cognoscere? cur ergo in causis spiritualibus sibi tribuant, usurpentque, quod in

mere



merè temporalibus, quæ multò minoris momenti sunt, Pontifici non permittunt? Quacunque ergo ex parte hujusmodi Appellationes inspicias, injustæ sunt, & Gallorum pietate prorsus indignæ.



### §. III.

## Respondetur ad auctoritatem Concilij Pisani.

### S U M M A R I A.

1. *Auctoritas Concilij Pisani à Maimburgo adducta.*
2. *Hujus Concilij auctoritatem multis ex capitibus dubiam esse & incertam, evidentibus argumentis ostenditur, & auctoritate ipsius Concilij Constantiensis, ac etiam Maimburgi testimonio.*
3. *Nec tamen aliquid in Concilio Pisano aut decisum, aut factum, quod Pontificum in Conciliis auctoritati derogare possit; & questionem in Concilio agitatam toto Cælo ab ea distinctam esse, quæ modò inter nos vertitur.*
4. *Mala fides Maimburgi sententiam Parisiensis Universitatis pervertentis.*

### I.

**O**bjicitur (a) In Concilio Pisano, quod Anno MCCCCIX. congregatum & peractum est, multis cum scriptis tum exemplis ostensum est, Pontifices Concilio subdi, & ab isto judicari, puniri, damnarique posse. Nam primò cum quidam in sacro illo Senatu sustinuissent, nullam Concilij esse in Pontifices Romanos potestatem; Patres eam protestationem derisui habuere, utpote nullo Antiquitatis exemplo fultam. Deinde quidam Petrus Plaust doctrinâ celebris, & unus ex Universitatis Parisiensis deputatis, quæ tunc temporis ad supremum gloriæ pervenerat, egregiè multisque rationibus ostendit, multum Ecclesiam supra Pontifices esse, & consequenter etiam Concilium, quo Ecclesia repræsentatur, addiditque hanc esse Parisiensis, omniumque Galliæ Universitatum sententiam. Ut primùm peroravit, exscenditque cathedrâ, secutus est Novariensis

Kkkk 3

Episco-

(a) Maimb. *Traité Histor.* ch. 22. f. 184. & du Grand. *Schism. d'Occident* lib. 4. à fol. 63.

Episcopus, seque ex suggestu ostentans, & voce, quâ omnibus intelligi posset, protestatus est, centum & tres Doctores ac Theologiæ Licentiatos, qui ex varijs Universitatibus confluerant, jussuque Cardinalium hanc causam diligenter examinaverant, cum Parisiensi schola in eandem sententiam convenire; imò & Bononiensem ac Florentinam famâ doctrinaque celebres; & Florentinam quidem scripto libello, quem viginti Doctores subsignaverant, mentem suam expressisse. Tandem re in Concilio maturè, lenteque discussâ, Benedictum XIII. & Gregorium XII. quamquam eorum alter verus Pontifex esset, Papali dignitate abdicarunt, initisque suffragijs novum Ecclesiæ Pontificem dedere, Alexandrum videlicet V. quem pro vero Legitimoque Pontifice, & tota ferè Ecclesia, si paucos excipias Benedicto, Gregorioque addictos, agnovit; & ipse Alexander, quamvis notæ sanctitatis, mortique vicinus, ubi finiri ambitio solet, le verum Pontificem professus est. Patet ergo Auctoritatem Concilij supra Pontificem in Concilio Pisano multis modis ostensam esse. Et verò fuisse hoc Concilium Oecumenicum, & unum ex majoribus conventibus, qui unquam in Ecclesia peracti sint, patet ex numero & dignitate Prælatorum, qui illi adfuerunt: quippe Cardinales quinque supra viginti, Patriarchæ quatuor, Episcopi 182. Abbates 290. inter quos Capira & Generales omnium Ordinum, Magni Ordinum S. Sepulchri, Theutonici, Rhodiorumque Magistri, Universitatum Parisiensis, Tholosanæ, Aurelianensis, Andegavenis, Cracoviensis, Viennensis, Pragensis, Colonienis, Oxfordiensis, Cantabrigiensis, Bononiensis, Florentinæ aliarumque Deputati: Legati quoque Metropolitanarum & Cathedralium Ecclesiarum supra centum: Theologiæ, sacrorumque Canonum supra trecentos Doctores. Oratores denique Galliæ, Poloniæ, Bohemiæ, Cypri, Siciliæque Regum: Ducum quoque Baviaræ, Burgundiæ, Lotharingiæ, Brabantij, Brandenburgi, omniumque ferè Germaniæ Principum; præter alios Hispaniæ, Arragoniæ, Hungariæ, Sueciæ, Norvægiæ, Daniæque Reges, qui tandem Concilio Pisano adhæsere. Ergo quo primum tempore conferri inter se Conciliorum potestas & Pontificum cæpit, tot Regnorum, Provinciarum, Universitatum, Ordinum, Doctorum, Episcoporum, hoc est, totius ferè Christiani Orbis vox una & sententia fuit, Pontifices Concilio sub-

subesse, ab eoque judicari, puniri, deponique posse. Hactenus ferè verba Maimburgi ex Gallico translata.

II. *Resp.* Hæc Maimburgi narratio partim & argumentatio, eodem filo, quo reliquæ hujus Auctoris, contexta est: videlicet ex principijs aut dubijs, aut falsis, semper tamen specie veri coloratis, ut eodem tempore placeant, fallantque incautos? Nam Primò certum quidem est, in Concilio Pisano fuisse Gregorium XII. & Benedictum XIII. Pontificatu egestos, electumque Alexandrum, sed non æquè certum jure id factum, & ex legitima potestate; nec propterea novi Pontificis electione cessavit dubitatio, quis pro vero Pontifice habendus esset: nec sublatum Schisma, imò quod plerique eorum temporum Auctores notant, auctum potius, diffusumque novi Pontificis accessione, aded, ut eum priùs Ecclesia in duas, postea in tres factiones scinderetur, augente incertitudinem Pontificum numero, eà ferè ratione, quā in Labyrintho, non idèò certius eas, quia pluribus vijs: & qui Gregorio ac Benedicto adhærebant, nec pro hæreticis aut Schismaticis habiti sunt, quòd videlicet multis nec inanibus rationibus niterentur, ut Concilio Pisano non subscriberent, nec satis de vero Pastore constaret; imò etiam sanctos reperias, qui Concilio Pisano oblectati sunt, inter quos S. Antoninus: (a) *Pisanum Concilium*, inquit, *vel Conciliabulum*, cum non esset alicujus eorum, qui se pro Pontifice gerebant, auctoritate congregatum, non erat ablatum ipsum Schisma, sed augmentatum ex duobus, scribisse se pro Papa gerentibus. Et alibi testatur: Gregorium à multis DEUM timentibus & peritis creditum fuisse verum Pontificem tempore ejusdem Concilij. Si ergò à Pisano conventu electo Alexandro, depositisque Benedicto & Gregorio, multi nihilominus sanctitate & doctrinā conspicui, nec Alexandrum agnovère, nec à Gregorio separati, nec tamen pro Schismaticis, sed pro veris pijsque catholicis habiti sunt, sequitur omnino, Concilium Pisanum non fuisse pro certo & Oecumenico, nec novam electionem Alexandri, & Gregorij abdicationem pro legitima habitam; alioquin Schismatici impijque, qui aut legitimo Concilio, aut vero Pontifici obisterent, & abdicato, falsoq; adhærent. Planè post Concilium Pisanum, Neapolitanum & Siciliae Regna, Romandiola, Ducesque Bavariae, ac plurimi Germaniae Episcopi

(a) S. Antonin. 3. p. Tit. 22. c. 5. §. 2. & c. 6. §. 2.

Episcopi Gregorio adhæsere, neque is alligari se voto credebatur, quod de Pontificatu abdicando emiserat; quippe cum id votum conditionatum esset, si videlicet Petrus de Luna idipsum præstaret; hoc quippe dignitatem retinente, nec pax Ecclesiæ obtineri poterat, nec Schisma extinguere, cum Regna, Provinciæque non paucae Benedicto parerent, Arragonia videlicet, Navarra, Castilia, Scoria, Baleares, Corsica, Sardinia, aliæque, & Eugenius IV. in apologia (a) fatetur Obedientias Gregorij & Benedicti fuisse non modicam Christianitatis partem. Idque aperte Petrus de Alliaco Episcopus Cameracensis professus est, qui sedente Constantiensi Concilio librum scripsit de Ecclesiæ & Cardinalium potestate; is enim primam conclusionem his verbis expressit: (b) *Licet Concilium Pisanum fuerit legitime ac canonicè celebratum, & duo olim contententes de Papatu iuste & canonicè condemnati, & electio Alexandri V. fuerit ritè ac canonicè facta, prout hæc omnia tenet Obedientia Domini nostri Papæ Johannis XXIII. tamen duæ Obedientiæ duorum contententium probabiliter tenent contrarium, in qua opinionum diversa & adversa veritate non sunt minores difficultates Juris & facti, quàm ante Concilium Pisanum erat de Iustitia duorum contententium.* Hæc Alliaci confessio doctrinâ clarissimi, quiq; eodem tempore scribebat, rerum, quæ in Concilio fiebant, scientissimus, tantò pluris esse debet, quod ipse à Joanne XXIII. purpuram accepisset, ejusque partes teneret; sicque non tam odio aut partium studiis, quàm rei veritate ad hæc scribenda permotus credi debeat. Et re ipsâ Concilium Constantiense hanc Alliaci sententiam amplexum est, approbavitque. Cum enim Anno 1415. die 4. Januarij Joannes Dominicus Cardinalis & Nuntius Gregorij XII. in Concilio comparuisset, cæptum est à Patribus disceptari, an cum purpura & insignibus Cardinalis admittendus esset? multis abnuentibus, censébant alij admitti eum debere, inter quos Alliacensis Cardinalis præcipuus, cujus etiam sententia prævaluit, & Gregorij Legatus galero purpureo insignis magnoque apparatu in Constantiam invehctus est. Audi Acta Concilij ex duobus MM. SS. Codicibus Bibliothecæ

(a) V. epist. Archiepisc. Narb. in M. S. Regesto Concil. Schelstratæ in Actis Concil. Const. fol. 51. Eugen. IV. in Apolog. contra Basiliensēs. Turrecr. lib. de Eccles.

(b) Petrus Alliæ. in Conclusionib. à Philippo Labbeo editis, & in Appendicem Concil. Constant. rejeclis.

bliothecæ (a) Victorinæ, Maimburgo sæpe & vehementer laudatis. Alij asseruerunt. Licentiam fratris Joanni Dominici concedendam cum capello rubeo ingrediendi: & hujus sententiæ fuit R. D. Petrus Cardinalis Cameracensis, & quidam alij, die namque 22. Januarij, D. Frater Joannes Dominici Tituli S. Marci Presbyter Cardinalis Ragusinus, ut Cardinalis & cum Capello rubeo medius inter Dominos Ducem Baviaræ & Ducem Briegæ sequentibus Dominis Wormatiensi, Spirensi, & Werdensi Episcopis in Obedientia dicti Gregorij persistens, qui omnes prædictis Legatis Gregorij extra Constantiam obviavere, & Civitatem Constantiæ sunt ingressi &c. Nota Episcopum Ragulinum à Concilio Pisano, & ab Alexandro V. & Joanne XXIII. nunquam pro Cardinali agnitum esse, sed Patres Constantienses rationibus Petri Alliaceris permoti eum pro tali recepere, sicque ipso facto professi sunt, jura Gregorij non adeò projecta esse & conclamata, ut iustineri pro vero Pontifice non posset; si enim certum erat Gregorium Pontificem non esse: ergo æquè certum, non esse veros Cardinales, quos ipse purpurâ induisset, cur ergo pro talibus habiti, admittique? Idem Episcopus Ragulinus, cum Gregorij XII. insignia Pontificia ædibus suis appendisset, & propterea ingens inter Patres certamen accensum esset, eorum præsertim, qui Joannis partes sequebantur; die 20. Novembris collectis in Concilio Patribus certum diu est, pugnantibus Antistitum votis, tandem prævaluit sententia negantium tolerari insignia Pontificia deberi, nisi ipse Gregorius coram præfensque adesset; in hoc ergo omnium vota convenere, ipsi Gregorio permitti posse, si adesset, ut insignibus uteretur Pontificiæ dignitatis: non ergo certum erat Pontificem non esse; quomodo enim in tam sacro senatu permetterent Gregorium Mimum agere, & in ludibrium supremæ potestatis, ipsoque Joanne Pontifice coram tiaram ostentare alteri raptam? Audi ipsius Concilij tabulas: (b) Alij verb asserebant, supradicta arma in locis prædictis in Obedientia Domini Nostri Joannis XXIII. constitutis affigi non potuisse, & per consequens, ex quo deleta fuerant, reponi non debere, & hujus sententiæ fuit D. Patriarcha Gradenfis, & alij, qui plures, quàm alteri sententiæ adhaeserunt discentes, nisi

LIII

Angelus

(a) Regest. Concil. Constant. ex duobus MM. SS. Bibliothecæ S. Victoris.

(b) Regest. Actorum Constant. ex 2. MM. SS. codd. Biblioth. S. Victoris apud doctiss. Schellstratt. in Tract. de sensu & auctoritate Decretor. Concilij Constant. fol. 153.

*Angelus Corrarior personaliter veniret, ipsius arma ibidem non debere depingi. Sed nihil æquè ostendit, Patres Concilij Constantiensis Decreta Pisani Concilij, & Gregorij abdicationem, ac electionem Alexandri, & Joannis, pro dubijs, incertisque habuisse, quàm quæ sessione 14. peracta sunt, in qua cùm Gregorius non priùs Papatu cedere vellet, quàm ut Joannis XXIII. tanquam Pontificis mentio nulla fieret, ut Sigismundus Imperator auctoritate & delegatione Gregorij Concilio præsideret, ut ipsum Concilium tanquam priùs non rite congregatum, iterum suâ auctoritate convocaretur, & confirmaretur, quòd etiam à Cardinali Ragusino nomine Gregorij factum est, & sic tandem ipse Gregorius Pontificatu cessit. Tantum verò abest, Gregorium à Concilio pro pseudo-Pontifice habitum esse, aut pro Schismaticis, qui eum venerabantur; ut semper, quoties Gregorij mentio incidabat, tanquam de dubio Pontifice loqueretur, & hanc formulam adhiberet, cautam quidem, sed tamen venerationi mixtam, videlicet: *Ille Dominus, qui in sua Obedientia dicitur Gregorius XII.* Et cùm Resignationem, & alia Gregorij postulata admisit, his verbis usum est: (a) *Disam Convocationem, Auctorizationem, & Confirmationem, in quantum ad Gregorium pertinet, & attinet, eis admisimus.* Quibus verbis omnino Patres significant, Gregorium pro dubio saltem Pontifice sustineri potuisse; alioquin si illum pro certo & notorio Pseudopontifice, & temerario Invalore sacræ Sedis haberent, quâ ratione, imò quâ conscientia permitterent, ut Concilium indiceret, confirmaret, novum Præsidem deligeret, & denique abdicaret se potestate, quam non habebat? Planè fuisset hæc indulgentia & simulatio tam sacro, amploque senatu plusquàm indigna. Maimburgus quidem in libro (b) de magno Schismate Occidentis hæc omnia pro lusu & scena habet, Patribus id Gregorio indulgentibus: *Ut Synagogam suam cum apparatu pompæque funeraret, inani quidem solatio, sed tamen innoxio.* Cæterum alias oportet esse Maimburgi curas, & cogitationes hominis privati imbutique politicorum principijs, ac utilia tantum, non honesta, aut decora spectantis: alias Concilij Oecumenici tot Purpuratorum, Antistitum, Principumque affluxu insignis, & nihil indignum quovis obtentu admitturi. Ac deinde prudentum judicio reliquerim, majorem Maimburgo fidem habere velint, post duo sæcula & ex suo scribenti, quàm Petro*

(a) Session. 14.

(b) Maimb. histor. du grand Schif. d'Occid. l. 5. f. 309.

Petro Alliaceri Cardinali & Archi-Episcopo Cameracensi, quique Concilio aderat, & omnia coram spectabat, Joanni XXIII. à quo Purpuram induerat, alioquin addictissimus; is verò in Conclusionibus Anno 1415. post primam Sessionem menſe Februario Patribus Concilij oblatis, honores Gregorio oblatis non vanæ ostentationi, inanique fabulæ tribuit, sed quòd *duæ Obedientiæ Gregorij & Benedicti istos probabiliter pro Pontificibus tenerent, in qua opinionum diversa & adversa veritate non essent minores difficultates Juris & facti, quàm ante Concilium Pisannum erant.* (a) Honores ergo à Patribus Gregorio exhibiti non vanæ fabulæ dati, ut Maimburgo visum, sed Gregorij rationibus suum Pontificatum multis facti & Juri fundamentis, ac alleclatum auctoritate fulcientis. Nec dubium est, eadem ratione, iisdem honoribus Benedictum XIII. à Concilio afficiendum fuisse, si modò æquè animi paci adjecisset; nam & ejus Pontificatum probabilem reddebant, cum tot Regnorum, Principumque auctoritas, qui ejus partes sequebantur: tum etiam quamplures juris factique rationes, quas ipse septem horarum spatio, quibus peroravit in Conventu Perpiniensi habito, tantâ eloquentiâ persecutus est, ut attonitos, defixosque redderet Auditores: nec minimum pondus ejus causæ addebat duorum fratrum sanctitas, Vincentij videlicet, & Bonifacij Ferrerij, Benedicto etiam post Pisannum Concilium addicti. Et denique Johannes Gerson, (b) cujus auctoritatem tantopere & ubique contra Pontifices Maimburgus deprædicat, in tractatu de modo se habendi tempore Schismatis hæc habet: *In Schismate præſenti tam dubio, temerarium, injuriosum & scandalosum est asserere, omnes tenentes istam partem vel alteram esse extra statum salutis, vel excommunicatos, vel rationabiliter de schismate suspectos.* Et infra: *Tota ratio fundatur in hoc, quòd nunquam fuit tam rationalis & vehemens causa dubitationis in aliquo Schismate, sicut in isto, cujus signum evidens est varietas opinionum Doctorum, & inter doctissimos & probatissimos ex utraque parte &c. Potest ergo illud dici rationabiliter dubitabile, quod plurimi & maximè sapientes dubitabile reputant & prædicant &c.*

LIII 2

Quæ

(a) Ex Gestis Constant. Concil. in 4. MM. SS. & Append. ejusdem Synodi Edit. Paris. apud Labb. Tom. XI. Concil.

(b) Joann. Gerson. 1. part. operum.

Quæ doctrina & ratiocinatio Gersonis etiam post Concilium Pisani locum habuit ; nam etiam post illud fuit *varietas opinionum Doctorum inter doctissimos & probatissimos*, ut enim de solo Benedicto XIII. loquar, cujus Obedientia multò alijs inferior minorque, etiam post Pisani Concilium, à quo depositus est, & Regna Scotiæ, Navarræ, Castellæ, Arragoniæ, Sardiniaque adhæserunt, inter quos S. Vincentius Ferrerius, qui novem post Pisani Concilium annis constanter Benedicto adhæsit, nullo Sanctitatis suæ damno, quod etiam fatetur Maimburgus. (a) Non ergo constabat Concilium Pisani Oecumenicum esse, & Alexandrum in Concilio electum, ejusque successores veros Pontifices; alioquin non sanctus, sed Ethnicus & Publicanus, qui nollet Ecclesiam audire, veroque ac legitimo Pontifici parere. Utque irrefragabili testimonio omnia concludam, id ipsum tres nationes, Gallica, Hispanica & Italica cum Collegio Cardinalium professæ sunt, hoc est, major saniorque Concilij pars, quando in protestatione contra Germanicam Nationem edita, & in qua petebatur, ut omisso interim Reformationis articulo ad electionem procederetur indubitati Pontificis, ita loquuntur : (b) *Ecclesia in periculo remaneret, quia vix aut nunquam summus Pontifex indubitatus posset haberi, quia vix congregaretur indubitatum Concilium deficiente Capite, ad quod pertinet convocare.* En ! fatentur Patres Constantienses, nec Pisani, nec aliud Concilium certum esse posse sub incerto Pontifice. Hæc omnia eò pertinent, ut ostendam auctoritatem Concilij Pisani tot Principum, Regum, Antistitum, Sanctorum, ipsiusque Concilij Constantiensis opinione nullo modo certam, & indubiam fuisse, ideoque à quamplurimis mortalium sine Schismatis nota Benedictum & Gregorium pro veris Pontificibus agnitos, quod etiam Maimburgus nunquam sibi constans profiteri compulsus est, quando in libro de magno Schismate Occidentis scribit : (c) *Eorum sententiam, qui Benedictum pro vero Pontifice agnoscebant, probabilem fuisse [quamvis contraria magis probabilis esset] & ideo viros sanctitate, doctrinâ, & dignitate præcipuos potuisse illam securâ conscientia amplecti.* Si ergo teste Maimburgo hæc propositio : *Benedictus est verus Papa ; erat pro-*

(a) Maimb. du Grand. Schism. d'Occident lib. 5. fol. 453.

(b) Protestatio trium Nationum in Concilio Constantiensi post session. 38. ex Gestis Concilij in 4. MM. SS. codd. apud Schellstratt. fol. 6.

(c) Maimb. hist. du Grand. Schism. d'Occident lib. 6. fol. 379. ad Annum 1415.



probabilis, ergo ejus opposita, videlicet, *Benedictus non est verus P.p.a.*, non erat certa, quod enim est certum, excludit contrariæ sententiæ omnem probabilitatem; quemadmodum quia hæc propositio, *nix est alba*, est certa; ejus opposita videlicet, *nix non est alba*, omnino non est probabilis: sequitur ergo Benedictum & Gregorium fuisse probabiliter veros Pontifices, & consequenter auctoritatem Concilij Pisani, quod utrumque deposuerat, ex principijs Maimburgi, nullo modo certam, sed dubiam fuisse, quod probare susceperam. Erravit ergo Maimburgus, quando indubias & evidentes veritates Lectori pollicitus, dubias, incertasque supposuit.

III. *Secundo.* Demus tamen Concilio Pisano omnem auctoritatem, quam Maimburgus optat, etiam quam non habuit, adhuc tamen certum est, nihil pro Maimburgo, ejusque sententia facere. Duo enim quæri possunt; *Primo*, an Concilij Oecumenici auctoritas sit major auctoritate Pontificis Schismatici, Hæretici, dubijque, adeo ut talis Pontifex à Concilio judicari possit, deponique? *Secundo*, an Concilij Oecumenici auctoritas sit major auctoritate Pontificis Catholici legitimi & certi? De hoc secundo tota quæstio & controversia inter nos est, de hoc Propositiones Parisienses loquuntur, hoc Maimburgus probandum susceperat, hoc probandum ergo erat. At Concilium Pisenum nihil penitus loquitur de hoc secundo, sed de primo tantum, de quo nulla dubitatio, nulla controversia est; quæ ergo nova hæc disputandi, demonstrandi; methodus, probare jam alias certa & concessa, non probare negata? quærimus de Pontifice certo, Maimburgus probat de Pontifice dubio: quærimus de Pontifice Catholico, probat de hæretico: perinde, ac si iter Romam quærenti, alter Constantinopolim monstraret. Nihil ergo ad rem faciunt, quæ disputat, & ut dici solet, toto ostio aberrat. Id autem quam verum sit, hoc est, Concilium Pisanum loqui solum de Pontifice dubio, Schismatico & Hæretico, ex jam dicendis intellige, ubi etiam notabis, quam malâ fide idem Maimburgus acta Concilij Pisani alleget, invertatque, ut videlicet quod veritate non potuit, evincat pudendis artificijs.

Certum igitur est, quo tempore Concilium Pisanum celebratum est, in eoque Gregorius & Benedictus depositi, nullum certum Pontificem extitisse, sed ob infinitas & contrarias juris & facti rationes vehementer dubitatum esse, utri Pontificum parendum esset, toto Christiano

Orbe in duas factiones diviso ; nam Italia cum suis Insulis, Germania, Bohemia, Hungaria, Polonia, Angliaque Gregorio parebant, Gallia verò, Hispania, Scotia cum subjectis Insulis Benedicto. Hæc verò incertitudo, uter ex duobus Pontifex esset, tanta fuit, ut Universitates Parisiensis & Bononiensis eam inextricabilem vocaverint, sic enim in Conclusionibus Concilio porrectis loquuntur : (a) *Quinta conclusio, stante dubio inextricabili Papatus propter dubium facti & juris, ne in subversionem fidei Ecclesia sic maneat perpetuo divisa cum tanto scandalo & animarum perditione ; provisio spectat ad Concilium, ut utrumque eis non cedentibus possit à Papatu ejicere.* In quibus verbis duo observa : unum, fateri Parisiensem Universitatem, inextricabile dubium fuisse, quis ex duobus verus esset & legitimus Pontifex, sicque casum & quæestionem, quæ tunc temporis in Universitate Concilioque vertebatur, non eam fuisse, de qua modò disputamus, videlicet de vero & indubitato, sed de dubio Pontifice ; ut proinde, quæ de uno casu decisa in Concilio & Universitate sunt, malè ad alium casum adeò diversum applicentur. Alterum verò, quod in ijs verbis observari oportet, est, utramq; Universitatem, Bononiensem videlicet & Parisiensem, potestatem Concilij de Pontifice exauctorando expressè ad solum casum dubij Pontificis restringere ; sic enim loquitur : *Stante dubio Papatus inextricabili, provisio spectat ad Concilium.* Si ergo nullum sit dubium, provisio non pertinebit ad Concilium ; si enim absolutè, ac etiam omni dubio remoto posset de Pontifice Concilium providere, cur restringeret ad solum casum Pontificis dubij ? Certum igitur & indubitatum est, Concilium Pisani agere, & decidere de alio omnino casu, quàm ille sit, de quo nos disputamus ; illud enim de dubio Pontifice, nos de indubitato, certoque loquimur. Imò quod majus est, Patres Concilij Pisani velut trepidarent etiam in dubios, incertosque Pontifices sententiam dicere, illud omni studio conati sunt, ut aliam causam, magisque certam inquirerent Pontificem deponendi, hæresin videlicet, quæ unica causa est, ob quam Pontifices dignitate suâ excidunt ; & ideò in omnibus sessionibus, citationibus & sententijs in duos Pontifices latis, hanc causam eos deponendi obdunt : *Quòd videlicet essent notorij Schismatici, necnon notorij heretici, & à fide devij ;* credebant enim remotà hæresi.

(a) Conclusiones Universit. Paris. & Bonon. ex Gobel. Paderb. Off. & habentur inter acta Conc. Pisan. apud Binn. T. 3. Conc. p. 2. & Lucam d' Acher. Tom. 6. spicil.

hæresi, ne quidem judicari illos à Concilio, multò minùs deponi posse. Id ita esse ex singulis sessionibus hujus Concilij patet, quas breviter percurram. Nam sess. 3. hæc habentur: *Declaratio ad Decretum latum contra duos contententes de Papatu ob contumaciam ipsorum in causa fidei, & schismatis contumaciæ.* Et infra. *Sancta Synodus Dominos Petrum de Luna, & Angelum Corrario de Papatu contententes, & quantum in eis est, Ecclesiam DEI in notorio schismate tenentes, & proclamatos in causa schismatis & fidei ad hoc præsens & sacrum Concilium.* Et sess. 9. *Insuper sacra Synodus ex causis, quibus supra pronuntiavit, statuit, & decrevit, præfatos contententes de Papatu in præsentis causa schismatis & fidei contumaces fore &c.* Et infra. *Item eadem sacrosancta Synodus in favorem fidei, & schismatis extirpandi &c.* Et sess. 13. in oratione Magistri Petri Plaust: *Et postmodum posuit opinionem Universitatis Parisiensis, videlicet, quod Petrus de Luna est schismaticus, pertinax, & hæreticus, etiam accipiendo hæresim propriè & strictè, & præcisus ab Ecclesia DEI &c.* Idem habetur sess. 14. & sess. 15. ubi recitatur sententia in Benedictum & Gregorium à Concilio dicta: *Christi nomine invocato sancta & Universalis Synodus declarat &c.* Utrumque fuisse, & esse notorios schismaticos, & antiqui schismatis nutritores, nec non notorios hæreticos, & à fide devios. Et in prima conclusione Parisiensis & Bononiensis Universitatum: *Uterque de Papatu contententes ex debito Pastoralis officij veri vel prætensi stante schismate tam inveterato tenetur & debet credere, ex quo propter dubia juris & facti super Papatu aliter dari non potest unio & pax in Ecclesia DEI &c.* Et in 3. conclusione. *Papa stante tali schismate pertinaciter resistendo incurrit crimen notorium, propter quod subijcitur provisioni Concilij, & ultra hoc concluditur schismatis nutritor & fautor, cujus obstinatione & vetustate descenditur in hæresim, & fides læditur, cujus provisio pertinet ad Concilium.* Hactenus Acta Concilij, ex quibus apertè intelligas, Concilium semper loqui de dubio Pontifice, hæresisque comperto, & schismatis tempore, & idèd semper hæc à Patribus repeti; sollicitis quippe, ne de alio quàm schismatis casu, aut alio Pontifice, quàm dubio incertoque intelligerentur. Eandemque Universitatis Parisiensis doctrinam & cautelam fuisse, suas Conclusiones ad casum schismatis restringentis. Nec enim epistolam ignorabant Adriani II. in octava Synodo lectam approbatamque action. 7. ubi inter alia hæc habet:

*Romanum Pontificem de omnium Ecclesiarum Præsulibus judicasse legimus, de eo verò quemquam judicasse non legimus. Licet enim Honorio ab Orientalibus anathema dictum sit, sciendum tamen est, quia fuerat super hæresi accusatus, propter quam solum licitum est minoribus Majorum suorum moribus resistere. Vides Adrianum ne Concilio quidem Oecumenico permittere (hoc enim Honorio anathema dixerat) ut extra casum hæresis Pontificem judicet, neque Concilium Oecumenicum octavum contradixit; sed potiùs summis laudibus eam epistolam extulit. Patet ergo Concilij Pisani mentem, doctrinam & decreta, ad solum Schismatis & hæresis casum pertinere, de quo alibi (a) actum.*

IV. Sed excusari Maimburgus utcunq̃e posset, quippe aut statum quæstionis, de qua nunc agimus, aut Concilij mentem & verba non satis observavit: illud verò nulla ætas, nulla historia (cui fidem suam obstrinxit) ignoscet, quòd sciens prudensque sententiam Parisiensis Universitatis pervertit, eiq̃ non alium tantum sensum, sed alia omnino etiam verba adaptet, pari & sui dedecore, & Lectorum, quos fallit, injuriâ. In suo enim Tractatu historico de Prærogativis Ecclesiæ Romanæ capite 21. fol. 148. prope initium hæc habet: *Petrus Plaufi unus ex Universitatis Parisiensis deputatis longâ, doctâque oratione, quam in pleno Patrum confesso peroravit, multis rationibus Ecclesiæ Universalis, & consequenter Concilij, quod eam repræsentat, auctoritatem Pontificiæ auctoritati præstare ostendit, addiditque hanc esse Parisiensis, & omnium Gallicæ Universitatum sententiam.* Sed quàm à veritate hoc sit alienum, facile ex verbis actisque Concilij intelliges, quæ aliud omnino exhibent, quæque non potuit ignorare Maimburgus: sic ergo habent: (b) *Decima tertia sessio fuit die Mercurij, die 29. Maji, in qua post Missam & Litanias Magister Petrus Plaufi pro Universitate Parisiensi dixit, opinionem Universitatis esse, istos duos contententes debere reputari Schismaticos. & hæreticos pertinaces, firmans auctoritatem Concilij ad decidendam hanc causam, & declarandum, eos esse ab Ecclesia præcisos & abjectos &c. Postea in medio: Unus Episcopus Italicus dictus Novariensis legis quandam schedulam facientem mentionem; qualiter secundum ordinationem Dominorum Cardinalium per D. Cardinalem Mediolanensem fuerunt simul congregati omnes Magistri in Theologia & Licentiat, qui ad dictum Concilium de multis partibus & Universitatibus con-*

*venerunt.*

(a) Regale Sacerdot. fol. 456. & 573.

(b) Acta Pisana ex editione Lucæ d'Acher sess. 13. & Philippi Labb. edit. Paris

venerunt, & inter eos fuerit habita plena deliberatio super ista materia, postea in eandem opinionem convenerant, & concordēs fuerunt, videlicet, quòd dictos contendentes tenent Schismaticos &c. Vides quàm alia sit Parisiensis aliarumq; Universitatum sententia, ab ea, quàm illis affingit Maimburgus; non enim dicunt: Concilia esse supra Pontificem, ut ille mirâ fiduciâ scribit: Sed Benedictum & Gregorium pro schismaticis & hæreticis habendos, & Concilium esse in hac causa cognoscenda iudicem. Quod toto Cælo digersum est, ut patet. Sed piguit Maimburgum sententiam & verba Universitatis referre, quippe caulæ suæ aut noxia, aut inutilia: at hoc non historici, sed Poetæ officium. Equidem fateor, cùm primùm legendis Maimburgi historijs animum adjeci, magna me hujus hominis opinio, magna expectatio cœperat, illectum quippe & dulcedine Gallici sermonis, & ingentibus promissis tam multa & mira Lectori pollicentis: nec falli me posse credebam; nec ignorantiam in viro erudito, & doctrinam passim jactante: nec fraudes in sacerdote suspicabar: & animum firmabant narrationes historicæ tot ornamentis & coloribus veritatis aspersæ, ac candorem simplicitatemque toties professæ. Ubi verò me & semel, & decies, & centies deceptum vidi; fateor non minùs trepidum, anxiumque per hujus hominis historias incedere; quàm olim Moyse, cùm per spinas, vepresque nudis pedibus ad rubum vocaretur; suspenso videlicet semper gradu, & calum, aut vulnus timente. Nunc reliqua videamus.

#### §. IV.

Agitur de Concilio Constantiensi, & argumentis ex eo petitis respondetur.

#### S U M M A R I A.

1. Exhibentur Concilij Constantiensis Acta suis temporibus distincta.
2. Patres Constantienses circa Auctoritatem Concilij in quinque sententias divisi, quarum ultima & pejor, ac votis infrequentior Johannis Gersonis.
3. Octo argumentis invictisque ostenditur, Decreta 4. & 5. Sessionum necessario examine ac deliberatione caruisse, nec posse dici conciliariter facta.
4. Eadem Decreta ne in ipso quidem Constantiensi Concilio, nec à Patribus

M m m m

pro

pro Decretis Oecumenici Concilij habita esse, testimonijs gravissimorum auctorum, qui Concilio intererant, ac etiam Gallorum alijs novem argumentis demonstratur.

§. Sed nec præfata 4. & 5. Sessionum Decreta à Martino V. Pontifice Max. esse confirmata.

6. Imò Concilium Constantiense pro nobis esse, quatuor argumentis evincitur.

## I.

**A**uctoritate Concilij Constantiensis nimium quantum sibi Maimburgus blanditur, in eoque spem victoriæ reponit, ac doctissimam Canonici Schelstrate de hoc argumento dissertationem aliquot capitulis incescit, triumphanti potius, quam pugnanti similis; nam & hanc quoque inter alias habet fallendi artes, ut victoriam simulat, etiam dum cadit. Ut ergo Constantiensis Concilij mentem, ac sententiam plenè intelligas, tria hoc paragrapho exequar. Primùm seriem & acta Constantiensis Concilij per sua tempora distinguam. Secundò Constantiense Concilium à nobis stare demonstrabo. Tertiò ad ea, quæ Maimburgus objectat, respondebo.

Acta ergo Constantiensis Concilij quod atinet, ea ex suis principijs deducta sic habent. Anno MCCCIV. post longum Purpuratorum certamen Clemens V. Archiepiscopus Burdigalensis Gallus in Pontificem eligitur operâ præsertim Cardinalis Pratenfis, & Philippi Pulchri Galliæ Regis, cum quo secretæ pactioes. Is Apostolicam Sedem Avenionem in Gallias transtulit, hæsitque septuaginta & supra annos sub varijs Pontificibus, videlicet, Clemente V. Joanne XXI. Benedicto X. aliàs XII. Clemente VI. Innocentio VI. Urbano V. Gregorio XI. Creditur Clemens Sedem in Gallijs ex arcanis pactis fixisse. Sexta enim Philippi postulatio, cum de Pontificatu transigerent, his verbis concepta fuit: (a) *Sextam gratiam mihi reservo, exprimendam loco & tempore suo, arduam & magnam.*

Anno MCCCCLXXVII. Gregorius XI. Galliam relinquit, reditque in Urbem. Persuaserunt Gregorium, ut rediret, sanctarum Brigittæ & Catharinæ preces & oracula, Italiæ Legationes, præsertim verò calamitates, ac bella, quæ illam ferè consumpserant; sed vix animus effluxit, cum Gallias iterum cogitantem mors occupavit. Successit Cardinalium electione Archiepiscopus Barenfis, qui Urbanus VI. appellatus

(a) S. Anton. p. 3. tit. 21. cap. 1.

pellatus est: hic cùm inconsulto impetu Ecclesiasticorum morbos aggre-  
ditur, & initia medendi à ferro, flammaq; incipit, omnium à se  
animos avertit, Gallorum præsertim, qui Fundos sededunt, & Car-  
dinalem Gebennensem Pontificem adversus Urbanum renunciant Cle-  
mentis VII. nomine. Honestus titulus Schismati quæsitus, quòd vi-  
delicet prior Urbani electio metu, minisque Populi Romani extorta fuisset,  
Cardinales, nisi Italum aut Romanum eligerent, ad mortem exposcent. Sed,  
ut monui, prætextus hic erat; præterquam enim, quòd etiam ante  
popularem tumultum in Archiepiscopum Barensem convenissent, quip-  
pe ex sexdecim purpuratis (inter quos undecim Galli, Itali quatuor,  
unusque Hispanus) cùm Itali, Galli que nollent Papam Lemovicen-  
sem, & Lemovicenses perennare sibi tiam vellent, jam quatuor suæ  
gentis Pontificibus superbi; tandem in Barensem plerique convenere,  
idque Gebennensis Cardinalis, postea Clemens appellatus, Marino  
Episcopo Cassanensi omnium arcanorum consilio aperuit, & hic palam  
deposuit: verba Gebennensis inter alia hæc fuere: (a) *Nunquam isti  
traditores Lemovicenses tam potentes erunt, quin pro ista vice nos habebimus Itali-  
cum Papam. Per hæc sancta DEI Evangelia nunquam habebimus alium Pa-  
pam, quam Archiepiscopum Barensem, aut alium, quem ad præsens nolo  
tibi indicare. Ipse Cardinalis S. Petri vir integerrimus, & neutri factio-  
ni addictus, & cui reluctanti, placandoque Populo Papatûs insignia  
injecta sunt; cùm mors immineret, publicis tabulis professus est: (b)  
Se à Gallis prius quam Conclave ingrederentur, rogatum esse, ut suffragia  
pro Barensi sociarent. Patet ergo jam ante Populi tumultum, metumq;  
incertum, in Urbanum VI. conspiratum esse, non ergo merus extorsit,  
quod metum præcessit. Nec metus injectus à Populo fuerat, ut Italum,  
sed Romanum eligerent, quamvis Italum aut Romanum prius postulassent.  
Audi verba unius ex Populi signiferis sic ad Conclavis fenestram Cardina-  
les alloquentis: (c) *Scitis Domini mei, quòd in introitu Conclavis multi clama-  
verunt rogantes vos, quòd eis daretis Italicum, vel Romanum; nunc autem pro  
parte totius Populi sum missus, & vobis eorum pro parte notifico, quòd solum volunt  
eis dari Romanum, nec essent contenti de Italicis; timent enim, ne sub ali-  
qua conventionem secreta, inter vos & aliquem Italicum non Romanum ipse  
reduceret Curiam Avenionem. Et post aliqua: Placeat Deo, quòd nobis**

M m m m 2

detis

(a) Depositio Episcopi Cassanensis in actis Schism. Tom. 2. p. 38. & 67.  
& 4. p. 63. 64. & 78. v. Rayn. ad Ann. 1378. n. 2. (b) Extat Tom. 2. Schism. p. 38. (c) Ex actis Schism. Tom. 2. p. 82.

*detis Romanum, alioquin procul dubio sentietis. Idque non intra minas stetit, sed in facta prorupit: cùm enim audissent Barensem, qui Romanus non erat, electum esse; eum occultissimis latebris abditum, & electores Cardinales ad necem quæsierunt; qui tamen inter tumultus elapsi protestati sunt, se millies potius mortem subituros, quàm ut Romanum, aliùmque præter Barensem eligerent. Audi ex actis hujus Schismatis Abbatis Sistrænsis depositionem: (a) Propter quod (Cardinalem vid. S. Petri, qui Romanus erat, electum non esse) tota Civitas concurret ad arma, & circumeuntes Palatium minabantur interficere Cardinales; quorum auditis minis aliqui de ipsis Dominis fregerunt solarium Conclavis, & per posticum credentes aufugere finaliter capti sunt à populo, & cum magnis pressuris & opprobrijs reducti sunt in conclave, territi per populum, quod nisi eligerent Romanum, erant mortem nullatenus evasuri. Et infra: Et istis quatuor manifestarunt Domini Cardinales electionem Archiepiscopi Barenfis, dicentes eis, quod Populus bene posset eos interficere omnes, sed non habere Romanum pro ista vice. Et Episcopus Tudertinus in sua depositione: (b) Ipsi verò recedentibus, ego dixi Domino Nostro: (Urano videlicet) Audistis quid dixerunt illi? & ille dixit, quid dixerunt? & ego recitavi sibi verba dicta per eos: & ipse dixit: non cognoscunt me bene, si tenerent mille spathas ad colum meum, non renuntiarem. Constat ergo, sponte Cardinales Neapolitanum elegisse, populo Romanum flagitante. Sed quod omnia superat, cessante jam metu, pacatisque omnibus, & summâ pace compositis, Cardinales tres ferè menses Romæ hæserunt, ab iisque Urbanus Throno impositus, tiarâ redimitus, cultusque omni veneratione est; illi sacris operanti, senatûmque agenri, & de gravissimis negotijs consultanti adstitere, quodque omnia superat, datis tum privatis, tum publicis ac nomine totius Collegij ad Principes litteris Urbanum verum esse Pontificem professi sunt, quod etiam ipse Maimburgus fateretur, (c) alijque gravissimi Auctores. Imò Cardinales absentes, qui utique metu tangi non poterant, aut per litteras (d) (sex videlicet, qui Avenione morabantur) aut coram, ut Cardinalis Ambianensis, præcipuus postea discordiarum follis, Urbanum venerati sunt. Imò in Conventu Episcoporum Parisijs habito, cui Archi-Episcopi sex, Episcopi*

(a) Depositi Abbatis Sistrænsis Tom. 7. de Schism. p. 82. (b) Tom. 2. Schism. p. 43. (c) Maimb. Grand. Schism. d'Occid. lib. 1. fol. 57. ex Cod. S. Victor. Paris. Frassard in Chron. Walsing. in Rich. Emil. in Carolo V.

(d) Extant litteræ Tom. 2. Schism. p. 32.



scopi triginta, & quàmplurimi alij Doctores, Prælatique assederunt, decretum fuit, testimonijs Cardinalium, qui Urbanum rejiciebant, standum non esse; à qua postea sententia, ut notat Æmilius (a) in alio minúsque frequenti Conventu recessum est. Et verò qui crederes Cardinalibus illis, qui odio Urbani flagrabant, qui se hostes illius profitebantur, qui Clementem novà electione promoverant, eique se juramento addixerant, quique seipsos mendacij & perjurij arguebant, ob electum, coronatum, promulgatumq; Principibus, & trimeltri obsequio adoratum Urbanum? quis vel in profano Tribunali, minimique pretij causâ testem admitteret tot labibus inquinatum? & merus, qui objectabatur, aut idoneis testibus probari poterat, aut non poterat? si non poterat, vicit Urbanus: si poterat, certè Cardinales, ut ostendi, idonei testes non erant. Planè electio Urbani, si non certa, at saltem dubia erat; ergo donec probaretur contrarium, possessioni suæ relinquendus; alioquin semper, & cùm libuerit, promptum erit Schismate Ecclesiam turbare, & novum Pontificem jam aliàs electo opponere, quæsito videlicet aliquo crimine, objectoque electioni, & non probato, & tunc demum ad alia vota procedendum; præsertim cùm Urbanus Concilium Oecumenicum offerret, in quo & sua, & æmuli jura promerentur, relicta Patribus sententiâ, uter præferendus; nam quamvis longum esset Concilij remedium, at aliud non supererat, & multò longius pejusque Schismatis malum, quod Ecclesiam quinquaginta ferè annorum morâ, innumeris calamitatibus afflixit; at Clemens eique addicti Cardinales oblatum Concilium respuerunt (b) manifesto indicio malæ causæ semper Judicem formidantis. Cæterum neque illud negari potest, Urbani peracerbum & immitte ingenium, ac præmaturum Zelum non quidem causam Schismati, sed occasionem dedisse: nam cùm sopire ante vulnus ægros oporteret, ne ferrum sentirent aut recusarent, excitabat potius admonebatque doloris inclementibus modis: perinde ac si cruciatus magis, quàm curâ gauderet; hinc omnium averfi animi, ac vindictâ flagrantis, intentique privatis odijs faciendis. Hæc occasione Schismatis duxi memoranda, & præsertim quia Maimburgus in libro (c) de magno Schismate pro Clemente multa disseruit. Cæterum utcumque res habuerit, certum est ex Cle-

M m m m 3

m m m m

(a) Paulus Æmilius in Carolo V. (b) V. Tom. 2. de Schism. p. 36. & Tom. 16. p. 12. & Raynald. ad Annum 1378. n. 42. & seqq. (c) Lib. 1. à fol. 105.

## 612 Dissert. III. §. IV. Respondetur argumentis

mentis electione diuturnum obstinatumque Schisma natum esse, quo nullum magis diutiusque Ecclesiam concussit, nec ante mortem Benedicti XIII. hoc est annos novem & quadraginta extinctum est, incerto Orbe Christiano, cui capiti obsequeretur. Successerunt Urbano Bonifacius IX. Innocentius VII. Gregorius XII. Alexander V. & Johannes XXIII. Clementi verò Benedictus XIII.

*Anno MCCCXCIII.* Benedictus, qui Clementi successerat, primò in Conclavi, deinde post electionem solemnem se juramento obstringit de abjicienda tiara, si & quoties id publicæ pacis interfit; Idem à Gregorio XII. qui Innocentium excepit, juratum est. Eâ tamen conditione, si Benedictus cederet.

*Anno MCCCCIX.* Cùm uterq; Pontificum cessionem æmuli exspectaret, & ita obstinatè throno hærent, neutro primam aleam jaciente; Cardinales Pisam conveniunt, collectaq; ibi Synodo Benedictum & Gregorium deponunt, substituuntq; Alexandrum. Causam utrumq; deponendi, eligendique Alexandrum Parisiensis & Bononiensis Universitates his verbis expressere: *Quia flante dubio inextricabili Papatus propter dubia facti & juris, provisio spectat ad Concilium.* Et Patres Concilij Pisani: (a) *Visis & diligenter inspectis omnibus & singulis productis, probatis & agitis, habitaque prius inter se ipsos, & demum cum copiosa multitudine Magistrorum in sacra Theologia, atq; utriusque Juris Doctorum pluries diligenti collatione, tandem deliberatione maturâ in prædictos tanquam de Papatu colludentes, Schismaticos & veros hæreticos sententiam Depositionis pronuntiat.* Ubi vides sententiam in hæreticos & dubios Pontifices ferri, sicque penitus nihil obstare sententiæ nostræ, qui de Catholico tantum, certoque Pontifice loquimur. Cæterum electione Alexandri invaluit potius Schisma, non extinctum est; Benedicto & Gregorio firmiter throno hærentibus, & multorum Regum, Principumque, imò sanctorum ope ac obedientia subnixis; unde patet, modicam apud Catholicos hujus Concilij reverentiam fuisse.

*Anno MCCCCX.* Moritur Alexander, eique Balthasar Cossa Legatus Bononiensis, postea Johannes XXIII. appellatus sufficitur, is auctoritate Sigismundi Romanorum Imperatoris (cujus potentia indigebat) aut victus, aut deceptus Concilium Constantiam indicit, eamque An-

(a) Concil. Pisan. Sess. 15. mensè Jun. die 5.

no MCCCCXIV. solemni pompâ invehctus est. Die sextâ decimâ Novembris prima sessio habita est, in qua nihil de unionc actum. Decimâ nonâ Novembris ad valvas Aedium Augustinianorum insignia Gregorij Pontificis pendere, quæ sequenti nocte, jussu ut creditur, Joannis sublata sunt: ingens super ea re inter Patres natum certamen, (a) cum alij auferri insignia, alij sustineri vellent; omnium tandem sententia fuit, si Gregorius coram adesset, Insignibus Pontificijs uti posse. Non ergo Patribus constabat, Gregorium Pontificem non esse; cur enim insignia Pontificia illi permittere, quem pro Antipapa haberent? *V. infra hâc Dissertat. S. 5. n. 4. Resp. 3.* Die vigesimâ quartâ Decembris Sigismundus Imperator Constantiam ingreditur, & Pontifice sacris operante, Evangelium cantat Diaconi amictu. Secuta Imperatorem ingens Principum ac Antistitum turba, aded ut unâ die triginta equorum millia numerata sint: solum Archiepiscopum Moguntinum Thorace ex rubro holoserico insignem, ferroque ad latus pendente sexcenti equites comitati, ut videas, quæ illorum temporum conditio fuerit. Patriarchæ 4. Cardinales 29. Archiepiscopi 47. Episcopi 160. qui postea ad 300. crevere.

II. Anno MCCCCXV. Mense Januario Joanni Dominico Gregorij Legato à Patribus permissum, (b) ut pileo, vestitûque Cardinalitio ingredi Constantiam posset, obluctante quamvis Johanne Pontifice. Hunc Joannem Gregorius XII. ad Purpuram promoverat; ingressusq; est medius inter Ducem Baviaræ, ac Ducem Brigæ cum capello rubeo die Martis 22. Januarij. Mense Februario, cum Cardinalis S. Marci libellum sparsisset, quo multa contra Johannis auctoritatem dicebantur; alij continuò in ejusdem defensionem producti, & inter alia hæresis postulabatur, qui indubitatum Pontificem, & nullâ hæresi contaminatum cogi posse ad cedendum dixisset. Sed Cardinalis Cameraensis pugnam dirempturus conclusiones aliquot Patribus obtulit, in quarum prima continebatur: (c) *Duas Obedientias Johannis contrariæ probabiliter sustinere, electionem Alexandri, ejusque successorum non esse legitimæ ac canonicè factam, & in hac opinionum diversitatis non esse minores difficultates*

(a) Ita habent duo MM. SS. Regesti Constant. V. Schelstrate in Tract. de Decret. Conc. Const. fol. 30. & fol. 153. (b) Ita habet Regestum Constant. in duobus MM. SS. & Codices Bibliothecæ S. Victoris Paris. (c) Cardinalis Cameraensis Concl. 3. & 6. ex 4. MM. SS. Codic. apud Labbeum in Append. Conc. Constant. Tomo XI. edit. Paris. Schelstrate fol. 152.

*facultates Juris & facti, quàm ante Concilium Pisanum erat de justitia duorum contendentium; & idèd attentâ perplexitate casus præsentis pro pace Ecclesiæ acceleranda posse de Papatu contendentes ad cessionem compelli, & nolentes deponi. Vides hic iterum agi tantùm de Pontifice dubio, & ex hoc ipso dubio procedere Patres; qui consilio Alliacensis obsecuti sunt ad Joannem deponendum; & ipse Cardinalis omnium, quæ Pisis ac Constantiæ agebantur, conscius fateretur Pontificatum Joannis dubium esse: malè ergo, quæ Constantiæ decreta & peracta sunt de Pontifice dubio, extenduntur ad casum Pontificis certi. Hoc etiam anno Gregorius XII. Legatis suis concedit, ut acta Concilij confirmet, ejusque auctoritatem Oecumenicæ Synodi tribuant, eâ tamen conditione, ut Joannes Concilio non præsit, neque id à Johanne convocatum dicatur: nec Joannes postea Concilio præfuit, imò nec arcanis eorum congressibus adesse permixtus est, ne videlicet consilia pacis turbaret solitis artibus; quomodo ergo pro vero, certoque Pontifice habebant, quem nec ut Præsidem, imò nec collegam ferebant? Vide sessionem 14.*

*Die 2. Martij Joannes promittit, se Papatu cessurum, modò Gregorius & Benedictus idem præstent. Diebus 13. 15. & 19. Martij laboratum est, ut Johannes Procuratorem deligeret, qui ejusdem nomine, quando & ubi Concilio videretur, Pontificatum abdicaret. Videbat Johannes se hoc telo peti, cogique ante alios duos tiaram deponere; id ne fieret, multis artibus certatum, sed cum declinare ictum haud posset, Schafhusam profundâ nocte elapsus est, inde Friburgum & Brisacum; secuti à Concilio Legati, qui reditum persuaderent.*

*Die Martij 23. Peroravit Johannes Gerson, & multa contra Pontificis auctoritatem disseruit; hinc nata quæstio de superioritate Concilij supra Pontificem: & Johannes Galliæ Oratoribus amarè conquestus est Gersonis audaciam, Vaticanum oppugnantis: quæ causa fuit, ut iidem Galli cum Cardinalibus collatis capitibus se decretis opposuerint contra Sedis Apostolicæ auctoritatem edendis, & ipse Rex, ut videbimus, ægerrimo animo rulerit, Johannem à Concilio depositum esse, quod etiam Maimburgus (a) alijsque fatentur. Die Martij 26. celebrata est ante meridiem tertia sessio: huic duo tantùm Cardinales adfuere Cameracensis videlicet, & Florentinus; statutum fuit in ea sessione:*

*Con-*

(a) Maimb. du Grand. Schism. lib. 5. à fol. 282. Monach. Dionys. lib. 35. cap. 18. M. Laboureur ibid.

*Concilium Constantiense per recessum Johannis dissolutum non esse, sed nec dissolvi debere, ante Schismatis extirpationem, nec ad alium locum transferri posse sine consensu Concilij.* Hæc omnia non aliâ ratione Alliacenſis & Zabarella Cardinales publicari permisērunt, quàm ut illa Joannes Papa ratâ haberet, confirmaretque. Videre est hanc Cardinalium protestationem apud Philippum Labbeum in appendice Synodi Constantiensis Tomo XI. Conciliorum, & Manuscripto Capranicensi, ex quo Labbeus descripsit.

*Die 29. Martij* Joannes Schaffhusâ profugit, quippe vicinam Constantiam metuens. Turbati Patres, offensique, & à pluribus Germanicæ, Anglicæ, Gallicæ nationum deliberatum, fixumque est, ut in crastinum sessio quarta perageretur, in eaque hæc capita decernerentur, videlicet: *Primò* quòd Concilium Constantiense potestatem habeat immediatè à Deo, cui etiam Papa obedire teneatur, in his, quæ pertinent ad fidem, extirpationem Schismatis, & reformationem Ecclesiæ in capite & in membris. *Secundò* quòd cogi possit, si obedire contumaciter contempserit. *Tertiò* alia complura, quæ omnia cùm non solum nationi Italicæ displicerent, sed nec sacro Collegio ad deliberandum oblata essent; noluerunt Cardinales, Gallicique Oratores sessionem adire, nisi secundum Capitulum, quo dicebatur, *Pontificem cogere posse, omitteretur:* & in primo decreto illa verba, *de reformanda Ecclesia in capite & in membris,* deleterentur; quod etiam communi voto à Patribus sequenti die acceptum est, cùm videlicet Episcopali vestitu insignes jam quartæ sessioni accingerentur; idque annitente præsertim Imperatore Sigismundo. Cùm verò Cardinalis Florentinus, cujus officium erat Decreta in publicis sessionibus legere, ad verba de reformatione Ecclesiæ in Capite & membris pervenisset, nec ea, ut conditum fuerat, deleta à Nationibus observasset, continuò Decretum abruptit; eamque partem falsam esse, additamque præter communem deliberationem, professus; ergo clausula de reformatione eâ sessione quæ ratâ omiſsa est; sed & Cardinales monuerunt Nationes, ut suspenderent ad tempus materias illas, quæ magnas habent difficultates, & maturam exigunt deliberationem; ea videlicet, quæ auctoritatem Pontificiam spectabant. Ita notant Abbas Panormitanus in sententia finali, & Regestum Concilij Constantiensis in tribus Manuscriptis Codicibus, quorum verba recitata reperies apud doctissimum (a) Schelstrate. Et verò ea verba, quæ di-

N n n n

cunt:

(a) Schelstrate in actis Conc. Constant. fol. 2. & 3. & seqq. & in Tract. de sensu. & auctor. Decretor. &c. f. 41. & fol. 84.

cunt: *Papam in ijs, quæ ad reformandam Ecclesiam in Capite & membris pertinent, Concilio subiectum esse*, in sessione 4. omissa fuisse, illud certissimo argumento est; quod in omnibus ferè Codicibus manuscriptis, qui in Romana, Viennensi, Parisiensi & Salemitana Bibliothecis reperiuntur, ea verba absint, imò ne quidem in tribus Codicibus Manuscriptis, qui acta (a) Concilij Constantiensis complectuntur, & ex quibus Basileenses sua decreta compilârunt; sed neque in celebri illo Manuscripto Capranicensi, qui ad usum Cardinalis de Capranica, Basileensis Concilij temporibus scriptus videtur, & ex quo Philippus Labbeus Constantiensis Concilij ultimæ editioni multa adjunxit, confirmatque sæpè laudatus Schelstrate (b) testimonij Gobelini Personæ, qui tempore Concilij scribebat, ipsorumque Basileensium, ac aliorum in Gallia codicum; qui etiam alibi notat in Decreto sessionis quartæ, ubi dicitur: *Papam teneri obedire Concilio in his, quæ pertinent ad fidem, æctirpationem Schismatis*; eas voces, *ad fidem*, primò appositas esse à Petro Crabbè in sua editione Anni 1538. ex qua in alias postea editiones derivatæ sunt; nam in antiquioribus editionibus videlicet Haggenoviensi Anno 1500. Mediolanensi Anno 1511. Parisiensi Anno 1524. Colonienſi Anno 1530. illæ voces desiderantur; id verò Tabellionum negligentia, qui eas voces omiserint, Maimburgus tribuit. Sed utcunque res habeat, excusari vix potest Maimburgus, (c) quando in suo Tractatu historico, magnis, ut solet, verborum ampullis, triumphos Lectori de Schelstrato pollicitus, ex diversis Gersonis (d) operibus, ac etiam Orationibus in Concilio dictis, probare conatur, ea verba, quæ reformationem spectant, Decreto sessionis quartæ adjuncta fuisse, adeoque victoriæ securus est, sibi que blanditur, ut Schelstrate ad ponenda arma, pacemque ac veniam erroris petendam invitet; nescias victori, an insultanti similior: additque plures alios manuscriptos Codices, quos omnes convenire cum Gerson dicit. Sed Maimburgum egregiè confutavit convicitque eruditissimus Schelstrate, ubi evidenter allatisque verbis ostendit Gersonem & consequenter Codices ei conformes loqui de Decretis die 6. Aprilis hoc est, sessione quintâ

(a) Schelstr. in Tract. de sensu &c. fol. 24. & 26. (b) Schelstr. in Tract. de sensu & auctor. fol. 42. (c) Maimb. Tract. histor. à fol. 238. (d) Gerson. serm. pro viaggio Reg. Roman. & Tract. de potest. Eccles. & serm. in Dom. 2. post Epiphaniam.

quintâ editis, non verò de Decretis sessionis quartæ, quæ trigesima Martij celebrata est. Utamque ergo sessionem Maimburgus confudit, suumque errorem alienum credidit. Dices, unde ergo provenit, ut omnes Concilij Constantiensis editiones in Decreto sessionis quartæ hæc verba constanter exhibeant: *Et ad Reformationem Generalem Ecclesiæ DEI in Capite & in membris?* Respondeo errorem ex eo fluxisse, quod cum Basileenses viderent auctoritatem suam & Concilium paulatim contemptui ac ludibrio esse, ut fulcirent cadentem auctoritatem, cogitasse de edendis Concilij Constantiensis actis, quorum subsidio Vaticanum impugnarent. Duobus ergo Cardinalibus, totidemque Episcopis, ac Theologiæ Doctoribus, & Archidiacono Zagabriensi Provinciam imponunt, Decreta Constantiensia exhibendi. Id Anno 1441. ab eis peractum: ex hoc codice Joannes Hober ex Inderdorff sacræ Theologiæ Baccalaureus, Anno 1490. alium suâ manu exaravit, transmisitque Hieronymo de Croaria juris utriusque Doctori, & hic postea Anno 1499. Hagenovij in oppido Imperiali typis vulgarus est. Post hanc aliæ tres editiones prodierunt, quibus acta Constantiensis Concilij juxta Basileensem Collectionem continebantur. Error ergo præsentium editionum circa sessionem quartam à Basileensibus manavit, nec ipse Maimburgus negare potest, Basileensem Collectionem, & editiones ex illa profectas defectu laborare; tam enim editio Hagenoviensis, quam tres aliæ postea sæcutæ illam particulam, *ad fidem*, omisere, quam Maimburgus necessariam agnoscit. Et hæc quidem circa sessionem quartam ex laudatissimo Schelstrare notanda duxi, jam ad quintam veniamus.

Post quartam cœpta est præparari materia pro sessione quinta; Decretum videlicet, quo dicebatur: *Pontificem Concilio in rebus fidei; morumque Reformatione Concilio subiectum esse, & ab isto cogi posse.* Et quamvis summi momenti res hæc esset, & aliquando novo & pejori Schismati fomitem datura; sicque longissimo & accurato examine prius cognoscenda, quam decerneretur, nihil tamen aliud à Patribus factum, quam ut aliquos deputarent, qui cum Cardinale Zabarella Florentino conferrent; is erat, qui illis articulis in sessione quarta graviter obstiterat. At Deputati perinde ac in re levi, parvique pretij rem paucis abolverunt, (a) ac inter alia multa die 2. Aprilis statuere;

Nnnn 2

UR

(a) Regest. Concil. Constant. in tribus MM. SS. apud Schelstr. fol. 43. Tract. de sensu & auctor. &c.

Ut proximâ sessione omnes articuli & clausula concordata per Nationes in ultima sessione prætermissa expedirentur. Ita habet Regestum Concilij: & notant ejusdem Concilij gesta, quàm leve ac perfunctorium examen fuerit, quo tanti ponderis argumentum expendebatur his verbis: (a) *Post sessionem quartam fuit per Cardinalem Florentinum cum Deputatis aliquantulum disputatum: finaliter Concilium voluit ex integro dictas definitiones in alia sessione pronuntiare, &c.* Vides inter paucos, privatosque ac extra sessionem, nec initis suffragijs, hoc est, non Conciliariter, nec tam decernentium, quàm altercantium more, eo ferè modo, quo in circulis Philosophorum solet, inter Cardinalem & Deputatos disputatum esse, idque ut acta commemorant, *aliquantulum*, hoc est, leviter, cursimque, nec quantum oportebat. (b) Cum ergo sentirent Cardinales, in sessione quinta ea à Nationibus decretum iri, quæ nec examinata erant, nec approbare ipsi poterant, statuerunt sessione abstinere: sed postea cum viderent, id sine publica offensa, periculoque ne Concilium solveretur, fieri non posse; adire quidem sessionem parant: protestati tamen in ædibus Palatii Constantiensis, ubi infulas sumebant, se vitandi scandali causâ, non verò animo illis consentiendi, quæ audiebant proximâ sessione decretum iri, Conventui adfuturos; idemque Gallici Oratores, qui Cardinalibus se adjunxerant, professi sunt. Audi Regestum Concilij: *Die Sabbathi sextâ mensis Aprilis, cum per prius inter Nationes & Dominos Cardinales altercatum esset super correctione & emendatione Capitulorum in præcedenti sessione (quarta) statutorum; tandem ordinatum & conclusum est, quòd supradicta Capitula modo infra scripto corrigerentur.* Convenientibus ergo dictâ die Gloriosissimo Principe Sigismundo Romanorum & Hungariæ Rege semper Augusto, Reverendissimis Dominis Cardinalibus cæterisque Principibus & alijs in sacro Concilio existentibus, præmissâ per Dominos Cardinales & Oratores Regis Franciæ protestatione factâ, quòd propter scandalum evitandum ad sessionem ibant, non animo consensuendi ipsi, quæ audierunt statui debere, &c. Hæc protestatio Galliæ Legatorum confirmatur ex verbis Galliæ Regis hoc §. n. 4. *Ratione 1. Nec obstat, quod Natalis objicit, Gersonem in Sermone pro Viaggio Regis Romanorum approbasse, laudasse, & ad fidem pertinere dixisse Decreta 4. & 5. Sessionis, qui sermo dictus est tribus mensibus post eam sessionem, & ea Decreta postea in Pragmatica Sessione in Concilio Bituricensi recepta*

(a) Gesta Concilij ex 4. MM. SS. (b) Regestum Concilij in tribus MM. SS. Codd. apud Schelkr. Tract. de sensu & auctor. &c. fol. 42.



cepta fuisse. *Respondeo* 1. Non quæri, quid post Concilium, sed quid in Concilio factum. 2. Imò reprobata in Gallijs fuisse, patet testimonio Caroli VII. *hoc §. n. 4.* 3. Gerson non tam Regis, quàm Universitatis Orator erat, qui semper in Concilio à Regijs Oratoribus distinguitur, ut patet ex actis Concilij editis in 4. & 5. Sess. nam Oratores Regis erant Ludovicus Dux Bavarix Reginæ Frater, Archiepiscopus Rhemenfis, Episcopi Carcassonenfis, & Ebroicensis. *Spondanus ad Annum 1415. n. 7.* 4. Spondanus ad Annum 1438. n. 22. *An verò hinc (hoc est ex Pragmatica) dicemus Ecclesiam Gallicanam recepisse Concilium Basileense? nugæ hæ sunt, & impostura.* 5. Hæc Pragmatica non solum à summis Pontificibus damnata est, & cassata ab Archiepiscopo Tholosano, ac Episcopo Bituricensi (Spondanus ibidem) sed etiam à Ludovico XI. & in Concilio Lateranensi, cui Concilio Gallia adhæsit tanquam vero, unico, indubitatoque. Verba sunt Legatorum Gallix Sess. 8. Sed & illud nota, Ludovici XI. testimonio in Diplomate, quo Pragmatica rescinditur; hanc ipsam Pragmaticam in *seditione, & schismate* (Basileensis) *tempore atque per Seditionem, Sectionemque à Sacra Sede figuram natam esse*, verba sunt diplomatis Regij ad Pium II. non potest ergo bonum esse argumentum ex causa tam mala petikum.

Cùm ergo quinta sessio ageretur, & Decreta legi publicè à Cardinali Florentino de more oporteret, recusavit id munus, quippe qui unà cum sacro Collegio ijs decretis nunquam maturè, & conciliariter discussis obluçtatus semper esset; electus igitur Poznaniensis vices Florentini obiit, legiturque à Nationibus statuta. Et hæc est illa sessio quinta, cujus Decretis tantopere Maimburgus præfudit; cæterum quàm vanis & caducis fundamentis, nemo ex tot alijs, qui hoc ipsum conati sunt, elegantius, fortiusque doctissimo Schelstrato demonstravit. Sciendum igitur est, Decreta Sessionis quintæ, nec Conciliariter, nec cum examine tantæ rei debito, maturave deliberatione, qualem res tanta exigebat, vulgata esse, hoc ita se habere evidentissimis testimonijs & argumentis ostendam.

III *Primo.* In antiquis Concilijs, quoties fidei aliquis articulus, aut aliàs majoris momenti agitabatur; totius scripturarum testimonia, Antiquitatis monumenta, Conciliorum, Patrumque Decreta producebantur, quibus veritas fulciretur, sic in Niceno primo & secundo, Chalcedonensi, alijsque Concilijs factum, ubi longam seriem argu-

## 620 Dissert. III. §. IV. Respondetur argumentis

mentorū reperies. Imò ipsum Concilium Constantiense in alijs articulis decidendis monere solet, legitimum longumque examen ac discussionem præcessisse. Exempla sunt Sessione 15. ubi cū errores Johannis Hufs damnandi essent: *Habitā*, inquiunt, per prius plenariā informatione & diligenti deliberatione Reverendissimorum in Christo Patrum S. R. Ecclesiæ Cardinalium, Patriarcharum, Episcoporum, & cæterorum Prælatorum & Doctorum sacre pagine, & juris utriusque in multitudine copiosa &c. *Habitā* collatione per plures Magistros in sacra pagina &c. Et sess. 24. in citatione contra Benedictum XIII. Mandavimus per nonnullos venerabiles viros fratres, & dilectos Ecclesiæ filios Cardinales S. R. Ecclesiæ & alios Prælatos, & alios tam sacre pagine, quàm juris utriusque Professores Commissarios nostros ad hoc specialiter deputatos inquiri, informationemque recipi, quam legitimè receptam referri jussimus in publica sessione nostra sacrosancta Constantiensis Synodi; quā plenè auditā & discussā maturo decrevimus atque digesto consilio &c. Et sess. 30. ubi approbatur subtractio Obedientiæ factæ per Regem Arragonum: Eadem sacrosancta Synodus causis & motivis planè inspectis & diligenter examinatis, de quorum veritate facta extitit eidem Synodo plena fides &c. idè eam S. Synodus ex certa scientia & causa debitè cognita &c. Vides Concilium etiā in quæstionibus multò minoris momenti, quàm sit illa, de qua modò agimus, nihil dicere, nisi *habitā* plenariā informatione, & diligenti deliberatione, *habitā* collatione per plures Magistros sacre pagine, & juris utriusq; maturo, atque digesto consilio &c. Et iterum: Cū in sacro Concilio nuper Romæ celebrato decretum fuerit, Doctrinam Wicleffi damnandam, & damnatam esse . . . à Patribus, & Episcopis diversorum Regnorum, & Magistris in Theologia plurium studiorum condemnatam. Et in primo Concilio Apostolico Actor. 15. Cū autem magna conquestio fieret de verbo hoc. At verò ubi de potestate Pontificia agitur, deque supremo jure Majestatis, hoc est, de quæstione omnium, si fidem excipias, maxima; non rogatæ scripturæ, non auditi Patres, non examinata Concilia, non collata in sessionibus capita, sed ex abrupto, cursimque, & in ipso sessionis limine: Declaramus, inquiunt, Concilio immediatam à DEO potestatem esse, cui Pontifex subdit, cui obedire teneatur. Quid quæso est rem inconsultò & sine examine definire, si hoc non est? & quid minù fieri posset, si de minimo Sacerdote, imò ædituo in ordinem redigendo ageretur? Videantur acta Synodi Ephesinæ, illic apparebit, quantā curā, lentisq;

gradibus, quantâ testium & scripturarum, Patrumque mole laboratum sit, an Nestorius deiceretur; nunc verò non de uno Pontifice, sed de omnibus, imò de ipsa Pontificia dignitate quæstio vertitur, quantò igitur pluribus testibus, majorique curâ agi res debuit? & tamen nulla magis, minori que studio festinata; quæ omnia mihi æstimanti semper magis, magisque persuasum, fixumque est, non fuisse Concilij mentem quidquam definire de Pontifice certo, sed tantum dubio & tempore Schismatis, hoc enim minoris operæ & indaginis erat. Sciendum enim est, tempore Synodi Constantiensis circa Concilij supremam auctoritatem varias Doctorum opiniones fuisse. Prima, ne Schismatis quidem tempore posse dubios Pontifices à Concilio judicari, cui sententiæ Benedictus XIII. adhærebat teste S. Antonino, (a) imò & Gregorius XII. quique istorum partes amplexabantur, hoc est, ingentia Regna, virique doctrinâ & sanctitate conspicui; cum enim in Concilio Pisano utrique Pontificia dignitas adempta esset; & ipsi exauctorati Pontifices, & ipsorum sequaces negabant id jure factum esse, nec ullam Concilio in Vicariis Christi potestatem fuisse; ergo credebant, ne Schismatis quidem tempore, nec in dubios Pontifices quidquam Concilio licere; & videri potest Raynaldus ad Annum 1409. Altera sententia fuit, nullum Pontificem ne Schismatis quidem tempore deponi posse, nisi ob solum hæresis crimen; fuit hujus sententiæ Concilium Pisenum, quod non prius Benedictum & Gregorium dampnare voluit, quàm ut accusatos, convictosque, ut Patres credebant, hæreticæ pravitatis, quod suprâ demonstravimus, & habent acta Pisani Concilij à Notarijs ipsius Synodi conscripta, ubi inter alia: (b) *Omnes Magistri in Theologia, tam Episcopi, quàm Abbates, & Generales ordinum Mendicantium Anno 1429. die 28. Maji ad requisitionem sacri Collegij Cardinalium congregati sunt in sacristia Fratrum Minorum, ut deliberarent de his duobus articulis: an duo de Papatu contendentes essent Schismatici & hæretici reputandi, & dato sic, utrum sub titulo hæresis sine ab universali Ecclesia & Papatus regimine ejiciendi.*

Ad

(a) S. Antonin. T. 3. Chron. Tit. 22. §. 3.

(b) Acta Concilij Pisani à Notarijs ipsius conscripta in duobus MM. SS. Codicibus.

## 622 Dissert. III. §. IV. Respondetur argumentis

*Ad has quæstiones habitâ ad invicem pluries maturâ deliberatione concorditer & unanimiter responsum fuit, prædictos hæreticos censeri, & ut tales per sententiam declarari ac deponi posse. Patet ergo, ne Patres quidem Pisanos ausos esse in Pontificem pronuntiare, nisi hæresis manifestum, quod pluribus suprà ostensum. Tertia sententia fuit Petri de Alliaco Cardinalis Cameracensis, qui Pontificem tempore Schismatis subjacere Concilio credidit, ab eoque judicari deponique posse credebat; & hanc suam sententiam scriptis commendavit, porrexitque Patribus, quorum plerisque probata est; & hæc causa fuit, ut Concilium huic sententiæ examinandæ minùs laboraret, utpotè jam passim notæ, acceptæque. Quarta sententia fuit Cardinalis Zabarellæ, admittentis quidem posse tempore Schismatis novum eligi Pontificem; sed negantis ante factam electionem de Reformatione in Capite & membris agendum esse: ut enim nulla pejor Deformatio, quàm Schisma, ita nihil priùs emendari oportere; & idèò articulus de Reformatione in primo Decreto sessionis quartæ omisus fuit; id quoque eleganter expresse-  
 runt quatuor Nationes in protestatione post trigessimam octavam Sessionem, ubi inter alia: *Si Reformatio, inquit, faciendâ est de Deformatis, quæ major est, aut esse potest in Corpore deformitas, quàm carere capite, & esse acephalum? illa igitur prior, tanquam magis necessaria, debet esse Reformatio, quæ corpus ipsum ad Caput reformet. Et intra: Duplex secundum sacros Doctores est Unio Ecclesiæ, una membrorum ad invicem, quæ jam creditur esse facta: altera membrorum ad Caput, ut constituatur corpus integrum & perfectum, & ista non est facta; igitur primo loco fienda. Patet ergo sententiam eorum, qui docebant tempore Schismatis de Pontificis electione, non de morum Reformatione agi oportere, celebrem fuisse, & in Synodo frequentem, imò potiorem. Quinta denique sententia fuit Joannis Gersonis, (a) qui Pontifices non solum durante Schismate, sed semper & absolutè, omniq[ue] tempore Concilio subesse voluit, ab eoque posse judicari; in hunc sensum decreta Sessionis quintæ Gerson intellexit, eoq[ue] progressus est, ut scriberet, à vero & indubitato Pontifice ad Concilium appellari posse, & Martino id neganti Tractatum illum opposuerit, cui titulus: *An & quomodo appellare liceat. Huic sententiæ Gersonis nunquam Concilium acquievit, & idèò Decretis quartæ & quintæ Sessionis semper illa verba apposuit: In his, quæ pertinent ad***

(a) Johannes Gerson in serm. Domin. 2. post Epiphan. & serm. pro Viaggio Regis Romanor.

ad extirpationem dicti Schismatis, & pro extirpatione dicti Schismatis. Quibus verbis ostendit Concilium, se cum Gersone non sentire, qui absolutam subjectionem volebat; cum Patres de limitata solum, & in casu excepto intelligi vellent, hoc est, tempore Schismatis.

Obijcit Natalis: *Totis 40. annis quibus schisma duravit, in diversis Academijs hanc questionem fuisse disputatam.* Respondeo. Non hoc sufficit, ut patet in prima Synodo Hierosolymitana, Nicæna, Chalcedonenſi, Tridentina, ex quibus patet, requiri conciliarem deliberationem, & causæ examinationem, maximè in ea causâ, quæ ut ait Gerson de potestate Ecclesiastica considerat. 12. ita plurimorum animos occupaverat, ut oppositorum dogmatizator fuisset de hæretica pravitate notatus.

Sed jam perge, & alia testimonia percurramus, quæ defectum examinis & necessariæ deliberationis circa quartæ, & quintæ Sessionum Decreta ostendant. *Secundò.* Martinus V. ut habetur *Sess. 45. in Confirmatione Concilij* proficitur: *Se omnia & singula determinata, conclusa & decreta in Materijs fidei per Concilium Constantiense conciliariter tenere velle; ipsaque sic conciliariter facta approbare & ratificare, & non aliter, nec alio modo.* Supponit ergo Martinus, fuisse in Synodo Constantiensi aliquâ conciliariter facta, & hæc confirmat: Alia verò non conciliariter, hoc est, sine examine & deliberatione, nec votis & sententijs in Conventu dictis, & hæc confirmare renuit: non verò apparet, quæ Decreta sint minùs conciliariter facta, quàm quartæ, quintæque sessionum; nec putes hanc esse opinionem aut conjecturam domi meæ natam, audi testimonium Jacobi Spondani Galli, & Apamienſis Episcopi, qui Manuscriptos codices Regiæ, sanctique Victoris Bibliothecarum egregiè pervolvit, ejusque de Synodo Constantiensi historiam, pulcherrimam Spondani operum Mairnburgus pronuntiat; is verò ad annum 1418. ita scribit: *Putamus Nuntiorum Poloniæ petitionem de industria Martini nutu ad ultimam sessionem reservatam, ut eâ occasione significares, quæ Concilij decreta ipse auctoritate Apostolicâ ac supremâ probaret, quæ verò non; ne si antea quidquam de ijs agere voluisset, murmur aliquod, tumultumque in Patribus excitaret ob ea, quæ ambigè decreta fuissent de auctoritate Concilij supra Pontificem, quas absolute ut sonare videntur sumptas, nullo modo Martinus agnoscere, aut probare voluit, utpotè contrarias existimatas, & praxi antiquioris Ecclesiæ, & collatæ Petro, ejusque successoribus potestati, ipsique demum naturæ rei, quâ caput debet membra regere.*

O o o o

non

*non regi à membris. Hæc Spondanus. Tertiò. Gesta Concilij Constantiensis ad Sess. 7. (a) Penè in omnibus Concilij decretis factum est, ut Cardinalibus ita arcto & brevi tempore offensa sint decreta à Nationibus conclusa, ut non fuerit in eorum potestate sufficienter deliberare, imò in magnum contemptum habiti sunt, & finaliter petiverunt, quòd cum essent in Concilio quatuor Nationes, una Angliæ, in qua non erant 20. capita, de quibus tres solum Prælati: & Cardinales essent 16. & alij futuri, de quibus plures Magni & insignes Doctores propter dignitatem Collegij haberent dignitatem tantam & auctoritatem, sicut natio Anglicana. Quod fuit recusatum & dictum, ut venirent ad Nationes. Quartò. Eadem Manuscripta testantur, non fuisse Cardinales ad sessionem quartam venire: Eò quòd super illis non fuerint habitæ, nec sufficienter petita deliberationes eorum. Quintò. Abbas Panormitanus in sententia finali, & Regestum Constantiensis Concilij in tribus Manuscriptis Codicibus memorant, Nationes in quarta sessione fuisse à Cardinalibus monitas: Ut suspenderent ad tempus mæteria illas, quæ habent magnas difficultates, & maturam exigunt deliberationem. Sextò. Petrus Alliaccensis apud Gallos celeberrimus in Tractatu de Ecclesiæ & Cardinalium auctoritate, quem ante adventum scripsit Legatorum Regis Castellæ, parte 1. cap. 4. aliqua dubia proponit, ut super illis Concilium deliberaret, ne illius acta in futurum in dubium vocarentur: Nam apud nonnullos, inquit, magnam perplexitatem inducunt. Primum dubium: an quatuor nationes in hoc sacro Concilio sic distinctæ excluso Cardinalium Collegio faciant Concilium generale, cum sint plura Concilia particularia valde inæqualia, & disproportionabiliter divisa. ( Nam Anglicana Natio complectebatur vota solum 20. Gallicana supra 300. & tamen Gallicanæ voces non vincebant, nec habebantur pro pluribus, cum quælibet Natio pro uno tantum voto computaretur ) & ad partem deliberantia, quæ deliberatio, exclusâ deliberatione dicti Collegij Cardinalium, & non factâ in communi sessione collatione votorum, videtur multis non esse censenda deliberatio Concilij conciliariter facta. Secundum dubium, an dictæ Nationes, quæ sunt multa Collegia particularia, quæ multis videntur contra vel præter consuetudinem antiquam sacrorum Conciliorum instituta, licet ex rationabili causa & sub debitis circumstantijs ita restitui poterint, & habuerint à Jure Divino vel humano auctoritatem privandi Romanam Ecclesiam & sacrum Collegium ( quod est antiquum Collegium, & in antiquo jure, & in sacris generalibus Concilijs, & in sanctorum Patrum Decretis fundatum ) privandi*

(a) Gesta Conc. Constant. in 4. MM. Codd. apud Schellstrat. fol. 104.

randi inquam jure suo, habendi scilicet votum in sacro Concilio, & Summum Pontificem eligendi. (a) Vides jam tunc temporis de validitate Decretorum Constantienſium ob defectum deliberationis Conciliaris dubitatum eſſe; ſicque antiquam hanc querelam non novam eſſe, nec à nobis repertam. ſeptimò. Quatuor Manuſcripti Codices, quibus acta Concilij continentur: Die 2. Maji Anno 1415. Cardinales licet præſentes in ſeſſione fuerunt, nunquam illam formam viderant; eodem enim die circa horam ſeptimam de mane fuit data eis copia ad deliberandum ſuper illa, cum jam plures prælati ſederent, & immineret relatio novorum ſiendæ Regi & Deputatis Nationum in ſacriſtia, in qua relatione præſentes ſuere, nec poterant illam formam videre, cum ſtatim factâ relatione perventum eſt ad ſeſſionem, quæ jam peracta erat, & ita penè in omnibus Decretis Concilij ſilium eſt, Cardinalibus ita arcto & brevi tempore oſtenſa ſunt Decreta jam concluſa à Nationibus, ut non fuerit in eorum poteſtate ſuper illis ſufficienter deliberare, imò fuerunt in magnum contemptum habiti, &c. Octavò. Die Septembris 11. Anno 1417. in proteſtatione, quam tres Nationes, & Collegium Cardinalium contra Germanicam Nationem ediderunt, hæc inter alia leguntur: Clerus & populus nonnullorum Regnorum & Provinciarum nondum clarè & ſolidè huic ſacro Concilio adhaſerunt, necnon etiam quorundam, qui eidem Concilio adhaſerunt propter rumores diſcordiarum, & quaſi impreſſionum, quas in eodem Concilio fieri audivunt, fides jam de eodem Concilio dicitur vacillare. Et infra: His diebus magnus terror & turbatio dicebatur eſſe in Concilio, ſuma enim erat communis, & multi ſcientes de Conſilij Regis dixerunt amicis, quòd Rex proponebat & deliberaverat aliquandò capere omnes Cardinales, & poſtea reſtruxit ad ſex; ſed Cardinales & alij, de quorum proſcriptione dicebatur, conſtantes ſteterunt, nec omiſerunt loqui, & proſequi, quæ eis juſta videbantur. Cauſa autem olij Regis in eos dicebatur, quòd Rex volebat habere Papam ad voluntatem ſuam, & illis ſtantibus non poterat. V. fol. 107. 10. & fol. 114. n. 9. 11. & f. 129. Ex his omnibus evidentè colligitur, multa in Concilio contigiffe, ob quæ meritò dubitari poterat, imò dubitatum eſt, an illius Decreta, præſertim, quæ Pontificiam dignitatem ſpectabant, conſultò, deliberatè, & Conciliariter concepta eſſent, quippe cum Patrum vota aut metu Regiorum, aut excluſione Cardinalium, aut nimia ſeſtinatione, quæ examen prævertebat, redderentur ſuſpecta; idque in particulari de Decretis quartæ & quintæ ſeſſionum intelligendum eſſe ex allatis teſtimonijs conſtat, illa enim apertè oſtendunt, Capitula illa poſt tumultum de celebranda ſeſſione quarta in unica Congregatione

Nationum conclusa fuisse, & totam deliberationem unius diei tempore absolutam, neque deliberationem illam fuisse communem & Conciliarem, ut oportuit; cum nec in sessione habita fuerit, nec audita Cardinalium vota.

IV. Age jam verò, & Decreta illarum sessionum ne quidem à Concilio Oecumenico & Generali facta esse, nec pro talibus à viris Gravissimis & doctissimis habita, demonstremus.

*Primò.* Certum est Johannem XXIII. nunquam ijs Decretis assensum esse. Is enim in litteris ad Ducem Biturigæ (a) datis causas exponit, cur Decretis Constantiensibus deferre non posset: *Quòd*, videlicet, licet in Concilijs generalibus non debeat fieri Nationum differentia, sed omnes & singulos sententiam suam dicere publicè oporteat, ut unus instructione informetur alij; hoc tamen Constantiæ non fuerit permissum, quin imò statutum, quamlibet Nationem unam tantummodò vocem, sive suffragium habituram, etiamsi in Natione Gallica essent ducentæ voces notabiles, & in Italica totidem: & de Anglicana essent tantum tres Prælati ibi personaliter comparentes, ac Cæteri Clerici novem numero. Deinde quòd cum in Concilijs Generalibus secundum statuta Canonum vis suffragij non competat nisi Cardinalibus, Patriarchis, Archiepiscopis & Episcopis, quorum suffragia requirenda sunt in sessionibus publicis, & non privatis consilijs; nihilominus quicumque ad hujusmodi consilia fuissent admissi, nullo discrimine personarum habito, omnium suffragia, etiam Laicorum, subvaciis Prælatorum suffragijs recepta sint, & licet in Concilijs suffragia debeant esse libera, nihilominus multæ extiterunt cavillationes, & subornationes per minas, & terrores ab Imperatore procedentes. Hæc Johannis querela nullam fidem, aut parvam mereretur, nisi omnino ijs consentanea esset, quæ iisdem penè verbis à Spondano, à Cardinali Alliacenſi, ab Actis Concilij in 4. manuscriptis Codicibus, & denique à tribus Nationibus, & Cardinalium Collegio in Protestatione recensentur, quorum testimonia suprà produximus, hoc §. n. 3. ut adeò dubitari non possit, vera esse, quæ Johannes commemorat, quæque Eugenij IV. testimonio indubitata redduntur, is enim in sua Apologia: (b) *Contra Decreta de auctoritate Conciliorum nonnulli reclamaverunt graviter, qui strepente multitudine superati (sicut hi novissimi temporibus, quibus carnales exuberant passionēs, factum esse manifestum est) audiri ne-*

(a) Johannis XXIII in epist. ad Duc. Bitur. in Sorbona publicè lecta, & in duobus MM. SS. Codd. Biblioth. S. Victor asservata. (b) Eugenius IV. in Apolog. contra Basil.



*quiverunt.* Non ergo pro Decretis Concilij Oecumenici habita sunt, aut haberi potuere, quæ contra Conciliorum Oecumenicorum normam facta sunt, hoc est, quæ metu extorta, quæ non conciliariter, nec auditis, sed exclusis, quorum intererat, admissis verò, qui admitti non debebant, nec servatâ votorum pluralitate, decreta sunt. Idq; egregio confirmatur exemplo, verbisque Caroli VII. Regis Galliarum; qui cum à Deputatis Concilij Constantiensis audivisset sententiam à Patribus in Johannem XXIII. latam; non tantum eam improbavit, negavitque id Synodo licuisse, sed etiam ipsos Deputatos amarè oburgans: *Ecquis, inquit, eam vobis licentiam dedit; ut auderetis in Pontificem Romanum manus injicere, eique dignitatem ac insulas adimere, quod nuper Constantia fecistis? Postquam ergo eò audaciæ pervenistis, quid aliud superest vobis, quam ut pari facinore Regi Regisque Principibus coronam & imperium involetis? sed enim ne id vobis procedat, maturè præveniam.* Hæc Maimburgus totidem ferè verbis, quæ ex Gallico reddidi, adjungitque: (a) *Jam ab annis nongentis Ecclesiæ Gallicanæ hanc sententiam fuisse, ut videlicet excepto hæresis casu, à nullo hominum, nulloque Concilio, sed à solo Deo judicari Pontifex Romanus, deponique possit.* Hæc Maimburgus sui, suarumque opinionum, quas alibi docuit, in gratiam Regis Galliæ oblitus; adeò videlicet illum Reges demerendi impetus cœpit, ut jam amicus Pontifici, jam hostis appareat, utcunque Regi placuerit; sed de hoc aliàs. Palam igitur hoc exemplo fit, Regi Galliæ Regionique senatui Decreta quartæ & quintæ sessionum nunquam probata fuisse, adeoque aut non habuisse Concilium pro Oecumenico, legitimumque, aut arbitratos esse, nullam Concilio in Papam esse potestatem.

*Secundò.* In Regesto Concilij Constantiensis, quod duobus Manuscriptis continetur, hæc leguntur: Die 6. Aprilis Anno 1415. Cum per Dominos Cardinales & Nationes altercatum esset super correctione & emendatione Capitulorum in præcedenti sessione (quarta) statutorum, tandem ordinatum & conclusum est, quòd supradicta Capitula modo infra scripto corrigerentur, &c. præmissa per Dominos Cardinales & Oratores Regis Franciæ protestatione secretâ in Camera Paramentorum Palatii Constantiensis secretè factâ, quòd propter scandalum evitandum ad sessionem ibant, non animo consentiendi his, quæ audierant in ea statui debere, &c. Censuerunt ergo Cardinales, Gallicique Oratores, quo tempore sessiones quarta & quinta agebantur, aut Con-

O o o o 3

cilium

(a) Maimb. Grand. Schism. d'Occid. lib. 5. fol. 307. V. Spond. ad Annaum 1415. n. 12. & ibi Bzou.

cilium non fuisse Oecumenicum, aut nullâ potestate in Pontifices præditum; alioquin qui poterant Decretis Concilij haud annuere, quod Oecumenicum & legitimum crederent? imò nisi annuissent, pro Schismaticis habendi erant, nec tamen habiti sunt.

Tertio. Cardinalis Turrecremata in lib. de Ecclesia: *Nullus*, inquit, dubitat, quòd asserere, quòd sola obedientia Joannis faceret Concilium Universale, Universalem Ecclesiam representans, esset temerarium ac scandalosum alijs duabus Obedientijs. Omnes ergo Episcopi, Cardinales, Doctores, omnesque Universitates, Scotiæ, Luthaniæ, Castellæ, Navarræ, Arragoniæ, totiusque Hispaniæ, Bearnæ quoque, Sardinæ, Corsicæ, Majoricæ, Bavaricæ, Flaminæ, celebresque Wormatiensis, Spirensis, & Werdenfis Episcopatus, qui Gregorio & Benedicto adhærebant, Concilium Constantiense, quo tempore duæ sessiones quarta & quinta agebantur, pro Oecumenico & Universali non habuerunt; nec propterea ab ullo mortalium pro Schismaticis aut hæreticis habiti sunt; non ergo certa & indubitata ea Decreta dici poterant, quæ à tam multis & celeberrimis Ecclesijs, pro irritis, nullisque habebantur, illæsa & inviolatâ conscientiâ.

Quarto. Eugenius IV. Pontifex Maximus in Apologia contra Basileenses: *Non dixit Obedientia Gregorij, non Benedicti, quæ Christianitatis pars non modica fuit, ante tempus Conventionis plenarium fuisse Concilium, nec prius auctoritate, quasi Synodi Generalis plenariâ auctoritate suscepit; itaque oportuit ipsis convenientibus primò ab Obedientia Gregorij, deinde ab Obedientia Benedicti novum Concilium convocari, hincque Universâ Ecclesiâ concurrente plenariâ Synodi rem & nomen accepit. Quod ergo ante illum articulum ipsis à Patribus ibi consistentibus actum est, Universe Ecclesiæ non debet adscribi, sed eis tantum, qui ibidem confidebant, & unus tantum Obedientiæ Synodum faciebant.* Fuit ergo Eugenij, omniumque, qui Eugenio adhærebant, hoc est, totius Orbis Christiani sententia (paucis exceptis, qui Basileæ tumultuabantur) Constantiense Concilium, cum illæ duæ sessiones peragebantur, non fuisse Oecumenicum, sed particulare tantum, unus videlicet Obedientiæ Johannis XXIII.

Quinto. Idem Cardinalis Turrecremata lib. 2. de Ecclesia c. 99. *Neque ipsa integra Joannis XXIII. Obedientia consensit; quoniam plures Patres doctissimi illius Obedientiæ illis non præstiterunt consensum, aut assensum suum.* Plures ergo & doctissimi viri, etiam ex Johannis Obedientia credebant, se Decretis illis haud illigari, sed posse obniti, & consequenter

quenter non fuisse eo tempore Concilium Oecumenicum, aut saltem suâ potestate abusum; aut quî dici potuit Concilium Universale, cui deerant tot suffragia, aut contempta videlicet, aut contraria, aut non audita? Idem Turrecremata, qui Concilio Constantiensi interfuit: *Congregatio*, inquit, *Constantiæ celebrata tria tempora habuit*: primum fuit, in quo sola Obedientia Joannis præfati Constantiæ convenerat. Secundum tempus fuit, in quo Angelus Corrarius, vocatus in Obedientia sua Gregorius XII. juri suo cedens præfate Congregationi, sub certis modo & forma se conjunxit. Tertium tempus est, in quo Reges & Principes ac Prælati Obedientes Petro de Luna, Benedicte XIII. vocato in Obedientia sua, per suos Oratores novâ factâ convocatione Concilij se unierunt præfate Congregationi ad pacem dandam Ecclesiæ, & fuimus nos præsentés, tunc in Minoribus constituti; pro quo solo tempore convenientibus omnibus simul tribus Obedientijs fuit certum dicere, quod Universalis Ecclesia fuit repræsentativè congregata Constantiæ. Hæc Turrecremata, cui utpote præsentî, rerumque omnium conscio, quæ Constantiæ agebantur, & doctrinâ ac pietate præstanti, nec paribus addicte, meritò fidem adhibeas.

*Sexto.* Sessione decimâ quartâ Concilij Constantiensis leguntur Bullæ Gregorij certis conditionibus Papatui renuntiantis, in quarum prima Arimini data tertio Idus Maji Anno 1414. Concedit suis Legatis Congregationem Constantiensem, in quantum per serenitatem Regiam, & non per Balthasarem se nuncupari facientem Joannem Papam XXIII. vocatans vice suâ ad prædictorum effectum convocandi & auctorizandi in Generale Concilium, remotâ tamen omnimodo Balthasaris præfidentia, & præfentia ab iisdem. Hanc Gregorij Bullam, quâ Concilium ante Sessionem decimam quartam apertè Oecumenicum negabatur, non solùm actis suis Synodus Constantiensis inseruit; sed etiam ex consensu quatuor Nationum, omniumque Patrum Archiepiscopus Mediolanensis tabulas legit, quibus dicebatur: *Quodd Concilium memoratum dictam convocationem, auctorisationem, & confirmationem, in quantum ad eundem Gregorium pertinet & attinet, eis admittit, Collegium ipsius D. Gregorij nuncupati, alteri Collegio videlicet olim Johannis Papæ, & è converso, unita omnino decrevis, & Notarij rogati de præmissis non faciant mentionem in instrumentis suis de Papa vel Sede Apostolica, sed de Sigismundo Romanorum Rege usque ad cessionem nomine dicti Gregorij faciendam.*

Et

Et Sess. 20. non prius Obedientia Benedicti se Patribus Constantiensibus adjunxit, quàm ut iterum Concilium convocaretur, perinde ac si hæcenus legitime convocatum non esset, neque Oecumenicum fuisset: ut Congregatio titulo abstineret Concilij Oecumenici. Et sexaginta litteræ ad Regem Arragoniæ Ferdinandum missæ sunt, nullâ Concilij Generalis inscriptione; quæ omnia à Patribus Concilij acceptata, confirmata & jurata sunt, ut videre est in Actis vigesimæ sessionis, & in duobus Codicibus Manuscriptis Regestum Concilij continentibus. Agnoscebant ergo Patres Constantienses, antequam Obedientiæ Gregorij & Benedicti sese adjungerent reliquis, nondum satis constare de auctoritate Concilij, & an esset Oecumenicum; si enim constabat Oecumenicum esse, cur novam Concilij convocationem, cur Decreta priora in dubium revocari permittebant, abstinebantque titulo Oecumenicæ Synodi, toties in prioribus sessionibus usurpato? Nec dici potest id Patres tolerasse studio pacis: nec enim hanc tantum causam fuisse; sed eam præcipuè, quòd reverà à magna Christiani Orbis parte, imò etiam à quàm plurimis in ipsa Synodo, negaretur Oecumenica & legitima esse (alioquin nunquam pacem tam carò indignisque conditionibus emerent, & Decreta prioribus sancita sessionibus permetterent aut everti, aut in dubium revocari) id quod ex Turrecremata, Petro Alliacciensi, Eugenio IV. alijsque suprâ ostendimus. Et ideo Arragonensis Regis Legati protestati sunt: (a) *Quòd quidem velent se unire Concilio, non tamen reputare esse Generale Concilium, neque agi de rebus Generalis Concilij, donec venirent Legati Regis Castellæ.*

Septimò. Sessione 14. sub gravissimis pœnis decretum de non eligendo sine assensu Concilij Romano Pontifice hisce verbis editum fuerat: *Sacro sancta Generalis Constantiensis Synodus pronuntiat, statuit, & ordinat ad electionem futuri Pontificis nullatenus procedatur, sine deliberatione & consensu hujus sacri Concilij Generalis, & si quid fieret, sit ipso facto auctoritate hujus Concilij irritum & inane; nullusque electum contra hoc Decretum in Papam recipiat sub pœna maledictionis æternæ, & sanctorum Schismaticorum. &c.* Quid poterat à Concilio enixius decerni, & gravioribus pœnis armari? & tamen, quia Benedicti XIII. Obedientia necdum accesserat, ideoque ea Synodus pro Oecumenica non habebatur, adeò huic Decreto delatum non est, ut & Collegium Cardinalium, & Natio

Hispa-

(a) Ex 4. Codd. MM. SS. apud Schelstr. in dissert. Antwerp. fol. 52.

Hispanica, imò & tres reliquæ Nationes protestatæ sint illud Decretum, aut nullum esse, aut saltem dubiæ auctoritatis; & ex eo sequi, Ecclesiam DEI sine capite & lege futuram esse: sed nec illo Hispanicam Nationem ligari potuisse, quamvis validum foret: nec haberi posse indubitatum Concilium deficiente capite, ad quod pertinet Concilium convocare. Hæc omnia palàm faciunt, non fuisse eo tempore Concilium Constantiense pro certo ac Oecumenico habitum; qui enim certum & Oecumenicum, quod negant esse indubitatum, quod Acephalum dicunt, cujus Decreta invalida, nec illis Nationem Hispanicam ligari volunt, imò turbare Ecclesiam, reddique exlegem? hæc planè non sunt notæ legitimæ & Oecumenicæ Synodi: & hæc si objici poterant sessioni decimæ quartæ, quantò magis sessioni quartæ & quintæ, tot aliàs, ut suprà ostendi, defectibus laborantibus, & in quibus Obedientia Gregorij nondum se reliquo agmini sociaverat? In quatuor Codicibus Manuscriptis (quos Schellstrate edidit in Tractatu Romæ edito) ad Annum 1417. hæc habentur: *His diebus post ejectionem Petri de Luna infra decem dies Cardinales attendentes constitutionem: ubi majus. de elect. in 6. alia jura, & etiam Decreta Concilij super electione Papæ hæc vice, pro qua Concilium decrevit electionem fiendam modo & formâ, loco, tempore & materiâ per Concilium ordinandis, & pœnas terribiles imponit contrarium facientibus, suspenditque omnia jura positiva in illa materia; licet dicti Cardinales non reputarent dicta Decreta valere propter opiniones Doctorum ita dicentium; noluerunt tamen illa publicè impugnare &c. Propter quod fecerunt Protestationes in omnibus Nationibus, mitiores, quàm posuerunt, per quas posset jus eorum conservari, & nullus de Concilio deberet exasperari &c. Et infra: Dictam protestationem fecerunt in qualibet Natione per duos Cardinales & Procuratorem, eum duobus Notarijs Nationis Italianæ &c. Et in alia Protestatione ejusdem sacri Collegij, ac trium Nationum, videlicet, Italianæ, Hispanicæ, Gallicæque. Audite hæc omnes, auribus percipite, qui habitatis Orbem &c. Vos præfatam Venerabilem Nationem pluries & instantè exhortati sunt & requisierunt, quatenus attentis periculis Ecclesiæ sanctæ DEI velletis per vos vel Deputatos vestros cum dictis tribus Nationibus Italianæ, Gallicæ, Hispaniæ, & Cardinales super modo futuræ electionis maximè de electoribus tractare, agere & convenire, quod facere, & super hoc respondere jam multis diebus distulistis, & non fecistis, licet asseratis sine vestro consensu & ordinatione Concilij, super modo, forma, loco, tempore & materiâ non posse ad*

Pppp

dictam

*dictam electionem procedi, obstantibus quibudam hujus Concilij decretis, quibus nos, Hispanica Natio, etiamsi aliàs valida existerent, non ligamur. Et infra: Cum si ante dictam provisionem Ecclesiæ de Pastore, aut saltem modi electionis illius, suppositis hujus Concilij Decretis, quibus omnia jura circa electionem Pontificis edita, dicuntur esse suspensa; ex quo sequetur Ecclesiam DEI esse sine capite, & sine lege & ordinatione electionis Pontificis, hoc Concilium casu aliquo dissolveretur, prout jam multæ causæ timentur imminere; Ecclesia in periculo remaneret, quia vix aut nunquam summus Pontifex Indubitatus possit haberi, quia vix congregaretur indubitatum Concilium deficiente capite, ad quod pertinet convocare &c.*

Ostendit. Sessione 39. præscribitur forma Professionis fidei, quam Romani Pontifices legitime electi facere tenentur in hæc verba: *In nomine sanctæ & Individuæ Trinitatis, &c. Anno à Nativitate Domini, &c. ego electus in Papam Omnipotentis Deo corde & ore profuseor, me firmiter credere & tenere sanctam fidem Catholicam, secundum traditionem Apostolorum, Generalium Conciliorum & aliorum Sanctorum Patrum; maxime autem Sanctorum octo Conciliorum, videlicet primi Nicæni, secundi Constantinopolitani, tertij Ephesini, quarti Chalcedonensis, quinti & sexti Constantinopolitanorum, septimi Nicæni, octavi quoque Constantinopolitani; nec non Lateranensis, Lugdunensis, & Viennensis Generalium etiam Conciliorum, & illam fidem usque ad unum apicem immutatam servare: ritum quoque pariter Sacramentorum Ecclesiæ, &c.* Ecce! enumerat Constantiensis Synodus omnia Generalia Concilia, in quorum fidem jurare oporteat Romanum Pontificem; cur rogo ex omnibus Generalibus Concilijs solum Constantiense omittitur, quod tamen adeò expressè ac nominatim sessionibus quartâ & quintâ decretis fidei à se statuendis Romagum Pontificem illigaverat; id quod à nullo hætenus Conciliorum legimus factum; cur ergo solum Constantiense omittitur, quo nullum magis exprimi debebat? nimirum agnoscebant Patres, Constantiense Concilium, utpote à Romano Pontifice necdum approbatum, dici non posse Oecumenicum, & idèò nec inter Oecumenica reponi debere.

Nondè. Petrus Alliaccensis, qui tractatum de Ecclesiæ, & Cardinalium auctoritate anno 1417. scripsit, hoc est, quando sessio vigesima sexta jam Constantiæ habita, & Obedientia Benedicti se Concilio adjunxerat; parte illius libri primâ cap. 4. dubia aliqua proponit: *Quæ, dicebat, apud nonnullos magnam inducere perplexitatem. Primò an quatuor*

*Nationes*

Nationes in hoc sacro Concilio, excluso Cardinalium Collegio faciant Concilium generale, cum sint plura Concilia particularia valde inaequalia & impropotionaliter divisa, & ad partem deliberantia, quæ deliberatio, exclusâ deliberatione Collegij, & non factâ in communi sessione collatione votorum, videtur multis non esse censenda deliberatio Concilij conciliariter factâ. Secundò an dictæ Nationes, quæ sunt nova Collegia particularia, habuerint à jure Divino vel humano auctoritatem privandi Romanam Ecclesiam, & sacrum Collegium jure suo, habendi scilicet vocem in sacro Concilio, & Summum Pontificem eligendi. Hæc Cameracensis Cardinalis, qui postea adjungit: Hæc à se proponi eo consilio, ut super huius Concilium deliberet, ne in futurum ejus acta improbeantur. Ergo jam tunc temporis apud multos Concilij auctoritas vacillabat, eratque incertum, an pro Oecumenico, legitimoque habendum esset, idque præter alias rationes, etiam ex his capitibus: tum, quod non tam unum Corpus unumque Concilium, quam quatuor & diversæ Congregationes viderentur, ex quatuor Nationibus conflata, idque contra instituta moremque omnium retrò Conciliorum: tum, quia numerus votorum non rectè iniri poterat, aded ut minor pars æquivaleret multò & decuplo majori, quod apertè libertati, exemplo omnium Conciliorum, sacris Canonibus, rectæque rationi adversabatur; Natio enim Anglicana viginti tantum votis constabat; Gallicana & Italica singulæ trecentis, & tamen Anglicanæ vota æquivalabant votis Gallicanæ, cum quælibet Natio pro uno tantum voto computaretur: tum, quia deliberatio, & examen rerum, quæ definiri oportebat, non instituebatur conciliariter, hoc est, in communi omnium Nationum, sed in privatis singulorum Conventibus, quæ dici Conciliaris deliberatio non poterat: quemadmodum in causis, quæ capitulariter decerni deberent, non haberetur pro resolutione Capitulari, quæ in particularibus Capitularium congressibus caperetur, ut si in electione Episcopi v. g. Constantiensis, Suevi, Helveti, Franconesque Canonici in privatis, distinctisque Cœtibus, non in communi conventu sua vota conferrent, præsertim si Helvetorum vota, quæ tantum sunt tria, æquivalere Suevorum deberent, quæ sunt supra viginti: tum denique, quia Cardinales ad deliberandum non admittebantur; quamvis enim non oporteat ad Concilium Oecumenicum omnes Episcopos convenire, oportet tamen nullum excludi, accedere & interesse volentem. Si ergo ex his capitibus, teste Alliacenſi Cardinali, auctoritas Concilij

dubia reddebatur ; quanto id magis de sessionibus quarta & quinta dicendum , cui una tantum Obedientia intererat , & in quam , præter istos , tot alij defectus incurrerant suprà notati ?

*Decimo* addi potest protestatio Galliæ Oratorum *suprà hoc §. ubi agitur de materia 5. Sess.* Et Confirmatur ex dissenſu Caroli VII. *V. hoc §. n. 4.*

V. Si ergo auctoritas Concilij Constantienſis , priusquam à Martino V. confirmaretur , Regi , Senatui & Oratoribus Gallicis , imò Cardinalibus , ipsisque Concilij Patribus aut dubia , aut nulla habebatur , idque invidtis testimonijs à nobis probatum est ; quid tandem præsidij ab hujus Concilij decretis sperare Maimburgus potest ? at celavit hæc omnia , ut cum vincere non posset , saltem abderet veritatem . Sed præter jam dicta aliud adhuc superest , quod illis Decretis validè objiciamus . Nego enim illa in senatu , quem Adversarij volunt , & præsertim Maimburgus , à Martino V. confirmata esse . Nam *Primò* Martinus V. *Sessione 45.* his verbis Concilij Decreta confirmat . *Omnia & singula determinata , & conclusa , decreta in materia fidei per præsens sacrum Generale Concilium Constantiense conciliariter tenere ac inviolabiliter observare volebat , & nunquam contravenire quoquo modo ; ipsaque sic conciliariter facta approbat & ratificat ; & non aliter , nec alio modo .* Hic Martinus ea solum Concilij acta confirmat , quæ ad materiam fidei pertinent , & Conciliariter facta , non verò approbat , quæ ad fidem non spectant , nec sunt conciliariter facta : at talia sunt Decreta quartæ & quintæ sessionum : hæc enim propositio : *Concilium est suprà Papam certum & indubitatum* , non est de fide , alioquin totus ferè Catholicus Orbis , si paucos in Gallia excipias , omnesque Doctores , & Universitates , ipsique Romani Pontifices , qui contrarium scriptis & exemplis docuere , hæretici vocandi essent ; quod utique ne Maimburgus quidem dixerit , quamvis alioquin lati thoracis homo . Ea insuper Decreta non fuisse Conciliariter edita , jam suprà magnis testimonijs & præsertim Spondani Episcopi Galli & Maimburgo commendatissimi ostendimus ; si ergo nec ad fidem spectant , nec Conciliariter sunt facta ; sequitur à Martino V. confirmata non esse . Ubi sciendum est triplicis generis causas in Concilio agitatas esse , videlicet , fidei , Unionis , & Reformationis . Per materias fidei ea in Concilio intelligebantur , quæ contra hæreticos decernebant : & ubi de materijs fidei mentio aliqua in Concilio incidit , semper agitur de ijs , quæ contra

Johan-



Johannem Wicleffum, Johannem Hufi, & Hieronymum Pragensem decreta sunt, nec aliam fidei materiam in hoc Concilio reperies; id quod specialiter in sessione quinta observare licet, cum enim legerentur primum & secundum Decretum (in quibus de auctoritate Concilij statuitur) præmittitur: *Fueruntque pronuntiati articuli & constitutiones sequentes per Reverendum D. Andream electum Poznanensem.* Ubi vides eos articulos, qui de Pontificis & Concilij auctoritate agunt, *Constitutiones*, non Dogmata vocari; hisce verò Constitutionibus perlectis, ubi ad Dogmata perventum, hæc præmittuntur: *Quibus peractis supradictus Reverendus Pater D. Andreas electus Poznanensis in materia fidei, & super materia Johannis Hufi quedam arifamenta perlegebat.* Ubi vides Concilium expresse distinguere inter Constitutiones & materias fidei: & prima illa Decreta, quibus auctoritas Concilij sancitur, ad Constitutiones, non ad Dogmata referri.

*Secundò.* Tanrum abest, Martinum Decreta quartæ & quintæ sessionum in sensu Adversariorum confirmare voluisse, ut ea potius vidente, audiente, nec repugnante Concilio oblitterata & deleta voluerit. Cum enim Poloniæ Legatus Archi-Episcopus Gnesnensis cum eoque Polonica Natio libellum quemdam famosum contra Uladislauum Regem, totamq; Polonicam Nationem à Joanne Falckenberg editum, damnari hæresis cuperent, imò & à toto Concilio ac Cardinalium Collegio damnatus esset; solus obstitit Martinus, negavitque hanc fidei causam esse; cum ergo Poloni ad futurum Concilium à Martino appellassent, Martinus Constitutionem edidit anno primo sui Pontificatus 6. Idus Martij, in qua: *Nulli, inquit, fas est, à supremo Iudice, videlicet, Apostolica Sede seu Romano Pontifice JESU Christi Vicario in terris appellare, aut illius judicium in causis fidei (qua tanquam majores ad ipsius & Sedem Apostolicam deferenda sunt) declinare.* Meminit hujus Constitutionis Joannes Gerson in Dialogo Apologético pro Concilio Constantiensi, & occasione illius Tractatum scribit, *quomodo & an liceat à Summo Pontifice appellare?* Quid poterat Martinus expressius dicere contra Concilij auctoritatem, duobus illis Decretis ex sensu Adversariorum sancitam? Volunt enim illis definitum esse, Pontificem subjacere Concilio; at Martinus superiorem se proficitur. Volunt in causis fidei Pontificem Concilij Decretis alligatum esse; at Pontifex in causis fidei dijudicandis supremam auctoritatem non Concilio, sed sibi competere pronuntiat; nec altius esse tribunal, ad quod liceat appellare.

Quis jam credat Martinum ea Concilij Decreta confirmasse, quæ tam ferid, tamque enixè confutat? idque vidente, audiente, nec repugnante Concilio? Unde facile intelligas, quàm inanis sit Maimburgi cavillatio, asserentis id tantùm Martinum prohibere: *Ne ad Episcopos particulariter sumptos appellari à Pontifice possit, non verò prohibere appellationes ad Episcopos in Concilio congregatos.* Vana responsio, nec causæ, nec veritati idonea. Martinus enim hanc suam de non appellando Constitutionem Appellationi opposuit à Polonis factæ; Poloni verò non ad Episcopos particulariter sumptos, sed ad futurum Concilium appellaverant; hoc ergo, non illud Martinus prohibuit; & idèd Johannes Gerson Tractatu, *quomodo & an liceat à Pontifice appellare*, omnem lapidem movet, ut ostendat, eam Martini Constitutionem Decretis Synodali-  
bus repugnare: at non repugnasset Decretis Synodali-  
bus, si tantùm prohiberet Appellationem ad particulares Episcopos, & Romanum Pontificem singulis tantùm Episcopis præponeret; id enim Decreta Concilij nunquam statuerant, quæ, cum Pontificis auctoritatem circumscribunt, non eam singulis aut particularibus Episcopis, sed toti Concilio submittunt.

Tertid. Id quoque Henricus Spondanus Episcopus Apamien-  
sis ingenue professus est, cui utpote Gallo, notæque pietatis, ac Regibus charo, nec partibus addicto, fidem meritò adhibeas. Is verò ita loquitur: (a) *Ea quæ ambigè decrèta fuissent de auctoritate Concilij supra Pontificem, & de potestate reformandi Ecclesiam tam in capite, quàm in membris, absolute ut sonare videntur, sumpta, nullo modo Martinus agnoscere, aut approbare voluit, utpotè contraria existimata, & praxi antiquioris Ecclesie, & collata à Christo Domino potestati, ipsique demum naturæ rei, quâ caput debet membra regere, non regi à membris.*

Dices: Martinus in Bulla confirmatoria approbat, & confirmat omnia Fidei Decreta contra Wicleffum tanquam à vero, & sacro Concilio edita; & tamen quo tempore edita sunt, nondum accesserat obedientia Benedicti.

Resp. Duæ Obedientiæ postquam Concilio unitæ sunt, omnia Fidei Decreta prius à Concilio edita, receperunt, & approbârunt, & ideo totius Concilij erant: nec umquam Martinus pro tempore, quo nondum aliæ Obedientiæ accesserant vocat *Concilium Oecumenicum*, sed absolute

(a) Spondan. ad Annum 1414.

absolutè Concilium. Unde cautè Martinus in articulis super quibus pœnitentem hæreticum interrogari jubet, *utrum credat, quod illud, quod sacrum Concilium Constantiense universalem Ecclesiam representans approbavit & approbat in favorem fidei, & animarum, non dicit tantùm approbavit, sed approbat*; idque in materijs fidei, reformationis morum de tollendis expectativis, ne Prælati transferantur inviti &c.

Dices: Ergo non approbavit depositiones Joannis, Gregorij, Benedicti, modum suæ Electionis (quæ facta est per Deputatos Nationum à Concilio.) Resp. Approballe ipso facto, cum se pro Pontifice gessit, Bullas expeditiv &c.

VI. Superest jam, ut ad plenam dictorum Synodi Decretorum intelligentiam ostendamus, Patrum Constantiensium mentem sensumque non fuisse, ut Concilij auctoritatem in omni casu, omniq[ue] tempore Pontificiæ prælatam vellent, sed solum in casu Schismatis, dubijque Pontificis. Id verum, certumque esse ex sequentibus discẽ.

Nam primò quoties Concilium de hac re loquitur, semper verba & Decreta sua ad casum Schismatis restringit. Sessione 4. *Hæc sancta Synodus Constantiensis faciens pro extirpatione præsentis Schismatis & nomine ac Reformatione Ecclesiæ DEI in capite & in membris fienda.* Et infra: Et primò quòd ipsa Synodus in Spiritu sancto congregata generale Concilium faciens, Ecclesiam Catholicam militantem representans potestatem à Christo immediatè habet, cui quilibet, cujuscunque statùs vel dignitatis, etiamsi Papalis existat, obedire tenetur, in his, quæ pertinent ad fidem & extirpationem dicti Schismatis &c. Et Sessione 5. Et primò declarat, quòd ipsa immediatè à Christo potestatem habet, cui quilibet, etiamsi Papalis dignitatis existat, obedire tenetur in his, quæ pertinent ad fidem, & extirpationem dicti Schismatis, Reformationem Ecclesiæ in capite & in membris. Et infra: Item declarat, quòd quicunque cujuscunque dignitatis, etiam Papalis, qui mandatis, statutis, seu ordinationibus hujus sacrosanctæ Synodi, aut cujuscunque alterius Concilij Generalis legitime congregati super præmissis, aut ad ea pertinentibus, factis, vel faciendis &c. Observa sermonem semper esse de solo Concilio Constantiensi, quando nullus certus Pontifex, & obstinatum Schisma Ecclesiam dividebat; cum verò de alijs Concilijs Generalibus mentio fit; adjicitur continuò clausula restrictiva, videlicet: *Super præmissis seu ad ea pertinentibus.* Quæ verò sint illa præmissa, constat ex antecedentibus verbis: *Hæc sancta Synodus Constantiensis Generale*  
Con-

## 638 Dissert. III. §. IV. Respondetur argumentis

*Concilium faciens pro extirpatione ipsius Schismatis, & Unione, & Reformatione Ecclesiæ DEI in capite & in membris &c.* Nulla ergo Concilij in Pontifices potestas, nisi cum agitur de extirpando Schismate, & Unione Ecclesiæ, & consequenter in casu dubij Pontificis. Si enim absolutè, omnique casu Concilium sit supra Pontificem, cur rogo Patres Constantienses toties, tamque repetitis verbis hanc potestatem restringunt, aut ad Concilium Constantiense, aut ad casum præsentis Schismatis? quis nescit clausulas præsertim sæpius repetitas operari aliquid debere? & inclusionem unius esse exclusionem alterius? Planè & Concilij, & veritati injuriam fecere, si quod semper Concilij licet, ipsi ad unum casum restrinxerint; quemadmodum si petenti facultatem comedendi carnes in Quadragesima, Pontifex aut Episcopus rescribat: *Concedo, ut possis ter in hebdomade carnibus nesci*; nemo dubitabit pluries non licere; cur enim si semper licere voluissent, ad ternas vices licentiam restringerent?

*Secundò.* Cum Synodus Constantiensis deponere Joannem vellet, nec tamen id satis auderet defectu potestatis; primò illum Schismatis & hæresis accusarunt, quòd scirent hoc uno delicto moveri Pontifices posse, idque sacris Canonibus sancitum: sed cum id non procederet, nec probari posset monente in publico congressu Cardinale S. Marci: (a) *Ut attenderet Concilium, quod Procurator Concilij proposuerat crimen hæresis, & fautoriam Schismatis, & alia quædam non constare.* Patres omisâ hæresis accusatione, collatisque cum Sigismundo Imperatore sacroque Collegio consilij, censuerunt illud superesse, ut Pontifex in sententiam à Concilio ferendam consentiret, ac spontè renunciaret: delectique quatuor Cardinales, inter quos Florentinus & Cameracensis, qui hâc legatione fungerentur, moverentque Joannem: & latâ jam in eum sententiâ, repetita Legatio est, annuitque Joannes utrique Legationi. Audi acta ipsius Concilij. Statim Rex, Cardinales & Deputati, pluresque trallaverunt materiam, quòd Papa consentiret sententiæ suæ depositionis, & ex abundanti renunciaret. Et infra: Ordinarum suis, quòd Cardinales de Urbinis, Cameracensis, de Thalamo, Salutiarum, & Florentinus irent ad Papam. Et infra post latam sententiam. (b) *Concilium misit ad Papam, & Papa sententiæ acquievit, & ex abundantia renunciavit in forma præ-*

(a) Gesta Constantiens. ex 4. MM. SS. Codd.

(b) Ex iisdem MM. SS. 14. Maji 1415.

*prædictæ schedulæ.* Forma autem à Concilio missa inter alia hæc habet: Porro si omnino dictum sacrum Concilium vult procedere ad sententiam, scilicet amovendo eundem Dominum Joannem à Papatu, affirmat, quòd non vult reclamare, nec reclamabit contra dictam sententiam proferendam, quin imò ipsam ratificabit & approbabit, & eandem acceptabit, & in quantum in se fuerit, confirmabit &c. Et in instrumento Concordatorum Narbonæ inter Regem Romanorum & Legatos Concilij ex una, & Obedientiam Benedicti ex altera partibus. Dominus, qui Gregorius XII. in sua Obedientia dicebatur, sua sponte cessit. Sic & Dominus, qui Joannes XXIII. dicebatur, facere voluit atque fecit. Ubi vides Joannis exaudivit non sententiæ Concilij tribui, sed spontaneæ cessioni. Si ergo Concilium Constantiense ne dubium quidem Pontificem, & tempore schismatis est ausum, nisi prius hæresis notatum, & hæc non probatâ, nisi consentientem, approbantem, suoque jure ac sponte cedentem, quantò minus id auderent in Pontificem verum & legitimum, & planè indubium? quantoque minus decreta quartæ & quintæ sessionum extendi ad hunc vellent?

*Tertiò.* Post trium Obedientiarum Unionem, novum inter Patres certamen est ortum, quo diù multumque collisi sunt. Volebant tres Nationes, Hispanica videlicet, Italica & Gallica, & cum istis Cardinalium Collegium, non prius de Reformatione sermonem fieri, quàm certus & indubius Pontifex eligeretur; quippe præcipuam, maximeque necessariam Reformationis partem esse, si schisma tolleretur: tolli autem non posse, nisi certo Pontifice, hunc ergo ante omnia eligendum. At Natio Germanica præmitti volebat morum reformationem in capite & in membris, quâ etiam Pontifex teneretur. Post longum certamen vicit trium Nationum sententia, cessitque Germanica, eâ tamen conditione: Ut à Concilio expediretur asscuratio, & cautio per Decretum irritans, quòd post electionem Papæ fieret Reformatio ante Coronationem Papæ, & administrationem aliquam. Quâ postulatione Germanorum audita, perpensaque, subjungunt acta: (a) Postea fuerunt factæ diversæ formæ, ac tandem fuit dictum, quòd Papa electus ligari non potest. Hic aperte suam mentem Concilium explicavit: nam sessione quartâ & quintâ

Qqqq

ageba-

(a) Ex 4. MM. SS. Codd. apud Schellstr. fol. 268. & habetur in protestatione trium Nationum contra Nationem Germanicam ante sessionem 40. die 11. Septemb. Anno 1417.

## 640 Dissert. III. §. IV. Respondetur argumentis

agebatur de Pontifice dubio ; quippe tres Pontifices Ecclesiam in diversas partes scindebant, & ideo definitum est, subjacere Pontifices Conciliorum Decretis. Ubi autem de vero & indubitato Pontifice actum, ingenuè Patres profitentur : *Electum Pontificem ligari non posse*. Quid clariùs dici poterat ? si enim crederent, Concilij potestatem etiam in verum & indubitatum Pontificem extendi, idque Decretis quartæ & quintæ sessionum sancitum esse, quid morantur, renuuntque electo Pontifici leges statuere, & nisi observet, pœnas, depositionem ac alia minari, quæ in tres dubios Pontifices experti sunt ? *Non potest*, inquit, *electus Pontifex ligari*. At Johannem, Benedictum, Gregorium ligastis, cur non etiam Martinum ? Quia videlicet de hoc constabat legitimum esse, non verò de illis. Patet ergo ex hoc Nationum responso, quæ fuerit Concilij mens de potestate in verum, certumque Pontificem, eum videlicet Concilio ligari non posse. Et ideo in Decreto sessionis 45. à quinque Nationibus Conciliariter edito statuitur : *Ut Romanus Pontifex proximè assumendus Ecclesiam in Capite & membris reformet*. Nulla tamen, ut sessionibus quartâ & quintâ, addita pœna ; quia videlicet sentiebant, verum certumque Pontificem nullius Concilij potestati coactivæ subjacere, & ideo contrâ quàm Germanica Natio postulaverat, nullam pœnam nolenti præfigunt. Quod etiam discrimen inter certum, dubiumque Pontificem egregiè observatum est sessione 39. ubi enim sermo est de vero & indubitato Pontifice, statuitur quidem, ut singulis quinquennijs Concilium indicat, nullâ tamen omittentis pœnâ : sequenti verò paragrapho, ubi agitur de tempore & casu Schismatis, dubioque Pontifice, gravissimæ pœnæ, ac etiam privatio Papatûs negligenti statuuntur ; certum igitur est, nec negari potest, aliam fuisse Concilij mentem circa dubium, aliam circa certum indubitatumque Pontificem.

*Quarto.* Sessione ultimâ in Bulla Martini sacro approbante Concilio edita contra hæreses Wicleffi & Husij expressè dicitur : *Papam Canonicè electum supremam in Ecclesia DEI habere potestatem*. Atqui non haberet supremam, si potestati Concilij subjeceretur ; nemo enim dixerit, in Republica Romana, aut alia Democratica supremam potestatem esse penès Consulem aut Ducem, sed penès Comitum Popularem.

*Quinto.* Eandem Pontificis auctoritatem manifestè ostendit Constitutio Martini V. prohibentis libellum Johannis à Falckenberg hæresis damnari

damnari (quem tamen totum Concilium damnaverat) & pronuntians, non posse à Pontifice ad Concilium appellari, supremumq; in causis fidei tribunal esse penès Pontificem, non Concilium, idque audiente, nec contradicente Concilio, de quo suprà. V. infrà Dissertat. 111. §. 5. n. 4. Object. 6.

*Sextò.* Concilium Constantiense electo semel Martino, nihil amplius, ut ante Electionem statuit, definivit, prohibuit, nec amplius usum est eo titulo, quem ante Electionem omnibus ferè Decretis præficebat: *universam Ecclesiam representans &c.* Sed omnia nomine *Electi* Pontificis expedita sunt, *sacro tantum approbante Concilio*: agnovit ergo Concilium se infra Papam esse (major enim potestas non cessat præsentente minori) ac tantum tempore, & casu schismatis suprema auctoritate functum. Sic Minor præsentente Majori, Legatus præsentente Principe falsos, titulos, & insignia deponit.

*Septimò.* Decreta quartæ, & quintæ Sessionis necessitatem, quæ Pontifex obstringitur, ut Concilio obediat; semper restringunt ad *extirpationem Schismatis, & Reformationem in Capite & membris faciendam*, non ergo possunt intelligi de Pontifice certo, sed tantum de Pontifice dubio: *tum* quia ubi Pontifex est certus, non potest esse casus schismatis; aut si esset, injustissimum foret propterea Pontificem certum jure suo, & Pontificatu privare. *Tum* quia Depositio Pontificis certi, non serviret ad tollendum schisma, aut Deformationem tollendam, sed potius ad schisma formandum, ac penitus deformandam Ecclesiam. Pontifex enim certus semper habebit aut magnam, aut etiam majorem partem Ecclesiæ, quæ illi adhæreat; idque experientia docuit, unde enim pertinax illud quinquaginta annorum Schisma, & aliud Basileense, quibus Ecclesia penè destructa est, nisi ab usurpata auctoritate invitos Pontifices judicandi, aut etiam deponendi? & ideo nullum in Ecclesia exemplum reperies, quo ostendi possit, Pontificem verum & indubitatum, quamvis alioquin pessimis moribus, fuisse à Concilio judicatum, nisi volentem, suoque jure cedentem; & Basileensium facinus in Eugenium IV. rotus Orbis detestatus est; Joannem verò XII. quod attiner, intrusus is fuerat. Cum ergo potestas judicandi, & deponendi Pontifices certos, & indubitatos, non pertineat ad tollendum Schisma, summamque deformationem totius Ecclesiæ, quæ ex schismate necessario enascitur; sequitur Decreta 4. & 5. Sessionis, non esse de certis,

& indubitatis Pontificibus intelligenda. Hanc rationem optimè agnoverunt, & professi sunt tres Nationes, Collegiumq; Cardinalium in Concilio Constantiensi die 5. Septemb. Anno 1417. contra Nationem Germanicam: *Si Reformatio, inquit, facienda est de deformatis, quæ major & est, & esse potest in Corpore deformis, quam carere capite? Illa igitur prior tanquam magis necessaria debet esse Reformatio, quæ corpus ipsum ad caput reformet.* Velle igitur Pontificem certum judicare, aut deponere ad extinguendum Schisma, & reformandam Ecclesiam; perinde est, ac velle amputare caput ad sanandum corpus; aut oleum igni affundere ad extinguendum incendium. Imò nec per Concilium Constantiense schisma omninò extinctum est, ultima enim Sessio habita est Anno 1418. & Benedictus XIII. usque ad annum 1423. Papatum retinuit, licet pauci in Regno Arragoniæ eum agnoscerent; & defuncto successit Gilles Mugnos Canonicus Barcinonensis sub nomine Clementis VIII. quem Martino V. Alphonsus M. Rex Arragoniæ cum magna Hispaniæ parte opposuit; duravitque usque ad annum 1429. quando sponte renunciavit; ergo post Concilium Constantiense Schisma annis 11. Multo minus Concilium Pisanum Schisma extinxit, imò auxit, pro duobus incertis Papis tribus existentibus. Præterea inter non minimas causas, ob quas Universitas Parisiensis urgebat Electionem Martini, & aliorum Pontificum depositionem, ea fuit, quod durante schismate, & dubio, quis verus Papa, interim Episcopi vacantibus Beneficijs gaudebant, aut conferebant præteritâ Universitate, quæ propterea se ad incitas redigi vehementer querebatur. V. Maimb. in Magno Schism. Occid. f. 412. & 414.

*Ostendit.* Concilium Florentinum in Bulla *Moses vir Dei* edita in publica Sessione, hoc est 26. seu ut alij volunt 6. (ut notat Spondanus ad annum 1439. n. 35.) Basileenses quibusdam Decretis, licet per unam tantum obedientiam Constantiæ editis, inhærere se dicentes, tres propositiones protulerunt, quas velut Sacræ Scripturæ, & Sanctorum Patrum & ipsius Constantiensis Concilij sensui contrarias tanquam impias, & scandalosas &c. ipso sacro approbante Concilio damnatus &c. Constat ergo testimonio totius Oecumenici Concilij doctrinam Adversariorum repugnare Concilio Constantiensi.

Et hæc sunt, quæ circa quartam & quintam sessiones monenda censui, quæque apud doctissimum Schelstratum fusiùs deducta reperies;



ego enim, ut candidè veritatem profitear, neminem credo magis de veritate in hac causa meritum esse; quippe nullà re magis quàm auctoritate Concilij Constantiensis gloriabantur Gallici Antistites, & tamen hoc illis Palladium Schelstratus eripuit: quod nemo ante illum; effecitque ut acta Concilij Constantiensis magna ex parte, Basileensium artibus sepulta, in lucem erumperent, & veritati testimonium ferrent. Superest nunc, ut quæ istis Maimburgus objecit, diluamus.

## §. V.

Respondetur ad reliquas Maimburgi Objectiones.

## S U M M A R I A.

1. Respondetur ad ea, quæ Maimburgus Codicibus Manuscriptis opponit.
2. Et ad Gersonis Auctoritatem.
3. Et ad Concilij Pisani.
4. Et ad argumentum ex titulo Oecumenici Concilij sumptum.

## I.

**O**pponit 1. (a) Manuscriptos Codices, ex quibus multa hactenus testimonia deducta sunt; non posse actis Concilij Constantiensis jam editis, & ducentorum annorum possessione probatis, quidquam præjudicare; quidquid ergo ex illis productum est, infirmæ fidei, ac vacillantis esse.

*Resp.* Nihil apud eruditos est novi, si ex antiquis ac indubitatis Manuscriptis multa suppleantur, aut suppressa, aut inobservata, & typis omissa; hinc est, ut in omnibus Bibliothecis tanta sit cura, & pretium manuscriptis ac ineditis libris; & in Gallia præsertim, nihil ferè Eruditis solemnius, quàm ut hujusmodi documentis veritatem illustrent; hinc tot illa spicilegia, mantissæ, fragmenta, Observationes, ex quibus Sirmondus, Balluzius, Labbeus, Duchesne, Monachi S. Dionysij, alijque suos libros, novasque Sanctorum Patrum, & Conciliorum editiones instruxerunt. Ipse Maimburgus hujusmodi an-

Qq99 3

tiqui-

(a) Maimb. Traittè histor. ch. 22. fol. 197.

## 644 Differt. III. §. V. Respondetur ad reliquas

tiquitates quoties ostentat? & præsertim libro secundo magni Schismatis Occidentis, ubi cum in favorem Clementis VII. per 4. integra folia pretium cujusdam manuscripti jactasset, suamque in eo consequendo felicitatem; non contentus ejus manuscripti auctoritate Clementis electionem Urbani præferre, ac insuper Monachum S. Dionysij, Juvenalem de Ursinis, ipsumque Spondanum præstantissimos scriptores erroris ac negligentiae damnasse, adjungit ista pompæ ac magnificentiae plena: *Se quidem eloquentiâ stylique elegantiâ superari ab alijs potuisse, fidem verò, ac diligentiam quod attinet, nemini palmam concedere.* Si ergo Maimburgus tantum manuscriptis suis tribuit, ut eorum auctoritate & Pontifici tiaram, & præclarissimis scriptoribus fidem adimat, se verò illis omnibus præponat; quid tandem offendere illum posset; si nos non uno tantum, sed pluribus, sibi que planè conformibus manuscriptis nixi, nullo aut nostro lucro, aut aliorum damno, ea tantum suppleamus, quæ Constantiensis Concilio defunt? aut qui Codices majorem fidem merentur, quàm quibus stylus, character, antiquitas, ac locus ipse fidem conciliat? constat enim omnia Conciliorum acta Romam mitti solita, quod, ut alia omittam, de Nicæna prima & octava Synodis ex (a) actis ipsorum Conciliorum, & Anastasio certum est. Et planè in nullo Concilio major necessitas recurrendi ad Autographa Codicesque manuscriptos, ut in Constantiensis; hoc enim jussu Patrum Basileensium typis vulgari cœptum est; quippe cum auctoritatem suam apud plerosque contemptui esse viderent, ut eam casui vicinam fulcirent, ac Cathedram Petri, quam suis non poterant, alienis viribus concuterent; Synodi Constantiensis typis evulgandæ consilium cœpere. Delecti ad hoc opus Cardinales duo, totidemque Episcopi & Doctores, & Archidiaconus Zagabrienfis, qui Synodi Decreta ex actis Constantiensibus extraherent. Id ab illis perfectum Anno 1442. & Codex, quem conscripserant, bullâ plumbeâ, filoque serico firmatus, & à Deputatis subscriptus, Ex hoc aliud exemplar Johannes Hober ex Inderdorff manu propriâ descripsit, quod cum Originali convenire testatus est Matthias Strinbach; & Anno 1499. hoc ipsum exemplar typis mandatum est in Imperiali oppido Hagenovv, & deinceps aliæ editiones omnes, quæ cum auctores habuerint ipsos Basileenses, Pontifici

(a) V. Acta Concil. Nicæn. lib. 3. & Turrian. præf. in Canon. Syn. Nicæn. & Anastas. præfat. ad 8. Synod.

tifici Romano hostes implacatos, primum est videre, quanta necessitas fuerit manuscriptos Codices consulendi, credendique, libenter ab ijs ea omnia omiſſa, quæ Pontifici favere possent. Nec obstat, quod de longa possessione memorat Maimburgus; nullo enim tempore veritati præscribitur; alioquin Americam, Brasiliamque negabimus repertas esse, quia olim invisas, occultasque: quod si tempus nihil obfuit quærentibus terram, cur obſit quærentibus veritatem? & ideo eleganter Tertullianus lib. de præscriptionibus: *Sempiterna quadam res est veritas, cui nemo præscribere potest; non spatium temporum, non patrocinia Personarum, non privilegia Nationum.* Et S. Augustinus in Psalm. 61. *Licet veritas latere potuerit, vinci non potuit.*

II. Opponit 2. (a) Auctoritatem Joannis Gersonis doctrinâ & pietate celebris, qui in sermone coram Concilij Patribus habito secundâ post Epiphaniâ Dominicâ hæc habet: *Huic veritati ( loquitur de Decretis quartæ & quintæ Sessionum ) fundata supra petram sacre scripturæ quicquid à proposito detrahis; cadit in hæresin jam damnatam, quam nullus unquam Theologus, maxime Parisiensis & sanctus asseruit. Vidi nuper sanctum Thomam & Bonaventuram; hic reliquorum libros non habeo; dant supremam & plenam summo Pontifici potestatem Ecclesiasticam: rectè procul dubio, sed hoc faciunt in comparatione ad fideles singulos, & Ecclesias particulares. Dum etenim comparatio faciendâ fuisset ad auctoritatem Ecclesiæ Synodaliſter congregatæ, subjeciſſent Papam, & usum potestatis suæ eidem Ecclesiæ tanquam Matri suæ &c. Constat ergo testimonio Joannis Gersonis, Concilij mentem & sententiam fuiſſe, etiam legitimum & indubitatum Pontificem ( talis enim eſſe debet, cui singuli fideles, & particulares Ecclesiæ obedire tenentur ) Concilio Oecumenico subjacere.*

Reſp. Multa reſponderi poſſunt ad Gersonis auctoritatem; nam primò quæro ex Maimburgo, an Gersonem talem eſſe putet, cui fides neceſſariò adhiberi debeat? & an ipſe paratus quoque ſit eam fidem illi præſtare, quam à nobis exigit? ſi negat, fruſtra nobis eam auctoritatem obſtat, quam ipſe contemnit, rejicitque. Si affirmat, ergo concedere debet, eſſe in Pontifice Romano indirectam in Reges & Regna potestatem, poſſe etiam Principes Eccleſiaſticos & ſæculares privatâ auctoritate occidi; utrumque enim Gersonius (b) docuit, &

tamen

(a) Maimb. Traitté hiſtor. ch. 13. fol. 103.

(b) Gerson parte 4. ſerm. de pace & Unit. Græcor. confiſ. 5. & par. 2. in Regul. Moral. de præcept. Decalogi, & opuſc. contra Adulator. confiſ. 7.

tamen Maimburgus utrumque negat, non ergo auctoritas Gersonis tanta est, quam reculare non liceat, etiam exemplo Maimburgi; & planè Gersonem nimio Zelo, quo sui temporis abusus & flagitia persequeretur, extra iusti, rectique limites abreptum esse, ne illi quidem negant, qui ejus patrocinium maximè susceperunt. Nihil ergo auctoritas Gersonis convincit, præsertim tot alijs auctoritatibus oppressa.

*Secundò.* Idem Gerson hæresis damnat contrarium opinantes; id verò manifestè falsum est etiam confessione adversariorum: alioquin omnis Hispania, Italia, Polonia, Germania ac tota fere Europa hæresis damnanda; hæretici etiam tot illi sancti & Doctores, & integra Regna, quæ Gregorio, & Benedicto adhærebant, quique Decreta illarum sessionum nunquam pro legitimis agnovère. Qui ergo fidem habeamus erudito quidem pioque Doctori, sed nimio, cæcoque impetu toties labenti?

*Tertiò.* Ejusdem farinae est, quod subjungit idem Gerson, sententiam nostram, quæ Concilium Papæ submittit, à nullo Theologorum & sanctorum traditam esse. An ergo in Obedientia Gregorij & Benedicti, quæ magnam Christiani Orbis partem complectebatur, nulli sancti, & Theologi, qui vel hanc ipsam ratione Constantiensis Concilij Decreta respuebant, quod dicerent, nihil Concilij in Pontifices licere? & tamen dubij illi erant, incerti quæ, quid de indubijs, certisque Pontificibus dicerent? An vero in Nicæna, Ephesina, Chalcedonenſi, Lateranenſi, Lugdunenſi Synodis nulli sancti, nulli Theologi erant? & tamen isti omnes pro summis Pontificibus pronuntiârunt, ut alibi (a) ostendimus. An verò Bonifacius, Gelasius, Symmachus, Nicolaus, Cyrillus, Damasus, Athanasius, Isidorus, Bernardus, alijque, qui Pontifices Concilio prætulère, sancti non erant?

*Quartò.* Faterur Gerson in allegatis verbis, à se in præſenti controverſia nullum alium Auctorem præter Thomam, & Bonaventuram lectum esse, defectu librorum, qui ad manus non erant; & verò nullum esse à Gersone lectum infallibili argumento est, quod nullum neque ex Patribus, neque ex Concilij testimonium citat; nec verò in re tam magni momenti, tamque à multis etiam in Concilio impugnata citare omiſſet, si quis Gersoni faveret, quod etiam observabis circa quartæ & quintæ Sessionum Decreta: quæ ergo major negligentia fingi

(a) V. Reg. Sacerd. à fol. 348. & à fol. 433. Edit. 1693.

finxi potuit, quàm in re tanta, interquæ summa Ecclesiæ capita ver-  
tente, ex solo impetu privati affectûs, nullo teste, nullâ lege, nullo-  
que antiquitatis, Patrumque examine festinare sententiam, & Pontifi-  
cem eâ ratione damnare, quâ nec privatum hominem licuisset? Nullum,  
inquit, legi præter Bonaventuram, & Thomam: & tamen assero sententiam  
contrariam, quæ Pontifici sævet, à nullo Theologo<sup>1</sup>, nulloque sancto doceri;  
imò hæreticam esse. Ignosce mihi Gerson, non sunt hæc verba Parisi-  
ensi togâ, tantoque digna Doctore, humani aliquid & passus, & quod  
ratio non debuit, impetus edixit. Si nullum præter Thomam & Bo-  
naventuram legisti, unde ergo tibi constar, sententiam, quæ Pontifi-  
cem Concilij præfert, à nullo Theologo, nulloque Sancto doceri?  
num ergo sciri potest, quid Theologi, quid Sancti doceant, si eorum  
libros non legeris? quo ergo fundamento asseris, quod ignoras? do-  
ces, quod non didicisti? si ergo legisses, quæ Gelasius scripserat, vi-  
delicet: (a) Sanctæ memoriæ Flavianum Pontificum Congregatione damna-  
tum pari tenore, quoniam Sedes Apostolica non consensit, absolvit, ac pro ve-  
ritate fidei, ut Synodus Chalcedonensis fieret, sola decrevit. Et Nicolaus  
primus: Non ergo dicatis, in causa pietatis non eguisse vos Romanæ Eccle-  
siæ, quæ collecta Concilia suâ auctoritate firmat, & suâ moderatione custodit.  
Unde quadam eorum, quia consensum Romani Pontificis non habuerunt, va-  
letudinem perdididerunt &c. Et Bonifacius: Nunquam etenim licuit, de eo-  
rursus, quod semel statutum est ab Apostolica Sede, tractari. Et Cœlesti-  
num in Commonitorio seu Instructione Legatis ad Concilium Ephesi-  
num dato: Instructiones, quæ vobis traditæ sunt, hoc loquuntur, ut Con-  
ventui interesse debeatis. Si ad disceptationem ventum fuerit, vos de eorum  
sententijs judicare debeatis, non subire examen &c. Hæc inquam & alia  
multa, quæ alibi notavimus, si Gerson legisset, nunquam utique scri-  
beret, sententiam, quæ Romanum Pontificem Concilij præfert, à  
nullo Theologorum, & Sanctorum traditam esse.

Quintò. Sed multò gravius hallucinatur Gerson, minorique ve-  
niâ, quando allegans sanctorum Thomæ & Bonaventuræ auctori-  
tatem, dicit eos loqui de Summo Pontifice cum Ecclesijs singulis & particu-  
laribus, non verò cum omnibus Episcopis in Synodo congregatis; Id verò tam

Rrrr

apertè

(a) S. Gelasius epist. 13. Nicolaus primus epist. 8. S. Cœlestinus in Commo-  
nitorio apud Basilium ex Cod. Colbertino, & ex Cod. Romano apud Schel-  
stræt. in dissert. Romana tol. 87.

apertè falsum est, ut oporteat nec eos quidem à Gersone lectos esse; aut si legit, aded fuisse averso, occupatoque animo in tunc temporis Pontifices, ut ne ad ea quidem, quæ legebat, animum adverteret. Audi utrumque S. Doctorem. Sanctus ergo Thomas in 2. 2. q. 1. art. 10. in C. ita loquitur: *Ad illius auctoritatem pertinet finaliter determinare ea, quæ sunt fidei; ut ea ab omnibus inconcusâ fide teneantur: hoc autem pertinet ad auctoritatem Summi Pontificis, ad quem majores & difficiliore Ecclesiæ quæstiones deferuntur; & hujus ratio est, quia una fides debet esse unius Ecclesiæ, quod servari non posset, nisi quæstio fidei de fide exorta determinetur per eum, qui toti Ecclesiæ præest.* Et idè ad solam auctoritatem Summi Pontificis pertinet nova editio Symboli, sicut & alia omnia, quæ pertinent ad totam Ecclesiam, ut congregare Synodum &c. Et ad 2. Unde pertinet ad Summum Pontificem, cujus auctoritate Synodus congregatur, & ejus sententia confirmatur. Hic clarum est, sanctum Doctorem loqui non de Ecclesijs particularibus, sed de tota & Universalì Ecclesiâ, & etiam Universalibus Synodis, tum quia expressè loquitur de Synodis, earumque Confirmationibus: tum etiam, quia loquitur de articulis Fidei, deque Symbolis fidei, quæ ut patet, non tantùm ad singulas & particulares Ecclesias, sed etiam & maxime ad Synodos Universales pertinent: tum denique, quia dicit, *finalem determinationem fidei ad Romanum Pontificem, eumque solum pertinere*; at utrumque falsum est, si Concilium sit supra Pontificem; tunc enim finalis determinatio ad Concilium pertinebit. Clara est ergo sententia S. Thomæ. Idem q. 10. de Potent. art. 4. ad 13. Ita etiam Romanus Pontifex hoc suâ auctoritate potest (hoc est, interpretari Symbolum) cujus auctoritate solâ Synodus congregari potest, & à quo sententia Synodi confirmatur, & ad ipsum à Synodo appellatur, quæ omnia patent ex Gestis Calcedonenfis Synodi. Hic S. Thomas Summum Pontificem expressè cum Synodo Oecumenica comparat, ut patet exemplo Synodi Chalcedonenfis, quam allegat, & tandem eundem Pontificem Synodo majorem facit, dum scribit: *A Concilio ad Pontificem appellari.* Et in Opusculo 19. contra impugnantes Religionem: *Sancti Patres in Concilijs congregati, nihil statuere possunt, nisi auctoritate Summi Pontificis interveniente, sine qua nec Concilia celebrari possunt.* Si Concilia nihil statuere possunt sine auctoritate Summi Pontificis, ergo certum est; majorem esse Summi Pontificis, quàm Conciliorum auctoritatem; major enim potest statuere sine consensu minoris,

noris, Princeps videlicet sine consensu Senatûs, Episcopus sine consensu Vicarij, aut Synodi Diœcesanæ. Ex quibus luce meridianâ clarius est S. Thomam non solum Ecclesijs particularibus, sed etiam Synodis Universalibus Summi Pontificis auctoritatem præferre. Ex quibus placeat Lectori duo observare. Primum, quantum noceat cognoscendæ veritati, animum asserre alienis opinionibus jam semel imbutum, occupatumque. Nemo negaverit, fuisse Gersonem selectæ doctrinæ & pietatis, & tamen quia jam semel opinionem imbiberat Pontifici adversam; idque, ut persuasum omnino habeo, Zelo Ecclesiæ adjuvandi, ambitione trium Pontificum miserè collisam; adeo illius animum hæc tinctura corrumpit, ut cum Divos Thomam & Bonaventuram ante oculos haberet, legeretque, non tamen eos intellexerit, imò in sensus detorserit eorum menti adeo contrarios, ut nemo non errorem observeat: ergo ut natura omni colore pupillam nudavit, quod omnes colores caperet; ita seponenda est omnis opinio veritatem captanti. *Secundò.* Nec minus quoque observatione dignum est, quam parvâ curâ, studioque hæc quæstio in Synodo Constantiensi agitata fuerit; nec tam ad momenta veritatis, quam ex animorum affectu, impulsuque decisa: si enim Gerson, Ros Gallicanæ Sapientiæ, & ex cuius ore Galli omnes pendebant, quiq; in Constantiensi Synodo omnem paginam implebat, si is, inquam, nullos alios præter Thomam & Bonaventuram in hac quæstione legerat, & istos tam malè intellexit, ut ne quidem legisse videatur: quid rogo de alijs Patribus dices, minus Gersonem eruditiss, minus pijs, minusque lectioni addictis? Unde semper magis magisque verum apparet, quod superius probaveram; videlicet, Decreta quartæ & quintæ sessionum sine examine & deliberatione sufficienti, ac tantæ materiæ pari fuisse in Concilio vulgata. S. Bonaventura suam mentem his verbis expressit: *Summus verò Pontifex, penès quem prima in terris residet auctoritas, non à Rege, non à Principe seculari, non ab homine judicatur, sed solius DEI reservatur arbitrio.* Si prima in terris auctoritas penès Summum Pontificem residet, ergo non penès Concilium: si à nullo hominum judicari potest, sed solius DEI reservatur arbitrio, ergo à Concilio non potest judicari, multoque minus deponi, alioquin non solius DEI arbitrio reservaretur.

III. *Opponit* 3. (a) Hanc quæstionem de superioritate Concilij in Concilio Pisano, ubi primum agitata est, fuisse decisam; in Concilio verò Constantiensi adeò maturè exactèque discussam, ut nulla magis, quippe toto ferè Concilij tempore in Congressibus ac Disputationibus in Concilio habitis tam ante, quàm post Gersonis Orationem, de nulla ferè alia re, quàm de ista sermonem inter Patres fuisse, ac tandem omnium Nationum consensu pro Concilio in quarta & quinta sessionibus sententiam latam esse. Nam quòd aliqui Patrum ante Decreta ac præsertim Cardinales oblectati, ac protestati fuerint; nihil obstatè valori Decretorum, quæ tandem omnium conspiratione acceptata sunt, Spiritu sancto opinionum pugnas pacante; alioquin nullas Pontificum electiones, nulla Concilia, ac præsertim Tridentinum sustineri posse, in quibus ante Decreta, communemque electionem tot contrarijs votis atque sententijs certatum à Patribus est: quis nescit ex qualitatibus pugna tandem corpora formari? sic veritatem ex pugna opinionum. Hæc Maimburgus.

*Resp.* Supponit Maimburgus quæstionem, de qua agimus, fuisse in Pisana Synodo pro Concilio decisam, ac contrarium jam suprà ostendimus; Concilium enim Pisenum, ac Bononiensis & Parisiensis Universitates sententiam suam expressè ad casum Schismatis, dubiosque tunc temporis Pontifices restrinxere, imò nec in eos, quamvis dubios pronuntiare ausa sunt, nisi ob causam hæresis & Schismatis, quâ uterque Pontificum notabatur; nihil ergo in materia, de qua agimus, Pisenum Concilium decidit. Imò ut supra ostendi, potius à nobis Concilium facit. Multò minoris pretij sunt, quæ de Synodo Constantiensi dicuntur. In illa fuisse inter privatos Cætus & tumultuariè, ut fieri solet in scholis Philosophicis, disputatum, verum est: sed fuisse maturam & Synodalem discussionem ac examen institutum, hoc est, dictis in publicis sessionibus sententijs, auditis pacatè singulorum rationibus, examinatis Patrum ac Conciliorum in hac materia doctrinis, exemplisque ac antiquæ Ecclesiæ traditione; hoc est, quod negamus in Synodo Constantiensi, ac quartâ & quintâ sessionibus factum; quod apertè ex eo ostenditur, quòd in omnibus tam editis, quàm scriptis hujus Concilij actis, nec unica quidem ratio, aut Patrum auctoritas in medium producta fuerit, quâ Concilij potestas supra Pontificem probaretur,



baretur ; multò minùs auditæ in contrarium rationes ; qui potuit igitur Synodalis Deliberatio vocari , quæ nec in sessionibus facta , nec ullis rationibus in medium pro una , alterâve parte productis. Deliberare enim non est aliquid asserere , aut negare , sed rationes utriusq; partis expendere ; idque exemplis ostenditur Conciliorum , quæ ipse Maimburgus producit , Nicæni videlicet , & Tridentini. Quærebatur in Concilio Nicæno , an Filius Divinæ & æqualis naturæ cum Patre esset ; hoc est , DEUS , an Creatura ? hoc Arrius , illud Orthodoxi volebant ; & planè res tam clarè in scripturis decisa fuerat , ut nullo examine , nullaquæ disceptatione opus videretur ; & tamen non suffecit Patribus Nicænis in re tam clara , liquidaque id agere , quod Patribus Constantiensibus in re multò magis dubia , quæque majori indagine opus habebat ; non suffecit inquam , non partibus , non testibus auditis , non libratæ causæ momentis Decretum effundere Constantiensi simile : sed per moras , lenteque , & omnium sententijs , ac etiam quæ ab adversarijs proponebantur , auditis , tandem pronuntiatum est. Videantur acta Concilij Nicæni , patebitq; quantum Patres vel in unius Philosophi , quem Arriani conduxerant , argumentis dissolvendis curæ impenderint , nec priùs cessaverint , adductis varijs è scriptura , rerumque natura argumentis , quàm planè convicerint. In Nicæna secunda Synodo plus quàm ducenta sanctorum Patrum testimonia producta , quibus colendas esse Imagines probatum est. In Ephesina Synodo nullum ferè allegandis , expendendisque Patrum testimonijs contra Nestorium finem invenies. Idem in secunda Constantinopolitana , & in Florentina Synodis factum. Idem quoque in Tridentina , quam tamen pro se allegat Maimburgus. In ea enim non solum capita fidei decernenda diligentissimè examinabantur ; sed etiam in publicis sessionibus adèò patienter singulorum sententiæ ac momenta rationum audita , ut subinde unius ex patribus voces ad duas & suprâ horas proferrentur ; ipsæque etiam sessiones & Decreta non semel cum ingenti temporis , sumptuumque impendio , dilatæ sunt , eâ tantum ratione , ut Lutheranis ad Concilium vocatis suorum dogmatum argumenta proferre liceret. Nihil verò simile ut dixi , in quarta & quinta sessionibus factum , in quibus idem deliberandi , judicandique momentum fuit. Verum quidem est , in omnibus Concilijs , antequam sententia à Patribus ferretur , pugnam aliquam & discordiam opinionum ac votorum fuisse

(neque hoc in Constantiensi Concilio damnamus) at semel sententijs dictis, Decretisque ex plurium votis in Concilio sancitis omnes tandem acquiescebant, transibantque in plurium sententiam; quod videlicet scirent hanc Concilij Oecumenicis deberi reverentiam; & qui hujusmodi decretis repugnarent, pro hæreticis habebantur. Aliter se res habuit in Decretis quartæ & quintæ sessionum, illis enim non à paucis tantum hominum, sed ab integris Regnis: nec solum antequam Decreta sancirentur, sed etiam posteaquam sancita sunt, vehementer repugnatum est, nec propterea pro hæreticis habiti, ut supra ostensum; id verò manifestum signum est, non fuisse Concilium eo tempore, quo hujusmodi Decreta confecta sunt, pro Oecumenico habitum.

IV. *Opponit 4.* (a) Ut Concilium aliquod dicatur Oecumenicum, non requiritur omnes Episcopos ei interesse; sufficit omnes invitari, omnibusque parere; alioquin nullum ferè Concilium Oecumenicum fuerit, ac præsertim Tridentinum, cui nulli ex Anglia, Scotia, Dania, Norvegia, Suecia, Ægypto, Græcia, aliisque Provincijs interfuere, quæ Romanum Pontificem haud agnoscunt; pari ergo ratione nihil obfuit Constantiensi Concilio eorum Antistitum absentia, qui Gregorio & Benedicto addicti, Joannem verum Pontificem respuebant; alioquin si istorum defectu Synodus Constantiensis Oecumenica non fuit, non ergo errores Hussij & Wicleffi pro hæreticis, damnatisque habendi sunt, quippe trium Obedientiarum Unione necdum secuta, & incerto adhuc Pontifice. Sequetur etiam invalidam fuisse Joannis Depositionem, Electionem Martini, ac omnium, qui Martino succelsere; id quod Cardinalis Julianus, cum Eugenij nomine Basileensi Concilio præsideret, eleganter notavit litteris ad Eugenium datis. Quod si dicas, Joannem Depositioni consensisse; facile respondebo, eum consensum fuisse gravissimo metu extortum, perpetui videlicet carceris, quem Joanni nullibi locorum tuto Martinus jam paraverat, quemque ille Martini pedibus affusus Florentiæ deprecatus est, idque Arerinus (b) rerum Italicarum scriptor expressè testatur: quæ potuit igitur Depositio valida dici, quam & injusta ac usurpata potestas, & metus tam gravis extorsit? Multò minùs Bellarmini responsio sustineri potest alteren-

(a) Malmb. cis. ch. 22. fol. 220. (b) Leonard. Arcin. in histor. rerum Italicarum.

asserentis : *Non posse quidem Concilium sine Papa nova fidei dogmata definire , posse tamen tempore Schismatis judicare , quis verus sit Papa.* Primum enim, quis nescit in primo Constantinopolitano Concilio sancitam, ac inter fidei dogmata contra hæresin Macedonianam relatam esse Spiritûs Sancti Divinitatem, cui tamen Concilio nec immediatè Damascus, nec per Legatos præfedit? Sic etiam contra trium Capitulorum hæresin à quinta Synodo pronuntiatum est, non tantum Vigilio non consentiente, sed etiam repugnante. Secundò nunquàm in Concilio Constantiensi dubitatum est Joannem esse verum, legitimumque Pontificem, non ergo dici potuit sententiam à Patribus non in certum ac indubium Pontificem, sed in dubium, & de quo non constabat, prolata esse. Ac denique si quo tempore Synodus Constantiensis Joannem deposuit, Universalis & Oecumenica dici non poterat, quâ ergo potestate sententiam in eum dixit, cum omnium consensu id solum Oecumenico, non particulari Concilio liceat?

*Resp. Primum.* Verum est, ad Oecumenicum Concilium non requiri, ut omnes Episcopi Concilio intersint; neque ex hoc capite quartæ, quintæque Sessionum Decreta rejicimus, sed ex illo, quod ut suprà vidimus, ac teste Cardinali Alliacenſi, prima & præcipua Senatus Ecclesiastici pars, Cardinales videlicet, aut exclusi fuerint, aut quod idem erat, capita rerum agendarum adeò occultata, ut deliberare illis non liceret. Deinde, quod illi, qui Concilio non adfuerant, non solum non hæretici, aut *miseræ Christianitatis reliquie* essent (ut quinque Regnorum populos Maimburgus pro solita modestia appellat) sed & Catholici, & maximo numero, ac sapientiâ, imò sanctitate celebres; & tamen Concilium pro Oecumenico non haberent, nec ejus Decretis alligari se crederent, adeò ut Hispanica Natio alijs Nationibus ac Cardinalium Collegio approbantibus, protestata sit, se *Decretis Concilij, quæ ante Unionem Obedientiarum facta erant, non alligari;* idque ut dixi non solum tres aliæ Nationes non improbârunt, verum etiam positivè acceptârunt, suæque protestationi inferuerunt, quam ex Gestis Concilij fideliter conscriptis, & in quatuor Manuscriptis reperi- tam Schellstratus (a) verbatim recitavit, nosque suprà libavimus. Ipsum quoque Concilium Gregorio, & Benedicto seu potius Benedicti Obedientiâ petentibus, titulo Oecumenici abstinuit, permisitque Concilium

(a) Schellstr. in Dissertat. Antuerp. fol. 6. & in Romana fol. 155.

## 654 Dissert. III. §. V. Respondetur ad reliquas

cilium iterum indici, perinde ac si ante Unionem non legitimè indictum, nec Oecumenicum fuerit, ex quibus omnibus, multisque alijs, & non ex sola Episcoporum absentia, collegimus, tempore quartæ & quintæ sessionum Concilium Constantiense Oecumenicum dici non potuisse, quæ uti patet de alijs Concilijs dici non possunt.

*Secundò.* Errores Hussij & Wicleffi, quod attinet, verum est, illos ante trium Obedientiarum Unionem damnatos hæresis esse; at non sequitur idèò pro hæreticis non esse habendos; quamvis enim Concilium tunc Oecumenicum non fuerit, at postèa jam Unione composita, Oecumenicum evasit, & Martinus V. Sessione quadagesimâ quintâ in Bulla confirmatoria Concilij omnes Wicleffi, & Hussij errores sigillatim recensens, eos *sacro approbante Concilio* condemnat, ac hæresis notat, adjungitque, *se omnia & singula determinata, conclusa, & Decreta in materijs fidei per Concilium Constantiense Conciliariter tenere velle, ipsaque sic conciliariter facta approbare, & ratificare.* Nihil ergo timendum, ne errores Wicleffi impunè abeant, quippe à Concilio, cùm jam Oecumenicum esset, & capiti Unitum, damnati; ac etiam ab ipso Martino Summo Pontifice, cujus vel sola auctoritas, etiam remoto Concilio rebus fidei decidendis sufficiens omninò est, ut suprà ostensum.

*Tertiò.* Depositionem Joannis quod attinet, ea valida fuit: *tum*, quia non constabat esse verum, & indubitatum Pontificem, duobus alijs eandem dignitatem magno rationum ac Clientum numero sibi vendicantibus: Nec in Concilio habitus est pro vero, & indubitato Pontifice. Vide hâc Dissertat. §. 4. n. 11. Gregorius XII. antequam renuntiet, petit remotâ præsentiâ Joannis Concilium iterum indici, convocari, & auctorizari per Cardinalem Ragusinum Legatum suum, idque permittit Concilium; in ejusque medio Ragusinus Concilium nomine Gregorij indicit, ac solemnî Decreto hanc novam indictionem admittit, ratamque habet. Ita habetur Sess. 14. non ergo credebant Patres Joannem esse indubitatum Pontificem, Gregorium verò Pseudopontificem: *tum* etiam, quia Joannes consensit spontè libereque; sciendum enim est, Joannem ter in sententiam Depositionis consensisse, videlicet die 24. Maji Anno 1415. in Oppido Cellæ, quando videlicet liber omniq; metu solutus Papatui renuntiavit, rogatusque totius Concilij nomine à quatuor Cardinalibus, de Urfinis, Camera-

censi,

censi, de Thallanco, Sallutiarum, & Florentino sententiæ acquievit  
 propediem ferendæ. Verba Joannis sunt: Ego Joannes Papa XXIII.  
*predicta de mandato meo per alium scripta approbo, confirmo, ac sponte &*  
*liberè volo adimplere cum effectu.* Rursus die 29. Maji Sess. 12. Lata est  
 in Joannem sententia, qui acquievit, atque ex abundanti renuntiavit. Ita  
 habent Gesta Constantiensis Concilij in quatuor Manuscriptis, & acta  
 ejusdem Concilij à quatuor Protonotarijs conscripta, ac etiam edita.  
 Ac tandem cum metu perpetui carceris à Martino parati in Ligures  
 aufugisset, liber, nulloque metu impulsus iterum renuntiavit, si Are-  
 tino credendum est, quem Maimburgus citat quidem, sed malâ fide,  
 ijs videlicet silentio præteritis, quæ nocere poterant malæ causæ. Sic  
 enim Aretinus: Dum apud Ligures esset & sui juris, sive conscientiam du-  
 ctus, sive quod desperabat aliquid proficere posse, sponte sua Florentiam venit,  
 & sese pedibus Martini subjiciens, cum ut Pontificem verum, & unicum re-  
 cognovit. Idemque Aretinus Martinum alloquens: (a) Joannes Ponti-  
 fex, de cujus Depositione propter vim adhibitam multi dubitabant, securitate  
 atque fiducia hujus loci Florentiam venit, tibi que se sponte sua subjecit, quo  
 facto omnis est penitus scrupulus, ambiguitasque sublata, neque de vi ulla ad-  
 hibita sollicitus esse quisquam potest, cum ipsius voluntaria in loco sibi tutissi-  
 mo sit inspecta subjectio. Audis Aretinum non semel tantum, sed sæpe  
 contentem, Joannem sponte sua, cum esset sui juris, securitate atque fi-  
 duciâ Urbis Florentinæ, nullâ vi adhibitâ, sed in loco tutissimo voluntariâ  
 subjectione Papatu cessisse. Quæ omnia efficaciter ostendunt, Joannis  
 cessionem liberam, nulloque metu expressam fuisse; in ipso enim li-  
 mine sententiæ in Joannem, quæ habetur Sess. 12. præmittitur, *visâ*  
*spontaneâ ejus cessione*; ergo in ipsâ sententia, ante ipsam, & post ipsam  
 petitur & rogatur consensus Joannis, cur? quia non audebant invicem  
 deponere: nam sponte & poterat renuntiare, & judicari, ut in Reg.  
 Sacerdot. l. 2. f. 398. Edit. 1693. & supra hæc Dissertat. §. 4. n. 4. Si  
 ergo Concilium non audet judicare dubium Pontificem nisi volentem,  
 quanto minùs certum. V. Sess. 12. Benedictus verò sponte quidem non  
 cessit, sed tamen non priùs depositus, quàm omnes Obedientiæ ac-  
 cesserint, & ita à Concilio Oecumenico. Sed demus metum, quid  
 inde sequitur? Invalidam fuisse Joannis cessionem? nullo pacto: Jo-  
 annes enim tam ante, quàm post Pontificatum sæpiùs promiserat, imò  
 juramen-

S s s

(a) Leonard. Aretin. in hist. sui temp.

juramento se obstrinxerat, boni publici, Schismatisque finiendi causâ Papatu abire, idque præstare tenebatur: metus ergo ei incussus, ut se juramento, promissisque absolveret, justus erat; at justo metu peracta omni jure subsistunt, quod legibus sæpè definitum est, & à Doctoribus communiter receptum: tantoque magis, quia Joannes dubius erat, non certus & indubitatus Pontifex; hic verò Concilio subjacet tanquam legitimo Magistratui, de quo in Jure Cæsareo l. 3. §. sed vim ff. quod metus causa, ita legimus: *Vim accipimus atrocem, & eam, quæ adversus bonos mores fiat; non eam, quam Magistratus intulit, scilicet jure licito, & jure honoris, quem sustinet.* Nihil ergo probant, quæ de metu Maimburgus memorat.

Quartò. Contendit Maimburgus, posse res fidei à Concilio sine consensu Pontificis definiri, sed nihil magis à vero, doctrinaque Patrum alienum dici potest; id alibi demonstravimus, estque expressa Nicolai primi sententia: (a) *Non, inquit, dicatis in causa pietatis non eguisse vos Romanæ Ecclesiæ, quæ collecta Concilia suâ auctoritate firmat, & suâ moderatione custodit. Unde quedam eorum, quia consensum Romani Pontificis non habuerunt, valetudinem perdiderunt.* Taceo multa alia, quæ alibi reperijs: (b) nec obstant, quæ de Concilijs primo & quinto Constantinopolitano Maimburgus opponit: nam primum quod attinet, certum est, auctoritate Damasi Pontificis convocatum, & ab eodem confirmatum esse, id enim ex gestis (c) Damasi, ejusdemque epistola apud Theodoretum, & libello Photij, ac etiam Divi Gregorij auctoritate clarius est, quam ut negari possit; quamvis nec aliâ confirmatione opus fuerat, cum idem Damasus Papa judicium Synodi Constantinopolitanæ præveniens, Sabellij, Macedonij, & Eunomij opiniones prædamnaverit, dirasque & anathemata in eorum hæreses dixerit, ut haberetur Tomo primo Conciliorum ante Synodum Constantinopolitanam: quid ergo confirmaret jam olim confirmata, imò Concilio præscripta? falsum igitur est, quod Maimburgus pro certo supponit, videlicet, Concilium Constantinopolitanum sine Pontificis Romani consensu dogmata fidei sanxisse. Sed illud æquè falsum, videlicet: *Hæreses trium Capitulorum non solum non assentiente, sed etiam invito Vigilio Pontifice à Synodo Constantinopolitana confixas esse.* At certum est,

(a) Nicolaus I. epist. 8. (b) V. Regal. Sacerdot. lib. 2. (c) Gesta Damasi apud Baron. ad Ann. 381. Theodoret. lib. 2. c. 22. Photius in libello de 7. Synod. S. Gregorius l. 6. epist. 125.

est, quæstionem de tribus capitulis citra fidem sterisse, nec eos, qui aut negabant, aut asseriebant, hæresis notatos esse; id in historia Ecclesiastica tam certum est, ut persuaderi non possim ignorasse Maimburgum; qui enim tam communia & vulgata ignoraret, qui etiam arcana ostentat, alijsque inaccessa? Ergo ut dixi causa trium capitulorum testibus Gregorio, & Pelagio Pontificibus, imò toto ferè Occidente nihil ad fidem spectabat, quod alibi fusè ostensum. Errores enim Theodori, Theodoret, Ibæque omnes Catholici detestabantur: is de Personis erat, an videlicet pro hæreticis damnatisque habendi essent, quos Synodus Chalcedonenlis absolverat, ut enim non continuè est pictor, qui pingit; cum sæpè casu & ignorantia artis id fiat, ut in anulo Pyrrhi: ita non continuè hæreticus, qui hæresin docuit. Audi S. Gregorium: (a) *De illa, inquit, Synodo, nimirum quæ Constantinopoli facta est, scire vos volo, quia in ea de Personis tantummodo, non autem de fide aliquid gestum est. Et alibi de iisdem tribus Capitulis loquens: Postquam talis scissura pro nulla re facta est, justum fuit, ut sedes Apostolica curam gerat. Et Pelagius II. vocat quæstionem superfluum.* Certum ergo est, quæstionem trium capitulorum intra metas fidei sterisse, totumque ferè Occidentem, qui eorum damnationi subscribere renuerat, nunquam pro hæretico habitum esse. Ubi simul observes, quibus modis, quamque ab honesto alienis fulcire suam causam Maimburgus conetur. Probandum susceperat, posse sine consensu Pontificis res fidei à Concilio definiri: id verò ut persuaderet, exemplis opus erat: sed vera haud suppetebant, quid ergo consilij? falsa subornantur; Damasus, Vigilus producuntur; falso quidem uterque judicio, sed tamen fallendis Lectoribus opportuno; quotus enim quisque aut tempore, aut libris abundat quærendæ ac evolvendæ veritati?

*Opponit* 5. P. Natalis Sess. 40. quando omnes obedientia conjunctæ erant, Concilium inter alios articulos, ex quorum norma reformari Ecclesia debeat, etiam hunc Papæ proximè eligendo proponit, *propter quæ, & quomodo Papa corrigi, & deponi possit*; supponit ergo posse deponi; à quo? nisi à Concilio.

*Resp.* Optimè hoc Concilium supponit; potest enim deponi in casu hæresis, Schismatis, quando dubium, quis verus Papa; invalidæ, & Simoniacæ electionis. V. Reg. Sacerdot. f. 456. Edit. 1693.

SSSS 2

*Opponit*

(a) S. Gregor. lib. 3. epist. 37. & lib. 3. epist. 2. & Pelag. II. ep. 2. ad Eliam,

*Opponit* 6. P. Natalis : Concilium Sess. 4. & 5. decernit etiam S. Pontifices teneri Concilio obedire in ijs, quæ *ad extirpationem Schismatis, ad fidem, & morum reformationem spectant* ; non ergo loquitur Concilium de casu solius Schismatis, sed etiam de casu, in quo de fide, morumque Reformatione in Capite, & membris facienda agitur.

*Resp.* 1. Merum hoc est Sophisma : potest enim necessitas statuerendi dogmata fidei cadere in tempus, aut dubij, aut certi Pontificis, & si cadat in tempus dubij Pontificis, seu Schismatis, prout evenit tempore Concilij Constantiensis ; decernit Concilium, omnes, etiam qui credit se legitimum Pontificem esse, teneri Concilio obedire : tantum ergo de hoc casu Concilium loquitur ; patuitque exemplo ipsius Concilij Constantiensis ; quamvis enim hoc Concilium libellum famosum Joannis à Falckenberg perente Polonica Natione hæresis damnasset, Martinus contrarium decrevit, nullas videl. in eo libro hæreses contineri. Vides ergo etiam in materijs fidei, quando Pontifex, & Concilium contraria sentiunt, Concilium Pontifici subiacere, non Pontificem Concilio, idque ex norma aliorum Conciliorum, ut vidimus in Regali Sacerdotio. Verba Poloniæ Legatorum, quæ habentur in actis editis Sess. 45. hæc sunt : *Petierunt Legati Libellum, & in eo contenta Fratris Joannis Falckenberg notoriè crudelissimas hæreses continentem ritè damnatum, tanquam hæreticum per Deputatos in causa fidei, ac etiam per omnes Nationes Concilij ac per Collegium Sacrum ; in Sessione publica per Sacrum Concilium damnari, seu publicè damnatum pronuntiari Sanctissimo D. N. Papæ supplicarunt.* Sed cum Papa recusaret, ex parte Dominorum Polonorum, inquit Gerson in Dial. Apologetico pro Constantiensi Concilio ; *interjecta est tandem appellatio ad futurum Concilium, at Pontifex (pergit idem Gerson in Tract. quomodo, & an liceat à S. Pontifice appellare) in Constitutione ad perpetuam rei memoriam promulgata in Consistorio generali Constantiæ sexto idus Martij decrevit, nulli sui esse à Supremo Judice videl. Apostolica Sede, seu Romano Pontifice in terris appellare, aut illius judicium in causis fidei (quæ tanquam majores ad ipsum, seu Sedem Apostolicam deferendæ sunt) declinare.* Agnovit ergo Martinus (nec Concilium obstitit) Pontificem legitimè electum, etiam in causis fidei superiorem esse Concilio, nec à Papæ Decretis ad Concilium appellari posse ; ac ipsius partes esse prohibere, ne in publica Sessione promulgentur, etiam quæ omnium Patrum votis sunt definita, quæ utique *super remæ auctoritatis est nota.*

*Resp.*



*Resp. 2.* Sed & illud verum est, Pontificem etiam certum ac extra casum Schismatis teneri Decretis tam fidei, quàm morum ( quoad vim directivam, & in foro Conscientiæ ) à Concilio legitimo editis, dogma enim à Concilio, quod Papa confirmavit, editum, transit in articulum fidei, fides autem etiam Pontifices obligat ad credendum, idq; omnes retro Pontifices professi sunt, ac etiamnum profitentur; quis enim unquam dixit Pontificem Innocentium XI. non obligari Decretis fidei in Nicæna, Chalcedonenſi, & Ephesine Synodo promulgatis? Nihil ergo sententiæ nostræ obstant Decreta quartæ, & quintæ Sessionis, etiamsi de certo Pontifice, & extra casum Schismatis intelligantur.

*Dices.* At Sessione 5. dicitur Papam non tantum Synodi Constantinensis, sed etiam alterius cujuscunque Concilij generalis mandatis obstringi.

*Resp.* Concilium mox mentem suam explicare adjungendo hæc verba restrictiva: *Super præmissis, aut ad ea pertinentibus*: quæ verò Concilium præmiserat? *Extirpationem schismatis, Unionem Ecclesiæ, Reformationem in Capite & membris.* Quoad hæc verò jam diximus, quomodo Pontifices tam in Schismate, quàm extra Schisma obligentur. Est tamen discrimen inter casum Schismatis & certi Pontificis; quòd in primo casu Pontifex dubius potest à Concilio puniri, ac etiam deponi, ut habetur in 2. Decreto Sessionis 5. in secundo autem casu non potest Pontifex electus ligari, ut 4. Nationes Italica, Gallica, Hispanica, Anglica, & Collegium Cardinalium definivit, *V. hac Dissertat. §. 4. n. 6.* *Resp. 3.* reque ipsa ostendit Martinus, videl. in causa Joannis à Falckenberg, quem Concilium hæresis damnavit, Martinus absolvit, prohibuitque in conspectu Concilij, à quo electus fuerat, ad Concilium à Pontifice appellari, ostendens videl. ipso facto Papam electum non posse ligari.



## §. VI.

Respondetur ad auctoritatem Basileensis Concilij, & Universitatis Parisiensis.

## S U M M A R I A.

1. Respondetur ad auctoritatem Basileensis Concilij.
2. Frustra Ecclesiæ Gallicanæ Auctoritatem in auxilium vocari, imò eam pro Pontifice stitisse multis exemplis ostenditur, ac etiam confessione ipsius Maimburgi.
3. An ex eo, quòd totum sit majus suâ parte, concludatur, Concilium esse supra Papam? ubi cavillationes Maimburgi refutantur.
4. Insignis Maimburgi fallacia in citando Pij II. testimonio,

## I.

**O**pponit Maimburgus 12. Auctoritatem Concilij Basileensis: (a) hoc enim *Sessio* 2. definit, Concilium esse supra Pontificem; nec posse, nisi Patres consentiant, Concilium à Summo Pontifice aliò transferri aut dissolvi. Et *Sess.* 3. monitorium contra Eugenium IV. expedit, pœnasque non obtemperanti decernit. Et *Sess.* 4. prohibet, ne durante Concilio Pontifex ad promotionem novorum Cardinalium procedat. Et *Sess.* 7. non posse Papam de Beneficijs Cardinalium à Concilio punitorum disponere. Et *Sess.* 8. Eugenium auctoritative, & sub pœnis contumaciæ ad Concilium citat. Et *Sess.* 9. rescindit omnia acta & processus ab Eugenio Summo Pontifice contra Wilhelmum Concilij protectorem factos. Et *Sess.* 12. acriter in Eugenium Summum Pontificem declamat, definitque & olim in Romanos Pontifices à Concilijs animadversum esse, & deinceps animadverti posse. Et *Sess.* 14. Conditiones Eugenio Papæ tribus formulis comprehensæ à Concilio præscribuntur, in quas nisi consentiat, Papatu exuitur. Et *Sess.* 16. Eugenius Papa, ut ibi habetur: *citationi, monitioni, & requisitioni sacri Concilij plenariè satisfacit*: Bullas & diplomata contra Concilium à se edita, nulla & inania fuisse declarat: ipsum vero

(a) Maimb. cap. 21. à fol. 198.

verò Concilium fuisse legitime inchoatum, legitimeque continuatum, quo videtur Eugenius omnia in superioribus sessionibus facta, & consequenter citationes, & sententias contra se dictas confirmasse, & Concilij auctoritatem supra legitimum Papam agnovisse. Et *Sess.* 17. admittit, ut præsideant, Legatos Papæ, sed cum certis conditionibus, quarum præcipua, ne ullam in Concilium exerceant jurisdictionem coactivam. Et *Sess.* 18. expresse definit, majorem esse Concilij, quàm Papæ auctoritatem, & hunc nisi obediat, posse à Concilio puniri. Et *Sess.* 21. tollit Concilium omnes Annatas, & qui eas exegetit, pœnâ Simoniacis decretâ punit: ipsum verò Summum Pontificem, si aliquid contra hoc Decretum molitur, jubet Concilio deferri. Et *Sess.* 26. iterum definit Papam notoriè criminofum jurisdictioni Concilij subiacere, ipsumque Eugenium Papam in jus vocat. Et *Sess.* 29. circa medium, clarissime iterum auctoritas Concilij supra Papam asseritur. Et *Sess.* 31. Eugenium suspendit. Et *Sess.* 33. etiam deponit. Et *Sess.* 38. Concilium Generale supra Papam esse definit, idque ad veritatem fidei Catholicæ pertinere, & qui hoc pertinaciter negat, hæreticum esse. Et *Sess.* 39. Amadæum Sabaudia Ducem, sub nomine Felicis V. Papam renuntiat.

In appendice ad *Sess.* 17. quæ habetur post Acta Concilij, Legati Eugenij IV. Romani Pontificis, jurant fideliter laborare pro statu & honore Concilij Basileensis, ejusque decreta defendere & mantere, & specialiter decretum Concilij Constantiensis de subjectione Pontificis. Et aliud Synodi Basileensis decretum, quod Papa Concilio Universali obedire teneatur. Idem habet Platina in vita Eugenij IV.

Ex his Concilij Basileensis actis sic argumentari licet: Quidquid à legitimo Concilio definitum est, & à legitimo Pontifice confirmatum, id pro vero ratioque haberi debet: sed Concilio Pontificem subiacere, & à Concilio citari, judicari, puniri que posse; & ipsa Synodus Basileensis definivit, & Eugenius Papa confirmavit tanquam rite legitimeque facta.

*Resp.* Multa sunt, quæ ad Basileensis Concilij Auctoritatem dici possunt. Primum ergo aliqua in genere, tum ad singula respondebimus. Concilium Basileense ab Eugenio IV. convocatum, missò Juliano Cardinali, sicque legitime inchoatum esse, dubitari non potest; ita enim habetur in Actis Concilij Sessione primâ. Sed cum adverteres Eugenius,

nus, Basileam Civitatem opportunam non esse, solvi Concilium jubet, aliò transferendum. Hinc primæ faces discordiarum. Sed Eugenium hæ caulæ moverant. *Quòd* paucissimi Antistites Basileam accedere possent, ardente inter Aultriæ, ac Burgundiæ Duces bello, Bohemis hæreticis omnes circa Regionès incurantibus, & idè itineribus omnibus infestis, occupatisque. *Quòd* Græcorum Imperator, alijque ejus Imperij Principes, societatem cum Latina Ecclesia inituri, Urbem in Italia peterent, tam longo itineri commodam, marique vicinam, & idè Basileam averfarentur. *Quòd* ingentis momenti negotia in Concilio agitata Pontificis præsentiam poscerent; Is verò & decori, & necessitatis causâ, exire Italiâ non poterat, bellis & tumultibus absentiam secuturis. Hæ Pontifici causæ solvendi Basileensis Concilij, alioque movendi. Hinc Patrum indignatio, tum seditio, & aperta defectio, ac perpetuum bellum, non cum Pontifice tantum, sed cum ipsa Pontificia Dignitate. Varia Patres concitabant. Quàmplurium ambitio tiaram captantium: Columnenses Eugenio implacati, quòd eorum avaritiæ obstitisset, cum thesauris inhiassent à Martino relictis: Dominicus Capranica, alijque, quòd Purpurâ carerent à Martino paratâ: Philippus Dux Mediolanensis, perpetuus Eugenio hostis, quòd hujus curâ Italiæ Imperio arceretur: Cardinalis S. Eustachij à Patribus Avenionensi & Venusino Comitatibus contra jus fasque præfectus, ideoque turbarum bellicque gaudens, ac turbido securus: Alphonsus Arragoniæ Rex, à Neapolitanis ad solium evocatus, quòd extinctâ Andegavensi Stirpe Ecclesiæ accesserat: Carolus VII. Galliarum Rex impulsu Alphonsi Arragonij, ac opportunitate Regiam potestatem augendi, Ecclesiasticâ oppressâ Basileensium favore; quod etiam consecutus est celebri illâ Pragmaticâ sanctione, toties impugnata, toties victrice, ac tandem deletâ. Hæc erant, quæ Basileensium animos adversus Pontificem armabant, implebantque Concilium discordijs, seditionibus, tumultu, ambitione; adeò ut non tam Synodum, quàm Eurippum crederes, ventis ac tempestatibus turbidum: & in quo vota & suffragia non veritati, sed singulorum affectui & cupiditatibus quærebantur. Quæso te, quam fidem adhibeas tam suspectæ Auctoritati, quæque ex Principum, & ambientium motu nutuque pendebat, aut vindictâ, aut cupiditate sententiam ferente? Nego ergo hanc Synodum, sed Synagogam fuisse pro tiara jurgantium: & in qua

non

non Patres, sed Principes decernebant, nec fidei causa, sed ambitionis agebatur. Et quamvis hæc manifesta sint, nec ab alio negari possint, quàm historiæ ignaro; addam tamen confirmandæ veritati eorum testimonia, qui Concilio intererant, scribebantque, integritate ac doctrinâ celebres, omniq̃ue majores exceptione.

S. Antoninus (a) Concilium Basileensē, postquam ab Eugenio Pontifice jussū dissolvi, vocat: *Conciliabulum viribus cassum, Synagogam Sathanæ, temerarium, & præsumptuosum Conventum &c.* B. Joannes Capistranus: (b) *Synodum profanam, excommunicatam, interdictam, basiliscorum speluncam, Dæmonum cavernam &c.* Joannes de Turrecremata: Nullus sanæ mentis vir, qui novit, cum quanta gravitate, integritate, & modestia, fidei judicia tractanda sint, judicabit esse universali consensu totius Ecclesiæ conclusa, Spirituque sancto dictata, in quibus hujusmodi factiones, & prælicæ intervenerunt. Pius II. in Bulla Retractionis: Multi doctissimi viri, & sanctitate celebres scire se dicebant, Basileenses Spiritum sanctum non habere Auctorem. Beatus Albergattus teste Sigonio: (c) Cum audisset, quæ in contemptum Apostolicæ Sedis Basileenses decrevisset, Vir antiquæ probitatis exarsit, atque graviter eorum facta increpuit, & ut in auctoritate Summi Pontificis permanerent, admonuit. Idem suprà laudatus Turrecremata: (d) *Talia Decreta Concilij Basileensis (videlicet contra Pontificiam auctoritatem) ad furorem quorundam hostium Apostolicæ Sedis cum multitudine Populi parvi pretij, & nullius auctoritatis publicata sunt; & idè plures attendentes, prædicta Decreta adversa esse Sanctorum Patrum doctrinis, non modò in Deputationibus suis contradixerunt, & reclamaverunt, verùm etiam in Sessionibus ipsius Concilij interesse noluerunt.* Episcopus Meldensis Caroli septimi ad Eugenium Legatus, Regis sui Gallorumque nomine Basileensem Synodum (e) *resanam* appellat, oratione in Cardinalium Collegio habitâ. Synodus quoque Florentina (f) Declarationes Basileenses tanquam impias, scandalosas, in manifestam Ecclesiæ scissuram, ac omnis Ecclesiastici Ordinis confusionem tendentes damnat reprobâque. Denique Concilium Lateranensē (cui Ludovicus Galliæ Rex tanquam legitimo & Oecumenico per suos Legatos se adhærere pro-

T r r r

fessus

(a) S. Anton. 3. p. Tr. 22. cap. 10. §. 4. (b) B. Joan. Capistran de Papæ & Conc. auctor. p. 3. (c) Carol. Sigon. in Vita c. 13. (d) Turrecrem. Summa de Eccl. lib. 2. cap. 100. (e) V. Rainald. ad Ann. 1441. n. 10. (f) Conc. Florent. in Scil. publica Anno 1439. prid. Non. sept.

fessus est) Sessione undecimâ appellat Basileensem Synodum : *Conciliabulum Schismaticum, sediciosum, & nullius prorsus auctoritatis.* Si ergo, ut ex adductis hætenus testimonijs liquet, Concilium Basileense *Schismaticum, Sathanicum, temerarium, præsumptuosum, Dæmoniacum, Serpentinum, factiosum, vesanum, viribus cassum, Spiritu sancto destitutum, furiosum, sanctorum Patrum doctrinæ, & exemplis adversum, scandalosum, reprobatum, damnatumque fuit*; amabò te, ex tali Concilio quale subsidium speres? annon pudeat tam sordidi fædique patrocini? Ego fidem adhibeam, ego moveri tam indignis testimonijs? Imò si alia omnia cessent, hoc unum suffecerit sperendæ Adversariorum sententiæ, quòd tam miseris pudendisquæ auxilijs sustentetur; impiam prodit tam profanus comitatus.

*Dices.* Synodum Basileensem tunc solùm damnatam esse, cùm Eugenium deposuit, Amadæo suffecto; tunc enim Schismatica evasit.

*Resp.* Constat ex allatis testimonijs, Basileensem Synodum non solùm ob evectum Antipapam, sed etiam quòd Eugenio obtemperare noller, illumquæ Concilio submittere conaretur, graviter à Viris doctrinâ & pietate præcipuis vapulasse, & execrationi habitam. Si enim Concilium est supra Papam, si hunc citare, punire, ac obsequium detrectantem in ordinem redigere potest; quid tandem Synodus deliquit, si Eugenio, cùm Concilio non pareret, alium Pontificem suffecit? Usa est potestate ac jure suo; non ergo *Schismatica, non Sathanica, non vesana* dici debuit: aut si debuit, non tunc solùm, cùm Eugenium dejecit; sed multò maximè cùm citavit, cùm decrevit, cùm Concilio subjecit; ex his enim necessariò sequebatur, deponi etiam posse, nam ad superiorem id spectat. Nec causâ deponendi deerat; si enim Pontifex Concilio subiectus, ergo non solvere Concilium, non transferre, non Patres anathemate punire, non aliud Concilium indicare poterat; quæ tamen cùm omnia faceret, nec Decretis Basileensium toties repetitis acquiesceret, meritò pænas dabat. Si ergo Eugenius Concilio subiectus, si nocens, si obstinatus, quid mali Concilium fecit? si subiectum, & nocentem damnavit, aliumquæ Pontificem delegit? Ergo Basileense Concilium aut semper, aut nunquam deliquit.

*Secundò.* Tantum abest, Concilij Basileensis auctoritate causam nostram pejorem reddi, ut potius maximum pro nobis ex illa argumentum sumatur. Tum, quia illius Decretis, quâ parte auctoritatem Pon-

Pon-

Pontificiam impugnabant, omnes Viri sancti, doctrinaque præcipui adversati sunt, videlicet, S. Antoninus, S. Bernardinus, S. Laurentius Justinianus, B. Albergattus, B. Capistranus, aliique, adeò, ut ne quidem Sessionibus interesse voluerint, in quibus ea Decreta concepta & vulgata sunt, ut testatur Turrecremata paulo antè laudatus. Concilium quoque Florentinum centum quadraginta Episcoporum (inter quos Patriarcha Constantinopolitanus, ac cæterorum trium Patriarcharum Legati) & Concilium Lateranense centum quatuordecim Episcoporum, eadem Decreta execrati sunt. Ipsos Patres Basileenses adeò hujus Concilij puduit, ut confertim se Eugenio adjunxerint, abscederentque Basileam, vix viginti, unoque Cardinali relictis; & hi ut numerum supplerent, cadavera Episcoporum, qui jam vitâ decesserant, inferri Synodo jussere, ut à mortuis saltem suffragia impetrarent, cum à vivis non possent. Denique tota Ecclesia Orbisque Christianus, & Decreta, & audaciam Basileensium damnavit, quando illis invitis Eugenium pro Pontifice habuit; quamvis enim Basileense Concilium Eugenium accusasset, citasset, damnasset, abdicassetque, Ecclesia tamen ac omnes Catholici damnatum à Concilio abdicatumque pro vero legitimoque coluit. Agnovit ergo Ecclesia tota, & errasse Basileense Concilium, & nullam in Pontifices exercere auctoritatem posse; si enim Concilium Basileense non erravit, habuitque in Pontificem potestatem, cur ergo Ecclesia, quem Concilium damnavit, quem Concilium abdicavit, pro damnato abdicatoque non habuit? Adde, Concilium Basileense, postquam adversari cepit Romano Pontifici, adeò discordijs, factionibus, rapinis, aliisque facinoribus sædari cepit, sacro Conventu indignis, ut omnium confessione in Schismaticum evaserit, illique exscindendo, velut communi mortalium malo, Principes ferro, cælum peste armari oportuerit, quâ tandem illa rebellium acies dissipata est. Quo exemplo manifestè patuit, eandem esse Politici ac naturalis Corporis rationem; utrumque enim quamvis floridum aliàs, vegetumque, amisso Capite in cadaver evadit.

*Dices.* Basileense Concilium, quo tempore Eugenium damnavit, non fuisse legitimum.

*Resp.* Quæro, quam ob causam legitimum non fuerit, nisi quia ab Eugenio solutum, & Patribus majori ex parte ad Pontificem re-  
versis? Ergo Concilium Pontifici subjacer; alioquin invitum repu-

gnansque dimitti à Pontifice non posset : ergo censuerunt Patres, majorem esse Pontifici, quam Concilio potestatem ; alioquin Concilio potius obtemperare, quam Pontifici debebant : & illi potius, quam huic adhærere ; nunc verò, postquam Concilium deserunt, ut Pontifici se adjungant, idque totâ Ecclesiâ probante, manifestè profitentur, majorem esse Pontificis, quam Concilij potestatem. Quacunque ergo ex parte Basileense Concilium aspicias, constat insigne ex illo causæ nostræ patrociniū, invictumque accedere ; nunquam enim illud Sanctissimi viri ( quotquot videlicet eâ ætate florebant scribebantque ) nunquam Florentinum & Lateranense Concilium, imò totius Ecclesiæ consensus damnasset, quando contra tot, ac singulis ferè sessionibus pronuntiata Decreta, Eugenium pro legitimo Pontifice habuit, & hujus imperium Basileensium Decretis semper præhabuit. Nobis ergo militat, non Adversarijs Basileense Concilium.

*Tertiò.* Sessionem secundam Basileensem quod attinet, in qua discernitur : *Certum legitimūque Pontificem Concilio subjacere.* Dico multis modis impugnari eam posse ; constat enim, quo tempore habita est, Synodum Basileensem jam ab Eugenio solutam, revocatamque fuisse. Nota, Concilium diplomate Pontificio fuisse quadriduo post 1. Sessionem dissolutum, hoc est 18. Decembris Anno 1431. cum secunda Sessio ( in qua primū Decreta Constantiensis Concilij confirmata sunt ) fuerit habita post annum à prima Sessione, hoc est Anno 1432. die 15. Februarii. Causam dissolutionis ob invitatos ad Concilium Bohemos V. apud Spondanum ad Ann. 1431. n. 9. Causa ergo, cur Basileenses Sess. 2. renovaverint Decreta Constantiensis, fuit offensā ob factam dissolutionem. Si ergo Synodus à Pontifice non confirmata nullius roboris est, quanto magis nullius roboris erit, non tantum non confirmata, sed positivè rejecta, rescissa, & improbata ? Deinde ex supradictis, Sanctorumque Patrum testimonijs, quæ alibi produximus, certum est, non posse à Concilio definiri, nisi illa, ad quæ definienda à Pontifice convocatum est ; & ideò Leo Primus, (a) Gregorius Magnus, (b) Paschalis II. (c) quæ in Concilijs Oecumenicis, Constantinopolitano primo, & Chalcedonenſi contra auctoritatem Patriarchæ Alexandrini decreta fuerant, irrita & inania esse voluerunt, ut alibi demon-

(a) Leo I. epist. 53. ad Pulch. (b) Gregor. M. I. 6. epist. 31. (c) Paschal. II. epist. 3. ad Eliam, quæ habetur Tomo 2. Conc. p. 2. in fragm. Synodi V.



monstratum est. Si ergo Sancti Patres ne quidem tantorum Conciliorum auctoritate, qualia Constantinopolitanum, & Chalcedonense, moveri potuerunt, ut admitterent, quæ contra auctoritatem Patriarchæ Alexandrini decreta fuerant; quanto minus admisissent, quæ Concilium Basileense contra Romani Pontificis? An peior causa, minorque reverentia Pontifici maximo, quàm Alexandrino Patriarchæ? aut major Basileensi Concilio, quàm Constantinopolitano & Chalcedonensi auctoritas, ut quod ista in Patriarcham non poterant, istud posset in Romanum Pontificem? Nihil ergo ex Decretis secundæ Synodi Basileensis contra superioritatem Pontificis Romani deduci potest: idemque dicas ad alias sessiones, in quibus multa Pontificiæ potestati contraria statuta sunt.

*Quartò.* Ad sessionem 16. in qua Eugenius Bullas & diplomata à se contra Concilium edita, nulla & inania fuisse declarat: ipsum verò Concilium fuisse legitime inchoatum, legitimeque continuatum; multa responderi possunt. Cardinalis enim Turrecremata omnium conscius, testisque oculatus negat eas Bullas Eugenij, sed à Cardinalibus quibusdam expeditas, Pontifice decumbente, ærumnis morboque confecto: (a) Andreas, inquit, Venetus, Dominij Venetorum tunc Orator, & aliqui Domini Cardinales, timentes futurum magnum scandalum in Ecclesia, minati sunt Domino Eugenio, nisi Bullas illas adhesionis concederet, ipsum solum recedentes relinquerent; unde præfato Domino in lecto decumbente, præfati Domini referuntur Bullas illas taliter qualiter expeditisse, & misisse Basileam. Neque hoc novum in Eugenio, cujus testimonio (b) constat, prolixiores illas litteras, quæ in ipsius defensionem ad Universos Christi fideles inscriptæ sunt, quæque sessione 16. recitantur, subornatas esse. Deinde certum est, quæ Eugenius in favorem Basileensium scripsit, omnium gravissimo metu, qui in hominem cadere possit, etiam constantissimum, expressa fuisse. Armis domi forisq; obsidebatur: Principes omnes ab eo defecerant: Sigismundus tantum animi pendebat: Roma capta: Cardinales offensi: Schisma jam ferè conflatum, minæque omnium, qui supererant, defectionem inclamantium, nisi Basileensibus annueret. Quis rogo major metus injici poterat? aut quis pro validis agnoscat, toties negata, ac tandem tanto metu concessa?

T r r r 3

An

(a) Turrecrem. lib. 2. cap. 100. (b) Vide Sess. 16. & Spond. ad Ann. 1433. n. 23. & 24.

An jure meritò non hic cum magno Athanasio (a) dicas ? *Non est censenda ejus sententia, quam minæ & terrores extorsērunt ; sed ea, quam protulit, cum liberos haberet affectus.* Denique licet Eugenius omnes Bullas revocaverit, quibus Concilium Basileense solvi jubebat, vitandique Schismatis causâ Concilium ratum legitimumque esse voluerit ; nunquam tamen Decreta confirmavit, quæ contra Pontificiam Dignitatem edita in Concilio fuerant ; aliud enim est, Concilium esse verum legitimumque, aliud omnia, quæ in Concilio facta sunt, legitimè facta esse ; nam & Concilium Constantinopolitanum, & Chalcedonenſe, & Constantienſe legitima erant, & tamen non omnia, quæ in illis decreta sunt, Leo, Pelagius, Gregorius, Martinus approbârunt, ut suprà notatum est. Et quàm multa illegitimè invalideque sunt à legitimo veroque Principe ? non ergo sequitur, approbato concordie causâ Basileensi Concilio, omnia quoque, quæ in illo facta sunt, ab Eugenio approbata esse. Testatur id Cardinalis Turrecremata, qui Eugenij verba in Concilio Florentino differentis recitat. (b) *Eugenius, inquit, Florentiæ in Disputatione publica respondit ita dicens : Nos quidem progressum Concilij approbavimus, volentes ut procederet, ut inceptat ; non tamen approbavimus ejus Decreta. Et in hoc sapientissimè fecit ; quis enim nisi imprudentissimus Princeps approbaret Decreta, quæ nunquam vidisset, aut quæ prius non examinasset, si in eis minùs rectum, aut minùs verum, aut minùs expediens reperiretur ?* Lege totam Eugenij Bullam, quæ sessione 16. recitatur, & ne verbum quidem invenies, quo dicatur Basileensium Decreta confirmari ; imò, quod efficacissimè convincit, Legati ab Eugenio missi, rogatique, ut Decreto Constantienſi de subjectione Pontificis subscriberent, subscripserunt ( uti expressè habetur sessione 17. ) nomine proprio privatoque ; non verò ut Legati Pontificis ; quod evidentissimo argumento est, aliam fuisse Eugenij mentem ; alioquin quid opus erat protestari, se id nomine proprio, non verò nomine Eugenij præstare velle ? Idipsum testantur (c) Turrecremata, & (d) Spondanus. Et hæc sunt, quæ de Basileensi Concilio dicenda habui studio curaque veritatis.

II. *Opponit* 13. (e) Universitatem Parisiensem, totaniq; Gallicanam Ecclesiam, ac præcipuos hujus Ecclesiæ ac Universitatis Doctores præferre Concilij auctoritatem auctoritati Pontificiæ. Resp.

(a) S. Athanas. epist. ad solit. vitam agentes. (b) Turrecrem. Sum. de Eccl. lib. 2. cap. 100. (c) Turrecrem. lib. 2. cap. 100. (d) Spond. ad ann. 1434. n. 2. (e) Maimb. cap. 25. fol. 253.

*Resp. Primò.* Equidem asserere non possum, quid modò Universitas Parisiensis, & Ecclesia Gallicana de hac re sentiant; video enim omnes in Regis obsequium spectare, nullâ Canonum, nullâ Ecclesiasticæ libertatis curâ, nec tam ex ratione, quàm metu præmijsq; pendere: & quid mirum, etiam scholas gratiæ & favori cellisse, si templa cesserunt? scribunt ergo calamo Doctores, quod Episcopi docent exemplo. Cæterùm paucos ante annos non hanc Ecclesiæ Gallicanæ, & Universitatis sententiam fuisse, graves testantur & oculati scriptores; nam Anno 1662. die 12. Decembris Parisijs in Collegio Claremontano Patres Societatis contra hæreses & Schisma sæculi X. hanc thesion publicè exposuerunt, defenderuntque, videlicet: *Datur in Ecclesia Romana Controversiarum fidei Index infallibilis, etiam extra Concilium Generale, tum in quæstionibus juris, tum facti; unde post Innocentij X. & Alexandri VII. Constitutiones, fide divinâ credi potest, librum, cui titulus Augustinus Jansenij, esse hæreticum, & quinque propositiones ex illo excerptas Jansenij esse, & in sensu Jansenij damnatas.* In hac thesi agitur quidem de sola Pontificis infallibilitate, sed ex illa apertè sequitur, Concilium non esse supra Pontificem; si enim Papa etiam extra Concilium in rebus fidei errare & falli non potest, ergo nec corrigi, nec judicari à Concilio potest, & consequenter nec Concilio subjicitur. Patres ergo Societatis, quamvis Parisijs essent, & Parisijs docerent, non crediderunt, mentem esse Universitatis Parisiensis, aut Ecclesiæ Gallicanæ, ut Concilium Pontifici præferatur; quis enim credat aut ignorasse illos Ecclesiæ Gallicanæ sententiam, aut contempsisse? nisi fortè dicas, aliam illorum temporum, aliam istorum conditionem esse; tunc enim fortiter contra Jansenium scribebatur, quia quid Jansenio aut placeret, aut displiceret, parùm intererat: nunc verò aptari calamus debet Regio favori, oportetque Pontificis auctoritatem ex Principis gratia metiri. Alia quamplurima omitto, quæ sequenti Dissertatione prolixè dicentur.

*Resp. Secundò.* Sed ut dixi, parum mihi curæ est, quid modò Ecclesia Gallicana sentiat; quærimus quid olim senserit, quando videlicet illibata innocensque florebat, veritatis, non gratiæ anxia, nec ad Regis arbitrium suspensa. Eam pro nobis sterisse, sequentia clarè ostendunt.

Nam Primò Anno CCCCXCVIII. mortuo Anastasio Pontifice Maximo delectus est Symmachus Romanæ Ecclesiæ Diaconus.

At

At Festus è primis senatoribus corrupto pecunijs Clero, magnam ejus partem sibi adjunxerat, & suffragia pro Laurentio S. Praxedis Archiepresbytero paraverat, eodemque die Symmacho opposuerat, emptà auro electione. Creditum est, id datum à Festo Anastasij Imperatoris Eutychiani gratiæ, cui, cùm Constantinopoli Anastasij Pontificis Legatum ageret, pollicitus erat, se acturum, ut Roma Henorico subscriberet. Cùm ergo Schisma in Urbe flagraret, nec partium studia componi possent, itum ad Theodoricum Regem, qui pro (a) Symmacho, quippe pluribus votis electo, sententiam dixit: nec id jure factum, sed necessitate ac meliorum desperatione, deque partium consensu. Festus judicio victus ad fraudes & calumnias vertitur. Multa Symmacho flagitia imposita, præsertim adulterij, utque Pontificatu absolveretur, à Theodorico petitur. Is Episcopum destinavit, qui criminationes, causamque Symmachi examinaret, sed vociferante (b) Clero, id contra Canones fieri, nec ab alio judicari Pontificem, quàm à S. Concilio posse, imò ne à Concilio quidem, nisi illud Pontifex convocasset; Symmachum rogat, Concilium indicat. Is Regi assensus Romam centum & quindecim Episcopos vocat, seque eorum judicio spontè submittit. Audi acta Synodi Palmaris; sic, enim teste Anastasio in Honorio, Porticus Basilicæ S. Petri Palmaria dicebatur: *Memorati Pontifices (quos videlicet Theodoricus ad Synodum invitaverat) suggererunt Regi, ipsum Symmachum, qui dicebatur impetitus, debuisse Synodum convocare, scientes, quia ejus Sedis primum Petri Apostoli est meritum, vel Principatus, nec antedictæ Sedis Antistitem minorum subjacuisse judicio. Sed potentissimus Princeps ipsum quoque Papam in colligenda Synodo voluntatem suam demonstrasse significavit &c.* Sed cùm in Synodo nullus fieret disceptandi finis; Symmachus moræ & contentionum fessus, quamvis terriò vocatus negat, se amplius velle judicio sisti, & minorum, quibus nullum in se jus esset, sententias experiri; nec Patres abnuerunt, quorum ad Regem scribentium hæc sunt verba: (c) *Nobis quid facere possumus, non remansit, nec inritum ad disceptationem nostram adducere possumus; nova res est, Pontificem Sedis istius apud nos audiri, nullum constat exemplum &c.* Inhorruit Gallia, ubi Reum Pontificem audijt, multoque magis ubi Concilium judicasse. Ergo omnium nomine ad Festum, Sym-

(a) Anastasius in Symmacho (b) V. Tom. 4. Concil. edit. Paris. & Maimb. de Schism. Occident. lib. 5. fol. 295. Cassiodor. in chron. Anno 500. (c) V. Tom. 4. Concil. edit. Paris. fol. 1330. & seqq.

Symmachumq; Romani Senatûs capita hæc Avitus Episcopus Viennensis scribit: (a) *Dum de causa Romanæ Ecclesiæ anxij nimis ac trepidi essemus, utpote nutare statum nostrum in lacesito vertice sentientes, quos omnes una criminatio percussisset, si statum Principis obruisset. In Sacerdotibus ceteris potest, si quid forte nutaverit, reformari; at si Papa Urbis vocatur in dubium, Episcopatus jam videtur, non Episcopus vacillare. Sanctorum voce patet, Pontificum dignitatem Sedis ejus sanctam toto Orbe Venerabilem, dum illic, quidquid fidelium est, ubique submittitur, dum totius Orbis caput esse dignatur; de qua mihi videtur dictum per Prophetam: si hæc humiliabitur, ad cujus confugietu auxilium, & ubi relinquetis gloriam vestram. Non facile datur intelligi, quâ vel ratione, vel lege ab inferioribus eminentior judicetur, quod Synodus ipsa venerabilis laudabili Constitutione prospiciens causam, quam (quod salvâ reverentiâ dictum sit) penè temerè susceperat inquirendam, divino potius servavit examini. En tibi Gallicanæ Ecclesiæ sententiam doctrinâ ac pietate florentis, quippe sub tempora baptizati Clodovæi: Non posse Romanum Pontificem in dubium seu judicium vocari: Illud quidquid est fidelium, submitti, esse totius Orbis Caput, & temerè à Synodo judicari, sed Divino tantum examini servari. Ita Galliæ Antistites ante mille centum & octoginta annos sensere. Nequè, dicas, id tantum de Synodo particulari intelligendum esse, non verò de Synodo Oecumenica. Respondeo, vanum esse hoc effugium, omnes enim rationes, sacræq; auctoritates, quæ probant Pontificem particulari Synodo, probant etiam Oecumenicâ esse superiorem: & citati Patres Gallicani expressè fatentur, Romanum Pontificem Divino tantum examini servari; quod falsum esset, si Oecumenico Concilio subjaceret. Et ita, quod maximi momenti est, Ennodius sensit; is enim & Gallus erat, nec ignorare poterat mentem Ecclesiæ Gallicanæ, eodemq; tempore vixit, quo Synodus agebatur, & pro Symmacho eloquentissimè scripsit, tantoq; pretio apud Patres Synodi Romanæ Apologeticum fuit ab eo conscriptum, ut redigi voluerint inter acta Synodalia, & pro doctrina Synodali ab omnibus haberi. Audi acta ipsius Synodi: Eo recitato libello, & ab omnibus consonâ voce comprobato, sancta Synodus dixit: hæc futuris temporibus referrentur, atque ab omnibus teneantur, & ab omnibus servantur: hic libellus integerrimè synodali ter ab omnibus teneatur; atque inter quartæ & quintæ Synodorum actiones interponatur, quia Synodali auctoritate conscriptus est, & roboratus. Ad quæ omnes ter unâ voce responderunt, ut fiat rogamus. Jam verò cum tantæ sit auctoritatis Apologeticum Ennodij,*

Uuuu

(a) S. Avitus Episc. Viennens. ep. 2. communi omnium Episcoporum Galliæ nomine apud Sirmond. in Ennod.

audi quid ipse sentiat de Pontificis potestate nulli humano iudicio obnoxia : *Aliorum hominum causas DEUS voluit homines terminare, sed Sedis istius Praesules suo sine quaestione reservavit arbitrio: voluit B. Petri successores Caelo tantum debere innocentiam.* Dicat forsitan: omnium animarum talis eris in illa disceptatione conditio. Replicabo, uni dictum: *Tu es Petrus, & super hanc petram aedificabo Ecclesiam meam.* Si ergo DEUS Romanos Pontifices suo soli arbitrio reservavit; si voluit Caelo tantum debere innocentiam, pater illos Oecumenico Concilio minimè subdij; alioquin falsum esset, eos soli Divino arbitrio reservari, & Caelo tantum innocentiam debere. Id verò tam clarum est, ut ipse Maimburgus tum Ennodij, tum Antistitum Galliae, quorum voces Avitus Viennensis calamo expresserat, testimonijs victus libro quarto de magno Schismate Occidentis fol. 307. in hæc verba proruperit: *Par l'histoire meme de Symmachus il est tout evident, que le Concile de Rome, toute l'Eglise Gallicane, Ennodius & le Canons rapportez dans le Decret de Gratien avoient déjà décidé plus de neuf cens ans auparavant, que c'est à Dieu seul, qu'on doit réserver la connoissance, & le jugement des crimes, qu'on pourroit imputer aux Papes, & consequemment qu'il n'y a Personne, qui ait droit de les juger, ny de les déposer, si ce n'estoit, qu'ils fussent Hérétiques, car il est certain, qu'en ce cas ils ne seroient plus Papes.* Hoc est: *Ex ipsa Symmachi Historia certissimum est, tam Concilium Romanum, quam Ecclesiam totam Gallicanam, Ennodium, Canonemq; à Gratiano citatos jam ante nongentos annos decidisse, solius DEI iudicio cognitionem, sententiamq; eorum criminum reservari, quæ Romanis Pontificibus imputantur; & proinde nulli mortalium fas esse sententiam contra illos dicere, eisq; Pontificatum abrogare, nisi sortè hæresi tangerentur, tunc enim certum est, eos ne Pontifices quidem esse.* Hactenus Maimburgus, cum adhuc innocenti calamo scriberet, nec præmijs capto, & hoc ipso exemplo utitur, ut ostendat: *Non licuisse Concilio Constantiensi Joannem XXIII. Pontificatu exuere, idque Senatui Regium censuisse.* Si ergo ex sententia Caroli VII. Galliarum Regis, ejusq; senatus, ac etiam ipsius Maimburgi non licuit Oecumenico Concilio etiam tempore Schismatis, etiam in dubium Pontificem sententiam ferre, quanto minùs licebit in unicum, verum, indubiumque? Sed ut dixi, hæc Maimburgus scripsit pace inter Pontificem, Regemque florente; ubi turbata est, animum ac sententiam mutavit, Regique accessit, non quòd hujus causa melior, sed quia vicinior, potentiorque, sicq; prærium ex propinquo paratius. Ergo sive Concilium Romanum, sive Gallicanam Ecclesiam, sive Ennodium & Maimburgum æquè Gallos interroges; Papa omni Concilio superior.

Secundo.

## ad Auctoritatem Universitatis Parisiensis. 673

*Secundò.* Facit pro hac nostra sententia egregium Ennodij Galli (qualem se sæpè proſtetur) testimonium modò recensitum.

*Tertiò.* Anno DCCC. Cùm Carolus Magnus Romæ ageret, & Leonem III. criminibus, quæ ab æmulis objectabantur, in Synodo purgari vellet, Antistites maximâ & præcipuâ parte Galli (ur testatur Anastasius in vita Leonis) in hæc verba exclamârunt: *Nos Sedem Apostolicam, quæ est caput omnium Ecclesiarum, judicare non audemus. Nam ipsa nos omnes, ipsa à nemine judicatur, quemadmodum antiquitus mos fuit.* Ita Anastasius in vita Leonis. Si à nemine judicatur, ergo neque à Concilio Oecumenico; & nota ea verba: *Sicut antiquitus mos fuit.* Nostra ergo sententia jam dudum Antiquitati commendata fuit, nec uti falsò supponit Maimburgus, modò tyrocinium egressa.

*Quartò.* Anno circiter 1004. Ivo Carnotensis epist. 183. *Judicia Romana Ecclesiæ à nemine retractari possunt; & si quis aliquando hujus Ecclesiæ auctoritate prægravatum se sentiat, non debet in Ægyptum descendere propter auxilium, sed ab ipsa ad ipsam confugere, & inde expetere levamen, unde se conqueritur accepisse gravamen.* Si ergo *Judicia Romana Ecclesiæ à nemine retractari possunt; si ab Ecclesia prægravatus ad nullum alium recurrere, ergo Concilium non est supra Papam, alioquin hujus judicia retractari possent, & prægravatus à Pontifice, non ad hunc redire teneretur, sed posset ad Concilium provocare.*

*Quintò.* Anno circiter 1300. S. Thomas Aquinas, qui Parisijs didicit, docuitque, & quo Universitas Parisiensis neminem habuit doctrinâ & sanctitate majorem; is opusculo contra impugnantes Religionem capite 4. ita loquitur: *Papa habet immediatam jurisdictionem in omnes Christianos, quia Romana Ecclesia nullis Synodicis constitutis cæteris Ecclesijs prælata est, sed Evangelicâ voce Domini & Salvatoris nostri primatum obtinuit, & illa, quæ sancti Patres determinaverunt esse juris positivi, sunt relicta sub dispositione Papæ, ut possit ea mutare vel dispensare secundum opportunitates temporum vel negotiorum. Sancti enim Pastres in Concilij congregati, nihil statuere possunt, nisi auctoritate Romani Pontificis interveniente, sine qua etiam nec Concilium congregari potest.* Et Quæstione de Pot. 2. 4. ad 3. *Romanus Pontifex hoc suâ auctoritate potest [hoc est, interpretari Symbolum] cujus auctoritate solâ Synodus congregari potest, & à quo sententia Synodi confirmatur, & ad ipsum à Synodo appellatur. Quæ omnia patent ex Gestis Chalcedonensis Synodi. Nec est necessarium, quòd ad ejus expositionem congregatur Universale Concilium; cùm quandòq; id fieri prohibeant belli dissidia, sicut in 7. Synodo id legitur, quòd Constantinus Imperator dixit, quòd propter imminentia bella Universalem Synodum congregare non potuit, sed tamen illi, qui convenerunt, quædam dubia in fide exorta sequentes sententiam Agathonis determinaverunt.* *Sexiò.*

*Sextò.* Sanctus quoque Bonaventura Clarissimum Universitatis Parisiensis Lumen, & de quo Joannes Gerson ejusdem Universitatis Cancellarius verissimè dixit: (a) *Nunquam talem Doctorem habuisse studium Parisiense* Hic, inquam, Seraphicus Doctor de Cœlesti Hierarchia p. 2. c. 1. *Summus Pontifex, penes quem prima in terris residet auctoritas, non à Rege, non à Principe seculari, non ab homine judicatur, sed solius DEI judicio reservatur.*

*Septimò.* Extollunt Moderni Galli Decreta Concilij Constantiensis, ac præsertim Patres Conventûs Parisiensis, ut proinde hujus Concilij doctrina dici possit doctrina modernæ Ecclesiæ Gallicanæ; at Patres Concilij Constantiensis negant Concilium esse supra certum & indubitatum Pontificem, idq; patet ex eo, quòd quoties potestatem Concilio in Pontificem tribuunt, toties clausulam taxativam & restrictivam apponunt, videlicet: *In his, quæ pertinent ad fidem & extirpationem dicti Schismatis; super præmissis, aut ad ea pertinentibus, pro Unione Ecclesiæ &c.* Planè hæ restrictiones aperte significant, in alijs casibus, quando videlicet nec Schisma est, nec dubius Papa, nullam esse Concilio potestatem; exceptio enim firmat regulam in contrarium, quemadmodum si Episcopus dicat: *Concedimus Petro facultatem audiendi missam in sacello domestico durante morbo;* hoc ipso innueret, morbo finito, facultatem quoque sublatam: Sicque Henricus Spondanus quamvis Gallus & Episcopus Apamiensis in Annalibus Ecclesiasticis intelligendum esse Concilium Constantiense disertè, multisque in locis profitetur: præcipuè verò ad Annum 1415. n. 54. & ad Annum 1418. n. 5. cujus verba postea exscribemus. Sed præsertim Concilium suam mentem expressit, quando die 11. Septembris Anno 1417. ante sessionem 40. post trium Obedientiarum Unionem, cum tres Nationes Italica, Hispanica, & Gallica vellent prius certum Pontificem eligi, quàm ad Decretum Reformationis procedi; Germanica verò contenderet, præmittendam Reformationem, tandem acquievit Germanica tribus alijs Nationibus, idque jure meritò, quid enim magis ad Reformationem necessarium, quàm tolli Schisma, & reddi Ecclesiæ Unionem? Post quæ, subjungunt acta, (b) *suerunt factæ diversæ formæ Decreti ad hoc; ac tandem fuit dictum, quòd Papa electus ligari non poterat;* ita habetur in 4. Manuscriptis Codicibus à doctissimo Schelstrato editis, relatisque in actis & Gestis Concilij Constantiensis. Si Papa à Concilio ligari non potest; sequitur ergo Concilium non esse supra Pontificem, ideo enim adversarij Concilium Pontifici præponunt, ut ligari, judicariq; à Concilio possit; at

Con-

(a) Gerson de lib. Leg. consid 5. p. 1. (b) Schelst in Actis & Gestis Conc. Const. fol. 268.



Concilium Constantiense negat id fieri posse. Eadem die, mense, & anno in Protestatione à tribus Nationibus (quarum florentissima Natio Gallicana, ut ex actis patet) contra Germanicam edita, & communi nomine à Cardinali Pisano lecta, cujus initium: *Audite hæc omnes gentes, circa medium hæc habentur: Si ante dictam provisionem Ecclesiæ de Pastore, aut saltem modi electionis illius, suppositis hujus Concilij Decretis, quibus omnia jura circa electionem Summi Pontificis edita dicuntur esse suspensa, sequeretur Ecclesiam DEI esse sine Capite, & sine Lege. Et Ecclesia in periculo remaneret, quia vix congregaretur indubitatum Concilium deficiente Capite, ad quod pertinet convocare.* Quomodo ergo Concilium est supra Papam, quando ne quidem est Concilium, multoq; minùs habet auctoritatem Conciliarem, deficiente Papâ? Quomodo sustineri potest, auctoritatem Concilij esse immediatè à Christo, si ne Concilium quidem esse aut dici potest, Pontifice sublato, eisq; auctoritatem non præstante? Quod si defectu Pontificij consensus Concilium evadit nullum, multo magis erit nullum, Papâ expressè contradicente; plus enim est, positivè contradicere, quàm tantum non consentire. Rursus in Bulla Martini V. sacro approbante Concilio facta, quæ habetur sessione ultimâ, inter alias propositiones, quæ aliquem suspectum hæresis reddunt, etiam hæc ponitur: *Papa canonicè electus non est successor Petri, nec habet in Ecclesia DEI supremam auctoritatem.* Agnoscit ergo Concilium, supremam in Pontifice potestatem, atqui suprema non esset, si Concilio subjaceret; quemadmodum in statu Democratico, qualis erat Respublica Romana, & hodiè Helvetica, nemo dicit supremam potestatem esse penès Consulem, sed penès Comitum Popularia. En tibi Concilium Constantiense, ipsamq; Ecclesiam Gallicanam, præcipuam videlicet illius Concilij partem sententiæ nostræ subscribentem!

*Obi.* Insigne Ecclesiæ Gallicanæ testimonium habemus in protestatione, quam ea ante Sessionem 40. Concilij Constantiensis contra Nationem Germanicam edidit, quodq; modò antè retulimus.

*Respond.* Anno 1441. Carolus VII. Francorum Rex celebrato apud Buirigas Galliæ præfulum Conventu, missaque ad Eugenium IV. legatione, cujus Princeps Episcopus Meldensis, non solum Eugenium pro vero Pontifice agnovit, respuitq; Decreta Basileensia, verum etiam Pontificis Romani supra Concilium auctoritatem palàm testatus est; verba Meldensis Episcopi hæc sunt. *Nimio fervore resistendi ad hanc insaniam devenerunt (Basileenses videlicet) quòd supremam potestatem in uno supposito consistere denegans, sed eam in multitudine, quæ citò in diversa scinditur, collocant, & sic*

*pulcherrimam Ecclesiæ Monarchiam, quæ Christianos hucusq; tenuit in unitate fidei, in una professione Religionis Christianæ, in uno ritu sacramentorum, in una observantia mandatorum, in eisdem ceremonijs divini cultûs, atque pacem & tranquillitatem asseruit, nunc abolere contendunt, nobilissimam Politiam, quæ beatitudinem celestem habet pro fine, ad Democratiam vel Aristocratiam redigentes. Et hoc animadvertens præfatus Rex Christianissimus vehementi dolore ingemiscit, ac remedia ubiq; perquisit, ac deniq; consulto Prælatorum &c. Observa, quâ Galli censurâ nostram ab Adversariorum sententia distinguant; Adversariorum enim sententiam, quæ Concilium Pontifici præponit, insaniam vocant. Nostram verò, quæ Concilium Pontifici subdit, ac perfectam Ecclesiæ Monarchiam statuit; (a) Pulcherrimâ Monarchiæ, Unitatis, fidei, ac Religionis Christianæ, Obedientiæ, pacis, ac tranquillitatis Matrem appellant; quid poterat luculentius à Gallis dici? aut quis unquam sententiam nostram pulchrioribus encomijs, Adversariorum verò graviore censurâ notavit? Neq; hæc solius Regis aut Episcopi Meldensis sensû fuisse, sed ut in eadem Oratione habetur: Ex Consulto Prælatorum, & aliorum multorum sapientum Regni sui, &c. Hæc Gallus perorabat.*

*Decimò. Anno MDXIII. Ludovicus Galliæ Rex Legatos suos Cardinalem videlicet Sanseverinum, Claudium Seisellum electum Episcopum Massiliensem, ac Ludovicum Furbin ad Concilium Lateranensem mittit, qui exhibitis Regijs litteris professi sunt: Galliæ Regem, Concilio Pisano ac omnibus in eo peractis renuntiare: Concilio verò Lateranensi tanquam Legitimo, unico, indubitato & Oecumenico adherere, & quàm primum fieri poterit, effecturum, ut aliqui Prælati & insignes viri nomine Ecclesiæ Gallicanæ cum sufficiens mandato submittantur, qui Concilio Lateranensi adhaereant & assistant, quemadmodum cæteræ Nationes. Idemq; Claudius Massiliensis Episcopus publicis instrumentis & litteris, (b) quas Concilio sequenti anno exhibuit, palàm fecit, ostenditque: Cabilonensem, Lexoviensem, Ambianensem, Engolismensem, & Landunensem Episcopos unâ cum aliquot Doctoribus in Theologia, & utroq; jure iter ad Pontificem sumpsisse, ad renuntiandum Pisano Conventui, & adhaerendum Lateranensi Synodo. In hoc autem Concilio, quod Galli pro vero & Oecumenico habuere, sessione 10. pronuntiatum est: Solum Romanum Pontificem pro tempore existentem auctoritatem super omnia Concilia, plenamq; potestatem habere Conciliorum indicendorum, transferendorum, ac dissolvendorum, idque ex sacrarum litterarum testimonio, dictis Sanctorum Patrum, factorumque Canonum Decretis constare, &c. Et quamvis per modum*

(a) Habetur tota Oratio Episcopi Meldensis apud Raynald. ad ann. 1441. ex Codice Vaticano 4177. descripta. (b) V. acta Concilij Scell. 8. & 9. Spomdan. ad ann. 1514. n. 3.

modum Dogmatis definitum non fuerit, negari tamen haud potest, maximæ auctoritatis hanc doctrinam esse, utpote in Concilio Universalis assertam, probatam, & cui nullus Episcoporum resistere est ausus.

*Undecimè.* Hanc ipsam veritatem agnovit, ac sæpè in suis professus est Henricus Spondanus Natione Gallus, dignitate Episcopus, doctrinâ eximius, pariq; pietate ac honorum contemptu, sicque adulationis expertus, quam nemo gratis exercet. Is ad Annum 1415. n. 16. ubi agit de sessione 4. Concilij Constantiensis, ita loquitur: *Hoc Decretum sessionis 4. accipiendum est de tempore Schismatis, cum dubitaretur, quis verus esset Pontifex; de quo semel dicimus, cum apud diversos pluresque ejus seculi auctores reperitur assertum, Concilium esse supra Pontificem, Papam subesse Ecclesiæ, intellexisse omnes ( si verba eorum diligenter expendantur ) intelligendumq; omnino esse, quando agitur de fide aut tempore Schismatis, quoniam si Papa sortè fieret hæreticus, desineret esse Papa, tempore verò Schismatis incertus est: Ecclesiæ autem nec unquam labi in hæresin potest, nec ejus auctoritas est unquam incerta.* Et ad annum 1418. n. 5. *Que ambigunt dicta fuerant de auctoritate Concilij supra Pontificem, & de potestate reformandi Ecclesiæ, tam in Capite, quam in membris, ut sonare videntur, absolute sumptas nullo modo Martinus agnoscere, aut probare voluit, utpotè contrarias existimatas & praxi antiquioris Ecclesiæ, & collatæ a Christo Domino Petro, ejusque successoribus auctoritati ac potestati, ipsique demum naturæ rei, quæ Caput debet membra regere, non regè à membris, &c.* Hæc Spondanus, cui utique nemo unquam imputabit, aut ignorasse illum Ecclesiæ Gallicanæ sententiam, aut ab ea descivisse. Caballutius Anno 1680. ( biennio ante Declarationem Parisiensem ) Gallus Aquifextiensis in Notitia Conciliorum f. 508. cum privilegio Regis edita, postquam probasset Decreta Concilij Constantiens. esse intelligenda de casu Schismatis, *his duobus seclusis casibus ( hæresis & Schismus ) Papa non subest potestati coactivæ ullius Concilij*, probatque auctoritate Conciliorum Sinuessani, Romani sub Symmacho, & Calcedonenis Act. 1. contra Dioscorum. Gaballinus Gallus l. 5. de Jure Canonico, *Generalia Concilia sine auctoritate Pontificis errasse constat etiam presidentibus ejus Legatis, quoties ejus commonitorium, aut instructionem secuti non sunt, ut in Ephesino Latrociniale, Ariminensi, Sirmienti &c.* Unde colligas definitionem Pontificiam per se solam sufficere, & auctoritatem Synodum universalibus tribuere, quam ex se solâ, & secluso Romano Pontifice non haberent. Eadem habet Raynaudus: in *Λ αὐτὸς ἔφα* puncto 14

*Duodecimò.* Ipse Maimburgus infestus adeò Romanæ sedì, seu nondum adulatione corruptus, seu veritati cedens; id ipsum apertissimè professus est in libro de Magno Schismate Occidentis lib. 5. fol. 307. ubi cùm longâ oratione, & exemplo Symmachi Papæ, quod suprà retulimus, ac præsertim auctoritate Ecclesiæ Gallicanæ tunc temporis sanctitate ac doctrinâ eximiam ostendisset: Pontificem Romanum nullius Synodi, sed solius DEI judicio subjacere, hæc tandem verba ex suo adjungit: *Manifestum omninò est, exemplo Synodi Romanæ, testimonio Ennodij, Ecclesiæ Gallicanæ, sacrorumque Canonum à Gratiano citatorum, jam supra nongentos annos decisum esse, soli DEO judicium reservari eorum criminum, quæ Pontifici Romano imputantur, siquæ nulli Mortalium fas esse Pontificem judicare, aut eum Pontificiâ dignitate exuere; solâ hæresi exceptâ, quam si incurrat, certum est, illum nec dici, nec esse Pontificem posse.* En tibi & Ecclesiæ Gallicanæ, & ipsius Maimburgi manifestam sententiam! quam si postea Maimburgus mutavit, non causæ hoc vitium, quæ semper eadem est, sed animi fuit, indignatione in Pontificem, amore in Principem, & cupiditate præmiorum capti, aut si hæc omnia defuere, (nec enim mortuum judicaverim) eum societas aulæ corripit, ardorque non tam vera scribendi, quàm grata & placitura. Miserum si tam brevi, fluxoque pretio calamum locavit, & tempori, non æternitati scripsit. Plura dici possent, quibus Ecclesiam Gallicanam pro nobis stare palam fieret; sed id totâ Dissertatione quartâ ex professo, & luce meridianâ clariùs demonstrabitur.

III. *Opponit 14.* (a) Totum est nobilius parte, & corpus est nobilius membro, idq; non tantum lumine naturali evidens est, sed etiam sancti Patres testantur: S. Augustinus de Baptismo: *Totum suis partibus optumè præponitur.* Et S. Hieronymus epistolâ ad Evagrium: *Major est auctoritas Orbis, quàm Urbis.* Atqui summus Pontifex cùm sit caput, est etiam pars, & membrum Ecclesiæ, ergò Ecclesia & consequenter Concilium, quod Ecclesiam representat, est nobilior, & superior Pontifice.

*Resp.* Si ita est, ergo & Synodus Diæcesana est supra Episcopum, & exercitus supra Ducem, & Capitulum supra Abbatem, quia Episcopus est Caput suæ Ecclesiæ, & Dux caput exercitus, & Abbas caput Capituli, poteritq; Synodus Episcopos deponere, exercitus Duces, Capitulum Abbates judicare, punire, ac etiam deponere; quæ si admittantur, quis non videt solvi omnem Ecclesiasticam, humanamq; disciplinam? nam si semel hæc potestas subditis permittatur, sive sigillatim sive collectim sumptis,

(a) Maimburgus cap. 25. fol. 242.

sumptis, nunquam causa deerit obrectandi. Imò hoc Maymburgi Principium ejus potius sententiam destruit; quippe Capituli officium est, non solum singula ac separata membra gubernare, sed universum collectumque corpus: sicut & Belli Imperator non singulis tantum militibus, aut manipulis, sed Universo exercitui imperat, præscribitque quid agere, quid omittere oporteat; & tunc primum collabi Imperium Romanum cœpit, quando exercitus deligendi, deponendi; Imperatoris sibi jus vendicavit; tuncque florentissimum stetit, quando, ut sub Octaviano Augusto contigit, unus omnibus imperabat immuni ac securâ Majestate; quod si aliquando penes senatum Romanum Imperium stetit, modicâ adhuc Republicâ id fuit; nam dilatatâ, & Orbem complexâ nunquam bellis civilibus jactari desijt, donec summâ rerum unus potiretur: Idem dicas de Ecclesia toto Orbe diffusa, quæ toties turbata est, ac discordijs scissa, quoties Pontificis imperium aut respuit, aut excussit; testes Græcia, Anglia, Germania; nec ulla hæresis prodijt, quæ non simul, eodemque tempore DEO rebellis & Pontifici fuerit: ipsa Concilia cum imperare, non obsequi mauerunt, quantas in Ecclesia, & implacabiles tempestates concitârunt? nec prius composita, quàm redditâ Pontifici obedientiâ, idque in Pisano, & Basileensi Concilijs palam fuit; ergo ut dixi, tam non potest pax in Ecclesia, & Concilijs esse, nisi Pontifici submittantur; quàm in exercitu, nisi uni pareat Imperatori, seque regi patiat; aut in corpore, nisi à Capite sustentetur, motumque accipiat; est ergo, ut dicebam, de ratione ac bono corporis, ut regatur à Capite, non ut regat, & idem semper magis corpori consultum est, ut quaecunque caput habeat, etiam ægrum & infirmum, quàm nullum; & pessimus is Medicus foret, qui deponi caput, & truncari juberet, quo corpori mederetur; Carnificis hæc remedia, non Medici sunt. Imò hoc ipso, quod Ecclesia est præstantior, nobiliorque Pontifice Romano, non quidem jurisdictione & auctoritate, sed extensione ac fine, (cum Papa sit propter Ecclesiam, & propter hanc magis, quàm propter Papam Christus sit incarnatus, ac Religionem, & Sacramenta instituerit, quemadmodum & Rex est propter Populos, & Dux propter exercitum) oportuit Pontificem Ecclesiæ, & Concilijs præesse, ac imperare, cum hæc ipsa superioritas Pontificis, & subjectio Ecclesiæ ac Conciliorum cedat in maximum bonum, utilitatem, pacem, ac perfectionem Ecclesiæ, quemadmodum & Magister est propter Discipulos, & Dux propter exercitus, & Tutor Principis propter Principem, & idem oportet Magistrum, Ducem ac Tutorem imperare, discipulos verò, exercitum, ac pupillum subesse, quia

X x x

videlicet

## 680      Dissertatio III. §. VI. Respondetur

videlicet istorum interest, subesse potiùs regique, quàm imperare, nec aliud magis exercitui, Discipulis, pupillisq; noceret, quàm si mallent imperare, quàm obsequi. Nec obstat, quod ridiculè objicit Maymburgus: *Aliam, videlicet, esse Regis Ducisq; rationem, aliam Pontificis; Illos enim esse non tantùm capita, sed etiam Dominos, & ided imperare & præesse, non subijci, prohibente Christo Dominatum illis verbis: Reges Gentium dominantur eorum, vos autem non sic.* Quasi verò ad solos Dominos pertineat imperare, & non etiam ad eos, qui licet Domini non sint, jurisdictionem tamen & auctoritatem in alios habent; num Dux à Principe bello præfectus Dominus est exercituum, quos ducit? num Dominus Discipulorum est Magister? Tutor Pupilli, Medicus ægroti, Judex litigantium? & tamen hi omnes superiores sunt, imperantque, alij verò, qui forsàn Domini sunt, obedire tenentur; sed Maimburgus non distinguit inter Dominum Jurisdictionis, & inter Dominum proprietatis; Pontifex non est *Dominus Proprietarius* Ecclesiæ, & ided non potest pro lubitu de bonis seu temporalibus, seu spiritualibus Ecclesiæ disponere; est tamen *Dominus Jurisdictionis*: nec Christus omnem Dominatum in Ecclesia prohibet, sed tantùm qualem *Reges Gentium* usurpare solent, hoc est, cum fastu, pompa & ambitione conjunctum. Rursus prohibet Dominatum Proprietatis, & qui cedat in destructionem Ecclesiæ, non verò Dominatum Jurisdictionis, & qui necessarius est ad ædificationem Ecclesiæ, qualis videlicet, Judici, Tutori, Medico, Pastoriq; competit, quem si ab Ecclesia tollas, quid intererit inter Ecclesiam, & Brasiliam? *At Ecclesia est totum, Pontifex est membrum Ecclesiæ, ergo Pontifex est infra Ecclesiam, & ab ista regi, & gubernari debet.* Hæc illatio tantum valet, quantum istæ: Caput est membrum corporis, & corpus est totum, ergo caput est infra corpus, & regi, gubernari, ac moveri à corpore debet; Dux belli est caput, & membrum exercitus, ergò regi, judicari, puniriq; ab exercitu debet. Admitto Pontificem esse Caput, & membrum Ecclesiæ ac Concilij Oecumenici, sed nego propterea Ecclesiæ ac Concilio subijci, nec enim est membrum qualecunq; sed membrum hierarchicum, ac principium totius motûs, ac Directionis spiritualis, de cujus ratione est, ut moveat, & non ut moveatur; ut gubernet, non ut gubernetur, & hoc ipsum ad commodum Ecclesiæ pertinet. Deinde Ecclesia ut opposita & separata à Pontifice, tam non est totum, quàm corpus à capite distinctum non potest dici totum corpus; & exercitus ut oppositus ac separatus à suo Duce, non est totus & integer exercitus, sed optimâ sui parte minutus, ineptusque victoriæ, ac hosti obnoxius. En quot

vitijs

vitijs abundat Maimburgi argumentatio ? supponit enim, omnem Dominatum in Ecclesia à Christo sublatum esse : nullam esse distinctionem inter Dominum Jurisdictionis & Proprietatis : eum tantum imperare & gubernare ac auctoritatem in alios habere, qui Dominus est : Concilium à Papa separatum, eique oppositum esse aut repræsentare totum, & integrum corpus Ecclesiæ, & alia similia, quæ falsissima omnino sunt. Sicut & illud falsum, quod Concilium sit supra Papam, quia vacante sede, aut Pontifice dubio pertineat ad Concilium de Pontifice dubio sententiam ferre, ex quo colligit, Concilium esse supra Papam etiam certum ; manifesta enim est disparitas, nam Papa dubius, cum lateat, nec missionem & commissionem suam ostendat, non est caput visibile Ecclesiæ, cum de illo non constet : nec tenetur Ecclesia ei obedire, utpote Commissionem suam non probanti : & quamvis vacante sede decernere, & imperare Concilium possit, quia in hoc casu supremum est in Ecclesia tribunal ( sicut capitulum vacante Sede Episcopali ) neque possit in rebus fidei errare ; cum deficiente Capite visibili à Capite invisibili, hoc est, Christo gubernetur ; secus est, postquam Caput visibile electum est, tunc enim cessat immediatus Christi in Ecclesiam influxus, qui Ecclesiam suam non aliter vult gubernare, quam per vocem ac directionem Capitis visibilis : quemadmodum ferè quamdiu Populo Israelitico humanus cibus in deserto defuit, cælestis eum pavit : at ubi Chananæam ingressis cibus humanus præstò fuit, cælestis defuit, aliter ergo DEUS Ecclesiam regit Capite visibili destitutam ; aliter Capite visibili instructam, sicut aliter pavit Israël, cum humanus cibus defecerat, aliter cum abundabat ; aliter Eliam in deserto, aliter in Civitate.

IV. Opponit 15. (a) Testimonium Pij II. Summi Pontificis. Pius, inquit, II. cum adhuc *Aeneas Silvius* vocaretur, ageretque *Basileensis Concilij Secretarium*, exemplo *Doctorum Parisiensium* omnem nervum intendit, ut defenderet majorem esse Concilij, quam Pontificis auctoritatem : at verò ubi Pontificatum obtinuit, ex rationibus, quas facile quisvis imaginari sibi potest, animum induxit, ut mundo palam faceret, se ab ea sententia recessisse, quam olim utpote de meritis ac justitia causæ optime instructus ardentissime defenderat. Id per Bullam fecit, in qua retractat, revocæque, quæ *Basileæ* docuerat, & tamen in hac ipsa retractatione non potuit imperare sibi, quin manifestæ veritati suffragium ferret, aperiretque utriusque sententiæ, & quam deferebat, & quam recens complectebatur, clogium. Eius verba : tuebamur antiquam sententiam, ille ( hoc est Cardinalis ) novam defendebat ;

XXXX 2

extolle-

extollebamus Concilij Generalis auctoritatem, ille Apostolica Sedis potestatem magnopere commendabat. En ingenuam Pij confessionem ! fatetur sententiam, quæ Concilij partes tuetur, antiquam esse; eam verò, quæ Pontificem præfert, novam recensque inventam. At verò id ipsum est, quod nobis probandum suscepimus; quippe id solum præsentis libro agimus, ut Lectoribus ostendamus, quamnam hac in re antiquitatis mens & sententia fuerit. Ergo postquam tam solemne & irrefragabile Pij II. testimonium pro causa nostra habemus; merito, quod etiam in alijs articulis supra recensitis observatum est, celebre illud Cælestini I. dictum usurpaverim: *Desinat incessere Novitas Vetustatem.* Hactenus Maimburgus, cujus verba ex Gallico ad aures nostras transtuli.

*Resp.* Duo complectitur Maimburgi objectio. Primum est, Pium postquam Pontificatum adeptus est, opinionem de Concilio mutasse, quam eò usque altè imbiberat, pariq; ardore defenderat; id denotant ea Maimburgi verba: *Mais quand luy nieme fut devenu Pape, il crut par une raison, que l'on peut aisement deviner, qu'il devoit faire scavoir à tout le Monde, qu'il avoit changé de sentiment, & qu'il croit alors tout le contraire de ce, qu'il avoit soutenu auparavant.* Hoc est, Postquam ipse Pontificatum obtinuit, in animum induxit, toti Mundo palam facere, se mutasse sententiam, & tunc contraria illis sentire, quæ prius defenderat. Et infra: *C'est ce qu'il fit solennement par une Bulle, dans la quale il se retracte, & en se retractant pour declarer, qu'il vouloit suivre une autre opinion, &c.* Hoc est, Hoc ipsum solemniter vigore Pontificæ Bullæ executus est, in qua retractat priorem suam sententiam, & dum retractat, simul profitetur, se aliam opinionem amplecti velle. Et infra: *Ce Pape qui voulut bien changer d'avis, changeant de condition.* Hoc est: Hic Papa volens sententiam mutare, cum mutavit conditionem. Quæ omnia aperte significant, Pium tunc primum sententiam suam de auctoritate Concilij mutasse, cum mutavit statum, rerumq; positus est. Secundum est, quod Maimburgus in ea objectione asserit: *Pium in Bulla retractationis scripssisse, sententiam, quæ Concilium Pontifici præfert, antiquam esse, quæ verò Pontificem Concilio, novam, recentemque.* Cæterum hæc duo, quæ Maimburgus allegatâ ad marginem Pij Pontificis Bullâ scribit, tam sunt à vero aliena, tamque compertæ falsitatis, & ipsi Bullæ, quam allegat, contraria, ut mirer non erubuisse adeò corruptis mercibus incautos fallere, eos præsertim, quibus Bullam legendi aut tempus, aut occasio deerat, aut saltem non esse veritum, tandem fallaciam observatum iri æterno Auctoris dedecore. Primum quod attinet, certum, & ex ipsâ Bulla (a) manifestum est, Pium multò antè, quàm Pontificatu

posse-

(a) Bulla Pij II. quæ in Bullario est 10. Anno 1463. §. 4.



potiretur, sententiam mutasse, imò cum nondum sacris ordinibus initia-  
tus est. Audi ipsam Bullam à Maimburgo productam, & malignā in-  
terpretatione corruptam. Dicent fortasse aliqui, cum Pontificatu nobis hanc  
opinionem advenisse, & cum dignitate mutata esse sententiam. Haud ita  
est, longè aliter actum. Anno salutis primo & trigésimo supra millesimum qua-  
dringentesimum, cum Dominico Capranica, quem Martinus V. in secreto Car-  
dinalium Consistorio creaverat, Eugenius IV. spreverat, Basileam petivimus.  
Julianus aderat Cardinalis S. Angeli: Is cum cæteris præstaret, audita Euge-  
nii revocatione, præsidentiam dimisit, tanquam Summo Pontifici vellet obedire;  
sed cum augesceret indies, Eugenio vel invito Concilij præsidentiam resumpsit,  
& auctoritatem Concilij mirum in modum extollens, eminentiam primæ sedis  
supprimere cepit, & cum esset sacundissimus, faciliè persuasit Auditoribus, quæ  
cupiebat. Nos qui ex patria juvenes, non ex Urbe illuc migraveramus, &  
nova tunc primum avis ex Senensi Gymnasio evolaveramus, rudes & inexperiti  
vera esse arbitrabamur cuncta, quæ dicebantur: nec putabamus mentiri alios,  
qui nesciremus ipsi mentiri, atque ut est innatum homini, tetra & horrenda  
crimina odio habebamus. Nec Eugenium amare poteramus, quem tot, tantiq;  
testes indignum Pontificio culmine dicerent. Et infra: Adversus Concilij di-  
gnitatem mutire aliquid crimen hæresis fuit: Una omnium vox Concilium Eu-  
genio præferebat. De Sedis Apostolica præcellentia aut silentium, aut contem-  
ptus, Concilium cuncta sonabant. Didicimus ergo, quæ audivimus. Et in-  
fra: Et quamvis postea Julianus S. Angeli, & Johannes S. Petri Cardinales,  
quibus plurimum credebamur, ad Eugenium defecissent, quamquam paucissimi  
in fide Basileensi remansissent, nolimus tamen credere, existimantes cunctos, qui  
abibant, metu recedere, ne bona temporalia perderent. Post pauca: Fortè  
per id tempus (cum videl. Æneas in aula Friderici Imperatoris, qui neu-  
tri parti, hoc est, nec Eugenio, nec Concilio adhæreret) Julianus sancti  
Angeli Cardinalis ex Hungaria Viennam venit; cum eo sermonem pro veteri  
consuetudine miscuimus; sæpè de rebus Basileensibus disputavimus; tuebamur  
antiquam sententiam, ille novam defendebat. Extollebamus Concilij Generalis  
auctoritatem, ille Apostolicæ Sedis potestatem magnoperè collaudabat, &c. Et  
paulò post: Ad extremum cum suis scriptis dictisque Cardinalem premeremus,  
vinceremurque vehementer; subridens ille: Tu, inquit, Ænea tabellis obigna-  
tis agis mecum, & quoniam aliquando sensimus ut dicis, idcirco & hodie  
idem putas debere sentire, & additos priori sententiæ credis? cur non liceat  
omni tempore relicto falso verum amplecti? Tu qui errantem olim secutus es,  
cur non modò sequeris recta monentem? &c. Et infra: Hæserunt pectori

*nostro verba viri; quibus consideratis cecidit ab oculis nostris caligo, quæ velut araneorum tela verum cernere impediēbat. Eramus adhuc penè Laici, quando ad Eugenij Obedientiam rediimus. Ex Basilea Clericali tantum charactere insigniti recessimus, nec unquam sacros induimus ordines, nisi post veritatem cognitam Basileensi cæcitate relicta &c. Hætenus Pij Bulla, ex qua sequentia deducimus.*

*Primò. Pium II. non Scripturæ, non Patrum, non Conciliorum auctoritate adductum esse, ut Basileensi sententiæ adhæreret, sed ut ipsemet fatetur, rerum ignorantia, inconsultâ juventute, calumnijs in Eugenium jactatis, societate & exemplis aliorum.*

*Secundò. Pium multò ante Pontificatum, imò penè adhuc Laicum mutasse sententiam, quam Basileæ conceperat de Concilij auctoritate, idque non Romæ, sed Viennæ in Austria, ubi veritatem ab illis edoctus est, qui Eugenium maximè impugnauerant. Quanta ergo Maimburgi aut ignorantia, ut causam suam quovis modo juvaret, scribentis Pium mutasse cum Dignitate sententiam!*

*Tertiò. Illa Pij verba: Tuebamur antiquam sententiam, ille novam defendebat. Extollebamus Concilij Generalis auctoritatem, illa Apostolicæ Sedis potestatem magnoperè collaudabat. Non eum habent sensum, quem Maimburgus illis affigit; quasi videlicet Pius crederet, sententiam, quæ Concilium Pontifici præfert, fuisse in Ecclesia jam antiquam, & ab antiquis Patribus, Concilijsque receptam: quæ verò Pontifici faver, novam, recentemque: non hic, inquam, eorum verborum sensus est, sed ut apertissimè ex verbis & contextu patet, iste: Pium, cum Cardinali S. Angeli Juliano antiquam, quam olim ipse Julianus Basileæ defenderat, pro Concilio opinionem, objiceret, & pro hac olim à Juliano assertâ opinionè pugnaret; Julianum econtrâ antiquæ suæ opinionis pœnitentem, novam, quam pro Pontifice amplexus erat, conatum esse Pio persuadere: primò enim contra Pontificem Julianus Basileæ scripserat, dixeratque, multosque perverterat, & hanc vocat sententiam ejus antiquam: postea pœnitens pro Pontifice steterat, & hanc vocat Pius novam Juliani sententiam. Id ita esse luce clarius est ex suprâ recitatis Bullæ verbis. Potuítne jam rogo indignius aliud facinus cogitari, quàm hoc Maimburgi, non erubescens tam pudendis artibus Galliam decipere, ac veritati imponere? potuítne aliquid turpius facere Tiberius, Sejanus, Machiavellus, aut quisquis veritati bellum indixit? ego nullum huic fallaciæ aut parem legi, aut sædiorem; ignoscerem tamen necessitate peccanti; quippe non poterat defendi pessima causa, nisi pessimis artibus, nisi eam spontè suscepisset; quod verò*

verò sine flagitio fieri non potuit, non decuit velle. Ceterum tantum abfuit, Pium in ea Bulla retractatoria sententiam, quam nos defendimus, pro nova habuisse, ut eam potius antiquissimam, & antiquissimis Conciliorum, Patrumque Decretis consentaneam fateatur; sic enim ad finem Bullæ loquitur: *Veneramus Constantiense Concilium, & cuncta quæ præcesserunt, à Romanis Pontificibus nostris Prædecessoribus approbata, inter quæ nullum unquam invenimus fuisse ratum, quod stante Romano indubitato Pontifice absque ipsius auctoritate convenerit, quia non est Corpus Ecclesiæ sine Capite. & omnis ex Capite defluit in membra potestas.* Si ergo nulla fuere Concilia, quæ pro ratis haberi potuerint, nisi post Summi Pontificis approbationem; & nulla est in Ecclesia potestas, quæ non defluerit à Capite; sequitur omnia Concilia à Pontifice indubitato pendere, sicque doctrinam & veritatem, quam modò rutamur, tam esse antiquam, quam sunt ipsa Concilia, imò cum istis natam.

*Opponit 16. (a) Ipsi Romani Pontifices, præsertim Gelasius, Cælestinus I. Leo, Simplicius, Martinus, Gregorius Magnus, Joannes VIII. Eugenius III. aperte profitentur: Se sacrorum Canonum, Conciliorumque Decretis subiectos esse; non posse terminos Patrum præterire; non contra statuta majorum agere; contra DEUM, & Canonum Sanctiones non posse supplicantium precibus acquiescere, Pontificibus regulas dominari, non Pontifices Regulis &c.*

*Resp.* Ad hanc objectionem jam sæpè, & invictè responsum est. Loquuntur Pontifices de Concilijs non Acephalis, & à Pontifice Romano improbatis; sed de Concilijs confirmatis, approbatisque, de quibus nulla in præsentia quæstio est. Deinde alia est subiectio quoad vim *Directivam*, alia quoad vim *coactivam*: de hac in Concilio Constantiensi dictum est: *Papam electum ligari non posse*, ut suprà ostendimus. De *directiva* certum est, nullam inferre superioritatem; nam & Papa suis legibus, & suorum Antecessorum obligatur; non idèò tamen Papa aut sibi, aut suis Antecessoribus subiectus est; & ratio est, quia vis *directiva* non tam ex lege humana, quam divina, & naturali proficiscitur vitandi scandali, se conformandi cum alijs Reipublicæ partibus, ac præsertim non provocandi subditos ad contemptum Legum, quod fieret Legislatore nullas Leges curante.

Deinde

# 686      Dissert. III. §. VI. Respondetur &c.


Deinde multa dicimur non posse, quæ licet valide à nobis fiant, non tamen honestè, non licitè, non utiliter, hæc enim à Jure Civili, & Canonico inter impossibilia reputantur, & in hoc sensu celebrem illam sententiam pronuntiârunt Imperatores, videlicet: (a) *Dignam esse vocem Majestate Regnantis, Legibus alligatum se Principem profiteri, & majus imperio esse, submittere legibus Principatum.* Et Paulus Jurisconsultus: *Legata Imperatorem vindicare inverecondum est, decet enim tantam Majestatem eas servare leges, quibus ipse solutus est.* Vide etiam Regale Sacerdotium L. 4. §. 2. & hoc libro Dissertat. 3. §. 1. num. 12. & 2. ad Object. 10.

- (a) L. digna vox ff. de Legibus. L. ex imperfecto, ff. de Legatis 3. V. Regale Sacerdot. fol. 556. 3. Thom. 1. 2. q. 96. a. 5. ad 3. Gratian. causa 25. q. 1.

Et hîc Finis esto tertiæ Dissertationis.



DISSER-



# DISSERTATIO IV.

In

Qua refutantur , quæ contra Romani Pontificis è Cathedra pronuntiantis Infallibilitatem à Maimburgo, alijsque opponuntur.

§. I.

Ex praxi, usuque Ecclesiæ, ac Phrasi, modoque loquendi omnium SS. Patrum ostenditur Pontificis Romani infallibilitas.

## S U M M A R I A.

1. *Summum Pontificem Infallibilem esse, ex omnium SS. Patrum Elogijs ostenditur.*
2. *Ex inductione omnium seculorum, quibus quicumque Romano Pontifici obtemperabant, pro Orthodoxis.*
3. *Eos verò, qui non obtemperabant, pro Atheis & Hæreticis habitos esse demonstratur.*
4. *Ex usu & Praxi Pontificum, multa fidei Dogmata sine Concilio decidentium.*
5. *As hæreses pleræque absque concursu Concilij Oecumenici damnantium; quod inductione probatur, Cerdonis, Valentini, Theodosi, Montanistarum, Cataphrygum, Origenis, Cypriani.*
6. *Necnon Apollinaris, Joviniani, Ruffini, Pelagij, Nestorij.*
7. *Adstipulante ipsamet Synodo Chalcedonensi.*
8. *Præterea ex damnatione Petri Cnaphæi Eutychiani, Monothelitarum, Iconoclastarum, Photij, Berengarij, Abailardi, Lutheri, Michaëlis Baji, Janfenij.*

Aaaaa

9. Ac

9. *Ac Novissimè Ludovicè de Molines sub INNOCENTIO XI. Moderno PP.*

10. *Tandem testimonio Bernonis Mon. S. Galli, postea Abbatis Augiensis.*

## I.

**M**aimburgus Romani Pontificis auctoritatem in rebus fidei decidendis impugnaturus, solitis artibus pugnae praeludit, reverentiam, obsequiumque proficitur; praesertim, (a) *se Patrum, se Conciliorum, ac venerabilis Antiquitatis sententiam expositurum, & ex hujus voto, citra omnem argumentandi, disputandique strepitum (nam hoc abstinere se omnino velle) causam finiturum.* Ita Maimburgus, tunc blandissimus, cum insidias parat, ac semper promissis dives. Pollicetur Antiquitatem, ut hujus reverentiae causam suam muniat; & muniret quidem, si Antiquitatem ex vero sponderet. Sed tam certum est, Antiquitatem totam Maimburgo obsistere, ac pro nobis facere, ut omnino appareat, hanc quoque unam esse ex Maimburgi fallacijs, pyratarum more vexilla mutantis, alienamque militiam profitentis. Totius ergo retrò Antiquitatis hanc unam, veramque sententiam fuisse ostendam, ut videlicet crederent, quae à Romano Pontifice in materia fidei semel decisa forent, inconcussa esse, omnisque dubij expertia, nec posse rejici, aut in litem vocari, nisi ab ijs, qui aut Schismatis, aut etiam Haeresis notam configi vellent. Si ergo palam fecero, & Concilia, & Patres, & omnium seculorum traditionem à nobis stare, duas simul victorias consequar, videlicet, & Maimburgum falsi convincam, Antiquitatem simulantis; & Gallicanam Ecclesiam nostrarum esse partium ostendam, haec enim palam proficitur, se adherere antiquorum Patrum, Conciliorumque auctoritati. Unum ergo, idemque erit, antiquos Patres pro nobis, & Ecclesiam Gallicanam proferre, praesertim cum Patres Conventus ultimi Parisiensis in limine suae Declarationis profiteantur, fundamenta Libertatum Gallicanae Ecclesiae Sacris Canonibus, Patrumque auctoritate, & traditione niti. Patres ergo, Sacrosque Canones audiamus, & ex istorum voto causa decidatur. Nam Scripturas Sacras quod attinet, illae tam clarae sunt, & in Regali Sacerdotio ex mente Sacrorum Ecclesiae Doctorum tam luculenter

(a) Maimb. Traitté historiç. ch. 6. fol. 55.

culenter explicatæ, ut nihil dicendum superfit, pigerque jam dicta re-  
perere. Primò ergo modum loquendi in genere in hac materia à Pa-  
tribus usurpatum, tum praxin Ecclesiæ, ac tandem Patrum per omnium  
Seculorum decursum sententias expendemus.

*Primò igitur, Infallibilitas Pontificum in rebus fidei decernendis ex*  
*ijs titulis ac elogijs constat, quæ non ab uno tantum, aut altero, sed ab*  
*omnibus certatim Patribus Pontifici Romano tribuuntur. Sexta Sy-*  
*nodus in Prosphonetico ad Constantium Imperatorem: Adamantem fidei,*  
*vocat, cujus solida mens aggressionibus atque consiliis aliena à fide opinio-*  
*nis non est vulnerabilis. S. Chrysostomus homiliâ 2. in Psalm. 50. & ho-*  
*miâ de Petro & Elia: Basim fidei immobilem. Tres Synodi Africanæ in*  
*Synodica ad Damasum: Beatitudinem, cui Episcoporum judicaria, & sum-*  
*morum finem Ecclesiasticorum negotiorum in honorem beatissimi Petri Patrum*  
*Decreta omnium cunctam reservare sententiam. Paschasius Legatus Pon-*  
*tificius in tertia Oecumenica Synodo Ephesina, Patribus non tantum*  
*non reclamantibus, sed vehementer, & effusè applaudentibus: Caput*  
*Universalis Ecclesiæ, Petri Apostoli præditum potestate, qui Ecclesiæ fundamen-*  
*tum, & Petra Fidei appellatur. Philippus itidem Legatus in Concilio*  
*Ephesino Tomo 2. cap. 15. Caput totius Fidei. Iterum S. Chrysostomus*  
*in Encomio SS. Petri & Pauli: Consiliarium necessarium Christianorum. An-*  
*dronicus Imperator epistolâ ad Joannem XXI. apud Eugubinum l. 2.*  
*de Donatione Constantini: Successorem Petri Apostoli, verticis Apostolorum,*  
*qui habet potestatem de fide judicandi, & si quæ de Fide suborta sunt quæ-*  
*siones, suo judicio dissolvendi. Iterum Concilium Ephesinum Tomo 2.*  
*cap. 15. S. Petrus Chrysologus Serm. 107. & Martinus I. Epist. 11. S.*  
*Anselmus l. de Incarnat. verbi c. 1. Custodem vitæ & fidei Christianæ. Sy-*  
*nodus Alexandrina ad Felicem Papam, & Sergius Cyprius in Concilio*  
*Lateranensi sub Martino I. Depositorem prophanarum hæreseon. Tertullia-*  
*nus l. de Præscript. Felicem, cui totam doctrinam Apostoli cum suo sanguine*  
*profuderunt. Constantinus Pogonatus ad Leonem Papam: Pastorem Ro-*  
*manæ Ecclesiæ super Petram fundatæ, & portis inferi, hoc est, insidijs hæ-*  
*reticorum ex prædicatione Christi nunquam succubitura. S. Maximus epist. ad*  
*Abbatem Thalassium: Pastorem Ecclesiæ, quæ ab olim hucusque omnibus præ-*  
*est, utpote senior cunctarum, quæ sub sole sunt, Ecclesiarum, ac nullis ( pro-*  
*ppter Pontificatus profectionem ) scriptis, aut Synodicarum editionibus chartarum*  
*subiecta. Theodorus Studita ad Paschalem lib. 2. epist. 13. Facem divinitus*  
*lucem ad Ecclesiæ, quæ sub Cælo est, illuminationem in Apostolica Sede colucentem.*

Sergius Cyprius ad Theodorum Papam in Concilio Lateran. sub Martino I. Secretario 3. *Firmamentum à DEO fixum, & immobile, ac formam lucidissimam fidei divinitus constitutam.* Iterum Theodorus Studita epist. ad Paschalem Papam. l. 2. ep. 13. *Fontem verè illumem, ac sincerum jam inde à principio veræ fidei.* Andreas Cretensis Serm. de Transfiguratur. Et Stephanus Episcopus Dorensis epist. ad Synodum Lateranensem sub Martino I. consultatione 2. *Fundamentum dogmatum Fidei.* S. Athanasius cum Collegis epist. ad Felicem Papam : *Fundamentum, super quod Columnæ Ecclesiæ confirmatæ sunt.* Sozimus Papa epist. 10. *Judex, de cujus judicio disceptare nemo audet.* Synodus Romana sub Nicolao I. contra Photium : *Judex omnes judicans, ipse à nemine judicandus.* S. Bonifacius apud Surium in vita S. Burchard l. 1. c. 9. *Magister Universalis Episcoporum.* S. Ignatius ad Nicolaum I. *Medicus unus, singulari, præcellens, Catholicissimus, à DEO provisor sanandæ Christi membris.* Hincmarus initio operis de Divortio : *Nutritius & Doctor omnium Ecclesiarum.* Tarasius ad Hadrianum Papam : *Oculus totius Corporis ostendens rectam veritatis semitam.* Osvi Rex Saxonum apud Bedam l. 3. hist. Angl. cap. 25. *Ostiarium, cujus obediendum est statuti, ne advenientibus ad fores Regni Cælorum non sit, qui referet, averso illo, qui claves tenere probatur.* Theodorus Studita epist. ad Paschalem : *Portus securus totius Ecclesiæ.* Hieronymus epist. 16. *Portus tutissimus totius Catholicæ Communionis.* Rupertus præfatione ad libros de SS Trinitate Pontifici inscripta : *Præcentor Christianæ fidei.* Constantinus Magnus in Edicto : *Princeps cunctis Sacerdotibus totius mundi, cujus judicio, quæque ad cultum DEI, vel fidei Christianæ stabilitatem procurata fuerint, disponuntur.* Gotfridus Vindocinensis epist. 7. l. 1. *Princeps Fidei Catholicæ.* Iterum Constantinus Pogonatus epist. ad Leonem Papam : *Propugnator firmus veritatis, accinctus verbi gladio, cujus est omnem hæreticum auditum, atque doctrinam præcidere.* Concilium Chalcedonense actione 29. in Prosphnetico ad Martianum Imperatorem : *Propugnator impenetrabilis ab omni errore, quem DEUS providit doctrinæ, eum per omnia veritati adstringens, ut quemadmodum Petrus, &c.* Theodoretus Studita : *Thronus supremus verticalis, in quo Christus fidei claves posuit, adversus quem non prævalebunt usque ad consummationem Porta inferi, ora scilicet hæreticorum.* Hæc & alia quàm plurima elogia, quæ non ab uno tantum, sed ab omnibus ferè Patribus conferunt Summum Pontificem cumulantur, omnino persuadent, sensisse illos, &

cum



cum eis totam Ecclesiam, Pontifices Romanos in rebus fidei decidendis errorum expertes esse, nec falli posse. Nec enim Ecclesia, & fideles universi aliud sentire & credere poterant, quàm didicerant; nec ab alijs didicerant, quàm à Sanctis Patribus, suis videl. Doctoribus, & Magistris; nec sancti Patres aliud docuerant, quàm quod ipsi sentiebant; tantoque majoris momenti eorum testimonium habendum est, quòd, cum scriberent causà adhuc integrà, nec in litem vocatà, eximiaque insuper sanctitate florerent; suspicari nemo potest, eos aut partium studio, aut adulatione corruptos festinasse tot elogijs Pontificis gratiam promereri; nondum erant ea tempora, nec favore, aut pretio calami locabantur. Quòd si Patres hæc de Concilijs dixissent, quæ de Pontifice dixerunt, annon crederent adversarij, se omninò acie victores esse, quantoque cum triumpho illa ubique decantarent? Et tamen ne ullum quidem apicem proferre possunt, quo Concilium Acephalum, ac Papæ oppositum à Patribus laudetur, multò minùs, quo *insalubre* appelletur, aut ei *suprema in rebus fidei judicandis auctoritas* tribuatur. Quando enim, & apud quos Ecclesiæ Doctores legerunt, Concilium Acephalum, & quod pejus est, Concilium Papæ oppositum, ab eoque dissentiens, esse *Fidei adamantem*, esse *basim immobilem*, esse *supremum Fidei tribunal*, quod à nullo judicari possit, esse *fundamentum*, & *Caput Ecclesiæ*? Hæc planè nunquam de Concilio Papæ opposito, aut etiam de Concilio non confirmato dicuntur; nec ab adversarijs, qui tamen tot folia impugnando Pontifici impleverunt, vel syllaba produci potuit; si ergo, uti dicunt, Sanctorum Patrum vestigijs adedò constanter inhærent, cur Concilijs privilegia tribuunt, quæ Patres nunquam tribuerunt? Pontifici verò cur negant, quæ Patres nunquam negârunt, sed certatim & confertim, atque à primis Ecclesiæ nascentis temporibus tribuerunt? Hoc est ergo Patrum exempla sectari, negare, quod Patres asserunt, asserere, quod Patres negant? *Nec dicant*, elogia hætenus recitata non ad Pontifices universim pertinere, sed vel ad S. Petrum, vel ad alios particulares Pontifices, v. gr. Leonem, Cœlestinum, &c. sicque esse elogia Personalia, non Dignitatis; ac consequenter non posse ad omnes Pontifices extendi. *Respondedo enim*, ple-rosque allegatorum Patrum loqui de Privilegio Cathedræ, non Personæ, & fundari in promissionibus à Christo factis, videl. *Tu es Petrus, &c. Porta inferi non prevalebunt &c. Pasce oves meas, &c.* Quæ promissiones ex sensu omnium Catholicorum sunt universales, nec ad solum Petrum,

aut particulares aliquos Pontifices, sed ad omnes Petri successores pertinent; alioquin quomodo probarent perpetuum & universalem Primatum omnium Romanorum Pontificum? Et planè negari non potest, hanc omnino Christi mentem, & Ecclesiæ necessitatem fuisse. Nam privatam Petri personam quod attinet, parùm intererat, eam fallibilem esse, aut infallibilem, imò si abstrahas à publica Ecclesiæ utilitate, minùs Petro nocebat, eum falli posse, quàm peccare posse, & tamen certum est, peccare potuisse. Si verò non privatam Petri personam, sed ejus Dignitatem ac officium, & consequenter Ecclesiæ Catholicæ necessitatem attendas, æquè, imò magis oportebat, omnes Petri successores, quàm ipsum Petrum, in rebus & dogmatibus fidei tradendis infallibiles esse; mortuis enim Apostolis, sanctitate ac miraculorum gratià minùs, quàm Apostolorum ætate, abundante, hæresibus ex omni parte erumpentibus, ac fidem impugnantibus, quis non videt, majorem nunc esse ad conservandam Religionem Capitis visibilis & infallibilis necessitatem, quàm fuerit olim? nisi dicas, firmum, ac solidum fundamentum tantùm domui inchoandæ necessarium esse, non verò perficiendæ & consummandæ; ac peritum cœli, marisque Navarchum incipiendæ tantùm navigationi quærendum esse, & dum navis adhuc in portu est, aut prope litus, non verò navi in altum provectâ, & ventis ac tempestate jactatâ. *Nec obstat*, non ampliùs opus esse Capite ac Pastore visibili, Ecclesiâ jam constitutâ, & Petro, alijsque Apostolis per scripturas loquentibus; nam de ipso scripturarum sensu & interpretatione summa concertatio est, nec aliunde tot hæreses natæ, prolataeque, quàm ex falsa scripturarum explicatione; unde, ut insistam prælibatæ similitudini, sicut ad felicem, securamque navigationem non sufficit, chartas hydrographicas, cursumque stellarum ante oculos poni navigantibus, nisi unus sit Gubernator, qui & eas intelligat, & cursui, ac necessitati aptare noverit, suoque imperio ac directione reliqua servitia, remigesque in officio contineat; ità in Ecclesia DEI, in qua tot quotidie naufragia animarum, ac fidei, parùm est, mysteria Religionis chartis inscriptas esse; nisi alius sit, qui eas certò interpretetur, & cui omnes fideles sine ulla erroris suspitione obedire teneantur, alioquin quàm timida erit, & anxiosa Religio, semper videl. aut cadens, aut casum expectans? Hæc omnia probant, Privilegium Infallibilitatis non soli Petro, sed omnibus ejus successoribus necessarium esse: & Patres, qui de Petro loquuntur, non de persona, sed de officio Petri, ac Dignitate loqui, sicq; de omnibus Romanis Pontificibus,

ficibus, ad quos Dignitas & officium transit. Deinde Patres loquuntur de ingenti ac præcipuo Ecclesiæ Romanæ privilegio, nullis alijs Ecclesijs concessio; ac nullum esset peculiare privilegium, si id tantum vellent, Petrum, Leonem, & Cælestinum, paucosque alios in tradendis fidei dogmatibus nullo errore corruptos fuisse; quæ est enim Ecclesia toto Orbe terrarum, quæ vel Apostolos fundatores non habuerit, vel alios Episcopos immaculatæ fidei? Non ergo esset hoc speciale Privilegium Romanæ Ecclesiæ, si Patres de uno tantum, aut altero Pontifice intelligantur, aut de solo Petro.

II. *Secundò*. Accedit praxis, ususque Ecclesiæ perpetuus, qui hanc ipsam Romanorum Pontificum infallibilitatem multis ex capitibus evincit; nam quicumque à Pontifice Romano in rebus fidei decreta & definita non receperit, sed ijs oblectatus esset, pro hæretico & Schismatico habitus est, & ab Ecclesiæ communione præcisus. Ita rem se habere Patrum testimonia in medium prolata certum, palamque facient. Vide alia testimonia pro infallibilitate Pontificis apud Coccium de Hierarch. Eccl. & in Reg. Sacerdotio.

Anno CIX. Passus est S. Ignatius Apostolorum discipulus, qui epistolâ ad Romanos, postquam Ecclesiam Romæ existentem vocasset: DEO dignam, decore dignam, meritis beatissimam, dignam laude, dignam, quâ quis potiatur, castissimam & præcellentem dilectione Christi, spiritu plenam, &c. Postea circa medium loquens de Cleto & Clemente successoribus Petri: *Qui igitur, inquit, his non obedit, atheus prorsus, & impius est, & Christum contemnit, & constitutionem ejus imminuit.* Ubi nota, Ignatium loqui non de solis Clemente, & Cleto, sed de omnibus Petri successoribus, ut significant ea verba: *Constitutionem Christi imminuit.* Constitutio verò Christi, videl. *Super hanc petram, &c. Tibi dabo claves Regni cælorum, &c.* complectitur non solum Petrum, sed omnes ejus successores, ut constans est omnium Catholicorum sententia.

Anno CCLXI. S. Cyprianus martyrium subiit. Is libro 4. epist. 9. ita scribit: *Qui Cathedram Petri, supra quam fundata est Ecclesia, deserit, in Ecclesia se esse non confidat.* Idem Cyprianus alibi, ut in Reg. Sacerd. f. 608. Edit. 1693. & ad Antonianum Ep. 52. *Scriptisti ut exemplum earundem litterarum ad Cornelium (Romanum Pontificem) collegam nostrum transmitterem, ut deposita omni sollicitudine jam feceres se secum, hoc est, cum Catholica Ecclesia communicare.*

Et

## 694 Dissert. IV. §. I. Pontificis Rom. infallibilitas

Et Ep. 76. ad Magnum : *Si Ecclesia apud Novatianum est, apud Cornelium (Romanum Pontificem) non fuit; si verò apud Cornelium fuit, Novatianus in Ecclesia non est.* At Cathedram Petri deserit, qui, quæ Petrus, Petrique successores ex Cathedra definiunt, acceptare renuit; quid enim est aliud Cathedram deserere? aut si Cathedra Petri errare potest, cur non æquè Cathedram Petri, ac Cathedram Pauli, Jacobi, Joannis, aliorumque deserere liceret? quisquis enim errare potest, deferi potest, nec fidem meretur; nec ob aliam causam Infallibilitas Romanæ Cathedræ negatur, quàm ut eam impunè liceat deserere. *Neque dicas*, S. Cyprianum de ijs tantum loqui, qui Cathedram Petri in omnibus, non verò, qui in uno tantum, alteroque articulo ab ea deficiunt. Hæc enim evasio ridicula, & vana est. Nam qui docent, Cathedram Petri errare posse, non tantum in uno, alterove, sed in omnibus utcumque libuerit deserunt. Cum enim dicas, Pontificem ex Cathedra docentem errare, falliq; posse in exponendo vero scripturæ sensu, rebusque fidei decidendis, quæro, an in omnibus? Si in omnibus, ergo apertè sequitur, posse in omnibus deferi, sicut potest in omnibus errare. Si in uno tantum, alteroque, quæro, in quo possit errare, & in quo non possit? & cur in uno magis, quàm in altero? & quam ob causam voluerit Christus in uno potius esse infallibilem, quàm in alio, cum tamen oporteat, Ecclesiam, & consequenter Ecclesiæ Magistrum, & Pastorem non in uno tantum, alteroque, sed in omnibus, quæ ad fidem pertinent, erroris expertem esse? Quid, rogo, proderit, unam hosti portam occludere, aliâ parente? unum venenum respuere, aliud admittere? fundamentum Ecclesiæ una ex parte firmum, solidumque esse, aliâ infirmum, ac ruinæ obnoxium? Deinde nullus unquam fuit, eritque hæreticus, qui in omnibus fidei articulis à Cathedra, & doctrina Romanorum Pontificum recesserit, non Arrius, non Pelagius, non Nestorius, non Lutherus, non Calvinus; frustra ergo & sine causa diceret Cyprianus : *Qui Cathedram Petri deserit, in Ecclesia non esse*; quippe de casu loqueretur, qui nunquam contigit, & nunquam contingere potest. Imò si Patrum testimonia consideres, luce meridiana clarius erit, eos de particularibus tantum casibus loqui, non verò de ijs, qui universim, omnique ex parte, & quoad omnes fidei articulos à Cathedra Petri deficiunt. *Neque dicas*, Cathedram Petri deferendam non esse, quando ex præscripto sacræ scripturæ, verbiq; divini aliquid docet, in hoc enim casu, non verò in alijs esse infallibilem.

Verum

Verum quidem est, nunquam debere Romanum Pontificem aliquid docere, quod scripturæ, & veritati adversetur, sed quæstio est, utrum possit hujusmodi aliquid contra scripturam, & veritatem docere? nam si potest, frustra ex Cathedra Petrus clamabit; dicam enim, quoties libebit, ejus doctrinam cum scripturis pugnare, nec unquam scripturæ, & rationes deerunt ad id confirmandum, sicut nec Arrio, nec Luthero, nec alijs hæreticis omnibus defuere. Quando, rogo, lis finietur, si ex partium arbitrio pendeat, declarare, sententiam à Judice prolatam contra leges pugnare, & ideo nec obligare? Nec Cyprianus de Privilegio Cathedralæ, sed sacræ scripturæ loqueretur, (quemadmodum quoddam hedera plantæ implicita sursum, & in altum feratur, non est proprietas hederæ, sed plantæ) cum tamen constet, loqui de Privilegio Cathedralæ. Et frustra diceret Cyprianus: *Qui Cathedralam Petri deserit, non esse in Ecclesia*, si crederet, Cathedralam Petri errori subiectam esse, & tunc solum non deferendam, cum constat, eam nihil aliud docere, quam quod docet Scriptura; hoc enim non tantum Cathedralæ Romanæ privilegium est, sed etiam Constantinopolitanæ, Alexandrinæ, Mediolanensis, imò omnium Episcoporum, & Sacerdotum, ac etiam cujuslibet privati Doctoris, ut videlicet errare non possint, nec deferi debeant, quoties & quando aliquid scribunt, docentque sacræ Scripturæ consentaneum; In hoc ergo sensu æquè dicere poterat Cyprianus: *qui Cathedralam Carthaginensem, Mediolanensem, imò Tertulliani, & Origenis deserit, in Ecclesia se esse non confidat*. Quæ omnia quam sint absurda, nemo non videt. Hæc observatio sequentibus quoque Patrum testimonijs aptanda est, ne oporteat idem sæpius repetere.

Anno CCCLXVIII. Obijt Optatus Milevitanus, qui libro 2. contra Parmenionem hæc habet: *Negare non potes, scire te, in Urbe Roma Petro primò Cathedralam Episcopalem esse collatam, in qua una Cathedra unitas ab omnibus servaretur, ut jam Schismaticus, & peccator sit, qui contra singularem Cathedralam alteram collocaret*. Si unitas ab omnibus cum Cathedra Petri servanda est, oportet ergo, eam Cathedralam esse infallibilem, alioquin ab ea discordare liceret: ubi verò est discordia, ibi utique non est unitas doctrinæ; & cur potius in Cathedra Petri sit unitas doctrinæ ab omnibus servanda, si æquè ac aliæ Ecclesiæ Cathedra Petri errare possit? Et rursus si Schismaticus est, qui contra singularem Petri Cathedralam aliam collocat, quæro, an ab hac nota eximi possint, qui contra Cathe-

B b b b b

dram

## 696 Dissert. IV. §. I Pontificis Rom. infallibilitas

*drum Petri aliam Cathedram in Concilio collocant*, quales fuerunt Basileenses? Quæro etiam, an qui contra Cathedram Petri, & contra sacrosancta Innocentij XI. decreta, & Diplomata, Regaliam extendi prohibentis, eandem Regaliæ extensionem approbârunt, quiq; ideò Pontificem falli, ac errare posse docuerunt, ut, quæries luberet, eum possent erroris arguere, aliamq; doctrinam Pontificiæ doctrinæ oppositam docere? quæro, inquam, an ij contra Cathedram Petri non aliam Cathedram collocent? quid enim est aliud alia Cathedra, quàm alia doctrina? Nam si velint tunc tantum Cathedram contra Cathedram collocari, quando Pontifici legitime electo alius Pontifex opponitur, nihil hîc speciale Cathedræ Romanæ concederetur. Rursus si Schismaticus est, qui doctrinæ à Cathedra Romana traditæ aliam doctrinam opponit; ergo oportet, doctrinam Romanæ Cathedræ esse infallibilem; nec enim Schismaticus dicit potest, qui doctrinam probabilem quidem, sed tamen adhuc incertam, ac errori obnoxiam amplecti renuit.

Anno CCCXCVII. Obijt S. Ambrosius, qui in Oratione funebri de excessu fratris sui Satyri: *Advocavit*, inquit, *Satyrius Episcopum*, nec ullam veram putavit, nisi solius fidei gratiam, percontatusque est ex eo, utrumnam cum Episcopis Catholicis, hoc est, cum Romana Ecclesia convenires? Ex epistolâ 11. ad Ageruchiam: *In omnibus Romanæ Ecclesiæ formam, & typum sequimur*. Si ergo ex mente Ambrosij unum, idemque est: Cum Ecclesia Catholica, & cum Romana Ecclesia convenire; sequitur, eum, qui non convenit cum Ecclesia Romana, multoque magis, qui ab ea positivè in rebus fidei dissentit, ne quidem cum Ecclesia Catholica consentire, & consequenter Schismaticum esse. Ergo oportet, doctrinam Ecclesiæ Romanæ, hoc est, Romani Pontificis à Cathedra pronuntiantis, omnino infallibilem esse, alioquin cur ab ea dissentire non liceat, si errare potest?

Anno CCCCXX. Obijt S. Hieronymus, cujus hæc sunt verba epist. 57. ad Damasum Pontificem: *Ego Beatitudini Tuae, id est, Cathedræ Petri communionem conficior, super illam Petram ædificatam Ecclesiam scio. Quicumque extra hanc domum agnum comederit, profanus est, si quis in Arca Noë non fuerit, peribit regnante Diluvio. Quicumque tecum non colligit, dispergit, hoc est, qui Christi non est, est Antichristi*. Observa, unum idemque esse apud S. Hieronymum, Cathedram Petri (qui utique errare non potest) & Cathedram Pontificis Romani; & qui cum Pontifice Romano

non colligit, hoc est, contrariam ab eo in rebus fidei sententiam tener, non esse Christi, sed Antichristi, nec intra arcam Noë, (hoc est, in Ecclesia) sed extra illam, hominemque profanum esse. Quæ utique dici non possunt, nisi de doctrina certa & infallibili. Idem Hieronymus in expositione Symboli: Si autem hac nostra Confessio Apostolatus Tui iudicio comprobatur, quicumque me culpæ voluerit, se imperitum, vel malevolum, vel etiam non Catholicum, non me hæreticum comprobabit: Et Apolog. adv. Rufinum: Fidem suam quam vocat? quâ Romana pollet Ecclesia? Si Romanam responderit, ergo Catholici sumus.

Anno CCCCXXX. Obijt S. Augustinus, qui epistolâ 157. In verbis, inquit, Apostolicæ Sedis tam antiqua, atque fundata, certa & clara est Catholica fides, ut nefas sit dubitare Christianis. Si doctrina & decreta fidei Sedis Romanæ sunt certa, si, qui de illis dubitat, non est Christianus, sed nefarius, ergo doctrina Sedis Romanæ est infallibilis, alioquin & dubitare de illa liceret, nec magis nefarius esset, indignusque nomine Christiano, qui illam, quàm qui Constantinopolitanæ, aut alterius Sedis decreta respiceret.

Anno CCCCXXXII. S. Cælestinus I. Pontifex Maximus extinctus est. Hic epist. ad Episcopos Galliæ hæc habet: Satis sufficere credimus, quidquid secundum prædictas regulas Apostolicæ Sedis nos scripta docuerunt; ut prorsus non opinemur Catholicum, quod apparuerit præfixis sententijs esse contrarium.

Anno CCCCXLIV. Moritur Cyrillus Alexandrinus. Hic epist. ad Cælestinum ita scribit: Quamvis hæc ita se habeant, non prius tamen Nestorij communionem confidenter deserere ausi fuimus, quàm hæc ipsa Pietati Tux indicaremus. Digneris proinde, quid hic sentias, declarare, quò liquido constet, communicare nos cum Nestorio oporteat, an verò liberè eidem denunciare, &c. Nestorius gravissimis scripturæ, Patrumque testimonijs premebatur, & tamen non palàm constabat, communicare cum illo, an secus oporteret; idque ex sententia Pontificis unicè pendebat, ut pater ex allegata Cyrilli sententia; itemque ex alia Hieronymi epistola 58. ad Damasum: Si rectum putatis, tres hypostases cum suis interpretationibus debere nos dicere, non negamus, sed mihi credite, venenum sub melle latet. Si ergo sententia Pontificis, & cum ea consensus est nota veræ & Catholicæ Religionis, sequitur, esse infallibilem, & erroris expertem; doctrina enim falsâ & incerta non potest esse signum veræ & indubitæ fidei.

Bbbbb 2

Anno

Anno CCCCXLVIII. Flavianus ita ad Leonem M. de Eurychete: *Res solo indiget ex vobis impulsu, atque subsidio, quod per vestram prudentiam ad tranquillitatem & pacem cuncta statim translatum est.* J. B. Cotelerius in Monument. Ecclesiæ Græcæ Tomo 1.

Anno CCCCLXI. S. Leo Magnus mortem oppetijt. Is epist. 87. ad Episcopos Viennensis Ecclesiæ: *Prædicationis Evangelij Sacramentum na Dominus ad omnes Apostolos pertinere voluit, ut in Beatissimo Petro Apostolorum omnium summo principaliter collocaret, ut ab ipso, velut quodam Capite, dona sua, velut in corpus omne, diffunderet, ut exortem se mysterij esse divini intelligeret, quicquid ausus fuisset à Petri soliditate recedere. Neque dicas, S. Leonem loqui de sola Petri persona, non verò de illius successoribus. Nam ex contextu ejus Epistolæ palàm est, S. Leonem hanc ipsam Petri prærogativam ad omnes ejus successores extendere. Deinde si personam Petri consideres, prout tantum Apostolus erat, non magis ejus doctrina in rebus fidei infallibilis erat, atque à DEO inspirata, quàm aliorum Apostolorum; & ideo S. Leo, ut patet etiam ex ejus verbis, loquitur de Infallibilitate S. Petri, non ut Apostolus erat, sed ut Caput Ecclesiæ, & consequenter de Infallibilitate Dignitati annexa, quæ perpetua est, & ad omnes Petri successores transmissa; idque jure merito, cum Ecclesia non primò tantum sui ætate, sed semper & perpetuò visibili Capite, fundamento solido, ac Judice controversiarum indiguerit; oportuit ergo Infallibilitatem in bonum ac ædificationem Ecclesiæ Petro concessam non cum ipso Petro interire, sed in ejus successores perpetuari.*

Anno CCCCLXXXIV. S. Gelasius in Epist. ad Dardaniæ Episcopos: *Sicut id quod prima Sedes non probaverat, constare non potuit, sic quod illa censuit judicandum, Ecclesia tota suscepit.*

Anno DXLIX. S. Pelagius Papa Augustinum citans: (a) *Contra Apostolicam Sedem temerè credentes, pessima dividit opinio, quod Schisma specialiter esse denuntiavit Augustinus.*

Anno DXLIX. Patres Concilij Aurelianensis in Gallia: *Quas etiam Sectus Sedes Apostolica condemnat, similiter cum suis auctoribus & sectatoribus execrantes anathematizamus, rectum atque Apostolicum in Christi nomine fidei ordinem prædicantes.*

Anno DCCCXLIII. Gregorius IV. Pontifex Maximus epist. ad universos

(a) Habetur in dect. Grat. c. quon. 24. q. 1.



verfos Episcopos, prout habetur *c. præceptis d. 12. Omnis Sanctæ Religio-  
nis relatio ad Sedem Apostolicam quasi ad Caput Ecclesiarum debeat referri,  
& inde normam sumere, ubi sumpsit originem, cujus auctoritatis sanctionem  
omnes teneant Sacerdotes, qui nolunt ab Apostolica Petra, supra quam Christus  
universalem fundavit Ecclesiam, societate divelli.*

Anno DCCCLXXVIII. Patres Concilij Trecentis æquè in Galliis habitis:  
*Judicium vestræ auctoritatis, quod privilegio Divi Petri & Sedis Apostolicæ  
protulistis, voto, voce & unanimitate nostrâ persequimur, scilicet quos excom-  
municastis, excommunicamus, quos ab Ecclesia abjecistis abjicimus. Sententia  
ergo Pontificis est infallibilis auctoritatis; quomodo enim dignus esset  
Ecclesiâ excludi, qui dubiæ, incertæque doctrinæ fidem non adhibe-  
ret? Et nota illa verba: Judicium vestræ auctoritatis, quod privilegio Divi  
Petri, & Sedis Apostolicæ protulistis, &c. Quæ omnino significant, infal-  
libilitatem judiciorum Apostolicorum in rebus fidei fundari in privilegio  
Divi Petri, Sedisque Apostolicæ, sicque esse perpetuum, & ad omnes Pon-  
tifices, Petrique Successores pertinere.*

Anno DCCCLXXXV. S. Maximus in Ep. ad Petrum Illustr. *Festinet  
præ omnibus (Pyrrhus) Sedi Romanæ satisfacere, hanc enim satisfactâ commu-  
niter ubique omnes pium hunc & orthodoxum prædicabunt. Habetur in  
Collectan. Athan. Biblioth.*

Anno MLXI. S. Nicolaus Papa II. in epistola ad Mediolanenses, &  
habetur in *c. omnes d. 22. Fidem violat, qui adversus illam agit, quæ  
mater est fidei, & illi contumax invenitur, qui eam forsitan non cunctis Eccle-  
sijs prætulisse invenitur.*

Anno MLXXXV. Gregorius VII. in dictato Canone 26. *Catholicus non  
habeatur, qui non concordat Romanæ Ecclesiæ. Scio, apud aliquos Gallo-  
rum Gregorium VII. non bene audire, quippe nimis severitatis accu-  
satum (severitatem enim in Pontifice appellant, quam in aliquo suo-  
rum Judicum animi magnitudinem, in Senatore invictam fidelitatem  
appellarent) sed cum Gregorius nihil aliud dicat, quàm quod alij san-  
cti Patres & Pontifices dixerunt, non potest in Gregorio in dubium ea  
sententia vocari, quam ab alijs sanctis Patribus haurit; alioquin pote-  
rit Gregorius dicere, quod olim S. Hieronymus epist. 77. *Quid unum  
hominem exceptis socijs criminantur? si rivus tenuiter fluit, non est alvei culpa,  
sed fomus.**

Anno MCLXVII. Hugo Echerianus de Process. Spiritûs Sancti l. 3. c. 10  
Bbbbb 3 qui

qui habetur in Bibliotheca Patrum : *Æquum est, ratum habere, quod tanta Ecclesia decernit, quod tantus Pontifex annuntiat ; qui autem primæ Sedis, imò totius Orbis Præsulis resistunt, Christi dispositioni resistunt, & nisi resipiscant, contumacia judicio plectentur. Quicumque Christi naviculam spernit, incaute navigat, & nisi plumbeas moles perruacitatis abjiciat, influent maria.*

Anno MLIV. S. Leo IX. epistolâ ad Michaëlem Patriarcham Constantinopolitanum : *Quid hoc monstri est, frater charissime ? Romana Ecclesia aded non est sola, vel, sicut tu putas, una, ut in toto orbe terrarum quæcunque natio dissentit superbe ab ea, non sit jam dicenda, vel habenda Ecclesia aliqua, sed omnino nulla, quin potius Conciliabulum hæreticorum, aut Conventiculum Schismaticorum, & Synagoga Sathane.*

Anno MCXIV. S. Ivo Carnotensis epistolâ 8. *Cujus judicij & Constitutionibus obviare est hæreticæ pravitatis notam incurrere. Loquitur Ivo de quodam judicio prolato ab Urbano II. extra omne Concilium Oecumenicum.*

Anno circiter MCC. Goffridus Vindocinensis epist. 30. *Eodem spiritu, quo dicente & lex prima per Moysen data est, & per Christum secunda, & Apostolica Sedes Canones dedit, & ipso inspirante exposuit. Si quis igitur Apostolicæ Sedi in Canonum expositione contrarium sentit, non sapit, quicumque est ille, sed desipit, non cultor, vel expositor divinæ legis, sed insidiator & oppressor indubitanter agnoscitur.* Reg. Sacerd. f. 402. Edit. 1693.

Ex his Patrum, etiam primorum seculorum, sententijs manifestum est, eos, qui in rebus fidei Summorum Pontificum Decreta non recepissent, pro hæreticis ac Schismaticis ab Ecclesia habitos esse, & consequenter infallibilem esse Summorum Pontificum auctoritatem ; si enim falli possent, eorum Decreta ad Fidem non pertinerent ; si ad Fidem non pertinerent, ergo qui contra illa sentiret, hæreticus non esset, hæresis enim est peccatum fidei oppositum ; nec incerta & dubia sub pœna hæresis, & schismatis credere teneor ; fides enim est de certis & infallibilibus, non de incertis, dubijsque. Imò consensus cum Pontifice Romano in causis fidei tam certa fuit veræ Religionis tessera, ut cùm hæretici nomen Christiani, & Catholici usurparent ; tandem veri Catholici ab hæreticis distinguerentur solo titulo, & appellatione *Romani* : hoc nomine nullus unquam, nec olim, nec modò hæreticus appellari voluit, nec ab alijs appellatus est, quasi Roma Lydius lapis esset, qui verum à falso auro distingueret. V. Baron. ad annum 45. n. 10.

*Negue*

*Neque dicis*, Patres loqui de Pontificum Decretis ab Ecclesia receptis: Nam *Primò* ex contextu allatorum testimoniorum constat, Patres loqui de Decretis Pontificum recens editis, & nondum totâ Ecclesiâ vulgaris, & consequenter necdum in Ecclesia receptis; nec Patres ullam mentionem faciunt de necessario Ecclesiæ consensu, ut legentibus patet; gratis ergo, & sine ullo fundamento id dicitur; & mirum est, Adversarios tanto strepitu Patres inclamare, & quando postea Patrum auctoritate opprimuntur, ad tergiversationes fugere nullo Patrum testimonio nixas. Agite enim, quis Augustinus, quis Ambrosius, quis Hieronymus dicit, Decreta Pontificum in causis fidei rejici posse, donec Ecclesiæ consensus accedat? Quòd si nullus dicit, ut planè nullus dicit, nec produci aliquis potest, quis pudor est, vos, qui singulis paginis ad Patres vano terrore provocatis, in re tanti momenti sine Patribus loqui? & cum nos non manipulos tantum, sed agmina Patrum producimus, istorum auctoritati distinctiuaculas opponitis apud vos natas, repertasque eludendæ veritati, perinde ac si Patres dicant, quidquid vos fingitis.

*Secundò*. Si certitudo Decretorum, quæ Pontifices in causis fidei ediderunt, à consensu Ecclesiæ pender, ergo non Ecclesia in Petro, ejusque successoribus fundatur, sed potius Petrus in Ecclesia fundatur, nec Petrus erit fundamentum Ecclesiæ, sed Ecclesia potius erit fundamentum Petri; id verò tam apertè sacris litteris, Patrumque testimonijs repugnat, ut nihil magis; semper enim Patres hanc Infallibilitatem referunt in speciale Privilegium Christi Petro concessum, & illis verbis explicatum: *Super hanc Petram edificabo Ecclesiam meam; & tu conversus confirma fratres tuos. Pascere oves meas*; cum potius ex Adversariorum explicatione dicere oportuisset: *Super Ecclesiam fundabo Petrum; tu Ecclesia confirma Petrum &c.* Quæ omnia in Scripturis, & Patribus inaudita sunt, & tamen ex mente Adversariorum necessariò consequerentur.

*Tertiò*. Patres, ut ex eorum verbis constat, loquuntur de hac Infallibilitate doctrinæ tanquam de specialissimo Petri privilegio, nulli alteri concessio. Atqui si sententiæ Pontificum non sunt certæ, & indubiæ, nisi post consensum Ecclesiæ, nihil planè speciale Petro conceditur; quis enim nescit, non Pontificis tantum, sed cujuslibet Episcopi, privatique Doctoris sententias certas esse, si eas Ecclesia recipiat? quid ergo plus Petro conceditur, quàm Paulo, & Jacobo, & Augustino, & Bedæ?

*Quartò*.

*Quarid.* Cùm dicis, Pontificum Decreta assensu Ecclesiæ fieri certa; quid intelligis nomine Ecclesiæ? particulares aliquas Ecclesias? at istæ errare omnes possunt, & à vera fide deficere, ut nimium experientiâ conitat. Quomodo ergo fieri potest, ut illæ Ecclesiæ sententias Pontificum reddant infallibiles, & erroris immunes, quæ falli ipsæ, ac errare possunt? num curvum est regula recti? Si verò nomine Ecclesiæ Ecclesiam universalem intelligis, ista, ne cæco modo, velatisque oculis doctrinæ incertæ consentiat, oportebit, quoties à Pontifice aliquid decernitur, Ecclesiam universalem, aut saltem Concilium Oecumenicum convenire, ac Pontificum Decreta examinare, utpote errori obnoxia, & sic tandem consentire; id verò falsissimum est, ut ex postea dicendis patebit, cùm quàm plurimæ hæreses à solis Pontificibus damnatæ sint, nullo Conciliorum assensu; imò Pontifices ipsis Concilijs credenda præscribebant, nec patiebantur sua Decreta in dubium vocari, ut in Regali Sacerdotio (a) ostendimus, & videri possunt epistolæ Leonis PP. præsertim 40. 41. 45. 49. 59. & acta Concilij Chalcedonenfis actione 1. & 2. & 3. & 5. & 16. Et Evagrius l. 2. c. 4. Tantumque abest, sententias Pontificum, ut infallibiles sint, consensu Ecclesiæ in Concilijs congregatæ indigere, ut potius ipsorum Conciliorum Decreta nulla sint, nisi auctoritate Pontificum confirmantur, quod in Regali Sacerdotio (b) ostendimus. Vide interim epistolam Hadriani ad Tarasium lectam in 7. Synodo actione 2. Gelasium epistolâ 13. & opusculo de anathem. Tomo 2. Conciliorum, post Concilium Chalcedonense. Socratem l. 2. c. 11. & 13. Sozomenum l. 3. c. 9. Theodoretum l. 2. c. 22.

*Quintid.* Patres à nobis producti expressè, clareque scribunt, teneri Ecclesias sub pœna hæresis, & schismatis Pontificum Decreta recipere, idque quia non licet à Petra soliditate recedere, quia à Summo Pontifice, quasi à quodam Capite in omnia membra Christi dona diffunduntur &c. quia Petro dictum est: *Pasce Oves meas.* Quæ omnia ostendunt, non idèò Pontificum decreta certa esse, quia ab Ecclesia recipiuntur, sed idèò recipi, & recipi debere, quia certa sunt.

*Sextid.* In tota historia Ecclesiastica paucissimos reperias Catholicos, qui solemnî Papæ judicio restiterint, & si resistere, ostendit eventus, eos omnes in errore versatos esse, quod manifestum signum est, Papæ

circa

(a) Regale Sacerd. fol. 356. (b) Reg. Sacerd. fol. 352. Edit. 1693.

circa fidem sententias etiam ante Ecclesiæ consensum infallibiles esse; & idem cum post latam à Papa sententiam Concilia celebrabantur, id erat, ut hæreticorum contumaciæ mederentur (quamquam neminem hæreticorum reperias, qui non eadem audaciâ, quâ Pontificum, etiam Conciliorum Decreta respuerit) utque collatis capitibus de remedijs providerent, quibus singulæ Ecclesiæ contra hæreticorum venena munirentur; non verò ut Pontificum solemne de Fide decretum in dubium revocarent, multoque minùs, ut abolerent, quod jam suprà exemplo Chalcedonensis Concilij observavimus. Erravit S. Cyprianus, quando contra Stephani decretum rebaptizari hæreticos voluit. Erravit S. Polycarpus, alijsque Asiani Episcopi, quando, licet prædicatione B. Joannis Evangelistæ recens imbuti, contra S. Anicetum, aliosque Romanos Pontifices Pascha celebrari volebant decimâ quartâ Lunâ, quacunque die illud tandem incideret; quam ob causam S. Victor Papa omnes Asiæ Episcopos, aliosque finitimos (quippe teste Eusebio (a)) hæresis suspectos) excommunicatione ferire parabat. Et quamvis S. Irenæus, alijsque tantam severitatem haud probarent (quam tamen gravissimas ob causas Baronius necessariam fuisse contendit) nunquam tamen auctoritatem & Potestatem Pontificiam in dubium revocare ausi sunt. Hæc omnia eum in finem dicimus, ut intelligas, etiam ante consensum Ecclesiæ Pontificum sententias ratas, errorisq; securas fuisse, & errasse, qui illis obstitabant.

*Septimò.* Denique, Ipsi Patres, ac etiam Galliæ Doctores sentiunt, scribuntque, omnes Christi fideles necessitate constringi, ut quæ Pontifices in causis fidei decrevisset, amplectantur, sicq; manifestè supponunt, etiam ante consensum Ecclesiæ rata, & fixa esse, ac erroris expertia Pontificum Decreta, nec dependere à consensu Ecclesiæ, sed potius consensum Ecclesiæ necessariò Pontificum decretis deberi. Audi aliqua tantum Patrum testimonia, nam plura in progressu dabimus. Epistola sex Galliæ Episcoporum, quæ inter epistolas D. Bernhardi est 370. sic habet: *Nulî dubium est, quòd ea, quæ Apostolicâ firmantur auctoritate, rata semper existunt, nec alicujus possunt deinceps cavillatione mutilari.* S. Calixtus I. epist. ad omnes Galliarum Episcopos: (b) *Talibus igitur gloriante indicijs rogamus, ne in illis partibus contra Apostolica statuta fieri sinatis, sed nostrâ fultis auctoritate, nociva compescite &c.* S. Eusebius epistolâ

C c c c c

æquè

(a) Euseb. &amp; Baron. ad annum 298. (b) Anno circiter CCXIX.

æquè ad omnes Galliæ Episcopos : (a) Si amplius de talibus, aut his similibus aliquid fuerit deliberandum, celeriter ad Nos relatio dirigatur, ut pertractatâ qualitate horum, nostra, quid observari debeat, sollicitudo constituat. S. Innocentius Papa epist. 3. ad Exuperium Episcopum Tholosanum : (b) Et quidem dilectio tua institutum secuta prudenter ad Sedem Apostolicam referre maluit, quid de rebus dubijs custodire deberet potius, quàm usurpatione præsumptâ, quæ sibi viderentur, obtinere. S. Zosimus epist. 8. ad Hilarium Narbonensem Episcopum : (c) Quæ à Nobis sunt sub DEI judicio constituta, si quid contra hæc tentaveris, Catholica communione discretus serò de thicis ingemisces. S. Cœlestinus Papa epist. ad Episcopos Galliæ : (d) Ad constituendum gratiam DEI satis sufficere credimus, quidquid secundum prædictas Regulas Apostolicæ Sedis scripta docuerunt, ut prorsus non opinemur Catholicum, quod apparuerit præfixis sententijs esse contrarium. Patres Concilij Turonensis II. canone 20. (e) Quis Sacerdotum contra Decreta talia, quæ à sede Apostolica processerunt, agere præsumat ? Nicolaus I. (f) In Romana Synodo, quæ extat apud Annales Fuldenses : Si quis dogmata, mandata, interdicta, sanctiones, vel Decreta pro Catholica Fide, pro Ecclesiastica disciplina, pro correctione Fidelium, pro emendatione sceleratorum, pro interdictione inminentium, aut futurorum malorum à Sedis Apostolicæ Præsule salubriter promulgata contempserit, anathema sit. Episcopi Galliarum in Concilio Pontigonensi can. 1. (g) Quæ secundum sacrum suum ministerium Apostolicâ auctoritate Spiritualis Pater noster, & universalis Papa decreverit, cum summa veneratione ab omnibus suscipiantur, & debitâ illi obedientiâ in omnibus observentur. Denique (ut alia quàm plurima omittam, quæ videri possunt apud eruditissimum Cardinalem Aguirre, qui tam præclarè, solidequè hoc argumentum profecutus est, ut credam, omnibus gloriam præreptam esse, aliquid melius, fortiusque scribendi, & reverà quidquid de auctoritate Pontificia Bellarminus, aliique collegerunt, umbra est, si ad hunc solem conferantur) Galliæ Episcopi novissimè, hoc est anno MDCLIII. literis decimâ nonâ Julij ad Innocentium X. datis : Judicia, inquit, pro sancienda regula Fidei à summis Pontificibus lata super Episcoporum consultatione (sive suam in actis Relationis sententiam ponant, sive omittant) divinâ æquè ac summâ per universam Ecclesiam auctoritate nui, cui Christiani omnes ex officio ipsius quoque mentis obsequium præ-

(a) Anno circiter CCCIX. (b) Anno circiter CCCII. (c) Anno circiter CCCXVI. (d) Anno circiter CCCXXIII. (e) Anno DLXX. (f) Obijt Nicolaus DCCCLXVII. (g) Anno DCCCLXXVI.

*præstare tenentur. Eâ nos quoque sententiâ ac fide imbuti &c. Quid potnit clarius, & manifestius à Gallis dici? Nota præsertim illa verba: Summâ ac divinâ auctoritate niti. Si ergo etiam ex Gallicanæ Ecclesiæ sententia Pontificum Decreta à nullo mutari, violarique possunt, sed ea sub pœna Anathematis recipere, ac observare tenentur, sequitur evidentiissimè, etiam ante consensum Ecclesiæ infallibilia & certissima esse, alioquin liberum esset ea aut amplecti, aut respuere. Et reverà cum Illustrissimi Episcopi in ultimo Parisiensi Conventu declarârunt: Non esse Pontificis irreformabile Judicium, nisi Ecclesiæ consensus accefferit, id planè non ab aliam causam fecere, quàm ut liberè postea, quæ Innocentius XI. contra Regaliam decreverat, effugere possent, prætextu erroris; quippe prima cura est Reo sententiam formidanti, contra Judicis auctoritatem excipere. Ut planè & ex natura rei, & ex adversariorum intentione idem sit, præsertim in rebus fidei, falli Pontificem posse, & non teneri Ecclesiam obedire. Quis enim obediat præcipienti impossibilia? at impossibile est, ut fide divinâ credas, quod est dubium & incertum, cum Fides Divina sit de rebus certis & indubijs.*

III. *Tertiò. Exortâ aliquâ de rebus fidei quæstione, ut Catholici ab hæreticis aliquâ, certâque notâ distinguerentur, utque certi ipsi essent, quid credere, quid respuere deberent, se id credere profitebantur, quod Pontifices Romani crederent, damnare, quod ipsi damnarent, suamque fidem in rebus fidei eorum judicio submittebant, & doctrina à Pontificibus Romanis, quamvis extra Concilium, hæresis damnata, statim pro hæretica habebatur. Ex quo sequitur, judicium Pontificis esse infallibile, & irreformabile; si enim falli & reformari posset judicium Pontificis, ergo falli & reformari possent dogmata ab eo decisa, utpote errori obnoxia, & fallibili ac lubricâ auctoritate nixa; at dogmata fidei nunquam falli aut reformari, corrigique possunt, cum sint æternæ veritatis, & idè in rebus fidei semel decisa semper decisa, semel vera semper vera, sicut econtrâ semel reprobata semper reprobata, semel falsa semper falsa. Nec sufficit dicere (quod Patres ultimi Conventus Parisiensis in sua Declaratione insinuant) præcipuas esse in rebus fidei partes Romani Pontificis, non tamen sententiam irreformabilem. Quomodo enim reformabilis, si ex illa pender Ecclesiæ fides? si ex illa Catholici ab hæreticis distinguuntur? si, qui illam reformare ac mutare conantur, pro hæreticis,*

& Schismaticis habentur? si ex illa pendet, quænam doctrina Catholica, quænam hæretica sit? num ergo aut fides, aut hæresis reformari potest, ut quæ semel vera fuit, postea evadat falsa, & quæ semel falsa, postea sit vera? Sed audiamus testimonia Patrum, ad sententiam Rom. Pontificis, velut ad lydium lapidem, suam aliorumque fidem explorantium, verumque aurum à falso distinguendum. Credo equidem, neminem lecturum, quin statim cedat veritati; tam videlicet clara, tam manifesta sunt, ut unum idemque sit, ea legere & vinci, aut si vinci nolis, saltem confundi pudore ac conscientia veritatis. Excurramus ergo per omnes seculorum ætates. Quia tamen sæpe in hac tota Dissertatione testimonia antiquorum Pontificum trium priorum seculorum usque ad Siricium occurrent, qui obiit Anno 398. & illa à gravissimis auctoribus in dubium vocantur, quamvis Decreto Gratiani inserta, præmittendum est, quantæ, & cujus sint auctoritatis. Et primò quidem non agimus de epistolis S. Cornelij, quæ extant inter opera S. Cypriani, neque de epistolis Julij I. quæ referuntur à S. Athanasio Apolog. 2. nec de epistolis Liberij, quæ à S. Hilario in fragmenta recententur, nec de epistola Damasi ad Illyrici Episcopos, quam exscribit Theodoretus l. 1. histor. Ecclesiast. c. 22. sola ergo quæstio est de ijs epistolis, quas ex Isidori Mercatoris collectione Compilatores Canonum in numerum & Catalogum Decretalium retulere, nec earum à veteribus historiæ Ecclesiasticæ scriptoribus, aut sanctis Patribus ulla sit mentio. Tales sunt S. Clementis quinque, S. Anacleti tres, Evaristi duæ, Alexandri tres, Sixti I. duæ, Telesphori una, Hygini duæ, Pij I. quatuor, Aniceti una, Soteris duæ, Eleutherij una, Victoris quatuor, Zephyrini duæ, Callisti I. duæ, Urbani I. una, Pontiani duæ, Anteri una, Fabiani tres, Cornelij duæ, Lucij una, Stephani I. duæ, Sixti II. duæ, Dionysij duæ, Felcis I. tres, Eutychiani duæ, Caji una, Marcellini duæ, Marcelli I. duæ, Eusebij tres, Melchiadis una, Sylvestri una, Marci una ad S. Athanasium Julij I. duæ, Liberij duæ, Felcis II. duæ, Damasi plures, nimirum tres ad S. Hieronymum, ad Afros de Chor-Episcopis, ad universos Episcopos Italiæ, ad Aurelium. De his quærimus, legitimæ sint, an verò supposititiæ, & dico esse supposititias, & falsò ijs Pontificibus adscriptas. Id ita esse ex sequentibus rationibus patet. Primò. Quia illæ epistolæ abundant verborum fardibus, omninò alienæ sunt ab elegantia sermonis illius ætatis, & à Majestate & gravitate alijs Pontificibus, qui tunc temporis scribebant, usurpata. Secundò. Quia eodem



eodem scribendi stylo & caractere præditæ sunt, ut unius tantum scriptoris, non plurium & diversorum esse omnino videantur. *Tertio*. Quia videntur vulgarâ S. Hieronymi versione, quæ multò recentior est, ut proinde videantur post ætatem Hieronymi scriptæ. *Quarto*. Quia Hieronymo, qui scriptorum Ecclesiasticorum catalogum texuit, Innocentio, Leoni, aliisque sanctis Patribus incognitæ. *Quinto*. Quia Dionysius Exiguus, qui tempore Justiniani scripsit, & Romæ omnium Pontificum Romanorum Constituta, Decreta & epistolas colligebat, nunquam earum meminit, sed initium à Siricio facit. *Sexto*. Quia Legum Imperatoriarum verba, quæ in Codice Theodosiano habentur, usurpant, cum tamen ij Pontifices duobus, aut tribus seculis Codicem Theodosianum præcellerint. *Septimo*. Leo IV. Anno circiter 850. diligenter epistolas Decretales enumerans initium sumit à Siricio Papa. *Octavo*. Codex Canonum Ecclesiæ Romanæ ex tribus vetustissimis exemplaribus transcriptus solas exhibet Decretales à tempore Siricij. *Nono*. Earum epistolarum argumenta, contra morem omnium Ecclesiasticorum Doctorum & Patrum, qui ijs seculis scripsere, omnino ijs temporibus non conveniunt, & nihil tradunt, quod controversijs, quæ eâ tempestate agitantur, accommodatum sit. *Decimo*. Omnes ferè veterum Pontificum epistolæ falsis temporum & Consulum notis consignantur. *Undecimo*. Ipse Baronius & Bellarminus, imò plerique hujus temporis Auctores apocryphas esse fatentur. *Duodecimo*. Singulæ propemodum manifestis erroribus scatent, v. g. epistolæ Anacleti habent testimonia Damasi, Augustini, Idacij, Gregorij M. Gelasij, aliorumque, qui diu post vixere. Agunt quoque de Patriarchis, quorum nomen primò audiri cœpit circa tempus Concilij Chalcedonenfis. Et ita de reliquis. Ergo, ut dixi, primorum Pontificum epistolæ omnino supposititiæ videntur, non idèò tamen contemnendæ auctoritatis : Nam, ut de Marca (a) fatetur, è sententijs & verbis legum, Canonum antiquorum, & Sanctorum Patrum, qui quarto seculo floruerunt, si pauca demas, concinnatas esse constat. Et idèò Hincmarus, qui octavo seculo floruit Rhemenfis Archiepiscopus, quamvis negaret, eas epistolas ad Canones pertinere, nec canonum auctoritate præditas esse, eas tamen magni facit, earumque auctoritate sæpè utitur, & cum Hincmaro tota ferè Gallia, teste eodem de Marca, (b) unde in Concilio Rhemenfi Anno DCCCCII. Anacleti, Julij, Damasi,

Ccccc 3

(a) Marca lib. 3. cap. 5. §. 1. (b) Marca lib. 3. cap. 6. §. 2.

# 708 Dissert. IV. §. I. Pontificis Rom. infallibilitas

masi, aliorumque Pontificum epistolæ expenduntur in causa Arnulphi. Et Ivo quoque Carnotensis suæ Canonum collectioni intexuit, quam ad Ecclesiæ Gallicanæ usum publicavit circa annum *MI*. Agnovit etiam Concilium Aquisgranense circa annum Domini *DCCCXXXVI*. Concilium Colonienſe anno *DCCCLXXXVII*. Moguntinum anno *DCCCLXXXVIII*. Metenſe anno *DCCCLXXXVII*. Triburienſe anno *DCCCLXXXV*. Rhemenſe anno *DCCCLXXXII*. Lateranenſe sub Callisto II. Ex quibus constat, Decretales primorum trium seculorum non esse quidem eorum Pontificum, quibus inscribuntur, magni tamen momenti, magnæque auctoritatis; quid enim refert, cui nomini tribuantur, si veræ sunt? nec interest, Apellem, aut Parrhasium auctorem imago habeat, si pulchra est & placet; sint aurum, si non sunt gemmæ, an idèd contemnas? His ita de auctoritate earum epistolarum disputatis videamus, quomodo Patres omnium seculorum thesin nostram confirmant.

S. Irenæus antiquissimus & doctissimus Patrum, & Episcopus Lugdunenſis lib. 3. *adversus hæreses* c. 3. Sed quoniam valde longum est, in hoc tali volumine omnium Ecclesiarum enumerare successiones, maxime & antiquissimæ, & omnibus cognita à gloriosissimis duobus Apostolis Petro & Paulo Romæ fundatæ & constitutæ Ecclesiæ eam, quam habet ab Apostolis traditionem, & annuntiatam hominibus fidem, confundimus omnes eos, qui quomodo vel per sui placentiam malam, vel vanam gloriam, vel per cecitatem, præterquam oportet, colligunt. Ad hanc enim Ecclesiam propter principatorem Principatum necesse est, omnem convenire Ecclesiam, in qua semper ab ijs, qui sunt undique, conservata est ea, quæ est ab Apostolis, traditio. Vides signum, quo hæreticos confundimus, & Catholicos ab ijs distinguimus, esse traditionem & fidem, quæ in Romæ constituta Ecclesia semper servata est, & consequenter usque ad finem mundi semper conservabitur, alioquin non oporteret, ad eam omnes convenire Ecclesias.

Tertullianus de Præscriptionibus c. 36. loquens de Romana Ecclesia: *Statu*, inquit, *felix Ecclesia*, cui totam doctrinam Apostoli cum suo sanguine profuderunt, videamus, quid dixerit, quid docuerit. En tibi lydium lapidem, quoties dubitas.

S. Hieronymus ad Damasum Papam de tribus hypostasibus: Idcirco obsecro Be. titudinem Tuam, per crucem Domini, ut mihi litteris Tuis, apud quem in Syria communicare debeam, significes. Noli despicere animam, pro qua

qua Christus mortuus est. Discernite obsecro; non timebo tres hypostasies dicere, si jubetis. Quamobrem obtestor Beatitudinem Tuam, ut mihi epistolis Tuis five tacendarum, five dicendarum hypostasicon detur auctoritas.

Idem S. Hieronymus in expolitione Symboli circa finem, prout etiam allegatur à S. Thoma 2. 2. q. 11. a. 2. ad 3. *Hæc est fides, Papa Beatissime, quam in Catholica didicimus Ecclesia, in qua si minus peritè, aut parùm cautè fortè aliquid possum est, emendari cupimus à Te, qui Petri fidem & Sedem tenes; si autem hæc nostra Confessio Apostolatus Tui iudicio comprobatur, quicumque me culpæ voluerit, se impertum, vel malevolum, vel etiam non Catholicum, non me hæreticum comprobabit.*

S. Cyrillus Alexandrinus in libris Theauri de SS. Trinitate (manifestum est, non tantum quatuordecim esse, sed triginta duos, qui à priscis scriptoribus allegantur) quos allegant S. Thomas opusc. 1. contra errores Græcorum cap. 68. & opusc. 29. cap. 3. Cardinalis Turrecremata l. de Potestate. Gennadius in opere quadripartito pro Synodo Florentina. Alanus Copus Dial. 1. cap. 13. Andreas Episcopus Græcus Colossensis in Synodo Florentina, nemine Græcorum dissentiente; hi inquam omnes nunquam auderent in facie Græcæ Ecclesiæ eos libros citare, nisi palam esset, esse Cyrilli, quamvis, uti dixi, nunc quatuordecim tantum legantur, reliquis, uti creditur, Græcorum in Romanam Ecclesiam invidia sublati. Hic ergo Cyrillus ita loquitur: *Debemus nos, ut qui membra sumus, Capiti nostro Pontifici Romano, & Apostolicæ fidei adherere; ad nos pertinet, inde, quid credendum, quid opinandum, quid tenendum sit, querere.*

S. Augustinus lib. 2. de verbis Apostoli: *Jam enim de hac causa (hæresi videlicet Pelagiana) missa sunt ad Sedem Apostolicam duo Concilia, inde etiam Rescripta venerunt, causa finita est.*

Theodoretus lib. 4. histor. c. 2. *Gratianus toto Imperio potitus scripsit legem, quæ jubebat, sacras Ecclesias tradi, quæ Damasi (is erat Episcopus Romanæ) communionem amplexarentur.*

S. Cyrillus epist. ad Cælestinum Papam: *Quamvis hæc ita se habeant, non prius tamen Nestorii communionem confidenter deferere ausi fuimus, quam hæc ipsa Tuae pietatis indicaremus. Digneris proinde, quid sentias declarare, quod liquido nobis conflet, communicare cum Nestorio oporteat, an libere ei denuntiare.*

Theodoretus Cyri Episcopus epist. ad Leonem PP. *Ego suffragium Sedis Apostolicæ effluo, vestram sententiam expecto, quod si sententiæ eorum, qui condemnarunt, acquiescere jusseritis, acquiescam,*

Justinia.

Justinianus epistolâ ad Hormisdam Papam : *Hoc enim credimus esse Catholicum, quod vestro Religioso responso nobis fuerit intimatum.*

S. Agatho epistolâ ad Constantinum Imperatorem, quæ habetur actione quartâ Sextæ Synodi : *Hæc Apostolica ejus Ecclesia nunquam à via veritatis deflexa est, cujus auctoritatem semper omnis Catholica Christi Ecclesia, & Universales Synodi fideliter amplectentes in cunctis secutæ sunt, omnesque venerabiles Patres ejus fidem amplexi, & sancti quidem Doctores Orthodoxi venerati atque secuti sunt, hæretici autem falsis criminationibus, ac derogationum odijs insecuti.*

Constantinus Pogonatus ad Leonem II. PP. *Stet firmus propugnator pietatis, accinctus verbi gladio, cujus est, omnem hæreticam doctrinam præcidere.*

S. Fulgentius l. de Incarnat. verbi : *Quod Romana, quæ mundi cacumen est, tenet & docet Ecclesia, totus cum ea Christianus Orbis nihil hæsitans credit, & ad salutem non dubitat confiteri.*

Simplicius PP. epist. 4. ad Zenonem Imperatorem : *Perstat enim in Successoribus suis hæc & eadem Apostolicæ normæ doctrinæ, cui Dominus totius curam injunxit Orili, cui se usque ad finem seculi minimè defuturum, cui portas inferi nunquam pravalituras esse promisit.*

Joannes Episcopus Constantinopolitanus in epist. ad Hormisdam PP. & in Regula fidei, quæ habetur post epist. 6. ejusdem Hormisdæ : *Es quia non potest Domini nostri prætermitti sententia, quæ dicit ; Tu es Petrus &c. hæc, quæ dicta sunt, rerum probantur effectibus, quia in Sede Apostolica immaculata est semper servata Religio. Unde sicut prædiximus, sequentes in omnibus Apostolicam Sedem, & prædicantes ejus omnia constituta, spero, ut in una communione vobiscum, quam Sedes Apostolica prædicat, esse merear, in qua est integra, & vera Christianæ Religionis soliditas.*

Omitto Patres posteriorum seculorum, quia in Regali Sacerdotio, & apud Eminentissimum Aguirte exscripti sunt. Isti sufficiant ex primis seculis deprompti, selectique, quippe doctrinâ & virtute præstantes, & omni adulatione intracti. Ex istis apertè constat, quod probandum susceperam, videl: Catholicos hoc præcipuè signo ab hæreticis distingui solitos, quod illi sub vexillis militarent Romani Pontificis, eandemque cum isto fidem profiterentur. Hæc ergo tessera veræ Religionis : *Romanus sum.* Et verò nulla alia esse poterat, quo enim ab hæretico aliàs distinguaris ? Scripturas allegas ? non defunt hæretico, aut saltem in alienum sensum interpretabitur. Patres ? suos quoque opponit,

opponit, nemo magis Augustinum jactat, ut Lutherus, & Calvinus. Miracula? ficta esse dicet, & unde probabis vera, nisi testimonio Pontificis? Nullum ergo apertius signum, magisque apud summos, medios, infimos, doctos, indoctosque perspectum, quàm si cum Papa consentias; ut primum dixeris, *Romanus sum*, jam omnes intelligunt, te non Ari-  
 anum, non Pelagianum, non Lutheranum, non Calvinistam, sed Ca-  
 tholicum esse. Sic Hieronymus, sic Athanasius, sic Augustinus ab  
 hæreticis distincti. Audi Hieronymum Apolog. in Rufin. *Fidem tuam  
 quam vocas? eamne quâ Romana pollet Ecclesia, an illam, quæ in Originis vo-  
 luminibus continetur? Si Romanam, ergo Catholici sumus.* Ex quo sequitur,  
 sententias Romani Pontificis in causâ fidei prolatas omnino infallibiles  
 esse, alioquin si & veræ, & falsæ esse possunt, quomodo verum à falso,  
 Catholicum ab hæretico distinguant? Quis ignem à fumo cognosce-  
 ret, si fumus etiam aquæ conjungi posset? Quis militem à Senatore solo  
 gladio, pallioque, cum ab utroque gestentur? Sic frustra Patres, cæteri-  
 que fideles veram à falsa Religione auctoritate Pontificiâ discernent,  
 si hæc tam falsæ, quàm veræ patrocinaretur.

IV. *Quarid.* Illud quoque Pontificiæ Infallibilitatis certissimum  
 argumentum, quòd multa Christianæ fidei dogmata à solis Romanis  
 Pontificibus sint decisa, hæresesque damnatæ; ex quo, ut jam suprà  
 ostendi, necessariò sequitur, sententias Romani Pontificis in causâ fidei  
 pronuntiatas, omnis esse erroris expertes; quod enim fide divinâ cre-  
 do, non tantum verum est, sed etiam certum, ita ut falsum esse non  
 possit: & fideles ita prompti, paratique esse debent, ad hujusmodi  
 dogmata amplexanda, & retinenda, contrariasque hæreses respuendas,  
 ut nec sanguini, nec vitæ, exemplo tot millium martyrum, parcere  
 oporteat. Jam verò quàm plurimas hæreses solâ Pontificum auctori-  
 tate proscriptas, & dogmata contraria constituta esse, nullo etiam Con-  
 cilij Oecumenici adminiculo, ita certum est, ut negari non possit.

Nolebant Pelagiani Summorum Pontificum sententijs acquiescere,  
 quibus & necessitas gratiæ asserbatur, & Pelagij errores hæresis damna-  
 bantur; provocabantque Pelagiani ad Concilium Universale, quibus  
 egregiè Augustinus (a) in hæc verba responderet: *An verò Congregatione  
 Synodi opus erat, ut aperta perniciies damnaretur? quasi nulla hæresis aliquando  
 nisi Synodi congregatione damnata sit, cum potius rarissimæ inveniantur, propter*

D d d d

quas

(a) August. lib. 4. contra duas epist. Pelagian. cap. 12.

quas dammandas necessitas talis extiterit &c. Et paulò post: Verùm istorum superbia hanc etiam gloriam captare intelligitur, ut propter illos Orientis, & Occidentis Synodus congregetur. Orbem quippe Catholicum quoniam pervertere nequeunt, saltem commovere conantur &c. Et alibi: (a) Quasi verò in Concilio Episcoporum, quod non salubriter, sed jactanter propter vestras quaestiones debere dicitis congregari, si sederent Episcopi, quos suprà memoravi, factile invenire, quos eis in doctrina Ecclesiastica antiquitùs tradita equare, nedum praeferre possetis. Et alibi: (b) Si in Concilio, cujus videris desiderare judicium, sederent Cyprianus, Hilarius, Gregorius, Basilius, Joannes Constantinopolitanus, ut taceam alios, nunquid doctiores, prudentiores, veraciores Judices quætere auderes? ipsi contra dogmata vestra clamant, ipsi scriptis suis scripta vestra condemnant, quid quæris amplius? Quòd si quæras, si Concilio Oecumenico (de hoc enim loqui Augustinum certum est ex illis verbis: Ut propter illos Orientis & Occidentis Synodus congregetur) opus non est, cujus ergo auctoritate & sententiâ hæreses elidentur, verusque Sacrarum Scripturarum sensus elucidabitur? respondet Augustinus: si Romanæ Ecclesiæ Præsidentem B. Innocentium audire voluisses, jam tunc periculosam Juventutem tuam Pelagianus laqueis exuisses. Quid enim potuit vir ille Sanctus Africanis respondere Concilij, nisi quod antiquitùs Apostolica Sedes, & Romana cum cæteris perseveranter tenet Ecclesia? Quibus verbis duo docet Augustinus, videlicet, & non posse Romanum Pontificem ab antiqua, & vera doctrina aberrare, & ejus auctoritatem sufficere hæreticis laqueis exuendis. S. Prosper quoque in Chronico: Tunc Pelagianorum machinæ fractæ sunt, quando B. memoriæ Innocentius nefandi erroris capita Apostolico mucrone percussit. Et S. Hieronymus de Irenæo Romanam misso: Omnium doctrinarum curiosissimus explorator non moles ædificiorum Urbem circummeundo, sed Apostolicæ Sedis fidem, ritus, mores, ac disciplinam, quam illi Petrus, & Paulus Apostolorum Principes tradidissent, perscrutabatur, nativisque ibi Apostolicas traditiones integras & illibatas, ut ab Apostolis traditæ fuerant, ad eas omnes, quos scriptis exagitat, exinde provocavit hæreticos, quos sciret eo solo tam patenti testimonio posse convinci. Sozomenus l. 6 c. 22. Qua de controversia Romanus Pontifex certior factus, scripsit ad Ecclesiam Orientis litteras, ut unâ cum Sacerdotibus, & Episcopis Occidentis Trinitatem, & Consubstantialem esse, & gloriâ aequalem existimarent. Quo facto singuli rebus ab Ecclesia Romana semel judicatis acquieverunt, hæcque Controversia finem habere visa est. Sixtus II. PP. Memor sum,

(a) Idem lib. 1. contra Julian. c. 60. (b) Ibid. l. 2. c. 37. vide etiam l. 2. c. 10.

me sub illius nomine Ecclesiæ præsidere, cujus à Domino JESU Christo confesso est glorificata, & cujus fides nullam hæresin unquam fovit, sed omnes quidem hæreses destruit. Onitto alia jam superius memorata.

Dices. Etiam ab alijs Episcopis, privatisque Synodis fuisse hæreses damnatas, ut ex Augustino constat, locis citatis; non idem tamen sequi, sententias Episcoporum & particularium Synodorum esse irreformabiles; ergo ex hoc Capite non potest deduci Infallibilitas Summorum Pontificum.

Resp. 1. Etiam Episcopi in causis fidei sententiam ferunt, eisq; subditi parere tenentur, sed auctoritate subornata Papæ, & fallibili, ac propterea reformabili, de quo vide P. Natalem sæculo 14. Dissertat. 12. ubi exempla affert Episcoporum qui hæreses damnârunt.

Resp. 2. Maximum esse discrimen inter sententias Pontificum, & inter sententias Episcoporum hæresin aliquam damnantium. Episcoporum enim sententiæ erant tantum doctrinales, non verò dogmaticæ & ultimæ, atque irreformabiles; nec prius valebant, quàm à Summo Pontifice confirmarentur; sententiæ verò Pontificum Dogmaticæ & ultimæ, nec poterant iterum in judicium, litemque vocari, adeò, ut si permissu Summorum Pontificum prædamnata à Pontifice hæreses iterum in Concilijs examinarentur, non id erat, quòd causâ à Romano Pontifice jam finitâ dubitare liceret, sed ut auctoritate tot Patrum, doctrinâ & sanctitate florentium, argumentisque ab eis tantâ efficacità & eloquentiâ productis hæreticorum pervicacia obrueretur. Id ita esse patet testimonijs eorundem Patrum. Nam S. Hieronymus (a) *Hæc est Fides, inquit, Pater Beatissime, quam in Ecclesia Catholica didicimus, quàmque semper tenuimus, & tenemus, in qua si minùs peritè, aut minùs cautè fortè aliquid positum est, emendari cupimus à Te, qui Petri & fidem, & Sedem tenes.* S. Cyrillus Alexandrinus epistolâ ad Cælestinum PP. *Quamvis hæc ita se habeant, non prius tamen Nestorij communionem confidenter deserere ausi fuimus, quàm hæc ipsa Pietati Tuæ indicaremus.* Digneris proinde, quid hic sentias, declarare. S. Paschalis PP. (b) *Ajunt, in Concilijs statutum non inveniri, quasi Romanæ Ecclesiæ legem Concilia ulla præfixerint, cum omnia Concilia per Romani Pontificis auctoritatem & facta sint, & robur acceperint, & in eorum statutis Romani Pontificis patenter excipiat auctoritas.*

Dddd 2

S. Inno-

(a) Habetur in Decr. Gratiani cap. quoniam 24. q. 1. (b) In capit. signifi. cæsti de elect.

S. Innocentius I. PP. *Quidquid, quamvis de disjunctis, remotisque Provinciis ageretur, non prius Patres ducebant finiendum, nisi ad Sedis notitiam perveniret, ut tota hujus auctoritate pronuntiatio firmaretur.* S. Stephanus Archiepiscopus suo & trium Africæ Conciliorum nomine: (a) *Vestrae Sedis Episcoporum judicia, & summorum finem judiciorum Ecclesiasticorum in honorem Beatissimi Petri Patrum Decreta omnium cunctam reservare sententiam; antiquis enim regulis constitutum est, ut quidquid horum, quamvis in remotis ageretur Provinciis, non prius tractandum, vel accipiendum sit, nisi ad notitiam almae Sedis Vestrae fuerit deductum, ut ejus auctoritate juxta quod pronuntiatum fuerit firmaretur.* S. Damasus: (b) *Nulla unquam Concilia rata leguntur, quæ non sint fulta Apostolicâ auctoritate.* Cœlestinus PP. in Instructione Legatis suis ad Concilium Ephesinum data: (c) *Auctoritatem Sedis Apostolicæ custodire debetis, siquidem & Instructiones, quæ vobis traditæ sunt, hoc loquuntur, ut interesse Conveni debetis: ad disceptationem si fuerit ventum, vos de eorum sententiis judicare debeatis, non subire examen.* S. Gelasius: (d) *Hoc robur obtinuit, quod in Synodo firmavit Sedis Apostolicæ auctoritas, quod refutavit, firmitatem habere non potuit.* Omitto sexcenta alia, ex quibus palam est, latum discrimen à Patribus agniti esse inter sententias Episcoporum, & sententias Romanorum Pontificum, hæreses aliquas damnantium, ut videl. istorum vellent esse ultimas & decretorias, illorum verò adhuc reformabiles, & judicio Pontificum, etiamsi in Concilio Oecumenico latæ essent, omnino subiectas.

Sed videamus nunc, quænam in particulari hæreses à solis Romanis Pontificibus extra Concilium Oecumenicum damnatæ sint.

Certum est, à Christi nativitate usque ad annum 325. quo Concilium Nicænum celebratum est, nulla fuisse Oecumenica Concilia celebrata, & tamen quàm plurimæ hæreses toto hoc annorum decursu & extiterè, & abolitæ, aut saltem damnatæ sunt. Et quamvis in particulari non semper ostendi possit, eas à Romano Pontifice damnatas esse, quippe flagrantibus persecutionibus, & Ecclesiâ Romanâ omnibus venis sanguinem fundente, orium non erat Romanis Pontificibus multa scribendi, & posterorum memoriæ commendandi; vix tamen dubium esse potest, auctoritate Summorum Pontificum fuisse confixas. Constat enim

(a) In epist. ad Damas. PP. (b) Epist. ad Stephanum. (c) Commonitor. Cœlest. à Balluzio nuper editum ex MM. SS. Codic. Colbertino & Vaticano, (d) S. Gelas. l. de vinculo anathem.



enim unâ parte testimonij suprà productis, Ecclesiam supra fidem Petri ejusque successorum fundatam esse, idque Patres primorum seculorum palàm professi sunt, nam præter dicta Sozomenus scribit: (a) *Julium ad eos, qui Antiochiæ convenerant, scripsisse, atque incusasse, quod contra leges Ecclesiæ cum ad Concilium non vocassent, nam Legem esse ad Sacerdotij dignitatem spectantem, quæ pronuntiat, acta illa irrita esse, quæ præter sententiam Episcopi Romani constituuntur.* Et ipse Athanasius ex persona Julij, cujus epistolam recitat: (b) *An, inquit, ignari estis, hanc consuetudinem esse, ut nobis scribatur, ut hinc, quod justum est, definiri possit? nunc autem nos, quos certiores minimè fecerunt, postquam jam egerunt, quod libuit, suffragatores suæ damnationis, cui non interfuimus, esse volunt; non ita se habent Petri & Pauli ordinationes, non ita Patres docuerunt, sed falsus iste, & novum studium est.* Quæ enim accepimus à B. Petro Apostolo, hæc vobis scribimus. Ubi vides, hanc Pontificis Romani auctoritatem ad Apostolorum traditionem referri. Ex altera verò parte æquè constat, Pontificum in fidei causis sententiam adeò Ecclesiam Catholicam venerari solitam, ut qui eam non reciperent, teste S. Ignatio Episcopo Antiocheno, qui primo Seculo floruit: (c) *Qui his non obedit (loquitur de SS. Cleto & Clemente) Atheus prorsus & impius sit, & Christum contemnit, & Constitutionem ejus imminuit.* At quæ est Christi constitutio, nisi illa? *Tu es Petrus, &c. Tibi dabo claves Regni Cælorum, &c. Pasce oves meas.* At hæc Christi constitutio aut de omnibus Petri successoribus intelligenda est, aut non est intelligenda de Cleto & Clemente, cur enim potius de Cleto, quàm de Alexandro, de Gregorio, de Innocentio? Cùm ergo constet, Romanis Pontificibus supremam in causis fidei decidendis auctoritatem concessam, eamque in primitiva quoque Ecclesia agnitam, summaque veneratione exceptam esse; quis dubitet, in profligandis hæresibus Summos Pontifices illà non esse usos? Poterant, debebant, ergo fecere, alioquin sancti non essent. Et idè S. Irenæus de S. Clemente scribit: (d) *Dissensione non modicâ inter eos, qui essent Corinthi, fratres sacra, scripsit quæ est Romæ Ecclesiæ potentissimas litteras Corinthijs, ad pacem eos congregans, & fidem eorum reparans, & annuntians, quam ab Apostolis receperant, traditionem.* Sic Cerdon & Valentinus hæresiarchæ (e) coram Hygino S. Pontifice hæreses suas recantârunt,

D d d d d 3

Sic

(a) Lib. 3. hist. cap. 9. (b) S. Athanas. apolog. 1. ad Orient. (c) S. Ignat. epist. ad Roman. (d) S. Iren. lib. 3. adv. hæres. cap. 3. (e) Anno 155. ictibus Irenæo lib. 3. cap. 4. Eusebio lib. 4. cap. 10.

Sic Theodorus hæresiarcha, Theodoreto (a) & Eusebio testibus, à Victore Pontifice damnatus, & Ecclesiâ ejectus est, quòd doceret, Christum hominem tantummodò, non etiam Deum esse. Idem Victor, ut habet Eusebius, *totius Asiæ Ecclesiæ, & alias finitimas* (quamvis traditionem Joannis Evangelistæ prætexerent) *tanquam alterius fidei & opinionis literis graviter objurgatas simul omnes à Communione Ecclesiæ semovendas duxit*; quòd videl. celebrarent Pascha decimâ quartâ Lunâ, quacunque die incidisset. Id verò quamvis Ecclesia Romana tolerasset, postquam tamen verti in hæresin cœpit, & Judaismo ansam præbere (quod Nicephorus testatur) (a) quodque conniventia Ecclesiæ fuerat, pro necessitate ac debito jactari, [pari ferè ratione, quâ hâc tempestate de necessitate utriusque in Communione speciei à Calvinistis differitur] Victor necessariam esse severitatem credidit, quamvis ab ea sanctum Pontificem Irenæus vehementer dehortatus sit, potestatem quidem Pontificis agnoscens, sed usum restringi cupiens. Ubi nota, quamvis plurimi historici Ecclesiastici, videl. Eusebius, Irenæus, Nicephorus, Hieronymus, Photius, alijque hujus rei meminerint, nullus eorum tamen scribit, Episcopos Victori hanc potestatem negasse, sed tantum hortatos esse, ut pacis causâ nimiam severitatem temperaret. Et temperavit quidem Victor, sed ejus sententia contra omnium Asianorum, & Synodi Ephesinæ Decreta omnino vicit, ac Nicæno Concilio confirmata est. Paulò post Zephyrinus (b) Victori succedens hæresin Montanistarum & Cataphrygum anathemate ferit, & præcipuum hujus hæresis Caput Tertullianum, quod ipsemet fateatur, (c) unde perpetuum Tertulliani in Pontifices odium, more omnium hæreticorum, Judicem, à quo plectuntur, aversantium. De ejusdem Zephyrini contra Cataphrygas Decreto hæc scribit Tertullianus: *Audio etiam, decretum esse propositum, & quidem peremptorium; Pontifex Maximus, Episcopus Episcoporum dicit; ego & mæchiæ, & fornicationis delicta sanctis pœnitentiâ dimitto*. Ubi observas, jam tunc temporis, quamvis flagrante persecutione, Romanos Pontifices supremâ auctoritate suâ uti solitos esse, in materia videl. fidei [talís enim erat, de qua tunc temporis quærebatur, videlicet, an relapsi ad pœnitentiam recipi possent] Decreta, & quidem *peremptoria*, hoc est, definitiva proponendo, quibus omnes Christi fideles obedire tenentur; hæc verò Decreta, ut aliàs ostendi,

(a) Anno 196. Theodoret. hæretic. fab. lib. 2. Eusebius lib. 5. hist. cap. 27.

(a) Niceph. lib. 4. cap. 30. Tertull. de Præscript. cap. 53. Euseb. 5. hist. c. 9.

(b) Anno 215. (c) Tertull. de jejuniis. cap. 1.

ostendi, infallibilitatem Pontificiam supponunt. Origenes à Dionysio Episcopo Alexandrino hæresis accusatus, fidei suæ professionem Romam ad Fabianum Pontificem misit: [a] sed cum calamo fides non haberetur, ipse Romam accessit, [b] rarus, se hæresis notâ satis absolutum fore, si à Romano Pontifice reciperetur.

V. Cyprianus, omnesque ferè Africani Patres, à Stephano Papa [c] anathemate percussus, aut saltem territi, ob repetitum hæreticorum baptismum. Ubi planè enituit invicta Romanorum Pontificum auctoritas, quando contra torrentem Africanæ eloquentiæ, & sanctitatis, frustra obnitente Cypriano [cujus in Ecclesia Catholica eâ tempestate summa veneratio] veritati suffragium tulit, effecitque, ut toto Orbe probaretur. Planè nunquam magis credi potuit, errasse Pontificem, quam cum Cypriano, totque, & tam numerosis Synodis [in quibus florem Catholicæ Religionis facile collectum vidiſſes] adversatus est; vicit tamen, & pro illo veritas stetit. Quando errabit Pontifex, si tunc non erravit? num aliquando doctiores, sanctioresque adversarios habebit, quam Cyprianum, & tot alias Synodos Orientis? ergo si tunc, quando tam multi, robustique impellebant, hæc Petra non cecidit, frustra expectas aliquando casuram; stetit, stabitque, ut Petram decet.

Dices: Etiam post prolatam à Stephano sententiam, dirasque intentatas nec Cyprianus, nec alij Africæ Episcopi acquievêre; non ergo credebant, Pontificem falli non posse. V. Dissertat. 4. §. 3. n. 4. Objeçt. 4.

Resp. De certamine Cypriani cum Stephano alibi dictum est, & dicitur postea, cum objectiones dissolvemus; nunc verò id solum dico, Cyprianum, ejusque affeclas, si crediderunt Pontificem ex Cathedra docentem falli posse, omnino errasse; neque id mirum est, aut absurdum; si enim errârunt circa Baptismum, cur non errare potuerint circa Pontificem? & si tu absurdum & falsum esse non credis, cum dicitur, Cyprianum circa Baptismum errasse, cur absurdum, & falsum esse credas, cum dicimus, errasse circa Pontificem? præsertim cum nemo unquam falsam doctrinam pertinaciter defenderit, qui non hoc ipso cum Romano Pontifice bellum gesserit, jurato videlicet, & necessario mendacij hoste, ac vindice veritatis; ut adeò unum idemque sit, Pon-

[a] Anno 248. [b] Euseb. lib. 6. hist. cap. 28. 29. [c] Anno 258.

Pontifici bellum, & veritati indicare, quemadmodum unum idemque est, in leges & in Judicem offendere. Et verò ubi primus ille animorum ardor deferbuit, qui Cypriani, & Firmiliani calamos myrrhâ, & felle impleverat, redijtque serenitas agnoscendæ veritati necessaria; respuit Cyprianus, totumque illud agmen Africanorum, seque Pontifici Romano submisit. Cùm ergo Cyprianum habeamus, & errantem, & poenitentem, quærimus ex Gallis, cur malint errantem sequi, quàm poenitentem? Audi Augustinum: (a) *Correxisse autem Cyprianus istam sententiam non invenitur, non incongruenter tamen de tali viro existimandum est, quòd correxit, & fortasse suppressum sit ab eis, qui hoc errore nimium delectati sunt, & tanto velut patrocinio carere noluerunt.* Idem testatur clarissimis verbis S. Hieronymus de Episcopis, qui cum Cypriano decreverant, hæreticos rebaptizandos esse. Verba Hieronymi hæc sunt: (b) *Denique illi ipsi Episcopi, qui rebaptizandos hæreticos cum Cypriano statuerant, ad antiquam consuetudinem revoluti (quæ habebat, non esse rebaptizandos hæreticos, & quâ maximè Stephanus nitebatur) novum emisere Decretum.* Et Cresconius Donatista objicit Augustino: (c) *Majores nostri (Donatistæ videlicet) ab Orientalium propterea a communione discreti sunt, quia illi suum judicium rescinderunt, quo eis placuerat de illa questione (an videlicet hæretici rebaptizandi essent) Cypriano, atque illi Africano Consilio consentire oportere.* Cui responder Augustinus: (d) *Paucos illos Orientales, quinquaginta videt: (totidem erant Episcopi in Synodo Iconiensi Firmiliano præsidente) non tantum judicium suum rescidisse, verum etiam correxisse.* De Dionysio quoque Patriarcha Alexandrino mutasse eum sententiam, ac Stephano manus dedisse clarum videtur, tum ex familiarissimis ejus Epistolis ad Xistum Stephani successorem apud Eusebium: (e) *tum quia adeò Stephani sententiæ accesserat, ut ne quidem fratrem quendam ætate admodum provectâ, & Baptismate apud hæreticos tinctum, sed pleno impietate, plenoque blasphemia, neque ullam omninò cum nostro habente similitudinem, sit ausus rebaptizare, nisi permitteret Romanus Pontifex; sic enim epistolam ad Xistum concludit: Profectò opus habeo Frater consilio Tuo, & sententiam Tuam expecto, ne forte ipse hallucinet tali negotio ad me delato.* Ita Eusebius; patet ergo, Africanos Episcopos, eorumq; Coryphæos Firmilianum, & Dionysium sententiam correxisse. Quando ergo

(a) August. crist. 48. ad Vincent. (b) S. Hieron. Dial. contra Luciferianos. (c) Crescon. lib. 3. cap. 2. (d) August. contra Crescon. lib. 3. cap. 3. (e) Euseb. lib. 7. cap. 9.

ergo Arelatense, quod multò post celebratum est, canone 1. decernit: *Afros propriâ lege uti, ut rebaptizent*, intelligendum est, ut bene notavit Sirmondus, non de quibuscunq̃ue Catholicis Afriſ (quales erant Cypriani sectatores) sed de Afriſ Donatistis & Schismaticis; & idè in Concilio Romano ante Concilium Arelatense celebrato sub Melchiae de Papa, Donato etiam ab Africæ Episcopis vitio datum, imò damnatum est, quòd *confessus esset se rebaptizasse*, teste Optato Mulevitano; ergo certum est, eâ tempeſtate non fuiſſe apud Africanos moris, ut tincti ab hæreticis iterum tingerentur, alioquin quomodo ab Africanis Episcopis id ſoli Donato crimini verteretur? Hæc omnia eò ſpectant, ut ostendamus, Africanos Episcopos, præſertim Firmilianum & Dionysium reſiſuiſſe. Jam Lectoris iudicium eſto, quorum æquior ſit cauſa: adverſariorum, qui errantes Africanos ſequuntur, an noſtra, qui ſequimur poenitentes? Illud quoq̃; ex Auguſtino addendum; paucos fuiſſe, qui cum Cypriano Pontifici obluſtabantur: (a) *Quinquaginta videl. Episcopi Orientales, & ſeptuaginta Afri contra tot millia Episcoporum, quibus hic error [Cypriani] in toto Orbe diſplicuit.* Quæro jam iterum, utrum magis expediat paucorum errores amplecti, an multorum veritatem, imò tot millium Episcoporum, & totius Orbis conſenſum, qui Romani Pontificis ſententiam venerati ſunt? Quanquam ſi verum dici oportet, nihil Stephanus ex Cathedra, & per modum Dogmatis definivit; cùm enim Cyprianus Anno CCLVI. in ſecundo Carthagenſi Concilio, quò omnes Africæ Episcopi convenerant, ſolemni Decreto hæreticorum baptiſma damnâſſet, illudq̃ue per literas Synodicas Stephano Papæ confirmandum miſiſſet, Stephanus in hæc verba reſpondit: *ſi quis a quacunq̃ue hæreſi venerit ad nos, nihil innovetur, niſi quod traditum eſt.* Quibus verbis planè contrariam Cypriani ſententiam hæreſis non damnavit, ſed vetuit tantùm, *nihil innovari*, hoc eſt, antiquam Eccleſiæ traditionem, uſumq̃ue retineri, donec tota hæc quæſtio in Concilio Univerſali decideretur, ut ſæpe teſtatur Auguſtinus. Et meritò ad Concilium Univerſale rejecta eſt, cùm enim potiſſima quæſtio facti, non juris eſſet: *An videlicet rebaptizatio hæreticorum antiquæ totius Eccleſiæ conſuetudini, & traditioni adverſaretur*, meritò Concilium Univerſale expetebatur, ut videlicet ſinguli Episcopi de ſuarum Eccleſiarum uſu ac conſuetudine teſtari poſſent. Et quia pauci Episcopi Africanæ contra

E e e e e

tor

(a) S. Auguſt. contra Creſconium lib. 3. cap. 3.

tot millium Episcoporum, imò totius Orbis sententiam ( ut testatur Augustinus ) non solum privatam opinionem sustinebant, verum etiam contra Decretum Pontificis Romani ne quidem operiri Concilium, & interim repetito Baptismo abstinere volebant, imò primam Sedem convitijs onerabant, planè sacro calamo indignis ( qua de causa S. Augustinus (a) Cyprianum reprehendit ) jure merito excommunicationem illis Romanis Pontifex Stephanus minatus est, non tamen inflixit, deprecante Dionysio Patriarcha Alexandrino ; sic enim ipse testatur epistolâ ad Xistum Pontificem : (b) *Atque ut pro omnibus Episcopis illum deprecarer, epistolam scripsi.* De quo vide Schellstrate (c) & Alexandrum Natalem, (d) & simul adverte, moris fuisse, ut sanctissimi Episcopi excommunicationem apud Romanos Pontifices deprecarentur, eamque ne vibrarent dissuaderent ; sic Irenæus Victorem, sic Dionysius Stephanum Pontifices rogaverunt.

Ex hoc Cypriani conspectu magnum pro Infallibilitate Pontificia argumentum sumitur. Cyprianus tantâ doctrinâ, pietate, eloquentiâ, ingenio, ac insuper tot Episcoporum, & trium Synodorum votis subnixus, ubi tamen à Romano Pontifice secessit, in hæresin & errores prolapsus est, postea ab Ecclesia damnatus ; naufragium fecit, anchoram perdidit ; quis ergo deinceps speret, se absque periculo & impune à Romani Pontificis sententia deslexurum, sibi que stationem promittat Cypriano cadente ? *Tu es Petrus, & super hanc Petram, inquit Christus, ædificabo Ecclesiam meam.* Ergo super hanc Petram ædificium es, extra hanc Petram ruina.

VI. Anno CCCLXXIII. Primus Damasus hæresin Apollinaris, simulq; Timotheum & Vitalem Apollinaris discipulos extra Concilium Oecumenicum damnavit. Negabant isti Divinitatem Spiritûs S. Damasus verò Decretum fuisse peremptorium & decisivum, ac necessitatem Ecclesijs imposuisse, ut reciperetur, authenticis Documentis probari potest, ac insuper testimonio Ecclesiæ Gallicanæ. Theodoretus hæc habet : (d) *Damasus simul ut exortam hanc hæresin accepit, non Apollinarem solum, verum etiam Timotheum ejus discipulum abdicavit, quam rem etiam Episcopis Orientalibus significavit.* Damasus ipse in epist. ad Episcopos Orientis : (e) *Scitis velim, Fratres, nos Timotheum ipsum cum impio ejus dogmate*

(a) August. lib. 5. contra Donat. cap. 25. (b) Apud Euseb. lib. 7. cap. 5. (c) Schellstrate in antiquis illustrata p. 2. dissert. I. cap. 5. a. 5. (d) Alex Natal. ad seculum 3. Dissert. 12. (e) Theodoret. lib. 5. cap. 10. (e) Theodoretus ibidem.

jam pridem abdicasse, & ob eam causam credimus, impias ejus reliquias nihil in posterum momenti habituras. Jam enim semel formulam fidei edidimus &c. Et post pauca: Quid est, quod abdicationem Timothei à me rursus requiratis, qui etiam hinc judicio Sedis Apostolicæ abdicatus est unà cum Magistro suo Apollinari? quod si alios quosdam ad suam perducatur sententiam, sciant illi, se cum illo unà perituros, ut qui animum induxerint Ecclesiæ Canonon repugnare. Nota illa Damasi verba: Jam pridem impium ejus dogma abdicavimus, quam ob causam credimus, ejus reliquias nihil in posterum momenti habituras. Quæ causalis supponit omninò, sententias Pontificis Romani in causis fidei esse ultimas & irreformabiles, alioquin quæ esset consequentia? Damnavimus dogma Apollinaris, ergo illud dogma nihil amplius momenti habebit? Imò habebit, quia damnatio Pontificis revocari potest, & errori subjecta, nec certam fidem facit, nisi ab Ecclesia recipiatur; non ergo sufficit à Damaso damnatam esse. Sed & illa verba: Sciant, se cum Apollinari unà perituros, &c. eandem Infallibilitatem ostendunt. Ipsi Galliæ Episcopi ex hoc Damasi Decreto Pontificiam Infallibilitatem recentissimè agnoverunt, & Papæ Decreta divinà ac summā per universam Ecclesiam auctoritate niti professi sunt. Sic enim ad Innocentium X. Anno 1653. scribunt: Perspectum enim habebat (Zosimus videl. PP.) non solum ex Christi pollicitatione, sed etiam ex actis priorum Pontificum, & ex anathematismis adversus Apollinarem & Macedonium nondum ab ulla Oecumenica Synodo damnatos à Damaso paulò antè jactis, judicia pro sancienda Regula fidei à Summis Pontificibus lata, divinā aequè ac summā per universam Ecclesiam auctoritate niti, cui Christiani omnes ex officio ipsius etiam mentis obsequium præstare teneantur. Neque obstat, post Damasi definitionem in Concilio Constantinopolitano eandem Pneumatomachorum causam fuisse agitatam, damnatamque; neque enim id factum, quod sententia Pontificis incertæ fidei esset, ac retractari posset, sed quia hæretici eadem temeritate, quā Spiritui Sancto sacræque Scripturæ, etiam Pontificum judicio oblectabantur, & quid mirum, qui DEO & Scripturæ non credebant, non credidisse Pontifici? num idem errare Scriptura potest, quia hæretici scripturæ non credunt? Ut ergo eorum contumacia tot Patrum doctrinā & pietate florentium testimonijs, ac insuper argumentis, quæ ab illis in medium proferebantur, vinceretur, permisit Papa, eandem causam in plenario Concilio agitari, cujus auctoritas licet non sit major Pontifici in decernendo, ac decidendo, est tamen

major in *docendo* & *instruendo*, ob præclaram scientiam, facundiam, ac Zelum Episcoporum, qui Concilio interfunt. Sicut ergo cum Christus Apostolis dixit: *Paracletus autem Spiritus, quem Pater mittet in nomine meo, ille docebit vos omnia, & suggeret vobis omnia, quaecunque duxero* (Græcè *ἑγὼ* hoc est, dixi, prout etiam Arabicus & Syrus habet) *vobis*; non ideo sequitur, Spiritum Sanctum majoris esse auctoritatis, quàm Christum, aut posse corrigere, quæ à Christo dicta sunt; sed tantum, Spiritus Sancti partes esse, insinuare, explicare, & credentium animos suaviter, fortiterque disponere, ut credant, quæ à Christo dicta sunt; ita Concilij partes sunt, non immutare Pontificum Decreta ad fidem pertinentia, sed solum explicare, & fidelium animos doctrinâ, eloquentiâque, quæ in Concilijs abundant, permovere. Et hoc modo intelligendus est etiam S. Augustinus, quando, præcipuè in causa S. Cypriani, Concilium Universale toties commendat. Verbo, Papa est supra Concilium in *decernendo*, Concilium supra Papam in *docendo*, si non semper, at sæpè; quemadmodum major potest esse in Senatoribus & Consultoribus doctrina, jurisque peritia; at penès Judicem major, imò unica potestas judicandi, litemque finiendi. Et illud quoque observatione dignum, quod S. Hieronymus notat, videl. in Synodo Nicæna, quæ anno 325. celebrata est, nullam fieri expressam mentionem errorum Origenis, Valentini, Marcionis, Cataphrygarum, aut Manichæi, (a) quos certè ante Synodum fuisse dubium non est. Ex quo evidenter colligitur, Patres Nicænæ Synodi sententias Summorum Pontificum pro indubitatis habuisse, alioquin cur eas hæreses intactas & indemnatas relinquerent, quas soli Pontifices damnassent extra Concilium Universale? damnatas enim esse à Pontificibus, & ideo quoque ab Ecclesia rejectas patet tum ex ijs, quæ diximus, tum ex luculento Damasi testimonio, sic enim ad Stephanum Archiepiscopum Carthaginensem, & tria Africæ Concilia scribit: *Scitis, Fratres Charissimi, firmiter à DEO fixum, & immobile suorum Sacerdotum, id est, omnium Episcoporum Apostolicam Sedem esse constitutam, & verticem Ecclesiarum &c. nam ut nōsis, Synodum sine ejus auctoritate fieri non est Catholicum, neque ulla unquam Concilia rata leguntur, quæ non fuerint ejus sulca auctoritate &c.* Et circa medium: *Cujus Sedis Apostolicæ ante omnia decebat eos* (Patres Concilij Ariminensis) *expectare Decretum.* Quæ tantum abest,

(a) Hieron. epist. 65. cap. 1.



ut ab Episcopis improbata fuerint, ut ipsi potiùs ad eundem Damasum ita scriberent: *Notum facimus Vestræ Beatitudini, quòd quidam fratres venerabiles Episcopos vobis inconsultis à proprio dejiciunt gradu, cum Vestræ Sedis Episcoporum judicia & summorum finem negotiorum Patrum decreta omnium cunctam reservavere sententiam inquirendi reverentia de DEI rebus, quas omni curâ & sollicitudine observare debemus. Hæc omnia falsa sunt, si Pontifex errare, ejusq; sententiæ in materia fidei corrigi possunt; quomodo enim finis negotiorum summorum Pontifici reservatur, si aliud adhuc Ecclesiæ aut Conciliorum examen & judicium expectandum est? Quomodo Sedi Romanæ Patrum Decreta omnium cunctam reservavere sententiam, si post ejus sententiam, quia errare potest, alijs sententijs locus est? Quomodo nulla Concilia rata leguntur, quæ non fuerint Sedis Apostolicæ sulta auctoritate, cum potiùs Sedis Romanæ judicia non sint rata ex mente adversariorum, nisi Conciliorum auctoritate fulciantrur?*

Anno CCCXC. Emerfit, larvamque deposuit hæresis Joviniani. Eam S. Hieronymus acri, flammatoque stylo confixit, crederes non tam scribere, quàm tonare; sed dum totus est in extollenda Virginitate, visus est in extrema prolabi, & matrimonium quoque averfari, unde multorum in Hieronymum querelæ, quas ille scriptâ apologiâ delevit. Siricius verò Papa, ubi eam hæresin detexit, coactâ Romæ Synodo continuò damnavit, datisque litteris ad S. Ambrosium, nam Mediolani quoque grassabatur, pro damnata haberi eam voluit. Sic enim scribit: *Nos sanè nuptiarum vota non aspernanter accipimus, sed Virginum nuptias majore honorificentia honoramus. Facto igitur Presbyterio [hoc est Synodo] invenimus, ea doctrinæ nostræ, hoc est, Christi esse contraria, unde omnium nostrum tam Presbyterorum & Diaconorum, quàm totius Cleri una lata fuit sententia, ut Jovinianus, Auxentius, Genialis, divinâ sententiâ & nostro judicio in perpetuum damnati extra Ecclesiam remanerent. Quod custodituran Sanctitatem Vestram non ambigens hæc scripta direxi. Ubi etiam nota, Siricium Pontificem pro eodem habere, Dei & Papæ judicium. Respondit Ambrosius suo & Mediolanensis Synodi nomine: (a) Recognovimus litteris Sanctitatis Tuae boni Pastoris excubias, qui fideliter commissam Tibi januam servas, & piâ sollicitudine Christi ovile custodis, dignus, quem Domini oves audiant & sequantur.*

Anno CCCC. Anastasius Papa Rufinum Origenistarum Coryphæum

E e e e 3

Romam

(a) V. Epistolas Rom. Pontificum Tomo 1.

Romam vocat ad causam dicendam ; sed tergiversantem , & comparere renuentem ( quippe haud ignorabat , si semel Romæ hæresis notaretur , se toto Orbe Catholico abominationi , & pro hæretico habitum iri ) hæresis damnat , & unà Infallibilitatem Pontificiam egregio testimonio sancit ; audi Hieronymum , & postea ipsum Anastasium ; Hieronymus ergo hæc de Rufino scribit : (a) *Innocentem te vocas , ad cujus interpretationem ( transtulerat enim Origenis Periarcho ) Roma contremuit ? Absentem , qui accusatus respondere non audes , & in tantum Romæ Urbis iudicium fugis , ut magis obsidionem Barbaricam , quàm pacatæ Urbis velis sententiam sustinere ?* Anastasius verò epist. ad Joannem Hierosolymorum Episcopum hæc habet : *Absit hæc ab Ecclesia Romana nequaquam Catholica disciplina. Nunquam profectò eveniet , ut aliquâ hoc admittamus ratione , quod jure , meritoque damnamus. Quapropter in toto Orbe Christi DEI diffusa providentia probare dignabitur , accipere nos omninò non posse , quæ Ecclesiam maculent. Mihi certè cura non deerit , Evangelij fidem circa meos custodire populos , partisque populi mei , per quæquæ Orbi terrarum spatia diffusæ , quantum possum , litteris convenire , ne quæ profanæ Interpretationis origo subrepat. Audis , profiteri Anastasium : Nunquam per Christi providentiam eventurum , sed nec evenire posse , ut Romanus Pontifex recipiat , quæ Ecclesiam maculent. Quid est hoc aliud , quàm infallibilem esse ?*

Anno circiter CCCXVI. Innocentius Primus hæresin Pelagianam damnavit extra omne Concilium Oecumenicum , & teste Augustino insigni Infallibilitatis Pontificiæ documentum post se reliquit. Sic enim de Innocentio apud S. Prosperum : (b) *Constituimus , in Pelagium atque Cælestium per venerabilem Episcopum Innocentium de Beatissimi Apostoli Sede prolatam manere sententiam. Et Gennadius : (c) Multos Cataphrygas ( Innocentius videlicet ) & Pelagium ac Cælestium invenit hæreticos , & damnavit eos , & hoc constituit , ut qui natus fuerit de Christiana , rursus nasci debeat per Baptismum , hoc est , baptizari debeat , quod Pelagius damnavit. Idem S. Prosper : Tunc Pelagianorum machinæ fractæ , quando B. memoriæ Innocentius nefandi erroris capita Apostolico mucrone percussit. S. Augustinus l. 2. contra Pelagium & Cælestium c. 7. Cælestius B. Papæ Innocentij non est ausus literis obsistere , imò se omnia , quæ Sedes illa damnavet , damnaturum esse promissit. Et lib. 2. cap. 3. contra duas epistolas Pelagianorum : Per Papæ Rescriptum causa Pelagianorum finita est , totoque Orbe post ejus damnationem*

(a) S. Hieron. apolog. in Rufin. (b) S. Prosper adv. Collator. (c) Gennad. de viris illustr. cap. 43.

*nem damnati sunt, ac litteris Innocentij tota de hac re dubitatio sublata est.* Et contra Julianum l. 1. c. 4. *Puto, eam tibi partem Orbis sufficere debere, in qua primum Apostolorum suorum voluit Dominus martyrio coronare. Cui Ecclesiæ præsentem Beatum Innocentium si audire voluisses, jam tunc periculosam juventutem tuam Pelagianis laqueis exuisses. Nihil enim potuit Vir ille Sanctus Africanus respondere Concilijs, nisi quod antiquitus Apostolica Sedes & Romana cum cæteris tenet perseveranter Ecclesia.* Et Serm. 2. de verbis Apostoli: *Jam enim de hac causa (hæresi videlicet Pelagiana) duo Concilia missa sunt ad Sedem Apostolicam, inde etiam Rescripta venerunt; causa finita est, utinam etiam error finiat?* Quomodo dici potest per Rescripta Apostolica causa finita esse, si judicia Romani Pontificis errori subiecta sunt, si examinari debent, si consensu Ecclesiæ, si sententiâ Concilij Oecumenici indigent? an Pelagiani respondere non poterant, nullo modo causam finitam esse, quippe in nullo Oecumenico Concilio damnatam; nam Concilia, quorum Augustinus meminit, fuerunt solum Provincialia? Ipsi denique Gallicanæ Ecclesiæ Antistes litteris ad Innocentium X. datis: *Innocentius I. Pelagianam hæresin, inquit, damnavit olim ad Episcoporum Africæ relationem; sic ad Gallicanorum Episcoporum consultationem hæresin ex adverso Pelagianæ oppositam Innocentius X. auctoritate suâ proscripsit &c.* Vides, non solum novum exemplum damnatarum ab Innocentio hæreseon, sed etiam Infalibilitatem Romani Pontificis palam assertam, quid enim aliud sonant illa Augustini verba: *Per Papæ Rescriptum causa Pelagianorum finita est, ac litteris Innocentij tota dubitatio sublata.* Et illa: *Puto, eam tibi partem Orbis sufficere debere, in qua primum Apostolorum martyrio coronatus est.* Et illa: *Nil potuit vir ille sanctus (Innocentius) Africanis respondere Concilijs, quàm quod antiquitus Apostolica Sedes tenet &c.*

Anno CCCCVIII. Cælestius Pelagianus, cum pollicitus esset B. Innocentij sententijs acquiescere, postea verò eandem hæresin redoleret, iterum Carthagine in Synodo: r. Patrum damnatus est; sed cum ab hac Synodi Carthaginenlis sententia appellasset, Zosimus Pontifex appellationem recepit; causa recipiendæ appellationis, teste Augustino: (a) *Quod Cælestius litteris B. Innocentij Papæ, quibus de hac re dubitatio tota sublata est, consentire respondit, & propterea Libellus ejus Catholicus dictus est.* Sed cum Romæ Cælestius recularret, errores, quâ famâ, quâ proprijs scriptis sibi impositos damnare, Zosimus Papa, & Cælestio, & hæresi Pelagianæ extremum vulnus inflixit, adeò, ut post Zosimi Decretum toto Orbe deleta sit. Audi eorum temporum scriptores, qui

(a) S. August. ad Bonifac. contra litter. Pelagij lib. 2. cap. 3.

## 726 Dissert. IV. §. I. Pontificis Rom. infallibilitas

& hoc testantur, & Pontificiæ Infallibilitati insigne suffragium præstant. S. Prosper: [a] *Concilio, inquit, apud Carthaginem habito ducentorum decem, & septem Episcoporum ad Pontificem Zosimum Synodalia Decreta perlata sunt, quibus probatis per totum Orbem hæresis Pelagiana damnata est. Ipse Zosimus Pontifex epistolâ ad Aurelium & Episcopos Carthaginæ congregatos: [b] *Quamvis Patrum traditio Apostolicæ Sedis auctoritatem tantam tribuerit, ut de ejus judicio disceptare nullus auderet, idque per Canones semper, regulasque servaverit; tamen cum tantum nobis esset auctoritatis, ut nullus de nostra possit retractare sententia, nihil egimus, quod non ad vestram notitiam nostris ultrò litteris referimus, non quia, quid deberet fieri, nesciremus, aut faceremus aliquid, quod contra utilitatem Ecclesiæ veniens displiceret, sed pariter vobiscum volumus habere tractatum &c. Nihil poterat pro Infallibilitate clarius dici, qui enim falli posse Pontificem dicunt, consequenter etiam volunt, de Pontificis judicio disceptari, ejusque sententiam retractari posse; id verò Zosimus negat; & quod Pontifices congregari subindè Concilia permittant, non id necessitatis esse, aut ignorantiae, quasi quid deberet fieri nesciat, aut aliquid contra utilitatem Ecclesiæ decernere possit; sed ut fraternæ Charitati consulat. Hæc omnia adversarios manifestè confundunt. Paulinus Diaconus epistolâ ad eundem Zosimum PP. Beatitudinis Tuæ iustitiam obsecro, Domine Zosime Papa Venerabilis; nunquam Fides vera turbatur, & maximè in Ecclesiâ Apostolica. Cui non sufficit ista sententia? [Pontificis videlicet Romani] quis hanc tam salubrem, tam amplexabilem, tam piam respiceret alius, nisi qui à fide devius est? Hæc omnino infallibilitatem Pontificiam sonant, alioquin & fides Cathedræ Romanæ turbari posset, nec esset à fide devius, qui Pontificis Decretis non acquiesceret, nec sufficeret Romana sententia. Ipse S. Augustinus l. 2. retractat. c. 50. testatur, postquam Innocentius, & Zosimus Summi Pontifices doctrinam Pelagij ut hæreticam damnârunt, omnes Catholicos eos pro hæreticis habuisse.**

Anno CCCCXXX. Nestoriana hæresis palàm erumpere, larvamque deponere cæpit. Et Cyrillus Alexandriæ Episcopus ut primum comparentem vidit, gravissimis scriptis confutavit, nec tamen priùs Nestorium pro hæretico habere, ejusque Communionem abstinere ausus est, quàm Cœlestini Pontificis sententiam exquireret. Hic verò indictâ Romam

[a] S. Prosper. in Chron. [b] V. integram epistolam apud Baron. ad ann. 418. n. 5.

nam Synodo non solum Nestorium, hæresinque Nestorianam confixit, totoque Orbe proscriptam voluit, verum etiam Patribus Synodi Oecumenicæ Ephesinæ, quid in hac causa definire eos oporteret, præscripsit, prohibuitque, ne à sententia Romana vel latum unguem abscederent. Quid amplius cupias pro asserenda suprema & infallibili in causis fidei Pontificum auctoritate? si enim falli Pontifex potest, cur asserit Cyrillus, se nullâ aliâ ratione de Nestorio damnando certum reddi posse, quàm ex sententia Pontificis? & quid est aliud, esse infallibilem, quàm esse certum? & si potest errare Pontifex, cur non possit à Concilio corrigi? & si corrigi potest, cur prohibet, ne aliter Concilium judicet, quàm Papa judicavit? Planè tam sunt invicta Infallibilitatis Pontificiæ hæc argumenta, ut desiderari majora non possint.

*Obijcit P. Natalis.* Cœlestinus Papa in Synodo Romana Nestorium Episcopatu exuerat, nisi intra 10. dies resipisceret; & tamen in Synodo Ephesina actione 1. pro Episcopo habetur: *Reverendissimus Nestorius Episcopus &c.* ergo Synodus non ligabatur sententiâ Papæ.

*Resp.* Errare Natalem, cum enim Nestorius Romæ damnatus ingentem numerum clientum sibi parasset, imò aulam corrupisset, effecissetque, ut Cyrillus ipse Papæ Legatus hæreticus crederetur; evenit, ut sententia Pontificis executioni dari non posset, & ideo petijt Theodosius impetravitque Concilium; ac ipse Cœlestinus litteris ad Cyrillum datis jussit, ut Nestorius veniam daretur, quamvis terminus exspirasset; si modò resipisceret. De quo V. Spond. ad ann. 430. n. 7. & ad ann. 431. n. 4. & ipsas Litteras Cœlestini apud Baron. ad ann. 431.

Sed testes audiamus Pontificiæ infallibilitatis. Cyrillus ergo epistolâ ad Cœlestinum (cujus hoc initium: *Si in rebus usque adeò serijs*) hæc scribit: *At quamvis ita res habeat, non prius tamen illius communionem confidenter deferere ausi fuimus, quàm hac ipsa Pietati Tux indicaremus. Digneris proinde, quid hîc sentias, declarare, quò liquidò nobis constet, communicarène nos cum illo oporteat, an verò liberè ei denuntiare, neminem cum eo communicare, qui hujusmodi erroneam doctrinam prædicat.* S. Cœlestinus epistolâ ad Nestorium, quæ in Concilio Ephesino summis laudibus excepta est, & quam Evagrius (a) divinam appellat circa finem: *Apertè igitur hanc nostram scias esse sententiam, ut nisi hanc persudam novitatem intra decimum diem apertâ & scriptâ confessione damnaveris, ab uni-*

Fffff

versalis

(a) Evagr. lib. 1. cap. 4. Baron. anno 430.

versalis te Ecclesiæ Catholicæ communionem dejectum scias, quam formam nostri iudicii per suum meum Possidonium Diaconum destinavimus, ut agat vice nostrâ, quatenus statutum nostrum vel tibi, vel universis Fratribus innotescat. Et in Commonitorio (a) suis Legatis ad Concilium Ephesinum dato, quod nuper Stephanus Balluzius edidit: *Auctoritatem Sedis Apostolicæ custodire debetis, & conventui interesse, ad disceptationem si fueris ventum, vos de eorum sententijs judicare debetis, non subire examen.* Idem Cœlestinus epistolâ ad Synodum Ephesinam datâ: (b) *Direximus pro vestra sollicitudine sanctos Fratres & Consacerdotes nostros, qui ijs, quæ aguntur, intersint, & quæ à nobis antea statuta sunt, exequantur, quibus præstandum à vestra sanctitate non dubitamus assensum.* Et Projectus Cœlestini Legatus: *Litterarum S. Papæ Cœlestini Episcopi formam vestra sanctitas consideret, ut ea, quæ & dudum antè desinire, & nunc in memoriam revocare dignatus est, juxta communis fidei regulam ad finem deduci jubeatis.* Et ibidem Firmus Cæsareæ Cappadociæ Episcopus: *Apostolica & sancta Sedes Cœlestini sanctissimi Episcopi per litteras, quas misit etiam antè de præsentis negotio, sententiam, regulamque præscripsit, quam nos quoque sicuti formam illam executioni mandavimus, Canonicum Apostolicumque judicium in illam exequentes.* Vides, tantum abesse, ut Pontificum sententiæ tanquam errori obnoxie judicari, corrigique à Concilio debeant, ut potius illæ normæ ac regulæ sint, ad quas Concilij Decreta exigi debeant, erratura & abolenda, si illis non respondeant; nec alias esse Concilij partes, quam ut Pontificum sententias jam prius prolatas exequantur, sic enim Cœlestinus, ejusque Legati, imò & Patres Concilij profitentur. Quod si Concilium à Pontificis sententia desleat, non Pontifex errabit, sed Concilium: nec sententia Pontificis corrigi, sed Concilij debebit, quod tum ex allatis testimonijs constat, tum etiam luculento exemplo, quod in eadem Synodo Ephesina proditum est. Cum enim Juvenalis Episcopus Hierosolymitanus ob celebritatem ejus Urbis contra Cæsariensis Episcopi jura Primatum totius Palestinæ affectasset, ac etiam communi totius ferè Synodi suffragio obtinisset, obstitere Legati Apostolicæ Sedis, & auctoritate, quâ supra Concilium pollebant, Decretum Synodi abolitum voluere, id quod S. Leo Magnus memorat, simulque quantum Pontifex Romanus Concilio præstet, his verbis memoriâ dignis ostendit:

*Quoties,*

(a) Commonit Cœlest. apud Balluz ex M. S. Cod Colbertino, & conservato in Bibliotheca Vaticana. (b) Habetur in actis Synodi Ephes. p. 2. act. 2.

(a) Quoties, inquit, ob incurrentes causas Generalis Congregatio facta fuerit Sacerdotum, difficile est, ut cupiditas improborum non aliquid supra mensuram suam moliat appetere, sicut etiam in Ephesina Synodo Juvenalis Episcopus ad obtinendum Palesinæ Principatum credidit, se posse sufficere, quod sanctæ memoriæ Cyrillus meritis perhorrescens multum poposcit scriptis suis, ut illicitis conatibus nullus præbeatur assensus. Hoc tamen proprium definitionis meæ est, ut quantumlibet numerus Sacerdotum amplior aliquid per quorundam subreptionem decernat, id justitiæ consideratione cassetur. Iterum sæpè memoratus S. Cœlestinus Papa epistolâ ad S. Ephesinam Synodum: Tandem malorum sine gaudendum est, tandem iniquè loquentium os videmus esse obstructum. Hujuscæ tamen fideliter peractæ rei vos executores ac defensores nobiscum videamus fuisse fidei Sacerdotes. Ubi iterum vides, non alias esse Concilij partes, quàm ut exequatur, quæ à Summo Pontifice definita sunt. Unde facile responderetur Ludovico Dupino interroganti: Si Pontifices infallibiles sunt, quid opus cogi Concilia? Cui respondeo, cogi Concilia, non ut retractent, revocentque jam semel à Pontificibus definita, sed ut exequantur, ut illustrent, ut compellant, utque ab hæreticis objecta, quæ valent eloquentiâ & ingenio, refutent, prout clarissimè in Concilijs Nicæno & Ephesino apparuit, in quibus Christianæ fidei Dogmata præclarissimis argumentis non tantum definita, sed etiam illustrata & munita sunt. Non ergo convocantur Concilia, ut Pontificum Decreta examinent, vera an falsâ sint, sed ut eorum veritatem magis, magisque illustrent; quemadmodum cum sacrarum Scripturarum sententias ad examen vocamus, non id agitur, ut de eorum veritate dubitetur, sed ut eadem veritas, quam illæ complectuntur, omnibus perspecta fiat, omni quæ argumentorum genere conspicua evadat: nam & qui telescopijs, alijsque instrumentis solem intuetur, non dubitat, an sol existat, luceatque, sed id agit, ut solem existentem & lucentem magis, magisque agnoscat. Et quoties unum, idemque dogma in diversis Concilijs Oecumenicis examinatum, discussumque est? num ideo prioris Concilij dubia fides, & errori obnoxia? sic contra hæresin Arianam post Nicænam Synodum etiam in Synodis Sardicensi, & Ariminensi actum est. Sic hæresis Nestoriana non solum in Synodo Ephesina, verum etiam in Chalcedonenâ & Constantinopolitana iterum, iterumque damnata est; & de una, eademque fidei veritate, quàm

FFFF 2

multi

(a) S. Leo epist. 62. Baron. ad ann. 431. n. 103.

multi Prophetæ varicinari sunt ? num idèd priorum Prophetarum falsa vaticinia, aut dubia, quia alij idem cecinèrè ? Nihil ergo Pontificum auctoritati obstat, quòd, quæ ipsi definiverant, alia Concilia postmodum æquè deciderint, præsertim cum eorum decisiones, nisi Pontificis Romani auctoritas accederet, vanæ irritæque haberentur. Sed quid opus argumentis, quando ex allatis Patrum testimonijs constat, Concilia exequi tantum solita esse Pontificum Decreta, nec illis licuisse aliud pronuntiare, quàm Roma præscripsisset ? Quæ testimonia sive Dupinus legit, sive non legit, æquè reus est ; si enim legit, quantæ pertinaciæ est, agnoscere veritatem, nec tamen admittere ? si non legit, quantæ temeritatis scribere, quæ ignoret ? Et planè legenti Dupinum palàm est, non aliam ei metam fuisse, quàm Maimburgi argumenta ( quæ in libello de Privilegijs Ecclesiæ Romanæ recitaverat ) exscribere, & Latinitati tradere, nullâ interim veritatis aut curâ, aut notitiâ. Sed hæc ex dicendis adhuc clariora evadent.

VII. Anno CCCCLXIX. Celebrata est Synodus Chalcedonenfis, cujus occasione non solum auctoritas Romani Pontificis in damnandis etiam extra Concilium Oecumenicum hæreticis, ac statuendis fidei dogmatibus, verum etiam summa Infallibilitas multifariam enituit, multisque testimonijs & exemplis probata est, ut ex dicendis patebit. S. Leo ad Patres Ephesi in causa Eutychetis congregandos : ( a ) *Fratres nostros Julianum Episcopum, Renatum Presbyterum, & filium meum Hilarium Diaconum misi, qui vice meâ sancto Conventui intersint, & communi vobiscum sententiâ, quæ Domino sint placitura, constituant. Hoc est, ut primitus persistero errore damnato etiam de ipsis, qui impudenter erravit, restitutione tractetur, si tamen sensus hæreticos, quibus imperitia ejus fuit irretita, planè, apertèque propriâ voce & subscriptione damnaverit, quod etiam in Libello, quem ad nos miserat, est professus, spondens per omnia nostram se esse sententiam secuturum.* Vides, Leonem jam prædamnâsse extra Concilium hæresin Eutychetis, nec suam jam prius prolatam sententiam Concilij arbitrio aut judicio subicere, sed potius & modum, & substantiam, quo procedere debeant, præscribere ; num hoc aut Leo faceret, aut Concilium pateretur, si errare Pontifex posset ? si infrà Concilium esset ? nec enim minor majori præscribit, nec is, qui errare non potest, ab eo se doceri, duciq; & imperari permittit, qui errare potest. Idem

S. Leo

(a) S. Leo epist. 15.



S. Leo epistolâ ad Patres Synodi Chalcedonenſis : (a) *Tamen in his Fratribus, qui ab Apostolica Sede directi sunt, me Synodo Vestra Fraternitas existimet praesidere, qui nunc in Vicariis meis adsum, & jam dudum fidei Catholicæ prædicatione non desum, ut, qui non potestis ignorare, quid ex antiqua traditione credamus, non possitis dubitare, quid cupiamus. Unde Fratres charissimi, rejectâ penitus audaciâ disputandi contra fidem divinitus inspiratam, vana errantium infidelitas conquiescat, nec liceat defendi, quod non licet credi; cum secundum Evangelicas veritates, secundum Propheticas voces, Apostolicamque doctrinam plenissimè & lucidissimè per litteras, quas ad B. memoriam Flavianum misimus, fuerit declaratum, quæ sit de Sacramento Incarnationis Domini nostri pia & sincera confessio. Si errare Pontifex potest, si Concilio subiectus est, cur non liceat ejus epistolam examini subijcere? cur illi Patres Concilij adstricti sint? quænam ergo sunt notæ Infallibilitatis, si hæc non sunt? & quid amplius præstare Pontifex debet, ut credatur Concilio major, expersque erroris? Dicant adversarii, si quid habent, & si non habent, cedant veritati. Martianus quoque Imperator Oratione ad Concilium habitâ: De cætero autem nemo de natiuitate Domini aliud disputare audeat, præter quod Apostolicum præmium trecentorum decem & octo Patrum consonans huic doctrinæ tradidisse noscitur, sicut Sanctissimi Papæ Leonis, qui Apostolicum gubernat thronum, ad sanctæ memoriæ Flaviani testantur litteræ. Et Valentinianus Imperator epistolâ ad Theodosium: (b) Fidem, quam à nostris majoribus traditam accepimus, debemus cum omni devotione defendere, & dignitatem propriæ venerationis B. Apostolo Petro intemeratam conservare, quatenus Beatissimus Romanæ Ecclesiæ Episcopus, cui Principatum super omnes antiquitas contulit, locum habeat, ac facultatem de Fide ac Sacerdotibus iudicandi. Hæc enim gratiâ secundum solemnitatem Conciliorum & Constantinopolitanus Episcopus eum per libellos appellavit, propter contentionem, quæ orta est de Fide. Et Galla Placidia ad eundem Theodosium Filium: Hæc itaque gratiâ mansuetudo Tua tantis malis resiliens veritatem immaculatam fidei Catholicæ Religionis servari præcipiat, ut secundum formam & definitionem Apostolicæ Sedis in statu Sacerdotij illæso manente, Flaviano ad Concilij (non Oecumenicum, sed Romanum & nationale Italiæ, quod Leo Romam indixerat) & Apostolicæ Sedis iudicium transmittatur, in qua primus ille, qui cælestes claves dignus fuit accipere, Principatum Episcopatus ordinavit.*

Fffff 3

hic

(a) Leo epist. 47. (b) Extat Tomo 1. Conciliorum ante Concil. Chalced.

## 732 Dissert. IV. §. I. Pontificis Rom. infallibilitas

hic iterum, judicia in causis fidei Romanæ Sedi committi, reservarique, & ad illius præscriptum & normam instituenda esse, quæ utique summa est Infallibilitatis nota, cum oporteat regulam & normam erroris expertem esse.

*Néque dicas* : Summos Pontifices more aliorum Episcoporum sententias quidem ferre in causis fidei, sed non ultimas, nec infallibiles & peremptorias, has enim Concilio reservari.

*Respondeo*, allata Patrum testimonia nimis esse clara, ut tam inani- bus & ridiculis distinctionibus eludi possint. Si enim Pontificum sententiæ in causis Fidei non sunt decretoriæ, & definitivæ, sed solum doctrinales; cur Patres sub pœna anathematis eas recipi toto Orbe terrarum jubent? cur illis adstringunt Concilia, nec permittunt in dubium vocari? cur toties protestantur, non valere Conciliorum Decreta, nisi à Pontificibus confirmata? & quænam est censenda ultima & definitiva sententia, quæ nullam aliam expectat, à qua confirmetur? [ quales sunt sententiæ Romanorum Pontificum ] an quæ aliam expectat, à qua necessario pendeat, quales sunt omnes Sententiæ Conciliorum, ut supra ostendimus? Et denique potestatem Romanorum Pontificum causas fidei decidendi Patres in speciali privilegio fundant Cathedræ Petri; at verò Judicium ferre tantum doctrinale, quodque examinari, corrigique possit, nec prius certum reddatur, quam Ecclesia illud acceperit, non est speciale Privilegium Sedis Apostolicæ, sed cujuslibet Episcopi, imò & privati Doctoris, Theologiæ utcunque imbuti. Sed age jam alios quoque testes audiamus. Theodoretus epistolâ ad Renatum Cardinalem: (a) *Ilac igitur de causa*, inquit, *tuam oro sanctitatem, ut persuadeas sanctissimo atque Beatissimo Archi-Episcopo Tuo, ut Apostolicâ utatur auctoritate, & præcipiat, ad vestrum convolare Concilium. Habet enim Sanctissima illa Sedes omnium per orbem terrarum Ducatum, & Principatum, multis quidem ex causis, præcipue verò, quòd hæreticâ labe immunis permansit, & nullus, qui contraria sentit veritati, in illa unquam sedit, sed Apostolicam gratiam integram & immaculatam servavit. Quæ enim à nobis decernuntur, contenti his erimus, & illis acquiescimus, quæcunque illa fuerint, vestro justo judicio confisi. Si teste Theodoro Primatus Romanæ Ecclesiæ præsestim in eo consistit, quòd hæreticâ labe immunis permansit, & nullus in ea sedit, qui contraria sensit veritati; sequitur, ut quemadmodum semper penès Roma-*

nam

(a) Theodoret. epist. 116. apud Baronium an. 449. n. 134.

nam Ecclesiam Primatus stetit & stabit, ita etiam semper Romana Sedes, & immunis fuerit, & immunis futura sit ab omni hæresi & errore; in hac enim Immunitate Primatus Pontificius [ qui salvâ fide negari non potest ] teste Theodoro confistit; sed hic Primatus est perpetuus, ergo etiam perpetua ea Immunitas. Illud quoque insigniter ostendit, quàm præcipuæ sint partes Romani Pontificis in damnandis hæresibus, multoque supra Concilium; quòd cum in Synodo Chalcedonenſi omnium Patrum iussuſſagio formula & confessio fidei contra hæreses Eutycheris contexta esset, eamque pertinacissimè Patres defenderent, adèd ut contentâ voce clamarent: (a) *Definitio omnibus placet, hæc Fides Patrum, qui aliter sentit, anathema sit; altera Definitio non sit; Legati nihilominus Romani Pontificis eam semper respuerunt* [ quòd videlicet non omninò Leonis epistolæ consentanea esset ] parati Concilium dissolvere, ac re infectâ Romam reverti: *Si enim, inquiebant, non consentit Epistola Apostolica, & Beatissimi Viri Papæ Leonis, jubete nobis rescriptam dari, ut revertamur. Ipsi quoque Concilij Judices: Ergo addite Definitioni secundum judicium Sanctissimi Papæ nostri Leonis, duas esse naturas unitas in Christo inconvertibiliter, inseparabiliter & inconfusè. Assenserunt Patres, aliamque Fidei formulam ex præscripto Leonis ediderunt. Quæ jam, quid apertius & efficacius dici possit pro superioritate Pontificis supra Concilium, proque ejus Infallibilitate? Si Pontifex Concilio subiectus est, cur imperat, non obsequitur? cur cogit? cur præscribit? & si non patitur, Patres Concilij aliter in rebus fidei loqui aut scribere, quàm ipse loquatur & scribat; quantò minùs pateretur, aliter sentire, aliter cedere? Denique S. Gelasius PP. opusc. de anathemate: Cognoscant igitur, illud [ Concilium videlicet Chalcedonenſe ] secundum Scripturas sanctas, traditionemque Conciliorum pro fide communi & veritate Catholica, & Apostolica, pro qua hanc fieri formam Sedes Apostolica delegavit, sicutamque firmavit, à tota Ecclesia indubitanter admitti; alia autem, quæ Sedes Apostolica nullatenus delegavit, mox à vicarijs Sedis Apostolicæ contradicla manifestum. Quid clarius dici poterat? Nihil videlicet in Concilijs etiam Oecumenicis definita valere, nisi à Sede Apostolica priùs præscripta fuerint, & postea confirmata. Vide etiam Dissertat. III. §. 1. n. 11.*

Objices

(a) Acta Conc. Chalced. act. 5.

*Obijces* 1. Sophronius (a) ex S. Gregorio narrat, Leonem cum epistolam dogmaticam contra Eutycheten, & Nestorium scripsisset, eam Apostolorum tumulo cum his verbis imposuisse: *Si quid ut homo, vel minus cautè posui. Tu, cui à Domino Salvatore nostro hæc Sedes commissæ est, emenda.* Post quatuor verò dies, quos inter preces & vigilias consumpserat, Apostolum apparuisse ac dixisse: *Legi & emendavi.* Quam cum Leo aperuisset, legissetque, *Apostolicâ manu emendatam* invenisse. Nisi ergo Petrus emendasset, Leo in rebus fidei tradendis errasset; cur ergo non possint alij Pontifices errare, doctrinâ & pietate Leone inferiores, & quorum epistolas non solet Petrus emendare?

*Resp.* Prius oporteret istarum visionum veritatem ostendi, quàm ex illis argumentari; nec enim potest esse certa, & necessaria consequentia ex incertis, dubijsque principiis: & nos certa, non dubia quærimus, nec ex visionibus, sed ex traditione, Patrumque doctrina argumenta petimus; mirumque est S. Leonem nihil de hac Petri emendatione dixisse, quo fidem epistolæ suæ adstrueret; fuissetque operæ pretium, quando videlicet Eutychiani eandem epistolam corruperunt, adeò ut Nestorianismum redolere, multisque in Ecclesia Alexandrina suspecta hæresis videretur; quæ causa fuit, ut B. Leo (b) datis ad Martianum literis Imperatorem rogaverit, curaret epistolam suam fideliter in Græcam linguam transferri. Sed demus, hanc visionem certam esse; quis nescit potuisse emendari epistolam, non quòd errorem aliquem fidei contineret, sed quia tamen mysterium aut non plenè, aut non clarè, aut verbis mysterio imparibus explicabatur? nam & domum, & imaginem, & faciem emendamus, integrâ, nec mutatâ substantiâ. Imò hoc ipsum ostendit, quantâ, quamque speciali providentiâ Deus Pontificio calamo moderetur, ut quantumvis humano aliquo errore tangatur, non permittat tamen, eum in Ecclesiæ perniciem vulgari, sed illum quovis modo emendet, seu miraculo, seu speciali revelatione, qualis & Petri fuit, de quo Christus: *Beatus es Simon Barjona, quia caro, & sanguis non revelavit tibi, sed Pater meus, qui in cælis est.* Et Caiphæ Summi Sacerdotis, qui licet impiissimus, & in ipso procinctu flagrantis Deicidij, prophetavit tamen privilegio Pontificatûs. *Prophetavit, inquit Evangelista, quia Pontifex erat anni illius.* Si prophetavit Caiphæ, quanto magis prophetabit Innocentius, prophetabit Alexander, ubi non de occidendo Deo, sed fide stabilienda agitur?

*Obji-*

(a) Sophron. Prato spirit. 147. (b) S. Leo epist. 69. Baron. ad ann. 454.

*Obijciunt* 11. Epistola Dogmatica S. Leonis à multis impugnata est, nec prius admittitur, quam post longum examen; id enim S. Leo testatur epistolâ ad Theodorem: (a) *Gloriamur*, inquit, in Domino, qui nullum nos in nostris Fratribus detrimentum sustinere permisit, sed quæ nostro prius ministerio definiverat, universæ Fraternitatis irrefragabili firmavit assensu, ut verè à se prodijisse ostenderet, quod prius à prima Sede firmatum totius Christiani Orbis iudicium recepisset. Nam ne aliarum Sedum consensus assentationis esse videretur, inventi prius sunt, qui de nostris iudicijs ambigerent. Et dum nonnulli à dissensionis incitati auctore ad contradictionis bella profiliunt, ad majus bonum malum ejus perventum est. Ipsa quoque veritas clariùs enitescit, dum, quæ fides prius docuerat, postea examinatio confirmat. Multum denique Sacerdotalis officij meritum splendet, ubi sic summorum servatur auctoritas, ut in nullo inferiorum putetur imminuta libertas. Si ergo doctrina Leonis, quam in Dogmatica sua epistola expresserat, in dubium & ad examen vocata est, sequitur, quòd non crediderint Patres, Leonem errare non posse; quis enim rem certam examinet? Sic etiam Eusebius Mediolanensis Episcopus coactâ Synodo eandem epistolam ad normam Traditionis exegit; sic enim ad Leonem scribit: *Recitatâ epistolâ, quam ad Orientem Sanctitas vestra transmiserat, claruit, eam Prophetarum assertionibus, Evangelicis auctoritatibus, Apostolica doctrinâ testimonijs, omnibusque sensibus convenire, quos Beatus Ambrosius suis libris inseruit.* Ex his Alexander Natalis concludit, (b) summi quidem Pontificis partes esse: *Ut causas fidei ad Synodum referat, ut formam edendæ Definitionis in causa fidei concipiat, ut in fide, & pace Ecclesiarum constituenda à sacris scripturis, à Canonibus, à traditione majorum nullo pacto discedat; quod, utrum ita se habeat, expendere partes Concilij erunt, & ita non prius Decreta Pontificum rata & certa esse, quam à Concilio confirmantur.*

*Resp.* Hæc Obiectio multa complectitur, quæ sigillatim sunt examinanda. *Primò.* Epistola, inquit, Leonis, diu multumque prius examinata est, quam reciperetur. Elto; sed nego, omne examen, omnemque disputationem esse de re incerta, dubiaque Quanto studio, quantisque disputationibus sacras litteras examinamus, earumque mysteria discutimus, ac innumeris objectionibus exercemus? Num ideo incertæ veritatis sunt, & qui illas dictavit Spiritus S. errori obnoxius est? Et Christus Joannis 5. *Scrutamini scripturas, & illæ sunt, quæ testimonium*

Ggggg

um

(a) S. Leo epist. 65. (b) Alex. Natal. ad Seculum V. Dissert. 12.

um perhibent de me. Num verba & prædicatio Christi dubiæ fidei, quia eorum veritas ad testimonia Prophetarum examinanda erat? Quàm multis, varijsque instrumentis Altologi Solis, Lunæque cursum, & eclipſes examinant, observantque? Num idè de Solis existentia, motu, umbraque ambigui sunt? Non ergo sequitur, ut, quidquid examini subijcitur, mox sit incertum, & dubiæ fidei; aliqua enim examinamus, quia licet vera, falsis tamen aliunde suggestis admixta sunt; sic aurum igne examinatur, ut à fæcibus purgetur; alia examinamus, quia licet vera, nobis tamen obscura sunt. Utrumque accidit epistolæ Dogmaticæ Leonis; nam ut suprà diximus, Eurychiani eam corrupe- rant, & Nestorianismo miscuerant, ne fidem mereretur. Rursus quia Latino idiomate, cujus plerique in Synodo Patres ignari erant, conce- pta, à quàm plurimis malè intelligebatur, adeò ut Romanis Legatis ei explicandæ sudandum fuerit; quàm primùm verò explicata est, omni- um vota promeruit, nullo examine, nullo conflictu consensum mo- rante. Id ita esse patet ex actis Concilij; cùm Palestinæ, & Illyrici Episcopi ignorantia linguæ aliqua in epistola Leonis non intelligerent, & idè consensum suspenderent, tandem edocti industriâ Legatorum sic locuti sunt: *Factum est autem nobis certum de epistola missa ab ipsius Be- nitudine à sanctissimis Episcopis Paschysino, Lucentio, qui nobis dilucidaverunt, quæ obscuritas linguæ secernere subnotabat.* Quæro igitur, si linguam Sy- riacam ignorantibus Evangelium Syriacè conscriptum exhiberem, peterem- que, ut continuò assensum suum præberet, is verò differret, ignoran- tiam linguæ causatus; an propterea dicendus esset de Evangelij veritate dubitare? Non ergo epistola Leonis examinata est, ex qua parte Leo- nis erat, sed ex qua parte aut ab Eurychianis corrupta, aut à Græcis malè intellecta imperitiâ sermonis; alioquin de illius veritate nullam dubitandi, disputandique rationem fuisse tam certum est, ut nihil certius esse possit; sic enim ipse Leo epist. 45. ad Synodum: *Fratres charissimi, rejectâ penitus audaciâ disputandi non liceat defendi, quod non licet credi, cùm secundum Evangelicas auctoritates plenissimè & lucidissimè per litteras, quas ad Flavianum Episcopum misimus, fuerit declaratum, quæ sis de Sacra- mento Incarnationis pia & sincera confessio.* Et epistolâ 33. ad Pulcheri- am Augustam: *Simplex est, & absolutum quod posuimus, ut remoto longa- rum disputationum labore Cyrilli epistolæ acquiescat, & epistolæ meæ, quæ ad Flavianum Episcopum est directâ, consentiat, quia & mea, & Sanctorum Patrum*

Patrum concors & una confessio est, quam si quis existimaverit non sequendam, ipse se à compage Catholicæ Unitatis abscondit. Et actione 1. Concilij Chalcedonenlis Lucentius Legatus: *Quoniam Sanctæ memoriæ Flaviani fides concordat cum Apostolica Sede, & Patrum traditione, sententiam, quâ illum ab hæreticis constat esse damnatum, in eos retorqueri à sancta Synodo necesse est.* Et actione 2. Cecropius Sebastopolitanus: *Emerferunt, quæ ad Eutychen pertinebant, & super ijs forma data est à sanctissimo Episcopo Romanæ Urbis, & epistolæ omnes subscripsimus; Reverendissimi Episcopi clamaverunt: Omnes ista dicimus.* Et actione 4. Sedis Apostolicæ Legatus: *Manifestum est, nec poterit dubitari, unam Fidem Beati Papæ Leonis cum trecentorum decem & octo Patrum apud Nicæam concordare, &c.* Ex his alijsque, quæ prolixè in medium adduci possent, clarissimum est, epistolam Leonis hujusmodi fuisse, ut nullus Catholicorum de ejus veritate dubitaverit, præsertim postquam obscuræ quædam sententiæ ob ignorantiam Latinæ linguæ à Romanis Legatis explicatæ sunt. Quod verò Monachi quidam Eutychiani, adeoque hæretici Leonis epistolæ subscribere noluerint, nihil causæ nostræ officit; nec enim contendimus, Infallibilitatem Pontificis apud hæreticos certam esse, sed apud Catholicos tantum. Imò illi ipsi, qui epistolam Leonis in dubium vocabant, renuebantque illi subscribere, æquè Concilij Decreta in dubium vocabant, æquè adversabantur, æquè cum sacris Concilij Nicæni Canonibus conferri volebant; cum enim Patres sæpè decrevisent, Leonis epistolam recipiendam esse, quique ei subscribere noller, anathemate feriendum, hæresisque notandum; pergebant tamen oblatrare, adversarique. Si ergo Infallibilitas Pontificis ideò neganda est, quia aliqui circa ejus epistolam conflictabantur; æquè Infallibilitas Concilij neganda erit, cum istius Decreta ab illis ipsis respuerentur, qui Pontificiam epistolam respuebant, ut videre est totâ ferè actione 4. Et ideò hujusmodi concertationes & dubitationes tam S. Leo loco citato in Objectione, quàm Patres Concilij actione 4. *A spiritu malo contradictionis & hæresis profectas esse dicunt.* Patet ergo hoc Alexandri argumentum quàm multis ex capitis invalidum & inerme sit. *Secundò.* In præfata Objectione opponitur, epistolam Leonis fuisse collatam ab Eusebio Episcopo Mediolanensi alijsque, cum Sanctorum

Patrum testimonijs & doctrina, cumque Decretis Concilij Nicæni, & tunc primum receptam esse, cum palam fuit, eam nihil antiquæ doctrinæ adversum complecti; atqui nullâ collatione opus erat, si credebant, Leonem errare non posse.

*Resp.* Hæc Obsectio non minùs Concilij Infallibilitatem, quàm Pontificis impugnât, nam & Concilij Chalcedonenſis Decreta fuiſſe cum Decretis Nicænæ Synodi, Sanctorumque Patrum doctrina ab Episcopis collata, & idèd recepta, quia doctrinæ Patrum consentanea reperiébantur, innumeris fere testimonijs ostendi poſſet; aliqua tantùm libabimus. Episcopi Europæ sic ad Leonem Imperatorem loquuntur: *Chalcedone collectum magnum & Universale Concilium, eò quòd prædicta Concilia ( Nicænum videl. Ephesinum, & Constantinopolitanum ) firmaverit, nihilque commoverit, nec augmentum vel detrimentum fecerit, aut quidquam quæ tunc fuerunt definita commoverit, aut aliquid incongruenter interpretatum sit, servamus &c.* Vides hîc, Decreta Concilij Chalcedonenſis cum Decretis aliarum Synodorum fuiſſe collata, & idèd ab Episcopis Europæ recepta, quòd cum Decretis Nicænæ, Constantinopolitanæ & Ephesinæ Synodorum concordarent; an propterea dicendum erit, Decreta Concilij Universalis incertæ fidei eſſe, nec priùs obligare, quàm à nobis cum sacris Scripturis, Patrumque traditione collata fuerint? Audi etiam Stephanum Episcopum epistolâ ad Leonem Imperatorem, quæ habetur poſt acta Concilij Chalcedonenſis: *Tanti & talis Concilij [ Chalcedonenſis videl. ] amplectere judicium Serenissime & Orthodoxe Imperator, tales namque ſapuiſſe comperimus omnes, qui verbo & doctrinâ DEO placuerunt, id eſt, Beatus Athanaſius, ſic & Baſilius magnus, & Gregorius Nazianzenus, & Gregorius Niſſæ, & Joannes Constantinopolitanus, verborum ſimul & cogitationum pelagus benediſſum.* En tibi Concilij Chalcedonenſis recipiendi rationes, quia videlicet Athanaſio, Baſilio, alijsque conſentit; quid ſi ergo non conſentiret? num idèd erraret? num idèd arbitrio noſtro ſtabit, Decreta Concilij Universalis cum doctrina Athanaſij, aliorumque Patrum conferre, & ſi cum illa conſentire videantur, recipere, ſin minùs, reſpuere? Sicut ergo hæc Collatio Decretorum Concilij cum doctrina Patrum nihil nocet Infallibilitati Conciliorum; ita etiam nihil nocet Infallibilitati Pontificum. *Ad quid ergo hæc collatio, ſi conſtat, Pontificem ſalvi non poſſe? cur aurum lydis lapide exploras, ſi conſtat, aurum eſſe?* Reſpondeo, quia lumen lumini additum



ditum majorem lucem & claritatem affert, redditque objectum magis magisque visendum; quoties duas faces accendimus, cum una sufficiat? ipsa fidei mysteria, quoties parabolis, similitudinibus, & argumentis & Philosophia petitis illustrantur, quamvis certa, quamvis indubitata? num ideo major Philosophiæ, quam fidei certitudo? nutriunt hæc fidem, si non pariunt. Deinde Concilia & Pontificum Decreta non solum fidelibus, sed etiam infidelibus & hæreticis scribuntur, istos ut fanent, illos ut confirment; ergo ut etiam hæreticos convincant, rationibus munienda sunt, quas etiam hæretici capiant; tales sunt, quæ à scripturis & Patribus ac Synodis petuntur, olim & ab omnibus receptis. Novit aurifex, quid sit aurum, ignoro ego; mihi ergo, non illi Lydius admoveretur. Merito igitur, cum Eutychiani, sicut omnes æquæ hæretici Leonis Papæ epistolam, & Concilij Decreta respuerent, ad scripturas, ad Synodum Nicænam, ad Patres revocabantur; alioquin veris Catholicis nullam fuisse de Leonis epistola rationem dubitandi, adeoque nullam examinandi necessitatem ex dictis certum est, & audiri adhuc possunt acta Chalcedonenſis Synodi; nam actione 4. Paschasius dixit: *Manifestum est, nec poterit dubitari, fidem Beatissimi Papæ Leonis cum trecentorum Patrum concordare &c.* Et S. Leo epist. ad Leonem Imperatorem, quæ habetur post acta Concilij Chalcedonenſis: *Licet ea, quæ à Sede Apostolica judicata sunt, sufficerent, insidias tamen hæreticorum etiam hæc, quæ sunt adjecta, referabunt.* Ubi vides, sufficere quidem in causis fidei Apostolicæ Sedis judicium: Sed tamen convincendis hæreticis Patrum quoque suffragia admitti. Tertiò. Concludit P. Alexander, Pontificum Decreta in causis fidei non prius rata & certa esse, quam à Concilio confirmantur.

*Resp.* Tam falsa hæc est Conclusio, quam falsa sunt principia, ex quibus illa deducitur, & quæ jam suprà confutavimus. Imò tantum abest, ut Decreta Pontificum à Concilio confirmari debeant, ut potius certissima sit regula, & millies à Patribus repetita, videlicet: *Concilia à Pontifice Romano non confirmata nullius valoris esse.* Et id ipsum confirmant, quæ de Concilio Chalcedonenſi hæcenus dicta sunt, videl. Leonem præscripsisse Concilio, quid definiri, quid non definiri oporteret; Concilij Decreta alia confirmasse, alia improbasse; in causis fidei sufficere Pontificis Rom. sententiam. Quod si Pontificis Decreta non prius valida & rata sunt, quam à Concilio Oecumenico confirmantur, quid rogo plus habent

habent Decretis cujuslibet Episcopi? & ubi est illud tam à Patribus declamatum Romanæ Sedis privilegium in causis fidei decidendis? Et hæc sufficiant pro Infallibilitate Pontificis ex Chalcedonenſi Concilio excerpta.

VIII. Anno CCCCLXXXIII. Prorupit hæresis Petri Cnaphæi, qui non solum Eutychianus hæreticus, sed etiam Apollinarista, atque Sabellianus erat, sicque ob hæresin ex tribus hæresibus conflaram merito Hæresiarcha appellatus est; hunc à Felice III. in Synodo Romana damnatum esse, totaque Ecclesiâ proscriptum, & simul insigne Infallibilitatis Romanæ argumentum editum esse ex sequentibus patebit. Evagrius hæc habet: (a) Mittuntur à Felice ad Zenonem Imperatorem Vitalis, & Misenus Episcopi, ut ejus auctoritate tum Concilium Chalcedonenſe firmarent, tum Petrus ut hæreticus Episcopatu pekeretur, tum denique Acacius mitteretur ad ipsum Felicem, rationem de rebus, quas Joannes ei objeçbasset, redditurus. Idem Evagrius cap. 20. (b) Quod quidem Romanum Concilium, quæ sequuntur, de Petro pronunciavit: Petrum hæreticum jam pridem sententiâ sacra Sedis Apostolicæ condemnatum, interdictum Ecclesiâ, & anathemate multatum Ecclesiâ Romana non recipit. Et ipsa Synodus Romana: (c) Successor Præfulum Sedis Apostolicæ caput est omnium, Domino ad B. Petrum Apostolum dicente: Tu es Petrus, & super hanc Petram ædificabo Ecclesiam meam; quam vocem sequentes sancti Patres apud Nicæam congregati confirmationem rerum, atque auctoritatem sanctæ Romanæ Ecclesiæ desulerunt, quam utramque usque ad ætatem nostram successiones omnes Christi gratiâ præstare custodiunt. Ut intelligas, quæ de Canone Nicæno Synodus Romana hic memorat, sciendum est, tribus locis de Romani Pontificis Primatu Canones Nicænos loqui, juxta diversas editiones, videlicet canone 6. canone 19. & canone 40. Quamvis enim Rufinus, communisque sententia tantum viginti Canones numeret, gravissimæ tamen rationes sunt, quæ persuadent plures, hoc est usque ad 70. fuisse: tum quia acta Concilij Nicæni ab hæreticis Arrianis flammis corrupta sunt, tum quia Julius I. epistolâ ad Orientales, quam S. Athanasius citat Apologiâ 2. meminit Canonis 71. ubi de appellationibus ad Romanum Pontificem agit. S. Hieronymus contra Luciferianos agens de rebaptizatione meminit Canonis 31. 32. 34. 35. 36. S. Augustinus epistolâ 100. Canonis 48. in versione Turriani, & in versione Abrahami Euhelenſis

(a) Evag. lib. 3. cap. 18. (b) Idem l. 3. c. 20. (c) Inter epistolas Felicis epist. 4.

helenſis canonis 52. & canonis 54. S. Leo PP. Primus epiſtolâ ad Theodoſium 24. ubi agit de Appellatione Flaviani, Canonis 71. Et denique multa apud antiquos ſcriptores in Nicæna Synodo conſtituta eſſe leguntur, quæ modò in vulgatis Canonibus reperire non eſt; ut adeò certum ſit, multò plura in Synodo Nicæna decreta eſſe, quàm viginti Canones complectantur. Sed quidquid de hoc ſit, ſexus ſaltem Canon Nicænus indubitatæ fidei eſt, quantumvis & hunc, prout modò in Tomis Conciliorum legitur, eſſe corruptum, nec eam ſententiam reddere, quam antiqui Patres repræſentant, certum ſit; is enim Canon, prout in vulgatis exemplaribus legitur, comparationem tantum inſtituit quoad Patriarchatum inter Pontificem Romanum & Episcopum Alexandrinum, ut videlicet hic intra terminos ſibi à Synodo assignatos, Ægyptum videlicet, Pentapolim, Lybiamque eandem Patriarchalem poteſtatem exerceat, quam Romanus Pontifex intra ſuum Patriarchatum, cujus quidem nullos terminos Nicænum Concilium assignat. At verò lapſis retrò temporibus multò plura hic Canon continebat, Primatum videlicet, & judiciariam univerſalem Pontificis poteſtatem. Bonifacius (a) enim primus epiſtolâ 9. ad Episcopos Theſſaliæ: *Inſtitutio*, inquit, *univerſalis Eccleſiæ de Beati Petri ſumpſit honore principium, in quo regimen ejus & ſumma conſiſtit.* Nicæna Synodi non aliud præcepta teſtantur, adeò ut non aliquid ſuper eum ſit auſa conſtituere, cum videret nihil ſupra meritum ſuum poſſe conſerri; omnia denique huic noverat Domini ſermone conceſſa. Nota, ne quidem Concilium Nicænum, quamvis omnium celeberrimum, quamvis circa Alexandrinum, Antiochenum & Hieroſolymitanum Patriarchas multa conſtituiſſet, non tamen circa Romanum Pontificem, & quam ob cauſam? niſi quòd agnoſceret, omne Concilium, quantumvis Oecumenicum, infra Pontificem eſſe? Stephanus V. (b) *An ignoras*, inquit, *quid in prima Nicæna Synodo præſidente ibi Conſtantino B. Sylvester Papa de non judicando ſupremo Throno per Legatos pronuntiâris?* In Concilio Chalcedonenſi actione 16. Paſchalinus Episcopus, & Leonis Legatus hæc habet: *Trecentorum decem & octo Patrum canon ſextus: Quòd Eccleſia Romana ſemper habuit Primatum; teneat autem & Ægyptus, ut Episcopus Alexandrinus omnem habeat poteſtatem &c.*

S. Leo

(a) Obijt Anno 423. (b) Obijt Anno 817.

## 742 Diff. IV. §. I. Pontificis Rom. infallibilitas

S. Leo IX. epist. 1. ad Michaellem Patriarcham : (a) *Beatissimo & Apostolico Pontifice Sylvestro divinitus decernente, spiritualique ejus Filio Constantino cum universa Synodo approbante ac subscribente, ut Prima Sedes a nemine judicetur.* S. Gelasius I. Tract. adversus Græcos : b) *Quâ ratione vel consequentiâ alijs Sedibus deferendum est, si primæ Beatissimi Petri Sedi antiqua & vetusta reverentia non desertur, per quam omnium Sacerdotum dignitas semper est roborata, atque firmata, trecentorumque decem & octo Patrum invictis & singulari judicio vetustissimus judicatus est honor ?* Constat ex Patrum testimonijs, multò ampliorem fuisse Concilij Nicæni de Romano Pontifice sententiam, quam quæ modò in vulgatis Canonibus habetur.

Anno CCCCXCIV. Gelasius Papa in Synodo Romana septuaginta Episcoporum, quinam libri sint Canonici, quinam verò apocryphi (hoc est, aut dubiæ, aut malæ fidei, aut erroribus aspersi) definit, sicque lapidem fundamentalem veræ Religionis ponit; quid enim certi in fide Catholica, si incertum sit, quodnam sit verbum DEI ? Claudii Gelasii hoc Decretum de libris Canonicis his verbis supremam auctoritatem indicantibus : *Hæc omnia & his similia non solum repudiata, verum etiam ab omni Romana, Catholica & Apostolica Ecclesia eliminata, atque cum suis auctoribus sub anathematis indissolubili vinculo in æternum confitemur esse damnata.* In eodem Decreto hæc habet Gelasius : *Sancta Romana, Catholica & Apostolica Ecclesia nullis Synodis constitutis cæteris Ecclesijs prælata est, sed Evangelicâ voce Domini & Salvatoris nostri Præmatum obtinuit.* Et infra : *Eadem Sancta Romana Ecclesia post illas veteris & novi Testamenti etiam has suscipi non prohibet scripturas, videl. Sanctam Synodum Nicenam, trecentorum decem & octo Patrum, sanctam Synodum Constantinopolitanam, sanctamque Synodum Ephesinam.* Nota ea verba; etiam has suscipi non prohibet scripturas &c. Quibus manifestum est, Papam esse supra Concilium, nec ullum esse Concilium tam Oecumenicum, tam sanctum, quod ex Pontificia approbatione non pendeat; cujus enim est prohibere, nisi superioris ? &c. quomodo prohiberi possit à Pontifice, quod à Pontificis potestate non pendeat ? Prohibebit miles Ducis imperium recipi, Senator Imperatoris ?

Anno DXXXII. Cùm Justinianus Imperator ad Joannem II. Rom. Pontificem splendidam Legationem misisset, rogaretque, ejus Decreto definiri, an salvâ fide Catholicâ admitti hæc propositio posset, videl.

*Unus*

(a) Obijt Anno 1054. (b) Obijt Anno 496.

Unus de Trinitate passus est? Joannes habitæ Romæ Synodo definivit, posse. Quamvis enim Hormisda Papa aliquando eas voces novitatis suspectas, & ab Eutychianis repertas (tacebant enim nomen *Personæ*, & tantum *Unum* dicebant, quod æquè de *Unitate naturæ* intelligi poterat) vetuisset; mutatis tamen personis, submotoque periculo, ad confundendos Nestorianos (qui negabant, unam esse in Christo personam) Joannes Papa definivit, posse eam propositionem admitti. Hæc occasione insigniter quoque Primatus & Infallibilitas Pontificia emicuit; nam in Epistola, quam Justinianus Imperator ad Joannem Pontificem scripsit, hæc habentur: *In præsentî, quæ commota sunt, quamvis manifesta & indubitata sint, & secundum Apostolicæ Vestræ Sedis doctrinam ab omnibus semper Sacerdotibus firmiter custodita & prædicata, necessarium tamen duximus, ut ad Vestram Sanctitatem perveniat, nec enim patimur quidquam, quod ad Ecclesiarum statum pertinet, quamvis manifestum & indubitatum sit, quod moveatur, ut non etiam Vestræ innotescat sanctitati, quæ caput est omnium Ecclesiarum.* • Facetur hic palam Justinianus: *Quæ ab Apostolica Sede decreta sunt, ab omnibus semper Sacerdotibus firmiter custodita & prædicata esse; quod omnino Infallibilitatem arguit, alioquin quæ causa esset, ut ab omnibus reciperentur, & firmiter custodirentur Pontificum Decreta?* Et infra in eadem epistola: *Omnes Sacerdotes Sanctæ Catholicæ & Apostolicæ Ecclesiæ sequentes Sanctitatem Vestram, & custodientes statum & unitatem DEI Ecclesiarum, quam habent ab Apostolicæ Vestræ Sanctitatis Sede, nihil penitus immutantes de Ecclesiæ statu.* Joannes verò Papa in Responsorio ad Justinianum: *Ipsos (hoc est Acœmetes Eutychianos) minimè in nostra Communione recepinus, & ab omni Ecclesia Catholica esse jussimus alienos, nisi errore damnato doctrinam nostram quantocius sequerentur. Equum quippe est, ut qui nostris statutis non præstant obedientiam, Ecclesijs habeantur extorres. At quomodo æquum, ut qui non obedit Apostolicæ Sedis Decreto, ab Ecclesia habeatur extorris, si errare Sedes Apostolica potest? Nemo enim cœcam hanc & necessariam obedientiam debet incerto Duci. Quid ergo ex sententia Joannis meriti sunt, qui Innocentij XI. Decretis non tantum non obtemperârunt, sed etiam ejus auctoritati bellum intulère? Idem Justinianus aliâ ad Hormisdam Papam Epistolâ: Hoc enim credimus esse Catholicum, quod Vestro Religioso responso nobis fuerit intimatum. Credebat utique Justinianus, Papam esse infallibilem; alioquin falsum esset, id esse Catholicum, quod Papa pronuntiat.*

H h h h h

ANNO

Anno DCXLVIII. Theodorus Papa hæresin Monothelitarum, ejusque præcipuos auctores ante omne Oecumenicum Concilium damnat; sic enim Anastasius in vita Theodori: *sanctissimus Papa Theodorus scripsit Paulo Patriarchæ, sed cum non posset à suo conamine revocare, jussit ab Apostolica Sede depositionis Sententiâ percussus est.* Theophanes ad annum 20. Heraclij Imperatoris: *Theodorus plenitudine convocatâ Ecclesiæ (hoc est Synodo Romanâ) ad Sepulchrum verticis Apostolorum accessit, & divino calice expositato, ex vivifico sanguine in atramentum stillavit, & ita propriâ manu depositionem Pyrrhi fecit.*

Anno DCXLIX. Celebrata est Synodus Romana, in qua Martinus Papa hæresin Monothelitarum damnavit, & insignia quoque Pontificiæ Infallibilitatis exempla prodita sunt. Sic enim epistolâ II. ad Hierosolymitanum & Antiochenum Episcopos Martinus loquitur: *Nos verò, id est, hujus sanctæ Sedis Pontifices ad custodiam domûs pervigiles non permittimus eos Fidei thesaurum surripere, sed ipsos catenis impiæ & adulterinæ eorum doctrinæ confringentes accuratâ demonstratione, & examinatione eorum, quæ ab ipsis contra integritatem fidei scripta sunt, tum ipsos, tum ea, quæ impiè docuerunt, igne Canonice sententiæ velut mala Zizania exurentes Synodali ter condemnavimus.* Idem Martinus epistolâ 13. enarrans, quæ sibi acciderant Constantinianâ Basilicâ exeunti, Calliopa (qui ad eum trucidandum missus fuerat) pro foribus stante: *Cum, inquit, exirem ab Ecclesia, in qua exercitus me cum armis constrinxerat, clarâ voce dixerunt: anathema habeat, quisquis dixerit vel crediderit, quia Martinus usq; ad unum apicem fidem mutavit, aut mutaturus sit.* Hic apertè Ecclesia Romana agnoscit & profitetur, non posse Pontificem fidem mutare, & consequenter infallibilem esse; sunt enim termini æquivalentes, esse infallibilem, & esse in vera Fide immutabilem. Et Secretario secundo Synodi Larentensis Maurus Episcopus Cæsenas: *In his quæ moventur, & contra Patrum Orthodoxorum Decreta proponuntur, me non aliter sentire, nisi quomodo sancta vestra Apostolica doctrina & orthodoxa tenet Ecclesia, profiteor.* Agnoscit ergo infallibilem esse doctrinam Apostolicæ Sedis; alioquin quâ conscientia dicere posset, se credere, quod Papa credit? non esset hoc inniti super baculo arundineo? nec Fidem divinam, sed humanam & fallibilem profiteri, quippe humano ac fallibili judicio nixam? non est hoc credere, sed opinari, nec supra Petram, sed super arenam ædificare. Si falli potest Papa, ergo & falli potest, qui credit, quod credit Papa; sed

## Ex usu & Praxi Ecclesiæ probatur. 745

sed vera fides falli non potest. Eodem Secretario 2. Sophronius Stephanum Dorilensem ita alloquitur: *Quantocyùs ergo ex finibus terræ ad terminos ejus deambula, donec ad Apostolicam Sedem pervenias, ubi Orthodoxorum dogmatum fundamenta existunt, & non quiescas instantius petens, atque exorans, donec ex Apostolica prudentia, quæ in DEO est, ad victoriam judicium perducere debeant, & noviter introduktorum dogmatum destructionem.* Fierine potest, ut in Sede Romana sint Orthodoxorum dogmatum fundamenta, si Sedes Romana in rebus fidei falli potest? Contra fundamenta fidei ne portæ quidem Inferi possunt prævalere, quomodo error & ignorantia prævalebunt? aut ergo falsum est, quod Sophronius proficitur, quodque Synodus tacendo approbat; videl. *In Sede Romana Orthodoxorum dogmatum fundamenta reperiri*; aut falsum est, Papam errare posse, repugnat enim, esse fidei fundamentum, & labi posse. Huc facit insigne testimonium S. Maximi M. & præstantissimi Th. apud Spond. ad ann. 657. n. 2. & Baron, Anno 867. n. 71. Tomo 10.

Anno DCLXXX. Romæ ab Agathone PP. Synodus celebrata est, in qua, sicut & in sequenti Oecumenica, quæ fuit sexta Constantinopolitana, multa Pontificiæ Infallibilitatis argumenta & testimonia prodita sunt, quæ hic breviter libabimus. Agatho igitur epistolâ ad Constantinum & Fratres Imperatores ex Synodo Romana hæc habet: *Cujus, (B. Petri) adnitente presidio hæc Apostolica ejus Ecclesia nunquam à via veritatis in qualibet erroris parte deflexa est, cujus auctoritatem utpote Apostolorum omnium Principis semper omnis Catholica Ecclesia, & Universales Synodi fideliter amplectentes in cunctis secutæ sunt, omnesque venerabiles Patres Apostolicam ejus doctrinam amplexi, per quam & probatissima Ecclesiæ luminaria claruerunt, & sancti Orthodoxi Doctores venerati sunt, hæretici autem falsis criminationibus ac odijs insecuti.* Et infra: *Hæc est vera Fidei regula, quam & in prosperis, & in adversis vivaciter tenuit ac defendit hæc spiritualis mater vestri tranquillissimi Imperij, Apostolica Christi Ecclesia, quæ per DEI omnipotentis gratiam à tramite Apostolicæ traditionis nunquam errasse probabitur, nec hæreticis novitatibus depravata succubuit.* Quid rogo dici poterat, quod magis Pontificiam Infallibilitatem probaret? Fac, me Romæ in ea Synodo largis stipendijs Advocatum fuisse; num poteram aliquid accommodatius & efficacius dicere? Nunquam à via veritatis deflexit, nunquam erravit, nunquam Universales Synodi ab ejus doctrina discessere, nunquam Patres ejus dogmata non sunt amplexi, nunquam à tramite Apostolicæ traditionis recessit. Quid est, esse Infallibilem, si hoc non est?

*Dices*, Agatho de præterito loquitur, non de futuro; dicit, nunquam errasse, non verò, nunquam erraturos Pontifices; & quid, si addam, Agathonem errasse, quando dixit, Pontifices errare non posse.

*Resp.* Ratio Agathonis omne tempus, præteritum & futurum complectitur; quòd enim nunquam erraverit, rationem hanc affert, quia videl. *Petri Confessio à DEO revelata est*; quia *spiritalis oves Ecclesiæ ternâ commendatione à Domino pascendus suscepit*; quia *Christus Petro dixit: Ego pro te rogavi, ut non deficiat fides tua.* Quæ rationes omne tempus complectuntur; numquid enim pro aliquo tantum tempore Christus Petro oves commendavit, & non semper? & pro aliquo tantum tempore pro Petro rogavit? Quòd si Sedes Romana, quando Ethnici Imperatores ferro & flammâ in eam grassabantur, quando Arriana, Pelagiana, Nestoriana, Eutyriana hæreses impietate & potentiâ armatæ eam impellebant; quando inquam tot erant errandi causæ, nunquam tamen erravit; quis credat, erraturam, quando errandi causæ cessarunt? Sterit, cum quateretur, non stabit, cum quies est? non cessit adversis ventis, cedit, aut mergetur secundis? & cum lubricum & glaciem calcaret, erecta tamen & immota processit, nutabit nunc, cadetque plano & florente itinere? Millies ergo cecidisset, si cadere posset; nunc autem ideò non cecidit, quia non potuit, sustinente videlicet Christo: *Et innixa super dilectum.* Quanquam nec argumentis opus est, cum ipse Agatho objectioni occurrat, & Sedem Romanam non tantum nunquam errasse, sed ne quidem errare posse apertè dicat; sic enim pergit: *Sed ut ab exordio Fidei Christianæ percepit ab auctoribus suis, Apostolorum Christi Principibus, illibata finetenus permanet secundum ipsius Domini Salvatoris divinam pollicitationem: Ego autem pro te rogavi, ut non deficiat fides tua.* Nota ea verba, quæ omnem cavillationem præcidunt, videl. *illibata finetenus permanet.* Neque hæc solius sunt Agathonis verba, sed totius sextæ Synodi, quæ Agathonis epistolam instar oraculi habuit, ut videre est in actis ejusdem Synodi. Idem Agatho in epistola Synodali ad Patres Oecumenicæ Constantinopolitanæ, Legatos se quidem mittere, qui Synodo universali assistant, ita tamen, ut nullo modo permittat, quæ ab ipso Agathone definita erant, in dubium aut disputationem vocari, multo minus inverti; quod quid aliud est dicere, quàm Pontificem in rebus fidei decidendis & infallibilem esse (cum ne quidem in Concilio Universali disputari de ijs de-

beat,



beat, quæ semel ipse decidit) & omni Concilio superiorem, cum Concilio imperet, præscribatque, quid credere debeat? Sed audi ipsum Agathonem in Epistola suis ad Concilium Legatis data: *Personas autem de nostræ humilitatis Ordine prævidimus dirigere, quæ omnium nostrum suggestionem, in qua & Apostolicæ nostræ fidei confessionem præstabimus, offerre debeant; non tanquam de incerto contendere, sed ut certa atque immutabilia compendiosâ definitione proferre.* Et iterum: (a) *Portitoribus testimonia aliquorum Sanctorum Patrum, quos hæc Apostolica Christi Ecclesia suscipit, cum eorum libris tradidimus, ut ex ijs duntaxat satisfacere studeant. Licentiam proinde eis, sive auctoritatem dedimus apud tranquillissimum Vestrum Imperium simpliciter satisfaciendi, in quantum eis duntaxat injunctum est, ut nihil profectò presumant augere, nihil minuire, sed traditionem hujus Apostolicæ Sedis, ut à Prædecessoribus Apostolicis Pontificibus instituta est, sincerè enarrare.* Vides hic iterum, Pontificem Concilio præscribere, quid credere, quid definire debeat, aut non debeat; imò prohibere, ne ijs, quæ ipse definierat, addatur aliquid, aut minuatur. Quid hoc est aliud, quàm Papam esse infallibilem? nam si falli, si errare potest, cur non possit corrigi & emendari, ejusque doctrinæ addi aliquid, detrabi que?

Anno DCLXXXII. Constantinopoli celebrata est Synodus quini sexta (sic dicta, quòd Canones in quinta & sexta Synodo omisos suppleverit) in qua centum & tres Canones sanciti, sed quam plures contra Ecclesiæ antiquam disciplinam, adeò ut Romani Pontifices nunquam eam comprobare voluerint. Nihil à Græcis Imperatoribus actum non est, ut Pontificis consensum impetrarent, sed irritò semper, & inani conatu. Audi Anastasium in Sergio: *Compellebatur autem & ipse Sergius subscribere, sed nullatenus acquievit, pro eo quod quædam capitula extra ritum Ecclesiasticum fuerant in eo annexa, quæ & quasi Synodali ter definita & in sex tomis conscripta à tribus Patriarchis, hoc est, Alexandrino, Constantinopolitano, & Antiocheno subscripta, manique Imperiali firmata in hac Romana urbe ad confirmandum vel in superiori loco subscribendum Sergio Pontifici utpote Capiti omnium Sacerdotum direxit, qui Beatissimus Pontifex penitus eidem Justiniano Augusto non acquievit, nec eosdem tomos suscipere, vel lectione pandere passus est, præter eos ut invalidos respuit, atque abiecit, &c.* Mortuo Sergio idem Justinianus Joannem Pontificem, missâ legatione enixè ardentèrque, sed frustrâ pro Confirmatione rogavit, Repetitæ preces

H h h h h 3

apud

(a) V. Baron. ad ann. 681. n. 21.

apud Constantinum Pontificem, imò is propterea Constantinopolim accersitus, sed aequè frustra, nulloque successu. Jam quæro, quid causæ fuerit, ut tanto studio ac toties repetitis vicibus consensus Romani Pontificis peteretur, cum jam quatuor Patriarcharum præcessisset, isque sufficere videri posset; nisi quòd scirent Græci, quod Romanus Pontifex probavisset, à toto Orbe probatum iri: quod improbasset, irritum & inane futurum? ut planè ea Synodus irrita fuit, ac communi Ecclesiæ voto erratica est appellata.

Anno DCCXXVI. Gregorius II. Iconoclastarum hæresin anathemate primus configit, celebratâ Romæ Synodo. Audi Zonaram: *Gregorius, qui tunc Romæ Ecclesiam gubernabat, repudiata societate Præsidis novæ Romæ Leonis scilicet Imperatoris, nec non eorum, qui illum sequebantur, Synodico anathemate perstrinxit.*

Anno DCCLXXIII. Teste Anastasio Gregorius III. collectâ Romæ Synodo 93. Episcoporum decrevit: *Ut si quis deinceps antiqua consuetudinis & Apostolicæ Ecclesiæ fidelem usum contemnens adversus eandem venerationem sacrarum Imaginum depositor atque destructor, & prophanator, vel blasphemus extiterit, sit extorris à corpore & sanguine Domus nostri JESU Christi, vel totius Ecclesiæ unitate atque compage.* Idem anathema repetitum est contra Iconoclastas à Stephano Papa IV. anno 768. in Synodo Romana.

Anno DCCLXXXVI. Celebrata est pro sacrarum Imaginum cultu secunda Oecumenica Synodus Nicæna, in qua egregia iterùm & invicta testimonia pro suprema Pontificis Romani auctoritate & infallibilitate: nam Hadrianus I. Pontifex maximus missis ad Imperatorem Constantinum, sacramque Synodum Legatis, additisque litteris, *Primò* negat ullum dubitandi locum amplius superesse, postquam cultus sacrarum Imaginum à Pontifice Romano definitus, receptusque sit. *Secundò*, modum legesque Concilio præscribit, quas in definienda hac causa fidei necessariò observare debeat. *Tertio* vetat, ne ab ijs, quæ Romani Pontifices olim decreverant, removeri se pariantur. *Quartò*. Primarij Concilij Patres, imò tota Synodus tanquam de se necessaria interrogantur, velintne epistolam dogmaticam Hadriani recipere, an secus? *Quintò*. Legatis præcipitur, ut si Synodus parere & acquiescere nolit Romani Pontificis sententiæ, continuò Romam revertantur, nec Synodo assistant. Amabò quid amplius velis, quo constet Pontificem esse Synodo superiorem, & posse autè omnem Synodi sententiam causas fidei

fidei definire, nec à Synodo pendere, sed hanc potius à Romano Pontifice? sed audi ipsa Synodi acta; Hadrianus in epistola ad Augustos: *Vos autem maxime in traditione orthodoxæ fidei Ecclesiæ B. Petri, & Pauli Principum Apostolorum acquiesceitis, eamque amplectemini, quemadmodum à superioribus Imperatoribus factum est, qui Vicarium ejus ex toto corde dilexerunt. Et infra: Hi siquidem Principes Apostolorum sunt, qui Catholicam Orthodoxam fidem auspiciis servandam præceperunt, omnibus scilicet, qui in sedes eorum successuri erant, & in fide eorum usque ad consummationem sæculi permanaturi.* Nota hæc ultima verba, quibus aperte infallibilitas Pontificia palàm fit; si enim contra veram fidem docere aliquid possent, plane non permanerent usque ad consummationem sæculi in Petri fide. Et infra præscribens quid fieri, quid omiti à Synodo debeat: Si verò impossibile est, ipsas sacras Imagines sine Synodi actione in pristino erigere ac confirmare statu; sicut in vestris fertur imperialibus jussionibus; imprimis pseudo-ylogus ille, qui sine Apostolica Sede enormiter, nequiter, irrationabiliter contra Sanctorum Patrum traditionem de sacris Imaginibus actus est, anathematizatur presentibus missis nostris; & tunc sicut antiquitus mos extitit, jurjurando vestra pijsima ac tranquillissima potestas, una cum Domina Augusta seu ejusdem Regiæ Urbis Patriarcha, nec non & cuncto senatu corporale tribuentes sacramentum verbum Commonitorium, sicut antiquitus nobis dirigere vestra digneetur sacra Imperialis potestas, quod non est apud vos partis cujuslibet favor, aut defensio, sed æqualitatem utriusque partis conservabitis, nullatenus necessitatem facientes ijs, qui à nobis mittuntur, sed omni honore eos habebitis. Et siquidem utrique convenierint, ecce bene? sin autem minime convenierint, cum omni humanitate ad nos dirigere sasageatur. Vides, nolle summum Pontificem Concilij Decretis adtingi, sed potius Concilium adstringere, ut obtemperet sententiæ à Pontifice Romano latæ, quod nisi faciat, Legatos suos re infectâ domum remittit. Non dicit Hadrianus: *Legati mei Concilio obtemperent*, sed econtrâ: *Concilium Legatis meis obtemperet, & nisi faciat, domum redeant.* Judicium nunc feras licet, major sit Pontificis, an Concilij auctoritas, isto parente, illo imperante. Idem Hadrianus in epistola ad Tharalium Patriarcham: *Cujus (hoc est B. Petri) etiam sedes per totum Terrarum orbem Primatum obtinens lucet, omniumque Ecclesiarum DEI caput exultat, cui etiam velim Beata Vestra sanctus ex sincera mente & toto corde agglutinetur, utpote, quæ sit revera rectè sentiens, & pietatis incorruptæ conservatrix.*

Hoc

*Hoc sacrificium primum DEO omnipotenti exhibeatur. Vestraque Beatitudo piissimos nostros Imperatores supplicibus verbis admonebit, ut Ecclesiæ nostræ vestigia sequentes, & servantes traditionem hujus sanctissimæ nostræ Romanæ Ecclesiæ &c. Posttēne Hadrianus tam intrepidè asserere, Romanam sedem esse incorruptam Conservatricem veræ fidei, si corrumpi, si fidem dissipare possit? Possēt tam præfidenter hortari Imperatores, ut Romanæ doctrinæ agglutinentur, ut ejus vestigijs insistant, si ducere in errorem possunt?*

*Actiōne secundā ejusdem Oecumenicæ Synodi Legati Apostolici primum Tharasilum Patriarcham, postea totam Sacram Synodum his verbis interrogant: Dicat nobis sacra Synodus, num recipiat sanctissimi Papæ Veteris Romæ litteras, an secus? sancta Synodus respondit: sequimur, recipimus, approbamus. Quod si Synodus respondisset: Non sequimur, non recipimus, non approbamus: quid aliud Legati dicturi essent, quàm quod olim in Concilio Chalcedonenſi actiōne 5. dixere, videlicet: Si non consentiunt epistolæ Apostolicæ Beatissimi Papæ Leonis, jubete nobis rescriptam dari, ut revertamur. Et planè Hadriani Legati, ut supra vidimus, in mandatis habebant, ut nisi Synodus Hadriani Decretis inhæreret, continuò Constantinopoli excederent, sicque Concilium dissolverent. Actiōne 6. Patres Conciliabulum Constantinopolitanum, quod Iconoclastæ pro septima Synodo venditabant, hâc ratione improbant: Quia nullum habuit Cooperarium, Romanum Papam, neque illius Sacerdotes, neque per Vicarios, neque per Provinciales Litteras, quemadmodum fieri in Synodis debet. Nota confirmationem Romani Pontificis necessariam esse Synodis Oecumenicis, & esse non tantum meræ convenientiæ, sed debiti.*

*Anno DCCCLXIX. Cœpta est celebrari Constantinopoli octava Oecumenica Synodus auctoritate Hadriani II. Papæ, in qua præclara omninò argumenta Auctoritatis, & Infallibilitatis Pontificiæ producta sunt; imò in ea expressis, conceptisque verbis definitum est, Papam à Concilio Oecumenico judicari non posse, sicque Papam Concilio non subjacere. Cùm Phorius verus, non fabulosus Græciæ Phaëton, ausus esset sententiam & diras in Pontificem pronuntiare, coacta in Regia urbe Synodo; necessarium, nedum opportunum fuit, supremam Pontificis auctoritatem in Synodo Oecumenica universali Decreto sancire. Audi ergo, quàm multa & irrefragabilia in hac Synodo pro Romano Pontifice dicta sint. Nam Primò negant Legati, nec Concilium dissen-*

*tit;*

tit; se umquam ( quando minùs Romanum Pontificem ) Concilij iudicio subiectos fuisse. Cùm enim rogarentur Legati Sedis Apostolicæ, mandatum exhibere Pontificis Hadriani, respondent: *Hoc nos non invenimus in Universalì Synodo factum, ut Vicarij senioris Romæ à quolibet perpendantur, utrùm talem habeant excommunicationem.* Secundò Actione 1. Hadrianus Pontifex Concilio imperat, præscribitque, quid fieri oporteat, & insuper libellum Patribus legendum proponit, cui omnes subscribere teneantur. Audi Hadrianum in epistola ad Basilium Augustum data, & in Synodo omnium approbatione perlecta: *Volumus, inquit, numerosum Concilium Constantinopoli celebrare. cui nostri missi Præsidentes, & culpam, Personarumque differentias liquidò cognoscentes, iuxta quod in mandatis acceperunt.* In quo sacro Cœtu execranda vanitatis Concilij, quod adversus hanc sedem actum est, cuncta decernimus exemplaria igne cremari, nec superesse apud quemlibet vel unum jota, nisi quis totius Clericatus, imò totius nominis Christiani anathemate percussus carere voluerit. Et paulò post recitatur libellus Hadriani, cui omnes subscribere tenentur, qui sic habet. *Anathematizamus omnes hæreses simul cum Iconomachis. Anathematizamus etiam Photium, donec Sedis Apostolicæ sanctionibus inobediens perseverans ejus sententiam tam de se, quàm de Patriarcha nostro Ignatio spreverit, & Conciliabuli acta, quod se auctore contra Sedis Apostolicæ voluntatem congregatum est, anathematizare distulerit.* Sequimur autem sanctam synodum, & amplectimur, quam Beatæ recordationis Papa Nicolaus, cui & ipse coangelice Papa Hadriane subscripsisti, simul & quam tu ipse egisti, & omnia, quæ in eis statuta sunt secundum decreti vestri moderationem venerabiliter conservabimus, recipientes, quos recipiunt, & damnantes, qui in illis damnati sunt. Sancta Synodus dixit: *Omnibus placet libellus à sancta Romana Ecclesia expositus.* Et tertia Epistola Hadriani ad synodum: *Romanorum Pontificem de omnium Ecclesiarum Præsulibus judicasse legimus, de eo verò quemquam judicasse non legimus. Licet enim Honorio ab Orientalibus post mortem anathema dictum sit, sciendum tamen, quia fuerit de hæresi accusatus, propter quam solum licitum est minoribus majorum suorum motibus resistere; quamvis & ibi nec Patriarcharum, nec caterorum Antistitum cuiuspiam de eo quamlibet fas fuerit sententiam proferre, nisi ejusdem primæ Sedis Pontificis consensus præcessisset.*

Actione 4. & 10. recitatæ sunt epistolæ Nicolai I. Pontificis, summisque laudibus celebratæ, Hic verò Nicolaus epistolâ ad Michaellem

Imperatorem : Non ergo dicatis vos in causa pietatis Ecclesie Romanæ non eguisse, quæ collecta Concilia suâ auctoritate firmat, & suâ moderatione custodit. Unde quadam eorum, quia consensum Romani Pontificis non habuerunt, valedudinem perdiderunt. Et in eadem epistola §. sed his tandem: Patet proscind Sedis Apostolicæ, cujus auctoritate major non est, judicium à nemine fore retractandum, neque cuiquam de ejus liceat judicare judicio. Idem Nicolaus in Romana Synodo : Si quis dogmata, mandata, interdicta, sanctiones vel decreta pro Catholica fide, pro Ecclesiastica disciplina à Sedis Apostolicæ Præsule salubriter promulgata contempserit, anathema sit. Idem Nicolaus in libello paulò ante citato, & cui nisi subscripsisset, nemo ab Hadriano ad Concilium admittebatur, quique propterea in Canonem à sacra Synodo admissus est. Postquam Nicolaus Primum Summi Pontificis multis ostendisset, tandem subdit : Tu es Petrus, & super hanc Petram ædificabo Ecclesiam meam. Hæc quæ dicta sunt, verum probantur effectu, quia in Sede Apostolica est immaculata semper Catholica reservata Religio, & sancta celebrata doctrina. Hæc verba infallibilitatem Pontificiam omnino convincunt, si enim Pontifex Romanus aliquando ex cathedra hæresin docuit, falsum est, in Sede Apostolica immaculatam semper reservatam fuisse Catholicam Religionem. Idem Nicolaus epistolâ 8. ad Michaëlem Imperatorem : Nulla regula, nulla consuetudo demonstrat Sedis Apostolicæ semel prolatam sententiam ipsâ non annuente posse mutari. Ergo infallibilis est, si enim falli posset, mutari posset, corrigique. Sed omnium apertissimè Papam omni Concilio superiorem esse, & consequenter infallibilem, definitum est in Canone 21. (in alijs editionibus est 13.) ejusdem octavæ Oecumenicæ Synodi, ubi hæc leguntur: Porro si Synodus Universalis fuerit congregata, & facta fuerit etiam de sancta Romana Ecclesia quadam ambiguitas & controversia, oportet venerabiliter, & eum convenienti reverentia sciscitari, & solutionem accipere, aut proficere, aut proscutum facere (alia versio habet, licebit eum decenti reverentiâ de proposita quæstione cuncta percunctari, responsumque admittere, vel utilitatem admittere vel dare) non tamen audacter sententiam dicere contra Summos Senioris Romæ Pontifices. Hic apertis, clarisque verbis Patres testantur, ne quidem Concilio Universali fas esse, sententiam in Romanum Pontificem dicere, & consequenter hunc Concilio non subesse, ergo nec errare posse, alioquin si errare posset, à Concilio corrigendus, & huic subjectus foret.

Dicit,

Dices, Concilio tantum prohiberi, ne *audacter* contra Pontifices sententiam ferat. ❧. Frivola & ridenda cavillatio ! Concilium distinguit inter *suscitationem* & *sententiam*, istam contra Romanum Pontificem non probat, illam admittit ; atqui si tantum intelligatur audacia prohiberi, quis non videt non tantum audacem sententiam, sed etiam audacem interpellationem vetandam esse ? nam audacia, sive interrogēs, sive pronunties, æquē damnanda est. Deinde : nullum hoc esset Romani Pontificis privilegium ; nec enim solus Romanus Pontifex, sed nec Episcopus, nec Clericus, nec Laicus, imò nec latro, nec parricida, temerē & inconsultē damnandus est ; quid ergo plus Pontifici tribuitur, quàm Clerico, quàm Laico, quàm Latroni, quàm Parricidæ ?

Anno ML. Leo Nonus in Synodo Provinciali Romanâ Berengarij hæresin damnat, sic enim Landfrancus scribit : *Tempore S. Leonis Papæ delata est hæresis tua [ Berengarium alloquitur ] ad Apostolicam Sedem, qui cum Synodo præfideret. . . . . promulgata est in te damnationis sententia, privans te Communione sanctæ Ecclesiæ &c.* Eadem hæresis in Concilio quoque Vercellensi præsentē eodem Leone iterum damnata est. Sed cum Berengarius ad vomitum iterum, iterumque rediret ; sæpius quoque & à varijs Pontificibus ejus hæreses confixæ sunt, videlicet Leone IX. Victore II. Nicolao II. & Gregorio VII. Insigne verò est ejusdem sancti testimonium pro infallibilitate Pontificia, sic enim ad Petrum Patriarcham Antiochenum scribit : *Siquidem ab Apostolica tua sede nostram sedem consulendo perpendimus tuam Dilectionem nolle deviare à Domino, & omnium Sanctorum Patrum concordī decreto, quo cunctis in toto Orbe terrarum Ecclesijs sancta Romana & Apostolica Sedes caput præponitur, ad quam majores & difficiliore cause omnium Ecclesiarum definiendæ referantur. Sic omnia veneranda Concilia, sic leges humana promulgant, & sic ipse sanctus Sanctorum confirmat. Nimirum solus est Petrus, pro quo ne deficeret fides ejus, Dominus & Salvator asseruit se rogasse, quæ Venerabilis & efficax Oratio obtinuit, quòd hactenus fides Petri non defecit, nec defectura creditur in throno illius usque in sæculum sæculi. Nihil poterat Leo clarius dicere, tantoque majorem fidem ejus testimonium mereatur, quòd omnino cum ijs concordet, quæ iisdem ferè verbis S. Agatho professus fuerat, ac universali applausu Concilium sextum Oecumenicum exceperat. Credit Eminentissimus Aguirre (a) primum fuisse Leonem, qui processio-*

Iiii 2

11111

(a) V. Card. Aguirre Tract. 1. de auctor. infall. Rom. Pontif. d. 10. & tom. 2. Theol. S. Anselmi dist. 91. & 92.

nem Spiritus Sancti à Patre Filioque definierit. Primus enim invenitur eam Symbolo & Professioni fidei ad Petrum Patriarcham Antiochenum inferuisse, nam & anno 1054. Humbertum Legatum suum Constantinopolim misit ad Michaëlem Patriarcham Constantinopolitanum, ProceSSIONem Spiritus Sancti negantem, & ab eodem Michaële excommunicatus est, quod Symbolo addidisset *Filioque*.

ANNO MLXV. Hæresis Incestuorum nata est, quàm plurimi enim, imò teste Petro Damiano, multa millia Christianorum præcipuè præpotentium in tertio gradu nuptias contrahebant, quod multorum Juris-Consultorum auctoritate ducti, gradus ex Justiniani præscripto numerarent, adeo ut fratrem & sororem in secundo gradu collocarent. Hanc Hæresin Alexander II. in Synodo Romana damnavit; sic enim loquitur in sententia Synodali: (a) *Taliter igitur determinatis gradibus consanguinitatis, Anathematize vos Apostolicâ monemus, ut omnibus seriem Genealogiæ computandam intimetis, quemadmodum SS. Patres numerandam esse sanxerunt, & antiquus mos Ecclesiæ hactenus comprobasse monstratur. Nam si quis perversâ & obduratâ mente à recto tramite Apostolicæ Sedis deviare voluerit, & aliter quam nos in nuptijs contrahendis gradus computare; primum pro sua temeritate celesti penâ plectetur: postmodum verò gladio perpetui anathematis se noverit esse jugulandum.* Ad eundem Alexandrum Petrus Damianus contra insurgentem Simoniacam hæresin hæc scribit: (b) *Dignum est, ut Summo Pontifici patientis Ecclesiæ lasso nuntietur, ut nutantibus fides firmamentum, vel etiam ordo Religionis, qui confundi cæperat, instauretur. Nova pro dolor hæresis orta est, cui nisi quantoocius auctoritatis se vestra vigor objiciat, timendum est, ne ad Religionis Christianæ perniciem cancer sevaluer serpat.*

ANNO MLXXXIV. Obijt Gregorius VII. invictissimi animi Pontifex, & Regibus, cum quibus perpetuum ei bellum, formidandus. Multa is Pontificiæ infallibilitati testimonia reliquit. Is enim in Dictatu suo canone 18. ita definit: *Sententia Papæ à nullo debet retractari, & ipse omnium solus retractare potest.* Hanc Gregorij sententiam verissimam esse Ivo quoque Carnotensis Archiepiscopus proficitur, sic enim ad Johannem Archiepiscopum Lugdunensem scribit: *Non videtur nobis utile ad ea Concilia convenire, in quibus non possumus eas Personas, de quibus agitur* (ageba-

(a) Habetur c. ad Sedem Apostolicam 35. q. 4. (b) Habetur apud Baron. ad ann. 1065. n. 36.



(agebatur verò de Paschali Papa, qui privilegium tradendi Episcopis investituræ Imperatori concesserat) *judicare, vel condemnare, quia nec nostro, nec ullius hominis probantur judicio subiacere.* Sæpiùs hoc Ivo repetit, præsertim verò epistolâ 241. & 159. Sed multò maximè id confirmatum est in Concilio Quintileneburgensi, Anno MLXXXV. De quo ita loquitur Bertholdus ejus temporis scriptor: *Cùm ergo omnes juxta suum ordinem confedissent, prolata sunt in medium Decreta Sanctorum Patrum de Primatu Sedis Apostolicæ, quòd nulli unquam liceat ejus judicium retrahere, quòd de ætius Synodi professione laudatum, & confirmatum est.* Vide, quæ in Regali Sacerdotio (a) de hac re diximus. Idem Gregorius VII. can. 26. *Catholicus non habetur, qui non concordat Romanæ Ecclesiæ.* Hoc quoque Gregorij effatum omninò concordat cum aliorum Patrum doctrina, præsertim verò SS. Ignatij, Hieronymi, Cypriani, Ambrosij, aliorumque, jam suprà ostendimus. Idem omninò est sensus S. Ivonis Archiepiscopi Carnotensis, sic enim scribit: (b) *Contra Apostolicam Sedem caput erigitis, dum quod illa ædificat, vos in quantum in vobis est, destruitis, & quod illa destruxit, vos ædificare contenditis, cujus judicijs & constitutionibus obviare est hæretica pravitatis notam incurere.* Nota hunc esse illum Ivonem, quem Præsules Gallicani in Conventu Parisiensi epistolâ ad Innocentium datâ mirificis laudibus in Cælum usque extollunt. Eadem sententia Adelberti Archiepiscopi Moguntinensis epistolâ 23. ad Ecclesiam Herbipolensem: *Noverit pro certo Dilectio Vestra, nos id ratum habere, quod Romana sanxit & determinavit Auctoritas, cujus terminos nec debemus, nec volumus transire, quia hæreticum esse constat, quicquid Romanæ Ecclesiæ etiam in tam justo judicio non concordat.*

Anno MCXL. Damnata est ab Innocentio II. hæresis Abailardi, qualis ea fuerit Bernardus his verbis explicat epistolâ 292. quæ est ad Guidonem de Castello: *Cùm de Trinitate loquitur, Arrium sapit. cùm de Gratia, sapit Pelagium: cùm de Persona Christi, sapit Nestorium.* Ad hanc ergo hæresin, quæ paulatim per Galliam serpebat, perimendam, ita idem Bernardus Innocentium implorat: *Verùm tu O successor Petri judicabis, an debeat habere refugium ad Sedem Petri, qui Petri fidem impugnat. Tu inquam amice sponsi providebis, quò modo liberes sponsam à labijs iniquis, & à lingua dolosa. . . . itaque ad consummationem Virtutum, &*

liiii 3

ne quid

(a) Reg. Sacerd. lib. 2. §. 6. (b) S. Ivo epist. 8,

ne quid minus fecisse inveniamini à magnis Episcopis Antecessoribus vestris, capite nobis Pater amantissime vulpes, quæ demoliantur Vineam Domini. Nec moratus Innocentius aquam gliscenti incendio affundere, coactâ Romæ Synodo novum hæresiarcham, novasque hæreses damnavit, sic enim ipse ad Henricum Senonensem Archiepiscopum, & S. Bernardum scribit: Nos itaque, qui in B. Petri cathedra licet indigni residere conspicimur, communicato fratrum nostrorum Episcoporum & Cardinalium consilio Universa ipsius Petri perversa dogmata Sanctorum Canonum Auctoritate cum suo Auctore damnamus, eique tanquam hæretico perpetuum silentium imposuimus. Universos quoque ejus errores damnantes, eorum sectatores & defensores à fidelium consortio sequestrandos esse censemus. Ad eundem Innocentium II. ita scribit S. Bern. Oportet ad vestrum Apostolatatum referri pericula quæquæ & scandala emergentia in regno DEI, ea præsertim, quæ de fide contingunt. Dignum quippe arbitror ibi potissimum resciri damna fidei, ubi non possit fides detrimentum sentire; hæc quippe hujus prærogativa Sedis; cui enim alteri aliquando dictum est; ego pro te rogavi Petre, ut non deficiat fides tua? Hic manifestè Bernardus docet Pontifices Romanos in causa fidei errare non posse: si enim errare possent, ergo posset eorum fides detrimentum sentire (quid enim est aliud detrimentum fidei, quàm error fidei) at Bernardus hoc negat; imò hanc infallibilitatem inter prærogativas reponit Sedis Romanæ. In eadem Abailardi causa Rhemenfis, Sueffionensis, Catalaunensis, & Atrebatensis Episcopi ita ad Innocentium scribunt: Tuum est de cætero Beatissime Pater, ne in diebus tuis aliquâ hæretica pravitate maculâ Decor Ecclesia maculetur, providere. Tibi commissæ est sponsa Christi amica sponsi: Tuum est tandem Uni viro Virginem castam exhibere Christo. Nec minùs nervosè Gotfridus Vindocinensis: (a) Si citiliter retrahere placet, quod Romanus Pontifex facit, & in eum, qui soli Cælo innocentiam debet, os ponere præsumit, &c. Et epistola 30. Eodem spiritu, quo distans & lex prima per Moysen data est, & per Christum secunda, sancta Apostolica Sedes Leges, quas Canones appellamus, dedit, & ipso inspirante exposuit. Si quis igitur Apostolica Sedi, quæ Leges Canonum dedit, in Canonum expositione contrarium semit, non sapit, quicumque est ille, sed desipit, & quia suo spiritu loquitur, non cultor vel expositor Divinæ Legi, sed infidiator vel oppressor indubitanter agnoscitur.

Anno MCXLVIII. A Romano Pontifice Eugenio III. in Concilio Rhe-

(a) Epistola 17.

Rhemenſi hæreſis Gilberti Porretani examinata & proſcripta eſt. In qua cauſa aliqua contigere Pontificiæ infallibilitati apertè faventia. De illa hæc habet Otho Friſingenſis : (a) *Gilbertus cum quâdam die Conventum de ſua Diœceſi Clericorum magnum celebraret, ſermoni, quem fortè gratiâ exhortationis habebat, quædam de fide ſanctiſſimæ Trinitatis inferuit, & a duobus ſuis Archidiaconis Arnolſo & Calone tanquam doctrinam inſtituens contrâ Catholicæ Eccleſiæ normam, ad ſummæ Pontificis Romanæque Sedis examen appellatione mediante vocatur. Fuiſſe verò hanc hæreſin ab Eugenio III. damnatam teſtis eſt Goſfridus in vita S. Bernardi : (b) Ita demum, inquit, Apoſtolico iudicio, & auctoritate univerſalis Eccleſiæ error ille damnatus eſt. Et Goſfredus Monachus Cisterſienſis : Ibidem Dominus Papa auctoritate Apoſtolica de conſenſu totius Eccleſiæ, quæ convenerat, capitula ipſo damnavit, diſtrictè præcipiens, ne eundem librum legere, vel tranſcribere etiam ſic reprobatum quis audeat, niſi priùs Romana Eccleſia eum correxiſſet. Illud quoque in hoc Concilio memoratu dignum contigit, videlicet S. Bernhardum unâ cum Galliæ Episcopis ſceſſiſſe, Symbolum fidei contra Gilberti errores conſcripturum ; quod cum Cardinalibus innotuit, vehementer indignati ſunt, quippe ſolius Romani Pontificis eſſe, Symbolum fidei fidelibus proponere, nec retrò temporibus ullum unquam Symbolum valuiſſe, niſi à Pontifice confirmatum. Eugenius ubi hæc querelas intellexit, facti rationem à Bernhardo expoſcit ; is verò modestiſſimè, ut ſanctum decuit, reſpondit, agnovitque unâ cum Præſulibus Galliis Symbolum fidei concedere ad ſolos Romanos Pontifices pertinere ; ſe verò, quid Eccleſia Gallicana crederet, ſcriptis complexum eſſe, relicta Pontifici auctoritate definiendi. Si ergo ex conſeſſione Galliæ Antitiſtitum, ſolus Pontifex eſt, qui fidei Symbolum condit, nec ullum Symbolum valet, niſi à Pontifice confirmatum ; ſequitur Pontificem in cauſis fidei eſſe infallibilem, quid enim magis ad fidem pertinet, quàm Symbolum fidei ? & quid minus erroris expers eſt, quàm Symbolum fidei ? alioquin tota Eccleſia errare poteſt, quæ id credit, quod Symbolo fidei continetur. Sed præſtat audire acta ex hiſtoria Othonis Friſingani : Hoc Gallicana Eccleſia factum [ Symboli videlicet confeſſionem ] tam graviter ſacer Cardinalium Senatus accepit, ut cum magna indignatione curiam intraret, ac Pontifex ſuo diſcret. . . . . Quid ſic Abbas*

(a) Otho Friſ. de hiſtor. Frid. lib. 1. cap. 46. & 47. (b) Goſfr. in V. S. Bernardi lib. 3. cap. 5.

*Abbas tuus, & cum eo Gallicana Ecclesia? quâ fronte contra Ecclesiæ Romanæ Primatum & apicem se erexit? Hæc enim est sola, quæ claudit, & nemo aperit, aperit, & nemo claudit. Ipsa sola de fide Catholica discutere habens à nullo in hoc singulari honore præjudicium pati potest, sed ecce Galli isti tanquam definitivæ sententiæ ultimam manum apponendo nobis inconsultis fidem suam scribere præsumpserunt. Quin imò juxta Antiquiorum exempla & instituta Romano servaretur examini terminandum. Eugenius, cùm querelas benignè recepisset, ex Divo Bernardo rationem facti exposcit, à quo modestè responsum: Se vel Dominos Episcopos nihil de præfatis Capitulis definisse, sed simpliciter quid sentiret, exposuisse. Quo tam humili, quam modesto responso Cardinalium indignatio quievit, ita tamen, ut præfatum scriptum tanquam inconsultâ Curiâ prolatum, velut Auctoritatis pondere carens pro Symbolo in Ecclesia, quod in Concilijs contra hæreses congregatis fieri solet, non haberetur. Vides hîc iterum, & Divum Bernardum, & Ecclesiam Gallicanam verbis, factisque testari, potestatem condendi Symbolum fidei, tesseramque veræ Religionis penes solum Pontificem Romanum esse, nec ullius Symboli auctoritatem aliquam esse, nisi illo probante, quod ut suprà diximus, certum est Pontificiæ Infallibilitatis argumentum.*

*Anno MCCCII. Celebratum est Viennense Concilium, in quo Petri Joannis hæreses [ tres erant, videlicet, Christum adhuc viventem Lanceâ percussum: animam rationalem non esse formam Corporis: nullasque virtutes supernaturales in Baptismo infundi ] damnatæ sunt, eâdemque occasione Pontificis Romani in rebus fidei decidendis auctoritas insigni testimonio asserta. Sic enim Pontifex in eodem Viennensi Concilio loquitur. Nos igitur Apostolicæ considerationis, ad quam duntaxat hæc declarare pertinet, aciem convertentes &c. Solius ergò Romani Pontificis officium & potestas est, ultimam sententiam in causis fidei proferre, & consequenter illi soli infallibilitas competit, nec Concilium contradixit.*

*Anno MCCCCLXXIX. Sixtus IV. Petri Osmani Professoris Salamanticensis errores damnat. Ji erant, Confessionem non esse sacramentum, sed rem humanâ lege, non divinâ inductam: & Ecclesiam Romanam in hæresin prolabi posse. Sixtus hos errores hæresis notavit. Petrus verò palinodiam canens fidem suam in his verbis expressit: (a) *Consentio sanctæ Matri Ecclesiæ Romanæ, & Sedi Apostolicæ: & ore ac**

*corde*

(a) Vide Raynaldum ad hunc annum, & Constitutiones Sixti IV. in Bullario.

*corde confiteor, illam me fidem tenere, quam Dominus Sixtus Papa auctoritate Apostolicâ & Evangelicâ tenet. & omnes, qui contra hanc fidem venerint, dignos æternâ damnatione pronuntio.*

Anno MDXXI. A Leone X. Pontifice Maximo damnati sunt, quos recens sparserat, ac Germaniæ intulerat, Lutheri errores. Verba Bullæ Leonis circa finem hæc sunt : *Auctoritate Omnipotentis DEI, & Beatorum Apostolorum Petri, & Pauli, & nostrâ præfatos omnes errores tanquam respectivè hæreticos, aut scandalosos, & veritati Catholicæ obviantes damnamus, reprobamus, atque omninò rejicimus; ac pro damnatis, reprobatis, atque rejectis ab omnibus Christi fidelibus haberi debere harum serie declaramus &c.* Notandum verò est, fuisse ab eodem Leone X. Concilium Lateranense, quod Julius II. inchoârat, ad finem perductum; eique tanquam Oecumenico & sacrosancto Ludovicum XI. Galliæ Regem adhæsisse, ut habetur sessione 8. ac etiam Basileenfi ac Pisano Conciliabulis expressis & conceptis verbis renunciâsse. In hoc verò Lateranensi Concilio, quod Rex Galliæ pro legitimo & Oecumenico habuit, superioritas Papæ supra Concilia, ac consequenter infallibilitas in causis fidei sessione decimâ definita, multisque rationibus stabilita est; nec illi recitandæ immorari lubet, cum omnibus sit nota, & in Regali Sacerdotio (a) prolixè exposta.

Anno MDLXXIX. Gregorius XIII. Michaelis Baji Lovanienfis Universitatis Cancellarij septuaginta novem propositiones velut hæreticas damnavit; easque ipse Bajus operâ Francisci Toleti postea Cardinalis recantavit sequenti anno. Quin & Nicolaus Magnienfis ex relatione Toleti addit, dixisse Bajum : *Malle se porcos pascere, quàm ullâ in re Romani Pontificij judicio repugnare.*

Anno MDCLIII. Innocentius X. quinque Jansenij Propositiones hæreticas esse declaravit, atque anathemate inussit. Et quamquam Jansenius morte præventus, damnationi suæ haud supervixerit, certum tamen est ex ijs, quæ scripsit, eum Pontificiæ sententiæ tanquam infallibili acquieturum fuisse; sic enim Tomo 2. sui Augustini l. 1. c. 29. scribit : *Mihi constitutum est, ad extremum usque Spiritum Romanam Duce[m] sequi Ecclesiam, & Beatissimi Petri in Romana Sede successorem. Super illam hanc Petram ædificatam Ecclesiam scio; quicumque cum illo non colligit, spargit, apud eum solam incorrupta Patrum servatur hæreditas; quodcumq[ue] ab ista*

Kkkkk

Petri

(a) Regale Sacerd. lib. 2. §. 5. n. 15.

*Petri Cathedra, ab isto Christi Vicario præscriptum fuerit, teneo. Quidquid improbatum, improbo, damnatum damno; anathematizatum anathematizo. Et libro 10. de gratia: Quidquid de rebus tam multiplicibus, tam arduis, juxta mentem non meam, sed S. Augustini pronuntiavi, de Apostolicæ Sedis, Ecclesiæque Romanæ Matris meæ judicio, sententiæque suspendo; ut eundem jam nunc teneam, si tenendum: revocem, si revocandum: damnem, & anathematizem, si damnandum & anathematizandum esse judicaverit.* En ingenuam Janſenij Professionem! legerat Augustinum totum tredecies, & libros de gratia contra Pelagianos vicelhes; eloquentiâ, ingenio, Theologicis scientijs florebat, & tamen Romano Oraculo hæc omnia submittit: taceo, scribo, revoco, improbo, utcumq; Romæ placuerit: quid amplius loqui poterat, ut Pontificis infallibilitatem satis testaretur? atque utinam Janſenistæ Janſenij sui modestiam imitentur; si enim eum Magistrum agnoscunt, ejusque doctrinam sequuntur, cur rogo, non æquè ejus humilitatem, modestiam, Romanæque Cathedræ observantiam? Cum Janſenio sentitis, esto; sed cur non æquè cum Janſenio paretis? an verò pudet vos ab eo discere virtutem, à quo didicistis errorem? Sed Janſenio imputantur, quæ Janſenij non sunt. Nimirum, cum Pius V. cum Innocentius, cum Alexander & Clemens IX. Pontifices Janſenium damnârunt, innocentem, inauditumque damnârunt, & tam cæci erant, ut, quæ Janſenius scripserat, imò impresserat, non viderent; aut saltem tam improvidi, injustique, ut accusantibus crederent, nec probatâ causâ, nec reo convicto; præsertim cum tam faciliè calumnia notari posset, detegique, si videlicet, qui hæc Janſenium scripsisse dicebant, in Janſenio non ostenderent; quid enim magis obvium, magisq; parabile argumentum, quàm Janſenium accusantibus dicere: *Si hæc Janſenius in libris suis docuit, ergò libros ostendite*: erit aliquis tam ineptæ mentis, qui credat Janſenium à quatuor Pontificibus damnatum, & tamen istorum nulli in memoriam venisse, ut peterent sibi ostendi, ubi hæc Janſenius scripsisset? & demus hoc quatuor Pontificibus excidisse, quid dicemus de tot alijs Doctoribus & Theologis, qui illis assidebant, dum hæc causa examinaretur? nemini illorum res tam obvia, & tamen tam necessaria in mentem venerit? Sed fuerit Janſenius innocens, tantùm errores ipsi damnentur, & cum illo faciliè in gratiam redibimus, quippe ut ostensum est, calamum, doctrinamq; suam Romanæ sententiæ submisit. Cæterum damnatas Janſenij propositiones

in

in illius Augustino reperiri dubitari vix potest. Nam prima damnata propositio totidem ferè verbis habetur l. 3. de statu Nat. lapsæ cap. 13. & l. 4. cap. 24. Secunda propositio habetur lib. 1. de gratia Christi cap. 1. & cap. 24. & cap. 25. Tertia propositio habetur lib. 6. de gratia Christi cap. 6. & cap. 8. Quarta propositio habetur lib. 8. cap. 6. de hæresi Pelagiana, & ibidem cap. 7. & lib. 2. de gratia Christi cap. 12. & 25. & lib. 8. de gratia Christi cap. 3. & 15. & 19. Quinta quod Christus non sit pro omnibus mortuus lib. 3. de gratia Christi cap. 21. & Iulius cap. 20. & l. 8. de hæresi Pelagiana cap. 26. & 31.

Sed quod hanc damnationem Janfenij spectat, illud præcipuè observandum est, non solum fuisse illam ab octoginta quinque Galliæ Episcopis ab Innocentio X. expetitam, summoque plausu exceptam; verum etiam ejus occasione à Gallicanis Episcopis Pontificiam Infallibilitatem enixissimè proclamatam; sic enim in epistola ad Innocentium data Anno 1653. loquuntur: *Majores causas ad Sedem Apostolicam referri solennis Ecclesiæ mos est, quem fides Petri nunquam deficiens perpetuo retineri pro jure suo postulat. Expertæ est nuper Beatitudo tua, quantum Apostolicæ Sedis in profigando gemino errore auctoritas valuerit: continuo sedata est tempestas, atq; ad Christi vocem & imperium mare & venti obedierunt. Quamobrem flugitamus Beatissime Pater, ut clarâ firmâque prolata istarum propositionum sententiâ caliginem omnem discutias; animos fluctuantes componas, dissidia prohibeas, Ecclesiæ tranquillitatem reddas.* Hæc Galli ad Pontificem: sentiebant ergo infallibilem, ejusque sententias ab omni errore exemptas esse; alioquin quomodo caliginem omnem discuterent, animos fluctuantes componerent, dissidia prohiberent; cum semper respondere Adversarij possent, quod modò Galli respondent, cum Romanis imperijs urgentur, videlicet, *Papam falli posse; & idè se ejus definitionibus non teneri.* Aut ergo Galliæ Antistites, tunc cum hæc scribebant, errarunt, aut errant modò, cum primis contraria decernunt; aut quod vero propius est, idem & tunc & modò sentiunt, sed non idem loquuntur; quippe tunc pacati erant, modò indignati, & idè calamo, linguaque infesti, animis licet veritate convictis. Sed audienda est adhuc alia, multoq; ad rem nostram accommodatior Gallorum Antistitum epistola. Sic enim ad Innocentium scribunt, postquam is Janfenij errores damnaverat: (a) *Quo in negotio* [damnatione videlicet

K k k k k 2

pro-

(a) Anno 1653.

propositionum Janſenij] illud obſervatione dignum accidit, ut quemadmodum ad Episcoporum Africæ relationem Innocentius I. Pelagianam hærefin damnavit olim; ſic ad Gallicanorum Episcoporum conſultationem, hærefin Pelagianam ex adverſo oppoſitam Innocentius X. auctoritate ſua proſcripſerit. Enim verò illius vetuſtæ ætatis Eccleſia ſola Cathedræ Petri communionem & auctoritate ſuffulta, quæ in Decretali epiftoſa Innocentij ad Africanos data elucebat, quæque deinde Zozimi altera ad Univerſos Orbis Episcopos ſubſeuta eſt, Pelagianæ hærefis damnationi abſque cunctatione ſubſcripſit. Perſpectum enim habebat, non ſolum ex Chriſti Domini Noſtri pollicitatione Petro facta, ſed etiam ex actis priorum Pontificum, & ex anathematifimis adverſus Apollinarem & Macedonium, nondum ab ulla Synodo Oecumenica damnatos, à Damaso paulò ante factis, judicia pro ſancienda regula fidei à Summis Pontificibus lata ſuper Episcoporum conſultatione [ ſive ſuam in actis ſententiam ponant, ſive omittant ] Divinâ aequè ac ſummâ per Univerſam Eccleſiam auctoritate niti, cui Chriſtiani omnes ex officio ipſius quoque mentis obſequium præſtare ſentimur. Eâ nos quoque ſententiâ ac fide imbuti, Romanæ Eccleſiæ præſentem, quæ in Summo Pontifice Innocentio X. viget, auctoritatem debitâ obſervantiâ colentes Conſtitutionem Divini Numini inſtinctu à Beatitudine Veſtra conditam, nobis quoque traditam, &c. Hæc planè tam manifeſta eſt Pontificiæ Infallibilitatis confeſſio, ut dici, imò nec optari efficacius poſſit: num Galli tunc temporis ſcripturas ignorabant? num eos, quid Concilia, quid Patres docuiſſent, quidve Gallicana Eccleſia ſentiret, latebat? Quæ eſt ergo Galliæ Antiquitatem tam repentina mutatio, ut quod nuper ſub uno Innocentio tam clarè afferebant, nunc ſub altero Innocentio tam enixè repudient?

IX. Denique Anno MDCLXXXVII. Innocentius XI. Pontifex morum ſanctitate, rerum caducarum contemptu, diſciplinæ Eccleſiaſticæ Zelo, propagandæ Catholicæ Religionis ardentifſimo ſtudio, animi magnitudine, etiam Regibus formidandâ, præclarifſimis contra Turcas victorijs, quas immenſâ auri profuſione & ſanctiſſimis apud Principes conſilijs, & continuis lachrimis à DEO impetravit; Pontifex inquam, rerum geſtarum, & animi magnitudine, antiquis illis Pontificibus Leoni, Nicolao, Gregorio, hæreticorum etiam confeſſione, planè ſimilis, & cui parem, à multis retrò ſæculis haud invenies; is, inquam, tantus Pontifex poſt accuratiſſimam, totoq; biennio productam diſcuſſionem, Michaëlis Molinos Hæreſiarchæ pernicioſiſſimos juxtà ſædiſſimosque

errores



errores die 28. Augusti extra Concilium Oecumenicum solâ Apostolicâ auctoritate damnavit. Fuit Michaël Molinos natione Hispanus Arragonensis, Sacerdotis dignitate insignis, tantaque pietatis, quam accuratissimè simulabat, opinione apud plerosque commendatus; ut dirigendis Primatum, ac præsertim nobilium Matronarum conscientijs passim adhiberetur; hinc illi laxandis pascendisque carnis cupiditatibus prona occasio: primò amor, tum error: inter thalamos & amplexus Contemplativam, mysticamque Theologiam docebat; eodemque momento adulterum agebat, Doctoremque: sed hæc intra Cubile, Virginumque aut etiam nuptarum Academias: foris Angulo similis, & ecitales spiranti: crederes Paulum in tertium Cælum altè sublatum: nullæ voces, quàm *de Oratione, sensuum morte, Unione ac quiete cum DEO*. Hinc tam multos infecit, dulci videlicet occultoque veneno; sed cognitâ fraude pœnitentia primùm, tum remedia succelsère. Duos & viginti annos nunquam conscientiam expiavit, nunquam ex Catholico ritu carne abstinuit. Taceo alia memoratu pudenda. Tandem detectus, biennio Romæ intra carceres hæsit, quo tempore ejus erroribus detegendis, confutandisque à præclarissimis Theologis desudatum. Postea publicè coram sacro senatu, Aulaque Româna, ac immensa populi frequentia errores suos recitavit; tantâ omnium execratione ejus doctrinæ capita & obscœnitates auditæ sunt, ut repetitis populi vocibus ad flammam posceretur. Summa errorum hæc fuit. Ut in elemento aëris, ita in anima hominis duas esse Regiones, superiorem & inferiorem, quas Theologi duos Appetitus vocant, Rationalem & sensitivum. Superiorem quod attinet, illic semper serenum & apricum esse oportere; hoc est Unionem cum DEO, ac perpetuum Contemplationis, amorisque solstitium, quale in Terrestri Paradiso fuit. At verò in animæ inferiori Regione turbidum, & tempestates gliscere, iras videlicet concupiscentias, & reliquum passionum humanarum tumultum, neque has curandas esse sistendâve; sed permittendas potiùs explendasque, quippe naturæ innatas, nec magis culpæ obnoxias, quàm naturam ipsam, cujus illæ flores & fructus sint. Quis enim ægrè ferat uvas ex vite nasci, glandes ex quercu, spinas vepresque ex rubo? atqui eandem rationem esse, cum voluptates ex carne leguntur, quippe æquæ naturæ corporeæ congenitas, ac glandes quercui, spinæ vepresque rubo. Imò coercendis voluptatibus illis frustra noxiæque laborem impendi: frustra,

Kkkkk 3

quia

quia morari torrentem nemo potest, maximè cùm plenus est, redundatque. Noxtè verò, quia cùm illis oblectamur, laboramusque sustinendis, unio interim quiesque cum DEO turbatur, quæ ut perennis sit & illæsa, pace potius cum sensibus, quàm bello curandum. Ex generali hac doctrina ad particulares alias propositiones non impias tantùm Molinos, sed obscænas etiam dilabitur, dictu, audituque indignas, adeò, ut cùm illæ ex suggestu legerentur, meritò ignem, ignem, Populus in-  
clamaverit. Eæ inter alias sunt : *Oportere Potentias annihilari, & hanc esse viam internam.* DEUM offendi, cùm aliquis operari aliquid activè conatur, cùm DEUS velit solus in homine operari ; oportere igitur, ut quis se totum DEO deserat, & postea instar mortui & cadaveris se habeat. DEUS vult in nobis operari sine nobis. Anima nihil agendo, & nihil operando ad DEUM redit. Via interna est illa, in qua nec lumen, nec amor, nec resignatio in DEUM cognoscitur. Imò oportet ne quidem ipsum DEUM cognosci, & tunc res bene habet. Anima nec de DEO, nec de Cælo, nec de inferno cogitare aliquid debet. Qui semel DEO voluntatem suam commisit, nihil ampliùs, nec Cælum nec Infernum curare debet, nec perfectionem aut sanctitatem, virtutesque, imò nec salutem propriam optare. Perire à DEO aliquid est imperfectio, sicut & gratias agere. Postquam DEO voluntatem suam commisisti, non ampliùs curandæ sunt tentationes, neque illis resistendum, nisi tantùm negativè, nullaque adhibuit diligentia : & si natura aliquid sentit, permitte, ut sentiat, quia natura est. Oportet, ut in Oratione solam fidem obscuram & universalem habeas, & stes coram DEO ad ipsum amandum, nullum tamen actum eliciendo, nihilque agendo, quia DEUS hujusmodi meritis haud delectatur. Cogitationes quantumvis impuras, & contra DEUM sanctisque, si voluntariè non foveantur, nec etiam positivè repellantur, sed patienter tolerantur, non tantùm non impediunt Orationem, sed eam potius perfectissimam reddunt. Tadium verum spiritualium bonum est, quia eo purgatur amor proprius. Hactenus Molinos, qui alias propositiones adjungit in favorem molitiei, quam exemplis Sanctorum Jobi & Pauli sacrilegè promovere aude : nihil turpius, sed nec magis impium dictu audituque est. Taceo igitur, quæ, nec legi nec scribi possunt sine horrore. Has ergo sacrilegas, obscænasque hæreses Innocentius XI. extra Concilium damnavit, & Ecclesia mox pro damnatis habuit. Porro ex hac tam longa inductione, quàm offensum est, quàm plurimas hæreses à solis Romanis Pontificibus damnatas esse, & Ecclesiam hujusmodi  
damna-

damnationi necessariò acquievissè, adèd ut dubitari ampliùs non potuerit, teste etiam Gallicanà Ecclesià in litteris ad Innocentium X. constat, inquam, Pontificis auctoritatem in rebus fidei decidendis infallibilem esse, omnisque erroris expertem, & quæ contra hanc sequelam objici possent, jam suprà refutavimus. Sic ergo etiam quantum lignum Infallibilitatis Pontificiæ absolvimus.

X. *Quantum signum est, ex praxi Romanæ Ecclesiæ, cujus meminit Berno* (a) *Monachus S. Galli, & postea Abbas Augiensis lib. 2. de rebus ad missum spectantibus, qui habetur in Bibliotheca Patrum. Is refert, in Ecclesia Romana ultra mille annos sub sacrum nunquam Symbolum cantari solitum, præter morem omnium aliarum Ecclesiarum; roganti verò causam Henrico primo Imperatori, Benedictum VIII. respondisse: quia traditio erat, Romanam Ecclesiam in fide errare non posse. Sed Henricus Benedicto persuasit, ut more aliarum Ecclesiarum etiam Romæ Symbolum caneretur. Hæc Berno, qui ut ipse testatur, coram assistebat, auditivque responsum; Me, inquit, coram assistente audiivi Pontificem hujusmodi responsum reddentem, videlicet, quòd Romana Ecclesia non fuisset aliquando ullà hæreseos sæcè infecta, sed secundùm S. Petri doctrinam in soliditate Catholicæ fidei permaneret inconcussa; & idèd magis necessarium esse illis Symbolum sapius cantando frequentare, qui aliquando ullà hæresi potuerunt maculari. Vides in hoc celebri Antiquitatis monumento, quàm antiqua fuerit traditio de Romani Pontificis infallibilitate, videlicet à Christi nativitate, sive potius à tempore Apostolorum usque ad annum circiter 1014. quo credimus hoc colloquium inter Benedictum & Henricum contigisse, dum Romæ essent.*

*Dices, non hic asseri Romanorum Pontificum, sed Romanæ Ecclesiæ infallibilitatem.*

*Resp. Si particularis Romanorum Ecclesia errare non potest, multò magis errare non possunt Romani Pontifices; promissiones enim Christi ad Petrum ejusque successores, non ad Ecclesiam, quæ Romæ est, referuntur; neque enim Christus dixit, se fundaturum Ecclesiam suam supra Romanorum Ecclesiam, sed supra Petrum: neque Christus pro Roma rogavit, ne ejus fides deficeret, sed pro Petro; cur ergo privilegium Petro adimis, quod Christus Petro dedit? & cur Romanæ Urbi confers, quod Christus Romæ non contulit? & quo fundamento Romæ*

(a) Obijt Berno Anno 1049. à Trithemio fides est,

Romæ potius quàm Petro, Petriq̃ue successoribus ? Fac Petrum non Romæ, sed Alexandriæ aut Antiochiæ mortem obiisse; quæro an tunc quoq̃ue Romanorum Ecclesia ab omni hæresi immunis futura esset ? si immunis, quàm ob causam illa potius, quàm aliæ Ecclesiæ particulares ? si non Romana, sed Antiochena, ubi Petrus obierat, suiq̃ue successores reliquerat; ergo infallibilitas & immunitas ab omni errore intuitu Petri & successorum à Christo Ecclesiæ concessa est; prius ergo magisque infallibilis Petrus, ejusq̃ue successores, quàm ipsa Ecclesia, cui Petrus præfedit; & planè cùm DEUS omnia suaviter & accommodatè ad rerum naturas operetur, adèd ut potentiam visivam v. g. oculo, non pedi infuderit, quia oculus magis dispositus est ad videndum, magisque oculo, quàm pedi videre convenit; quis credat DEUM, qui Romanum Pontificem caput & Magistrum Ecclesiæ Romanæ constituit, illum magis errori obnoxium esse voluisse, quàm Ecclesiam; cùm utiq̃ue magis conveniat Caput & Magistrum, quàm membra & discipulos errorum immunes esse, & quid rogo magis rationi adversum, quàm velle, ut erreret, qui docet, non erreret, qui discit ? imò tam fieri non potest, ut errante Magistro non erreret discipulus, quàm ut ductore errante non erreret quoque qui sequitur, quemq̃ue is manu ducit: verbo, *non est discipulus super Magistrum, sed sufficit ei, ut sit sicut Magister*, teste ipso Christo Domino Nostro. Quamquàm nec ullis argumentis opus est, cùm ex Patrum testimonijs suprà citatis satis superq̃ue constet, quid de Infallibilitate Pontificis Romani Ecclesia semper senserit.

## §. II.

Irrefragabilibus Patrum, Doctorum, & Universitatum Galliæ testimonijs Romani Pontificis Infallibilitas probatur.

## SUMMARIA.

1. Perpetuâ annorum serie infallibilitatem Pontificiū Romani universæ Ecclesiæ Gallicanæ persuasam fuisse ostenditur, & primò testimonio S. Irenæi Episcopi Lugdunensis.

2. Edicto Valentiniani III. Imperatoris.

3. Ambro-

3. Auctoritate S. Avisi Episcopi Viennensis.
4. Secundæ Synodi Aurelianensis, & secundæ Turonensis.
5. S. Bonifacij Archiepiscopi Moguntini, Caroli Magni, & Alcuini.
6. Jesse Episcopi Ambianensis, Ludovici Pij Imperatoris, & aliterius Synodi Turonensis, Servati Lupi, & Rheginonis Abbatis Prumiensis.
7. Concilij Trecentis, & Pontigonensis. Hincmari Archiepiscopi Rhemensis.
8. SS. Anselmi, Ivonis Carnotensis, Petri Cluniacensis, Bernardi, & Petri Cellensis postea Episcopi Carnotensis.
9. Concilij Lugdunensis primi & secundi, SS. Thomæ Aquinatis, Bonaventuræ, & Augustini Triumphi.
10. Ex sententia Petri Altiacensis Episcopi, Cameracensis, Concilij Constantiensis, & Florentini, Senonensis, & Melodunensis, ac tandem Parisiensis.
11. Ex litteris Cleri Gallicani ad Innocentium X.
12. Ex thesibus PP. Societatis in Collegio Claremontano, & in Sorbona propugnatis, & præsertim testimonio Petri de Marca Archiepiscopi Parisiensis.
13. Ex assertione ipsius P. Maimburgi in sermonibus impressis.
14. Tandem ex auctoritate & consuetudine antiquissima ipsius Universitatis Parisiensis, & Scholæ Sorbonicæ.

## I.

**S**uperest jam, ut Ecclesiæ Gallicanæ consensum pro eadem Pontificis infallibilitate proferamus, quod methodo nobis familiari & chronologicâ jam probare aggredimur.

Anno CCV. Sanctus Irenæus Episcopus Lugdunensis Martyrio coronatus est. Is lib. 3. contra hæreses cap. 3. ita loquitur: *Ad Romanam Ecclesiam propter potentiorum Principatum necesse est omnes convenire Ecclesias, hoc est, omnes, qui sunt undique fideles, in qua semper ab his, qui sunt undique, conservata est ea, quæ ab Apostolis est, traditio.* At si errare potest, & ideo aliquando erret, non oportebit ad Romanam Ecclesiam omnes fideles convenire, imò potius oportebit ab errante recedere: nec verum erit semper in illa Apostolicam traditionem esse conservatam, nec enim doctrina erronea Apostolicæ traditioni consentanea esse potest.

Nec obstat. S. Irenæum de præterito loqui, non de futuro.

Resp. Ea verba: *Ad Romanam Ecclesiam propter potentiorum Principatum omnes convenire Ecclesias, omne tempus complecti, cùm enim poten-*

tior Principatus Romani Pontificis sit perpetuus, ita quoque necessitas eum conveniendi, quæ in hoc Primatu fundatur, perpetua erit. Et quam rogo ob causam major olim Romanis Pontificibus obaudiendi necessitas fuerit, quàm modò? an olim tantùm hæreses vigeant? an Ecclesiæ retrò tantùm temporibus Magistro & fundamento opus erat? an Privilegium Petro collatum paucis tantùm annis, & non omnibus alligabatur? Auctoritas ergo Cathedræ Petri aut semper, aut nunquàm Infallibilis fuit, cùm omnium temporum eadem sit ratio: par videlicet necessitas Ecclesiæ.

II. Anno CCCCLV. Valentinianus III. Imperator insigne Edictum vulgavit contra S. Hilarij Pictaviensis Episcopi conatus, qui negabat posse Romam à Gallis appellari: quo simul edicto quanta fuerit in veteri Ecclesia Romani Pontificis auctoritas, egregiè exposuit; sic verò habet: *Cùm Sedes Apostolica Primatum S. Petri meritum, & Romanæ dignitatis Civitatis sacræ etiam Synodi firmarit auctoritas, ne quid præter auctoritatem sedis istius illicitum præsumptio attentare nitatur; tunc enim demùm Ecclesiarum pax ubique servabitur, si Rectorem suum agnoscat Universitat. Hæc cùm hactenus fuerint inviolabiliter observata, Hilarius tamen, &c. His talibus contra reverentiam Sedis Apostolicæ admissis per Ordinem Religiosi viri Urbis Papæ cognitione discussis certa in eundem Hilarium lata est sententia; & erat quidem ipsa sententia per Gallias etiam sine Imperiali sanctione valitura. Quid enim Pontificis tanti auctoritate in Ecclesias non liceret? sed nostram quoque præceptionem hæc ratio provocavit, ne ulterius vel Hilario, nec unquam alteri præceptis Romani Pontificis licent obviare, &c. hanc perennî sanctione discernimus, ne quid tam Episcopis Gallicanis, quàm aliarum Provinciarum liceat contra consuetudinem veterem sine Papæ Urbis æternæ auctoritate tentare, sed illis, omnibusque pro lege sit, quidquid sanxit vel sanxerat Apostolica Sedis auctoritas. Si non licet præceptis Romani Pontificis obviare; si quod Papa sancit, omnibus pro lege esse debet, idque veteri consuetudine in Ecclesia præceptum est: sequitur planè Pontificis sententias infallibiles esse, ac primitivam Ecclesiam, hoc est, multò ante quartum sæculum, id semper esse opinatam. Cæterùm causa Hilarij sic habuit. Damnaverat is Chelidonium, & sacris dejecerat, quòd sæcularis adhuc, cùm judicia exerceret, reos aliquot capitis damnasset. Appellavit Leonem primum Chelidonium, suamque innocentiam tam clarè Pontifici probavit, ut Hilarius, qui eum Romam securus fuerat, nihil*

nihil posset opponere : non idè tamen quievit , sed questus est , hujusmodi appellationibus Ecclesiæ Gallicanæ ordinem & statuta turbari : nec permoveri potuit , ut Chelidonio communicaret , imò insulutato Pontifice Romæ evanuit. Gravissimæ sunt Leonis de Hilario querelæ ; pœnivit tamen , & reperitis legationibus veniam à Pontifice rogavit , impetravitque , idque clarissimis verbis auctor ejus vitæ testatus est. Adè nullus sanctus à casu immunis , sed imitantur solem , brevi tantum , nec pertinaci Eclipsi , & post occasum resurgentes.

III. Anno DXXXIII. [ Aut secundum alios DXXVII. ] Obijt sanctus Avitus Episcopus Viennensis *eruditione* , ut loquitur Ado , & *eloquentiâ præcipuus* : hic verò epistolâ 87. ad Hormisdam Pontificem : *Securus non dicam de Viennensi , sed de totius Galliæ devotione polliceor , omnes super statu fidei vestram capere sententiam.*

IV. Anno DXXXVI. Celebrata est secunda Synodus Aurelianensis , in qua triginta Episcopi , qui per se , vel per Vicarios interfuere , ita canone primo loquuntur : *Quæ etiam sanctæ Sedes Apostolica sancta condemnat : similiter & cum suis auctoribus & sectatoribus execrantes præsentis Constitutionis vigore anathematizamus atque damnamus ; rectum atque Apostolicum in Christi nomine ordinem fidei prædicantes.*

Anno DLXX. [ Alij ponunt annum DLXVII. ] Celebrata est secunda Synodus Turonensis , in qua ita Patres loquuntur cap. 21. *Quis Sacerdotum contra Decreta talia , quæ à Sede Apostolica processerunt , agere præsumat ? Sedis Apostolicæ semper sunt aut intrinsecus Auctores , quorum valere possit prædicatio , aut apocryphos facere : & Patres nostri hoc semper custodierunt , quod eorum præceperit auctoritas. Nos ergo sequentes , quos vel Paulus Apostolus , vel Papa Innocentius statuit in canonibus nostris inferentes , &c. Nota antiquæ & Primitivæ Ecclesiæ Gallicanæ morem , & obsequium Pontificijs decretis præstitum : Patres nostri , inquit , hoc semper custodierunt , quod eorum præceperit auctoritas. Et paulò post pro eodem habent parisque auctoritatis : Quod vel Paulus Apostolus , vel Innocentius statuerit ; fieri posset , ut Illustrissimi Galliæ Episcopi Parisijs congregati Innocentij Undecimi repetitis Decretis tam enixe obniterentur , imò ejus auctoritatem tanto conatu exarmatum irent , si Gallicanæ Ecclesiæ doctrinâ imbuti essent ?*

V. Anno DCCLII. Obijt S. Bonifacius Germaniæ Apostolus Martyrio coronatus. Is quæ tunc temporis de Infallibilitate Romani Pontificis

ficis in tota Ecclesia ac præsertim Galliâ sententia fuerit, luculentissimo testimonio ostendit, quo nihil clariùs dici possit, nihilque efficacius; sic enim scribit: *Tantâ reverentiâ apicem Apostolicæ Sedis omnes suscipiunt, ut Sanctorum Canonum disciplinam, & antiquam Christianæ Religionis institutionem magis ab ore Præcessoris ejus, quàm à sacris Paginis & paternis Traditionibus expectent. Illius velle, illius nolle tantùm explorant, ut ad ejus arbitrium suam Conversationem & ipsi remittant, aut intendant.*

Anno DCCXCII. Præsente Carolo Magno, multisque Galliæ Episcopis Ratisbonæ hæresis Felicis Episcopi Urgellitani [ qui Christum Filium DEI adoptivum esse docebat ] auctoritate Adriani I. Pontificis damnata est, de qua ita loquitur Alcuinus lib. 1. contra Elipandum: *Hæc eadem vestri erroris scella Synodali auctoritate Sacerdotum Christi æterni anathemate damnata, imò à beatæ memoriæ Hadriano Papa funditus exterminata est. At funditus exterminata non esset, si objici Hadriano potuisset, eum in rebus fidei decidendis errare posse.*

Anno DCCXCIV. Carolus Magnus cum de eadem Felicis hæresi damnanda ageretur, convocatis Franciæ Episcopis, insigne auctoritati Pontificiæ testimonium dedit, dignumque omnibus Galliæ Ecclesijs inscribi, sic enim loquitur: *Ad Beatissimum Sedis Apostolicæ Pontificem ter quaterque direximus missos, sive cupientes, quid sancta Romana Ecclesia, edocta traditionibus de hac respondere voluisset traditione. Apostolicæ Sedi, & antiquis ab initio nascentis Ecclesiæ, & catholicis traditionibus totâ mentis intentione, totâ cordis alacritate conjungor.*

Anno DCCC. Circiter moritur Alcuinus primus Parisiensis Universitatis Auctor, qui lib. 1. de div. off. c. 19. Religionis, inquit, cultum sic Dominus instituit, ut in Beato Petro principaliter collocaret, atque ab ipso quasi capite dona sua vellet in corpus omne manare.

VI. Anno circiter DCCCIX. Floruit Jesse Ambianensis Episcopus; is in epistola encyclica ad suos hæc habet: *Sequimur Romanæ Ecclesiæ auctoritatem, ut unde Catholicæ fides inuia accepimus, inde exemplaria Salutis nostræ semper accipere debeamus, ne umbra à corpore separaretur suo; ne clariger Regni Cælestis abjiciat, quos à suis diversos intelliget esse doctrinis.*

Anno DCCCXL. Obijt Ludovicus Pius Imperator Caroli Magni filius, cujus sicut & Galliæ ac Germaniæ Episcoporum, quænam de suprema Romani Pontificis auctoritate sententia fuerit, ex ejus Capitularibus in quarto addicamento clarissimum est, sic enim habet: *Omnes*  
Episcopi



Episcopi, qui in quibusdam gravioribus pulsantur, quoties necesse fuerit, Apostolicam appetent Sedem, atque ad eam quasi ad Matrem fugiant, ut ab ea, sicut semper fuit, defendantur & liberentur, cuius dispositioni omnes majores Ecclesiasticas causas, & Episcoporum iudicia, antiqua Apostolorum, eorumque successorum atque Canonum auctoritas reservavit, quoniam culpantur Episcopi, qui aliter erga fratres egerint, quàm ejusdem Sedis Papæ fieri placuerit, Canonibus quippe jubentibus in talibus absque Romano nihil decerni Pontifici, nec ad Concilium vocari debere decernunt.

Anno DCCCXLIX. Celebrata est Synodus Turonensis adversus Ducem Britonum Nomenorium; Is à Carolo Francorum Rege missus Britannię minoris curam susceperat, aut potius tyrannidem, humanis, Divinisque vastatis, & Episcopis pulsis. Id ubi Leo IV. accepit, literas ad Ducem scribit, monetque, ut tyrannide abstineat: sed tantum absuit Britannum corrigi, ut ne Pontificis quidem litteras accipere dignaretur. Id Episcopis Galliæ tam indignum facinus visum est, ut ad Ducem in hæc verba scriberent: *Ad cumulum malorum omnem laesisti Christianitatem, dum Vicarium Beati Petri Apostolicum, cui DEUS dedit Primitum in omni Orbe terrarum, sprevisti. & ne litteras quidem ipsas recepisti; & quia nolebas à malo desinere, timuisti bene monentem audire. In eo igitur laesisti Apostolos, quorum Princeps est Petrus. . . . Et infra: Maximum reatum te contraxisse scimus, quòd Epistolam Sedis Apostolicę respuxisti. Si tantum tamque indignum facinus viginti duo Galliæ Episcopi crediderunt, quòd Dux sæcularis ac Tyrannus, nulloque alio vinculo Pontifici obstrictus, quàm illo communi hominis Christiani, Epistolæ Romanas non admisisset; quid dicerent rogo, & quale crimen judicassent; si Episcopi tot titulis, ac juramento toties Romæ obnoxij, non tantum Pontificis epistolas non acciperent, sed tot etiam modis eas neglectui haberent? & tamen Parisijs id factum.*

Anno DCCCLII. Floruit Servatus Lupus: Is epistola 103. ad Benedictum III. ita scribit: *In quibuscunque ad Religionem vel honestatem spectantibus ambiguitatem creat varietas, ut optima quæque emineant, illic sollicità investigatione credimus recurrendum, unde fidei ubiq; manans exordium.*

Anno DCCCLIX. Rhegino Abbas Monasterij Prumiensis in Chronico ita scribit: *Stultitiæ quidem elogio denotandi, qui illam Petri Sedem aliquo pravo dogmate fallere posse arbitrati sunt, quæ nec se seselest, nec ab aliqua hæresi unquam falli potuit.*

Anno DCCCLXVII. Celebratum est Concilium Trecentè omnium Galliarum Episcoporum, qui ita loquuntur: *Judicium vestre auctoritatis [ Joannem VIII. Summum Pontificem alloquuntur ] quod privilegio Divi Petri & Sedis Apostolicæ in eos, & complices eorum, juxta sacros Canones Spiritu DEI, & totius mundi reverentiâ conservatos, ac secundum sacræ Romanæ Ecclesiæ Prædecessorum vestrorum Decreta protulistis, voto, voce & unanimitate nostrâ gladio Spiritûs Sancti persequimur, scilicet quos excommunicâstis, excommunicamus, quos ab Ecclesia abjecistis, abjicimus, quos anathematizastis, anathematizamus, & quos regulariter satisfaciennes vestra auctoritas & Apostolica Sedes receperit, recipiemus.*

Anno DCCCLXXVI. Celebratum est in Galliis Concilium Pontigonense, in quo Canone primo ita Patres decernunt: *Ut honor Domino, & spirituali Patri nostro Johanni VIII. Universali Papæ ab omnibus conferretur, & quæ secundum sacram suum ministerium Apostolicâ auctoritate decreverit, cum summa veneratione ab omnibus suscipiantur, & debita illis reverentia in omnibus conferretur.*

- Anno DCCCLXXXII. Obijt Hincmarus Archiepiscopus Rhemenfis, qui licet Romæ infestus, non potuit tamen non cedere veritati; sic enim de auctoritate Romani Pontificis loquitur in epistola ad Nicolaum I. *In omnibus dubijs vel obscuris, quæ ad rectæ fidei tenorem, vel pietatis dogmata pertinent, sancta Romana Ecclesia, ut omnium Ecclesiarum Mater & Magistra, nutrix ac doctrix est consulenda, & ejus salutaria monita sunt tenenda; unde quoniam sicut B. Innocentius ad Decentium Eugubinum Episcopum scribit, manifestum est, in omnem Italiam, Gallias, Hispanias, Africam, atque Siciliam, insulasque interjacentes nullam instituisse Ecclesiam, nisi eos, quos Venerabilis Petrus aut ejus successores constituerunt Sacerdotes; oportet hoc sequi, quod Romana tenet Ecclesia, ne dum peregrinis institutionibus studeant, caput institutionum videantur amittere.* Idem in libro de Prædestinatione contra Godescalcum cap. 4. *Sequimur autem, quod Catholica & Apostolica nos docet sancta Romana Ecclesia, quæ in fide nos genuit.* Idem Hincmarus præfatione ad Nicolaum I. PP. *Næque enim fas est, ut absque Vicario DEI, absque Clavigero Cæli, absque curru & auriga spiritualis Israël, absque Universitatis Pontifice, absque singulari Pastore, absque Unico Papa, absque omnium Arbitro aliquid consummetur, aut divulgetur: Tu enim tenes claves David. Tu accepisti claves scientiæ. In arca quippe pectoris tui, arca Testamenti & manna cælestis saporis requiescunt. Tu enim, quod ligas, nemo solvit,*

*solvit, quod solvis, nemo ligas; qui aperis, & nemo claudis, claudis & nemo aperis. Vicem namque in terris possides DEI.*

VIII. Anno MCIX. Moritur S. Anselmus ex Abbate Becceusi ( qui locus est in Normandia Galliæ provincia ) postea Archiepiscopus Cantuariensis libro de Incarnatione Verbi Urbanum II. ita alloquitur : *Quoniam Divina providentia Vestram elegit sanctitatem, cui vitam & fidem Christianam custodiendam, & Ecclesiam regendam committeres, ad nullum alium rectius refertur, si quid contra Catholicam fidem oritur in Ecclesia, ut ejus auctoritate corrigatur; nec ulli alij tutius, si quid contra errorem respondetur, consultur, ut ejus prudentiâ examinetur. Et epistolâ 73. ad Palchalem II. PP. Non timo exilium, non paupertatem, non tormenta, non mortem, quia ad hæc omnia DEO confortante paratum est cor meum, pro Apostolicæ Sedis Obedientia, & matris meæ Ecclesiæ Christi libertate, certitudinem tantum quero, ut sciam absque ambiguitate, quid auctoritate vestra tenere debeam.*

Anno MCXIV. Obijt Ivo Carnotensis. Is epistolâ 8. ad Richerium Senonensem Archiepiscopum : *Dicitur, me Sedem Gaufridi invasisse, in quo contra Sedem Apostolicam caput erigisti, cujus judicij & constitutionibus obviare planè est hæreticæ pravitatis notam incurtere.*

Anno MCXL. Floruit venerabilis Petrus Cluniacensis; is lib. 4. epistolâ 43. ita Innocentium II. alloquitur : *Spiritus Consilij, qui ubi vult spirat, qui per vos Ecclesiæ sue per totum Orbem diffusæ assidue consult.*

Anno MCXL. Sex Galliarum Episcopi ad Innocentium II. epistolam scribunt ( quæ est inter epistolas S. Bernardi 370. ) in hæc verba : *Nulli dubium est, quod ea, quæ Apostolicâ firmanur auctoritate, rata semper existunt, nec alicujus denecps mutari possunt cavillatione, vel invidia depravari; ea propter ad vestram Apostolicam Sedem, &c. Nota in his, eo tempore ne quidem in Gallijs de Pontificis Infallibilitate dubitatum esse.*

Anno MCLIII. Obijt S. Bernardus clarissimum Galliæ & totius Ecclesiæ lumen. Is epistolâ 190. ita Innocentium II. alloquitur. *Oportet ad Vestrum afferri apostolatum pericula quæque & scandalata emergentia in Regno DEI, ea præferri, quæ de fide contingunt. Dignum namque arbitror ibi potissimum refarciri damna fidei, ubi non possit fides sentire defectum; hæc quippe hujus prærogativa Sedis; cui enim alteri aliquando dictum est: ego pro te rogavi, ut non deficiat fides tua?*

Anno MCLXXXVII. Obijt Petrus Cellensis, Episcopus postea Carnotensis, qui epistolâ 3. Romanum Pontificem appellat : *Petrum radicatum & fundatum in montibus Sanctarum auctoritatum, & in medio, ubi*

*Mater Ecclesia nificat, in foraminibus Petrae, & in cavernis maceria: ad voces Rotarum, quae in se habent spiritum vitae, securus sequor, quia facies Leonis praecedit, ne aliquid noceat: facies hominis, ne aliquid decipiat: facies vituli, ne vanitatis aliquid subripiat: facies Aquilae, ne aliquid dubietatis remaneat, vel tarditatis praepediat. Regula veritatis tornavit rotas istas in circuitu, & orbe veritatis aeterna; tanta auctoritatis, ut nullius distioni subjaceat: tanta maturitatis, ut nunquam vultum Despicum deponat; tanta certitudinis, ut nulla mutatio, aut vicissitudinis obumbratio in eam incurrat.*

IX. Anno MCCXLV. Concilium Lugdunense primum, in quo Hos Gallicani Sacerdotij, habitum est. Id verò Pontificum infallibilitatem insigni testimonio his verbis probavit: *Pro humani Redemptione Generis DEI Filius JESUS Christus, ne gregem sui pretio sanguinis redemptum post Resurrectionem ad Patrem absque Pastore desereret, ipsius curam B. Petro [ ut suae stabilitate fidei ceteros in Christiana Religione firmaret, eorumque mentes ad salutis opera suae accenderet devotionis ardore ] commisit.*

Anno MCCLXXIV. Convenit Concilium Lugdunense secundum, in quo iterum infallibilitas Pontificia egregie confirmata, sic enim Patres, quorum praecipua pars Galli, loquuntur: *Fideli ac devotâ confessione profiteamur, quod Spiritus Sanctus aeternaliter ex Patre & Filio tanquam ex uno principio unicâ spiratione procedit. Hoc professi est, hactenus praedicavit & docuit, hoc firmiter tenet & praedicat sacrosancta Romana Ecclesia Mater omnium fidelium & Magistra. In eodem Concilio recepta est à Patribus, communique assensu probata Professio fidei Orthodoxae à Graecis his verbis, quae infallibilitati manifestè suffragantur, expressa: Ipsa quoque sancta Romana Ecclesia summum & plenum Primatum & Principatum super Universam Ecclesiam Catholicam obtinet, quem se ab ipso Domino in B. Petro Apostolorum Principe, sive Vertice, cujus Romanus Pontifex est successor cum potestatis plenitudine, recepisse veraciter, & humiliter recognoscit, & sicut praeceteris fidei veritatem tenetur defendere, sic & si qua de fide subortae fuerint quaestiones, suo debent judicio definiri. Potuitne clariùs, majorique Gallorum consensu Infallibilitas Romana commendari? aut Concilium pateretur privilegium causas fidei decidendi se vidente ad Pontificem Romanum transferri, si crederet illud non Pontifici, sed Concilio datum esse?*

Anno MCCLXXIV. Obijt S. Thomas Aquinas clarissimum totius Ecclesiae ac praesertim Galliae Lumen, atque à vicio adulandi longissimè remotus.

remotus. Hic verò tam sanctus, tam magnus Doctor, & cui Gallia parem non habuit, Pontificiæ infallibilitati omnium clarissimè & frequentissimè suffragatus est. Quodlibeto 10. a. 6. hæc habet: *Magis flandum est sententiæ Papæ [ ad quem pertinet determinare de fide, quam ipse iudicio profert ] quàm quorumlibet sapientum in scripturis opinioni.* Et 2. 2. q. 1. a. 10. Respondeo dicendum, ad illius auctoritatem pertinere editionem Symboli, ad cuius auctoritatem pertinet determinare ea, quæ sunt fidei, ut ab omnibus inconcussâ fide teneantur. Hoc autem pertinet ad auctoritatem Summi Pontificis, ad quem majores & difficiliore Ecclesiæ causæ referuntur, ut dicitur in Decreto distinctione 17. & hujus ratio est, quia una debet esse fides totius Ecclesiæ; quod servari non posset, nisi questio fidei de fide exorta determinetur per eum, qui toti Ecclesiæ præest, ut sic ejus sententia à tota Ecclesiâ firmiter teneatur, & ideo ad solam auctoritatem Summi Pontificis pertinet nova editio Symboli, sicut & alia omnia, quæ pertinent ad totam Ecclesiâ. Et 2. 2. q. 11. a. 2. ad 3. Postquàm autem essent aliqua Ecclesiæ auctoritate determinata, hæreticus esset, si quis tali ordinationi pertinaciter repugnaret, quæ quidem auctoritas principaliter residet in Summo Pontifice, ut dicitur in causa 24. q. 1. Contra cuius auctoritatem, nec Hieronymus, nec Augustinus, nec aliquis Sanctorum Doctorum suam sententiam defendit.

Eodem Anno MCCLXXIV. Obijt S. Bonaventura doctrinâ & sanctitate pari, ac Parisiensis Universitatis Doctor celeberrimus, qui hanc ipsam sententiam docuit de Pontificis Romani infallibilitate in Breviloquio, 6. parte, capite 3. & in iñio expositionis Regulæ S. Francisci easdem hoc argumento confirmat: *Quia alioquin Synagoga felicior fuisset, quàm Ecclesiâ, quia illa habebat unum Summum Pontificem, qui omnes discordias poterat terminare, ut patet ex Deuteronomio capite 17.* Floruit eodem tempore S. Augustinus Triumphus Parisiensis Universitatis Doctor ac Professor, qui pro eadem infallibilitate hæc habet de potestate Ecclesiastica. q. 10. *Si aliqua sunt dubia & obscura in fide, ad Papam pertinet interpretari, & determinare, post cuius determinationem hæreticum esse contrarium pertinaciter asserere.*

Anno MCCCXI. Clemens V. in Concilio Viennensi: *Ad tam præclarum testimonium Apostolicæ Considerationis, ad quam solam horum declaratio pertinet [ agebatur de Petri Olive hæresi ] aciem convertentes &c.*

Anno MCCCXXII. Obijt Petrus Aurelius Doctor Parisiensis, cuius eloquentia, & doctrina elogium ei meruit Doctoris Facundi & Insignis; M m m m m fuitque

fuitque postea Archiepiscopus Aquisgranensis. Hic libro pro Sacra Facultate Parisiensi paginâ 210. hæc habet : *Hæ sunt ambigua illa quæstiones, atque difficiles, quas Summi Pontifices ad se referendas toties edicunt, quarum judicia adimunt Episcopis, qui sine omni, etiam externa lege eas ad primam Sedem referre debuissent, ut ab ea velut à Supremo DEI in Ecclesia docentis Organo edocerentur.* Porro Episcopis qui Patres sunt, Doctoresque Christianorum, is superior Doctor est, qui Pater Patrum, Doctor Doctorum, Episcopus Episcoporum est constitutus, ut quemadmodum ipsos alij audire debent, ita ipsi illum solum Ordinarium Magistrum à DEO sibi præpositum. . . . Quæstiones quippe hæc ambigua, perplexasque, de quibus inter Episcopos nihil constet, & quarum apud omnes judicium vacillet, solius summi Pontificis auctoritate constitui oportere docet Gerson, nec inferiorum Decretis præscribi posse.

Anno MCCCCLI. Clemens VI. Doctor in Sacra Facultate Parisiensi, Senonensis, ac Rhotomagensis Archiepiscopus, ac Sorbonæ Provisor in litteris ad Catholicum Patriarcham Armenorum ( sic vocabant ob amplitudinem Diocesis ) in articulis, quos ipsi credendos, & profitendos proponit ; Articulo 13. hæc habet : *Si credidisti, & adhuc credis Solum Romanum Pontificem in dubijs emergentibus circa fidem Catholicam posse per determinationem authenticam, cui sit inviolabiliter adharendum ; finem imponere, & esse verum, & Catholicum, quidquid ipse auctoritate Clavium sibi creditarum à Christo determinet esse verum, & quod determinas esse falsum, & hæreticum sit censendum.* Raynaldus ad Annum 1351.

X. Anno MCCCCLXXXVII. Petrus Alliacenensis Gallus Doctor & Cancellarius Universitatis Parisiensis, ac postea Cardinalis & Episcopus Cameracensis, ac proinde doctrinâ Ecclesiæ Gallicanæ apprime imbutus, non suo tantum, sed etiam Universitatis nomine Clementem VII. quem Gallia pro vero Pontifice agnoscebat, sic alloquitur : *Ignitur pro vestris humillimis filiis Universitatis prædictæ, & pro nobis eorum nuntiis, qui suis in hac parte obsequimur mandatis, & documentis innitimur, corde & ore unanimiter protestamur, quod quidquid hactenus in hac causa actum est, & quidquid in ea nunc vel aliàs acturi, aut dicturi sumus, correctioni & iudicio Sedis Apostolicæ, & sedentis in ea Summi Pontificis humiliter submittimus, dicentes cum beato Hieronymo : Hæc est fides Pater Beatissime, quam in Ecclesia Catholica didicimus, in qua si minus perire, aut minus cautè aliquid positum est, emendari cupimus à te, qui Petri fidem & sedem tenes. Non ignoramus enim, sed firmiter tenemus, & nullatenus dubitamus, quod sancta*  
Sedes

*Sedes Apostolica est illa cathedra Petri, supra quam fundata est Ecclesia eodem Hieronymo teste, & sicut dixit Cyprianus d. 93. can. qui Cathedram: de qua Sede in Persona Petri Apostoli in ea sedentis dictum est: Petre rogavi pro te, ut non deficiat fides tua. Et in Tract. contra propositionem Joannis de Montefono, quem totius Academiæ Parisiensis nomine Clementi Avenione obtulit, suam, & Academiæ sententiam exponens Conclusionem primam: Ad S. Sedem Apostolicam pertinet auctoritate judiciali suprema, quæ sunt fidei, judicialiter definire, quia de hac S. Sede dictum est; ego pro te rogavi &c. Et Conclusionem septimam: Ad Sedem Apostolicam, Sedentemque in ea Summum Pontificem pertinet causarum hujusmodi (Fidei) suprema Jurisdictio, seu judicialis definitio. Et respondetur ad rationem Montefoni: Definitio Papa, qui est universalis Episcopus, ubique obligat; sed subordinata definitio Episcoporum non sic universaliter obligat, & ideo non dicitur definitio, vel sententia, nisi secundum quid. Observa hic Lector, quænam tunc temporis Ecclesiæ Gallicanæ, & Universitatis Parisiensis de Pontificis auctoritate infallibili mens & sententia fuerit; profectus enim Alliaccensis, se non tantum ex Universitatis mandato hæc proferre, verum etiam juxta ejus doctrinam; id enim significant ea verba: documentis innitimur.*

Anno MCCCCXVIII. Celebrata est sessio quadragesima quinta Concilij Constantiensis, in qua omnibus Concilij Patribus ac præsertim Gallicis præsentibus, qui maximam ejus Synodi partem agebant, Constitutio Martini V. nullo omnino Patrum reclamante, & consequenter nullo non consensiente (quis enim nescit silentium pro consensu esse, quando loqui oporteret) publicis Concilij actis inserta est in hæc verba: Nullus est, à supremo Judice videlicet Apostolica Sede seu Romano Pontifice appellare, aut illius judicium in causis fidei (quæ tanquam majores ad ipsum & Sedem Apostolicam referenda sunt) declinare.

Dices: Reclamasse Johannem Gersonem scripto contra illud Decretum prolixo opere.

Resp. Aliud est Gerson, aliud Patres Concilij Constantiensis; hos ego suffragatos esse illi Constitutioni contendo, isti enim suffragium ferebant, isti partes illius Synodi, & ideo Spiritus Sanctus per istorum ora loquebatur. Gerson privatus tantum Doctor, nec ad Patres

Concilij, de quibus mihi tantum sermo, spectabat. Non enim ideo Concilium invalidum, aut ejus Decreta possunt in dubium revocari, quia aliquis Doctorum in ea declamavit; alioquin quid erit in Concilijs satis tutum & firmum, cum nunquam hisce floribus crabrones defuerint? & quis Gerson, quantavis doctrinâ, ut toti Concilio præponas? præsertim cum metus Schismatis trium Pontificum ambitione excitati, prolarique in longum tempus, Gersonem urgeret Pontificiæ auctoritati in arctum cogendæ? Ergo Zelus magis Gersonem, & cupiditas Ecclesiam quovis modo juvandi, quàm ratio agebant; quæ causâ fuit, ut remedia corripere ipsi morbis pejora, truncato videlicet capite, aut lethali ter saucio, quod corpori mederetur: & verò etiam præcipuos sanctitate ac doctrinâ viros, cum obtentu pietatis & Zeli, privatis sententijs nimium animos laxarent, in errores incidisse ab ijs ipsis postea agnitos, desectosque, exempla Cypriani & Hilarii plus satis ostendunt. Erravit ergo Gerson, nec mihi ejus errores pro exemplis proponi patiar.

Anno MCCCCXLI. Comparuit in Florentino Concilio Legatio Caroli VII. Francorum Regis, ac Concilij Bituricensis, cujus Legationis Princeps Episcopus Meldensis sui Regis, Gallorumque Episcoporum nomine, quæ Basileense Concilium contra supremam Pontificis & Monarchicam auctoritatem decreverat, eam Concilij submittendo, penitus improbavit; admisit verò, seque amplecti professus est, quæ pro eadem Monarchica, supremaque ac omni Concilio superiore potestate Florentinum Concilium statuerat; sicq; Pontificiæ infallibilitati insigne testimonium præbuit, verba Meldensis Episcopi coram sacro, purpuratoque senatu perorantis hæc sunt: *Nimio fervore resistendi Basileenses ad hanc vesaniam devenerunt, quod supremam potestatem in uno supposito consistere negent, sed eam in multitudine (nota; quæso, quo elõgio Gallorum sententiam insigniant, qui supremam de rebus fidei judicandis potestatem non uni supposito, hoc est, Pontifici, sed multitudini, hoc est, Concilio tribuunt, quæ circa in diversa scinditur) collocant, & sic pulcherrimam Monarchiam Ecclesiæ, quæ Christianos hucusq; tenuit in unitate fidei, in una Professione Religionis Christianæ, in uno ritu Sacramentorum, in una observantia mandatorum, in iisdem ceremonijs Divini cultûs, atque pacem, & tranquillitatem asseruit, nunc abolere & suppressere contendunt, nobilissimam politiam ad Democratiâ vel Aristocratiâ redigentes.... & hoc animad-*

VERTENS



vertens præfatus Rex Christianissimus vehementi dolore ingemiscit, ac consulto Prælatorum, & aliorum multorum sapientum regni sui videtur sibi, quod nulum est aptius remedium ad hoc Schisma extirpandum, quàm evellere ac disperdere duas extremitates, ad quod faciendum necessarium est Concilium Generale. Porro Concilium Basileense unam extremitatem nimis exacuit, quando veritatem de suprema potestate in uno extinguere pertentavit. Concilium autem Florentinum bene hanc veritatem lucidavit, ut patet in Decreto Græcorum, sed pro regulando usum hujus potestatis nihil edidit, &c. Amabò te, poterant Galli supremam & Monarchicam Pontificis potestatem, ex qua necessario irreformabilitas, & consequenter Infallibilitas resultat, pluribus & pulchrioribus verbis testatam facere? Poterant apertius enixiusque Basileensis Synodi sententiam detestari, hanc ipsam supremam & irreformabilem potestatem Pontifici adimentis, & transferentis in Concilium? Poterant rotundius, clariusque Florentini Concilij Decreto subscribere, quo hæc ipsa suprema & irreformabilis auctoritas luculentissime asserta est? Quod verò regulari usum hujus potestatis Galli petant, moderata, prudensque postulatio fuit, eo præsertim tempore, quo ambitione luxuque Pontificum discordiæ flagrabant, & ideo Concilium Tridentinum hunc ipsum usum Pontificiæ Potestatis sanctissimis Decretis intra honestum coërcuit. Neque id obstat sententiæ nostræ, qui non de usu aut abusu loquimur, sed de ipsa potestate, quæ cum aut sine abusu esse potest, nec ullus negat posse Romanum Pontificem non tantum à Concilio, sed à quovis Episcopo moneri, dirigi que regulis tantæ moli sustinendæ paribus, quemadmodum id S. Bernardus cum Eugenio fecit: quantò ergo magis id Concilium poterit à Pontifice confirmatum? tunc enim non tam Concilij, quàm Pontificis auctoritas erit.

Anno MDXXVII. Concilium Senonense in Gallijs celebratum est, præside Senonensi Archiepiscopo Galliarum Cancellario. Sexdecim in illo Decreta edita sunt contra Lutheri hæreses, in eorum uno, ubi de auctoritate Sedis Apostolicæ, hæc habentur: *Universos, qui aliter quàm Romana credit, & docet Ecclesia credere & pertinaciter asserere tentant; ejusdem Concilij auctoritate veluti hæreticos & pertinaces à Communione Fidelium declaramus separatos.* Quid rogo est Papam infallibilem esse, si hoc non est?

Anno MDLXXIX. Celebratum est in Gallijs Concilium Melodunense,

M m m m m 3

in quo

in quo ita Patres loquuntur : *Operam dabunt* ij, quibus hac cura deman-  
data est, Episcopi scilicet, & eorum Vicarij, ut in omnibus Synodis omnes  
& singuli tam Clerici, quam Laici amplectantur, & apertâ Professione eam  
fidem pronuntient, quam sancta Romana Ecclesia, Magistra Columna & fir-  
mamentum veritatis proficetur & colit; ad hanc enim propter suam princi-  
palitatem oportet omnes convenire Ecclesius.

Anno MDCXXVI. Peraeta est Synodus Parisiensis, in qua Ecclesia  
Gallicana tam eleganter, diffuseque hanc ipsam infallibilitatem expli-  
cavit, torique Clero commendatam & inculcatam voluit, ut non cre-  
dam vel Romæ, in ipsoque Pontificis sacrario id aliquandò luculen-  
tius factum esse. Sic enim articulo 137, loquitur sub hoc Titulo:  
*Advis de l'Assemblée generale du Clergé de France à Messieurs les Archevêques  
& Evêques de ce Royaume.* Hoc est. Monita Conventûs Generalis Cleri  
Gallicani ad Dominos Archiepiscopos & Episcopos hujus Regni. La-  
tinè reddam, quidquid illic Gallicè habetur: Nulîum majus argumentum  
veri erga DEUM amoris exhiberi à nobis potest, quam si debitâ veneratione  
eos prosequamur, quos ipse ad necessitates, animâque nostras curandas Vic-  
rios, Legatôsque suos constituit. Id verò cùm præcipue atque ante omnes Ep-  
iscopos Romano Pontifici conveniat, æquum omnino est, ut iisdem Episcopi &  
se Pontifici subjectos agnoscant, & alijs omnibus eximie in illum venerationis  
ac reverentiæ exemplum præferant. Hortamur igitur Episcopos omnes, ut sa-  
cræ Apostolicæ Sedem, Romanâque Ecclesiam, utpote in DEI sponcione in-  
fallibilis, & Apostolorum ac Martyrum sanguine fundatam, omniumque Eccle-  
siarum Matrem omni honore, cultûque prosequantur. Ipsa enim, ut cum Beato  
Athanasio loquamur, est sacrum illud Caput, à quo in omnes Ecclesias velut  
in solidem membra omnis spiritus diffunditur, quo nutriuntur ac conservantur,  
Sanctissimum quoque Patrem & Pontificem nostrum, quippe Ecclesia Universalis  
Caput visibile; Deique in terris Vicarium, Episcopum Episcoporum, & Patriar-  
cham Patriarcharum honore afficiens, is enim successer est Petri, à quo om-  
nis Episcopus initium atque Originem duxit, & super quem Christus JESUS  
Ecclesiam suam fundavit, quando illi Claves Regni Cælorum, atque Donum  
infallibilitatis (NB.) in causis fidei reliquit: quam fidem non sine ingemî  
miraculo durare in ejus successoribus immobilem illibatamque videmus; unde  
ingens illa, in Romanorum Pontificum Decretis, mandatique amplectendû apud  
omnes fideles & Orthodoxos observantia profecta est. Hac verò, ut nihil de-  
trimenti capiat, Episcoporum munus erit, curabuntque eorum improbitatem  
coerceri, qui obsequij omnis, legûmque impatientes, sacram hanc tot Divinis  
burna-

*humanisque legibus sancitam auctoritatem revocare in dubium, cassamque reddere conantur: utque alios efficacius ad id permoveant, primi ipsi exemplo præbunt, &c. &c.*

XI. Anno MDCL. Clerus Gallicanus in Comitijs Generalibus, epistola ad Innocentium X. ita scribit. *Scimus ubi Caput Ecclesiæ, ibi totius fidei arcem, totius & disciplina Metropolim esse. V. aliud testimonium Gal-lorum in Regali Sacerdotio. f. 687. Edit. 1693.*

Anno MDCLIII. Galliæ Episcopi Octoginta quinque, litteras ad Innocentium X. dedere, quibus Janfenij propositiones damnari petebant, simulque Pontificiam infallibilitatem insigni testimonio confirmarunt. Verba eorum sunt. *Majores causas ad Sedem Apostolicam referri solemnis Ecclesiæ mos est, quem fides Petri nunquam deficiens perpetuo retineri pro jure suo postulat. Decennium est, ex quo gravissimis turbis Gallia magno nostro dolore commovetur ob librum posthumum & doctrinam Reverendi Cornelij Janfenij Iprensis Episcopi. Tales quidem motus sedari oportebat, tum Concilij Tridentini auctoritate, tum Bullæ illius, quam Urbanus VII. adversus Janfenij dogmata pronuntiavit, & Decreta Pij V. ac Gregorij XIII. in Bæ-jum edita confirmavit. Atque hujus quidem Bullæ veritatem ac robur novo diplomate vendicâssî, sed quia nulli sigillatim propositioni certa Censuræ notâ inusta fuit; locus etiamnum aliquis quorundam cavillis & effugio relictus est. Intercludendum autem penitus speramus, si ut precamur sanctitas Tua, quid hac in re sentiendum sit, clarè distincteque definias. Experta est nuper Beati-tudo Tua, quantum Apostolicæ Sedis in gemino errore profligando Ecclesiæ Ca-pitis valuerit auctoritas: continuò sedata est tempestas, atq; ad Christi vocem & imperium venti & mare obedierunt. Quamobrem flagitamus Beatissime Pater, ut clarâ, firmâque de propositionum istarum sensu prolata sententiâ, cui Reverendus ipse Janfenius morti proximus opus suum subjecit, caliginem om-nem discutias, animos fluctuantes componas, dissidia prohibeas, Ecclesiæ tran-quillitatem restituas, &c. En Galliæ Præfules fatentur: In Sede Apostolica fidem Petri nunquam deficere: Summi Pontificis è cathedra pronuntiantis De-creta hujusmodi esse, ut omnibus cavillis & effugijs locum penitus interclu-dant: esse vocem & imperium Christi: illis ventos & mare obedire: illis omnem caliginem discuti, animos fluctuantes componi, dissidia prohiberi, &c. Planè evidens omnino est, hæc elogia tam seriò ac meditatò, nec ab adulantibus, sed ab Episcopis, repetita, constare non posse, nisi admissâ infallibilitate. Quomodo enim sententia Pontificis est vox Christi, si erronea? an vox Christi errori est obnoxia? quomodo dissi-dia omnia & animos fluctuantes componit, si dubia & incerta?*

Quâ ratione dici potest, illi *ventos & mare obedire*, si fideles in causis fidei non tenentur ante Concilium Oecumenicum imperanti, & decidenti acquiescere? an verò major in Romanum Pontificem ventis & mari, quàm Gallis Obedientia, ut cui venti & mare obediunt, obtemperare Galli non teneantur, majorque istis, quàm duobus illis nunquàm sibi constantibus elementis sit adversandi licentia? Denique qui fieri potest, ut fides Petri nunquàm in Sede Apostolica defecerit; si Sedes & Cathedra Apostolica in causis fidei decidendis errare & falli potest, imò aliquando erravit? Agnoverunt ergo Galli, alteque professi sunt Pontificiam infallibilitatem.

Eodem Anno MDCLIII. Galliæ Antistites Lutetiæ congregati numero triginta præeunte Cardinali Mazarino clarissimè hanc ipsam infallibilitatem & agnoverunt, & scriptis consignarunt. Idque sub Innocentio X. hoc est, sub Pontifice Gallis haud quaquàm grato, & cujus electioni, ut notum est, palàm adversati sunt, adeò, ut Antonius Barberinus gratiâ excideret, quòd electionem promovisset. Mazarini quoque Cardinalis cum Aula Romana & Pontifice dissidia notiora sunt, quàm ut commemorari debeant, & tamen eo tempore, sub eoque Pontifice, cui Galli palàm offensi erant, præporuit veritas indignationi, & præclarissimum testimonium etiam ab iratis expressit. Sic ergo in litteris ad Innocentium X. datis, postquam Jansenij propositiones damnaverat; Galliæ Antistites decimâ nonâ Julij inter alia scripsere; *Quo in negotio illud observatione dignum accidit, ut quemadmodum ad Episcoporum Africa relationem Innocentius I. hæresin Pelagianam damnavit olim; sic ad Gallicanorum Episcoporum consultationem hæresin ex adverso Pelagiana oppositam Innocentius X. auctoritate suâ proscripserit. Enim verò vetusta illius ætatis Ecclesia solâ cathedrâ Petri communione, & auctoritate sulta Pelagianæ hæresis damnationi absque cunctatione subscripsit. Perspectum enim habebat, non solum ex pollicitatione Christi Petro facta, sed etiam ex actis priorum Pontificum, & ex anathematismis adversus Apollinarem & Macedonium nondum ab ulla Synodo Oecumenica damnatos, à Damaso paulò ante jactis, judicia pro sancienda Regula fidei à Summis Pontificibus lata super Episcoporum consultatione [sive suam in actis Relationis sententiam ponant, sive omittant] Divinâ aequè ac summâ per Universam Ecclesiam auctoritate niti, cui Christiani omnes ex officio ipsius quoque mentis obsequium præstare tenentur. Eâ nos quoque sententiâ ac fide imbuti Romanæ Ecclesiæ præsentem, quæ in Summo Pontifice*

*Pontifice Innocentio X. viget, auctoritatem, &c.* Circa hanc Gallorum Præsulum epistolam observanda sunt aliqua, Primò. Gallicanos Antistites hisce litteris Pontificiam Infallibilitatem apertissimè professos esse, cum enim dicunt: *Sententiâ Innocentij hæresin Jansenianam proscriptam esse; omniûque Pontificum Romanorum sententias pro sancienda regula fidei summâ Divinâque per Universam Ecclesiam auctoritate nisi, eique omnes Christianos ex officio ipsius mentis obsequium præstare teneri.* Planè nihil aliud dicunt, quàm Pontificem in sancienda Regula fidei auctoritatis esse infallibilis: Auctoritas enim fallibilis, non est Divina, non est suprema [cum corrigi ab alia majori auctoritate possit] non est Regula fidei, nec illi omnes Christiani mentis obsequium præstare tenentur, alioquin omnes Christiani, & consequenter etiam tota Ecclesia errare posset. Secundò fatentur iisdem Gallicani Patres, sententias Pontificum non idèò esse certas, quia Ecclesia illas recipit; sed potius Ecclesiam teneri eas recipere, idque quia sanciant regulam fidei, & quia supremâ ac Divinâ auctoritate nituntur, sicque antecederet ad Ecclesiæ consensum, certas & infallibiles esse. Tertiò. Docent quoque contra Maimburgi anilem exoletamque cantilenam, hanc de Pontificis Romani infallibilitate sententiam, non esse novam, recensque in scholis natam; ut ille comminiscitur; sed jam, à tempore Damasi Papæ Apollinarem damnantis [id verò contigit anno Christi 373.] in veteri Ecclesia receptam, imò à sponsione Christi Petro factâ. Quid posset rogo efficacius dici? tamen Maimburgus hæc omnia silentio tegit ignoranti similis.

XII. Anno MDCLX. Patres Societatis Collegij Claremontani publice theses proposuere, quibus Infallibilitatem Summi Pontificis, non tantum in quæstionibus juris, sed etiam in quæstionibus facti defendendas suscepere. Thesis ita sonat: *Christum ita Caput Ecclesiæ agnoscimus, ut illius regimen, dum in Cælos abiit, primum Petro, tum deinde successoribus commiserit, & eandem, quam habebat ipse Infallibilitatem concesserit, quoties ex Cathedra loquerentur.* Datur ergo in Ecclesia Romana Controversiarum fidei Iudex infallibilis etiam extra Concilium generale, tum in quæstionibus juris, tum facti; unde post Innocentij X. & Alexandri VII. constitutiones credi potest librum, cui titulus: *Augustinus Jansenij, esse hæreticum, & quinque ex eo propositiones decerptas esse Jansenij, & in sensu Jansenij damnatas.* Sic paucos ante annos Patres Societatis sentiebant, scribebantque, nec præsumi de illis potest tam prudentibus, tamque

Nnnnn

cicum-

circumspectis, voluisse Parisijs propositionem tueri, quam doctrinæ Gallicanæ adversam crederent.

*Dices.* At Patres Societatis jam mutarunt sententiam.

*Resp.* Non tam mihi curæ esse, quid jam in Gallijs sentiat, quàm quid olim senserit Ecclesia Gallicana; neque enim decet, ut novi recentesque antiquis præferantur, præsertim cum tam multa jam in Gallijs contigerint, quæ aut prodere veritatem, aut celare compulerint. Cur eo tempore Galliam interrogas, cum loqui non finitur? interroga liberam, pænisque ac metu solutam, qualis videlicet fuit tot retrò elapsis sæculis. Patres Societatis, quod attinet, non in Gallijs tantum, sed toto terrarum Orbe Infallibilitati subscripsisse aded notum est, ut nullâ probatione indigeat. Post Regiam verò declarationem certum est, Patres Societatis nunquam induci potuisse, ut contra Infallibilitatem Pontificiam aliquid docerent, licet id Regio edicto caveretur. Quod verò siluerint, nec calamum pro Pontifice intrinxerint; id fortè temporis datum, expectatumque, dum torrens laberetur, & morâ periculum vanesceret, nam & lusciniæ cantum hyeme abrumpunt, vernis solibus repetituræ; æstatem ergo Societas expectat hyemi successuram, & tunc canet.

*Eodem Anno MDCLX.* Die nonâ Decembris Sorbona eandem infallibilitatem in publica Disputatione defendit hujusmodi propositâ Thesi: *Romanus Pontifex Controversiarum Ecclesiasticarum constitutus est Index à Christo, qui ejus definitionibus indeficientem fidem promissit.* Ita testatur de Marca nominatus Parisiensis Archiepiscopus mox citandus.

*Anno MDCLXI.* In Regia Societate Navarrica Vincentius de Meur, Præfide Episcopo Tutelleni Ludovico de Huron publicas theses defendit, in quibus fol. 8. hæc habentur: *Summi Pontificis ex Cathedra desinentis Decreta non tam ut hominum inventa, quàm ut Cæli Oracula suscipienda sunt &c.*

*Anno MDCLXII.* Petrus de Marca nominatus Archiepiscopus Parisiensis in observationibus supra dictas theses Claremontanas (quas ultimum ejus opus fuisse doctissimus Baluzius testatur) numero 22. 31. & 34. ita scribit: *Hæc opinio (quæ videlicet Infallibilitatem Pontifici Romano asserit) est illa, quam unice Hispania, Italia, aliæque omnes Christianitatis Provinciæ docent; ita ut illa, quam sententiam Parisiensium Doctorum vocant, ad classem earum opinionum revocanda sit, quæ solum tollantur. . . . Auctoritas infallibilem sententiam in causis fidei pronun-*  
sians

viandi est Romanis Pontificibus omnium Universitatum consensu acquisita, exceptâ tamen antiquâ Sorbonâ. Imò hoc quoque tempore hanc de infallibilitate Pontificis sententiam in ipsa Sorbona doceri videmus; nam duodecimâ mensis Decembris anno 1660. in Sorbona publicè hæc thesis defensa est, videlicet, Romanus Pontifex Controversiarum Ecclesiasticarum est constitutus Iudex à Christo, qui ejus definitionibus indeficientem fidem promissit. Eandem thesin in Universitate Navarrica septimâ Decembris propugnâtam scimus. Et infra, numero 34. circa finem de Doctoribus Galliæ: Pars major non solum Theologiæ, sed etiam Juris Doctorum communi opinioni adhæret, utporè fundamentis nixæ soluti difficillimis; ridetque antiquæ Sorbonæ opiniones. Vides Doctissimum hunc Virum fateri, sententiam de Infallibilitate Pontificis esse omnium Universitatum Christianitatis, imò omnium ferè Doctorum Universitatis Parisiensis, exceptâ antiquâ Sorbonâ, imò hujus opinionem à reliquis rideri. Ut verò intelligas, quid nomine *Antiquæ Sorbonæ* de Marca intelligat; sciendum est, Collegium Sorbonicum fuisse à quodam Roberto Sorbon (qui sancto Ludovico Regi à sacris confessionibus & eleemosynis erat) anno 1253. fundatum; quo tempore in Ecclesia Gallicana sententiam de Romani Pontificis infallibilitate viguisse jam suprà monstratum est. Sequenti postea sæculo hoc est anno 1373. inflammari cœpit diuturnum illud, & obstinatum Schisma, quo nihil funestius Ecclesiæ: & quia nulla in Pontificibus spes erat illius extinguendi, imò istorum ambitione magis magisque accendebatur; cogitatum fuit de inducenda majori aliqua auctoritate, cui Pontifices obtemperare tenerentur: ea verò à Gersone, Almaino, aliisque paucis in Concilium collata est; id enim opportunum credebant evertendis in futurum Schismatibus, si videlicet aliqua in Ecclesia potestas esset, quam etiam ipsi Pontifices revereri tenerentur. Verus ergo Sorbona tempore Constantiensis & Basileensis Conciliorum vigeat, constabatque ut dixi Gersone, Almaino, istorumque discipulis. Imò si quando inter Pontifices, Regesque Galliæ dissidium aliquod oriretur; mox in Parisiensi Universitate ab aliquo Doctorum hæc Gersonis machæra exprimebatur terrendo Pontifici; ita sub Sixto V. sub Julio II. & Alexandro VII. factum est. Hæc ergo est Verus Sorbona, quam à plerisque Theologiæ & Juris in Gallia Doctoribus irritam esse Marca restatur: nam alioquin Universitatem Parisiensem pro infallibili auctoritate Pontificis sterisse paulò post ostendemus.

XIII. Anno denique MDCLXXI. Editi sunt in lucem Gallico idiomate Maimburgi sermones ; in quorum uno secundâ Quadragesimæ hebdomadâ , die Martis pro hac ipsâ Infallibilitate ita loquitur : *Obligamur sub pœna æternæ damnationis nos submittere Decisionibus Cathedræ S. Petri ; tuncque naufragium fidei patimur , cùm doctrinæ amplectimur ab hac Cathedrâ damnatas , rejectâsque. Frustrâ verò , qui hanc submissionem non habet , protestatur se Cathedrâ Petri pro prima , præcipuâque habere , ac fidei ab Ecclesia , à Patribus , Concilijsque traditæ adharere. Hæc Maimburgus è suggestu. Ignorabat enim tunc temporis , quid Ecclesia Gallicana sentiret , non Patres , non Concilia , non scripturas legerat , quæ modò contra Pontificem tam clara esse contendit. Ergo cùm è cathedrâ diceret , licet tot annis in Societate studijsque exegisset , rudis tamen erat , indoctusque , ac recens ex ovo lapsus ; & tunc modò aliquid sapere , & Theologus esse cœpit , cùm Pontifici irascebatur , cùm aulam , Regemque captabat , ac præmia ostendebantur adulationi parata ; ergo tunc primum veritatem agnovit , cùm cœpit Romam odisse. Amabò te quisquis hæc legis , animo tecum reputa , an fieri potuisset , ut Maimburgus Parisijs , ac de suggestu , totaque Galliâ audiente sententiam proponeret doctrinæ Cleri Gallicani adversam ? imò totam Gallicanam Ecclesiam æternæ damnationi addiceret ? cui obnoxium esse dicit , quisquis Pontificem infallibilem esse non credit , quoties è Cathedrâ pronuntiat.*

Anno MDCL. Prodiit historia Ecclesiastica in 3. sæculum Alexandri Natalis [ aliàs infensissimi Romanæ Sedi ] in Theologica facultate Parisiensi Doctoris , cum approbatione ejusdem Facultatis. Hic in Dissertat. 12. a. 4. ita loquitur circa fidem : *Denique si res fidei visa esset [ anabaptismus Cypriani ] non fuisset necessarium universæ Ecclesiæ Concilium , ut inexcusabiles essent Africani , qui hæreticos rebaptizabant : siquidem non excusantur , qui errorem circa fidem à Sede Apostolica damnatam pertinaciter propugnant , etiam ante Concilij Oecumenici celebrationem , ut in causa Pelagianorum visum est , quibus spem Concilij generalis adimit Augustinus. Ita loquebatur Alexander cùm sanus esset ; postea cum morbo mutavit vocem.*

Et hætenus quidem longâ & perpetuâ annorum serie à temporibus sancti Irenæi Episcopi Lugdunensis usque ad præsentem ætatem ostendimus , perpetuam in Ecclesia Gallicana Traditionem fuisse de Pontificis Romani suprema & infallibili auctoritate , quoties in causis  
fidei



fidei sententiam dicit. Tantoque certior hæc traditio evadit, quòd omni testimoniorum genere à nobis probata sit, Regum videlicet, Doctorum, Episcoporum, Conciliorum Universalium, Universitatum, ac præcipuè totius Cleri Gallicani idipsum non semel tantum, sed repetitis vicibus protestantis. Qua in re illud semper advertas licet, quantum nostra traditio differat à Maimburgi traditionibus. Hic enim in tractatu, quem impugnamus, sibi proposuerat, imò solito more magnificè lectori sponderat; se ostensurum, perpetuam, constantemque in Ecclesia Romana traditionem fuisse, posse in rebus fidei decidendis Pontificem errare: inchoatque hanc traditionem à Leone Primo (qui sæculo quarto obiit) & prolato ejus testimonio, mox transit ad Leonem X. qui sæculo decimo quinto Ecclesiam gubernavit. Egregiam enim verò traditionem, mille tantum & centum annorum spatijs interruptam! At nos tam in superiori, quàm in præsentì paragrapho de sæculo ad sæculum testimonijs omni exceptione majoribus ostendimus, tam Ecclesiæ Universalì, quàm etiam in specie Ecclesiæ Gallicanæ Pontificiam infallibilitatem persuasam fuisse.

XIV. Ut verò tantò perfectior sit hæc Demonstratio, ostendendum est, etiam Universitatem Parisiensem pro Pontifice semper stetisse.

Id verò multis modis, evidentèrque probari potest. Nam *Primò*. Certum est, Universitatem Parisiensem nunquàm doctrinam tradituram esse, quam sciret doctrinæ omnium Patrum, ac ipsius Gallicanæ Ecclesiæ adversam esse: at adversa est, quæ dicit, Papam cum è Cathedra pronuntiat, errare, fallique posse, ut suprà ostendimus. *Secundò*. Præcipui hujus Universitatis, ac celebratissimi Doctores, à quorum vestigijs alij minorisque nominis nunquàm deflexerint, infallibilitatem admiserunt. Ij sunt Alcuinus Caroli Magni Præceptor, & primus Parisiensis Universitatis Auctor, Albertus Magnus, S. Thomas, S. Bonaventura à nobis suprà citati. Quis credat à tam præclaris Doctoribus, & quibus majores Gallia non habuit, voluisse Universitatem Parisiensem deviare? *Tertio*. Longà consuetudine in Parisiensi Universitate receptum est, ut quicumque in hac Universitate ad primos gradus promoventur, hanc ipsam infallibilitatem profiteantur. De hac consuetudine Andreas Duvallius Doctor Sorbonicus, & in Academia Parisiensi Regius Theologiæ Professor testis omni exceptione major in suo tractatu de potestate Ecclesiastica, quem in lucem edidit Anno 1694. quemq; duo

alii Parisienses Doctores Jo. J. G. Bocher, & J. Ruhe approbârunt, ita loquitur : *Laudabilis in Academia Parisiensi viget consuetudo, quâ Baccalarii de questionibus Theologicis solemniter responsuri protestationem præmittunt, se nolle quidquam contra Decreta sanctæ Matris Ecclesiæ, nec non sanctæ Sedis Apostolica & Romanæ asserere, aut defendere, & si quid adversus ejus Decreta in æstu disputationis illis exciderit, vel ignorantia, vel immemoria, vel lingue precipitantia attribuendum velle.* Quartò. Gravissimi in Gallia Doctores, testesque oculati hanc ipsam esse Universitatis Parisiensis mentem ac sententiam aperte consentunt; proinde Marçæ Archiepiscopi Tholosani testimonium jam supra recitavimus. Theophilus Raynaudus, & ipse Gallus in opusculo, cui titulus : *αὐτὸς ἔφα*, allegatis quàmplurimis ex schola Parisiensi Doctoribus : Quatquos, inquit, ante Concilium Constantiense floruerunt, possent omnes Theologi produci; nam non nisi à tempore Concilij Constantiensis & Basileensis revocata est in controversiam hæc veritas apud Catholicos; sed omnes anteriores unanimiter docuerunt, Definitiones Pontificias etiam absque Concilio Generali editas facere rem de fide. Josephus quoque Gibalinus lib. 5. de jure Canonico cap. 3. §. 15. ex professo tuetur, lateque demonstrat, hanc esse & fuisse semper doctrinam scholæ Theologicæ Parisiensis, tam in definitionibus & censuris editis ab ipsa in unum congregata, quàm in scriptis singulorum ipsius Universitatis Doctorum. Pater Augustinus à Virgine Maria Carmelica Gallus Provinciæ Turonensis in anno tertio cursûs Theologici tract. de fide dist. 10. Præter paucos jam citatos Doctores hucusque alios ex illa Facultate probatos Auctores non habemus, qui typis defendant sententiam nostræ oppositam. Quintò. Sed nemo magis quàm ipsa Parisiensis Universitas mentem suam explicaverit.

Anno MCCCCLXXVII. Sic per Petrum Alliaccensem Universitatis Cancellarium Clementem VI. alloquitur : *Emendari à te cupimus, qui Petri Sedem, & fidem tenes, non ignoramus enim, sed firmissimè tenemus, & nullatenus dubitamus, quod sancta Sedes Apostolica est illa Cathedra Petri, super quam Hieronymo teste Ecclesia est fundata, de qua Sede in persona Petri Apostoli in ea sedentis dictum est. Petre rogavi pro te, ut non deficiat fides tua: hæc est igitur, ad quam determinatio fidei & approbatio Veritatis Catholice, ac hæreticæ impietatis detestatio maximè pertinet. Eadem Universitas Anno 1554. Omnes, inquit, & singuli Obedientiæ filij ipsum Romanum Pontificem ut summum & Universalem Christi JESU Vicarium &*  
*Univer-*

Universalem Ecclesiæ Pastorem, cui plenitudo potestatis à Christo data est, cui omnes utriusque sexus obedire, cujus Decreta pro se quisque tueri, & conservare tenetur, ut semper agnoverunt, & confessi sunt. Hæc clara sunt: si enim Pontificum Decreta tanquam errori subiecta, corrigi à Concilio, ac reformari possent; ergo plenitudo potestatis non jam Pontifici, sed Concilio data esset. Et si errare Pontifices possent, ac consequenter aliquando de facto errent; Christi fideles non utique tenebuntur Pontificijs Decretis fidem adhibere; si enim Innocentius X. jubeat, ut propositiones Jansenij pro hæreticis habeam, & illæ hæreticæ non sint; quæ rogo vel in cœlis, vel in terris potestas est, quæ imperare mihi possit, ut fidem mendacio, aut errori habeam? Eadem Universitas adversus errores Johannis de Montefono hunc articulum statuit: *Ad sanctam Apostolicam Sedem pertinet auctoritate judiciali supremâ circa ea, quæ sunt fidei, judicialiter definire.* Videri potest hic articulus apud Duvallium Doctorem & Professore Sorbonicum. *Tract. de Romano Pontifice p. 2. fol. 766. Sexto.* Denique eandem Universitatem Parisiensem Infalibilitati Pontificiæ subscribere ex præcipuis ejusdem Universitatis Doctoribus patet, qui eandem sententiam docuere. Ij sunt S. Albertus Magnus, S. Thomas, S. Bonaventura locis suprâ citatis. Dominicus de Raconis Doctor Sorbonicus & Episcopus Vaurensis de *suprema Petri potestate* Sectione 1. cap. 5. fol. 249. Nicolaus Cœstrellus Doctor Parisiensis & Episcopus Massiliensis opere de *sacra Monarchia* lib. 2. cap. 5. Michaël Nauclerus Doctor Sorbonicus de *Monarchia* lib. 8. cap. 6. p. 4. Ludovicus Bail Doctor Parisiensis & Propœnitentiarius. Edmundus Richerius Doctor Theologus, qui cùm multa contra auctoritatem Pontificiam scripisset, tandem uno ante obitum anno scriptorum pœnitens Sedem Apostolicam Matrem & Magistram omnium Ecclesiarum, & infallibilem Veritatis judicem agnovit, & professus est teste Duvallio initio sui operis de Pontificis potestate, ubi Richerij chirographum exhibet. Andreas Duvallius Doctor Sorbonicus & Professor in Parisiensi Universitate opere de *suprema Pontificis Potestate præsertim part. 2.* Johannes de Arti Regius Professor *Tractatu de Beneficijs* cap. 3. Petrus de Marca Archiepiscopus Tolosanus locis paulò antè notatis. Henriens Spondanus Apamearum Episcopus, ad annum Christi 33. n. 5. Johannes à Ce-laia Doctor Parisiensis in 3. *sentent. dist. 25. p. 4.* Johannes Puteanus Professor Regius in Academia Tolosana in 2. 2. s. Th. q. 1. a. 6.

Leonardus

Leonardus Coquæus in Universitate Parisiensi Doctor Theologus in Antimornæo *Tomo 1. fol. 83.* Herveus Armoricus, Henricus Gandavensis, alijque, quorum nomina apud alios reperies.

Ex hæcenus toto hoc paragrapho dictis patet, quæ Gallicanæ Ecclesiæ mens & sententia fuerit, quamque immerito illius auctoritate sibi Maimburgus blandiatur, cum constet nostram esse. Nec obstat declaratio in ultimo Parisiensi Conventu edita, quæ hanc infallibilitatem evertit. Nam & pauci Episcopi erant, si numeres, qui aberant, imò ex industria delecti, quos constabat nihil opposituros. Sonabant catenæ, carceres, exilia, spolia, & quidquid homines terrere potuit, nisi præscripta loquerentur; nec libera vora, sed spe aut metu extorta, aut saltem vindicandi cupidine ob minaces Pontificis litteras. Roma quoque, quidquid in eo Conventu actum, planè resciderat; si ergo ne quidem Oecumenicæ Synodo ulla auctoritas Pontifice improbante, quanto minùs privato Conventui, qualis Parisiensis? & denique demus, Parisiensi senatui nihil defuisse; cur rogo ipsius Decreta Decretis tot Conciliorum Oecumenicorum, tot Patrum, totiusque Ecclesiæ Gallicanæ, imò totius Orbis præponas? Aut semper totoque Orbe Christiano, aut semel Parisijs erratum est, utrum tibi facilius creditu videtur? Sed jam in prima dissertatione ad auctoritatem Conventus Parisiensis respondi, quò lectorem remitto. Nunc sufficiat supra quadraginta testimonijs omni exceptione majoribus mentem, sententiamque Gallicanæ Ecclesiæ, quæ Pontificiam Infallibilitatem tenuit, ostendisse; nunc ad dissolvenda, quæ Maimburgus objectat, procedamus.

### §. III.

Respondetur ad ea, quæ Maimburgus Infallibilitati Pontificiæ opponit. cap. 6. 7. 8. 9. 10. 11. 12.

### S U M M A R I A.

1. Ostenditur, pro Maimburgi sententia militare paucissimos, pro nostra omnis Regionis, ætatis, & ordinis Patres & Doctores.
2. Petrum errasse, non in doctrina, sed in conversatione & exemplo.

3. Dissi-

## quæ Infallibilitati Pontificiæ opponuntur. 791

3. *Dissidium Victoris Papæ cum Asiæ Episcopis infallibilitati Pontificis Romæ eximie patrocinari demonstratur testimonijs Eusebij, Sozomeni, Irenæi, & Concilij Nicæni.*

4. *Ex Cypriani Historia Infallibilitatem Pontificiam potius firmari, quàm everti sex evidentibus argumentis elucescit.*

5. *Liberij metu dolisque circumventi causam infallibilitati Pontificiæ frustra opponi, quatuor solidis argumentis evincitur.*

### I.

**O**pponit Primò Maimburgus : Sententia, quæ Infallibilitatem profitetur, paucorum est : & sermè eorum tantùm, qui trans montes habitant, Italiæ, Romæque vicini : quique vestigijs Cajetani, Baronij ac Bellarmini Cardinalium inhæserè. Ubi ex adverso infinita est acies aliorum, qui ex omnibus Italiæ, Poloniæ, Belgij, Germaniæque Universitatibus, ac Galliæ præsertim, infallibilitati adversantur.

*Resp.* Hæc est prima Maimburgi velitatio, majori semper arte, quàm virtute pugnantis. Auget suarum partium copias, nostrarum premit. Cajetanum, Bellarminum, Baronium quasi nostri agminis Duces ostentat, purpurâ videlicet & novitate suspectos, perinde ac si isti sententiæ nostræ auctores essent. At verò tantum abest, ut istos inter Duces habeamus, ut ne quidem inter milites receperimus. Quando enim toto hoc opere, ubi tot Doctorum nomina recitavimus, vel semel Cajetani, aut Bellarmini, aut Baronij auctoritate usi sumus ? Tanta est fiducia causæ nostræ, ut ne omnibus quidem purpuratis, quamvis doctrinâ præcipuis locus in castris nostris sit. Magnus utique Bellarminus, magnus Cajetanus, & quibus Maimburgus vix simbriam susteneret, & tamen cùm de Pontifice agimus, nihil eorum auctoritati tribuimus. Irenæus, Ignatius, Tertullianus, Hieronymus, Augustinus, Patresque Chalcedonenses, & quidquid antiquæ illi ac florenti Ecclesiæ ornameto fuit, momenta nostra & rationes sunt ; Antiquitate, sanctitate, & doctrinâ non qualicunque, sed supremi fastigij nitimur, nec quidquam purpuræ aut Dignitati damus, victoriâ extra fastum contenti. Gallicanæ Ecclesiæ ac Parisiensis Universitatis quænam mens ac sententia fuerit, jam suprà ostendimus. Si Gallicanæ Ecclesiæ nomine nuperum

O o o o o

Parisien-

Parisiensem Conventum intelligat, vicit Maimburgus. Si verò Gallicana Ecclesia ea sit, quæ in Concilio Lugdunensi ac Lateranensi locuta est, quæ ad Innocentium X. scripsit; quæ Synodis Turonensi, Aurelianensi, Trecenti, Pontigonensi, Melodunensi, ac Parisiensi fidem explicavit, quæque temporibus Irenæi, Aviti, Caroli Magni, ac Bernardi effloruit, si, inquam, hæc dicenda est Ecclesia Gallicana; multoque illi præferenda, quæ paucos ante annos Parisijs convenit metu percussa, libertatis expers; vicimus nos, Galliæque Ecclesiam sub nostris signis habemus. *Sed*, inquit Maimburgus, *Infiniti sunt Doctores, qui negant Pontificem infallibilem esse.* Amabo te, ex infinitis illis aliquos mihi exprome, & nominatim appella. *Gersonem*, inquit, *Almainum, Dionysium Carthusianum, Tostatum, Illyricum, Cardinalem Cusanum, Cameracensem, Florentinum, Æneam Sylvium, & Adrianum VI.* Hoc est totum Maimburgi agmen; nam quod de Episcopis Galliæ ac Universitate adjungit, jam in superiori paragrapho invictis testimonijs ostendi, Galliam pro nobis esse; & nota Maimburgum Heroas suos nominasse; quos cum paucissimos habeat, imò subornatos, ut postea videbimus, supplet numerum jactantiæ verborum; additque *infinitos alios esse.* Sed singulos, quos nominat, expendamus. *Dionysius Carthusianus* aperte infallibilitatem agnoscit, nam in ea verba: *Ego pro te rogavi &c. Lucæ 2.* Ex his verbis, inquit, *sumitur argumentum, quòd fides Romanæ Ecclesiæ, quam in ea Petrus plantavit, sit in ea usque in finem duratura.* Tostatum quod attinet; Concilio Basileensi adhuc juvenis, & necdum insulâ insignis interfuerat, & Senis Theses viginti ex intima Theologia depromptas Eugenio coram defenderat; sed cum illis errores aliquos aspersisset, eosque Eugenius diplomate notasset, aded impotenter id tulit, ut scripto in suarum thesium defensionem libro, cui titulus defensorium: *In Pontificiam auctoritatem etiam invehctus est, & cum non obtinisset, quod petijt (ea est fragilitas præstantium ingeniorum, ut cum eorum placitis resistitur, animi offensionem concipiant) non potuit aded ingenio imperare, ut non acerbius rem in contrarium egerit.* Ita loquitur Spondanus. (a) Cæterum ubi primus impetus deferebuit, successitque juventuti prudentior ætas; sententiam Tostatus mutavit, & cum veritate in gratiam redijt, ac Pontificiæ auctoritati subscripsit; sic enim scribit: (b) *Quia Petrus erat Pastor, & populus debet talem tenere fidelem, qualem Pastor constituitur, & Petrus futurus erat Universalis Pastor; voluit Christus, quòd confessio esset per Petrum solum, ut innuatur, quòd*

(a) Spondanus ad ann. 1443. n. 10. (b) Tostatus in Evang. Matth. c. 16. q. 36.

## quæ Infallibilitati Pontificiæ opponuntur. 793

salis fides tenenda est, qualem prædicat Romana Sedes, quæ est Caput & Mater Ecclesiarum, cui Petrus præfuit. Ergo Abulensis quoque saltem insulacus, purgatoq; passionibus animo noster est; & si adolescens, ac iratus cum Maimburgo sensit, maturâ tamen ætate, pacatâque errorem correxit. Thomas Illyricus ex seraphica familia Doctor nostrarum quoque partium est, sic enim scribit: (a) In qua (sacra videlicet scriptura) si minus peritè aut parùm cautè aliquid fortè dixerim, emendari cupio à te, qui Petri fidem & sedem tenes. Si autem libellus meus Apostolatus tui iudicio improbabitur; quicunque me inculpate voluerit, se imperitum, vel malevolum, vel etiam non Catholicum comprobabit. Cardinalem Cusanum quod attinet; illum quoque torrens Basileensis aliquandiu rapuit, sed tandem sibi ac veritati restitutus, egregie aperteque pro illa scripsit, sic enim loquitur: (b) Cùm unus sit per Orbem Principatus, qui suo priori adhærere debeat, Romanæ videlicet Sedis, erit necessariò Catholica Ecclesia illa, quæ primæ Sedi Petri adhæret. Quare in ea salutis nostræ necessaria remansit hæc illius & remanebit veritatis Columna . . . nullus de Romana Ecclesia, aut quòd ipsa unquam à fide erraverit, aut per quancumq; sedem fueris reducta, comperiet; sed sicut aliæ ab ipsa aliquoties recesserunt, in erroremque inciderunt, ita per Principatum fortissimum Petri debiles demùm confortati in fide ad ejus Unionem reducti sunt; unde infallibilitati refugium est in unione esse cum Principe in Ecclesia. Petrus Alliacenſis, quem Maimburgus Cardinalem Cameracensem appellat, non suo tantum, sed totius Universitatis nomine pro Pontificia infallibilitate egregie peroravit, cujus verba paulò antè à nobis producta sunt. Æneas Sylvius, quæ juvenis & factionibus Basileensium implicitus scripserat, ante & post Pontificatum revocavit, ut ex ejus Bulla, (c) cujus suprà fragmentum dedimus, manifestissimum est.

Ex omnibus ergo Doctoribus, quos Maimburgus ad stipulari suæ causæ gloriatur; tres tantum supersunt, videlicet, Adrianus VI. cùm adhuc Lovanii doceret: Johannes Gerson, & Almainus. En totam Maimburgi familiam! Adrianus non ex proposito hanc quæstionem tractat; sed incidenter tantum, & vix tribus lineis respondendo ad objectionem, Almainus eo tempore scripsit, quo inter Julium II. & Ludovicum XII. discordiæ flagrabant, sicque facile fuit, ut Almainus calamum in eam partem flecteret, quæ Principi gravior, maxime totâ

O o o o o 2

Gallia

(a) Thomas Illyr. in clyp. adv. Luth. epistolâ ad Adrianum VI. (b) Cardin. Cusanus de usu calic. ad Bohem. epist. 2. (c) Pij II. Bulla retractatoria, quæ reperitur in Bullario,

Galliâ in Pontificem armatâ , & certatim non militibus tantum , sed etiam Theologis ad stipendia currentibus : idque solemnè jam scholis est ; quor enim calamis pro Ludovico Bavaro, pro Henrico Navarreo, pro Ludovico XIV. contra Vaticanum pugnatum est ? quippe omnibus piscari aliquid in turbido volentibus. Unus Gerson est, cujus pietati & doctrinæ nihil obijci potest : sed & istum nimius Zelus abripuit ; cum enim videret Pontifices suâ potestate abuti, ideoque Ecclesiam infinitis malis conflitari ; hoc unum remedium credidit, si illos coërceret, & in arctum redigeret injecto fræno, metuque Concilij. Eâ fermè ratione, quâ Romani, cum Reges nimîâ licentiâ grassarentur, statum Monarchicum in Democraticum transulère, pejori remedio, quàm malo ; nunquàm enim gravioribus calibus jactati sunt, donec consumerentur civili bello, & pro uno Rege tot Principes passi, quot Cives novarum rerum avidos.

*At, inquit Maimburgus, Infiniti alij sunt, qui asserunt Pontificem salvi posse.* Ego credam Maimburgo infinita memoranti, quando ne decem quidem bonâ fide recitavit ? Sed age videamus, unde *infiniti* illi Maimburgo supersint. Noster est Angelicus Doctor cum toto Dominicanorum ordine. Noster Seraphicus cum tota Seraphica familia. Noster Anselmus cum tota Benedictina Schola. Nostri Societas tota cum innumeris ex ea Doctoribus. Nostri Germania, Italia, Hispania, Gallia (adeò ut ante Concilium Constantiense nemo non infallibilitatem è Gallis docuerit teste Archiepiscopo Marca superiùs citato, & Theophilo Raynaudo) Nostri Patres ; quorum ne unum quidem pro se Maimburgus citavit inopiâ testium, quos alioquin diligentissimè collegit. Unde ergo infiniti illi, quos suos esse Maimburgus jactavit ? & si infiniti ; cur tres solum producti, qui Maimburgo adhærent, illique extra Gersonem ferè ultimæ fortis inter Doctores ? quis enim est Carthusianus, & Adrianus, qui Thomæ Aquinati, Bonaventuræ, Anselmo, Bernardo, & tot alijs in Gallia Synodis non dico præponi, sed ne quidem æquari possint ? Quanto meliori, majorique ratione dicere possumus, idque non nostro, sed aliorum indubitato testimonio, infinitos esse, qui nobiscum sentiant ? Id enim Suarezius (a) asserit, quo in Societate nemo doctior, modestiorque : *Veritas Catholica est, inquit, Pontificem definientem ex Cathedra fidei Regulam esse, quæ errare non potest.* Ita docent

hos

(a) Suarez. de fide d. 5. sect. 8. n. 4.



hoc tempore omnes Catholici Doctores, & cenſeo rem de fide eſſe certam. Gregorius quoque de Valentia : (a) Hæc veritas aded continet ſummam & Caput totius Chriſtianæ Religionis, ut nemo Catholicus eſſe poſſit, qui illam non amplectitur. Theophilus Raynaudus Gallus : (b) Fruſtrâ plures Theologos conquiram, cum omnes numerari poſſint, quosquos ante Concilium Conſtantiènſe ſortuère, nam anteriores unanimiter docuère, Definitiones Pontificiæ etiam abque Generali Concilio editas ſacere rem de fide. Marca Archiepiſcopus Tholoſanus, & poſteà nominatus ad Epiſcopatum Pariſienſem dicit (c) hanc eſſe opinionem generaliter receptam & approbatam à Romana Eccleſia, & ſcholis Chriſtianiſtis, quæque in Italia, Hiſpania, alijsque Provincijs Chriſtiani Orbis docetur, exceptâ ſolâ antiquâ Sorbonâ ; imò jam quoque in Sorbona doceri. Ex his omnibus palàm eſt, quàm pauci ſint illi, qui Maimburgi ſententiæ ſubſcribunt, & quantum abſit à veritate, cum innumeris eſſe dicit.

II. *Opponit* 2. Pontifices Romani ſunt Petri ſucceſſores; nec majori privilegio donati, quàm ipſe Petrus. At Petrus in fide erravit. Id enim S. Paulus ad Galatas 2. teſtatur his verbis : *Cum autem veniſſet Cephas Antiochiam, in faciem ei reſiti, quia reprehendiſſis erat . . . . ſed cum vididiſſem, quod non rectè ambularet ad veritatem Evangelij, dixi Cephe coram omnibus : ſi tu, cum Judeus ſis, cogis Gentes judaizare, &c.*

*Reſp.* Multis modis hoc argumentum peccat; nam primò petiitum eſt ex pharetra hæreticorum; Cerinthi videlicet, Porphyrij, Gnoſticatorum, & Lutheranorum, quibus millies à Catholicis etiam primitivæ Eccleſiæ, Hieronymo videlicet, Tertulliano, alijsque reſponſum eſt: quis verò pudor, copias, & ſigna cum hæreticis jungere impugnando Vaticano, ac repetere toties rejecta ? aut quis non ſuſpecta habeat argumenta, non tantùm profana, ſed etiam impiâ manu ſuggeſta, atque à Patribus improbata ? Sed hoc ſolemne Maimburgo, vix enim aliquid reperies ex proprio depromptum, & non à Centuriatoribus mendicatum, vivit alienâ, imò profanâ quadrâ. *ſecundò.* Procedit quoque ex incertis, cum tamen certiffima promiſiſſet : incertum enim, quis ille ſit Cephas, nam multi negant eſſe Petrum. Incertum quoque an illa tota Pauli reprehendiſſio, Petriq; ſimulatio non ex conditiſſo fuerit inter utrumq;

O o o o o 3

Apoſto-

(a) Valentia Tomo 3. Th. d. 1. p. 7. (b) Raynaudus in opus. *αὐτὸς ἔφα*  
p. 17. (c) Marca dans la memoire pour defendre le theſis du College de Clermont en l'année 1662.

Apostolum, ut videlicet, cū Judæi viderent Petrum reprehendi, eumque acquiescere, secum reputarent, non esse ijs, qui Christianam Religionem suscipere, convictu, cibisq; Gentilium abstinendum; & ita quamplurimi Patrum præsertim Græcorum, & inter Latinos S. Hieronymus (a) hoc dissidium explicant. Nec verò inter sanctos hujusmodi simulatæ culpæ & reprehensiones novæ & inauditæ sunt. Sic in vitis Patrum de S. Arsenio legimus; is ex aula recens pede in alterum genu coniecto cum Monachis sedere consueverat: indecens id reliquis visum, nec tamen audebant tantillæ rei tantum hominem admonere: alium ergo ex primarijs Monachorum subornant, qui eundem gestum inter sedendum exhiberet, & in hunc velut incompositum, rudemque disciplinæ, graviter Abbas investus est, Arsenio, qui propè assederat, rubore suffuso, ac pedem sensim demittente. Idem ab Apostolis factum Patres Græci agnoscunt Judæis corrigendis. Meruit igitur Petrus reprehendi, ut Monachus, de quo diximus; at culpâ subornatâ, mereque externâ. Sed hæc Hieronymi, aliorumque Patrum, non mea est sententia, & solum eo fine producta, ut ostendam Maimburgum ex incertis procedere. Tertio. Sed quidquid de errore Petri fuerit, verus aut simulatus, nihil hoc exemplum ad rem facit. Malè Petrus fecerit, at non malè docuit; nec Paulus eum reprehendit, quod non rectè ad veritatem Evangelij docuerit, sed quod non rectè ad veritatem Evangelij ambulaverit: hoc est, vitam & mores instituerit; & idè Tertullianus hæreticis hoc ipsum objicientibus respondit: *Hoc fuisse vitium Conversationis, non verò Predicationis*: sed nos non de moribus & vita quærimus, sed de doctrina; & in hanc solam negamus cadere errorem posse. Possunt Pontifices malè vivere, possunt alios exemplo corrumpere; sed non possunt malè & contra fidem docere, & idè jubemur facere, quæ dicunt, non quæ faciunt. Nec Christus oravit pro Petro, ut ejus sanctitas, sed ut ejus fides non deficeret. Cū ergo non teneantur fideles mores Pontificum imitari, sed tantum doctrinæ & præceptis acquiescere, mirum non est, voluisse Christum, ut moribus quidem labi possent, at non fide. Malè ergo Maimburgus causam fidei, morumque miscuit, & vitia morum transtulit ad vitia fidei, qui paralogsismus ferè perpetuus est in omnibus Maimburgi argumentis, adeo ille aut quæstionem non intellexit, aut intelligere non voluit, ut securius falleret.

(a) V. S. Hieronym. epist. 89. ad Augustin.

## quæ Infallibilitati Pontificiæ opponuntur. 797

III. *Opponit* 3. (a) Dissidium Victoris Papæ, cum Asiæ Episcopis. Res sic habuit. Romæ, totoque Occidente ex traditione à S. Petro accepta festum Paschæ Lunâ decimâ quartâ Martij, aut post illam agebatur, semper tamen Dominicâ die, quâ Christus revixisse creditur. At Asiæ Episcopi, juxta traditionem uri dicebant S. Johannis Apostoli, Pascha Lunâ decimâ quartâ Martij celebrabant ex præscripto Mosaicæ legis, quacunque die incidisset, etiam extra Dominicam, idque ut Synagogæ jam exaustoratæ aliquid deferrent honoris, in re haud adeò magna; & Summi Pontifices, qui ante Victorem federant, Anicetus videlicet, Pius, Hyginus, Telephorus, Sixtus, hunc Asianorum morem æquo animo tulerant. Sed Victor Primus coactâ Romæ Synodo (b) abrogandum censuit; ratio, quæ Victorem ad id faciendum permovebat, ea potissimum fuit: tum quod Quartadecimani hanc permissionem teste Nicephoro (c) in necessitatem ac præceptum verterent, dampnarentque erroris Occidentales: tum quod hâc occasione Montanistæ, alijque etiam Romæ Judæismum latenter inducere conarentur, ut ait Tertullianus. (d) Has ergo ob causas Victor (quem Maimburgus alibi egregium & admirabilem Pontificem vocat, cum videlicet necdum Romæ indignaretur) Asianis Episcopis præcipit, ut Dominicâ die juxta Romanam traditionem festum Paschatis peragant, anathema minatus, nisi obediant. Tantoque major eos excommunicandi causa subesse videbatur, quod nollent totius ferè Orientis & Occidentis sententiæ & Decretis acquiescere, quæ in omnibus toto Orbe Synodis sancita erant procurante Victore, sic enim testatur fragmentum Synodi Palæstinæ sub Theophilo apud Bedam Tom. 2. libro de celebratione Paschæ. Irenæus præsertim idem cum Victore sentiebat, videlicet festum Paschatis Dominicâ die obeundum esse ( id enim significant ea Eusebij verba: (e) illud quidem descendit solo Dominico die Resurrectionis Domini Mysterium esse celebrandum ) non cessavit tamen repetitis litteris, donec Victorem permovit, ut jam latam excommunicationem suspenderet; Polycratem enim Episcopum Ephesinum ( qui maximè Victori repugnabat ) & cum eo Asiaticos Episcopos fuisse à Victore anathemate percussos, tam clarè ab Eusebio asseritur, ut negari vix possit.

Sed

(a) Maimb. §. 8. (b) Anno 199. (c) Nicephor. lib. 4. cap. 30. (d) Tertullian. de præscr. cap. 53. (e) Euseb. lib. 5. cap. 24.

Sed tamen & illud liquet, fuisse operâ studioque Irenæi pacem inter Polycratem & Victorem compositam, revocatasque censuras, & Asianos suis ritibus permisos, eâ tantum conditione, ne uti prius Romanam consuetudinem hæresis damnarent. Id Sozomenus (a) testatur: *Porrò, inquit, exoriam olim controversiam sapientissimè mihi videtur dissolvissè Victor tunc temporis Romanorum Episcopus, & Polycarpus Smirnenfis (error est Typographi, & legendum Polycrates : Polycarpus enim jam viginti annos ante Pontificatum Victoris Martyrio obierat) ut singuli seculum, prout consueverant, celebrantes, à mutua inter se communione nequaquam discederent.* Cæterum cum procedente tempore huic consuetudini Asiaticæ se iterum error misceret, ejusque prætextu induci Judaismus inciperet; Patres Concilij Nicæni hanc consuetudinem hæresi Quartadecimanæ adscripserunt. Jam ex hoc Victoris cum Asiaticis dissidio, ita Maimburgus argumentatur. Asiani Episcopi Ductore Polycrate, Victori obtemperare noluerunt, quamvis seridè imperanti, minantiq; censuras, imò & infligenti, nec tamen inter hæreticos ante Concilij Nicæni sententiam habiti sunt; non ergo tunc temporis credebant Pontificem infallibilem esse; cur enim non obtemperarent, si crederent errare non posse? imò hanc solius esse Concilij prærogativam, nam modò post Concilij Decretum hæresis damnati sunt.

*Resp.* Multifariam solvi potest hæc Maimburgi Oppositio, quamvis non tam sit Maimburgi, quàm Launoij, & Protestantium, qui hoc ipso Polycratis exemplo cum Victore dissidentis usi sunt.

*Primò* igitur tantum abest, causam nostram exemplo Victoris destrui, quin potius validè adjuvetur. Pugnant contra Victorem non Asiæ tantum Episcopi, sed etiam Joannis Apostoli, Philippi Diaconi, Polycarpi, Traleæ, Sagaris, aliorumq; Episcoporum & Martyrum exempla, ac traditiones, Pascha Lunâ decimâ quartâ celebrantium. Vicit tamen Romani Pontificis sententia, ostenditq; eventus, ac Nicæni Concilij Decretum, non Pontificem errasse, sed eos, qui tantis exemplis utebantur, nec cogitabant claves Regni Cælorum, ac custodiam fidei non Joanni, nec Philippo, aut Polycarpo, sed Petro ejusque successoribus commissam; quando ergo Pontifex errabit, si tunc non erravit, quando præter tot Episcoporum ac Martyrum exempla, illius etiam auctoritate convinci videbatur, qui supra pectus Domini recubuerat, cui

omnia

(a) Sozomen. lib. 7. cap. 19. Idem fatetur de Marca lib. 3. cap. 9.

omnia Divina secreta sunt revelata ? eritne aliquandò auctoritas major, quæ Pontifici opponi possit, quàm Johannis Apostoli ? & si hæc contra Pontificis Decreta nihil valuit, quæ alia valebit ? quis credat aliquandò casurum, quem immotum videt, cum tam validè impelleretur ? Exemplum ergo Victoris causæ nostræ egregiè patrocinatur.

*Secundò.* Victoris sententia aut vera, aut falsa fuit ? si falsa ; non solus Victor, sed totus cum illo Occidens, Oriensque [ Asia excepta ] imò Concilium Nicænum erravit, quod cum Victore decrevit. Si vera ; non ergo Victor erravit, sed qui Victori repugnabant : quod ergo argumentum ab eorum auctoritate duci potest, quos constat errasse ? aut apud quas gentes falsis ac errantibus testibus causâ aliqua non tantum probata est, sed etiam vicit ? Planè in nulla logica, multoque magis in nullo Tribunali hæc consequentia probabitur : *Papa errare potest, quia hoc dicunt falsi & erronei testes.*

*Tertiò.* Nemo ex tot Episcopis, qui Victoris Decretum ægrè ferebant, ei objecit ; cum limites potestatis suæ egredi, non pollere hæc auctoritate in Episcopos Asiæ &c.

*Dices.* Nemo Asianos pro hæreticis habuit, quòd nollent Pontifici obtemperare, ergo extra hæresin licet credere, aut etiam factò profiteri, Pontificem errare posse.

*Resp.* In sententia Asianorum duo considerari ac distingui oportet : primum, quòd decimaquartâ Lunâ Pascha celebrarent etiam extra Dominicam. Secundum, quòd huic ritui errorem miscerent, dicerentque id ad fidem pertinere, & qui aliter agerent, fidei derogare. Id certum est ex epistola Polycratis ad Victorem, quam recitat Eusebius : (a) *Illi, inquit, omnes, [ Johannes videlicet, Philippus, &c. ] diem Paschati decimâ quartâ Lunâ celebrabant ex Evangelij præscripto, & secundum regulam ac normam fidei. . . . his que nobis ad terrorem obijciuntur, minime conturbor ; mei enim majores dixerunt, oportere magis DEO obedire, quàm hominibus.* Ubi vides Polycratem hunc morem asserere tanquam ex Evangelij præscripto, præceptoque Divino, ac secundum regulam fidei provenientem. Ex quo consequabatur, Occidentales, imò plerosque Orientalem, contra legem Evangelicam, præceptum Divinum, normamque fidei agere, qui planè error contra fidem erat, & ut talis à Victore damnatus, atque anathemate percussus : pergit enim Eusebius : *Illis ita gestis,*

PPPPP

Victor

(a) Eusebius lib. 5. cap. 23.

*Victor Romanæ Urbis Episcopus omnes Asiæ, vicinarumque Provinciarum Episcopos tanquam contraria rectæ fidei sentientes à Communione abscindere conatur. Vibrato anathemati intercessit Irenæus, effecitque apud Polycratem, ut hunc errorem deponeret, neque eum ritum ad fidem crederet pertinere. Apud Victorem verò, ut Asiaticam consuetudinem ferret errore jam liberam: & utrumque persuasit: convenitque inter Victorem & Polycratem; sic enim Sozomenus scribit: (a) Porro exortam olim controversiam sapientissimè mihi videtur dissolvissè Victor tum temporis Romanæ Ecclesiæ Episcopus, & Polycarpus Smirnenfis [ lege Polycrates ut supra memini ] nam ex communi consilio placuit, ut singuli solum prout consueverant celebrantes, à mutua inter se communionem nequaquam discederent. Ergo post Victoris aut intentatas, aut vibratas Censuras, Irenæo præfatum agente, resipuit Polycrates, cessavitque contumacia; & Victor quoque passus est eam consuetudinem retineri, postquam desijt cum errore misceri. Jam ergo ad Maimburgi oppositionem facilè respondeo: non idèò Polycratem cæterosque Episcopos Asiæ pro hæreticis habitos non esse, quòd Ecclesia crederet, Pontificem falli posse, ac illi impunè resisti; sed quia, ut vidimus, resipuit Polycrates, cessavitque contumacia, ac Victor consuetudinem ferendam censuit errore purgatam. Quemadmodum pari omninò ratione, Communio sub una specie, ac Consecratio in fermentato sunt ritus innocentes, nec fidei adversantur, & idèò diu multumque in Ecclesia usurpati, prohibiti verò, ubi in hæresin desierunt. Cæterum Irenæus, qui eo tempore florebat, pacemque inter utramque Ecclesiam composuit, non solum Pontificis Decreto quàm primum accessit, verum etiam Pontificiæ infallibilitati insigne testimonium præbuit, simulque, qui tunc primæ illius Ecclesiæ sensus esset, egregiè aperuit; sic enim loquitur: (b) Ad Romanam Ecclesiam propter potentiorum Principalitatem necesse est convenire omnem Ecclesiam, hoc est, eos, qui ubique sunt fideles, in qua semper ab his, qui sunt undique, conservata est ea, quæ est ab Apostolis traditio. Nihil ergo Asiatica concertatio contra nos facit, sed plurimum pro nobis; ex illa enim constat, jam primo seculo, & recenti adhuc ac illibatâ Apostolicâ doctrinâ sanctissimo Pontifici ac Martyri Victori, apud quem nihil adulatio aut fastus poterant, certum, fixumque fuisse, teneri fideles in rebus ad disciplinam, fidemque spectantibus Decretis Pontificiis acquiescere,*

(a) Sozom. lib. 7. cap. 12. (b) S. Irenæus lib. 3. contra hæreses cap. 3.

quiescere, & nisi facerent, arceri ab Ecclesia posse, non expectatâ Concilij sententiâ, & quamvis Polycrates, alijsque Asiatici initio restiterint, constat tamen istos errasse, ac tandem veritate convictos esse.

IV. *Opponit* 4. (a) Exemplum S. Cypriani Episcopi & Martyris Carthaginensis, aliorumque quam plurium Africæ Episcoporum, qui Decretum Stephani Papæ de hæreticis non rebaptizandis nullo modo recepere; neque tamen aut Cyprianus, aut Firmilianus, aut Dionysius Alexandrinus, Athanasius, Opatrus, Cyrillus Hierosolymitanus, Basilus, alijsque Asiæ, Africæque Episcopi pro hæreticis habiti sunt; donec in Arelatenſi, Nicæno, ac Constantinopolitano Concilio Baptisma hæreticorum repeti prohiberetur. Constat ergo Patres, tertij, quarti, quintique sæculi ejus sententiæ fuisse, ut crederent, ultimum ac Decretorium de causis fidei judicium non penes Pontificem, sed Concilium esse. Ita Maimburgus ex Launoio & Centuriatoribus argumentatur, quod ferè perpetuum apud hunc Auctorem. Additque S. Augustinum (b) aperte testari, S. Cyprianum, qui Stephano Pontifici non cesserat, *cessurum tamen fuisse, si eo tempore quæstionis hujus veritas eliquata & declarata per plenarium Concilium fuisset*. Censuit ergo non tantum S. Cyprianus, sed etiam S. Augustinus, in causis fidei dirimendis majorem esse Concilij, quam Pontificis auctoritatem, ultimumque judicium non ad hunc, sed ad Concilium pertinere. Addit S. Augustinus L. 1. de Bapt. contra Donatistas c. 7. Quæstionis hujus obscuritas magnos viros, Patres, Episcopos compulſit fluctuare, donec plenario totius Orbis Concilio remotis dubitationibus firmaretur. Augustinus non meminit Papæ, sed Concilij, & cessuros Concilio dicit, qui Papæ non cesserant. Et c. 18. Si aliud alij de hac quæstione sentirent, donec universali Concilio unum aliquod placuisset, humanæ fragilitatis errorem cooperirer charitas unitatis. Idem repetit l. 2. c. 4. & c. 7. & c. 9. & L. 4. c. 6.

*Resp.* 1. V. Dissertat. 4. §. 1. n. 5.

*Resp.* 2. Nos loquimur de infallibilitate in rebus fidei: ac nec Stephanus Papa rem ut ad fidem pertinentem decreverat, nec pro dogmate & re ad fidem pertinente Cyprianus, & Africani Episcopi habuere, nam Cyprianus, & Synodus Africana Epist. ad Stephanum: *Quæ in re nec nos jus cuiquam facimus, aut legem damus, cum in Ecclesiæ administratione habeat unusquisque Præpositus arbitrium*. Idem habet Synodus

PPPPP 2

Char.

\*(a) Maimb. §. 10. (b) S. Augustin. lib. 1. de Bapt. contra Donat. cap. 4.

Carthaginensis 80. Episcoporum : *Neminem à jure Communionis , si diversum senserit amoventes &c.* Et S. Hieronimus dialogo adversus Luciferianos c. 9. & Nicæni Patres jubentes Paulianistarum Baptisma repeti can. 19. anathemate non percutiunt, qui aliorum hæreticorum Baptisma rejiciunt. Et S. Basilius Ep. ad Amphilogium dicit esse tantum quæstionem Disciplinae. Et fatetur Alexander Natalis ad Sæculum 3. Dissertat. 12.

*Resp. 3.* Sequeretur etiam Concilia Nationalia, aut Patriarchalia esse infallibilia, & supra Pontificem, tale enim fuit Arelatense I. Nam in Nicæna Synodo non clarè contra Donatistas Concilium loquitur : Nota S. Cyprianum obiisse Anno 261. Concilium I. Arelatense actum Anno 314. Nicænum verò Anno 325.

*Resp. 4.* Imo pro nobis est testimonium Augustini : vult enim fidem haberi, re per plenarium Orbis Concilium eliquata : at non unum tantum, sed plura Oecumenica Concilia infallibilitatem Papæ, eique Superioritatem deciderunt, ut supra vidimus, imò consensus, & praxis totius Ecclesiæ.

*Resp. 5.* Cur verò in hac causa necessarium fuerit Concilium universale propter sententiam Papæ, Vide iterum supra Dissertat. 4. §. 1. num. 5.

*Resp. 6.* Superfedeo historiâ Cypriani pertextendâ, quam in Regali Sacerdotio (a) fusè profecutus sum, & ad solam Maimburgi argumentationem respondebo. Nam *Primò* mirari lubet hujus hominis inconstantiam. Quandiù nulla Galliam inter Romamq; simultas erat; nemo extollendæ Pontificum Majestati Maimburgo flagrantior. Imò hoc ipso Cypriani exemplo confutandis Calvinistis utitur : (b) *Ab eo*, inquit, *tempore, quo Stephanus rebaptizari hæreticos vetuit, error Cypriani in hæresin transijt, &c.* Ubi verò oriri inter Romam, Galliamque dissidia cœpere, Pontifice Ecclesiasticam libertatem contra Regios Ministros protegente; Maimburgus continuò nullâ curâ causæ melioris ad Regios transire, & hoc ipsum Cypriani exemplum, quo nuper pro veritate, nunc contra veritatem urgere. *O fidem temporum, non Evangeliorum!* ut cum Beato Hilario exclamem. Quis non videt Maimburgum hac agendi, scribendiq; ratione corrupisse, quidquid olim contra Cal-

(a) Regale Sacerdot. lib. 3. §. 9. n. 4. (b) Maimb. dans sa 2. lettre sous le nom de François Romain.



Calvinistas disputaverat? quam enim fidem præstabunt contraria dis-  
ferenti? Ergo Maimburgus jam Gallus, jam Romanus, jam Hispanus  
est, jam totus, jam ex dimidio Catholicus, ac in omnem vultum com-  
plicitus, utcumque aulæ placuerit; at veritas semper est eadem. *Se-  
cundò.* Idem Cyprianus, quem Maimburgus Romanæ Cathedræ oppo-  
nit, cum tranquillo animo esset, nec indignatione agitato, egregiè pro  
ejusdem Cathedræ infallibili auctoritate scripsit; sic enim epistolâ 55.  
ad Cornelium loquitur: *Navigare audent & ad Petri Cathedram, usque  
ad Ecclesiam principalem, unde Unitas Sacerdotalis exorta est, nec cogitare  
eos esse Romanos, ad quos perfidia non possit habere accessum.* Hæc Cy-  
prrianus serenâ adhuc facie: at perturbatâ contrarium scripsit: quæro  
ergo, cur malis Cypriano credere irato & offenso, quàm integro, paca-  
toque? *Tertio.* Cyprianum, omnesque, qui illi contra Stephanum Pa-  
pam adhærebant, certum est, errasse, ac postea mutatis sententijs resi-  
puisse; de Cypriano id clarè S. Augustinus insinuat *epist. 48. ad Vincen-  
tium, & lib. 2. contra Donatistas.* De Dionysio verò, alijsque Episco-  
pis, qui prius cum Cypriano senserant, mutasse sententiam certum est,  
ex testimonio ejusdem Augustini, (a) Dionysij ipsius Patriarchæ Ale-  
xandrini, ac præsertim S. Hieronymi, qui ita scribit: *Illi ipsi Episcopi,  
qui rebaptizandos hæreticos cum ipso statuerant [ hoc est cum Cypriano ]  
ad antiquam consuetudinem revoluti, novum emisere Decretum.* Habemus  
ergo Cyprianum [ aut saltem Cypriani sectatores ] & errantem, & er-  
roris poenitentem, quæro ergo cur malit Maimburgus, Pontificiam au-  
thoritatem cum Cypriano errante impetere, quàm cum Cypriano poe-  
nitente defendere? non agnoverit Cyprianus Cathedræ infallibilita-  
tem: esto; at tunc erravit, quis verò prudens errorem in exemplum,  
ac imitationem sibi proponat? & quàm misera est causa, quæ sultineri  
alijs rationibus non potest, quàm exemplis errantium? *Quarto.* Sed  
& nimium hoc argumentum probat, quippe illo contra intentionem  
Maimburgi sequeatur, non Pontificem tantum, verum etiam Univer-  
sale Concilium errare posse. Scribit enim Maimburgus etiam post A-  
relatense & Nicænum Concilium, sententiam de rebaptizandis hæreti-  
cis fuisse ab Athanasio, Basilio, Cyrillo Hierosolymitano alijsque de-  
fensam. Et quidem de Basilio res est clarâ; nam Concilium Nicæ-

Ppppp 3

num

(a) S. August. contra Crescon. lib. 3. cap. 3. Dionys. apud Euseb. lib. 7. cap.  
9. S. Hieron. in Dialog. contra Lucifer,

num statuerat *canon.* 19. omnium hæreticorum baptisma validum, nec repetendum esse, exceptis Paulianistis : idque etiam testatur S. Hieronymus contra Luciferianos; & ratio est, quia ut notat S. Innocentius I. *epistolâ* 22. *cap.* 5. Paulianistæ non baptizabant in nomine Patris & Filij & Spiritûs Sancti, & tamen nihil obstante Decreto Nicæno negari vix potest tam S. Basilium, quàm S. Athanasium omnium Arianorum Baptismum respuisse, quamvis in nomine Patris & Filij & Spiritûs Sancti Baptismum conferrent. Verba S. Athanasij hæc sunt : (a) *Ariani in periculum veniunt, ne amittant integritatem Mysterij, de Baptismo autem loquor; Patrem enim verum illi non pronuntiant, eò quòd negant aliquid ex ipso existere simile ipsius substantiæ; negant quoque verum filium, aliudque ex non entibus sibi comminiscunt in Baptismo proferunt . . . . non enim in Patre & Filio tribuunt Baptisma Ariani, sed in Creatore & Creatura. Sicut ergo Creatura diversum quid à Filio est, ita diversum quid à vero Baptismo est, quod ab illis existimatur dari, sametsi nomen Patris & Filij, quia illa in scripturis vident, simulent se nominare; non enim, qui simpliciter ait, Domine, is est, qui donat legitimum Baptisma, sed qui nomen ex-  
primit, & veram fidem habet. . . . Ita quoque, qui cum Ario sentiunt, etiamsi recitent scripta, proloquanturque ipsa nomina, frustrantur, illuduntque eis, qui ab ipsis Baptismum accipiunt. Vides hic S. Athanasium aperte profiteri, nullum esse Baptismum Arianorum; quia licet Evangelicâ formulâ baptizarent, non tamen Evangelicâ fide. Sed adhuc clarius loquitur S. Basilus; sic enim habet *epistolâ* ad Amphilo-  
chium *canon.* 47. Encratitæ, Saccophori, & Apotactitæ subjiciuntur eidem rationi, sicut Novatiani; quia de illis editus est canon, etsi diversus; nos autem unâ, eademque ratione eos omnes baptizamus. Si autem prohibita est apud nos hæc rebaptizatio, sicut & Romanis alicujus Oecumenicæ Synodi gratiâ, nostra tamen ratio vires obtineat. Eos igitur in Ecclesiam non admittimus, nisi in nostrum Baptisma baptizati fuerint. Ne dicant in Patrem & Filium & Spiritum Sanctum baptizati sumus, qui quidem DEUM malorum effectorem esse existimant. Vides Basilium post Concilium non solum Arelatense, sed etiam Nicænum credidisse rebaptizandos esse hæreticos, quantumvis rectâ formâ Baptismi usos. Si ergo ex Maimburgi sententia ideò Pontifex falli posse credendus est, quia post ejus Decretum nihilominus Cyprianus, alijque ab Hæreticis baptizatos iterùm tingebant; an non æquè*

(a) S. Athanas. Serm. 3. contra Ariam.

æquè concludi poterit, etiam Concilia Oecumenica falli posse, quia post Nicænum Decretum Athanasius & Basilius baptismum reperebant, & planè duo illi Athanasius & Basilius, si doctrinam, peritiamque scripturarum æstimes, centum Cyprianis anteponi debent; Cyprianus enim inter Gentilium sacrilegia consenuerat, & provectâ jam ætate, ac Neophytus Episcopatum adeptus est, tenuitque annos decem. Si ergo Conciliorum infallibilitati nihil derogat, Athanasium, Basilium, aliosque à Maimburgo numeratos sententiam docuisse, imò & in opus deduxisse, Nicænis Canonibus adversam; ita nihil Pontificiæ infallibilitati adimittitur, si contra Stephani Decreta Cyprianus, alijque Africæ Episcopi moliti aliquid sunt. Quidquid ergo Maimburgus pro Concilio responderit, ego pro Pontifice respondebo. Si dicat errasse Basilium; dico ego errasse Cyprianum. Si dicat, credidisse Basilium, Nicænum Canonem ad Oeconomiam, hoc est, ad disciplinam, non fidem spectare, sicque pro more Regionum mutari posse, ac propterea nec ipsum Basilium, nec Athanasium hæresis damnatos esse; dicam ego idem consuisse Cyprianum, eandemque ob causam, quamvis Stephani Decretis aliquandiu obfisteret, nunquam tamen fuisse hæresis postulatum, idque S. Augustinus quàm plurimis locis in eo commendat, quòd videlicet sententiam suam ita defenderit, ut tamen contrariam nec damnandam crediderit, nec propterea à Romana Communione secesserit: Stephanus ergo Papa ita hæreticos baptizari prohibuerit, ut tamen, qui eos baptizarent, hæresis non damnalet; quòd si Cypriano, alijsque Episcopis, qui cum illo sentiebant, anathema indixit, contumaciæ hæc poena, & quòd antiquam Ecclesiæ consuetudinem everterent, non hæresis fuit. *Quinò.* Imò ex hac ipsa Cypriani historia Majestas, ac auctoritas Pontificia omni ratione superior, omnisque expertis erroris vehementer elucescit. Quantus Cyprianus? quàm eloquens, quàm sanctus, quot Synodorum, atque Episcoporum, qui postea Martyrio defuncti sunt, auctoritate munitus, quancisque rationibus ex sacris litteris succinctus? & tamen quàmprimum suas opiniones, quantumvis veritatem apprimè imitarentur, Romanæ sententiæ prætulit, in errores prolapsus est totâ Ecclesiâ damnatos; unicuique Stephani Decretum paucis verbis conceptum omnibus illis argumentorum, Episcoporum, Synodorum, Martyrumque cohortibus præpotuit, Româ iterum Carthaginem, Africamque vincente. Si ergo etiam Cypriani, etiam integræ, pluresque Synodi

clarissimæ

clarissimis Episcopis atque sanctissimis instructæ agminatim cadunt, imò Africa tota errore involvitur, quoties Romanæ faci oculos claudit, quid rogo de alijs erit, qui nihil habent, quod cum Cypriani ingenio, doctrina, eloquentia, sanctitate componi potest? Omnes Africæ, Mauritanicæ, Numidiæ, Ægypti, Cappadociæ, Ciliciæ, Galatiæ, Phrygiæque Episcopi Ductore Cypriano hallucinantur, quàmprimùm à Pontihæ Romano secedunt; quis ergo erroris securus erit? Evolve totam historiam Ecclesiasticam, paucos reperies, qui noluerint acquiescere Romæ definitis; & isti pauci semper errârunt; frustra ergo extra hunc portum salutem quæris, ubi omnes naufragium passi. Errat Polycrates, errat Cyprianus, errat Polycarpus, errat Firmilianus, errat Dionysius, errant denique caduntque, quotquot cum hac palma lstantur; quis neget invictam esse immotamque? stetit, vicique jam mille sexcentos annos, millies concussa, millies quassata, quis neget perpetuam fore? si vitrum, non adamas esset, dudum cecidisset tot malleo experta. *Sextò.* Ex quibus omnibus facilè jam colligas, quid Maimburgo responderi debeat Cypriani casu exultanti. *Resistit Pontifici.* Fateor; sed idèò erravit, ac postea pœnituit. *Non credidit Pontificem infallibilem esse.* Concedo, at æquè non credidit Baptismum, quem hæretici conferunt, validum esse. Si ergo non idèò Baptismus hæreticorum invalidus est, quia Cyprianus credidit invalidum esse; ita non idèò Papa fallibilis est, quia Cyprianus fallibilem esse credidit. Quod si error Cypriani nihil nocet Baptismo, ita error Cypriani nihil nocet Pontifici. Et si teste Augustino, idèò Cyprianus circa Baptismum erravit: *Quia illo tempore quæstionis istius veritas nondum eliquata & declarata per Universale Concilium fuerat, cui & ipse sine dubio crederet.* Idem ego de Pontificis auctoritate infallibili dicam; eo enim tempore, quo Cyprianus tanto æstu, quantus Martyrem non decuit, in Pontificem ferebatur; quæstionis istius veritas de Pontificis infallibilitate nondum eliquata & declarata per Concilium Universale fuit, videlicet Chalcedonense, Constantinopolitanum, utrumque Lugdunense, Florentinum, ac Lateranense, nondum unanimi Patrum consensu; quibus omnibus & ipse Cyprianus cederet, si jam viveret. *Sed nemo Cyprianum fuisse hæreticum dixit.* Meritò, nam nec Stephanus dogma fidei constituit, sed solùm prohibuerat, contra Antiquam Ecclesiæ consuetudinem aliquid innovare. An parùm tibi videretur errare, qui Pontificem non audit, nisi etiam hæreticus sit?

Quid

Quid miraris errasse Cyprianum circa hanc quæstionem, cum nondum discussa, exacteque librata fuerit, quando ipse Augustinus (a) fatetur, etiam Concilia errare: *Nisi primò diutius per Orbis terrarum Regiones multis hinc atq; hinc disputationibus & collationibus Episcoporum pertrallata fuerint.* Ubi nota loqui Augustinum de Concilio plenario. Cum verò S. Augustinus, quoties hoc argumentum, factumque Cypriani præ manibus habet, videtur Concilium plenarium requirere: optimo jure id facit, quamvis enim sola Pontificis auctoritas de Cathedra loquentis sufficiat decidendæ veritati, non sufficit tamen ijs revincendis, qui Pontificis auctoritatem pro suprema & infallibili non agnoscunt. Quem admodum scriptura omnino erroris expertus est, sufficitque omni dubio expungendo; si quis tamen scripturas, aut humani ingenij partum esse dicat, falsoque obnoxias; alijs argumentis, alijsque auctoritatibus, quàm ex scriptura petitis opus fuerit. Papa ergo infallibilis; si quis tamen infallibilem neger [negabit verò omnis, qui defendendo errori animum obstinaverit] ei convincendo Concilij opus erit; quamquàm qui semel Pontificem exclusit, non tam Concilium amat, quàm hujus obtentu moras, induciasque errori, & forsàn hæc ipsa mens Cypriano fuit, nullum aliud in terris judicium præter Divinum admittentis; sic enim scribit: (b) *Habeat omnis Episcopus pro licentia libertatis, & potestatis suæ arbitrium proprium, tanquàm judicari ab alio non possit, cum nec ipse possit alium judicare; sed expectemus Universi judicium Domini Nostri JESU Christi, qui unus & solus habet potestatem, & praponendi nos in Ecclesiæ suæ gubernatione, & de actu nostro judicandi.*

Opponit 5. Liberij casum. Victus exilij tædio Arianæ hæresi subscript, Athanasium damnavit, vocem homousij expunxit; duasque epistolas, alteram ad Constantium Imperatorem Arianæ hæresis Protectorem: alteram ad Semi-Arianos Episcopos, quibus eorum doctrinam vehementer commendat. Et ideo tam S. Hilarius, quàm S. Hieronymus Liberium Semi-Arianæ hæresis postulant. Imò Ecclesia Romana tanquàm hæresis manifestum Pontificatu dejecit, surrogatque Felicem. Postquàm Maimburgus hæc de Liberio dixisset, insultat, illudque, non victori tantum, sed etiam hostem calcanti similis, nullâ Dignitatis reverentiâ. Pergit enim dicere: *Neminem Arianam hæresin*

Qqqq

alius

(a) S. August. de Baptif. contra Donatist. lib. 2. cap. 4. (b) S. Cyprian. in Conc. Carthag. Anno 256. aut secundum alios 258.

*alius professum esse : ex fastigio in abyssum procidisse : ab Hilario punctim casimque anathemate percussum esse : Et mille alia, superbo potius, ac impotente adversario, quàm historico digna, etiamsi vera essent ; quanto igitur indigniora, cum palàm falsa ? Vix inter ipsos Calvinistas reperias acerbius, amariusque insultantem Pontifici.*

*Resp.* Hæc Maimburgi Oppositio tria complectitur : quorum primum verum quidem est, sed nihil ad rem ac propositum facit. Reliqua verò tam falsa, ut magis non esse possint. Verum est, Liberium peccasse ; sed hæreticum fuisse, aut hæresin ex Cathedra professum esse, plusquàm alienum à veritate, quod ex dicendis patebit. Nam primò ipse Maimburgus in historia Arianismi, ubi ex proposito Liberij casum examinat, faterur : (a) *Liberium nullo modo Semi-Arianorum hæresi subscripsisse, imò constantissimè Filij consubstantialitatem propugnasse, idque tam clarum esse, ut nemo prudens de hoc dubitare possit.* Quid amabo ab eo tempore, quo Maimburgus historiam Arianismi scripsit, Liberius deliquit, ut quem nuper hæresis purum, nunc reum faciat ? Historiam Maimburgus, an fabulam & Comædiam scripsit, tories vertente Theatro ? an forsan opinionum probabilitas, quæ hætenus Theologiam, nunc quoque historiam in Protheum vertit, ut quæ nuper vera, nunc falsa appareant ? *Secundò.* Quòd si daremus, Liberium hæresi subscripsisse ; quandò formulæ Sirmienti subscripsit, damnavitque Athanasium ; quid aliud sequeretur, quàm Pontifices si metu, poenisque urgeantur, absitque Libertas decidendi, posse in errorem labi ? at de hoc nobis nulla est quæstio ; quærimus enim de Pontifice libero, sui que juris, nec inter poenas, ac tormenta loquente, nam nec Leges Romanæ confessionem admittunt, supplicij expressam. De Liberio autem ita loquitur Athanasius : (b) *Liberius post exactum in exilio biennium inflexus est, minisque mortis ad subscriptionem inductus.* Et S. Hieronymus : (c) *Liberius radio victus exilij, &c.* Si ergo erravit Liberius, metu erravit, de quo casu nulla nobis est quæstio, nam metus etiam Concilia corrumpit, quæ tamen Maimburgus vult omnis erroris expertia. Concilium Ariminense quantumvis quadringentis Episcopis frequens, à Romano Pontifice convocatum, ejusdemque Sedis præsidentibus Legatis nunquid multò magis Liberio, quàm Ariano errori favit, non omisâ tantum, sed penitus ex-

(a) Maimburg. lib. 4. dell' Arianisme. (b) S. Athanasius epist. ad Solitarios. (c) S. Hieronym. in Chron.

## quæ Infallibilitati Pontificiæ opponuntur. 808

terminatâ voce Consubstantialis ? tanto utriusque Orbis, Occidentis videlicet, ac Orientis consensu, ac Catholicorum partim lætû, partim pudore, ut S. Hieronymus in hæc verba proruperit : (a) *Tunc Ustiæ nomen abolitum, tunc Nicænæ fidei damnatio conclamata est, tunc ingemuit totus Orbis, & se Arianum esse miratus est.* Et Severus Sulpicius : (b) *Hilarinus, inquit, ubi advertit extremum fidei periculum, Occidentalibus deceptis, Orientales per scelus vinci, &c.* Taceo alia Conciliorum errantium, nec à Sede Romana approbatorum exempla. Quæro quid istis Conciliji defendendis dicturus sit Maimburgus, quod defendendo Liberio non æquè, multoquæ magis sufficiat ? nam si metum prætexat, multò iam major in Liberio fuit, quàm in Synodo Ariminensi, in hac enim quadringenti cum metu pugnârunt, victique sunt ; at Liberius unus & solus fuit ; multò verò facilius unius fugam, quàm multorum excusæ. Tertio. Sed demus Liberium Arianam hæresin animo recepisse ( quod tamen falsum esse paulò post ostendemus ) num ided illam ex Cathedra docuit ? hoc est juxta explicationem Maimburgi à me verbatim hic ex Gallico redditam : (c) *Num, inquam, tanquam magister ac Doctor omnium fidelium, & causâ in pluribus Congregationibus, Consistorijs, Synodoque suorum suffraganeorum, Cardinalium ac Doctorum examinâtâ, ac petitis etiam Universitatum Consilijs. Sed præcipuè per solemnes, publicasq; preces Spiritûs Sancti gratiâ & assentiâ definivit, decrevit, imperavitque omnibus Christi fidelibus, ut Arianam fidem amplecterentur, negarentq; Filium esse Patri æqualem ? Audeat ne hoc Maimburgus dicere ? & si non audet, quî ergo Liberij exemplo dici potest, Papam ex Cathedra docentem errare posse ; cùm ex cathedra docere, sit omnia illa præstare, quæ modò ex Maimburgo recensuimus, & quæ nunquam præstitit Liberius ? Ubi enim Synodi ? Ubi Collegia Cardinalium ? ubi Bullæ & imperia Divinitatem Filio abrogantia ? Liberius inter fastidia exilij, Liberius inter pœnas & supplicia, ac tortorum manus, Liberius dolis, metuq; circumventus ; hoc est ex Cathedra docere, & Pontificem agere ? Aliud ergo est errare, aliud errorem docere ; & de doctrina nobis, non de errore sermo est. Erravit Petrus, cùm Christum negavit, sed non propterea docuit Christum negandum esse. Erravit Marcellinus, cùm thura Idolis incendit ; sed non decrevit Idolis adolendum esse. Erravit quoque Liberius, cùm Athanasium damnavit, cùm Sirmienensi formulæ subscripsit, nec metu purgari potest, vix privatis permissio :*

Qqqqq ?

Sed

(a) S. Hieron. contra Lucifer. (b) Sev. Sulp. lib. 2. sacræ histor. (c) Maimb. ch. 6. initio.

Sed nego Liberium Arianam labem ex Cathedra docuisse, multò minùs imperasse, & in hoc tamen tota quæstio versatur. *Quarò.* Causa ergo Liberij sic habuit. Nulla hæresis, ut Ariana, speciosius incessit, ac pluribus dolis velata, adeò, ut cautissimos falleret. Quis enim nescit, & Constantinum Principem aliàs æqui amantissimum, & Concilia Hierosolymitanum, Mediolanensè, Ariminensè, & alia doctissimis Episcopis referta Arianis fraudibus circumventa, ac simili ferè culpâ, quæ Liberium involvit, decepta fuisse? adeò ut S. Hieronymus testetur, totum Orbem, quamvis ignarum, invicunq; ingemuisse, Arianum se factum. Quid ergo mirum, unum hominem ijs rebus cecidisse, quibus tot millia capta fuerint? præsertim exilijs, ærumnisq; fractum, & idèò facile pro honestis captantem, quæconque simul prodesse. Simulabant Ariani se Catholicos esse, ac pristinis erroribus renuntiâsse: Filium DEI, non esse Creaturam, sed DEUM, æternum, Patri per omnia similem: & denique quidquid Catholici vellent, à quibus etiam sibi formulas fidei præscribi patiebantur. Id solum poscebant, ut Orthodoxi eâ voce *Consubstantialis* abstinerent, & Athanasius condemnaretur. Id ut persuaderent, hæ rationes in medium producebantur. *Vocem Consubstantialis nec in scripturis, nec in Patrum commentarijs reperiri: indignum esse unius voculæ pretio tot corporum & animarum millia perire, ac Religionem civili bello consumi. Quid reserret unam vocem & novam, & hæcenus inauditam, nec necessariam taceri, si de re ipsa constaret? an verò Religio de vocibus, & non potius de rebus esset? Præsertim cum ea vox evertenda potius quàm fulcienda Religioni serviret, eâ quippe Sabellianos abuti, ac Personarum unitatem inducere.* Hæc non absq; ratione dici videbantur, habebantq; faventes Imperatores; & quid dico Imperatores? ipse S. Augustinus, (a) quo nemo cum Ariana hæresi feliciùs conflixit adversùs Pascendum Arianum agens; profitetur se illius fidei subscripturum, si nullâ aliâ re erret, quàm omissione vocis *Consubstantialis*. Athanasium quod attinet, criminationes ei impositæ tot coloribus veritatem imitantibus obducebantur, ac tam multis Conciliorum Cæsarumque præjudicijs adjunctæ erant, ut mirum esset non credi, fallerentq; prudentissimos; præsertim cum illi ipsi Episcopi Athanasium accularent, quos constabat fidiissimos amicorum fuisse; quæ causâ fuit, ut Constantinus illum Treviros deportaverit interceptæ annonæ reum.

Hæc

(a) S. Augustinus epist. 174.



**Hæc Liberium permovere.** Cum enim Arianam hæresin, eosq; omnes, qui Filium DEI esse, ac per omnia Patri similem, anathemate damnasset, credidit publicæ paci unius Athanasij ac voculæ exilio innocenter litari posse. Subscripsit ergo primæ formulæ Sirmiensis. Nihil eâ speciosius dici legique poterat, nec ullo mendacio, hæresique sædabatur. Omittebat tantum vocem *Consubstantialis*. Hoc Liberij delictum; quia tamen communi Catholicorum sensu causâ Athanasij cum causâ fidei conjungebatur, & vox homousij tessera erat, quæ Catholicos, Arianosque distinguebat; hinc à multis creditum est, Liberium Arianæ hæresi consensisse. Quæro jam ex Maimburgo, qua in re Liberius hæreticus fuerit? Quodd Athanasium damnaverit? at damnare innocentem injustitia est, non hæresis; nec Liberius ob fidem Athanasium, sed ob alia damnavit, quæ illi objectabantur, & ferè qualia superioribus annis Alexandensi & Apamiensi Episcopis: Athanasium enim pertinaciæ, superbici, seditionis, imò & Magiæ, & cædium postulabant. Quodd cum Arianis communicaverit? at Catholicos se simulabant, Ario, ejusque hæresi abjuratis; non ergo tamquàm cum Arianis, sed cum Catholicis societatem junxerat. Quodd deceptus sit, & pro Catholicis habuerit, qui hæretici erant? at decipi non hæresis est, sed imprudentia: num solum Liberium, & non potius totum Orbem deceperant? & quæ tam cauta innocentia, ut falli non possit? nemo Chrysostomum hæreticum dixit, quodd Monachos Origenistas, Catholicam Religionem egregiè mentitos tantâ curâ contra Epiphanium defenderit, sinuque exceperit. Si quis Calvinista Catholicum se ferat, neque id tantum voce, sed etiam corollâ precatiori de manu pendente, cruce fronti impressâ, sacrâ bullâ ad colulum demissâ, alijsque Catholicorum ritibus: tuque hæc specie, pompaque pietatis deceptus eum pro Catholico habeas, cum eoque communices; quis propterea Calvinistam te dicat? tantum nec ampliùs fecit Liberius, species illum, colorque decepit, mendacio veritatem imitante. Quodd vocem *Consubstantialis* omitti sileriique permiserit? at eadem ratione Augustinum tantum Arianorum hostem damnaveris, quippe eandem silere paratum: nec silentium veritatis dici hæresis potest, præsertim cum quis rem ipsam fateatur, nec enim fides de vocibus, sed rebus est: & Liberius eâ ratione omiserat, quodd persuasus esset, eâ Sabellianos abuti eliminandæ Personarum distinctioni. S. quoque Basilius diu abstinendum duxit, voce *homousij* cum de Divinitate Spiritûs S. ageret, quam

812 Diff. IV. §. IV. Respondetur ad alia,

egregiè probaverat, idque spe lucrandi Macedonianos; & propterea multum à S. Gregorio Nazianzeno laudatur Orat. 20. (an secunda? idq; ea ratione, quâ inquit: *Fides non in verbis sed in rebus consistit.* Non negabat Liberius Filium ejusdem esse cum Patre substantiæ, imò qui hoc negaret, anathemate percusserat; sed sileri tantum eam vocem terebat tamquam novam, in scripturis non repertam, Sabellianis propitiam, facemque discordiarum, ut Ariani iactabant, quæ quidem omnia aut falsa erant, aut malignè explicata, sed fallentium culpâ, non decepti. Non excuso Liberium, quippe aut incautum, aut mollem & fastidium pœnarum pacem præ bello amantem; sed aliud est improvidum, inconstantem, mollemque, aliud hæreticum esse. Hoc nunquam Maimburgus de Liberio probabit, illa non excuso. Et hæc quidem de Liberio suffecerint. Pergit Maimburgus de Vigilio & Honorio, de Bonifacio VIII. Adriano VI. & Pio II. dicere, quæ non solum in Regali Sacerdotio, verum etiam in superiori dissertatione à nobis resutata sunt, & ideo repetere non vacat.

§. IV.

Respondetur ad alias Maimburgi oppositiones à capite 13.

S U M M A R I A.

1. Respondetur ad Decretum Cælestini III.
2. Et ad Definitionem Innocentij III.
3. Et ad errores Johannis XXII.
4. Et denique ad sermonem Pauli IV. in consistorio habitum.

I.

**O**pponit 6. Cælestinus III. Papa definivit in Decretali: *Laudabilem de Conversione infidelium.* Solvi fidelium matrimonia, quoad vinculum, altero Conjugum hæresin amplectente, ac innocenti liberum esse novas nuptias inire. Contrarium Innocentius III. in capitulo quarto de Divoritijs definivit.

Resp. Nihil ad rem facit hoc argumentum, & ne quidem questionem tangit. Cælestinus nihil definierat, sed mentem tantum suam ut privatus Doctor exposuerat, communem illius temporis opinionem secutus; quod aperte Innocentius illis verbis insinuat: *Et si quidem*

Præ-

## quæ Infallibilitati Pontificiæ opponuntur. 813

*Prædecessor noster aliter sensisse videatur.* Aliud est sentire, aliud definire; præsertim cum Cælestinus non ex proposito, sed incidenter, aliudque agens ad eum casum respondeat. Nimis verò in sacris Canonibus peregrinus est, qui nescit non omnia, quæ Decretalibus continentur, ad fidem pertinere; aliud enim est responsum juris, aliud Dogma ac Decretum fidei: hoc totam Ecclesiam respicit, & quidem cum imperio ad omnes fideles directo, quo obligantur sub pœna hæreseos & anathematis illud recipere, nec aliter credere: id nunquam Cælestinus fecit, imò neque Innocentius, qui Cælestinum corrigit: *Credimus, inquit, aliter respondendum.* Sunt hæc verba definiens, & non potius disputantis? sed parcendum Maimburgo solius historiæ gnaro, Theologiæ verò, Canonumque rudi, quod ex omnibus ferè illius operibus elucet; nihil enim infelicius, cum Theologum agit, Jurisveperitum, & alieno calceo incedit, cadenti, quàm eunti similior. Pudet me immorari tam absurdis.

II. *Opponit 7.* Refert Cæsarius, Innocentium III. jam Pontificem solemnem Definitionem ex consilio sacri Cardinalium Senatûs, adeoque ex Cathedra edidisse, quæ omnino fidei adversatur, & ab ipso postea Innocentio improbata est. Res sic habuit: Monachus quidam se Sacerdotem finxerat, ac quotidie sacris operabatur. Tactus pœnitentiæ sacrilegium in Confessione Abbati exponit. Is jubet deinceps sacrificio abstinere. At Monachus pergere, veritus, ne ab alijs notaretur. Abbas animi incertus, cum & timeret arcana confessionis retinere, nec sacrilegium ferre posset quotidie oculis expositum, rem ad Capitulum generale deferret suppresso nomine. Capitulum ad Pontificem Romanum, hic ad Cardinalium Senatum, ex cujus consilio: *scripsit, inquit, Cæsarius (a) sequenti anno Capitulo, quod fuerat à se determinatum, & à Cardinalibus approbatum in hæc verba: Ego dico in tali articulo esse prodendum, quia talis Confessio non est Confessio, sed Blasphemia, nec debet Confessor Blasphemiam tantam ac insaniam celare.* At verò in Concilio Lateranensi, cui Innocentius præfuit, contrarium omnino definitur, ubi præcaveat Sacerdos, ne verbo vel signo, vel alio quovis modo prodat aliquatenus peccatorem: & qui peccatum in pœnitentiali iudicio sibi detectum præsumpserit revelare, non solum à Sacerdotali officio deponendum decernimus, verum etiam ad agendam perpetuam pœnitentiam in arctum Monasterium detrahendum. En

(a) Cæsar. lib. 3. cap. 12.

En Innocentium contraria decernentem ! semel in Senatu Cardinalium Ecclesiam Romanam representante, semel in Concilio Generali : hic verum, illic falsum decernit ; ergo Pontifex in Concilio Generali erroris expertus est : extra falli potest.

*Resp.* Tota hæc narratio Cæsarij auctoritate nititur : quàm fragilem basin tantæ moli ferendæ ! quis enim nescit, multa à Cæsario narrari fabulis simillima ? & quæ ipse profiteatur, aliorum tantùm narratione accepta ? ergo æquum Maimburgo videbitur, totam retrò ab Irenæo antiquitatem, tot Patres, tot Concilia Oecumenica falsi arguere unius Cæsarij testimonio ? præsertim cùm is audita, non visa narret, imò ne ab ullo quidem scriptore consignata, nec inter epistolas Innocentij reperiata ; & mirum est, rem tantam omnium silentio premi. Si post Innocentij Decretum Lateranense Concilium contrarium tanquàm fidei dogma definivit, ut ait Maimburgus ; ergo Cæsarius hæreticus est, qui non obstante Concilij definitione se Innocentij sententiæ adhærere proficitur : quam ergo fidem Cæsario adhibebimus perfidiæ & hæresis reo ? Dicam ergo errasse Cæsarium, quippe aliena, incomperta, inaudita ac incredibilia narrantem. Quod si absurdum Maimburgo videbitur, Cæsarium in merò facto, historiaque errasse, in qua tam multi, præstantesque errârunt ; quantò absurdus erit, in rebus ad fidem, æternamque salutem spectantibus errasse, aut errare Pontificem, errare Magistrum, Pastoremque Ecclesiæ, errasse Cathedram veritatis, errasse Patres, errasse Concilia, errasse Ecclesiam Gallicanam, omnesq; Ecclesiæ scholas, quæ Romano Pontifici tanto consensu infallibilitatem tredecim & ultra sæculorum decursu attribuere ? Quantò minori dispendio errasse, deceptumque Cæsarium esse dicemus, quàm istos omnes ? Sed demus vera esse à Cæsario narrata, nihil adhuc obstant veritati. Quando enim Innocentius Cisterciensi Capitulo scripsit, nihil definivit, nec præcepit pro fidei dogmate habendum, nec contrariam sententiam doceri prohibuit, cæciditque anathemate, in quo solo casu, qui proprius Pontificis est, convenitque Magistro Ecclesiæ, infallibilem esse dicimus.

III. *Oppositio* 8. Exemplum Johannis PP. qui nihil non egit, ut opinio in Ecclesia reciperetur, quam animo suo imprefserat, animas vid. justorum non admitti post mortem ad Visionem Beatificam, ante Resurrectionem corporum. Hanc enim sententiam & in publicis & in privatis congressibus, imò & è suggestu docuit, omnemque lapidem movit,

## quæ Infallibilitati Pontificiæ opponuntur. 815

movit, ut eam Universitati Parisiensi persuaderet : denique ut scribis Adrianus VI. *publicè docuit, declaravit. & ab omnibus teneri mandavit, quod anima &c.* Et tamen hanc sententiam hæreticam esse, non solum Parisiensi Universitatis, sed etiam Benedictus XII. & Concilium Florentinum definivit.

*Resp.* Imò hoc maximè exemplo apparuit, quantum DEO curæ sit, ne Cathedra Petri aliquo errore inquinetur, quicumque tandem Pontifex eam Cathedram insideat. Certum est, Johannem in erroneam sententiam de animabus corpore solutis maximè propendisse, DEO tamen nunquam annuente, ut hunc errorem à Cathedra promulgaret, & tanquam fidei Dogma recipi totâ Ecclesiâ juberet. Id verum esse, multifariam apertissimeque ex ipso etiam Maimburgo ostenditur. Nam primò permisit Johannes, (a) ut cuilibet pro arbitrio liceret de hac sentire, rogavitque Philippum Regem, ut utriusque sententiæ locus & libertas in Gallia esset, non tamen impetravit. Nihil ergo definierat Johannes, alioquin libertas opinandi sublata esset. *Secundò.* Nunquam Constitutionem reperias, in qua Johannes tanquam fidei Dogma hanc opinionem suam admitti à fidelibus voluerit. *Tertiò.* Ipsemet Johannes cum videret novellâ hâc sententiâ turbari Galliam, indignarique, vocato Cardinalium, Prælatorum, Doctorumque Cœtu, qui Avenione morabantur, protestatus est, (b) se quidquid pro sententia sua hætenus dixerit, non definiendi, sed veritatem examinandi, inquirendique causâ à se dictum fuisse. *Quartò.* Ipsi Parisienses Doctores eodem anno, quo hanc Johannis opinionem erroris damnârunt, anno videlicet MCCCXXXIII. (c) secundâ Januarij palàm aperteque professi sunt, eam sententiam à Johanne in medium productam esse, non quòd veram crederet, multoq; minùs, quòd definire eam veller, sed solum indagandæ veritatis gratiâ. *Quintò.* (d) Idem Johannes professus est, se nihil in hac causâ positivè affirmare velle : ejusque sententiam non tanquam Pontificis, sed privati Doctoris censuit Rex Philippus sententiæ Parisiensis Universitatis postponendam esse, teste ipso Maimburgo. *Sextò.* Teste Wadingo, (e) cum Franciscanorum Generalis Parisijs Johannis sententiam ex suggestu

Rrrrr

defen-

(a) Epistola Johan. ad Philippum Vales. à Calend. Decembr. (b) Maimb. de la Decadenze liv. 6. J. Willanus lib. 10. c. ult. Wading. ad Annum 1333. (c) Spondan. ad Ann. 1333. Historia Univerf. Paris. ad eund. ann. (d) Maimb. cit. fol. 60r. & Wading. in Regesto Anno 1333. (e) Wading. in Reg. cit.

defendisset, Pontifex juramento contestatus est, tantum abesse, Generalem id mandato suo feciss, ut ne quidem de hac re cogitaverit. *Scptimò.* Anno denique MCCCXXXIV. tertio Decembris idem Johannes morti vicinus [quando præter æterna nihil amplius speratur, timenturque] ~~ed~~ ultimâ constitutione professus est, justorum animas statim, ut peccatorum reliquijs purgatæ sunt, in Cælum admitti, ubi Beatâ DEI Visione facie ad faciem perfruuntur, & *hanc sententiam se habere, & antehac habuisse*; quæ verò de hac re præteritis annis dixerit, scripseritque, omnia Ecclesiæ, suorumque successorum Pontificum iudicio ac censuræ subjecta velle. Ita Willanus (a) & Wadingus (b) testantur, nec Maimburgus lib. 6. de Imperij Occasu diffiteretur. Constat ergo, nihil definivisse Johannem ex Cathedra, nihil ergo privatus illius error Cathedræ Infallibilitati nocet. Frustrâ ergo Maimburgus laborat, invitâ non solum veritate, sed etiam conscientiâ. Agnovit enim Johannis innocentiam, imò & defendit libro citato. Nunc verò aut Romæ iratus, aut aulæ devinctus, aut utroque affectu perversus, maluit falsa quidem & indigna cum lucro scribere, quàm gratis, nulloque pretio veritatem.

IV. *Opponit* 9. Paulum IV. PP. Anno 1557. cùm ab eo peteretur dissolutio Matrimonij per verba de præsentî inter Marefchallum Momorantium, nobilemque Virginem contracti, nullo tamen maritali amplexu secuto; causâ ad Collegium Purpuratorum delatâ sic prælocutum esse: *Quærimus, num Matrimonium de præsentî contractum, quod est verum Sacramentum, auctoritate nostrâ dissolvi possit, cùm carnalis conjunctio nulla intercessit. Perspicite, an Decessores nostri id satis intellexerint, quod de indissolubili Matrimonij vinculo disquirimus. Non dubito, quin ego & Decessores mei errare aliquando potuerimus, non solum in hoc, verum etiam in alijs rerum generibus. Fatetur ergo Paulus, Romanos Pontifices etiam in causis Sacramenta spectantibus errori subjectos esse.*

*Resp.* Quæro ex Maimburgo, quem hujus historiæ, sermonisque à Paulo habiti testem auctoremque proponat? nihil enim in Annalibus eorum temporum, nihil in Constitutionibus Pauli reperimus. Quem ergo Auctorem facit? *Dominum*, inquit, *de la Haye.* (c) At hic nomine sponsi dispensationem urgebat, recusatamque ægerrimè reulerat, sed tantùm ab alijs relatum acceperat; quantam ergo fidem habebimus

(a) Wilan. lib. II. cap. 9. (b) Wading. cit. (c) Relatio Johann. Hay.

bimus testi & offenso, & audita tantum narranti? Sed ita res se habet, quid rogo consequitur? planè nihil aliud, quàm Paulum credidisse, Pontifices Romanos in concedendis Dispensationibus, præsertim circa Matrimonia, aliquando aut humano respectu, ac Principes demerendi causâ, aut cupiditate, aut causarum ignorantia, aut dolo supplicantium errasse, deceptosque esse; sicque cum de hujusmodi indulgentiis agitur, laxandoque præsertim vinculo Matrimonij, non tam exemplis priorum Pontificum, quàm à legibus à DEO sancitis, atque in sacris litteris Ecclesiæ propositis agendum esse. Quæ omnia verissima sunt, atque à nobis spontè concessa; nec enim in hujusmodi causis errare Pontifices posse, imò frequenter errasse, haud inficiamur. Illud ergo monstrandum à Maimburgo fuerat, dixisse Paulum: *Superiores Pontifices re maturè agitatâ solemnî Decreto definivisse, totique Ecclesiæ tanquam fidei articulum credendum proposuisse, vinculum matrimonij rati solvi à Pontifice posse, & tamen hanc definitionem falsam esse.* Id, inquam, oportuit à Paulo Pontifice dici, ut hujus testimonium aliquid ad rem faceret: at nunquàm hoc Paulus dixit: imò si dixisset, quid tandem esset? num quidquid Pontifices in Consistorio perorant, id continuò Decretum est fidei, & oraculum ex Cathedra? at nos de hoc tantum quærimus.

Ex hætenus dictis faciliè judicabit Lector, exempla hætenus à Maimburgo, aut ex libris Protestantium, aut ex Launoi collecta (nihil enim ex suo præter formulas illas jactantiæ & vanitatis plenas) non tantum nihil probare, sed ne quidem ad statum quæstionis pertinere: probat, quæ nos ipsi concedimus; omittit, quæ negamus, & ex quovis trunco Mercurium facit. Nihil ergo ab eo timeas, qui non tantum non ferit, sed ne tangit quidem.

(a) Relatio Johann. Hay.



## INDEX PRIMÆ DISSERTATIONIS.

§. I. Quid Regalia, quæ ejus initia, quomodo extensa, & quibus titulis, ac rationibus innixa. fol. 1

### S U M M A R I A.

1. Malè Catholicos, sacrosque Doctores domesticis prælijs concurrere, cum externa abundant; sed adulationi, privatisque cupiditatibus hoc deberi, &c. 2
2. Quid Regalia, & per quos gradus provecta? De Custodia, Infeudatione, Spolijs & collationibus beneficiorum. Hæc omnia contra Canones fieri. 4
3. Regaliam usq; ad tertiam Regum Galliæ stirpem aut ignotam, aut pro abusu habitam esse. Libertas Cleri Gallicani olim Reges admonentis. 11
4. Regaliam sub finem sæculi XI. inductam. Error Maimburgi illam ex Concilio Lateranensi, & privilegio Calixti II. deducuntis. 16
5. Ante Concilium Lugdunense solâ consuetudine jus Regaliæ stetit, non ideò tamen aut licitum, aut concessum, quia toleratum. 19
6. Concilium Lugdunense Regaliam intra consuetudinem coercet, precibus præsertim Gallicanæ Ecclesiæ; an eo Concilio ususfructus vacantium bonorum, & Collatio Beneficiorum concessa? 24
7. Regaliam toto Regno extendere aliquoties à Regijs ministris tentatum est, adversante semper, & vincente Clero. Edicta Henrici III. & Henrici IV. & Ludovici XIII. & tandem Ludovici XIV. quo ultimo jus Regaliæ ad omnes Gallici Imperij Provincias extensum est. 29

§. II. Jus Regaliæ, quod hætenus in aliquibus tantum Galliæ Ecclesijs locum habuit, non posse ad omnes extendi. fol. 31

### S U M M A R I A.

1. Regalia, omnium retrò Conciliorum, ipsiusque Galliæ testimonijs damnata, consuetudine sustineri vix poterat: saltem ubi consuetudo non erat, etiam ante Concilium Lugdunense exerceri non potuisse, duorum Galliæ Regum exemplis, & Parlamentorum sententijs evidenter ostenditur. 32
2. Con-



# INDEX.

2. Concilij Lugd. decreto Regaliæ extensio prohibetur, idque Gallis petentibus. 34
3. Idem ex varijs Regum, & Parlamentorum Galliæ Constitutionibus, Arrestisque, & omnium ferè Gallorum testimonijs probatur. 35
4. Non eas solum Ecclesias eximi, quæ titulo oneroso libertatem redemere, sed omnes, quæ in possessione suæ libertatis fuere, idq; Gallos ipsos fateri. 37
5. Parva Regum Galliæ ex Regalijs emolumenta; maxima ipsorum, & Ecclesiarum damna: Ludovici VII & IX. egregia in hanc rem exempla. 39

5. III. Certamen contra Regaliæ à S. Thoma Cantuariensi Archiepiscopo susceptum, alijsq; in simili causa laborantibus propositum. 42

## SUMMARIA.

1. Regibus suis & reverentiam, & libertatem Pastores debent. 42
2. S. Thomas Archiepisc. Regaliæ abusus impugnat, & hæc ei necis causa &c. 43
3. Regem offendit, & quas ob causas? 45
4. Subscribit Clarendunæ Regijs consuetudinibus, & quare? pœnitentique. 46
5. Northantoniam cum Regijs confligit. 50
6. Fuga, exilium, pericula, & epistolæ ad Alexandrum Papam. 53
7. Alexander Henrici Legatos Senonis audit, & paulò post S. Archiepiscopum, qui causam in sacro Consistorio dicit, postea resignat. 56
8. Pontiniaci Monachum agit, & ab Henrico pellitur: Schisma Henrici, & ab Alexandro Legati. 61
9. Regem convenit, oraturque, nec tamen placat, & quam ob causam? Cum Galliæ Rege in gratiam redit. Et quas ob causas assentiri Regi non potuit? 63
10. Alij ab Alexandro in Angliam Legati, sed nullo effectu. Sanctus Henricum convenit, nec tamen flectit: tandem Alexandri Legatis Rex cedit. 69
11. Pax cum Archiepiscopo inita. Redit in Angliam. Novæ ab Archiepiscopo Eboracensi turbæ: Regis querelæ, & secuta S. Archiepiscopi cædes. 72
12. Regis pœnitentia, ac tandem mors. D. Thomæ, & Alexandri PP. constantia, 73

# INDEX.

§. IV. Innocentij XI. Pontificis Maximi, contra Regaliæ abusus Decreta, & curæ; quàm immeritò ab aliquibus notata. fol. 78.

## SUMMARIA.

1. Multæ in Gallijs Ecclesiæ Decreto Concilij Lugdunensis, & quatuor sæculorum beneficio à Regalia liberæ, idq; Episcopi Galli agnoscunt, & tamen Edicto Regio subscribunt, & quas ob causas? 78
2. Soli Episcopi Alectensis, & Apamienfis causam sustentant ab alijs metu desertam, quod ipsorum testimonijs ostenditur. Apamienf. exilium, & mors. 80
3. Vicarijs ab Apamienfi Capitulo electis alij à Tholosano Archiepiscopo oppositi, sed nullo jure. Nova, & læva persecutio. 83
4. Aliæ in Monasterio Carronenfi turbæ. 86
5. Romani Pontificis in tot malis curæ, & quas ob causas, &c. 88

§. V. Rationes in Regaliæ patrociniũ à Gallis productæ, & refutatæ. fol. 95.

## SUMMARIA.

1. Jus Regaliæ non est Coronæ Gallicæ ingenitum, ut Politici volunt. 95
2. Falsoque supponi ad ea jura, quæ nec præscribi, nec alienari possint, pertinere. 98
3. Nihil Regaliæ suffragari Galliæ Concordata. 101
4. Nihil jura feudi. 103
5. Nec etiam jus Patronatûs. 106
6. Multoq; minùs Beneficia à Regibus Galliæ in Episcopos collata, &c. 108

§. VI. Aliæ Rationes in patrociniũ Regaliæ à Gallis productæ. f. 110

## SUMMARIA.

1. An Reges inter sacras Personas & Regaliæ capaces reputari debeant, &c. 110
2. Causam Regaliæ in Parliamentis sæpius agitatam fuisse, quo jure, &c. 112
3. Episcoporum consensum, aut spe, aut metu expressum nihil Regijs favere. 118
4. Multoq; minus eorundem Episcoporum subscriptionem. 143

§. VII. Responderetur ad ea, quæ à P. Alexandro Natali ad sæculum XIII. & XIV. in favorem Regaliæ producta sunt. fol. 152

SUM-

# INDEX. SUMMARIA.

1. Patris Alexandri Natalis pro Regalia Dissertatio istius causæ imbecillitatem demonstrat.	152
2. Exempla à P. Alexandro producta, ex illis, quos citat, falsi convicta.	153
3. Totam ferè Dissertationem suam extra orbitam quæstionis perducit.	156
4. Principia ab hoc Auctore posita contra Regaliam militant.	157
5. Quàm sint inania, quæ ad Patrum, Canonumque testimonia responder.	158
6. Nihil exemplis probari, ex antiquo testamento petitis.	160
7. Ad alia objecta responderur.	161
8. Arresta, Senatûs-Consulta, ultimam Regiam Declarationem, Consensumque Patrum Parisiensis Conventûs nihil pro Regalia facere.	164

9. VII. Documenta ad argumentum Regaliæ spectantia.	169
---	-----

# SUMMARIA.

1. Prima Epistola Alestensis Episcopi ad Regem Christianissimum.	169
2. Mandatum Ejusdem contra eos, qui vi Regaliæ beneficia obtrinebant.	175
3. Mandatum Ejusdem Alestensis Episcopi contra D. de Foix.	177
4. Secunda Epistola Alestensis ad Regem.	178
5. Mandatum Episcopi Apamienlis.	180
6. Prima Epistola Episcopi Apamienlis ad Regem.	182
7. Epistola Encyclica Episcopi Alestensis.	184
8. Actus Capitularis contra D. Paucet Regalistam.	184
9. Actus Episcopi Apamienlis contra Archiepisc. Tholosanum.	185
10. Mandatum Episcopi Apamienlis contra Regalistas.	196
11. Tertia Epistola Alestensis Episcopi ad Regem.	197
12. Primum Breve S. D. N. Innocentij Papæ ad Regem.	198
13. Secundum Breve S. D. N. Innocentij Papæ ad Regem.	202
14. Tertium Breve S. D. N. Innocentij Papæ ad Regem.	204
15. Quartum Breve S. D. N. Innocentij Papæ ad Regem.	207
16. Epistola Episcopi Alestensis ad Conventum Cleri Gallicani.	210
17. Epistola Ejusdem ad Archiepiscopum Parisiensem.	212
18. Epistola Ejusdem ad Cardinalem Bonzium Archiep. Narbon.	213
19. Epistola Ejusdem ad Innocentium Papam super Theologiæ Moralæ & Regaliæ corruptelis.	214
20. Breve S. D. N. Innocentij Papæ ad Episcopum Alestensem.	218
21. Epi-	

# INDEX.

21. Epistola Episcopi Alestenfis ad D. Bezons Consiliarium Statūs.	218
22. Secunda Epistola Alestenfis ad Cardinalem Bonzium.	222
23. Actus Appellationis Alestenfis ad S. Pontif. contra Cardin. Bonzi- um.	227
24. Projectum Appellationis contra Mandatum Cardinalis de Bonzy.	228
25. Alia Epistola Episcopi Alestenfis ad S. D. N. Innocentium Papam.	235
26. Epistola Cardinalis Cibo ad Episcopum Apamiensem.	236
27. Secunda Epistola Episcopi Apamienfis ad Regem.	237
28. Epistola Ejusdem Apamienfis ad Magnum Galliæ Cancellarium.	242
29. Prima Epistola Episcopi Apamienfis ad S. D. N. Innocentium Papam.	246
30. Secunda Epistola Ejusdem Apamienfis ad S. D. N. Innocentium Pa- pam.	247
31. Primum Breve S. D. N. Innocentij Papæ ad Episcopum Apamiensem.	253
32. Breve S. D. N. Innocentij Papæ ad Archiepiscopum Tholosan.	254
33. Tertia Epistola Episcopi Apamienfis ad Regem.	256
34. Epistola D. Foucault Aquitanix Præfecti ad Epif. Apamiensem.	259
35. Responso Reverendissimi Episcopi Apamienfis.	260
36. Epistola Episcopi Apamienfis ad Archiepisc. Parisiensem.	260
37. Epistola Epif. Apamienfis ad R. P. de la Chaile Regis Confessarium.	263
38. Secundum Breve S. D. N. Innocentij Papæ ad Episc. Apamienf.	266
39. Epistola Epif. Apamienfis ad Procuratorem Parlamenti Parisienf.	267
40. Tertium Breve S. D. N. Innocentij Papæ ad Episc. Apamienf.	270
41. Constitutio Episcopi Apamienfis.	270
42. Constit. Ejusdem, quâ Diæcesanos suos ad Preces publicas exhor- tatur.	271
43. Sententia Excommunicationis ab Eodem contra Regalistam pro- nuntiata.	274
44. Constitutio alia Ejusdem ad impediendam Regaliæ introductio- nem.	275
45. Actus, quo Episc. Apam. confirmat constitutiones suas contra Rega- list.	280
46. Quartum Breve S. D. N. Innocentij Papæ ad Episc. Apamienf.	290
47. Epistola D. Dorat Archipresbyteri Aquisenfi ad D. la Borde.	291
48. Epistola P. Mariana Socini ad Episcopum Apamienf.	297
49. Epi-	

# INDEX

49. Epistola Ejusdem P. Mariana ad quandam Personam Devotam.	298
50. Breve S. D. N. Innocentij Papæ ad Canonicos Apamienses.	299
51. Breve S. D. N. Innocentij Papæ ad Archiepisc. Tholosanum.	300
52. Breve S. D. N. Innocentij Papæ ad Capitulum Apamiense.	301
53. Prima Epist. D. Jo. Cerle Vicarij Apamiensis ad Innocentium PP.	302
54. Breve S. D. N. Innocentij PP. ad P. Cerle, & Capitulum Apam.	308
55. Secunda Epistola D. Cerle ad S. D. N. Innocentium PP.	309
56. Tertia Epistola ejusdem D. Cerle ad S. D. N. Innocentium PP.	318
57. Epistola quarta P. Cerle ad S. D. N. Innocentium PP.	327
58. Epistola Cleri Gallicani ad S. D. N. Innocentium PP.	335
59. Responsio Innocentij Papæ ad Clerum Gallicanum.	345
60. Alia Cleri Gallicani Epistola ad Innocentium PP.	349
61. Epistola Pastorum Apamiensium ad Innocentium PP.	352
62. Quinta Epistola P. Cerle ad Innocentium PP.	356
63. Epistola P. Cerle ad P. Rectorem Collegij Apamiensis S. J.	364

## INDEX SECUNDÆ DISSERTATIONIS.

§. I. Refutantur, quæ Maimburgus in Dedicatoria producit. Falli eos, qui putant; hæreticos ad veram Religionem facilius redituros, Pontificis Romani Auctoritate minutâ.	372
--	-----

## SUMMARIA.

1. Refutantur, quæ Maimburgus in Dedicatoria ad Regem præfatur.	374
2. Pontificis potestatem non fuisse veram Græci Schismatis causam.	376
3. Idem ostenditur exemplo Schismatis Anglicani, Germanique.	380
4. Et Sueci, Danici, iterumq; Anglicani, Gallicque. Quæ ergo causa?	381
5. Regiam potestatem, Sacramenta, Cœlibatum, & ipsa Concilia abolenda esse, si argumentatio Maimburgi valeat; &c.	384
6. Transactiones cum hæreticis semper infelicitè cecidisse, quod exemplis ostenditur Concilij Ariminensis.	386
7. Et Zenonis Imperatoris.	386
8. Et Honorij Pontificis ac Heraclij.	388
9. Et Caroli Imperatoris.	390
10. Et Eliæ Patriarchæ Babylonici.	393

§. II. Agitur de Prima Conventus Parisiensis Propositione. Ecclesiæ Gallicanæ consensus pro Pontificis indirecta potestate in Reges & Principes, eorumque Bona & Dignitates temporales.	396
---	-----

# INDEX. S U M M A R I A.

1. Ecclesiæ Gallicanæ autoritas Parisiensibus Propositionibus prætex- ta exemplo omnium ferè Hæreticorum, & quam ob causam?	397
2. Autoritas Pontificia in Reges exercita exemplis Galliam spectanti- bus probatur, & primò Gregorij II. in Leonem Isauricum.	398
3. Et Zachariæ in Childericum Regem.	405
4. Et Stephani Pontificis.	414
5. Et Hadriani in Desiderium Regem.	415
6. Ejusdem Hadriani in gratiam Caroli M.	416
7. Et Leonis III. Imperium Romanum in Carolum M. transferentis.	416
8. Et S. Gregorij M.	435
9. Aliud ejusdem Gregorij exemplum.	436
10. Episcoporum Galliæ in Ludovicum I. Imperatorem.	436
11. Iterum Galliæ Episcoporum in Lotharium Imperatorem.	438
12. Et Nicolai Papæ.	439
13. Et Hadriani II. in Carolum Calvum.	440
14. Et Fulconis Archiepiscopi Rhemenfis in Carolum Simplicem.	442
15. Et Concilij Lateranensis sub Alexandro III.	444
16. Et alterius Concilij Lateranensis sub Innocentio III.	444
17. Innocentij IV. in Fridericum Imperatorem.	445
18. Et Clementis V.	446
19. Et Concilij Constantiensis.	446
20. Et Concilij Viennensis.	453
21. Et Concilij Basileensis.	453
22. Et Concilij Tridentini.	454
23. Et Universitatis Sorbonicæ.	454
24. Et totius Cleri Gallicani.	455
25. Et Testimonijs celeberrimorum in Gallia Doctorum.	458
26. Multa in rem nostram contra Maimburgum ex dictis colliguntur.	458

§. III. Solvuntur, quæ contra Pontificis indirectam in Regna potestatem  
Maimburgus, alijsque objectant. 463

## S U M M A R I A.

1. Indirectâ Pontificis in Reges potestatem, publico bono non obesse.	463
2. Nec exemplo Christi adversari.	469
3. Nec SS. Scripturæ, Matth. 20. Marci 10. Luc. 22. Rom. 13. 1. Petri 2.	473
4. Subditos ab Obedientia Principibus debita exsolvi posse.	477
5. Eam.	477

## I N D E X.

- |  |     |
|--|-----|
| 5. Eandem potestatem Theologicè ex SS. Litteris deduci.    | 480 |
| 6. Neque improbari à S. Bernardo.                          | 494 |
| 7. Neque ab alijs SS. Patribus, aut antiquis Pontificibus. | 496 |

- §. IV. Solvuntur aliæ objectiones, quæ à Maimburgo ex Actis & Auctoritate Ecclesiæ Gallicanæ adducuntur. 501

## S U M M A R I A.

- |  |     |
|--|-----|
| 1. Pontificis indirectæ in Reges potestati non obesse Acta inter Gregorium, & Ludovicum Imperatorem. | 501 |
| 2. Neque Acta inter Bonifacium, & Philippum Regem Galliæ, &c.  | 504 |
| 3. Nec deniq; alia ex Actis & Auctoritate Ecclesiæ Gallicanæ adducta.                                | 512 |

## INDEX TERTIÆ DISSERTATIONIS.

- §. I. Refelluntur Maimburgi argumenta ab exemplis Leonis, Vigiliij, Honorij, Silvestri Pontificum, & Concilij Arelatenfis petita. 519

## S U M M A R I A.

- |   |     |
|---|-----|
| 1. Concilia si Acephala sint, aut Pontifici opposita, aut ab eo non confirmata, non esse certa Spiritûs Sancti organa, nec erroris expertia, idque testimonio Patrum, ipsiusque Maimburgi, & rationibus probatur. | 520 |
| 2. Majorem esse Pontificis, quàm Concilij auctoritatem, verbis exemplisque probatur Leonis Magni, frustra Maimburgo circa unum, alterumve Leonis verbum rixante.  | 527 |
| 3. Pertexitur Vigiliij historia. Nestorij mores, promotio, hæreses, damnatio, extrema.  | 534 |
| 4. Nestorij libri edito Theodosij flammis cremati, eorum loco à Nestorij Clientibus Theodori Mopsvesteni scripta varijs linguis evulgantur.   | 536 |
| 5. Eutychetis error, & Concilium Chalcedonense, in quo Theodorus Cyri, & Ibas Edessæ Episcopi absoluti, & quas ob causas?   | 536 |
| 6. Bellum tribus Capitulis indictum odio Eurychianorum Concilio Chalcedonensi adversantium. Vigilius consilij anceps in omnem se partem versat, fugitque Thessalonicam.   | 541 |
| 7. Concilium Constantinopolitanum. Vigiliij pro tribus Capitulis Constitutum, & rationes. Tria capitula in Concilio Constantinopolitano damnata, cui & Vigilius subscripsisse fertur concordæ studio.             | 543 |

# INDEX

8. Causam trium Capitulorum nihil ad fidem spectasse, Gregorij, & Pelagij Pontificum, & totius ferè Occidentis testimonio, exemploq; probatur, qui in causa trium capitulorum oblectari Concilio Constantino politano non prius destitit, quàm Pontificum auctoritate vinceretur. Nec Vigilium mutatis toties sententijs errasse. 546
9. Honorij PP. innocentia multis modis ostenditur: ac etiam si admittas hæreticum fuisse, nihil contra Pontificum auctoritatem concludi. 553
10. Ex Concilio Arelateni nihil contra Pontificis auctoritatem colligi, sed multa pro illa, ubi etiam Maimburgi errores notati; & luculentissimum Zolimi Pontificis testimonium. 561
11. Siricij quoque Exemplum nihil contra Pontificis auctoritatem, sed pro illa potius militare. 573
12. Ex Gerberti Historia stabiliri potius Pontificis auctoritatem, quàm everti; & quàm malâ fide eam recitet Maimburgus. 580

f. II. De Appellationibus tanquam ab abusu. fol. 586.

## SUMMARIA.

1. Quinque Parisienses propositiones eò pertinere, ut omnes causæ spirituales Parlamento prophanisque Tribunalibus subdantur, idque testimonio Maimburgi palàm fieri, Appellationes ab abusu Concilio Oecumenico substituuntis. 586
2. Appellationes ab abusu recentes esse, & præteritis terro annis ignoratas, idque testimonijs Constantini & Theodorici ostenditur 587
3. Earum Appellationum injustitia tum ex ipso Appellationis nomine, tum ex gradibus, quibus provectæ sunt, probatur. 588
4. Et ex querelis Cleri Gallicani, eas Appellationes improbantis. 590
5. Et ex varijs rationibus. 591
6. Responderetur ad Regionum argumenta. 593

f. III. Responderetur ad auctoritatem Concilij Pisani. 595

## SUMMARIA.

1. Auctoritas Concilij Pisani à Maimburgo adducta. 595
2. Hujus Concilij auctoritatem multis ex capitibus dubiam esse & incertam, evidentibus argumentis ostenditur, & auctoritate ipsius Concilij Constantiensis, ac etiam Maimburgi testimonio. 597
3. Nec tamen aliquid in Concilio Pisano aut decusum, aut factum, quod Pontificum in Concilia auctoritati derogare possit; & quæstionem in Concilio toto cælo ab ea distinctam esse, quæ modò inter nos veritur.



# INDEX.

4. Mala fides Maimburgi sententiam Parisiensis Universitatis perver-	606
--	-----

5. IV. Agitur de Concilio Constantiensi, & argumentis ex eo petitis responderetur.	607
--	-----

## SUMMARI A.

1. Exhibentur Concilij Constant. Acta suis temporibus distincta.	608
2. Larres Constant. circa auctoritatem Concilij in quinq; sententias divisi,	
quarum ultima & pejor, ac votis infrequentior Johannis Gersonis.	613
3. Oſto argumentis inſiſtisq; ostenditur, Decreta 4. & 5. Sess. necessario	
examine ac deliberatione caruisse, nec posse dici conciliariter facta.	619
4. Eadem Decreta ne in ipſo quidem Constantienſi Concilio, nec à Pa-	
tribus pro Decretis Oecumenici Concilij habita eſſe; testimonijs gra-	
viffimorum auctorum, qui Concilio intererant, ac etiam Gallorum	
alijs novem argumentis demonstratur.	626
5. Sed nec præfata 4. & 5. Sessionum Decreta à Martino V. Pontifice	
Max. eſſe confirmata.	634
6. Imò Concil. Constant. pro nobis eſſe quatuor argumentis evincitur.	637

5. V. Responderetur ad reliquas Maimburgi Objectiones.	643
--	-----

## SUMMARI A.

1. Responderetur ad ea, quæ Maimburgus Codicibus Manuscriptis oppo-	
nit.	643
2. Et ad Gersonis Auctoritatem.	645
3. Et ad Concilij Pisani.	650
4. Et ad argumentum ex titulo Oecumenici Concilij sumptum.	652

5. VI. Responderetur ad auctoritatem Basileensis Concilij, & Universita-	
tis Parisiensis.	660

## SUMMARI A.

1. Responderetur ad auctoritatem Basileensis Concilij.	660
2. Fruſtra Eccleſiæ Gallicanæ Auctoritatem in auxilium vocari, imò	
eam pro Pontifice ſteſſiſſe multis exemplis ostenditur, ac etiam con-	
feſſione ipſius Maimburgi.	668
3. An ex eo, quòd totum ſit majus ſua parte, concludatur, Concilium	
eſſe ſupra Papam? ubi cavillationes Maimburgi refutantur.	678
4. Inſignis Maimburgi fallacia in citando Pij II. testimonio.	681

# I N D E X.



## INDEX QUARTÆ DISSERTATIONIS.

**§. I.** Ex praxi, usuque Ecclesiæ, ac Phrasi, modoque loquendi omnium SS. Patrum ostenditur Pontificis Romani infallibilitas. fol. 687

### S U M M A R I A.

1. Summum Pontificem Infallibilem esse, ex omnium SS. Patrum Elo-  
gijs ostenditur. 688
2. Ex inductione omnium sæculorum, quibus quicunque Romano Pon-  
tifici obtemperabant, pro Orthodoxis. 693
3. Eos verò, qui non obtemperabant, pro Atheis & Hæreticis habitos  
esse demonstratur. 705
4. Ex usu & Praxi Pontificum, multa fidei Dogmata sine Concilio de-  
cidentium. 711
5. Ac hæreses plerasque absq; concursu Concilij Oecumenici damnan-  
tium; quod inductione probatur, Cerdonis, Valentini, Theodori,  
Montanistarum, Cataphrygum, Origenis, Cypriani. 717
6. Necnon Apollinaris, Joviniani, Ruffini, Pelagij, Nestorij, 720
7. Adstipulante ipsamet Synodo Chalcedonenſi. 730
8. Præterea ex damnatione Petri Cnaphæi Eurychiani, Monothelita-  
rum, Iconoclastarum, Photij, Berengarij, Abailardi, Lutheri, Michæ-  
lis Baji, Jansenij. 740
9. Ac novissimè Ludovici de Molines sub Innocentio XI Moderno PP.  
762
10. Tandem testimonio Bernonis Mon. S. Galli, postea Abbatis Augi-  
enſis. 765

**§. II.** Irrefragabilibus Patrum, Doctorum, & Universitatum Galliæ testi-  
monijs Romani Pontificis Infallibilitas probatur. 766

### S U M M A R I A.

1. Perperam annorum serie infallibilitatem Pontificis Romani universæ  
Ecclesiæ Gallicanæ persuasam fuisse ostenditur, & primò testimonio  
S. Irenæi Episcopi Lugdunensis. 767
2. Edicto Valentiniiani III. Imperatoris. 768
3. Auctoritate S. Aviti Episcopi Viennensis, 769
4. Secundæ Synodi Aurelianensis, & secundæ Turonensis. 769

5. S.

# INDEX.

5. S. Bonifacii Archiepiscopi Moguntini, Caroli Magni, & Alcuini.	769
6. Jesse Episcopi Ambianensis, Ludovici Pij Imperatoris, & alterius Synodi Turonensis, Servati Lupi, & Rheginonis Abbatis Prumiensis.	770
7. Concilij Trecentis, & Pontigonensis. Hincmari Archiepisc. Rhe- menfis.	772
8. SS. Anfelmi, Ivonis Carnotensis, Petri Cluniacensis, Bernardi, & Petri Cellensis postea Episcopi Carnotensis.	773
9. Concilij Lugdunensis primi & secundi, SS. Thomæ Aquinatis, Bo- naventuræ, & Augustini Triumphi.	774
10. Ex sententia Petri Alliacenfis Episc. Cameracensis, Concilij Con- stantiensis, & Florentini, Senonensis, & Melodunensis, ac tandem Pa- risiensis.	776
11. Ex litteris Cleri Gallicani ad Innocentium X.	781
12. Ex thesibus PP. Societatis in Collegio Claremontano, & in Sorbo- na propugnatis, & præsertim testimonio Petri de Marca Archiepisc. Parisiensis.	783
13. Ex assertione ipsius P. Maimburgi in sermonibus impressis.	786
14. Tandem ex auctoritate & consuetudine antiquissima ipsius Univer- sitis Parisiensis, & scholæ Sorbonicæ.	787

§. III. Responderetur ad ea, quæ Maimburgus Infallibilitati Pontificiæ opponit. cap. 6. 7. 8. 9. 10. 11. 12.	790
---	-----

## SUMMARIA.

1. Ostenditur, pro Maimburgi sententia militare paucissimos, pro nostra omnis Regionis, ætatis, & ordinis Patres & Doctores.	791
2. Petrum errasse, non in doctrina, sed in conversatione & exemplo.	795
3. Diffidium Victoris Papæ cum Asiæ Episcopis infallibilitati Pontifi- cis Rom. eximie patrocinari demonstratur testimonijs Eusebij, Sozo- meni, Irenæi, & Concilij Nicæni.	797
4. Ex Cypriani Historia Infallibilitatem Pontificiam potius firmari, quàm everti sex evidentibus argumentis elucescit.	801
5. Liberij metu dolisque circumventi causam infallibilitati Pontificiæ frustra opponi, quatuor solidis argumentis evincitur.	807


## INDEX.

S. IV. Responderetur ad alias Maimburgi oppositiones à capite 13.  
fol. 812

## SUMMARIA.

<u>1. Responderetur ad Decretum Cœlestini III.</u>	<u>812</u>
<u>2. Et ad Definitionem Innocentij III.</u>	<u>813</u>
<u>3. Et ad errores Johannis XXII.</u>	<u>814</u>
<u>4. Et denique ad sermonem Pauli IV. in consistorio habitum.</u>	<u>816</u>

## FINIS.



ANT 1.316.698





XV. C. 30.

7033

